

پریو ایسو

را پارام

پوئتر انجیل

پوئتر شاستر رو نوو قرار
پارکری بولی ۾

انجیل رو ای ترجمو
چرچ آف پاکستان حیدرآباد ڈائیسس
ان رومن کیتلک حیدرآباد ڈائیسس
بیئون را پاها ٿی ٿیل سہ

پاکستان بائبل سوسائٹی
انارکلی، لاهور

The New Testament in Parkari

First Edition

Bible Illustrations by Horace Knowles
© The Bible Society
Swindon, England 1954, 1967, 1972

except

Illustrations on pages 593, 751, 906, and 977
© David C. Cook Foundation
Used by permission

Translated by
the Church of Pakistan, Hyderabad Diocese
and the Roman Catholic Diocese of Hyderabad

Published by
Pakistan Bible Society
Anarkali, Lahore — 54000

Karachi Office
Fatima Jinnah Road
P.O. Box 10405
Karachi — 75530

ISBN 969-25-0390-9

HONEST PRINTERS
Ghora Hospital Lahore.

Date Printed 1996
Number Printed 2000

پوټر انجيل را كتاب

پونيو	كتاب	پونيو	كتاب
854	تيمټيس رو پيرهون كت	9	متي رو لکل شاستر
871	تيمټيس رو پيزو كت	145	مرقس رو لکل شاستر
884	طيطس رو كت	232	لوقا رو لکل شاستر
892	فليمون رو كت	373	يوحنا رو لکل شاستر
897	عبرانيون رو كت	473	مک شيلون را کوم
948	يعقوب رو لکل كت	602	روميون رو كت
965	پطرس رو لکل پيرهون كت	665	کرنټيون رو پيرهون كت
984	پطرس رو لکل پيزو كت	723	کرنټيون رو پيزو كت
995	يوحنا رو لکل پيرهون كت	761	گلتيون رو كت
1011	يوحنا رو لکل پيزو كت	783	افسيون رو كت
1014	يوحنا رو لکل ترټمو كت	803	فليپون رو كت
1017	يهوداه رو لکل كت	818	کلسيون رو كت
1023	ډرشن	833	تسلنيکيون رو پيرهون كت
		846	تسلنيکيون رو پيزو كت

هزموټي ان نقشا

4	اينا ترجما را پارام هزموټي
5	انجيل را زمونا ري کاس واتون
7	يهوديون را ملک رو ان يروشلم شهر رو نقشو
598	مک شيلو پولوس ربي حياتي ان کوم
1095	پوټر انجيل را کاس وين
1108	پوټر انجيل را کاس مزمون ان حوالا
1118	زونا قرار رون کتابون را نوم

اِئنا ترچما را پارام هزموئئي

* اي ڪتاب وِشواسيون را پويتر شاستر را نوا قرار رو ترجمو سئ. نوا قرار نئ پويتر انجيل پڻ ڪئھ. اصلي انجيل يوناني بولي ۾ لکل هئئي، ان اي ترجمو اصلي يوناني بولي ٿي ڪرل سئ.

* اي ترجمو رومن ڪيٿلڪ حيدرآباد ڊائيسس ان چرچ آف پاڪستان حيدرآباد ڊائيسس پيئون را طرف ٿي ٿيل سئ.

* اِئنا ترچما ۾ اصلي مطلب هورئ نمونئ لکل سئ. اصلي مطلب ساوو ڪريا هارو يوناني بولي رو ڪيڏا رو ڍاڙو ساڏين پارڪري بولي رو ڪيڏا رو ڍاڙو ليدل سئ، ان ڪيٿڪ ڪيٿڪ اصلي بولي ٿي ڪئينڪ وڌارئ ويڻ پڻ لکل سئ. ڪئينڪ اصلي بولي ٿي هيڪ ٿي وڌارئ مطلب نيھري هيڪئھ. اِئنا ترچما ۾ اوئون موئين ٿي روگو هيڪ مطلب لکل سئ.

* اصلي بولي رو پورو مطلب هزما هارو پويتر شاستر را پارام هزمايا واڙا ڪتاب پٿوو ڪپئ. ان يوناني بولي پڻ شيڪوو ڪپئ.

* اصلي بولي ۾ پويتر شاستر را ٽائيتل ان نمپر لکل نتا. ٽائيتل ان نمپر اِئنا ترچما ۾ تيام لکل سئ زم واتون گوتيام هوري تئ. ٽائيتل اِئنا هارو پڻ لکل سئ زم وات وڌارئ هورئ نمونئ هزمايم اوئ.

* منڪ زونا وڪت ۾ اصلي شاستر را نقل هات ٿي لڪي لڪين ناوتا. تيام ڪيٿڪ ڪيٿڪ ڌار ڌار نقل ناوتون ڪتابون ۾ ويٺون رو ڪئينڪ قرق ٿي گيوھ. جيٽئ گهٽون ويٺون رو قرق ٿيوھ، اِئنا ترچما ۾ هائي ويڻ پريڪيت () ۾ لکل سئ. پڻ جيٽئ هاو ٿوڙون ويٺون رو قرق ٿيوھ، اوئ اِئنا ترچما ۾ پريڪيت ڏيڏل ٿي.

* اِئنا ترچما ۾ اڳلوڪا ماپ ري جگا ۾ همٿوڪو ماپ لکل سئ، ان اڳلوڪون پيھون ري جگا ۾ همٿوڪا پيها لکل سئ. ايسو را زمونا ۾ هيڪ 'دينار' هيڪا ڏي ري مزوري رٿ پراير هتو. تيام همٿوڪي هيڪا ڏي ري مزوري پرموئئ هيڪ 'دينار' پنجاه روپيون هرڪو راکل سئ.


انجيل را زمونا ري کاس واتون

(سالون رو حساب کيٽڪ اندازا پرموٽه کرل سئ)

نوٽ: پريو ايسو ٿي گهٽون سالون کيٽر هيڪڙ ديونيسيٽس نومي منک ايسو رٿه زلميا را توٿا را پارام کوجنا کرين حساب کريو جي هائي وات ٿيا نٿه 532 سال ٿيا هه. تيام اوٿا سال نٿه 532ع کين اوٿه عيسوي سن شروع کريو. همٿه تو کپر سئ جي هايا منک رو حساب سوک سال گهٽ هتو، توٿي پڻ از هوڏي عيسوي سن هايا منک را حساب پرموٽه وٿه ريو.

سال	وات	حوالو
37ع مور	هيروڊيس پادشا يهوديه ملڪ مانه راز کروا مڏهه	متي 1:2
27ع مور	رومي پادشا قيصر اوگستس راز کروا مڏهه	لوقا 1:2
6ع مور	يوحنا پويتر سنون ڏيڏا واڙا رو زلم	لوقا 1:5-79
"	ايسو رو زلم	لوقا 1:2-39، متي 1:2
5ع مور	يوسف ايسو نٿه مصر ملڪ ۾ لي زائهه	متي 2:13-18
4ع مور	هيروڊيس پادشا رو موت	متي 2:19
"	هيروڊيس (انٽپاس) گليل مانه راز کروا مڏهه	لوقا 3:1
3ع مور	يوسف ايسو نٿه ناصرت شهر ۾ لي زائهه	متي 2:19-23
5ع	ايسو مان باپ پيٽرو يروشلم شهر ۾ زائهه	لوقا 2:41-52
"	پولوس رو زلم	
11-14ع	تيريس قيصر رو رومي صوبيون مانه راز	لوقا 3:1
14ع	رومي پادشا قيصر اوگستس رو موت	
14-37ع	رومي پادشا تيريس قيصر رو راز	لوقا 3:1
26-36ع	پينطس پيلاطس رو يهوديه مانه راز	لوقا 3:1
26ع	يوحنا پويتر سنون ڏيوا مڏهه	لوقا 3:1-18
"	ايسو پويتر سنون لئهه	لوقا 3:23
"	ايسو پڳوون رو ڏيڏل كوم کروا مڏهه	لوقا 3:1-18
27ع	يوحنا جيل ۾ پورائي زائهه	لوقا 3:19-20
29ع	يوحنا پويتر سنون ڏيڏا واڙا رو موت	متي 14:1-12
30ع	ايسو رو موت، ان جيوي اُونوو	متي 27:28-32، 10:28
"	ايسو آڪاش مانه سڙي زائهه	لوقا 24:44-51


کوم 13-1:2	پوټر آتما شيلون مانه اوترئه	ع30
کوم 41-14:2	مک شيلو ايسو رو پزاوول کوم کروا مڏئه	"
کوم 1:8-57:7	استيفنس وشواس راکيا ري کري مرئه	ع35
کوم 1:8	وشواسيون مانه ظلم ٿيو مڏئه	"
کوم 19-1:9	پولوس پريو ايسو مانه وشواس اوٽئه	"
کوم 23-1:12	هيروديس (اگرپا) راز کرئه	ع44-37
	هيروديس (انتياس) رو گليل مانه راز کتم ٿئه	ع39
کوم 2-1:12	يعقوب وشواس راکيا ري کري مرئه	ع44
کوم 17-3:12	پطرس جيل م پورائه ان سوتي زائه	"
کوم 23-20:12	هيروديس (اگرپا) رو موت	"
کوم 28:14-4:13	پولوس رو پيرهون چکر	ع48-46
کوم 29-1:15	يروشلم شهر م وشواسيون رٿي پنچائيت	ع49
کوم 22:18-40:15	پولوس رو پيزو چکر	ع52-50
کوم 17:21-23:18	پولوس رو ترٿمو چکر	ع57-53
کوم 10:23-27:21	پولوس يروشلم شهر م زهلائي زائه	ع57
کوم 31-30, 16:28	پولوس روم شهر م قيدي ٿئه	ع60
فليپون 24:2, 19:1	پولوس قيدي ٿي سوتئه	ع62
طيطس 5:1	پولوس رو چارمو چکر	ع67-62
2 تيمٿيس 8:1	پولوس پيزي وار روم شهر م قيدي ٿئه	ع67
2 تيمٿيس 8-6:4	پولوس وشواس راکيا ري کري مرئه	ع68
يوحنا 19-18:21	پطرس وشواس راکيا ري کري مرئه	"
لوقا 24-20:21	رومي قوج يروشلم شهر نء کتم کرئه	ع70
ٿرشن 9:1	يوحنا پتمس بيت مانه باروتام رئه	ع95-90



ايسورا زمونا پر
يهوديون را ملک
رو نقشو



یروشلم



کتی ډکون 1200 1100 1000 900 800 700 600 500 400 300 200 100

مٽي را لکل شاستر رٽي هزموٽي

شاستر لکيا واڙو

شاستر را ايٽا ڪتاب ۾ لکيا واڙا رو نوم ڪيٽه نٽي لکل، پڻ شروع ٿي لين منک ام هزمٽه جي مٽي نومي ايسو رٽه مک شيله اي ڪتاب لکيوه. مٽي حلفي رو ڏيکرو هتو ان اوٽا رو پيزو نوم لاوي هتو (مرقس 2:14، لوقا 5:27). او يهودي قوم رو هتو ان ناڪو ليذا واڙو هتو (مٽي 9:9). اوٽا وکت ۾ يهودي قوم رون منکون مانه رومي حڪومت رو راز هتو. تيام يهودي قوم را منک ناڪو ليذا واڙون ٿي شپ ڪرتا، ڪم تو او ڌاري قوم ري حڪومت هارو ناڪو ليذا ان آيري قوم رون منکون مانه ظلم ڪرتا (مٽي 9:10-11، مرقس 2:15-16، لوقا 5:30). زئون ايسو مٽي نه شيلو ٿيا رو ڪيڏو، تو اوٽه آيرو ڏندو ساڏيو پرو ان ايسو رو شيلو ٿين اوٽا وونهڙ وويو (مٽي 9:9، مرقس 2:14، لوقا 5:28). تيا ڪيڙ زئون ايسو آيرون ٻڌون شيلون موئين ٿي پارون زتون نه مک شيلو ٿيا هارو سونديا، تو اوٽه مٽي نه پڻ مک شيلو سونديو (مٽي 10:3، مرقس 3:18، لوقا 6:15).

زم پزن لکيا ۾ لکيا واڙو آيرا پارام ”هون“ نٽي ڪيتو پڻ آيرو نوم لئه، تم ايٽا ڪتاب ۾ زئون مٽي آيرا پارام بولئه ريو، تو او پڻ آپ نه هون نٽي ڪيتو پڻ آپ نه مٽي ڪهه (مٽي 9:9، 3:10).

گهڻي ايوي واتون سه جي مٽي را، مرقس را، ان لوقا را لکل شاستر ۾ هاڳي ري هاڳي سه. لوقا آپ لکيو جي آپ مور گهڻي منکي ايسو را پارام لکيو تو (لوقا 1:2). تيام اندازو سه جي مٽي ان لوقا پيئي مرقس رو لکل شاستر پڻيو تو، ڪا ترڻي زڻي ايسو را پارام اڳي لکل واتون پڻي تي، ان پس آيرا لکل شاستر ۾ ڪئينڪ اڳلوڪي لکل واتون ان ڪئينڪ نوي واتون پڻ لکي. پڪي ڪپر نٽي جي مٽي اي ڪتاب ڪيون لکيو، پڻ 50-80ع را وس ۾ لکيو هوشي.

شاستر ڪيون منکون هارو لکيو

ام لاڳهه جي مٽي شاستر رو اي ڪتاب ڪاس ڪرين يهودي قوم رون منکون هارو لکيو، ڪم تو ايٽا ۾ گهڻي واتون لکل سه جي يهوديون نه هورٽه نموننه هزميام اوٽه. يهودي منک شاستر را زونا قرار ٿي هزمتا جي اوٽون ري قوم موئين ٿي پڳوون ڪياڪ نه ميلشي جيو دائود پادشا رو وستار هوشي ان پڳوون رو سونديل پچايا واڙو هوشي، جيا نه ”ڪريست“ ڪهه. مٽي ايٽا ڪتاب ري شروع ۾ ڪهه جي ايسو پڳوون رو سونديل پچايا واڙو ڪريست سه، ان يهودي قوم را ڏاڏا ابراهيم رو وستار ان دائود پادشا رو وستار پڻ سه (مٽي 1:1). مٽي ايسو رٽي پيڏي لکئي، جيا ٿي ٿايتي ٿهه جي ايسو ابراهيم رو وستار ان دائود پادشا رو وستار پڻ سه (مٽي 1:2، 1:6، 1:16). ان اوٽه شاستر را زونا قرار را گهڻا حوالا ڏيڏا، جيا ٿي ٿايتي ٿهه جي

ايسو هاس ۾ ڀڳوونَ رو سُونِڊل پڇايا واڙو ڪريست سٺ (مثال، متي 1:22-23، 2:5-6، 2:15 ان پڙا گهڻا حوالا).

شاستر لکيا رو مطلب

متي شاستر رو اي ڪتاب ڪاس ڪرين ايتا هارو لکيو، زم آڀري يهودي قوم رون منڪون هارو ٿاڻي تڻه جي ايسو هاس ۾ ڀڳوونَ رو سُونِڊل پڇايا واڙو ڪريست سٺ، جيا را پارام اڳي شاستر ۾ لکل هتو. تيام زئيون متي ايسو ري پيڊي رٿي وات ڪرڻه، تئيون او يهودي قوم را ڏاڏا ابراهيم ٿي لين ايسو هودِي پيڊي را نوم لڪڻه. (متي اي شاستر يوناني بولي ۾ لکيو. يوناني بولي ۾ ويڻ ”ڏيڪرو“ پوترا هارو پڻ واپرائڻه، ان تيام پيڊيون ۾ ويڻ ”ڏيڪرا“ رو ترجمو ”وستار“ ڪرل سٺ. وستار رو مطلب ڪيٽڪ ڏيڪرو سٺ ان ڪيٽڪ پوترو سٺ.) متي اي وات پڻ ساوئي ڪرين ڏيڪارڻه، جي ايسو نه روڳو آڀري يهودي قوم واڙون هارو آيوه پڻ ٻڌون ڌاري قوم واڙون هارو پڻ آيوه. تيام اوڻه ايتا ڪتاب ري شروع ۾ لکيو جي ڌاري قوم را نزومي شيئا ملڪ ٿي ايسو رٿي پوزا ڪروا آيا (متي 2:1-12)، ان ايتا ڪتاب ري پڇاڙي ۾ لکيو جي ايسو را پارام ڪشي رٿي ڪبر پوري دنيا ۾ همپڙاوو ڪيڻه (متي 28:18-20). متي ايسو ري شيڪارل واتون مانه گهڻو ڏيون ڏڻه، ان ايتا ڪتاب ۾ ايسو ري شيڪارل واتون را پونس موتا حصا سٺ (متي 5:3-7، 10:5-42، 13:3-52، 18:3-35، 24:4-25:46).

متي ايتا ڪتاب ۾ پريو ايسو رٿي اي ڪيڏل وات پڻ لکڻي جي ڀڳوونَ رو گهر ڪتم ٿيشي (متي 24:1-35). هائي ڪيڏل وات 70ع ۾ پورڻي ٿي، زئيون رومي قوج يروشلم شهر ۾ آوين ڀڳوونَ رو گهر ڪتم ڪريو پرو. هايا ٿي ڀڳوونَ يهودي ڌرم رو مال ساڙيا رو نمونو ڪتم ڪريو پرو، ان يهودي ڌرم رون اوڻون منڪون نڻه سزا ڏيڻي، جيا ايسو نڻه ڀڳوونَ رو سُونِڊل پڇايا واڙو ڪريست نتا موتا. هيون نمونن ڀڳوونَ آپ ٿاڻي ڏيڻي جي ايسو هاس ۾ ڀڳوونَ رو سُونِڊل پڇايا واڙو ڪريست سٺ، جيئن ٻڌون منڪون رون ڏوهون ري ماڻي هارو آڀرو جيو ڀڳوونَ را نوم مانه ڏيڻوه.

ايتا ڪتاب موئين اي حصا سٺ:

ايسو رٿي پيڊي، زلم ان باڙاپڻ	23:2-1:1
يوحنا پويتر سنون ڏيڏا واڙو پريو ايسو را آيا هارو منڪون نڻه تيار ڪرڻه	12-1:3
ايسو پويتر سنون لڻه ان شيطون اوڻا نڻه ڀڳوونَ ري مرضي ٿي ڦيرووا ڪرڻه	11:4-13:3
ايسو گليل صويا موئين ڀڳوونَ رو ڪوم ڪرڻه	12:14-12:4
ايسو ڌاريون قومون رون ملڪون ۾ زائين ڀڳوونَ رو ڪوم ڪرڻه	21:17-13:14
ايسو وڙي گليل صويا موئين ڀڳوونَ رو ڪوم ڪرڻه	35:18-22:17
ايسو گليل صويا ٿي يروشلم شهر هومو زائڻه	34:20-1:19
يروشللم شهر ۾ ايسو رو آڪري هتو	66:27-1:21
ايسو جيوي اونڻه، ڏيڪارڙا ڏڻه ان شيلون نڻه هيڪ ڪاس ڪوم پڙاوڻه	20-1:28

ايئا كتاب را شاستر تي پيزا حوالا:


متي 21:23 استشنا 33:5	متي 2:1 پيدائش 3:21
متي 24:21 خروج 38:5	متي 2:1 پيدائش 26:25
متي 20:24 احبار 38:5	متي 2:1 پيدائش 26-23:35, 35:29
متي 21:19 استشنا 38:5	متي 3:1 پيدائش 30-27:38
متي 18:19 احبار 43:5	متي 6-3:1 روت 22-18:4
متي 32-1:14 احبار 4:8	متي 5:1 يشوع 25-22:6, 24-1:2
متي 4:53 يسعياه 17:8	متي 5:1 روت 17-13:4
متي 14-13:7 داني ايل 20:8	متي 6:1 2 سموئيل 27-2:11, 24:12
متي 6:6 هوسيع 13:9	متي 11-6:1 1 تواريخ 16-10:3
متي 25:15 احبار 20:9	متي 11:1 2 سلاطين 16-10:24
متي 28-1:19 پيدائش 15:10	متي 12:1 1 تواريخ 19-17:3
متي 6:7 ميگاه 36-35:10	متي 23:1 يسعياه 14:7
متي 1:3 ملاكي 10:11	متي 6:2 ميگاه 2:5
متي 5:4 ملاكي 14:11	متي 15:2 هوسيع 1:11
متي 10-8:20 خروج 2:12	متي 18:2 يرمياه 15:31
متي 6-1:21 سموئيل 4-3:12	متي 23:2 يوحنا 46:1
متي 6:6 هوسيع 7:12	متي 23:2 زبور 6:22
متي 4-1:42 يسعياه 21-18:12	متي 23:2 زبور 9-7:69
متي 17:1 يوناه 40-39:12	متي 23:2 يسعياه 3:53
متي 5:3 يوناه 41:12	متي 3:3 يسعياه 3:40
متي 1:10 سلاطين 42:12	متي 4:4 استشنا 3:8
متي 1:9 تواريخ 42:12	متي 6:4 زبور 12-11:91
متي 10-9:6 يسعياه 15-14:13	متي 7:4 استشنا 16:6
متي 2:78 زبور 35:13	متي 10:4 استشنا 13:6
متي 16:18 احبار 4:14	متي 16-15:4 يسعياه 2-1:9
متي 12:20 خروج 4:15	متي 21:5 خروج 13:20
متي 16:5 استشنا 4:15	متي 27:5 خروج 14:20
متي 17:21 خروج 4:15	متي 31:5 استشنا 1:24
متي 9:20 احبار 4:15	متي 33:5 احبار 12:19
متي 13:29 يسعياه 9-8:15	متي 33:5 گنتي 2:30

متي 35:23 2 تواريخ 20:24-22	متي 4:16 متي 39:12-40
متي 39:23 زبور 26:118	متي 4:16 يونا 17:1
متي 15:24 داني ايل 27:9	متي 14:16 ملاڪي 5:4
متي 15:24 داني ايل 31:11	متي 11:17 ملاڪي 6-5:4
متي 15:24 داني ايل 11:12	متي 12:17 متي 14:11
متي 29:24 يسعيا 10:13	متي 24:17 خُروج 16-11:30
متي 29:24 يسعيا 4:34	متي 16:18 استشنا 15:19
متي 30:24 داني ايل 14-13:7	متي 4:19 پيدائش 27:1
متي 39-37:24 پيدائش 23-6:7	متي 5:19 پيدائش 24:2
متي 24-23:26 زبور 9:41	متي 8-7:19 استشنا 4-1:24
متي 28:26 خُروج 8-6:24	متي 19-18:19 خُروج 16-12:20
متي 28:26 يرميا 34-31:31	متي 19-18:19 استشنا 20-16:5
متي 31:26 زڪرياه 7:13	متي 19:19 اخبار 18:19
متي 54:26 زڪرياه 7:13	متي 5:21 زڪرياه 9:9
متي 64:26 داني ايل 14-13:7	متي 9:21 زبور 26:118
متي 66-65:26 اخبار 16:24	متي 12:21 خُروج 16-13:30
متي 10-9:27 يرميا 2-1:18	متي 13:21 يسعيا 7:56
متي 10-9:27 يرميا 8:32	متي 13:21 يرميا 11:7
متي 10-9:27 زڪرياه 13-12:11	متي 16:21 زبور 2:8
متي 34:27 زبور 21:69	متي 42:21 زبور 23-22:118
متي 35:27 زبور 16:22	متي 24:22 استشنا 6-5:25
متي 35:27 زبور 18:22	متي 32:22 خُروج 6:3
متي 39:27 زبور 7:22	متي 37:22 استشنا 5:6
متي 41:27 زبور 7:22	متي 39:22 اخبار 18:19
متي 43:27 زبور 8:22	متي 44:22 زبور 1:110
متي 46:27 زبور 1:22	متي 5:23 استشنا 8-6:6
متي 48:27 زبور 21:69	متي 5:23 گنتي 40-37:15
	متي 35:23 پيدائش 8:4

متي

رو لکل پرپو ايسو را پارام

پويتر شاستر



ايسو رئي پيدئي، زلم ان پاراپن

ايسو کريست رئي پيدئي

(متي 1:1-17، لوقا 3:23-38)

- 1 ① اي ايسو کريست ري پيدي را نوم سئم، جيو دائود پادشا رو وستار، ان ابراهيم رو وستار پڻ سئم.
- ② ابراهيم رو وستار اِضحاق هتو. اِضحاق رو وستار يعقوب هتو. يعقوب رو وستار يهوداه ان اوئا را پائي هتا. ③ يهوداه رو وستار فارص ان زارح هتا. يهوداه اوئون رو پاپ هتو، ان اوئون رئي مان تمر هتئي. فارص رو وستار حصرون

هتو. حصرون رو وستار رام هتو. ④ رام رو وستار عمينداب هتو. عمينداب رو وستار نحسون هتو. نحسون رو وستار سلمون هتو. ⑤ سلمون رو وستار بوغز هتو. سلمون اوئا رو داڏو هتو، ان اوئا رئي داڏئي راحب هتئي. بوغز رو وستار عوبيد هتو. بوغز اوئا رو پاپ هتو، ان اوئا رئي مان روٽ هتئي. عوبيد رو وستار يسي هتو. ⑥ ان يسي رو وستار دائود پادشا هتو.

دائود پادشا رو وستار سليمان هتو. دائود اوئا رو پاپ هتو، ان اوئا رئي مان اورياه رئي ڏوشي هتئي. ⑦ سليمان رو وستار ربحعام هتو. ربحعام رو وستار ابياه هتو. ابياه رو وستار آسا هتو. ⑧ آسا رو وستار يهوسفط هتو. يهوسفط رو وستار يورام هتو. يورام رو وستار عزياه هتو. ⑨ عزياه رو وستار يوتام هتو. يوتام رو وستار آخز هتو. آخز رو وستار حزقياه هتو. ⑩ حزقياه رو وستار منسي هتو. منسي رو وستار امون هتو. امون رو وستار يوسياه هتو. ⑪ ان يوسياه رو وستار يڪونيا ان اوئا را پائي هتا، جيا اوئا وڪت ۾ هتا زئيون اسرائيلي قوم نئه قيدي ڪرين بابل ملك ۾ لي ڳيا.

⑫ اسرائيلي قوم رئه بابل ملك ۾ قيدي ٿين زايا ڪيڙ، يڪونيا رو وستار سيالتي ايل هتو. سيالتي ايل رو وستار زربابل هتو. ⑬ زربابل رو وستار ابيهود هتو. ابيهود رو وستار الياقيم هتو. الياقيم رو وستار عازور هتو. ⑭ عازور رو وستار صدوق هتو. صدوق رو وستار اخيم هتو. اخيم رو وستار اليهود هتو. ⑮ اليهود رو وستار اليعزر هتو. اليعزر رو وستار متان هتو. متان رو وستار يعقوب هتو. ⑯ ان يعقوب رو وستار او يوسف هتو، جيو ماريون رو آدمي هتو. ان ماريون تي ايسو پيدا ٿيو، جيا نئه پڳوون رو سونڊل پچايا وازو ڪريست ڪئو.

⑰ هيون نمونئ هتي پيڊي ڳڻين ابراهيم تي لين دائود هوڏي سئوڏئ پيڊي تي، دائود تي لين بابل ملك ۾ قيدي ٿيا هوڏي سئوڏئ پيڊي تي، ان بابل ملك ۾ قيدي ٿيا تي لين پڳوون را سونڊل پچايا وازا ڪريست هوڏي سئوڏئ پيڊي تي.

ايسو گريست رو زلم

(متي 18:1-25، لوقا 1:2-7)

⑱ ايسو گريست رو زلم ايوئه نمونئه ٿيو. اوثا ري مان ماريون رو هڳپڻ يوسف ٿي ٿيل هتو. پڻ اوثون رئه ويوا ڪريا ٿي مور ماريون پويتر آتما ري ڪڙا ٿي پاري پڳ ٿي گڻي. ⑲ اوثا رو آدمي يوسف پڳوون ري وات مانه وودا واڙو منڪ هتو، ان اوثا رئي مرضي نٿي جي منڪون ۾ ماريون رئي پڌنومي ٿئ. تيام اوثه ماريون نئه ساڏيا رو ان ماٺ ماٺ ۾ لڪي ڏيڏا رو قينصلو ڪريو. ⑳ پڻ زئيون يوسف هايون سوچون ۾ هتو، تئيون ايشور رئه آڪاشي ڏوت اوثا نئه شپنا ۾ ڏيڪاڙو ڏيڏو، ان اوثا نئه ڪيڏو: ”او يوسف، دائود پادشا را وستار، ماريون ٿي ويوا ڪريا ٿي مت پيئا، ڪم تو جيو باز اوثا را پيت ۾ سئ، او پويتر آتما ري ڪڙا ٿي ٿيوه. ㉑ او سوڪرو زلمشي، ان تون اوثا رو نوم ايسو راڪي، جيا رو مطلب سئ ’پريو پچاوئو، ڪم تو او آپري قوم رون منڪون نئه ڏوهون را قوضا ٿي سڏاوين پچاوشي.“

㉒ هائي ٻڌوئي ڪئين ايئا هارو ٿيو، زم ايشور رئي اي وات پورئي ٿئ، جيئي وات اوثه آپرو نياپو ڏيڏا واڙا هات ڪيڏي ٿي:

㉓ ”زوئو، هيڪ ڪونٿارئي پاري پڳ ٿيشي،

ان او سوڪرو زلمشي.

ان اوثا رو نوم عمانوئيل راڪشي.“

”عمانوئيل“ رو مطلب سئ ”پڳوون آپون پيڙو.“

㉔ زئيون يوسف اونگه ٿي اونيو، تئيون زم ايشور رئه آڪاشي ڏوت يوسف نئه ڪريا رو ڪيڏو تو، همروم يوسف ڪريو، ان ماريون ٿي ويوا ڪرين اوثا نئه آپرا گهر ۾ راڪي. ㉕ پڻ زئيون هوڏي ماريون سوڪرو نه زلميو، تئيون هوڏي يوسف اوثا پيڙو نه هوتو. ان زئيون سوڪرو زلميو، تئيون اوثه

سوڪرا رو نوم ايسو را ڪيو.

اڳوڻيا ملڪ تي نزومي ايسو رڻي پوزا ڪروا اوڻه

2 ① هيروديس پادشا را راز ۾ زئيون ايسو يهوديه صوپا را بيت لحم شهر ۾ زلميو، تو تيا ڪيتر ڪئينڪ نزومي اڳوڻيا ملڪ تي اوچتا يروشلم شهر ۾ آيا. ② او آوين ام پونسوا لاگيا: ”او پاڙ ڪيڻه سئه، جيو يهوديون رو پادشا تيا هارو پيدا ٿيوه؟ ڪم تو امي اوڻا را زلم را نيشون رو تارو اوڳتون ڏيڪيو تو، ان امي اوڻا رڻي پوزا ڪروا آياھ.“

③ هيروديس پادشا نئه زئيون هايا وات رڻي ڪهر پڙئي، تئيون او الاهي گهڻو پريشون ٿيو، ان يروشلم شهر را ٻڌائي منڪ پڻ گهڻا پريشون ٿيا. ④ تيام اوڻه يهودي قوم رون ٻڌون موتون پوزاريون نئه ان شاستر زوڻيا واڙون نئه آپ ڪن تيزاوين اوڻون تي پونسو: ”شاستر پرموڻه پڳوون را سونڊل پچايا واڙا ڪريست رو زلم ڪيڻه ٿيشي؟“ ⑤ تو اوڻي وڙندڻي ڏيڏئي: ”يهوديه صوپا را بيت لحم شهر ۾. ڪم تو شاستر ۾ پڳوون آڀرو نياپو ڏيدا واڙا ري هاتي ام لڪايو:

⑥ بيت لحم شهر، جيو يهوديه علاقا ۾ سئه،

او يهوديه رون موتون شهرون ۾ گهڻا مون واڙو سئه.

ڪم تو اوڻه هيك ايوو آڳيوون پيدا ٿيشي

جيو ماري سونڊل اسرائيلي قوم رڻي همپار ڪرشي.“

⑦ تئيون هيروديس پادشا مات مات ۾ هايون نزوميون نئه نوڪلائي ۾ آپ


ڪن تيزايا، ان اوڻون تي ڪهر پاڙئي جي او تارو ڪيڏي

ڏيڪيام آيو تو. ⑧ ان پسئه اوڻون نئه ام ڪين بيت

لحم شهر ميليا پرا: ”تمي زائو، ان زائين سوڪرا نئه

نائوڪئه نمونئه ڳوتو. ان زئيون زڙئه، تو مون نئه

ڪهر ڏيا، زم هون پڻ زائين اوڻا رڻي پوزا ڪرون.“



⑨ نڙومي هيروديس پادشا ري واتون مونيڻ رونا ٿيا. ان زوٽو، او تارو جيا نئه اوئي اوڳتون ڏيکيو تو، او وڙي ڏيکيام آيو. ان تارو اوئون مور مور ويتو ريو، زئيون هوڏي اوئا جگا مانه نه پوتيو جيئنه ٻار هتو، ان تارو اوئنه زائين اوپي ريو. ⑩ نڙومي هائي تارو وڙي ڏيکين، الاهي گهڻا ڪش ٿيا. ⑪ ان گهر ۾ زائين اوئي ٻار نئه اوئا ري مان ماريون ڪن ڏيکيو، ان ٻار ري پڳي پڙين اوئا رئي پوزا ڪري. ان اوئي آپري پيئي ڪولين اوئا نئه قيمتي ڏون ڏيڏا، جيا هيم، لوپون ان پوز نومي وڻ رو قيمتي ڳونڊ هتو. ⑫ پسئ نڙومي پيزو مارڳ لين آپرا




ملڪ هوما رونا ٿيا، ڪم تو پڳوون اوئون نئه شپنا ۾ هوشيار ڪريا تا جي او هيروديس پادشا ڪن وڙي پاسا نه زائنه.

يوسف ماريون نئه ان ايسو نئه تيرين

مصر ملڪ ۾ پاڳي زائنه

⑬ زئيون نڙومي گيا پرا، تئيون ايشور رئه هيڪئه آڪاشي ڏوت يوسف نئه شپنا ۾ ڏيڪاڙو ڏيڏو، ان ڪيڏو: ”اوني! سوڪرا نئه ان اوئا ري مان نئه تيرين مصر ملڪ ۾ پاڳي زا، ان زئيون هوڏي هون تون نئه نه ڪون، تئيون هوڏي تم اوتنه ريا. ڪم تو هيروديس پادشا سوڪرا نئه ڳوتين مراووا ڪرئه.“

⑭ تيا مانھ يوسف اُونين سوڪرا نئھ ان اُونا ري مان نئھ تيڙين رات تُو رات
مِصر ملك هومو پاڳي ڳيو. ⑮ ان زئيون هُوڌي هيروديس پادشا نه مريو، تئيون



هُوڌي اُو اُوٺ رو اُوٺ ريو. هائي وات ايٺا هارُو تئي، زم ايشور رئي اي وات
پورئي تئھ، جئي وات اوئھ آپرو نياپو ڏيڏا واڙا هات ڪيڏي تئي:
”مِصر ملك تي مئين آپرا ڏيڪرا نئھ تيڙايو.“

هيروديس پادشا ايسُو نئھ مرايا هارُو ننڪون ٻارون نئھ مراوئھ

⑯ زئيون هيروديس زويو جي نزومي اُونا ري چالاڪي تي پچي ڳياھ، تئيون اُونا
نئھ الاهي گهڻي رينھ سڙئي. ان اوئھ آپرون سپايون نئھ ميلين پيئون سالون رون
ان پيئون سالون تي گهٽ عمر رون ٻڌون سوڪرون نئھ مرايا پرا، جيا بيت لحم
شهر ۾ ان ايٺا رئھ آهئھ پاهئھ هتا. ڪم تو اوئھ نزوميون تي ڪٻر پاڙئي تئي جي
تارو ڪيڏي ڏيڪيام آيو تو، ان هايا پرموئھ سوڪرا ري عمر رو اندازو لڳايو.
⑰ تئيون پڳوون رو نياپو ڏيڏا واڙا يرمياه رئي اي ڪيڏل وات پورئي تئي:

⑱ ”رامه شهر ۾ رڙيون هومپڙيام آوي،

رويا رو ان گهڻا رُونڳا رو آواز هومپڙيام آيو.

راخيل آپرا وستار هارُو روئھ رئي،

ان اُو سونئي ريا رو نا پاڙئھ،

ڪم تو اُو مري ڳياھ.“

يوسف ماريون نئه ان ايسو نئه تيڙين مصر ملك تي پاسو اوئه

①9 زئيون هيروديس پادشا مري گيو، تئيون زوئو، ايشور رئه آكاشي دوت مصر ملك ۾ يوسف نئه شپنا ۾ ڏيڪاڙو ڏيڌو، ②0 ان ڪيڌو: ”اُوني! سوڪرا ان اوئا ري مان نئه تيڙين پاسو اسرائيليون را ملك ۾ زا پرو. ڪم تو جيا سوڪرا نئه مراووا ڪرتا تا، او مري گياھ.“

②1 تيا مانھ يوسف اوئين سوڪرا ان اوئا ري مان نئه تيڙين اسرائيليون را ملك ۾ پاسو آيو رو. ②2 پڻ زئيون اوئا نئه ڪهر پڙئي جي ارخلائوس آپرا ٻاپ هيروديس ري جگا ۾ يهوديه صوپا مانھ راز ڪريا واڙو ٿيوھ، تو يهوديه صوپا ۾ زايا ٿي پيئوٿو. تئيون پڳوون اوئا نئه شپنا ۾ وڙي وڌيڪ واتون هڙماوي، ان تيام او گليل را علاقا ۾ گيو پرو. ②3 ان اوئنه زائين ناصرت نومي شهر ۾ ريو. هيون نموننه پڳوون رو نياپو ڏيڌا واڙون رئي ڪيڏل وات ايسو مانھ پورئي ٿي، جي پڳوون رو سونڊل پچايا واڙو ڪريست اٿمونيتا شهر ناصرت رو ڪيوراشي.

يوحنا پويتر سنون ڏيڌا واڙو پريو ايسو را آيا هارو منڪون نئه تيار ڪرئھ

يوحنا پويتر سنون ڏيڌا واڙو منڪون نئه شيڪاڙوا شروع ڪرئھ

(متي 12-1:3، مرقس 1:1-8، لوقا 1:3-18، يوحنا 1:19-28)

① تيا ڪيڙ يوحنا پويتر سنون ڏيڌا واڙو يهوديه علاقا را رڻ ۾ آوين منڪون 3 نئه ام همپڙاوا لاگيو: ② ”آپرا ڪراپ ڪوم ساڌين توپونھ ڪرو ان پڳوون ري وات مانھ وو! ڪم تو ايشور را راز رو او توڻو ڏوڪڙو آيوھ زئيون ايشور ساونھ نموننه ٻڌون مانھ راز ڪرشي.“ ③ اي يوحنا او رو او منڪ سئھ جيا را



پارام پڳوون رو نياپو ڏيڏا واڙڻه يسعياه ام ڪيڏوه:
 ”رڻ موئين هڪا پوڪار پاڙيا واڙا رو آواز آوئڻه:
 پريو را آيا هارو آپ نئه تيار ڪرو!
 اوئا هارو آپرا شيرڙا سڏا ناووا!“

④ يوحنا را لوگهڙا اونئون ري زات را ناول هتا، ان اوئا ريون ڪڙيون ۾
 سونپڙا رو پتو پوندل هتو. ان اوئا رو ڪاڌو ٿيڏ ان مد هتئي. ⑤ تئيون يروشلم
 شهر تي ان پورا يهوديه صوپا ٿي، ان يردن ڌريا رڻه آهڻه پاهڻه ٻڌون علاقون
 تي منڪ اوئا ڪن آوا مڏيا. ⑥ ان او آپرا ڏوه مومين يردن ڌريا ۾ اوئا تي
 پويتر سنون ليتا.

⑦ پڻ زئيون يوحنا زويو جي فريسي پالتي ان صدوقي پالتي را گهڻا منڪ
 اوئا تي پويتر سنون ليوا آوئڻه ريا، تئيون اوئڻه اوئون نئه ڪيڏو: ”او منون رون
 پليتون، تمون نئه ڪيڻه ڪيڏوه جي تمي روڳا پويتر سنون ليڏا تي پڳوون ري
 آيا واڙي سزا تي پچي هڪوه؟ ⑧ جي پچيا هارو ڪروه، تو ايوا ڪوم ڪرو
 جيا تي ڪبر پڙڻه جي تمي هاس ۾ آپرا ڪراب ڪوم ساڏين توپونھ ڪرئيه ان
 پڳوون ري وات مانھ ووھ ريا. ⑨ ام مت هڙمو جي امي تو ابراهيم رو وستار

سون، ڪم نئين پڇون؟ 'ابراهيم رو وستار سو، تو ڪي ٿيو؟ پڳوون تو ايئون پوئون ٿي ابراهيم رو وستار ناوي هيڪڻه. ⑩ پڻ همئنه پڳوون منڪون نئه سزا ڏيڏا مانه سئه، زوئنه ڪوڪ وڻ را ٿر مانه ڪوئاڙو رئين اوپو هوئه. زم جيا وڻ موئين ميوا نٿي ٿيئا، اوئا نئه واڍه ان ڏيوٽام قڳوڙهه پرو، تم پڳوون اوئون نئه سزا ڏيشي جيا اوئا ري وات مانه نٿي وينا. ⑪ هون تمون نئه روڳو پوئي ٿي پويتر سنون ڏيونه، جيا ٿي وات ساوئي ٿه جي تمي اپرا ڪراپ ڪوم ساڏين توپونه ڪريه ان پڳوون ري وات مانه ويوا مڏياھ. پڻ جيو مون ڪيڙ اوئه ريو، او مون ٿي گهڻي ڪڙا واڙو سئه. هون تو ايئا رنه لائيق پڻ نٿي جي اوئا را زوڙا اوپاڙون. او تمون نئه پويتر آتما ان ڏيوٽا ٿي پويتر سنون ڏيشي، ان پڳوون رئي وات مونيا واڙون نئه پويتر ڪشي پڻ نه مونيا واڙون نئه سزا ڏيشي. ⑫ زم ڪوڪ تنگڙي لين اپرا ڪڙا مانه اوپهه، ان اپرو ڏون صاف ڪرين گهڻوم موئين راکهه، پڻ پوه ڏيوٽا موئين پاڙهه پرو، تم او منڪون رو نيا ڪريا مانه سئه. او پڳوون ري وات مانه وودا واڙون نئه آپ ڪن راکشي، پڻ نه وودا واڙون نئه ايوا ڏيوٽا موئين پاڙشي جو ڪيڏي نئين اوزهمائه.




ايسٽو پويتر سنون لئه ان شيطون اوئا نئه پگيون ري مرضي تي قيروا ڪرئه

ايسٽو پويتر سنون لئه

(متي 13:3-17، مرقس 1:9-11، لوقا 3:21-22)

⑬ تيون ايسٽو گليل صوپا تي يردن ڌريا مانه يوحنا ڪن آيو، زم اوئا تي پويتر سنون لئه. ⑭ پڻ يوحنا اوئا نئه ام ڪين نا پاڙيو: ”تمي مون ڪن پويتر سنون ليو ڪم آوه ريا؟ مارئه تو تمون تي پويتر سنون ليو ڪهه.“ ⑮ پڻ ايسٽو اوئا نئه ڪيڏو: ”همئه پلهه همروم ٿيو ڏئه. ڪم تو ام نيڪ سئه جي هيوئه ڍاڙهه آبي پورئه نمونئه پگيون ري وات مانه وون.“ پسته يوحنا ايسٽو رئي وات مونئي ان اوئا نئه پويتر سنون ڏيڏو.



⑯ زئون ايسٽو پويتر سنون لي ريو، تيون جهت ۾ پوئي تي ٻارو نيهريو. ان اوچتو آڪاش ڪلي ڳيو، ان اوئه پگيون رو ميلل پويتر آتما پارياو را روپ ۾ اوترتون ان آپ مانه اوتون ڏيڪيو. ⑰ ان اوچتو آڪاش تي پگيون رو آواز ام آيو: ”اي مارو پريمي ڏيڪرو سئه، ان ايئا تي هون گهڻو ڪش سون.“

پگيون رو دشمن شيطون

ايسٽو نئه پگيون ري مرضي تي قيروا ڪرئه

(متي 1:4-11، مرقس 1:12-13، لوقا 4:1-13)

① پسته ايسٽو پويتر آتما را ڪيڏا تي رڻ ۾ ڳيو، زم اوئه شيطون اوئا نئه پگيون ري مرضي تي قيروا هارو آزماوئه. ② زئون اوئه ورت را ڪين

چاليهون ڏيئون هُڏي ڏي رات ڪئين نه ڪاڏو، تئين نيٺ اُٺا نئه الاهي گهٽي
پوک لاڳئي.



③ ان ڏوه ڪرايا واڙئه شيطون اُٺا
نئه آوين ڪيڏو: ”جي تون پڳوون رو
ڏيڪرو سئه، تو ڪئه جي اي پوٺا روتي
تي زائه.“ ④ پڻ ايسو نا پاڙين ڪيڏو:
”شاستر ۾ لڪل سئه، منڪ روڳو ڪاڏا تي
جيوتو نئين رئه، پڻ اُٺا رئه پڳوون ري
ڪيڏل هر وات مانھ ويوو.“

⑤ تئين شيطون ايسو نئه پويتر شهر
يروشله ۾ لي گيو، ان اُٺا نئه پڳوون
را گهر ري ٻڌون تي اونسِي جڳا مانھ
اوپاڙيو. ⑥ ان اُٺا نئه ڪيڏو: ”جي تون
پڳوون رو ڏيڪرو سئه، تو ايئون آپ نئه
نيسو پاڙ، ڪم تو شاستر موئين لڪل سئه:

پڳوون آپرون آڪاشي ڏوتون نئه تون هارو ڪيشي، ان او تون نئه آپرون هاتون
مانھ ليشي زم تارون پڳون نئه پتر ئي نه لاڳئه.“ ⑦ پڻ ايسو اُٺا نئه نا پاڙين
ڪيڏو: ”شاستر ۾ ام پڻ لڪل سئه: ايشور آپرا پڳوون نئه نه آزماوو ڪپئه.“

⑧ وڙي شيطون اُٺا نئه هڪا گهٽا اونسَا ڏونگر مانھ لي گيو، ان اُٺا نئه
دُنيا را ٻڌائي ملڪ ڏيڪاڙيا ان اوئون رئي مال ملڳت ان مون شون ڏيڪاڙيو.
⑨ ان اُٺا نئه ڪيڏو: ”جي تون ماري پڳي پڙين ماري پوزا ڪرئه، تو هائي
ٻڌوئي ڪئين هون تون نئه ڏيه.“ ⑩ تئين ايسو اُٺا نئه نا پاڙين ڪيڏو: ”او
شيطون، ايئون هڪل تڙي زا! ڪم تو شاستر ۾ لڪل سئه: ايشور آپرا پڳوون
رئي پوزا ڪروو، ان روڳئي اُٺا رئي شيوا ڪروو ڪپئه.“

⑪ تئيون شيطون اوتئا نئه ساڏين گيو پرو. ان زوئو، آكاشي ڏوتي آوين ايسو رئي شيوا كرئي.

ايسو گليل صويا موئين پڳوون رو كوم ڪرئھ

ايسو گليل صويا موئين پڳوون را پارام شيڪاڙوا شروع ڪرئھ

(متي 17-12:4، مرقس 15-14:1، لوقا 15-14:4)

⑫ زئيون ايسو هومپريو جي يوحنا زهلائين جيل موئين پورائي گيوھ، تئيون او پاسو گليل صويا ۾ گيو پرو. ⑬ ان ناصرت شهر ساڏين ڪفرنحوم شهر ۾ زائين ريو، جيو گليل ري ڍنڍ را ڪپ مانھ زبؤلون ذات ان نفتالي ذات رون منڪون را علاقا ۾ سئھ.

⑭ ايسو ڪفرنحوم شهر ۾ ايئا هارو آيو، زم پڳوون رو نياپو ڏيڏا واڙا يسعياھ رئي ڪيڏل اي وات پورئي تئھ:

⑮ ”زبؤلون رو علاقا، ان نفتالي رو علاقا،

سمونڍ را ڪپ رو علاقا، ان ڍرن ڌريا تي پرليا پاها رو علاقا، گليل رو علاقا جيئھ ڌاريون قومون را منڪ رئھ،

⑯ اوت را منڪ، جيا اندارا ۾ هتا،

اوتئي گهڻو سوجهرو ڏيڪيو.

جيا اوتئا ملڪ ۾ موت ري پيڪ ۾ پينل هتا،

اوتون مانھ پڳوون رو سوجهرو تيو.

⑰ اوتئا توڻا تي لين ايسو منڪون نئه پڳوون ري واتون همپراووا شروع ڪري.

او ام ڪيتو: ”آپرا ڪراپ كوم ساڏين توپونھ ڪرو ان پڳوون ري وات مانھ وو! ڪم تو ايشور را راز رو او توڻو ڏوڪڙو آيوھ زئيون ايشور ساوئھ نمونئھ ٻڌون مانھ راز ڪرشي.“



ايسو آپرا پيرهيان شيلا سونديئه

(متي 18:4-22، مرقس 16:1-20، لوقا 1:5-11)

⑱ هيك وار زئيون ايسو گليل ري دنيدي را كپ مانه تين زاتوت ريو، تو اوئه پيئون پايون نئه ڏيڪيا. هيك شمعون هتو، جيا نئه پطرس پڻ ڪئھ، ان پيزو اوئا رو پائي اندرياس هتو. او مشي ماريا هارو دنيدي ڇرچ نوكتات ريا، ڪم تو اوئون رو ڏندو مشي ماريا رو هتو. ⑲ ان ايسو اوئون نئه ڪيڏو: ”مارا شيلا تين مون وونهڙ آوو! تمي مشي ماريا رو ڪوم ساڏو، ان هون تمون نئه منڪون نئه پچايا واڙا ناويه.“ ⑳ تو جهت ڇر او آپرا رچ ساڏين ايسو را شيلا تين اوئا وونهڙ وودا پرا.

㉑ ان اوئون آگڙ زائين ايسو وڙي پيزون پيئون پايون نئه ڏيڪيا. او زبدي را

ڏيڪرا يعقوب ان يوحنا هتا. او ٻي پيڙي موئين بيهين آڀرا ٻاپ زبدي پيڙا آڀرا
 نوتل رچ هوندتات ريا. ان ايسو اوئون نئه آڀرا شيلا ٿيا هارو تيڙايا. (22) تو يڪدم
 او آڀري پيڙي نئه ان آڀرا ٻاپ نئه اوڻه ساڏين ايسو را شيلا ٿين اوئا وونهڙ
 ووديا پرا.

ايسو گهڻون منڪون نئه شيڪاڙهه

ان هازا هورا ڪرئه

(متي 23:4-25، لوقا 17:6-19)

(23) ايسو پورا گليل صوپا ۾ ويتو ريو. او اوڻه پڳوون رون منڊرون ۾ منڪون
 نئه شيڪاڙتو، ان ايشور را راز را پارام ڪشي رئي ڪهر همپڙاوتو، ان منڪون
 نئه هر نمونا ريون پيماريون ان تڪليپون ٿي هازا هورا ڪرتو ريو. (24) ان اوئا
 رئي نوموش پورا سوريه ملڪ ۾ پڻ پڪڙي گهي. ان منڪ اوئا ڪن ٻڌون
 موندون منڪون نئه تيڙي آيا، جيون نئه فرق فرق پيماري هتي، ان گهڻي
 تڪليپ ۾ هتا. اوئون موئين ٿي ڪيونڪ نئه پوت سونتل هتا، ڪيونڪ نئه
 گهونتي آوتئي، ان ڪيونڪ نئه اڌرنڱ ٿيل هتو. ان ايسو اوئون نئه هازا هورا
 ڪريا. (25) ان الاهي گهڻا منڪ اوئا وونهڙ ووديا، جيا گليل صوپا را، ڊڪپلس
 علاقا را، يروشلم شهر ان يهوديه صوپا را، ان يردن ڌريا ٿي پرليا پاها را
 علاقا را پڻ هتا.

ايسو ڏونگر مانه بيهين منڪون نئه شيڪاڙهه

(متي 5:3-12، لوقا 20:6-23)

5 (1) زئيون ايسو هائي گهڻا منڪ ڏيڪيا، تيون او ڏونگر مانه سڙي گيو،
 ان اوڻه پينو نو. ان اوئا را شيلا اوئا ڪن آيا. (2) ان ايسو اوئون نئه ام
 شيڪاڙوا مڏيو:

- ③ ”ياڳوازا اُو سئ، جيا من را ڳريپ سئ،
 ڪم تو ايشور رو راز اوتون هارو سئ.
- ④ ياڳوازا اُو سئ، جيا ڏڪون ۾ روئ،
 ڪم تو پڳوون اوتون نئ حونصلو ڏيشي.
- ⑤ ياڳوازا اُو سئ، جيا نرمي ٿي وئ،
 ڪم تو پڳوون را وائيدا پرموئئ اوتون نئ ٻڌوئي ڪئين زڙشي.
- ⑥ ياڳوازا اُو سئ، جيا پورا من ٿي پڳوون ري وات مانھ ويوا ڪرئ،
 ڪم تو پڳوون اوتون رئي اميد پورئي ڪرشي.
- ⑦ ياڳوازا اُو سئ، جيا ڏٺيا ڪرئ،
 ڪم تو پڳوون اوتون مانھ ڏٺيا ڪرشي.
- ⑧ ياڳوازا اُو سئ، جيون را من صاف سئ،
 ڪم تو اُو پڳوون نئ ڏيڪشي.
- ⑨ ياڳوازا اُو سئ، جيا هپ رڪاوئ،
 ڪم تو پڳوون اوتون نئ اپرا ٻار ڪيشي.
- ⑩ ياڳوازا اُو سئ، جيا پڳوون ري وات مانھ وُودا ري ڪري
 منڪون را پاها ٿي ڏڪ سهئ،

ڪم تو ايشور رو راز
 اوتون هارو سئ.




⑪ پاڳواڙا تمی سو، زئیون ماری کری منک تمارئی پیعزتئی کرشی، تمون نئه تنگ کرشی، ان تمارا پارام هر نمونا ری کراب واتون کرشی. ⑫ تئیون تمی راضی تیا ان گهڻا کُش تیا، کم تو آکاش موئین تمارو ایوزو گهڻو سئه. کم تو منکی تمون مور پڳوون رو نیاپو ڏیتا وازون نئه پڻ همرام تنگ کریا تا.

لُون رو ان سوجھرا رو مثال جیو هاسو شیلو نئی او کیا ئی کوم رو نئی

(متي 13:5-16، مرقس 9:50، لوقا 14:34-35)

⑬ ”تمی ڏنیا رون منکون هارو لُون را زم سو. پڻ جی لُون آپ موڙو تی زائ، تو اوئا نئه کیا تی هَواڏ وازو کری هیڪئھ؟ او کیا ئی کوم رو نئی ریتو. تيام اوئا نئه بارو قڳوڙئھ پرو، ان او منکون رون پڳون هیٺ لتوڙائھ.



⑭ تمی ڏنیا رون منکون هارو سوجھرا را زم سو. جیو شهر ڏونگر مانھ سئه، او هتائی نئین هیڪئھ. ⑮ هیوئھ نمونئھ منک ڏیوو پاڙین نونبڙا هیٺ ڊونکین نئی میلتا، پڻ ڏیوا نئه اوئا ری جگا یر ساوو میلئھ، ان اوئا تی گهر موئین ٻڌون منکون نئه سوجھرو زڙئھ. ⑯ تمی زبکتا

سوجھرا را زم منکون هوما ایوئھ نمونئھ وو، زم او تمارا نائوڪا کوم ڏیکین تمارا آکاشی پاپ پڳوون را وکوڻ کرئھ.

ایسو شاستر ری واتون پُوری کروا آیوھ

⑰ ”تمی ام مت سوچو، جی هون موسی را لکل حکم ان پڳوون رو نیاپو ڏیتا وازون ری لکل واتون کتم کروا آیوھ. هون تو شاستر ری واتون کتم کروا نئین، پڻ اوئون نئه پُوری کروا آیوھ. ⑱ هون تمون نئه هاس کونھ. زئیون هُوڏی

آڪاش ان ڌرتي کي نه ٿي، تئين هُڏي شاستر رڻي هڪ ئي نونئي وات پڻ کي نه ٿي، پڻ شاستر ري ٻڌي واتون پوري ٿي. (19) تيام جي ڪوئي پڳوون رون حُڪمون موئين ٿي ڪوئي پڻ حُڪم توڙي، پلئو او ٻڌون ٿي نونو حُڪم هون، ان هائي حُڪم توڙي رو منڪون نه شيڪاڙي، تو او منڪ ايشور را راز ۾ ايشور ري نظر ۾ ٻڌون ٿي گهٽ هوشي. پڻ جيو پڳوون رون حُڪمون مان هون، ان اوئون مان هون ويدا رو شيڪاڙي، او ايشور را راز ۾ ايشور ري نظر ۾ ٻڌون ٿي موتو هوشي. (20) ڪم تو هون تمون نه ڪاڙي ٿي ڪونه، جي تم شاستر زوڻيا وازون ان فريسي پالتي وازون ٿي وڌار نه پڳوون ري وات مان هون نئين وو، تو تم ايشور را راز را منڪ ماڳي نئين ٿي هڪو.

ڪون نه ڪريا را حُڪم را پارام

ايسو پورو مطلب هزماوڻه

(21) ”تمي تو هومپريوه، جي زونا زمونا ري منڪي پڳوون رون حُڪمون ٿي ام شيڪاڙيوه جي ’ڪون نه ڪروو، ان جيو ڪوئي ڪون ڪرئ، او ڏوهاري ٿي ان منڪ اوئا رو قينصلو ڪرشي.‘ (22) پڻ هون تمون نه ام ڪونه، هر منڪ جيو پيڙا منڪ مان هون رينه راکه، او ڪون نه ڪريا را حُڪم پرموڻه ڏوهاري ٿي ان پڳوون اوئا رو قينصلو ڪرشي. جيو ڪوئي پيڙا منڪ نه پي عقل ڪه، تو نيا رنه ڏي اوئا رو قينصلو ٿي. ان جيو ڪوئي پيڙا منڪ نه ڳونڏو ڪه، تو او نرگ ري پاھي ۾ هميش رڻي سزا کاڌا جيوو سئ.

(23) تيام، جي تم پڳوون را گهر ۾ زائين پڳوون را نوم مان مال سڙايا مان سو، ان اوڻه تمون نه ياد پڙه جي تم پي آڀرا پائي رو ڏوه ڪريوه، (24) تو مال اوٽ رو اوٽ مال ساڙيا ري جگا مان ساڏو، ان مور ٿي زائين آڀرا پائي ٿي ماڻهي مونگين منائي زائو. ان پسئ اوين پڳوون را نوم مان مال سڙاوو.

(25) مثال، جي ڪوڪ منڪ تمون مان ڪيس ڪروا ڪرئ، تو تمار نه جلدي

۾ ٿوڻام پوڳيا مور شيرڙا مانھ اُوڻا نئھ منايا رڻي ڪوشش ڪروو. نڪا تمون مانھ ڪيس ڪريا وارو تمون نئھ جج ڪن تيڙي زاشي، ان جج تمون نئھ پوليس نئھ ڏيشي، ان او تمون نئھ جيل موئين پوراوشي. (26) هون تمون نئھ هاس ڪونه، زئون هودِي تمِي ڏنڊ رڻي پائي پائي نئين پري ڏيو، تيون هودِي تماري زند نئين سوئنه.

پُونڌو ڪوم نه ڪريا را حُڪم را پارام ايسنو پورو مطلب هزماوئھ

(27) ”تمِي تو هومپڙيوھ، جي منڪي پڳوون رُون حُڪمون تي ام شيڪاڙيوھ جي ’پُونڌو ڪوم نه ڪروو.‘ (28) پڻ هون تمون نئھ ام ڪونه، هر منڪ جيو پرائي ڏوشي نئھ پُونڌي نظر تي زوئھ، اوئھ هم زويا تي آپرا من ۾ اوڻا تي پُونڌو ڪوم ڪريوھ. (29) جيا پڻ وات ري ڪري تمِي ڏوھ ڪرو، هايا وات نئھ ساڏو پري. جي تماري زمڻي اونڪ ري ڪري تمِي ڏوھ ڪروھ، تو اوڻا نئھ ڪاڊين آپ تي هيڪل ڦڳوڙو پري. ڪم تو پڳوون رڻھ تمون نئھ پورا ڏيل هتيل نرگ ۾ ڦڳوڙيا تي تمون هارو نائوڪو اي سئھ، جي تمِي ڪوڻا تي زائو. (30) ان جي تمارا زمڻا هات ري ڪري تمِي ڏوھ ڪروھ، تو اوڻا نئھ واڊين آپ تي هيڪل ڦڳوڙو پرو. ڪم تو تمارئھ پورا ڏيل هتيل نرگ ۾ زايا تي تمون هارو نائوڪو اي سئھ، جي تمِي ڪوڻا تي زائو.“

ڏوشي نئھ نه ساڏيا را پارام ايسنو پورو مطلب هزماوئھ

(متي 31:5-32، 9:19، مرقس 11:10-12، لوقا 18:16)

(31) ”ان منڪي پڳوون رُون حُڪمون تي ام شيڪاڙيوھ جي ’جو ڪوئي آپري ڏوشي نئھ ساڏئھ، اوڻا رڻھ لڪي ڏيوو.‘ (32) پڻ هون تمون نئھ ام ڪونه، جي هر منڪ جيو

آپري ڏوشي نئه پونڌا ڪوم را ڏوه ڪريا ووڻي ساڏئه، او آدمي آپري ڏوشي تي پونڌو ڪوم ڪراوئه. لڪي ڏيڌا را ڪاڳڙ تي ڪي تيو؟ پڳوون ري نظر ۾ او تو هزون بي موڻهه سئه. پارٿيو آدمي، آپري ساڏل ڏوشي رئه گهرگهڻو ڪريا تي، آپري ڏوشي تي ان گهرگهڻو ڪريا واڙا آدمي تي پونڌو ڪوم ڪريا رو ڏوه ڪراوئه.

ڪوڙو هون نه ڪاتا را حڪم را پارام ايسنو پورو مطلب هزماوئه

③③ ”پيزو تمي اي پڻ هومپڙيوه، جي زونا زمونا ري منڪي پڳوون رون حڪمون تي ام شيڪاڙيوه جي ’ڪوڙو هون نه ڪاوو. جيا وائڏا تمي ايشور رو هون ڪائين ڪروه، او وائڏا تمارئه پورا ڪروو.“ ③④ پڻ هون تمون نئه ام ڪونه، هون ماڳي مت ڪائو! آڪاش رو هون مت ڪائو، ڪم تو آڪاش ۾ پڳوون رئي گهاڏئي سئه. ③⑤ ڌرتي رو هون مت ڪائو، ڪم تو ڌرتي زوڻه پڳوون را پڳ ميليا رئي جڳا سئه. يروشلم شهر رو هون مت ڪائو، ڪم تو يروشلم ٻڌون تي موتا پاڌشا پڳوون رو شهر سئه. ③⑥ ان آڀرا ماتا رو هون مت ڪائو، ڪم تو تمي آڀرون مٿوڙون موئين تي هڪا نئه پڻ ڌوڙو ڪا ڪارو نئي ڪري هڪتا. ③⑦ پڻ جي وات هاسئي سئه تو اوئا نئه هاسئي ڪو، ان جي وات ڪوڙي سئه تو اوئا نئه ڪوڙي ڪو. هايا تي وڌارئه ڪيو پونڌا شيطون را پاها رو ڪوم سئه.“

پڌلو نه ليڏا را حڪم را پارام ايسنو پورو مطلب هزماوئه

(متي 38:5-42، لوقا 29:6-30)

③⑧ ”تمي تو هومپڙيوه، جي منڪي پڳوون رون حڪمون تي ام شيڪاڙيوه جي ’جيوو ڏوه، تيوڻي سزا. اونڪ را پڌلام اونڪ، ان ڏونت را پڌلام ڏونت.“ ③⑨ پڻ

هُون تمون نئه ام ڪونه، جيو تمون ٿي ڪراپ نمونئه وئه، اُوئا را ڀڌلا ۾ اُوئا ٿي ڪراپ نمونئه مت وو، پڻ نائوڪئه نمونئه وو. جي ڪوئي تمون نئه زمڻا ڳال مانه آهوت هئئه، تو اُوئا هومو پيزو ڳال پڻ ڦيروِي ڏيو، ان ڀڌلو مت ليو. (40) ان جي ڪوئي ڪياڪ وات را ايوزا ۾ تمارو وڳو ليڌا هارو تمون مانه ڪيس ڪروا ڪرئه، تو اُوئا نئه آپرو توتال پڻ ڪشي ٿي ڏيو پرو. (41) ان جي ڪوئي تمون نئه پيڳر ۾ اڌ ڳائو هُوڌي پار اوپڙاونه، تو اُوئا پيڙا تمي ڳائو هُوڌي پار اوپاڙين زائو. (42) جيو تمون ٿي مونڳئه، اُوئا نئه ڏيو. ان جيو تمون ٿي اُوڌار ليوا ڪرئه، اُوئا نئه نا مت پاڙو.

آپرا پائي ٿي پريم ڪريا را حڪم را پارام

ايسنو پورو مطلب هزماوئه

(متي 5:43-48، لوقا 6:27-28، 32-36)

(43) ”تمي تو هومپڙيوه، جي منڪي پڳوون رون حڪمون ٿي ام شيڪاڙيوه جي ’آپرا پائي ٿي پريم ڪروو، ان آپرا دشمن ٿي پلئه وير راکوو.‘ (44) پڻ هون تمون نئه ام ڪونه، آپرون دشمنون ٿي پريم راکو، ان جيا تمون نئه تنڳ ڪرئه اوئون هارو پراتنا ڪرو. (45) هم ڪريا ٿي ٿاڀٽي ٿيشي جي تمي آپرا آڪاشي پاپ پڳوون را پار سو، ڪم تو او پونڌون ان نائوڪون ٻڌون هارو ڏي اوڳاڙئه، ان اُوئا ري وات مانه وُودا وازون ان نه وُودا وازون ٻڌون هارو مي ورهاوئه. (46) جي تمي روڳا اوئون ٿي پريم راکو، جيا تمون ٿي پريم راکئه، تو هايا رو تمون نئه ڪي ايوزو زڙشي؟ ناڪو ليڌا وازا پڻ همروم نٿي ڪرتا ڪي؟ (47) ان جي تمي روڳا آپرون پايون نئه نمسڪار ڪرو، تو پيزون ٿي تمي ڪي گهڻو ڪريو؟ ڌاري قومون را منڪ جيا پڳوون نئه نٿي مونتا، او پڻ همروم نٿي ڪرتا ڪي؟ (48) تيام تمي هر وات ۾ نائوڪا ٿيو، زم تمارو آڪاشي پاپ پڳوون هر وات ۾ نائوڪو سئه.“

ايسو کيريات کريا را پارام شيڪاڙهه

6 ① ”هوشيار ريا جي تمڻي آڀرا نائوڪا ڪوم ٻڌون رڻه روڀرو منڪون نڻه ڏيڪاڙيا هارو مت ڪريا. جي تمڻي آڀر نڻه منڪون هوما ڌرمي ڏيڪاڙيا هارو نائوڪا ڪوم ڪروه، تو تمارا آڪاشي ٻاپ ڀڳوون ٿي تمون نڻه ڪئين ايوزو نئين زڙهه.

② تيام زئون تمڻي کيريات ڪروه، تئين پڙو مت ڏيو، زم او منڪ ڪرڻه، جيا مونيڊا را مينا پڻ انڌر را ڪارا سڻه. هيو منڪ ڀڳوون رون منڌرون ۾ ان شهر ريون شيريون ۾ ٻڌون رڻه روڀرو کيريات ڪرڻه، زم منڪ اوئون را وڪوڻ ڪرڻه. هون تمون نڻه هاس ٿي هاس ڪونه، منڪون رڻه اوئون را وڪوڻ ڪريا ٿي هيوون منڪون نڻه اوئون رو ايوزو زڙيوه، ڀيزو ڀڳوون ٿي ڪئين نئين زڙهه.

③ پڻ تمڻي زئون کيريات ڪرو، تو ايوي ماڻ ۾ ڪرو، جي تمارا آڀرا ڏاوا هات نڻه پڻ ڪڀر ٿي نه پڙهه جي زمڻو هات ڪي ڪرڻه ريو، ④ زم تماري کيريات هتال هوڻه. ان تمارو ٻاپ ڀڳوون، جيو هر هتال وات نڻه زوڻه، او تمون نڻه اوڻا رو ايوزو ڏيشي.

ايسو پرائنا ڪريا را پارام شيڪاڙهه

(متي 6:9-13، لوقا 11:2-4)

⑤ ”ان زئون تمڻي پرائنا ڪرو، تو اوئون را زم پرائنا مت ڪرو، جيا مونيڊا را مينا پڻ انڌر را ڪارا سڻه. ڪم تو هيوون منڪون نڻه اي شونق سڻه جي او ڀڳوون رون منڌرون ۾ ان شهر رون چونڪون مانه اوڀين پرائنا ڪرڻه، زم ٻڌائي منڪ اوئون نڻه زوڻه. هون تمون نڻه هاس ٿي هاس ڪونه، منڪون رڻه اوئون را وڪوڻ ڪريا ٿي هيوون منڪون نڻه اوئون رو ايوزو زڙيوه، ڀيزو ڀڳوون ٿي ڪئين نئين زڙهه.

⑥ ٻڻه تمڻي، زئون پرائنا ڪرو، تو آيري گهري زائين ڌروازو پند ڪرين آڀرا ٻاپ

پڳوون ٿي نوڪلائي ۾ پرائنا ڪرو. ان تمارو ٻاپ پڳوون، جيو هر هٿال وات
نٿه زوئو، اُو تمون نٿه اُوئا رو ايوزو ڏيشي.

⑦ ٿمي پرائنا ڪريا ۾ گهڻي نالي واتون مت ڪرو، زم ڌاري قومون را
منڪ ڪرڻه جيا پڳوون نٿه نٿي مونتا. ڪم تو اُو ام هزمئو جي موٽي موٽي
پرائنائون ڪريا ٿي اُو آپري وات مناوي هيڪڻه. ⑧ تيام ٿمي اُوئون را زم
پرائنا مت ڪرو. ڪم تو تمارا ٻاپ پڳوون نٿه تمارئو مونگيا مور اڳي ڪپ
سئو، جي تمون نٿه ڪيا ڪيا رڻي ضرورت سئو. ⑨ تيام ٿمي ايوئو نمونئو
پرائنا ڪرو:



او امارا ٻاپ، ٿمي جيا آڪاش ۾ سو،

تمارو نوم پويتر مونيوزائو.

⑩ تمارو راز اوئو.

تماري مرضي زم آڪاش موئين پوري ٿئو،

تم ڌرتي مانھ پڻ پوري ٿئو.

⑪ اماري از رڻي روئي از امون نٿه ڏيو.

⑫ ان زم امي امارون ڏوهاريون نٿه ماڦ ڪرونھ،

تم ٿمي امارا ڏوه امون نٿه ماڦ ڪرو.

⑬ ان امون نٿه آزمتا رٿه ٿوئو پڙوا مت ڏيا،

پڻ امون نٿه پونڌائي ٿي پچاوو.

(ڪم تو راز، ڪڙا ان وڪوڻ هميش تمارا سئو. آمين.)

⑭ ڪم تو جي ٿمي اُوئون منڪون نٿه ماڦ ڪروھ، جيئي تمارا ڏوه ڪرياھ،

تو تمارو آڪاشي ٻاپ پڳوون تمارا ڪرل ڏوه پڻ ماڦ ڪرشي. ⑮ پڻ جي ٿمي

منڪون نٿه ماڦي نٿي ڏيتا، تو تمارو آڪاشي ٻاپ پڳوون پڻ تمارون ڪرل

ڏوهون رڻي ماڦي تمون نٿه نئين ڏئو.

ايسٽو ورت راڪيا را پارام شيڪاڙئھ

①6 ”زئيون تمڀي ورت راڪو، تو اوئون را زم نيموٽا ٿين ورت مت راڪو، جيا مونيڊا را مينا پڻ اندر را ڪارا سئھ. ڪم تو هيو منڪ ورت راڪيا رٿه توڻه آڀرا مونيڊا نٿي ڌوتا، زم ٻڌائي منڪ زوئھ جي او ورت راڪئھ ريا. هون تمون نئھ هاس ئي هاس ڪونھ، منڪون رٿه اوئون را وڪوڻ ڪريا ٿي هيوون منڪون نئھ اوئون رو ايوزو زڙيوھ، پيزو پڳوون ٿي ڪئين نئين زڙئھ. ①7 پڻ تمڀي زئيون ورت راڪو، تو آڀرو مونيڊو ڌوئو، ان ماٿام تيل نوڪين مٿوٽار اوڙاوو، ①8 زم تمڀي منڪون نئھ ورت نه ڏيڪاڙو، پڻ ماٿ ۾ تمارا ٻاپ پڳوون ري نظر ۾ ورت راڪو. ان تمارو ٻاپ پڳوون، جيو هر هٿال وات نئھ زوئھ، او تمون نئھ اوٽا رو ايوزو ڏيشي.“

ايسٽو مال ملڳت را پارام شيڪاڙئھ

(متي 6:19-24، لوقا 12:33-34، 11:34-36، 13:16)

①9 ”تمڀي ايٺا ڏنيا ۾ آڀ هارو مال ملڳت پيڙي مت ڪرو، جيئھ ڪونهاري اوٽا نئھ ڪراڀ ڪرئھ ان زنگ اوٽا نئھ ڪتم ڪرئھ، ان سور ڪات هٿين اوٽا رٿي سورٿي ڪرئھ. ②0 پڻ تمڀي پڳوون ري مرضي مانھ وو، زم تمون نئھ آڪاش ۾ آڪاشي ملڳت هميش رو جيون زڙئھ، جيئھ نڪو ڪونهاري اوٽا نئھ ڪراڀ ڪرئھ، نڪو زنگ اوٽا نئھ ڪتم ڪرئھ، ان نڪو سور ڪات هٿين اوٽا رٿي سورٿي ڪرئھ. ②1 ڪم تو جيئھ تماري ملڳت سئھ، اوٽھ تمارو جيو پڻ هوشي.“

②2 زم سوجهرا هارو ڏيوو ڪپئھ، تم منڪ نئھ سوجهرو ڏيڪيا هارو اونڪيون ڪپئھ. تيام جي تماري اونڪيون نيك سئھ تو تمون نئھ ٻڌوئي ڪئين سوجهرام ڏيڪيام اوئھ. ②3 پڻ جي تماري اونڪيون ڪراڀ سئھ، تو ٻڌوئي ڪئين اندارام هوشي. هيوئھ نمونئھ جي تمارا من ۾ پڳوون رو سوجهرو نٿي پڻ اندارو سئھ، تو ڪتو گهٽو اندارو هوشي.“

②4 ڪوئي پڻ منڪ پيئون ڏٺيون رڻي شيوا نٿي ڪري هيڪتو. ڪم تو او هيڪا ٿي پريم راکشي ان پيزا ٿي ڪئين پريم نئين راکڻه، ڪا او هيڪا رڻي وات مونشي ان پيزا رڻي وات ماگي نئين مونڻه. تمي پڳوون ان ملڳت پيئون ٿي پريم نٿي ڪري هيڪتا.

ايسو پڳوون مانه ڀروسو راکيا را پارام شيڪارڻه

(متي 25:6-34، لوقا 12:22-31)

②5 ”تيا م هون تمون نئه ڪونه، آپري حياتي هارو ڳٽئي مت ڪرو، جي امي ڪي ڪاشون، ان ڪي پيشون؟ نڪو آپرا ڏيل هارو جي امي ڪي پيشون؟ ڪاڏا ٿي موٽي شينه حياتي نٿي ڪي؟ ان لوگهڙون ٿي موٽي شينه ڏيل نٿي ڪي؟
②6 پڪيون نئه زوئو! او نڪو پوڪڻه، نڪو لڻهه، نڪو پليون م ڌون پيڙو ڪرين راکڻه. توئي پڻ تمارو آڪاشي پاپ پڳوون اوئون نئه ڪاڏو ڏئه. تمارو مون



اؤون ٿي الاهي گهڻو نٿي ڪي؟ ②7 تمون موئين ايوو ڪوڻ سئه، جيو ڳٽئي ڪرين آپري حياتي رو هيڪ منت پڻ وڌاوي هيڪڻه؟ تو پسئه تمي آپري حياتي هارو ڳٽئي ڪم ڪروه؟

②8 ان تمي لوگهڙون را پارام ڳٽئي ڪم ڪروه؟ زوئو جي شيم م ڦولڙا ڪم ڪرين اوگڻهه! او نڪو مينت ڪرڻه، نڪو ڏورڙا واتڻه. ②9 پڻ هون تمون نئه ڪاتري ٿي ڪونه جي سليمان پادشا پڻ آپرا اونچون م اونچا لوگهڙا پيرين ايسون ڦولڙون جيوو نائوڪو نٿو ڏيڪاتو. ③0 زئيون پڳوون ايوو ڦولڙا زهاڙڪون موئين اوڳاڙهه، جيا زهاڙڪا آز اوپاهه، ان هوارو اوئون نئه ڏيو تام باڙشي پرا، تو پسئه

تمون نئه لوگهڙا نئين ڏئه، ڪي؟ تمي پڳوون مانه گهٽ يقين ڪم را ڪوه؟
 ③1 تيام تمي گهٽئي مت ڪرو جي امي ڪي ڪاشون، ڪي پيشون، ان ڪي پيرشون؟ ③2 ڪم تو ٻڌي قومون جي پڳوون نئه نئي مونتي، او ايئون واتون ۾ آڀرو جيو لگاڙهه. پڻ تمون هارو تمارا آڪاشي پاپ پڳوون نئه ڪهر سئه جي تمون نئه ايئون ٻڌيون شينهنون رئي ضرورت سئه. ③3 مور ٿي تمي پڳوون را راز ۾ ان پڳوون ري وات مانه وودا ۾ آڀرو جيو لگاڙو، تو پسئه پڳوون تمون نئه اي ٻڌي شينهنون پڻ ڏيشي. ③4 تيام گهٽئي مت ڪرو جي هوار ڪي ٿيشي، ڪم تو هواروڪي واتون هوار هارو سئه. آڙوڪا ڏي ري تڪليهون آڙ هارو گهٽي سئه.

پيزون رو ڏوه نه ڪايو پڻ آڀرا ڏوه نه زوو

(متي 7:1-6، لوقا 37:6-38، 41-42)

① ”تمي پيزون رو ڏوه مت ڪايو، تو پڳوون تمارو ڏوه پڻ نئين ڪاڏهه.
 ② ڪم تو جيوي سڪتي ٿي تمي پيزون را ڏوه ڪاڏوه، هيوي سڪتي ٿي پڳوون تمارا ڏوه ڪاڏشي. ان جيا ماپ ٿي تمي ڏيوه، اوئا ماپ ٿي پڳوون تمون نئه ڏيشي.

③ تمي ڪم پيزون رو ڏوه ڪاڏين زوئنه آڀرا پائي ري اونڪ موئين ڪتر زوئوه، پڻ تماري آڀري اونڪ موئين جيو لاکڙ پڙيوه، اوئا رو تمون نئه ڪئين ڪيال نئي؟ ④ زئيون تماري آڀري اونڪ موئين لاکڙ نئي ڏيڪتا، تو تمي ڪم ڪرين آڀرا پائي نئه ڪيشو جي ’پائي، لئه تاري اونڪ ٿي ڪتر ڪاڏون.
 ⑤ ڪوئون منڪون، تمي آڀرا ڏوه ساڏين پيزون را ڏوه زوئوه. تمي موندا را مينا پڻ انڌر را ڪارا سو. پيرهين تمي او لاکڙ ڪاڏو جيو تماري آڀري اونڪ موئين سئه. پسئه تمي آڀرا پائي ري اونڪ رو ڪتر نائوڪا نمونا ٿي زوئين ڪاڏي هيڪشو.

⑥ پويتر شينهنون ڪوترون نئه مت نوکو، ان موتي هونرون ڪن مت قڳوزو، نڪا او اوئون نئه لتاڙشي پرا ان ڊوڙي آوين تمون نئه شيرشي پرا. هيونئه نمونئه پڳوون ري پويتر ان قيمتي واتون اوئون نئه همپراوو جيا همپراوا ڪرئ.

يقين تي پرائنا ڪرو

(متي 7:7-12، لوقا 9:11-13)

⑦ ”مونڳو، تو پڳوون تمون نئه ڏيشي. ڳوتو، تو زڙشي. ڌر وڳاڙو، تو اوگهڙشي.
 ⑧ ڪم تو جيو پڻ مونڳئھ اوئا نئه ڏيوراشي، جيو ڳوتئھ اوئا نئه زڙشي، ان جيو ڌر وڳاڙئھ اوئا هارو ڌر اوگهڙشي. ⑨ تمون موئين تي ايوو ڪوئي منڪ سئھ ڪي، جيا ڪن اوئا رو ڏيڪرو روئي مونڳئھ، پڻ او روئي هائئھ اوئا نئه پوڻو ڏئھ؟ ⑩ ڪا اوئا ڪن ڏيڪرو مسئي مونڳئھ، پڻ او مسي هائئھ اوئا نئه هاپ ڏئھ؟ ⑪ هونئه تمي پونڏا هوتون پڻ، آپرون ٻارون نئه نائوڪي شينهنون ڏي هيڪوه، تو پسئھ تمارو ٻاپ پڳوون جيو آڪاش ۾ سئھ، اوئون نئه نائوڪي شينهنون ڪم نئين ڏئھ، جيا اوئا تي مونڳئھ؟ او ضرور اوئون نئه نائوڪي شينهنون ڏيشي. ⑫ تيام زم تمون نئه وئئھ جي منڪ تمون تي ٻڌيون واتون ۾ نائوڪئھ نمونئھ وئھ، تم تمي ٻڌيون واتون ۾ اوئون تي نائوڪئھ نمونئھ وو. ڪم تو موسي رون لڪل حڪمون رو مطلب ان پڳوون رو نياپو ڏيڏا وازون را لڪل شاستر رو مطلب هائي سئھ.“

تارڻ ليڏا هارو پڳوون را ڏورا مارڳ مانھ ويوو

(متي 13:7-14، لوقا 13:24)

⑬ ”تمي تارڻ را هوڙڪا ڌروازا موئين تي زائو. ڪم تو جيا ڌروازا موئين متيا تي ان جيا مارڳ مانھ وڍا تي هميش رو موت زڙئھ، او ڌروازو ويڪرو سئھ، ان او مارڳ موٽو ان هورو سئھ، ان اوئا ڌروازا موئين متيا وازا گهڻا سئھ. ⑭ پڻ جيا

ڌروازا موئين متيا ٿي ان جيا مارڳ مانہ وُودا ٿي ہميش رو جيون زڙئہ، هائي ڌروازو هوڙڪو سئہ، ان هائي مارڳ هوڙو ان ڏورو سئہ، ان هايا ڌروازا موئين متيا وازا ٿوڙا سئہ.

جيوو وڻ تيوو ميوو

(متي 15:7-23، لوقا 43:6-44، 25:13-27)

15 ”تمي اوئون منڪون ٿي هوشيار ريا، جيا ڪوڙ هاكلين آپ نئہ پڳوون رو نياپو ڏيڏا وازا ڪئہ. او تمون ڪن آوين آپ نئہ ايوا گريپ ڏيڪارشي، جيوي ريديون هوئہ، پڻ من ۾ او شيريا وازون نارون جيوو سئہ. 16 اوئون رون ڪومون ٿي تمي



اوئون نئہ اوڙڪشو. جيوو وڻ تيوو ميوو. پورڙيون موئين ڌراڪون رو ميوو ٿيشي ڪي؟ ڪا ڪيزڙون موئين انجير رو ميوو ٿيشي ڪي؟ 17 هيوئہ نمونئہ هر نائوڪا وڻ موئين نائوڪا ميوو ٿئہ، پڻ ڪراپ وڻ موئين ڪراپ ميوو ٿئہ. 18 ام ٿي نٿي هيڪتو جي نائوڪا وڻ موئين ڪراپ ميوو ٿئہ، ڪا ڪراپ وڻ موئين نائوڪا ميوو ٿئہ. 19 هر وڻ جيا موئين نائوڪا ميوو نٿي ٿيئا، او وڏاشي ان ڏيوئا ۾ نڪاشي پرو. ان

هيوئہ نمونئہ پڳوون ڪراپ منڪون نئہ ہميش رئي سزا ڏيشي. 20 تيام، زم وڻ ميوون ٿي اوڙڪائہ، تم تمي اوئون منڪون نئہ اوئون رون ڪومون ٿي اوڙڪشو.

21 جيا مون نئہ ’پريو پريو‘ ڪئہ، اوئون موئين ٿي ٻڌائي ايشور را راز ۾ نئين زائہ. پڻ روڳا او زاشي جيا مارا پاپ ري مرضي مانہ وئہ، جيو آڪاش ۾ سئہ. 22 نيا رئہ ڏي گهڻا منڪ مون نئہ ام ڪيشي: ’پريو جي، امي تمارو نوم لين پڳوون رو نياپو نتو ڏيڏو، ڪي؟ امي تمارو نوم لين منڪون ٿي پوت نتا ڪاڏيا، ڪي؟ امي تمارو نوم لين گهڻا پرسا نتا ڏيڪاريا، ڪي؟ تمي امون نئہ

ايشور را راز موئين ڪم نٿي آوا ڏيتا؟ ②3 تئين هون اوئون نئه صاف ڪيه:
 'تمي مون تي ڪيڏي واسطو نٿي راڪيو. ڪراب منڪون، تمي پڳوون ري مرضي
 مانه نٿي وڍيا. مون تي هيڪل تڙي زائو!'

بيئون گهر نايا وازون رو مثال

(متي 7:24-27، لوقا 6:47-49)

②4 "تيام، جيو ڪوئي ماري اي واتون هومپڙهه ان ايئون مانه وئه، او ايوا عقل
 وازا منڪ جيوو سئه، جيئنه آپرو گهر پتر مانه نايو. ②5 ان مي ورهيو، ان ڌريائون
 رو پوڻي پلٽيو، ان وائيرا رو ڌوقون زور تي اوئا گهر نئه لاڳيو. پڻ او گهر نه
 پڙيو، ڪم تو اوئا رڻي پُنيادا پتر مانه هٿي.

②6 پڻ جيو ڪوئي ماري اي واتون هومپڙهه، پڻ ايئون مانه نٿي ویتو، او ايوا
 پي عقل منڪ جيوو سئه، جيئنه آپرو گهر واري مانه نايو. ②7 ان مي ورهيو، ان
 ڌريائون رو پوڻي پلٽيو، ان وائيرا رو ڌوقون زور تي اوئا گهر نئه لاڳيو. تو او
 گهر پوه ڏين پڙي ڳيو."

②8 زئينون ايسو اي واتون ڪي ريو، تئين جيا الاهي گهڻا منڪ هومپڙتات
 ريا، او اوئا رئه شيڪاڙيا مانه حيرون هتا. ②9 ڪم تو ايسو اوئون رون
 شاستر زوڻيا وازون را زم نتو شيڪاڙتو، پڻ اڪتيارڻي راڪين مونيا جيوي واتون
 شيڪاڙتوت ريو.

ايسو ڪوي ري پيماري تي هيڪا منڪ نئه هازو هورو ڪرڻه

(متي 8:1-4، مرقس 1:40-45، لوقا 5:12-16)

① زئينون ايسو ڏونگر تي نيسو اوتريو، تو الاهي گهڻا منڪ اوئا وونهڙ
 8 وڍيا. ② ان اوچتو هيڪ منڪ اوئا ڪن آيو، جيا نئه ڪوي رڻي پيماري هٿي
 ان هايا ري ڪري او اڀڙال هتو. اوئه ايسو ري پڳي پڙين ڪيڏو: "سادو جي، جي

تماري مرضي هون، تو تمی مون نه هازو هورو ڪرين پويتر ڪري هيڪوھ.“
 ③ تيا مانھ ايسو اونا نه سپين ڪيڏو: ”ماري مرضي سئھ. تون هازو هورو
 تين اڀريا تپي پويتر تئھ!“ ان جھت ۾ اونا نه ڪوڍ رڻي پيماري ساڌي گهي ان
 او اڀريا تپي پويتر تپي گيو. ④ پئھ ايسو اونا نه ڪيڏو: ”اي وات ڪيا نه
 مت همپراوي. پڻ پگوون را گهر ۾ زائين آڀرو ڏيل اونا پوزاري نه ڏيڪاري جيو
 اوئھ پوزا رو ڪوم ڪرتو هونھ. ان تون پگوون را نوم مانھ او شينھون سڙاوي
 جي شاستر موئين موسي ري لڪل سئھ، زم ٻڌون هارو ٿاڀئي تئھ جي تون هازو
 هورو تپي گيوھ.“

ڌاري قوم رو قوج رو ساڀ ايسو مانھ يقين راکئھ

(متي 5:8-13، لوقا 1:7-10)

⑤ زئون ايسو ڪفرنحوم شهر موئين آيو، تيون اونا ڪن رومي قوج رو هيڪ
 ساڀ آيو، ان ايسو نه منٿ ڪرين ⑥ ڪيڏو: ”ساڌو جي، مارو نوڪر اڌرنگ ري
 پيماري ري ڪري گھري پڙيوھ، ان الاهي گھڻي تڪليپ ۾ سئھ.“ ⑦ تو ايسو
 اونا نه ڪيڏو: ”هون هالين اونا نه هازو هورو ڪريھ.“
 ⑧ تيا مانھ قوج رنھ ساڀ اونا نه ڪيڏو: ”ساڌو جي، هون ايوو منڪ نٿي
 جي تمی مارا نيچ گهر موئين آوو. پڻ تمی روگا ڪو، تو تمارا ڪيڏا تپي مارو
 نوڪر هازو هورو تپي زاشي. ⑨ اي مون نه ڪپر سئھ، ڪم تو هون آپ پيزون را
 ڪيڏا هيٺ سون، ان مون هيٺ قوجي سئھ. هون هيڪا نه زايا رو ڪون، تو او
 زاشي، ان پيزا نه آيا رو ڪون، تو او آوشي، ان مارا نوڪر نه ڪوئي پڻ ڪوم
 ڪريا رو ڪون، تو او ڪرشي.“

⑩ ايسو اي واتون هومپرين حيرون تپي گيو. پئھ اوئھ آپ وونھڙ وودا وارون
 نه ڪيڏو: ”هون تمون نه هاس ڪونھ، ايوو يقين مئين آڀڻي اسرائيلي قوم ۾
 پڻ ڪيا ۾ نٿي ڏيڪيو. ⑪ هون تمون نه ڪاتري تپي ڪونھ جي گھڻا ڌاريا منڪ

اڳوڻيا ان آڻوڻيا پاها ٿي پوري دنيا ٿي آوشي، ان او تارڻ لين ابراهيم، اِضحاق ان يعقوب پيڙا ايشور را راز ۾ آڪاشي ڏاوت ڪاشي. ⑫ پڻ اسرائيلي قوم را منڪ جيون نئه ايشور اپرا راز ۾ زايا هارو سوندياه، اوئون رئه يقين نه راڪيا ري ڪري ايشور اوئون نئه ٻارا راڪين اندارام ڦڳوڙشي پرا. اوڻه او روشي ان ڏونت گهرڙيا ڪرشي.

⑬ تيون ايسو قوج را ساڀ نئه ڪيڏو: ”گهري زائو. زم تم ي يقين ڪريوه، تم تمون هارو ٿيشي.“ ان اوڻه ٿي توڻه ساڀ رو نوڪر هارو هورو ٿي گيو.

ايسو گهڻون منڪون نئه هازا هورا ڪرئه

(متي 17-14:8، مرقس 1:29-34، لوقا 4:38-41)

⑭ زئون ايسو پطرس ري گهري گيو، تيون اوڻه پطرس ري هاهو نئه ڏيڪئي، جي گهڻا تاو ۾ پڙي ٿي. ⑮ ان ايسو اوڻا را هات نئه سڀيو، تو اوڻا رو تاو اوتري گيو، ان اوڻين او ايسو رئي شيوا ساڪري ڪروا مڏي.

⑯ ڏي آتميا رئه توڻه، منڪ ايسو ڪن گهڻون پوت سونتل منڪون نئه تيڙي آيا. ان اوڻه اپرا ڪيڏا ٿي منڪون ٿي پوت ڪاڊيا، ان ٻڌون موندون نئه هازا هورا ڪريا پرا. ⑰ اي ايڻا هارو ٿيو، زم پڳوون رو نياپو ڏيڏا واڙا يسعياه رئي اي ڪيڏل وات پوري ٿه:

”اوڻه آڀي پيماري مٽاري

ان آڀون نئه هازا هورا ڪريا.“

ايسو شيڪارڙه جي پورا من ٿي شيلو ٿيو

(متي 8:18-22، لوقا 9:57-62)

⑱ زئون ايسو الاهي گهڻا منڪ آڀرئه آهئه پاهئه ڏيڪيا، تيون اوڻه آڀون شيلون نئه ڍنڍ رئه پيڙه ڪپ هاليا رو ڪيڏو. ⑲ ان هيڪه شاستر زوڻيا واڙه



ايسو ڪن آوين ڪيڏو: ”گرو جي، جيئن پڻ تمي زاشو، هون تمارو شيلو ٿين تمون وونهڙ هاليه.“
 ②0 پڻ ايسو اوتڻا نئه ڪيڏو: ”لونيون رئه ريا هارو ڌرڙا سئه، ان پڪيون را ماڙا سئه. پڻ مون منڪ ذات را ڏيڪرا هارو ايوي ڪوئي جگا نئي جيئن هون آروم ڪري هيڪون.“

②1 اوتون منڪون موئين ٿي جيا ايسو را شيلو هتا، پيڙهه هيڪه زئه ايسو نئه ڪيڏو: ”سادو جي، مور ٿي مون نئه زاوا ڏيو. زتا ڏي مارو پاپ جيوتو سئه، مارئه اوتڻا رئي شيوا ساڪري ڪرووه. مارا پاپ نئه زاڪين پسته هون آويه.“ ②2 پڻ ايسو اوتڻا نئه ڪيڏو: ”جيا پڳوون ري وات مانه نئي وينا او آپ مرلون را زم سئه. پلئه او آپرون مرلون نئه زاڪه. پڻ تون مارو شيلو ٿين مون وونهڙ او.“

ايسو واوڙ نئه پنڌ ڪرڻه

(متي 23:8-27، مرقس 4:35-41، لوقا 8:22-25)

②3 ٿيون ايسو پيڙي موئين سڙين پينو، ان اوتڻا را شيلو پڻ اوتڻا پيڙا سڙين رونا ٿيا. ②4 ان اوچتي الاهي گهڻي واوڙ ڍنڍ مانه آوي، جيا ري ڪري موتي چولي آوي ان پيڙي موئين پوڻي آوا مڏيو. پڻ ايسو اونگهال پڙيو تو. ②5 ٿيون شيلي اوتڻا ڪن آوين اوتڻا نئه زگاڙيو، ان ڪيڏو: ”گرو جي، امون نئه پچاوو. هون امي بوڏيا مانه سون.“ ②6 تو ايسو اوتون نئه ڪيڏو: ”تمي ڪم پيڻاوه ان گهت يقين را ڪوه؟“ پسته ايسو اونين وائيرا ان چوليون نئه پنڌ ٿيا رو ڪيڏو، ان ماڻ ٿي ماڻ ٿي گهي.

②7 ٿيون او حيروني پڙي گيا، ان ام ڪيا مڏيا: ”اي ڪيو منڪ سئه، جي وائيرا ان پوڻي اوتڻا رو ڪيڏو مونته؟“

ايسو بيئون منكون تي گهڻا پوت ڪاڍه

(متي 28:8-34، مرقس 1:5-20، لوقا 8:26-39)

28) زئيون ايسو ڍنڍ را پيزا ڪپ مانه زائين گدرينيون را علاقا موئين آيو، تئيون پونئيرا جيوون مقومون موئين تي بي منڪ نيهرِي آيا جيون نئه پوت سونتل هتا، ان او ايسو نئه هوما تيا. او پوت سونتل منڪ گهڻا ڪترا واڙا هتا، ان منڪون نئه اوئا شيرڙا تي متوا ئي نه ڏيتا. 29) اوئي رڙيون ڪرين ايسو نئه ڪيڏو: ”پڳوون را ڏيڪرا، ٿارو امون تي ڪيو ڪوم سئه؟ تون سزا را توڻا تي مور امون نئه پونڌي هاڙي سزا ڏيو آيوه، ڪي؟“

30) هوه اوئون تي شيتي هونرون رو هيڪ موتو ولر سرتوت ريو. 31) تيام پوتي ايسو نئه ام منت ڪري: ”جي تون امون نئه ڪاڍه پرا، تو امون نئه اوئا هونرون را ولر ڀر ميل پرا.“ 32) تو ايسو اوئون نئه ڪيڏو: ”زائو پرا!“ تيا مانه پوت منڪون تي نيهرين هونرون نئه زائين سونتيا. ان اوچتو ٻڌوئي ولر ڏونگر تي نيسو ڍوڙي زائين ڍنڍ ڀر پڙيو، ان ٻڌائي هونر ٻوڏين مري ڪيا.

33) تئيون هونر ساريا واڙا پاڳي ڪيا، ان شهر موئين زائين ٻڌوئي ڪئين همپڙايو جي هونرون تي ڪي ٿيو، ان پوت سونتل منڪون تي پڻ ڪي ٿيو. 34) تئيون زوئو، شهر را ٻڌائي منڪ ايسو ڪن زايا هارو نيهرِي آيا، ان اوئا ڪن اوين اوئا نئه منت ڪري جي او اوئون را علاقا تي هيڪل زائو پرو.

ايسو هيڪا اڌرنڱ را مونڌا نئه هازو هورو ڪرئ

(متي 9:1-8، مرقس 1:2-12، لوقا 5:17-26)

9 1) تئيون ايسو پيڙي موئين سڙين ڍنڍ موئين تي متيو ان پاسو آپرا شهر ڀر آيو رو. 2) ان زوئو، منڪ هيڪا اڌرنڱ را مونڌا نئه زهوڙي موئين نوڪين ايسو ڪن لي آيا. زئيون ايسو اوئون منڪون رو يقين ڏيڪيو، تئيون اوئه اڌرنڱ

را مونڌا نئه ڪيڏو: ”ڏيڪرا، هيٺ راک، تارا ڪرل ڏوه ماڦ سئه.“

③ تيا مانه ڪئينڪ شاستر زوڻيا واري هڪا پيزا نئه ڪيڏو: ”اي منڪ آپ نئه پڳوون هرڪو ڪرين پڳوون رئي پيعزتي ڪرئ ريو.“

④ ايسو اوئون را ڪيال زوڻين ڪيڏو: ”هيوي ڪراپ واتون تمي من ڀر ڪم سوچوه ريا؟ ⑤ مون نئه همپزاوو جي ڪي هورو سئه؟ ام ڪيو هورو سئه جي اُونين وئه؟ ڪا ام ڪيو جي تارا ڪرل ڏوه ماڦ سئه؟ ⑥ پڻ هون تمون نئه ٿا پتئي ڏيه جي هون منڪ ذات رو ڏيڪرو سون، ان پڳوون مون نئه جڳت موئين ڏوه ماڦ ڪريا رئي اڪتيا رئي ڏيڏيئيه.“ پسئ ايسو اڌرنڳ وارا نئه ڪيڏو: ”اُوني، زهوڙي اوپاڙين گهري زا پرو!“ ⑦ ان او اُونين آپري گهري گيو پرو.

⑧ اوئنه جيا گهڻا منڪ هتا، هائي ڏيڪين، پڳوون ري ايئا ڪرا مانه حيروني پڙي گيا، ان اوئي پڳوون را وڪوڻ ڪريا جيئنه منڪون نئه هيوي ڪرا ڏيڏيئيه.

ناڪو ليڏا وارو متي ايسو رو شيلو تئھ

(متي 9:9-13، مرقس 2:13-17، لوقا 5:27-32)

⑨ ايسو اوئون زاتوت ريو، تو اوئنه هڪا منڪ نئه ناڪا مانه پينل ڏيڪيو، جيا رو نوم متي هتو. ان ايسو اوئا نئه ڪيڏو: ”مارو شيلو تين مون وونهڙ او!“ تو متي اوئيو ان ايسو رو شيلو تين اوئا وونهڙ وويو پرو.



⑩ تيا ڪيڙ ايسو متي ري گهري ڌاوت مانه گيو. ان زوڻو، اوئا ڌاوت موئين گهڻا ناڪو ليڏا وارا ان هيو پيزا منڪ اول هتا، جيون نئه منڪ ڏوهاري هزمين شپ ڪرتا. او ايسو ان اوئا رون شيلون پيزا ڪاڏا هارو پينل هتا. ⑪ اي ڏيڪين فريسي پالتي را منڪ ايسو رون شيلون نئه ڪيا مڏيا: ”تمارو گرو ناڪو ليڏا وارون ان هيوون ايتال ڏوهاريون پيزو ڪم ڪائھ؟“

⑫ ايسو هائي وات هومپزين ڪيڏو: ”جيا هازا هورا سئه، اوئون نئه ڍاڪتر

رئي ضرورت نٿي هوندي، پڻ روگهڻي مونڏون نٿو ضرورت هوندي. ⑬ ٽمي زائين پڳوون ري ڪيڏل ايٿا وات مانه ويوا شيڪو جي 'مارئي مرضي اي نٿي جي منڪ مارا نوم مانه مال ساڙڻ، پڻ مارئي مرضي اي سٺه جي منڪ ڏيا ڪرڻ. 'ڪم تو هون پيڏوهي منڪون نٿو نئين، پڻ ڏوهاري منڪون نٿو هاڏ ڏيوا آيوه جي او پڳوون ٿي واسطو راکڻه."

ايسو نوي واتون شيڪاڙڻه

پڻ منڪون نٿو ٿرم ري زوني واتون وٺڻه

(متي 9:14-17، مرقس 2:18-22، لوقا 5:33-39)

⑭ پسته يوحنا ري شيلي ايسو ڪن آوين پونسيو: "امي ان فريسي پالتي را منڪ گهڻي وار ورت راکونھ، پڻ تمارا شيلا ڪم ورت نٿي راکتا؟"

⑮ تيون ايسو اوئون نٿو ڪيڏو: "زئون لاڏو زونيون پيڙو سٺه، تيون زونيا ڏکي ٿيشي ڪي؟ پڻ ايوا ڏي آوشي زئون لاڏو اوئون ٿي ڌار ڪراشي پرو، تيڏي زونيا ورت راکشي. ⑯ ڪوئي پڻ منڪ نوا لوگهڙا رئي ٿيگهڙي زونا وگا ۾ نٿي هٿو. ڪم تو هم ڪريا ٿي نوا لوگهڙا رئي ٿيگهڙي سڙين هورئي ٿيشي، ان وگو اڳي ٿي گهڻو ڦاڻي زاشي. ⑰ ان منڪ نوو ڌراڪون رو رس زونيون هنداريون ۾ نٿي راکتا، نڪا نوو رس پاڪين هنداريون نٿو ڦاڙشي پري، ان پسته رس ايترائي زاشي ان هنداري ڪيا ٿي ڪوم ري نئين رٿه. پڻ منڪ نوو ڌراڪون رو رس نويون هنداريون ۾ راکڻه، ان پسته رس ان هنداري ٻي ٿي ٿيڪ رٿه."

ايسو هيڪي سوڪري نٿو جيوتئي ڪرڻه

ان هيڪي اشيتري نٿو هارئي هورئي ڪرڻه

(متي 9:18-26، مرقس 5:21-43، لوقا 8:40-56)

⑱ ايسو هزون اوئون نٿو هائي واتون ڪيتوت ريو، تو اوڻه ٿوڻه هيڪ آڳوون

اُوئا ڪن آوين اُوئا ري پڳي پڙيو، ان ڪيڏو: ”مارئي سوڪري همڻه ڳڏاري ڳڻيھ. پڻ تمي هالين اُوئا مانھ هات ميلو، تو او وڙي جيوتئي تي زاشي.“ (19) تو ايسو اُونين اُوئا پيڙو ڳيو ان ايسو را شيللا پڻ پيڙا ڳيا.

(20) تيون هيڪ اشيتري، جيا نئه ٻارون سالون ٿي زالوئي پيماري هئي ان هايا پيماري ري ڪري او اڀڙال هئي، ايسو وونهڙ آوين اُوئا ري ساڌر را شيڙا نئه سڀي. (21) ڪم تو او ام سوچتيت رئي: ”جي هون روڳي ايئا را لوگهڙا نئه سڀي، تو هون هازئي هوري تي زائيھ.“

(22) ايسو وونهڙ قرين اُوئا ڏوشي نئه زوين ڪيڏو: ”ڏيڪري، هيٺ راڪ. تين يقين ڪريوھ، تيام تون نڪ تي ڳڻيھ.“ ان اوئه ئي توئه او ڏوشي هازئي هوري تي ڳڻي.

(23) زيون ايسو آڳيون ري گهري پوتيو، تو اوئه اوئون منڪون نئه ڏيڪيا جيا سوڪري را موت مانھ ساز وڳاڙيا هارو ان روي هارو رواز پرموئه پيھون مانھ تيڙاول هتا. ڪئينڪ وونهڙي وڳاڙتات ريا، ان پيڙا الاهي گهئا منڪ گهئا زور تي پار لين روتات ريا. (24) هائي ڏيڪين ايسو ڪيو مڏيو: ”ايئون هيڪل زائو، ڪم تو سوڪري مرئي نئي، پڻ اونگهائي رئيھ.“ تيا مانھ او منڪ ايسو مانھ نئولي ڪروا مڏيا. (25) پڻ زيون ايسو اوئون گهئون منڪون نئه گهر تي ٻارا ڪاڍي ريو، تيون او گهر موئين ڳيو، ان اُوئا سوڪري رو هات زهالين سوڪري نئه جيوتئي ڪرين اوناڙئي. (26) ان ايئا وات رئي ڪپ اوٿ را پورا علاقا ۾ پڪڙي ڳڻي.

ايسو بيئون اونڌون نئه ان هيڪا ڳونڳا نئه

هاڙا هورا ڪرئھ

(27) ايسو اوئون زاتوت ريو، تو ٻي اونڌا منڪ اُوئا وونهڙ زور تي ام ڪيتا آوتات ريا: ”او دائود پاڌشا را وستار، امون مانھ ڏيا ڪرو!“

(28) زيون ايسو آڳيون گهر موئين ڳيو، تو اونڌا منڪ اُوئا ڪن آيا، ان ايسو

اُٺون ٿي پُونسيو: ”ڪي تمون نئه يقين سئه جي هُون تمون نئه هازا هورا ڪري هڪونھ؟“ تو اُٺي ورندي ڏيڏي: ”هوئنه، ساڏو جي، امون نئه يقين سئه.“
 (29) تئيون ايسو اُٺون ريون اونڪيون نئه سڀيو، ان ڪيڏو: ”زم تمي يقين ڪريوھ، همروم تمون ٿي تئه!“ (30) ان اُٺون ري اونڪيون هازي هوري ٿي گي. ان ايسو اُٺون نئه گهڻو گهڻو ڪيڏو: ”ايئا وات رئي ڪيا نئه ڪهر نه پڙئه!“ (31) پڻ اُٺي زائين هايا وات رئي ڪهر اوت را پورا علاقا ۾ پڪيڙي پري.

(32) زئيون هائي ٻي منڪ گهر ٿي ٻارا نيهرتات ريا، تو اُٺه ئي توئنه ڪئينڪ منڪ هڪا گونگا نئه ايسو ڪن تيڙي آيا، جيا نئه پوت سونتل هتو. (33) زئيون ايسو پوت نئه ڪاڍيو، تو گونگو منڪ ٻولوا مڏيو. ان جيا گهڻا منڪ اُٺه هتا، او حيرون ٿيا ان ام ڪيا مڏيا: ”ايوئي وات آڻي اسرائيلي قوم ۾ اڳي ڪيڏي نٿي ٿي.“

(34) پڻ فريسي پالتي را منڪ ڪيا مڏيا: ”او پوتون را مڪ شيطون ري ڪرا ٿي پوتون نئه ڪاڍه.“

ايسو منڪون مانھ ڏيا ڪرئھ

(35) ايسو ٻڌون شهرون ان پاڙون ۾ زائين يهوديون رون پڳوون رون منڊرون ۾ شيڪاڙتو ريتو، پڳوون را راز را پارام ڪشي رئي ڪهر همپڙاوتو ريتو، ان منڪون نئه هر پيماري ان هر تڪليپ ٿي هازا هورا ڪرتو ريتو. (36) زئيون اُٺه الاهي گهڻون منڪون نئه ڏيڪيا، تو اُٺا نئه اُٺون مانھ قياس آيو، ڪم تو او تڪليپ ۾ هتا ان اُٺون رو ڪيال را ڪيا واڙو ڪوئي پڻ نتو. او ايويون رديون را زم هتا، جيون رو ڪوئي ڌراڙ نه هوئنه. (37) تئيون ايسو پڳوون رو وچن همپڙايا را پارام قصل لٿيا رو مثال ڏين آڀرون شيلون نئه ڪيڏو: ”قصل تو الاهي گهڻو سئه، پڻ لٿيارا توڙا سئه. (38) تيام قصل را ڏي نئه وينتئي ڪرو جي لٿارا هارو لٿيارا ميله.“



ايسو آپرون ٻارون سُونڊل شيلون نءُ ڀڳوونَ رو گوم ڪريا هارو ميلئھ

(متي 1:10-15، مرقس 13:3-19، لوقا 12:6-16، 9:1-6)

10 ① پسنءُ ايسو آپرون ٻارون سُونڊل شيلون نءُ آڀ ڪن تيڙاوين، اوئون نءُ اي اڪتياڙئي ڏيڏئي جي او منڪون ٿي پوت ڪاڏيءَ ان منڪون نءُ هر پيماري ان هر تڪليپ ٿي هازا هورا ڪرئ.

② اوئون ٻارون مڪ شيلون را نوم اي سئ. پيرهيون شمعون، جيا نءُ پطرس پڻ ڪيتا، ان اوئا رو پائي اندرياس، زبدي را ڏيڪرا يعقوب ان يوحنا، ③ فلپس ان برتلمائي، توما ان ناڪو ليڏا واڙو متي، حلفي رو ڏيڪرو يعقوب ان تدي، ④ شمعون، جيو آڀرا ملڪ ري آزادي هارو وڊيا واڙو هتو، ان يهوداه اسڪريوتي، جيئءُ تيا ڪيڙ ايسو نءُ زهلايو.

⑤ ايسو هايون ٻارون زئون نءُ اي حڪم ڏين ميليا: ”ڌاري قوم رون منڪون ڪن مت زايا، نڪو سامري قوم را ڪيا شهر ۾ زايا. ⑥ پڻ اسرائيلي قوم رون

منڪون ڪن زائو، جيا گمال ريڊيون را زم سئ. ⑦ جيئڻه پڻ زائو، تو تمي ام همپڙاويا: 'ايشور را راز رو او توڻو ڏوڪڙو آيوه زئيون ايشور ساوڻه نمونڻه ٻڌون مانه راز ڪرشي.' ⑧ مونڏون نئه هازا هورا ڪريا، مرلون نئه جيوتا ڪريا، ڪوڍ وازون نئه هازا هورا ڪرين اڀڙايا ٿي پويتر ڪريا، ان منڪون ٿي پوت ڪاڍيا. مئين تمون نئه هائي ڪوم ڪريا رڻي اڪتيارڻي امهي ڏيڏيڻه، تيام تمي پڻ هائي ڪوم پيڻها ليڏا وگر امهي ڪريا. ⑨ تمي آپ پيڙا پيڻها مت لي زايا، نڪو هيم را، نڪو چونڊي را، ان نڪو پيتر را. ⑩ پنڌ هارو نڪو زهوڙي، نڪو پيزو وگو، نڪو زوڙا، ان نڪو لاکڙي لي زايا. ڪم تو مزور رو حق سئ جي اوڻا نئه ڪوم را ايوزام روڻي زڙه.

⑪ جيا جيا شهر ڪا پاڙا ۾ زائو، تو اوڻه تمي ڪوڪ ايوو منڪ گوتيا جيو مون وازو هوڻه. ان زئيون هوڏي تمي اوڻون روونا نه ٿيو، تئيون هوڏي اوڻا منڪ ري گهري ريا. ⑫ زئيون تمي گهر موئين زائو، تو اوڻا گهر رون منڪون نئه ڪيا 'هڪي ريو!' ⑬ ان جي اوڻا گهر را منڪ تمون نئه مون ڏئه، تو اوڻون نئه پڳوون را پاها ٿي هڪ ٿه. پڻ جي او تمون نئه مون نه ڏئه، تو اوڻون نئه هڪ نه ٿه. ⑭ ان جي ڪوئي پڻ تمون نئه آوا نه ڏئه ڪا تماري واتون نه هومپڙه، تو اوڻا گهر ڪا شهر ٿي نيهرين اوڻون ٿي واسطو توڙيا هارو آپرون پڳون رڻي ڏوڙ پڻ ڪريا پرڻي. ⑮ هون تمون نئه هاس ڪونه، جي اوڻه ڏي جيڏي پڳوون نيا ڪرشي، تيڏي پڳوون اوڻا شهر رون منڪون نئه هاو پونڏون سدوم ان عموره شهرن ٿي پڻ گهڻي سزا ڏيشي."

ايسو مانه وشواس راڪيا وازون نئه

منڪ ڏک تڪليپ ڏيشي

(متي 16:10-25، مرقس 9:13-13، لوقا 12:21-19)

⑯ "زوڻو! هون تمون ريڊيون جيوون منڪون نئه نارون جيوون منڪون موئين ميلونه

ريو. تيام تمی ھاپون را زم ھوشيار ریا، ان پاریوون را زم ڳریپ ٿیا. (17) منکون ٿي ھوشيار ریا. کم تو او تمون نئہ زھالین پنچائیتون رئہ حوالئہ ڪرشي، ان آپرون پڳوون رون منڊرون ۾ تمون نئہ چاڀکا ھئاوشي. (18) ماري ڪري منک تمون نئہ آڳیوونون ان پاڌشائون ھوما لي زاشي، ان ھیوئہ نمونئہ تمی اوئون نئہ ان ڌاري قوم رون منکون نئہ مارا پارام ھاڪ پرین ھمپزاوي ھیکشو. (19) پڻ زئیون او تمون نئہ زھلاوئہ، تئیون تمی ای ڳتئي مت ڪریا جي تمی کم ڪرین پولشو ڪا ڪي ڪیشو. کم تو اوئہ ئي توئئہ پڳوون تمون نئہ من ۾ ھمپزاوشي جي تمارئہ ڪي ڪیو. (20) کم تو تمی آپرا پاھا ٿي نئین پولو، پڻ تمارا ڀاپ پڳوون را میلل پویتر آتما ري ڪرا ٿي پولشو.


(21) ڀائي ڀائي نئہ موت رئي سزا ڏیورایا ھارو زھلاوشي، ان ڀاپ اولاد نئہ موت رئي سزا ڏیورایا ھارو زھلاوشي. ان اولاد مان ڀاپ رئہ ڪلاف ٿیشي ان اوئون نئہ زھلاوین موت رئي سزا ڏیوراوشي. (22) تمارئہ مون مانھ وشواس راکیا ري ڪري ٻڌائي منک تمون ٿي ویر راڪشي. پڻ جیو آڪر ھوڏي وشواس راکین ڏورون صیر ٿي سھشي، اوئا نئہ تارڻ زڙشي. (23) زئیون منک تمون نئہ ھیکا شھر ۾ تنگ ڪرئہ، تو اوئون پیزا شھر ۾ پاڳي زایا. کم تو ھون تمون نئہ ھاس ڪونھ، زئیون ھون منک ذات رو ڏیکرو زبکتا سوجھرا ۾ وڙي پاسو آویھ، تئیون اسرائیل ملڪ رون شھرون ۾ مارا پارام ھمپزايا رو ڪوم ھزون پورو ئي نئین ٿیو ھوئہ.

(24) شیلو آپرا ڳرو ٿي موتون ٿي، نڪو ڳلوم آپرا ڌڻي ٿي موتو سئہ. (25) شیلا رئہ ایئا وات مانھ ڪش ٿیو ڪپئہ جي او آپرا ڳرو را زم ٿئہ. ان ڳلوم رئہ ایئا وات مانھ ڪش ٿیو ڪپئہ جي او آپرا ڌڻي را زم ٿئہ. ھوئہ زئیون منکي مون نئہ شیطون را پاھا رو ڪیتو، جیو زوئئہ ڳھر رو ڌڻي سون، تو تمون نئہ ڪي نئین ڪئہ، جیا زوئئہ ڳھر را منک سو؟“

منڪون ٿي نه پيئائو

(متي 10:26-31، لوقا 12:2-7)

②6 ”تيام تمڻي اوتون ٿي مت پيئايا. ڪم تو جئين پڻ وات ڍونڪل سئ، اُو ساوئي ٿيشي، ان جئين پڻ وات هٽاڙل سئ، اوتار رئي ڪپر پڙشي. ②7 جي واتون اندارا ڀر هٽاڙل سئ، اُو سوجهرا ڀر ساوي ٿيشي، ان هيونئ نمونئ جي واتون هون تمون نئ نويڪلائي ڀر ڪونئ، اُو تمڻي ٻڌون رئ روپرو همپڙاويا، ان جي ڪونون ڀر هٿيون هٿيون ڪيڏل واتون تمڻي هومپڙوه، اُو تمڻي ٻڌون نئ اوتومڻي همپڙايا. ②8 منڪون ٿي مت پيئايا، ڪم تو اُو روڳو اتو ڪري هيڪئ جي تمون نئ مارئ پرا، پڻ تمارا جيو نئ ڪم نئي ڪري هيڪتا. پڻ پڳوون ٿي پيئائو، ڪم تو اُو تمون نئ هميش رئي سزا کاڌا هارو نرڳ موئين ڦڳوزين تمارو ڏيل ان جيو



پيئون نئ ڪم ڪري هيڪئ. ②9 سڪلي تو هاو هونگهي سئ، هيڪا روپيا ڀر ٻي زڙئ. توي پڻ تمارا ٻاپ پڳوون ري مرضي وڳر هائون موئين ٿي هيڪ ئي نئي مرتئي. ③0 پڳوون تو تمارو اتو گهڻو ڪيال راکئ جي تمارا ماتا را مٿوئاڙ پڻ ٻڌائي اوتار را گڻل سئ. ③1 تيام مت پيئايا، ڪم تو تمارو مون سڪليون ٿي الاهي گهڻو سئ.

آپ نئ ايسو رو شيلو ڪيڏا ٿي نه پيئائو

(متي 10:32-33، لوقا 12:8-9)

③2 ”جيو منڪون رئ روپرو ڪئ جي اُو مون مانئ وشواس راکئ، تو هون پڻ مارا آڪاشي ٻاپ پڳوون رئ روپرو همروم ڪيئ جي اُو مون مانئ وشواس راکئ.

③③ ان جيو منكون رٺه رُوپرو ڪٺه جي اُو مُون مانه وشواس نٿي راکتو،
تو هُون پڻ مارا آڪاشي پاپ پڳوون رٺه رُوپرو همروم ڪيه جي اُو مُون مانه
وشواس نٿي راکتو.

منڪ ايسو مانه وشواس راکيا وازون رٺه ڪلاف تيشي

(متي 34:10-39، لوقا 51:12-53، 26:14-27)

③④ ”تمي ام مت هزمو، جي مارا آيا ٿي ڌرتي مانه هپ تيشي. مارا آيا ٿي هپ
نئين، پڻ واڌ تيشي. ③⑤ ڪم تو مارا آيا ٿي منڪ آپرا پاپ رٺه ڪلاف تيشي، ان
ڏيڪري آپري مان رٺه ڪلاف تيشي، ان وٺواري آپري هاهو رٺه ڪلاف تيشي.
③⑥ ان منڪ را دشمن اوتارا آپرا گهر را پاتي هوشي.

③⑦ جيو آپرا مان پاپ ٿي وڌارٺه پريم ڪرٺه، پڻ مُون ٿي گهٽ پريم ڪرٺه،
اُو مارو شيلو هويا جيوو نٿي. ان جيو آپرا ڏيڪرا ڪا ڏيڪري ٿي وڌارٺه پريم
ڪرٺه، پڻ مُون ٿي گهٽ پريم ڪرٺه، اُو مارو شيلو هويا جيوو نٿي. ③⑧ ان جيو
زوٽه آپري هوزي اُوپارين موت هودي ڏڪ سهين مُون وونهز نٿي اوتو، اُو
مارو شيلو هويا جيوو نٿي. ③⑨ جيو ڪوئي رُوگو آپرو جيو پچاوا ڪرٺه، تو اوتا
رو جيو گمائي زاشي، پڻ جيو ڪوئي ماري ڪري آپرو جيو ڏيڏا مانه تيار سٺه،
تو اوتا نٺه هميش رو جيون زڙشي.

پڳوون ايسو مانه وشواس راکيا وازون نٺه ايوزو ڏيشي

(متي 40:10-42، مرقس 9:41)

④④ ”جيو تمون نٺه ڪشي ٿي آوا ڏٺه ان قبول ڪرٺه، اُو مُون نٺه قبول ڪرٺه.
ان جيو مُون نٺه قبول ڪرٺه، اُو پڳوون نٺه قبول ڪرٺه، جيئنه مُون نٺه ميليوه.
④① جيو منڪ پڳوون رو نياپو ڏيڏا وازا نٺه ايئا وات ري ڪري ڪشي ٿي آوا
ڏٺه، جي اُو پڳوون رو نياپو ڏيڏا وازو سٺه، تو پڳوون اوتا منڪ نٺه ايوو ايوزو

ڏيشي، جيئو پڳوونَ رو نياپو ڏيڏا واڙا نئه زڙشي. ان جيئو منڪ پڳوونَ ري وات مانه وُڍا واڙا نئه ايئا وات ري ڪري ڪُشي ٿي آووا ڏئه، جي او پڳوونَ ري وات مانه وُڍا واڙو سئه، تو پڳوونَ اوئا منڪ نئه ايئو ايوزو ڏيشي، جيئو پڳوونَ ري وات مانه وُڍا واڙا نئه زڙشي. (42) ان جيئو پڻ ايئون ٻڌون ٿي نونون منڪون موئين ٿي هڪا نئه، مارو شيلو هزمين، رُوڳو هڪ گلاس ٿاڍو پوڻي ٿي پيئارئه، تو هون تمون نئه هاس ڪونه جي پڳوونَ اوئا نئه هايا پلائي رو ضرور ايوزو ڏيشي.

يُوحنا جيل ٿي آپرون شيلون نئه ايسو ڪن ميلئه

(متي 1:11-6، لوقا 7:18-23)

11 ① زئيون ايسو آپرون ٻارون سُونڍل شيلون نئه هائي واتون ڪي ريو، تئيون اوت رون شهرون ۾ شيڪارٿيا هارو ان همپڙايا هارو اوئا ماڳ ٿي رُونو ٿيو.

② زئيون پَوِتر سنون ڏيڏا واڙئه يُوحنا جيل موئين ايسو ڪريست رون ڪومون را پارام هومپڙيو، تئيون اوئه پڪ ڪريا هارو آپرون شيلون نئه ايسو ڪن اي پُونسوا ميليا: ③ ”ڪي تم پڳوونَ را سُونڍل پچايا واڙا سو جيا را آيا را پارام شاستر ۾ لڪل سئه، ڪا امي پيڙا ڪياڪ رئي وات زوئون؟“ ④ پسته ايسو يُوحنا رون ميلل شيلون نئه ڪيڏو: ”تمي زائين جئين ڪئين تم هومپڙيوه ان ڏيڪيوه، او يُوحنا نئه همپڙايا، ⑤ جي اونڌا ڏيڪي هڪئه ان رُونڳڙا وي هڪئه، ڪوڍيا هازا هورا تين اڀڙايا ٿي پَوِتر تئه ان پوڙا هومپڙئه، مرل منڪ جيوتا تئه ان گريهون نئه ڪُشي رئي ڪر همپڙاوئي زائه. ⑥ ان پاڳواڙا او سئه جيا مون مانه ڪئين ٿي شڪ نٿي ڪرتا، جي هون او هاڳي پڳوونَ رو ميلل پچايا واڙو سون.“

ايسو منكون نئه يوحنا را پارام هزماوئھ

(متي 7:11-19، لوقا 7:24-35)

⑦ زئيون يوحنا را ميلل شيلا پاسا رونا ٿيا، تئيون ايسو ٻڌون منكون نئه يوحنا را پارام ڪيوا مڏيو: ”زئيون تمي رڻ موئين يوحنا ڪن ڳيا تا، تو تمي ڪي زووا ڳيا تا؟ تمي ايوو منڪ زووا ڳيا تا ڪي، جيا را ويچار سر را زم وائيرا ٿي ڏڳتا رئه؟ ⑧ پسنه تمي ڪي زووا ڳيا تا؟ ڪياڪ نائوڪا لوگهڙا پيرل منڪ نئه زووا ڳيا تا، ڪي؟ نا، او جيا نائوڪا لوگهڙا پيرئه، او تو پاڌشائون رون مولاتون موئين هوئه. ⑨ پسنه تمي ڪي زووا ڳيا تا؟ ڪي هڪا پڳوون رو نياپو ڏيڏا واڙا نئه؟ هوئه پيزو. هون تمون نئه ڪاتري ٿي ڪونه جي يوحنا پڳوون رو نياپو ڏيڏا واڙو تو سئه، ان ايٺا ٿي موٽو پڻ سئه. ⑩ يوحنا او سئه جيا را پارام شاستر موئين پڳوون رئي اي ڪيڏل وات لڪل سئه:

’زو، هون آپرو نياپو ڏيڏا واڙو ٿون ٿي مور ميلونه،

او ٿارا آيا مور ٿون هارو مارڳ تيار ڪرشي.’

⑪ هون تمون نئه هاس ڪونه، پوري دنيا ۾ ايوو ڪوئي منڪ پيدا نٿي ٿيو، جيو يوحنا پويتر سنون ڏيڏا واڙا ٿي موٽو سئه. توئي ايشور را راز موئين جيو ٻڌون ٿي نونو سئه، او پڻ يوحنا ٿي وڌارئه يا ڳواڙو سئه. ⑫ زئيون يوحنا پويتر سنون ڏيڏا واڙو ايشور را راز را پارام همپراووا مڏيو، اوٺا وڪت ٿي لين هزون هوڏي، ايشور را راز ٿي مقابلو وئھ ريو، ان ڪراپ منڪ ايشور را راز رئه ڪلاڦ ٿين زوري اوٺا نئه ڪتم ڪروا ڪرئھ ريا. توئي پڻ ايشور رو راز زور ٿي پڪڙئھ ريو، ان جيا منڪ ايشور ري وات مانھ ووڊا هارو آپري پوري ڪوشش ڪرئھ ريا او ايشور را راز را منڪ ٿئھ ريا. ⑬ ڪم تو يوحنا را آيا هوڏي، شاستر ۾ ٻڌون پڳوون رو نياپو ڏيڏا واڙون رون لڪل ڪتابون ۾ ان موسي رون لڪل ڪتابون ۾ مور ٿي همپراول هتو جي ايشور رو راز آوشي. ⑭ ان جي تمي يقين

ڪرو، جيئن شاستر ۾ لڪل سٺه جي ايشور را راز رٿه آيا ٿي مور ايلياہ آوشي،
تو هائي يوحنا را پارام لڪل سٺه. (15) هومپڙيا واڙون، تمي ماري وات مانھ
ڏيون ڏيو!

(16) هون تو ڪي ڪون؟ ايٿا زمونا را منڪ ڪيا را گهوڙ سٺه؟ اي منڪ
اوئون پاڙون را گهوڙ سٺه، جيا شهر رون پونون موئين رمتون پيزون پاڙون ٿي
ڌار پيهين ام ڪئھ:

(17) 'امي رميا هارو وونهڙي وگاڙي، پڻ تمي تو رميا ٿي نئين.

امي پار لين روياء، پڻ تمي روياء ٿي نئين.'

اوئون پاڙون را زم ايٿا زمونا را منڪ ڪيئھ پاهئھ ڪش نٿي. (18) ڪم تو يوحنا
آيو ان او نڪو روٿي کاتو نڪو ڌراڪون رو رس پيتو، تيام منڪ ڪئھ: 'ايٿا
نئھ پوت سونتل سٺه.' (19) پڻ هون منڪ ذات رو ڏيڪرو آيوھ، ان هون پيزون را
زم روٿي ڪائونھ ان ڌراڪون رو رس پيئونھ، توئي پڻ منڪ مارا پارام ڪئھ:
'ايٿا نئھ زوئو. اي لپڙو ان شراپي سٺه. اي تو اپڙال ناڪو ليڏا واڙون ان هيون
ڏوهاريون رو دوست سٺه.' توئي پڻ جيا منڪ پڳوون رو نياپو مونئھ، او آپرون
ڪرل ڪومون ٿي ٿاڀيئي ڏئھ جي او نياپو پڳوون ري عقل ٿي ڏيندل نياپو سٺه.'

جيون شهرون را منڪ يقين نٿي راکتا

اوئون نئھ گهٽي سزا زڙشي

(متي 20:11-24، لوقا 13:10-15)

(20) پسئھ ايسو اوئون شهرون رون منڪون رو ڏوھ ڪاڍوا مڏيو، جيون شهرون ۾
اوئھ گهٽا پرسا ڏيڪاڙيا تا، توئي پڻ منڪي آپرا ڪراپ ڪوم ساڏين توپونھ
نٿي ڪري ان پڳوون ري وات مانھ نٿا وڍيا. (21) ايسو ام ڪيڏو: "ڏڪ سٺھ
خرازين شهر رون منڪون هارو، ان ڏڪ سٺھ بيت صيدا شهر رون منڪون هارو،
ڪم تو ايئون شهرون موئين پڳوون ري ڪڙا ٿي موتا ڪوم ٿياھ، توئي پڻ اوئي

آپرا ڪراپ ڪوم ساڏين توپونه نه ڪرئي ان پڳوون ري وات مانه نه ووديا. جي هيو پرسا ڌاريون صور ان صيدا شهرن موئين تيا هوئت، تو اوت را منڪ ويلا آپرا ڪراپ ڪوم ساڏين توپونه ڪرئت، ان پاڪريون ري زات تي ناول لوگهڙا پيرين ڏڪ موئين شيلي مانه پيهئت، ان پڳوون ري وات مانه وئت. (22) تيام هون تمون نئه ڪاتري تي ڪونه، اوئه ڏي جيڏي پڳوون نيا ڪرشي، تيڏي او ايئون شهرن رون منڪون نئه هاو پوندون صور ان صيدا شهرن تي گهڻي سزا ڏيشي.

(23) ان ڪفرنحوم شهر را منڪ، او ام سوچئه جي 'امي نائوڪا سون، امي آڪاش موئين پڳوون ڪن ضرور پوگشون.' پڻ پڳوون اوئون نئه مرلون را جگت موئين هيٺ ڦڳوڙشي پرا. ڪم تو هايا شهر موئين پڳوون را موٽا ڪوم تيا، توئي پڻ منڪي آپرا ڪراپ ڪوم ساڏين توپونه نه ڪرئي ان پڳوون ري وات مانه نه ووديا. جي هيو پرسا هاو پونڏا سدوم شهر موئين تيا هوئت، تو اوت را منڪ ويلا آپرا ڪراپ ڪوم ساڏين توپونه ڪرئت ان پڳوون ري وات مانه وئت، ان او شهر آز هوڏي هوئت. (24) پڻ هون تمون نئه ڪاتري تي ڪونه، جي اوئه ڏي جيڏي پڳوون نيا ڪرشي، تيڏي پڳوون ڪفرنحوم شهر رون منڪون نئه هاو پونڏا شهر سدوم تي پڻ گهڻي سزا ڏيشي.

ايسو آپرون شيلون هارو پڳوون رو ٿورو مونئه

(متي 25:11-30، لوقا 21:10-22)

(25) تيا مانه اوئه ئي توئه ايسو ڪيڏو: "او پا، آڪاش ان ڌرتي را ڏئي، هون تمارو ٿورو مونونه ڪم تو تمي اي واتون هزمو ان عقل وازون تي هٿارين را ڪيه، ان نونون منڪون ڪن ساوي ڪريه. (26) او پا، وڙي هون تمارو ٿورو مونونه ڪم تو تمي آپري مرضي ان ڪشي تي هم ڪريوه."

(27) تيون ايسو منڪون نئه ام ڪيڏو: "پڳوون ٻڌوئي ڪئين مارا ڪيڏام

ڏيڏوھ. پيزو ڪوئي پڳوونَ را ڏيڪرا نٿه نٿي اوزڪتو، رُوڳو مارو پاپ پڳوونَ اوزڪتو. ان پيزو ڪوئي مارا پاپ نٿه نٿي اوزڪتو، رُوڳو هُون اُوڻا رو ڏيڪرو اوزڪونه، ان اُو پڻ اوزڪتو جيون ڪن هُون ڏيڪرو مارا پاپ پڳوونَ نٿه ساوو ڪروا ڪرونه.

②8 ٽمي جيا منڪون رون ناول حُڪمون مانھ وي وينَ زوڻئہ پار اُوپاڙي اُوپاڙينَ ٿاڪي گياھ، ٽمي ٻڌائي مُون ڪن آوو، ان هُون تمون نٿه هڪ ڏيھ. ②9 زم ڊڳو پنڄارئي اُوپاڙينَ آپرا ڌڻي را هاڪليا پرموڻئہ وئہ، تم ٽمي زوڻئہ مارئي پنڄارئي اُوپاڙينَ مارا ڪيڏا پرموڻئہ وو، ان مُون ٿي شيڪو، ڪم تو هُون اشراپ ان من رو گريپ سون، ان تمون نٿه من ۾ هڪ زڙشي. ③0 ڪم تو ماري شيڪاڙل واتون نائوڪي ناول پنڄاري را زم سئہ، ان هلڪا پار را زم سئہ. اُو تمون هارو نائوڪي سئہ ان تمون نٿه ڏوري نئين لاڳئہ.

ايسو پويتر ڏي رو ڌڻي ٽين

آپ ڦينصلو ڪرئہ جي پويتر ڏي رو ڪي ڪروو

(متي 1:12-8، مرقس 2:23-28، لوقا 6:1-5)

12 ① اُوڻون ڏيئون ۾ هيڪ وار ايسو پويتر ڏي رو ڪيترون موئين ٽين متوت ريو، جيون ۾ ڪڪ اوپل هئي. اُوڻا رون شيلون نٿه پوک لاڳئي، ان اُو هرا پٽين ڪاوا مڏيا. ② پڻ فريسي پالتي ري منڪي شيلون رو اي ڪوم ڏيڪين ايسو نٿه وڙگائين ڪيڏو: ”زو، تارا شيلو تو لهارو ڪريا جيوو ڪوم ڪرئہ زيا. آڻا ڌرم پرموڻئہ پويتر ڏي رو ڪئين ڪوم نه ڪروو ڪئہ.“

③ ٽيون ايسو اُوڻون منڪون نٿه ڪيڏو: ”تمون نٿه ڪهر نٿي ڪي، جي هيوي پوک ري حالت ۾ آڻئہ ڌرمي ڏاڏئہ دائود ڪي ڪريو تو؟ ٽمي تو شاستر موئين اڳي پٽيوھ جي زئون دائود ان اُوڻا را منڪ پوکا هتا، ④ ٽيون اُو آپ پڳوونَ را گهر موئين گيو، ان جي روڻي پڳوونَ را نوم ري هتي، اُو روڻي اُوڻه ان اُوڻا ري

سائِيئي ڪاڏي. هُوَ دائود رو ان اُوئا رون سائون رو اُوئون روئون مانھ ڪئين حق نتو، ڪم تو آڀا ڌرم پرموئڻه رُوڳا اُو جيا پڳوون را گهر موئين پوزا رو ڪوم ڪرڻه، اُو ايوي روتي ڪائي هيڪڻه. توي پڻ پوک ري حالت ۾ اُوئي هائي روتي ڪاڏي. ⑤ ان تمي شاستر ۾ اي پڻ پڻو نٿي، ڪي؟ پويتر ڏي رو پوزاري پڳوون را گهر ۾ موسي رون لڪل حڪمون پرموئڻه پوزا رو ڪوم ڪرڻه. پڻ هيوئ نمونئ ڪوم ڪريا ٿي اُو پويتر ڏي رو آروم ڪريا رو حڪم توڙڻه. توي پڻ اُو هم ڪريا ٿي ڏوهاري نٿي ٿيئا. ⑥ ان هون تمون نئ ڪاتري ٿي ڪونه جي هون تمون هومو پڳوون را گهر ٿي پڻ موتو سون. ⑦ شاستر ۾ پڳوون رئي اي وات لڪل سئ: 'مارئي مرضي اي نٿي جي منگ مارا نوم مانھ مال ساڙڻه، پڻ مارئي مرضي اي سئ جي منگ ڏيا ڪرڻه.' جي تمي ايئا وات رو مطلب هزموت، تو تمي ايئون مارون شيلون رو ڏوه نه ڪاڍوت، جيا ايئا وات ۾ پيڏوهي سئ. ⑧ ڪم تو هون آپ منگ ذات رو ڏيڪرو ٿين پويتر ڏي رو ڏي سون.

ايسو پويتر ڏي رو هڪا هوكال هات واڙا نئ هازو هورو ڪرڻه

(متي 9:12-14، مرقس 3:1-6، لوقا 6:6-11)

⑨ ايسو اُوئون زائين يهوديون را پڳوون را مندر موئين گيو. ⑩ ان اوتئ هڪ منگ هتو جيا رو هات هوكال هتو. تيام فريسي پالتي ري منكي ايسو ٿي پونسيو: "ڌرم پرموئڻه پويتر ڏي رو منكون نئ هازا هورا ڪروو صحيح سئ ڪا نا؟" اُوئي ام تيام پونسيو، ڪم تو اُو ايسو رو ڏوه ڪاڍيا رو وجه گوتتات ريا. ⑪ پڻ ايسو اُوئون نئ وڙندئي ڏيڏئي: "جي تمون موئين ٿي ڪيا ڪرڻي هڪ ري هون ان اُو پويتر ڏي رئي ڪاڏا موئين پڙي زائ پڙي، تو تمي اونا نئ پارئي نئين ڪاڍو، ڪي؟ ⑫ هون منگ رو مون تو ري ٿي الاهي گهڻو سئ. تيام آڀا ڌرم پرموئڻه پويتر ڏي رو منكون ٿي پلائي ڪروو صحيح سئ." ⑬ پسئ ايسو اونا منگ نئ ڪيڏو: "تارو هات پاڌرو ڪر!" تو اوتئ آڀرو

هاٽ پاٽرو ڪريو، ان اوثا رو هاٽ پيڙا هاٽ را زم ھازو ھورو ٿي ڳيو. ⑭ پڻ فريسي پالٽي ري منڪي اوثون نيهرين آيت ۾ ايسو رٿه ڪلاڪ صلاح ڪرڻي جي ”اوثا نه ڪم ڪرين مراوون پرو؟“

ايسو ٿاڀنٽي ڏٺھ

جي او پڳوون رو سئونيل شيواڌاري سٺ

⑮ ھاڻي وات زوئين ايسو اوثون ڳيو پرو. ان الاهي گھڻا منڪ اوثا وونھڙ وُڍيا. ان اوثون موئين زتا پيمار هتا، ايسو اوثون ٻڌون نه ھاڙا ھورا ڪريا. ⑯ ان اوثون نه گھڻو گھڻو ڪيڏو جي ”مارا پارام وات مت پڪيڙيا.“

⑰ ھاڻي ايٺا ھارو ٿيو، زم پڳوون رٿي اي وات پورڻي ٿئ، جيئي وات اوئھ آڀرو نياپو ڏيڏا واڙا يسعياھ ھاٽ ڪيڏي ٿي:

⑱ ”زوئو، اي مارو شيواڌاري سٺه جيا نه مئين سونڊيوھ.

اي مارو پريمي سٺ، ان ايٺا ٿي ھون گھڻو ڪش سون.

ھون ايٺا نه مارو پويتر آتما ڏيھ،

ان اي ٻڌيون قومون نه انصاف رٿي ڪر ڏيشي.

⑲ اي جھيڙو جھڳڙو نئين ڪرئ، نڪو ڪاش ڪرشي،

ان نڪو شھر شھر ۾ زور ٿي آڀرڻي مشورڻي ڪرشي.

⑳ جيا منڪ قيھلال پن را زم ڪمزور سٺ

اوثون ٿي اي نرمي ھون ويشي،

ان جيا اوزھمايا واڙي وت را زم پي اميد سٺ

اوثون رٿي اي هيٺ وڌارشي،

زئيون ھوڏي اي پڳوون رٿي جيت نه ڪراوئھ

ان ٻڌون نه انصاف نه زڙئھ.

㉑ ان ٻڌي قومون ايٺا منڪ مانھ پروسو را ڪشي.“

ايسو پوتون نء ڪاڍيا ٿي ٺاڀيئي ڏئھ جي اوء شيطون نء ھرايوھ

(متي 22:12-37، مرقس 3:20-30، لوقا 11:14-23، 6:43-45)

22) تئين منڪ ايسو ڪن ھيڪا اونڌا ان ڳونڳا منڪ نء تيڙي آيا، جيا نء پوت سونتل ھتو. ان ايسو اوئا ٿي پوت ڪاڍين اوئا نء ھازو ھورو ڪريو پرو، ان او پولوا ان ڏيڪوا مڏيو. 23) ان جيا گھڻا منڪ اوئھ ھتا، او ٻڌائي ھيروني پڙيا، ان ام ڪيو مڏيا: ”اي دائود پادشا رو وستار سئھ ڪي، جيا را آيا را پارام شاستر ۾ لڪل سئھ؟“

24) پڻ فريسي پالٽي ري منڪي ھائي ھومپڙين ڪيڏو: ”جي پوتون رو مڪ شيطون ايئا منڪ نء طاقت نہ ڏئت، تو اي پوتون نء ڪاڍي نہ ھيڪئت.“
25) پڻ ايسو اوئون را ڪيال زوئين اوئون نء ڪيڏو: ”جيا راز را منڪ آپت موئين نئي ٺھتا، او راز ڪتم ٿي زائھ. ان جيا شھر ڪا گھر را منڪ آپت ۾ نئي ٺھتا، او ھونو ٿي زائھ. 26) ان جي ھون شيطون ري طاقت ٿي پوت ڪاڍئت، تو ھايا رو مطلب اي ٿئت جي شيطون را راز را منڪ آپت موئين نئي ٺھتا. تيام شيطون رو راز ڪم ڪرين ريشي؟“

27) تمي ڪوھ ريا جي ھون شيطون ري طاقت ٿي پوت ڪاڍونھ، تو پسئھ تمارا آپرا منڪ ڪيا ري طاقت ٿي پوت ڪاڍئھ؟ او آپ ڪيشي جي تمارئي وات ڪوڙئي سئھ. 28) پڻ ھون تو پڳوون ري ڪڙا ٿي پوت ڪاڍونھ، ان ھايا ٿي ٺاڀيئي ٿئھ جي پڳوون رو راز تمون ھومو ساوو ٿيوھ ان تمون مانھ سئھ.

29) منڪ ڪم ڪرين ڪياڪ طاقت واڙا را گھر موئين زائين اوئا ري شينھون ڪوھي ھيڪئھ، جي مور ٿي او طاقت واڙا نء نہ ٻونڌئھ؟ مور ٿي طاقت واڙا نء ٻونڌشي، ان پسئھ اوئا رو گھر ڦري ھيڪشي. ھيوئھ نمونئھ جي مئين شيطون نء ھرايو نہ ھوئت، تو ھون پوت ڪاڍيا ٿي منڪون نء شيطون را قوضا ٿي نہ

سڏاوي هيڪئٽ.

③⑩ جيو مارئہ پاھئہ نٿي، اُو مارئہ ڪلاڦ سئہ. جيو مُون پيڙو تين پڳوون ھارو منڪون نئہ پيڙا نٿي ڪرتو، اُو منڪون نئہ پڳوون ٿي شيئي پڳڙاوتھ. ③⑪ تيام ھون تمون نئہ ڪاتري ٿي ڪونھ، جيو پڻ ڏوھ منڪ ڪرئہ ان جي پڻ وات منڪ پڳوون رئہ ڪلاڦ ڪئہ، پڳوون را پاھا ٿي ھايون ٻڌون رئي ماڦي ٿي هيڪئہ. پڻ جيو منڪ زوٽي ڪرين پڳوون را پويتر آتما رئہ ڪلاڦ ويتو رئہ، تو اوئا نئہ پڳوون ماڦي نئين ڏئہ. ③② ان جيو پڻ مُون منڪ ذات را ڏيڪرا رئہ ڪلاڦ ڪئين وات ڪرئہ، تو پڳوون را پاھا ٿي اوئا رئي ماڦي ٿي هيڪئہ. پڻ جيو منڪ زوٽي ڪرين پڳوون را پويتر آتما رئہ ڪلاڦ ٻولئہ، تو اوئا نئہ پڳوون ڪيڏي ماڦي نئين ڏئہ، نڪو ايئا حياتي ۾ ان نڪو نيا رئہ ڏي.

③③ تمي ڪم ڪرين ڪي هيڪوھ جي اي پوت ڪاڊيا رو نائوڪو ڪوم شيطون را پاھا ٿي تيوھ؟ جي ڪياڪ رو ڪوم نائوڪو سئہ، تو تمارئہ ام ڪيوو جي اُو منڪ پڻ نائوڪو سئہ. پڻ جي تمي منڪ نئہ ڪراپ ڪوھ، تو تمارئہ ام پڻ ڪيوو جي اوئا رو ڪوم پڻ ڪراپ سئہ، ڪم تو منڪ آپرون ڪومون ٿي اوڙڪائھ. جيوو وڻ تيوو ميوو.

③④ او من رون پليتون، زئيون تمي آپ پونڏا سو، تئيون تمي ڪم ڪرين نائوڪي واتون ڪري هيڪوھ؟ ڪم تو جيويون واتون ٿي من پرال سئہ، ايوي واتون منڪ ٻولشي. ③⑤ نائوڪو منڪ آپرا من موئين راکل نائوڪيون واتون موئين ٿي نائوڪي واتون ڪاڊئہ. ان پونڏو منڪ آپرا من موئين راکل پونڏيون واتون موئين ٿي پونڏي واتون ڪاڊئہ. ③⑥ پڻ ھون تمون نئہ ڪاتري ٿي ڪونھ، جي نيا رئہ ڏي منڪون رئہ هر ڪراپ وات رو حساب ڏيوو پڙشي، جي اوئي ڪرئي هوشي. ③⑦ ڪم تو تماريون ڪيڏل واتون ٿي تمارو ڦينصلو ٿيشي جي تمي پيڏوھي سو، ڪا ڏوھاري سو.

ايسو نئه منگ پرسو ڏيڪاڙيا رو ڪئھ

(متي 38:12-42، مرقس 11:8-12، لوقا 11:29-32)

38) تيا مانھ اُوئھ توئئھ ڪئينڪ شاستر زوٽيا واڙي ان فريسي پالتي ري منڪي ايسو نئه ڪيڏو: ”گرو جي، امي تمون ٿي پرسو زووا ڪرونھ، زم ٿاڀتئي تئھ جي تمي پڳوون را پاھا ٿي سو ڪا نا.“

39) تيا مانھ ايسو اوئون نئه ڪيڏو: ”تمي ايئا زمونا را منڪ ڪيوا پونڌا سو ان آپرا ڏئي پڳوون رئه هاو ڪلاڦ سو. تيام تمي ٿاڀتئي هارو پرسا زووا ڪروھ. پڻ تمون نئه پڳوون پرسو نئين ڏيڪاڙئھ، تمون نئه روڳو ايوو نيشون ڏيڪاڙشي، جيوو پڳوون رو نياپو ڏيڏا واڙا يوناه رو نيشون. 40) ڪم تو جيوئھ نمونئھ يوناه ترڻ ڏي موٽي مسي را پيت موئين هتو، هيوئھ نمونئھ هون منڪ ذات رو ڏيڪرو ترڻ ڏي مقوم موئين هوئھ.“

41) پڳوون رئه نيا ڪريا رئه ڏي، نينوا شهر را منڪ ايئا زمونا رون منڪون پيڙا اونشي، ان ايئون نئه ڏوهاري ڪرشي، ڪم تو اوئي يوناه رو نياپو هومپڙين آپرا ڪراپ ڪوم ساڏين توپونھ ڪرئي تئي ان پڳوون ري وات مانھ وودا تا. ان هون تمون هومو يوناه ٿي موتو سون، توئي پڻ تمي مارو نياپو هومپڙين آپرا ڪراپ ڪوم ساڏين توپونھ نئي ڪرتا ان پڳوون ري وات مانھ نئي ویتا.

42) پڳوون رئه نيا ڪريا رئه ڏي، ڏڪٿاڏليا ملڪ رئي روٽئي ايئا زمونا رون منڪون پيڙي اونشي ان ايئون نئه ڏوهاري ڪرشي، ڪم تو او آپر سليمون پادشا ري عقل ري واتون هومپڙوا گهٽا شيتا هون اوئي تئي. ان هون تمون هومو سليمون ٿي پڻ موتو سون، توئي پڻ تمي ماري واتون هومپڙوا نئي آوتا.“

پوت سونتل منک رو مثال

جيو آپري کراب سوچ نئين پڌلئ، اوتئا رئي حالت هاو کراب تيشي

(متي 43:12-45، لوقا 24:11-26)

44) ”زئون ڪياڪ منک تي پوت نيھري زائھ، تئيون پوت هونواڙ موئين ايل اول زائين ايوي جگا ڳوتھ جيئھ او آروم ڪري هيڪئھ، پڻ اوتئا نئھ ايوي جگا نئي زرتئي. 44) تئيون پوت ام ڪئھ: ’هون وڙي پاسو آپري گھري اوتئا منک ۾ زائھ، جيئون هون نيھريو تو. اوتئھ پوگين زوئھ، تو او منک اوتئا رئھ وڙي سونتيا جيوو سئھ، زوئئھ گھر جيو نالو هوئھ جيا ۾ پوتارو ڪاڍل هوئھ ان ريا هارو پڌوئي ڪئين تيار هوئھ. 45) تئيون زائين آپ تي پڻ پونڌا هات پوت تيڙي اوئھ، ان پڌائي اوتئا منک نئھ سونتين موئين رئھ. نيٺ اوتئا رئي حالت اگي تي گھٽي کراب تي زائھ. هيوئھ نمونئھ ايئا زمونا رون پونڌون منکون رئي حالت هيوي کراب تيشي.“

جيا پڳوون ري وات مانھ وئھ

او ايسونئ مان ان پايون را زم پريمي سئھ

(متي 46:12-50، مرقس 3:31-35، لوقا 19:8-21)

46) ايسو هزون اوئون گھٽون منکون تي پوتوت ريو، تئيون اوچتا اوتئا رئي مان ان پائي آيا، ان گھر تي پارا اوپين اوتئا تي وات ڪروا ڪرتا تا. 47) ڪيٽڪ ايسونئھ ڪيڏو: ”زوئو، تماري مان ان پائي پارا اوپاھ. او تمون تي وات ڪروا ڪرئھ.“ 48) پڻ ايسو اوتئا نئھ ڪيڏو: ”ڪوڻ مارئي مان سئھ، ان ڪوڻ مارا پائي سئھ؟“ 49) ان پستھ آپرون شيلون هومو هات تي اشارو ڪرين ڪيڏو: ”زوئو، ماري مان ان مارون پايون جيو تو اي سئھ. 50) ڪم تو جيا پڻ مارا آڪاشي پاپ پڳوون ري مرضي مانھ وئھ، او مارا پائي، ماري پين، ان ماري مان را زم سئھ.“

پيز وايا واڙا رو مثال

(متي 9-1:13، مرقس 9-1:4، لوقا 8-4:8)

13 ① اُوڻه ئي ڏي ايسو گهر ٿي نيهرين ڍنڍ را ڪپ مانھ زائين منڪون نھ شيڪاڙيا ھارو پينو. ② ان اتا گھڻا منڪ ايسو ڪن آوين پيڙا ٿيا، جي او شيڪاڙيا ھارو پيڙي موئين سڙين پينو نو، ان ٻڌائي منڪ ڍنڍ را ڪپ مانھ اُپيا ريا. ③ ان ايسو اُوڻون نھ مثال ڏين گھڻي واتون ھزماووا مڏيو. اُوڻه اي مثال رڻي وات پڻ ھمپڙاوي: ”ھيڪ ھاري ھتو. ان او پيز واووا گيو. ④ زئيون پيز واوتوت ريو، تو پيز را ڪئينڪ ڏوڻا شيرڙا مانھ پڙيا، ان پڪي آوين او ڪائي گيا. ⑤ ان ڪئينڪ پيز را ڏوڻا پتر واڙي زمي موئين پڙيا، جيئھ گھڻي ماتئي نٿي. ان ماتئي گھت ھويا ري ڪري او جلدي اوگيا.



⑥ پڻ زئيون ڏي اوگيو، تو اُوڻون نھ تڙڪو لاگيو، ان او ھوڪائي گيا، ڪم تو اُوڻون ري پاڙون اونڌي نٿي. ⑦ ان ڪئينڪ پيز را ڏوڻا ڪنديرون واڙي زمي موئين پڙيا، ان ڪنديرا موتا ٿيا ان اُوڻون نھ ڏپويا پرا. ⑧ پڻ ڪئينڪ پيز را ڏوڻا پلي زمي ۾ پڙيا، ان ايوا پلا ٿيا جي ڪيونڪ ھرون موئين ھو، ڪيونڪ ھرون موئين ھائين ان ڪيونڪ ھرون موئين ٿيھ ڏوڻا ٿيا.

⑨ ھائي ڪين ايسو ام ڪيڏو: ”ھومپڙيا واڙون، تمي باري وات مانھ ڏيون ڏيو.“

ايسو ھزماوڻھ جي او مثالون ٿي ڪم شيڪاڙھ

(متي 17-10:13، مرقس 12-10:4، لوقا 10-9:8)

⑩ سئھ شيلا ايسو ڪن آبا ان اوڻا ٿي، نونسيو: ”تم، ايئون نھ مثال ڏي ڪم

شیکاڙوھ؟“ ⑪ تو ایسو ائون نئه وڙندئي ڏيڏئي: ”ايشور را راز ري اونڌي واتون اوئه تمون شيلون نئه هزموا ڏيڏيه، پڻ ايئون منكون نئه هزموا نئي ڏيڏي. ⑫ ڪم تو جيو منڪ وچن مونئه، پڳوون اوئا نئه وچن هزميا رئي وڌارئه گهڻي هيئت ڏيشي. پڻ جيو منڪ وچن نئي مونٽو، جيو وچن اوئه هومپڙيوه، او وچن هزميا رئي هيئت پڻ اوئا ڪن ٿي ڪوهراشي. ⑬ تيام هون ايئون منڪون نئه مثال ڏين شیکاڙونه، ڪم تو اي زوئه پڻ ڏيڪتا نئي، ان هومپڙه پڻ نڪو ڏيون ڏه نڪو هزمئه. ⑭ هيوئه نمونئه پڳوون رئي اي وات ايئون مانه پورئي ٿه، جي وات اوئه آڀرو نياپو ڏيڏا وازا يسعياه ٿي ڪيوراوئي ٿي:

’اي هومپڙشي تو ڪري پڻ هزمشي ٿي نئين،

ان اي زوشي تو ڪري پڻ ڏيڪشي ٿي نئين.

⑮ ڪم تو ايئا قوم را منڪ پڳوون رئي وات مونوا نئي ڪرتا،

ايئي زوئه ڪونون آڏي اونگڙي ڏين هومپڙيوه،

ان زوئه اونڪيون ميشين زويوه.

جي اي هيو نه ٿت، تو آڀري اونڪيئي ڏيڪت

ان آڀري ڪوني هومپڙت

ان آڀرا من ٿي هزمئت

ان وڙي مون هوما ڦرت

ان هون ايئون نئه تارڻ ڏت.

⑯ پڻ ياگوازا تمي سو، ڪم تو تمي مارا ڪوم اونڪيئي ڏيڪوه، ان ماري

واتون ڪوني هومپڙوه. ⑰ ڪم تو هون تمون نئه هاس ڪونه جي گهڻا پڳوون

رو نياپو ڏيڏا وازا ان گهڻا پڳوون ري وات مانه وودا وازا اي ڪوم زويا هارو

هڪيا، جيا تمي ڏيڪوه ريا، پڻ اوئي تو نه ڏيڪيا. ان او اي واتون هومپڙيا هارو

هڪيا، جي تمي هومپڙوه ريا، پڻ اوئي تو نه هومپڙي.“

ايسٽو پيز وايا واڙا را مثال رو مطلب هزماوئھ

(متي 18:13-23، مرقس 13:4-20، لوقا 11:8-15)

⑱ ”تيا م تمی ڏيون ٿي هومپڙو، ان هون تمون نئه هزماويھ جي پيز وايا واڙا را مثال رو مطلب ڪي سئھ. ⑲ پيز وايا رئه توئئھ جيا ڏوٽا شيرٽا مانھ پڙيا تا، او ايون منڪون رو مثال سئھ جيا ايشور را راز را پارام وچن هومپڙئھ، پڻ هيا وچن نئه هزمتا نٿي. تو پئسئ پونڌو شيطون ايون منڪون ڪن آوئھ ان اوئون را من ٿي او وچن ڪاڍي لئھ، جيو زوئئھ اوئون را من ۾ واول هتو، زم اوئون نئه وچن ويھري زائھ.

⑳ جيا ڏوٽا پتر واڙي زمي موئين پڙيا تا، او ايون منڪون رو مثال سئھ جيا وچن هومپڙئھ ان جلدي م ڪشي ٿي اوٽا وچن نئه موني لئھ. ㉑ پڻ زم مثال موئين اوئون ڏوئون ري پاڙون اونڌي نٿي، تم اوئون منڪون رو يقين پڪو نٿي. تيا م توڙيڪ وار يقين راکئھ، پڻ زئون وچن مونيا ري ڪري تڪليپ آوئھ ڪا منڪ اوئون نئه تنگ ڪرئھ، تيون يڪدم او وشواس ساڏئھ پرو.

㉒ جيا ڏوٽا ڪنديرون واڙي زمي موئين پڙيا تا، او ايون منڪون رو مثال سئھ جيا وچن هومپڙئھ پڻ پئسئ هٿيون هٿيون حياتي ريون گڻتيون ۾ ان مال ملگت ري لالچ ۾ پڙي زائھ، ان وچن هومپڙيا ٿي اوئون رو يقين وڌتو نٿي. ان زم ايون ڏوئون ٿي هرا نٿا ٿيا، تم اوئون منڪون ٿي نائوڪا ڪوم نٿي ٿيٿا.

㉓ پڻ جيا ڏوٽا پلي زمي موئين پڙيا تا، او ايون منڪون رو مثال سئھ جيا وچن هومپڙئھ ان اوٽا نئه هزمئھ. ان زم اوئون ڏوئون ٿي هرا پاڪيا تا، ان هر هرا موئين هو، ڪا هائين ڪا ٿيھ ڏوٽا ٿيا تا، تم او منڪ وچن هومپڙيا ري ڪري گھڻا نائوڪا ڪوم ڪرئھ.

ڪٽڪ ۾ ڪارو ڪڙ واپا رو مثال

②4 ايسُو اُوئون نئه اي پيڙئي مثال رئي وات پڻ همپڙاويئي: ”ايشور رو راز ايئا را زم سئه. هيڪ منڪ هتو. اوئه آپرا ڪيتر موئين ڪٽڪ رو نائوڪو پيز وايو. ②5 پڻ هيڪ رات، زئيون ٻڌائي منڪ اُونگهائي ڳيا تا، اوئا منڪ رو دشمن آيو ان اوئا ري پوڪل ڪٽڪ ۾ ڪارا ڪڙ رو پيز واوين ڳيو پرو. ②6 زئيون ڪٽڪ موئين هرا تيا، تئيون ڪپر پڙئي جي ڪارو ڪڙ پڻ ڪٽڪ پيڙو سئه. ②7 تو ڏٺي ري نوڪري اوئا ڪن آوين ڪيڏو: ’ساب، تمي تو آپرا ڪيتر ۾ نائوڪو پيز وايو تو، نا؟ پڻ هوئه تمارا ڪيتر ۾ ڪارو ڪڙ پڻ سئه. هائي ڪارو ڪڙ ڪيئون آيوه؟‘ ②8 تو ڏٺي اُوئون نئه وڙندي ڏيڏئي: ’هائي مارا دشمن رو ڪوم سئه.‘ پسئه نوڪري اوئا ٿي پونسيو: ’تماري مرضي ڪي سئه؟ امي زائين ڪارو ڪڙ اوڪارين ڪايون پرو، ڪا نا؟‘ ②9 پڻ اوئه ڪيڏو: ’نا. ام نه تئ جي تمارئه ڪارو ڪڙ اوڪارتون ڪٽڪ پڻ پيڙئي اوڪڙي اوئه. ③0 ڪارا ڪڙ نئه ڪٽڪ پيڙو لبارا هوڏي وڌوا ڏيو، ان لبارا رئه توئئه هون لٿيا وازون نئه ڪيه جي لبارو ڪرتون مور ٿي ڪارو ڪڙ پيڙو ڪرئه ان اوئا را ڳڏا پوندين اوئا نئه ٻارئه پرو، ان پسئه ڪٽڪ پيڙئي ڪرين مارا گهڏوم ۾ راڪئه.‘

ٿوريا را پيز رو مثال

پڳوون را راز را منڪ الاهي گهڻا تيشي

(متي 13:31-32، مرقس 4:30-32، لوقا 13:18-19)

③1 ايسُو اُوئون نئه مثال رئي پيڙئي وات پڻ همپڙاويئي. اوئه ڪيڏو: ”ايشور رو راز ٿوريا را پيز را زم سئه، جيا نئه هيڪئ منڪ لين آپرا ڪيتر موئين پوڪيو. ③2 ٿوريا رو پيز تو پازيون رون ٻڌون قسمنون را پيز ٿي جهيٽڪو هوئه، پڻ زئيون اوڳئه، تئيون پازيون ۾ ٻڌون ٿي موتو ٿئه، ان او زهاڙڪو ٿئه. ان پڪي آوين اوئا ريون ڏاڙڪيون موئين، ماڙا ناوئه.“

مونھزل ڪاتا آنا رو مثال پڳوونَ را راز رو اثر ٻڌيل پڪڙشي

(متي 33:13، لوقا 20:13-21)

③③ ايسو اوتون نئه اي پيڙئي مثال رئي وات پن ھمپڙاوي: ”ايشور رو راز مونھزل ڪاتا آنا را زم سئ، جيا نئه هيڪي ڏوشي توڙڪوڪ لين ڊيل روتي نايا ھارو اڌ من مونھزل آنا موئين پيڙويو. ان نيٺ اوٽا رو اثر ٻڌا آنا ۾ پڪڙي گيو.“

ايسو مثال ڏين پڳوونَ ري ھنال واتون ھزماوئھ

(متي 34:13-35، مرقس 33:4-34)

③④ ايسو مثال ڏين ھائي ٻڌي واتون اوتون ٻڌون منڪون نئه ھزماوي، ان او مثالون وگر اوتون ٿي ڪئين وات نه ڪرتو. ③⑤ ھيوئھ نمونئھ پڳوونَ رو نياپو ڏيڏا واڙا رئي ڪيڏل اي وات ايسو مانھ پورئي ٿي:

”ھون مثال ڏين ٻوليھ ان ايوي واتون ھمپڙاويھ
جي ڏنيا ري شروع ٿي لين ھنال ھتي.“

ايسو اپرون شيلون نئ

ڪارا ڪڙ را مثال رو مطلب ھزماوئھ

③⑥ ٿيون ايسو اوتون گھڻون منڪون نئه ساڌين گھري گيو. تو اوٽا را شيلا اوٽا ڪن آيا ان اوٽا ٿي پونسيو: ”امون نئه ھزماوو جي ڪيتر ۾ ڪارا ڪڙ را مثال رو مطلب ڪي سئ؟“ ③⑦ تو ايسو وڙندئي ڏيڏئي: ”ٿاٽوڪو پيز وايا واڙو ھون منڪ ذات رو ڏيڪرو سون. ③⑧ ڪيتر ايٿا ڏنيا رو مثال سئ. ٿاٽوڪو پيز اوتون منڪون رو مثال سئ جيا ايشور را راز پرموئھ وئھ. ان ڪارو ڪڙ اوتون منڪون رو مثال سئ جيا پونڏا شيطون ري مرضي پرموئھ وئھ. ③⑨ او ڏشمن جيئھ ڪارا ڪڙ رو

پيز وايو، او شيطون رو مثال سئ. لبارا رو ډي دنيا ري پچاڙي را توټا رو مثال سئ. ان لثيا واڙا آكاشي ډوتون رو مثال سئ. ④٠ تيام زم مثال ۾ كارو كٽر پيزو كرين ډيوتا ۾ باڙئ، همروم دنيا ري پچاڙي رٺه توٺه پڻ شيطون ري مرضي مانه وودا واڙون نئ هميش رٺي سزا زڙشي. ④١ اوٺه توٺه هون منك ذات رو ڏيڪرو آپرون آكاشي ډوتون نئ ميليھ. ان او مارا راز موئين ٿي اوئون ٻڌون منكون نئ پيزا كڙشي، جيون ري كڙي منك ڏوه ۾ پڙئ ان جيا پگوون رون حڪمون رٺه ڪلاف وئ، ④٢ ان اوئون نئ او پاهي ري پني ۾ قگوزشي پرا. اوٺه او روشي ان ڏونت گهرڙيا كڙشي. ④٣ تيون پگوون ري وات مانه وودا واڙا منك اپرا ٻاپ پگوون را راز موئين زبڪتا سوجھرا ۾ ډي را زم ساوا ٿيشي. هومپڙيا واڙون، تمې ماري وات مانه ڏيون ڏيو!

هٽاڙل ملڳت رو ان قيمتي موتي رو مثال

تارڻ ليڏا هارو ٻڌوئي ڪئين ساڏيا هارو تيار ريوو

④٤ ”ايشور رو راز ڪيتر ۾ هٽاڙل ملڳت را زم سئ. او ملڳت ڪياڪ منڪ نئ زڙي. ان اوٺه منڪ ملڳت وڙي اوٺ رٺي اوٺ هٽاڙي پڙي. ان پسئ او هايا ملڳت مانه اتو ڪش ٿيو جي اوٺه زائين آپرو ٻڌوئي ڪئين ويسيو پرو، ان اوٺا ڪيتر نئ ويساتو ليڏو رو.

④٥ ايشور رو راز وڙي ايٺا را زم سئ. هيڪ واپاري هتو، جيو نائوڪون موتيون ري گوت ۾ هتو. ④٦ اوٺا نئ هيڪ هاو قيمتي موتي زڙيو، تو اوٺه زائين آپرو ٻڌوئي ڪئين ويسيو پرو، ان او موتي ويساتو ليڏو.

رچ رو مثال

نيا را ڏي را پارام

④٧ ”ايشور رو راز وڙي هيڪا رچ را زم سئ، جيا نئ منڪي ڍنڍ ۾ نوڪيو، ان

اُوئا ۾ هر نمونا ري مشي آوين ڦاڻي. (48) زئيون رچ پرائي گيو، تو مشي ماري اوازي اُوئا نئه ڍنڍ را ڪپ مانه توڻيو ان اُوڻه پيهين مشيون نئه ڌار ڪري. نائوڪي مشي اُوئي ڇهون ۾ ميلي، پڻ ڪراپ مشي اُوئي هيڪل ڦڳوڙي پري. (49) هيوئه نمونئه ڏنيا ري پڇاڙي رئه توڻه پڻ همروم ٿيشي. آڪاشي ڏوت ٻڌيل زاشي ان ڪراپ منڪون نئه پڳوون ري وات مانه وودا واڙون منڪون ٿي ڌار ڪرشي، (50) ان اُوئون نئه پاهي ري پني ۾ ڦڳوڙشي پرا. اُوڻه اُو روشي ان ڏونت گهرڙيا ڪرشي.

(51) ٿيون ايسو آپرون شيلون ٿي پونسيو: ”ڪي تمي هائي ٻڌي واتون هزموه ريا؟“ تو شيلي اُوئا نئه ڪيڏو: ”هوئه، امي هزمونه ريا.“ (52) تو ايسو اُوئون نئه ڪيڏو: ”تيام هر منڪ جيو شاستر زوڻه، ان جيئه مارو شيلو ٿين ايشور را راز ري واتون شيڪيه، اُو گهر را هڪا ڏيڻي را زم سه، جيو آپرا ڪزونا موئين ٿي زوني ان نوي شينهنون ٻي ئي ڪاڍه.“

ايسو را آپرا ناصرت شهر را منڪ اُوئا نئه گهت زوڻه

(متي 53:13-58، مرقس 6:1-6، لوقا 4:16-30)

(53) زئيون ايسو هائي مثال ري واتون همپڙاوي ريو، ٿيون اُوئون روونو ٿيو. (54) ان پاسو آپرا شهر ۾ آوين اوت رون منڪون نئه پڳوون را منڌر موئين شيڪاڙيا. تيا مانه اُو حيروني پڙيا ان ڪيو مڏيا: ”ايئا نئه ايوئي عقل ان پرسا ڏيڪاڙيا رئي ڪڙا ڪيئون زڙيه؟“ (55) اي تو واڍا رو ڏيڪرو نٿي، ڪي؟ ايئا ري مان رو نوم ماريون سه، ان يعقوب، يوسف، شمعون، ان يهوداه ايئا را پائي سه، نا؟ (56) ان ايئا ري ٻڌي پنون ايئه رئه. تو پسئه ايئا نئه اي ٻڌي واتون ڪيئون زڙيه؟“ (57) تيام اُوئي ايسو نئه گهت زوڻين اُوئا مانه يقين نه ڪريو.

پڻ ايسو اُوئون نئه ڪيڏو: ”پڳوون رو نياپو ڏيڏا واڙا رو مون روڳو آپرا شهر ۾ ان آپرا گهر ۾ نٿي هوتو.“

⑤8 تيام اُوئون رٺه يقينَ نه ڪريا ري ڪري ايسو اُوٺه گهٽا پرسا نه
ڏيڪاڙيا.

هيروديس پادشا ايسو ري ڪري ڳڻتيون موئين پڙي زانه

(متي 1:14-12، مرقس 6:14-29، لوقا 9:7-9)

14 ① اُوئون ڏيئون ۾ گليل صوپا مانه راز ڪريا واڙهه، هيروديس پادشا،
ايسو رٺي نوموش هومپڙي. ② تو اُوٺه آپرون وزيرون نه ڪيڏو: ”هائي
منڪ يوحنا پويتر سنون ڏيڏا واڙو سٺه. پڳوون اُوٺا نه موت ٿي وڙي جيوتو
ڪريوه، ان تيام اُوٺا ۾ هائي پرسا ڏيڪاڙيا رٺي ڪڙا سٺه.“

③ هيروديس پادشا هائي وات تيام ڪيڏي، ڪم تو اُوٺه آپ يوحنا نه
زهلايو تو ان ٻنداوين جيل موئين پورايو تو. اُوٺه هائي ڪوم آپرا پائي فلپس
ري ڏوشي هيرودياس ري ڪري ڪريو تو، جيا نه اُوٺه آپرا گهر ۾ راڪي ٿي.
④ ڪم تو يوحنا هيروديس پادشا نه گهٽي وار ڪيڏو تو جي ”پڳوون رون
حڪمون پرموٺه نيڪ نٿي جي تمي آپرا پائي ري ڏوشي نه آپرا گهر ۾ راڪوه.“

⑤ تيام هيروديس پادشا يوحنا نه مراووا ڪرتو تو، پڻ او آپرا راز رون منڪون
ٿي پيئاتو تو، ڪم تو گهٽا منڪ يوحنا نه پڳوون رو نياپو ڏيڏا واڙو هڙمتا.
⑥ پڻ زئون هيروديس پادشا را زلم رو ڏي آيو، تئيون هايا ڏوشي هيرودياس
رٺي ڏيڪرئي ڏاوتيون هومئي رمئي. سوڪري ري رمت مانه هيروديس پادشا
اتو ڪش ٿيو، ⑦ جي اُوٺه سوڪري نه هون ڪائين وسن ڏيڏو: ”جئين ڪئين ٿون
مونگيه، او هون ٿون نه ڏيه.“ ⑧ تو سوڪري آپري مان را شيڪاڙيا پرموٺه
ڪيڏو: ”مون نه همٺه ايت رو ايت يوحنا پويتر سنون ڏيڏا واڙا رو ماتو تاز ۾
اوٺي ڏيو!“

⑨ هائي هومپڙين هيروديس پادشا نه الاهي گهٽو ڏڪ ٿيو. پڻ ڪم تو اُوٺه
ڏاوتيون هومو هون ڪائين وائڏو ڪريو تو، تيام اُوٺه حڪم ڏيڏو جي يوحنا رو

ماتو سوکري نئه اوڻي ڏئه. ⑩ ان منک ميلين اُوئه يوحنا رو ماتو جيل ۾ وڍايو پرو. ⑪ پسئه اُو منک يوحنا رو ماتو تاز ۾ ميلين لي آيو ان سوکري نئه ڏيڏو، ان سوکري اُو لين آپري مان نئه ڏيڏو. ⑫ تئيون يوحنا ري شيلي آوين اُوئا رو لاش ليڏو رو ان اُوئا نئه پوريو پرو. ان پسئه زائين ايسو نئه هايا را پارام همپرايو.

ايسو ڌاريون قومون رون ملڪون ۾ زائين يڳوون رو کوم ڪرڻه

ايسو پونس هزار ٿي وڌارءَ منڪون نئه روتئي گوراوئه

(متي 13:14-21، مرقس 6:30-44، لوقا 9:10-17، يوحنا 6:1-14)

⑬ زئيون ايسو يوحنا را موت را پارام هومپريو، تئيون اوئون زائين پيڙي موئين سڙين هونواڙ ۾ شيلون پيڙو نوڪلائي ۾ گيو پرو. پڻ ايئا وات را پارام هومپرين الاهي گهڻا منڪ شهرون موئين ٿي نيهرين اُوئا وونهڙ پنڌ رونا تي گيا. ⑭ زئيون ايسو ڍنڍ را ڪپ مانه پيڙي ٿي اوتريو، تو اُوئه الاهي گهڻون منڪون نئه ڏيڪيا، ان اُوئا نئه اوئون مانه قياس آيو. ان اوئون موئين جيا منڪ مونڌا هتا، اوئون نئه هازا هورا ڪريا پرا.

⑮ زئيون هونز ٿي، تو ايسو را شيلا اُوئا ڪن آيا ان ڪيڏو: ”ايتئه آبي هونواڙ ۾ سون، ان رات پڙيا واڙي سئه. ٻڌون منڪون نئه موڪل ڏيو، زم اُو پاڙون موئين زائين آپ هارو ڪاڏو ويساتو لين ڪائه.“

⑯ پڻ ايسو شيلون نئه ڪيڏو: ”ايئون رئه زايا رئي ضرورت نئي. ايئون نئه



ڪاڏا رو تمي ڏيو!“ ⑰ تو اوئي ايسو نئه ڪيڏو: ”امون ڪن روگي پونس روتي ان ٻي مشي سئه. پيڙو ڪئين نئي.“ ⑱ تو ايسو ڪيڏو: ”هائي مون

ڪن لي آو!

①9 تئيون ايسو ٻڌون منڪون نئه سڀر مانھ پينا رو ڪيڏو. ان اوئھ پونس روٽي ان ٻي مشي پري لين آڪاش ھومو زويو ان اوئون ھارو پڳوون رو ٿورو مونيو. ان پسئھ اوئھ روٽيون نئه پونگين شيلون نئه ڏيڏي، ان شيلو ٻڌون منڪون نئه ڏيٿا ڳيا. ②0 ٻڌائي ڪائين ڍاڀيا. ان زتا ٽڪرا اوڳاريا تا، اوئون نئه شيلي پيڙا ڪريا ان اوئون را ٻارئھ چبا پريا. ②1 جيئي روٽي ڪاڏي، او اندازام ڏوشيون ان ٻارون شوا پونسڪ ھزار آدمي ھتا.

ايسو پوٽي مانھ وئھ

(متي 14:22-33، مرقس 6:45-52، يوحنا 6:16-21)

②2 تيا ڪيڙ ايسو يڪدم آپرون شيلون نئه ڪيڏو: ”تمي پيڙي مانھ سڙين مون مور ڍنڍ رئھ پيڙئھ ڪپ زائو پرا، ان ھون ايئون ٻڌون منڪون نئه روونا ڪرونھ.“ ان شيلو مونڏا روونا ٿيا. ②3 ايسو منڪون نئه روونا ڪرين آپ نوڪلائي ۾ ڏونگر مانھ پراٿنا ڪروا ڳيو. زئيون رات پڙي، تو ايسو اوئھ ھيڪلو ھتو.

②4 اوئھ توئھ پيڙي ڍنڍ را ڪپ ٿي گھڻي شيتي نيھري ڳي ٿي، ان چوليون ٿي گھڻا لوڏا ڪاتئيت رئي، ڪم تو وائيو ھومو ھتو. ②5 رات رو اسور رئھ توئھ ايسو پوٽي مانھ ويتون اوئون ڪن آيو. ②6 زئيون شيلي اوئا نئه پوٽي مانھ ويتون ڏيڪيو، تو گھڻا پيٿائي ڳيا، ان ڪيو مڏيا جي ”اي تو پوت سئھ.“ ان پيڪ ۾ رڙيون ڪروا مڏيا. ②7 تئيون ايسو يڪدم اوئون نئه ڪيڏو: ”ھيمت مت ھارو، ھون سون. تمي مت پيٿائو.“ ②8 تيا مانھ پطرس ڪيڏو: ”او پريو، جي تمي سو، تو مون نئه تمون ڪن پوٽي مانھ وڍا رو ڪو.“ ②9 تو ايسو ڪيڏو: ”آرو!“ ان پطرس پيڙي ٿي اوترين پوٽي مانھ وين ايسو ڪن زاوا مڏيو. ③0 پڻ زئيون اوئھ وائيرا رو گھڻو زور ڏيڪيو، تو او پيٿائي ڳيو، ان ٻوڏوا مڏيو. تئيون اوئھ رڙيون ڪرين ڪيڏو: ”او پريو، مون نئه پچاوو!“ ③1 تو ايسو ھتيڪو ھاٿ

لونهو ڪرين اوثا نئه زهالي ليدو، ان اوثا نئه ڪيدو: ”تئين گهت يقين ڪم را ڪيو؟ ان شڪ ڪم ڪريو؟“ (32) زئون ايسو ان پطرس هي ئي پيڙي موئين سڙي ڪيا، تئين وائيو پند تي ڪيو. (33) پسئ جيا شيلا پيڙي ۾ هتا، اوثي ايسو ري پڳي پڙين اوثا رئي پوزا ڪري، ان ڪيدو: ”هاس ۾ تمي پڳوون را ڏيڪرا سو.“

ايسو گليل صويا موئين گنيسرت را علاقا ۾

مونڌون نئه هازا هورا ڪرئ

(متي 14:34-36، مرقس 6:53-56)

(34) ڍنڍ موئين مئين ايسو ان اوثا را شيلا گنيسرت را علاقا ۾ آيا. (35) اوت ري منڪي ايسو نئه اوڙڪين آهئه پاهئه پورا علاقا ۾ ايسو را آيا رئي وات همپڙا وئي، ان منڪ ٻڌون مونڌون نئه ايسو ڪن تيڙي آيا. (36) او ايسو نئه منٺ ڪرتا تا جي او روڳو اوئون نئه اپرا لوگهڙا را شيڙا نئه سهوا ڏئه. ان زتا منڪ سهيا، او ٻڌائي هازا هورا تي ڪيا.

پڳوون رون حڪمون مانه ويوو

ريتون روازن مانه وودا تي ضروري سئ

(متي 15:1-9، مرقس 7:1-13)

15 (1) تئين يروشلم شهر تي ڪئينڪ فريسي پالتي را منڪ ان ڪئينڪ شاستر زوڻيا واڙا ايسو ڪن آيا، ان آوين ڪيدو: (2) ”تارا شيلا آڀون ڏاڏون ريون ريتون روازن مانه ڪم نئي وينا؟ ڪم تو او روڻي ڪاڏا تي مور ريت پرموئنه هات نئي ڏوتا.“ (3) تيا مانه ايسو اوئون منڪون نئه ڪيدو: ”تمي آپريون ريتون روازن مانه وودا هارو پڳوون رون حڪمون نئه ڪم توڙوه؟ (4) ڪم تو پڳوون ڪيدوه: ’آپرا مان ٻاپ رو مون را ڪوو، ان جيو آپرا مان ٻاپ نئه پئنه، اوثا نئه موت رئي سزا ڏيوو.“ (5) پڻ تمي منڪون نئه ام شيڪاروه:

جي ڪوئي آپرا مان ٻاڻ نٿو اي ڪٿو: جيئي شينھ مارئھ ڦرض ڀرموئٿھ ٽمون نٿو ڏيوو تو، هائي تو پڳوون نٿو منل سٿ، ⑥ تو او اوئون رئي مدت ڪريا ٿي سوئل سٿ. هايا رو مطلب سٿ، پلئھ او آپرا مان ٻاڻ رو مون نه راکٿھ. هم شيڪاڙيا ٿي ٽمي آپريون ريتون روازون مانھ وودا هارو پڳوون رو حڪم توڙوھ. ⑦ ڪوتون منڪون، ٽمي مونڊا را ميئا پڻ انڊر را ڪارا سو. جيئي وات پڳوون رو نياپو ڏيڏا واڙئھ يسعياھ ڪيڏي ٿي، پڳوون رئي اي وات ٽمون مانھ پڻ هاو پورئي اوترئھ:

⑧ ايئا قومز را منڪ مونڊا ٿي تو مارا وڪوڻ ڪرئھ،

پڻ ايئون را من ڀر مون هارو ڪئين نٿي.

⑨ او مارئي نالئي پوزا ڪرئھ،

ڪم تو او ماريون واتون را ڀڏلا ڀر

رؤگا منڪون را ناول حڪم شيڪاڙئھ.

ايسو شيڪاڙئھ جي منڪ شينھون ڪاڏا ٿي نئين

پڻ من ڀر ڪراڻ واتون راکيا ٿي ڪراڻ ٿي زائھ

(متي 10:15-20، مرقس 7:14-23)

⑩ ٿيون ايسو اوئھ اوپل ٻڌون منڪون نٿو آپ ڪن تيڙاوين اوئون نٿو ڪيڏو: ”مارئي وات ڪون ڏين هومپڙو ان هزموا! ⑪ جي پڻ شينھون منڪ ڪائھ، اوئون ٿي منڪ ڪراڻ نٿي ٿيٿو. پڻ جي واتون منڪ را مونڊا ٿي نيهرئھ، اوئون ٿي منڪ ڪراڻ ٿي زائھ.“


⑫ ٿيون ايسو ري شيلي اوئا ڪن اوين پونسيو: ”ڪي ٽمون نٿو ڪڀر سٿ، جي فريسي پالتي ري منڪي ٽمارئي وات هومپڙيھ، ان اوئون نٿو گهڻي ڏورئي لاگيھ؟“ ⑬ تيا مانھ ايسو ڪيڏو: ”هيو منڪ پڳوون را پاها را نٿي. او زوئھ زهاڙڪا سٿه جيا پڳوون را پوڪل نٿي. جيو پڻ زهاڙڪو مارئھ آڪاشي ٻاڻ پڳوون

نتي پوڪيو، پڳوونَ اُوڻا نئه ضرور اُوڪاڙشي پرو. ⑭ تيام هايون نئه ساڏو. اُو اوندآ آڳيوونَ سئه. اوندو اوندآ نئه پادينَ ويشي، تو هي ئي کاڏ ڀر پڙشي. ”
 ⑮ تيا مانه پطرس اُوڻا نئه ڪيڏو: ”منڪون رئه ڪراپ ٿيا را پارام جيئي مثال رئي وات تمي همپڙاويئي، امون نئه اُوڻا رو مطلب هزماوو. ” ⑯ تو ايسو ڪيڏو: ”تمي پيزون را زم هزون هُوڏي نئي هزمتا، ڪي؟ ⑰ تمون نئه اتئي پڻ ڪهر نئي پڙتئي، ڪي؟ جيئي پڻ شينه منڪ ڪائو اُو تو پيت موئين زائو، ان اُوڻون نيٺ ٻارئي نيهڙو. ⑱ پڻ جي واتون مونيڏا ٿي نيهڙو، اُو تو من ٿي آوئو. ان هائي واتون منڪون نئه ڪراپ ڪرئو. ⑲ ڪم تو ڪراپ ڪيال، ڪون، پوندو ڪوم، پوندائي، سورئي، ڪوڙئي هاڪ، ان ڳلا، هائي ٻڌي واتون من ٿي آوئو. ⑳ هائي اُو واتون سئه، جي منڪون نئه ڪراپ ڪرئو پرا. هات ڌويا وڳر کاڏا ٿي منڪ ڪراپ نئي ٿيئا.“

ڌاري قوم رئي هيڪ اشيتريئي ايسو مانه يقين ڪرئو

(متي 15:21-28، مرقس 7:24-30)

⑳ ايسو اُوڻون زائين صور ان صيدا شهرن را علاقا هومو ڳيو. ㉑ ان اوت رئي ڪنعاني قوم رئي هيڪ ڏوشي ايسو ڪن آويي ان وڙي وڙين زور ٿي ڪيو



صيدا شهر

مدئي: ”او پريو، او دائود پادشا را وستار، مون مانه دتيا کرو! ماري ديڪري نئه پوت سونتل سئه ان او گهڻي تڪليپ ۾ سئه.“ (23) پڻ ايسو اوتيا دوشي نئه ڪئين وڙندي نه ڏيڏي. تئين ايسو را شيلا اوتيا ڪن آيا ان منت ڪرين ڪيا مڏيا: ”ايئا نئه روني ڪرو، ڪم تو اي رڙيون ڪرتي اپون وونهڙ اوئه رئي.“ (24) تيا مانه ايسو ڪيڏو: ”پگهون مون نئه روڳو اسرائيلي قوم رون منڪون هارو ميليوه، جيا گمال رديون را زم پولاڻي گياھ.“ (25) پڻ دوشي آوين ايسو ري پگي پڙي نئي ان ڪيڏو: ”او پريو، ماري مدت ڪرو!“ (26) پڻ ايسو اوتيا رو آرمو ليڏا هارو اوتيا نئه ڪيڏو: ”مارو ڪوم ماري اپري اسرائيلي قوم ۾ سئه، ان تون ڌاري قوم رئي تين مون تي مدت ڪم مونگهه؟ تين اي ڪيتي نئي هومپڙي ڪي، جي ٻارون رئي روتئي لين ڪوترون نئه نوکوو نئي.“ (27) پڻ دوشي ڪيڏو: ”تماري وات تو هاسي سئه، پريو. توي پڻ ڌي روتي ري او ڪري ڪوترون نئه نوڪه، جي ڌي آپ ڪائين اوڳارنه، ان ڪوترا او اوڳارل ڪري تو ڪاه.“ (28) تئين ايسو هايا وات مانه اوتيا نئه ڪيڏو: ”او ٻائي، تارو يقين الاهي گهڻو سئه. جئين تون مونگهه، هرورم تون هارو ته!“ ان اوئه ئي توئه اوتيا دوشي رئي ديڪري هازي هوري تي گهي.

ايسو ڌاريون قومون رون گهڻون موندون نئه هازا هورا ڪرئه

(29) اوئون روني تين ايسو گليل ڍنڍ را ڪپ مانه گيو، ان ڏونگر مانه سڙين اوئه پينو نو. (30) ان الاهي گهڻا منڪ اوتيا ڪن آيا، جيا آپ پيڙا پونگڙون نئه، اونڌون نئه، رونگڙون نئه، گونگون نئه، ان پيزون گهڻون موندون نئه تيڙي آيا، ان اوئون نئه ايسو رون پگون ڪن نوڪيا. ان ايسو اوئون نئه هازا هورا ڪريا. (31) تيام زئيون ٻڌي منڪي زويو جي گونگا ٻولنه ريا، رونگڙا هازا هورا تياھ، پونگڙا وئه ريا، ان اونڌا ڏيڪه ريا، تو او حيروني پڙي گيا. ان اوئي پگهون را وڪوڻ ڪريا، جيا نئه اسرائيلي قوم را منڪ مونتا.

ايسو چار هزار ٿي وڌارءَ منڪون نءُ روٽي گوراوئھ

(متي 32:15-39، مرقس 1:8-10)

32 ايسو اپرون شيلون نءُ آپ ڪن تيراوين ڪيڏو: ”مون نءُ ايسون گهڻون منڪون مانھ قياس آوئھ، ڪم تو اي ترٿيون ڏيئون ٿي مون پيڙا سئھ، ان هوءَ اوئون ڪن کاڌا رو ڪئين ٿي. ان مارئي مرضي ٿي جي اوئون نءُ يوڪا روونا ڪرون، متون او شيرٽا مانھ پيهونش ٿي زائھ.“ 33 تو شيلي ايسو نءُ ڪيڏو: ”ايتئھ هونواڙ ۾ اتون گهڻون منڪون نءُ گورايا هارو روتي ڪيئون اوٿئون؟“ 34 ٿيون ايسو اوئون ٿي پونسيو: ”تمون ڪن ڪتي روتي سئھ؟“ تو اوئي ڪيڏو: ”امون ڪن هات روتي ان ڪئينڪ مشي پڻ سئھ.“

35 ٿيون ايسو ٻڌون منڪون نءُ زمي مانھ پيئا رو ڪيڏو. 36 ان پسئھ اوئھ او هات روتي ان مشي پري لين اوئون هارو پگھون رو ٿورو مومين اوئون نءُ يونگي ان شيلون نءُ ڏيوا مڏيو. ان شيلو ٻڌون منڪون نءُ وراوين ڏيئا گيا. 37 او ٻڌائي منڪ ڪائين ڊاڀيا. ان جيا ٽڪرا اوگاريا تا، اوئون نءُ شيلي پيڙا ڪريا، ان اوئون را هات ڏلا پروٿا. 38 جيئي منڪي روٽي کاڌي، او ڏوشيون ان ٻارون شوا چار هزار آدمي هتا. 39 پسئھ ايسو ٻڌون منڪون نءُ روونا ڪرين پيڙي مانھ سٿيو ان مگدن را علاقا ۾ گيو پرو.

منڪ ايسو نءُ پرسو ڏيڪاڙيا رو ڪئھ

(متي 1:16-4، مرقس 11:8-13، لوقا 12:54-56)

16 1 اوتئھ ڪئينڪ فريسي پالتي را ان ڪئينڪ صدوقي پالتي را منڪ ايسو ڪن آيا، ان اوئا نءُ آزمايا هارو ڪيڏو: ”امون نءُ ڪوڪ ترت پرسو ڪرين ڏيڪاڙ! امون نءُ ٿاپتي ڏئھ جي ٿون پگھون را پاها رو سئھ ڪا نا؟“ 2 تيا مانھ ايسو اوئون نءُ ڪيڏو: ”زئون ڏي آتميا رئھ توئھ آڪاش راتو

تئھ، تو تمی ام ڪوھ جي موسم صاف ٿيڻي. (3) ان زئيون ھوار رو آڪاش راتو ان جھڙالو تئھ، تو تمی ام ڪوھ جي آز مي ورھشي. تمی آڪاش رون نيشونون تي موسم رئي ڪپر پاڙي ھيڪوھ، تو تمی ايئا توڻا را نيشون ڪم اوڙڪي نتي ھيڪتا؟ (4) تمی ايئا زمونا را منڪ ڪيو پوندا سو ان آڀرا ڏئي پڳوون رٿه ھاو ڪلاڪ سو. تيام تمی ٿاڀتي ھاو پرسو زووا ڪروھ. پڻ پڳوون ٿاڀتي ھاو تمون نئھ پرسو نئين ڏيڪاڙئھ، تمون نئھ روڳو ايوو نيشون ڏيڪاڙشي، جيوو پڳوون رو نياپو ڏيڏا واڙا يوناه رو نيشون. ”ھم ڪين ايسو اوئون نئھ ساڏين ڳيو پرو.

ايسو مونھڙل ڪاتا آنا رو مثال ڏين فريسي پالتي ان صدوقي پالتي واڙون ري پونڌائي تي پاھو ڪريا رو ڪئھ

(متي 5:16-12، مرقس 8:14-21)

(5) شيلا ايسو پيڙا پيڙي موئين سڙين ڍنڍ رٿه پيڙئھ پاھئھ زائين پوڳيا، پڻ روتي آپ پيڙي لي آيا رئي وات اوئون نئھ ويھري ڳئي تئي. (6) تئيون ايسو اوئون نئھ ڪيڏو: ”ھوشيار ريا. فريسي پالتي واڙون ان صدوقي پالتي واڙون رئي پونڌائي، جي مونھڙل ڪاتا آنا جيوي سئھ، ھايا تي پاھو ڪريا.“ (7) تو شيلا آڀت ڀر وات ڪروا مڏيا: ”آپي روتي نتي لايا، تيام اي آنا را پارام ڪئھ ريو.“ (8) پڻ ايسو اوئون رئي وات زوئين ڪيڏو: ”تمی اتو گھت يقين ڪم را ڪوھ؟ تمی آڀت ڀر وات ڪم ڪروھ ريا جي تمون ڪن روتي نتي؟ (9) ھزون ھوڏي تمی نتي ھزمتا، ڪي؟ تمون نئھ اي وات ياد نتي ڪي، جي مئين پونسون روتيون تي پونس هزار منڪون نئھ ڪورايا تا، ان تمی اوڳارل ٽڪرون را ڪتا چها پريا تا؟ (10) ان تمون نئھ اي وات پڻ ياد نتي ڪي، جي مئين ھاتون روتيون تي چار هزار منڪون نئھ ڪورايا تا، ان تمی اوڳارل ٽڪرون را ڪتا ڏلا پريا تا؟ (11) تو پسنه تمی ڪم نتي ھزمتا جي زئيون مئين ھمئھ تمون نئھ مونھڙل ڪاتا آنا را پارام ڪيڏوھ، تئيون مارو مطلب روتيون را پارام ڪيڏا رو نتو؟ پڻ مارو مطلب اي ھتھ جھ.

تمي فريسي پالتي واڙون ان صدوقي پالتي واڙون ري پوندائي ٿي پاهو ڪريا، جئي مونهرل ڪاتا آتا جيوي ڪراپ سئ. ”⁽¹²⁾ تئيون شيلا هزمي ڳيا جي زئون ايسو مونهرل ڪاتا آتا را پارام ڪيڏوه، تئيون اوئه روتيون را پارام نئين، پڻ فريسي ان صدوقي پالتي واڙون ري شيڪارل واتون را پارام ڪيڏوه، جي اوئون ريون ڳلت واتون مانه نه ويوو.

پطرس ايسو نئه ڀڳوون رو سونڊل پڇايا واڙو ڪريست ڪئھ

(متي 13:16-20، مرقس 8:27-30، لوقا 9:18-21)

⁽¹³⁾ تيا ڪيڙ ايسو قيصريه فليپي شهر را علاقا ۾ ڳيو. اوئنه اوئه اپرون شيلون ٿي پونسيو: ”موئنه مون منڪ ذات را ڏيڪرا را پارام ڪي ڪئھ جي هون ڪوڻ سون؟“ ⁽¹⁴⁾ شيلي ڪيڏو: ”ڪوڪ ام ڪئھ جي تمي يوحنا پويتر سنون ڏيڏا واڙا سو، ڪوڪ ام ڪئھ جي تمي ايلياه سو، ان پيزا وڙي ام ڪئھ جي يرمياھ ڪا اڳلوڪون پڳوون رو نياپو ڏيڏا واڙون موئين ٿي ڪوڪ وڙي جيوتو ٿيوھ، ان تمي او سو.“ ⁽¹⁵⁾ پسئ ايسو وڙي اپرون شيلون ٿي پونسيو: ”پڻ تمي ڪي ڪوھ جي هون ڪوڻ سون؟“ ⁽¹⁶⁾ تيا مانه شمعون پطرس ڪيڏو: ”تمي پڳوون را سونڊل پڇايا واڙا ڪريست، جيوتا پڳوون را ڏيڪرا سو.“

⁽¹⁷⁾ تيا مانه ايسو اوئا نئه ڪيڏو: ”پاڳواڙو تون سئ، شمعون بريوناھ. ڪم تو تئين اي وات اپري عقل ان سوچ ٿي نئي هزمي، پڻ مارئه آڪاشي باپ پڳوون تون ڪن اي وات ساوي ڪريھ.“ ⁽¹⁸⁾ ان هوئه هون تارو نوم پطرس را ڪونه، جيا رو مطلب سئ پتر. ان هون تون نئه ڪونه جي تارو وشواس پتر جيوو ڏاڍو سئ، ان زم پتر ري پنياد مانه منڪ گهر ناوئھ، تم ايئا ڏاڍا پتر مانه هون مارئي منڌڙي ناويھ. ان اي منڌڙي ڪيڏي ڪتم نئين ٿئ، ان ايئا را منڪ نرگ را قوضا م نئين اوئه پڻ هميش رو جيون ليشي.“ ⁽¹⁹⁾ هون تون نئه زوئنه ايشور را راز ري ڪونسي ڏين تارن رو مارگ ڪوليا رئي اڪتياڙي ڏيھ ان ماري منڌري

رئي زميواري ڏيه. ان تون ڌرتي مان هر اوتنا وات رو نا پاڙي هيڪيه، جيا رو پگيون نا پاڙيو هوشي، ان تون ڌرتي مان هر اوتنا وات رئي موڪل ڏي هيڪيه، جيا رئي پگيون موڪل ڏيڏي هوشي.“ (20) تئون ايسو شيلون نئه گهڻو گهڻو ڪيڏو: ”مارا پارام ڪيا نئه مت همپڙايا جي هون پگيون رو سونديل پچايا واڙو ڪريست سون.“

ايسو آب مانه آيا واڙون ڏڪون ان موت را پارام مور تي همپڙاوڻه

(متي 21:16-23، مرقس 8:31-33، لوقا 9:22)

21) اوتنا توتا تي لين ايسو ساوئه نمونئه آپرون شيلون نئه اي وات هزماووا مڏيو: ”اي ضرور تيشي جي هون يروشلم شهر ۾ زائيه، ان آڀي قوم را آگيون، موتا پوزاري، ان شاستر زوڻيا واڙا مون نئه گهڻا ڏک ڏيشي، ان منڪ مون نئه مارشي پرو، پڻ ترئمئه ڏي پگيون مون نئه وڙي جيوي اوتارشي.“

22) تو پطرس ايسو نئه هيڪئه پاهئه ڪرتون هزماووا مڏيو ان اوتنا نئه ڪيڏو: ”او پريو، پگيون ڪرئه تمون تي هم نه تئه!“

23) پڻ ايسو پاسو قرين پطرس نئه ڪيڏو: ”تون شيطون را پاها تي ڪم ٻولئه ريو؟ تون مارو شيلو تين آڀرا ماڳ ۾ رئه! هم ڪيڏا تي تون مون نئه پگيون ري مرضي تي قيروا ڪرئه، ڪم تو تارئي هائي اوڙي سوچ پگيون را پاها تي نئي، پڻ روڳئي منڪون رئي سوچ سئه.“

شيلو رئه موت هوتي ايسو ري وات مانه ويوو

(متي 24:16-28، مرقس 8:34-9:1، لوقا 9:23-27)

24) تئون ايسو آپرون شيلون نئه ڪيڏو: ”جي ڪوئي مارو شيلو تين مون وونهڙ آوا ڪرئه، تو او آڀري مرضي ساڏئه ان موت هوتي ڏک سهين زوڻئه آڀري هوزي اوپاڙئه ان مارا مارڳ مانه وين مون وونهڙ آوئه.“ (25) ڪم تو جيو ڪوئي

مُون نئه ساڏين آڀرو جيو پڇاوا ڪرئ، تو نيٺ اُوئا رو جيو نئين پڇئي، پڻ جيو ڪوئي ماري ڪري آڀرو جيو ڏيڏا هارو تيار سئ، تو اُوئا نئه هميش رو جيون زڙشي. (26) جي ڪوئي منڪ ٻڌي ئي ڏنيا هات ڪرئ، ان اُوئا نئه آڀرا جيو رو نقصون تئ، تو اُوئا نئه ڪيوو ڦاڻيڏو ٿيو؟ منڪ آڀرو جيو پاسو ليڏا هارو ڪي ڏيشي؟ (27) هون منڪ ذات رو ڏيڪرو تو مارون آڪاشي ڏوتون پيڙو مارا ٻاپ پڳوون را زبڪتا سوجهرام آيا واڙو سون، ان تئ توتئ هون هر هيڪ منڪ نئه اُوئا رون ڪرل ڪومون پرموتئ ايوڙو ڏيه. (28) پڻ هون تمون نئه هاس ڪونه، ايئن اُوپل منڪون موئين ٿي ڪئينڪ ايو سئ جيا زئون هودِي مُون منڪ ذات را ڏيڪرا نئه مارا راز ۾ پاڏشا ٿين اوتون نئين ڏيڪئ، تئيون هودِي نئين مرئ.

ايسو رو روپ زبڪتا سوجهرا ۾ ڀڏلئھ

(متي 13:1-17، مرقس 9:2-13، لوقا 9:28-36)

17 (1) سوئون ڏيئون ڪيڙ ايسو پطرس، يعقوب، ان اُوئا را پائي يوحنا نئه آپ پيڙا تيڙين هڪا اونس اڏونگر مانھ نويڪلائي ۾ گيو. (2) ان ايسو رو روپ اوتون رئه روپرو ڀڏلي گيو، ان اُوئا رو مونيڊو ڏي را زم زبڪوا مڏيو، ان اُوئا را لوگهڙا سوجهرا جيوا ڏوڙا شير ٿي گيا. (3) ان اوچتو موسي ان ايلياه اوتون نئه ڏيڪارو ڏيڏو، ان ايسو ٿي واتون ڪرتون اوتون نئه ڏيڪيام آيا. (4) تيا مانھ پطرس ايسو نئه ڪيڏو: ”پرپو، امي ڪتا يا ڳواڙا سون جي امي ايئن سون. جي تمارئي مرضئي هوئ، تو هون ايئن ترڻ ڍاڙيا ناوون، هيڪ تمون هارو، هيڪ موسي هارو، ان هيڪ ايلياه هارو.“

(5) هزون پطرس هم ڪيتوت ريو، تو سوجهرا واڙئ واڏڙئ آوين اوتون مانھ سونئيو ڪريو. ان اوچتو واڏڙا موئين ٿي پڳوون رو آواز ام هومپڙيام آيو: ”اي مارو پريمي ڏيڪرو سئ، ان ايئا ٿي هون گهڻو ڪش سون. تمي ايئا ري واتون مونو.“ (6) هائي آواز هومپڙين شيلاتا گهڻا پيئائي گيا جي او مونيڊا وروڻا زمي

مانه پڙيا نا. ⑦ پڻ ايسو اوتون ڪن آوين اوتون نئه سڀين ڪيڏو: ”اُونين اُويو ان پيڻائو مت!“ ⑧ پسته زئيون اُوي هومو زويو، تو روگو ايسو اوتون نئه هيڪلو ڏيڪيام آيو، ان پيزو اوتئه ڪوئي نتو.

⑨ زئيون او ڏونگر تي نيسا اوترتات ريا، تو ايسو اوتون نئه گهڻو گهڻو ڪيڏو: ”جئن ڪئين تمي ڏيڪيوه، ايڻا را پارام تئيون هُودِي ڪيا نئه مت همپڙايا، زئيون هُودِي هون منڪ ذات رو ڏيڪرو مرلون موئين تي جيوي نه اوتون.“ ⑩ تو شيلي اوتئا تي پونسيو: ”پسته شاستر زوڻيا واڙا ڪم ڪئو جي پڳوون را سونديل پچايا واڙا ڪريست رئه آيا مور ايلياه ضرور وڙي اوشي؟“ ⑪ تو ايسو وڙندئي ڏيڏئي: ”هم تو سئه. شاستر پرموڻئه ايلياه مور تي اوشي ان منڪون نئه پڳوون هوما واڙين پڳوون را سونديل پچايا واڙا ڪريست رئه آيا هارو تيار ڪرشي. ⑫ پڻ هون تمون نئه ڪاتري تي ڪونه جي مارا آيا رئي تيارئي ڪريا واڙو، جيا نئه شاستر ۾ ايلياه ڪيڏوه، او تو آيو تو. پڻ منڪي اوتئا نئه اوڙڪيو ئي نئين جي او ڪوڻ سئه، ان زم اوتون نئه وڻيو تم اوتئا تي وُودا. ان هيوئه نمونئه منڪ مون منڪ ذات را ڏيڪرا نئه پڻ ڏڪ ڏيشي.“ ⑬ تئيون شيلا هزمي ڳيا جي ايسو اوتون نئه يوحنا پويتر سنون ڏيڏا واڙا را پارام ڪئو ريو.

ايسو هيڪا سوڪرا تي پوت ڪايئه

(متي 14:17-21، مرقس 9:14-29، لوقا 9:37-43)

⑭ زئيون ايسو ان او ترڻ شيلا وڙي منڪون ڪن پاسا آيا، تئيون اوتون گهڻون منڪون موئين تي هيڪ زڻو ايسو ڪن آيو ان اوتئا ري پڳي پڙين ⑮ ڪيڏو: ”سادو جي، مارا ڏيڪرا مانه ڏيا ڪرو، ڪم تو اوتئا نئه گهونتي آوئه، ان اوتئا نئه گهڻي تڪليپ تئه. او گهڻي وار ڏيو تام پڙي زائو ان گهڻي وار پوڻي م پڙي زائو. ⑯ هون اوتئا نئه تمارون شيلون ڪن تيڙي آيو تو، پڻ او اوتئا نئه هازو نه ڪري هيڪيا.“

(17) تيا مانھ ايسو ڪيڏو: ”تمي ايئا زمونا را منڪ يقين ڪم نٿي راکتا؟ تمي ڪم اوڙي سوچ راکوه؟ مارئ هزون هُودِي تمون پيڙو ڪتي وار ريوو پڙشي؟ ان تماري گلت سوچ مارئ ڪتي وار سهو پڙشي؟ سوڪرا نئ ايل مون ڪن تيڙي آو!“

(18) تيون ايسو پوت نئ ڌڙڪو ڏين نيهر يا رو ڪيڏو، تو پوت سوڪرا تي نيهر ي گيو، ان اوئا ئي توئا تي لين سوڪرو هازو هورو تي گيو.

(19) پسئ شيلا ايسو ڪن نوڪلائي ڀر آيا ان اوئا تي پونسيو: ”امي هيا پوت نئ ڪم نه ڪاڍي هڪيا؟“ (20) تو ايسو اوئون نئ ڪيڏو: ”تمي هيا پوت نئ ايئا هارو ڪاڍي نه هڪيا ڪم تو تمارو يقين گهت سئ. ڪم تو هون تمون نئ هاس ڪونه، جي تمي پڳوون مانھ ٿوريا را پيز زتو روڳو توڙو يقين راکوت، تو تمي ايئا ڏونگر نئ ڪي هڪوت ايتون اوڪرين اول زائين اوپ! ان او زائين اوئئ اوپت. ان ايوو ڪئين نه ٿت جي تمي ڪري نه هڪت. (21) (پن پراٿنا ڪريا ان ورت راکيا شوا ايوا قسم رون پوتون نئ پيزئ ڪيوئ پن ڍاڙئ ڪاڍي نٿي هڪتا.)“

ايسو وڙي گليل صويا موئين پڳوون رو ڪوم ڪرئھ

ايسو بيزي وار آڀرا موت را پارام مور تي همپڙاوئھ

(متي 23:17-22، مرقس 9:30-32، لوقا 9:44-45)

(22) زئون ايسو ان اوئا را شيلا گليل صويا ڀر پيڙا تيا، تيون ايسو اوئون نئ ڪيڏو: ”موئھئ مون منڪ ذات را ڏيڪرا نئ زهلاوشي ان منڪون رئ حوالئ ڪرشي پرو. (23) ان او مون نئ مارشي پرو، پن ترئمئ ڏي پڳوون مون نئ وڙي جيوي اوئاڙشي.“ اي هومپڙين شيلون نئ الاهي گهٽو ڏک ٿيو.



کفرنحوم

ايسو پڳوونَ را گهر هارو ڏون ڏيڏا را پارام هزماوئِه

24 ڏيئون ايسو ان اوئا را شيلا کفرنحوم شهر ۾ آيا، تئين ڏون ليڏا واڙا، جيا هر سال ۾ پڳوونَ را گهر هارو هو هو روپيون رو ڏون ليئا، پطرس ڪن آيا ان اوئا تي پونسيو: ”تمارو گرو پڳوونَ را گهر هارو ڏون تو ڏئه، نا؟“ 25 تو پطرس ڪيڏو: ”هوئو.“ ڏيئون پطرس گهر ۾ ايسو ڪن آيو، تو ايسو مور تي اوئا تي پونسيو: ”شمعون، تارو ڪي ڪيال سئو؟ ڏنيا را پادشا ڪيون منڪون تي ناڪو ڪا تڪس لئو؟ او آپرون منڪون تي لئو، ڪا ڌاريون منڪون تي؟“ 26 تو پطرس ڪيڏو: ”ڌاريون منڪون تي.“ تيا مانه ايسو اوئا نئو ڪيڏو: ”تو پسنه هايا رو مطلب اي سئو جي پادشا را آپرا منڪ پئها ڏيڏا تي آزاد سئو. تيام آبي پڻ پڳوونَ را راز را منڪ تين پڳوونَ را گهر هارو ڏون ڏيڏا تي آزاد سون.“ 27 پڻ آبي ڏون ليڏا واڙون نئو ڏڪ ڏيوا نئي ڪرتا. تيام تون زا ان ڍنڍ مانه زائين ڪنڊيئي نوڪ، ان جي مور تي مسئي قاتئو، اوئا رو ڪاهو کولي ان اوئا را ڪاهو ۾ بي هو روپيون واڙو هيڪ سڪو زڙشي. او سڪو لين ڏون ليڏا واڙون نئو مارا ان تارا پاها رو ڏون ڏي پرو.“

شيلا آيت ۾ تڪرار ڪرڻه جي ڪيا رو گهڻو مون سئ

(متي 1:18-5، مرقس 9:33-37، لوقا 9:46-48)

18 ① اُوڻه ئي توڻه شيلا ايسو ڪن آيا ان پُونسيو: ”هَوڻه ايشور را راز ۾ ڪيا رو گهڻو مون سئ؟“ ② تو ايسو هڪا نونا پاڙ نئه تيزاوين اُوڻون وسا اُوپاڙيو. ③ ان ڪيڏو: ”هُون تمون نئه هاس ڪونه، زئيون هُوڏي تمي آپري مگهروري ساڏين آپري سوچ نئين پڌلو، ان ننڪون پاڙون را زم گريپ نئين تيو، تيون هُوڏي تمي ايشور را راز ۾ ماگي نئين زائي هڪو. ④ تيام جيو ڪوئي ايئا ننڪا پاڙ جيو گريپ سئ، اُوڻا رو ايشور را راز ۾ ٻڌون تي گهڻو مون سئ. ⑤ ان جيو ڪوئي مون مانه وشواس را ڪيا ري ڪري ايوا پاڙ رو مون را ڪئ، اُو مارو مون پڻ را ڪئ.“

ايسو شيڪاڙه جي ڪم ڪرين ڏوه تي پاهو ڏيو

(متي 6:18-9، مرقس 9:42-48، لوقا 1:17-2)

⑥ ”ايئون نونون منڪون موئين تي جيا مون مانه وشواس را ڪئ، جي ڪوئي پڻ منڪ ايئون موئين تي ڪيا ڪ نئه ڏوه ۾ پاڙه، تو پڳوون اُوڻا منڪ نئه اتي گهڻي سزا ڏيشي جي اُوڻا منڪ هارو نائوڪو ام تئت جي اُوڻا رئه هيوو ڪوم ڪريا مور اُوڻا را گڙا موئين گهرت رو پڙ ٻوندين اُوڻا نئه سموندي ۾ ٻوڙت پرو. ⑦ ايئا ڏنيا ۾ منڪون هارو ڏڪ سئ، ڪم تو ڏنيا ۾ گهڻي ايوي واتون سئ جيا ري ڪري منڪ ڏوه ۾ پڙه. ايوي واتون تو ضرور تيشي جيا ري ڪري منڪ ڏوه ڪشي. پڻ ڏڪ اُوڻون منڪون هارو سئ، جيون ري ڪري پيزا منڪ ڏوه ڪرئ. ⑧ جيا پڻ وات ري ڪري تمي ڏوه ڪرو، هايا وات نئه ساڏو پري. جي تمارا هات ري ڪري ڪا پڳ ري ڪري تمي ڏوه ڪرو، تو اُوڻا نئه واڍين آپ تي هڪل ڦڳوڙو پرو. ڪم تو تماره بيئون هاتون ڪا بيئون پڳون هتيلا هميش

ري پاهي ۾ ڦڳوڙايا ٿي تمون هارو ٺاڻوڪو اي سٺ، جي تمي کونڪا ڪا مڍا ٿين هميش رو جيون ليو. ⑨ ان جي تماري اونڪ ري ڪري تمي ڏوه ڪروه، تو اوٽا نٺ ڪاڍين آپ ٿي هيڪل ڦڳوڙو پڙي. ڪم تو تمارئ پيئون اونڪيون هٿيلا نرگ ري پاهي ۾ ڦڳوڙايا ٿي تمون هارو ٺاڻوڪو اي سٺ، جي تمي ڪوٽا ٿين هميش رو جيون ليو.

ڳمال ري رو مثال

(متي 10:18-14، لوقا 3:15-7)

⑩ ”هوشيار ريا جي تمي ايئون نونون منڪون موئين ٿي هڪا نٺ پڻ گهٽ نه هڙمو. ڪم تو هون تمون نٺ ڪاتري ٿي ڪونه، جيا آڪاشي ڏوت اوئون رٿي همپار ڪرئ، او هميش مارا آڪاشي پاپ پڳوون رٺ روپرو هونئ. ⑪ (ڪم تو هون منڪ ذات رو ڏيڪرو اوئون منڪون نٺ پچاواوا آيوه، جيا پڳوون را مارگ ٿي شيتي ٿي گياھ.)



⑫ تمي ڪي سوچوه؟ جي ڪياڪ

منڪ ري هو ريون هونئ، ان اوئون موئين ٿي هڪ ري ڳمائي زائ، تو ڏٿي اوٽا نٺ نئين گوتئ، ڪي؟ او ضرور پيزي نوانوي ريون اوٽ ري اوٽ ڪياڪ ڌراڙ ڪن ڏونگر مانھ ساڌشي ان زائين اوٽا ڳمال ري نٺ گوتشي.

⑬ ان هون تمون نٺ هاس ڪونه، جي ري اوٽا نٺ زڙئ، تو او هيا هڪي ري مانھ پيزون نوانوي ريون ٿي، جي نتي ڳموٿي، وڌارئ گهٽو ڪش ٿيشي. ⑭ هيوئ نمونئ تمارا آڪاشي پاپ پڳوون رٿي پڻ اي مرضي ٿي جي ايئون نونون منڪون موئين ٿي هڪ ئي اوٽا نٺ ساڌين ڳمائي زائ.

جي تمارو ڀائي ڏوه ڪرڻ، تو اوتائين ڏوه هڙماوو

⑮ ”جي تمارو ڪوئي ڀائي تمارو ڏوه ڪرڻ، تو زائين اوتائين ڏوه نويڪلائي ۾ هڙماوو. جي اوتائين وات مونڱ، تو تماري ڪري تمارو ڀائي پڳوون ري سزا ٿي پڇي گيوه. ⑯ پڻ جي اوتائين وات نه مونڱ، تو هيڪ ڪا ٻي پڙا هاڪ پريا واڙا منڪ آڀ پڙا تيڙي زائو. هيون نمونڱ، زم شاستر ۾ لڪل سڻ، پيئون ڪا ترڻيون منڪون رڻي هاڪ پريا ٿي وات رڻي ٿا پيئي ٿي زائو.“

⑰ جي اوتائين پڻ تماري وات نه مونڱ، تو تمي منڏري رون منڪون نڻ وات همپڙايا. جي اوتائين رون منڪون رڻي وات ٿي نه مونڱ، تو اوتائين منڏري ٿي ٻارو ڪاڍيا پرو. زم منڪ ڌاري قوم واڙون ان ناڪو ليڏا واڙون ٿي پڳوون رڻي وات نه مونڱ ري ڪري واسطو نٿي راکتا، تم تمي هيو منڪ ٿي واسطو مت راکو.“

ايسو آڀرون شيلون نڻ اڪتباري ڏه

⑱ ”هون تمون نڻ هاس ڪونه، تمي ڌرتي مان هر اوتائين وات رڻي نا پاڙي هيڪشو، جيا رو پڳوون نا پاڙيو هوشي، ان تمي ڌرتي مان هر اوتائين وات رڻي موڪل ڏي هيڪشو، جيا رڻي پڳوون موڪل ڏيڏي هوشي. ⑲ هون تمون نڻ اي پڻ ڪونه، ڌرتي مان جي تمون موئين ٿي ٻي زئا ڪيڪ وات هارو هيڪ من ٿه جي پڳوون ري مرضي پرموڻه سڻ، ان اوتائين وات هارو پراڻا ڪرڻ، تو مارو آڪاشي ٻاپ پڳوون اوتون رڻي پراڻا هومپڙشي. ⑳ ڪم تو جيڻه ٻي ڪا ترڻ منڪ مارا نوم ۾ پڙا ٿيا هوشي، اوتائين هون اوتون را وس ۾ هوئي.“

ماقبي نه ڏيڏا واڙا نوڪر رو مثال

㉑ ٿيون پطرس ايسو ڪن آوين پونسيو: ”پريو، جي مارو ڀائي مارو ڏوه ڪرتو

رٺ، تو مارٺه اوتائ نٺه ڪٽي وار ماڻهي ڏيوو؟ او هات وار مارو ڏوه ڪرٺ، توئي هات وار مارٺه اوتائ نٺه ماڻهي ڏيوو، ڪي؟” (22) تو ايسو اوتائ نٺه وڙندئي ڏيڏئي: ”هون تون نٺه هات وار نئين، پڻ هات هو وار ماڻهي ڏيڏا رو ڪونه. زتي وار پڻ او ڏوه ڪرٺ، اتي وار تارٺه ماڻهي ڏيوو.

(23) تيام ايشور رو راز ايٺا مثال را زم سٺه. هيڪ پادشا هتو. اوٺه آپرون نوڪرون تي حساب ليڏا رو ڦينصلو ڪريو. (24) زئيون حساب ڪروا مڏيو، تو اوتائ ڪن هيڪ ايوو نوڪر لي آيا، جيا مانه ترڻ ارپ روپيا قرض هتو. (25) اوتائ نوڪر ڪن اتا پٺيها نتا جي او قرض پري هيڪٺه. تيام پادشا حڪم ڏيڏو: ’ايٺا نٺه ٻاڙون ٻسون هٽيلو ويسو پرو ان ايٺا رو ٻڌوئي ڪئين پڻ ويسو، ان مارو قرض پرو.‘ (26) تيام نوڪر پادشا ري پڳي پڙيو نو ان اوتائ رٺي ام منت ڪرٺي: ’مون نٺه قرض پريا رو موقعو ڏيو، تو هون تمون نٺه ٻڌوئي قرض پري ڏيه.‘ (27) تو اوتائ نوڪر را ڏئي نٺه قياس ٿيو، ان اوٺه نوڪر نٺه ساڏيو پرو ان اوتائ رو ٻڌو قرض ماڻ ڪريو پرو.

(28) هائي نوڪر ڌرٻار تي ٻارو نيهريو، تو پادشا رو هيڪ پيزو نوڪر اوتائ نٺه پيزو ٿيو، جيا مانه ايٺا رو پونس هزار قرض هتو، ان ايٺه اوتائ نٺه گڙام زهالين تونپو ڏيڏو ان ڪيڏو: ’مون نٺه مارو قرض پري ڏئه.‘ (29) تيا مانه پيزو نوڪر اوتائ ري پڳي پڙيو نو ان اوتائ رٺي منت ڪرين ڪيو مڏيو: ’مون نٺه قرض پريا رو موقعو ڏئه، تو هون تون نٺه قرض پري ڏيه.‘ (30) پڻ پيرهين نوڪر ايٺا رٺي ڪئين وات نه هومپڙي، پڻ ايٺا مانه ڪيس ڪرين جيل موئين پورا يو پرو، زئيون هوڏي او قرض پري نه ڏئه.

(31) زئيون پادشا ري پيزي نوڪري زويو جي ڪي ٿيوه، تو اوٺون نٺه گهٽو ڏڪ ٿيو ان اوئي اوين ٻڌي وات اپرا ڏئي نٺه همپڙاوي. (32) تيون پادشا پيرهيان نوڪر نٺه آپ ڪن تيزاوين اوتائ نٺه ڪيڏو: ’پونڏا نوڪر، تئين مارئي منت ڪرٺي، تو مئين تارو ٻڌوئي قرض ماڻ ڪريو پرو.‘ (33) زم مئين تون

مانه ڏٺيا ڪري، تم ٿارڻه پڻ آڀرا ساڻي نوڪر مانه همريئم ڏٺيا ڪروو تو.
 ③④ ڏٺي نئه اوڻا نوڪر مانه اٿي گهڻي رينه سڙي جي اوڻه نوڪر نئه جيل ۾
 پوريا رو ان پونڌي هاري سزا ڏيڏا رو حڪم ڏيڏو، زئيون هوڏي او ٻڌو قرض
 پري نه ڏئه.

③⑤ ان هيوڻه نمونئه مارو آڪاشي ٻاپ پگوون پڻ تمون نئه سزا ڏيشي، جي
 تم آڀرا پورا من تي آڀرا پائي نئه ماڻي نئين ڏيو.

ايسو گليل صوپا تي يروشلم شهر هومو زائھ

ايسو پرثيا را پارام شيڪاڙئھ

ان ڏوشي نئه ن ساڏيا را پارام هزماوئھ

(متي 12:19-1، مرقس 1:10-12)

19 ① زئيون ايسو هائي واتون ڪي ريو، تو او گليل صوپا تي ررونو تيو
 ان يردن ڌريا رئه پيزئه پاهئه يهوديه را علاقا ۾ گيو. ② ان الاهي
 گهڻا منڪ اوڻا وونهڙ گيا، ان جيا مونڏا هتا اوڻئه اوڻه اوڻون نئه هازا هورا
 ڪريا پرا.

③ تيون ڪئينڪ فريسي پالتي را منڪ ايسو ڪن آيا ان اوڻا رو آزمتو ليڏا
 هارو اوڻا تي پونسيو: ”ڌرم پرموڻه آڏمي ڪيا پڻ وات ري ڪري آڀري ڏوشي
 نئه ساڏي هڪه، ڪا نا؟“ ④ تو ايسو اوڻون نئه وڙنڏي ڏيڏي: ”تمون نئه
 شاستر موئين تي ايئا وات رئي ڪهر نتي ڪي؟ تم تي تو ضرور پڻيو هوشي جي
 پگوون جيئنه جگت نايو، اوڻه ڏنيا ري شروع تي لين منڪون نئه نايان رئه توڻه
 آڏمي ان ڏوشي نايان. ⑤ ان پگوون ام ڪيڏو: ’تيام آڏمي آڀرا مان ٻاپ نئه
 ساڏشي، ان آڀري ڏوشي پيڙو ريشي، ان او ٻي ئي هڪ ٿيشي.‘ ⑥ تو پسئھ
 آڏمي ان ڏوشي ٻي ئي ڌار ڌار نتي، پڻ هڪ سئھ. تيام جيون نئه پگوون آڀ

جوڙياھ، اُوئون نئہ منک ڌار نہ ڪرئہ!

⑦ ٿيا مانھ فريسي پالٽي واڙي اُوئا ٿي پُونسيو: ”تو پسنھ موسيٰ ڪم حُڪم ڏيڏو جي آدمي آپري ڏوشي نئہ لڪي ڏين ساڌي هيڪئھ؟“ ⑧ تو ايسو اُوئون نئہ وڙندئي ڏيڏئي: ”موسيٰ تمون نئہ ڏوشي ساڌيا رئي آگيا تيام ڏيڏئي، ڪم تو اُوئا نئہ ڪر هٿي جي تمي ناھڏا سو ان پڳوون ري مرضي مانھ نئين وو. پڻ ڏنيا ري شروع ٿي لين پڳوون رئي مرضي نٿي جي آدمي آپري ڏوشي نئہ ساڏئہ. ⑨ هون تمون نئہ ڪاتري ٿي ڪونھ، جيو ڪوئي پونڏا ڪوم را ڏوھ ڪريا ووٿي آپري ڏوشي ساڌين پيزي ڏوشي ڪرئہ، پلئہ لڪي ڏيڏئي هوئہ، توئي پڻ او آدمي پونڏو ڪوم ڪرئہ.“

⑩ ٿيا مانھ ايسو ري شيلي اُوئا نئہ ڪيڏو: ”جي آدمي ان ڏوشي رئي هائي وات سئہ، تو پرٿوئي نہ ڪپئہ.“ ⑪ تو ايسو اُوئون نئہ ڪيڏو: ”ٻڌائي منک ايئا پرٿيا ري وات مانھ نٿي وي هيڪتا. روگا او منک ايئا وات مانھ وي هيڪئھ، جيون نئہ پڳوون پرٿيا رئي هيٺ ڏئہ. ⑫ ڪم تو ڪئينڪ منک ايئا هارو نٿي پرٿا جي او زايا زلميا ڪڏڙا هوئہ، ان ڪئينڪ منک ايئا هارو نٿي پرٿا جي منڪي اُوئون نئہ ڪڏڙا ناياه، ان ڪئينڪ منک ايئا هارو نٿي پرٿا زم او پورا ڏيون ٿي ايشور را راز پرموئئہ وي هيڪئہ. زم پڳوون هر منک نئہ هيٺ ڏيڏيھ جي او پرٿئہ ڪا ڪونٿارو رئہ، تم هر منک رئہ هائي وات مونين پرٿو ڪپئہ ڪا ڪونٿارو ريو ڪپئہ.“

ايسو ننڪون ٻارون نئہ اَشيرواڏ ڏئہ

(متي 13:19-15، مرقس 13:10-16، لوقا 15:18-17)

⑬ پسنھ منک ايسو ڪن ننڪون ٻارون نئہ تيڙي آيا، زم ايسو اُوئون مانھ هات راڪين اُوئون هارو پراٿا ڪرئہ. پڻ شيلي اُوئون منڪون نئہ وڙگائين هيڪل زايا رو ڪيڏو. ⑭ پڻ ايسو ڪيڏو: ”ٻارون نئہ مون ڪن آوا ڏيو، ان اُوئون

نٺ مت روڪو، ڪم تو ايشور رو راز ايئون ٻاڙون جيون منڪون هارو سٺه.“
 ⑮ تيون ايسو ٻاڙون مان هات راکين آشيرواڏ ڏيڏو، ان پسته اوئون روونو
 تي گيو.

شائوڪار منڪ ان ايشور رو راز تارڻ ليڏا هارو ٻڌوئي ڪئين ساڏيا هارو تيار ريوو

(متي 16:19-30، مرقس 17:10-31، لوقا 18:18-30)


⑯ اوچتو هيڪ جوڻ منڪ ايسو ڪن آيو ان پونسيو: ”گرو جي، مارٺه ڪيو
 نائوڪو ڪوم ڪروو، جيا ٿي مون نٺه پڳوون ڪن هميش رو جيون زڙه؟“
 ⑰ تو ايسو اوئا نٺه ڪيڏو: ”تمي نائوڪا ڪوم را پارام مون ٿي ڪم پونسوه؟
 نائوڪو روڳو پڳوون سٺه. جي تمي هميش رو جيون ليوا ڪروه، تو پڳوون رون
 حڪمون مان ه وو.“

⑱ تيا مان ه اوئه ايسو ٿي پونسيو: ”ڪيون ڪيون حڪمون مان ه ويوو؟“
 تو ايسو ڪيڏو: ”گون نه ڪروو، پونڏو ڪوم نه ڪروو، سورئي نه ڪروو،
 ڪوڙي هاڪ نه پروو، ⑲ آپرا مان ٻاپ رو مون راکوو، ان پيزون ٿي آپ را زم
 پريم راکوو.“

⑳ تيا مان ه جوڻ ايسو نٺه ڪيڏو: ”هايون ٻڌون حڪمون مان هون تو وونه
 ريو. هوئه مارٺه پيزو ڪي ڪروو؟“ ㉑ تو ايسو اوئا نٺه ڪيڏو: ”جي تمي هر
 وات ۾ نائوڪا ٿيو ڪروه، تو تمي زائين تمارئي ٻڌي ملڳت ويسين پئها
 گريهون ۾ وراوو پرا، تو تمون نٺه آڪاش موئين آڪاشي ملڳت هميش رو جيون
 زڙشي، ان پسته اوين مارا شيلا تين مون وونهڙ آوو.“ ㉒ زئون اوئه جوڻ منڪ
 هائي وات هومپڙي، تو او گهڻو نيموڻو تين گيو پرو، ڪم تو اوئا ڪن گهڻي
 ملڳت هئي.

㉓ تيون ايسو آپرون شيلون نٺه ڪيڏو: ”هون تمون نٺه هاس ڪونه، ملڳت

واڙون رڻه ايشور را راز موئين زاوو ڪتو ڏورو سڻه. ②4 هون تمون نڻه وڙي



ڪاتري ٿي ڪونه، شائوڪار منڪ رو پڳوون را راز
موئين زاوو ايوو ڏورو سڻه جي هايا را مقابلو ۾
اُونٺ رو هُوئي را ناڪا هونهرو متوو هورو هوئت.

②5 زئيون اُوئي هائي وات هومپڙي، تو شيلا گهڻا
حيروني پڙي ڳيا، ان ڪيو مڏيا: ”جي شائوڪارون
نڻه تارڻ نئين زڙه، تو پسنه ايوو ڪوڻ هوشي جيا
نڻه تارڻ زڙشي؟“ ②6 تيا مانه ايسو اُوئون هومو

زوئين ڪيڏو: ”هائي منڪون ٿي نٿي ٿي هيڪتو، پڻ پڳوون ٿي ٻڌوئي ڪئين
ٿي هيڪه.“

②7 تيا مانه پطرس ايسو نڻه ڪيڏو: ”زوئو، امي آڀرو ٻڌوئي ڪئين ساڏين
تمارا شيلا ٿين تمون وونهڙ آياھ. تو پسنه امون نڻه ڪي زڙشي؟“ ②8 تو ايسو
اُوئون نڻه ڪيڏو: ”هون تمون نڻه هاس ڪونه، تمي جيا مارا شيلا ٿين مون وونهڙ
آياھ، نوي دنيا ۾ زئيون هون منڪ ذات رو ڏيڪرو زبڪتا سوجهرا ۾ ماري مون
واڙي گهاڏي مانه پيهيھ، تئيون تمي پڻ ٻارون گهاڏيون مانه پيهين اسرائيلي
قوم ريون ٻارون ذاتون را ڦينصلا ڪرشو. ②9 ان جيئنه پڻ ماري ڪري گهر، پائي
پنون، مان ٻاپ، ٻار، ڪا آڀري زمئي ساڏيھ، اُوئا نڻه ساڏل شينهنون ٿي هو وار
وڌيڪ زڙشي، ان اُوئا نڻه هميش رو جيون پڻ زڙشي. ③0 گهڻا منڪ جيا همئنه
مورم سڻه او وونهڙ ٿيشي، ان جيا وونهڙ سڻه او مورم ٿيشي.“

ڌراڪون را ٻاڳھ ۾ مزورون رو مثال
پڳوون آڀري ڪريا ٿي منڪون نڻه تارڻ ڏئھ

① ”ڪم تو ايشور رو راز ايئا را زم سڻه. هيڪ زميڏار هتو. او هوار
20 رو ويلو گهر ٿي ٻارو نيھري ڳيو زم آڀرا ڌراڪون را ٻاڳھ موئين مزور

اوپاڙڻه. ② اُوڻه رَواز پرموڻه مزورون نئه پنجاه رُوپيا تاريڪ ڏيڏا رڻي ٻول ڪرڻي، ان پسڻه اُوڻون نئه ٻاگه موئين ميليا پرا. ③ نويڪ واگي اُو وڙي نيهرين شهر ۾ گيو، ان زوڻه، تو اُوڻه پيزا مزور چونڪ مانه نورا اوپاهه. ④ تو اُوڻون نئه ڪيڏو: 'تمي پڻ مارا ڌراڪون را ٻاگه موئين زائين ڪوم ڪرو، ان جئين تمارو حق هوشي، اُو هون تمون نئه ڏيهه.' ⑤ تو اُو پڻ مزوري مانه گيا پرا. پسڻه اُو وڙي پورون رو ٻاريڪ واگي ان وڙي ترٿيڪ واگي گيو، ان همراڻ مزور اوپاڙيا. ⑥ هونز رو پونسيڪ واگي اُو وڙي شهر ۾ گيو، ان پيزون مزورون نئه نورا اوپل ڏيڪيا. ان اُوڻون ٿي پونسيو: 'تمي ايڻه هارو ڏي نورا ڪم اوپاهه؟' ⑦ تو اُوڻي ڪيڏو: 'امون نئه مزوري مانه ڪيڻه نٿي اوپاڙيا، تيام.' تو اُوڻه اُوڻون نئه ڪيڏو: 'تمي پڻ زائين مارا ڌراڪون را ٻاگه ۾ ڪوم ڪرو.'

⑧ زئيون هونز ٿي، تو ٻاگه رڻه ڏيڻي آڀرا منچي نئه ڪيڏو: 'مزورون نئه هاڏ ڪرين مزوري ڏئه. مور ٿي اُوڻون نئه ڏيوا شروع ڪر جيا پچاڙي ۾ ڪوم مانه آيا، ان هيوڻه نموننه نمپروار ڏين ٻڌون ٿي پچاڙي ۾ اُوڻون نئه ڏئه جيا ٻڌون ٿي مور ڪوم مانه آيا.' ⑨ تو پيرهين اُو منڪ مزوري ليو آيا جيا هونز را پونسيڪ واگي ڪوم مانه آيا تا، تو اُوڻون نئه پنجاه پنجاه رُوپيا ڏيڏا. ⑩ ٻڌون ٿي پچاڙي ۾ اُو منڪ مزوري ليو آيا جيا پيرهين ڪوم مانه آيا تا. اُو ام سوچتات ريا جي 'امون نئه پيزون ٿي وڌارڻه زڙشي.' پڻ اُوڻون نئه پڻ همراڻ پنجاه پنجاه رُوپيا ڏيڏا. ⑪ اُوڻي پئها تو ليڏا را، پڻ زميڏار ڪن زائين اُوڻا رڻي گلا ڪروا مڏيا: ⑫ 'هائي منڪ جيا پچاڙي ۾ آيا تا، هائي روگو هيڪ ڪلاڪ ڪوم ڪريو، ان امي تو هارو ڏي ترڪام ڪوم ڪريوه، توڻي پڻ تمي هايون نئه امارا زتڻي مزوري ڏيڏيهه.' ⑬ تئيون زميڏار اُوڻون موئين ٿي هيڪا نئه ڪيڏو: 'پائي، مئين تارو حق نٿي ماريو. آڀي پنجاه رُوپيون رڻي ٻول نٿي ڪرڻي، ڪي؟' ⑭ جيو تارو حق سڻه، اُو لين زا پرو. اي مارڻي آڀرڻي مرضي سڻه جي جيو پچاڙي ۾ آيو تو، اُوڻا نئه پڻ هون تارا زتڻي مزوري ڏيون. ⑮ مارو اي

حق نٿي ڪي، جي مارا آپرا پٺيها آپري مرضي پرموٽه ڪرچ ڪرون؟ هون پيزون منڪون ٿي نائوڪئه نمونئه وونه، تيام تون ريشي پڙه ڪي؟”

①6 پسته ايسو ڪيڏو: ”هيوئه نمونئه ايشور را راز ۾ زايا ۾، جيا همئه وونهڙ سه او مورم ٿيشي، ان جيا مورم سه او وونهڙ ٿيشي.“

ايسو ترٿمي وار آپرا موت را پارام مور ٿي هميڙاوئه

(متي 20:17-19، مرقس 10:32-34، لوقا 18:31-34)

①7 زئيون ايسو يروشلم شهر هومو زاتوت ريو، تو شيرزا مانه او آپرون پارون سونديل شيلون نه هيكه پاهئه نويڪلائي ۾ تيڙي گيو ان اوئون نه ڪيڏو:

①8 ”زوتو، آبي يروشلم شهر هوما هالونه ريا. ان اوئه موٽهه مون منڪ ذات را ڏيڪرا نه زهلاوشي ان موتون پوزاريون ان شاستر زوٽيا وازون ره حواله ڪرشي، ان او مون نه موت رئي سزا ڏيڏا رو قينصلو ڪرشي. ①9 ان او مون نه ڌاري قوم وازون منڪون ره حواله ڪرشي، جيا پگيون نه نٿي مونتا، ان او مون مانه نٿولي ڪرشي، مون نه چاڀڪا هٿشي، ان مون نه هوڙي مانه ساڙين مارشي پرو، پڻ ترٿمه ڏي پگيون مون نه جيوي اوناڙشي.“

يعقوب ان يوحنا رئي مان

آپرون ڏيڪرون را مون هارو ايسو ٿي منت ڪرئه

(متي 20:20-28، مرقس 10:35-45)

②0 تيون يعقوب ان يوحنا رئي مان، زبدي رئي ڏوشي، آپرون ڏيڪرون پيڙئي ايسو ڪن اوئي ان اوئا ري پگي پڙين اوئا نه ڪيڏو: ”مارئي تمون ٿي هيك وينتئي سه.“ ②1 تو ايسو اوئا ٿي پونسيو: ”تون ڪي مونگهه؟“ تو اوئه ايسو نه ڪيڏو: ”مون هارو اي ڪرو، جي زئيون تمي يادشا تين آپرا راز ۾ گهاڏي مانه پيهو، تيون مارا هڪا ڏيڪرا نه تماره زمئه پاهئه ان پيزا ڏيڪرا نه

تمارڻه ڏاڻه پاهڻه مون ۾ پيهاريا. ” 22) تيا مانھ ايسو اوتھ رون ڏيڪرون نئھ ڪيڏو: ”تمون نئھ ڪپرتي جي تمھي ڪي مونگھو ريا. ڪي تمھي ايو ڏڪ سھي هڪوھ، جيوا ڏڪ هون سھيا واڙو سون؟“ تو اوتھي ايسو نئھ ڪيڏو: ”هوئھ، امي سھي هڪونھ.“ 23) تيا مانھ ايسو اوتھون نئھ ڪيڏو: ”تمھي هيو ڏڪ تو سھشو، جيوا ڏڪ هون سھيھ. پڻ مارڻه زمڻھ پاهڻه ڪا ڏاڻه پاهڻه پيهاريا رئي وات مارا هات ۾ نئي. پڻ هائي ماڳ اوتھون هارو راکل سئھ، جيون هارو مارڻه باپ پڳوون تيار ڪريوھ.“

24) ايسو رون ٻارون سونيل شيلون موئين تي پيزي ڏھ شيلي زئون هائي وات هومپڙي، تو اوتھون نئھ هايون پيئون پايون مانھ گھڻي رينھ سڙي. 25) تيون ايسو اوتھون ٻڌون شيلون نئھ آپ ڪن تيراوين ڪيڏو: ”تمون نئھ تو ڪپر سئھ جي ڌاريون قومون را آڳيون آيون منڪون مانھ حڪم ويوراوئھ، ان اوتھون را موتا منڪ اوتھون مانھ اڪتيرئي را ڪئھ. 26) پڻ تمون موئين هم نه ٿيو ڪپھ، پڻ جيو تمون موئين موتو ٿيو ڪرئھ، اوتھ رڻھ تمارئي شيوا ڪريا واڙو ٿيو. 27) ان جيو تمون موئين آڳيون ٿيو ڪرئھ، اوتھ رڻھ زوئھ تمارو ڳلوم ٿيو. 28) تمارڻھ مارا زم پيزون رئي شيوا ڪرو، ڪم تو هون منڪ ذات رو ڏيڪرو ايئا هارو نئي آيو، زم منڪ مارئي شيوا ڪرئھ. پڻ ايئا هارو آيوھ، زم هون پيزون رئي شيوا ڪرون، ان مارو جيو پڳوون را نوم مانھ ڏيون زم الاهي گھڻون منڪون نئھ اوتھون رون ڪرل ڏوهون رئي ماڻي زڙھ.“

ايسو پيئون اونڌون نئھ هازا هورا ڪرئھ

(متي 29:20-34، مرقس 10:46-52، لوقا 18:35-43)

29) زئون ايسو ان اوتھ را شيلا يريحو شهر ۾ آوين اوتھون رونا ٿيا، تيون الاهي گھڻا منڪ ايسو وونھڙ ويوا مڏيا. 30) شيرڙا را پاهام ٻي اونڌا منڪ پينا تا. ان زئون اوتھي هومپڙيو جي ايسو متھ ريو، تيون اوتھي زور تي هاد ڪرين ڪيڏو:

”او پريو، او دائود پادشا را وستار، امون مانه ڏٺيا ڪرو!“ ① تو ٻڌي منڪي اوئون نئه هاكل ڪرين ماڻ ڪريا رو ڪيڏو، پڻ او ماڳي گهڻا زور ٿي ڪيا مڏيا: ”او پريو، او دائود پادشا را وستار، امون مانه ڏٺيا ڪرو!“

② تيا مانه ايسو اويو ٿي ريو ان اونڌون نئه آپ ڪن تيراوين اوئون ٿي پونسيو: ”تماري مرضي ڪي سئه؟ هون تمون هارو ڪي ڪرون؟“ ③ تو اوئي ايسو نئه ڪيڏو: ”او پريو، امون نئه هازا هورا ڪرو، زم امي ڏيڪي هيڪون.“ ④ ايسو نئه اوئون مانه قياس آيو ان او اوئون ريون اونڪيون نئه سڀيو. تو او جهت موئين وڙي ڏيڪو مڏيا، ان ايسو وونهڙ ويو مڏيا.


يروشلم شهر ۾ ايسو رو اڪري هفتو

ايسو يروشلم شهر ۾ آوئھ

ان گهڻا منڪ اوئا نئه پڳوون رو سونڊل پچايا واڙو مونين اوئا را وڪوڻ ڪرئھ

(متي 11:21-1:11، مرقس 11:1-1:11، لوقا 19:28-40، يوحنا 12:12-19)

① زئيون ايسو ان اوئا را شيلا يروشلم شهر ڏوڪڙا آيا، ان زيتون نومي ڏونگر ڪن بيت فگي پاڙا ڪن آوين پوگيا، تيون ايسو اوئون پيئون شيلون نئه ام ڪين آپ ٿي مور ميليا: ② ”هومليا پاڙا موئين



زائو، ان اوئنه زائين تمي زوشو، تو هيڪ گهڏيڙي ان اوئا پيڙو وشيرو ٻوندل هوشي. اوئون نئه سوڙين مون ڪن هاڪلي آو. ③ جي ڪوڪ منڪ تمون ٿي هايا را پارام ڪئينڪ پونسئه، تو تمي اوئا نئه ڪيا جي ائون رئي پريو نئه ضرورت سئه. ان او

جهت ۾ تمون نئه لي زايا رئي موكل ڏيشي.

④ هائي ايئا هارو ٿيو، زم پڳوون رو نياپو ڏيڏا واڙا رئي اي وات

پورئي تئه:

⑤ ”صيهون ڏونگر مانه ناول

يروشلم شهر رون منكون نئه ام ڪو:

زوئو، تمارو پادشا تمون ڪن آوئه ريو.

او گريبي ٿي وئه

ان گهڏيڙي را وشيرا مانه سٽل سئه.

⑥ پسئه او شيلا روونا ٿيا، ان زم ايسو اوئون نئه ڪريا رو ڪيڏو تو، اوئي

همروم ڪريو. ⑦ زئيون او گهڏيڙي ان وشيرا نئه هاڪلي آيا، تئيون اوئي اوئون

مانه اپرا توئال پاتريا، ان ايسو وشيرا مانه سٽين پينو ٿو. ⑧ ايسو نئه مون

ڏيڏا هارو الاهي گهڻي منڪي شيرٽا مانه اپرا توئال وسايا، ان پيزي منڪي وئون

ري ڏاڙڪي واڊين شيرٽا مانه پٿراوي. ⑨ جيا الاهي گهڻا منڪ زاترو تين ايسو

مور مور ان ايسو وونهڙ وونهڙ يروشلم شهر هوما زاتات ريا، او زور ٿي ايسو

رئي جئي ام بولوتات ريا:

”جئي جئي! دائود پادشا را وستار رئي جئي!

ايشور رو اشيرواڏ ايئا مانه هوئه،

جيو ايشور را پاها ٿي آوئه.

جئي جئي! پرميشور رئي جئي!

⑩ زئيون ايسو يروشلم شهر ۾ آيو رو، تو پورا شهر ۾ منڪون نئه جونش

سٽيو ان او ٻڌائي پونسوا مڏيا: ”اي منڪ ڪوڻ سئه؟“ ⑪ تو جيا الاهي گهڻا

منڪ ايسو پيڙا اول هتا، او ام وڙنڌي ڏيتات ريا: ”اي پڳوون رو نياپو ڏيڏا

واڙو ايسو سئه، جيو گليل صوپا را ناصرت شهر ٿي آيوه.“

ايسو پڳوونَ را گهر موئين تي واپار ڪريا وازون نءَ ٻارا ڪاڍه

(متي 17-12:21، مرقس 15:11-19، لوقا 19-45:48، يوحنا 2-13:22)

⑫ تيا ڪيڙا ايسو پڳوونَ را گهر موئين گيو. ان جيا منڪ اوتنه پڳوونَ را نوم مانه سڙايا هارو مال ان پڪي ويستات ريا، ان ڏون ۾ ڏيڏا هارو ڪاس پئيهه متتات ريا، اوتون ٻڌون نءَ ٻارا ڪاڍيا پرا. ان اوتنه پئيهه متيا وازون را پاتيا اوتلايا پرا ان پاريا ويسي وازون ري سنڌلون اوتلاوي پري. ⑬ ان اوتون نءَ ڪيڏو: ”شاستر ۾ پڳوونَ رئي اي وات لڪل سئ: ”

’مارو گهر پراٿنا ڪريا رو گهر ڪيوراشي.’

پڻ تمي ايئن نءَ آڀري ڪمائي رو نمونو ٺايوھ ان زوٽه ايئن نءَ ڌاڙيلون رئي پٿارئي ناوين پيٺاھ.

⑭ پسئ اونڌا ان رُونڳڙا ايسو ڪن پڳوونَ را گهر ۾ آيا، ان ايسو اوتون نءَ هازا هورا ڪريا. ⑮ زئون موتي پوزاريئي ان شاستر زوٽيا وازي زويو جي ايسو موندون نءَ هازا هورا ڪرياھ پرا ان هم ڪرين پرسا ڏيڪاڙياھ، ان اي پڻ زويو جي ننڪا ٻار پڳوونَ را گهر ۾ ايسو رئي جئي زور تي ٻوللوئھ ريا جي ”دائود پادشا را وستار رئي جئي!“ تيون او ايسو مانه ريشي ٻڙيا. ⑯ ان اوتن نءَ وڙگائين ڪيڏو: ”هائي تون نئي هومپڙتوڪي، جي اي ڪي ڪئھ ريا؟“ تو ايسو اوتون نءَ ڪيڏو: ”هوئھ، هومپڙونھ ريو. پڻ تمي شاستر رئي اي وات ڪيڏي نئي پئي، ڪي؟“

’او پريو، تمي ننڪون ٻازون

ان ڌاوٽيون تي پڻ آڀرا وڪوڻ ڪراوھ.’

⑰ هم ڪين ايسو موتون پوزاريون ان شاستر زوٽيا وازون نءَ ساڌين شهر

تي ٻارو نيهرين بيت عنياھ پاڙا هومو گيو، ان اوتنه زائين رات ٽڪي ريو.

ايسُو انجِير را وڻ نٺ هراپ ڏٺه ان يقينَ راڪيا را پارام شيڪاڙه

(متي 21:18-22، مرقس 11:12-14، 20-24)

⑱ پڙه ڏي هوار رو ويلو، زئيون ايسُو پاسو يروشلم شهر هومو آوتوت ريو، تو اونا نٺه پوک لاڳيئي. ⑲ شيرڙا را پاها ۾ اونه انجِير رو هيڪ وڻ ڏيڪيو، ان اونا وڻ ڪن ڳيو. ان زوئه، تو وڻ موئين ڪئين ميوو نٿي، روڳا پونڙا سٺه. تتيون ايسُو اونا وڻ نٺه ڪيڏو: ”تون موئين ميوو وڙي ڪيڏي نئين ٿه!“ ان اونه ئي توڻه جهت ۾ انجِير رو وڻ هوكائي ڳيو.

⑳ اي وات ڏيڪين شيلا حيروني پڙي ڳيا، ان ڪيو مڏيا: ”انجِير رو وڻ ڪم ڪرين جهت ۾ هوكائي ڳيوه؟“ ㉑ تيا مانه ايسُو اوتون نٺه ڪيڏو: ”هون تمون نٺه هاس ڪونه، جي تمي پڳوون مانه يقين ڪروه، ان ڪئين شڪ نٿي ڪرتا، تو تمي نه روڳو هم ڪري هيڪوه، زم مئين انجِير را وڻ ٿي ڪريوه، پڻ تمي ايئا ڏونگر نٺه پڻ ڪي هيڪوه: ’ايئون اوڪڙين سمونڊ ۾ زائين پڙا! ان همروم ٿيشي. ㉒ ان جيا پڻ وات هارو تمي پڳوون مانه يقين راڪين پراٿنا ۾ وينتئي ڪروه، او ٻڌي واتون تمون هارو ٿيشي.“

يهودي ٿرم را اڳيون ايسُو ري اڪتباري را پارام سوئال ڪرڻه

(متي 21:23-27، مرقس 11:27-33، لوقا 20:1-8)

㉓ ايسُو پڳوون را گهر موئين زائين منڪون نٺه شيڪاڙوا مڏيو. تو موتا پوزاري ان اسرائيلي قوم را اڳيون اونا ڪن آيا ان پونسيو: ”تمي ڪيا را ڪيڏا ٿي اي ڪوم ڪروه؟ ڪيئن تمون نٺه اي ڪوم ڪريا ربي اڪتباري ڏيڏيھ؟“ ㉔ تيا مانه ايسُو اوتون نٺه ڪيڏو: ”هون پڻ تمون ٿي هيڪ وات پونسونه. جي تمي مارا سوئال رو جواپ ڏيشو، تو هون پڻ تمون نٺه همپڙاويھ جي هون

ڪيا ري اِڪتِياري ٿي اي ڪوم ڪرونه. (25) مارو سوئال اي سئ، يوحنا ڪيا را طرف ٿي پويتر سنون ڏيتو؟ او پڳوون را طرف ٿي پويتر سنون ڏيتو، ڪا منڪون را طرف ٿي؟

تو پسنه او آيت موئين ڪيا مڏيا: ”جي آبي ام ڪيشون: ’پڳوون را طرف ٿي، ’ تو اي آپون نئه ڪيشي: ’پسنه تمي اوئا رئي وات ڪم نه مونئي؟‘ (26) پڻ جي آبي ام ڪيشون: ’منڪون را طرف ٿي، ’ تو اي پيڪ سئ جي ٻڌائي گهڻا منڪ آپنئه ڪلاڻ ٿين آپون ٿي ڪي ڪرشي؟ ڪم تو ٻڌائي منڪ مونئه جي يوحنا پڳوون رو نياپو ڏيڏا واڙو هتو. ” (27) تيام اوئي ايسو را سوئال مانه ام ڪيڏو: ”هايا رئي امون نئه ڪهر نئي.“

تو ايسو اوئون نئه ڪيڏو: ”تو پسنه هون پڻ تمون نئه نئين همپزاوون جي هون ڪيا ري اِڪتِياري ٿي اي ڪوم ڪرونه ريو.“

بيئون ڏيڪرون رو مثال

آپ نئه ڌرمي نه ڏيڪارو پڻ پڳوون ري مرضي مانه ويوو

(28) ٽيون ايسو موتون پوزاريون ان اسرائيلي قوم رون آڳيونون نئه ڪيڏو: ”تمي ايئا وات را پارام ڪي سوچوه؟ هيڪ منڪ هتو، جيا را هي ڏيڪرا هتا. اوئه هيڪا ڏيڪرا ڪن زائين ڪيڏو: ’ڏيڪرا، آز تون زائين ڌراڪون را ٻاگه ڀر ڪوم ڪر. ’ (29) پڻ اوئه ڪيڏو: ’هون نئين زائون. ’ توي تيا ڪيڏو اوئه آڀرو ڪيال پڌليو ان ڪوم مانه گيو پرو. (30) ان ٻاپ وڙي پيزا ڏيڪرا ڪن گيو ان اوئا نئه پڻ هاڳي ڪوم ڪريا رو ڪيڏو. تو پيزئه ڏيڪرئه ڪيڏو: ’هوئه، ٻا. ’ پڻ او ڪوم مانه نه گيو. (31) هوئه، هايون بيئون موئين ٿي ڪيئنه آڀرا ٻاپ رئي مرضي پورئي ڪرئي؟“ تو اوئي وڙنڌي ڏيڏئي: ”پيرهين ڏيڪرئه.“ تو ايسو اوئون نئه ڪيڏو: ”هون تمون نئه هاس ڪونه، مور ٿي تمي نئين، پڻ ناڪو ليڏا واڙا ان پونڌي ڏوشي پڳوون را راز موئين زاشي. (32) ڪم تو يوحنا پويتر سنون

ڏيڏا واڙو تمون ڪن ايٿا هارو آيو تو زم ڀڳوون ري وات مانھ وُڍا رو مارڳ ڏيڪاڙئھ، پڻ تمي اُوٿا ري وات مانھ يقين نہ ڪريو. پڻ ناڪو ليڏا واڙي ان پُونڌيئي ڏوشيئي اُوٿا ري وات مانھ يقين ڪريو ان آپرا ڪراپ ڪوم ساڏين توبونھ ڪريھ. توئي پڻ تمي هائي زوئين آپرو ڪيال نہ پڌليو ان يوحنا ري وات مانھ يقين نہ ڪريو.


ڳولون هازيون رو مثال ايسو آپ نڌ ڏئي رو ڏيڪرو ڪين شيڪاڙئھ جي او ڀڳوون رو ڏيڪرو سئ

(متي 33:21-46، مرقس 12:1-12، لوقا 9:19-20)

③③ پسنھ ايسو ڪيڏو: ”تمي هيڪ پيڙئي مثال رئي وات هومپڙو. هيڪ زميڏار هتو. اُوئھ ڌراڪون رو ٻاگھ پوڪايو، اُوٿا رئھ ٻيڙيئي واڙ ڏيوراويئي، اُوٿا موئين ڌراڪون نئھ ڦيهليا هارو ان رس ڪاڍيا هارو هوڏئي ٿوراويئي، ان اُوٿا مانھ سوڪئي ڏيڏا هارو ڏاڳڙو ٿورايو. ان پسنھ ٻاگھ موئين هاري اوڀاڙين آپ ڪياڪ شيئي ملڪ ۾ گيو پرو.

③④ زئيون ڌراڪون پاڪيا را ڏي ڏوڪڙا آيا، تو ڏئي آپرون نوڪرون نئھ آپرو حصو هازيون ڪن ليوا ميليا. ③⑤ پڻ هاريئي اُوٿا رون نوڪرون نئھ زهالين هيڪا نئھ مار ڪاڍيئي، پيڙا نئھ نمو ماريو پرو، ان ترٿما نئھ پوٿا هئين ماريو پرو. ③⑥ پسنھ ڏئي اڳي ٿي پيڙا گھڻا نوڪر ميليا. پڻ هاري اوئون ٿي هاڳي نمونئھ وُڍا.

③⑦ نيٺ اُوئھ آپرو ڏيڪرو ميليو، ڪم تو او سوچتو تو جي ’هاري ضرور مارا ڏيڪرا رو مون راکشي.‘ ③⑧ پڻ زئيون هاريئي ڏئي را ڏيڪرا نئھ ٻاگھ موئين اوتون ڏيڪيو، تو اوئي آپت موئين اي صلاح ڪريئي: ’هائي تو ڏئي رو ڏيڪرو سئ. ليو، آبي هايا نئھ مارون پرو! پسنھ اي ٻاگھ هايا رو نئين ٿئھ، پڻ آڻو



٣٩) ٽي زاشي. ٣٩) پسنه ايٺي ڌڻي را ڏيڪرا
ننه زهالين باگه ٽي ٻارو ڪاڍيو ٻرو ان
اوتان ننه ماريو ٻرو.

٤٠) پسنه ايسو منڪون ٽي پونسيو:
”هوه، زئون باگه رو ڌڻي آوشي، تئون

هايون هازيون ٽي ڪي ڪرشي؟“ ٤١) تو اوتو ايسو ننه وڙنڌي ڏيڏي: ”او
هايون پوندون منڪون ننه پونڌي هازي مارشي ٻرا، ان آٻا باگه ري همپاز
هارو پيزا هازي اوياڙشي، جيا ميوا پاڪيا رنه توتنه اوتان ننه ميون ٽي حصو
ڏيشي.“ ٤٢) تئون ايسو اوتون ننه ڪيڏو: ”هائي وات تو هاسي سئه، پڻ تمون
ننه هايا وات را مطلب رئي ڪهر نٿي ڪي؟ تمي شاستر ٻر اي وات ضرور
پنڻي هوشي:

’جيا پتر ننه رازي گهت هزمين ڦڳوڙيوٽ ٻرو،
او هاگي پتر ٻڌون ٽي ضرورت وازو ٿيوه.
هائي وات ايشور را پاها ٽي ٿيوه،

ان امون هارو هائي ڪتي حيروني ان ڪشي رئي وات سئه.

٤٣) تيام هون تمون ننه ڪاتري ٽي ڪونه، پڳون آٻا راز را منڪ هويا رو حق
تمون اسرائيلي قوم رون منڪون ٽي ڪوهي ليشي، ان اوتون منڪون ننه ڏيشي،
جيا پڳون را راز ننه مونين پڳون ري مرضي ٻرموتنه ڪوم ڪرئه. ٤٤) (هائي
پتر پڳون رو سونڊل او رو او ڌڻي رو ڏيڪرو سئه. جيو ڪوئي پڳون را سونڊل

ري واتون نئين مونته، تو اوثا ننه ضرور سزا زڙشي. جيو اوثا پتر ٿي آڪڙين پڙشي، او اڙي اڙي ٿي زاشي. ان جيا مانھ او پتر پڙشي، اوثا ننه آڻو آڻو ڪرشي پرو.“

④5 موٽا پوزاري ان فريسي پالتي را منڪ ايسو ري ڪيڏل مثال ري واتون هومپڙين هزمي گيا جي ايسو اوئون را پارام ڪنھ ريو. ④6 تيام او ايسو ننه زهالوا ڪرتا تا. پڻ او منڪون ٿي پيڻاتات ريا، ڪم تو الاهي گهڻا منڪ ايسو ننه پڳوون رو نياپو ڏيڏا واڙو هزمتات ريا.

موٽي ڏاوت رو مثال

پڳوون ٻڌون ننه آپرا راز موئين آيا ربي ڏاوت ڏنه

(متي 14-1:22، لوقا 14-15:24)

22 ① پسنه ايسو اوئون ننه وڙي اي پيڙي مثال ربي وات همپڙاوتي: ② ”ايشور رو راز ايڻا را زم سئھ. هيڪ پاڏشا هتو. اوڻه آپرا ڏيڪرا را ويوا ربي ڏاوت ڪري. ③ ان ڏاوت رنه ٿوئنه اوڻه آپرون نوڪرون ننه ڏاوتيون ڪن ميليا زم اوئون ننه تيڙي اوڻه. پڻ ڏاوتو آووا نٿا ڪرتا. ④ تئيون اوڻه وڙي پيرون نوڪرون ننه ام ڪين ميليا: ’تمي زائين ڏاوتيون ننه ڪيا پرو جي مئين ڪاڏا هارو ٻڌوئي ڪئين تيار ڪرايوھ. سونيل مال هلالل سئھ، ان ٻڌوئي ڪئين تيار سئھ. ويوا ري ڏاوت مانھ هالو.‘ ⑤ پڻ ڏاوتيئي هيا وات رو ڪئين ڪيال ٿي نه ڪريو، پڻ آپرا آپرا ڪوم مانھ گيا پرا، ڪئينڪ آپري بني مانھ گيا پرا، ان ڪئينڪ واپار مانھ گيا پرا. ⑥ ان پيڙي ڪئينڪ ڏاوتيئي پاڏشا رون نوڪرون ننه زهالين اوئون ربي پيڙي ڪري ان اوئون ننه ماريا پرا. ⑦ تئيون پاڏشا ننه گهڻي رينھ سڙي، ان اوڻه آپرون ڦوڄيون ننه ميليا زم اوئون ڪونيون ننه مارئھ پرا، ان اوئون رو شهر ٻاڙهه پرو. ⑧ پسنه پاڏشا آپرون نوڪرون ننه ڪيڏو: ’هوڻه ويوا رو ڪاڏو تيار سئھ.



پڻ اُو منڪ جيون ننه مئين ڏاوت ڏيڏئي ٿئي، اُو ڏاوت مانه آيا رنه لائيق نئا. ⑨ تيام هونه تمي زانو، ان شهر رون چونڪون مانه زائين زتا پڻ منڪ اوڻنه ڏيڪو، اوڻون ٻڌون ننه ويوا ري ڏاوت مانه آيا رو ڪو. ⑩ تو نوڪر اوڻون نيهرين شهر ريون شيريون ۾ گيا، ان زتون منڪون ننه اوڻي ڏيڪيا، پلنه نائوڪا ڪا ڪراپ، جيوا پڻ هتا، اوڻون ٻڌون ننه ڏاوت مانه پيڙا ڪريا. ان ويوا ري ڏاوت ربي جي جڳا هڻئي، اُو ڏاوتيون ٿي پرائي گهي.

⑪ زيون پاڌشا ويوا ۾ اول ڏاوتيون ننه زويا هارو اوڻا جگا ۾ آيو، تنيون اوڻه زويو جي اوڻنه هيڪ ايوو منڪ هتو جيئنه ويوا هارو صحيح لوگهڙا نئا پيريا. ⑫ تيام پاڌشا اوڻا منڪ ٿي پونسيو: 'پائي، تون ويوا را لوگهڙا پيريا وگر ايئنه ڏاوت مانه ڪم ڪرين آيوه؟' پڻ منڪ ٻوليو ٿي نئين. ⑬ تنيون پاڌشا شيواڌاريون ننه ڪيڏو: 'ايئا را هات پگ ٻونڌين ايئا ننه ٻارو اندارا ۾ ڦڳوڙو پرو. اوڻنه اُو روشي ان ڏونت گهرڙيا ڪرشي.' "

⑭ تنيون ايسو هيا مثال رو مطلب ام هزميو: "پڳوون گهڻون منڪون

ننه آڀرا راز ۾ آيا رڻي ڌاوت ڏهه، پڻ ٿوڙا منڪ پڳوون راز ۾ آيا هارو سُونڊل سئ.

منڪ ايسو ننه ڌرم ان حڪومت را چڪر ۾ ڦٽڙيا هارو ٽيڪس را پيڻها پريا را پارام سوئال پونسئھ

(متي 22:15-22، مرقس 12:13-17، لوقا 20:20-26)

15) تئين فريسي پالتي ري منڪي اوئون زائين آڀت ۾ صلاح ڪرڻي جي او ڪيوئه نمونئ ايسو ننه اوئا ري وات ۾ ڦٽڙاونه. 16) ان اوئي آپري فريسي پالتي رون ڪئينڪ منڪون ننه راز ڪريا واڙا هيروڊيس را پاها رون ڪئينڪ منڪون پيڙا ايسو ڪن ميليا. اوئي زائين ايسو ننه ڪيڏو: ”گرو جي، امون ننه ڪبر سئ جي تمي هاسا سو، ان تمي هاس پرمونئ پڳوون رو مارگ ڏيڪاڙوه، ان تمي ڪيا منڪ ٿي نٿي پيڻاتا، ڪم تو تمي ڪيا رو پڻ پاھونٿي لپتا. 17) تيام امون ننه هزماوو جي تمي ڪي سوچوه؟ ڌرم پرمونئ رومي حڪومت را پاڌشا ننه ٽيڪس را پيڻها ڏيوو ڪيئ، ڪا نا؟“

18) ايسو اوئون رو ڪراپ ڪيال زوئي گيو جي او مون ننه ڪا ڌرم رنه ڪلاڦ ڪا حڪومت رنه ڪلاڦ ٻوللوا ڪرئھ. تيام اوئون ننه ڪيڏو: ”ڪوتون منڪون، تمي مونڊا را ميئا پڻ انڌر را ڪارا سو. تمي مون ننه ڪم ڦٽڙاوا ڪروه



ريا؟ 19) تمي مون ننه هيڪ ايوو سڪو ڏيڪاڙو، جيا ٿي منڪ ٽيڪس پريئھ. ”تو او ايسو ڪن هيڪ چونڊي رو سڪو لي آيا. 20) تو ايسو اوئون ٿي پونسئو: ”ايئا مانھ ڪيا رو ڦوئو سئ ان ڪيا رو نوم لڪل سئ؟“ 21) تو اوئي ڪيڏو: ”رومي حڪومت را پاڌشا رو.“

تئين ايسو اوئون ننه ڪيڏو: ”جو پاڌشا رو سئ، او پاڌشا ننه ڏيو. ان جو پڳوون رو سئ، او پڳوون ننه ڏيو.“

② هائي وات هومپڙين او حيروني پڙي ڳيا، ان ايسو ننه ساڏين اوئون ڳيا پرا.

منڪ ايسو ننه ڦٽڙيا هارو مرلون را جيوي اونيا را پارام سوئال پونسنه

(متي 22:23-33، مرقس 12:18-27، لوقا 20:27-40)

③ اونه ئي ڏي صدوقي پالتي را ڪئينڪ منڪ ايسو ڪن آيا. هونه صدوقي پالتي را منڪ اي وات موننه جي پڳوون مرل منڪون ننه وڙي جيوي نئين اوناڙنه. اوني ايسو ٿي سوئال پونسيا هارو ڪرين ڪيڏو: ④ ”گرو جي، موسي ام ڪيڏو تو، جي ڪوڪ منڪ اولاد ووتو مري زانه، تو اونا اڏمي رو پائي اونا ري رنڌال ڏوشي ننه اپرا گهر ۾ راکنه، زم اپرا مرل پائي هارو اولاد ٿنه. ⑤ هونه، امون ۾ هات پائي هتا. پيرهيون پائي پرڻيو ان اولاد ووتو مري ڳيو. تيام هايا حڪم پرموننه پڙنه پائي اونا ري رنڌال ڏوشي ننه اپرا گهر ۾ راکئي. ⑥ ان پڙو پائي پڻ اولاد ووتو مري ڳيو. ان پسنه ترڻما پائي ٿي پڻ همروم ٿيو. ان هيونه نموننه هات ئي پايي لروپور هاڳي ڏوشي ننه اپرا گهر ۾ راکئي ان اولاد ووتا مري ڳيا. ⑦ نيٺ هايون ٻڌون پايون ڪيڙ او ڏوشي پڻ مري ڳئي. ⑧ هونه زئون پڳوون مرل منڪون ننه جيوي اوناڙشي، تو او ڏوشي ايئون هاتون پايون موئين ٿي ڪيا رئي ڏوشي ٿيشي؟ ڪم تو هاتي زئي اونا ننه اپرا گهر ۾ راکئي ٿئي.“ ⑨ تيا مانه ايسو اوئون ننه ڪيڏو: ”تمي تو پولل سو، ڪم تو نڪو تمي شاستر هزموه، نڪو تمون ننه پڳوون ري ڪڙا رئي ڪهر سه. ⑩ ڪم تو زئون پڳوون منڪون ننه موت ٿي جيوي اوناڙشي، تئين آڪاش ۾ منڪ نڪو پرڻشي نڪو ڏوشي گهر ۾ راکشي، پڻ آڪاشي ڏوتون جيوا هوشي. ⑪ هونه پڳوون ره مرلون ننه جيوي اوناڙيا را پارام تمون ننه ڪهر نٿي ڪي، جي پڳوون آپ تمون هارو شاستر ۾ ڪي ڪيڏوه؟ تمي پڳوون رئي اي

وات ضرور پئڻي هوشي: (32) 'هُون ابراهيم، اِضْحاق ان يعقوب رو پڳوون سون.' هون پڳوون مرلون رو نئي پڻ جيوئون رو سئ. تيام وات ساوئي سئ جي او منڪ پلئ مري گيا تا، پڻ توي جيوئا سئ.

(33) زئيون اوئئ اوپل گهئي منڪي هائي وات هومپڙي، تو او ايسو رئ شيڪاڙيا مانه حيروني پڙي گيا.

پڳوون رو ڏيئل ٻڌون ٿي موتو حڪم

(متي 34:22-40، مرقس 12:28-34، لوقا 10:25-28)

(34) زئيون اوئي هومپڙيو جي ايسو صدوقي پالتي وازون نئ جواپ ڏين ماٺ ڪرايا، تئيون فريسي پالتي را منڪ ٻڌائي پيڙا ٿين ايسو ڪن آيا، (35) ان اوئون موئين تي هيڪئ زئئ، جيو شاستر زوٿيا وازو هتو، ايسو رو آزمتو ليڌا هارو اوئا ٿي پونسيو: (36) "گرو جي، موسي رون لڪل حڪمون موئين ٿي ٻڌون ٿي موتو حڪم ڪيو سئ؟"

(37) تو ايسو اوئا نئ وڙنڌي ڏيڏي: "ايشور آڀرا پڳوون هون، آڀرا پورا من ٿي، آڀرا پورا جيو ٿي، ان آڀري پوري عقل ٿي پريم ڪروو. (38) هائي حڪم ٻڌون ٿي موتو ان ڪاس حڪم سئ. (39) ان هايا جيوو پيزو حڪم اي پڻ سئ، پيزون ٿي آڀ را زم پريم ڪروو. (40) موسي را لڪل ٻڌائي حڪم ان پڳوون رو نياپو ڏيڌا وازون ري لڪل ٻڌي واتون، او ايئون پيئون حڪمون ڀر آوي زائھ."

ايسو شيڪاڙئ جي پڳوون رو سونيل پڇايا وازو ڪريست

داؤد پادشا ٿي الاهي گهڻو موتو سئ

(متي 41:22-46، مرقس 12:35-37، لوقا 20:41-44)

(41) زئيون فريسي پالتي را منڪ ٻڌائي پيڙا هتا، تئيون ايسو اوئون ٿي پونسيو: (42) "تمي پڳوون را سونيل پڇايا وازا ڪريست را پارام ڪي هزموه؟ او ڪيا رو

اولاد سئہ؟“ تو اُوني ايسُو نئہ ڪيڏو: ”او تو دائود پاڏشا رو اولاد سئہ.“ (43) تو ايسُو اُونون نئہ ڪيڏو: ”تو پئسئہ دائود اونا نئہ ’پريُو‘ ڪم ڪئہ؟ دائود آپ پويتر آتما ري ڪڙا ٿي پڳوون را سونديل پچايا واڙا ڪريست را پارام شاستر ۾ ام لڪيوھ:

(44) ايشور مارا پريُو نئہ ڪيڏو

مارئہ زمئئہ پاهئہ مون ۾ بيھ،

زئيون هُوڏي هُون تارون ڏشمئون نئہ هراوين

تاري پڳي نہ لڳآڙون.

(45) زئيون دائود آپ پڳوون را سونديل پچايا واڙا ڪريست نئہ ’پريُو‘ ڪئہ، تو پئسئہ ڪريست ڪم ڪرين رُوڳو اونا رو اولاد ٿيو؟“

(46) ان ڪوئي ايسُو را سوئال رو جواب ڏي نہ هيڪيو، نڪو اونا ڏي ٿي لين

ڪيا نئہ اي هيئت ٿي جي او ايسُو ٿي ڪئينڪ وات پونسئہ.

ايسُو شاستر زوٿيا واڙون

ان فريسي پالتي رون منڪون ٿي هوشيار ريا رو ڪئہ

(متي 12:23-12، مرقس 12:38-39، لوقا 11:43، 46، 20:45-46)

23 ① پئسئہ ايسُو اوتئہ اوپل ٻڌون منڪون ان آپرون شيلون نئہ پڻ ڪيڏو: ② ”شاستر زوٿيا واڙا ان فريسي پالتي را منڪ موسي ري جڳا مانھ سئہ، ان اُونون مانھ پڳوون را حڪم شيڪاڙيا رئي زميوارئي سئہ. ③ تيام جيا پڳوون را حڪم او تمون نئہ شيڪاڙئہ، اُونون ٻڌون حڪمون نئہ مونو ان اُونون مانھ وو. پڻ اُونون رون ڪرل ڪومون پرموتئہ مت وو. ڪم تو زم او شيڪاڙئہ، هم او آپ نتي ڪرتا. ④ او پڳوون رون حڪمون ٿي وڌارئہ آپرا پاها ٿي ايوا ڏورا حڪم منڪون نئہ ڏئہ، جيون رو پار منڪ سهي نتي هيڪتا، پڻ آپ اونا پار نئہ هات ٿي نتي سٻاڙتا.



⑤ جيا پڻ ڪوم اُو ڪرڻ، اُو ٻڌائي ڪوم منڪون نڻه ڏيڪاڙيا هارُو ڪرڻ. ڪم تو پڳوونَ شاستر ري واتون يادَ راڪيا رو ڪيڏوه، پڻ اُو شاستر ري لڪل واتون موڻي ڏيبي ۾ نوڪين ساوڻه نمونڻه آپرا نلاڙ مانه بونڌڻه، زم ٻڌائي زوڻه جي اُو ڪيوا ڌرمي منڪ سڻه. ان پڳوونَ آپرون حُڪمون رڻي يادَ ڏيورايا هارُو ڦونبڪون واڙڻي ساڌر اوديا رو ڪيڏوه،

پڻ اُو ايوي ساڌرون اوڍڻه جيون را موتا موتا ڦونبڪا هوڻه، زم ٻڌائي زوڻه جي اُو ڪيوا ڌرمي منڪ سڻه. ⑥ اُوڻون رو شونق اي سڻه، جي اُو ڌاوتون ۾ مون واڙا ماڳ ۾ پيهڻه، ان پڳوونَ رون منڌرون موڻين گهاڏيون مانه پيهڻه، ⑦ ان منڪ اُوڻون ٿي بازارون ۾ نمي نمين ملڻه، ان اُوڻون نڻه 'گرو جي، گرو جي' ڪڻه.

⑧ پڻ ٿمي جيا ماري واتون مونوه، ٿمي آپ نڻه گرو مت ڪيوراوو، ڪم تو تمارو روڳو هيڪڻه گرو هون سون، ان ٿمي تو ٻڌائي هيڪا پيزا را پائي سو. ⑨ ان ٿمي ايڻا ڏنيا ۾ ڪيا موتا منڪ را مون ۾ اُوڻا نڻه پاپ مت ڪو، ڪم تو تمارو روڳو هيڪڻه مون واڙو پاپ پڳوونَ سڻه، جيو آڪاش ۾ سڻه. ⑩ ان نڪو ٿمي آپ نڻه تارڻ رو مارڳ ڏيڪاڙيا واڙا ڪيوراوو، ڪم تو تمارو روڳو هيڪڻه تارڻ رو مارڳ ڏيڪاڙيا واڙو سڻه، ان اُو پڳوونَ رو سونڊيل پچايا واڙو ڪريست هون سون. ⑪ جيو تمون موڻين ٿي ٻڌون ٿي موڻو سڻه، اُوڻا رڻه تماري شيوا ڪريا واڙو ٿيوو ڪپڻه. ⑫ ڪم تو جيو پڻ آپ نڻه گهڻا مون واڙو هڙمڻه، اُوڻا رو مون پڳوونَ گهڻ ڪرشي. ان جيو آپ نڻه گهڻ مون واڙو هڙمڻه، اُوڻا رو مون پڳوونَ گهڻو ڪرشي."

ايسنو شاستر زوٿيا واڙون ان فريسي پالتي واڙون رو ٺوه ڪايئھ

(متي 13:23-36، مرقس 4:12، لوقا 11:39-52، 47:20)

⑬ ”شاستر زوٿيا واڙون ان فريسي پالتي واڙون، تمي جيا مونڊا را مينا پڻ اندر را ڪارا سو، تمارا ڪيوا هاڙ ٿيشي! ڪم تو تمي ڳلت واتون شيڪارڙين منڪون نئه ايشور را راز ۾ زايا رو موقعو نٿي ڏيتا. تمي آپ ايشور را راز پرموٿه نٿي ویتا، نڪو اوئون نئه ايشور را راز پرموٿه ويوا ڏيوھ، جيا ويوا ڪرھ.

⑭ (شاستر زوٿيا واڙون ان فريسي پالتي واڙون، تمي جيا مونڊا را مينا پڻ اندر را ڪارا سو، تمارا ڪيوا هاڙ ٿيشي! ڪم تو تمي ڳلتي ڪرين رنڊال ڏوشيون را گھر ڦروھ، ان آپ نئه ٺاڻوڪا ڏيڪارڙيا هارو موتي موتي پراٿنائون ڪروھ. تيام پڳوون تمون نئه گهٽي سزا ڏيشي.)

⑮ شاستر زوٿيا واڙون ان فريسي پالتي واڙون، تمي جيا مونڊا را مينا پڻ اندر را ڪارا سو، تمارا ڪيوا هاڙ ٿيشي! ڪم تو تمي هڪا منڪ نئه آپرا ڌرم مانھ اوٿيا هارو سمونڊ متي زائوھ ان ڌرتي را ڌنگ هوڏي زائوھ، پڻ زئون او تمارا ڌرم ۾ آوئھ رو، تئيون اوٿا نئه تمي آپ ٿي پيو ايوو ڪراپ ڪروھ جي او تمارا زم نرڳ ۾ زايا جيوو ٿئھ.

⑯ اونڌون آڳيونون، تمارا ڪيوا هاڙ ٿيشي! ڪم تو تمي ام شيڪاروھ: ’جي ڪوئي پڳوون را گھر رو هون ڪائين وائڏو ڪرھ، تو ڪئين وات نٿي. پڻ جي ڪوئي پڳوون را گھر را هيم رو هون ڪائين وائڏو ڪرھ، تو اوٿا رئه او وائڏو ضرور پورو ڪروو.‘ ⑰ تمي ڪتا پوڙا ان اونڌا سو. هايون پيئون ۾ ڪئي شينھ وڌيڪ سئھ؟ او هيم وڌيڪ سئھ، ڪا پڳوون رو گھر وڌيڪ سئھ، جيا ري ڪري او هيم پويتر ٿيوھ؟ ⑱ ان تمي ام پڻ شيڪاروھ: ’جي ڪوئي پڳوون را گھر ۾ مال ساڙيا ري جڳا رو هون ڪائين وائڏو ڪرھ، تو ڪئين وات نٿي. پڻ جي ڪوئي اوٿا جڳا مانھ ساڙل مال رو هون ڪائين وائڏو ڪرھ، تو اوٿا رئه او

وائيتو ضرور پورو ڪروو. '19) تمی ڪتا اونڌا سو. هايون بيئون ۾ ڪئي شينھ وڌيڪ سئھ؟ او مال وڌيڪ سئھ، ڪا مال ساڙيا رئي جڳا وڌيڪ سئھ، جيا مانھ ساڙيا ري ڪري او مال پويتر ٿيوھ؟ 20) تيام جيو منڪ مال ساڙيا ري جڳا رو هون ڪائھ، او نه روگو مال ساڙيا ري جڳا رو هون ڪائھ، پڻ اوئا ٻڌا مال رو پڻ هون ڪائھ، جيو اوئا جڳا مانھ سڙائھ. 21) ان جيو منڪ ايئا پڳوون را گھر رو هون ڪائھ، تو نه روگو ايئا پڳوون را گھر رو هون ڪائھ، پڻ پڳوون رو پڻ هون ڪائھ، جيو ايئا گھر ۾ رئھ. 22) ان جيو منڪ آڪاش رو هون ڪائھ، تو او پڳوون ري گھاڏي رو پڻ هون ڪائھ، ان پڳوون رو پڻ هون ڪائھ، جيو اوئا گھاڏي مانھ پيئل سئھ.

23) شاستر زوٽيا واڙون ان فريسي پالٽي واڙون، تمی جيا مونڊا را ميئا پڻ انڌر را ڪارا سو، تمارا ڪيو هاز ٿيشي! ڪم تو تمی ڦوڏنا، ورياري، ان جيرا ٿي ڏھمو حصو تو پڳوون را نوم مانھ ڏيوھ، پڻ تمی موسي رون لڪل حڪمون ري موٽي واتون ساڏيھ پري، ان تمی نڪو منڪون ٿي انصاف هون ووھ، نڪو منڪون مانھ ڏيا ڪروھ، ان نڪو پڳوون مانھ وشواس را ڪوھ. تمارئھ هايون موٽيون واتون مانھ ويو تو، ان ايئون نونيون واتون مانھ پڻ وينا ريو تو. 24) اونڌون آڳيونون، تمی زوٽھ حروم مسر نئھ ڪاڏيا هارو پيڏا رو پوٽي پڻ ساڙوھ، پڻ حروم اونٺ نئھ تمی هازو اوتاري زاڻوھ. تمی نونيون واتون مانھ تو ڏيون ڏيوھ، پڻ موٽا ڏوھ همرام ڪرتا ريوھ.

25) شاستر زوٽيا واڙون ان فريسي پالٽي واڙون، تمی جيا مونڊا را ميئا پڻ انڌر را ڪارا سو، تمارا ڪيو هاز ٿيشي! ڪم تو تمی ڳلاس ان پليٽ رو نه روگو موٽيليو پاھو پڻ ٻارليو پاھو پڻ ريت پرموٽئھ ڏوئوھ، پڻ جيون ڪاڏا پيڏا ريون شينھون ٿي او پرل سئھ، او تمی لالچ ان نڳي ٿي آپ هارو ڪوھي ليوھ. 26) تمی فريسي پالٽي واڙا ڪتا اونڌا سو. مور ٿي تمی آپ من را پويتر ٿيو ان پويتر نمونئھ آپرا ڪاڏا پيڏا هارو ڪماڻو، تو پسئھ جئين ڪئين ٻارلي واتون سئھ، او

آڻوڪي آپ پويتر ٿي زاشي.

27) شاستر زوڻيا وازون ان فريسي پالتي وازون، تمي جيا موندا را مينا پڻ اندر را کارا سو، تمارا ڪيو هاز ٿيشي! ڪم تو تمي مقومون را زم سو، جيون مانه ڌوزو رنگ هٿل سٺه. پارا ٿي تو او نائوڪا ڏيڪائڻه، پڻ موئين مرلون رون هاڏڪون ان هر نمونا ري گهندگي ٿي پرال سٺه. 28) هيوئه نمونئه تمي منڪون ري نظر ۾ پڳوون ري وات مانه وودا وازا ڏيڪائوڻه، پڻ من را تمي روڳا ڪوتا سو ان پڳوون رون حڪمون رئه ڪلاڻ وهه.

29) شاستر زوڻيا وازون ان فريسي پالتي وازون، تمي جيا موندا را مينا پڻ اندر را کارا سو، تمارا ڪيو هاز ٿيشي! ڪم تو تمي پڳوون رو نياپو ڏيڏا وازون را قبا نوراووه، ان پڳوون ري وات مانه وودا وازون رون قبون نئه شنگاروه، 30) ان تمي اي وڏائي ڪروه: 'جي امي آپرون ڀاپ ڏاڏون رون ڏيئون ۾ هوئت، تو امي پڳوون رو نياپو ڏيڏا وازون را ڪون ڪريا ۾ اوئون پيزا نه ٿئت.' 31) هم ڪيڏا ٿي تمي آپ ٿاپتي ڏيوه ريا جي تمي اوئون را اولاد سو، جيئي پڳوون رو نياپو ڏيڏا وازون نئه ماريات پرا. 32) تو پسته تمي زائين، جيو ڪون ڪريا رو ڪوم تماري ڀاپ ڏاڏي شروع ڪريو تو، او تمي قبا نوراوين پلئه پورو ڪرو!


33) هاپ جيوون ڪراپ منڪون، من رون پليتون، تمي هميش ري سزا ٿي ڪم ڪرين پچي هيڪشو؟ پڳوون ضرور تمون نئه نرگ ۾ ڦڳوزيا رو ڦينصلو ڪرشي. 34) تيام زوئو، هون تمون ڪن پڳوون رو نياپو ڏيڏا وازون نئه، عقل وازون نئه ان شاستر زوڻيا وازون منڪون نئه ميليھ، ان اوئون موئين ٿي تمي ڪيونڪ نئه نمو مارشو ان ڪيونڪ نئه هوڙي مانه ساڙين مارشو پرا، ان تمي ڪيونڪ نئه آپرون منڌرون ۾ چاڀڪا هٿشو، ان هر شهر ۾ اوئون نئه لڙ ٿيشو. 35) تيام دنيا ۾ جيون پڳوون ري وات مانه وودا وازون را ڪون ٿياھ، اوئون ٻڌون را ڪون رٿي سزا پڳوون تمون نئه ڏيشي. پڳوون ري وات مانه وودا وازا هابل ٿي لين برڪياھ را ڏيڪرا زڪرياھ هوڏي، جيا نئه ايئنه يڳوون را گهر موئين يويتر جگا ان مال

ساڙيا ري جڳا وسا ماريوت پرو، ③6 هُون تمون ننه هاس ڪونه، اُوئون ٻڌون را ڪُون رِي سزا پڳوون اِيتا همٿوڪي پيڊي رون منڪون ننه ڏيشي.

ايسُو يروشلَم شهر مانه اقسوس ڪرڻه

(متي 23:37-39، لوقا 13:34-35)

③7 ”يروشلَم، او يروشلَم، تُون ڪيوو شهر سئِه! تارا منڪ پڳوون رو نياپو ڏيڏا واڙون را ڪُوني سئِه. جيون ننه پڳوون تُون ڪن ميلئِه، اُوئون ننه اُو پوئون ٿي



مارئِه پرا. زم ڪوڪڙي آپرون پشيون ننه آپريون پونڪون هيٺ هٽاڙئِه، تم مئين پڻ گهڻي وار ٿارون منڪون ننه آپ ڪن تيراواو ڪريا. پڻ تمي جيا يروشلَم را منڪ سو، تمي تو نه مونيا. ③8 هَوئِه زوئو، تمون ڪن جيو اي پڳوون رو گهر

سئِه، پڳوون اِيتا منڊر ننه ساڏشي پرو. ③9 ڪم تو هُون تمون ننه ڪاتري ٿي ڪونه، هَوئِه ٿي لين زئيون هُوڏي هُون پڳوون را پاها ٿي راز ڪريا واڙو ٿين پاسو نه آوون ان تمي مُون ننه پاڙين ام نه ڪو جي ايشور رو آشيرواڏ اِيتا مانه هَوئِه، جيو ايشور را پاها ٿي آئِه، تئيون هُوڏي تمي مُون ننه وڙي پيڙي وارڪو ماڳي نئين ڏيڪو.

ايسُو پڳوون رو گهر ڪنم ٿيا را پارام مور ٿي همپڙاوئِه

(متي 24:1-2، مرقس 13:1-2، لوقا 21:5-6)

① ايسُو پڳوون را گهر ٿي نيهرين زاتوت ريو، تو اونا را شيلا اونا 24 ڏوڪڙا آيا ان اونا ننه پڳوون را گهر ري ٻڌي جڳائون ڏيڪاڙوا مڏيا جي اُو ڪيوي ٿاڻوڪي سئِه. ② ٿيا مانه ايسُو اُوئون ننه ڪيڏو: ”اي ٻڌي جڳائون

تامي زوئوھ ريا، نا؟ ھون تمون نئھ ھاس ڪونھ، اي پڳوون رو گھر ھاو ڪتم ٿي زاشي ان ايٺا موئين ٿي هيڪ ئي پٿر ھازو نئين پڇئھ.

ايسنو مور ٿي ھمپڙاؤئھ جي پڳوون رو گھر ڪنم ٿيا مور ڪي ٿيشي
ان ھوشيار ڪرئھ جي ھائي ٻڌوئي ڏنيا رئي پڇاڙي نئي

(متي 14-3:24، مرقس 13-3:13، لوقا 19-7:21)

③ زئيون ايسو زيتون نومي ڏونگر مانھ زائين پينو، تتيون شيلا نويڪلائي ۾ اوٺا ڪن آيا ان ڪيڏو: ”امون نئھ ھمپڙاوو، اي پڳوون رو گھر ڪتم ٿيا رئي وات ڪيڏي ٿيشي؟ ان ڪيوو نيشون ھوشي جيا ٿي ڪبر پڙئھ جي تمي مون ۾ وڙي پاسا آيا وازا سو، ان ڏنيا رئي پڇاڙي ٿيا وازي سئھ؟“ ④ تو ايسو اوئون نئھ وڙنڌي ڏيڏي: ”ھوشيار ريا، متون ڪوڪ تمون نئھ نه پولاوئھ. ⑤ ڪم تو گھڻا منڪ مارا نوم ٿي آوشي، ان ڪيشي: ’پڳوون رو سونديل پڇايا وازو ڪريست ھون سون.‘ ان ھم ڪين او گھڻون منڪون نئھ پولاوشي. ⑥ تمي جنڳون رئي ڪاش ھومپڙشو ان جنڳون ري واتون ھومپڙشو. پڻ تمي مت پڻايا. ڪم تو ھائي واتون ضرور ٿيشي، پڻ اوئھ ٿوئئھ ڏنيا رئي پڇاڙي نئين ٿئھ. ⑦ ڪم تو قوم قوم ٿي وڏشي ان ملڪ ملڪ ٿي وڏشي. ان گھڻي ماڳي ڏڪاڙ پڙشي ان زميني ڏبشي. ⑧ پڻ ھائي ٻڌي واتون ڏنيا ري پڇاڙي رون ڏڪ تڪليپون رئي روڳئي شروعات سئھ. ⑨ تتيون منڪ تمون نئھ تڪليپ ڏيورايا ھارو زھلاوشي، ان تمون نئھ مراوشي. ان مون مانھ وشواس راڪيا ري ڪري ٻڌيون قومون را منڪ تمون ٿي وير راڪشي. ⑩ ان اوئھ وڪت گھڻا منڪ جيا مون مانھ وشواس راڪئھ، او وشواس ساڏشي، ان ھيڪا پڙا نئھ زھلاوشي، ان ھيڪا پڙا ٿي وير راڪشي. ⑪ ان گھڻا ايوا منڪ آوشي، جيا ڪوڙ ھاڪلين آپ نئھ پڳوون رو نياپو ڏيڏا وازا ڪيشي، ان او گھڻون منڪون نئھ پولاوشي. ⑫ ان منڪ پڳوون رون حڪمون رئھ اتا ڪلاڦ ٿي زاشي، جي گھڻون منڪون رو آپت ۾ پريم ڪتم ٿي زاشي. ⑬ پڻ

جيو آکر هُوڊِي وِسواس راکينَ ڏوروڻ صير ٿي سھشي، اُوئا نئہ تارڻ زڙشي.
 ⑭ ان پڳوونَ را راز را پارام اي کُشي رئي کبر منک پوري ڏنيا ۾ ھمپڙاوشي،
 زم ٻڌيون قومون رون منکون نئہ ھاس رئي کبر ھوئہ. ان پسئہ تيا کيڙا اينا ڏنيا
 رئي پڇاڙي ٿيشي.

ايسو مور ٿي ھمپڙاوئہ

جي رومي قوج يروشلم شهر نئہ کنم ڪرشي

(متي 24:15-28، مرقس 13:14-23، لوقا 21:20-24)

⑮ ”تيا ھوشيار ريا. تمي اُو ھاو ڪراب ان پڙيآ ڪريا واڙي شينھ ايتئہ
 پويتر جگا ۾ اُوپل ڏيڪشو، جيا را پارام پڳوونَ رو نياپو ڏيڏا واڙئہ ڊاني
 ايل شاستر ۾ مور ٿي لکيو تو. جيو شاستر رئي ھاڻي وات پئئہ، اُوئا رئہ
 ھايا رو مطلب ھڙموو! ⑯ زئيون تمي ھايا نئہ ايتئہ پويتر جگا ۾ ڏيکو،
 تئيون جيا ايتئہ يھوديه صوپا موئين ھوئہ، اُو ڏونگرون ھوما پاڳي زائہ!
 ⑰ جيا گھر ري ڇت مانھ ھوئہ، اُو نيسا اوترين آپري شينھون ليڏا ھارو گھر
 موئين نہ زائہ، ⑱ ان جيا ٻني ۾ ھوئہ، اُو آپرو توڻال ليڏا ھارو پاسا نہ زائہ،
 پڻ امرام پاڳي زائہ! ⑲ پڻ اقسوس اُوئون ڏوشيون مانھ، جي اُوئون ڏيئون
 ۾ پاري پڳ ھوشي، ڪا ننڪا ٻار ڏوراوتي ھوشي. ⑳ تمي پرائنا ڪرو جي
 تمارئہ شينازا ۾ ڪا پويتر ڏي را نہ پاڳو پڙئہ. ㉑ ڪم تو اُوئہ وڪت ايوي
 گھڻي تڪليپ ٿيشي، جيوي ڏنيا ري شروع ٿي لين ھزون ھوڊي ڪيڏي نئي
 ٿئي، ان نڪو وڙي ٿيشي. ㉒ ان جي پڳوونَ ھايا توئا نئہ گھتاوين تڪليپ
 را ڏي توڙا نہ راکيا ھوئت، تو ڪوئي نہ پڇئت. پڻ آپرون سونيل منکون
 ري ڪري پڳوونَ ھايون ڏورون ڏيئون نئہ گھت ڪرشي. ㉓ اُوئہ توئئہ جي
 ڪوڪ تمون نئہ ام ڪئہ جي ’زوئو، پڳوونَ رو سونيل پڇايا واڙو ڪريست
 اينا ماڳ سئہ‘ ڪا ’اُوئا ماڳ سئہ‘ تو ھايا وات مانھ يقين مت ڪريا.

②4 ڪم تو ايوا ڪوڙا منڪ آوشي جيا ڪوڙ ھاڪلين آپ ننه پڳوون رو سونيل پڇايا وازو ڪريست ڪا پڳوون رو نياپو ڏيڏا وازا ڪيشي. ان او موتا نيشون ان پرسا ڏيڪاڙشي، زم ٻڌون منڪون ننه پُولوئو. ان جي ٿي هيڪئت، تو پڳوون رون سونيل منڪون ننه پڻ پُولوئو. ②5 زوئو، مئين تمون ننه مور ٿي همپزيايوه پرو.



②6 تيام جي منڪ تمون ننه ڪئ: 'زوئو، پڳوون رو سونيل پڇايا وازو ڪريست رڻ ۾ سئ،' تو تمي اوئنه مت زايا. ان جي ڪئ: 'زوئو، او ڦلوئا گهر موئين هتال سئ،' تو تمي هايا وات مانھ يقين مت ڪريا. ②7 ڪم تو زم ويزڙي ڪوتون اڳوئليا پاها ٿي اٿوئليا پاها هوڏي زبڪئھ، تم هون منڪ ذات رو ڏيڪرو آپرئ آيا رئه توئنه هتمارو ٻڌيل ساوو ٿيھ. ②8 زم ڪيٽي ۾ ڪئھ، جيئنه ڍنڍوڪڙ هوشي، اوئنه گهرڙڏون پڻ اوين پيزي ٿيشي.

پڳوون رو گهر ڪنم ٿيوو ان پيزيون آفتون رو اووو
نيشون سئ جي ايسو پڳوون را پاها ٿي راز ڪريا وازو سئ

(متي 29:24-31، مرقس 24:27-29، لوقا 21:25-28)

②9 "ان پسئنه هتمارو هايون ڏيئون ري تڪليپ ڪيڙ ڏي ڪازو مش ٿي زاشي، انزوئازيو آپرو سوجھرو نئين ڏئھ، تارا آڪاش ٿي ڪرين پڙي زاشي، ان آڪاش موئينلي ٻڌي شينھون ڏگشي. ③0 ان تئيون آڪاش ۾ او نيشون ساوو ٿيشي، جيا ٿي ٿاڀي ٿيشي جي هون منڪ ذات رو ڏيڪرو سون. ان تئنه توئنه ڏنيا ريون ٻڌيون قومون را منڪ آپرون ڏوهون مانھ ڏڪي تين روشي ان مون منڪ ذات را ڏيڪرا ننه گهڻي ڪرا ۾ ان گهڻا زبڪتا سوجھرا ۾ آڪاش رون واڌزون موئين آوتو ڏيڪشي، ان وات ساوئي ٿيشي جي هون پڳوون را پاها ٿي راز ڪريا وازو

ٽين آيا واڙو سون. (31) ٽيون رڻ شينگڙو گهڻا زور ٿي واڳشي، ان هون آپرون آڪاشي ڏوتون نٿه مڀليھ، ان او پوري دنيا ۾ چارون ڏشون ٿي مارون سونديل منڪون نٿه پيڙا ڪرشي.

نيشونون ٿي اوڙڪو جي ڪي تيا واڙو سئ

(متي 32:24-35، مرقس 13:28-31، لوقا 21:29-33)

(32) ”انجیر را وڻ رڻي مثال لين ٿمي شيڪو. زئون اوئا ريون ڏارڪيون موئين ڪوئيڙ ٿه ان پونڙا ٿه، تو ٿمي آپ اوڙڪي زائوه جي اونازو آيا واڙو سئ. (33) هيوئھ نمونئھ زئون ٿمي هائي ٻڌي تڪليبون ٿي ڏيڪو، تو هزميا جي هائي توڻو هاو ڏوڪڙو سئ. (34) هون تمون نٿه هاس ڪونھ، هائي ٻڌي تڪليبون ايئا همڻوڪي پيڊي رون منڪون ري حياتي ۾ پوري ٿيشي. (35) آڪاش ان ڌرتي تو ڪتم ٿي زاشي، پڻ ماري واتون هميش هودِي هاسي ريشي.“

ايسو آپرئ دنيا ۾ پاسو آيا را پارام ان دنيا ري پچاڙي را پارام هوشيار ڪرئھ

(متي 24:36-44، مرقس 13:32-37، لوقا 17:26-30، 34-36)

(36) ”پڻ مون منڪ ذات را ڏيڪرا رٿه پاسا دنيا ۾ آيا را پارام، ڪيا نٿه اي ڪهر نٿي جي هائي ڪيڏي ان ڪيئھ توڻئھ ٿيشي. هايا وات رڻي نڪو آڪاشي ڏوتون نٿه ڪهر سئ، ان نڪو مون پڳوون را ڏيڪرا نٿه ڪهر سئ. پڻ روڳي مارا ٻاپ پڳوون نٿه هايا وات رڻي ڪهر سئ. (37) ڪم تو زم نوح رون ڏيئون ۾ ٿيو تو، همروم مون منڪ ذات را ڏيڪرا رٿه آيا رون ڏيئون ۾ پڻ ٿيشي. (38) اوئون ڏيئون ۾ ٻوڏ آيا ٿي مور منڪ کاتا پيٽا ريا، ان پرٿا پرتاوتا ريا، ان نيٺ او ڏي آيو زئون نوح پيڙا موئين سڙي گيو. (39) منڪي آيا واڙي سزا را پارام ڪئين سوچيو ئي نتو، ان پسئھ پڳوون را طرف ٿي ٻوڏ آوين اوئون ٻڌون

منڪون نٿه ڪٽم ڪريا پرا. همروم ٿيشي زئيون هون منڪ ذات رو ڏيڪرو پاسو آويه. (40) اوتنه توتنه جي هي آڏمي ٻني ۾ هوشي، تو پڳوون هيڪا ننه اوتون لين پچاوشي، ان پيزا ننه اوتنه ساڏشي پرو. (41) جي هي ڏوشي پيڙي ٻيني گهرنتئي قبروتي هوشي، تو پڳوون هيڪي ننه اوتون لين پچاوشي، ان پيڙي ننه اوتنه ساڏشي پري.

(42) تيام تمي هميش تيار ريا، ڪم تو تمون ننه ڪبر نٿي جي هون تمارو پريو ڪيڏي پاسو آويه. (43) ياڏا راکو، جي گهر را ڏئي ننه ڪبر هوٽ جي سور ڪيون آوشي، تو او ضرور زاگتورٽ، ان آپرا گهر موئين ڪاٺ نه لاڳوا ڏت. (44) تيام تمي پڻ تيار ريا، ڪم تو تمون ننه ڪبر نٿي جي هون منڪ ذات رو ڏيڪرو ڪيون پاسو آويه.

ايمونڌار نوڪر ان پييمون نوڪر رو مثال

(متي 45:24-51، لوقا 12:41-48)

(45) ”تمي آپ سوچو جي ايوو ايمونڌار ان عقل واڙو نوڪر ڪوڻ سٺه، جيا ننه ڏئي آپرون پيزون نوڪرون مانھ راکين زائھ، زم اوتون ننه توتھا مانھ ڪاڏو پيڏو ڏئھ؟ (46) پاڳواڙو او نوڪر سٺه جيا ننه ڏئي پاسو آوين همروم ڪرتو ڏيڪنھ. (47) هون تمون ننه هاس ڪونھ جي ڏئي اوتھا ننه آپري ٻڌي ملڳت مانھ راکشي. (48) پڻ جي او نوڪر ڪراپ هوئھ ان من موئين ام سوچئھ: ’مارا ڏئي را آيام هزون دير سٺھ،‘ (49) ان پستھ پيزون نوڪرون ننه ماروا مڏئھ، ان شراپيون پيڙو ڪائھ پيئھ، (50) تو اوتھا نوڪر رو ڏئي اوتھ ئي ڏي آوشي جيا ڏي رو نوڪر ڪيال ئي نئين ڪريو هوئھ، ان اوتھ ئي توتنه آوشي جيا توتھا رئي نوڪر ننه ڪبر ئي نئين هوئھ، (51) ان ڏئي آوين اوتھا ننه واڍين ٽڪرا ٽڪرا ڪرشي پرو. هيوا منڪ، جيا مونيڊا را مينا پڻ انڌر را ڪارا سنھ، نرڳ رئي سزا ڪاشي. اوتنه او روشي ان ڏونت گهرڙيا ڪرشي.“

نھون سوکريون رو مثال پريو ايسو رٺ پاسا آيا هارو هميش تيار ريوو

25 ① ”مارٺه پاسا آيا رٺه توتٺه پڳوون رو راز ايٺا را زم هوشي. ڏه سوکري هتي. او آرو آرو بڙتو ڏيوو لين لاڏا نٺه تيڙوا نيھري. ② اوٺون




موئين ٿي پونس عقل واڙي هتي، ان پونس هتي پي عقل. ③ جي پي عقل هتي، اوئي آپرا ڏيوو تو ليڏا، پٺن آپ پيڙو وڌارٺه تيل نه ليڏو. ④ پٺن جي عقل واڙي هتي، اوئي آپرون ڏيوون پيڙو ڪونپليون م تيل پٺن ليڏو. ⑤ لاڏا رٺه

آيا م ڏير ٿي گهي، تو سوکريون نٺه اونگه آوا مڏي ان او ٻڌي اونگهائي گهي. ⑥ آڏي رات رو ڪيٺڪ هاڏ پاڙيو: ’هالو زوتو، لاڏو اوٺه ريو. لاڏا نٺه اوڪار ڏيڏا هارو ٻارا نيھري آوو! ⑦ تيون او سوکري اوئي پري، ان آپرا ڏيوو ٺيڪ ڪروا مڏي. ⑧ پسٺه پي عقل سوکريئي عقل واڙيون نٺه ڪيڏو: ’امون نٺه تمارا تيل موئين ٿي ڪيٺڪ ڏيو، ڪم تو امارا ڏيوو اوزهمائھ ريا. ⑨ پٺن عقل واڙي سوکريئي ڪيڏو: ’نا، امي تمون نٺه نئين ڏيون، متون امون ڪن پٺن ڪٿي زائھ. نائوڪو اي سٺه جي تمي ڏڪون مانھ زائين آپ هارو تيل ويساتو لي آوو. ⑩ پي عقل سوکري تيل ويساتو ليوا گهي، ان اتي وار م لاڏو پٺن آيو رو. ان جي پونس عقل واڙي سوکري تيار هتي، او لاڏا پيڙي ويوا ري ڌاوت م پاڙا موئين گهي پري، ان شيواڌاريئي ڌروازو پنڌ ڪريو پرو. ⑪ تيا ڪيڙ پيڙي سوکري پاسي آوي ان ڪيو مڏي: ’لاڏا، او لاڏا، امون هارو ڌروازو اوگهاريا رو ڪو. ⑫ پٺن اوٺه ڪيڏو: ’نا. هون تمون نٺه هاس ڪونھ جي هون تمون نٺه اوزڪتو ئي نٿي.’ ”

⑬ پسنه ايسو شيلون ننه كيڏو: ”تيا م تيار ريا، كم تو تمون ننه كهر نتي جي هون كيڏي ان كينه توڻنه پاسو آويه.“

ڌڻي ان نوڪرون رو مثال ايسو آپرا پارام ان آپرون شيلون را پارام شيڪاڙهه (متي 14:25-30، لوقا 11:19-27)

⑭ ”هوه ماره پاسو آيا را پارام اي مثال پڻ سته. هيڪ منڪ هتو، جيو پرڏيه زايا وازو هتو. اونه آپرون نوڪرون ننه آپ ڪن تيڙايا، ان اوئون ننه آپري مال ملگت مانه راکيا. ⑮ اونه هر هيڪ ننه اوئا ري هيتم پرموڻه پڙيها ڏيڏا. هيڪا ننه پنه لاک روپيا ڏيڏا، پيزا ننه سو لاک روپيا ڏيڏا، ان ترڻا ننه ترڻ لاک روپيا ڏيڏا. ان پسنه پيزه ملڪ گيو پرو. ⑯ جيا ننه پنه لاک روپيا زڙيا تا، اونه هتمارو زائين اوئون پڙيهمون ٿي واپار ڪريو ان پيزا پنه لاک ڪموڻو.“



⑰ هرورم جيا ننه سو لاک روپيا زڙيا تا، او پيزا سو لاک ڪموڻو. ⑱ پڻ جيا ننه ترڻ لاک روپيا زڙيا تا، اونه زائين ڪاڏ ڪوترين آپرا ڌڻي را پڙيها زمي موئين پوريا پرا.

⑲ گهڻا وڪت ڪيڙ اوئون نوڪرون رو ڌڻي پاسو آيو رو، ان اوئون ٿي حساب ليوا مڏيو. ⑳ جيا نوڪر ننه پنه لاک روپيا ڏيڏا تا، او آوين پيزا پنه لاک

رُوپيا پڻ لي آيو ان ڪيڏو: 'ساب، تمي مُون نئه پئرئ لاک رُوپيا ڏيڏا تا. اي زوئو، ايئون ٿي هُون پيزا پئرئ لاک رُوپيا ڪموٽوه.' (21) تو اُوئا رئه ڌڻي اُوئا نئه ڪيڏو: 'شاپاش، نائوڪا ان ايمونڌار نوڪر. تُون توڙون پئيهون ۾ ايمونڌار ريوه، تيام هَوئه هُون گهڻا پئيهه ٿارئه حوالئه ڪريه. او، ان مُون پيزو ڪُشي ڪر.' (22) پسته جيا نوڪر نئه سو لاک رُوپيا ڏيڏا تا، اُوئه پڻ آوين ڪيڏو: 'ساب، تمي مُون نئه سو لاک رُوپيا ڏيڏا تا. اي زوئو، ايئون ٿي هُون پيزا سو لاک ڪموٽوه.' (23) تو اُوئا رئه ڌڻي اُوئا نئه ڪيڏو: 'شاپاش، نائوڪا ان ايمونڌار نوڪر. تُون توڙون پئيهون ۾ ايمونڌار ريوه، تيام هَوئه هُون گهڻا پئيهه ٿارئه حوالئه ڪريه. او، ان مُون پيزو ڪُشي ڪر.' (24) پسته او نوڪر آيو جيا نئه ترڻ لاک رُوپيا ڏيڏا تا، ان اُوئه ڪيڏو: 'ساب، مُون نئه ڪبر هتئي جي تمي ڏورا منڪ سو. جيئنه تمي پوڪيو نٿي اُوئه تمي لئوه، ان جيئنه تمي وايو نٿي اُوئه تمي پيزو ڪروه. (25) ان تيام مُون نئه بيڪ لاڳئي، ان مئين زائين تمارا ترڻ لاک رُوپيا کاڌ ڪوترين زمي ۾ پوريا پرا. هون، اي ليو تمارا پئيهه.' (26) تيا مانه اُوئا رئه ڌڻي اُوئا نئه ڪيڏو: 'او پونڌا ان سست نوڪر. نيڪ سئه، تُون ام هزمئه جي جيئنه مئين نٿي پوڪيو اُوئه هُون لئون، ان جيئنه مئين نٿي وايو اُوئه هُون پيزو ڪرونه. (27) تو پسته ٿارئه مارا پئيهه وياز مانه ڏيوو تو. تُون هم ڪرئت، تو پاسو آوين مارون آپرون پئيهون پيزو مُون نئه وياز پڻ زرتت.'

(28) پسته ڌڻي آپرون منڪون نئه حُڪم ڏيڏو: 'ايئا ٿي هاڻي ترڻ لاک رُوپيا ڪوهي ليو، ان اُوئا نئه ڏيو پرا، جيا ڪن ٿيه لاک رُوپيا سئه. (29) ڪم تو جيا ٿي ڪئين ڪائيدو سئه، تو اُوئا نئه وڌيڪ ڏيوراشي ان اُوئا ڪن گهڻو ٿيشي. پڻ جيا ٿي ڪئين ڪائيدو نٿي، جنين ڪئين اُوئا ڪن سئه، او پڻ اُوئا ٿي ڪوهراشي. (30) هَوئه ايئا نڪوما نوڪر نئه ٻارو ڪاڍين انڌارام ڦڳوڙو پرو. اُوئه او روشي ان ڏونت گهرڙيا ڪرشي.'

رييون ننه ٻاڪريون ٿي ڌار ڪريا رو مثال ايسنو نيا را ڏي را پارام شيڪاڙهه

① "زئون هون منڪ ذات رو ڏيڪرو آپرا زبڪتا سوجها ۾ آويه، ان ٻڌائي آڪاشي ڏوت مون پيڙا آوشي، تئيون هون آپري زبڪتا سوجها وڙي گهاڏي مانه پيهيه نو. ② ان آڪاشي ڏوت ٻڌيون قومون رون منڪون ننه مون هوما پيڙا ڪرشي، ان هون اوئون ننه هڪا پيڙا ٿي ڌار ڪريه، زم ڌراڙ رييون ننه ٻاڪريون ٿي ڌار ڪرئ. ③ ان زم ڌراڙ رييون ان ٻاڪريون ننه پيئون ڌتون ۾ ڌار ڌار اُوپاڙهه، تم جيا منڪ مارو ڪيڏو مونئو، اوئون ننه هون مارئو زمئو پاهنه مون ۾ اُوپاڙهه، پڻ جيا نئي مونتا، اوئون ننه هون مارئو ڏاوهه پاهنه اُوپاڙهه.

④ تئيون هون پاڌشا ٿين مارئو زمئو پاهنه اوپل منڪون ننه ام ڪيه: 'وورا، تمي جيون ننه مارئو ٻاپ آشيرواڏ ڏيڏوه. تمي مارا ٻاپ را وائيدا پرموئو اوئا را راز ۾ آوو، جيو راز جڳت نيا ٿي لين تمون هارو تيار ڪرل سئ. ⑤ ڪم تو هون پوکو هتو، تئيون تمي مون ننه کاڌو ڏيڏو تو. هون ترهو هتو، تئيون تمي مون ننه پوئي پيڙاريو تو. هون پرڏيشي هتو، تئيون تمي مون ننه آپري گهري ٽڪاڙيو تو. ⑥ مارا لوگهڙا نئا، تئيون تمي مون ننه لوگهڙا ڏيڏا تا. هون مونڏو هتو، تئيون تمي مارئي همپاڙ ڪرئي تئي. هون جيل ۾ هتو، تئيون تمي مون ٿي ملوا آيا تا.'

⑦ تئيون پگهون ري وات مانه وڍا واڙا مون ننه ام ڪيشي: 'پرپو، ڪيڏي امي تمون ننه پوکا ڏيڪين کاڌو ڏيڏو تو، ڪا ترها ڏيڪين پوئي پيڙاريو تو؟ ⑧ ڪيڏي امي تمون ننه پرڏيشي ڏيڪين آپري گهري ٽڪاڙيا تا، ڪا تمون ڪن لوگهڙا نه ڏيڪين تمون ننه لوگهڙا ڏيڏا تا؟ ⑨ ڪيڏي امي تمون ننه مونڏا ڪا جيل ۾ ڏيڪين تمون ٿي ملوا آيا تا؟'

⑩ تئيون هون پاڌشا ٿين اوئون ننه وڙنڌي ڏيه: 'هون تمون ننه هاس ڪونه، جنين ڪئين پلائي رو ڪوم تمي مارون ايئون پايون ان بينون موئين ٿي ڪيا ٿي

پڻ ڪريوھ، پلئھ اُو ٻڌون ٿي نونو منڪ هوئھ، توڻي پڻ تمي ام ھڙمو جي اُو پلائي رو ڪوم تمي مُون ٿي ڪريوھ.

④1 تئيون هُون مارئھ ڏاوتھ پاهئھ اُوپل منڪون نئھ ام ڪيھ: ’مُون ٿي هيڪل ٽڙي زائو، تمي جيا پڳوون را پتل سو. تمي هميش ري ٻڙتي پاهي ۾ زائو پرا، جيئي پاهي شيطون ان اونا را پاهارون ڏوتون هارو تيار ڪرل سئھ. ④2 ڪم تو هُون پوکو هتو، پڻ تمي مُون نئھ ڪاڏو نه ڏيڏو. هُون ترهو هتو، پڻ تمي مُون نئھ پوڻي نه پيٿاريو. ④3 هُون پرڏيشي هتو، پڻ تمي مُون نئھ آڀري گهري نه ٽڪاريو. مارا لوگهڙا نئا، پڻ تمي مُون نئھ لوگهڙا نه ڏيڏا. هُون مونڏو هتو ان جيل ۾ هتو، پڻ تمي مارئي همپار نه ڪريي.’

④4 تئيون اُو پڻ مُون نئھ ڪيشي: ’پرپو، ڪيڏي امي تمون نئھ پوکا، ترها، پرڏيشي، لوگهڙون وگر، مونڏا ڪا جيل ۾ ڏيڪيا، ان تمارئي مدت نه ڪريي؟’
④5 تئيون هُون اوئون نئھ ورنڏئي ڏيھ: ’هُون تمون نئھ هاس ڪونھ، جيئن ڪئين پلائي رو ڪوم تمي ايئون منڪون موئين ٿي ڪيا ٿي نه ڪريو، پلئھ اُو ٻڌون ٿي نونو منڪ هوئھ، توڻي پڻ تمي ام ھڙمو جي اُو پلائي رو ڪوم تمي مُون ٿي نه ڪريو.’

④6 ان پسئھ اوئون منڪون نئھ هميش رئي سزا زڙشي، ان پڳوون ري وات مانھ وُڍا وازون منڪون نئھ هميش رو جيون زڙشي.”

يهودي ڌرم را آڳيوون ايسنو نئھ مرايا هارو نا ناوتھ

(متي 1:26-5، مرقس 1:14-2، لوقا 1:22-2، يوحنا 11:45-53)


26 ① زئيون ايسو هائي ٻڌي واتون همپزاوي ريو، تئيون اوئھ آڀرون شيلون نئھ ڪيڏو: ② ”تمون نئھ تو ڪبر سئھ جي هوارِي نئين پرمئھ پاشڪا پرپ سئھ، ان موئھئھ مُون منڪ ذات را ڏيڪرا نئھ هُوڙي مانھ ساڙين مرايا هارو زهلوشي.”

③ تئيون موتا پوزاري ان اسرائيلي قوم را آگيوون ڪائيفا نومي مک پوزاري را ڏربار ۾ پيڙا ٿيا. ④ ان اُوئي آيت ۾ صلاح ڪري زم ايسو ننه ڪياڪ نڳي ٿي زهالنه ان مراوئه پرو. ⑤ پڻ اُو امر ڪيتات ريا: ”آپي اُوئا ننه پاشڪا پرپ مانه نئين زهالون، متون آپي قوم را منڪ قشري ڪرئ.“

هڪ اشينزئي ايسو را مون ۾ اُوئا را ماٿا مانه عطر نومئه

(متي 6:26-13، مرقس 14:3-9، يوحنا 12:1-8)

⑥ ايسو بيت عنياه پاڙا موئين شمعون نومي هڪا منڪ ري گهري هتو، جيا ننه اڳي ڪوڊ رئي پيمارئي هئي. ⑦ ايسو کاڌا هارو پينو تو، تو هڪ اشيتري سنڳي مرمر رئي ڪونپلي لين جيا موئين الاهي مونگهو عطر هتو، ايسو ڪن آوي ان اُوئا را مون ۾ اُوئا را ماٿا مانه عطر نوميو پرو. ⑧ پڻ هائي ڏيڪين ايسو رون شيلون ننه رينه سڙي ان اُوئي ڪيڏو: ”هائي عطر امهي ايتيا رو ڪي ڦاڙيو ٿيو؟ ⑨ ڪم تو هائي عطر گهڻون پٺيهون ۾ ويسائي هڪنت ان اُوئا را پٺيها گريهون ۾ وراوي هڪنت.“



⑩ پڻ ايسو اُوئون رئي وات زوئين اُوئون ننه ڪيڏو: ”تمي اينڻا ٻائي ننه ڪم تنگ ڪروه ريا؟ اينه مون هارو نائوڪو ڪوم ڪريوه. ⑪ گريه تو هميش تمون ڪن هوشي، پڻ هون هميش تمون ڪن نئين هون. ⑫ زئيون اينه مارا ڏيل مانه اي عطر نوميو، تو اينه مارئه مريا مور مون ننه مقوم موئين پوريا هارو تيار ڪريو. ⑬ هون تمون ننه هاس ڪونه، پوري دنيا ۾ جيئنه پڻ منڪ پگوون رئي ڏيڏل اي ڪشي رئي ڪهر همپزاوشي، اُوئه اينڻا ٻائي ري همپار ۾ اي وات پڻ همپزاوشي جي اينه ڪي ڪريوه.“

يهوداه اسڪريوتي ايسو نڌ زهلايا هارو نا ناوئھ

(متي 14:26-16، مرقس 10:14-11، لوقا 3:22-6)


⑭ تئيون ايسو رون ٻارون سونيدل شيلون موئين ٿي هيڪ زئو، جيا رو نوم يهوداه اسڪريوتي هتو، او موتون پوزاريون ڪن گيو، ⑮ ان اوئون نڌ ڪيتو: ”هون ايسو نڌ تمون ڪن زهلاويھ، تو تمي مون نڌ ڪتا پئيھا ڏيشو؟“ تو اوئي اوئا نڌ تيه چوندي را سڪا ڏيڌا، جيا رئي قيمت سو هزار روپيا هتئي. ⑯ ان اوئا توئا ٿي لين يهوداه ايسو نڌ زهلايا رو وجه گوتوا مڌيو.

ايسو پئون شيلون نڌ ميلين پاشڪا پرڀ رئي تيارئي ڪراوئھ

(متي 17:26-19، مرقس 12:14-16، لوقا 7:22-13)

⑰ زئيون روتيون ري پرڀ رو پيرهئون ڏي آيو، تئيون ايسو ري شيلي اوئا ڪن آوين پونسيو: ”تمارئي ڪيوي مرضئي سڻه؟ امي تمون هارو پاشڪا پرڀ کاڌا رئي تيارئي ڪيئھ ڪرون؟“

⑱ تو ايسو اوئون نڌ ام ڪين هڪا منڪ ڪن ميليا: ”تمي شهر موئين



زائو، ان اوتئا نئه ام ڪيا: 'گرو جي ام ڪئو. مارو توتو همئنه ڏوڪرو آيوه. هون تاري گهري آپرون شيلون پيزو پاشڪا پرڀ ڪائيه.' "

①9 شيلي زم ايسو ڪيڏو تو، همروم ڪريو، ان اوتئه پاشڪا پرڀ رئي تيارئي ڪري.


ايسو آڪري وار آپرون شيلون پيزو روتئي ڪائو
ان مور تي همپزلوئه جي اوتئا رو هيڪ شيلو اوتئا نئه زهلاوشي
(متي 26:20-25، مرقس 14:17-21، لوقا 22:21-23، يوحنا 13:21-30)

②0 زئيون هونز ٿئي، تئيون ايسو آپرون ٻارون سونڊل شيلون پيزو ڪاڏا هارو پينو.
②1 زئيون روتئي ڪاتات ريا، تو ايسو ڪيڏو: "هون تمون نئه هاس ڪونه، تمون موئين ٿي هيڪ زتو مون نئه زهلاوشي." ②2 تو شيلا گهئا ڏکي ٿيا ان هيڪا پيزا ڪيڙ ايسو نئه ڪيو مڌيا: "پريو، هون تو نٿي، نا؟" ②3 تيا مانه ايسو ڪيڏو: "تمي جيئي مون پيزا ڪاڏا را نونٿا ڀر روتئي را ٻٽڪا ٻوڙيا، تمون موئين ٿي هيڪ زتو مون نئه زهلاوشي. ②4 جيوئه نمونئه مارا پارام شاستر ڀر اڳي لڪل سئه، هيونئه نمونئه هون منڪ ذات رو ڏيڪرو ايئا جڳت ٿي زائونه ريو. توتئي پڻ ڏڪ اوتئا منڪ هارو سئه، جيو مون منڪ ذات را ڏيڪرا نئه زهلاوشي. اوتئا منڪ هارو نائوڪو ام ٿئت، جي او ڪيڏي پيڏا ٿي نه ٿيو هوئت." ②5 تيا مانه يهوداه، جيو ايسو نئه زهلايا وازو هتو، اوتئا ٿي پونسيو: "گرو جي، هون تو نٿي، نا؟" تو ايسو اوتئا نئه ڪيڏو: "تون نئه آپ نئه ڪهر سئه."

ايسو ڳلومي ٿي آزاتا ٿيا ري پاشڪا پرڀ رو نوو مطلب شيڪارئين
پريو پوزن رئي ريت ناوئه

(متي 26:26-30، مرقس 14:22-26، لوقا 22:14-20، 1 ڪرنٿيون 11:23-25)

②6 زئيون او ڪاتات ريا، تو ايسو روتئي لين اوتئا هارو پڳرون رو ٿورو مونين



پونگڻي، ان آڀرون شيلون ننه ڏين ڪيڏو: ”هون، ڪاڻو. اي مارو شير سئ. “ (27) ان پسنه ايسو ڌراڪ رس رو پيئالو لين اوئا هارو پڳوون رو

ٿورو مونيون اوئون ننه ام ڪين ڏيڏو: ”تمي ٻڌائي ايئا مونيون ٿي پيئو. (28) ڪم تو اي مارو لوئي سئ، جيا ٿي پڳوون رو وسن ٻوندل سئ. هون مارو جيو پڳوون را نوم مانه ڏيه، زم مارا لوئي ٿي گهئون منڪون ننه ڏوهون رئي ماڻي زڙه. (29) هون تمون ننه ڪاتري ٿي ڪونه، هون ٿي لين زئيون هودي هون مارا ٻاپ پڳوون را راز هر تمون پيڙو ايرو ڌراڪ رس نه پيئون جيو هميش نوو سئ، تنيون هودي هون اي ڌراڪون رو رس وڙي ماڳي نئين پيئون.“ (30) پسنه او پزن گاوين ٻارا نيهريا، ان زيتون نومي ڏونگر هوما روونا ٿيا.

ايسو مور ٿي هميڙاوئ هجي بطرس اوئا رو شيلو هويا رو نا پاڙشي

(متي 26:31-35، مرقس 14:27-31، لوقا 22:31-34، يوحنا 13:36-38)

(31) تنيون ايسو آڀرون شيلون ننه ڪيڏو: ”مون ٿي هيڪ ايوي وات ٿيشي جيا ري ڪري آڙوڪي رات تمي ٻڌائي مون ننه ساڏي زاشو. ڪم تو شاستر هر هايا را پارام پڳوون رئي اي وات لڪل سئ: هون ڌراڙ ننه ماريه،

ان ڌراڙ ري ريڊيون وينڪائي زاشي.“

(32) پڻ موت ٿي جيوي اوئا ڪيڙ هون تمون مور گليل صوپا هر زائيه.“

(33) ٿيا مانه بطرس اوئا ننه ڪيڏو: ”پلئه پيڙا ٻڌائي تمون ٿي ٿيا واري وات

ري ڪري تمون ننه ساڏي زائه، تويي پڻ هون تمون ننه ڪيڏي نئين ساڏون.“

(34) پڻ ايسو اوئا ننه ڪيڏو: ”هون تون ننه هاس ڪونه، آڙوڪي رات ڪوڪڙا

رئه ٻونگ ڏيڏا مور، تون ترڻ وار مارو نا پاڙين ڪيه، جي تون مون ننه نئي اوڙڪتو.“

35) تو پطرس اُوٺا نئه ڪيڏو: ”مارئه تمون پيڙو پلئه مروو پڙئه، توائي پڻ هون تمارو شيلو هويا رو نا ڪيڏي نئين پاڙون.“ ان پيڙي ٻڌي شيلي پڻ همروم ڪيڏو.

ايسو زينوَنَ نومي ٽونگرَ مانه پراٿنا ڪرئھ

(متي 36:26-46، مرقس 32:14-42، لوقا 39:22-46)

36) تئيون ايسو آپرون شيلون پيڙو گتسمني نومي جگا مانه آيو، ان اوتھ شيلون نئه ڪيڏو: ”تمي ايتئھ بيهو، ان هون اونئھ زائين پراٿنا ڪرونھ.“



37) ايسو پطرس نئه ان زبدي رون بيئون ڏيڪرون نئه آپ پيڙا تيڙي گيو، ان اوتئھ زائين گهڻو ڏکي ان پريشون ٿيو مڏيو. 38) تئيون ايسو اوتون نئه ڪيڏو: ”هون ايوو گهڻو ڏکي سون جي زوتئھ مارو هاه ٿوتئھ ريو. تمي ايتئھ ريو، ان مون پيڙا زاگتا ريو.“ 39) پسئھ اوتون ٿي توڙوڪ آگر زائين او گودا ڪورين مونيڊا وروٿو پڙيو نو ان پگيون ٿي ام پراٿنا ڪروا مڏيو: ”او ٻا، جي ٿي هيڪئھ، تو اي ڏڪ جيا تمي مون نئه سهيا هارو ڏيڏاه، ايئون ڏڪون ٿي مون نئه پچاوو. توائي مارئي مرضيي نئين، پڻ تمارئي مرضيي پوري ٿئھ.“

40) پسئھ ايسو ترٿيون شيلون ڪن پاسو آيو ان زوتھ، تو او اونگھال پڙياھ. تيام اوتھ پطرس نئه زگارين ڪيڏو: ”تمي مون پيڙا هيڪ ڪلاڪ پڻ زاگي نئي

هيڪتا، ڪي؟ (41) ٽمي زاڳتا ريو، ان پراٿنا ڪرو جي ٽمي آزمتا موئين پورا اوترو. ٽمي مون نئه ساڏوا تو نٿي ڪرتا، توئي ٽمي منڪ ٿين هيٺا سو.

(42) پسته ايسو وڙي پيڙي وار زائين ام پراٿنا ڪروا مڏيو: ”او ٻا، جي اي ضروري سئه جي هون اي ڏڪ سهون، تو تمارئي مرضي پوري ٿئه.“

(43) تئين ايسو وڙي پاسو آوين زوئه، تو شيلا اونگهال پڙياھ، ڪم تو اوئون ري اونڪيون اونگه ٿي گري ٿي گي تي.

(44) پسته ايسو اوئون نئه ساڏين وڙي گيو پرو ان ترٿمي وار همريه پراٿنا ڪري.

(45) تئين او وڙي شيلون ڪن پاسو آيو ان اوئون نئه زگاڙين ڪيڏو: ”ٽمي هزون هوڏي اونگهائوه ريا ان آروم ڪروه ريا، ڪي؟ زوئو، همئنه او توئو آيوه رو، زئين موئنه مون منڪ ذات را ڏيڪرا نئه زهلاوين ڏوهاري منڪون رئه حوالئه ڪرشي. (46) هوئه اونو، هالون. زوئو، مون نئه زهلايا وازو آوي پوگيوه.“

يهوداه اسڪريوتي ايسو نئه زهلاوئه

(متي 26:47-56، مرقس 14:43-50، لوقا 22:47-53، يوحنا 18:3-12)

(47) هزون ايسو ٻولتوت ريو، تو اوچتو يهوداه اوئنه آوين پوتيو، جيو ايسو رون ٻارون سونيل شيلون موئين ٿي هيڪ هتو. ان اوئا پيڙو منڪون رو هيڪ موتو تولو هتو، جيون ڪن ترؤارون ان ڏونگون هتي. او موتون پوزاريون ان اسرائيلي قوم رون آگيونونون را پاها ٿي ميلل هتا. (48) هوئه زهلايا وازئه يهوداه تولا رون منڪون نئه اي نيشون همپڙايو تو جي ”جيا نئه هون ٻوسڪو ليون، اوئا نئه ٽمي زهاليا.“ (49) تيام او يڪدم ايسو ڪن آيو ان ڪيڏو: ”نمسڪار، گرو جي!“ ان اوئا نئه ٻوسڪو ليڏو. (50) تو ايسو اوئا نئه ڪيڏو: ”پريمي پائي، تون ايوا ڪوم مانه ڪم آيوه؟“ تئين تولا ري منڪي ڏوڪڙا آوين ايسو نئه زهاليو ان اوئا نئه قابو ڪريو. (51) تو جيا ايسو پيڙا هتا، اوئون موئين ٿي هيڪه زئه يڪدم آڀري

تروٺار ڪاڍڻي، ان مُڪ پوزاري را نوڪر نٿه هڻي، ان اُوٺا رو ڪون واديو پرو. (52) تئين ايسو اُوٺا نٿه ڪيڏو: ”آپري تروٺار ميٺ ۾ نوڪ. ڪم تو جيا منڪ تروٺار ٿي ويٺه، اُو ٻڌائي تروٺار ٿي مراهي. (53) تون نٿه ايسا وات رهي ڪهڻي ڪي؟ جي هون مارا ٻاپ پڳوون ٿي مڌت مونگت، تو اُو يڪدم آڪاشي ڏوتون ري قوچ را ٻارٺه ٽولا ماري مڌت ڪروا ميلت. (54) پڻ جي هون هم ڪرونٽ، تو شاستر ري اي لڪل واتون ڪم ڪرين پوري ٿمت، جي اي ٻڌوئي ڪئين مون ٿي ضرور ٿيشي.“

(55) پسته اُوٺه ٿي توتنه ايسو ٽولا رون منڪون نٿه ڪيڏو: ”تروٺارون ان ڏونگون لين مون نٿه زهالوا ڪم آياھ؟ هون ڌارٺيوال سون ڪي؟ هون تو تاريخ پڳوون را گهر موئين پيهين شيڪارتوت ريو، توئي پڻ اُوٺه تمي مون نٿه ڪيڏي نه زهاليو. (56) پڻ اي ٻڌوئي ڪئين ايسا هارو ٿيوھ، زم پڳوون رو نياپو ڏيڏا وازون ري لڪل شاستر ري واتون پوري ٿه.“

تئين ٻڌائي شيلا ايسو نٿه ساڏين پاڳي ڳيا.

ايسو نٿه مُڪ پوزاري ڪائيفا ڪن تيڙي زائھ

ان ڌرمي پنچائيت ايسو نٿه موت رهي سزا ڏيڏا رو قينصلو ڪرڻه

(متي 57:26-68، مرقس 14:53-65، لوقا 22:54-55، 63-71، يوحنا 13:18-14، 24)

(57) اُو منڪ جيئي ايسو نٿه زهاليو تو، اُو ايسو نٿه مُڪ پوزاري ڪائيفا ڪن تيڙي ڳيا، جيئنه شاستر زوٺيا وازا ان اسرائيلي قوم را آڳيوون پيڙا ٿيا تا. (58) ان پطرس گهڻي شينئي ڏين مُڪ پوزاري را مولات هوڏي ايسو وونهڙ وونهڙ ڳيو. ان پسته اُو موئين زائين سپايون پيڙو اونگڻا مانھ پيهي ريو، زم زوٺه جي ايسو ٿي ڪي ٿيشي.

(59) موتا پوزاري ان ڌرمي پنچائيت را ٻڌائي منڪ ايسا ري ڳوت ۾ هتا، جي ڪوڪ ايسو رٿه ڪلاڪ ڪوڙئي هاڪ پرين ايسو رو ايوو ڪوئي ڏوه ڪاڍه جيا

ٿي اُو ايسُو نئه موت رئي سزا ڏيوراوي هيڪئه. ⑥0 گهڻي منڪي آوين ڪوڙئي هاڪ پرئي، توي پڻ اوئون نئه ايوئي ڪئين وات نه زڙئي، جيا ري ڪري ايسُو رو ڏوه ڪاڍي هيڪئه. نيٺ ٻي منڪ آيا ⑥1 ان هاڪ پرين ڪيڏو: ”امي ايٺا منڪ نئه ام ڪيتون هومپڙيو: ’هون پڳوون را گهر نئه ڪتم ڪري هيڪونه، ان ترئون ڏيئون ۾ وڙي ايٺا نئه ناوي هيڪونه.‘ ” ⑥2 تيا مانه مڪ پوزاري اوئين اُوپو ان ايسُو نئه ڪيڏو: ”اي هاڪ پرين ٿارو اي ڏوه ڪاڍه ريا، تو تون هايا را پارام ڪئين جواپ نئي ڏيتو، ڪي؟ ” ⑥3 پڻ ايسُو ڪئين نه ٻوليو. تو مڪ پوزاري اوئا نئه ڪيڏو: ”هون تون نئه جيوتا پڳوون رو هون ڏيونه. امون نئه همپڙاو، تون پڳوون رو سونڍل پڇايا وازو ڪريست ان پڳوون رو ڏيڪرو سئه، ڪا نا؟“

⑥4 تو ايسُو اوئا نئه ڪيڏو: ”زم تم ڪيڏوه، تم هون سون. پڻ هون تمون ٻڌون نئه ڪاتري ٿي ڪونه، هوءَ ٿي لين تم ٻي مڪ ذات را ڏيڪرا نئه ڪڙا وازا پڳوون رئه زمئنه پاهنه مون ۾ پينل ان آڪاش رون واڌزون ۾ آوتو ڏيڪشو، ان وات ساوئي ٿيشي جي هون پڳوون را پاها ٿي راز ڪريا وازو سون.“

⑥5 تيون مڪ پوزاري آپ نئه ڏڪي ڏيڪاڙيا هارو آڀرو پيرل گهنگهو ڦاڙيو ان ڪيڏو: ”هوءَ آڀون نئه پيزون هاڪ پريا وازون رئي ڪيوئي ضرورت سئه؟ زوئو، تم ٻي همئنه ڪوني هومپڙيوه جي ايئه آپ نئه پڳوون هرڪو ڪين پڳوون رئي پيڙئي ڪريه. ⑥6 تم ڪيو ڦينصلو ڪروه؟“ تو پنچائيت ري منڪي وڙندي ڏيڏي: ”اي ڏوهاري سئه. ايٺا نئه موت رئي سزا ڏيوو ڪپئه.“

⑥7 تيون اُو ايسُو را مونيئا مانه ٿوڪيا ان اوئا نئه نونشا هڻيا. ان ڪيٽڪ اوئا نئه ٿڀڙون هڻي ⑥8 ان اوئا ٿي پونسيو: ”او پڳوون را سونڍل پڇايا وازا ڪريست، تون پڳوون رو نياپو ڏيڏا وازو سئه، نا؟ تو پسته امون نئه همپڙاو ڪيئنه تون نئه ڏڪ هڻيوه؟“

پطرس ايسٽو رو شيلو هويا رو نا پاڙهه

(متي 69:26، مرقس 66:14-72، لوقا 22:55-62، يوحنا 18:15-18، 25-27)

⑥9 تته توتته پطرس ڏرهار ٿي ٻارو اونگهنا مانه پينو تو. ان هيڪي نوڪروٿي اوتا ڪن آوين ڪيڏو: ”تون پڻ گليل صوپا وازا ايسو پيڙو هتو.“ ⑦0 پڻ پطرس ٻڌون رهه روپرو نا پاڙين ڪيڏو: ”تون ايوئي اوڙي وات ڪم ڪر رهه رهي؟ هون تو ٿوڙي اوتا پيڙو هتو.“

⑦1 تنيون پطرس اوئون زائين مولات را ٻاريا ڌروازا ڪن گيو. پڻ اوته پيڙي نوڪروٿي اوتا ننه ڏيڪيو، ان اوته اوپل ٻڌون منڪون ننه ڪيڏو: ”اي منڪ ايسو ناصرت شهر وازا پيڙو هتو.“ ⑦2 تو پطرس وڙي نا پاڙيو ان هون ڪائين ڪيڏو: ”هون تو هايا منڪ ننه اوڙڪتو ئي نٿي.“

⑦3 ٿوڙيڪ وار ڪيڙ اوته اوپل منڪي پطرس ڪن آوين ڪيڏو: ”اي تو هاسي وات سته جي تون پڻ اوئون موئينليو سته، ڪم تو تاري ٻولي ٿي



ڪهر پڙهه رهي جي تون گليل صوپا رو سته.“ ⑦4 تنيون پطرس پتو مڏيو ان هون ڪائين ڪيو مڏيو: ”هون اوتا منڪ ننه نٿي اوڙڪتو.“ ان يڪدم ڪوڪڙهه ٻونگ ڏيڏي. ⑦5 ان پطرس ننه ايسو رهي ڪيڏل وات ياد آئي جي ”ڪوڪڙا رهه ٻونگ ڏيڏا مور، تون ترڻ وار مارو نا پاڙيه.“ ان پطرس اوئون ٻارو نيهرين ڏوهڪي ڏوهڪي رويو.

يهودي نزم را اڳيون ايسو نڙ رومي راز ڪريا واڙا پيلاطس ڪن تيڙي زانه

(متي 2:1-27، مرقس 1:15، لوقا 2:1-23، يوحنا 18:28-32)

27 ① هوار ٿيو، تو ٻڌي موتي پوزاريئي ان اسرائيلي قوم ري اڳيون آيت
۾ ايسو رنه ڪلاف صلاح ڪرئي جي اوئا ننه ڪيوئه نمونئه مراوئه پرو.
② پسته او ايسو ننه پوندين اوئون ٻارو لي ڳيا ان زائين صويا مانه راز ڪريا
واڙا پيلاطس رنه حواله ڪريو.

يهوداه اسڪريوتي پاهئي ڪاهه

(متي 3:27-30، مک شيلون را ڪوم 18:1-19)

③ زئون ايسو ننه زهلايا واڙه يهوداه ڏيڪيو جي ايسو مانه موت ري سزا رو
ڦينصلو ٿيوه، تيون او گهڻو ڏڪي ٿيو جي اوئه ايسو ننه زهلايوه. تيام او ايسو
ننه زهلايا را تيه چوندي را سڪا پاسا ڏيڏا هارو موتون پوزاريون ان اسرائيلي
قوم رون اڳيونون ڪن ڳيو، ④ ان اوئون ننه پئيه ٿورين ڪيڏو: ”مئين ڏوه
ڪريو. مئين هڪا پيڏوهي منڪ ننه زهلايوه، ان هوه ماري ڪري اوئا ننه
موت رئي سزا زڙشي.“ پڻ اوئي ڪيڏو: ”هايا ۾ امارو ڪي زانه؟ تون زوئنه ان
ٿارو ڪوم زوئنه.“ ⑤ تيا مانه يهوداه او پئيه پوزاريون ڪن پڳوون را گهر
ري پويتر جگا ۾ ڦڳوزين ڳيو پرو، ان آپ زائين پاهئي ڪاڏئي.

⑥ تيون موتي پوزاريئي او پئيه لين آيت ۾ ڪيڏو: ”ڌرم پرموئنه آبي اي
پئيه پڳوون را گهر را ڪزونا ۾ نئي راڪي هڪتا، ڪم تو اي ڪون را پئيه
سه.“ ⑦ تيام اوئي آيت ۾ صلاح ڪرين هايون پئيهون ٿي هڪ ڪيتر ويساتو
ليڏو، جيا ننه ڪونپار رو ڪيتر ڪيتا، زم اوئا ننه پرڏيشيون هارو مقوم رئي
جگا ناوين راڪه. ⑧ هايا ري ڪري اوئا ڪيتر ننه آز هوڏي ڪون رو ڪيتر ڪه.

⑨ هيوئه نمونئه پگوون رو نياپو ڏيڏا واڙا يرمياہ رئي ڪيڏل اي وات پورئي ٿئي:

”ان اوئي تيه چونڌي را سڪا ليڏا،

جيا پئيها اسرائيلي قوم ري منڪي

اوئا منڪ هارو گهڻا هزميا.

⑩ ان اوئي هائي پئيها ڪونپار رو ڪيتر ليڏا هارو ڏيڏا،

زم ايشور مون نئه ڪريا رو ڪيڏو تو.

رومي راز ڪريا واڙو پيلاطس ايسو ٿي پڙا پونس ڪرئ

(متي 14-11:27، مرقس 15:2-5، لوقا 23:3-5، يوحنا 18:33-38)

⑪ اوئه توتئه ايسو صوپا مانه راز ڪريا واڙا هومو اوپو تو. راز ڪريا واڙه

اوئا ٿي پونسو: ”تون يهوديون رو پاڏشا سئ، ڪي؟“ تو ايسو ڪيڏو: ”زم

تمي ڪوه ريا، هون سون.“ ⑫ پڻ زئيون موتي پوزاريئي ان اسرائيلي قوم ري

آگيونوي اوئا مانه ڏوه ڏيڏا، تو ايسو ڪئين جواب نه ڏيڏو. ⑬ تئين راز ڪريا

واڙه. پيلاطس اوئا نئه ڪيڏو: ”اي هاڪ پرين تون مانه اتا گهڻا الزوم هئنه

ريا. تون هومپڙو نٿي، ڪي؟“ ⑭ توني پڻ ايسو ڪيا ئي الزوم را پارام اوئا

نئه ڪئين جواب نه ڏيڏو. هايا وات مانه راز ڪريا واڙو گهڻو حيرون ٿيو.

رومي راز ڪريا واڙو پيلاطس

ايسو نئه موت رئي سزا ڏيڏا رو قينصلو همپڙاوه

(متي 26-15:27، مرقس 15:6-15، لوقا 23:13-25، يوحنا 18:39-19:16)

⑮ هوه هڪ رواز هتو جي سال ٿو سال پاشڪا پرپ مانه رومي راز ڪريا

واڙو يهودي قوم رو هڪ قيڏي ساڏتو، جيا نئه پڻ پرپ مانه اول زاترو سڏاوا

ڪرتا. ⑯ اوئا وڪت ۾ يهودي قوم رو هڪ مشور قيڏي هتو، جيا رو نوم برابر

هتو. ⑰ تيام، زئيون يهودي قوم را منڪ پيڙا ٿيا، تئين رومي راز ڪريا واڙه

پيلاطس اوتون ٿي پونسيو: ”تمارئي ڪيوي مرضي سٺه؟ هون تمون هارو برابر
نٺه ساڏون، ڪا ايسو نٺه ساڏون، جيا نٺه پڳوون رو سونديل پچايا وازو ڪريست
ڪئو؟“ (18) اوت هه ڪيڏو، ڪم تو اوت نٺه ڪهر هتي جي يهودي قوم را موتا
پوزاري ان آڳيوون ايسو مانه ريشي بڙهه، ان تيام اوت ايسو نٺه زهلاوين اوت
رٺه حواله ڪريوه.

(19) زيون پيلاطس قينصلو ڪريا هارو آپري گهاڙي مانه پينل هتو، تو اوت
ري ڏوشي اوت نٺه ايسو را پارام اي نياپو ڏي ميليو: ”تمي اوت پيڏوهي منڪ
ٿي ڪئين مت ڪرو، ڪم تو رات مون نٺه اوت را پارام هيڪ شپنو آيو، ان هيا
ري ڪري هون گهٽي گهٽيون ڇه سون.“ (20) پڻ موتي پوزاري ان يهودي قوم
ري آڳيووني آپري قوم رن ٻڌون منڪون نٺه اي وات شيڪاڙي جي او برابر نٺه
ساڏيا رو ان ايسو نٺه موت رٺي سزا ڏيڏا رو مونگهه.

(21) تيا مانه رومي راز ڪريا وازه پيلاطس يهودي قوم رن منڪون ٿي
پونسيو: ”تمارئي ڪيوي مرضي سٺه؟ هون ايتون پيئون موئين ٿي تمون هارو
ڪيا نٺه ساڏون؟“ تو اوت ڪيڏو: ”برابا نٺه ساڏو!“ (22) تو پيلاطس اوتون ٿي
پونسيو: ”تو پسته هون ايسو ٿي ڪي ڪرون، جيا نٺه پڳوون رو سونديل پچايا
وازو ڪريست ڪئو؟“ تو ٻڌي منڪي ڪيڏو: ”هايا نٺه هوزي مانه ساڙين مارو
پرو.“ (23) تيا مانه پيلاطس ڪيڏو: ”ڪم؟ ايتو ڪيو ڏوه ڪريوه؟“ پڻ او
ماڳي وڌار هه زور زور ٿي ٿئي ڪرين ڪيو مڏيا: ”هايا نٺه هوزي مانه ساڙين
مارو پرو!“

(24) تيام، زيون پيلاطس زيو جي آپري وات منايا ڇه ڪئين نٺي وٽو، پڻ
ماڳي ڦسري تيا وازي سٺه، تيون اوت ڪينڪ پوٿي مڳاوين ٻڌون منڪون
رٺه روپرو آپرا هات ڏويا ان ڪيڏو: ”ايتا منڪ رو ڪون مون مانه نه پڙهه. تمي
زوٽو ان تمارو ڪوم زوٽه.“ (25) تيا مانه يهودي قوم ري ٻڌي منڪي ڪيڏو:
”اوت رو ڪون امون مانه ان امارا اولاد مانه پلٽه پڙهه.“

②6 تئيون پيلاطس برابا ننه اوتون هارو ساڏيو پرو، پڻ ايسو ننه چاڀڪا هئاوين قوجيون رنه حواله ڪريو، زم اوتا ننه هوزي مانه ساڙين مارنه پرو.

رومي قوجي ايسو مانه ننولي ڪرئه

(متي 27:27-31، مرقس 15:16-20، يوحنا 19:2-3)

②7 تئيون راز ڪريا واڙا پيلاطس را قوجي ايسو ننه گهڊ موئين تيڙي گيا، ان قوچ رو ٻڌو تولو ايسو ڪن پيڙو ڪريو. ②8 ان اوتني ايسو رو گهنگهو اوتراوين راتا رنگ رو چال اوتا رون ڪوون مانه اوڍاڙيو، ②9 ان ڪونتن رو تاج گونين اوتا را ماتام پيرايو، ان اوتا را زمنا هات ۾ هيڪ لاکڙي زهلاوئي. ان پسنه ٻڌي اوتا ري پگي پڙين اوتا مانه ام ننولي ڪري: ”او يهوديون را پاڏشا، نمسڪارا!“ ③0 ان اوتا مانه ٽوڪين او هائي لاکڙي اوتا تي لين اوتا ننه ماتا ۾ هئا مڏيا. ③1 زئيون قوجي ايسو مانه ننولي ڪري ريا، تئيون اوتني چال اوتا تي اوترايو، ان اوتا را اپرا لوگهڙا وڙي پيرايا، ان پسنه اوتا ننه هوزي مانه ساڙيا هارو ٻارو لي گيا.

قوجي ايسو ننه هوزي مانه ساڙئه

(متي 27:32-44، مرقس 15:21-32، لوقا 23:26-43، يوحنا 19:17-27)

③2 زئيون قوجي ايسو ننه لين شهر تي ٻارا زاتات ريا، تو اوتون ننه ڪريني شهر رو هيڪ منڪ پيڙو ٿيو، جيا رو نوم شمعون هتو. ان اوتني ايتا ننه پيگر ۾ زهالين ايسو رئي هوزي اوپڙاوي. ③3 زئيون اوتا ماڳ پوگيا جيا ننه ”گلگتا“ ڪئه، جيا رو مطلب سئه پوڏڪي رو ماڳ، ③4 تئيون اوتني ايسو ننه پيدا هارو ايوو ڌراڪون رو رس ڏيڏو جيا ۾ ڏوڪ گهت ڪريا هارو نشا واڙي ڪارئي شينه پيڙول هتئي. پڻ هائي ساڪين هونش ۾ ريا هارو اوتنه پيدا تي نا پاڙيو. ③5 تئيون اوتني ايسو ننه هوزي مانه ساڙيو، ان پڪا نوڪين اوتا را لوگهڙا آبت ۾ وراوي

ليذا. ③6 ان اوتنه پيهين اوتا مانه پاهرو ذيوا مديا.

③7 ان اوتني هوزي مانه ايسو را ماتا اوبر هيڪ پتئي هئي، جيا مانه لكل هتو جي ايسو كيا وات ري كري موت رئي سزا كائو ريو. لكل اي هتو:

”اي يهوديون رو يادشا ايسو سئ.“


③8 پسته اوتني ايسو پيڙا پيئون ڌاڙيلون

نئ پڻ ڌار ڌار هوزي مانه ساڙيا، هيڪا

نئ ايسو رنه زمئنه پاهنه، ان پيڙا نئ

ڏاوتنه پاهنه.

③9 جيا منڪ اوتون متتات ريا، او ماثو



ڏڳاوين ايسو مانه نئولي ڪرتات ريا، ان ام ڪين ايسو رئي پيعزتئي ڪرتات

ريا: ④0 ”تون تو پڳوون رو گهر پونگين ترئون ڏيئون ڀر وڙي نيا وارو هتو،

تون هونء آپرا آپ نئ پچاو. جي تون پڳوون رو ڏيڪرو سئ، تو هوزي تي نيسو

اوتري او.“ ④1 ان هيونء نمونء موتا پوزاري، شاستر زوٿيا وازا ان اسرائيلي قوم

را آڳوون اوتا مانه نئولي ڪرين ام ڪيتات ريا: ④2 ”ايئ پيڙون نئ پچايا، پڻ

آپ نئ نتئي پچاوي هيڪتو. جي اي هاس ڀر اسرائيلي قوم رو يادشا سئ، تو

اي همئنه رو همئنه هوزي تي نيسو اوتري اونء، ان امي ايئا مانه يقين ڪرون.

④3 ايئ پڳوون مانه پروسو را ڪيوه. جي اي پڳوون نئ وئنه، تو پڳوون ايئا نئ

همئنه پچاونه. ڪم تو ايئنه ڪيڏو تو جي هون پڳوون رو ڏيڪرو سون.“ ④4 ان

جيا ڌاڙيل ايسو پيڙا هوزي مانه سڙاول هتا، اوتني پڻ همرام ايسو نئ ميئا ڏيڏا.

ايسو رو موت

(متي 45:27-56، مرقس 15:33-41، لوقا 23:44-49، يوحنا 19:28-30)


④5 پپورون رو ٻارون واڳون تي لين ترئون را توتا هودِي پورا ملڪ ڀر اندارو تي

گيو. ④6 ترئڪ واڳي ايسو گهٽا زور تي ڪيڏو: ”ايلي، ايلي، لما شبعتنِي؟“

جيا رو مطلب سٺه ”او مارا پڳوون، او مارا پڳوون، تمی مٺون نٺه کم ساڏيوه پرو؟“

④7 هائي هومپوزين اوتٺه اوپل منگون موئين ٿي ڪئينڪ زئا، ”ايلي“ ويٺ رو مطلب ڳلت هزمين، ام ڪيو مڏيا: ”اي ايلياه نٺه هاڏ ڪرٺه ريو.“ ④8 ان يڪدم اوتون موئين ٿي هيڪٺه زٺه. ڊوڙي زائين توري ري چاري جيوئي شينھ ڪاتا ڌراڪ رس ۾ ٻوڙي، ان او لي آوين هيڪي لاکري ۾ پرووين ايسو نٺه سونپيا هارو ڏيڏي. ④9 پٺن پيزا ڪيتات ريا: ”اوپو رٺه! زوتون پلا، ايلياه اوتو نٺه پچاواو اوتھ، ڪا نا.“

⑤0 تنيون ايسو وڙي موتي رڙ ڪري، ان اوتو رو هاه نيھري ڳيو. ⑤1 ان اوتھ ئي توتٺه پڳوون را گھر موئين پويتر جگا رو پڙڏو ماٺون لين هيٺ هٺوڏي پيئون تڪرون ۾ قاتي ڳيو، ان زمئي ڏٺي، ان شيپرون پنڳائي ڳي. ⑤2 ان مقوم کلي ڳيا، ان پڳوون را سونيل منڪ جيا مري ڳيا تا، اوتون موئين ٿي پڳوون گهٺون



منكون ننه جيوي اوناڙيا، (53) ان او مقومون موئين ٿي نيهرين ايسو رنه جيوي اونيا ڪيڙ پوٽر شهر يروشلم ۾ ڳيا، ان گهڻون منكون ننه ڏيکارا ڏيڏا.



(54) قوجيون رو ساڀ ان او قوچي جيا اونا پيڙا ايسو مانه پاهرو ڏيتات ريا، او زمي ننه ڏهڻي ان پيڙي واتون ٿيڻي ڏيڪين گهڻا پيڻائي ڳيا، ان ام ڪيوا مڌيا: ”هاس ۾ اي پڳوون رو ڏيڪرو هتو.“

(55) اوڻه گهڻي ڏوشي پڻ هتي جي شيئا ٿي زوتيت ري. او ايسو رئي شيوا ڪريا هارو گليل صويا ٿي ايسو پيڙي آي تي. (56) اوڻون موئين مريم مگدلينني، يعقوب ان

يوسف رئي مان مريم، ان زبدي رئي ڏوشي پڻ هتي، جيا را ڏيڪرا يعقوب ان يوحنا هتا.

ايسو را لاش ننه پونئيرا. جيو مقوم موئين راڪڻه

(متي 57:27-61، مرقس 15:42-47، لوقا 23:50-56، يوحنا 19:38-42)

(57) زئيون هونز ٿي، تئيون ارمتيه شهر رو هيڪ شائوڪار منڪ آيو، جيا رو نوم يوسف هتو. او آپ پڻ ايسو رو شيلو هتو. (58) اوڻه پيلاطس ڪن زائين ايسو رو لاش مونڳيو. ان پيلاطس اونا ننه لاش ڏيڏا رو حڪم ڏيڏو. (59) پسته يوسف لاش ننه لين اونا ننه مونگها سوتي صاف ڪڍڻ موئين وينتوزيو، (60) ان نوا ناول پونئيرا جيو مقوم موئين ميليو ٿو، جيا ننه اوڻه آپ هارو ڏونگر ۾ کوترايو تو. ان پسته موئي شيپر ريٽوين مقوم را مونڊا آڏي ڏين ڳيو پرو.

(61) اوڻه مريم مگدلينني ان پيڙي مريم مقوم هومي پني تي.

رُومي قوجي ايسو را مقوم مانه پاهرو نئه

⑥2 اوتا جُمعا ڪيتر پيزنه ڏي، موتا پوزاري ان فريسي پالتي را منڪ ٻڌائي پيزا تين رومي راز ڪريا وازا پيلاطس ڪن آيا. ⑥3 ان اوتا نئه ڪيڏو: ”ساب، امون ننه ياد سئه جي زئيون هائي ڪوڙو منڪ حياتي هتو، تو اوتنه ام ڪيڏو تو جي ’پگيون مون نئه ترئمئه ڏي جيوي اوناڙشي.‘ ⑥4 تيام تمي ترئيون ڏيئون هُودِي اوتا را مقوم مانه پاهرو ڏيوراوو، متون اوتا را شيلا آوين اوتا رو لاش سورئي ڪرين لي زائ، ان اماري يهودي قوم رن منڪون نئه ڪئه جي پگيون اوتا نئه مرلون موئين ٿي جيوي اوناڙيوه. جي هم ٿي زائ، تو هايا پيزا ڪوڙ ري ڪري پيرهان ڪوڙ ٿي وڌارئه گهڻو نقصون ٿيشي.“ ⑥5 تو پيلاطس اوتون نئه ڪيڏو: ”نيڪ سئه. هون پاهرو ڏيڏا هارو تمون نئه قوجي ڏيونه. تمي زائين، زم تمون نئه وٺه، تم پوري سڪتي ٿي مقوم مانه پاهرو ڏيوراوو.“ ⑥6 تيام اوئي زائين مقوم را موندا آڏئي ڏيڏل شيپر رئه چوڌاري موهرن هئين قوجيون نئه اويارين مقوم مانه سڪتي ٿي پاهرو ڏيورايو.

ايسو جيوي اونئھ، ٽيڪاڙا نئه ان شيلون نئه هيڪ ڪاس ڪوم پزاوئھ

ايسو موت ٿي جيوي اونئھ

(متي 10-1:28، مرقس 8-1:16، لوقا 12-1:24، يوحنا 10-1:20)

28 ① پويتر ڏي ڪيتر، آچار رئه ڏي، ڏي اُوگيا رئه توئنه، مريم مگدليني ان پيڙي مريم مقوم نئه زووا نيهرِي. ② ان زوئو، زمئي گهڻي ڏهڻي، ڪم تو ايشور رو هيڪ ڏوت آڪاش ٿي اوتري آيو ان مقوم مانه آوين مقوم را موندا ٿي آڏئي ڏيڏل شيپر ريڙوين هيڪه پاهنه ميلئي ان اوتا مانه سڙين پينو

نو. ③ اُوئا رو رُوپ وِيزِري را گهوڙ زبكتوت ريو، ان اُوئا را لوگهڙا ڌوڙا شيتو هتا. ④ آڪاشي ڏوت ننه ڏيڪين، جيا ڦوڄي مقوم مانه پاهرو ڏيتات ربا، اُو پيڪ ري ڪري ڌرُوزا مڏيا ان مرلون را زم زمي مانه پڙيا نا. ⑤ ڏوشي اوتنه اوين پوتي، تو هائي ٻڌوئي زوئين پيئوئي. تيام آڪاشي ڏوت اوتون ننه ڪيڏو: ”تم مت پيئائو! ڪم تو مون ننه ڪهر سئه جي تم ايسو ننه گوتوه ري، جيا ننه هوڙي مانه ساڙين ماريوت پرو. ⑥ اُو ايتنه نتي، ڪم تو زم اوتنه مور ٿي ڪيڏو تو، تم پگهون اوتنه موت ٿي جيوي اوناڙيوه. اوين اينا جگا ننه زوئو، جيئنه اوتنه رو لاش راکل هتو. ⑦ ان تم جلدِي زائين اوتنه رون شيلون ننه همپڙاوو جي پگهون اوتنه مرلون موئين ٿي جيوي اوناڙيوه، ان هوننه اُو تمون مور گليل صوپا ڀر زاشي، ان اوتنه تم اوتنه ڏيڪشو. ياڌ راکيا، مئين تمون ننه ٻڌي وات همپڙاوئيه پري.“

⑧ تو پسنه ڏوشي مقوم ٿي جلدِي زائين پيڪ ڀر ان گهڻي ڪشي ٿي ايسو رون شيلون ننه همپڙايا هارو ڍوڙي گي. ⑨ ان اوچتو ايسو اوتون ڏوشيون ننه پيڙو ٿيو ان ڪيڏو: ”نمسڪار!“ تو اُو ايسو ڪن اوين اوتنه ري پگي لاگي، ان اوتنه رئي پوزا ڪري. ⑩ تئيون ايسو اوتون ننه ڪيڏو: ”مت پيئائو! تم زائو، مارون پايون ننه همپڙاوو جي اُو ايتون گليل صوپا ڀر زائنه، ان اوتنه اُو مون ننه ڏيڪشي.“

موتا پوزاري ان يهودي قوم را اڳيون

ايسو رنه جيوي اونيا رئي وات هتاروا ڪرئنه

⑪ زئيون ڏوشي آڀرو شيرڙو لين زاتيت ري، تو جيا ڦوڄي مقوم مانه پاهرو ڏيتات ربا، اوتون موئين ٿي ڪئينڪ شهر موئين آيا ان موتون پوزاريون ننه ٻڌي واتون همپڙايو جي ڪي ڪي ٿيوه. ⑫ تو موتي پوزاريئي يهودي قوم رون اڳيونون پيڙا ٿين آڀر صلاح ڪري، ان پسنه ڦوڄيون ننه گهڻي رشوت

ڏيڏئي، ⑬ ان اُوئون ننه ڪيڏو: ”تمي ام ڪيا جي امون ننه تو اُونگه آوي گهي تي، ان اُوئا را شيلا رات را آيا ان اُوئا رو لاش سورئي ڪرين لي گيا. ⑭ ان جي هائي وات راز ڪريا وازا ڪن پوتنه، تو امي آپ اُوئا ننه ڪش ڪرين وات مناوشون، ان تمون ننه ڪيا ڪر ۾ نئين پڙوا ڏيون.“

⑮ تو پسئه قوچيئي پئها ليدا را، ان زم اُوئون ننه شيڪاڙيو تو، همروم ڪريو. ان آز هُوڏي اي ڪوڙي وات يهوديون ۾ پڪيڙل سئه، جي ايسو را شيلا اُوئا رو لاش سورئي ڪرين لي گيا تا.

ايسو اُپرون شيلون نئ هيك ڪاس ڪوم پڙاوهه

(متي 20:16-28، مرقس 15:16-18)

⑯ ايسو را اڳيارئه سونڊل شيلا گليل صويا موئين اُوئا ڏونگر ڪن گيا، جيئنه ايسو اُوئون ننه زايا رو ڪيڏو تو. ⑰ اُوئنه ايسو اُوئون ننه ڏيڪاڙو ڏيڏو، ان اُوئا ننه ڏيڪين شيلي اُوئا رهي پوزا ڪري. پڻ اُوئون موئين ٿي ڪئينڪ شيلا شڪ ۾ پڻ هتا. ⑱ تو ايسو اُوئون ڏوڪڙو آوين اُوئون ٿي ٻوليو ان ڪيڏو: ”پگهون آڪاش مانھ ان ڌرتي مانھ ٻڌوئي ڪئين مارا ڪيڏام ڏيڏوه. ⑲ تيام تمي ٻڌيل زائين ٻڌيون قومون رون منڪون ننه مارا شيلا ناوو. اُوئون ننه پگهون ٻاپ، ڏينڪرا ان پويتر آتما را نوم ٿي پويتر سنون ڏيو، ⑳ ان اُوئون ننه شيڪاڙو جي او اُوئون ٻڌيون واتون مانھ وئ، جي واتون مئين تمون ننه شيڪاڙيه. ان ياد راکو، هون هميش ڏنيا ري پچاڙي هُوڏي تمون پيرو هوئيه.“

مرقس را لکل شاستر رڳي هزموڻي

شاستر لکيا واڙو

شاستر را اينا ڪتاب ۾ لکيا واڙا رو نوم ڪيڻهه نٿي لکل، پڻ شروع ٿي لين منک ام هزمئھ جي مرقس اينا نه لکيوھ. مرقس يھودي قوم رو هتو، اوتا رو اصلي نوم يوحنا هتو، ان او آپري مان پيڙو يروشلم شهر ۾ ريتو (مک شيلون را ڪوم 12:12). ڪئينڪ منک ام پڻ هزمئھ جي ماڙي مانھ جيا ڪما ۾ ايسو آڪري وار آپرون شيلون پيڙي روئي ڪاڏي (متي 18:26، مرقس 13:14-15، لوقا 10:22-12)، او ڪمرو مرقس را گھر رڳي اوتاگ هئي، ان جيو جون اوڻه رات ايسو وونهڙ وودو، ان پست ايسو نه زهاليا واڙون ٿي پاڳي ڳيو، او زويام مرقس آپ هتو (مرقس 51:14-52). ايسو رڻه مريا ڪيڙ زئيون ايسو رو مک شيلو پطرس وشواسيون رو اڳيوون ٿيو، تعيون وشواسي منک مرقس ري گھري پيڙا ٿينا (مک شيلون را ڪوم 12:12). تيام مرقس پطرس نه گھڻو اوڙڪتو، ان پطرس مرقس نه آپرا ڏيڪرا را زم هزمئو (1 پطرس 5:13). زونا وڪت ٿي لين منک هزمئھ جي زئيون مرقس اي ڪتاب لکيو، تعيون اوڻه پطرس ري واتون هومپڙين لکيو.

مرقس برنباس رو عزيز پڻ هتو (ڪلسيون 10:4)، ان زئيون برنباس ان پولوس يروشلم شهر رون وشواسيون نه امداد ڏين پاسا انطاڪيه شهر ۾ ڳيا، تعيون مرقس پڻ اوڻون پيڙو انطاڪيه شهر ۾ ڳيو (مک شيلون را ڪوم 25:12). تيا ڪيڙ زئيون برنباس ان پولوس ايسو را پارام هميڙايا هارو پيرھيون چڪر ڪريو، تو مرقس (جيا رو اصلي نوم يوحنا هتو) پيڙو ڳيو (مک شيلون را ڪوم 5:13). پڻ چڪر را وس ۾ مرقس اوڻون نه ساڏين پاسو يروشلم شهر ۾ آپري گھري ڳيو پرو (مک شيلون را ڪوم 13:13). تيا ڪيڙ زئيون پولوس ان برنباس پيڙو چڪر ڪريا رو ٿينصلو ڪريو، تعيون برنباس مرقس نه آپ پيڙو تيڙي زاوا ڪريو، پڻ پولوس هايا وات ۾ ڪش نتو ڪم تو مرقس اڳي ڪوم ساڏيوت پرو. تيام برنباس مرقس نه تيڙين هيڪه پاهه چڪر ڪريو، ان پولوس سيلاس نه تيڙين پيڙهه پاهه چڪر ڪريو (مک شيلون را ڪوم 15:36-41). تيا ڪيڙ پولوس ان مرقس آيت ۾ نه ڳيا ان زئيون پولوس روم شهر ۾ قيڙي هتو، تعيون مرقس اوتا پيڙو ڪوم ڪرتو (ڪلسيون 10:4، فيلمون 1:24). آڪر ۾ زئيون پولوس پيڙي وار روم شهر ۾ قيڙي هتو، تعيون اوڻه مرقس نه مدت ڪريا هارو آپ ڪن تيڙايو (2 تيمٿيس 4:11).

اينا ڪتاب ري آڪري باره آيتون (مرقس 9:16-20) بڏون زنون ڪتابون ۾ نٿي لکل.

تيا م گهٺا منڪ هزمٺه جي زويام اي آيتون مرقس ري لڪل ٿئي پڻ تيا ڪيڙ پيزڻ ڪيٽڪ لڪي هوشي.

پڪي ڪبر ٿئي جي مرقس اي ڪتاب ڪيئون لڪيو، پڻ اندازام 50-67ع م لڪيو.

شاستر ڪيون منڪون هارو لڪيو

مرقس شاستر رو اي ڪتاب ڌاري قوم رن منڪون هارو لڪيو. تيا م او آبري يهودي قوم رن ريت روازون را پارام هزماوٺه (مرقس 2:7-4، 15:42)، ان آبري عبراني بولي رن ويئون رو ترجمو پڻ ڪرٺه (مرقس 3:17، 5:41، 7:34، 15:22). ام لاڳهه جي مرقس اي شاستر ڪاس ڪرين روم شهر رن وشواسيون هارو لڪيو، ڪم تو اوئون ڏيئون م مرقس پولوس پيڙو ان بطرس پيڙو روم شهر م هتو (2 تيمٺيس 4:11، 1 بطرس 5:13).

شاستر لڪيا رو مطلب

ام لاڳهه جي مرقس شاستر رو اي ڪتاب ڪاس ڪرين روم شهر رن وشواسيون هارو لڪيو، زم ڏورون ڏيئون م اوئون رٺي هيئت وڌن ان او ايسو مانه وشواس نه ساڌن. اوٺا وڪت م رومي حڪومت وشواسيون نه تنگ ڪرتي، ان نيٺ، اندازام 68ع م، رومي حڪومت رٺه نيرو نومي پاڌشا بطرس نه ان پولوس نه ايسو مانه وشواس راکيا ري ڪري موت رٺي سزا ڏيڻي. تيا م ايٺا ڪتاب م گهٺي ماڳي لڪل سه جي ايسو ڪتا ڏڪ سهيا، ان وشواسيون رٺه پڻ ايسو را زم ڏڪ سهو پڙشي (مرقس 1:12-13، 8:34-38، 10:29-30، 10:32-34، 10:39، 10:45، 13:9-13).

مرقس پريو ايسو رن ڪرل پرسون مانه گهٺو ڏيون ڏنھ جي ايسو آبري ڪڙا ٿي منڪون نه هازا هورا ڪريا، پوت ڪاڍيا، ان ٻڌائي جڳت مانه آبري اڪٽارٺي ڏيڪارٺي. مرقس ايٺا ڪتاب م پريو ايسو رٺي اي ڪيڏل وات پڻ لڪي جي پڳوون رو گهر ڪنم ٿيشي (مرقس 13:1-31). هائي ڪيڏل وات 70ع م پورٺي ٿي، زئون رومي فوج يروشلم شهر م آوين پڳوون رو گهر ڪنم ڪريو پرو. هايا ٿي پڳوون يهودي ڌرم رو مال ساڙيا رو نمونو ڪنم ڪريو پرو، ان يهودي ڌرم رن اوئون منڪون نه سزا ڏيڻي، جيا ايسو نه پڳوون رو سونڊل پڇايا واڙو ڪريست نتا موتنا. هيوت نمونو پڳوون آپ ٿاڻي ڏيڻي جي ايسو هاس م پڳوون رو سونڊل پڇايا واڙو ڪريست سه، جيئنه ٻڌون منڪون رن ڏوهون ري ماڻي هارو آبرو جيو پڳوون را نوم مانه ڏيڻوه.

ايئا كتاب موئين اي حصا سئ:

يوحنا پويتر سنون ڏيڏا واڙو پريو ايسو را آيا هارو منكون نئ تيار كرئھ	8-1:1
ايسو پويتر سنون لئھ ان شيطون اوئا نئ پڳوون ري مرضي ٿي قيروا كرئھ	13-9:1
ايسو گليل صويا موئين پڳوون رو كوم كرئھ	29:6-14:1
ايسو ڌاريون قومون رون ملڪون مڙ زائين پڳوون رو كوم كرئھ	29:9-30:16
ايسو وڙي گليل صويا موئين پڳوون رو كوم كرئھ	50-30:9
ايسو گليل صويا ٿي يروشلم شهر هومو زائھ	52-1:10
يروشللم شهر م ايسو رو آكري هفتو	47:15-1:11
ايسو جيوي اونئھ، ڏيڪاڙا ڏئھ ان آڪاش مانھ سڙي زائھ	20-1:16

نوٽ: ڪئينڪ ترجمون م مرقس 1:9 ربي آيت مرقس 39:8 سئ، ان تيا ڪيڙ مرقس 2:9 ٿي لين 50:9 هوي هر آيت رو نمبر هيڪ گھت سئ.

ايئا كتاب را شاسنڙ ٿي بيڙا حوالا:

مرقس 2:1 ملاڪي 1:3	مرقس 12:9 ملاڪي 5:4-6
مرقس 3:1 يسعياھ 3:40	مرقس 13:9 متي 14:11
مرقس 44:1 احبار 32-1:14	مرقس 13:9 1 سلاطين 2:19, 10
مرقس 10:2 ڊاني ايل 14-13:7	مرقس 48:9 يسعياھ 24:66
مرقس 24:2 خُروج 10-8:20	مرقس 49:9 احبار 13:2
مرقس 26-25:2 1 سموئيل 6-1:21	مرقس 5-4:10 استيشنا 4-1:24
مرقس 12:4 يسعياھ 10-9:6	مرقس 6:10 پيدايش 27:1
مرقس 25:5 احبار 25:15	مرقس 8-7:10 پيدايش 24:2
مرقس 15:6 ملاڪي 5:4	مرقس 19:10 خُروج 16-12:20
مرقس 18:6 احبار 16:18	مرقس 19:10 استيشنا 20-16:5
مرقس 7-6:7 يسعياھ 13:29	مرقس 9:11 زبور 26:118
مرقس 10:7 خُروج 12:20	مرقس 10:11 2 سموئيل 12:7, 16
مرقس 10:7 استيشنا 16:5	مرقس 15:11 خُروج 16-13:30
مرقس 10:7 خُروج 17:21	مرقس 17:11 يسعياھ 7:56
مرقس 10:7 احبار 9:20	مرقس 17:11 يرمياھ 11:7
مرقس 28:8 ملاڪي 5:4	مرقس 11-10:12 زبور 23-22:118

مرقس 24:14 31:31-34	مرقس 19:12 25:5-6
مرقس 27:14 7:13	مرقس 26:12 3:6
مرقس 49:14 7:13	مرقس 30-29:12 6:4-5
مرقس 62:14 14-13:7	مرقس 31:12 18:19
مرقس 64:14 16:24	مرقس 36:12 1:110
مرقس 23:15 21:69	مرقس 14:13 27:9
مرقس 24:15 16:22	مرقس 14:13 31:11
مرقس 24:15 18:22	مرقس 14:13 11:12
مرقس 28:15 12:53	مرقس 24:13 10:13
مرقس 32-29:15 7:22	مرقس 25:13 4:34
مرقس 34:15 1:22	مرقس 26:13 14-13:7
مرقس 36:15 21:69	مرقس 21-20:14 9:41
	مرقس 24:14 8-6:24

مرقس

رو لکل پریو ایسو را پارام
پویتر شاستر



کفرنحوم شهر

یوحنا پویتر سنون ڏیندا وازو
پریو ایسو را آیا هارو منکون نڌ تیار کرڻه

(متی 12-1:3، مرقس 8-1:1، لوقا 18-1:3، یوحنا 19:1-28)

1 ① ڀڳوون را ڏیکرا ایسو کریست را پارام کُشی رڻي کبرام شروع ٿهه.
② ڀڳوون رو نیاپو ڏیندا وازا یسعیاہ را شاستر موئین ڀڳوون رڻي کیدل
ای وات لکل سڻه:

”زو، هون آپرو نیاپو ڏیندا وازو تون ٿي مور میلونه،
او ٿارا آیا مور تون هارو مارگ تیار کرشي.“

③ رڻ موئين هڪا پوڪار پاڙيا وازا رو آواز آوئھ:
 پريو را آيا هارو آب نئھ تيار کرو!
 اوتا هارو آپرا شيرزا سدا ناوو!




④ پڳوون ري هيا ڪيڏل وات پرموئنه يوحنا پويتر سنون ڏيڏا وازو آيو ان رڻ ۾ منڪون نئھ همپراوا مڏيو جي ”آپرا ڪراپ ڪوم ساڏين توبونه ڪرو ان پڳوون ري وات مانھ وو، ان پويتر سنون ليو، تو پڳوون تمارا ڏوه ماڦ ڪرشي.“ ⑤ ان پورا يهوديه صوپا ٿي ان يروشلم شهر ٿي ٻڌائي منڪ اوتا ڪن آوا مڏيا. ان اوتي آپرا ڏوه مونين ڀردن ڌريا ۾ اوتا ٿي پويتر سنون ليڏو.

⑥ يوحنا اوننون ري زات را ناول لوگهڙا پيرتو ان ڪڙيون ۾ سونهڙا رو پتو بوندتو. ان او ٿيڏ ان مڏ کاتو. ⑦ ان اوئھ منڪون ۾ اي پرچار ڪريو: ”مون ڪيڙ هيڪ ايوو منڪ اوئھ ريو جيو مون ٿي گهڻي ڪڙا وازو سئھ. هون تو ايوو پڻ نٿي جي اوتا هومو نمين اوتا رون زوڙون را ڪشا ڪولون. ⑧ مئين تمون نئھ پوڻي ٿي پويتر سنون ڏيڏوه، پڻ او پويتر آتما ٿي پويتر سنون ڏين تمون نئھ پويتر ڪرشي.“

ايسنو پوينتر سنون لئه ان شيطون اوتا نئه پڳوون ري مرضي تي قيروا كرئه

ايسنو پوينتر سنون لئه

(متي 17-13:3، مرقس 11-9:1، لوقا 22-21:3)



⑨ اوتون ڏيئون ۾ ايسو گليل صوڀا را ناصرت شهر تي آيو، ان يردن ڌريا ۾ يوحنا تي پوينتر سنون ليڏو.

⑩ زنيون ايسو پوينتر سنون لين پوڻي تي بارو نيهزتوت ريو، تنيون يڪدم اونه آকাশ نئه ڪلتون ڏيڪيو ان پوينتر آتما نئه پارياوا را روپ ۾ آب مانه اوترتون ڏيڪيو. ⑪ ان آকাশ تي پڳوون رو آواز آيو: ”تون مارو پريمي ڏيڪرو سئه. هون تون تي گهڻو ڪش سون.“

پڳوون رو دشمن شيطون

ايسنو نئه پڳوون ري مرضي تي قيروا كرئه

(متي 11-1:4، مرقس 13-12:1، لوقا 13-1:4)

⑫ پسئه يڪدم پوينتر آتما را ڪيڏا تي ايسو رڻ موئين ڳيو. ⑬ ان او چاليهون ڏيئون هڏي رڻ موئين ريو، ان شيطون اوتا نئه پڳوون ري مرضي تي قيروا هارو آزماوتو ريو. او جهنگلي زناورون وسا ريو ان آڪاشي ڏوت اوتا رئي همپاڙ ڪرتا ريا.

ایسو گلیل صویا موئین پڳوونَ رو کوم کرته

ایسو گلیل صویا موئین پڳوونَ را پارام شیکاژوا شروع کرته

(متی 4:12-17، مرقس 1:14-15، لوقا 4:14-15)

⑭ یوحنا را زهلیا کیژ، ایسو گلیل صویا ۾ گبو ان منکون ننه پڳوونَ رئي ڏيڏل کُشي رئي کبر همپڙاؤوا مڏيو. ⑮ اُو ام کيتوت ريو: ”توڻو پرائي ريوه. ان پڳوونَ را راز رو اُو توڻو ڏوڪڙو آيوه، زئيون پڳوونَ ساوڻه نموننه ٻڌون مانه راز کرشي. تيام آپرا کراب کوم ساڏين توبونه کرو ان پڳوونَ ري وات مانه وو! ان ايڻا کُشي ري کبر مانه يقين کرو!“

ایسو آپرا پيرهيان شिला سونڊه

(متی 4:18-22، مرقس 1:16-20، لوقا 5:1-11)

⑯ هيڪ وار زئيون ایسو گلیل ري ڍنڍ را ڪپ مانه ويتوت ريو، تو اُوڻه شمعونَ ان اُوڻا را پائي اندرياس ننه ڏيکيا. اُو ميڻوڻا هتا ان مشي ماريا هارو ڍنڍ ۾ رچ نوڪتات ريا. ⑰ تئيون ایسو اُوڻون ننه ڪيڏو: ”مارا شिला تين مُون وونهڙ اوو! تمي مشي ماريا رو کوم ساڏو، ان هُون تمون ننه منکون ننه پڇايا واڙا ناويه.“ ⑱ ان يڪدم اُو آپرا رچ ساڏين ایسو را شिला تين اُوڻا وونهڙ وُڍا پرا.

⑲ ایسو توڙو آگهيرو گبو، تو اُوڻه زبدي رُون ڏيڪرون يعقوب ان یوحنا ننه بيڙي مانه رچ هوندتون پاڙيا. ⑳ ایسو تئيون را تئيون اُوڻون ننه آپرا شिला ٿيا هارو تيتريا، تو اُو آپرا ٻاپ زبدي ننه مزورون پيڙو بيڙي مانه ساڏين ایسو را شिला تين اُوڻا وونهڙ وُڍا پرا.



ايسو كفرنحوم شهر موئين هيك منك ٿي پوت ڪاينھ

(مرقس 1: 21-28، لوقا 4: 31-37)

21) پسنه ايسو ان اوتا را شيلا كفرنحوم شهر موئين آيا. ان ايسو پويتر ڏي رو پڳوون را مندر موئين تئيون رو تئيون زائين شيڪاڙوا مڏيو. 22) ان منڪ اوتا را شيڪاڙيا مانھ حيرون ھتا، ڪم تو او شاستر زوٿيا وازون را زم نتو شيڪاڙتو، پڻ اڪتياري راکين مونيا جيوي واتون شيڪاڙتوت ريو.

23) تھ توتھ پڳوون را مندر موئين هيك پوت سونتل منڪ ھتو. ان يڪدم اوٽھ منڪ رڙ ڪرين ڪيڏو: 24) ”او ايسو ناصرت شهر وازا، ٿارو امون ٿي ڪيو واسطو؟ تون امون پوتون نھ ڪتم ڪرو آيوھ، ڪي؟ هون تون نھ اوڙڪونھ ريو جي تون ڪون سھ. تون پڳوون رو پويتر شيواڏاري سھ.“ 25) پڻ ايسو پوت نھ ڏڙڪو ڏين ڪيڏو: ”ماٺ ڪر! ان ايٺا منڪ ٿي ٻارو نيھري زا!“ 26) تئيون پوت

منڪ ننه مرڙين موٽي رڙ ڪرين اونا منڪ ٿي ٻارو نيھري ڳيو.
 ②7 تئين ٻڌائي منڪ انا گھڻا حيروني پڙي ڳيا جي او هيڪا پيڙا ننه ڪيا
 مڏيا: ”اي ڪي سٺه؟ اي تو نونه ڍاڙه اڪتياڙي ٿي شيڪاڙهه. اي تو پوتون
 ننه حڪم پڻ ڏه، ان پوت اونا رو ڪيڏو مونھه.“ ②8 پسته يڪدم ايسو رئي
 نوموش گليل را پورا علاقا موئين ٻڌيل پڪڙي ڳئي.

ايسو گھڻون منڪون ننه ھاڙا ھورا ڪرئھ

(متي 17-14:8، مرقس 29:1-34، لوقا 4:38-41)

②9 زئيون ايسو ان اونا را شيلا پڳوون را مندر ٿي نيھريا، تئين يڪدم ايسو
 شمعون ان اندرياس پيڙو اوئون ري گھري ڳيو. ان يعقوب ان يوحنا پيڙا هتا.
 ③0 اوڻه شمعون رئي هاھو تاولئي پڙي ٿي. ان اوئي يڪدم ايسو ننه هايا را
 پارام وات ڪري. ③1 ايسو اونا ڪن آوين اونا ننه هات ڀر زھالين اويڙي.
 يڪدم تاو اوتري ڳيو. ان او اوئون رئي شيوا ساڪري ڪروا مڏي.
 ③2 زئيون ڏي آٽمي ڳيو، ته ٿوڻه منڪ ٻڌون مونڏون ان پوت سونتلون ننه
 ايسو ڪن لي آيا. ③3 ٻڌوئي شهر زھونپا مانھ آوين پيڙو ٿيو. ③4 ايسو قسم
 قسم رون الاهي گھڻون مونڏون منڪون ننه ھاڙا ھورا ڪريا. ان گھڻون منڪون
 موئين ٿي پوت پڻ ڪاڍيا، پڻ اوڻه پوتون ننه ٻوليا رو نا پاڙيو، ڪم تو پوتون
 ننه ڪٻر هٿي جي ايسو ڪوڻ سٺه.

ايسو ڪفرنحوم شهر ٿي نيھرين بيزيل شيڪاڙوا زائھ

(مرقس 35:1-39، لوقا 44-42:4)

③5 رات رو هوار ٿيا ٿي گھڻو مور ايسو اونيون ان شهر ٿي نيھرين هونواڙ موئين
 ڳيو، ان اوڻه زائين پراٽنا ڪري. ③6 شمعون ان پيڙا جيا اونا پيڙا هتا ايسو
 ننه ڳوتوا ڳيا. ③7 ان زئيون ايسو اوئون ننه زڙيو، تئين اوئي ڪيڏو: ”ٻڌائي

منڪ ٽمون نٿه ڳوٺه ريا. ” ③8 پڻ ايسو اوتون نٿه ڪيڏو: ” هالو، آبي پيزيل آها پاها رون پاڙون ان شهرن ۾ هالون، زم هون اوتنه پڻ پڳوون را راز رئي ڪهر همپڙاوين. ڪم تو ايٺا هارو هون آيوه. ” ③9 تيام ايسو ٻڌا گليل صوپا ۾ زائين پڳوون رون منڌرون موئين منڪون نٿه شيڪاڙتو ريو، ان پوتون نٿه ڪاڍتو ريو.

ايسو ڪوڍ ري پيماري ٿي هڪا منڪ نٿه ڪرئ

(متي 1: 4-8، مرقس 1: 40-45، لوقا 5: 12-16)

④0 ايسو ڪن هڪ منڪ آيو جيا نٿه ڪوڍ ري پيماري هتي ان هيا پيماري ري ڪري او اڙال هتو. اوتنه ايسو ري پڳي پڙين منٿ ڪرين ڪيڏو: ” جي تماري مرضي هون، تو تمي مون نٿه هازو هورو ڪرين پويتر ڪري هڪو. ”

④1 ايسو اوتنا مانه ترس ڪاڏو، ان آڀرو هات وڌارين اوتنا نٿه سڀيو ان ڪيڏو: ” ماري مرضي سٺه. تون هازو هورو ٿين اڙايا ٿي پويتر تڻه! ” ④2 ان يڪدم اوتنا نٿه ڪوڍ ري پيماري ساڏي گهي، ان او اڙايا ٿي پويتر ٿي گيو.

④3 پسنه ايسو اوتنا نٿه گهڻو گهڻو هزماوين يڪدم ررونو ڪريو ④4 ان ڪيڏو: ” اي وات ڪيا نٿه مت همپڙاوي. پڻ پڳوون را گهر موئين زائين آڀرو ڏيل اوتنا پوزاري نٿه ڏيڪاڙي، جيو اوتنه پوزا رو ڪوم ڪرتو هون. ان تون اڙايا ٿي پويتر ٿيا هارو پڳوون را نوم مانه او شينهنون سڙاوي جي شاستر موئين موسي ري لڪل سٺه، زم ٻڌون هارو ٿاڀي ٿي تڻه جي تون هازو هورو ٿي گيوه. ”

④5 پڻ او منڪ اوت ٿي زائين ٻڌيل ايسو ري وات جيئنه تيئنه گهڻي پڪيڙوا مڏيو. وات اتي گهڻي پڪيڙي گهي جي ايسو وڙي ڪيا پڻ شهر موئين ساونه ڍاڙنه زائي نه هڪيو. ان او ٻارو هونواڙ ۾ ريو. توئي چارون پاهون را منڪ اوتنا ڪن آوتا ريا.

ايسو هیکا ادرنگ را موندا نٺ هازو هورو کرٺه

(متي 9:1-8، مرقس 1:2-12، لوقا 5:17-26)

2 ① ڪئينڪ ڏيئون ڪيٽر ايسو ڪفرنحوم شهر ۾ وڙي پاسو آيو رو. ان هائي ڪهر پڙي گهٽي جي او گهري سٺه. ② اتا گهٽا منڪ آوين پيڙا تيا جي گهر پرائي گيو ان ٻارئي دروازا ڪن اوپيا رئي پڻ گهٽي نه رئي. ايسو اوئون منڪون نٺه پگيون رو وچن همپزوتوت ريو، ③ تئينون چار منڪ هڪا ادرنگ را موندا نٺه زهوڙي موئين اوپاڙين ايسو ڪن لايا. ④ پڻ گهٽي گڙڏي هويا ري ڪري گهر موئين پينا رئي گهٽي نه زڙي. تيام او گهر مائٺه سڙي گيا ان مات هون چت ڪولين ادرنگ وازا منڪ نٺه پاٿرٿا هٿيلو نيسو جيئنه ايسو پينل هتو اوٺا هومو اوتاريو. ⑤ زئينون ايسو اوئون منڪون رو هيوو يقين ڏيڪيو، تئينون اوٺه ادرنگ را موندا نٺه ڪيڏو: ”ڏيڪرا، ٿارا ڪرل ڏوه ماڻ سٺه.“

⑥ پڻ اوٺه ڪئينڪ شاستر زوٿيا وازا پينل هتا. او سوچو ماڻيا: ⑦ ”اي منڪ ام ڪم ڪٺه؟ اي آپ نٺه پگيون هرڪو ڪرين پگيون رئي پيعزتي ڪرٺه ريو. پگيون شوا ڪوئي نٿي جيو ڏوه ماڻ ڪري هڪٺه.“

⑧ پڻ ايسو يڪدم اوئون رون منون را ڪيال زوٿي گيو ان اوئون نٺه ڪيڏو: ”هيوي واتون تمي ڪم سوچو ريا؟ ⑨ مون نٺه همپزاوو جي ڪي هورو سٺه؟ ايٿا موندا منڪ نٺه ام ڪيوو هورو سٺه جي ’اوين آپرو پاٿرٿو اوپاڙين وٺه؟‘ ڪا ام ڪيوو جي ’ٿارا ڪرل ڏوه ماڻ سٺه؟‘ ⑩ پڻ هون تمون نٺه ثابت ڪري ڏيه جي هون منڪ ذات رو ڏيڪرو سون، ان پگيون مون نٺه جگت موئين ڏوه ماڻ ڪريا رئي اڪتياڙي ڏيڏيهه.“ پسنه ايسو ادرنگ را موندا منڪ نٺه ڪيڏو: ⑪ ”هون تون نٺه ڪونه، اوني، آپرو پاٿرٿو اوپاڙين گهري زا پرو!“

⑫ تٿيون اُو منڪ اُوئون هومو اُوئين اُوپو ان يڪدم آپرو پاٿرئو اُوپاڙين گيو پرو. اُو ٻڌائي منڪ گهڻا حيروني پڙي گيا ان ام ڪين پگئون را وڪوڻ ڪروا مڌيا: ”ايو عجيب ڪوم ٿيتون امي ڪيڏي نٿي ڏيڪيو.“

ناڪو ليڏا واڙو لڙي ايسو رو شيلو ٿهه

(متي 9:9-13، مرقس 2:13-17، لوقا 5:27-32)

⑬ ايسو وڙي ڍنڍ را ڪپ مانه گيو. تٿيون منڪون رئي هيڪ موتي گڙڏي اوتا ڪن پيڙي ٿي، ان ايسو اوتون ننه شيڪاڙوا مڌيو. ⑭ ويتون ويتون ايسو حلفي را ڏيڪرا لڙي ننه ناڪا ماڻه پينو پاڙيو، ان اوتا ننه ڪيڏو: ”مارو شيلو ٿين مون وونهڙ او!“ تو لڙي اوتون ايسو رو شيلو ٿين اوتا وونهڙ وڍيو.



⑮ تيا ڪيڙ ايسو لڙي ري گهري ڌاوت مانه پينو تو. ان اوڻه گهڻا ناڪو ليڏا واڙا ان پيزا منڪ هتا، جيون ننه منڪ ڏوهاري هزمين اوتون ٿي شيب ڪرتا. اُو ايسو ان اوتا رون شيلون پيزا کاڌا مانه پينل هتا، ڪم تو گهڻا منڪ ايسو ننه گرو هزمين اوتا وونهڙ ویتا. ⑯ فريسي پالتي ري شاستر زوٿيا واڙي زئون زيوو جي ايسو ايتال ڏوهاريون ان ناڪو ليڏا واڙون پيزو ڪانه ريو، تٿيون ايسو رون شيلون ننه ام وڙگاوا مڌيا: ”اي ناڪو ليڏا واڙون ان هيون ايتال ڏوهاريون پيزو ڪم ڪانه؟“

⑰ ايسو هاڻي وات هومپڙين شاستر زوٿيا واڙون ننه ڪيڏو: ”جيا هاڙا هورا سٺه، اوتون ننه ڍاڪتر رئي ضرورت نٿي هوئيئي، پڻ روگي مونڏون ننه ضرورت هوڻه. هيون نموننه هون پيڏوهي منڪون ننه نئين، پڻ ڏوهاريون ننه هاڏ ڏيوآ آيوه جي اُو پگئون ٿي واسطو راکه.“

ايسو نوي واتون شيڪاڙڻه پڻ منڪون ننه ڌرم ري زوني واتون وٺڻه

(متي 9:14-17، مرقس 2:18-22، لوقا 5:33-39)

⑱ هونءَ يوحنا را شيلا ان فريسي پالتي را منڪ ورت راڪتات ريا. ان ڪئينڪ منڪي ايسو ڪن آوين پونسيو: ”يوحنا را شيلا ان فريسي پالتي را منڪ ورت راڪنه، پڻ تمارا شيلا ڪم ورت نتي راڪتا؟“ ⑲ تئين ايسو اوئون ننه ڪيڏو: ”زئين لڏو پيڙو سئه، تئين زونيا ورت راڪشي ڪي؟ زتي وار لڏو اوئون پيڙو سئه، اتي وار تي نتي هڪتو جي زونيا ورت راڪنه. ⑳ پڻ ايوا ڏي آوشي زئين لڏو اوئون تي ڌار ڪراشي پرو، تيڏي زونيا ورت راڪشي. ㉑ ڪوئي پڻ منڪ نوا لوگهڙا رئي ٿيگهڙي زونا وگها ۾ نتي هنتو. جي هم ڪرشي، تو نوا لوگهڙا رئي ٿيگهڙي سڙين هوڙي ٿيشي، ان زونو وگهو وڌارنه ڦاتي زاشي. ㉒ ان ڪوئي پڻ منڪ نوو ڌراڪون رو رس زونيون هنڌاريون موئين نتي راڪتو. جي هم ڪرشي، تو رس پاڪين هنڌاريون ننه ڦاڙشي پري، ان پسئه رس ان هنڌاري ٻي ئي ڪيا ئي ڪوم ري نئين رئه. پڻ منڪ نوو ڌراڪون رو رس نويون هنڌاريون ۾ راڪنه.“

ايسو پويتر ڏي رو ڏئي ٿين آپ ڦينصلو ڪرڻه جي پويتر ڏي رو ڪي ڪروو

(متي 12:1-8، مرقس 2:23-28، لوقا 6:1-5)

㉓ هيڪ وار ايسو پويتر ڏي رو ڪيترون موئين ٿين متوت ريو. اوئون ڪيترون ۾ ڪنڪ اوپل هنتي، ان اوئا را شيلا هرا پتتا پتتا ويوا مڏيا. ㉔ پڻ فريسي پالتي را منڪ شيلون ننه هم ڪرتون زوين ايسو ننه وڙگائين ڪيو مڏيا: ”زو، ٿارا شيلا لهارو ڪريا جيوو ڪوم ڪم ڪرڻه ريا؟ آڀا ڌرم موئين تو پويتر ڏي رو ڪئين ڪوم نه ڪروو ڪپنه.“

②5 تئيون ايسو اوتون منكون نئه ڪيڏو: ”تمون نئه ڪپر نٿي ڪي، جي هيو ي پوک ري حالت ۾ آڀئنه ڌرمي ڏاڏنه دائود ڪي ڪريو تو؟ تمي تو شاستر موئين اڳي پٿيوه جي زئيون دائود ان اوٿا را منڪ پوکا هئا، ②6 تئيون، ابياتر نومي مڪ پوزاري رون ڏيئون ۾، او پڳوون را گهر موئين گيو، ان جي روتي پڳوون را نوم ري هتي، او روتي اوئه پوزاري ڪن لين آپ ڪاڏي، ان آپرون منڪون نئه پڻ ڏيڏي. هوهه آڀئا ڌرم پرموئنه روڳا او جيا پڳوون را گهر موئين پوزا رو ڪوم ڪرئه، او ابوي روتي ڪائي هڪهه، تويي پڻ پوک ري حالت ۾ دائود او روتي ڪاڏي.“ ②7 تئيون ايسو اوتون نئه وزي ڪيڏو: ”پڳوون پويتر ڏي منڪون را قائيڏا هارو را ڪيوه. منڪ پويتر ڏي هارو ناول نٿي، پڻ پويتر ڏي منڪون هارو ناول سئه. ②8 تيام هون منڪ ذات رو ڏيڪرو تين پويتر ڏي رو ڏي پڻ سون.“

ايسو پويتر ڏي رو هڪا هوكال هات وازا نئه هازو هورو ڪرئه

(متي 12:9-14، مرقس 3:1-6، لوقا 6:6-11)

3 ① ايسو وزي پڳوون را مندر موئين گيو. ان اوئنه هڪ منڪ هتو جيا رو هات هوكال هتو. ② فريسي پالٽي را منڪ ام سوچين ايسو هوما تاڪي ريا تا، ”جي ايسو آڙ پويتر ڏي رو ايٿا منڪ نئه هازو هورو ڪرئه، تو امي اوٿا رو اي ڏوه ڪاڏشون جي او پويتر ڏي رو ڪوم ڪرئه، ان هم ڪريا تي ڌرم توڙهه.“

③ تئيون ايسو هوكال هات وازا منڪ نئه ڪيڏو: ”اوٿ، وس موئين اووين اوپ!“ ان اوئه همروم ڪريو. ④ پسئه ايسو اوتون منڪون ٿي پونسيو: ”آڀئا ڌرم پرموئنه پويتر ڏي رو پلائي ڪروو ڪا پونڌائي ڪروو؟ جيو پچاوو ڪا مارو؟“ پڻ اوئي ڪئين وڙنڌي نه ڏيڏي. ⑤ ايسو نئه گهڻو ڏک ٿيو جي او آپري اوڙي سوچ ساڏوا نٿي ڪرتا، تو اوتون هومو رينه ۾ زوين اوئه هوكال

هاٽ واڙا منڪ نئه ڪيڏو: ”ٿارو هاٽ پاڌرو ڪرا!“ تو اُوئه آڀرو هاٽ پاڌرو ڪريو، ان اُوئا رو هاٽ هازو هورو ٿي گيو.

⑥ تيا مانھ فريسي پالٽي ري منڪي اُوئون نيهرين يڪدم راز ڪريا واڙا هيروڊيس را پاها رون منڪون پيڙا ٿين ايسو رنه ڪلاف آڀت ۾ صلاح ڪري جي ايسو نئه ڪم ڪرين مراوي هڪو.

ايسو گهڻون منڪون نئه شيڪاڙئھ ان هازا هورا ڪرئھ

⑦ پسئھ ايسو آڀرون شيلون پيڙو اوت ٿي روونو ٿين ڍنڍ مانھ گيو. ان گليل صويا را الاهي گهڻا منڪ اُوئا وونهڙ گيا. ان يهوديه صويا ٿي، ⑧ يروشلم شهر ٿي پڻ، اڊوميه علاقا ٿي، يردن ڌريا هون پرلير ٿي، ان صور ان صيدا شهرون را علاقا ٿي الاهي گهڻا منڪ ايسو رون ٻڌون پرسون را پارام هومپڙين ايسو ڪن آيا. ⑨ منڪون ري گهڻي گهڙي ري ڪري ايسو آڀرون شيلون نئه هيڪ پيڙي تيار راڪيا رو ڪيڏو، زم او منڪون ٿي کونڌائي نه زائھ. ⑩ ڪم تو اُوئه الاهي گهڻون منڪون نئه هازا هورا ڪريا تا، ان تيام مونڌا منڪ اُوئا نئه سڀيا هارو اُوئا مانھ پڙتات ريا. ⑪ ان زئون پوت سونتل منڪ ايسو نئه پاڙتا، تئيون پوت اُوئون را پنڌ ۾ آوين اُوئون منڪون نئه ايسو ري پگي پاڙتا ان پوت رڙيون ڪرين ڪيتا جي ”ئون پگوون رو ڏيڪرو سئھ.“ ⑫ پڻ ايسو اُوئون نئه ڌڙڪو ڏين ڪيتو: ”مون نئه ساوو مت ڪرو، جي هون ڪوڻ سون.“

ايسو آڀرون شيلون موئين ٿي ٻارءُ مڪ شيلڪ سونڊئھ

(متي 10:1-4، مرقس 13:3-19، لوقا 12:6-16)

⑬ تيا ڪيڙ ايسو ڏونگر مانھ گيو ان آڀري سونڊ پرموئئھ منڪون نئه آپ ڪن تيڙايا، ان او ايسو ڪن گيا. ⑭ اُوئه ٻارون نئه سونڊيا، (جيون نئه اُوئه مڪ شيلڪ پڻ ڪيڏا)، زم او اُوئا پيڙا رنه، ان اُوئا را ڪيڏا پرموئئھ منڪون ڪن زائين

پڳوونَ را پارام همپڙاوتہ ⑮ ان اوتَا ري اِكتياري ٿي پوت پڻ ڪاڍئہ.

⑯ ايسُو رون سُونڊل ٻارون شيلون را نوم اي سئہ:

شمعونَ، جيا رو پيزو نوم ايسُو پطرس را ڪيو،

⑰ زبدي را ڏيڪرا يعقوب ان يوحنا، جيون نئہ ايسُو ”بوتائيرگس“ ڪيڏو،

جيا رو مطلب سئہ ”گازيا واڙا“،

⑱ اندرياس،

فلپس،

برتلمائي،

متي،

توما،

حلفي رو ڏيڪرو يعقوب،

تدي،

شمعونَ، جيو آپرا ملڪ ري آزادي هارو وڊيا واڙو هتو،

⑲ ان يهوداه اسڪريوتي، جيئہ تيا ڪيڙ ايسُو نئہ زهلايو.

ايسُو پونون نئہ ڪاڍيا ٿي ٺاڀنئي ڏئہ جي اوئہ شيطون نئہ هرايوه

(متي 22:12-32، مرقس 3:20-30، لوقا 11:14-23، 10:12)

⑳ تيا ڪيڙ ايسُو اوتَا گهر ۾ گيو جيئہ شيلون پيڙو ريتو. ان الاهي گهڻا منڪ

وڙي اوتَا ڪن پيڙا ٿيا. منڪ اتا گهڻا هتا جي ايسُو ان اوتَا را شيلا روتئي پڻ

ڪائي نه هڪيا. ㉑ زئيون ايسُو رون مائيترون نئہ ايئا وات رئي ڪهر پڙئي، تو او

ايسُو نئہ آپ ڪن راڪيا هارو اوتَا نئہ هات ڪروا نيهريا، ڪم تو ڪوڪ ڪيتا

تا جي ”او گونڏو ٿيوه.“

㉒ ان شاستر زوٿيا واڙا، جيا يروشلم شهر ٿي اول هتا، او پڻ ام ڪيتا تا:

”هائي منڪ شيطون را قوضام سئہ،“ ان ”شيطون ري طاقت ٿي، جيو پوتون رو

مڪ سٺ، پوتون نٺه ڪاڏهه.“ (23) تنيون ايسو اوتون نٺه آپ ڪن تيڙاوين اوتون نٺه مثالون ڏين ڪيڏو: ”تمي ڪم ڪوه جي هون شيطون ري طاقت ٿي پوتون نٺه ڪاڏونه؟ شيطون آپرا پڳ مانه آپ ڪوٺاڙو هٽشي ڪي؟ هم تو ٿي نٺي هڪتو. (24) جي هڪا راز را منڪ آبت موئين نٺي نهتا، تو او راز ري نٺي هڪتو. (25) ان جي هڪا گهر را منڪ آبت موئين نٺي نهتا، تو او گهر پڻ نئين ري هڪه. (26) هرورم جي شيطون آپرا پاها رون پوتون ٿي وڌشي ان او آبت موئين نئين نهته، تو او ري نئين هڪه پڻ ڪتم ٿيشي.

(27) ڪوئي منڪ ڪياڪ طاقت وازا را گهر موئين زائين اوتا ري شينهنون ڪوهي نٺي هڪتو، زتي وار هوڏي او طاقت وازا نٺه بوندته نه پرو. مور ٿي او طاقت وازا نٺه بوندشي، ان پسنه اوتا رو گهر ڦري هڪشي. هيوئه نمونته جي مئين شيطون نٺه هرايو نه هوٺ، تو هون اوتا را قوضا ٿي منڪون نٺه سڏاوي نه هڪت. (28) هون تمون نٺه هاس ڪونه، منڪ جيا پڻ ڏوه ڪرئه ان پڳوون رهه ڪلاڦ جي پڻ واتون ڪنه، او ڪيوي پڻ هوئه، پڳوون را پاها ٿي هايون ٻڌون ربي ماڦي ٿي هڪه. (29) پڻ جيو منڪ پويتر آتما ري ڪزا ٿي ڪرل نائوڪو ڪوم زوئه، توئي پڻ زوئي ڪرين پويتر آتما نٺه ڪراپ ڪنه، تو اوتا نٺه پڳوون ڪيڏي ماڦي نئين ڏنه، پڻ ايوا ڏوه ري ڪري او هميش ربي سزا ڪاشي.“

(30) ايسو هم ڪيڏو، ڪم تو او پويتر آتما ري ڪزا ٿي ڪوم ڪرتو تو، پڻ منڪ ڪيتا تا: ”ايئا نٺه پوت سوتل سٺه.“

جيا پڳوون ري وات مانه وٺه

او ايسو نٺه آپري مان ان پايون را زم پريمي سٺ

(متي 12:46-50، مرقس 3:31-35، لوقا 8:19-21)

(31) تته ٿوئته ايسو ربي مان ان پائي اوتته پوگيا، ان گهر ٿي ٻارا اوپين ايسو نٺه هاڏ ڪريا رو ڪيڏو. (32) گهر موئين الاهي گهٽا منڪ ايسو ري پيوڙيئي پينا تا،

ان اُوئي ايسُو نئه ڪيڏو: ”زوئو، تماري مان ان تمارا پائي ان پنون ٻارا اُوپاه ان تمون ٿي مزوا ڪرئھ.“ ③٣ تيا مانھ ايسُو اُوئون نئه ڪيڏو: ”ڪُون ماري مان ان مارا پائي سئھ؟“ ③٤ ان پسنھ اُوئھ آپ رئھ ٻيوڙيئي پينل منڪون هومو زوئين ڪيڏو: ”زوئو، ماري مان ان مارون پايون جيووا تو اي پڻ سئھ.“ ③٥ جيو پڻ پڳوون ري مرضي مانھ وئھ، اُو مارا پائي ان پين ان مان را زم سئھ.“

ٻيز وايا واڙا رو مثال

(متي 13:1-9، مرقس 4:1-9، لوقا 8:4-8)

4 ① ايسُو ڍنڍ را ڪپ مانھ وڙي شيڪاڙوا مڏيو. ان اتا گهئا منڪ اُوئا ڪن آوين ٻيزا ٿيا، جي اُوئون نئه شيڪاڙيا هارو ايسُو ٻيڙي مانھ سڙي پينو. ان ٻڌائي منڪ ڍنڍ را ڪپ مانھ اُوپا ريا. ② ان ايسُو اُوئون نئه گهئي واتون مثالون ٿي شيڪاڙوا مڏيو. اُوئھ شيڪاڙتون ڪيڏو: ③ ”ڪون ڏين هومپڙو! هيڪ هاري هتو. ان اُو ٻيز واووا گيو. ④ ٻيز واوتون واوتون، ٻيز را ڪئينڪ ڏوئا شيرڙا مانھ پڙيا، ان پڪي آوين اُوئون نئه ڪائي گيا. ⑤ ان ڪئينڪ ٻيز را ڏوئا پتر واري زمي موئين پڙيا، جيئھ گهئي مائي نئي. ان اُو شيڪا اُوگيا ڪم تو مائي گهت هئي. ⑥ پڻ زيون ڏي اُوگيو، تو اُوئون نئه تڙڪو لاگيو، ان اُو هوكائي گيا، ڪم تو اُوئون ري پاڙون اُونڌي نئي. ⑦ ان ڪئينڪ ٻيز را ڏوئا ڪنڊيرون واري زمي موئين پڙيا، ان ڪنڊيري اُوگين اُوئون نئه ڏپوريا پرا، ان اُوئون موئين نڪو هرا ٿيا نڪو ڏوئا ٿيا. ⑧ ان ڪئينڪ ٻيز را ڏوئا پلي زمي م پڙيا، ان اُو اُوگيا، وڌيا، هرا ٿيا ان اُوئون م ڏوئا ٿيا. اُو ايوا پلا ٿيا جي هيڪوڪا هرا موئين ٿيھ ٿيھ، هائيٺ هائيٺ ان هو هو ڏوئا ٿيا.“



⑨ تئيون ايسو وڙي ڪيڏو: ”هومپڙيا وازون، تمي ماري وات مانھ ڏيون ڏيو.“

ايسو هڙماوڻھ جي او مثالون ٿي ڪم شيڪاڙڻھ

(متي 10:13-17، مرقس 4:10-12، لوقا 8:9-10)

⑩ زئيون ايسو نوڪلاڻي ۾ هتو، تئيون اوڻا ري ٻاري سونڊل شيلي ان پيزي شيلي جيا اوڻا پيڙا هتا، ايسو ٿي هايون مثالون را پارام پونسسيو. ⑪ تو ايسو اوڻون نئه ڪيڏو: ”پگهون را راز ري اونڌي واتون اوڻه تمون شيلون نئه هڙموا ڏيڏيه، پڻ پيزون هارو ٻڌوئي ڪئين مثال رڻه. ⑫ هيوڻه نمونئھ اي شاستر رڻي وات اوڻون مانھ پورڻي ٿئھ:

’او زوشي تو ڪري پڻ پاڙشي نئين،
ان هومپڙشي تو ڪري پڻ هڙمشي نئين.
او هيوا نه ٿئت، تو پگهون هوما ڦرڻت
ان پگهون اوڻون نئه ماڦي ڏئت.’

ايسو پيز وايا وازا را مثال رو مطلب هڙماوڻھ

(متي 13:18-23، مرقس 4:13-20، لوقا 8:11-15)

⑬ ايسو وڙي آپرون شيلون نئه ڪيڏو: ”تمي ايڻا مثال رو مطلب هڙمتا نئي، ڪي؟ تو پسئھ تمي پيزون ٻڌون مثالون رو مطلب ڪم ڪرين هڙمشو؟ ⑭ پيز وايا وازو او سئھ، جيو پگهون رو وچن همپڙاوڻھ. ⑮ ڪئينڪ منڪ پيز رون اوڻون ڏوڻون را زم سئھ جيا پيز وايا رڻه توڻئھ شيرڙا مانھ پڙيا تا. زئيون هيوا منڪ وچن هومپڙئھ، تئيون پگهون رو دشمن شيطون يڪدم آوڻھ ان اوڻون رون منون ٿي او وچن ڪاڍي لئھ، جيو پيز را زم زوڻئھ من ۾ اوڻ هتو، زم اوڻون نئه وچن ويھري زائھ. ⑯ ان ڪئينڪ منڪ پيز رون اوڻون ڏوڻون را زم سئھ، جيا پتر وازي

زمي موئين پڙيا تا. زئيون هيو منڪ وچن هومپڙهه، تئيون او يڪدم اوئا نئه
 ڪشي ٿي مونئه. (17) پڻ زم مثال موئين هيوون ڏوئون ري پاڙون اونڌي نٿي، تم
 اوئون رو يقين پڪو نٿي هوئيتو. تيام او توڙيڪ وار هوڏي يقين تو را ڪهه، پڻ
 زئيون وچن مونيا ري ڪري تڪليل اوئه ڪا منڪ اوئون نئه تنگ ڪرئه، تئيون
 يڪدم او وشواس ساڏهه پرو. (18) ان پيزا ڪئينڪ منڪ پيز رون اوئون ڏوئون را
 زم سهه، جيا ڪنديرون واڙي زمي موئين پڙيا تا. زئيون هيو منڪ وچن هومپڙهه،
 (19) تئيون هٿيون هٿيون حياتي ريون گهٽيون ڀر پڙي زانه، مال ملگت لار ڍوڙهه،
 ان هر قسم ري عيش عشرت رون ڪيالون ڀر ڦاڻي زانه، ان تيام اوئون رو يقين
 وڌتو نٿي. ان زم هيوون پيز رون ڏوئون ٿي هڙا نٿا ٿيا، تم اوئون منڪون ٿي پڻ
 نائوڪا ڪوم نٿي ٿيئا. (20) پڻ ڪئينڪ منڪ پيز رون اوئون ڏوئون را زم سهه،
 جيا پلي زمي موئين پڙيا تا. هيو منڪ وچن هومپڙهه ان ڪشي ٿي مونئه، ان زم
 پيز رون هيوون ڏوئون ٿي هڙا پاڪيا تا، ان هيڪوڪا هڙا موئين ٿيه ٿيه، هائيت
 هائيت، ڪا هو هو ڏوئا ٿيا تا، تم هيو منڪ وچن مونيا ري ڪري گهڻا نائوڪا
 ڪوم ڪرئه.

ڏيو رو مثال

ڀڳوون رو وچن آپرا ٿوئا مانه ساوو ٿيشي

(مرقس 4:21-25، لوقا 8:16-18)



(21) ”ڏيوو ڪيو ڪوم هارو سهه؟ ڏيو نئه پازين اوئا
 نئه نونڀڙا هيت ڪا ڪاتلا هيت ميلئه، ڪي؟ نا نا،
 او هٿاڙيا هارو نٿي، پڻ اوئا ري آپري جگا ڀر ساوو
 ميليا هارو سهه. (22) ڪم تو جي ڪئين هٿاڙل سهه
 اوئا رو مقصد اي سهه جي او آپرا ٿوئا مانه ساوو
 ٿه. ان همريم هر وات جي هٿاڙل سهه، اوئا رو مقصد پڻ اي سهه جي او آپرا

توڻا مانھ ساوئي ٿئ. (23) ھومپڙيا وازون، تمي ماري وات مانھ ڏيون ڏيو!“
 (24) تئيون ايسو ائون نئه وڙي ڪيڏو: ”ماري واتون جي تمي ھومپڙوھ ريا،
 ائون واتون مانھ ڏيون ڏيو. جيا ماپ ٿي تمي ماپين ڏيوھ، اونا ماپ پرموئنه
 پڳوون تمون نئه ڏيشي، ان هيا ٿي پڻ وڌارءَ ڏيشي. (25) ڪم تو جيو منڪ
 وچن مونئھ، پڳوون اونا نئه وچن ھزميا رئي وڌارءَ گھڻي ھيمت ڏيشي. پڻ
 جيو منڪ وچن نئي مونٽو، جيو وچن اوئھ ھومپڙيوھ، او وچن ھزميا رئي ھيمت
 پڻ اونا ڪن ٿي ڪوھراشي.“

پيز اوڳيا رو مثال

پڳوون رو وچن ھمپڙيا ٿي توڻا مانھ اونا رو اثر ٿيشي

(26) ايسو اي پڻ ڪيڏو: ”پڳوون رو راز اينا مثال را زم سئ. ھيڪ منڪ ڪيتر
 موئين پيز واوئھ. (27) ان پسئ پلئھ او منڪ رات رو اونگھائي زائھ ان ڏي رو
 اوئھ، پڻ پيز رات ڏي قوتاڙو ڪرئھ ان وڌتو زائھ، ان منڪ نئه ڪپر ئي نئي
 ھوئيئي جي ھم ڪم ڪرين ٿئھ. (28) زمي موئين ٿي آڻوڪو آپ ڦصل ٿئھ،
 پيرھين ڏونڪڙي نيھرئھ، پسئ ھرا ٿئھ، ان پسئ ھرون موئين ڏوڻا ٿئھ. (29) پڻ
 زئيون ڦصل پاڪي زائھ، تئيون يڪدم او منڪ ڏاترو لين ڦصل لئھ، ڪم تو
 لبارا رو توڻو آيوھ رو.“

ٿوريا را پيز رو مثال

پڳوون را راز را منڪ گھڻا وڌشي

(متي 31:13-32، مرقس 30:4-32، لوقا 18:13-19)

(30) پسئ ايسو وڙي ڪيڏو: ”آپي ڪي ڪون جي پڳوون رو راز ڪيو سئ؟ آبي
 هيا رو ڪيو مثال ڏيون؟ (31) پڳوون رو راز ٿوريا را پيز را زم سئ. زمي موئين
 پوکيا رئه توئھ او ڏنيا رون ٻڌون پيزون ٿي جهيٽڪو سئ. (32) پڻ پوکيا ڪيڙ او

وڌڻه ان ٻڌيون پازيون ٿي موتو ٿئڻ، ان اوتڻا ري ڏاڙڪي اوتري موتي ٿئڻ جي پڪي اوتڻا را سونڻيا ۾ پيهڻه ان ماڙا ناوڻه.

ايسو اُپرون شيلون نٺَ مثالون رو مطلب هزماوتڻه

(متي 34:13-35، مرقس 33:4-34)

33) ايسو منڪون ري هزم ڀرموئڻه هيو ا گهڻا مثال ڏين اوتون نٺ پگهون رو وچن همپڙاوتو. 34) اوتڻا مثالون وگر اوتون ٿي ڪوئي وات نه ڪرتو، پڻ نويڪلائي ۾ اوتڻا اُپرون شيلون نٺه ٻڌوئي ڪئين هزماوتو.

ايسو واوڙ نٺَ پند ڪرڻه

(متي 23:8-27، مرقس 35:4-41، لوقا 22:8-25)

35) اوتڻه ٿي ڏي هونڙ رڻه ٿوئڻه ايسو اُپرون شيلون نٺه ڪيڏو: ”هالو، ڍنڍ رڻه پيڙه ڪپ هالون!“ 36) تو شيلو پيڙون ٻڌون منڪون نٺه ساڏين ايسو نٺه، زم پيڙي موئين پينل هتو، همروم لي گيا. ان اوتڻا پيڙي پيڙي پيڙي پڻ هتي. 37) تڻيون گهڻا ٿي واوڙ آوئي، ان چولي پيڙي مانه ايوي لاڳو مڏي، جي پيڙي پوڻي ٿي پرايا مانه هتي. 38) هوئو ايسو پيڙي رڻه وونهلڻه پاهڻه اُپرو ماڻو ڦٽا مانه ڏين اونگهال هتو. پسڻه شيلي ايسو نٺه زگاڙين ڪيڏو: ”گرُو جي، آبي تو ٻوڏونه ريا، ان تمون نٺه هيا رڻي ڪئين ڦڪر ٿي نٿي؟“

39) تيا مانه ايسو اونگه ٿي اوتڻين وانيرا نٺه ڌڙڪو ڏين پند تيا رو ڪيڏو ان چوليون نٺه ڪيڏو: ”ماڻ ڪرو! ان ٿمي زانو!“ تو وائيو پڙي گيو، ان ماڻ ٿي ماڻ ٿي گئي. 40) تڻيون ايسو اوتون نٺه ڪيڏو: ”ٿمي پيڻاڻو ڪم؟ ٿمي يقين ڪم نٿي ڪرتا؟“


41) شيلو اي ڪڙا ڏيڪين گهڻا حيروني پڙي گيا، ان آپت موئين ام ڪيو

مڏيا: ”اي ڪيو منڪ سڻه، جي وائيو ان پوڻي پڻ ايڻا رو ڪيڏو مونڻه!“

ايسو هيكاً منڪ ٿي گهڻا پوت ڪاڍه

(متي 28:34-34، مرقس 1:5-20، لوقا 8:26-39)

5 ① پسنه ايسو ان شيلڊا پيڙي موئين ڍنڍ رته پيڙهه ڪپ زائين گراسينيون را علاقا موئين پوگيا. ② زئيون ايسو پيڙي ٿي نيسو اوتريو، تو يڪدم هيك پوت سونتل منڪ مقومون موئين ٿي نيهرين اونا هومو آيو. ③ او منڪ پونييرا جيوون مقومون موئين ريتو، ان ڪوئي اونا ننه هونڪزون ٿي پڻ بونڌين قابو ڪري نه هڪتو. ④ ڪم تو منڪي اونا ننه گهڻي وار هونڪزون ان پيڙيون ٿي هاڻون پڳون ۾ بونڌيو تو، پڻ اوئه هونڪزون ننه ٿوريت پري ان پيڙيون ننه پونگيت



پري. ان اونا ننه ڪوئي قابو ڪري نه هڪتو. ⑤ او ڏي رات مقومون موئين ان ڏونگرون مانه رڙيون ڪرتو ان آپ ننه پوئون ٿي لويي زهوڻ ڪرتو.

⑥ هاڻي منڪ ايسو ننه شيئا ٿي ڏيڪين ڍوڙي آيو، ان اونا ري پڳي پڙيو هنو. ⑦ ان زور ٿي رڙ ڪرين ڪيڏو: ”ايسو، پرميشور را ڏيڪرا، ٿارو مون ٿي ڪيو واسطو؟ هون تون ننه پڳوون رو هون ڏيونه، مون ننه پونڌي هاڙي سزا مت ڏنه.“

⑧ اوئه هم تيام ڪيڏو، ڪم تو ايسو پوت ننه اونا منڪ ٿي نيهريا رو ڪيڏو تو.

⑨ ٿيون ايسو اونا ٿي پونسيو: ”ٿارو نوم ڪي سئه؟“ تو اوئه ڪيڏو: ”مارو نوم پلتن سئه، ڪم تو امي گهڻا پوت سون.“ ⑩ ٿيون پوت سونتل منڪ ايسو رئي گهڻي منت ڪروا مڏيو: ”امون ننه ايئا علاقا ٿي ٻارا مت ڪاڍ.“

⑪ هوئه اوئه هونرون رو هيك موتو ولر هتو جيو ڏونگر مانه سرتوت ريو.

⑫ تيام پوتي ايسو ننه اي منت ڪري جي ”امون ننه اوئون هونرون ۾ ميل، زم

اُوئون نئه زائين سونتون!“¹³ تو ايسو اُوئون نئه موكل ڏيڏئي. تئين پوت اوتا منڪ ٿي نيهرين هُورون نئه سونتي ڳيا، ان او ولر، جيا موئين بيڪ هزار هُوتر هتا، ڏونگر ٿي نيسو ڊوڙين ڍنڍ موئين پڙيو، ان ٻڌائي هُوتر ڍنڍ موئين ٻوڏي ڳيا. ¹⁴ تئين هُورون را ڌراڙ ڀاڳي ڳيا، ان زائين اي وات شهر ۾ ان ٻاراڙي ۾ همپڙاويي. تو منڪ زووا آيا جي ڪي ٿيوه. ¹⁵ زئين او ايسو ڪن آيا، تو اوئي پوت سونتل منڪ نئه لوگهڙا پيرل ان صحيح ڌيماڳ ۾ پينل ڏيڪيو. هائي ٻڌوي زوين او پيڻائي ڳيا.

¹⁶ جيئي هائي ٻڌئي وات ڏيڪئي ٿي، اوئي اول منڪون نئه همپڙايو جي پوت سونتل منڪ ٿي هم ڪم ڪرين ٿيوه، ان هُورون ٿي ڪي ٿيوه. ¹⁷ تئين او ايسو رئي منٽ ڪروا مڌيا جي او اُوئون را علاقا ٿي زائنه پرو.

¹⁸ زئين ايسو پاسو زايا هارو پيڙي موئين سرتوت ريو، تو جيا منڪ نئه اڳي پوت سونتل هتا، او ايسو نئه منٽون ڪروا لاڳيو: ”مون نئه تمون پيڙو هالوا ڏيو.“ ¹⁹ پڻ ايسو آپ پيڙو تيڙي زايا رو نا پاڙيو، ان اوتا نئه ڪيڏو: ”تون پاسو آري گهري آيون منڪون ڪن زا پرو، ان زائين اُوئون نئه همپڙاوي جي ايشور تون مانه ڏيا ڪرين تون ٿي ڪيوئي نا نائوڪئي پلائي ڪريه.“ ²⁰ پسئه او پاسو ڳيو ان زائين آرا ڊڪپلس علاقا موئين منڪون نئه همپڙاوا مڌيو جي ايسو مون ٿي ڪيوئي نا نائوڪئي پلائي ڪريه. ان ٻڌائي منڪ اي وات هومپڙين حيرون ٿيا.

ايسو هيڪي سوڪري نئه جيوتئي ڪرئه
ان هيڪي اشيتري نئه هازئي هورئي ڪرئه

(متي 9:18-26، مرقس 5:21-43، لوقا 8:40-56)

²¹ زئين ايسو پيڙي موئين سرتين ڍنڍ رئه پيڙه ڪپ وڙي پاسو آيو رو، تو ڍنڍ را ڪپ مانه الاهي گهڻا منڪ اوتا نئه پيڙا ٿيا. ²² تئه توتئه پڳوون را مندر رو

هڪ آڳيوون آيو، جيا رو نوم يائير هتو. اُو ايسو ننه ڏيڪين اونا ري پڳي پڙيو،
 ②3 ان اونا رئي گهڻي منت ڪرين ڪيڏو: ”مارئي سوڪري هاو مريا مانه سئه.
 تمي هالين اونا مانه هات ميلو، زم اُو هازئي هورئي تئه ان پچي زائنه.“ ②4 تيام
 ايسو اونا آڳيوون پيڙو روونو ٿيو. ان الاهي گهئا منڪ ايسو وونهڙ ويوا مڌيا،
 ان منڪ اونا مانه پڙتات ريا.

②5 هوه اوتون منڪون موئين هڪ اشيتري هتئي، جيا ننه ٻارون سالون ٿي
 زالوتئي پيماري هتئي ان هايا پيماري ري ڪري اُو اڙال هتئي. ②6 اونه گهئون
 ڊاڪٽرون ڪن ايلز ڪراوين ايلز ۾ گهڻو ڏڪ وينيو تو، ان اونا ڪن جئين ڪئين
 هتو، اونه آڀرا ايلز مانه ڪپاوت پرو، پڻ توئي ڪئين قائيڏو نتو ٿيو، پڻ اونا
 رئي حالت اڳي ٿي ڪراب ٿي گهي تئي. ②7 ايسو را پارام هومپڙين اُو گهئون
 منڪون وسا گهڻي ناوتئي ايسو وونهڙ آئي ان اونا ري ساڌر ننه سڀئي. ②8 ڪم
 تو اُو ام سوچتئي رئي: ”جي هون روگهي اونا رون لوگهڙون ننه سڀون، تو هون
 هازئي هورئي ٿي زائيھ.“ ②9 تو يڪدم اُو هازئي هورئي ٿي گهي، ان اونا ننه
 آڀرا ڏيل ۾ ڪبر پڙي جي هوه هون پيماري ٿي پچي گهيھ.

③0 ايسو ننه يڪدم ڪبر پڙي جي مون ٿي ڪڙا نيهريھ. تيام اونه گڙڏي
 وسا پاسو ڦرين پونسو: ”مارون لوگهڙون ننه ڪوڻ سڀوه؟“ ③1 تو اونا را شيلا
 ڪيو مڌيا: ”تمي تو زوئوھ ريا جي منڪ ڪتا گهاتا سئه ان تمون مانه پڙھ
 ريا. توئي تمي پونسوھ ريا جي مون ننه ڪوڻ سڀوه؟“ ③2 پڻ ايسو آڀرته آهته
 پاهته ٻڌيل لوڻو واڙين منڪون هومو زيوو، جي ڪيئنه هم ڪريوه؟

③3 هوه اشيتري ننه ڪبر هتئي جي اونا ٿي ڪي ٿيوھ. تيام اُو پيٽائي پيٽائي
 ان ڏڪئي ڏڪئي آوين ايسو ري پڳي پڙي هتئي، ان اونا ننه ٻڌي وات ڪرين
 همپڙاوي. ③4 پسته ايسو اونا ننه ڪيڏو: ”ڏيڪري، تئين يقين ڪريوه، تيام
 تون نيڪ ٿي گهيھ. زا ان هڪي ره! هوه تون هايا پيماري ٿي هازئي هورئي
 ٿي گهيھ.“

35) هزون ايسو ام ڪيتوت ريو، تو مندر را آڳيوون را گهر ٿي ڪئينڪ منڪ آيا ان اوني آڳيوون ننه ڪيڏو: "تمارئي سوڪريي تو مري گهڻي. هوئه گرو ننه تڪليب ڏيڏا رو ڪيوو ڪوم؟" 36) پڻ ايسو هائي وات هومپرين مندر را آڳيوون ننه ڪيڏو: "پيئائومتا رُوڳو پڳوون مانه يقين راڪو."
37) تئيون ايسو پطرس، يعقوب، ان يعقوب را پائي يوحنا شوا پيزون منڪون ننه آپ پيزا هاليا رو نا پاڙيو.

38) زئيون او آڳيوون ري گهري آيا، تئيون ايسو زيوو جي گهڻي تائي ٿي رهڻي ان منڪ سوڪريي را پار لهن زور زور ٿي رڙيون ڪرين روئ رهيا. 39) تو ايسو گهر موئين زائين اوئون ننه ڪيڏو: "تمي ڪم تائي ڪروه ريا ان روئوه ريا؟ سوڪريي مري نٿي گهڻي، پڻ اونگهائو رهڻي." 40) تئيون او منڪ ايسو مانه نٿولي ڪروا مڏيا. پڻ ايسو ٻڌون منڪون ننه گهر ٿي بارا ڪاڍين سوڪريي را مان ٻاپ ان آپ پيزا اول شيلون ننه لين اوئا ڪوني موئين گيو جيئنه سوڪريي هتئي. 41) ان سوڪريي رو هات زهالين اوئا ننه ڪيڏو: "تليتا قومي!" جيا رو مطلب سئ "او سوڪريي، هون تون ننه ڪونه اوڻ پرڻي!" 42) ان سوڪريي، جيئي ٻارون سالون رهڻي هتئي، يڪدم جيوتئي ٿي گهڻي ان اونين هروا ڦروا مڏئي. اي ڏيڪين او الاهي گهڻا حيروني پڙي گيا. 43) تئيون ايسو اوئون ننه گهڻو گهڻو ڪيڏو: "زويا ايئا وات رهڻي ڪيا ننه ڪهر نه پڙئه!" ان پسئ ڪيڏو جي او سوڪريي ننه ڪئينڪ کاڏا هارو ڏنه.


ايسو را آپرا ناصرت شهر را منڪ اوئا ننه گهت هزمئه

(متي 53:13-58، مرقس 6:1-6، لوقا 16:4-30)

6 ① پسئ ايسو اوڻ ٿي ررونو ٿين آپرا شهر موئين آيو، جيئنه او نونو موتو ٿيو تو. ان اوئا را شيلو پڻ اوئا پيزا آيا. ② زئيون پويتر ڏي آيو، تئيون ايسو پڳوون را مندر موئين زائين شيڪاڙوا مڏيو. ان گهڻا منڪ اوئا ري واتون هومپرين

حیرون ٿيا ان کيوا مڌيا: ”اينہ هيوي واتون کيئون شيڪيه؟ اي کيويي عقل سئہ جيئي ايئا نئہ زڙٿيه؟ ان هائي کيوا پرسا سئہ جيا اي آپري هائي ڏيڪاڙئہ؟ (3) اي تو واڍو نٿي، کي؟ اي تو ماريون رو ڏيکرو سئہ، ان يعقوب، يوسف،

يهوداه، ان شمعون رو پائي سئہ. ايئا ري پينون پڻ ايئنہ آپون ڪن پئيہ. هم نٿي، کي؟“ ان اُوئي ايسو نئہ گهٽ هزمين اُوئا مانہ يقين نہ راکيو.



(4) پڻ ايسو اوئون نئہ ڪيڏو: ”پگهون رو نياپو ڏيڏا واڙا رو مون روڳو آپرا شهر ۾، آپرون عزيزون ۾، ان آپرا گهر ۾ نٿي هوئيتو.“

(5) اوئون رئہ يقين نہ ڪريا ري ڪري، ايسو اوئئہ روڳو توڙون مونڏون منڪون مانہ هات ميلين اوئون نئہ هازا هورا ڪريا، پڻ ايئا شوا ڪوئي پرسو ڏيڪاڙي نہ هڪيو. (6) ان او حيرون هتو جي او منڪ يقين ڪم نٿي راکتا.

ايسو آپرون بارون سونيل شيلون نئہ
پگهون رو ڪوم ڪريا هارو ميلئہ

(متي 10:5-15، مرقس 6:6-13، لوقا 9:1-6)

پسئہ ايسو پاراڙي ۾ پاڙئہ پاڙئہ زائين شيڪاڙوا مڌيو. (7) ان اوئہ آپرون بارون

سُونڊل شيلون نئه آپ ڪن تيرڙيا، ان اوتون نئه بي بي ڪرين ميليا. ان ميليا رئه توتئه اوتون نئه پوت ڪاڍيا رئي اڪتيرئي ڏيڏئي، ⑧ ان اوتون نئه ڪيڏو: ”پنڌ هارو لاکري شوا ڪئين مت لي زائو، نڪو روٽي، نڪو زهوڙي، ان نڪو ڪڙيون ۾ بونڊل ڦينتا ۾ پٺيها. ⑨ پڻ روڳا زوڙا پيرل هونء، ان پيزو وگهو پيزو نه هونء.“

⑩ ان ايسو اوتون نئه اي پڻ ڪيڏو: ”تمي جيا پاڙا ۾ زائين جيئنه پڻ تڪو، زتي وار اونا پاڙا ٿي رونا نه ٿيو، اونا ئي گهر موئين ريا. ⑪ ان جيئنه پڻ منڪن تمون نئه اوڪار نه ڏئه ڪا تماري واتون نه هومپڙهه، تو اوت ٿي نيهرتون اوتون ٿي واسطو توڙيا هارو آپرون پڳون رئي ڏوڙ ڪيريا پرئي، جيا ٿي ثابتي ٿنه جي اوتئي تمارئي وات نه هومپڙي.“

⑫ پسئه او شيلو رونا ٿيا، ان زائين منڪون نئه همپڙايو جي ”آپرا ڪراپ ڪوم ساڏين توبونه ڪرو ان پڳون ري وات مانه وو!“ ⑬ ان اوتئي گهڻون منڪون ٿي پوت ڪاڍيا، ان گهڻون مونڏون منڪون مانه تيل هئين اوتون نئه هازا هورا ڪريا.

هيريوديس پاڏشا ايسو ري ڪري گڻنيون موئين پڙي زائو

(متي 14:1-12، مرقس 6:14-29، لوقا 9:7-9)

⑭ هونء هيريوديس پاڏشا ايسو را پارام هومپڙيو، ڪم تو ايسو رئي نوموش گهڻي پڪڙي ٿي. منڪ ايسو را پارام ام ڪيتا تا جي ”اي او رو او يوحنا پويتر سنون ڏيڏا واڙو سئه. پڳون اونا نئه موت ٿي جيو تو ڪريوه، ان تيام اينما ۾ هائي پرسا ڏيڪاريا رئي ڪڙا سئه.“ ⑮ پيزا ڪيتا تا: ”ايلياه وڙي دنيا ۾ پاسو آيوه، ان اي منڪ او سئه.“ ان وڙي پيزا ڪيتا تا: ”اي اڳلوڪون پڳون رو نياپو ڏيڏا واڙون جيو پڳون رو نياپو ڏيڏا واڙو سئه.“ ⑯ هائي واتون هومپڙين هيريوديس ڪيو مڏيو: ”او تو يوحنا سئه، جيا رو مئين ماتو وڏايوت پرو. پڳون اونا نئه وڙي جيو تو ڪريوه.“

①7 ھيروديس ھائي وات تيام ڪيڏي، ڪم تو اونه آپ قوچيون ننه ميلين يوحنا ننه زھلايو تو ان ٻنڌاوين جيل موئين پورا يو تو. اونه ھائي ڪوم آپرا پائي فلپس ري ڏوشي ھيرودياس ري ڪري ڪريو تو، جيا ننه اونه آپرا گھر ۾ راڪي تي. ①8 ڪم تو يوحنا ھيروديس پاڌشا ننه گھڻي وار ڪيڏو تو جي ”پگھون رون حڪمون ڀرموئنه نيڪ نئي جي تمي آپرا پائي ري ڏوشي ننه آپرا گھر ۾ راکوھ.“ ①9 تيام ھيرودياس يوحنا مانھ ريشي ٻڙئي ان اونا ننه مراوا ڪرتي تي. پڻ اونا ننه مراوي نئي ھڪتي، ②0 ڪم تو ھيروديس پاڌشا ننه ڪپر ھنتي جي يوحنا پگھون ري. وات مانھ وڍا واڙو ان پويتر منڪ سئھ، ان تيام او يوحنا ٿي ٻيڻا تو. ھايا وات ري ڪري ھيروديس پاڌشا يوحنا ننه پچاوين راکتو. يوحنا ري واتون ھومپرين او پلئھ گونٿون ۾ پڙتو، پڻ توي او ڪشي ٿي اونا ري واتون ھومپرتو.

②1 پڻ زئيون ھيروديس پاڌشا را زلم ري تاريخ آئي، تئيون اونا ري ڏوشي ھيرودياس ننه وجه زڙيو. ھيروديس پاڌشا آپرا زلم ڏي مانھ موئي ڌاوت ڪري، ان آپرون وزيرون ننه، قوچ رون موٽون ساھون ننه، ان آپرا گليل صوپا رون موٽون منڪون ننه ڌاوت مانھ تيڙايا. ②2 تئيون ھيرودياس ري ڏيڪري ڌاوت موئين آوين رمي، ان ھيروديس پاڌشا ننه ان ڌاوتون ننه ڪش ڪريا. تيام ھيروديس پاڌشا سوڪري ننه ڪيڏو: ”جي ڪئين ٿون ننه وٺئھ، او مون ٿي مونگ، ان ھون ٿون ننه ڏيھ.“ ②3 ان اونه ھون ڪائين وائيدو پڻ ڪريو: ”جي ڪئين ٿون مون ٿي مونگيھ، مارا اڌ راز ھوڏي، ھون ٿون ننه ڏيھ.“ ②4 تو سوڪري اوت ٿي نيھرين آپري مان ڪن زائين پونسيو: ”ھون ڪي مونگون؟“ تو مان ڪيڏو: ”يوحنا پويتر سنون ڏيڏا واڙا رو ماڻو مونگ.“ ②5 تئيون يڪدم سوڪري جلدي موئين پاسي گئي ان پاڌشا ڪن زائين مونگي ڪري: ”ماري مرضي اي سئھ، مون ننه ھمئھ رو ھمئھ يوحنا پويتر سنون ڏيڏا واڙا رو ماڻو تاز ۾ اوڻي ڏيو!“

②6 هيروديس پاڌشا هايا وات مانه گهڻو ڏکي ٿيو. پڻ اونه ڏاڻوئون هومو هون کائين وائڏو ڪريو تو، تيام اُو سوڪري ننه نا پاڙوا نٿو ڪرتو. ②7 پسنه اونه يڪدم ماڻو واڍيا وازا ننه ميلين يوحنا رو ماڻو لايا رو حڪم ڏيڏو. ان اونه زائين جيل موئين رو موئين يوحنا رو ماڻو واڍيو. ②8 ان ماڻو تاز ۾ لي آوين سوڪري ننه ڏيڏو، ان سوڪري آڀري مان ننه ڏيڏو پرو. ②9 اي وات هومپزين يوحنا را شيلا آيا، ان اونا رو لاش لين اونا ننه مقوم موئين پوريو پرو.

ايسنو ڌاريون قومون رون ملڪون ۾ زائين پڳوون رو ڪوم ڪرڻه

ايسنو پونس هزار ٿي وڌارءُ منڪون ننه روتئي ڪوراوڻه

(متي 13:14-21، مرقس 6:30-44، لوقا 9:10-17، يوحنا 6:1-13)

③0 مڪ شيلا ايسنو ڪن پاسا آيا، ان جي ڪئين اوتئي ڪريو تو ان جي ڪئين اوتئي شيڪاڙيو تو، ايسنو ننه ٻڌوئي همپڙايو. ③1 پسنه ايسنو اوتون ننه ڪيڏو: ”تمي مون پيڙا نوڪلائي ۾ هونواڙ جگا ۾ هالو، ان اوتنه توڙيڪ وار آروم ڪرو.“ ايسنو هم تيام ڪيڏو، ڪم تو گهڻا منڪ اوتون ڪن آوتات ريا ان زاتات ريا ان اوتون ننه روتئي کاڌا رو توڻو ئي نٿو زڙتو. ③2 پسنه اُو پيڙي موئين سڙين نوڪلائي ۾ هونواڙ جگا ۾ گيا پرا.

③3 پڻ گهڻي منڪي اوتون ننه زاتون ڏيڪيا ان اوزڪي گيا جي ڪوڻ سئه. تو اُو ٻڌون شهرون ٿي پنڌ ٿي پنڌ اونا ماڳ هوما ڍوڙيا جيئنه ايسنو ان اونا را شيلا پيڙي موئين زاتات ريا، ان اوتون مور اوتنه آوي پوگيا. ③4 زئيون ايسنو پيڙي ٿي نيسو ڍنڍ را ڪپ مانه اوتريو، تو اونه الاهي گهڻون منڪون ننه ڏيڪيا، ان اونا ننه اوتون مانه قياس آيو، ڪم تو اُو ايويون رڍيون را زم هتا، جيون رو ڪوئي

ٿراڙ نه هونء. ان او ائون نئه گهٽي واتون شيڪاڙوا مڏيو.

35) زئيون ڏي گهٽو نمي گيو، تئيون ايسو را شيلا اونا ڪن آوين ڪيو مڏيا: ”اي جگا هونواڙ سئه، ان رات پڙيا واڙي سئه. 36) ايئون منڪون نئه زايا رئي موڪل ڏيو، زم آهه پاهه پارڙي ۾ پاڙون موئين زائين آب هارو ڪئينڪ کاڌو ويساتولئه.“

37) تيا مانه ايسو ائون نئه ڪيڏو: ”تمي آب ايئون نئه کاڌا هارو ڏيو!“ تو اوئي ايسو نئه ڪيڏو: ”ايئون نئه ڪورايا هارو امي زائين روتي ويساتي لي آون، ڪي؟ هيا هارو تو ڏه هزار روپيا ڪشي.“ 38) تو ايسو ائون ٿي پونسيو: ”تمون ڪن ڪتي روتي سئه؟ زائين زوئو!“ تو اوئي ڪهر پارڙي ان ڪيڏو: ”امون ڪن پونس روتي سئه. ان بي شي پڻ سئه.“



39) تئيون ايسو شيلون نئه ڪيڏو جي او ٻڌون منڪون نئه ٿوڙو ٿوڙو ڪرين اوئنه نيبي سهر مانه پهارئه. 40) تو منڪ هو هو ان پنجاه پنجاه را ٿوڙا ڪرين پهي ريا. 41) پسئه ايسو او پونس روتي ان بي مشي لين آڪاش هومو زوئين ائون هارو پگوون رو ٿورو مونيو. ان روتيون نئه پونگين شيلون نئه ڏيتو ريو، زم او منڪون نئه ڏئه. ان همريم اوئه پئون مشيون نئه پڻ ٻڌون نئه وراوي ڏيڏي. 42) پسئه ٻڌائي منڪ ڪائين ڌراپيا. 43) ان جيا روتيون ان مشيون را ٽڪرا منڪي اوڳاريا تا، ائون نئه شيلي پيڙا ڪريا ان ائون ٿي ٻارئه چها پروٿا. 44) هونه جيئي روتي کاڌي، ڏوشيون ان ٻاڙون نئه ساڏين روڳا آدمي پونس هزار هتا.

ايسو پوئي مانه وئ

(متي 14:22-33، مرقس 6:45-52، يوحنا 6:16-21)

45) تيا ڪيڙ ايسو يڪدم آپرون شيلون نئه ڪيڏو: ”تمي پيڙي مانه سڙين مون مور ڍنڍ رئه پيڙه ڪپ بيت صيدا شهر هوما زائو پرا، ان هون ايئون ٻڌون

منڪون نئه رَوونا ڪرونه. " ان شيلا مونڌا رَوونا ٿيا. (46) پسته ٻڌون منڪون نئه رَوونا ڪرين ايسو پراٿنا ڪروا ڏونگر مانه گپو پرو. (47) رات پڙهي، تو پيڙهي ڍنڍ را وس ۾ هڻي، ان ايسو آپ ڏونگر مانه هيڪلو هتو. (48) ايسو زويو جي شيلا ڏويون ٿي پيڙهي هاڪلھ ريا ان اوئون نئه گهڻي ڏورون ٿه رهي، ڪم تو وائيو هومو هتو.

رات رو پروڙ ٿيا مور ايسو ڍنڍ را پوڻي مانه ويتو اوئون ڪن آوتوت ريو. ان اوئون رنه پاهنه ٿين آگر متيا وازو هتو. (49) زئيون شيلي اوئا نئه ڍنڍ را پوڻي مانه ويتون پاڙيو، تو هزميا جي "پوت اونيوه." ان اوئي رڙيون ڪري، (50) ڪم تو اوئي ٻڌي اوئا نئه ڏيڪيو، ان پيڻائي گيا. پڻ ايسو يڪدم اوئون ٿي ٻوليو، ان اوئون نئه ڪيڏو: "هيتم مت هارو، هون سون. تم پيڻائو مت." (51) ٿيون ايسو اوئون پيڙو پيڙي موئين سڙيو، ان وائيو ٿمي گيو. تو شيلا الاهي گهڻا حيروني پڙي گيا. (52) ڪم تو پلنه اوئي روتي وڌاريا رو پرسو ڏيڪيو تو، توئي پڻ نئا هزميا جي ايسو ڪون سئه. او آڀري سوچ هون هايا وات نئه هزمي نه هڪيا.

ايسو گليل صوڀا موئين گنيسرت را علاقا ۾ مونڌون نئه هاڙا هورا ڪرڻه

(متي 14:34-36، مرقس 6:53-56)

(53) ڍنڍ پار ڪرين ايسو ان اوئا را شيلا گنيسرت را علاقا ۾ آيا، ان پيڙي نئه رونڊوڙا ٿي ڪپ مانه ٻونڌي. (54) زئيون او پيڙي ٿي نيسا اوتريا، تو اوٽ را منڪ يڪدم ايسو نئه اوڙڪي گيا، (55) ان آهه پاهنه پورا علاقا ۾ وات پڪيڙيا هارو ڍوڙي گيا. ان زم اوئي هومپڙيو جي ايسو ويتون ويتون همڻه ڦلوثا ماڳ اول سئه، تم او مونڌون نئه زهوڙيون ۾ اوپاڙين اوڻه ايسو ڪن زاوا مڌيا. (56) جيڻه پڻ ايسو زاتو، پلنه پاڙون ۾ ڪا شهرون ۾ ڪا ٻاراڙي ۾، اوڻه منڪ مونڌون نئه رستا رون چونڪون مانه ميلتا هئا، ان مونڌا منڪ ايسو رهي منٿ

ڪرتا جي اُو رُوگُو اُوئون ننه آڀرا لُوگهڙا را شيڙا ننه سبوا ڏئه. ان زتا منڪ ايسُو ننه سبتا، اُو ٻڌائي هاڙا هورا ٿي زاتا.

پڳوونَ رُون حُڪمون مانِه ويوَو رِيتون رَوازون مانِه وُويا ٿي ضرُوري سئُ

(متي 15: 1-9، مرقس 7: 1-13)

7 ① فرِيسي پالٽي را منڪ ان ڪئينڪ شاستر زوٿيا واڙا يروشلَم شهر ٿي اوين ايسُو ڪن پيڙا ٿيا. ② اُوئي زويو جي ايسُو را ڪئينڪ شيلا اڀڙال را اڀڙال روٿي ڪاڻه ريا، مطلب اُوئي آڀرا هاڻ ڌرم ري ريت پرموٿه نٿا ڌويا. ③ هُوئه فرِيسي پالٽي را منڪ ان يهوڊي ڌرم را پيڙا ٻڌائي منڪ آپرون ڏاڏون را رَواز مانِه وين هَميش آڀرا هاڻ ريت پرموٿه ڌوئه، ان پسئ روٿي ڪاڻه. ④ ان اُو بازار ٿي ليڊل شينهنون ريت پرموٿه ڌويا وگر نٿي ڪاتا، ان هيوون پيزون گهڻون رَوازون مانِه وئه. مِثال اُو پيٿالا، جڳ، ان پيٿر را ٺونڙا پڻ ريت پرموٿه ڌوئه.

⑤ تيام فرِيسي پالٽي ري منڪي ان شاستر زوٿيا واڙي ايسُو ٿي پونسيو: ”ٿارا شيلا آپتون ڏاڏون ري ريتون رَوازون مانِه ڪم نٿي وِيتا؟ ڪم اُو روٿي ڪاڏا مور ڌرم ري ريت پرموٿه هاڻ نٿي ڌوتا؟“ ⑥ تو ايسُو اُوئون ننه ڪيڏو: ”ڪوتون منڪون، تمي مونڊا را مينا پڻ انڌر را ڪارا سو. جيئي وات پڳوون رو نياپو ڏيڏا واڙه يسعياه ڪيڏي ٿي، پڳوون رُئي اي وات تمون مانِه پڻ هاو پوري اوترئھ:

’اينا قوم را منڪ مونڊا ٿي تو مارا وڪوڻ ڪرئھ،

پڻ ايئون را من ڇر مون هارُو ڪئين نٿي.

⑦ اُو مارئي نالئي پوزا ڪرئھ،

ڪم تو اُو ماريون واتون را پڌلا ڇر

رُوجًا منكون را ناول حُكم شيڪاڙهه.

⑧ همرام تمي پڳوون را حُكم ساڏين منكون ري ناول ريتون رَوازون مانه ووھ. “
 ⑨ پسته ايسو اوئون ننه وڙي ام پڻ ڪيڏو: ”واھ ڙي واھ! ڪيوئہ نائوڪئہ نمونئہ
 تمي آپرون ريتون رَوازون مانه وُودا هارو پڳوون را حُكم ساڏوھ. ⑩ ڪم تو
 موسيٰ پڳوون را پاها ٿي ڪيڏو: ”آپرا مان ٻاپ رو مون راکوو“ ان ’جيو آپرا مان
 ٻاپ ننه پئنه، اوتا ننه موت رٿي سزا ڏيو. ⑪ پڻ تمي منكون ننه ام شيڪاڙوھ:
 ’جي ڪوئي آپرا مان ٻاپ ننه ام ڪئھ: ’جئي شينھ مارئھ قرض پرموئنه تمون
 ننه ڏيو تو، هائي تو پڳوون ننه منل سئھ، ⑫ تو پلئھ او آپرا مان ٻاپ رٿي
 مدت نہ ڪرئھ. ⑬ هيوئہ ڍاڙئہ تمي آپرون شيڪاڙل ريتون رَوازون ٿي پڳوون
 رو وچن توڙوھ. ان هايا جيوا تمي گھڻا ڪوم ڪروھ.“

ايسو شيڪاڙهه جي منڪ شينھون کاڌا ٿي نئين

پڻ من ۾ ڪراپ واتون راکيا ٿي ڪراپ ٿي زائھ

(متي 10: 15-20، مرقس 7: 14-23)

⑭ تئيون ايسو گڙڙي رون ٻڌون منڪون ننه وڙي آپ ڪن تيرائين اوئون ننه ڪيو
 مڏيو: ”تمي ٻڌائي ماري وات ڪون ڏين هومپڙو ان هزمو! ⑮ ٻڌي شينھون
 جي منڪون ٿي ٻاري سئھ، اوئون ۾ ڪوئي شينھ ايوي نٿي جيا ننه کاڌا ٿي
 منڪ ڪراپ ٿي زائھ. پڻ جي واتون منڪون موئين سئھ ان اوئون ٿي نيهرئھ،
 اوئون واتون ٿي منڪ ڪراپ ٿي زائھ. ⑯ (هومپڙيا وازون، تمي ماري وات مانھ
 ڏيون ڏيو!)“

⑰ زئيون ايسو منڪون ري گڙڙي ننه ساڏين گھري گيو، تئيون اوتا ري شيلي
 اوتا ٿي هايا مثالي وات را پارام پونسيو. ⑱ تو ايسو اوئون ننه ڪيڏو: ”تمي
 پڻ ايوا پوڙا سو ڪي، جي اي وات ٿي نٿي هزمئا؟ ٻڌي شينھون جي منڪون ٿي
 ٻاري سئھ، اوئون ۾ ڪوئي شينھ ايوي نٿي جيا ننه کاڌا ٿي منڪ ڪراپ ٿي

هڪڙو. 19) ڪم تو او شينھ منڪ را من موئين نٿي ذاتئي، پڻ اوتا را بيت موئين زائھ، ان نيٺ وزي ٻارئي نيھري زائھ.


ھم ڪيڏا ٿي ايسو شڪارڙيو جي کاڌا ري ٻڌي شينھون پويتر سئھ، ان ڪوئي ايوي شينھ نٿي جيا نئھ کاڌا ٿي منڪ پڳوون ري نظر ۾ ڪراپ ٿي زائھ.

20) تئين ايسو وزي ڪيو مڏيو: ”پڻ جي واتون منڪ موئين سئھ ان اوتا ٿي نيھرئھ، اوتون ٿي منڪ ڪراپ ٿئھ. 21) ڪم تو موئينليا وڙ ٿي، منڪون را من موئين ٿي، ڪراپ ڪيال نيھرئھ، پونڌائي، سورئي، ڪون، 22) پونڌو ڪوم، لالچ، وير، نڳئي، لوقرائي، لوپ، ڳلا، اينھڪار، ان هر نمونا رئي ڳونڌائي. 23) هائي ٻڌي ڪراپ واتون منڪ موئين ٿي نيھرئھ، ان منڪ نئھ ڪراپ ڪرئھ پرو.“

ڌاري قوم رئي هڪ ڏوشي ايسو مانھ يقين ڪرئھ

(متي 15:21-28، مرقس 7:24-30)

24) ايسو اوت ٿي روونو تين صور را علاقا ۾ ڳيو. ان اوتئھ ڪياڪ گھر موئين ڳيو. اوتا رئي مرضئي هتئي جي ڪيا نئھ ڪبر نه پڙئھ جي او اول سئھ، توئي پڻ او هتائي نه هڪيو. 25) پڻ هڪي ڏوشي ايسو را پارام هومپڙيو، جيا ري ڏيڪري نئھ پوت سونتل هتو. تو او ڏوشي يڪدم ايسو ڪن آوين اوتا ري پڳي پڙئي هتئي. 26) هائي ڏوشي اسرائيلي قوم رئي نٿي پڻ ڌاري قوم رئي هتئي. او سوريه ملڪ رئي ان فينيڪي علاقا رئي هتئي. اوتئھ ايسو نئھ منٺ ڪرئي جي او هالين اوتا ري ڏيڪري ٿي پوت ڪاڏئھ. 27) پڻ ايسو اوتا رو آزمتو ليڏا هارو اوتا نئھ ڪيڏو:



”مارو ڪوم ماري آپري اسرائيلي قوم ۾ سئھ، ان تون ڌاري قوم رئي تين مون ٿي مدت ڪم مونڳئھ؟ ڪيتئي سئھ جي ٻازون رئي روئي لين ڪوترون نئھ نوڪوو نيڪ نٿي. تو پسئھ مور ٿي

ٻاڙون نٿه ڪائين ڌراپوا ڏيوو، نا؟“ (28) تيا مانھ ڏوشي اُونا نٿه ڪيڏو: ”تمارئي وات تو ھاسئي سٺھ، ساڌو جي. توئي پڻ منڪ روٽي ري او ٽڪري ڪوترون نٿه نوڪڻھ، جي ٻاڙ ڪائين اُوڳارڻھ، ان ڪوترا او اُوڳارل ٽڪري تو ڪاڻھ.“ (29) تو ايسو اُونا نٿه ڪيڏو: ”تئين يقين راکين ھائي وات ڪيڏي. تيام، تون ھوئھ ڙا، ڪم تو ٿاري ڏيڪري ٿي پوت ھوئھ نيھري گيوھ.“ (30) ان پسئھ ڏوشي آپري گھري زائين زويو، تو سوڪري ڪاٿلا مانھ ھوئي پڙيھ ان پوت اُونا ٿي نيھري گيوھ.

ايسو ھيڪا ٻوڙا منڪ نٿھ ھازو ھورو ڪرڻھ

(31) ايسو وڙي سور را علاقا ٿي زائين صيدا شھر تين ڊڪپلس را علاقا ٿي مٿين گليل ڍنڍ ڪن آوي پوگيو. (32) ان منڪ اُونا ڪن ھيڪا ٻوڙا نٿه تيرِي آيا، جيو چٽو ٻولي نه ھڪتو، ان اُوي ايسو رئي منت ڪري جي اُونا مانھ ھات ميلين اُونا نٿھ ھازو ھورو ڪرڻھ. (33) تو ايسو اُونا نٿھ ڳڙڙي ٿي ھيڪھ پاھئھ لي گيو، ان پسئھ آپري اونگڙي اُونا رون ڪونون ڀر نوڪي، ان تيا ڪيڙ آپرو ٿوڪ اُونا ري جيب مانھ سٻاڙيو. (34) تئين آڪاش ھومو زوئين اُونه ٻوڙا مانھ قياس ڪائين ڏڪ ٿي نيھاڪو نوڪيو، ان اُونا ٻوڙا نٿھ ڪيڏو: ”افتح!“ جيا رو مطلب سئھ ”ڪلي ڙا!“ (35) تو يڪدم اُونا را ڪون ڪلي گيا، ان اُونا رئي زھلال جيب پڻ ڪلي گئي، ان او چٽو ٻولوا مڏيو. (36) تئين ايسو منڪون نٿھ گھڻو گھڻو ڪيڏو جي او اي وات ڪيا نٿھ نه ھمپڙاونه. پڻ زتو گھڻو اُونه ھمپڙايا رو نا پاڙيو، اتئي گھڻي منڪي زائين وات پڪيڙي. (37) ھائي وات ھومپڙين منڪ الھي گھڻا حيروني پڙي گيا، ان ايسو را پارام ڪيو مڏيا: ”اُونه ٻڌوئي ڪئين ٺاڻوڪو ڪريوھ. او پگھون ري ڪڙا ٿي ٻوڙون نٿھ ھومپڙيا رئي ان گونگون نٿھ ٻوليا رئي ھيمت ڏئھ.“

ايسو چارڪ هزار منڪون ننه روتئي گوراوئه

(متي 15:32-39، مرقس 8:1-10)

8 ① اوتون ڏيئون ۾ وڙي پيڙي وار الاهي گهڻا منڪ ايسو ڪن اول هتا ان اوتون ڪن کاڌا هارو ڪئين نتو. تيام ايسو اپرون شيلون ننه آپ ڪن تيزاوين ڪيڏو: ② ”مون ننه ايتون منڪون مانھ قياس آوھ، ڪم تو مون پيڙا ريتون ايتون ننه آڙ ترتمو ڏي سئھ، ان هوءَ اوتون ڪن کاڌا رو ڪئين نٿي. ③ جي هون همئنه اوتون ننه پوکا پوکا گهري رونا ڪرون، تو او مارگ ۾ ڍوڙهه پڙشي. ان اوتون موئين ٿي ڪينڪ تو گهڻا شيئا ٿي پڻ اول سئھ.“ ④ تيا مانھ ايسو ري شيلي اوتا ننه ڪيڏو: ”ايتنه هونواڙ ۾ اتون گهڻون منڪون ننه گورايا هارو روتي ڪيئون زڙشي؟“ ⑤ تيون ايسو اوتون ٿي پونسيو: ”تمون ڪن ڪتي روتي سئھ؟“ تو اوئي ڪيڏو: ”امون ڪن هات روتي سئھ.“ ⑥ تيون ايسو ٻڌون منڪون ننه پينا رو ڪيڏو. ان پسئھ اوتھ او هات روتي پري لين اوتون هارو پگوون رو تورو موين پونگي، ان شيلون ننه ڏيوا مڏيو. ان شيلي ٻڌون منڪون ننه رواوي ڏيڏي. ⑦ ان شيلون ڪن ڪينڪ مشي پڻ هتي. تو ايسو مشيون هارو پگوون رو تورو موين شيلون ننه مشي پڻ ورايا رو ڪيڏو. ⑧ پسئھ ٻڌائي منڪ ڪائين ڌراپيا. ان جيا ٽڪرا اوڳاريا تا، اوتون ننه شيلي پيڙا ڪريا. ان اوتون ٿي هات ڏلا پروتا. ⑨ هوءَ کاڌا وازا چارڪ هزار منڪ هتا. تيون ايسو اوتون منڪون ننه رونا ڪريا. ⑩ ان اپرون شيلون پيڙو يڪدم او پيڙي مانھ سڙين دلمنوته را علاقا ۾ گيو پرو.

منڪ ايسو ننه پرسو ڏيڪاريا رو ڪئھ

(متي 16:1-4، مرقس 8:11-13)

⑪ اوتنه فريسي پالتي را منڪ ايسو ڪن آيا ان اوتا ٿي تڪرار ڪروا مڏيا. اوئي

ايسو رو آزمتو ليڏا هارو اوتا ننه ڪيڏو: ”امون ننه ڪوڪ ترت پرسو ڪرين ڏيڪاڙ! امون ننه ٿاڀيئي ڏنه جي تون پڳوون را پاها رو سئو.“ (12) تئين ايسو گهڻو ڏکي ٿيو ان ڪيڏو: ”تمي ايئا زمونا را منڪ ٿاڀيئي هارو پرسو ڪم زووا ڪروھ؟ هون تمون ننه هاس ڪونه، پڳوون ٿاڀيئي هارو ايئا زمونا رون منڪون ننه ماڳي پرسو نئين ڏيڪاڙئو.“ (13) هم ڪين ايسو اوتون ننه ساڏين وڙي پيڙي مانھ سترين ڍنڍ را پيڙا ڪپ هومو روونو ٿي ڳيو.

ايسو مونھڙل ڪاٿا آتا رو مثال ڏين فريسي پالتي رون منڪون ري ان راز ڪريا واڙا هيروڊيس ري پونڌائي ٿي پاھو ڪريا رو ڪئھ

(متي 16: 5-12، مرقس 8: 14-21)

(14) هونھ شيلون ننه روٽي آپ پيڙي لي آيا رئي وات ويھري ڳهي ٿي. ان پيڙي ۾ اوتون ڪن روڳهي هيڪئھ روٽي هئي. (15) زاتون زاتون ايسو اوتون ننه گهڻو گهڻو ڪيڏو: ”هوشيار ريا. فريسي پالتي رون منڪون رئي ان راز ڪريا واڙا هيروڊيس رئي پونڌائي، جيئي مونھڙل ڪاٿا آتا جيويي سئو، هايا ٿي پاھو ڪريا.“ (16) تو شيلو هيڪا پيڙا ننه ڪيو مڏيا: ”آپون ڪن روٽي نٿي، تيام آتا رئي وات ڪرئھ ريو.“ (17) پڻ ايسو اوتون رئي وات زوئين ڪيڏو: ”تمي آت ۾ اي وات ڪم ڪروھ ريا جي آپون ڪن روٽي نٿي؟ تمي هزون هڙوڏي هزمتا نٿي، ڪي؟ تمي هاو ايوا پوڙا سو، ڪي؟ (18) تماري اونڪيون تو سئو، توئي تمي ڪم پاڙتا نٿي؟ تمارا ڪون تو سئو، توئي تمي ڪم هومپڙتا نٿي؟ تمون ننه اي وات ياڏئي نٿي ڪي؟ (19) زئين مئين پونس روٽي پونڳين اوتون ٿي پونس هزار منڪون ننه ڪورايا تا، تئين تمي اوڳارل ٽڪرون ٿي ڪتا چبا پريا تا؟“ تو اوئي ايسو ننه ڪيڏو: ”پارئھ چبا.“ (20) تو ايسو وڙي پونسو: ”ان زئين مئين هات روٽيون ٿي چار هزار منڪون ننه ڪورايا تا، تئين تمي اوڳارل ٽڪرون ٿي ڪتا ڏلا پريا تا؟“ تو اوئي ڪيڏو: ”هات ڏلا.“ (21) تو ايسو اوتون ننه ڪيڏو: ”تو پسنھ

تمي هزون هُوڏِي ڪم نٿي هڙمتا؟”

ايسو هڪا اونڌا نٿ هازو هورو ڪرڻه

22) تئين ايسو ان اونا را شيللا بيت صيدا شهر ۾ آوي پوگيا. ايسو اوتنه ڪياڪ پاڙا ۾ هتو، تئين منڪ اونا ڪن هڪا اونڌا نٿ تيرڙي آيا، ان اونا رئي مينت ڪرڻي جي او اونڌا نٿه سڀين هازو هورو ڪرڻه. 23) تو ايسو اونڌا رو هات زهالين اونا نٿه پاڙا ٿي ٻارو پاڏي گيو، ان اونا ري اونڪيون مانه آڀرو ٿوڪ هئين اونا مانه آڀرا هات ميلين پونسيو: ”هونه تون نٿه ڪئينڪ ڏيڪيام آونه، ڪا نا؟“ 24) تو او هومو زوئين ڪيو مڏيو: ”هون منڪون نٿه تو پاڙونه ريو، پڻ زهونڪا پاڙونه. او ويتا ويتا مون نٿه زهاڙڪون را زم ڏيڪانه.“ 25) تئين ايسو وڙي اونا ري اونڪيون مانه آڀرا هات ميليا، ان پسئه اونا رئي نظر صحيح ٿي گئي، او هازو هورو ٿيو، ان ٻڌوئي ڪئين چتو پاڙوا مڏيو. 26) تئين ايسو اونا نٿه ڪيڏو: ”تون پاسو ايئا پاڙا ۾ مت زائي نڪو پاڙا وازون نٿه همپڙاوي!“ ان هم ڪين اونا نٿه آڀري گهري روونو ڪريو پرو.

پطرس ايسو نٿه پڳوون رو سونيدل پچايا واڙو ڪريست ڪڻه

(متي 13:16-20، مرقس 8:27-30، لوقا 9:18-21)

27) تيا ڪيڙ ايسو ان اونا را شيللا اوت ٿي زائين قيصره فلپي شهر را آها پاها رون پاڙون ۾ گيا. ويتون ويتون ايسو آڀرون شيلون ٿي پونسيو: ”منڪ مارا پارام ڪي ڪڻه جي هون ڪوڻ سون؟“ 28) شيلي ڪيڏو: ”ڪوڪ ڪڻه جي تم يوحنا پويتر سنون ڏيڏا واڙا سو، ڪوڪ ڪڻه جي تم ايلياه سو، ان ڪوڪ ڪڻه جي تم اگلوڪون پڳوون رو نياپو ڏيڏا وازون موئين ٿي هڪ سو، جيو وڙي جيوتو ٿيوه.“ 29) پسئه ايسو وڙي پونسيو: ”پڻ تم آڀ ڪي ڪوه جي هون ڪوڻ سون؟“ تيا مانه پطرس اونا نٿه ڪيڏو: ”تم ي پڳوون را سونيدل پچايا واڙا

کریست سو. " ③۰ تو ایسو اوتون نئه هوشیار کرین کیتو: "تمی مارا پارام کیا نئه مت همپڑایا جی هون کون سون."

ایسو آپ مانه آیا وازون دکون ان موت را پارام مور تی همپڑاوئه

(متی 16:21-23، مرقس 8:31-33، لوقا 9:22)

③۱ تئین ایسو آپرون شیلون نئه شیکاژوا مڈیو: "ای ضرور تیشی جی آپنی قوم را آگیوون، موتا پوزاری، ان شاستر زوثیا وازا مون منک ذات را ڈیکرا نئه گهٹا دک ڈیشی، ان مارا پارام قینصلو کرشی جی هون پگوون رو سونیل پچایا وازو نئی پڻ کورسو سون، ان منک مون نئه مارشی پرو، پڻ ترئمئه ڈی هون وژی جیوی اویهه."

③۲ ایسو هائی آپرا موت رئی وات کلم کلتی کیتوت ریو، تو پطرس ایسو نئه هیکنه پاهنه کرین وزگاوا مڈیو.

③۳ پڻ ایسو پاسو قرین آپرون شیلون هومو زوئین پطرس نئه وزگائین کیتو: "تون شیطان را پاهه تی کم هولئه ریو؟ تون مارو شیلو تین آپری جگا یر رئه! تارئی هائی اوژی سوچ پگوون را پاهه تی نئی، پڻ روگئی منکون رئی سوچ سئه."

شیلک رئه موت هونڈی ایسو ری وات مانه ویوو

(متی 16:24-28، مرقس 8:34-39، لوقا 9:23-27)

③۴ تئین ایسو ٻڌون منکون نئه آپرون شیلون پیڑا تیڑاوین اوتون نئه کیتو: "جی کوئی مارو شیلو تین مون وونهڑ آوا کرئه، تو او آپری مرضی ساڌئه ان موت هونڈی دک وینین زوئنه آپری هونڈی اوپاڌئه ان مارا مارگ مانه وین مون وونهڑ آوئه. ③۵ کم تو جیو کوئی مون نئه ساڌین آپرو جیو پچاوا کرئه، تو نیٹ اوتا رو جیو نئین پچئه، پڻ جیو کوئی ماری کری ان پگوون ری ڈیڈل

ڪُشي ري ڪبر ري ڪري آڀرو جيو ڏيڏا هارو تيار سئ، تو اوتا نئه هميش رو جيون زڙشي. ③⑥ ڪم تو جي ڪوئي منڪ ٻڌي ئي ڏنيا هات ڪرئ، ان اوتا نئه آڀرا جيو رو نقصون تئ، تو اوتا نئه ڪيوو ڦائيدو ٿيو؟ ③⑦ منڪ آڀرو جيو پاسو ليڏا هارو ڪي ڏيشي؟ ③⑧ ڪم تو جيو ڪوئي ايئا پونڏا ان هاو پڳوون رئه ڪلاڦ وڍا واڙا زمونا ڀر ماري ڪري ان ماريون واتون ري ڪري مارو شيلو ڪيورايا ٿي للزي مرشي، تو زئون هون مارا ٻاپ را زبڪتا سوجهرام پويتر ڏوتون پيرو آويھ، تئيون هون منڪ ذات رو ڏيڪرو پڻ اوتا نئه مارو شيلو ڪيڏا ٿي للزي مرهه.

9 ① ان ايسو اوئون نئه اي پڻ ڪيڏو: ”هون تمون نئه هاس ڪونه، ايئنه اوپل منڪون موئين ٿي ڪئينڪ ايوا سئ جيا زئون هوڏي پڳوون رو راز پوري طاقت ٿي اول نئين ڏيڪئ، تئيون هوڏي نئين مرئ.“

ايسو رو روپ زبڪتا سوجهرا ڀر پڌائھ

(متي 13:1-17، مرقس 9:2-13، لوقا 9:28-36)

② سوئون ڏيئون ڪيڙ ايسو آڀ پيڙا پطرس، يعقوب، ان يوحنا نئه تيرين هڪا اونسا ڏونگر مانھ نويڪلائي ڀر گيو. ان ايسو رو روپ اوئون رئه روپرو پڌلي گيو، ③ ان اوتا را لوگهڙا ايوا ڌوڙا شيتر زبڪوا مڏيا، جي پوري ڏنيا ڀر ڪوئي پڻ ايوا ڌوڙا شيتر ڪري نئي هڪتو. ④ ان ايلياه ان موسي اوئون نئه ڏيڪاڙو ڏيڏو، ان او ايسو ٿي واتون ڪرتون اوئون نئه ڏيڪيام آيا. ⑤ تئيون پطرس ايسو نئه ڪيڏو: ”گرو جي، پلا پاڳ امارا جي امي ايئنه سون. هونھ امي ترڻ ڍاڙيا ناوون، هڪ تمون هارو، هڪ موسي هارو، ان هڪ ايلياه هارو.“ ⑥ اوئھ هم ڪيڏو ڪم تو او گهئا پڻائي گيا تا، ان اوتا نئه ڪبر نئي پڙتي جي ڪي ڪيوھ.

⑦ تئيون هڪئھ واڌرئھ آوين اوئون مانھ سونئيو ڪريو. ان اوتا واڌڙا موئين

ٿي پڳوونَ رو آواز ام هومپڙيام آيو: ”اي مارو پريمي ڏيڪرو سٺه. ايٺا ري واتون مونو.“ ⑧ اوچتو، زئيون اُوئي آهٺه پاهٺه زويو، تو ايسو سَوا آپ پيڙو پيڙا ڪيا نٺه نه پازيو.

⑨ زئيون اُو ڏونگر ٿي نيسا اوترتات ريا، تو ايسو اوتون نٺه گهٺو گهٺو ڪيڏو: ”زئيون هُوڏي هون منڪ ذات رو ڏيڪرو مرلون موئين ٿي جيوي نه اوتون، تنيون هُوڏي تمي جي ڪئين ڏيڪيوه اوتا را پارام ڪيا نٺه مت ڪيا.“ ⑩ اُوئي ايسو رٿي هائي ڪيڏل وات موني ليڏي، پڻ آپت ۾ ڪيتا ريا جي ”اُو هم ڪم ڪئو جي مرلون موئين ٿي جيوي اُونشي؟ هيا رو مطلب ڪي سٺه؟“ ⑪ ان اُو ايسو ٿي پونسوا مڏيا: ”شاستر زوتيا وازا ڪم ڪئو جي پڳوونَ را سونڊل پچايا وازا ڪريست رٺه آيا مور ايلياه ضرور وڙي اوشي؟“ ⑫ تو ايسو اوتون نٺه وڙنڏي ڏيڏي: ”هم تو سٺه. شاستر پرموئٺه ايلياه مور ٿي اوشي ان منڪون نٺه پڳوونَ هوما وازين پڳوونَ را سونڊل پچايا وازا ڪريست رٺه آيا هارو تيار ڪرشي. تو پسٺه شاستر ۾ مون منڪ ذات را ڏيڪرا را پارام ام ڪم لڪل سٺه، جي اُو گهٺا ڏڪ سهشي ان منڪ اوتا نٺه ڪئين نئين هزمٺه؟“ ⑬ هون تو تمون نٺه هاس ڪونه جي مارا آيا رٿي تيار ٿي ڪريا وازو، جيا نٺه شاستر ۾ ايلياه ڪيڏو، اُو تو آيو تو. پڻ منڪون نٺه زم وٿيو، تم اوتا رٺه ڪلاڪ وُڍا، زم شاستر ۾ ايلياه را پارام اڳي لڪل هتو.“

ايسو هڪا سوڪرا ٿي پوت ڪاڏه

(متي 14:17-21، مرقس 9:14-29، لوقا 9:37-43)

⑭ زئيون ايسو ان اُو ترڻ شيلا وڙي پيڙون شيلون ڪن پاسا آيا، تنيون اُوئي پيڙون شيلون ري پيڙي هڪ موٽي گڙڏي ڏيڪي. ان اُوئي شاستر زوتيا وازون نٺه شيلون ٿي تڪرار ڪرتون پازيا. ⑮ گڙڏي ري ٻڌي منڪي ايسو نٺه ڏيڪين يڪدم واه واه ڪرڻي ان اوتا ڪن ڍوڙي آوين اوتا نٺه نمسڪار ڪريو. ⑯ تنيون ايسو

اُوئون ٿي پُونسيو: ”تمي ايتون ٿي ڪيوي تڪرار ڪروھ ريا؟“ ⑰ تو گڙڏي موئين ٿي هيڪئھ زئھ وڙندڙي ڏيڏئي: ”گرو جي، هُون مارا ڏيڪرا نئھ تمنون ڪن تيڙي آيو تو، ڪم تو اوتائ نئھ پوت سوتل سئھ، جيا ري ڪري او گونگو سئھ. ⑱ ان زئيون پڻ پوت ايتا را پنڌ م آئھ، تو پوت ايتا نئھ پاڙئھ. ايتا رئھ مونڏئھ گوگڙي آئھ، اي ڏونت گھرڙيا ڪرئھ، ان اي شيڪ ٿي زائھ. مئين تمارون شيلون نئھ ايتا ٿي پوت ڪاڍيا ربي منٿ ڪري ٿي، پڻ او پوت ڪاڍي نھ هڪيا.“

⑲ تيا مانھ ايسو اوتون نئھ ڪيڏو: ”تمي جيا ايتا زمونا را منڪ سو، تمي يقين ڪم نٿي راکتا؟ مارئھ هزون ڪتي وار تمنون پيڙو ريوو پڙشي؟ تمارئي گلت سوچ مارئھ ڪتي وار سهوو پڙشي؟ سوڪرا نئھ مون ڪن ايل تيڙي آو!“ ⑳ تو منڪ سوڪرا نئھ ايسو ڪن تيڙي آيا. پوت ايسو نئھ ڏيڪين يڪدم سوڪرا نئھ مرڙيو، ان او زمي مانھ پڙين چرڪون ڪاوا مڏيو ان مونڏئھ گوگڙي آوي ربي. ㉑ تو ايسو اوتائ را ٻاپ ٿي پُونسيو: ”ڪتا وڪت ٿي ايتا نئھ هم ٿئھ ريو؟“ تو ٻاپ ڪيڏو: ”نونون ٿڪون هم ٿئھ ريو. ㉒ ان پوت ايتا نئھ ماريا هارو گهڻي وار ڏيو تام ان پوڻي م پاڙيوھ. پڻ جي تمنون ٿي ڪئينڪ ٿي هڪئھ، تو امون مانھ قياس ڪرين امارئي مدت ڪرو!“ ㉓ تو ايسو اوتائ نئھ ڪيڏو: ”تون هم ڪم ڪئھ؟ جي تمنون ٿي ڪئين ٿي هڪئھ، تو. جيو منڪ يقين ڪرئھ، اوتائ هارو ٻڌوئي ڪئين ٿي هڪئھ.“ ㉔ تو سوڪرا رئھ ٻاپ يڪدم زور ٿي ڪيڏو: ”هون يقين تو ڪرونھ، پڻ مارو يقين اڏروڪو سئھ. يقين پڪو راکيا م ماري مدت ڪرو.“

㉕ زئيون ايسو زيوو جي منڪ ڊوڙي ڊوڙين پيڙا ٿئھ ريا ان گڙڏي وڌئھ ربي، تو اوتائ پوت نئھ ڌڙڪو ڏين ڪيڏو: ”او گونگو ان ٻوڙو ڪريا وازا پوت، هون تون نئھ حڪم ڏيونھ، ايتا موئين ٿي نيھري زا، ان وڙي ايتا نئھ ڪيڏي مت سونٿي!“ ㉖ تئين پوت رڙيون ڪرين سوڪرا نئھ گهڻو مرڙين سوڪرا ٿي

نيھري ڳيو. ان سوڪرو مرل را زم تي ڳيو. تيام گهڻي منڪي ڪيڏو جي او مري ڳيوھ. (27) پڻ ايسو سوڪرا رو هات زهالين اوناڙيو، ان سوڪرو هازو هورو تي ڳيو ان اُونين اُپيو.

(28) زئيون ايسو اوت تي رُونو ٿين گهري ڳيو، تئين اوتا ري شيلي اوتنه نويڪلائي ۾ اوتا تي پونسيو: ”امي هايا پوت ننه ڪم ڪاڍي نه هڪيا؟“ (29) تو ايسو اوتون ننه ڪيڏو: ”پراڻا ڪريا ان ورت را ڪيا شوا ايوي قسم رون پوتون ننه پيڙنه ڪيوئه پڻ ڍاڙنه ڪاڍي نتي هڪتا.“

ايسو وڙي گليل صوڀا موئين پڳون رو ڪوم ڪرڻه

ايسو پيڙي وار اپرا موت را پارام مور تي همپزاوڻه

(متي 23-22:17، مرقس 30-32:9، لوقا 43-45:9)

(30) ايسو ان اوتا را شيلا اوت تي رونا ٿين پنڌ ڪرتون گليل صوڀا موئين تي متوا مڏيا. ايسو رئي مرضي هتي جي ڪيا ننه اوتا را آيا رئي ڪبر نه پڙنه. (31) ڪم تو او پنڌ ۾ آرون شيلون ننه شيڪاڙتوت ريو ان اوتون ننه ام ڪيتوت ريو: ”موڻهنه مون منڪ ذات را ڏيڪرا ننه زهلاوشي ان منڪون رنه خواله ڪرشي، ان او مون ننه مارشي پرو. پڻ مريا ڪيڙ ترئمته ڏي هون وڙي جيوي اونيھ.“ (32) پڻ شيلا هائي وات نه هزميا، ان اوتون ۾ ايسو تي هايا وات را پارام پونسيا رئي هيئت ئي نتي.

شيلا آيت ۾ تڪرار ڪرڻه جي ڪيا رو گهڻو مون سء

(متي 5-1:18، مرقس 33-37:9، لوقا 46-48:9)

(33) ايسو ان اوتا را شيلا ڪفرنخوم شهر ۾ آيا. گهري آوين ايسو آرون شيلون تي پونسيو: ”مارگ ۾ تمي آيت ۾ ڪيا وات را پارام تڪرار ڪرتات ريا؟“

34) پڻ اُو ڪئين نه ٻوليا، ڪم تو اُو مارڳ ۾ هيڪا پيڙا ٿي تڪرار ڪرتات ريا جي آپون ۾ ڪيا رو گهڻو مون سٺه. 35) تو ايسو پيهين آپرون ٻارون سونڊل شيلون ننه آپ ڪن تپڙايا ان اوئون ننه ڪيڏو: ”جو ڪوئي ٻڌون ٿي موتو ٿيو ڪرڻه، تو اوئا رڻه ٻڌون ٿي نونو ٿيو، ان ٻڌون رڻي شيوا ڪريا واڙو ٿيو.“ 36) ان پسته اونه هيڪ نونو ٻاڙ لين اوئون را وس ۾ اوپاڙيو، ان اوئا ننه ٻات ۾ لين اوئون ننه ڪيڏو: 37) ”جيو ڪوئي مون مانه وشواس راڪيا ري ڪري ايون ٻاڙون موئين ٿي هيڪا رو مون راڪڻه، اُو مارو مون پڻ راڪڻه. ان جيو ڪوئي مارو مون راڪڻه، اُو پڳوون رو مون پڻ راڪڻه، جيئنه مون ننه ميليوه.“

جو تمارو ڪلاڻ نٿي اُو تمارو پاهنه سٺ

(مرقس 38:9-41، لوقا 49:9-50)

38) پسته يوحنا ايسو ننه ڪيڏو: ”گرو جي، امي هيڪا منڪ ننه تمارا نوم ٿي پوت ڪاڍتون ڏيڪيو، ان امي اوئا ننه هم ڪريا رو نا پاڙيو، ڪم تو اُو امون پيڙو تمون وونهڙ نٿي ويتو.“ 39) پڻ ايسو ڪيڏو: ”اوئا ننه هونه مت روڪيا، ڪم تو ام ٿي نٿي هڪتو جي ڪوئي مارو نوم لين پڳوون ري ڪڙا ٿي هيوو ڪوم ڪرڻه، ان پسته تيا ڪيڙ مارڻه ڪلاڻ ٻولنه. 40) ڪم تو جيو آپنه ڪلاڻ نٿي، اُو آپنه پاهنه سٺه. 41) جيو ڪوئي تمون ننه، مون پڳوون را سونڊل پڇايا واڙا ڪريست را منڪ هيا ري ڪري، پوڻي رو هيڪا ڳلاس ٿي پيٿارڻه، تو هون تمون ننه هاس ڪونه جي پڳوون اوئا ننه ضرور ايوزو ڏيشي.“

ايسو شيڪاڙڻه جي ڪم ڪرين ڏوه ڪريا ٿي پاهو ڏيو

(متي 6:18، 9-13:5، 16-مرقس 42:9-50، لوقا 17:1-2، 14:34-35)

42) ”ان ايئون نونون منڪون موئين ٿي جيا مون مانه وشواس راڪڻه، جي ڪوئي پڻ منڪ ايئون موئين ٿي ڪياڪ ننه ڏوه ۾ پاڙڻه، تو پڳوون اوئا منڪ ننه

اتئي گهٽئي سزا ڏيشي جي اونا منڪ هارو نائوڪو ام ٿت جي اونا رٿه هيوو ڪوم ڪريا مور اونا را گڙا موئين موتا گهرت رو پڙ ٻوندين اونا ننه سمونيد ۾ ڦڳوڙيو هوٿ. (43) ان جيا پڻ وات ري ڪري تمي ڏوه ڪرو، هايا وات ننه ساڏو پڙئي. جي تمارا هات ري ڪري تمي ڏوه ڪروه، تو اونا ننه واڍو پرو. ڪم تو تماره پيئون هائون هتيلا نرڳ ري پاھي ۾ زايا ٿي، جيئي ڪيڏي اوزھماتئي نٿي، تمون هارو نائوڪو اي سٺه، جي تمي ڪونڪا ٿين هميش رو جيون ليو. (44) ڪم تو نرڳ ۾ سزا ڪيڏي ڪتم نٿي ٿيئي، زوٽه اوڪرڙا ۾ جيٽه ڪيڙا هميش هوٿه ان ڏيوٽا ڪيڏي اوزھماتو نٿي. (45) ان جي تمارا پڳ ري ڪري تمي ڏوه ڪروه، تو اونا ننه واڍو پرو. ڪم تو تماره پيئون پڳون هتيلا نرڳ ۾ ڦڳوڙايا ٿي تمون هارو نائوڪو اي سٺه، جي تمي ميا ٿين هميش رو جيون ليو. (46) ڪم تو نرڳ ۾ سزا ڪيڏي ڪتم نٿي ٿيئي، زوٽه اوڪرڙا ۾ جيٽه ڪيڙا هميش هوٿه ان ڏيوٽا ڪيڏي اوزھماتو نٿي. (47) ان جي تماري اونڪ ري ڪري تمي ڏوه ڪروه، تو اونا ننه ڪاڍو پڙئي. ڪم تو تماره پيئون اونڪيون هتيلا نرڳ ۾ ڦڳوڙايا ٿي تمون هارو نائوڪو اي سٺه، جي تمي ڪوٽا ٿين پڳون را راز موئين زائو. (48) ڪم تو نرڳ ۾ سزا ڪيڏي ڪتم نٿي ٿيئي، زوٽه اوڪرڙا ۾ جيٽه ڪيڙا هميش هوٿه ان ڏيوٽا ڪيڏي اوزھماتو نٿي. (49) تيام تمي ڏڪ سهيا هارو ٿيار ريو، ڪم تو زم پڳون را نوم مانھ مال رو ڏونپ ساڙيا هارو ٻڌا ساڙل مال مانھ مور ٿي لوڻ نوڪه، تم پڳون رٿي مرضي پورئي ڪريا هارو ٻڌون منڪون رٿه ڏيوٽا جيو ڏڪ وينو پڙشي.

(50) لوڻ تو نائوڪو سٺه. پڻ جي لوڻ آپ موزو ٿي زائو، تو اونا ننه ڪيا ٿي هَوَڏيو ڪرشو؟ تيام تمي هاسا شيلا ٿين پڳون رٿي مرضي پورئي ڪرين لوڻ را زم هَوَڏيا ٿيو، ان هيڪا پيڙا ٿي هپ راکو.

ايسو گليل صويا ٿي يزوشلم شهر هومو زائھ

ايسو پرتيا را پارام شيڪارٽھ
ان ڏوشي نٺ نه ساڏيا را پارام هزماوئھ

(متي 12-1:19، مرقس 12-1:10، لوقا 18:16)

10 ① ايسو اوت ٿي رُونو ٿين يهوديه را علاقا ۾ ٿين ڀرڊن ڌريا رٺ پيڙه
پاهه ڳيو. ان الاهي گهٺا منڪ وڙي اوتھ ڪن آوين پيڙا ٿيا، ان زم
اڳي شيڪارٽو تم او وڙي اوتون نٺ شيڪارٽو مڏيو.

② تيون فريسي پالٽي ري منڪي ايسو ڪن آوين اوتھ رو آزمتو ليڏا هارو
پونسو: ”ڌرم پرموتھ آڏمي رٺه آپري ڏوشي لڪي ڏيوو نيڪ سٺه، ڪا
نا؟“ ③ تيا مانھ ايسو اوتون ٿي پونسو: ”موسي رو لڪل شاستر تمون نٺه
ڪي ڪئھ؟“

④ تو اوتھ ڪيڏو: ”موسي اي موڪل ڏيڏي، جي آڏمي مور ٿي لڪي ڏئھ،
تو او آپري ڏوشي ساڏي هڪھ.“ ⑤ تو ايسو اوتون نٺه ڪيڏو: ”موسي تمون
هارو هائي حڪم تيام لڪيو، ڪم تو اوتھ نٺه ڪبر هٿي جي تمي ناھڏا سو ان
پڳوون ري مرضي مانھ نئين وو. ⑥ پڻ ڏنيا ري شروع ٿي لين پڳوون منڪون نٺه
نايا رٺه ٿوئھ آڏمي ان ڏوشي نايا. ⑦ زم شاستر ۾ لڪل سٺه: ’تيام آڏمي آپرا
مان ٻاپ نٺه ساڏشي، ان آپري ڏوشي پيڙو ريشي، ⑧ ان او ٻي ئي هيڪ ٿيشي.
تو پسئھ آڏمي ان ڏوشي ٻي ئي ڌار ڌار نٿي، پڻ هيڪ سٺه. ⑨ تيام جيون نٺه
پڳوون آپ جوڙياھ، اوتون نٺه منڪ ڌار نه ڪرئھ!“

⑩ زئون او گھري ڳيا، تيون شيلي ايسو ٿي هايا وات را پارام وڙي
پونسو. ⑪ تو ايسو اوتون نٺه ڪيڏو: ”جيو ڪوئي آپري ڏوشي ساڏين پيڙي
ڏوشي ڪرئھ، پلئھ لڪي ڏيڏي هونھ، توئي پڻ او پيرھين ڏوشي رو ڏوھ ڪرئھ ان

أَوْ يُؤْنَدُو كَوْمِ كَرْنَه. ⑫ ان جي ڏوشي آڀرا آڏمي ننه ساڏنھ ان پيزو آڏمي ڪرئھ، پلئھ اوتھ آڀرا آڏمي ٿي لڪاوي ليدو هونھ، توڻي پڻ اُو پُونْدُو كَوْمِ كَرْنَه.

ايسو ننڪون ٻازون ننه آشيرواڏ ڏئھ

(متي 13:19-15، مرقس 13:10-16، لوقا 15:18-17)

⑬ منڪ ايسو ڪن ننڪون ٻازون ننه تيڙي آيا، زم ايسو اوتون مانھ هات ميلين آشيرواڏ ڏئھ. پڻ شيلي اوتون منڪون ننه وڙگائين هيڪل زايا رو ڪيڏو. ⑭ شيلون ننه هم ڪرتون ڏيڪين ايسو ننه گهڻو ڏڪ ٿيو، ان اوتھ شيلون ننه ڪيڏو: ”ٻازون ننه مون ڪن آووا ڏيو، ان اوتون ننه مت روڪو، ڪم تو پڳوون رو راز ايتون ٻازون جيوون منڪون هارو سئھ. ⑮ هون تمون ننه هاس ڪونھ، جيو پڻ ٻاز جيوو ٿين پڳوون رو راز قبول نٿي ڪرتو، تو اُو پڳوون را راز موئين ماڳي نئين آوي هڪئھ.“ ⑯ تتيون ايسو ٻازون ننه ڪوزام لين اوتون مانھ هات ميلين اوتون ننه آشيرواڏ ڏيڏو.

شاڻوڪار منڪ ان پڳوون رو راز

تارن لبتا هارو بتوئي ڪئين ساڏيا هارو تيار ريوو

(متي 16:19-30، مرقس 17:10-31، لوقا 18:18-30)


⑰ ايسو وڙي آڀرا پنڌ مانھ زايا هارو اوت ٿي روونو ٿيتوت ريو، تو هيڪ منڪ ڍوڙي آيو ان اوتا ري پڳي پڙين اوتا ٿي پونسيو: ”نائوڪا گرو، مارئھ ڪي ڪرو، جيا ٿي مون ننه پڳوون ڪن هميش رو جيون زڙئھ؟“

⑱ تو ايسو اوتا ننه ڪيڏو: ”تمي ڪي سوچين مون ننه نائوڪو ڪوھ؟ پڳوون شوا پيزو ڪوئي نائوڪو نٿي. ⑲ تمون ننه پڳوون رون حڪمون رئي تو اڳي ڪبر سئھ، ڪون نه ڪروو، پُونْدُو ڪوم نه ڪروو، سورئي نه ڪروو، ڪوڙي هاک نه ڀروو، نڳي نه ڪروو، ان آڀرا مان ٻاپ رو مون راکوو.“

②0 تو اُوئه ايسو نئه ڪيڏو: ”گرو جي، هايون ٻڌون حڪمون مانھ تو هون ننڪو ٿڪو هوتون وونھ ريو.“

②1 ايسو اوتان نئه روڙون زويو، تو او ايسو نئه پلو لاڳيو، ان ايسو اوتان نئه ڪيڏو: ”هزون تمون موئين هيڪي وات رئي گهٽائي سئه. تمي زانو، تمارو جئين ڪئين سئه او ويسين پٽيها گريبون ۾ وراو پرا، تو تمون نئه آڪاش موئين آڪاشي ملڳت هميش رو جيون زڙشي، ان پسئه آوين مارا شيلا تين مون وونھڙ وو.“ ②2 اي وات هومپزين او منڪ گهڻو ڏڪي ٿيو، ان او اومڊومڻو تين گيو پرو، ڪم تو اوتان ڪن گهڻي مال ملڳت هئي.

②3 تميون ايسو اهئه پاهئه آپرون شيلون هومو زوئين اوتون نئه ڪيڏو: ”ملڳت وازون رئه پڳوون را راز موئين زاو ڪتو ڏورو سئه.“



②4 شيلا ايسو ري ايئا وات مانھ حيرون ٿيا، ڪم تو او ام هزمتا جي منڪ پڳوون را آشيرواڏ ري ڪري شائوڪار هئو. تيا مانھ ايسو اوتون نئه وڙي ڪيڏو: ”مارون ڏيڪرون، پڳوون را راز موئين زاو ڪتو ڏورو سئه. ②5 شائوڪار منڪ رو پڳوون را راز موئين زاو ايوو ڏورو سئه، جي هايا ڪرتون اونٺ رو هئي را ناڪا هونھرو متوو هورو هوت.“

②6 هائي هومپزين شيلا وڌارئه گهڻا حيرون ٿيا، ان هيڪا پيزا نئه ڪيو مڌيا: ”جي شائوڪارون نئه تارڻ نئين زڙئه، تو پسئه ايوو ڪوڻ هوشي جيا نئه تارڻ زڙشي؟“ ②7 تيا مانھ ايسو اوتون هومو زوئين ڪيڏو: ”هائي منڪون ٿي نٿي ٿي هڪتو، پڻ پڳوون ٿي ٿي هڪه. ڪم تو پڳوون ٻڌوئي ڪئين ڪري هڪه.“

②8 تيا مانھ پطرس ايسو نئه ڪيڏو: ”زوئو، امي تو ٻڌوئي ڪئين ساڏين تمارا شيلا تين تمون وونھڙ آياھ.“ ②9 تو ايسو ڪيڏو: ”هون تمون نئه هاس

ڪونه، هر منڪ جيئنه ماري ڪري ان پڳوون ري ڏيڏل ڪشي ري ڪپر ري ڪري گهر، ٻين ڀائي، مان ٻاپ، ٻار، ڪا زمئي ساڏيڻه، (30) اوتئا ننه همئنه ايئا حياتي ۾ ساڏل شينهنون ٿي هو وار وڌيڪ گهر، ڀائي، پينون، مائون، ٻار ان زمئي زڙشي، پڻ هيا پيڙو منڪون را پاها ٿي ڏڪ تڪليپ پڻ زڙشي، ان پسئه آيا واري حياتي ۾ هميش رو جيون زڙشي. (31) گهڻا منڪ جيا همئنه مورم سئه او لارم ٿيشي، ان جيا لارم سئه او مورم ٿيشي.

ايسو ترٿمي وار آٻرا موت را پارام مور ٿي هميڙاوتنه

(متي 17:20-19، مرقس 32:10-34، لوقا 31:18-34)

(32) ايسو ان اوتئا را شيلا آٻرا پنڌ ۾ يروشلم شهر هوما زاتات ريا، ان ايسو اوتئون مور مور زاتوت ريو. شيلا ايسو مانه حيرون هتا، ان پيڙا منڪ جيا ايسو وونهڙ ويتات ريا، او پيڙاتات ريا. تئيون ايسو آٻرون ٻارون سونڊل شيلون ننه وڙي هيڪنه پاهنه ڪرين اوتئون ننه ڪينا مڏيو جي اوتئا ٿي ڪي ڪي ٿيا وازو سئه. (33) اوتنه ام ڪيڏو: ”زوئو، آٻي يروشلم شهر هوما زائونه ريا. ان اوتنه موئنه مون منڪ ذات را ڏيڪرا ننه زهلاوشي ان موتون پوزاريون ان شاستر زوٿيا وازون رئه. حواله ڪرشي، ان او مون ننه موت رئي سزا ڏيڏا رو ڦينصلو ڪرشي. ان او مون ننه ڌاري قوم وازون منڪون رئه حواله ڪرشي، (34) ان او مون مانه نئولي ڪرشي، مون مانه ٽوڪشي، مون ننه هاڻڪا هڻشي، ان مون ننه ماري نوڪشي. پڻ ترٿمه ڏي هون وڙي جيوي اونيئه.“

يعقوب ان يوحنا آٻرا مون هارو ايسو ٿي منت ڪرئه

(متي 20:20-28، مرقس 35:10-45)

(35) تئيون زبدي را ڏيڪرا يعقوب ان يوحنا ايسو ڪن آيا ان اوتئا ننه ڪيڏو: ”گرو جي، امارئي تمون ٿي هيڪ وينتئي سئه. امون مانه هيڪ ميرپونئي ڪرو.“ (36) تو

ايسُو اوتون تي پونسيو: ”تمي ڪي مونگوه؟“ (37) تو اوتِي ايسُو نئه ڪيڏو: ”امون هارُو اي ڪرو، جي زئيون تمي پاڌشا تين گهاڌي مانه مون ۾ پيهشو، تنيون امون نئه، هڪا نئه تمارئه زمئنه پاهنه ان پيزا نئه تمارئه ڏاوتنه پاهنه مون ۾ پيهاريا.“ (38) تيا مانه ايسُو اوتون نئه ڪيڏو: ”تمون نئه ڪبر نتي جي تمي ڪي مونگوه ريا. ڪي تمي ايو اڌڪ سهي هڪشو، جيو اڌڪ هون سهيه؟ ڪي تمي موت هُوڌي ڌڪ ڏورون سهين پگيون رئي مرضي پورئي ڪري هڪوه، زم هون موت هُوڌي ڌڪ ڏورون سهين پگيون رئي مرضي پورئي ڪرونه؟“ (39) تو اوتِي ايسُو نئه ڪيڏو: ”هوئه، امي هم ڪري هڪونه.“ تو ايسُو اوتون نئه ڪيڏو: ”تمي هيو اڌڪ تو سهشو، جيو اڌڪ هون سهيه. ان تمي موت هُوڌي پگيون رئي مرضي تو پورئي ڪرشو، زم هون موت هُوڌي پگيون رئي مرضي پورئي ڪرونه.“ (40) پڻ مائه زمئنه پاهنه ڪا ڏاوتنه پاهنه پيهاريا رئي وات مارا هات ۾ نتي. هائي ماڳ اوتون هارُو راکل سئه، جيون هارُو پگيون تيار ڪريوه.“

(41) هائي ٻڌي وات هومپزين پيزون ڏهون سونيل شيلون نئه يعقوب ان يوحنا مانه گهڻي رينه سڙي. (42) تنيون ايسُو اوتون ٻڌون نئه آپ ڪن تيڙاوين ڪيڏو: ”تمون نئه تو ڪبر سئه جي ڌاري قوم واڙا، جيون منڪون نئه او آگيون هزمئه او آپرون منڪون مانه حڪم ويوراوتنه، ان اوتون را جيا موتا منڪ سئه اوتون مانه اڪتياڙي راکئه. (43) پڻ تمون موئين هم نه ٿيو ڪپئه. پڻ جيو تمون موئين موتو ٿيو ڪرئه، اوتئا رئه تمارئي شيوا ڪريا واڙو ٿيو. (44) ان جيو تمون موئين آگيون ٿيو ڪرئه، اوتئا رئه زوتنه ٻڌون رو ڳلوم ٿيو. (45) ڪم تو هون منڪ ذات رو ڏيڪرو پڻ ايتا هارُو نتي آيو، جي منڪ ماري شيوا ڪرئه. پڻ ايتا هارُو آيوه، جي هون پيزون رئي شيوا ڪرون، ان مارو جيو پگيون را نوم مانه ڏيون زم الاهي گهڻون منڪون نئه ڏوهون رئي ماڻي زڙئه.“

ايسو هيك اوندو ققير نڏ ھازو ھورو ڪرڻ

(متي 20: 29-34، مرقس 10: 46-52، لوقا 18: 35-43)

46) تيا ڪيڙا ايسو ان اوتا را شيلا يريخو شهر ۾ آيا. ان زئيون او ان اوتا را شيلا، ان پيڙا الاهي گهڻا منڪ پڻ، يريخو شهر تي رونا تيتات ريا، تئيون اوتنه شيرڙا مانھ هيك اوندو ققير پيڻو تو. او تيمائي رو ڏيڪرو هتو، ان اوتا رو نوم برتيمائي هتو.



47) زئيون اوتھ اوندئھ ققير ھومپڙيو جي ايسو ناصرت شهر وازو منئھ ريو، تئيون او زور ٿي ڪيو مڏيو: ”او ايسو، او دائود پاڏشا را وستار، مون مانھ ڏٺيا ڪرو!“ 48) گهڻا منڪ اوتا ننه ھاڪل ڪرين ڪيو مڏيا: ”ماڻ ڪر!“ پڻ او ماڳي وڌارنھ زور ٿي ڪيو مڏيو: ”او دائود پاڏشا را وستار، مون مانھ ڏٺيا ڪرو!“

49) تيا مانھ ايسو اوپو ريو ان ڪيڏو: ”ھايا ننه ايل تيڙي آوو!“ تو منڪي اوندو ننه امر ڪيڏو: ”ھيمت راک! اوڻ پرو! او تون ننه ھاڏ ڏئھ ريو.“ 50) تو اوندو آپرو وساوڻ توتال هڪل ڳھڙين ھٿمارو اونيون ان ايسو ڪن آيو. 51) تئيون ايسو اوتا ٿي پونسيو: ”ٿارئي ڪيوني مرضي سئھ؟ هون تون ھارو

ڪي ڪرون؟“ تو اونڌڻه اُوڻا نڻه ڪيڏو: ”گرو جِي، مون نڻه هازو هورو ڪرو، زم هون وڙي ڏيڪي هڪون.“ (52) پسته ايسو اُوڻا نڻه ڪيڏو: ”تون پلڻه زا! تئين يقين ڪريوه، تيام تون هون هازو هورو ٿه!“ تو او يڪدم ڏيڪوا مڏيو، ان ايسو وونهڙ ويوا مڏيو.


يروشلم شهر ۾ ايسو رو اڪري هفتو

ايسو يروشلم شهر ۾ اوڻه

ان گهڻا منڪ اُوڻا نڻه پڳوون رو سونيل پچايا وازو ڪريست مومين
اُوڻا را وڪون ڪرڻه

(متي 21:1-11، مرقس 11:1-11، لوقا 19:28-40، يوحنا 12:12-19)

11 ① زئيون ايسو ان اوڻا را شيلا يروشلم شهر ڏوڪرا آيا، ان زيتون نومي ڏونگر ڪن بيت فگي ان بيت عنياه پاڙون ڪن آوين پوگيا، تئين ايسو اپرون شيلون موئين ٿي پئون نڻه ميليا، ② ان اوڻون نڻه ڪيڏو: ”تمي هومليا پاڙا موئين زانو، ان زئيون تمي اوڻا موئين زاشو، تو يڪدم اوڻه



گڏيڙا رو هيڪ وشيرو هوندل ڏيڪشو، جيا مانه اڳي ڪيڻه سونارئي نٿي ڪرڻي. اوڻا نڻه سوزين ايڻه هاکلي آيا. ③ جي ڪوڪ تمون نڻه پونسئ: ’هم ڪم ڪروه ريا؟‘ تو تمي ام ڪيا: ’ايڻا رڻي پريو نڻه ڪاپي سئ. ان او جلدِي ايڻا نڻه پاسو ڏي ميلشي.’“

④ تو هي شيلا رونا ٿيا. ان اوڻه پوگين اوڻي گڏيڙا را شيرا نڻه بارو شيري

۾ ڌروازا ڪن ٻونڌل ڏيکيو، ان او وٿيرا نٿه سوڙوا مڌيا. ⑤ اوتڻه اوپل منڪون موئين ٿي ڪئينڪ زئا اوئون ٿي پونسوا مڌيا: ”تمي ڪي ڪروھ ريا؟ وٿيرا نٿه ڪه سوڙوھ ريا؟“ ⑥ تو اوئي همروم ڪيڏو، زم ايسو اوئون نٿه ڪيڏو تو، ان پسڻه منڪي اوئون نٿه لي زاوا ڏيڏو.

⑦ پسڻه او وٿيرا نٿه ايسو ڪن هاڪلي آيا، ان آپرا توئال وٿيرا مانھ پاٿريا. ان ايسو اوئا مانھ سڙيو. ⑧ ان ايسو نٿه اڌرمون ڏيڏا هارو گهڻي منڪي شيرڙا مانھ آپرا توئال وسايا، ان پيزي منڪي ڪيترون موئين ٿي وٿون ري ڏازڪي واڍين شيرڙا مانھ وساوي. ⑨ جيا زاترو ايسو مور مور ان ايسو وونھز وونھز يروشلم شھر هوما زاتات ريا، او ايسو رئي جئي زور ٿي ام ٻولوتات ريا:

”جئي جئي! ايسو رئي جئي!

ايشور رو آشيرواڏ ايئا مانھ هوڻه،

جيو ايشور را پاها ٿي اوڻه.

⑩ پڳوون رو آشيرواڏ ايئا پاڌشا مانھ هوڻه،

جيو اپئا ڏاڏا دائود پاڌشا ري جگا ۾ راز ڪرشي.

جئي جئي! پرميشور رئي جئي!

⑪ پسڻه ايسو يروشلم شھر موئين آيو، ان پڳوون را گھر ۾ گيو. ان ٻڌوئي

ڪئين زوئين او آپرون ٻارون سونڊل شيلون پيزو شھر ٿي ٻارو نيهرين بيت عنياه پاڙا هومو گيو، ڪم تو رات پڙيا واڙئي هٽئي.

ايسو انجبر را وڻ نٿه هراپ ڏٺه ان هم ڪرين شيڪارڻه جي
جي ڪئين نڪومو سئ او پڳوون را پاها ٿي ڪتم ٿيشي

(متي 18:21-19، مرقس 11:12-14)

⑫ پيزڻه ڏي هوار را ايسو ان اوئا را شيللا بيت عنياه پاڙا ٿي پاسا يروشلم شھر هوما آوتات ريا، تو ايسو نٿه پوک لاگئي. ⑬ ان اوڻه شيتا ٿي انجبر رو هيڪ

نيلو وڻ ڏيکيو، تو اُو اي سوچين وڻ ڪن گهيو، جي مون ايڻا وڻ موئين ڪئينڪ
 ميوا هونء. پڻ وڻ ڪن آوين زونء، تو اُوئا موئين روڳا پونٽا ئي پونٽا سء، ان
 ميوا سء ئي نئين. هونء موٽي وات اي هتئي جي انجير رون ميون رئي مڌئي
 نئي، توئي پڻ هائي وڻ پونٽون ٿي ام ڏيڪاتو تو جي اُوئا موئين ميوا لاڳل
 سء. (14) تيام ايسو وڻ نء ڪيڏو: ”قارا ميوا ڪوئي وڙي ڪيڏي نئين ڪائء!“ ان
 هائي وات اُوئا ري شيلي پڻ هومپڙئي.

ايسو پڳون را گهر موئين ٿي واپار ڪريا وازون نء ٻارا ڪايء

(متي 12:21-17، مرقس 11:15-19، لوقا 19:45-48، يوحنا 2:13-22)

(15) تيون ايسو ان اُوئا را شيللا يروشلم شهر ۾ آيا. ان ايسو پڳون را گهر
 موئين زائين اُوئون منڪون نء ٻارا ڪايوا مڌيو، جيا پڳون را گهر موئين ليتي
 ڏيتي ڪرين پڳون را نوم مانء سڙايا هارو مال ان پڪي ويستات ريا، ان ڏون
 ۾ ڏيڏا هارو ڪاس پٽيها متتات ريا. اُوئ پٽيها متيا وازون را پاتيا اوتلايا پرا ان
 پارياو ويسيا وازون ري سنڌلون اوتلوي پري. (16) ان جيا منڪ شيمون لين لونبا
 چڪر ٿي پچيا ري ڪري پڳون را گهر موئين تين متتا تا، اُوئ هايون نء متوا
 نه ڏيڏا.

(17) تيون اُو منڪون نء شيڪاڙوا مڌيو ان اُوئون نء ڪيڏو: ”شاستر موئين

پڳون رئي اي وات لڪل نئي ڪي؟

’مارو گهر ٻڌيون قومون هارو پرائتا ڪريا رو گهر ڪيوراشي.

پڻ تمي ايڻا نء آپري ڪمائي رو نمونو نايوه ان زونء ايڻا نء ڌاڙيلون رئي
 پتارئي ناويء.“

(18) اي وات موتي پوزاريني ان شاستر زوتيا وڙي هومپڙئي، ان اُو وجه گوتوا

مڌيا جي ايسو نء ڪم ڪرين مراونء. اُو ايسو ٿي پٽاتا تا، ڪم تو اُوئون ري
 آپري اسرائيلي قوم را ٻڌائي منڪ ايسو را شيڪاڙيا مانء حيرون هتا.

⑲ زئيون هونز ٿئي، تو ايسو ان اوتا را شيلا رات تڪيا هارو يروشلم شهر ٿي بارا نيھري ٿيا.

هُوكڙاول انجبر را ون ٿي ايسو يقين را پارام شيڪاڙڻه

(متي 20:21-22، مرقس 11:20-26)

⑳ پڙنه ڏي هوار را ايسو ان اوتا را شيلا پاسا يروشلم شهر هوما ذاتا ريا، تو اوئي ڪالوڪو انجبر رو ون ڏيڪيو. او هاو هوكال هتو. ㉑ پطرس نه ڪالوڪي وات همپري، تو اوئه ايسو نه ڪيڏو: ”گرو جي، زوئو! اي انجبر رو ون جيا نه تمي هراپ ڏيڏو تو، اي تو هوكائي گيوه.“ ㉒ تيا مانه ايسو اوئون نه ڪيڏو: ”پگيون مانه يقين ڪرو! ㉓ هون تمون نه هاس ڪونه، جيو پڻ ايئا ڏونگر نه ڪنه: ايئون نيهرين سمونڊ ۾ زائين پڙا! ان اوتا را من ۾ ڪئين شڪ نٿي، پڻ يقين ڪرڻه جي زم ڪيڏو تم ٿيڻي، تو اوتا هارو همروم ٿيڻي. ㉔ تيام هون تمون نه ڪاتري ٿي ڪونه، جيا پڻ وات هارو تمي پگيون ٿي پراٿنا ان وينتني ڪرو، هايا را پارام يقين راڪو جي پگيون تمارو هاڏ هومپڙيوه، تو او وات تمون هارو پوري ٿيڻي. ㉕ ان زئيون پڻ تمي پراٿنا ڪرو، تيون جي ڪيڏهه تمارو ڏوه ڪريو هون، تو اوتا نه ماڻ ڪرو، زم تمارو آڪاشي پاپ پگيون تمارون ڪرل ڏوهون رڻي ماڻي تمون نه پڻ ڏنه. ㉖ (پڻ جي تمي ماڻي نٿي ڏيئا، تو تمارو آڪاشي پاپ پگيون پڻ تمارون ڪرل ڏوهون رڻي ماڻي تمون نه نئين ڏنه.)“

يهودي ترم را اڳيون ايسو ري اڪتباري را پارام سوئال ڪرڻه

(متي 23:21-27، مرقس 11:27-33، لوقا 20:1-8)

㉗ تيون ايسو ان اوتا را شيلا وڙي يروشلم شهر ۾ آيا. ايسو پگيون را گهر ۾ ويتوت ريو، تو موتا پوزاري، شاستر زوڻيا وازا ان اسرائيلي قوم را اڳيون

ايسو ڪن آيا ②8 ان اوثا ٿي پونسوا مڏيا: ”تمي ڪيا را ڪيڏا ٿي اي ڪوم ڪروھ؟ ڪيئن تمون ننه اي ڪوم ڪريا رئي اڪتياري ڏيڏيھ؟“

②9 تيا مانھ ايسو اوثون ننه ڪيڏو: ”ھون پڻ تمون ٿي هيڪ وات پونسونھ. جي تمي مارا سوئال رو جواب ڏيشو، تو ھون پڻ تمون ننه ھمپڙاويھ جي ھون ڪيا ري اڪتياري ٿي اي ڪوم ڪرونھ. ③0 مارو سوئال اي سئھ، يوحنا پڳوون را طرف ٿي پويتر سنون ڏيتو، ڪا منڪون را طرف ٿي؟ ھوئھ تمي مون ننه جواب ڏيو!“

③1 تو پسنھ او آيت موئين ڪيا مڏيا: ”جي آبي ڪيشون: پڳوون را طرف ٿي، تو اي آپون ننه ڪيشي: پسنھ تمي اوثا رئي وات ڪم نہ مونئي؟“ ③2 پڻ جي آبي ام ڪيشون: منڪون را طرف ٿي، تو آپون ٿي ڪي ٿيشي؟“ او آھئھ پاھئھ اوپل گھٽون منڪون ٿي پيئاتات ريا، ڪم تو ٻڌائي منڪ مونتا جي يوحنا پڳوون رو نياپو ڏيڏا وازو ھتو. ③3 تيام اوثي ايسو را سوئال را جواب ۾ اي ڪيڏو: ”امون ننه تو ڪٻر ٿئي.“

تو ايسو اوثون ننه ڪيڏو: ”تو پسنھ ھون پڻ تمون ننه نئين ھمپڙاون جي ھون ڪيا ري اڪتياري ٿي اي ڪوم ڪرونھ.“

ڳولون ھازيون رو مثال

ايسو آپ ننه ڏٺي رو ڏيڪرو ڪين آپ را پارام شيڪاڙئھ

(متي 21:33-46، مرقس 12:1-12، لوقا 20:9-19)

12 ① ٿيون ايسو اوثون ننه مثال ڏين ڪيا مڏيو: ”هيڪ منڪ ھتو. اوثھ ڌراڪون رو ٻاڳھ پوڪايو. اوثا رنه پيوڙي اوثھ واڙ ڏيوڙاوي، اوثا موئين ڌراڪون ننه ڦيھليا ھارو ان رس ڪاڍيا ھارو ھوڏئي ٿوراوي، ان سوڪي ھارو ڏاڳڙو ٿوراوي. ان پسنھ ٻاڳھ موئين ھاري اويڙين آپ ڪياڪ شيتي ملڪ ۾ گيو پرو.



② ذراكون پاڪيا رنه توتنه، ڌڻي
آپرو حصو ليڏا هارو هيڪا نوڪر ننه
هازيون ڪن ميليو. ③ پڻ هاريئي اوتا
نوڪر ننه زهالين ماريو ان نالي هائي
پاسو روونو ڪريو.

④ تو ڌڻي وڙي پيڙا نوڪر ننه هاريون ڪن ميليو. پڻ هاريئي اوتا ننه پڻ
ماريو ان اوتا را ماڻا مانه ڌڪ هنيا ان اوتا رڻي پيعزتي ڪرڻي.
⑤ تو ڌڻي وڙي ترٿما نوڪر ننه ميليو. پڻ هاريئي اوتا ننه ماريو پرو. هيوئه
نمونه ڌڻي پيڙا گهڻا نوڪر پڻ ميليا، پڻ هاريئي ڪيونڪ ننه مار ڪاڏي، ان
ڪيونڪ ننه نمو ماريو پرا.

⑥ هوئه ڌڻي ڪن روڳو هيڪ زٿو ري گيو، جيو اوتا رو آپرو پريمي ڏيڪرو
هتو. تو نيٺ پچاڙي ڀر اوئه آپرا ڏيڪرا ننه اوئون هاريون ڪن ام سوچين ميليو
جي 'او ضرور مارا ڏيڪرا رو مون راکشي'. ⑦ پڻ زئيون هاريئي ڌڻي را ڏيڪرا
ننه ڀاگه موئين آوتون پازيو، تو اوئي آپت موئين اي صلاح ڪرڻي: 'هائي تو
ڌڻي رو ڏيڪرو سئه. ليو، آبي هيا ننه مارون پرو! پسته اي ڀاگه هيا رو نئين
تسه، پڻ آپتو ٿي زاشي'. ⑧ پسته ايئي ڌڻي را ڏيڪرا ننه زهالين اوتا ننه ماريو
پرو ان اوتا ننه ڀاگه ٿي ڀارو ڦڳوڙيو پرو.

⑨ پسته ايسو منڪون ننه ڪيڏو: "هوئه ڀاگه رو ڌڻي ريو، او ڪي ڪرشي؟"

اُو آپ آوشي، ان هازيون نئه مارشي پرا، ان آپرا باگه ري همپاڙ هارو پيزا منڪ راكشي. ⑩ تمي شاستر ۾ اي وات ضرور پئي هوشي:

’جيا پتر نئه رازي گهت هزمين ڦڳوڙيوت پرو،
اُو هاڳي پتر ٻڌون ٿي ضرورت وازو ٿيوه.

⑪ هائي وات ايشور را پاها ٿي ٿي،

ان امون هارو هائي ڪٿي حيروني ان ڪشي رئي وات سئ.

⑫ تيا مانه اسرائيلي قوم رن آڳيونون نئه رينه سڙي، ڪم تو اُو هزمي

گيا جي ”ايسو اي مثال رئي وات امارا پارام ڪيڏيئھ.“ ان اُو ايسو نئه زهالوا ڪرتا تا، پڻ اُو اوتئ اُوپل گهڻون منڪون ٿي پيڻاتات ريا. تيام اُو ايسو نئه ساڏين گيا پرا.

منڪ ايسو نئه ڌرم ان حڪومت را چڪر ۾ ڦٽڙايا هارو ٽيڪس را پئيها پريا را پارام سوئال پونسئھ

(متي 22:15-22، مرقس 12:13-17، لوقا 20:20-26)

⑬ ٽيون اسرائيلي قوم ري آڳيونو فريسي پالتي رن ڪئينڪ منڪون نئه ان

راز ڪريا وازا هيروديس را پاها رن ڪئينڪ منڪون نئه ايسو ڪن ميليا، زم اُو ايسو نئه واتون موئين ڦٽڙاوتئ. ⑭ ان اوتئ ايسو ڪن آوين اوتئا نئه ڪيڏو:

”گرو جي، امون نئه ڪهر سئ جي تمي هاسا سو، ان تمي ڪيا ئي منڪ ٿي نئي

پيڻاتا، ڪم تو تمي ڪيا رو پڻ پاھونئي ليتا، پڻ تمي هاس پرموتئ پڳوون رو

مارگ ڏيڪاڙوه. هونئ امون نئه ڪو، ڌرم پرموتئ رومي حڪومت را پادشا نئه

ٽيڪس را پئيها ڏيوو ڪيئ، ڪا نا؟ امارئ هائي ڏيوو، ڪا نه ڏيوو؟“

⑮ ايسو زوتئ ڳيو جي اُو موندا را مينا پڻ انتر را ڪارا سئ، ان مون نئه

ڪا ڌرم رئه ڪلاڦ ڪا حڪومت رئه ڪلاڦ بولووا ڪرئ. تيام اوتون نئه ڪيڏو:

”تمي مون نئه ڪم ڦٽڙاوا ڪروھ؟ سونڊي رو هيڪ سڪو لي آوين مون نئه“

ڏيکارڻو. ” 16) تو اُو سونڊي رو سڪولي آيا. تئين ايسو اوتون ٿي پونسيو: ” ايشا مانه ڪيا رو قوئو سئه ان ڪيا رو نوم لڪل سئه؟ ” تو اُوئي ايسو نئه ورندي ڏيڏي: ” رومي حڪومت را پادشا رو. ”

17) تو ايسو اوتون نئه ڪيڏو: ” جو پادشا رو سئه، اُو پادشا نئه ڏيو. ان جو پڳوون رو سئه، اُو پڳوون نئه ڏيو. ” ان هائي هومپڙين اُو ايسو مانه حيرون ٿيا.



منگ ايسو نئه قنڙايا هارو مرلون را جيوي اونيا را پارام سونال پونسئھ

(متي 23:22-33، مرقس 12:18-27، لوقا 20:27-40)

18) تيا ڪيڙ صدوقي پالتي را ڪئينڪ منگ ايسو ڪن آيا. هوءَ صدوقي پالتي واڙا ام مونئھ جي پڳوون مرل منڪون نئه جيوي نئين اوناڙئھ. اُوئي آوين ايسو ٿي پونسيو: 19) ” ڳرو جي، موسي آيون هارو شاستر موئين ام لڪيوھ، جي آدمي اولاد وٽو مري زائھ، ان اونا رئي ڏوشي حياتي هوءَ، تو اونا آدمي رو پائي اونا ري رنڌال ڏوشي نئه آبرا گهر ۾ راکئھ، زم آبرا مرل پائي هارو اولاد ٿئھ.

20) هوءَ، هات پائي هتا. پيرهيون پائي پريون اولاد وٽو مري ڳيو. 21) تو پيزئھ پائي هايا حڪم پرمونئھ اونا ري ڏوشي نئه آبرا گهر ۾ راکئي، ان اُو پڻ اولاد وٽو مري ڳيو. ان هاڳي نمونئھ ترئما پائي ٿي پڻ همروم ٿيو. 22) ان هيونئھ نمونئھ هات ئي پائي هاڳي ڏوشي نئه آبرا گهر ۾ راکين اولاد وٽا مري ڳيا. نيٺ هايون ٻڌون پايون ڪيڙ اُو ڏوشي پڻ مري ڳئي. 23) هوءَ جيوي اونيا رئه ڏي زئين پڳوون مرل منڪون نئه جيوي اوناڙشي، تو ايئون هاتون پايون موئين ٿي اُو ڏوشي ڪيا رئي ٿيشي؟ ڪم تو هاتي زئي اونا نئه گهر ۾ راکئي ٿئي. ”

24) تو ايسو اوتون نئه ڪيڏو: ” تمارئي سوچ ڳلت سئه، ڪم تو نڪو تمي شاستر هزموه، نڪو تمون نئه پڳوون ري ڪڙا رئي ڪبر سئه. 25) ڪم تو زئين

پڳوونَ منڪون نئه مرلون موئين ٿي جيوي اوناڙشي، تئين آڪاش ۾ منڪ نڪو پرئشي نڪو ڏوشي گهر ۾ راڪشي، پڻ آڪاشي ڏوتون جيوا هوشي.

②6 هونءَ پڳوونَ رئه مرلون نئه جيوي اوناڙيا را پارام تمون نئه ڪبر نٿي ڪي، جي شاستر ۾ ڪي لڪل سئه؟ تمي اي وات ضرور پئئي هوشي، جي موسي را لڪل شاستر موئين جيا ماڳ ٻڙتا زهاڙڪا رئي وات سئه، اوتئه پڳوونَ آپ موسي نئه ڪيتو: 'هون ابراهيم، اِصْحٰق ان يعقوب رو پڳوونَ سون.' ②7 هونءَ پڳوونَ مرلون رو نٿي پڻ جيوتون رو سئه. تيام وات ساوئي سئه جي او منڪ پلئه مري ڳيا تا، توئي پڻ جيوتا سئه. تمارئي سوچ تو هاو اوڙئي سئه.

پڳوونَ رو ڏيندل ٻڌون ٿي موتو حڪم

(متي 22:34-40، مرقس 12:28-34، لوقا 10:25-28)

②8 اوتئه شاستر زوٿيا وازون موئين ٿي هيڪ زڻو هتو، جيئئه هائي ٻڌائي سوٺال جَوَاب هومپڙيا، ان اوتئه زويو جي ايسو هايون منڪون نئه نائوڪا جَوَاب ڏيڏاه. تو اوتئه ايسو ڪن آوين اوتئا ٿي پونسيو: "پڳوونَ رون حڪمون موئين ٿي ٻڌون ٿي موتو حڪم ڪيو سئه؟" ②9 تو ايسو اوتئا نئه وڙنڌئي ڏيڏئي: "ٻڌون ٿي موتو حڪم اي سئه، زم شاستر ۾ لڪل سئه:

'او اسرائيلي قوم رون منڪون، تمي ڪون ڏين هومپڙو، ايشور تمارو پڳوونَ هيڪئه ايشور سئه.

③0 تمارئه ايشور آپرا پڳوونَ هون،

آپرا پورا من ٿي، آپرا پورا جيوت ٿي،

آپري پوري عقل ٿي، ان آپري پوري طاقت ٿي پريم ڪروو.

③1 ان تيا ڪيڙليو حڪم اي سئه:

'پڙون ٿي آپ را زم پريم ڪروو.'

پڙو ڪوئي حڪم ايئون بيئون ٿي موتو نٿي.

③2 تو شاستر زوٿيا وائڻه ايسو نئه ڪيڏو: ”هیرٿو، گرو جي. تمی هاس ڪوه جي روگو ایشور هيڪنه پڳوون سئه، ان اونا شوا پيزو ڪوئي نقي. ③3 ان تمی اي پڻ هاس ڪوه جي پڳوون هون، آپرا پورا من ٿي، آپري پوري عقل ٿي، ان آپري پوري طاقت ٿي پریم ڪريا رئي وات، ان پيزون ٿي آپ را زم پریم ڪريا رئي وات، پڳوون را نوم مانه بدو مال ساڙيا ٿي ان ڏون ڏيڏا ٿي گهٽي وڌارڻه سئه.“

③4 ايسو زئيون زويو جي اوڻه ڪيوي عقل ٿي وات ڪريه، تو اونا نئه ڪيڏو: ”تمی پڳوون را راز م آيا هارو ڏوڪڙا سو.“

تيا ڪيڙ ايسو ٿي وڌيڪ واتون پونسيا رئي ڪيا نئه هيمنت نه ٿي.

ايسو شيڪاڙڻه جي پڳوون رو سونڊل پچايا وازو ڪريست دائود پادشا ٿي الاهي گهڻو موتو سئ

(متي 41:22-46، مرقس 35:12-37، لوقا 41:20-44)

③5 زئيون ايسو پڳوون را گهر موئين شيڪاڙتوت ريو، تو اوڻه منڪون ٿي پونسيو: ”شاستر زوٿيا وازا ڪم ڪرين ڪهه جي پڳوون رو سونڊل پچايا وازو ڪريست روگو دائود پادشا رو پوترو سئه؟ ③6 ڪم تو دائود آپ پويتر آتما ري ڪڙا ٿي ڪريست نئه آپرو پريو ڪين ام لڪيو:

’ايشور مارا پريو نئه ڪيڏو:

مارڻه زمڻه پاهڻه مون م بهه،

زئيون هوڏي هون تارون ڏشمڻون نئه هراوين

تاري پڳي نه لڳاڙون.

③7 زئيون دائود آپ پڳوون را سونڊل پچايا وازا ڪريست نئه ’پريو‘ ڪهه، تو پسئ ڪم ڪرين ڪريست اونا رو روگو پوترو ٿيو؟“

ان جيا الاهي گهڻا منڪ اوڻه هتا، او ايسو ري واتون ڪشي ٿي

هومپڙتات ربا.

ايسو سناسترو زوتيا وازون ٿي هوشيار ريا رو ڪهه

(متي 12:23-12، مرقس 12:38-40، لوقا 20:45-47)


38) زئيون ايسو منڪون نئه شيڪاڙتوت ريو، تو اوئه ڪيڏو: ”شاستر زوتيا وازون ٿي هوشيار ريا، ڪم تو او گهنگها پيرين منڪون هوما گهميا ڦريا رو شونق راکهه، ان اوئون رو اي پڻ شونق سئه، جي منڪ اوئون ٿي يازارون ۾ نمي نمين مڙه، 39) ان او پڳوون رون منڏرون موئين گهاڏيون مانه پيههه، ان داوتون ۾ مون وازا ماڳ ۾ پيههه. 40) او هاڳي سئه جيا نڳي ڪرين رنڌال ڏوشيون را گهر ڦرئ، ان آپ نئه نائوڪا ڏيڪاڙيا هارو لونبي لونبي پراڻائون ڪرئ. هايون نئه پڳوون گهڻي سزا ڏيشي.“

رنڌال ڏوشي رو ڏون

(مرقس 12:41-44، لوقا 21:1-4)

41) ايسو پڳوون را گهر ۾ ڪرنا ريون پيتيون هومو پيهين زوتوت ريو جي ٻڌائي منڪ ڪيوئه نمونئه پيتيون موئين پيها نوڪه ريا. گهئا ملڳت وازا منڪ الاهي گهئا پيها ڏون ۾ نوڪتات ريا. 42) تيون هيك گريپ رنڌال ڏوشي آوي ان پيئي موئين ٻي ڪوري نوڪي، جيا رو مول آت اونا سئه. 43) تيون ايسو آپرون شيلون نئه آپ ڪن تيراوين اوئون نئه ڪيڏو: ”هون تمون نئه هاس ڪونه، اينه گريپ رنڌال ڏوشي هايون ٻڌون ڏون ڏيڏا وازون منڪون ٿي وڌارئ ڏون نوڪيوه. 44) ڪم تو هاڳي ٻڌي منڪي آپري گهڻي ملڳت موئين ٿي پڳوون را نوم مانه روڳو ٿوڙڪوڪ حصو ڏيڏوه، پڻ اينه رنڌال ڏوشي آپري گريپي ري حالت موئين زتو پڻ گهري هتو، ٻڌوئي ڪئين ڏون ۾ ڏيڏوه پرو.“





ايسو پڳوونَ رو گهر کتم تيا را پارام مور تي همپزاوئھ

(متي 2-1:24، مرقس 2-1:13، لوقا 6-5:21)

13 ① زئيون ايسو پڳوونَ را گهر تي پارو آوتوت ريو، تتيون اوتا رون شيلون موئين تي هيڪه زئه اوتا نه ڪيڏو: ”گرو جي، زوئو! پڳوونَ را گهر را اي پوئا ڪوڙا موتا سئھ، ان اي جڳائون ڪيوي نائوڪي سئھ.“ ② تو ايسو اوتا نه ڪيڏو: ”اي موتي جڳائون جي تون پاڙھ ريو، ايئون رو هيڪ ئي پتر ھازو نئين پچئھ. اي پڳوونَ رو گهر ھاو کتم تي زاشي.“

ايسو مور ٽي همپڙاوتھ جي پڳوونَ رو گھر کتم ٿيا مور ڪي ٿيشي ان هوشيار ڪرڻھ جي هائي ٻڌوئي ڏنيا رئي پڇاڙئي نٽي

(متي 14-3:24، مرقس 13-3:13، لوقا 19-7:21)

③ زئيون ايسو زيتونَ نومي ڏونگر مانھ زائين پڳوونَ را گھر هومو پينو تو، تيون پطرس، يعقوب، يوحنا ان اندرياس ايڪونت ۾ اوتا ننه ڪيڏو: ④ ”امون ننه همپڙاوو، هائي پڳوونَ رو گھر کتم ٿيا رئي وات ڪيڏي ٿيشي؟ ان ڪيو نيشون هوشي جيا ٿي کهر پڙنه جي اي ٻڌوئي ڪئين ٿيا وازو سئھ؟“ ⑤ تو ايسو اوئون ننه ام ڪيو مڏيو: ”هوشيار ريا، متون ڪوڪ تمون ننه نه پولاوتھ. ⑥ گھڻا منڪ مارا نوم ٿي آوشي، ان ڪيشي پڳوونَ رو سونديل پڇايا وازو ڪريست هون سون. ان هم ڪين، او گھڻون منڪون ننه پولاوشي. ⑦ زئيون تمي جنگون رئي ڪاش هومپڙو ان جنگون ري واتون هومپڙو، توئي پڻ پڻايا مت. هائي واتون ضرور ٿيشي، پڻ تئھ ٿوئنه ڏنيا رئي پڇاڙئي نئين ٿئھ. ⑧ ڪم تو قوم قوم ٿي وڌشي ان ملڪ ملڪ ٿي وڌشي. ان گھڻي ماڳي زمي ڏهشي ان ڏڪاڙ پڙشي. پڻ هائي واتون ڏنيا ري پڇاڙي رون ڏڪ تڪليپون رئي روڳئي شروعات سئھ.

⑨ تمي هوشيار ريا. ڪم تو منڪ تمون ننه زهالين پنچائيتون رنه حواله ڪرشي، پڳوونَ رون منڊرون ۾ تمون ننه هاپڪا هئشي، ان مارا شيلا هويا ري ڪري او تمون ننه آڳيونون ان پاڌشائون هوما اويارشي. هيوتھ نموننه تمي اوئون ننه مارا پارام هاک پرين همپڙاوي هڪشو. ⑩ ان ڏنيا رئي پڇاڙئي ٿيا مور منڪ پڳوونَ رئي ڏيڏل ڪشي رئي کهر ٻڌيون قومون رون منڪون ننه ضرور همپڙاوشي. ⑪ زئيون او تمون ننه زهالين ڪورنون ۾ لي زائھ، تيون تمي مور ٿي اي گھڻي مت ڪريا جي تمي ڪي ڪيشو. پڻ جيئي وات پڳوونَ اوئھ ٿي ٿوئنه تمون ننه من ۾ همپڙاوشي، او وات تمي ڪيا. ڪم تو تئھ ٿوئنه تمي آپرا پاها

ٿي نئين پڻ پويتر آتما را پاها ٿي ٻولتا هوشو.

⑫ ڀائي ڀائي ننه موت رٿي سزا ڏيورايا هارو زهلوشي، ان باپ اولاد ننه موت رٿي سزا ڏيورايا هارو زهلوشي. ان اولاد مان باپ رنه ڪلاف ٿيشي ان اوئون ننه زهلويين موت رٿي سزا ڏيوراوشي. ⑬ ان مون مانه وشواس راڪيا ري ڪري ٻڌائي منڪ تمنون ٿي وير راڪشي. پڻ جيو آڪر هوڏي وشواس راڪين ڏورون صير ٿي سهشي، اوئا ننه تارن زڙشي.

ايسنو مور ٿي همپزاوئه

جي رومي قوج يروشلم شهر ننه ڪرشي

(متي 24:15-28، مرقس 13:14-23، لوقا 21:20-24)

⑭ ”تيام هوشيار ريا. تمي او هاو ڪراب ان پرياد ڪريا واڙي شينه، جيا را پارام شاستر ۾ لڪل سئ، اوئا جگا ۾ اوپل ڏيڪشو جيئنه اوئا رنه نه هووو ڪپنه. جيو شاستر رٿي هائي وات پئنه، اوئا رنه هايا رو مطلب هزموو! زئيون تمي هايا ننه ايئنه پويتر جگا ۾ ڏيڪو، تنيون جيا ايئنه يهوديه صوپا موئين هوئه، او ڏونگرون هوما پاڳي زانه! ⑮ جيا گهر ري ڇت مانه هوئه، او نيسا اوترين ڪئينڪ ليڏا هارو گهر موئين نه زانه، ⑯ ان جيا ٻني ۾ هوئه، او آپرا توڻال ليوا پاسا نه زانه، پڻ امرام پاڳي زانه! ⑰ پڻ اقسوس اوئون ڏوشيون مانه، جي اوئون ڏيئون ۾ پاري پڳ هوشي، ڪا ننڪا باز ڏوراوتي هوشي. ⑱ تمي پراٿنا ڪرو جي تمارنه شينازا ۾ پاڳو نه پڙنه. ⑲ ڪم تو اوئون ڏيئون ۾ ايويي گهڻي ٽڪليپ ٿيشي، جيويي ڏنيا ري شروع ٿي لين، زئيون پڳوون جگت ٿايو، هزون هوڏي ڪيڏي نٿي ٿئي، ان نڪو وڙي ٿيشي. ⑳ ان جي ايشور هايا توئا ننه گهتاوين ٽڪليپ را توڙا ڏي نه راڪيا هوئت، تو ڪوئي نه پڇت. پڻ آپرون سونيل منڪون ري ڪري ايشور هايون ڏورون ڏيئون ننه گهت ڪرياه.

㉑ اوئه توئنه جي ڪوڪ تمنون ننه ام ڪنه جي زوئو، پڳوون رو سونيل

پڇايا وازو ڪريست ايٺا ماڳ سٺه' ڪا 'زوٽو، اُوٺا ماڳ سٺه،' تو هيا وات مانھ يقين مت ڪريا. (22) ڪم تو ايوا ڪوڙا منڪ آوشي جيا ڪوڙ هاكلين آپ نٺه پڳوون رو سونيدل پڇايا وازو ڪريست ڪا پڳوون رو نياپو ڏيڏا وازا ڪيشي. ان او منڪون نٺه پُولايا هارو نيشون ان پرسا ڏيڪارشي. ان جي ٿي هڪٿت، تو پڳوون رون سونيدل منڪون نٺه پڻ پُولوٿ. (23) تيام تمي هوشيار ريا. مئين تمون نٺه مور ٿي ٻڌوئي ڪئين همپڙايوه.

پڳوون رو گهر ڪنم ٿيو ان پڙيون آفتون رو اوو ٺاينٽي سٺ جي ايسو پڳوون را پاها ٿي راز ڪريا وازو سٺ

(متي 29:24-31، مرقس 24:13-27، لوقا 25:21-28)

(24) ”پڻ هيا تڪليب ڪيڙ جيو توتو آوشي، اوئون ڏيئون ۾ ڏي ڪارو مش ٿيشي، انزوٽازيو آپرو سوجهرو نئين ڏنه، (25) تارا آڪاش ٿي ڪرين پڙي زاشي، ان آڪاش موئينلي ٻڌي شينهنون ڏگشي. (26) ان ٿيون مون منڪ ذات را ڏيڪرا نٺه منڪ گهٽي ڪرا ۾ ان گهٽا زبڪتا سوجهرا ۾ واڌزون موئين آوتون ڏيڪشي، ان وات ساوئي ٿيشي جي هون پڳوون را پاها ٿي راز ڪريا وازو ٿين آيا وازو سون. (27) ان ٿيون هون آڪاشي ڏوتون نٺه ميليھ، ان هون پوري دنيا ۾ چارون ڏشون ٿي مارون سونيدل منڪون نٺه پيڙا ڪراويه.“

نيشونون ٿي اوڙڪو جي ڪي ٿيا وازو سٺ

(متي 32:24-35، مرقس 28:13-31، لوقا 29:21-33)

(28) ”انچير را ون رئي مثال لين تمي شيڪو. زئون اوٺا ريون ڏازڪيون موئين ڪونپڙ ٿنه ان پونٽا ٿنه، تو تمي آپ اوڙڪي زائوه جي اونازو آيا وازو سٺه. (29) هيونٺ نمونٺه زئون تمي هائي تڪليبون ٿيتي ڏيڪو، تو هزميا جي هائي توتو هاڙ ڏوڪرو سٺه. (30) هون تمون نٺه هاس ڪونه، هائي ٻڌي تڪليبون ايٺا همٺوڪي پيڊي رون

منڪون ري حياتي ۾ پوري ٿيڻي. ① آڪاش ان ڌرتي تو ڪتم ٿي زاشي، پڻ ماري واتون هميش هُڏي هاسي ريشي.

ايسو دنيا ۾ آپرا پاسا آيا را پارام ان دنيا ري پڇاڙي را پارام هوشيار ڪرڻه

(متي 36:24-44، مرقس 32:13-37)

② ”پڻ مارا پاسا آيا را ڏي را پارام، ڪيا ننه ڪهر نٿي جي هائي ڪيڏي ان ڪيئه ٿوڻه ٿيڻي. هايا وات رئي نڪو آڪاشي ڏوتون ننه ڪهر سئه، ان نڪو مون پڳوون را ڏيڪرا ننه ڪهر سئه. پڻ روڳي مارا ٻاپ پڳوون ننه هايا وات رئي ڪهر سئه. ③ تيام هوشيار ريو ان تيار ريو. ڪم تو تمون ننه ڪهر نٿي جي او توڻو ڪيڏي آوشي. ④ مارا پاسا آيا رئي وات ايٿا مثال را زم هوشي. ڪوڪ منڪ شيتي ملڪ ۾ گيو، ان اوڻه زايا رنه ٿوڻه آپرون نوڪرون موئين ٿي هر هيڪ ننه اوڻا رو ڪوم پڙاوين آپرو گهر نوڪرون ري همپاڙ ۾ ڏيڏو، ان سوڪيڏار ننه حڪم ڏيڏو جي او زاگتو رنه. ⑤ تيام تمي هميش تيار ريا. ڪم تو زم نوڪرون ننه ڪهر نٿي جي گهر رو ڌڻي ڪيون پاسو آوشي، هونزو رو آوشي، ڪا ارڏي رات رو، ڪا پڙ پونڪڙيا رنه ٿوڻه، ڪا وڙي ڏي اوڳيا رنه ٿوڻه، تم تمون ننه ڪهر نٿي جي هون تمارو ڌڻي ڪيڏي پاسو آويه. ⑥ ام نه ٿه ڇي هون اوچتو آوين تمون ننه تيار نه ڏيڪون، زم ڌڻي اوچتو آوين نوڪرون ننه اونگهال ڏيڪه. ⑦ زم هون تمون ننه ڪونه ريو، تم هون ٻڌون ننه ڪونه ريو، تمي هميش تيار ريا.“

يهودي ٿرم را اڳيون ايسو ننه مرايا هارو نا ناوڻه

(متي 1:26-5، مرقس 1:14-2، لوقا 1:22-2، يوحنا 11:45-53)


① بيئون ڏيئون ڪيڙ او پرڀ آيا واڙي هٿي، جيا ننه پاشڪا پرڀ ان روتيون رئي پرڀ پڻ ڪهه. ان موتا پوزاري ان شاستر زوتيا واڙا ايٿا ري

14

ڳوت ۾ هتا جي ڪيوئڻه ڏاڙهه ايسو نئه نڳي ٿي زهلاوينَ مراوئڻه پرو. ② ڪم تو او امر ڪيتات ريا: ”آبي اونا نئه پاشڪا پرڀ مانه نئين زهالون، متون آڀي قوم را منڪ ڦشرئي ڪرڻه.“

هيك اشيتريئي ايسو را مون ۾ اونا را ماتا مانه عطر نومئڻه

(متي 26:6-13، مرقس 14:3-9، يوحنا 12:1-8)



③ ايسو بيت عنياه پاڙا موئين شمعونَ نومي منڪ ري گهري هتو، جيا نئه اڳي ڪوڍ رئي پيمارئي هتئي. ايسو ڪاڏا هارو بينو تو، تو هيك اشيتريئي سنڳي مرمر رئي ڪونپلي لين آوئي، جيا موئين جتاماسي نومي وڻ رو هاسو ان مونگهو عطر هتو. ان اونه ڪونپلي ڪوليا هارو اونا رو ماتليو حصو

پونگيو ان ايسو را مون ۾ اونا را ماتا مانه عطر نوميو پرو. ④ پڻ هائي زوئين ڪئينڪ منڪون نئه رينه لاڳئي ان اوني آيت ۾ ڪيڏو: ”هائي عطر ازايو ايتيا رو ڪي قائيڏو ٿيو؟ ⑤ ڪم تو هائي عطر پئرڻه هزار رويون ٿي وڌارڻه رو ويسائي هڪٽ ان اونا را پئها ڳرپيون نئه ڏيورائي هڪٽ.“ ان او ٻائي رئي ڳلا ڪروا مڏيا.

⑥ پڻ ايسو اونون نئه ڪيڏو: ”ايتا نئه ڪئين مت ڪو! ڪم تمي ايتا نئه تنڱ ڪروه ريا؟ ماري ڪري جي ايتڻه ڪريوه، او گهڻو نائوڪو ڪريوه. ⑦ ڳرپڻ تو هميش تمون ڪن هوشي، ان تمون نئه زيون پڻ وڻڻه اونون نئه تمي ڪيريات ڏي هڪوه، پڻ هون تو هميش تمون ڪن نئين هوئون. ⑧ ايتڻه ٻائي اتو ڪريوه، زتو ايتا را وس ۾ هتو. اي عطر مارا ڏيل مانه نوميا ٿي، ايتڻه مارڻه مريا مور مون نئه مقوم موئين پوريا رئي تيارئي ڪرئي. ⑨ هون تمون نئه هاس ڪونه، پوري دنيا ۾ جيئڻه پڻ منڪ پڳون رئي ڏيڏل ڪشي رئي ڪڀر همپزاوشي، اونڻه ايتا ٻائي ري همپار ۾ اي وات پڻ همپزاوشي جي ايتڻه ڪي ڪريوه.“


يهوداهِ اسڪريوتي ايسو ننه زهالايا هارو نا ناوئه

(متي 16-14:26، مرقس 11-10:14، لوقا 6-3:22)

⑩ تئيون يهوداهِ اسڪريوتي، جيو ايسو رون ٻارون سونڊل شيلون موئين ٿي هيڪ هتو، موتون پوزاريون ڪن گيو، زم او ايسو ننه زهلاوين اوئون رنه حوالئه ڪرئه. ⑪ اي وات هومپزين او گهئا ڪش ٿيا، ان اوئا ننه پئها ڏيڏا رو وائڏو ڪريو. تو يهوداهِ وجهه گوتوا مڏيو جي ڪيوئه نمونئه ايسو ننه زهلاوين اوئون رنه حوالئه ڪرئه.

ايسو بيئون شيلون ننه ميلين پاشڪا پرڀ رئي تيارئي ڪراوئه

(متي 19-17:26، مرقس 16-12:14، لوقا 13-7:22)



⑫ زئيون روتيون ري پرڀ رو پيرهئون ڏي آيو، جيا ڏي مانه پاشڪا پرڀ هارو گهئا هلائا، تئيون ايسو ري شيلي اوئا ٿي پونسيو: ”تمارئي ڪيوئي مرضئي سئه جي امي ڪيئنه زائين تمون هارو پاشڪا پرڀ کاڏا رئي تيارئي ڪرون؟“

⑬ تو ايسو آپرون شيلون موئين ٿي بيئون ننه ام ڪين رونا ڪريا: ”تمي شهر موئين زانو. اوئنه تمون ننه هيڪ منڪ پيڙو ٿيشي، جيو پوئي رو گهڙو اوپاڙين زاتو هوشي. تمي اوئا وونهڙ وونهڙ زايا، ⑭ ان جيا گهر موئين او زائنه، اوئا گهر را ڏئي ننه ڪيا: ’گرو جي تمون ننه ام ڪيڏوه: او اوتاگ ڪيئنه سئه، جيئنه هون آپرون شيلون پيڙو پاشڪا پرڀ ڪائون؟‘ ⑮ تو او تمون ننه ماري مانه هيڪ موتو ڪمرو تيار ڪرل ڏيڪارشي. ان اوئنه تمي آڀئنه پرڀ کاڏا رئي تيارئي ڪريا.“



①6 اُو ٻي شِيلا رَوَونا تِيا ان يِروُشلَم شَهر ۾ گِيا. ان زم ايسُو ڪيڏو تو، همروم ڏيکيو، ان اوڻه اُوئي پاشڪا پرڻ کاڌا رِي تيارِي ڪرِي.

ايسُو اڪري وار آپرون شيلون پيڙو روڻي ڪائھ
ان مور تي همپڙاوتھ جي اوئا رو هيڪ شيلو اوئا نئھ زھلاوشي


(مٽي 25-20:26، مرقس 21-17:14، لوقا 23-21:22، يوحنا 30-21:13)

①7 زئيون هونز ٿي، تئيون ايسُو آپرون ٻارون سونڊل شيلون پيڙو اوئا ماڳ آيو.
 ①8 زئيون او پيهين ڪاتات ريا، تو ايسُو ڪيڏو: ”هُن تمون نئھ هاس ڪونھ، تمون موئين ٿي هيڪ زٽو، جيو مُون پيڙو ڪائھ ريو، مُون نئھ زھلاوشي.“ ①9 تو شِيلا ڏکي ٿيو مڏيا ان هيڪا پيڙا لڙ ڪيو مڏيا: ”هُن تو نٿي، نا؟“ ②0 تو ايسُو اوئون نئھ ڪيڏو: ”جيو مُون نئھ زھلاوشي، او تمون ٻارون سونڊل شيلون موئين ٿي هيڪ سئھ، جيا مُون پيڙا کاڌا را نونٿڙا ۾ روڻي را ٻٽڪا ٻوڙئھ ريا.“ ②1 ڪم تو جيوئھ نمونئھ مارا پارام شاستر ۾ اڳي لڪل سئھ، هيوئھ نمونئھ هُون منڪ ذات رو ڏيڪرو تو ايٿا جڳت ٿي زائونھ ريو. توئي پڻ ڏڪ اوئا منڪ هارُو سئھ، جيو مُون منڪ ذات را ڏيڪرا نئھ زھلاوشي. اوئا منڪ هارُو نائوڪو ام ٿئت،

جي او موزگو زلميو ئي نه هوئت.

ايسنو گلومي ٿي آزاد ٿيا ري پاشڪا پرپ رو نوو مطلب شيڪاڙين پرپو پوزن رئي ريت ناوئھ

(متي 26:26-30، مرقس 14:22-26، لوقا 22:14-20، 1 ڪرنتيون 11:23-25)



② زنيون پرپ ڪاتات ريا، تو ايسو روئي لين
اونا هارو پگيون رو ٿورو مومين پونگي، ان
آپرون شيلون ننه ڏين ڪيڏو: ”هون ليو. اي مارو

شپرير سئھ.“ ③ ان پسنه ڌراڪ رس رو پيئالو لين اونا هارو پگيون رو ٿورو
مومين اوئون ننه ڏيڏو. ان اوئي ٻڌي اونا مومين ٿي پيڏو. ④ ان ايسو اوئون ننه
ڪيڏو: ”اي مارو لوئي سئھ، جيا ٿي پگيون رو وسن ٻوندل سئھ. هون مارو جيو
پگيون را نوم مانھ ڏيھ، زم مارا لوئي ٿي گهڻون منڪون ننه ڏوهون رئي ماڻي
زڙئھ. ⑤ هون تمون ننه هاس ڪونھ، زنيون هوڏي او ڏي نه اوئھ زنيون هون
پگيون را راز ۾ ايوو ڌراڪ رس پيھ جيو هميش نوو سئھ، تنيون هوڏي هون
ڌراڪون رو رس وڙي ماڳي نئين پيئون.“

⑥ ٿيا ڪيڙ پزن گاوين او بارا نيهرين زيتون نومي ڏونگر هوما روونا ٿيا.

ايسنو مور ٿي هميڙاوئھ جي پطرس اونا رو شيلو هويا رو نا پاڙشي

(متي 31:26-35، مرقس 14:27-31، لوقا 22:31-34، يوحنا 13:36-38)

⑦ تنيون ايسو آپرون شيلون ننه ڪيڏو: ”تمي ٻڌائي هون ننه ساڏي زاشو. ڪم
تو شاستر ۾ هايا را پارام پگيون رئي اي وات لڪل سئھ:
’هون ڌراڙ ننه ماريھ،

ان رڊيون وينڪائي زاشي.

⑧ پڻ موت ٿي جيوي اونيا ڪيڙ هون تمون مور گليل صويا ۾ زائھھ.“

②9 پڻ پطرس اَونا نئه ڪيڏو: ”پلئه پيڙا ٻڌائي تمون نئه ساڏي زائو، توئي پڻ هون تمون نئه ڪيڏي نئين ساڏون.“

③0 تو ايسو اَونا نئه ڪيڏو: ”هون تون نئه هاس ڪونه، آڙوڪي رات ڪوڪڙا رئه هي وار ٻونگ ڏيڏا مور، تون ترڻ وار هون نئه ناڪاريه.“

③1 توئي پطرس وڙي وڙين ڪيو مڏيو: ”مارئه تمون پيڙو پلئه مروو پڙئه، توئي پڻ هون تمون نئه ڪيڏي نئين ناڪارون.“ ان شيلا ٻڌائي همرام ڪيو مڏيا.

ايسو زيفون نومي ٽونگر مانه پراڻنا ڪرئه

(متي 26: 36-46، مرقس 14: 32-42، لوقا 22: 39-46)

③2 زيفون ايسو ان اَونا را شيلا اَونا ماڳ آيا جيا نئه ”گتسمني“ ڪئو، تو ايسو آڀرون شيلون نئه ڪيڏو: ”تمي ايئنه بيهو، ان هون آگهيو زائين پراڻنا ڪرونه.“



③3 ايسو آڀ پيڙا پطرس، يعقوب ان يوحنا نئه آگهيرا تيڙي گيو، ان گهڻو ڏڪي ان پريشون ٿيو مڏيو. ③4 ان اَونون نئه ڪيڏو: ”هون اتو گهڻو ڏڪي سون جي زوئنه مارو هاه ٽوئنه ريو. تمي ايئنه ريو، ان زاگتا ريو.“ ③5 پسئه اَونون ٿي ٽوڙوڪ آگهو زائين او گوڏا ڪوڙين اوندئه مونيئه پڙين پگورن ٿي ايئا هارو پراڻنا ڪروا مڏيو جي، زون ٿي هڪه، تون پگورن اَونا نئه آيا وازون ڏڪون را

ٿوڻا ٿي پڇاڻو. ③6 ان اُو ام پراڻنا ڪرتوت ريو: ”او ٻا، تمي ٻڌوئي ڪئين ڪري هڪوھ. اي ڏڪ جيا تمي مُون ننه سهيا هارُو ڏيڏاه، ايئون ڏڪون ٿي مُون ننه پڇاڻو. توئي مارئي مرضي نئين، پڻ تمارئي مرضي پوري ٿي.“

③7 پسته ايسو پاسو آيو ان شيلون ننه اُونگهال پاڙيا. تو اونه شمعون پطرس ننه ڪيڏو؟ ”او شمعون، تون ڪم اُونگهائو ريو؟ تون هيڪ ئي ڪلاڪ پڻ زاڳي نٿي هڪتو، ڪي؟ ③8 تمي ٻڌائي زاڳتا ريو، ان پراڻنا ڪرو جي تمي آزمتا موئين پورا اوترو. تمي مُون ننه ساڏوا تو نٿي ڪرتا، توئي تمي منڪ ٿين هيئا سو.“

③9 پسته ايسو وڙي زائين هاڳي پراڻنا ڪروا مڏيو. ④0 تيا ڪيڙ پاسو اوتون شيلون ڪن آوين اوتون ننه وڙي اُونگهال پاڙيا، ڪم تو اوتون ري اونڪيون اُونگه ٿي ڳري ٿي ڳي تي. شيلو زاڳيا، تو اوتون ننه ڪن نٿي جي ”ايسو ننه ڪي ڪون؟“

④1 تيون ايسو وڙي پراڻنا ڪرين ترٿمي وار شيلون ڪن آيو ان اوتون ننه ڪيڏو: ”تمي هزون هُوڏي اُونگهائوھ ان آروم ڪروھ ريا، ڪي؟ هونه ٻش! توڻو تو آيوھ رو. زوڻو، همٿه موٽهه مُون منڪ ذات را ڏيڪرا ننه زهلاوين ڏوهاري منڪون رنه حواله ڪرشي. ④2 هونه اوتو، آبي هالون. زوڻو، مُون ننه زهلايا واڙو هاو ڏوڪڙو آيوھ رو.“

يهوداه اسڪريوتي ايسو ننه زهلاوئھ

(متي 47:26-56، مرقس 43:14-50، لوقا 47:22-53، يوحنا 18:3-12)

④3 هزون ايسو ٻولتوت ريو، تو يڪدم يهوداه آي پوڳيو، جيو ايسو رون ٻارون سُونڊل شيلون موئين ٿي هيڪ هتو. ان اوتو پيڙو منڪون رو هيڪ موتو توڙو هتو، جيون ڪن تروٿارون ان ڏونڳون هتي. اُو موتون پوزاريون، شاستر زوٿيا واڙون ان اسرائيلي قوم رون آڳيوونون را پاها ٿي ميلل هتا. ④4 هونه زهلايا واڙه يهوداه توڙا رون منڪون ننه اي نيشونئي ڏيڏي ٿي: ”جيا ننه هون ٻوسڪو ليه، اُو سئھ.“

اَوٽا ننه زهالیا ان قاهو ڪرين لي زایا. " (45) تيام اوتنه یگدم ایسو کن آوین ڪیدو: "گرو جی!" ان اوتنا ننه بوسکو لیدو. (46) تئیون توڙا ری منکی ایسو ننه زهالین قاهو ڪریو. (47) تیا مانه جیا منک ایسو پیڙا اوپل هتا، اوتون موئین ٿی هیڪنه زتنه تروٿار ڪاڊین مک پوزاری را نوڪر ننه ڌڪ هٿیو، ان اوتنا رو ڪون وادیو پرو.

(48) تئیون ایسو توڙا رون منڪون ننه ڪیدو: "تمی تروٿارون ان ڏونگون لین مون ننه زهالوا ڪم آیاھ؟ هون ڌاڙیوال سون، ڪی؟" (49) هون تو تاریڪ پگهون را گهر موئین شیکاڙتوت ریو ان تمون ڪن هتو، توئی پڻ تنه توتنه تمی مون ننه نه زهالیو. پڻ ای ٻڌوئی ڪئین هم تيام ٿیوه، زم شاستر ری واتون پوری تهنه. " (50) تئیون ٻڌائی شیلا ایسو ننه ساڌین پاڳی گیا.

(51) هوننه هیڪ جوڻ هتو، جیو ایسو وونهڙ اوتوت ریو. اوتنا رنه روڳی هیڪ مونگهٿی سوٽی ساڌر ڏیل مانه وینتوزل هٿی. تئیون توڙا ری منکی اوتنا ننه زهالیو، (52) پڻ او ساڌر اوت رئی اوت ساڌین ناڳو ئی ناڳو پاڳی گیو.

ایسو ننه مک پوزاری ڪائیفا ڪن تیڙی زانه

ان ڌرمی پنچائیت ایسو ننه موت رئی سزا ڏیڌا رو قینصلو ڪرهنه

(متی 26:57-68، مرقس 14:53-65، لوقا 22:54-55، 63-71، یوحنا 18:24)

(53) تئیون او منک ایسو ننه مک پوزاری ڪن لی گیا. ان ٻڌائی موتا پوزاری، اسرائیلی قوم را آڳیوون ان شاستر زوتیا وازا اوتنه پیڙا ٿیا. (54) ان پطرس گهٿی شیتئی ڏین مک پوزاری را مولات هوڌی ایسو وونهڙ وونهڙ گیو. ان پسنه او موئین زائین سپایون پیڙو اونگنا مانه بیھی ریو، ان ڌیوتا مانه تاپوا مڌیو.

(55) موتا پوزاری ان ڌرمی پنچائیت را ٻڌائی میمیر ایٿا گوت بر هتا، جی ڪوڪ ایسو رنه ڪلاڦ هاڪ پرین ایسو رو ایوو ڏوه ڪاڊنه جیا ٿی او ایسو ننه سر تی سزا ڏیوزاری هڪنه. پڻ ڪوئی ایوو ڏوه نه زڙیو. (56) ڪم تو گهٿا

منڪ اُونا رٿه ڪِلاڦ ڪُوڙڻي هاڪ تو ڀرتات ريا، پڻ توڻي اُوئون رٿي ڀرل هاڪ آڀت ۾ ميڙ نٿي ڪاٿي. (57) نيٺ ڪئينڪ منڪي اُوئين ايسو رٿه ڪِلاڦ اي هاڪ ڀري: (58) ”امي ايٺا نٿه ام ڪيتون هومپڙيو، هُون منڪون رو ناوَل اي ڀڳوون رو منڌر ڪتم ڪريه پرو، ان ترٿيون ڏيئون ۾ وڙي پڙو ڀڳوون رو منڌر اُوڀو ڪريه پرو، جيو منڪون رو ناوَل نئين هون.“ (59) توڻي پڻ اُوئون ري ڀرل هاڪ ميڙ نه ڪاڏي.

(60) تيا مانھ مڪ پوزاري پنچائيت وسا اُوئين اُوڀو ان ايسو ٿي پونسيو: ”ايئي هاڪ ڀرين ٿارو اي ڏوه ڪاڏيوه، ان تون هايا را پارام ڪئين نٿي ڪيا ڪرتو، ڪي؟“ (61) پڻ ايسو سونو ريو، ان ڪئين وڙنڌي نه ڏيڏي. تو مڪ پوزاري وڙي اونا ٿي پونسيو: ”تون ڀڳوون رو سونيل ڀچايا واڙو ڪريست سٺه ان مونواڙا ڀڳوون رو ڏيڪرو سٺه، ڪا نا؟“

(62) تو ايسو ڪيڏو: ”ههون، هون سون. ان تمي مون منڪ ذات را ڏيڪرا نٿه ڪڙا واڙا ڀڳوون رٿه زمٿه پاهنه مون موئين پيٺل ڏيڪشو، ان آڪاش رون واڏڙون پڙو اوتون ڏيڪشو، ان وات ساوئي ٿيشي جي هون ڀڳوون را پاهه ٿي راز ڪريا واڙو سون.“

(63) تيون مڪ پوزاري آڀ نٿه ڏڪي ڏيڪاڙيا هارو آڀرو پيرل گهنگهو ڦاڙيو ان ڪيڏو: ”هون آڀون نٿه پڙون هاڪ ڀريا واڙون رٿي ڪيوي ضرورت سٺه؟“ (64) تمي ڪوني هومپڙيوه جي ايٺه آڀ نٿه ڀڳوون هرڪو ڪين ڀڳوون رٿي پيعزئي ڪريه. تمي ڪيو ڦينصلو ڪروه؟ ”تو پنچائيت ري ٻڌي ميمپري ڦينصلو ڪريو جي او ڏوهاري سٺه ان اونا نٿه موت رٿي سزا ڏيو ڪپه.“

(65) تيون ڪئينڪ منڪ ايسو مانھ ٿوڪوا مڏيا ان اونا ري اونڪيون ٻونڌين اونا نٿه نونشا هتوا مڏيا، ان اونا نٿه ڪيا مڏيا: ”او ڀڳوون رو نياڀو ڏيڏا واڙا، امون نٿه همپڙاو ڪيٿه تون نٿه ڏڪ هٿيوه؟“ ان سپايي پڻ اونا نٿه وڙي وڙين ٿپڙون هٿي.

پطرس ايسُو رو شيلو هويا رو نا پاڙڻه

(متي 26:69-75، مرقس 14:66-72، لوقا 22:55-62، يوحنا 18:15-18، 25-27)

66 پطرس ڏرهار ٿي نيسو اونگڻا مانھ پينو تو، تئينون مڪ پوزاري ريون نوڪروڻيون موئين ٿي هيڪ زڻي آوئي 67 ان پطرس ننه تاپتون ڏيڪين اونا هومو زوئين ڪيڏو: ”تون پڻ هيا ناصرت شهر واڙا ايسو پيڙو هتو.“

68 پڻ پطرس ناڪارين ڪيڏو: ”مون ننه ڪهر ئي نٿي جي تون ايوئي اوڙي وات ڪم ڪرڻه رڻي. ٿارڻي وات مارا هزميام ئي نٿي آوڻي.“ ان پطرس اوت ٿي زائين مولات را بارليا دروازا ڪن گيو. (تئينون ڪوڪڙه بونگ ڏيڏي.)

69 پسهه نوڪروڻي اونا ننه اونا ماڳ ڏيڪين وڙي اوڻهه اوپل منڪون ننه ڪيو مڏي: ”اي اوئون موئينليو سه.“ 70 پڻ پطرس وڙي ناڪاريو. ان توڙيڪ وار ڪيڙ اوڻهه اوپل منڪ وڙي پطرس ننه ڪيو مڏيا: ”اي تو هاسي وات سهه جي تون اوئون موئينليو سه، ڪم تو تون پڻ اوئون را زم گليل صوپا رو سه.“ 71 تئينون پطرس پتوا مڏيو ان هون ڪائين ڪيو مڏيو: ”هائي



منڪ جيا را پارام تمي ڪوه ريا، هون هيا ننه اوڙڪتو ئي نٿي.“ 72 ان يڪدم ڪوڪڙه پيڙي وار بونگ ڏيڏي. ان پطرس ننه او وات همپڙي جي ايسو اونا ننه ڪيڏي نٿي، جي ”ڪوڪڙا رڻه هي وار بونگ ڏيڏا مور، تون ترڻ وار مون ننه ناڪاريو.“ ان تيا مانھ او ايوو ڏڪي ٿيو جي او ڏوهڪي ڏوهڪي رووا مڏيو.

يهودي ترم را اڳيون ايسنو نء رومي راز ڪريا واڙا پيلاطس ڪن تيڙي زانه

(متي 2:1-27، 11-14، مرقس 5:1-15، لوقا 5:1-23، يوحنا 18:28-38)

15 ① زئيون ڏي اڳيو، تو يڪدم موتي پوزاريئي اسرائيلي قوم رون
اڳيونون، شاستر زوڻيا وازون، ان ڌرمي پنچائيت رون ٻڌون ميمپرون
نء پيڙا ڪرين آيت ۾ صلاح ڪرئي. ان پسء اوتئي ايسنو نء ٻوندين اوتئا
نء اوت ٿي لي زائين صوپا مانء راز ڪريا واڙا پيلاطس رء حوالء
ڪريو پرو.

② تئيون پيلاطس ايسنو ٿي پونسيو: ”تون يهوديون رو پاڌشا سء، ڪي؟“
تو ايسنو اوتئا نء وڙندڙي ڏيڏئي: ”زم تمي ڪوه ريا، هون سون.“
③ موتا پوزاري ايسنو مانء گهڻا ڏوه ڏيتات ريا. ④ تو پيلاطس ايسنو ٿي
وڙي پونسيو: ”تون ڪم ڪئين جواب نٿي ڏيتو؟ زو، او تون مانء ڪتا گهڻا
ڏوه ڏء ريا.“ ⑤ توتئي پڻ ايسنو ڪئين جواب نه ڏيڏو. هايا وات مانء پيلاطس
حيرون ٿيو.

رومي راز ڪريا واڙو پيلاطس

ايسنو نء موت رئي سزا ڏيڏا رو قينصلو همپڙاوڻه

(متي 27:15-26، مرقس 15:6-15، لوقا 23:13-25، يوحنا 18:39-19:16)

⑥ هوء هر سال پاشڪا پرڀ مانء پيلاطس يهودي قوم رون منڪون هارو
ڪرين هڪا قيڏي نء ڍلو ڪرتو، جيا رئي پڻ او مونگڻي ڪرتا. ⑦ اوئون
ڏيئون ۾ هڪ قيڏي هتو، جيا رو نوم برابا هتو. او اوئون قشري ڪريا وازون
موتين ٿي هڪ هتو، جيئي قشري ۾ ڪون ڪريا تا، ان اوئون پيرو جيل ۾
پورل هتو. ⑧ ان الاهي گهڻا منڪ پيڙا ٿيا ان پيلاطس ٿي مونگڻي ڪروا

مڏيا جي اُو اڳي را زم ڪياڪ قيڏي ننه ڍلو ڪرئ. ⑨ تيا مانھ پيلاطس اُوئون ٿي پُونسيو: ”ڪي تماري مرضي سئھ جي هُون تمون هارُو يهُوديون را پاڏشا ننه ڍلو ڪرون؟“ ⑩ اُوئھ هم ڪيڏو، ڪم تو اُوئا ننه ڪبر هتي جي موتي پوزاريئي ايسُو ننه اينا هارُو زهللوين اُوئا رئھ حوالئھ ڪريوه، ڪم تو اُو ايسُو مانھ ريشي ٻڙتا. ⑪ پڻ موتي پوزاريئي آپري قوم رون منڪون ننه پريا تا، تيام اُوئي آپ هارُو ايسُو ننه نئين، پڻ برابا ننه ڍلو ڪريا رئي مونگڻي ڪري.

⑫ تيا مانھ پيلاطس وڙي اُوئون ٿي پُونسيو: ”تو پستھ هُون اينا منڪ ٿي ڪي ڪرون، جيا ننه تم يهُوديون رو پاڏشا ڪرھ؟“ ⑬ تو وڙي ٻڌي منڪي رڙيون ڪرين ڪيڏو: ”هايا ننه هُوڙي مانھ ساڙين مارو پرو.“ ⑭ تو پيلاطس اُوئون ننه ڪيوا مڏيو: ”ڪم؟ ايتھ ڪيو ڏوه ڪريوه؟“ پڻ اُو ماڳي وڌارئھ زور زور ٿي رڙيون ڪرين ڪيوا مڏيا: ”هايا ننه هُوڙي مانھ ساڙين مارو پرو!“

⑮ پيلاطس هايون گهئون منڪون ننه ڪُش ڪروا ڪرتو تو. تيام اُوئھ برابا ننه اُوئون هارُو ڪرين ڍلو ڪريو، پڻ ايسُو ننه هاپڪون ٿي مراوين قوچيون رئھ حوالئھ ڪريو، زم اُوئا ننه هُوڙي مانھ ساڙين مارئھ پرو.

رُومي قوچي ايسُو مانھ ننولي ڪرئھ

(مٽي 27:27-31، مرقس 15:16-20، يوحنا 19:2-3)

⑯ تنيون قوچي ايسُو ننه راز ڪريا وازا را گهڍ موئين تيڙي گيا، ان قوز رو ٻڌو توڙو تيڙاوين پيڙو ڪريو. ⑰ تنيون اُوئي ايسُو رو گهنگهو اوتراوين وونگڻائي رنگ رو چال اُوئا رون ڪوون مانھ اوڍاڙيو، ان ڪوتون رو تاج گولين اُوئا ننه ماتام پيرايو. ⑱ ان اُو ام ڪي ڪين اُوئا ننه نمسڪار ڪروا مڏيا: ”او يهُوديون را پاڏشا، نمسڪار!“ ⑲ ان اُو هيڪي لاکڙي ٿي اُوئا ننه ماتا مانھ

ڌڪ هٿتات رڀا، اُوٺا مانھ ٿوڪتات رڀا، ان اُوٺا هوما پڳي پڙين نمسڪار
ڪرتات رڀا.


⑳ زئيون قوچي ايسو مانھ نئولي ڪري رڀا، تئيون اُوئي وونگٺائي رنگ رو
چال اُوٺا ننه اوترايو، ان اُوٺا را آپرا لوگهڙا وڙي اُوٺا ننه پيرايا. ان پسنه اُوٺا
ننه هُوڙي مانھ ساڙيا هارو ٻارو لي ڳيا.

قوچي ايسو ننه هُوڙي مانھ ساڙه

(متي 27:32-44، مرقس 15:21-32، لوقا 23:26-43، يوحنا 19:17-27)

㉑ قوچي ايسو ننه لين ذاتات رڀا، تو اُوٺون ننه ٻاراڙي ٿي اوتو هيڪ منڪ
پيڙو ٿيو. او ڪريني شهر رو هتو، ان اُوٺا رو نوم شمعون هتو. ان او سڪندر
ان روفس رو ٻاپ هتو. تو قوچيني هايا ننه پيڳر ۾ زهاليو ان ايسو رڙي
هُوڙي اُوٻڙاوي.

㉒ قوچي ايسو ننه اُوٺا ماڳ لي ڳيا جيا ننه ”گلگتا“ ڪنه، جيا رو مطلب
سئه پوڌڪي رو ماڳ. ㉓ اوتنه پوڳين اُوئي ڏوڪ گهٽ ڪريا هارو ڌراڪون رو
رس، جيا ۾ ٻوڙ رو نشو پيڙول هتو، ايسو ننه ٿوريو. پڻ ايسو نه پيڏو. ㉔ تئيون
اُوئي ايسو ننه هُوڙي مانھ ساڙيو، ان پکا نوڪين اُوٺا را لوگهڙا آيت ۾ وراوي
ليڏا. ㉕ زئيون اُوئي ايسو ننه هُوڙي مانھ ساڙيو، تئيون هوار رو نوون رو توٺو



هتو. 26) ان ايسو ري هُوَري مانه هيڪ پاتئي لاڳل هتئي، جيا مانه لڪل هتو جي ايسو ڪيا وات ري ڪري موت رئي سزا ڪاڻه ريو. اونا پاتي مانه اي لڪل هتو: ”اي يهوديون رو پاڌشا سئه.“

27) ان اوتئي ايسو پيڙا پيئون ڌاڙيلون نئه پڻ آپري آپري هُوَري مانه ساڙيا، هيڪا نئه ايسو رئه زمئنه پاهئه، ان پيڙا نئه ڏاونه پاهئه. 28) (هيونه نمونئه پڳوون رو نياپو ڏيڏا واڙا رئي شاستر ۾ لڪل اي وات پوري ٿئي: ”منڪي اونا نئه ڏوهاريون جيوو هزميو.“)

29) جيا منڪ اونا ماڳ تين متتات ريا، او نئولي ڪرتون ماڻو ڏڳاوين ام ڪين ايسو رئي پيعزتي ڪرتات ريا: ”واھ ڙي واھ! تون جيو پڳوون رو گهر پونڳين ترٿيون ڏيئون ۾ وڙي نايا واڙو هتو. 30) هونه هُوَري ٿي نيسو اوترين تون آپرا آپ نئه تو پچاو.“ 31) هيونه نمونئه موتا پوزاري ان شاستر زوٿيا واڙا اونا مانه نئولي ڪرين هيڪا پيڙا نئه ام ڪيتات ريا: ”ايئه پيزون نئه تو پچايا، پڻ آپرا آپ نئه نئي پچاوي هڪتو. 32) جي اي هاس ۾ پڳوون رو سونيدل پچايا واڙو ڪريست سئه ان اسرائيلي قوم رو پاڌشا سئه، تو اي همئه رو همئه هُوَري ٿي نيسو اوتري آونه، تو آبي ٿايتئي ڏيڪين ايئا مانه يقين ڪرون.“ ان جيا منڪ ايسو پيڙا پيزيون هُوَريون مانه ساڙل هتا، اوتئي پڻ ايسو نئه ميئا ڏيڏا.

ايسو رو موت


(متي 27:45-56، مرقس 15:33-41، لوقا 23:44-49، يوحنا 19:28-30)

33) زئيون پپورون رو ٻارون رو توڻو ٿيو، تو اونا وڪت ٿي لين ترٿيون واڳون هُوَدي ٻڌا ملڪ موئين اندارو ٿي گيو. 34) ترٿي واڳي ايسو گهڻا زور ٿي ڪيڏو: ”الوهي، الوهي، لما شبعتي؟“ جيا رو مطلب سئه ”او مارا پڳوون، او مارا پڳوون، تمي مون نئه ڪم ساڏيوه پرو؟“

35) هائي هومپڙين اوتته اويل منكون موئين ٿي ڪٽينڪ زتا، ”الوهي“ وين رو مطلب ڳلت هزمين، ام ڪيو مڌيا: ”زوتو، اي ايلياه ننه هاڏ ڪرئو ريو.“

36) ان هيڪنه زتته يوڙي زائين ٿوري ري چاري جيوئي شينه ڪاٿا ڌراڪ رس ۾ پوڙي ان هيڪي لاکڙي ۾ پرووين سونپيا هارو ايسو را موندا ڪن ڪڙي، ان منڪون ننه ڪيڏو: ”اوپا ريو! زوتون پلا، ايلياه اوتا ننه اوتاروا اوتھ، ڪا نا.“

37) تتيون ايسو موئي رڙ ڪڙي، ان اوتا رو هاه نيھري ڳيو. 38) ان اوتھ ئي توتته پڳرون را گهر موئين پويتر جگا رو پڙڏو ماٿون لين هيٺ هوڏي بيئون ٽڪرون ۾ ڦاتي ڳيو.





39) ڦوڄيون رو ساپ، جيو ايسو هومو اُوپو تو، زئيون اوتُه ايسو ننه هيونُه نموننه مرتون پاڙيو، تئيون ڪيڏو:

”هاس ۾ اي منڪ پڳوون رو ڏيڪرو هتو.“

40) اوتُه ڪئينڪ ڏوشي پڻ هتي، جي شينا هون ٻڌوئي

ڪئين زوتيت ري. اوتون موئين مريم مگدليني، نونا يعقوب ان يوسيس رئي مان مريم، ان سلومي هتي.

41) هاڻي اُو ڏوشي هتي جي اڳي، زئيون ايسو گليل صويا ۾ هتو، اوتا ري واتون هومپرو اوتا وونهڙ ذاتي ان اوتا

رئي شيوا ساڪري ڪرتي. ان پيڙي گهڻي ڏوشي پڻ هتي جي ايسو پيڙي گليل صويا ٿي يروشلم شهر ۾ آوي تي.

ايسو را لاش ننه پونئيرا جيو مقوم موئين راڪئه

(متي 27:57-61، مرقس 15:42-47، لوقا 23:50-56، يوحنا 19:38-42)

42) هونُه اُو جُمعا رو ڏي هتو، ان هونز ٿي گهي تي. چنچر پويتر ڏي هتو، جيا مانه ڌرم پرموننه ڪئين ڪوم نتو ڪروو. تيا ۾ پويتر ڏي رئي رات پڙيا مور

43) يوسف ارميتيه شهر واڙو آيو، جيو ڌرمي پنچائيت رو مونواڙو ميمپر هتو، ان پڳوون را راز را اوتا توتا رئي وات زوتوت ريو زئيون پڳوون ساونُه نموننه ٻڌون مانه راز ڪرشي. اُو هيمنت ڪرين پيلاطس ڪن گيو، ان ايسو رو لاش مونگيو.

44) پيلاطس حيرون هتو جي ايسو اتي جلدِي م مري گيو، تو اوتُه ڦوڄيون را ساپ ننه تيڙاوين اوتا ٿي پونسيو جي ”ايسو رنه مريا ننه ڪتئي وار ٿي گهي؟“

45) تئيون پيلاطس ڦوڄيون را ساپ ٿي ڪهر پاڙين، يوسف ننه لاش لي زيا رئي موڪل ڏيڏئي. 46) پسنه يوسف هوڙ هارو مونگهو سوتي لوگهڙو ويساتو ليڏو،

ان ايسو رو لاش هوڙي ٿي نيسو اوتارين لوگهڙا موئين وينتوڙيو، ان پونئيرا جيو مقوم موئين ميليو هتو، جيو ڏونگر موئين ڪوڏل هتو. ان پسنه هيڪ شيپر ريڙوين

مقوم را موندا آڏي ڏيڏي پڙي.

④7 هونءَ مريم مگدلينی ان یوسیس ربي مان مريم زوتيت ري، جي ايسو رو لاش کيئنه ميليوه.

ايسو جيوي اونئھ، ڏيکارا ڏئھ ان آڪاش مانھ سڙي زائھ

ايسو موت تي جيوي اونئھ

(متي 8-1:28، مرقس 8-1:16، لوقا 12-1:24، يوحنا 10-1:20)

16 ① پويتر ڏي وي گيو ان آچار ربي رات پڙي. تيون رات ري مريم مگدليني، يعقوب ري مان مريم ان سلمی کُشبو واري شينهنون ويساتي ليڏي زم مقوم مانھ زائين ايسو را لاش مانھ هئنه. ② ان آچار رنه ڏي ويلي ويلي، ڏي اوكيا رنه توننه، او مقوم هومي رووني ٿي. ③ زاتون زاتون او آبت ۾ ڪيتيت ري جي ”آپون هارو ڪون مقوم را موندا ٿي شپير ريٽوشي؟“ ④ پڻ زئون مقوم مانھ آوين هومو زيو، تو ڏيڪيو جي آڏي ڏيڏل شپير هيڪنه پاهنه ريٽول پڙيه. هونءَ او شپير گهڻي موتي هئي. ⑤ تيون اوئي پونئيرا جيوا مقوم موئين پيهين ڏوڙو گهنگهو پيرل هڪا جوڻ ننه زمئنه پاهنه پينل پاڙيو، تو او حيروني پڙي گي. ⑥ پڻ اوئه ڏوشيون ننه ڪيڏو: ”تمی حيرون مت ٿيو! تمی ايسو ناصرٽ شهر وازا ننه گوتوه ري نا، جيا ننه هوزي مانھ ساڙين ماريوت پرو. پگوون اوئا ننه جيوي اونارٽيوه. او هونءَ ايئنه نئي. اي ماڳ زونو، جيئنه اوئا رو لاش ميلل هتو. ⑦ پڻ تمی زائين اوئا رون شيلون ننه ان ڪاس ڪرين پطرس ننه ام ڪيا پرو، جي او تمون مور گليل صوپا ۾ زاشي. اوئنه تمی اوئا ننه ڏيڪشو، زم اوئه تمون ننه مور ٿي ڪيڏو تو.“

⑧ تو پسته ڏوشي مقوم ٿي نيهرين اوتون پاڳي، ڪم تو او پيڪ ۾ ڏڪتيت ري ان گهڻي حيرون هتي. ان اوني هايا را پارام ڪيا ننه ڪئين وات نه ڪري، ڪم تو او پيڻاتيت ري.

ايسو مريم مگداليني ننه ڏيکارو ڏنه

(متي 9:28-10، مرقس 9:16-11، يوحنا 11:20-18)

⑨ (ايسو آچار رنه ڏي ويلو موت ٿي جيوي اونين ٻڌون مور مريم مگداليني ننه ڏيکارو ڏيدو، جيا ٿي اونه هات پوت ڪاڍيا تا. ⑩ تو اونه زائين اوتون منڪون ننه ڪهر ڪري، جيا ايسو پيڙا وينا. او ايسو را موت ري ڪري پار لين روتات ريا. ⑪ پڻ زيون اوني مريم رئي اي وات همپڙي جي ”ايسو جيوتو سته، ان اونه مون ننه ڏيکارو ڏيدوه،“ تو اوني اونا رئي وات نه مونئي.

ايسو پيئون شيلون ننه مارڳ ۾ ڏيکارو ڏنه

(مرقس 12:16-13، لوقا 13:24-35)

⑫ تيا ڪيڙ ايسو اوتون موئين ٿي پيئون زتون ننه پڌل روپ ۾ ڏيکارو ڏيدو، زيون او پنڌ ڪرتون ٻاراڙي زاتات ريا. ⑬ تو اوني پاسا آوين پيزون ننه همپڙايو. توئي پڻ اوني اوتون رئي وات نه مونئي.

ايسو آپرون سونيل شيلون ننه ڏيکارو ڏنه

(مرقس 14:16، لوقا 36:24-43، يوحنا 19:20-23)

⑭ تيا ڪيڙ ايسو آپرون اڳيارون سونيل شيلون ننه ڏيکارو ڏيدو، زيون او روتئي ڪاتات ريا، ان اوتون ننه وڙگوڻو جي او يقين ڪم نتا ڪرتا ان ڪم ناهڏا ٿيا تا. ڪم تو منڪي ايسو ننه جيوي اول ڏيڪيو تو، توئي پڻ اوتون منڪون رئي وات اوني نتئي مونئي.

ايسو آپرون شيلون ننه هيڪ ڪاس ڪوم پڙاوتھ

(متي 20-16:28، مرقس 15:16-18)

⑮ ان ايسو آپرون شيلون ننه ڪيڏو: ”تمي پوري دنيا ۾ زائين ٻڌون منڪون ننه پڳوون رهي ڏيڏل ڪشي رهي ڪهر همپڙاوا! ⑯ جيو مون مانھ وشواس اوڻنه ان پويتر سنون لئه، اوتنا ننه تارن زڙشي. پڻ جيو وشواس نئين راکهه، پڳوون اوتنا رو ڦينصلو ڪرين هميش رهي سزا ڏيشي.“

⑰ جيا وشواس راکهه، اوتون وسا ايوا نيشون ٿيشي. او مارا نوم ٿي پوتون ننه ڪاڏشي، پڳوون ري ڏيڏل ڪڙا ٿي نوي نوي ٻولي ٻولشي، ⑱ هاڻون ننه زهاليا ٿي ڪا جهير پيدا ٿي اوتون ننه ڪئين نقصون نئين ٿنه، ان او مونڏون مانھ هات ميلين اوتون ننه هازا هورا ڪرشي.“

ايسو آڪاش ۾ اوڀڙائي زائھ

(مرقس 20-19:16، لوقا 50:24-53، مڪ شيلون را ڪوم 9:1-11)

⑲ تيام، زئون پرپو ايسو آپرون شيلون ٿي هائي ٻڌي واتون ڪري پري، تيا ڪيڙ او پڳوون ري ڪڙا ٿي آڪاش مانھ اوڀڙائي گيو، ان پڳوون رنه زمئنه پاهنه مون ۾ زائين پينو.

⑳ تيا ڪيڙ اوتني اوتون زائين ٻڌيل منڪون ننه ايسو را پارام ڪشي رهي ڪهر همپڙاوي، ان پرپو ايسو اوتون پيڙو ٿين اوتون ننه هائي ڪوم ڪريا رهي هيمنت ڏيتو ريو، ان اوتون ري هائي پرسا ڏيڪارين ٿاڀيڻي ڏيتو ريو جي اوتون رو همپڙاول پڳوون رو وچن هاسو سئه.)

لوقا را لکل شاستر رٿي هُرموٿي

شاستر لکيا واڙو

شاستر را ايتا ڪتاب موٽين لکيا واڙا رو نومر نٿي لکل، ٻين وات ساوٿي سٺ جي اي ڪتاب ان ”مک شيلون را ڪوم“ نومي ڪتاب هيڪاڻي منک را لکل سٺ، ڪم تو ٻي ٿي ڪتاب ٿيوفلس هارو لکل سٺ، ان ”مک شيلون را ڪوم“ نومي ٻيڙا ڪتاب ۾ ايتا ڪتاب را پارامر ٻن لکل سٺ (لوقا 1:1، مک شيلون را ڪوم 1:1).

منک شروع ٿي لين ام هُرمهه جي اي ڪتاب لوقا رو لکل سٺ. لوقا يهودي قوم رو ننو ٻن ڌاري قوم رو هتو، ان حڪيم هتو (ڪلسيون 11:4، 14). زئيون پولوس ايسو را پارامر هميڙايا هارو ٻيڙا چڪر مانه هتو، تسيون لوقا اوتا پيڙو مڪڏنيه ضويا موٽين گيو (مک شيلون را ڪوم 10:16-12)، ان تيا ڪيڙ لوقا گهڻي وار پولوس پيڙو ڪوم ڪرتو (فليمون 1:24). زئيون پولوس ننه موت رٿي سزا زڙيا واڙي هئي، تسيون لوقا اوتا ڪن جيل ۾ زاتو رينو (2 تيمٿيس 11:4). لوقا اي ڪتاب اندازام 59-63ع ۾ لکيو، ڪا ٿي هيڪهه 70-90ع ۾ لکيو هوٺ.

شاستر ڪيا منک هارو لکيو

لوقا شاستر رو اي ڪتاب ان ”مک شيلون را ڪوم“ نومي ڪتاب ٻن ٿيوفلس هارو لکيا، زم او آپ پٿه، ان زويام منڪون ڪن ايتون ڪتابون را نقل ڪراوين رواوي ڏٺه. ”ٿيوفلس“ نومر ٿي ڪٻر پڙهه جي ٿيوفلس يهودي قوم رو ننو، ٻن ڌاري قوم رو هتو. وات ساوٿي سٺ جي او موتو منک هتو، ان زويام رومي حڪومت رو منک هتو، ڪم تو لوقا اوتا ننه ”مونواڙو“ ڪيڏو (لوقا 1:1). يوناني ٻولي ۾ اوتا را نومر رو مطلب ”پگوون ٿي پريم راڪيا واڙو“ سٺ، ان او ايسو را پارامر زوٿا ڪرتو تو.

شاستر لکيا رو مطلب

لوقا شاستر رو اي ڪتاب ايتا هارو لکيو زم ٿيوفلس ننه، ان بڏيون قومون رون منڪون ننه، ايسو را پارامر صحيح ڪٻر پڙهه. ايتا ڪتاب موٽين لوقا هُرموٿه جي ايسو نه روگو اسرائيلي قوم ننه ٻن بڏيون قومون رون منڪون ننه تارن ڏيڏا واڙو سٺ. تيام زئيون لوقا پيڏي رٿي وات ڪرٿه، تسيون او ايسو ٿي لين پيرهيان منک آدم هُوڏي پيڏي را نومر لکٿه (لوقا 23:3-38). لوقا ري لکل ان متي ري لکل ايسو ري پيڏي ۾ ڪئينڪ قرق سٺ (لوقا 23:3-38).

مَتِي 16:1-16). يُونانِي بُولِي مَر ويڻ ”ڏيڪرو“ پوترا هَارُو پڻ واپرائهڻ، ان تيام پيڊيون مَر ويڻ ”ڏيڪرا“ رو ترجمو ”وستار“ ڪرل سڌ. وستار رو مطلب ڪيٽڪ ڏيڪرو سڌ ان ڪيٽڪ پوترو سڌ. هايا ري ڪري بيغون پيڊيون رون نومون مَر ڪئنيڪ قرق سڌ. ام پڻ ٿي هيڪهه جي عييلي يوسف رو هڳو باپ نتو، پڻ اوتڻ يوسف نڌ آپرڻ ڪورڻ ليدو تو، ان اي پيڊي يوسف را ڌرم باب عييلي رِئِي سڌ. ان پيڙي وات اي پڻ ٿي هيڪهه، جي لُوقا رِئِي لڪل ايسو رِئِي پيڊي ايسو ري مان ماريون رِئِي پيڊي سڌ، ڪم تو ايسو ماريون رو ڏيڪرو هتو، پڻ يوسف رو ڏيڪرو نتو (لُوقا 30:1-35). جي هر سڌ، تو لُوقا 3:23 رو ترجمو ام پڻ ٿي هيڪهه: ”منڪون ري هزم پرموئڻ ايسو يوسف رو ڏيڪرو هتو، پڻ هاس مَر اُو رُوڳو ماريون رو ڏيڪرو هوتون آپرا نوڻا عييلي رو وستار هتو.“

ايڻا ڪتاب موئين لڪل سڌ جي ڀڳوون ايسو نڌ پويتر آتما ڏيدو زم اُو ڳريون نڌ ڪشي رِئِي ڪبر ڌڻ (لُوقا 4:18)، ان گهڻي وار وات ساوئي ڏيڪارل سڌ جي ايسو ڳريون، مسڪيون ان ضرورت واڙون مانه ڏيا ڪري. ايڻا ڪتاب موئين ڪشي را پارام پڻ گهڻي واتون لڪل سڌ، ڪاس ڪرين شروع مَر ايسو را زلم مانه ڪشي ٿي، ان پڇاڙي مَر ايسو را آڪاش مانه سڙيا مانه پڻ منڪ گهڻا ڪش ٿيا. ايڻا پورا ڪتاب مَر پويتر آتما مانه، پرائنا مانه، ڏوشيون رڻ ايسو مانه وشواس راڪيا مانه، ان ڀڳوون ري ڏيدل ماڻي مانه گهڻو ڏيون ڏيدل سڌ.

گهڻي ابوي واتون سڌ جي رُوڳي ايڻا لُوقا را ڪتاب موئين لڪل سڌ، ڪاس ڪرين ايسو را زلم ان پاڙين، ان شيڪارل مثالون را پارام. مثال، آڪاشي ڏوت رڻ ڌراڙون نڌ ايسو را زلم را پارام همپڙايا رِئِي وات، ايسو رڻ ٻارون سالون ري عمر ڪيڙ ڀڳوون را گهر موئين زايا رِئِي وات، سامري رو مثال، ان ڳمال ڏيڪرا رو مثال.

لُوقا ايڻا ڪتاب مَر پريو ايسو رِئِي اي ڪيڏل وات پڻ لکي جي ڀڳوون رو گهر ڪنم تيشي (لُوقا 5:21-33). هائي ڪيڏل وات 70ع م پورتي ٿي، زميون رُوڳي فوج يرُوشلم شهر مَر اوين ڀڳوون رو گهر ڪنم ڪريو پرو. هايا ٿي ڀڳوون يهودي ڌرم رو مال ساڙيا رو نمونو ڪنم ڪريو پرو، ان يهودي ڌرم رون اوتون منڪون نڌ سزا ڏيڻي، حيا ايسو نڌ ڀڳوون رو سونڊل پڇايا واڙو ڪريست نتا مونتا. هيوت نمونن ڀڳوون آپ تائيتي ڏيڻي جي ايسو هاس مَر ڀڳوون رو سونڊل پڇايا واڙو ڪريست سڌ، جيئڻ ٻڌون منڪون رون ڏوهون ري ماڻي هَارُو ابرو چيو ڀڳوون را نوم مانه ڏيڏوه.

ايسو رڻ آڪاش مَر زايا ڪيڙ وشواسي ڌرم پڪڙوا مڏيو، ان هائي وات لُوقا را لڪل ”مڪ شيلون را ڪوم“ نومي پيڙا ڪتاب موئين لڪل سڌ.

اِيئَا كِتَابِ مَوئِينِ اِي حِصَا سَئ:

لُوقا رُو اِي كِتَابِ لِكِيَا رُو مَطَلَب	4-1:1
يُوحَنَّا اِن ايسُو رُو زَلَم اِن بَاژاڤڤڤ	52:2-5:1
يُوحَنَّا يَوِيتر سَنونَ دِيئِدَا واژو پَرِيُو ايسُو رَا اَيَا هَارُو مَنكَون نَمَ تَبَار كَرئِه	20-1:3
ايسُو يَوِيتر سَنونَ لَمئِه اِن شَيطونَ اُوئَا نَمَ پِڭوونَ رِي مَرَضِي تِي قَبِرُووا كَرئِه	13:4-21:3
ايسُو كَلِيل صُويَا مَوئِينِ پِڭوونَ رُو كُومر كَرئِه	50:9-14:4
ايسُو كَلِيل صُويَا تِي يَرُوشلَم شَهَر هُومو زائِه	27:19-51:9
يَرُوشلَم شَهَر مَر ايسُو رُو اَكْرِي هَمَتُو	56:23-28:19
ايسُو جِيوي اُونَمئِه، دِيكَازَا دُئَمَ، اِن اَكاش مَانَه سَزِي زائِه	53-1:24

اِيئَا كِتَابِ رَا شَاسْتَر تِي بِيَزَا حِوَالَا:

لُوقا 17:1	مَلَڪِي 6-5:4
لُوقا 75-73:1	پِيءَايش 18-16:22
لُوقا 23:2	خُرُوج 12, 2:13
لُوقا 24:2	اِحْبَار 8:12
لُوقا 6-4:3	يَسَعِيَا 5-3:40
لُوقا 19:3	اِحْبَار 16:18
لُوقا 31:3	1 تَوَارِيخ 5-4:3
لُوقا 33-32:3	رُوت 22-18:4
لُوقا 33:3	پِيءَايش 12:46
لُوقا 34:3	پِيءَايش 35:29
لُوقا 34:3	پِيءَايش 26:25
لُوقا 34:3	پِيءَايش 3:21
لُوقا 36-34:3	پِيءَايش 26-10:11
لُوقا 38-36:3	پِيءَايش 32-3:5
لُوقا 4:4	اِسْتِشْنَا 3:8
لُوقا 8:4	اِسْتِشْنَا 13:6
لُوقا 11-10:4	زَبُور 12-11:91
لُوقا 12:4	اِسْتِشْنَا 16:6
لُوقا 19-18:4	يَسَعِيَا 2-1:61
لُوقا 25:4	1 سَلَاطِين 1:17
لُوقا 26:4	1 سَلَاطِين 16-8:17
لُوقا 27:4	2 سَلَاطِين 14-1:5
لُوقا 14:5	اِحْبَار 32-1:14
لُوقا 24:5	دَانِي اِيل 14-13:7
لُوقا 2:6	خُرُوج 10-8:20
لُوقا 4-3:6	1 سَمُوئِيل 6-1:21
لُوقا 22:7	يَسَعِيَا 6-5:35
لُوقا 22:7	يَسَعِيَا 1:61
لُوقا 27:7	مَلَڪِي 1:3
لُوقا 10:8	يَسَعِيَا 9:6
لُوقا 43:8	اِحْبَار 25:15
لُوقا 8:9	مَلَڪِي 5:4
لُوقا 19:9	مَلَڪِي 5:4
لُوقا 27:10	اِسْتِشْنَا 5:6
لُوقا 27:10	اِحْبَار 18:19
لُوقا 31:10	اِحْبَار 3-1:21
لُوقا 32:10	كِنْتِي 11:19
لُوقا 30-29:11	يُونَاه 17:1
لُوقا 30-29:11	يُونَاه 4-3:3
لُوقا 30-29:11	مَتِي 40-39:12

لُوقا 20:22 خُرُوج 8-6:24	لُوقا 31:11 1 سَلَاطِين 1:10
لُوقا 20:22 بِرْمِيَاه 31-31:34	لُوقا 31:11 2 تَوَارِيخ 1:9
لُوقا 22:21-22 زُبُور 9:41	لُوقا 32:11 يُونَاه 5:3
لُوقا 37:22 يَسَعِيَاه 12:53	لُوقا 51:11 بِبِدَايش 8:4
لُوقا 69:22 دَانِي اَيْل 14-13:7	لُوقا 51:11 2 تَوَارِيخ 22-20:24
لُوقا 30:23 هُوَسِيَع 8:10	لُوقا 35:13 زُبُور 26:118
لُوقا 33:23 زُبُور 16:22	لُوقا 14:17 اَحْبَار 32-1:14
لُوقا 34:23 زُبُور 18:22	لُوقا 27-26:17 بِبِدَايش 23-6:7
لُوقا 35:23 زُبُور 17:22	لُوقا 29-28:17 بِبِدَايش 28-1:19
لُوقا 36:23 زُبُور 7:22	لُوقا 20:18 خُرُوج 16-12:20
لُوقا 36:23 زُبُور 21:69	لُوقا 20:18 اِسْتِشْنَا 20-16:5
لُوقا 27:24, 44 اِسْتِشْنَا 15:18	لُوقا 38:19 زُبُور 26:118
لُوقا 27:24, 44 مِيكَاه 2:5	لُوقا 46:19 يَسَعِيَاه 7:56
لُوقا 27:24, 44 يَسَعِيَاه 12-1:53	لُوقا 46:19 بِرْمِيَاه 11:7
لُوقا 27:24, 44 زُبُور 18-1:22	لُوقا 17:20 زُبُور 22:118
لُوقا 27:24, 44 زُبُور 11-10:16	لُوقا 28:20 اِسْتِشْنَا 6-5:25
لُوقا 27:24, 44 دَانِي اَيْل 14-13:7	لُوقا 37:20 خُرُوج 6:3
لُوقا 47:24 يَسَعِيَاه 6:49	لُوقا 43-42:20 زُبُور 1:110
لُوقا 47:24 زُبُور 31-25:22	لُوقا 27:21 دَانِي اَيْل 14-13:7

لُوقا

رو لکل پريو ايسو را پارام پويتر شاستر



① مونوازا تيوڤلس،

1

اي ڪتاب ايسو رون ڪرل ڪومون ان شيڪاڙل واتون را پارام سٺه، جي
آپون وسا ٿي گهي. ② اي واتون آپون نئه اُوئي منڪي پُوگاڙي، جيئي شروع ٿي
لين ٻڌوئي ڪئين آپري اونڪيئي ڏيڪيو تو، ان پسئه پڳوون رو وچن شيڪاڙيا وازا
ٿي گيا. گهڻي منڪي اي هاڳي واتون ڪوشش ڪرين ڏيون ٿي لڪيه. ③ تيام
مئين پڻ نيڪ هزميو جي هون تمون هارو اي واتون همي ڪرين لڪون، ڪم تو
مئين شروع ٿي لين ايئون ٻڌيون واتون رئي پوريي ڪهر نائوڪئه نمونئه پاڙييه.
④ هون تيام لڪونه ريو زم تمون نئه پڪيي ڪاتريي ٿئه جي زتي واتون منڪي
تمون نئه شيڪاڙيه، او ٻڌي هاسي سٺه.

يُوحنا ان ايسنو رو زلم ان ٻاڙاين

يُوحنا را زلم را پارام آكاشي دُوت مور ٿي همپڙاوڻه

⑤ يهوديه ملك را هيروديس پادشا را راز موئين، هيڪ منڪ هتو جيا رو نوم زڪرياه هتو. او پڳوون را گهر موئين پوزا رو كوم ڪرتو، ان هارون پوزاري ري پيڊي ٿي ايباه پوزاري ري توڙي رو هتو. اوتا رئي گهر وازي پڻ هارون پوزاري ري پيڊي ٿي هتي، ان اوتا رو نوم ايشبع هتو. ⑥ او هي ئي پڳوون ري نظر موئين پڳوون ري وات مانه وُودا وَازا هتا، ان نائوڪا نمونا ٿي ايشور را ٻڌائي حڪم مونتا ان اوتا را ڪيڏا مانه وِيتا. ⑦ پڻ اوئون رڻه ڪوئي اولاد نٿو، ڪم تو ايشبع وونزڻي هتي. ان هي ئي گهرڊا ٿي گيا تا.

⑧ هيڪ وار زڪرياه آپري پوزاريون ري توڙي را وارا پرموڻه پڳوون را گهر موئين پوزا رو كوم ڪرتوت ريو. ⑨ پوزاريون رئي ريت هتي جي او پرچي ڪاڊتا، جي ڪوڻ ايشور ري پويتر جگا موئين زائين پڳوون را نوم مانه لوپون رو دُونپ ساڙشي. ايئه وارڻه زڪرياه را نوم رئي پرچي نيهري. ⑩ لوپون ٻاڙيا رڻه توڻه اسرائيلي قوم را ٻڌائي منڪ پويتر جگا ٿي ٻارا پراٿنا ڪرتات ريا.



⑪ تيون ايشور رڻه هيڪه آڪاشي دُوت لوپون ٻاڙيا ري جگا رڻه زمڻه ٻاهڻه اوپين زڪرياه نڻه ڏيڪاڙو ڏيڏو. ⑫ اوتا نڻه ڏيڪين زڪرياه سڙڪ ڪاڌي ان گهڻو پيوڻو. ⑬ پڻ آڪاشي دُوت اوتا نڻه ڪيڏو: ”زڪرياه، پيئا مت! ڪم

تو پڳوون ٿارئي وينتئي هومپڙيھ، ان ٿاري گهر واري ايشبع ٿي ٿارئ ڏيڪرو ٿيشي. ان تون اونا رو نوم يوحنا راڪي. (14) تون ننه ڪشي ان هڪ زڙشي، ان گهڻا منڪ اونا را زلم ٿي ڪش ٿيشي (15) ڪم تو او ايشور ري نظر موئين موتو منڪ هوشي. او نڪو ڌراڪون رو رس نڪو ڌارو پيشي، ان زلم ٿي لين پويتر آتما رئي ڪڙا اونا موئين هوشي، ان او پورئ نمونئ پويتر آتما ري مرضي مانھ ويشي. (16) او اسرائيلي قوم رون گهڻون منڪون ننه ايشور هوما وڙشي جيو اوئون رو پڳوون سئ. (17) ان ايلياه را زم پوري طاقت ان جيو ٿي پريو را آيا مور اي تيارئي ڪرشي، جي ٻاپون ننه اپرون ٻاڙون ٿي مناوين راڪشي، ان جيا پڳوون ربي وات نٿي مونت، اوئون ننه هزماوين پڳوون ربي وات مونيا واڙا ناوشي، ان پريو ربي سونيل قوم اونا هارو تيار ڪرشي.

(18) تيون زڪرياه آڪاشي ڏوت ننه ڪيڏو: ”مون ننه ايئا وات ربي ڪم ڪرين پڪ ٿيشي؟ ڪم تو هون آپ ڏوڪرو سون ان مارئي گهر واري پڻ ڏوڪري سئ.“

(19) تيون آڪاشي ڏوت اونا ننه ڪيڏو: ”هون جبرائيل نومي موتو آڪاشي ڏوت سون، ان هون پڳوون ڪن اوپو هونئ. اونه مون ننه ايئا هارو ميليھ جي هون تون ٿي واتون ڪرون ان تون ننه اي ڪشي ربي وات همپڙااون. (20) پڻ ماري واتون جي اپرا پورا ٿوئا مانھ هاسي ٿيشي، تين اوئون مانھ يقين نه ڪريو. تيام تون گونگو ٿي زائيھ. زئون هوڏي اي واتون پوري نئين ٿئ، تيون هوڏي تون ٻولي نئين هيڪئ.“

(21) هونئ ٻارا اوپل منڪ حيرون ٿين زڪرياه ربي وات زوتات ريا جي پويتر جگا موئين اتئي وار ڪم لگاڙيھ. (22) زئون او ٻارو آيو تيون منڪون ٿي ٻولي نه هيڪيو. تيار ري ڪري منڪون ننه ڪڀر پڙئي جي اونا ننه پويتر جگا موئين آڪاشي ڏوت ڏيڪارو ڏيڏوھ. زڪرياه اوئون ننه هزمايا هارو اڻارا ڪرتوت ريو پڻ ٻولي نتو هيڪتو.

②3 پسنه زئيون اوتا را پوزا كريا را ڏي پورا ٿيا، تئين او آپري گهري پاسو گيو پرو.

②4 توڙون گهٽون ڏيئون ڪيڙ زڪرياه رئي گهر وازئي اليشبع پاري پڳ ٿي گهي. ان او پونس مئينا گهر ٿي ٻارئي نه نيهري. او ام سوچتئي ٿي جي ②5 ”ايئون ڏيئون موئين ايشور مون مانه ڏيا ڪرين مون ڏوڪري ننه اولاد ڏيڏوه. ان هيون نمونته منڪون رون ميئون ٿي مارئي زند سڏاويھ.“

ايسو را زلم را پارام آڪاشي ڏوت مور ٿي همپزاوئھ

②6 زئيون اليشبع رنه پاري پڳ ٿيا ننه سمو مئينو ويتوت ريو، تئين پڳون آپرا آڪاشي ڏوت جبرائيل ننه گليل صوپا را ناصرت شهر موئين ②7 هيڪي ڪونٽاري سوڪري ڪن ميليو. اوتا سوڪري رو هڳڻ هيڪا يوسف نومي منڪ ٿي ٿيل هتو، جيو دائود پادشا ري پيڊي ٿي هتو. ان اوتا سوڪري رو نوم ماريون هتو.

②8 پسنه آڪاشي ڏوت اوتا سوڪري ننه گهري آوين ڪيڏو: ”نمسڪار تون ننه، جيا مانه ڪريا ٿيھ. ايشور تون پيڙو سھ.“

②9 اي واتون هومپزين ماريون گهٽي ڀر پڙي گهي ان ويچار ڪرو لاگهي جي ”ايئا رو ڪي مطلب سھ؟“

③0 تئين آڪاشي ڏوت اوتا ننه ڪيڏو: ”ماريون، پيئا مت! ڪم تو پڳون تون مانه ڪريا ڪريھ. ③1 زو، تون پاري پڳ ٿيھ، ان تون ڏيڪرو زلميه. ان تون اوتا رو نوم ايسو راڪي. ③2 او موٽو منڪ هوشي ان پرميشور رو ڏيڪرو ڪيوراشي. ان پريو پرميشور اوتا ننه اوتا را ڏاڏا دائود رو راز ڏيشي، ③3 ان او هميش يعقوب ري پيڊي مانه راز ڪرشي، ان اوتا رو راز ڪيڏي پڻ ڪتم نئين ٿھ.“

③4 تيا مانه ماريون آڪاشي ڏوت ننه ڪيڏو: ”هائي ڪم ڪرين ٿيشي؟ هون

تو ڪُونٿارئي سون.“

③5 تئينون آڪاشي ڏوت اونا ننه وڙنڌئي ڏيڏئي: ”پويتر آتما تون مانھ اوترشي، ان پرميشور رئي ڪڙا تون مانھ سونئيو ڪرشي. تيام جيو ٻار تون زلميه او پويتر ان پگھون رو ڏيڪرو ڪيوراشي. ③6 هونھ ٿاري عزيزوئي اليشبع ننه زو. او تو ڏوڪرئي سته پڻ اونا رنه ڏيڪرو ٿيا وازو سته. منڪ اونا ننه وونزئي ڪيتا، پڻ هونھ اونا رنه پارِي پگ ٿيا ننه سمو مئينو وئھ ريو. ③7 ڪم تو ڪوئي ايوي وات نئي، جي پگھون ڪري نئي هيڪتو.“

③8 پسته ماريون ڪيڏو: ”هون ايشور رئي هونئي سون. زم تمي ڪيڏوھ، تم مون تي پلته تته.“

تئينون آڪاشي ڏوت اونا ڪن تي گيو پرو.

ماریون آپري عزيزوئي اليشبع ننه مزوا زائھ

③9 ڪئينڪ ڏينون ڪيڙ ماريون سنپرين يهوديه ملڪ را ڏونگرازا علاقا را هیکا شهر موئين جلدئي م گئي. ④0 ان زڪرياه ري گھري زائين اونه اليشبع ننه



نمسڪار ڪريو. (41) زئيون اليشبع ماريون رو نمسڪار هومپڙيو، تئيون اليشبع رو ٻاڙ پيٽ موئين ڪوڏيو، ان اليشبع پويتر آتما ري ڪڙا ٿي (42) اوتومتو ڪيڏو: ”پڳوون تون ننه ٻڌيون اشيٽريون ٿي گهڻو آشيرواڏ ڏيڏوه، ان اوتو ٻاڙ ننه پڻ آشيرواڏ ڏيڏوه، جيا ننه تون زلميه. (43) مون مانه ايوي ڏيا ڪم ڪرين ٿيه، جي مارا پرپو رئي مان مون ڪن وين آويها! (44) ڪم تو زو، زئيون مئين تارو نمسڪار هومپڙيو، تئيون ٻاڙ مارا پيٽ موئين ڪشي ٿي ڪوڏيو. (45) ان پاگواڙي تون سٺه جيئنه ايشور مانه يقين راکيوه، ڪم تو جي واتون تون ننه ايشور را طرف ٿي ڪيڏل سٺه، او پوري ٿيشي.“

ماریون پڳوون رو ڀڙن ڳاڙهه

(46) پسٺه ماريون ڪيڏو:

”مارو من ايشور را وڪون ڪرھ

(47) ان مارو جيو ايئا موئين ڪش ٿيوه

جي پڳوون مون ننه پچايا واڙه

(48) مون آپري هوني ري گريبي رو ڪيال راکيوه.

آز ٿي لين ٻڌون زمونون را منڪ

مون ننه پاگواڙي ڪيشي،

(49) ڪم تو پڳوون جي ٻڌون ٿي ڏاڍو سٺه،

اوتھ مون هارو موتا موتا ڪوم ڪرياه.

اوتو رو نوم پويتر سٺه،

(50) ان اوتو رئي ڏيا جگت را شروع ٿي لين

جگت ري پچاڙي هوڏي اوتون مانه سٺه

جيا اوتو ري وات ننه پورا من ٿي مونئھ.

(51) اوتھ آيئي موتي طاقت ڏيڪاڙيھ.

جيا آپرا من موئين آپ نئه موتا هزمتا
اوتون نئه اوتئ پڳڙاياھ پرا.

52) اوتئ موتون پاڌشائون نئه

اوتون ريون گهاڌيون ٿي نيسا اوتارياھ پرا،
ان گريهون نئه مانھ ڪرياھ پرا.

53) اوتئ پوکون نئه نائوڪيون شينھون ٿي ڊپڙاياھ پرا

ان شائوڪارون نئه نالي هائي رونا ڪرياھ.

54) اوتئ آپري شيوا ڪريا واڙي

اسرائيلي قوم رئي مدت ڪريھ.

55) هيوتئ نمونئئ اوتئ آپرو وسن راکيوھ

جيو اوتئ آپتون ٻاپ ڏاڏون ٿي ٻونڌيو تو،

جي او ابراهيم ان اوتا رون اولادون مانھ

ھميش ھوڏي ڏيا ڪريھ.

56) ماريون ايشبع ڪن ترٿڪ مئينا رئي، ان پسئ آپري گھري پاسئي

گھي پري.

يُوحنا رو زلم

57) زئيون ايشبع رئ ٻاڙ زلميا رو توئو آيو، تئيون اوتئ ڏيڪرو زلميو. 58) اوتا


ري عزيزي ان ٻاڙا واڙي زئيون ھومپريو جي ايشور اوتا مانھ ڪئي موئي ڏيا
ڪريھ، تئيون او پڻ اوتا پيڙا ڪشي ڪروا مڏيا.

59) ٻاڙ رئ زلميا رئ ائمئ ڏي او منڪ ٻاڙ رئي توھر ڪرايا ھارو آيا. او

ٻاڙ رو نوم ٻاپ را نوم زڪرياھ مانھ راکوا ڪرتا تا، 60) پڻ مان ڪيڏو: ”نا نا،

اوتا رو نوم يوحنا راکوھ.“ 61) تيا مانھ اوتئ اوتا نئه ڪيڏو: ”ايوو نوم تماري

بيڊي موئين ڪيا رو ئي نئي.“ 62) پسئ اوتئ ٻاپ ٿي اشارا ڪرين پونسيو:



”تمارئي ڪيوئي مرضيئي سٺه، ايٺا رو نوم ڪي راکووه؟“ (63) تئينون زڪرياه پٽيئي مڳاوين اونا مانه لڪيو: ”ايٺا رو نوم يوحنا سٺه.“ تو ٻڌائي منڪ حيروني پڙي ڳيا.

(64) تئينون جهٺ موئين زڪرياه رئي جيب ڪلي ڳيئي، ان او پڳوون را وڪون ڪرتون بولوا مڏيو. (65) جيا منڪ آهٺه پاهٺه ريتا او ٻڌائي پڳوون رئي اي ڪڙا ڏيڪين حيروني پڙي ڳيا. منڪ هائي ٻڌي واتون يهوديه ملڪ را پورا ڏونڳرون وازا علاقا موئين ڪروا مڏيا. (66) ان زتي منڪي هائي واتون هومپڙي، او ٻڌائي هايون را پارام من موئين ويچاروا مڏيا ان ڪيتات ريا جي ”اي ٻار ڪيوو نيٽرشي؟“ ڪم تو ايشور آب اونا رئي همپار ڪرتوت ريو.

زڪرياه پڳوون رو نياپو نٺه

(67) پسته يوحنا رٺه ٻاپ زڪرياه پويتر آتما ري ڪڙا ٿي ايسو را پارام پڳوون رو اي نياپو ڏيڏو:

(68) ”اسرائيلي قوم را پڳوون، ايشور را وڪون ٺه!

ڪم تو اوٺه آپري سونڊل قوم رو ڪيال راڪين

آپون نٺه آزاتا ڪراياھ پرا.

(69) اوٺه آپرا شيواڌاري دائود ري پيڊي موئين ٿي

آپون هارو هيڪ موتو پچايا وازو ميليوه.

(70) هائي وات اوٺه آپرون پويتر نياپو ڏيڏا وازون هات

آپون نٺه گهٽيئي اڳي ڪي ميليئي ٿي،

(71) زم او آپون نٺه آپتون ڏشمٺون ٿي پچاوٺه

ان آپون نٺه ٻڌون وير راڪيا وازون را قوضا ٿي سڏاوٺه.

(72) هيوٺه نمونٺه اوٺه آپتون ڏاڏون ٿي ڪرل


آپرو ڏٺيا ڪريا رو وائيدو پاڙيوه،
 ان آپرو ٻونڌل پويتر وسن پورو ڪريوه.
 ⑦3 هائي وسن اوئه آڻا ڏاڏا ابراهيم ٿي
 هون ڪائين ٻونڌيو تو،
 ⑦4 جي آپون ننه ڏشمٽون را قَوْضَا ٿي سڏاوين
 آپرئي شيوا پيڪ وگر ڪروا ڏيشي،
 ⑦5 ان آپون ننه پوري حياتي هُوڏي
 آپ هوما پويتر ريو ڏيشي
 ان آپري وات مانه ويوا ڏيشي.
 تئين زڪرياه آپرا ڏيڪرا يوحنا را پارام پگوون رو اي نياپو پڻ ڏيتو:
 ⑦6 "هوءَ ٿون، مارا ڏيڪرا،
 پرميشور رو نياپو ڏيتا واڙو ڪيورائيه،
 ڪم تو ٿون پريو ٿي مورم مورم وين
 اوئا هارو مارگ تيار ڪريه.
 ⑦7 ان ٿون آڻي پريو ري سونيل قوم ننه اي ڪهر ڏيه
 جي پگوون منڪون را ڏوه ماڦ ڪرين
 اوئون ننه پچاوشي،
 ⑦8 ڪم تو پگوون آپون مانه گهٽي ڏيا ڪرئ.
 تيا ري ڪري پريو آڻو ڪيال راڪين
 ڏي اوگيا را زم آپون ڪن آڪاش ٿي آوشي،
 ⑦9 ان اوئون ننه سوجهرو ڏيشي
 جيا اندارام موت ري پيڪ موئين پيٺاه،
 ان آپون ننه هڪي ٿيا را مارگ مانه
 وودا رو شيرڙو ڏيڪارشم."

⑧ هُوته اُو سوکرو، یوحنا، وڌتو گيو ان الاهي هزموا مڏيو. ان زئيون هُوڌي پڳوون اونا ننه نياپو ڏيڌا هارو اسرائيلي قوم هومو ساوو ٿيا رو نه ڪيڏو، تنيون هُوڌي اُو رڻ موئين ريو.

ايسنو رو زلم

(متي 1: 18-24، لوقا 2: 1-7)

① يوحنا را زلم ڪيڙ، رومي حڪومت رنه پادشا قيصر اوگستس پڙو ڏيورايو 2 جي اُو ملڪ جيا روم ري حڪومت هيٺ سته، اُونون را ٻڌائي منڪ آدمشماري ۾ آڀرا آڀرا نوم لڪاوتنه. ② اي پيرهئين آدمشماري هتئي، جئي ڪورنيس را سوريه ملڪ مانھ راز ڪريا را وڪت ۾ ٿئي.




③ تنيون ٻڌائي منڪ آڀرا آڀرا ڏاڏا را شهر موئين نوم لڪاوا گيا. ④ ان يوسف پڻ گليل علاقا را ناصرت شهر ٿي يهوديه علاقا را هڪا بيت لحم نومي شهر موئين گيو، جيئنه دائود پادشا پيڏا ٿيو تو. اُو اونا شهر موئين نوم لڪاوا گيو، ڪم تو اُو آپ دائود پادشا ري پيڏي ٿي هتو. ⑤ ان ماريون جيا رو هڳپڻ اونا ٿي ٿيل هتو، ان جئي پاري پڳ هتئي، اُو پڻ پيڙئي گئي.

⑥ زئيون او بيت لحم شهر موئين هتا، تو ماريون رنه باز زلميا رو توتو آيو رو. ⑦ ان اوئه آپرو پوئيني رو ڏيکرو زلميو. اوئه باز ننه پوتزون م تنگين آهورا موئين هواريو، کم تو اوئون هارو اوتاگ موئين ماگ نتو.

آکاشي ڏوت ڌرازون ننه ايسو را زلم رئي کبر ڏئه

⑧ اونا ئي علاقا موئين کئينک رديون را ڌراڙ هتا، جيا شيم موئين ريتا. اورات را آپرا ولر رئي سوکئي ڏيتات ريا.



⑨ تو ايشور رنه هيڪنه آکاشي ڏوت اوئون ننه ڏيکارو ڏيتو، ان ايشور رو زبکتو سوجهرو اوئون رنه آهنه پاهنه چلڪيو. تو او گهئا پيئائي گيا. ⑩ پڻ آکاشي ڏوت اوئون ننه ڪيتو: ”پيئائو مت! کم تو هون تمون ننه گهئي ڪشي رئي کبر همپزاووننه، جي ٻڌي اسرائيلي قوم هارو هوشي: ⑪ آڙ دائود را شهر موئين تمون هارو هيڪ پچايا وازو زلميوه، جو پگيون رو سونيل پچايا وازو کريست ان پريو پڻ سئه. ⑫ ان تمون هارو اي پڪئي نيشونئي سئه، جي تمي هيڪا باز ننه پوتزون م تنگل ان آهورا موئين هوتل ڏيڪشو.“

⑬ تئيون هتمارو اونا ڏوت پيزو آکاشي ڏوتون رو هيڪ موتو توزو ڏيڪيام آيو. او ٻڌائي پگيون را مون ۾ ام ڪيتات ريا:

⑭ ”آڪاش مانه پگيون را وڪوڻ تئه،

ان ڌرتي مانه اوئون منڪون ننه هڪ زڙه،

جيون ٿي پڳوون کُش سٺه.

⑮ زئيون دُوت اُئون ڪن ٿي پاسا آڪاش مانھ ڳيا پرا، تو ڌراڙ اُپت موئين امر ڪيو مڌيا: ”هالو، بيت لحم شهر موئين هالون. اي وات جئي ٿيھ، ان جيا رئي ايشور اُپون نٺه ڪهر ڏيڏيھ اُونا نٺه هالين زوئون.“ ⑯ پسنه اُو هٽيڪا هٽيڪا ڳيا. ان اُوتنه زائين اُوئي ماريون ان يوسف نٺه ڏيڪيا ان اُونا ماڳ اُونا ننڪا ٻار نٺه آهورا موئين هُوتل ڏيڪيو.

⑰ اُونا نٺه ڏيڪين، اُو وات جئي ٻار را پارام آڪاشي دُوت اُئون نٺه ڪيڏي ٿي، ڌراڙي منڪون نٺه همپزاوئي. ⑱ ڌراڙون ري واتون هومپزين ٻڌائي منڪ حيرون ٿي ڳيا. ⑲ پڻ ماريون اي ٻڌي واتون من موئين ياد راکين ايئون مانھ ويجار ڪرتي رئي.

⑳ پسنه جئين ڪئين ڌراڙي هومپزيو تو، ان آڪاشي دُوت را ڪيڏا پرموئنه ڏيڪيو تو، اُونا مانھ پڳوون را وڪوڻ ان استوتئي ڪرتا اُو پاسا ڳيا پرا.

ٻار رو نوم ايسو ڏٺھ


㉑ ٻار زلميا رٺه ائمئھ ڏي، زئيون اُونا رئي توهر ڪريا رو توڻو آيو، تئين اُونا رو نوم ايسو راڪيو، ڪم تو اي نوم ٻار پيت ٿيا ٿي مور آڪاشي دُوت راڪيو تو.

ايسو نٺه پڳوون را گهر موئين تيڙي زائھ

㉒ تيا ڪيڙ اُو توڻو آيو، زئيون موسي رون لڪل ايشور رون حُڪمون پرموئنه يوسف ان ماريون رٺه اُو ريت ڪروو تو، جيا ري ڪري اشيتري هُونازا ٿي پويتر ٿه. پسنه اُوئه توئنه اُو ايسو نٺه پڳوون را نوم مانھ ڏيڏا هارو يروشلم شهر موئين تيڙي ڳيا، ㉓ ڪم تو ايشور رون حُڪمون موئين لڪل سٺه:

”هر هيڪ پوئيني رو ڏيڪرو

ايشور را نوم مانھ ڏيوو ڪپنه.“



24) ان او ايٿا هارو پڻ ڳيا، زم ايشور رون حڪمون پرموٽه هونازا ٿي پويتر ٿيا هارو هيڪ جوڙي هولون رٿي ڪا هي پاريون را بشيا پڳوون را نوم مانه سڙائو.

25) اوٿه يروشلم شهر موئين هيڪ منڪ ريتو، جيا رو نوم شمعون هتو. او پڳوون ري وات مانه وودا واڙو ان ڌرمي منڪ هتو. او اوتا توترا رٿي وات زوتوت ريو، زيون پڳوون را پاها ٿي اسرائيلي قوم ننه پچايا واڙو آوشي. ان پويتر آتما رٿي ڪڙا اوتا موئين هتئي. 26) اوتا ننه پويتر آتما ٿي اڳي ڪهر زڙي ٿي جي زيون هوڏي او ايشور را سونيل پچايا واڙا ڪريست ننه نئين پاڙه، تئين هوڏي نئين مره.

27) اوٿه ڏي پويتر آتما را ڪيڏا ٿي شمعون پڳوون را گهر موئين آيو. زيون ايسو را مان ٻاپ، موسي را لڪل حڪم پرموٽه، ايسو ننه پڳوون را نوم مانه ڏيڏا هارو اوٿه تيڙي آيا، 28) اوٿه ئي توتنه شمعون آپ آوين ٻار ننه تيڙي ليڏو ان پڳوون را وڪوڻ ڪرين ڪيڏو:

29) ”او مارا ڏٿي، هوٿه آپرا وائڏا پرموٽه

مون تمارا شيواڏاري ننه هڪ ٿي مروا ڏيو،

30) ڪم تو تمارا ميلل پچايا واڙا ننه

هوٿه هون آپري اونڪيئي ڏيڪونه ريو.

31) ايٿا ننه تمي ٻڌيون قومون هومو ساوو ڪريوه،

32) زم اي ڌاريون قومون ننه تماري واتون هزميا رو سوجهر و ڏنه

ان ايٿا ري ڪري تماري سونيل اسرائيلي قوم رو مون ٿنه.

33) تئين ايسو را پارام اي واتون هومپڙين اوتا را مان ٻاپ گهڻا حيرون ٿيا.

34) پسته شمعون اونون هارو پڳوون ٿي آشيرواڏ مونگيو ان ٻار ري مان ماريون

ننه ڪيڏو:

”کیال راکي،

پڳوون ایټا باز ننه سونڊیوه

کم تو ایټا ري کري اسرائیلي قوم را

گهټا منک پڙشي ان گهټا منک سڙشي.

اي باز پڳوون را طرف ٿي هيڪ نيشون پڻ سئ،

جيا ننه منک نئين موننه ان ڪلاڦ ٿي زاشي.

(35) ان تون ننه پڻ من موئين ايوو ڏک ٿيشي

زوئنه ترؤنار ٿارا ڏوڏڪام لاگي گهي هوئ.

ایټا باز ري کري گهٿون منکون رون

منون ري هٿال واتون ساوي ٿيشي.“

(36) هوئ هيڪ ڏوشي هٿي جي پڳوون رو نياپو ڏيڏا واڙي هٿي. اوتا

رو نوم حنا هتو ان او آشر ري ذات ٿي فئوئيل رئي ڏيڪري هٿي. او گهٿي

گهرڊي هٿي ان پڙيا ڪيڙ رُوگا هات سال اپرا آدمي پيڙي رئي ٿي (37) ان

پسئ رنڏائي گهي ٿي. همئنه او چوراسي سالون رئي هٿي. او هميش پڳوون

را گهر موئين ريتي، ان ڏي رات ورت راکين پرائنئون ڪرين پڳوون رئي

شيو ڪرتي.

(38) اوئ پڻ اوئ توئنه ايسو ڪن آوين پڳوون رو ٿورو مونيو. ان جيا منک

ایټا توٿا رئي وات زوتات ریا، زئيون پڳوون يروشلم شهر رون منکون ننه آزاد

ڪراوشي، اوئون ٻڌون ننه ايسو را پارام همپڙاوتئي رئي جي اي باز منکون ننه

سڏايا وازو سئ.

ايسو ننه ناصرت شهر موئين تيڙي اوئ

(39) زئيون ايسو را مان باپ ايشور رون حڪمون موئين ڪيڏل ريتون پوري ڪري،

تيا ڪيڙ او گليل علاقا را اپرا ناصرت شهر موئين پاسا آيا را.

④0 هَوَئِه اُو سوكرو، ايسُو، وڌتو گيو ان الاهي گهڻو هزمُو ٿيتو گيو. ان پڳوونَ اُوئا مانه ڪُريا ڪرتو ريو.

ايسُو ٻارون سالون ري عمر ڪيڙ پڳوونَ را گهر موئين زائِه

④1 ايسُو را مان ٻاپ سال ٿو سال پاشڪا نومي پرڀ مانه يروشلم شهر موئين زاتا. ④2 زئيون ايسُو رو ٻارمو سال پورو ٿيو، ٽيون اُو ٻڌائي پرڀ ري ريت پرموئنه اُوئنه گيا. ④3 زئيون پرڀ ڪتم ٿي گهڻي، تو اُو آپرا گهر هوما پاسا وڙيا، پڻ اُو سوكرو ايسُو يروشلم شهر موئين ري گيو، ان اُوئا را مان ٻاپ ننه ڪئين ڪهر ننتي. ④4 اُوئي ام سوچيو جي ”ايسُو ايئا لڏا موئين هوشي.“ تيام هيك اڏي رو پنڌ ڪرين اُو هونز را عزيزون ان اوڙڪيندون موئين اُوئا ننه گوتوا مڏيا. ④5 زئيون اُو نه زڙيو، ٽيون ايسُو ننه گوتتا گوتتا وڙي پاسا يروشلم موئين آيا.

④6 ترئمئه ڏي ايسُو اُوئون ننه پڳوونَ را گهر موئين زڙيو. اُو شاستر زوٿيا وازون ڪن پڻو تو، ان اُوئون ري واتون هومپڙتوت ريو ان اُوئون ٿي سوتال پونسوت ريو. ④7 ان زتي منڪي اُوئا ري واتون هومپڙي، اُو ٻڌائي اُوئا ري عقل ان جواپون مانه حيرون هتا. ④8 زئيون مان ٻاپ اُوئا ننه ڏيڪيو، ٽيون حيروني پڙي گيا. ان ايسُو ري مان اُوئا ننه ڪيڏو: ”ڏيڪرا، ٽئين امون ٿي اي ڪي ڪريوه؟ ٿون ننه گوتي گوتين، مُون ننه ان ٿارا ٻاپ ننه ٿارو گهڻو ڏڪ ٿيوه.“

④9 پڻ ايسُو اُوئون ننه ڪيڏو: ”تمي مُون ننه ڪم گوتتات ريا؟ تمون ننه ڪهر ننتي ڪي، جي مارئه آپرا ٻاپ را گهر موئين هوو ڪپنه؟“ ⑤0 پڻ اُوئي ايئا رئي وات نه هزمئي.

⑤1 پسئه ايسُو اُوئون پيڙو ٿين ناصرت شهر موئين آيو. ان اُوئنه آوين اُو آپرا مان ٻاپ را ڪيڏام ريو. اُوئا ري مان اي ٻڌي واتون آپرا من موئين ياد راکي.

⑤2 ايسُو موٽو ٿيو ان هزم موئين وڌيو، ان پڳوونَ ان منڪ اُوئا مانه

راضي هتا.

يُوحنا پَوَيْتِر سَنونَ دِيِدا وَازو پَرِيو ايسُو را اَيَا هَارُو مَنكون نَه تَبَار كَرْتَه

يُوحنا پَوَيْتِر سَنونَ دِيِدا وَازو
مَنكون نَه شِيكَازُوا شَرُوع كَرْتَه

(متي 12:1-3، مرقس 1:1-8، لوقا 3:1-18، يُوحنا 1:19-28)

3 ① رُومي حُكومت را پاڌشا تَبَرِيَس قَيصر ري پاڌشائي را پَنرما سال مِ،
زَيون يَهُوديه، صُويا مانِه پِينطُس پِيلاطُس راز كرتوت ريو، گليل صُويا
مانِه هيروديس راز كرتوت ريو، اِثوريه ان ترخونيتس وَازا صُويا مانِه هيروديس
رو پايي فِلپُس راز كرتوت ريو، ان ابليني صُويا مانِه لسانياس راز كرتوت
ريو، ② ان زَيون حناه ان كائيفا مَك پوزاري هتا، تسيون اوئون ئي دِيئون موئين
پِگَونَ زكرياه را دِيكرا يُوحنا نَه رن موئين آپرو نياپو دِيَتو.
③ تيام يُوحنا يردن دَرِيا رَه آهته پاهته آوين مَنكون نَه همپَزَاووا مَدِيو
جي ”آپرا كراب كوم ساڌين توپونِه كرو ان پِگَونَ ري وات مانِه وو، ان پَوَيْتِر



سنون ليو، تو پڳوونَ تمارا ڏوه ماڻ ڪرشي.

④ اي وات امرئيم ٿي، زم پڳوونَ رو نياپو ڏيڏا واڙا يسعياه را شاستر

موئين لڪل سئ:

”رڻ موئين هڪا پوڪار پاڙيا واڙا رو آواز آئوھ:

پريو را آيا هارو آپ نئ تيار ڪرو!

اوتا هارو آپرا شيرڙا سڏا ناو!

⑤ تمارا مارڳ رو هر هڪ کاڏو پرائي زاشي،

ان مارڳ رو هر هڪ ڏونگر ان ڌڙو ڍاهيا زاشي.

تمارا وڙل رستا پاڌرا ٿي شي،

ان تمارا کاڌرازا مارڳ هرکا ٿي شي.

⑥ ان پڳوونَ رو ميلل پچايا واڙو

ٻڌون منڪون هومو ساوو ٿي شي.

⑦ گهڻا منڪ يوحنا ڪن رڻ موئين پويتر سنون ليوا آوتا، ان يوحنا اوتون

نئ ام ڪيتو: ”او منون رون پليتون، تمون نئ ڪيئنه ڪيڏوه جي تمي روڳا پويتر

سنون ليڏا ٿي پڳوونَ ري آيا واڙي سزا ٿي پچي هڪوه؟ ⑧ جي پچيا هارو

ڪروه، تو ايوا ڪوم ڪرو جيا ٿي ڪپر پڙئ جي تمي هاس ڇر آپرا ڪراپ ڪوم

ساڌين توپونه ڪريئھ ان پڳوونَ ري وات مانھ ووھ ريا. ام مت هزمو جي امي

تو ابراهيم رو وستار سون، تيام ڪم نئين پچون؟ ابراهيم رو وستار سو، تو ڪي

ٿيو؟ پڳوونَ تو ايئون پوئون ٿي ابراهيم رو وستار ناوي هڪئھ. ⑨ پڻ همئنه

پڳوونَ منڪون نئ سزا ڏيڏا مانھ سئ، زوئنه ڪوڪ وڻ را تڙ مانھ ڪوئاڙو

رئين اوپو هوئھ. زم جيا وڻ موئين ميوا نئي ٿيئا، منڪ اوتا نئ واڏئھ ان ڏيو تام

ڦڳوڙئھ پرو، تم پڳوونَ اوتون نئ سزا ڏي شي، جيا اوتا ري وات مانھ نئي وينا.

⑩ تيام او ٻڌائي منڪ يوحنا ٿي پونستا: ”تو پسنئ امارئھ ڪي ڪروو

ڪيئھ؟“ ⑪ يوحنا اوتون نئ ڪيتو: ”جيا ڪن ٻي وڳا هوئھ، اوتون موئين ٿي هڪ

اَوتَا نئه ڏئه جيا ڪن نٿي. ان جيا ڪن ڪاڏو هوئو اُو پڻ همروم وراوئو. ”
 ⑫ اَوتَا ڪن ناڪو ليڏا وازا پَوِيتَر سنونَ ليوا آيا، ان آوِين اَوتَا ٿي پُونسيو:
 ”گَروُ جِي، امارئہ ڪي ڪروو ڪپئہ؟“ ⑬ يُوحنَا اُوئون نئہ ڪيڏو: ”زتو اگھ لڪل
 سئہ، اتا پئِها ليو. اَوتَا ٿي وڌيڪ آپ ھارو مت ليو.“

⑭ ان قَوِجِي پڻ اَوتَا ٿي پُونسيو: ”ان امارئہ ڪي ڪروو ڪپئہ؟“ يُوحنَا
 اُوئون نئہ ڪيڏو: ”ڪيا نئہ پيوڙاوين ڪا ڪوڙ ڪرين پئِها مت ليو. تمون نئہ
 زتو پگھار زڙئہ، اتام ڪُش ريو.“

⑮ هَوئہ اِسرايِلي قَوم را منڪ پگھونَ را ميلل پچايا وازا رئي وات زوتات
 ريا. تيام ٻڌائي منڪ آڀرا آڀرا من موئين يُوحنَا را پارام سوچتات ريا جي ”اي
 پگھونَ رو سُونِڊل پچايا وازو ڪريست سئہ ڪا نا؟“ ⑯ تيا مانھ يُوحنَا اُوئون
 نئہ ڪيڏو: ”هُونَ تمون نئہ رُوگُو پوڻي ٿي پَوِيتَر سنونَ ڏيونھ، پڻ مُون ٿي گھڻي
 ڪڙا وازو آئھ ريو. هُون تو ايوو نٿي جي اَوتَا رون زوڙون را ڪشا ڪولون. اُو
 تمون نئہ پَوِيتَر آتما ان ڏيوٽا ٿي پَوِيتَر سنونَ ڏيشي، ان پگھونَ رئي وات مونيا
 وازون نئہ پَوِيتَر ڪرشي پڻ نہ مونيا وازون نئہ سزا ڏيشي. ⑰ زم ڪوڪ تنگڙي
 لِين آڀرا ڪڙا مانھ اُوپئھ، ان آڀرو ڏونَ صاڦ ڪرين گھڏوم موئين راڪئھ، پڻ
 پوه ڏيوٽا موئين ٻاڙئھ پرو، تم اُو منڪون رو نيا ڪريا مانھ سئہ. اُو پگھونَ
 ري وات مانھ وُوڊا وازون نئہ آڀ ڪن راڪشي، پڻ نہ وُوڊا وازون نئہ ايوو ڏيوٽا
 موئين ٻاڙشي جو ڪيڏي نئين اوزھمائہ.“

⑱ يُوحنَا پڙي گھڻي واتون پڻ ھزماوين اِسرايِلي قَوم نئہ حونصلو ڏيتو ان
 ڪُشي رئي ڪٻر ھمپڙوتو ريو. ⑲ پڻ زئون اُوئہ گليل صوپا مانھ راز ڪريا وازا
 ھيروديس مانھ اي ڏوھ ڏيڏا، جي اُوئہ آڀرا پائي ري ڏوشي ھيرودياس نئہ آڀرا
 گھر موئين راڪئھ، ان پڙا گھڻائي ڪراپ ڪوم ڪرياھ، ⑳ پستھ ھيروديس
 آڀرون ٻڌون ڏوهون ٿي موٽو ڏوھ اي ڪريو، جي اُوئہ يُوحنَا نئہ جيل موئين
 پورايو پرو.

ايسُو پَوِيتر سنون لئه ان شيطون اونا نئه پڳوون ري مرضي ٿي قيرِوا كرئه

ايسُو پَوِيتر سنون لئه

(متي 17-13:3، مرقس 1:9-11، لُوقا 22-21:3)



②1 يوحنا رئه جيل موئين پورايا مور، زئيون اسرائيلي قوم ري گهٽي منڪي پَوِيتر سنون ليڏو رو، ان ايسُو پڻ پَوِيتر سنون لين پرائنا ڪرتوت ريو، تو اوئه ئي ٿوئنه آڪاش ڪلي گيو ②2 ان پَوِيتر آتما پارياو رو روپ لين اونا مانه اوتريو، ان آڪاش موئين ٿي پڳوون رو هاڏ ام هومپريام آيو: ”تون مارو پريمي ڏيڪرو سئه. هون تون ٿي گهٽو ڪش سون.“

ايسُو ري پيڊي را نوم

(متي 1:1-17، لُوقا 3:23-38)

②3 زئيون ايسُو پڳوون رو ڪيڏل ڪوم ڪروا مڏيو، ٿيون او ٿيهونڪ سالون رو هتو. منڪون ري هزم پرموئنه ايسُو يوسف رو ڏيڪرو هتو. او عيلي رو وستار هتو، ②4 عيلي متات رو، متات لوي رو، لوي ملڪي رو، ملڪي ينا رو، ينا يوسف رو، ②5 يوسف متتياه رو، متتياه عاموس رو، عاموس ناخوم رو، ناخوم اسلياه رو، اسلياه نوگه رو، ②6 نوگه ماعت رو، ماعت متتياه رو، متتياه شيمعي رو، شيمعي يوسپخ رو، يوسپخ يوداه رو، ②7 يوداه يوحنا رو، يوحنا ريسا رو، ريسا زربابل رو، زربابل سيالتي ايل رو، سيالتي ايل نيري رو، ②8 نيري ملڪي


رو، ملكي ادبي رو، ادبي قوسام رو، قوسام المودام رو، المودام عير رو، ②9 عير
 يشوع رو، يشوع اليعزر رو، اليعزر يوريم رو، يوريم متات رو، متات لوي رو،
 ③0 لوي شمعون رو، شمعون يهوداه رو، يهوداه يوسف رو، يوسف يونان رو،
 يونان الياقيم رو، ③1 الياقيم ملياه رو، ملياه مينا رو، مينا متاه رو، متاه ناتن
 رو، ناتن دائود رو، ③2 دائود يسي رو، يسي عوبيد رو، عوبيد بوغز رو، بوغز
 سلمون رو، سلمون نحسون رو، ③3 نحسون عمينداب رو، عمينداب ادمين رو، ادمين
 ارنبي رو، ارنبي حصرون رو، حصرون فارص رو، فارص يهوداه رو، ③4 يهوداه
 يعقوب رو، يعقوب اضاحق رو، اضاحق ابراهيم رو، ابراهيم تاره رو، تاره نخور
 رو، ③5 نخور سروج رو، سروج رعو رو، رعو فلج رو، فلج عير رو، عير سلح رو،
 ③6 سلح قينان رو، قينان ارفكسد رو، ارفكسد سم رو، سم نوح رو، نوح لمك
 رو، ③7 لمك متوسلح رو، متوسلح حنوك رو، حنوك يارد رو، يارد مهلل ايل رو،
 مهلل ايل قينان رو، ③8 قينان انوس رو، انوس سيت رو، سيت آدم رو، ڏيڪرو
 هتو، ان آدم ننه پڳوون نايو تو.

پڳوون رو دشمن شيطون ايسنو ننه پڳوون ري مرضي ٿي ڦيروا ڪرڻه

(متي 1:4-11، مرقس 12:1-13، لُوقا 4:1-13)

④ ① پسنه ايسنو پويتر آتما ري ڪڙا ٿي پيال يردن ڌريا ٿي پاسو آيو. ان
 پويتر آتما را ڪيڏا ٿي چاليهون ڏيئون هُڏي رڻ موئين ویتو ريو، ② ان
 شيطون اُٿا ننه پڳوون ري مرضي ٿي ڦيروا هارو آزماوتو ريو. اُٿون ڏيئون
 موئين ايسنو ورت راڪين ڪئين نتو ڪاڏو، ان نيٺ چاليهه ڏي اُٿا ننه الاهي
 گهٽي پوک لاڳي.

③ تنيون شيطون اُٿا ننه ڪيڏو: ”جي تون پڳوون رو ڏيڪرو سڻه، تو ايٿا
 پوٿا ننه ڪڻه جي روٽي ٿي زائڻه.“ ④ پڻ ايسنو شيطون ننه نا پاڙين ڪيڏو:



”شاستر موئين لکل سئہ: منک رُوگُو کاذا
تي جيو تو نئين رئہ.“

⑤ پسنہ شيطون ايسو نئہ هيڪي
اونسِي جگا مانہ پُوگاڙيو ان اوتا نئہ
هت ٿو هت جگت را ٻڌائي ملڪ ڏيڪاڙيا،
⑥ ان ڪيڏو: ”ايئون ٻڌون ملڪون رو راز
هُون تون نئہ ڏيہ، ان ايئون را ٻڌائي
منک ٿارو مون راکشي، ڪم تو ايئون
رو راز مون نئہ ڏيڏل سئہ، ان جيا نئہ
مارو من ڪئہ، اوتا نئہ ڏيونہ. ⑦ تيام
جي تون پڳي پڙين مارئي پوزا ڪرئہ،
تو اي ٻڌوئي راز ٿارو ٿيشي.“ ⑧ پڻ
ايسو اوتا نئہ نا پاڙين ڪيڏو: ”شاستر
موئين لکل سئہ: ايشور آپرا پڳون رئي
پوزا ڪروو، ان رُوگئي اوتا رئي شيوا ڪروو ڪپئہ.“

⑨ تنيون شيطون ايسو نئہ يروشلم شهر موئين پُوگاڙين اوتا نئہ پڳون را
گهر ري ٻڌون تي اونسِي جگا مانہ اُوپاڙين ڪيڏو: ”جي تون پڳون رو ڏيڪرو
سئہ، تو آپ نئہ ايئون نيسو پاڙ، ⑩ ڪم تو شاستر موئين لکل سئہ: پڳون
آپرون آڪاشي ڏوتون نئہ ٿارئي همپاڙ ڪريا رو ڪيشي، ⑪ ان اُو تون نئہ آپرون
هائون مانہ ليشي، زم ٿارون پڳون نئہ پٿر ئي نہ لاڳئہ.“ ⑫ پڻ ايسو اوتا نئہ نا
پاڙين ڪيڏو: ”پڳون اي پڻ ڪيڏوہ: ايشور آپرا پڳون نئہ نہ آزماوو ڪپئہ.“
⑬ زنيون شيطون ٻڌون نمونون را آزمتا لي ريو، تو اُو ايسو ڪن تي گيو پرو
ان آزمتا ليڏا را پيزا ٿوئا رئي وات زووا مڏيو.

ايسو گليل صنويا موئين پڳوونَ رو كوم ڪرڻه


ايسو گليل صنويا موئين پڳوونَ را پارام شيڪاڙوا شروع ڪرڻه

(متي 12: 4-17، مرقس 14: 1-15، لُوقا 4: 15-14)

⑭ پستھ ايسو پويتر آتما ري ڪڙا ٿي پرال گليل صويا موئين پاسو آيو رو. ان پورا گليل موئين اوتا رئي ڪهر پڪڙي گهڻي. ⑮ ان اوتنه ايسو پڳوونَ رون منڌرون موئين منڪون نئه شيڪاڙوا مڏيو. ان ٻڌائي اوتا را وڪوڻ ڪرتا تا.

ايسو را آپرا ناصرت شهر را منڪ اوتا نئه شهر ٿي بارو ڪايئھ

(متي 53: 58-58، مرقس 6: 1-6، لُوقا 4: 16-30)



⑯ تيا ڪيڙ ايسو ناصرت شهر موئين آيو، جيئھ اُونو موتو ٿيو تو. ان اوتنه زم او پويتر ڏي رو اگهي زاتو ريتو، هم پڳوونَ را منڌر موئين گهيو، ان شاستر پڻيا هارو اُونين اُپيو. ⑰ ان شيواڌاري اوتا نئه پڳوونَ رو نياپو ڏيڏا واڙا يسعياه رو لڪل شاستر ڏيڏو. شاستر ڪولين ايسو پڳوونَ را سونڍل پچايا واڙا را پارام اي وات گوتئي، ان پڻين همپڙاويئي:

⑱ ”ايشور رو پويتر آتما مون نئه زڙيوھ،

ڪم تو گريهون نئه ڪشي رئي ڪهر ڏيڏا هارو

ايشور مون نئه سونڍيوھ.

اوتھ مون نئه ميليھ

جي بوندلون نئه سوتيا رئي

ان اوندون ننه ڏيکيا رڻي کبر همپڙااون،
ڏڪون موئين پڙلون ننه سڏااون،

①9 ان اي وات همپڙااون

جي او توڻو آيوه رو

زئيون پڳوون منڪون مانھ ميرپوني ڪرشي.

②0 پسنه اوڻه شاستر پنڌ ڪرين شيواڌاري ننه پاسو ڏيڏو پرو ان شيڪاڙيا هارو
پينو نو. پڳوون را منڌر موئين ٻڌائي منڪ اوڻا هوما ڏيون ٿي زوئي ريا تا.

②1 تئيون ايسو اوڻون ننه ڪيو لاڳيو: ”اي شاستر رڻي لڪل وات تمي هومپڙيه،
اي آز تمون هومئي مون مانھ پورئي ٿيه.“

②2 تيا مانھ ٻڌائي منڪ هائي هومپڙين اوڻا را وڪوڻ ڪروا مڏيا. او ايتا وات

مانھ حيرون هتا جي اي ڪيو نائوڪي واتون ڪرڻ ريو. پسنه ڪيو مڏيا: ”پڻ
اي تو يوسف رو ڏيڪرو سڻه، نا؟“

②3 تئيون ايسو اوڻون ننه ڪيڏو: ”تمي اي ڪيڏئي ضرور مون ننه ڪيشو:

’او ڍاڪتر، آڀرا آپ ننه هازو هورو ڪر. ان اي پڻ ڪيشو: ’امي هومپڙيوه جي
ڪفرنحوم شهر موئين تئين گهڻو ڪئين ڪريوه، تو ايتنه آڀرا ڏيه موئين پڻ
هم ڪرين ڏيڪاڙ.‘“

②4 پسنه ايسو وڙي ڪيڏو: ”هون تمون ننه هاس ڪونه، ڪيائي پڻ پڳوون

رو نياپو ڏيڏا وازا رو آڀرا ڏيه موئين مون نٿي هوتو. ②5 هون تمون ننه هاس ئي

هاس ڪونه، پڳوون رو نياپو ڏيڏا وازا ايلياه رون ڏيئون موئين، زئيون هاڏا ترڻ

سال مي رڻي سونت ئي نٿي پڙئي، ان پورا ملڪ موئين موتو ڏڪاڙ پڙيو تو،

تئيون آڀري اسرائيلي قوم موئين گهڻي رنڌال ڏوشي هتي، ②6 پڻ پڳوون ايلياه

ننه اوڻون ٻڌيون موئين ٿي ڪيا ڪن مدت هارو نه ميليو، پڻ روڳوڙ صيدا ملڪ

را صارپت شهر موئين هيڪي ڌاري قوم ري رنڌال ڏوشي ڪن اوڻا رڻي مدت

ڪريا هارو ميليو. ②7 ان پڳوون رو نياپو ڏيڏا وازا ايلياه رون ڏيئون موئين،

آپني اسرائيلي قوم موئين گهٺائي منڪ ايو هتا جيون ننه ڪوڊ رٿي پيمارئي هتئي، پڻ پڳوون اوتون ٻڌون موئين ٿي ڪيا ننه هازو هورو نه ڪريو، پڻ روڳو سورياني قوم را نعمان نومي منڪ ننه هازو هورو ڪريو.

②8 اي واتون هومپڙين زتا منڪ پڳوون را مندر موئين هتا اوتون ٻڌون ننه گهٽئي رينه سڙئي. ②9 ان اوتني اوتني ايسو ننه زوري زهالين شهر ٿي ٻارو ڪاڍيو، ان جيا ڏونگر مانه اوتون رو شهر هتو، اوتا ري سوتي مانه لي آيا زم اونسائي هيٺ ڳوڙهه پرو. ③0 پڻ ايسو اوتون را وس هون نيهرين آپرو مارڳ لين گيو پرو.

ايسو ڪفرنحوم شهر موئين هڪا منڪ ٿي پوت ڪاڍه

(مرقس 1:21-28، لُوقا 4:31-37)

③1 پسته ايسو گليل صوپا را ڪفرنحوم شهر موئين آيو. ان پويتر ڏي رو اوت رون منڪون ننه شيڪاڙوا مڏيو. ③2 ان منڪ اوتا رنه شيڪاڙيا مانه حيرون هتا ڪم تو او اڪتيارئي راڪين مونيا جيوي واتون ڪرتوت ريو.

③3 اوتنه پڳوون را مندر موئين هڪ منڪ هتو جيا ننه پوت سونتل هتو. اوتنه رڙ ڪرين زور ٿي ڪيتو: ③4 ”او ايسو ناصرت شهر وازا، ٿارو امون ٿي ڪيو واسطو؟ تون نمون پوتون ننه ڪتم ڪروا آيوه، ڪي؟ هون تون ننه اوڙڪونه ريو جي تون ڪون سته. تون پڳوون رو پويتر منڪ سته.“ ③5 پڻ ايسو پوت ننه ڌڙڪو ڏين ڪيتو: ”ماڻ ڪر! ان ايتا منڪ ٿي ٻارو نيهرين ز!“ ٿيون پوت منڪ ننه ٻڌون هومو نيسو پاڙين ٻارو نيهرين گيو پڻ منڪ ننه ڪئين نقصون نه ڪريو.

③6 تيام ٻڌائي حيروني پڙين هڪا پيزا ننه ڪيو مڏيا: ”ايتا را ڪيڏام ڪتو اثر سته! ڪم تو او آپري اڪتياري ان ڪڙا ٿي پوتون ننه نيهرين رو حڪم ڏه، ان او نيهرين زانه.“ ③7 پسته ايسو رٿي نوموش آها پاها را علاقا موئين ٻڌيل پڪڙي گئي.

ايسو گهٿون منڪون نئه ھاڙا ھورا ڪرئھ

(متي 14: 8-17، مرقس 1: 29-34، لُوقا 4: 38-41)

38) پستھ ايسو پڳوون را مندر ٿي نيھرين شمعون ري گھري ڳيو. اوئھ شمعون رئي ھاھو گھڻا تاو موئين پڙئي ٿي. ان اوئي ايسو ٿي اوئا نئھ نيڪ ڪريا ھارو منٿ ڪرئي. 39) تئيون ايسو اوئا ڪن آوين اوپو، ان تاو نئھ اوتريا رو ڪيڏو. تو تاو اوئھ ئي توئھ اوتري ڳيو. ان جھٽ موئين اوئين او ڏوشي اوئون رئي شيوا ساڪرئي ڪروا مڏي.

40) ڏي آتميا رئھ توئھ ٻڌائي اپرون اپرون موندون نئھ، جيون نئھ نمونا نمونا ري پيماري ھتي، ايسو ڪن لي آيا. ان ايسو ھيڪا ھيڪا مانھ اپرا ھاٿ ميلين اوئون ٻڌون نئھ نيڪ ڪرتو ريو. 41) ان گھٿون منڪون موئين ٿي پوت پڻ ايسو را ڪيڏا ٿي نيھرتا ريا. او نيھرتون رڙيون ڪرين ڪيتا ريا جي ”تون پڳوون رو ڏيڪرو سئھ.“ پڻ ايسو اوئون نئھ ڌڙڪو ڏين ڪيڏو: ”ھاڻي وات مت ڪو!“ ان اوئون نئھ ماٿ ڪرايا، ڪم تو پوتون نئھ ڪٻر ھٿي جي ”اي پڳوون رو سونڍل پڇايا وازو ڪريست سئھ.“

ايسو ڪفرنخوم شھر ٿي نيھرين پيزيل شيڪاڙوا زائھ

(مرقس 1: 35-39، لُوقا 4: 42-44)


42) زئيون ڏي اوڳيو تئيون ايسو شھر ٿي نيھرين ھونواڙ ڀر ڳيو. ان الاهي گھڻا منڪ اوئا نئھ ڳوتوا لاڳيا. زئيون ايسو اوئون نئھ زڙيو، تئيون اوئي ايسو نئھ روڪو ڪريو جي ”امون ڪن ٿي مت زائو!“ 43) پڻ اوئھ منڪون نئھ ڪيڏو: ”مارئھ پڳوون را راز رئي ڪٻر پيزون شھرون موئين پڻ ھمپڙاووھ، ڪم تو ايئا ھارو پڳوون مون نئھ ميليھ.“ 44) ان ايسو يھوديون را ملڪ موئين پڳوون رون منڌرون موئين منڪون نئھ شيڪاڙو ريو.

ايسو را پيرهيان شيلا

(متي 18:4-22، مرقس 16:1-20، لوقا 5:1-11)

5 ① هيڪ وار ايسو گليل ري ڍنڍ را ڪپ مانھ اُپيو تو، ان اُونا ڪن الاهي گھڻا منڪ پڳوون رو وچن ھومپڙتات ريا، تو اُو منڪون وسا ھوڙڪائي ڳيو. ② تئيون اُونا نئھ ڍنڍ را ڪپ ڪن ھي ٻيڙي اُويل ڏيڪيام آوي، ان مشي ماريا واڙا اُئون پيڙيون ٿي نيسا اُوترين آڀرا رچ ڌوتات ريا. ③ ايسو اُئون موئين ٿي هيڪي ٻيڙي موئين سڙي ڳيو. اُو ٻيڙي شمعون رئي ھئي. تئيون اُونه شمعون نئھ ٻيڙي ڪپ ٿي توڙڪيڪ آگھئي ھاڪليا رو ڪيڏو. پسئھ ايسو ٻيڙي موئين پھين ٻڏون منڪون نئھ وڙي شيڪاڙوا مڏيو.

④ زئيون ايسو شيڪاڙي ريو، تئيون شمعون نئھ ڪيڏو: ”ٻيڙي نئھ اُونڌا پوڻي موئين ھاڪلي ھال، پسئھ تمي مشيون ھارُو آڀرا رچ نوڪو!“ ⑤ شمعون وڙنڌي ڏيڏي: ”ڳرو جي، امي تو رات ٻڏي رچ نوڪياھ، توئي هيڪ ئي مسئي نئي



زهالئي. پڻ جي تمڻي ڪوه ريا، تو هون رچ نڪاوونھ. ” ⑥ اُوئي رچ نوکيا، تو اتي مشي آوين ڦاڻي، جي اوئون را رچ ڦاڻا مڏيا. ⑦ تو جيا پيڙي پيڙي موئين پايواڙ هتا، اوئون ٿي مدت مونگيا هارو هوزا ڪريا. ان او پڻ آيا، ان مشيون ٿي ٻي ئي پيڙي اتي پرائي گي جي او ٻوڏيا مانھ هتي.

⑧ اي ڏيڪين شمعون پطرس ايسوري پگي پڙين ڪيڏو: ”مون ڪن ٿي زانو پرا، پرپو، ڪم تو هون ڏوهاري سون ان ايوو نٿي جي تمڻي مون ڪن ريو.“ ⑨ اوئو تيام ڪيڏو ڪم تو او ان اوئا پيڙا جيا منڪ هتا، اتي مشي ڦاڻل ڏيڪين، ٻڌائي حيروني پڙي گيا تا. ⑩ ان زبدي را ڏيڪرا يعقوب ان يوحنا، جيا شمعون پيڙا مشي مارتا، او پڻ حيروني پڙي گيا تا. پسئو ايسو شمعون نئو ڪيڏو: ”پيئا مت! آڙ ٿي لين تون مشي ماريا رو ڪوم نئين ڪرئو پڻ منڪون نئو پچاويھ.“

⑪ پسئو اُوئي پيڙي ٻاري توئين ڪپ مانھ اوپاڙي، ان ٻڌو ڪئين ساڏين ايسو را شيلا ٿين اوئا وونھڙ وودا پرا.

ايسو ڪوڊ ري پيماري ٿي هڪا منڪ نئو نيك ڪرئو

(متي 1:8-4، مرقس 1:40-45، لُوقا 5:12-16)

⑫ هڪ وار ايسو هڪا شهر موئين هتو. اوئا ئي ماڳ هڪ منڪ هتو جيا نئو ڪوڊ رئي پيماري هتئي. تيام او منڪ اپڙال هتو. زئيون اوئو ايسو نئو ڏيڪيو، تئيون اوئا ري پگي پڙين منٿ ڪرين ڪيڏو: ”ساڏو جي، جي تمارئي مرضي هوئو، تو تمڻي مون نئو هازو هورو ڪرين پويتر ڪري هڪوه.“ ⑬ تيا مانھ ايسو اوئا نئو سڀين ڪيڏو: ”مارئي مرضي سئو. تون هازو هورو ٿين اپڙايا ٿي پويتر ٿئو!“ ان جهت ڀر ڪوڊ ري پيماري اوئا نئو ساڏي گئي. ⑭ پسئو ايسو اوئا نئو گهڻو گهڻو ڪيڏو: ”اي وات ڪيا نئو مت همپراوي. پڻ پگيون را گهر موئين زائين آڀرو ڏيل اوئا پوزاري نئو ڏيڪاري، جيو اوئو پوزا رو ڪوم ڪرتو

هونہ. ان تون اڀڙايا ٿي پويتر ٿيا هارو پڳوون را نوم مانه او شينهنون سڙاوي جي شاستر موئين موسي ري لکل سئ، زم بدون هارو هاڪ ٿئ، جي تون هازو هورو ٿي گيوه.

15) پڻ ايسو رئي وات جيئنه تيئنه گهڻي پڪڙي گهي، ان الاهي گهئا منڪ اوئا ري واتون هومپڙيا هارو ان پيماريون ٿي نيڪ ٿيا هارو ايسو پيڙا وينا ريتا. 16) ان ايسو آپ هونواڙ موئين هيڪلو زائين پراٿنا ڪرتو ريتو.

ايسو هڪا اڌرنڱ را مونڌا نئ هازو هورو ڪرئ

(متي 9:1-8، مرقس 12:1-2، لوقا 17:5-26)

17) هڪ ڏي ايسو هڪا گهر موئين منڪون نئ شيڪاڙتوت ريو. اوئا ئي ماڳ فريسي پالٽي را منڪ ان شاستر زوٿيا واڙا پڻ پينل هئا. او گليل ان يهوديه صويا را هر هڪ شهر ٿي ان يروشلم شهر ٿي پڻ آيا تا. ان ايشور رئي ڪڙا مونڌون نئ نيڪ ڪريا هارو ايسو موئين هئي. 18) تئين ڪئينڪ منڪ هڪا اڌرنڱ را مونڌا نئ زهوڙي موئين اوپاڙي آيا. او ڪوشش ڪرتات ريا جي اوئا مونڌا نئ ايسو ڪن لي زائنه. 19) پڻ گهئا منڪ هويا ري ڪري گهر موئين زايا هارو واڳ نه زڙيو. تيام او گهر ماڻه سڙي گيا ان ماڻون ڇت را چونڪا ڪولين اوئا نئ زهوڙي هٽيلو نيسو منڪون را وس موئين ايسو ڪن اوتاريو. 20) زئين ايسو اوئون منڪون رو ايوو يقين ڏيڪيو، تئين اوئ اڌرنڱ واڙا نئ ڪيڏو: ”پائي، تارا ڪرل ڏوه تون نئ ماڻ سئ.“

21) تيا مانه شاستر زوٿيا واڙا ان فريسي پالٽي را منڪ سوچوا مڏيا: ”اي وڙي آپ نئ ڪي هزمئھ؟ آپ نئ پڳوون هرڪو ڪرين اي پڳوون رئي پيعڙتي ڪرئ ريو. پڳوون شوا پيزو ڪوئي نئي جيو ڏوه ماڻ ڪري هيڪئھ.“

22) پڻ ايسو اوئون را ڪيال زوٿي گيو ان اوئون نئ ڪيڏو: ”هيوي واتون تمي ڪم سوچوه ريا؟ 23) مون نئ همپڙاوو جي ڪي هورو سئ؟ ايئا منڪ نئ ام

ڪيو هو ڏهه سئو جي 'اُونينَ وٽه'؟ ڪا ام ڪيوو جي 'تارا ڏوه تون نئه ماڻ سئو'؟ (24) پڻ هون تمون نئه ٿا پٽي ڏيه جي هون منڪ ذات رو ڏيڪرو سون، ان پڳوون مون نئه جڳت موئين ڏوه ماڻ ڪريا رڻي اڪتيرڻي ڏيڏيئھ. "پسئھ ايسو اڌرنگ وازا نئه ڪيڏو: "هون تون نئه ڪونھ، اُوني، آپرڻي زهوڙي اُوپاڙين گھري زا پرو!"

(25) تئيون جھت موئين او منڪ اوئون هومو اُونين اُوپو ان جيا مانھ هوتو پڙيو تو او زهوڙي اُوپاڙين، پڳوون را وڪوڻ ڪرتو آپري گھري گيو پرو. (26) او ٻڌائي منڪ گھڻا حيروني پڙي گيا ان پڳوون را وڪوڻ ڪروا مڏيا، ان اي ڪڙا ڏيڪين حيرون تين ڪيڏو: "آز آبي عجيب ڪوم ڏيڪياھ."

ناڪو ليڏا وازو لالوي ايسو رو شيلو تئھ

(متي 9:9-13، مرقس 13:2-17، لُوقا 5:27-32)



(27) پسئھ ايسو اوئا گھرڻي ٻارو نيھريو، تو اوئھ لالوي نوم رو هيڪ ناڪو ليڏا وازو ناڪا ماٿھ پيئو تو. ايسو اوئا نئه زوئين ڪيڏو: "مارو شيلو تين مون وونھڙ او!" (28) تو لالوي ٻڌو ڪئين ساڌين اُونيو ان ايسو رو شيلو تين اوئا وونھڙ ويوا مڏيو.

(29) پسئھ لالوي آپري گھري ايسو هارو هيڪ موٽي ڌاوت ڪرڻي. اوئا ڌاوت موئين گھڻا ناڪو ليڏا وازا هتا، ان پيڙا پڻ گھڻا منڪ اوئون پيڙا پيئا تا. (30) تئيون فريسي پالتي را منڪ ان اوئا پالتي را شاستر زوٿيا وازا ايسو رون شيلون نئه ام وڙگاوا مڏيا جي "تمي ناڪو ليڏا وازون ان هيون ايتال ڏوهاريون پيڙا ڪم ڪاوه ريا؟"

(31) تيا مانھ ايسو اوئون نئه وڙنڏي ڏيڏي: "جيا هاڙا هورا سئھ، اوئون

ننه ڊاڪٽر ربي ضرورت نٿي هوندي، پڻ روگهي مونڏون ننه ضرورت هوندي. (32) هيونته نمونته هون پيدوهي منڪون ننه نئين، پڻ ڏوهاريون ننه هاڏ ڏيوا آيوه جي او آڀرا ڪراپ ڪوم ساڏين توبونه ڪرڻه ان پگهون ري وات مانه وٺه.

ايسو نوي واتون شيڪاڙهه

پڻ منڪون ننه ڌرم ري زوني واتون وٺهه

(متي 17-14:9، مرقس 2-18:2، لوقا 5:33-39)

(33) پسنه ڪئينڪ فريسي پالتي ري منڪي وڙي ايسو ننه ڪيڏو: ”يوحنا را شيلا تو گهڙي وار ورت راکتا رنه ان پراڻائون ڪرڻه. ان امون فريسيون را شيلا پڻ همروم ڪرڻه. پڻ ٿارا شيلا ڪم کاتا پيٽا رنه؟“ (34) تتيون ايسو اوئون ننه ڪيڏو: ”زئيون لاڏو زونيون پيڙو سڻه، تتيون تمي اوئون ننه ورت رکاوي هيڪشو، ڪي؟ هم تو نئين ٿهه. (35) پڻ اباو ڏي آوشي زئيون لاڏو اوئون ٿي ڌار ڪراشي پرو، تيڏي اوئون ڏيئون موئين زونيا ورت راکشي.“

(36) ان ايسو اوئون ننه اي مثال ربي وات پڻ همپڙاوي: ”ڪوئي پڻ منڪ زونا وگا هارو ڪرين نوا وگا ٿي ٿيگڙي نئين ڪترهه. جي هم ڪرڻه، تو نوو وگو ڪترائي زاشي، ان او ٿيگڙي زونا وگا پيڙي اوپشي پڻ نئين. (37) ان ڪوئي پڻ منڪ نوو ڌراڪون رو رس زونيون هنڌاريون موئين نئين راکنه. جي هم ڪرڻه تو نوو رس پاڪين هنڌاريون ننه ڦاڙشي پري ان پسنه رس ايڙائي زاشي، ان هنڌاري پڻ ڪيا ئي ڪوم ري نئين رنه. (38) پڻ نوو رس نويون هنڌاريون موئين راکو ڪپهه.

(39) پڻ وات اي سنهه. ڪوئي پڻ منڪ زونو ٺاول رس پين نوو ٺاول رس پيوا نٿي ڪرتو، ڪم تو ڪيشي: ’نوو نئين، پڻ زونو ٺاڻوڪو سڻه.‘“

ايسُو پويتر ڏي رو ڌڻي ٿينَ آپ ڦينصلو ڪرڻه جي پويتر ڏي رو ڪي ڪروو

(متي 12:1-8، مرقس 23:2-28، لوقا 6:1-5)

6 ① هيڪ وار ايسُو پويتر ڏي رو ڪيترون موئين ٿينَ متوت ريو، جيون موئين ڪڻڪ اُوپل هتتي. ان اونا را شيلا هرا پتتات ريا ان هاتون ٿي مونهڙي مونهڙين اوتون را ڏوئا ڪاتات ريا. ② تئيون ڪئينڪ فريسي پالتي ري منڪي شيلون ننه وڙگائين ڪيڏو: ”هائي تمي لهارو ڪريا جيوو ڪوم آز ڪم ڪروه ريا؟ آڀئا ڌرم موئين پويتر ڏي رو ڪئين ڪوم نه ڪروو ڪپنه.“

③ تئيون ايسُو اوتون منڪون ننه وڙندڻي ڏيڏي: ”تمون ننه ڪهر نٿي ڪي، جي هيوي پوک ري حالت ۾ آڀننه ڌرمي ڏاڏنه دائود ڪي ڪريو تو؟ تمي تو شاستر موئين اڳي پڻيوه جي زئيون دائود ان اونا را منڪ پوکا هتا، ④ تئيون اُو آڀ پڳوون را گهر موئين گيو، ان جي روئي پڳوون را نوم ري هتي، اُو روئي اوتنه پوزاري ڪن لين آڀ ڪاڏي، ان آپرون منڪون ننه پڻ ڏيڏي. هوننه دائود رو اوتون روئيون مانه ڪئين حق نتو، ڪم تو آڀئا ڌرم پرموتنه روڳا اُو جيا پڳوون را گهر موئين پوزا رو ڪوم ڪرڻه، اُو ايوي روئي ڪائي هيڪنه.“

⑤ پسنه ايسُو اوتون ننه ڪيڏو: ”پڻ پويتر ڏي مانه مارو تو حق سنه، ڪم تو هون آپ منڪ ذات رو ڏيڪرو ٿين پويتر ڏي رو ڌڻي سون.“

ايسُو پويتر ڏي رو هيڪا هوكال هات واڙا ننه هازو هورو ڪرڻه

(متي 12:9-14، مرقس 3:1-6، لوقا 6:6-11)

⑥ پيزا ڪياڪ پويتر ڏي رو ايسُو پڳوون را مندر موئين زائين شيڪاڙوا مڏيو. ان اونا ماڳ هيڪ منڪ هتو جيا رو زمثو هات هوكال هتو. ⑦ اوتنه شاستر زوتيا واڙا ان فريسي پالتي را منڪ امر سوچين ايسُو هوما تاڪي ريا تا، ”جي ايسُو

آز پويتر ڏي رو منڪ نٿه هازو هورو ڪرڻ، تو امي اوتڻا رو اي ڏوه ڪاڏشون جي او پويتر ڏي رو ڪوم ڪرڻ، ان هم ڪريا ٿي ڌرم توڙڻه.

⑧ پڻ ايسو اوتون ري من ري واتون زوٿي گيو، ان هوكال هات وازا منڪ نٿه ڪيڏو: ”اوني، وس موئين آوين اوپ!“ تو او اولين اوتڻه آوين اوپو. ⑨ پسڻه ايسو اوتون نٿه ڪيڏو: ”هون تمون ٿي اي پونسونه، جي ڌرم پرموئڻه پويتر ڏي رو پلائي ڪروو ڪا پوندائي ڪروو؟ جيو پچاوو ڪا ماروو؟“ ⑩ ان اوتون ٻڌون هومو زوئين اوتڻه منڪ نٿه ڪيڏو: ”تارو هات پاڌرو ڪر!“ اوتڻه همروم ڪريو، ان اوتڻا رو هات هازو هورو ٿي گيو.

⑪ پسڻه اوتون نٿه گهڻي رينھ سڙي ان آيت موئين واتون ڪروا مڏيا جي ”آپڻه ايسو ٿي ڪي ڪروو ڪپڻه؟“

ايسو اپرون شيلون موئين ٿي ٻارڻه مڪ شيل سونڊيڻه

(متي 10:1-4، مرقس 13:3-19، لوقا 6:12-16)

⑫ اوتون ڏيئون موئين ايسو ڏونگر ماڻه پراڻا ڪروا گيو. ان رات ٻڌي پگورن ٿي پراڻا ڪرتو ريو. ⑬ زئيون ڏي اوگيو، تئيون اپرون شيلون نٿه آپ ڪنڻه هاڏ ڏيڏو، ان اوتون موئين ٿي ٻارڻه زئا سونڊيا، ان اوتون نٿه آپرا مڪ شيل ڪيڏا. ⑭ اوتون را نوم اي سڻه:

شمعون، جيا رو پيزو نوم ايسو پطرس راکيو،

اوتڻا رو پاڻي اندرياس،

يعقوب،

يوحنا،

فلپس،

برٿلمائي،

⑮ متي،

توما،
 حلفي رو ڏيکرو يعقوب،
 شمعون، جيا ننه آڀرا ملڪ ري آزادي هارو وڊيا وازو ڪيتا،
 ⑩ يعقوب رو ڏيکرو يهوداه،
 ان يهوداه اسڪريوتي، جيئنه تيا ڪيڙ آڀرا گرو ننه زهلايو.

ايسو گهڻون منڪون ننه شيڪاڙڻه ان هازا هورا ڪرڻه

(متي 23:4-25، لوقا 6:17-19)

⑪ پسته ايسو اوئون شيلون پيزو ڏونگر ٿي نيسو اوترين هڪا پونا موئين آوين
 اويو ريو. اوڻه اونا رون شيلون رو هڪ موتو توڙو هتو، ان پيزا الاهي گهڻا
 منڪ يروشلم شهر ان پورا يهوديه صوپا ٿي، ان شيئا شيئا هون صور ان صيدا
 شهرون رنه سمونيد را ڪپ ٿي پڻ اول هتا. ⑫ او ايسو ري واتون هومپروا، ان
 آڀريون پيماريون ٿي هازا ٿيو آيا تا. ان جيون ننه پوت سونتل هتا، ايسو اوئون
 ننه پڻ هازا هورا ڪرتوت ريو. ⑬ ان ٻڌائي منڪ ايسو ننه سبيا هارو ڪرتات
 ريا، ڪم تو پڳون رڻي ڪڙا اونا هون نيهرتيت رڻي، ان ٻڌون ننه هازا هورا
 ڪرتيت رڻي.

پاڳوازون رڻي اوڙڪون

(متي 5:3-12، لوقا 6:20-23)

⑭ پسته ايسو آڀرون شيلون هومو زوئين ڪيڏو:

”پاڳوازا تمي سو جيا گريپ سو،

ڪم تو پڳون رو راز تمون هارو سته.

⑮ پاڳوازا تمي سو جيا همئنه پوکا سو،

ڪم تو تمي ڍاپشو.

ياڳواڙا تمي سو جيا همئنه روئوه،
 ڪم تو تمي ڪشي ٿي هاهشو.

②٢ ياڳواڙا تمي سو زئيون منڪ تمون ٿي وير راڪشي، تمون نئه نات ٻارا
 ڪرشي، تمارئي پيعزتئي ڪرشي، ان تمون نئه پوندا منڪ هزمين ايئا هارو ٻارا
 ڪاڏشي ٻرا، جي تمي مون منڪ ذات را ڏيڪرا را شيلا سو. ②٣ اونه ڏي تمي
 ڪش ٿيا ان ڪشي ٿي رميا، ڪم تو آڪاش موئين تمارو ايوزو گهڻو سئه. ڪم
 تو زم منڪ تمارئه ڪلاڦ ويشي، همرام اوئون را ٻاپ ڏاڏا پڳوون رو نياپو ڏيڏا
 واڙون رئه ڪلاڦ پڻ وينا آياھ.

②٤ تنيون ايسو شائوڪار منڪون نئه ڪيڏو:

”پڻ ڏڪ سئه تمون هارو جيا همئنه شائوڪار سو،

ڪم تو تمي اڳي موج ڪري ليڏيھ.

②٥ ڏڪ سئه تمون هارو جيا همئنه ڍاپل سو،

ڪم تو تمي پوکي مرشو.

ڏڪ سئه تمون هارو جيا همئنه ڪشي ٿي هاهوه،

ڪم تو تمي گهڻا روشو.

②٦ ڏڪ سئه تمون هارو، زئيون ٻڌائي منڪ تمارئي واھ واھ ڪرئھ، ڪم تو
 زم منڪ تمارئي واھ واھ ڪرئھ، همرام اوئون را ٻاپ ڏاڏا ڪوڙون پڳوون رو
 نياپو ڏيڏا واڙون رئي پڻ واھ واھ ڪرتا آياھ.

ڏشمئون ٿي پريم راڪو

(متي 38:5-48، 7:12، لوقا 27:6-36)

②٧ ”پڻ تمي جيا مارئي وات ڏيون ٿي هومپروھ ريا، هون تمون نئه ڪونه جي
 آپرون ڏشمئون ٿي پريم راڪو. جيا منڪ تمون ٿي وير راڪئھ، اوئون ٿي پلائي
 ڪرو. ②٨ جيا تمون نئه پئنه، اوئون هارو آشيرواڏ مونڳو. ان جيا تمارئي پيعزتئي

ڪرڻ، اُوئون هارُو پراڻا ڪرو. ②9 ٽمي ڀڏلو مت ليو. جيو تمون نئه هڪا ڳال مانه ٿيڙ هڻئ، اُوئا هومو پيزو ڳال پڻ ڦيروي ڏيو. ان جيو تمارو تُوڻال ڪوهي لئ، اُوئا نئه وڳو پڻ ليو ڏيو. ③0 جيو ڪوئي تمون ٿي مونڱئ، اُوئا نئه ڏيو. ان جيو تماري شينهنون لئ، اُوئا ٿي پاسي مت مونڱو. ③1 مارو مطلب اي سئ، زم منڪ تمون ٿي ڪراپ نمونئ وئ، ٽم ٽمي اُوئون ٿي ڪراپ نمونئ مت وو. پڻ زم تمون نئه وئئ جي منڪ تمون ٿي وئ، هم ٽمي اُوئون ٿي نائوڪئ نمونئ وو.

③2 جي ٽمي رُوڳا اُوئون ٿي پريم راکو، جيا تمون ٿي پڻ پريم راکئ، تو ٽمي ٿورا جيوو ڪي ڪريو؟ ڪم تو ڏوهاري پڻ آپ ٿي پريم راکيا وازون ٿي پريم راکئ. ③3 ان جي ٽمي رُوڳا اُوئون ٿي ڀلائي ڪرو، جيا تمون ٿي پڻ ڀلائي ڪرئ، تو ٽمي ٿورا جيوو ڪي ڪريو؟ ڪم تو ڏوهاري پڻ همروم ڪرئ. ③4 ان جي ٽمي رُوڳا اُوئون نئه اُوڌارا ڏيو، جيا ٿي پاسا ليڏا رو آسريو هوئ، تو ٽمي ٿورا جيوو ڪي ڪريو؟ ڪم تو ڏوهاري پڻ پيزون ڏوهاريون نئه اُوڌارا ڏئ زم اُو ٻڌائي پاسا لي هڪئ.

③5 پڻ ٽمي آپرون ڏشمئون ٿي پريم راکو، اُوئون ٿي ڀلائي ڪرو، ان اُوئون نئه اُوڌارا ڏيو، پڻ پاسا ليڏا رو آسريو مت راکو، تو تمون نئه ايوزو گهڻو زڙشي، ان ٽمي پرميشور را ٻاڙ هوشو، ڪم تو پرميشور ٿورا نه مونيا وازون ان پُونڌون منڪون مانه پڻ ميرپونئي ڪرئ. ③6 زم تمارو ٻاپ پڳوون قياس ڪريا وازو سئ، تم ٽمي پڻ قياس ڪريا وازا ٿيو.

پيزون رو ڏوه نه ڪايوو پڻ آپرا ڏوه نئ زووو

(متي 5:1-7، لُوقا 6:37-42)

③7 ”ٽمي پيزون رو ڏوه مت ڪايو، تو پڳوون تمارو ڏوه پڻ نئين ڪاڍئ. پيزون رئي ڳلا مت ڪرو، تو پڳوون تمارئي ڳلا پڻ نئين ڪرئ. پيزون نئه ماڻهي ڏيو،

تو ڀڳوونَ تمون نئه پڻ ماڻهي ڏيشي. ③8 ٻيڙون نئه ڏيو، تو ڀڳوونَ تمون نئه پڻ ڏيشي. اُو ماڻ ٿي گهڻو ڏيشي، زوڻه ٺونڀڙا نئه ڏٻووين، ڊميڙين، تار پرينَ تماري زهوڙي موئين نوڪشي. ڪم تو جيا ماڻ ٿي تمي ماڻين ڏيوه، اونا ماڻ ڀرموڻه ڀڳوونَ تمون نئه ڏيشي.”

③9 ڀسڻه ايسو اوتون نئه آڳووني را پارام اي مثال رئي وات همڀڙاويي: ”اونڌو اونڌا نئه مارڳ ڏيڪاڙي هيڪشي، ڪي؟ جي ام ڪرڻه، تو ٻي ئي زئا ڪاڏَ موئين پڙشي. ④0 شيلو آڀرا ڳرو ٿي موٽو نٿي. پڻ زئون ٻڏي واتون شيڪشي، تيون هر هيڪ شيلو ڳرو جيوو ٿي زاشي.

④1 تمي ڪم ٻيڙون رو ڏوه ڪاڍين زوڻه آڀرا ڀائي ري اونڪ موئين ڪتر زوڻه، پڻ تماري آڀري اونڪ موئين جيو لاکڙ پڙيوه اونا رو تمون نئه ڪئين ڪيال ئي نٿي؟ ④2 زئون تماري آڀري اونڪ موئين لاکڙ نٿي ڏيڪتا، تو تمي ڪم ڪرين آڀرا ڀائي نئه ڪيشو جي ’ڀائي، لئه ٿاري اونڪ ٿي ڪتر ڪاڍون.‘ ڪوتون منڪون، تمي مونڊا را مينا پڻ انڌر را ڪارا سو. تمي آڀرا ڏوه ساڏين ٻيڙون را ڏوه زوڻه. پيرهين تمي آڀري اونڪ ٿي لاکڙ ڪاڍو، ڀسڻه تمي آڀرا ڀائي ري اونڪ رو ڪتر ٺاڻوڪا نمونا ٿي زوئين ڪاڍي هيڪشو.”

جيوو وڻ نيوو ميوو

(متي 7:16-20، 12:33-35، لوقا 6:43-45)

④3 ”وات اي سڻه، ڪيا پڻ ٺاڻوڪا وڻ موئين پونڌا ميوا نٿي ٿيئا، نڪو وڙي ڪيا پونڌا وڻ موئين ٺاڻوڪا ميوا ٿئھ. ④4 هر هيڪ وڻ آڀرون آڀرون ميوون ٿي اوڙڪاڻھ. ڪم تو ٻورڙيون موئين انجبر را ميوا ڪيڏي نٿي ٿيئا، نڪو ڪنڊيرون موئين ڌراڪون را ميوا ٿئھ. ④5 هيوڻه نمونئھ ٺاڻوڪو منڪ آڀرا من موئين راڪل ٺاڻوڪيون واتون موئين ٿي ٺاڻوڪي واتون ڪاڍئھ. ان پونڌو منڪ آڀرا من موئين

راڪل پُونڌيون واتون موئين ٿي پُونڌي واتون ڪاڍڻ. ڪم تو جيويون واتون ٿي من پرل سڻ، ايوي واتون منڪ بولشي.

بيئون گهر نايا واڙون رو مثال

(متي 7:24-27، لُوقا 6:46-49)

④6 ”تمي مُون نڻه ’پريو، پريو‘ ڪوه، تو پسڻه ماريون واتون مانھ ڪم نٿي ویتا؟ ④7 جيو ڪوئي پڻ مُون ڪن آوڻه ان ماري واتون هومپڙين ايئون مانھ وڻه، هُون تمون نڻه همپڙاونھ جي اُو ڪيا جيوو سڻ. ④8 اُو ايڻا منڪ جيوو سڻ جيڻهه آپرو گهر نايا هارُو اُونڌئي پُنيآءَ ڪوترين پٿر مانھ اُوپاڙئي. زئيون ڌريا رئي هوڏ آوئي، تو هوڏ رو پوڻي اونا گهر نڻه زور ٿي آوين لاگيو، پڻ گهر نڻه لوڏو ٿي نه آيو، ڪم تو گهر ڏاڍو ناول هتو. ④9 پڻ جيو ماري واتون هومپڙين اُونون مانھ نٿي ويتو، اُو ايڻا منڪ جيوو سڻ جيڻهه پُنيآءَ ڪوتريا وگر امروم زمي مانھ گهر نايو. زئيون ڌريا رئي هوڏ اونا گهر نڻه زور ٿي آوين لاگي، تو اُو گهر هتمارو پڙي گيو ان هاو ڪتم ٿي گيو.“

ڌاري قوم رو قوچ رو ساپ ايسو مانھ يقين راکڻه

(متي 8:5-13، لُوقا 7:1-10)

7 ① زئيون ايسو منڪون نڻه آپري ٻڌي واتون همپڙاوي ريو، تئيون ڪفرنحوم شهر موئين آيو. ② اونا شهر موئين هيڪ ڌاري قوم رو منڪ هتو جيو رومي قوچ رو ساپ هتو. اونا رو نوڪر گهڻو مونڏو هتو ان مريا واڙو هتو. قوچ رو ساپ اونا نوڪر رو گهڻو مون راکتو. ③ تيام زئيون ايڻه ايسو را پارام هومپڙيو، تئيون يهودي قوم رون موتون منڪون نڻه ايسو ڪن منٿ ڪرو ميليا، جي اُو آوين نوڪر رو جيو پڇاوه. ④ اُو ايسو ڪن آوين هونئون هونڌين ڪيا مڌيا: ”اونا رئي مدت ڪرو ڪم تو اُو نائوڪو منڪ سڻ. ⑤ اُو آپڻي قوم رئي گهڻي

راڪڻھ ان جيو پڳوونَ رو منڌر امارو سئھ، اُوئھ آپ امون نئھ نوراوي ڏيڏوھ. ”
 ⑥ پسنھ ايسو اُونون پيڙو ٿين ساڀ را گھر هومو رُونو ٿيو.
 زئون ايسو گھر ڏوڪرو آيو، تو قوچ رئھ ساڀ آپرون دوستون هات اي ڪي
 ميليو: ”ساڏو جي، تمي گھڻي ٽڪليپ مت ڪرو! ڪم تو هُون ايوو نٿي جي تمي
 مارا نيچ گھر موئين آوو. ⑦ تيام مئين آپ نئھ تمون ڪن آيا جيوو نه هزميو.
 پڻ تمي روڳا ڪو، تو تمارا ڪيڏا ٿي مارو نوڪر نيڪ ٿي زاشي. ⑧ اي مون نئھ
 ڪپر سئھ، ڪم تو هُون آپ پزون را ڪيڏا هيٺ سون، ان مون هيٺ قوچي سئھ.
 هُون هيڪا نئھ زايا رو ڪون، تو او زاشي، ان پيڙا نئھ آيا رو ڪون، تو او آوشي،
 ان مارا نوڪر نئھ ڪئينڪ ڪوم ڪريا رو ڪون، تو او ڪرشي.“
 ⑨ ايسو اي واتون هومپڙين حيرون ٿي گيو. پسنھ پاسو ڦرين اُوئھ آپ وونهڙ
 آيا واڙون گھڻون منڪون نئھ ڪيڏو: ”هُون تمون نئھ ڪاتري ٿي ڪونھ، ايوو يقين
 مئين آڀئي اسرائيلي قوم موئين پڻ ڪيڏي نٿي ڏيڪيو.“
 ⑩ پسنھ جيا منڪ ميلل هتا، اُوئي پاسا گھري زائين زويو، تو نوڪر هازو
 هورو ٿي گيوھ.

ايسو هيڪي رنڌال اشيتري را ڏيڪرا نئھ جيوتو ڪرئھ



⑪ تيا ڪيڙ ايسو نائين نومي شهر گيو،
 ان اوتا را شيلان پيڙا گھڻا منڪ پيڙا
 هتا. ⑫ زئون ايسو شهر ري پينت را
 دروازا ڪن پوگيو، تئيون هومو زوئھ، تو منڪ لاش اُوپاڙين آوئھ ريا. جيو جوڻ
 سوڪرو مري گيو تو، او آپري مان رو هيڪئھ ڏيڪرو هتو، ان اوتا رئي مان
 رنڌال هٿي. ان شهر را گھڻا منڪ اوتا ري مان پيڙا ڪونڊي ٿين اوتات ريا.
 ⑬ زئون ايسو رنڌال اشيتري نئھ ڏيڪئي، تئيون ايسو نئھ ڏٿيا اُوئي ان اوتا نئھ
 ڪيڏو: ”رو مت! سونئي رئھ!“ ⑭ پسنھ ناٿري ڪن ڏوڪرو آوين اوتا نئھ هات

آڏو ڏيڏو، تو کونڌي اُپي ريا. تئين ايسو ڪيڏو: ”او سوڪرا، هون تون ننه ڪونه، اُوئي!“ (15) تيا مانھ مرل سوڪرو جيو تو ٿي گيو، ان اُوئين پينو ان ٻولوا مڏيو. پسئھ سوڪرو اوتا ري مان ننه ڏيڏو پرو.

(16) تئين ٻڌائي منڪ اي ڪزا ڏيڪين حيروني پڙي گيا، ان پگھون را وڪوڻ ام ڪروا مڏيا: ”آپون موئين پگھون رو هيڪ موٽو نياپو ڏيڏا وازو ساوو ٿيوھ. پگھون آڀري سونڍل قوم رو ڪيال را ڪيوھ.“ (17) ايسو را پارام اي وات پورا يھوديه ملڪ ان آھا پاھا رون پيزون ملڪون موئين ٻڌيل پڪڙي گئي.

يوحنا جيل ٿي آپرون شيلون نھ ايسو ڪن ميلئھ

(متي 11:2-6، لوقا 7:18-23)

(18) يوحنا ري شيلي اوتا ننه ايسو ري ٻڌي واتون همپڙوي. (19) تيام اوتھ آپرون شيلون موئين ٿي بيتون زتون ننه تيڙاوين پڪ ڪريا هارو پڙيو ايسو ڪن اي وات پونسوا ميليا: ”ڪي تمي پگھون را سونڍل پچايا وازا سو، جيا را آيا را پارام شاستر ۾ لڪل سئھ، ڪا امي پيزا ڪياڪ رئي وات زوئون؟“

(20) تئين اُوئي بيئي زئي ايسو ڪن آوين ڪيڏو: ”يوحنا پويتر سنون ڏيڏا وازئھ امون ننه تمون ڪن اي وات پونسوا ميليا: ڪي تمي پگھون را سونڍل پچايا وازا سو، جيا را آيا را پارام شاستر ۾ لڪل سئھ، ڪا امي پيزا ڪياڪ رئي وات زوئون؟“

(21) اوتھ توئھ ايسو گھتون مونڏون ننه پيماريون ان تڪليپون ٿي نيڪ ڪريا، ان گھتون منڪون ٿي پوت ڪاڍيا، ان گھتون اونڌون ننه هازا هورا ڪريا.

(22) پسئھ ايسو يوحنا رون ميلل شيلون ننه ڪيڏو: ”تمي زائين جئين ڪئين تمي ڏيڪيوھ ان هومپڙيوھ، او يوحنا ننه همپڙايا، جي اونڌا ڏيڪي هيڪئھ، رُونڱڙا وي هيڪئھ، ڪوڍيا هازا هورا ٿين اڀڙايا ٿي پويتر ٿئھ، ٻوڙا هومپڙئھ، مرل منڪ جيوتا ٿئھ ان گريهون ننه ڪشي رئي ڪٻر همپڙاويي زائھ. (23) ان پاگوازا او سئھ

جيا مُون مانھ ڪئين ئي شڪ نٿي ڪرتا، جي هُون اُو هاڳي پڳوونَ رو ميلل پڇايا وازو سون.

ايسُو منڪون نٿَ يُوحنّا را پارام هُزماوئُه

(متي 11:7-19، لُوقا 24:7-35)

24) زئيون يُوحنّا را ميلل شيلا پاسا ڳيا پرا، تئيون ايسُو ٻڌون منڪون نٿه ڪيا مڌيو: ”زئيون تمِي رن موئين يُوحنّا ڪن ڳيا تا، تو تمِي ڪي زووا ڳيا تا؟ تمِي ايوو منڪ زووا ڳيا تا ڪي، جيا را ويچار سر را زم وائيرا ٿي ڏڳتا رٿه؟ 25) پسنه تمِي ڪي زووا ڳيا تا؟ ڪياڪ نائوڪا لوگهڙا پيرل منڪ نٿه زووا ڳيا تا، ڪي؟ نا، اُو جيا اُونچون م اُونچا لوگهڙا پيرٿه ان هڪ ان موج موئين رٿه، اُو تو يادشائون رون مولتون موئين بيٺا هونھ. 26) پسنه تمِي ڪي زووا ڳيا تا؟ ڪي هڪا پڳوونَ رو نياپو ڏيڏا وازا نٿه؟ هوئُه پيزو. هُون تمون نٿه ڪاتري ٿي ڪونھ جي يُوحنّا پڳوونَ رو نياپو ڏيڏا وازو تو سٺه، ان هيا ٿي موتو پڻ سٺه. 27) يُوحنّا اُو سٺه جيا را پارام شاستر موئين پڳوونَ رٿي اي ڪيڏل وات لڪل سٺه: ’زو، هُون آپرو نياپو ڏيڏا وازو تُون ٿي مور ميلونھ، اُو ٿارا آيا مور تُون هارُو مارڳ تيار ڪرشي.’

28) هُون تمون نٿه ڪاتري ٿي ڪونھ، پوري ڏنيا رون منڪون موئين يُوحنّا ٻڌون ٿي موتو سٺه. توي پڳوونَ را راز موئين جيو ٻڌون ٿي نونو سٺه، اُو پڻ يُوحنّا ٿي وڌارٿه پاڳوازو سٺه.

29) زئيون يُوحنّا پڳوونَ رو نياپو ڏيڏو تو، تئيون اسرائيلي قوم ري ٻڌي نوني منڪي، ان ناڪو ليڏا وازي پڻ، يُوحنّا ڪن پويتر سنون ليڏا ٿي پڳوونَ ري وات نٿه هاسئي مونڻي تئي. 30) پڻ موتي فريسي پالتي ري منڪي ان شاستر زوٿيا وازي يُوحنّا ڪن پويتر سنون نٿو ليڏو، ان هيئُه نمونئُه اُوئي پڳوونَ رٿي مرضي آپ هارُو پوري نه ٿيو ڏيڏئي.

③1 پسنه ايسو ڪيتو: ”هون تو ڪي ڪون؟ ايٿا زمونا را منڪ ڪيا سئو؟
اي ڪيا را گهوڙ سئو؟ ③2 اي منڪ اوئون ٻازون را گهوڙ سئو، جيا شهر را پونا
موئين رمتون پيزون ٻازون ٿي ڌار بيهين ام ڪئو:


’امي رميا هارو وونهڙي وگاڙي، پڻ تمي تو رميا ٿي نئين.
امي پار لين روياء، پڻ تمي روياء ٿي نئين.’

اُئون ٻازون را زم تمي ڪيئو پاهئو ڪش نٿي. ③3 ڪم تو يوحنا پويتر سبون
ڏيڏا واڙو آيو ان او نڪو روٿي کاتو نڪو ڌراڪون رو رس پيتو، تيام تمي ڪوه
جي ’ايٿا نئو پوت سونتل سئو. ③4 پڻ هون منڪ ذات رو ڏيڪرو آيوه، ان هون
پيزون را زم روٿي ڪائونھ ان ڌراڪون رو رس پيئونھ، توئي پڻ تمي مارا پارام
ڪوه: ’ايٿا نئو زوئو. اي لپڙو ان شراپي سئو. اي تو اپڙال ناڪو ليڏا وازون ان
هيون ڏوهاريون رو دوست سئو.’

③5 توئي پڻ زتا منڪ هاس ۾ عقل واڙا سئو، او پگيون رو نياپو مونئو، ان
وات ساوئي ڏيڪاڙھ جي او نياپو پگيون ري عقل ٿي ڏيڏل نياپو سئو.”

هڪ ڏوشي آڀرا پونڌا ڪوم ساڌين ماڻي رو ٿورو مونيا هارو ايسو ڪن اوئو

③6 هڪ وار فريسي پالٽي رهه شمعون نومي هڪئو منڪ ايسو نئو آڀري گهري
کاڌا رٿي ڏاوت ڏيڏي، تو ايسو اوئا فريسي ري گهري زائين رواز پرموئو
ڪوئي وروئو آڏو پڙين روٿي ڪاوا مڏيو.



③7 اوئا ٿي شهر موئين هڪ ڏوشي ريتي جي اڳي
پونڌو ڪوم ڪرتي. زيون اوئا نئو ڪهر پڙي جي ايسو
هڪا فريسي ري گهري ڏاوت مانھ آيوه، تيون او سنڳي
مرمر رٿي عطر واڙي ڪونپلي لي آئي، ③8 ان ايسو ري
پگويئي اوي رٿي. او روٿي روٿي ايسو رون پگون نئو آڀرون هونھوڙون ٿي

پلاڙتيت رئي ان آپرون مٿوڙون ٿي پونهتتيت رئي، ان پڳون ننه بوسڪا ليتتيت رئي ان اوئون مانه عطر هتتيت رئي.

39) تيام فريسي جيئنه ايسو ننه ڏاوت ڏيڏي ٿي، اي ڏيڪين من موئين ام سوچو مڏيو: ”جي اي منڪ پڳون رو نياپو ڏيڏا وڙو هوٺ، تو اينا ڏوشي ننه ضرور اوڙڪت جي اي ڪيوڻي ڏوشي سٺه جي اينا ننه سبھه رئي، ڪم تو اي هاو ڪراپ ڏوشي سٺه.“

40) تو ايسو فريسي ننه ڪيڏو: ”شمعون، مارٺه ٿون ٿي ڪئينڪ وات ڪروھ.“ تو فريسي ڪيڏو: ”گرو جي، پلٺه ڪو.“

تئين ايسو هيڪ مثال ڏين ڪيڏو: 41) ”هيڪا منڪ را بي قرضي هتا. هيڪا مانه پنجويه هزار روپيا قرض هتو، ان پيزا مانه روگا اڍائي هزار. 42) پڻ اوئون بيئون ڪن ڪئين نتو جي اوٺا ننه پٺيها پاسا ڏٺ، تيام اوٺه بيئون ننه آڀرو قرض ماڦ ڪريو پرو. هوٺه ايئون بيئون موئين ٿي ڪوڻ اوٺا رو گهٺو ٿورو مونشي؟“ 43) شمعون اوٺا ننه وڙنڏي ڏيڏي: ”مارا هزميام او جيا ننه گهٺو قرض ماڦ ڪريو.“ تو ايسو اوٺا ننه ڪيڏو: ”تئين صحيح هزميوھ.“

44) پسنه اوٺا ڏوشي هومو قرين ايسو وڙي شمعون ننه ڪيڏو: ”ٿون اينا ڏوشي ننه زوٺه ريو؟ هون ٿاري گهري آيو، ان تئين مون ننه پڳ ڏويا هارو پوٺي نه ڏيڏو، پڻ ايشه ڏوشي مارا پڳ آپرون هونھوڙون ٿي پلاڙياھ ان آپرون مٿوڙون ٿي پونهياھ. 45) تئين مون ننه مون ڏيڏا هارو بوسڪو نه ليڏو، پڻ زم هون آيو، ته اي ڏوشي مارون پڳون ننه بوسڪا ليتي ريه. 46) تئين مارا ماتام تيل ئي نه نوڪيو، پڻ ايشه ڏوشي تو مارون پڳون ننه عطر هنيوھ. 47) ايئون واتون ري ڪري هون ٿون ننه ڪاتري ٿي ڪونه جي جيا گهٺا ڏوه ايشه ڏوشي پڳون را ڪرياھ، او ٻڌائي ماڦ ٿي ڳياھ. اي وات ساوئي سٺه ڪم تو ايشه گهٺو پريم ڪريوھ. پڻ جيا را ٿوڙا ڏوه ماڦ ٿه، او توڙو پريم ڪرھ.“ 48) پسنه ايسو ڏوشي ننه ڪيڏو: ”ٿارا ڏوه ماڦ ٿي ڳياھ.“

④9 تئيون جيا منڪ اونا داوت موئين ايسو پيڙا کاتات ريا، او من موئين سوچو مڏيا: ”اي ڪوڻ سٺه جو ڏوه پڻ ماڦ ڪرئ؟“

⑤0 پڻ ايسو اونا ڏوشي نٺه ڪيڏو: ”تئين يقين ڪريو، تيام تون ڏوهون ري سزا ٿي پڇي گهٺي. زا ان هڪي رٺه.“

ڪئينڪ اشيتري ايسو ري واتون هومپيڙيا هارو شيلون را توڙا پيڙي وٺه

8 ① تيا ڪيڙ ايسو شهر شهر ان پاڙهه پاڙهه پنڌ ڪرتون منڪون نٺه شيڪاڙتو ريو ان پگهون را راز رئي ڪهر ڏيتو ريو. ان ايسو پيڙا اونا را ٻارٺه سونڊل شيلا هتا، ② ان ڪئينڪ ڏوشي پڻ پيڙي هتي جيون نٺه ايسو پوتون ان پيماريون ٿي سڏاوي تي. اوئون موئين مريم هتتي جيا نٺه مگڊليني ڪيتا ان جيا ٿي ايسو هات پوت ڪاڍيا تا، ③ يوانه پڻ هتتي جيا رو خوزه نومي آدمي هيروديس را مولات رو موٽو منچي هتو، ان سوسناه ان پيڙي پڻ گهٺي ڏوشي هتي، جي آپري ملڳت ٿي ايسو ان اونا رون شيلون رو ڪرچ پرين شيوا ساڪري ڪرتي.

پيڙ وايا وازا رو مثال

(متي 13:9-13، مرقس 4:1-9، لوقا 8:4-8)



④ زئيون شهر شهر ٿي الاهي گهٺا منڪ ايسو ڪن آوين پيڙا ٿيا، تئيون ايسو اوئون نٺه اي مثال رئي وات همپڙا وٺي: ⑤ ”هڪ هاڙي هتو. ان او پيڙ واووا گيو. پيڙ واوتون واوتون، پيڙ را ڪئينڪ ڏوٺا شيرڙا مانه پڙيا، ان منڪي ماٺه وي وين لتاڙيا پرا ان پسٺه پڪي اوئون نٺه ڪائي گيا. ⑥ ان ڪئينڪ پيڙ را ڏوٺا پٿر واڙي زمي موئين پڙيا، ان اوگيا ٿي مس تو هوكائي

گيا، ڪم تو زمي موئين وٽ نٿي. ⑦ ان ڪئينڪ پيز را ڏوٿا ڪنڊيرون واري زمي موئين پڙيا، ان ڪنڊيرا پيز پيزا اُوگيا ان اُوئون نٿم ڏپويا پرا. ⑧ ان ڪئينڪ پيز را ڏوٿا پلي زمي م پڙيا، ان اُوگين ايوا پلا ٿيا جي هيڪوڪا هرا موئين هو هو ڏوٿا ٿيا.

اي وات ڪرين ايسو زور ٿي ڪيڏو: ”هومپڙيا وازون، تمي ماري وات مانھ ڏيون ڏيو.“

ايسو هزماوئھ جي اُو مثالون ٿي ڪم شيڪاڙئھ

(متي 10:13-17، مرقس 10:4-12، لوقا 9:8-10)

⑨ پسنھ ايسو ري شيلي اُوٿا ٿي پونسيو: ”اينما مثال رو مطلب ڪي سٺه؟“
 ⑩ تيا مانھ ايسو ڪيڏو: ”پگھون را راز ري اُونڌي واتون اُوٿه تمون شيلون نٿه هزموا ڏيڏيه، پڻ پيزون منڪون نٿه مارئھ مثالون ٿي همپڙاووه، جيا ٿي اُو زوشي پڻ ڏيڪشي نٿين، ان هومپڙشي پڻ هزمشي نٿين.“

ايسو پيز وايا وازا را مثال رو مطلب هزماوئھ

(متي 13:18-23، مرقس 4:13-20، لوقا 11:8-15)


⑪ ”هوتھ اينما مثال رو مطلب اي سٺه: پيز پگھون رو وچن سٺه. ⑫ جيا ڏوٿا شيرڙا مانھ پڙيا تا، اُوئون رو مطلب ايوا منڪ سٺه جيا وچن هومپڙئھ، پڻ اُوئون ڪن پگھون رو دشمن شيطون آوين اُوئون رون منون ٿي وچن ڪاڍي لئھ، زم وچن اُوئون نٿه ويھري زائھ ان اُو يقين نه راکئھ ان اُوئون نٿه تارڻ نه زڙئھ. ⑬ جيا ڏوٿا پتر واري زمي موئين پڙيا تا، اُوئون رو مطلب ايوا منڪ سٺه جيا وچن هومپڙين ڪشي ٿي مونئھ، پڻ زم مثال موئين اُوئون ري پاڙون اُونڌي نٿي، تم اُوئون رو يقين پڪو نٿي، تيام اُو ٿورٿيڪ وار يقين راکئھ، پڻ زئيون آزمتا رو ڏورو ٿوٿو اُوئھ، تئيون ڦري زائھ. ⑭ جيا ڏوٿا ڪنڊيرون واري زمي موئين

پڙيا تا، اُوئون رو مطلب ايوا منڪ سئہ جيا وچن ھومپڙئو پڻ پسنئہ ھٿيون ھٿيون
حياتي ريون گھٽيون، مال ملڳت، ان عيش عشرت موئين ڦاٿي زائو، ان اُوئون رو
يقين وڌو نٿي. ان زم اُوئون ڏوئون ٿي ھرا نٿا ٿيا، تم اُوئون منڪون ٿي نائوڪا
ڪوم نٿي ٿيئا. ⑮ پڻ جيا ڏوئا پلي زمي موئين پڙيا تا، اُوئون رو مطلب ايوا
منڪ سئہ جيا ھاسا من ٿي وچن ھومپڙئو ان من موئين راکتا رئو. ان زم اُوئون
ڏوئون ٿي ھرا پاڪيا تا، تم اُو منڪ ڏوروڻ صير ٿي سھين پڪو يقين راکين
نائوڪا ڪوم ڪرئو.

ڏيوا رو مثال

پڳوون را وچن مانھ يقين راکو ان پيزون نئہ ھمپڙاوو

(مرقس 21:4-25، لُوقا 16:8-18)



⑯ ”ڪوئي منڪ ايو نٿي جو ڏيوو ٻارين
اُوئا نئہ نونپڙا ھيٺ ڍونڪئو ڪا ڪاتلا
ھيٺ ميلئو. پڻ ھر منڪ ڏيوا نئہ اُوئا ري
جگا ۾ ساوو ميلئو زم گھر موئين آيا
وازون ھارو سوجھرو ٿئو. ⑰ ڪم تو جئين
ڪئين ھتال سئہ، اُو ساوو ٿيشي، ان ھر
وات جو ھتال سئہ اُوئا رئي ڪبر پڙشي
ان ساوئي ٿيشي. ⑱ تيام ھوشيار ريا جي

تمي ھاسا من ٿي پڳوون رو وچن ھومپڙو، ڪم تو جيو منڪ وچن مونئو،
پڳوون اُوئا نئہ وچن ھزميا رئي وڌارئہ گھٽئي ھيمت ڏيشي. پڻ جيو منڪ وچن
نٿي مونتو، جيو وچن اُوئہ ھومپڙيو، اُو وچن ھزميا رئي ھيمت پڻ اُوئا ڪن ٿي
ڪوھراشي.

جيا ڀڳوونَ ري وات مانھ وئھ اُو ايسُو نئ مان ان ڀايون را زم پريمي سئ

(متي 12: 46-50، مرقس 3: 31-35، لوقا 8: 19-21)

①9 تئيون ايسُو رئي مان ان ڀائي اوتا ڪن آيا، پڻ گهڻا منڪ هويا ري ڪري اوتا هُوڏي پُوگي نه هڪيا. ②0 تيا مانھ ڪيٽيڪ ايسُو نئھ ڪيڏو: ”تمارئي مان ان ڀائي ٻارا اُوڀاھ. اُو تمون ٿي مزوا ڪرئھ.“ ②1 پڻ ايسُو اوتون نئھ ڪيڏو: ”اي منڪ، جيا ڀڳوونَ رو وچن هومپڙئھ ان اوتا مانھ وئھ، اي ماري مان ان مارون ڀايون را زم سئھ.“

ايسُو واوڙ نئ ڀنڌ ڪرئھ

(متي 8: 23-27، مرقس 4: 35-41، لوقا 8: 22-25)

②2 هڪ ڏي ايسُو آپرون شيلون پيڙو پيڙي موئين سڙين اوتون نئھ ڪيڏو: ”هالو، ڍنڍ رئھ اوتھ پاهئھ هالون!“ تئيون اُو پيڙي موئين زاوا مڏيا. ②3 پيڙي رئھ ويتون ويتون ايسُو اونگهائي ريو. پسئھ ايوئي گهائئي واوڙ ڍنڍ مانھ آوئي جي پيڙي پوئي ٿي پراوا لاڳئي، ان اوتون را جيو ڪترام هئا. ②4 پسئھ اوتني ايسُو ڪن آوين اوتا نئھ زڳاڙين ڪيڏو: ”گرو جي، اُو گرو جي، آبي ٻوڏونھ ريا!“

تيا مانھ ايسُو اونگھ ٿي اوتين وائيرا ان پوئي ريون چوليون نئھ ڀنڌ ٿيا رو ڪيڏو. تو اُو ڀنڌ ٿي گهي، ان ماڻ ٿي ماڻ ٿي گهي. ②5 تئيون ايسُو شيلون نئھ ڪيڏو: ”تمارو يقين ڪيھ؟“

شيلو اي ڪرا ڏيڪين گهڻا حيروني پڙي گيا، ان آڀت موئين ام ڪيو مڏيا: ”اي ڪيوو منڪ سئھ، جو وائيرا ان پوئي نئھ پڻ حڪم ڏئھ، ان اُو ايتا رو ڪيڏو مونئھ!“


ايسو هيك منڪ ٿي گهڻا پوت ڪاڻهه

(متي 8:28-34، مرقس 1:5-20، لوقا 8:26-39)

②6 پستھ ايسو ان اوتا را شيللا پيٽري موئين را موئين گراسينيون را علاقا ۾ زائين پوگيا، جو گليل صويا ٿي ڍنڍ رٿه پيڙهه ڪپ سٺه. ②7 زئيون ايسو ڪپ مانھ اوتريو، تو اوت را ڍوڪڙا شهر رو هيك منڪ اوتا نٿه پيڙو ٿيو، جيا نٿه پوت سونتل هتا. او گهڻا وڪت ٿي نڪو لوگهڙا پيڙتو، نڪو گهرون موئين ريتو، پڻ پونئيرا جيوون مقومون موئين ريتو.

②8 اي منڪ ايسو نٿه ڏيڪين رڙ ڪرين ايسو ري پڳي پڙيو ان زور ٿي اوتا نٿه ڪيڏو: ”ايسو، ڀرميشور را ڏيڪرا، تارو مون ٿي ڪيوو ڪوم سٺه؟ هون تون نٿه منت ڪرونه، مون نٿه پونڌي هازي سزا مت ڏهه.“

②9 اوئھ هم تيام ڪيڏو، ڪم تو ايسو پوت نٿه اوتا ٿي نيھريا رو ڪيڏو تو. ڪم تو گهڙي گهڙي پوت اوتا منڪ را پنڌ موئين اوتو ريتو، ان موئنه اوتا نٿه هاتون پڳون م هونڪڙون پونڌين قابو ڪرتا، توئي پڻ او هونڪڙون توڙتو پري ان پوت اوتا نٿه هونواڙ موئين زوري لي زاتو.



③0 تئيون ايسو اوتا منڪ ٿي پونسيو: ”تارو نوم ڪي سٺه؟“ تو اوئھ ڪيڏو: ”پلتن،“ ڪم تو اوتا موئين گهڻا پوت هتا. ③1 ان پوت ايسو نٿه منت ڪروا مڌيا: ”امون نٿه پڳيون رئي سزا کاڌا هارو نرڳ موئين مت ميل.“

③2 هوئھ اوئھ هونرون رو هيك موتو ولر هتو جو ڏونگر مانھ سرتوت ريو. تيام پوتي ايسو نٿه اي منت ڪري جي ”امون نٿه اوتون هونرون نٿه سونتوا ڏهه!“ ان ايسو اوتون نٿه موڪل ڏيڏي. ③3 تئيون پوت اوتا منڪ ٿي نيھرين

هُوٿرون نئه سونتي گيا، ان او ولر ڏونگر ٿي نيسو ڍوڙي آوين ڍنڍ موئين پڙيو، ان ٻڌائي هُوٿر ٻوڏي گيا.

(34) اي ڏيکين هُوٿرون را ڌراڙ پاڳي گيا، ان اي وات شهر موئين ان ٻاراڙي موئين همپڙاوي. (35) تئين منڪ اي وات زويا هارو آيا. ايسو ڪن آوين اوئي او منڪ ڏيکيو جيا ٿي پوت نيهريا تا. او لوگهڙا پيرين صحيح ڏيماڳ ۾ ايسو ڪن پينو تو. اي ڏيکين او پيئائي گيا.

(36) جيئي هائي ٻڌي وات ڏيکي، زئين اوئي اول منڪون نئه همپڙايو جي پوت سونتل منڪ ڪم ڪرين هازو هورو ٿيو، (37) تئين گراسينيون را علاقا ري ٻڌي منڪي ايسو نئه منٿ ڪري جي ”امون ڪن ٿي زائو پرا!“ ڪم تو اوئون نئه گهٽي پيڪ هتي.

پسئه ايسو پيڙي موئين سڙين پاسو زاوا مڏيو. (38) تئين او منڪ جيا ٿي پوت نيهريا تا، او ايسو نئه منٿون ڪروا لاڳيو: ”مون نئه تمون پيڙو هالوا ڏيو.“ پڻ ايسو پيڙو هاليا رو نا پاڙيو ان اوئا نئه ڪيڏو: (39) ”تون پاسو آڀري گهري زا پرو، ان زائين همپڙايو جي پڳوون تون ٿي ڪيوئي نا نائوڪي پلائي ڪريه.“ پسئه او پاسو گيو ان زائين پورا شهر موئين همپڙايو جي ايسو مون ٿي ڪيوئي نا نائوڪي پلائي ڪريه.

ايسو هيڪي سوڪري نئه جيوتئي ڪرئ
ان هيڪي اشينرتي نئه هازئي هورئي ڪرئ

(متي 9:18-26، مرقس 5:21-43، لوقا 8:40-56)

(40) زئين ايسو وڙي گليل صوپا موئين پاسو آيو رو، تو ڍنڍ را ڪپ مانه گهڻا منڪ اوئا ٿي ڪشي ٿي مڙيا، ڪم تو ٻڌائي اوئا رئي وات زوتات ريا. (41) اوئنه هيڪ منڪ هتو جيا رو نوم يائير هتو. او پڳوون را هيڪا منڌر رو آڳيوون هتو. اوئنه ايسو ڪن آوين اوئا ري پڳي پڙين گهري هاليا رئي منٿ ڪري

④2 ڪم تو اوثا رڻي هيڪڻه ڏيڪرڻي هتڻي، زويام ٻارون سالون رڻي هتڻي، او مريا واڙڻي هتڻي. تيام ايسو اوثا را گهر هومو وودو، پڻ منڪ اوثا ماڻه پڙتات ريا.

④3 اوئون منڪون موئين ٿي هيڪ اشيتري هتڻي، جيا نئه ٻارون سالون ٿي زالوڻي پيماري هتڻي ان هايا پيماري ري ڪري او اڙال هتڻي. اوثا ڪن جئين ڪئين هتو، اوئه ڊاڪٽرون موئين ڪپايوت پرو، پڻ توئي ڪئين قائيدو نتو ٿيو. ④4 او ايسو وونهڙ آوين اوثا ري ساڌر را شيڙا نئه سڀئي. تو جهت موئين او هازڻي هورڻي ٿي گڻي. ④5 تڻيون ايسو پونسيو: ”مون نئه ڪوڻ سبيوه؟“ هر هيڪ زڻه ڪيدو: ”هون نئي سبيو.“ تڻيون پطرس ڪيدو: ”گرو جي، وات اي سئه جي منڪ گهاڻا سئه ان تمون مانه پڙه ريا.“ ④6 پڻ ايسو ڪيدو: ”ڪوڪ تو مون نئه سبيوه، ڪم تو مون نئه تڻيون ئي ڪپ پڙي گڻي تڻي جي ڪڙا مون ٿي نيهه رڻي.“

④7 زڻيون او اشيتري هزمي گڻي جي هون هتائي نئي هيڪتڻي، تو ڏڪتڻي ڏڪتڻي آوين ايسو ري پگي پڙي ان ٻڌون منڪون هومو ايسو نئه ڪيدو جي ڪيا ري ڪري هون تمون نئه سڀئي، ان ڪم ڪرين جهت موئين نيڪ ٿي گڻي پڙي. ④8 پسئه ايسو اوثا نئه ڪيدو: ”ڏيڪرڻي، تڻين يقين ڪريوه، تيام تون نيڪ ٿي گڻي. زا ان هڪي رئه!“

④9 هزون ايسو ام ڪيتوت ريو، تيا مانه مندر را آگيون را گهر ٿي ڪيٽڪ آوين آگيون نئه ڪيدو: ”تمارڻي سوڪرڻي مري گڻي. هوهه گرو نئه تڪليب مئه ڏيو!“ ⑤0 پسئه ايسو اي وات هومپزين آگيون نئه ڪيدو: ”پيڻاڻو مت! روگو تمپي پگون مانه يقين راکو، تو تمارڻي سوڪرڻي پچي زاشي.“

⑤1 زڻيون ايسو آگيون ري گهري آيو، تڻيون اوئه روگو پطرس، يوحنا، يعقوب ان سوڪري را مان ٻاپ نئه گهر موئين آوا ڏيدا، ان پيزون ٻڌون نئه ٻارا اوپا راکيا. ⑤2 او ٻڌائي منڪ سوڪري را پار لين روتات ريا ان وڙاپ ڪرتات

ريا. پڻ ايسو اوتون نئه ڪيڏو: ”مت روئو! سوڪري مرئي نٿي، پڻ اونگهائي رهي.“ (53) تيا مانه اُو منڪ ايسو مانه نٿولي ڪروا مڏيا، ڪم تو اوتون نئه ڪهر هٿي جي سوڪري تو مري گهي.

(54) پسته ايسو اوتا سوڪري رو هات زهالين هاڏ ڏين ڪيڏو: ”او سوڪري، اوني پري!“ (55) پسته اوتا سوڪري م وڙي جيو آيو رو، ان او جهت موئين اوني پري. ان ايسو ڪيڏو: ”سوڪري نئه ڪينڪ کاڌا رو ڏيو!“ (56) تيا مانه سوڪري را مان باپ حيروني پڙي ڳيا، پڻ ايسو اوتون نئه گهڻو گهڻو ڪيڏو: ”اي وات ڪيا نئه مت همپڙاويا!“

ايسو آپرون ٻارون سونڊل شيلون نئه

پڳون رو ڪوم ڪريا هارو ميلهه

(متي 10:5-15، مرقس 7:13-13، لوقا 9:1-6)

9 ① پسته ايسو آپرون ٻارون سونڊل شيلون نئه آپ ڪن تيڙيا، ان اوتون نئه پوتون نئه ڪاڊيا رئي ان موندون نئه هاڙا هورا ڪريا رئي ڪڙا ان اڪتيا رئي ڏيڏي. ② پسته ايسو اوتون نئه پڳون را راز را پارام همپڙيا هارو ان منڪون نئه هاڙا هورا ڪريا هارو ميليا، ③ ان اوتون نئه ڪيڏو: ”پنڌ هارو ڪين مت لي زائو، نڪو لاکڙي، نڪو زهوڙي، نڪو روڙي، نڪو پيها، نڪو وڳو. ④ جيا ري گهري تمي مور تي زائو، زتي وار اوتا شهر تي رونا نه ٿيو، اوتا ئي گهر موئين ريا. ⑤ جيا شهر موئين منڪ تمون نئه ڪشي ٿي آوا نه ڏئه، تو اوتا شهر تي ٻارا نيهرين آپرون پڳون رئي ڏوڙ پڻ ڪريا پري، جيا ٿي ٿاڀي نئه جي اوتي تماري وات نه هومپڙي.“

⑥ پسته او شيلو وودا پرا، ان پاڙه پاڙه زائين ڪشي رئي ڪهر همپڙاوتا ريا

ان ٻڌيل منڪون نئه هاڙا هورا ڪرتا ريا.

راز ڪريا واڙو هيروديس ايسو ري ڪري ڳڻتيون موئين پڙي زانه

(متي 14:1-12، مرقس 6:14-29، لوقا 9:7-9)

⑦ هُوَ زئيون گليل صوپا مانه راز ڪريا واڙه هيروديس هايون ٻڌيون واتون را پارام هومپڙيو، تئيون او ڳڻتيون موئين پڙي ڳيو، ڪم تو ڪوڪ منڪ ايسو را پارام ام ڪيتا تا جي ”يوحنا جيوتو ٿي ڳيوه“ ⑧ ڪوڪ ڪيتا تا: ”ايلياه وڙي ساوو ٿيوه“، ان پڙا وڙي ڪيتا تا: ”اڳلوڪون پڳوون رو نياپو ڏيڏا واڙون موئين ٿي ڪوڪ جيوتو ٿيوه.“ ⑨ تيا مانه هيروديس ڪيڏو: ”يوحنا رو تو مئين ماڻو وڊايوت پرو، پسئه اي وڙي ڪوڻ سئه، جيا ري ايوي واتون هون هومپڙونه ريو؟“ ان او ايسو ٿي مزوا ڪرتو نو.


ايسو پونس هزار ٿي وڌارءُ منڪون نئه روئڻي ڪوراوئه

(متي 14:13-21، مرقس 6:30-44، لوقا 9:10-17، يوحنا 6:1-13)

⑩ زئيون ايسو را مڪ شيلا اوڻا ڪن پاسا آيا، تئيون جئين ڪئين اوڻي ڪريو تو، ٻڌوئي همپڙايو. پسئه ايسو اوڻون نئه آپ پڙا نوڪلاڻي ۾ بيت صيدا شهر هوما تيڙي ڳيو. ⑪ پڻ الاهي گهڻا منڪ، زئيون اوڻون نئه ڪبر پڙي، تئيون ايسو وونهڙ روونا ٿيا. ايسو اوڻون هون ڪشي ٿي مڙيو، ان اوڻون نئه پڳوون را راز را پارام همپڙاوا مڏيو، ان جيا مونڏا هتا، اوڻون نئه هاڙا هورا ڪريا.

⑫ زئيون ڏي آتميا واڙو هتو، تئيون ايسو ري ٻاري سونڊل شيلي اوڻا ڪن آوين ڪيڏو: ”ايئون ٻڌون نئه موڪل ڏيو، زم آهئه پاهئه ٻاراڙي رون پاڙون موئين زائين ايئون نئه کاڌا پيڏا رو زڙه ان ٽڪي رئه. ڪم تو ايتئه هونواڙ موئين ڪي ٿي هيڪئو؟“

⑬ پڻ ايسو شيلون نئه ڪيڏو: ”ايئون نئه کاڌا رو تمڙي ڏيو!“ تيا مانه



اُوئي ڪيڏو: ”امون ڪن رُوگهي پونس روتي ان ٻي مشي سٺه. پيزو ڪئين نٿي. امي پٽيهون ٿي ايئون ٻڌون هارو ڪاڏو لي آوون، ڪي؟“ (14) اُوئي هم ايٺا هارو ڪيڏو ڪم تو پونسڪ هزار رُوگا اڏمي هتا.

تئين ايسو شيلون نٿه ڪيڏو: ”ايئون نٿه پنجاه پنجاه را توڙا ڪرين بيهارو!“ (15) شيلي همروم ڪرين ٻڌون نٿه بيهاريا نا. (16) پسته ايسو آپ او پونس روتي ان ٻي مشي پري لين آڪاش هوموزوئين اوئون هارو پڳوون رو تورو مونيو. ان اوئون نٿه پونگين شيلون نٿه ڏيتو ريو، ان شيلا منڪون نٿه ڏيتا ذاتا ريا. (17) پسته ٻڌائي منڪ ڪائين ڍاڀيا. ان جيا ٽڪرا منڪي اوڳاريا تا، اوئون را ٻارٺه چٻا پروٿا.

پطرس ايسو نٿه پڳوون رو سونڍل پڇايا واڙو ڪريست ڪٺه

(متي 13:16-19، مرقس 8:27-29، لُوقا 9:18-20)

(18) هيڪ وار ايسو ان اوٿا را شيلا نوڪلائي ۾ هتا، ان ايسو هيڪلو پراٿنا ڪرتوت ريو. پراٿنا ڪرين پسته اوئون ٿي پونسو: ”منڪ مارا پارام ڪي ڪٺه ريا جي هون ڪون سون؟“ (19) شيلي ڪيڏو: ”ڪوڪ ام ڪٺه ريا تمي يوحنا پويتر سنون ڏيڏا واڙا سو؟ ڪوڪ ڪٺه ريا ايلياه سو، ان ڪوڪ ڪٺه ريا جي اڳلوڪون پڳوون رو نياپو ڏيڏا واڙون موئين ٿي هيڪ وڙي جيوتو ٿيوه، ان تمي او سو.“ (20) پسته ايسو وڙي پونسو: ”پڻ تمي ڪي ڪوه، هون ڪون سون؟“ تيا مانه پطرس ڪيڏو: ”تمي پڳوون را سونڍل پڇايا واڙا ڪريست سو.“

ايسو آب مانه آيا وازون نڪون ان موت را پارام مور ٿي همپزاوئھ

(متي 23-20:16، مرقس 33-30:8، لوقا 22-21:9)

① پڻ ايسو اوتون ننه گهڻو گهڻو ڪيڏو: ”اي وات ڪيا ننه مت همپزيا.“
 ② ان وڙي ڪيڏو: ”اي ضرور ٿيشي جي آڀڻي قوم را موتا منڪ، موتا پوزاري،
 ان شاستر زوتيا وازا مون منڪ ذات را ڏيڪرا ننه گهڻا ڏڪ ڏيشي، ان مارا
 پارام ڦينصلو ڪرشي جي هون پگهون رو سونيل پچايا وازو نٿي پڻ ڪوڙو
 سون، ان منڪ مون ننه مارشي پرو، پڻ ترئمئھ ڏي پگهون مون ننه جيوي
 اوناڙشي.“

شيلڪا رٿه موت هوندي ايسو ري وات مانه ويوو

(متي 28-24:16، مرقس 34-31:9، لوقا 27-23:9)

③ پستھ ايسو ٻڌون ننه ڪيوا مڏيو: ”جي ڪوئي مارو شيلو ٿين مون وونهڙ
 آوا ڪرئ، تو او آڀرئي مرضئي ساڏنه ان موت هوندي ڏڪ سهين زوئنه تاريخ
 تاريخ آڀرئي هوندي اوڀاڙنه ان مارا مارگ مانه وين مون وونهڙ آوئ. ④ ڪم
 تو جيو ڪوئي مون ننه ساڏين آڀرو جيو پچاوا ڪرئ، تو نيٺ اونا رو جيو
 نئين پچئ، پڻ جيو ڪوئي ماري ڪري آڀرو جيو ڏيڏا هارو تيار سئ، تو اونا
 ننه هميش رو جيون زڙشي. ⑤ ڪم تو جي ڪوئي منڪ ٻڏي ئي دنيا هات
 ڪرئ، ان آڀرو جيو گهڻه پرو، ڪا اونا ننه جيو رو نقصون ٿئ، تو اونا ننه
 ڪيوو ڦائيدو ٿيو؟ ⑥ ڪم تو جيو ڪوئي ماري ڪري ان ماريون واتون ري
 ڪري منڪون ڪن مارو شيلو ڪيورايا ٿي لزي مرشي، تو زيون هون آڀرا زبڪتا
 سوجھرا ڀر، مارا ٻاپ را زبڪتا سوجھرا ڀر، ان پويتر ڏوتون را زبڪتا سوجھرا
 ڀر پاسو دنيا ڀر آويھ، تيون هون منڪ ذات رو ڏيڪرو پڻ اونا ننه مارو شيلو
 ڪيڏا ٿي لزي مريھ. ⑦ پڻ هون تمون ننه هاس ڪونھ، ايٿه اوپل منڪون موئين

ٽي ڪئينڪ ايو سٺهه جيا زئيون هُودِي پڳوونَ رو راز نئين ڏيڪنه، تئين هُودِي نئين مرهه.

ايسو رو روپ زبڪتا سوجهرام ۾ پڌلئو

(متي 17:1-8، مرقس 9:2-8، لُوقا 9:28-36)

28 ايسو رهه اي واتون ڪريا ننه هفتو ڪن ٿيو، تو ايسو آپ پيڙا پطرس، يوحنا ان يعقوب ننه تيرين ڏونگر مانه پرائنا ڪروا گيو. 29 زئيون پرائنا ڪرتوت ريو، تئين ايسو رهي صورتا پڌلي گهي، ان اوتا را لوگهڙا اونڪيون ننه انزيا جيو ڌورا شيرت تي گيا. 30 اوچتا هي منڪ ساوا ٿيا جيا ايسو ٿي واتون ڪرتات ريا. او موسيٰ ان ايلياه هتا، 31 جيا زبڪتا سوجهرام ڏيڪارو ڏين ايسو را موت را پارام واتون ڪرتات ريا، جو يروشلم شهر موئين ٿيا وازو هتو.

32 اوئه توتنه پطرس ان پيڙا هي شيلاه گهڻي اونگه ۾ هتا. زئيون اوتون ننه هار ٿي، تئين اوتي ايسو رو زبڪتا سوجهرام ڏيڪيو ان او هي منڪ پيڙا اوپل پڻ ڏيڪيا. 33 پسنه زئيون موسيٰ ان ايلياه ايسو ٿي زاوا مڏيا، تئين پطرس ايسو ننه ڪيتو: ”گرو جي، امي ڪتا پاڳوازا سون جي امي ايتنه سون. هوئه امي ترڻ ڏازيا ناوون، هيڪ تمون هارو، هيڪ موسيٰ هارو، ان هيڪ ايلياه هارو.“ پڻ اوئه اي وات سوچيا وگر ڪرئي تئي.

34 هزون پطرس هم ڪيتوت ريو، تو واڌڙهه آوين اوتون مانه سونيو ڪريو. زئيون او واڌڙا ٿي ڏڪائي گيا، تئين شيلاه پيڻائي گيا. 35 ان واڌڙا موئين ٿي پڳوون رو آواز ام هومپڙيام آيو: ”اي مارو ڏيڪرو سته. مئين ايٿا ننه سونديوه. ايٿا ري واتون مونو.“ 36 زئيون اي آواز هومپڙيو، تئين اوتون ننه ايسو هيڪلو ڏيڪيام آيو. پسنه شيلي ماٿ ڪرئي، ان جي واتون ڏيڪي تي، اوتون را پارام اوتون ڏيئون ۾ ڪيا ننه ڪئين وات نه ڪرئي.

ايسو هیکا سوکرا ٿي پُوت کايٿه

(متي 14:17-21، مرقس 9:14-27، لُوقا 9:37-43)

37) پيزنه ڏي ايسو ان او ترڻ شيلا ڏونگر ٿي نيسا اوتريا، تو گهڻا منک ايسو ننه پيڙا ٿيا. 38) اوئون موئين ٿي هيڪڻه منک زور ٿي ڪيڏو: ”گرو جي، هون تمون ننه منٿ ڪرونه، مارا ڏيڪرا مانه ڏيا ڪرو، ڪم تو اي مارو هيڪڻه ڏيڪرو سئ. 39) ايٿا را پنڌ ڀر پُوت آوئ، ان رڙ ڪرين ايٿا ننه پاڙئ. اي چرڪون ڪائ، مونيدنه گوڳئي آوئ، ان پُوت ايٿا ننه مرڙئ ان پسئ مس مس ايٿا ننه ساڏئ. 40) مئين تمارون شيلون ننه ايٿا پُوت ننه ڪاڍيا رئي منٿ ڪري ٿي، پڻ او نه ڪاڍي هڪيا.“

41) تيا مانه ايسو منڪون ننه ڪيڏو: ”تمي جيا ايٿا زمونا را منک سو، تمي يقين ڪم نٿي راڪتا؟ تمي ڪم اوڙي سوچ راڪوه؟ مارئنه هزون ڪتي وار تمون پيڙو ريوو پڙشي ان تماري گلت سوچ سهوو پڙشي؟“ تئيون اوئ سوکرا را ٻاپ ننه ڪيڏو: ”ٿارا ڏيڪرا ننه ايل تيڙي آو!“

42) سوڪرو هزون اوتوت ريو، تو پُوت سوکرا ننه هيٺ پاڙيو نو ان اوٿا ننه مرڙو مڏيو. پڻ ايسو پُوت ننه ڌڙڪو ڏين نيهر يا رو ڪيڏو، ان سوکرا ننه هازو هورو ڪرين اوٿا را ٻاپ ننه ڏيڏو پرو. 43) پڳوون رئي ايوي ڪڙا ڏيڪين ٻڌائي منک حيروني پڙي ڳيا.

ايسو ٻيڙي وار آپرا موت را پارام مور ٿي همپڙاوئه

(متي 22:17-23، مرقس 9:30-32، لُوقا 9:43-45)

زئيون ٻڌائي منک ايسو رون ٻڌون ڪومون مانه حيرون ٿيٿا تا تئيون ايسو آپرون شيلون ننه ڪيڏو: 44) ”تمي اي مارئي وات من موئين راڪيا، موٽهئ مَن منک ذات را ڏيڪرا ننه زهلاوشي ان منڪون رنه حوالئه ڪرشي پرو.“ 45) پڻ او اي

وات هزَميا ئي نئين. وات اُونون ٿي هتال رُئي زم اُو نه هزَمئ. ان اينا را پارام ايسو ٿي پونسيا ٿي پيئاتات ريا.

شِيلا آيت ۾ تڪرار ڪرڻ جي ڪيا رو گهڻو مون سئ

(متي 1:18-5، مرقس 9:33-37، لُوقا 9:46-48)

④6 پستھ شِيلا آيت موئين تڪرار ڪروا مڏيا جي ”آپون موئين ڪيا رو گهڻو مون سئ؟“ ④7 پڻ ايسو اُونون رون منون را ڪيال اوڙڪي گپو، تيام هيڪ نونو پاڙ تيزين آپرا پاهام اوپاڙيو ④8 ان شيلون نئ ڪيڏو: ”جو ڪوئي مون مانھ وشواس راڪيا ري ڪري اينا پاڙ رو مون راڪئھ، اُو مارو مون پڻ راڪئھ. ان جو ڪوئي مارو مون راڪئھ، اُو پڳوون رو مون پڻ راڪئھ، جيئئھ مون نئ ميليوه. ڪم تو جيو تمون موئين ٿي ٻڌون ٿي نونو سئ اوتا رو مون گهڻو سئ.“

جو تمارئ ڪلاڦ نٿي اُو تمارئ پاهئ سئ

(مرقس 9:38-40، لُوقا 9:49-50)

④9 پستھ يوحنا ايسو نئ ڪيڏو: ”گرو جي، امي هيڪا منڪ نئ تمارا نوم ٿي پوت ڪاڍتون ڏيڪيو، ان امي اوتا نئ هم ڪريا رو نا پاڙيو، ڪم تو اُو امون پيرو تمون وونھڙ نٿي ويتو.“ ⑤0 پڻ ايسو اوتا نئ ڪيڏو: ”اوتا نئ هونئ مت روڪيا، ڪم تو جو تمارئ ڪلاڦ نٿي، اُو تمارئ پاهئ سئ.“

ايسو گليل صوڀا ٿي يروشلم شهر هومو زائھ

ايسو يروشلم شهر هومو زاوا مڏئھ

⑤1 زئيون ايسو رھ آڪاش مانھ اوپڙايا رو توتو ڏوڪڙو آيو، تئيون اوتھ يروشلم هومو زايا رو پڪو ڦينصلو ڪريو، ⑤2 ان اوتھ آپ ٿي مورم منڪون نئ ميليا. اُو

منڪ رَوونا ٿين ايسو رڻه ٽڪيا رڻي تيارڻي ڪروا سامري قوم را هڪا ڌاريون را پاڙام آيا. (53) پڻ اوت ري منڪي ايسو ننه ٽڪوا نه ڏيڏو، ڪم تو او آپري يهودي قوم را دوم يروشلم هومو زاتوت ريو. (54) اي ڏيڪين ايسو ري شيلي يعقوب ان يوحنا اوتا ننه ڪيڏو: ”پرپو، جي تمارڻي مرضي هون، تو امي تمارا ڪيڏا ٿي آڪاش ٿي ڏيوتا پاڙين ايئون منڪون ننه پاڙشون پرا (زم ايلياه ڪريو تو).“ (55) پڻ ايسو اوتون ننه ڪيڏو: ”هم مت ڪو! (تمي ام هزموه جي امي پگهون رڻي وات ڪرونه ريا، پڻ تمي شيطون رڻي وات ڪروه ريا. ڪم تو هون منڪ ذات رو ڏيڪرو منڪون ننه ڪتم ڪروا نئين، پڻ پچاووا آيوه.“

(56) پسنه ايسو ان شيللا پيزا پاڙا هوما رَوونا ٿي ڳيا.

ايسو شيڪارڙهه جي پورا من ٿي شيلو ٿيوو


(متي 19:8-22، لوقا 9:57-62)

(57) ايسو ان اوتا را شيللا آپرو شيرڙو لين زاتات ريا، تو هيڪه منڪ ايسو ننه ڪيڏو: ”جيئنه پڻ تمي زاشو، هون تمارو شيلو ٿين تمون وونهڙ هاليه.“ (58) پڻ ايسو اوتا ننه ڪيڏو: ”لونڪيون رڻه ريا هارو ڌرڙا سڻه، ان پڪيون را ماڙا سڻه، پڻ مون منڪ ذات را ڏيڪرا هارو ايوي ڪوئي جگا نٿي جيئنه هون آروم ڪري هيڪون.“

(59) ايسو هڪا پيزا منڪ ننه ڪيڏو: ”مارو شيلو ٿين مون وونهڙ او!“ پڻ اوت ڪيڏو: ”سادو جي، مور ٿي مون ننه زايا رڻي موڪل ڏيو. زتا ڏي مارو ٻاپ جيوتو سڻه، مارڻه اوتا رڻي شيوا ساڪرڻي ڪرووه. مارا ٻاپ ننه زاڪين پسنه هون آيوه.“ (60) پڻ ايسو اوتا ننه ڪيڏو: ”جيا پگهون ري وات مانه نٿي ويتا او آپ مرلون را زم سڻه. پلڻه او آپرون مرلون ننه زاڪنه. پڻ تون هالين منڪون ننه پگهون را راز رڻي ڪهر همپڙاو.“

(61) پيزنه پڻ هيڪه منڪ ايسو ننه ڪيڏو: ”سادو جي، هون شيلو ٿين تمون

وونھڙ ھاليھ، پڻ مور ٿي مُون نئھ موڪل ڏيو جي گھري زائين ٻڌون ٿي مزين
 موڪل لي آون.“ ⑥2 پڻ ايسُو اُوئا نئھ ڪيڏو: ”جيُو هڙ را مُونيا نئھ ھاٿ ۾
 زھالئھ ان وڙين وونھڙ زوئھ، اُو پڳوون را. راز ھارُو نڪومو سئھ.“



ايسُو ستر شيلون نئھ پڳوون رو ڪوم ڪريا ھارُو ميلئھ

10 ① تيا ڪيڙ پريُو ايسُو پيزا ستر شيلا آپرا ڪوم ھارُو سونديا ان اُوئھ
 آپ ٿي مور اُوئون نئھ ٻي ٻي زئا هر اُوئا شھر ان پاڙا ھوما ميليا جيئھ
 آپرئھ زاوو تو.

② اُوئھ ميليا رئھ توئئھ اُوئون نئھ ام مثال ڏين پڳوون رو وچن ھمپڙيا را
 پارام ھزمايا: ”قصل تو الاهي گھڻو سئھ، پڻ لئيارا توڙا سئھ. تيام قصل را
 ڌڻي نئھ وينتئي ڪرو جي لبارا ھارُو لئيارا ميلئھ. ③ تمي زائو؛ ھون تمون ريون
 جيوون منڪون نئھ نارون جيوون منڪون موئين ميلونھ ريو. ④ تمي موصيتون ٿي
 پچيا ھارُو آپ پيزو ڪئين مت ليا، نڪو ٻڻو، نڪو زھوڙي، نڪو زوڙا. ان تمي
 شيرڙا مانھ ڪيا ٿي مڙيا ۾ ڪوئي مت ٿيا. ⑤ جيا جيا گھر موئين تمي زائو،
 مور ٿي اُوئا گھر رون منڪون نئھ ڪيا: ’ھڪي ريو!‘ ⑥ جي اُوئھ ڪوڪ ھڪ
 ليڏا رئھ لائيق منڪ ھوشي، تو اُوئا نئھ پڳوون ھڪ ڏيشي. پڻ جي منڪ لائيق
 نئين ھوئھ، تو اُوئا نئھ نئين زڙئھ. ⑦ پسنئھ اُوئا ئي گھر موئين ٿڪي ريا، ان

جئین تمون نئه کاڏا پيڏا رو ڏئه او کایا ان پييا، ڪم تو ڪوم ڪريا واڙا نئه
آپريئي مزورئي ليڏا رو حق سئه. گهر ئو گهر مت ٽڪيا.

⑧ ان جيا جيا شهر موئين تمي زائو ان اوت را منڪ ڪشي ٿي تمون نئه آوا
ڏئه، تو جئین ڪئين کاڏا رو ڏئه، او کایا. ⑨ اونا شهر موئين جيا مونڏا هوئه،
اوتون نئه هاڙا هورا ڪريا، ان اوت رون منڪون نئه ڪيا: 'پگيون رو راز تمون
هومو ساوو ٿيوه، ان او توتو ڏوڪڙو آيوه زئيون پگيون ساوئه نمونئه ٻڌون مانه
راز ڪرشي.'

⑩ پڻ جيا جيا شهر موئين تمي زائو ان منڪ تمون نئه آوا نه ڏئه، تو گهرون
ٿي نيهرين اوت ريون شيريون موئين اوپين ام ڪيا: ⑪ 'امي تمارا شهر رئي
جي ڏوڙ امارون پگيون نئه سونئيه، او پڻ ڪيرين زائونه ریا، زم ٿاپتئي ٿئه جي
تمي پگيون رئي وات نه موني. توي پڻ تمي ام هزميا جي پگيون را راز رو او
توتو ڏوڪڙو آيوه زئيون پگيون ساوئه نمونئه ٻڌون مانه راز ڪرشي.' ⑫ هون
تمون نئه ڪاتري ٿي ڪونه، جي اوئه ڏي جيڏي پگيون نيا ڪرشي، تيڏي پگيون
اونا شهر رون منڪون نئه هاو پونڏا شهر سدوم ٿي پڻ گهڻي سزا ڏيشي."

جيون شهرون را منڪ يقين نئي راڪتا، اوتون نئه گهڻي سزا زڙشي

(متي 20:11-24، لُوقا 13:10-16)

⑬ تئيون ايسو ڪيڏو: "ڏک سئه خرازين شهر رون منڪون هارو، ان ڏک سئه
بيت صيدا شهر رون منڪون هارو، ڪم تو ايئون شهرون موئين پگيون ري ڪڙا
ٿي موٽا ڪوم ٿيا، توي پڻ اوني آڀرا ڪراپ ڪوم ساڏين توبونه نه ڪري
ان پگيون ري وات مانه نه وويڏا. جي هيو پرسا ڌاريا صور ان صيدا شهرون
موئين ٿيا هوٽ، تو اوت را منڪ ويلا آڀرا ڪراپ ڪوم ساڏين توبونه ڪرئ، ان
ٻاڪريون ري زات ٿي ناول لوگهڙا پيرين ڏک موئين شيلي مانه بيهٽ، ان پگيون
ري وات مانه وٽ. ⑭ تيام اوئه ڏي جيڏي پگيون نيا ڪرشي، تيڏي او ايئون

شھرون رون منڪون نئھ ھاوَ پُونڌون صُور ان صيدا شھرون ٿي گھٽئي سزا ڏيشي.
 ⑮ ان ڪفرنخوم شھر را منڪ، اُو ام سوچئھ جي 'امي نائوڪا سون، امي
 آڪاش موئين پڳوون ڪن پوڳي گياھ.' پڻ پڳوون اُوئون نئھ مرلون را جڳت
 موئين هيٺ ڳڙشي پرا."

⑯ پسئھ ايسو شيلون نئھ وڙي ڪيڏو: "جيا تماري وات مونئھ، اُو ماري
 وات پڻ مونئھ. ان جيا تماري وات نئي مونتا، اُو ماري وات پڻ نئي مونتا. ان جيا
 ماري وات نئي مونتا، اُو پڳوون رئي وات نئي مونتا، جيئھ مُون نئھ ميليھ."
 پسئھ اُو ستر شيلا ڪوم مانھ گيا پرا.

ستر شيلا پاسا وڙي اوئھ

⑰ زئيون ستر شيلا پاسا ايسو ڪن آيا، اُوئي ڪش ٿين ايسو نئھ ڪيڏو: "تمارا نوم
 ٿي پوت پڻ امارو ڪيڏو مونين نيھري زائھ." ⑱ ايسو اُوئون نئھ ڪيڏو: "مُون نئھ
 وات ساوئي ڏيڪيام اوتثيت رئي جي ڏشمن شيطون آڪاش ٿي ويڙي را گھوڙ
 پڙل سئھ ان اوئا رئي طاقت گھٽ ٿئھ رئي.



⑲ زوئو، مئين تمون نئھ اي اڪتباري ڏيڏيھ،
 جي تمي ھاپون ان ويسوئون نئھ لتاڙو پرا، ان
 ھر وات ۾ آپري طاقت ڏشمن شيطون ري طاقت ٿي مانھ راڪين وو. ان ڪئين
 تمون نئھ نقصون نئين ڏئھ. ⑳ توئي پڻ ھايا وات مانھ ڪش مت ٿيو جي پوت
 تمارو ڪيڏو مونئھ، پڻ ايئا وات مانھ ڪش ٿيو جي تمارا نوم آڪاش موئين
 لڪل سئھ، جي تمي ھميش ھارو پڳوون ڪن ريشو."

ايسو آپرون شيلون ھارو پڳوون رو ٿورو مونئھ

(متي 27-25:11، 17-16:13، لوقا 24-21:10)

㉑ اوئھ ئي ٿوئھ ايسو پويتر آتما ري ڪري گھٽو ڪش ٿيو، ان پراٿنا ۾ پڳوون

نٺه ڪيڏو: ”او ٻا، آڪاش ان ڌرتي را ڌڻي، هُون تمارو ٿورو مونونھ ڪم تو تمي اي واتون هڙمُو ان عقل وازون ٿي هٿاڙين راکيه، ان نونون منڪون ڪن ساوي ڪريه. او ٻا، وڙي هُون تمارو ٿورو مونونھ ڪم تو تمي آپري مرضي ان ڪشي ٿي هم ڪريوه.“

② ان پسته منڪون نٺه ڪيڏو: ”پڳوون ٻڌوئي ڪئين مارا ڪيڏام ڏيڏوه. پيزو ڪوئي نٿي اوڙڪتو جي هُون پڳوون رو ڏيڪرو سون، رُوڳو مارو ٻاپ پڳوون اوڙڪه. ان پيزو ڪوئي نٿي اوڙڪتو جي مارو ٻاپ پڳوون سٺه، رُوڳو هُون اوتارو رو ڏيڪرو اوڙڪونه، ان او پڻ اوڙڪه جيون ڪن هُون ڏيڪرو مارا ٻاپ پڳوون نٺه ساوو ڪروا ڪرونه.“

③ پسته ايسو شيلون هومو قرين رُوڳو اوتون نٺه ڪيڏو: ”يا ڳواڙا سو تمي، جي اي ٻڌوئي ڪئين اونڪيئي ڏيڪوه ريا، ④ ڪم تو هُون تمون نٺه ڪاتري ٿي ڪونه جي گهٽا پڳوون رو نياپو ڏيڏا واڙا ان گهٽا پاڌشا اي ڪوم زويا هارو هڪيا، جي تمي زوتوه ريا، پڻ اوتي نه ڏيڪيا. ان او اي واتون هومپڙيا هارو هڪيا، جي تمي هومپڙوه ريا، پڻ اوتي نه هومپڙي.“

نائوڪا سامري رو مثال

ٻڌون منڪون ٿي پايون را زم پريم ڪروو

⑤ تيا ڪيڙ هڪه شاستر زوتيا واڙه اونين ايسو رو آزمتو ليڏا هارو پونسيو: ”گرو جي، ماره ڪي ڪروو، جيا ٿي مون نٺه هميش رو جيون زڙه ان هُون پڳوون ڪن ريون؟“

⑥ پڻ ايسو اوتارو ٿي پونسيو: ”شاستر موئين ڪي لڪل سٺه؟ تمي پٺيا ٿي ڪي هڙموه؟“

⑦ تو اوتو وڙندڻي ڏيڏي: ”هون اي هڙمونھ، جي هميش رو جيون ليڏا هارو ام لڪل سٺه: ايشور آپرا پڳوون هُون، آپرا پورا من ٿي، آپرا پورا جيو ٿي، آپري

پوري طاقت ٿي، ان آڀري پوري عقل ٿي پريم ڪروو، ان آڀرا پاڻي ٿي آپ را زم پريم ڪروو.

28) تيا مانھ ايسو اونا نئھ ڪيڏو: ”تمي صحيح ڪيڏوھ. ھم ڪريا، تو تھون نئھ ھميش رو جيون زڙشي.“

29) پڻ اونه شرم پڳنھ آڀري پيعزتي ٿي پچيا ھارو وڙي ايسو نئھ ڪيڏو: ”ھون تو اي پونسونھ ريو، جي اينا حڪم ۾ پاڻي روگا آبي يھودي سون، ڪا نيچ قوم را پيزا منڪ پڻ آڀنا پاڻي سئھ؟“

30) تيا مانھ ايسو ڪيڏو: ”آڀني يھودي قوم رو هيڪ منڪ ھتو. او يروشلم شھر ٿي يريخو شھر ھومو زاتوت ريو، تو ڌاڙيل اونا نئھ شيرڙا مانھ ڦري آيا. ان اونا ڪن جئين ڪئين ھتو، ٻڌوئي لوئين اونا نئھ گھڻو ماريو، ان مريا جيوو ساڏين پاڳي ڳيا.“

31) تيا ڪيڙ قسمت ٿي پڳوون را گھر رو هيڪ پوزاري اونا ھاڳي شيرڙا مانھ ٿين مٽيو. زئون پوزاري اونا نئھ ڏيڪيو، تو ام ھزميو جي ٿي هيڪھ مرل سئھ، ان اينا بيڪ ۾ متون لاش نئھ سڀين اڀڙائي زائھ ان ڌرم رو حڪم توڙئھ، او پاھو ڏين مٽي ڳيو.

32) ھيوئھ نمونئھ پڳوون را گھر رو هيڪ شيواڌاري اونا ماڳ آيو، ان اونا نئھ ڏيڪين، لاش نئھ سڀيا ٿي اڀڙايا پڳو، او پڻ پاھو ڏين مٽي ڳيو.

33) پسئھ سامري قوم رو هيڪ ڌاريو منڪ پنڌ ڪرتون اونا ڪن آوين پوڳيو. زئون اونا نئھ ڏيڪيو، تئيون اونا نئھ قياس ٿيو. 34) تيام اونا ڪن آوين اونا رون ڦتون مانھ تيل ان ڌراڪون رو رس ھئين پاتا ٻونڌيا. ان آڀرا گھڙيڙا مانھ اوپاڙين هيڪي ھوئل موئين لي ڳيو، ان اونا رئي ھمپاڙ ڪڙي. 35) پينڙھ ڏي اونه ڪئينڪ ڏيئون رو ڪرچ ھوئل واڙا نئھ ڏين ڪيڏو: ’اينا رئي ھمپاڙ ڪرتا ريا. ان جي وڌيڪ ڪرچ ٿئھ، تو ھون آپ پاسو آوين ڏيھ.‘

36) پسئھ ايسو اونا شاستر زوٿيا واڙا ٿي پونسيو: ”ھوئھ تمارو ڪي ڪيال

سٺ، جيا منڪ نٿو ڌاڙيلي ماريو تو، اُونا رو ايئون ترٿيون موئين ٿي ڪوڻ پائي ٿيو؟“ (37) تيا مانھ شاستر زوٿيا واڙئھ ڪيڏو: ”اُو جيئھ اُونا مانھ ڏيا ڪري.“
تئين ايسو ڪيڏو: ”تمي پڻ زائين ھروم ڪريا.“

ايسو مارٽا ان مريم ري گھري زائھ

(38) ايسو ان اُونا را شيلا شيرڙو لين زاتات ريا، تو ايسو هڪا پاڙا موئين آيو. اُونا پاڙا موئين هڪ ٻائي هئي، جيا رو نوم مارٽا هتو. ان اُوئھ ايسو نٿو گھري آوڪار ڏين اُونا رئي مزونئي ڪري. (39) اُونا ٻائي رئي هڪ بين پڻ هئي جيا رو نوم مريم هتو. اُو ايسو ڪن پيهين اُونا ري واتون هو ميڙتيت رئي. (40) پڻ مارٽا شيوا ڪريا رئي گٽتئي ڪرتون ڪوم موئين لوھ هئي. تيام آوين ايسو نٿو ڪيڏو: ”پرڻو، ڪي تمون نٿو ايئا وات رو ڪئين ڪيال نئي ٿيتو، جي ماري بين مون نٿو ڪوم موئين هڪئي ساڏيھ پرئي؟ هوئھ ايئا نٿو مارئي مدت ڪريا رو ڪو.“ (41) پڻ پرڻو ايسو اُونا نٿو پريم ٿي ڪيڏو: ”مارٽا، تون گھڻيون واتون ريون گٽتيون ان تڪليپ موئين سٺ. (42) پڻ روگٽي هڪ وات ضروري سٺ، جي ماريون واتون مانھ ڏيون ڏيوو. ان مريم هائي ناوڪئي وات سوندي ليڏيھ، جي ڪيڏي ايئا ٿي نئين ڪوھرائھ.“

ايسو شيلون نٿو پرائنا ڪروا شيڪاڙھ

(متي 9:6-13، 7:7-11، لُوقا 11:13)

11 ① هڪ وار ايسو هڪا ماڳ پرائنا ڪرتوت ريو. زئين پرائنا ڪري ريو، تئين شيلون موئين ٿي هڪئھ زئھ ڪيڏو: ”پرڻو، زم يوحنا آڀرون شيلون نٿو پرائنا ڪروا شيڪاڙيا تا، هم امون نٿو پڻ پرائنا ڪروا شيڪاڙو.“
② تو ايسو شيلون نٿو ڪيڏو: ”زئين تمي پڳوون ٿي پرائنا ڪرو، تئين ام ڪيا:



او ٻا، تمارو نوم پوئتر مونيُو زائِه.
تمارو راز آوئِه.

③ امارئي روز رئي روئئي
روز امون نئِه ڏيو.

④ امارا ڏوه امون نئِه ماڦ ڪرو،
ڪم تو امي آپ پڻ امارون ٻڌون
ڏوهاريون نئِه ماڦئي ڏيونه.
ان امون نئِه آزمتون موئين

پورا اوتريا رئي هيمنت ڏيو.

⑤ پسئِه ايسُو شيلون نئِه ڪيڏو: ”جي تمارو هيڪ دوست هوئِه، ان آڏي رات
رو تمي اونا ري گهري زائين ڪو: ’پائي، او پائي، مون نئِه ترئين روئين رو
آتو اودارو ڏئِه، ⑥ ڪم تو مون ڪن هيڪ ميزمون شيئا ٿي آيوه، ان ماري گهري
کاڌا رو ڪئين نئي جي اونا نئِه ڏيون. ⑦ تو تمارو دوست گهر موئين ٿي ام
ڪيشي ڪي؟ ’مون نئِه تنگ مت ڪر! همئنه تو ڌر پنڌ پڙيوه. امي ٻڌائي هوتا
پڙياھ. هون ائين تون نئِه ڪئين نئي ڏي هيڪتو. ⑧ هم تو نئين ڪئِه. هون
تمون نئِه ڪاتري ٿي ڪونه، جي دوستي ري ڪري تمارو دوست ڪئي نه اونه،
توئي پڻ آپري پيعزتي ٿي پچيا هارو تمون نئِه ضرور اتو آتو ڏيشي، زتا رئي
تمون نئِه ڪپ هوشي.

⑨ تيام هون تمون نئِه ڪونه، مونگو تو پگهون تمون نئِه ڏيشي، گوتو تو
زڙشي، ڌر وگاڙو تو اُوگهڙشي، ⑩ ڪم تو جيو پڻ مونگهه اونا نئِه ڏيڏو زاشي،
جيو گوتنه اونا نئِه زڙشي، ان جيو ڌر وگاڙهه اونا هارو ڌر اُوگهڙشي.

⑪ تمون موئين ٿي ايُو ڪوئي ٻاپ سئِه ڪي؟ (جيا ڪن ڏيڪرو روئئي
مونگهه، پڻ ٻاپ روئئي هائنه پوئو ڏئِه؟) ڪا ڏيڪرو مسئي مونگهه، پڻ ٻاپ
مسي هائنه هاپ ڏئِه؟ ⑫ ڪا ڏيڪرو اينڏو مونگهه، پڻ ٻاپ اونا نئِه ويسو ڏئِه؟

⑬ هُوَ تَمِي پُونڌا هوتون پڻ، آپرون ٻارون ننه نائوڪي شينهنون ڏي هيڪوه. تو پسته پڳوون تمارو آڪاشي ٻاپ اوتون ننه پويتر آتما ڪم نئين ڏنه، جيا اوتا تي مونگهه؟ پڳوون ضرور اوتون ننه پويتر آتما ڏيشي.

ايسو پوتون ننه ڪاڍيا ٿي ٿاڀنٽي ڏنه جي اوءِ شيطون ننه هرايوه


(متي 12:22-30، مرقس 3:20-27، لوقا 11:14-23)

⑭ هيڪ وار ايسو هيڪا ايوا منڪ ٿي پوت ڪاڍتوت ريو، جيا ننه پوت گونگو ڪريوت پرو. زئيون پوت نيهرې گيو، تو گونگو منڪ وڙي ٻولوا مڏيو. تيام گهئا منڪ حيرون ٿي گيا. ⑮ پڻ اوتون موئين ٿي ڪئينڪ منڪي ڪيڏو: ”اي منڪ پوتون را مڪ شيطون ري طاقت ٿي پوت ڪاڍه.“ ⑯ ان پيزي منڪي اوتا ننه آزمايا هارو ڪيڏو: ”امون ننه پرسو ڏيڪارو!“ او پرسو زووا ڪرتات ريا زم ٿاڀنٽي ٿنه جي ايسو پڳوون را طرف ٿي ڪوم ڪرئ ڪا نا.

⑰ پڻ ايسو اوتون را ڪيال زوئين ڪيڏو: ”جيا راز را منڪ آت موئين نٿي نهئا، او راز ڪنه ٿي زانه، ان گهر گهر ٿي وڏه.“ ⑱ هيوئه نموننه جي شيطون را راز را منڪ آت موئين نٿي نهئا، تو اوتا رو راز ڪم ڪرين ريشي؟ تيام تمي ڪم ڪرين ڪي هيڪوه جي هون پوتون رنه مڪ شيطون ري طاقت ٿي پوتون ننه ڪاڍونه.

⑲ تمي ڪوه ريا جي هون شيطون ري طاقت ٿي پوت ڪاڍونه، تو پسته تمارا آپرا منڪ ڪيا ري طاقت ٿي پوت ڪاڍه؟ او آپ ڪيشي جي تمارئي وات ڪوڙڻي سته. ⑳ پڻ هون تو پڳوون ري ڪڙا ٿي پوت ڪاڍونه، ان هائي ٿاڀنٽي سته جي پڳوون رو راز تمون هومو ساوو ٿيوه ان تمون مانه سته.

㉑ مثال، زئيون هودِي هيڪ طاقت وازو منڪ آپرا ٻڌائي هٿيار لين آپرا گهر مانه ٻاهرو ڏنه، تئيون هودِي جئين ڪئين اوتا رو سته، او اوتا ٿي نئين ڪوهرائي هيڪه. ㉒ پڻ زئيون اوتا ٿي گهڻي طاقت وازو اوتا مانه آوين جيتسه، تئيون



اي اونا ڪن او هٿيار ڪوهي لئه، جيون مانھ
اونا رو پروسو هتو، ان ٻڌوئي ڪئين جي
اوتھ اگهي آٻرا قوضام ليدو تو، اي آٻرون
منڪون نٿه وراوي ڏنھ. هيوتھ نمونٿه جي
مئين شيطون نٿه هرايو نه هوت، تو هون
پوت ڪاڍيا ٿي منڪون نٿه اونا را قوضا
ٿي نه سڏاوي هيڪت.

23) جيو مارٿه پاهنه نٿي، او مارٿه ڪلاڻ
سٿه. جيو مون پيڙو ٿين پگيون هارو منڪون
نٿه پيڙا نٿي ڪرتو، او منڪون نٿه پگيون
ٿي شيٽي پگڙاوتھ.

پوت سونتل منڪ رو مثال

جيو آٻرئي ڪراپ سوچ نئين ڀڏلئ، اونا رئي حالت هاو ڪراپ ٿيشي

(متي 43:12-45، لوقا 24:11-26)

24) ”زئيون ڪياڪ منڪ ٿي پوت نيھري زائھ، تئيون پوت هونواڙ موئين ايل اول
زائين ايويي جگا گوتھه جيٿه او آروم ڪري هيڪنه. جي نه زڙنه، تو پوت ام
ڪنه: ’هون وڙي پاسو آٻري گھري اونا منڪ ۾ زائيه، جيئون هون نيھريو تو.
25) اوٿهه پوگين زوتھ، تو او منڪ اونا رنه وڙي سونتيا جيوو سٿه، زوتھه گھر
جيا ۾ پونارو ڪاڍل هوتھ ان ريا هارو ٻڌوئي ڪئين تيار هوتھ. 26) تئيون زائين آپ
ٿي پڻ پونڏا هات پوت تيڙي اوٿه، ان ٻڌائي اونا منڪ نٿه سونتين اونا موئين
رٿه. نيڪ اونا رئي حالت اگهي ٿي گھڻي ڪراپ ٿي زائھ.“

پڳوونَ را وچن مانه وُويا واڙا گهڻا پاڳواڙا سڻ

27) زئيون ايسُو اي واتون ڪرتوت ريو، تئيون منڪون ري ڪلڪ موئين ٿي هيڪي ڏوشي اوتومئا هاڙ ٿي ڪيڏو: ”پاڳواڙي سڻه تماري مان، جيئنه تمون ننه زلمياھ، ان ڏوراياھ.“ 28) تيا مانھ ايسُو اوتئا ننه ڪيڏو: ”اي تو نيڪ سڻه، پڻ گهڻا پاڳواڙا او سڻه جيا پڳوونَ رو وچن هومپڙه ان اوتئا مانھ وڻھ.“

منڪ ايسُو نڻه پرسو ڏيڪاڙيا رو ڪڻھ

(متي 38:12-42، لوقا 29:11-32)

29) زئيون ايسُو رڻه آهڻه پاهڻه گهڻا منڪ پيڙا ٿيتات ريا، تئيون ايسُو اوتون ننه ڪيا مڏيو: ”ايتا زمونا را منڪ ڪيا پونڏا سڻه، ڪم تو او ٿايتي هارو پرسا زوا ڪرڻھ. پڻ پڳوونَ ٿايتي هارو ايتون منڪون ننه پرسو نئين ڏيڪاڙه، ايتون ننه روڳو ايوو نيشون ڏيڪاڙشي، جيوو پڳوونَ رو نياپو ڏيڏا واڙا يوناه رو نيشون.“ 30) زم يوناه نينوا شهر رون منڪون هارو پڳوونَ را پاها رو هيڪ نيشون ٿيو تو، تم هون منڪ ذات رو ڏيڪرو ايتا زمونا رون منڪون هارو هيڪ نيشون ٿيھ.

31) پڳوونَ رڻه نيا ڪريا رڻه ڏي، ڏڪناڏليا ملڪ رڻي روٿي ايتا زمونا رون منڪون پيڙي اونشي ان ايتون ننه ڏوهاري ڪرشي، ڪم تو او آپ سليمون پادشا ري عقل ري واتون هومپڙوا گهڻا شيئا هون اوٿي ٿي. ان هون تمون هومو سليمون ٿي پڻ موٽو سون، توئي پڻ تمي ماري واتون هومپڙوا نٿي اوتا.

32) پڳوونَ رڻه نيا ڪريا رڻه ڏي، نينوا شهر را منڪ ايتا زمونا رون منڪون پيڙا اونشي، ان ايتون ننه ڏوهاري ڪرشي، ڪم تو اوٿي يوناه رو نياپو هومپڙين آپرا ڪراپ ڪوم ساڏين توپونھ ڪرئي ٿي ان پڳوونَ ري وات مانھ وُويا تا. ان هون تمون هومو يوناه ٿي موٽو سون، توئي پڻ تمي مارو نياپو هومپڙين آپرا ڪراپ ڪوم ساڏين توپونھ نٿي ڪرتا ان پڳوونَ ري وات مانھ نٿي وِيتا.“

ايسو ري وانون ڏيون ٿي هومپڙو جيا ٿي من موئين پڳون رو سوجھرو ٿھ

(متي 5:15، 6:22-23، لوقا 11:33-36)



③③ ”ڪوئي پڻ منڪ ڏيوو ٻاڙين اوثا نٿه هٿاڙين ڪا نونڙا هيٺ ڍونڪين نٿي ميلتو، پڻ اوثا ري جگا موئين ساوو ميلئھ، زم گھر موئين آيا واڙون نٿه سوجھرو زڙئھ. ③④ زم سوجھرا هارو ڏيوو ڪپئھ، تم سوجھرا نٿه زويا هارو اونڪيون ڪپئھ. جي تماري اونڪيون ٺيڪ سئھ، تو تمون نٿه ٻڌوئي ڪئين سوجھرا ري ڪري ڏيڪيام آوشي. پڻ جي تماري اونڪيون ڪراپ سئھ، تو ٻڌوئي ڪئين انڌارام سئھ. ③⑤ تيام ڪيال راکو جي آپرا من موئين پڳون رو سوجھرو هئھ، ان انڌارو نه هئھ. ③⑥ هيوئھ نمونئھ، جي تمارا پورا من موئين پڳون رو سوجھرو هئھ، ان ڪيا ئي ماڳ انڌارو نه هئھ، تو تمارا پورا من موئين ايوو سوجھرو ٿيڻي، جيرو ٻڙتو ڏيوو سوجھرو ڏيتو هئھ.“

ايسو فريسيون ان شاستر زوٿيا واڙون رو ٺوھ ڪايئھ

(متي 23:1-36، مرقس 12:38-40، لوقا 11:37-54)

③⑦ زئيون ايسو ٻولي ريو، تو فريسي پالٽي رٿه هيڪئھ منڪ آپري گھري روٿي ڪاڏا رٿي ڏاوت ڏيڏي، ان ايسو اوثا ري گھري روٿي ڪاوا پيئو. ③⑧ پڻ فريسي پالٽي واڙو اي وات ڏيڪين حيرون ٿي گيو جي ايسو ڪاڏا ٿي مور آپرا هات ڌرم ري ريت پرموئئھ ڪم نه ڌويا.

③⑨ تو پرپو ايسو اوثا نٿه ڪيڏو: ”تمي فريسي پالٽي را منڪ گلاس ان پليت رو نه روڳو موئينليو پاھو پڻ ٻارليو پاھو پڻ ريت پرموئئھ ڌوئوھ، پڻ تمارو آپرو موئينليو پاھو لالچ ان پونڌائي ٿي پيال سئھ. ④⑩ تمي تو هاو گونڌا منڪ سو. او

نايا واڙو، جيئن ٻارليو ٻاهو نايو، اُوئو موئينليو ٻاهو نٿي نايو ڪي؟ (41) ٿمي موئينليا ٻاهو را ڀارام سوڄو، ان جيو ڪاڌو پيڏو تمارون ڳلاسون ان پليٽون موئين سئو، اُو گريهون نٿو ڏيو، تو ٿمي پورئو نمونئو پويتر ٿي زاشو.

(42) فريسي پالٽي واڙون، تمارا ڪيوا هاڙ ٿيشي! ڪم تو ٿمي ڦوڏنا، هوٽا، ان هر هيڪ ايوي ننڪي پاڙي را ڦصل ٿي ڏهو حصو تو پڳوون را نوم مانه ڏيو، پڻ نڪو ٿمي منڪون ٿي انصاف هون وو، نڪو ٿمي پڳوون ٿي پريم ڪرو. تمارئو اي ڪروو تو، ان اُو نوني واتون پڻ ڪرتا ريوو تو.

(43) فريسي پالٽي واڙون، تمارا ڪيوا هاڙ ٿيشي! ڪم تو تمارو شونق اي سئو، جي پڳوون رون منڏرون موئين ٿمي ٻڌون ٿي نائوڪي جڳا مانه بيهو، ان شهرن موئين منڪ تمون نٿو عزت ٿي مڙه.

(44) تمارا ڪيوا هاڙ ٿيشي! ڪم تو ٿمي ڏوزال مقومون را زم سو، جيا مانه منڪ وئو. جي منڪون نٿو ڪهر هوٽ جي تمون موئين ڪٿي پونڌائي سئو، تو تمون ٿي ٻاهو ڪرئو.

(45) پسئو شاستر زوٿيا واڙون موئين ٿي هيڪئو زئو ايسو نٿو ڪيڏو: ”گرو جي، تماريون واتون ٿي اماري پڻ پيغزئي ٿي رهئي.“

(46) تيا مانه ايسو ڪيڏو: ”شاستر زوٿيا واڙون، تمارا پڻ ڪيوا هاڙ ٿيشي! ڪم تو ٿمي پڳوون رون حڪمون ٿي وڌارئو پيزا گهٽا حڪم آڀرا ٻاهو ٿي ناوين اوئون رو پار منڪون مانه نڪو، جيا نٿو اُو سهي نٿي هيڪتا، پڻ ٿمي آپ هائي پار اوڀاڙيام هات ئي نٿي سٻاڙتا.

(47) تمارا ڪيوا هاڙ ٿيشي! ڪم تو ٿمي پڳوون رو نياپو ڏيڏا واڙون را ڦها نوراوو، جيون نٿو تماري ٻاپ ڏاڏي ماريات پرا. (48) ايٿا ٿي ٿمي هاڪ پروه ريا جي تماري ٻاپ ڏاڏي نيڪ ڪريو تو، ڪم تو تماري ڏاڏي اوئون نٿو ماريات پرا، ان ٿمي اوئون را ڦها نوراوين آڀرون ڏاڏون رو ڪوم پورو ڪراوو ريا.

(49) تيام پڳوون آڀري عقل ٿي ام ڪيڏو:

هُون مارو نياپو ڏيڏا واڙون ان سُونڊل آڳيوونون نئه
 اُوئون ڪن ميلهه،

ان اِيئون موئين ٿي اُو ڪيونڪ نئه مارشي پرا
 ان ڪيونڪ نئه تنگ ڪرشي.

⑤0 تيام ڏنيا ري شروع ٿي لين جيون پڳوون رو نياپو ڏيڏا واڙون را ڪُون ٿياھ،
 اُوئون ٻڌون را ڪُون رئي سزا پڳوون اينا زمونا رون منڪون نئه ڏيشي. ⑤1 هُون
 تمون نئه ڪاتري ٿي ڪونه جي هابل ٿي لين زڪرياه هُوڏي، جيا نئه پڳوون را
 گهر موئين مال ساڙيا ري جگا ان پويتر جگا وسا ماريوت پرو، اُوئون ٻڌون را
 ڪُون رئي سزا پڳوون اينا همٿوڪي پيڏي رون منڪون نئه ڏيشي.

⑤2 تمون شاستر زوٿيا واڙون را ڪيو هار ٿيشي! ڪم تو تمي پڳوون ري
 واتون هزميا رو حق ڪوهي ليدو، توئي پڻ تمي آپ هزموا نه ڪريو، نڪو جيا
 هزموا ڪرتات ريا اُوئون نئه هزموا ڏيڏا.

⑤3 ايسو هم ڪين اُوئون روونو ٿيتوت ريو، تو اونا ئي توئا ٿي لين شاستر
 زوٿيا واڙا ان فريسي پالٽي را منڪ اونا ٿي گهڻو وير راڪوا مڏيا ان گهڻيون
 واتون را پارام پونسوا مڏيا، ⑤4 ڪم تو اي وجه گوتتات زيا، جي ايسو ڪوئي
 ايوئي وات ڪئه، جيا ٿي اونا رو ڏوه ڪاڏي هيڪئه.

ايسو مونھزل ڪاتا آتا رو مثال ڏين

فريسي پالٽي رون منڪون ري پونڌائي ٿي پاھو ڪريا رو ڪئه

(متي 10:26-27، لوقا 12:1-3)

① اتا ۾ هزاري منڪ پيڙا ٿيا، جي هڪا پيڙا مانھ پڙتات ريا. تئيون
 12 ايسو ڪاس ڪرين آپرون شيلون نئه ڪيو لاڳيو: ”فريسيون موئين هتال
 پونڌائي ٿي پاھو ڪريا، ڪم تو او مونڊا را ميئا پڻ انڌر را ڪارا سئه. اُوئون
 رئي پونڌائي مونھزل ڪاتا آتا را زم ڏيڪيام نٿي اوتئي پڻ اينا رو ڪراب اثر

بتڏيل پڪڙي زانه.

② جنئين ڪئين ڊونڪل سٺه، اُو ساوو ٿيشي، ان جئين پڻ وات هٽاڙل سٺه، اُوئا رٿي ڪهر پڙشي. ③ تيام جي واتون تمي انڌارام ڪيڏي هوشي، اُو سوجهرام همپڙاشي. ان جي واتون تمي پنڌ ڪمرا موئين منڪون رون ڪونون ۾ هٿيون هٿيون ڪيڏي هوشي، اُو ٻڌون ننه اوتومڻي همپڙاوي زاشي.“

منڪون ٿي نه پيئاو

(متي 28:10-31، لُوقا 4:12-7)

④ ”مارون پريمي پايون، هُون تمون ننه ڪاتري ٿي ڪونه، منڪون ٿي مت پيئايا، ڪم تو اُو رُوڳو اتو ڪري هيڪهه جي تمون ننه مارنه پرا، پڻ پيزو ڪئين نٿي ڪري هيڪتا. ⑤ پڻ هُون تمون ننه گهڻو گهڻو ڪونه جي پڳوون ٿي پيئاو، ڪم تو منڪ تمون ننه پلئه مارنه پرا، توڻي پڻ تمون ننه هميش رٿي سزا ڪاڏا هارو نرڳ موئين ڳهوڙهه ڪا نا، اي تو پڳوون را هات ۾ سٺه. ماري وات مان ه ڏيون ڏيا، تمي رُوڳا پڳوون ٿي پيئاو.“



⑥ سڪلي تو هاو هونگهي سٺه، پيئون رُوپيون ۾ پونس زڙهه، پڻ اوتون موئين ٿي هيڪي ننه پڻ پڳوون نٿي ويهارتو. ⑦ پڳوون تو تمارو اتو گهڻو ڪيال راکنه جي تمارا ماتا را مٿوئاڙ پڻ ٻڌائي اونا را گڻل سٺه. تيام مت پيئايا، ڪم تو تمارو مون پڪيون ٿي الاهي گهڻو وڌيڪ سٺه.“

آپ نه ايسو رو شيلو ڪيڏا ٿي نه پيئاو

(متي 32:10-33، 32:12، 19:10-20، لُوقا 8:12-12)

⑧ ”هُون تمون ننه ڪاتري ٿي ڪونه، جيو منڪون رنه رُوپرو ڪهه جي اُو مون مان ه وشواس راکنه، تو هُون پڻ منڪ ذات رو ڏيڪرو پڳوون رون آڪاشي

ڏوتون رٿه رُوپرو همروم ڪيھ جي اُو مُون مانھ وِشواس راکڻھ.

⑨ ان جيو منڪون رٿه رُوپرو ڪڻھ جي اُو مُون مانھ وِشواس نٿي راکتو، تو هُون پڻ پڳوونَ رون آڪاشي ڏوتون رٿه رُوپرو همروم ڪيھ جي اُو مُون مانھ وِشواس نٿي راکتو.

⑩ جيو مُون منڪ ذات را ڏيڪرا رٿه ڪِلاڦ ڪئين وات ڪرئ، تو اُوئا نٿه پڳوونَ را پاها ٿي ماڻهي زڙي هيڪڻھ، پڻ جيو منڪ زوڻي ڪرين پڳوونَ را پويتر آتما رٿه ڪِلاڦ ويتو رٿه، تو اُوئا نٿه پڳوونَ ماڻهي نئين ڏئ.

⑪ زبُون منڪ تمون نٿه پڳوونَ رون منڊرون موئين پنچائيتون ڪن، آڳيونون ڪن، ڪا ڪورئون هوما تيڙي زائ، تو تمي گهڻي مت ڪريا، جي ڪم ڪرين ٻولشون ڪا ڪي ڪيشون، ⑫ ڪم تو اُوئھ ئي توتئھ پويتر آتما اُو ٻڌي واتون تمارا من موئين اوڻشي جي تمارئھ ڪيوو هوشي.

پي عقل ملڳت وازا رو مثال ملڳت مانھ پروسو نہ راکو

⑬ تئيون اُوئون گهڻون منڪون موئين ٿي هيڪڻھ زئئھ ايسو نٿه ڪيڏو: ”اُو گرو جِي، مارو ٻاپ گُڏاري گيوھ. مارا پائي نٿه ڪو جي امارا ٻاپ ري ملڳت ٿي مارو حصو مُون نٿه وراوي ڏئ.“ ⑭ پڻ ايسو اُوئا نٿه ڪيڏو: ”پائي، ڪيئھ مُون نٿه تمارو ڦينصلو ڪريا وازو ان حصو ورايا وازو سُونديوه؟ اي تو مارو ڪوم نٿي.“

⑮ پسنھ ايسو اُوئون ٻڌون نٿه ڪيڏو: ”هوشيار ريا! هر نمونا ري لالچ ٿي پاهو ڪريا، ڪم تو گهڻو مال ان ملڳت ڪياڪ ري حياتي نٿه ٿيڪ نٿي راکڻي.“

⑯ پسنھ ايسو اُوئون نٿه اي مثال رئي وات همپڙاوي: ”هيڪ شائوڪار زميڏار هتو. هيڪ سال اُوئا رئي پوک گهڻي ٿي، ⑰ تو اُو آپرا من موئين سوچوا مڏيو جي ’هوتھ هُون ڪي ڪرون؟ مُون ڪن اتو ئي وڳ نٿي جيئھ هُون مارو ڏون پيڙو ڪرين راکون.“ ⑱ نيٺ اُوئھ ڪيال ڪريو: ’هُون ام ڪريھ، مارا گهڏوم پنڳاوين

هُونَ موٽا نَوَراوِيه، ان اُوئونَ موٽينَ مارئيَ ڪٽڪ ان ٻڌو ڏونَ پيڙو ڪرينَ راڪِيه. ①9 پسنه هُون ام ڪِيه: 'هُونَ تو ڪتو يا ڳواڙو سون. مُون ڪن اتو ڏونَ سنه جي الاهي گهڻا سال وِيشي. تيام هُون ڪئين ڪوم نئين ڪرون. ڪاڻِيه، پيڻِيه، ان موج ڪريه. ②0 پڻ پڳوونَ اُوئا ننه ڪيڏو: 'مورڪ منڪ، آڙوڪي رات موٽين ٿارو هاه نيهري زاشي، ان اُو جيا را پارام تئين سوچيوه، اُو ڪيا رو ٿيشي؟' ②1 پسنه ايسُو اينا وات رو مطلب ام هزمایو: "جو منڪ آپ هارُو ملڳت پيڙئي ڪرئ ان پڳوونَ را نوم مانه ڪُشي ٿي نٿي ڏيتو، تو اُو هايا منڪ جيوو پي عقل سنه."

پڳوونَ مانه ڀروسو راکو

(متي 6:25-34، لوقا 12:22-31)

②2 پسنه ايسُو آپرون شيلون ننه ڪيڏو: "تيام تو هُون تمون ننه ڪونه آپري حياتي هارُو گهڻي مت ڪرو، جي 'امي ڪي ڪاشون؟' نڪو آپرا ڏيل هارُو، جي 'امي ڪي پيرشون؟' ②3 ڪم تو کاڌا ٿي موٽي شينه حياتي سنه، ان لوگهڙون ٿي موٽي شينه ڏيل سنه.

②4 هاڏون ننه زوٽو! اُو نڪو پوڪنه، نڪو لئنه، نڪو اُوئون ري ڪوڙي ان پلي هوئه، توئي پڻ پڳوونَ اُوئون ننه کاڌو ڏنه. تمارو تو پڪيون ٿي الاهي گهڻو مون سنه.

②5 تمون موٽين ايوو ڪوڻ سنه جيو گهڻي ڪرين آپري حياتي رو هيڪ منٽ پڻ وڌاوي هيڪنه؟ ②6 جي تمون ٿي هائي نڪئي وات پڻ نٿي ٿي هيڪئي، تو پسنه پيڙيون واتون هارُو گهڻي ڪم ڪروه؟

②7 ڦولڙون ننه زوٽو! اُو نڪو ڏورڙا واتنه، نڪو لوگهڙو ناوئه، پڻ هُون تمون ننه ڪاتري ٿي ڪونه، جي سليمون پاڌشا پڻ آپرا اُونچون م اُونچا لوگهڙا پيرين ايسون ڦولڙون جيوو ناوڪو نٿو ڏيڪاتو. ②8 زئيون پڳوونَ ايوا ڦولڙا زهاڙڪون موٽين اُوگاڙنه، جيا زهاڙڪا آز اُوپاه، ان هوارِي اُوئون ننه ڏيوتام بازشي پرا،

تو پسئہ تمون نئہ لُوگهٿڙا نئين ڏئہ، ڪي؟ تمی پڳوونَ مانہ اتو گهٽ يقينَ ڪم راکوھ؟

②9 تيام تمی کاڌا پيٽا ۾ آڀرو جيو مت لڳاڙيا، نڪو ايٿا را پارام گهٽي ڪريا. ③0 ڪم تو جڳت ري ٻڌي قومون، جي پڳوونَ نئہ نٿي مونتِي، اُو ايئون واتون ۾ آڀرو جيو لڳاڙئہ، پڻ تمون ھارو تمارا ٻاپ پڳوونَ نئہ ڪٻر سئہ جي تمون نئہ ايئون شينھون رئي ضرورت سئہ. ③1 تيام تمی پڳوونَ ري مرضي مانہ وين پڳوونَ را راز ۾ آڀرو جيو لڳاڙو، تو پسئہ پڳوونَ تمون نئہ اي ٻڌي شينھون پڻ ڏيشي.

آڪاشي ملڳت رو مثال آڪاش ۾ پڳوونَ ڪن ھميش رو ھڪ

(متي 6:19-21، لُوقا 12:32-34)

③2 ”مارئي نونئي تولئي، تمی مت پيٽايا، ڪم تو پڳوونَ تمارو ٻاپ تمون نئہ ڪشي ٿي آڀرا راز موئين راکئہ. ③3 تمی آڀري شينھون ويسين پيھا پڳوونَ را نوم مانہ ڏيو. ھم ڪريا ٿي، تمون نئہ آڪاش موئين آڪاشي ملڳت ھميش رو جيون زڙشي. اُو ٻٽوئون را زم ڪيڏي نئين ٿوئئہ، ان ملڳت را زم ڪيڏي نئين ڪئئہ. اُوئئہ نڪو سور ڏوڪڙو آوئہ، نڪو ڪونھاري ڪراپ ڪرئہ. ③4 تمی آڀري ملڳت پڳوونَ را نوم مانہ ڏيو، ڪم تو جيئئہ تماري ملڳت سئہ، اُوئئہ تمارو جيو پڻ ھوشي.“

سُجاڳ نوڪرون رو مثال ايسنو رءُ پاسو آيا ھارو تيار ريوو

③5 ”زم نوڪر آڀرا ڏئي رئي وات زوتون شيوا ڪريا ھارو تيار رئہ، ان آڀري پتي ٻڙتي راکئہ، تم تمی مارا ڪيڏا مانہ وين مارا پاسا آيا رئي وات زوتا ريوو.

36) ٽمي اوتون سڄاڳ نوڪرون جيوا ٿيو، جيا آپرا ڌڻي رڻي وات زوتا هوڻ، ان زئيون ڌڻي ويوا ٿي پاسو آوين ڌر وڳاڙڻ، تو جلدي م اونا هارو ڌر اڳهاڙڻ. 37) پاڳوازا اُو نوڪر سڻ، جيون نڻه اوتون رو ڌڻي آوين سڄاڳ ڏيڪڻه. هون تمون نڻه هاس ڪونھ جي ڌڻي آپ شيوا هارو تيار ٿين اوتون نڻه کاڌا هارو پيهارشي ان اوتون ڪن آوين اوتون رڻي شيوا ساڪرڻي ڪرشي. 38) جي ڌڻي آڏي رات رو ڪا اونا ڪيڙ آڻڻ، ان نوڪرون نڻه سڄاڳ ڏيڪڻه، تو اُو نوڪر ڪتا پاڳوازا سڻ.

39) پڻ ياڌ راکو، جي گهر را ڌڻي نڻه ڪهر هوڻ جي سور ڪيئون اوشي، تو اُو ضرور زاڳتو رڻت، ان آپرا گهر موئين ڪاٺ نه لاڳوا ڏت. 40) تيام ٽمي پڻ تيار ريا، ڪم تو تمون نڻه ڪهر نٿي جي هون منڪ ذات رو ڏيڪرو ڪيئون پاسو آويه.

ايمونڌار نوڪر ان پيئمون نوڪر رو مثال

(متي 24:45-51، لوقا 12:41-48)

41) تئيون پطرس ايسو ٿي پونسسيو: ”پرڻو، اي مثال رڻي وات ٽمي امون مانھ ڪوه ريا، ڪا پيزون ٻڌون مانھ پڻ ڪوه ريا؟“ 42) پرڻو ايسو اونا نڻه وڙي مثال ڏين ڪيڏو: ”ٽمي آپ سوچو جي ايوو ايمونڌار ان عقل وازو نوڪر ڪون سڻ، جيا نڻه ڌڻي گهر رو موٽو نوڪر ڪرين آپرون پيزون نوڪرون مانھ راکين زائڻ، زم اوتون نڻه ٿوئا مانھ کاڌو پيڏو ڏڻه؟“ 43) پاڳوازا اُو نوڪر سڻ جيا نڻه ڌڻي پاسو آوين همروم ڪرتو ڏيڪڻه. 44) هون تمون نڻه هاس ڪونھ جي ڌڻي اونا نڻه آپري ٻڌي ملڳت مانھ راکشي.

45) پڻ جي اُو نوڪر من موئين ام سوچڻه: ’مارا ڌڻي را آيام هزون ڌير سڻ، ان پسڻه اُو نوڪرون ان ٻونيون نڻه ماروا مڏڻه، ان ڪائي پين مست ٿي زائڻ، 46) تو اونا نوڪر رو ڌڻي اونه ٿي ڏي اوشي جيا ڏي رو نوڪر ڪيال ٿي نئين

ڪريو هونءَ، ان اونه ئي ٿوئڻه آوشي جيا ٿوئا رڻي نوڪر ننه ڪهر ئي نئين هونءَ، ان آوين اونا ننه وادين ٽڪرا ٽڪرا ڪرشي پرو. هيونءَ نمونءَ، جيا منڪ مارا شيلا ٿين مارو ڪيڏو نٿي مونتا، اوتون ننه ايوئي سزا زڙشي، جيويي پڳوون ننه نه مونيا وازون ننه زڙشي.

47) او نوڪر جيا ننه آپرا ڌڻي ري مرضي رڻي ڪهر هٿي، پڻ او تيار نه ريو نڪو آپرا ڌڻي ري مرضي مانءِ وودو، تو اونا ننه گهڻي مار زڙشي. 48) پڻ او نوڪر جيا ننه ڌڻي ري مرضي رڻي ڪهر نٿي، ان سزا زڙيا جيوو ڪوم ڪريو، تو اونا ننه ٿوڙي مار زڙشي. جيا ننه پڳوون گهڻو ڏيڏوه، اونا ٿي گهڻو ليڏا رو حق سٺه. ان جيا ننه پڳوون گهڻي زميواري ڏيڏي، اونا رنه وڌارنه گهڻي ايمونڌاري ٿي ويو.

ايسو را ڪوم رو اثر پاهي را زم ٻڌيل پڪڙشي

(متي 10:34-36، لُوقا 12:49-53)

49) ”هون ڌرتي مانءِ پاهي پاڙوا آيوه. ڪيويي ٺاٺوڪي وات ٿت جي اي اڳي لاڳل هونءَ. 50) پڻ مارنه موت هونءِ پڳوون رڻي مرضي پورئي ڪرووه، ان زنيون هونءِ اي پورئي نئين ٿنه، تنيون هونءِ هون گهڻون ڏڪون موئين سون.

51) ڪي تمي ام هزموه، جي مارا آيا ٿي ڌرتي مانءِ هپ ٿيشي؟ هون تمون ننه ڪاتري ٿي ڪونه جي هپ نئين، پڻ آپت موئين واڌ ٿيشي. 52) ڪم تو آڙ ٿي لين جي هڪا گهر موئين پونس پاتي هونءَ، تو ماري ڪري اوتون موئين ٿي ترڻ پيون ٿي ان ٻي ترنيون ٿي ڌار هوشي. 53) ٻاپ ڏيڪرا ٿي ڌار ان ڏيڪرو ٻاپ ٿي، مان ڏيڪري ٿي ڌار ان ڏيڪري مان ٿي، ها هو وٺواري ٿي ڌار ان وٺواري ها هو ٿي ڌار ٿيشي.

مٿون رو ان کيس رو مثال آيا واري سزا رو توڻو اوڙڪو ان جلدِي پڳوون ٿي منومثا ڪرو

(متي 16:2-3، 25:5-26، لوقا 12:54-59)



⑤4 پسنه ايسو ٻڌون منڪون ننه ڪيڏو:
”زئيون تمي آڻوڻا ٿي واڏڙا اوڙتا
ڏيڪوه، تئيون تمي هٿ ۾ ام ڪوه جي
مي آوشي. ان همروم ٿنه. ⑤5 ان زئيون
ڏڪناڏليو وائيرو وئو، تئيون تمي ام ڪوه
جي لو لاڳشي. ان همروم ٿنه. ⑤6 ڪوتون

منڪون، تمي ڌرتي ان آڪاش رو نمونو زوئين ڪهر پاڙي هيڪوه جي ڪي ٿيشي،
تو پسنه تمي ايئا ٿوڻا ننه ڪم نٿي اوڙڪتا؟ ⑤7 ان تمي آڻوڪا آپ ڪم نٿي
هزمتا جي سزا را ٿوڻا ٿي مور تمارنه پڳوون ٿي ماڻهي مونگهو ان اوڻا ري وات
مانه ويوو؟

⑤8 مثال. جي ڪوڪ منڪ تمون مانه ڪيس ڪروا ڪرئو، تو اوڻه ٿي ٿوڻه
ٿوڻام پوگيا مور شيرڙا مانه اوڻا ٿي منومثا ڪريا رڻي ڪوشش ڪروو. نڪا
صوبيدار تمون ننه ڪورٽ موئين تيڙي زاشي ان وڙي جج تمون ننه پوليس موئين
ڏيشي، ان وڙي پوليس تمون ننه جيل موئين پورشي پرا. ⑤9 هون تمون ننه ڪاتري
ٿي ڪونه، زئيون هوڏي ڏنڊ رڻي پائي پائي نئين پري ڏيو، تئيون هوڏي تماري
زند نئين سوڻه.

ڪراب ڪوم ساڻو نڪا پڳوون هميش را موت رڻي سزا ڏيشي

① اوڻه ٿوڻه ڪئينڪ منڪي ايسو ڪن آوين گليل صوپا رون منڪون
رڻي وات همپزاوئي، جيا زئيون يهوديه صوپا ۾ آوين پڳوون را گهر

موئين پڳوونَ را نوم مانه مال سڙاوتات ريا، تئيون يهوديه صُوپا مانه راز
ڪريا وائڙه پيلاطس اُوئون نئه مرايات پرا.

② تيا مانه ايسو اُوئون نئه ڪيڏو: ”تسي ڪي هزموه؟ اُو گليل را منڪ
پيزون ٻڌون گليليون ٿي گهڻا ڏوهاري هتا، ڪي؟ تيام اُوئون ٿي ايوو ظلم ٿيو؟
③ هم نٿي. اُو تمون جيوا منڪ هتا. پڻ هُون تمون نئه ڪاتري ٿي ڪونه، جي
تسي آڀرا ڪراڀ ڪوم ساڏينَ توپونه نئين ڪرو ان پڳوونَ ري وات مانه نئين
وو، تو پسته تسي پڻ ٻڌائي ڪتم ٿي زاشو.

④ ڪا اُوئون اڍارون منڪون رئي وات ليو، جيون مانه سلوٿام نومي پاڙا
موئين گهڊ رئي سوتئي پڙئي تئي، ان اُو ڦيهلائين مري ڳيا تا. اُو پيزون ٻڌون
يروشله شهر موئين ريا وازون ٿي گهڻا پونڌا هتا، ڪي؟ ⑤ هم نٿي. اُو تمون
جيوا منڪ هتا. پڻ هُون تمون نئه ڪاتري ٿي ڪونه، جي تسي آڀرا ڪراڀ ڪوم
ساڏينَ توپونه نئين ڪرو ان پڳوونَ ري وات مانه نئين وو، تو تسي پڻ ٻڌائي
ڪتم ٿي زاشو.“

ميوان ڏينڍا وازا وڻ رو مثال پڳوونَ ري سزا ان صپير را پارام

⑥ تيا مانه ايسو اي مثال رئي وات همپزاوئي: ”هڪا منڪ رو ڌراڪون رو ٻاڳه
هتو. اُوئا موئين هڪ انچير رو وڻ پوڪل هتو. هڪ ڏي ڌڻي اُوئا وڻ موئين ميو
ڳوتوا آيو، پڻ ڪئين نه زڙيو. ⑦ تيام اُوئه ماري نئه ڪيڏو: ’هُون ترئين سالون
ٿي لين ايتا وڻ موئين ميو ڳوتونه ريو، پڻ هزون هُوڏي ڪئين نٿي زڙيو. تيام
ايتا نئه وڏي پرو، ڪم تو امهي زمئي روڪين اُوپوه. ⑧ تيا مانه ماري اُوئا نئه
ڪيڏو: ’ساب، ايتا نئه هزون هڪ پيزو سال اُوپو ريو ڏيو. هُون ايتا رئه چوڌاري
چلهو ڪوترين مال رو پوڻ نوڪيه. ⑨ پسته جي ميو ٿيا، تو نڪ سته. نڪا پسته
تسي پلئه وڏايا پرو.“

ايسو پويتر ڏي رو گهڪي ڏوشي نڌ هازئي ڪرڻه

⑩ هيڪ وار پويتر ڏي رو ايسو پگهون را مندر موئين منڪون نڌ شيڪاڙتوت ريو. ⑪ اونا ماڳ هيڪ ڏوشي هتئي جيا نڌ اڍارون سالون ٿي پوت سونتل هتو. پوت ري ڪري اونا نڌ ايوي تڪليب هتئي جي او گهڪي ٿي گهي تي ان ماڳي سڏي نٿي ٿي هيڪتي.

⑫ ايسو زئون اونا نڌ ڏيڪي، تيون اونا نڌ آپ ڪن هاڙ ڪرين ڪيڏو: ”باڻي، ٿارئي اينا تڪليب ٿي زند سوتي گهي.“ ⑬ پسڻه ايسو اونا مانه هات ميليا، ان او جهت موئين هاو سڏي ٿين اوڻي، ان پگهون را وڪوڻ ڪروا مڏي. ⑭ پڻ مندر را آگهون نڌ اينا وات مانه رينه لاگهي جي ايسو مونڏي ڏوشي نڌ هازئي هورئي ڪرين پويتر ڏي رو ڪوم ڪريوه. تيام او منڪون نڌ ڪيو مڏيو: ”هقتا موئين ٿي سو تاريڪون سڻه جيون مانه ڌرم پرموڻه ڪوم ڪروو نيڪ سڻه. اوتون ڏيون مانه اوو ان پلڻه هازا هورا ٿيو! پڻ پويتر ڏي مانه هازا ٿيو مت اوو!“

⑮ تيا مانه پريو ايسو ڪيڏو: ”ڪوتون منڪون، تمي پيزون نڌ جيا وات رو نا پاڙوه، او تمي آپ ڪروه ريا. پويتر ڏي را تمي آپرا ڍگا ڪا گهڏيڙا وٺوڻ ٿي سوڙين پوڻي پيئاروا نٿي لي زاتا، ڪي؟ ⑯ هونڌه اي ڏوشي تو ابراهيم رو وستار سڻه، جيا نڌ پگهون رڻه ڏسڻ شيطون اڍارون سالون ٿي بوندين تڪليب موئين راکهي تي. تو اينا نڌ پويتر ڏي رو سڏاوو نيڪ نتو، ڪي؟“

⑰ پسڻه ايسو رئي اي وات هومپزين، جيا ايسو رڻه ڪلاڻ هتا، او ٻڌائي لزي مريا. پڻ پيزا ٻڌائي منڪ ڪش ٿيتات ريا ڪم تو ايسو ايو نائوڪون م نائوڪا ڪوم ڪرتوت ريو.

تُورِيا را پِيز رو مِثال پِڳوونَ را راز را منڪ الٰهي گهڻا تيشي

(متي 13:31-32، مرقس 4:30-32، لُوقا 13:18-19)

⑱ پستھ ايسُو وڙي منڪون نئھ شيڪاڙوا مڏيو، ان ڪيڏو: ”هَوئھ هُون تمون نئھ همپڙاوونھ جي پِڳوونَ رو راز ڪيوو سئھ. ⑲ اُو تُورِيا را جهيٽا پِيز را زم سئھ، جيا نئھ هيڪئھ منڪ لينَ آپرا ٻا گھ موئين پوڪيو. اُو گھڻو وڌينَ زھاڙڪو ٿيو، ان اُوئا ريون ڏاڙڪيون موئين پڪيئي ماڙا نايا.“

مونھڙل ڪاٽا آتا رو مِثال پِڳوونَ را راز رو اثر بتديل پڪڙشي

(متي 13:33، لُوقا 13:20-21)

⑳ ايسُو وڙي ڪيڏو: ”پِڳوونَ رو راز ايوو پڻ سئھ. ㉑ اُو مونھڙل ڪاٽا آتا را زم سئھ، جيا نئھ هيڪي ڏوشي ٿوڙڪوڪ لينَ ڍيل روٽي نايا هارُو اڌ مڻ مونھڙل آتا موئين پيڙويو. ان نيٺ اُوئا رو اثر ٻڌا آتا ٻر پڪڙي گيو.“

هوڙڪا دروازا رو مِثال تارڻ ليڏا هارُو پِڳوونَ را نورا مارڳ مانھ ويوو

(متي 7:13-14، 21-23، لُوقا 13:22-30)

㉒ ايسُو شهرون ان پاڙون موئين ٿيتو، منڪون نئھ شيڪاڙو يروشلْم شهر هومو زاتوت ريو.

㉓ ڪيٺڪ منڪ اُوئا ٿي پُونسيو: ”سادُو جي، هاو ٿوڙون منڪون نئھ تارڻ زڙشي، ڪي؟“ تو ايسُو منڪون نئھ ڪيڏو: ㉔ ”تارڻ را هوڙڪا دروازا ٿي پِڳوونَ را راز موئين زايا رٿي پورا من ٿي ڪوشش ڪرو، ڪم تو هُون تمون نئھ ڪاتري

ٽي ڪونه، گهٽائي منڪ پڳوونَ را راز موئين زاوا ڪرشي پڻ موئين نئين زائي هيڪنه. (25) ايوو توڻو آوشي زئون زوئنه گهر رو ڌڻي اولين دروازو پنڌ ڪرشي پرو، ان تمي ٻارا اُويينَ ڌر وڳاڙوا مڏشو ان ڪيشو: 'او گهر را ڌڻي، امون هارو ڌر اُوگهاڙو.' پڻ اُو تمون ننه ڪيشي: 'هُون تمون ننه نٿي اوڙڪتو تمي ڪيئون آياھ.' (26) تئيون تمي ڪيشو: 'امي تمارنه رُوپرو ڪاڏو پيڏو تو، ان تمي امارا پاڙا موئين واتون شيڪاڙي تي.' (27) پڻ اُو تمون ننه وڙي ڪيشي: 'هُون تمون ننه اوڙڪتو ئي نٿي تمي ڪيئون آياھ. پُونڌون منڪون، تمي ماريون اونڪيون ٿي تڙي زانو!'


(28) زئيون تمي ابراهيم، اِضحاق ان يعقوب، ان ٻڌون پڳوونَ رو نياپو ڏيڏا وازون ننه پڳوونَ را راز موئين ڏيڪشو، ان آپ ننه ٻارا اُوپاڙل ڏيڪشو، تئيون اوتنه تمي روشو ان ڏونت گهرڙيا ڪرشو. (29) ان پورا جڳت ٿي ڌاريون قومون را منڪ آوشي، ان پڳوونَ را راز موئين آڪاشي ڌاوت ڪاشي. (30) زوڻو، جيا همئنه وونهڙ سئه اُو مورم ٿيشي، ان جيا مورم سئه اُو وونهڙ ٿيشي.

ايسو يروشلم شهر مانھ اقسوس ڪرئھ

(متي 23:37-39، لوقا 13:31-35)

(31) اوتھ ئي توئنه فريسي پالتي ري ڪئينڪ منڪي آوين ايسو ننه ڪيڏو: "ايئون نيهرين پيزيل زانو پرا، ڪم تو ايت رو راز ڪريا وازو هيروديس تمون ننه مراوا ڪرئھ."

(32) ايسو اوتون ننه ڪيڏو: "تمي زائين اوتا چالڪ منڪ ننه ام ڪو: 'آز ان هوارِي هون منڪون ٿي پوت ڪاڏتو ريه ان منڪون ننه هاڙا هورا ڪرتو ريه ان ترئمته ڏي آپرو ڪوم پورو ڪريھ.' (33) توڻي پڻ آز، هوارِي ان پرئمته مارنه يروشلم شهر هومو پنڌ ڪرتو ريووه، ڪم تو اي ليڪ نٿي جي ڪوڪ پڳوونَ رو نياپو ڏيڏا وازو يروشلم ٿي پيزيل ڪيئنڪ مرانه.



③4 يروشلَم، يروشلَم، تون كيوو شهر سته! تارا منك پگيون رو نياپو ڏيڏا وازون را ڪوني سته. جيا پگيون تون ڪن ميلته، اوتون نته او پوئون ٿي مارته پرا. زم ڪوڪڙي آپرون بشيون نته آپري پونڪون هيٺ هتارته، تم مئين

پن گهڻي وار تارون منڪون نته آپ ڪن تيراوا ڪريا، پن او نه مونيا. ③5 هونه زوئو، تمون ڪن يروشلَم ۾ جيو پگيون رو گهر سته، پگيون اوتا مندر نته ساڌشي پرو. هون تمون نته کاتري ٿي ڪونه، زئين هودي هون پگيون را پاها ٿي راز ڪريا وازو ٿين پاسو نه اوون ان تمي مون نته پازين ام نه ڪو جي ايشور رو ايشيرواڏ ايئا مانه هونه، جيو ايشور را پاها ٿي اوته، تيون هودي تمي مون نته وزي ماگي نئين ڏيڪو.

ايسو پويتر ڏي رو هيڪا هوزي را مونڏا نته هازو هورو ڪرته

14 ① هيڪ وار ايسو پويتر ڏي رو فريسي پالتي را هيڪا آگيون ري گهري ڏاوت مانه روئي ڪاوا گيو تو. اوته منڪ اوتا هوما تاڪي ريا تا. ② اوتا ماگ هيڪ منڪ ايسو هومو اوپو تو جيا نته هوزي رئي پيمارئي هتئي. ③ تيا مانه ايسو شاستر زوتيا وازون ان فريسي پالتي وازون نته پونسيو: ”ڌرم پرموتنه پويتر ڏي رو منڪ نته هازو هورو ڪروو نيڪ سته ڪا نا؟“ ④ پن او ٻڌائي ماٺ ريا. تيام ايسو اوتا منڪ مانه هات ميلين اوتا نته هازو هورو ڪريو پرو ان اوتا نته روونو ڪريو.

⑤ پس ته ايسو اوتون نته ڪيڏو: ”جي تمون موئين ٿي ڪياڪ رو ڏيڪرو ڪا ڊگو ويري موئين پڙي زائه، جي پويتر ڏي هونه، توئي پن تمي هت موئين اوتا. نته ويري موئين ٿي بارو نئين ڪاڍو ڪي؟“

⑥ أو ایئا وات رو کئین جواب نه ڏي هيکيا.

ڏاوتون را مثال

منڪون هومو آپرو مون نه وڌارو پڻ ڳريبي ٿي ويو

⑦ زئيون ايسو اي زيو جي ڏاوتو مون واري جڳايون مانھ پيهو ڪرھ ريا، تئيون ايسو اوئون نه هيڪ مثال ڏين ڪيڏو: ⑧ ”زئيون ڪوڪ تمون نه ويو ري ڏاوت مانھ تيڙاونه، تو تمي مون واري جڳا مانھ مت پيهيا. ٿي هيڪھ جي تمون ٿي وڌيڪ مون وارا نه ڏاوت ڏيڏل هوئ. ⑨ پسئھ او جيئھ تمون پئيون نه ويو رئي ڏاوت ڏيڏئي هوئ، او تمون نه آوين ام ڪئھ: ’ايئون اولي زائو. ايئا منڪ نه پيهو ڏيو!‘ تو پسئھ ڪتا لازي مريئ تمارئ ٻڌون ٿي نيسي جڳا مانھ پيهو پڙشي. ⑩ پڻ زئيون تمي ڏاوت موئين تيڙاول هوئو، تو زائين ٻڌون ٿي نيسي جڳا مانھ پيهو، زم زئيون ڏاوت ڏيڏا وارو اوئھ، او تمون نه ڪئھ: ’پائي، تمي اونسآ آوين پيهو.‘ پسئھ ٻڌون ڏاوتيون هومو تمارو ڪتو گھڻو مون ٿيشي. ⑪ ڪم تو جيو آپرا آپ نه گھڻا مون وارو هزمئھ، اونا رو مون پڳوون گھٽ ڪرشي. ان جيو آپرا آپ نه گھٽ مون وارو هزمئھ، اونا رو مون پڳوون گھڻو ڪرشي.“

⑫ پسئھ ايسو اونا منڪ نه ڪيڏو جيئھ اونا نه ڏاوت ڏيڏئي ٿي: ”زئيون تمي ڏاوت ڏيو، تو آپرون دوستون، پايون، عزيزون ان ڏوڪڙون پينل شائوڪارون نه ڏاوت مت ڏيا، متون او تمارا پڌلام تماري پڻ ڏاوت ڪرئ، ان تماري ڏاوت رو ايوزو تمون نه پري ڏئھ. ⑬ پڻ تمي زئيون ڏاوت ڪرو، تئيون تمي ڳريبون نه، رُونڳڙون نه، ميون نه ان اونڌون نه تيڙاو، ⑭ تو پڳوون تمون نه آشيرواڏ ڏيشي، ڪم تو اوئون ڪن ڪئين نٿي جيا ٿي تماري ڏاوت رو ايوزو ڏئھ، پڻ پڳوون زئيون منڪون نه جيوي اوناڙشي، تئيون او آپ تماري پلائي رو ايوزو ڏيشي، جيا پڳوون ري وات مانھ وڍا وارا سو.“

موٽي ڏاوت رو مثال
پڳوون ٻڌون نٺه آپرا راز موئين آيا رئي ڏاوت ڏٺه
 (متي 1:22-10، لوقا 14:24)

15) تئيون ڏاوتيون موئين ٿي هيڪڻه زئنه اي وات هومپڙين ايسو نٺه ڪيڏو: ”پاڳواڙو او سٺه جيو پڳوون را آڪاشي راز موئين اوٺا رئي ڏاوت ڪاشي.“

16) پسنه ايسو اوٺا نٺه ڪيڏو: ”هيڪ منڪ هتو. اوٺه موٽي ڏاوت ڪرئي ان گهڻون منڪون نٺه ڏاوت ڏيڏئي. 17) ڪاڏا رٺه ٿوئنه اوٺه آپرا نوڪر نٺه ڏاوتيون ڪن روٽي ڪاڏا رو ام ڪيو ميليو: ’هالو. همٺه ٻڌوئي ڪاڏو تيار سٺه. 18) پڻ او ٻڌائي هيڪا پيڙا وونهي پونهونا ڪروا مڏيا. هيڪڻه اوٺا نٺه ڪيڏو: ’مئين ٻنهي ليڏيڻه ان مارٺه زووا زاوو، تيام هون نٽي آوي هيڪتو. مون نٺه پيڙو وڌاڙيا. 19) پيڙه ڪيڏو: ’مئين پونس هونتيڙا ليڏاه ان اوئون نٺه آزماووا زائونھ ريو، تيام هون نٽي آوي هيڪتو. مون نٺه پيڙو وڌاڙيا. 20) هيڪڻه پيڙه وڙي ڪيڏو: ’هون تازو پرٺل سون، تيام هون نٽي آوي هيڪتو.’

21) نوڪر پاسو آوين اي ٻڌي واتون آپرا ڏٺي نٺه همپڙاوي. پسنه گهر را ڏٺي نٺه اوئون مانھ گهڻي رينه سڙي، ان اوٺه نوڪر نٺه ڪيڏو: ’جلدي زا، شهر ريون نونيون موتيون شيريون موئين زائين گريپون نٺه، رُونگڙون نٺه، اونڌون نٺه ان ميون نٺه ايتنه ڏاوت مانھ تيڙي آو.’

22) پسنه نوڪر پاسو آوين ڪيڏو: ’ساڀ، زم تمي ڪيڏو تو، هم مئين ڪريوه. توئي پڻ هزون واڳ سٺه. 23) تيا مانھ ڏٺي نوڪر نٺه ڪيڏو: ’گهاڙوئون ان پاراڙي رون شيرڙون مانھ زا، ان منڪون نٺه مٺتون ڪرين تيڙي آو، زم مارو گهر پراڻي زائھ.“

②4 تيا ڪيڙ ايسو منڪون نئه ڪيڏو: ”هونه هون تمون نئه ڪاتري ٿي ڪونه، او جيون نئه اڳي ڌاوت ڏيڏي ٿي، اوئون موئين ٿي ڪوئي پڻ منڪ ماري ڌاوت نئين ڪانه.“

ايسو رو شيلو تيا هارو مور ٿي سوچ ويچار ڪرو

(متي 37:10-38، لوقا 25:14-33)

②5 هيڪ وار زئيون الاهي گهڻا منڪ ايسو وونهڙ وونهڙ آوتات ريا، تو ايسو اوئون هومو قرين ڪيڏو: ②6 ”جي ڪوئي مون ڪن مارو شيلو ٿيوا آوئه، پڻ آپرا مان ٻاپ ٿي، ٻار ٻسون ٿي، ٻايون پينون ٿي، ان آپرا جيو ٿي پڻ گهڻو پريم ڪرئ، ان مون ٿي گهٽ پريم ڪرئ، تو او مارو شيلو نٿي ٿي هيڪتو. ②7 جيو ڪوئي موت هوددي ڏڪ سهين زوئنه آپرئي هوزئي نٿي اوپاڙتو ان مارا مارڳ مانه وين مون وونهڙ نٿي آوتو، او مارو شيلو نٿي ٿي هيڪتو.“

②8 مثال، جي تمون موئين ٿي ڪوڪ موٽو گهر نوراوا ڪرئ، تو مور ٿي اوئا را ڪرچ رو اندازو نٿي لڳاوتو ڪي، جي اوئا ڪن گهر نورايا هارو پيها سئ ڪا نا؟ ②9 ام نه تئ جي پنيآء نڪاوئه پڻ گهر پورو نه نوراوي هيڪنه ان زويا وازا ڏيڪين اوئا مائنه ام نئولي ڪرئ: ③0 ’ايئه منڪ گهر نوراوا شروع ڪريو، پڻ پورو نه نوراوي هيڪيو‘.

③1 وزي پيزو مثال، جي هيڪ پاڌشا لڙائي ۾ پيزا پاڌشا ٿي وديا هارو زائ، تو مور ٿي اي وات نٿي سوچتو ڪي، جي آپرئي ڏه هزار قوچ اوئا هوملي ويه هزار قوچ ٿي ڪتي زاشي ڪا نا؟ ③2 جي نئين ڪتئ، تو زئيون پيزو پاڌشا هزون شيتي هوشي، تو اپرون منڪون نئه ميلين اوئا ٿي منايا ري واتون پونسشي.

③3 هيوه نمونه تمون موئين ٿي جيو ڪوئي آپرو ٻڌوئي ڪئين ساڌيا هارو

تبار نٿي، تو او مارو شيلو نٿي ٿي هيڪتو.“

هَواڏ ووثا لُون رو مثال جيو هاسو شيلو نٽي اُو ڪيا ئي ڪوم رو نٽي

(متي 13:5، مرقس 9:50، لوقا 14:34-35)

③4 ”هُون تمون نئه مثال ڏيونه. لُون تو نائوڪو سئه. پڻ جي لُون آپ موڙو ٿي زائ، تو اوثا نئه ڪيا ٿي هَواڏ وازو ڪري هيڪئھ؟ ③5 اُو ڪيا ئي ڪوم رو نٽي. نڪو آپرا ڪوم جيوو سئه، نڪو ٻني موئين نوڪيا جيوو سئه، نڪو پوڻ ٿايا جيوو سئه. منڪ اوثا نئه ٻارو ڦڳوڙئھ پرو. هيوئھ نمونئھ اڌروڪا من رو شيلو ڪيا ئي ڪوم رو نٽي. هومپڙيا وازون، تمي ماري وات مانھ ڏيون ڏيو.“

گمال ري رو مثال ايسو ڏوهاريون نئه پچاوا آيوه

(متي 18:12-14، لوقا 15:1-7)

15 ① هيڪ وار ٻڌائي ناڪو ليڏا وازا ان هيو منڪ جيون ٿي پيزا منڪ شيپ راکتا، اُو ايسو ڪن واتون هومپڙوا آواتا ريا. ② تيام فريسي پالٽي را منڪ ان شاستر زوٿيا وازا پڻ آپت موئين ايسو رئي ڳلا ڪروا مڌيا جي ”اي منڪ ڪراپ منڪون نئه آوا ڏئھ ان اوئون پيزو ڪائھ.“

③ تئيون ايسو اوئون نئه اي مثال رئي وات همپڙاوي: ④ ”جي تمون موئين ٿي ڪياڪ ري هو رديون هوئ، ان رديون موئين ٿي هيڪ ري گمائي زائ، تو ڏٿي اوثا نئه نئين ڳوتئھ، ڪي؟ اُو ضرور پيزي نوانوي رديون نئه ڪياڪ ڌراڙ ڪن شيم موئين ساڌين، زئيون هوڏي اوثا نئه نئين زڙئھ، تئيون هوڏي اوثا هيڪي نئه ڳوتتو ريشي. ⑤ پسئھ زئيون اوثا ري نئه ڳوتي ليشي تو ڪش ٿين آپرون ڪوون مانھ اُوپاڙشي. ⑥ ان زئيون گهري آوين پوڳشي، تئيون ٻڌون دوستون ان پاڙا وازون نئه تيزاوين ڪيشي: ’مون پيزا ڪشي ڪرو، ڪم تو جئي ماري ري



گھائي گھي ٿي، او زڙيهه رهي.

⑦ هونءَ هونءَ تمون ننه ڪاتري ٿي ڪونه، هيونءَ نمونءَ زئون هيڪ ڏوهاري
 آڀرا ڪراپ ڪوم ساڏينءَ توبونه ڪرڻه ان پڳون رِي وات مانه وڻه، تيون
 آڪاش موئين ايوني ڪشي ٿهه، جيوني نوانوي ايون منڪون هارو نتي ٿيئي،
 جيا آڀ ننه پيڏوهي هزمهه ان آڀ هارو ڪراپ ڪوم ساڏيا رهي ڪئين ضرورت
 نتي هزمهه.

گمال چونڊي را سِڪا رو مثال نوهاري رهءَ توبونه ڪريا ٿي پڳون گهڻو ڪش ٿهه

⑧ ”وڙي پيزو مثال اي سته: جي هيڪي ڏوشي ڪن ڏه چونڊي را سِڪا هونءَ، ان
 اوئون موئين ٿي هيڪ گھائي زانه، تو اوئا ننه نئين گوتته، ڪي؟ او ضرور ڏيوو
 پاڙين گهر موئين پوئارو ڪاڏشي ان زئون هونءَ او نئين زڙهه، تيون هونءَ
 ڏيون ٿي گوتتي ريشي. ⑨ پسته زئون زڙشي، تيون آڀريون گيڏلون ان پاڙا
 واريون ننه تياوين ڪيشي: ’مون پيڙي ڪشي ڪرو، ڪم تو جيو مارو چونڊي
 رو سِڪو گھائي گيو تو، او زڙيوه رو.

⑩ هونءَ هونءَ تمون ننه ڪاتري ٿي ڪونه، زئون هيڪ ڏوهاري آڀرا ڪراپ

ڪوم ساڏينَ توبونھ ڪرئھ ان پڳوونَ ري وات مانھ وئھ، تو هيونئہ نمونئہ پڳوونَ
آپرون آڪاشي دوتون پيڙو ڪُش ٿئھ.

گمال ڏيڪرا رو مثال

زم پڳوونَ توبونھ ڪريا واڙا ٺوھاري ٿي پريم ڪرئھ
تم آڀئئ پڻ ڪروو

①① ڀسئہ ايسو ام پڻ ڪيڏو: ”هيڪ منڪ هتو، جيا را ٻي ڏيڪرا هتا. ①② هيڪ
ڏي نونئہ ڏيڪرئہ آڀرا ٻاپ نئہ ڪيڏو: ’با، ملڳت رو زتو حصو تمارا مريا ڪيڙ
مارو ٿيشي، او مون نئہ همئئہ ڏيو رو! ان ٻاپ آڀرئي ملڳت بيئون ڏيڪرون نئہ
وراوين ڏيڏئي پري.

①③ ٿوڙون ڏيئون ڪيڙ نونو ڏيڪرو آڀرو ٻڌوئي ڪئين ويسين پئها لين
ڪياڪ شيتي پيڙا ملڪ موئين گيو پرو. اوئئہ ازايو ڪرچ ڪرين آڀرئي ٻڌئي
ملڳت اوڏارئي پري.

①④ زئيون ٻڌوئي ڪئين ڪتم ڪريو پرو، تئيون اوئا ملڪ موئين گهڻو ڏڪار
پڙيو، ان او پوکي مروا مڏيو. ①⑤ ڀسئہ اوٿ را هڪا منڪ رو موٽاڳ ٿين ريو.
اوئہ منڪ اوئا نئہ ڌراڙ اوڀاڙين آڀري ٻني موئين هونر ساروا ميليو. ①⑥ ان اوئا
نئہ اتئي گهڻي پوک لاڳئي جي هونر جيو ڪاڌو ڪاتا، اوئا ٿي آڀرو پيت پريا
هارو اوئا رو جيو ڪرتوت ريو. پڻ ڪيئئہ اوئا نئہ ڪئين ڪاڌو نه ڏيڏو.

①⑦ زئيون اوئا نئہ عقل آئي، تئيون اوئہ سوچيو: ’مارا ٻاپ را تو ڪتائي
مزور سئہ جيون نئہ ڪاڌو گهڻو زڙئھ، ان هون ايئئہ پوکي مروئہ ريو. ①⑧ هونئہ
هون آڀرا ٻاپ ڪن زائئھ پرو، ان اوئا نئہ ڪيھ: با، مئين پڳوونَ رو ان تمارو
ڏوھ ڪريوھ. ①⑨ هونئہ هون ايون نئي جي تمي مون نئہ آڀرو ڏيڪرو هزمو. هونئہ
تمارون مزورون را زم مون نئہ مزور اوڀاڙو. ②① ام ڪيال ڪرين اونين او آڀرا
ٻاپ ڪن پاسو آوا مڏيو.

پڻ اُو هزون شيئي هتو، تو باپ اونا ننه اوتون ڏيکيو. آپرا ڏيکرا ننه ڏيکين باپ ننه قياس ٿيو ان اونا ننه ڊوڙي آوين باٺ نوکڻي ان اونا ننه بوسڪا ليدا. ②1 ٽيون ڏيکرنه اونا ننه ڪيڏو: 'با، مئين پڳون رو ان تمارو ڏوه ڪريوه. هوننه هون ايوو نٿي جي تمي مون ننه آپرو ڏيکرو هزمو.' ②2 پڻ باپ آپرون نوکرون ننه ڪيڏو: 'جلدي موئين نائوڪون م نائوڪا لوگهڙا لي آوين ايئا ننه پيراو. ان ايئا ننه هات موئين مڏي ان پڳون موئين زوڙا پيراو. ②3 ان جيو پاهرو سونيل سئه، اونا ننه هلالو. آبي ڪائين ڪشي ڪرون! ②4 ڪم تو اي مارو ڏيکرو، مئين ايئا ننه مرل هزميو تو، پڻ هوننه وڙي جيو تو آيوه رو. گمائي گيو تو ان وڙي زڙيوه رو.' پسته او ڪشي ڪروا مڏيا.

②5 پڻ اونه ٿوئنه موٽو ڏيکرو ٻني موئين هتو. زئون او ٻني ٿي پاسو آوين گهر ڏوڪڙو پوگيو، تو ساز وگاڙيا ان رميا رو آواز هومپڙيام آيو. ②6 ٽيون اونه هڪا نوڪر ننه هاڏ ڪرين پونسبو: 'گهري ڪيا رئي ڪشي ٿه رئي؟' ②7 تيا مانه نوڪر اونا ننه همپڙايو جي 'تمارو پائي پاسو آيوه. ان تمارنه باپ سونيل پاهرو هللايوه، ڪم تو تمارو پائي هازو هورو پاسو آيوه رو.'


②8 ٽيون موٽو ڏيکرو رينهوتو ان گهري نه گيو. تيام اونا رو باپ ٻارو آيو ان آوين اونا ننه هزميو. ②9 پڻ اونه آپرا باپ ننه ڪيڏو: 'زوٽو، اتا سال مئين تماري شيوا ساڪري ڪريه، ان ڪيڏي تمارا ڪيڏا ٿي ٻارو نٿي گيو. پڻ مون ننه تمي ڪيڏي هڪ باڪريو ٿي نه ڏيڏو، جي آپرون دوستون پيڙي ڪشي ڪرون. ③0 پڻ هائي تمارو لاڏڪيو ڏيکرو ريو، جيئنه تمارو ٻڌوئي ڪئين پونڏيون ڏوشيون مانه اوڏاڙيوه پرو، ان هوننه پاسو آيوه، تو ايئا هارو تمي سونيل پاهرو هللايوه.' ③1 تيا مانه باپ اونا ننه ڪيڏو: 'ڏيکرا، ٿون تو اڳي مون پيڙو سئه. ان جنين ڪئين مون ڪن سئه او ٻڌوئي ٿارو سئه. ③2 ٿارنه تو ڪشي ڪروو تو ان ڪش هوو تو ڪم تو اي ٿارو پائي، آبي ايئا ننه مرل هزميو تو، پڻ هوننه وڙي جيو تو آيوه رو. گمائي گيو تو ان وڙي زڙيوه رو.'

هُوشيارِي تِي كَوْمِ كَايِيا وَازا مُنچِي رُو مِثَال

16 ① پَسَنه ايسُو اُپرون شيلون ننه كيوا مڏيو: ”هيك شائوڪار منڪ هتو. اوتارو هيك مُنچي هتو. هيك ڏي شائوڪار ننه منڪي ڪيڏو: ’مُنچي نڳڻي ڪرين تماري ملڳت ڪانه ريو.‘ ② پَسَنه اوتنه مُنچي ننه آپ ڪن تيزاوين ڪيڏو: ’منڪ تاري ڳلا ڪرڻه ريا. تون ايوي نڳڻي مون تِي ڪم ڪرڻه ريو؟ اُپرو ٻڌو حساب ڪتاب ڪري ڏنه، پَسَنه تون زا، ڪم تو هوننه هون تون ننه مُنچي نئين راڪي هڪون.’

③ تئيون مُنچي من موئين سوچيو: ’هوننه هون ڪي ڪرون؟ ڪم تو مارو ساپ مون ننه نوڪري تِي ڪاڏنه ريو. ڪوڏاز رو ڪوم مون تِي نئين ننه، ان مونڳيا تِي لزي مرونه. ④ نيك سئه، هوننه مون ننه ڪيال آيو جي مارنه ڪي ڪرو زم زيون همشه مون ننه نوڪري تِي ڪاڏشي، تئيون منڪ مون ننه آپري گهري آوا ڏنه. ⑤ تئيون پَسَنه مُنچي آپرا ساپ رون قرضيون ننه هڪوڪو هڪوڪو ڪرين تيزايا. اوتنه هڪا تِي پونسيو: ’ساپ رو قرض تون مانه ڪتو سئه؟‘ ⑥ تو اوتنه ڪيڏو: ’هو من تيل. ’مُنچي ڪيڏو: ’پيه. هون اي پرچي لئه. آپري پرچي

مانه پنجاه من لڪ. ⑦ وڙي پيزا تِي پونسيو: ’تون مانه ڪتو قرض سئه؟‘ تو اوتنه ڪيڏو: ’پونس هو من ڪنڪ. ’مُنچي ڪيڏو: ’هون اي پرچي لئه. آپري پرچي مانه چار هو من لڪ.’



⑧ پَسَنه ساپ پئيمون مُنچي را ايٿا وات مانه وڪوڻ ڪريا جي اوتنه ڪيو هوشيارِي تِي ڪوم ڪريوه. ڪم تو جيا منڪ ڏنيا ري ڪراپ سوچ پرموئنه وئه، او منڪون تِي اُپرو ڪوم ڪاڏيا پر اتا هوشيار سئه، زتا پڳوون را منڪ منڪون تِي نائوڪنه نموننه وُڍا پر هوشيار نتي.

⑨ تيام هُون تمون نئه ڪونه، اِیٺا ڪراپ ڏنیا ري مِلڳت ٿي تمی پیزون رئي مدت ڪرتا ریا. هیوئه نمونئه تمی آپ هارو دوست ناوشو، ان مریا ڪیٽر زئیون هائي مِلڳت نئین هوئه، تو تمون نئه آکاش ۾ آوڪار زڙشي.

⑩ جیو ٿوڙام ایمونڌار سئه، او گهٿام پڻ ایمونڌار هوشي. ان جیو ٿوڙام پیئمون سئه، او گهٿام پڻ پیئمون هوشي. ⑪ تيام جي تمی اِیٺا ڪراپ ڏنیا ري ڪوڙي مِلڳت موئین ایمونڌار نئین هوئو، تو پڳوون تمون نئه آپري هاسئي مِلڳت ڪم ڪرین ڏیشي؟ ⑫ ان جي تمی ایئون شینهنون موئین ایمونڌار نئین هوئو، جي امونت را زم تمارئه حواله ڪرل سئه، تو پسئه پڳوون همیش هارو تمون نئه آکاشي هڪ ڪم ڪرین ڏیشي؟

⑬ ڪوئي پڻ نوڪر بیئون ڌڻیون رئي شیوا نٿي ڪري هیکتو. ڪم تو او هیڪا ٿي پریم راکشي، ان پیزا ٿي ڪئین پریم نئین راکئه، ڪا او هیڪا رئي وات مونشي ان پیزا رئي وات ماڳي نئین مونئه. تمی پڳوون ان مِلڳت بیئون ٿي پریم نٿي ڪري هیڪتا.

ایسو فریسیون رو ڏوه ڪایئه

جي او پونهونا ناوین پڳوون را حڪم ٿوڙئه

(متی 12:11-13، 31:5-32، مرقس 11:10-12، لُوقا 14:16-18)

⑭ اي ٻڌي واتون هومپیزین فریسی پالٿي ري منڪي، جیا مِلڳت رئي لالچ راکتا، ایسو مانه نٿولي ڪري. ⑮ تو ایسو اوئون نئه ڪیتو: ”تمی ایوا منڪ سو جیا مال مِلڳت نئه پڳوون رو آشیرواڌ ڪین منڪون هوما آپ نئه نائوڪا ڏيڪاڙوه، پڻ پڳوون نئه تمارون منون رئي کبر سئه. منڪ پلئه تماري مِلڳت نئه گهٿو مون ڏئه، پڻ پڳوون تماري لالچ نئه هاو پوندئي هزمئه.

⑯ موصلي رون لکل حڪمون رو ان پڳوون رو نیاپو ڏیڏا وازون ري لکل واتون رو نمونو یوحنا را وکت هودی هتو: پڻ یوحنا را وکت ٿي لین پڳوون را راز

رئي ڪشي رئي ڪهر همپڙاهه رئي، ان ٻڌائي منڪ پڳوون را راز موئين زايا رئي گهڻي ڪوشش ڪرڻه ريا. (17) پڻ مت سوچو جي تم پڳوون را حڪم ساڌين پڳوون را راز موئين زائي هيڪوه. آڪاش ان ڌرتي ڪيڏيڪ تو ڪتم ٿيشي، پڻ پڳوون رون حڪمون رئي هر هيڪ وات هميش هاسي ريشي.

(18) تم پڳوون رو حڪم ساڌين ڪم شيڪاڙوه جي ڏوشي لڪي ڏين پڙي ڏوشي ڪروو ڪئين وات نتي؟ جيو آپري ڏوشي ننه ساڌين پڙي ڏوشي ڪرڻه، پلئه اوئه آپري ڏوشي لڪي ڏيڏي هوئه، توي پڻ او آدمي اوئا پڙي ڏوشي ٿي پوندو ڪوم ڪرڻه. ان جيو اوئا ساڌل ڏوشي ننه آپرا گهر ۾ راکنه، او آدمي پڻ پوندو ڪوم ڪرڻه.

شائوڪار ان گريپ منڪ رو مثال



(19) پسئه ايسو ڪيڏو: ”هيڪ شائوڪار منڪ هتو. او پاڌشا رون لوگهڙون جيو اوچون م اونچا لوگهڙا پيرتو ان تاريڪ نائوڪا کاڌا کاتو ان آروم ان هڪ هون ريتو. (20) ان هيڪ گريپ منڪ هتو

جيا رو نوم لعزر هتو. اوئا ننه شائوڪار را گهر را ڌروازا مانه ساڌيوت پرو. اوئا را ٻڌا ڏيل مانه گونڙا هتا، (21) ان او شائوڪار ري اوڳارل ٽڪريون ٿي آپرو پيت پريا هارو هڪتو. ان ڪوترا اوين اوئا را گونڙا ساتتا.

(22) هيڪ ڏي گريپ منڪ مري گيو، ان آڪاشي ڏوتي اوئا ننه اوپاڙين ابراهيم ڪن مون موئين پيهاريو. ان شائوڪار منڪ پڻ مري گيو، ان اوئا ننه پوريو پرو. (23) اوئنه مرلون را جگت موئين شائوڪار منڪ پونڌي هاري هتو، تيون اونسو زوهه تو شيئا هون ابراهيم ڏيڪيام آيو، ان اوئا ڪن لعزر پينل هتو. (24) پسئه اوئه هاڌ ڪرين ڪيڏو: ’او ڏاڏا ابراهيم، مون مانه ڏيا ڪرو. مون ڪن لعزر ننه ميلو، زم اونگڙي پوڻي م توڙيڪ پوڙين ماري جيپ ننه سٻاڙين ترهه

مٽائڻ، ڪم تو هون ايتنه پاهي ري تڪليپ ۾ سون.

25) پڻ ابراهيم اونا ننه ڪيڏو: 'ڏيڪرا، ياد ڪر، ٿاري حياتي ۾ ٿارئي حالت نائوڪئي هتئي، پڻ لعزر رئي حالت ڪراپ هتئي. هونئ اي ايتنه هڪ ۾ سئ، ان تون تڪليپ ۾ سئ. 26) پڙئي وات اي سئ، آپون وسا پڳوون هيڪ موٽئي ان اوندئي کاڌ راکيئ. تيام جي ايئون ڪوڪ تمون ڪن آوا ڪرئ، تو نئين زائي هيڪئ، ان نڪو وڙي تمون موئين ٿي ڪوڪ امون ڪن آوي هيڪئ.'

27) پسنه شائوڪار منڪ ڪيڏو: 'نيو، ڏاڏا. پڻ وڙي هون تمون نئ مينٿ ڪرونه، لعزر نئ مارا ٻاپ ري گهري ميلو، 28) ڪم تو مارا پونس پائي سئ. لعزر اوئون ڪن زائين ايت ري حالت رئي هاڪ پرنه. ام نه تئ جي او پڻ ايتنه ايئا پونڏا هاڙ ۾ آئ.

29) تيا مانه ابراهيم ڪيڏو: 'موسي رو لڪل ان پڳوون رو نياپو ڏيڏا واڙون رو لڪل شاستر اوئون ڪن سئ. پلئ اوئون رئي وات مونئ.'

30) پسنه شائوڪار منڪ ابراهيم نئ ڪيڏو: 'هم نئين تئ، ڏاڏا ابراهيم، پڻ جي مرلون موئين ٿي ڪوڪ اوئون ڪن زاشي، تو او آپرا ڪراپ ڪوم ساڏين توبونھ ڪرشي ان پڳوون ري وات مانھ ويشي.'

31) پڻ ابراهيم ڪيڏو: 'جي او موسي ان پڳوون رو نياپو ڏيڏا واڙون رئي وات نئين مونئ، تو مرلون موئين ٿي ڪوڪ جيوي اولشي، توئي پڻ اونا رئي وات نئين مونئ.'

نوه ڪريا را پارام

(متي 7-6:18، 22-21، مرقس 9:42، لوقا 17:1-4)

17 ① پسنه ايسو آپرون شيلون نئ ڪيڏو: "ايوي واتون تو ضرور ٿيشي جيا ري ڪري منڪ ڏوه ڪرشي. پڻ ڏڪ اوئون منڪون هارو سئ جيون ري ڪري منڪ ڏوه ۾ پڙئ. ② جي ڪوئي پڻ منڪ ايئون نونون منڪون موئين

ٽي ڪياڪ ننه ڏوه ۾ پاڙڻه، تو پڳوون اونا منڪ ننه اتي گهڻي سزا ڏيشي جي اونا منڪ هارو نائوڪو ام ٿمت جي اونا رنه هيوو ڪوم ڪريا مور اونا را گڙا موئين گهرنتي رو پڙ ٻوندين اونا ننه سمونڊ ۾ ڦڳوڙيو هوٺ. ③ تيام هوشيار ريا جي ايوو ڪوئي ڪوم تمون ٽي نه ٿه.

جي تمارو ڪوئي پائي تمارو ڏوه ڪرڻه، تو اونا ننه هزماوو، ان جي او آڀرا ڏوه ٽي توبونه ڪرڻه، تو اونا ننه ماڻي ڏيو. ④ جي او هيڪا ڏي ۾ پلنه ڪتي وار پڻ تمارو ڏوه ڪرڻه، ان هر وار تمون ڪن آوين ڪنه: 'مئين ٿارو ڏوه ڪريوه. مون ننه ماڻي ڏه،' تو اونا ننه ماڻي ڏيتا ريو.

يقين راکيا را پارام

⑤ تئيون مک شيلي پريو ايسو ننه ڪيڏو: "تم امارو يقين وڌارو!" ⑥ تو پريو ايسو اوئون ننه ڪيڏو: "جي تم پڳوون مانه ٿوريا را پيز زتو روگو ٿوڙڪو يقين راکوت، تو تم اينا ٿوت را وڻ ننه ڪي هيڪوت: 'ايتون اوگڙين سمونڊ موئين زائين ڪت! ان او تمارو ڪيڏو موننت."

ڏٺي ان ڳلوم رو مثال

آپنا ڏٺي پڳوون رو ڪوم پورو ڪروو آڀڻو قرض سڻ

⑦ "جي تمون موئين ٽي ڪياڪ رو ڪوڪ ڳلوم هوڻه جو هڙ هاڪلڻه ڪا ريڊيون سارڻه، زئيون او هونز رو ٻني ٽي پاسو آڻه، تو تم اونا ننه ام ڪيشو ڪي؟ وو را، همڻه ڪاتلا مانه بهين روئي ڪاڻو! ام تو ڪوئي نئين ڪنه. ⑧ پڻ ڳلوم ننه ام ڪيشي: 'مارئي روئي تيار ڪر. زئيون هوڏي هون ڪائي پين نه ڍاپون، تئيون هوڏي مانه رو مانه اوپين مارئي شيوا ساڪڙي ڪر. ان پسڻه ٿون پلنه زائين ڪائي پي.' ⑨ زئيون ڳلوم ڏٺي رو ڪيڏل ڪوم پورو ڪريوه، تو ڏٺي مانه اوڻه ڪئين ٿورو نٽي ڪريو. ⑩ هيوڻه نموننه تم پڻ زئيون پڳوون را

ڪيڏل ڪوم پورا ڪري ريو، تو تمي ڪيا: 'امي تو روڳا ڳلومون را زم سون. جئين ڪوم امارنه ڪروو تو، او تو امي ڪريوه پرو.'

ايسو ڏهون ڪويون ننه هازا هورا ڪرڻه

①١ هيڪ وار، زئيون ايسو يروشلم هومو زاتوت ريو، تو او گليل ان سامريه علاقون را ڏنگ مانه متوت ريو. ①٢ اوڻه او هيڪا پاڙا موئين زايا وازو هتو، تئين ڏه منڪ اوڻا ننه پيڙا ٿيا، جيا ڪوڍ ري پيماري ري ڪري اڀڙال هتا. تيام اوڻي شيتا ٿي اوپين ①٣ ايسو ننه زور ٿي ڪيڏو: "او ڳرو ايسو جي، امون مانه ڏيا ڪرو!" ①٤ ايسو اوڻون ننه ڏيڪين ڪيڏو: "زائو، ان آڀرا ڏيل پڳوون را گهر رون پوزاريون ننه ڏيڪاڙيا، زم او تمارا هازا هورا ٿيا رڻي هاڪ پرڻه."

تئين او روونا ٿيا، ان ويتون ويتون ڪوڍ ري پيماري ٿي هازا هورا تين اڀڙايا ٿي پويتر ٿي ڳيا. ①٥ اوڻون موئين ٿي هيڪه زڻه، زئيون زويو جي "هون هازو هورو ٿي ڳيوه،" تئين زور ٿي پڳوون را وڪوڻ ڪرتو پاسو ايسو ڪن آيو. ①٦ او ايسو ري پڳي اوين پڙيو نو، ان اوڻا رو تورو مونيو. هوه او منڪ سامري قوم رو هتو.

①٧ تيا مانه ايسو منڪون ننه ڪيڏو: "ڏه ٿي زئا اڀڙايا ٿي پويتر نٿي ٿيا، ڪي؟ تو پسڻه پاڻي نو ڪيه؟ ①٨ روڳو اي ڌاري قوم رو منڪ پڳوون را وڪوڻ ڪروا پاسو آيوه. پيڙا ڪم نٿي آيا؟"

①٩ پسڻه ايسو اوڻا منڪ ننه ڪيڏو: "اوڻين زا پرو. تئين يقين ڪريو، تيام ٿون پڇي ڳيوه."

پڳوون را راز ان منڪ ذات را ڏيڪرا را آيا را پارام

(متي 23:24-28، 37-41، لوقا 17:20-37)

②٠ هيڪ ڏي فريسي پالڻي ري ڪئينڪ منڪي ايسو ٿي پونسيو: "پڳوون رو راز

ڪيڏي اوشي؟ ”تيا مانھ ايسو اوتون نٿه ڪيڏو: ”پڳوونَ را راز ري ڪوئي ايوي نيشوني نٿي جيون ٿي اوتا را آيا رئي ڪپر پڙئه. (21) ان منڪ ام نئين ڪٺه جي ايتا ماڳ پڳوونَ منڪون مانھ راز ڪرئھ ريو، ڪا اوتا ماڳ پڳوونَ منڪون مانھ راز ڪرئھ ريو، ڪم توھاس ۾ پڳوونَ منڪون رون منون موئين راز ڪرئھ ان پڳوونَ رو راز تمون وسا سئھ.“

(22) پستھ ايسو شيلون نٿه ڪيڏو: ”ايوا ڏورا ڏي اوشي، زئيون تمې مارئھ راز ڪريا را توتا ھارو ھڪشو، جيڏي ھون منڪ ذات رو ڏيڪرو پڳوونَ را پاھا ٿي راز ڪروا آويھ. ان تمې ڪيشو جي ھايا توتا را روڳا ھيڪا ٿي ڏي نٿه پاڙون توڻي ٺيڪ. پڻ تمې پاڙي نئين ھيڪو. (23) منڪ تمون نٿه ڪيشي: ’زوتو، پڳوونَ را پاھا ٿي راز ڪريا واڙو ايتا ماڳ سئھ ڪا ’زوتو، اوتا ماڳ سئھ. پڻ تمې مت زايا نڪو اوتون وونھڙ ويا. (24) ڪم تو زم ويزڙئي ڪوتون آڪاش را ھيڪا ڌنگ ٿي پيڙا ڌنگ ھوڏي ڌرتي مانھ زبڪئھ، تم ھون منڪ ذات رو ڏيڪرو آپرئھ آيا رٿه توتئھ ھٽمارو ٻڌيل ساوو ٿيھ. (25) پڻ مور ٿي اي ضرور ٿيشي جي ايتا زمونا را منڪ مون نٿه گھٽا ڌڪ ڏيشي، ان مارا پارام ڦينصلو ڪرشي جي ھون پڳوونَ رو سونيل پچايا واڙو نٿي پڻ ڪوڙو سون.“

(26) زم نوح رون ڏيئون م ٿيو تو، تم منڪ ذات را ڏيڪرا رٿه آيا رون ڏيئون م پڻ ٿيشي. (27) اوتون ڏيئون م منڪ کاتا پيتا ريا، ان ويوا ڪرتا ريا، ان نيٺ او ڏي آيو زئيون نوح پيڙا موئين سڙي گيو، ان پڳوونَ را طرف ٿي ٻوڏ آوين اوتون ٻڌون منڪون نٿه ڪتم ڪريا پرا. (28) زم لوط رون ڏيئون م ٿيو تو، ھمروم پڻ ٿيشي. او منڪ کاتا پيتا، واپار ڪرتا، پوک ڪرتا ان گھر ناوتا ريا. (29) پڻ جيڏي لوط سدوم شھر ٿي ٻارو نيھري گيو، اوتھ ڏي پڳوونَ را طرف ٿي آڪاش ھون پاھي ان گھنڌڪ ٿي ٻڙتا پوٽا پڙيا ان اوت رون ٻڌون منڪون نٿه ڪتم ڪريا پرا. (30) ھمروم پڳوونَ رئي وات مونيا واڙا پچي زاشي، پڻ پيڙا ٻڌائي نئين پچئھ، جيڏي پڳوونَ مون منڪ ذات را ڏيڪرا نٿه ٻڌون ھومو ساوو ڪرشي.

③۱ اُوڻه ٿوڻه، جي ڪوڪ منڪ چت مانه هون، ان اُوڻا رو شيمون گهر موئين هون، تو اُو شيمون ليو نه اوتره. هيون نموننه جي ڪوڪ ٻني موئين هون، تو اُو آڀرو شيمون ليو پاسو گهري نه زانه. ③۲ ياڏ راکيا جي لوط ري ڏوشي ٿي ڪي ٿيو تو. ③۳ جيو ايڻا ڏنيا رڻي لالچ راکين آڀرڻي حياتي هڪي راکو ڪر، تو نيٺ اُوڻا ننه هميش رو موت زڙشي. پڻ جيو لالچ ساڏين موت هُوڏي پڳون ري وات مانه وڻ، تو اُوڻا ننه هميش رو جيون زڙشي.

③۴ هون تمون ننه ڪاتري ٿي ڪونه، اُوڻه ٿوڻه جي ٻي منڪ رات را هيڪا ڪاتلا مانه هوتل هوشي، تو پڳون هيڪا ننه اُوڻون لين پچاوشي ان پيزا ننه اُوڻه ساڏشي پرو. ③۵ جي ٻي ڏوشي پيزي ٻيني گهرنڻي ڦيروتي هوشي، تو پڳون هيڪي ننه اُوڻون لين پچاوشي، ان پيزي ننه اُوڻه ساڏشي پري. ③۶ (جي ٻي زڻا ٻني موئين هوشي، تو پڳون هيڪا ننه اُوڻون لين پچاوشي ان پيزا ننه اُوڻه ساڏشي.)



③۷ تيا مانه شيلي ايسو ٿي پونسيو: ”پريو، اي واتون ڪيا ماڳ ٿيشي؟“ تو ايسو ڪيڏو: ”جيئن پونڌائي هوشي، اُوڻه سزا زڙشي. جيئن ڍنڍوڪر هوشي، اُوڻه گهڙڏون پڻ آوين پيزي ٿيشي.“

ڪوٽا جج رو مثال

18 ① پسڻه ايسو شيلون ننه هر ٿوڻه پراڻا ڪريا هارو ان هيمنت نه هاريا هارو اي مثال رڻي وات همپزائوي: ② ”هيڪا شهر موئين هيڪ جج هتو. اُو نڪو پڳون ٿي پيڻاتو، ان نڪو منڪون رڻي پروا ڪرتو. ③ اُوڻا ٿي شهر موئين هيڪ رنڌال ڏوشي ريتي. اُو گهڙي گهڙي آوين جج ننه ڪيتي: ’هيڪ منڪ مارو حق ڪائي گيوه. مارو حق مون ننه لي ڏيو.‘ ④ جج گهڻا وڪت هُوڏي تو اُوڻا رڻي ڪين نه هومپڙي، پڻ نيٺ اُو سوچو مڏيو جي ’مون ننه نڪو پڳون رڻي پيڪ

سٺه نڪو منڪون رٿي پروا. ⑤ تونئي پڻ اي رونڌڻي رونڌ مُون ننه اتو تنگ ڪرڻه، جي هُون اوتڻا رو حق لي ڏيهه. نڪا اُو گهڙي گهڙي آوين مُون ننه ڪڪ ڪرشي. ” ⑥ پسنه پريو ايسو ڪيڏو: ”هومپزو جي کوٽو جج ڪي ڪنه ريو. ⑦ تو پسنه پگوون آپرون سونڍل منڪون ننه اوتون رو آپرو حق نئين ڏنه، ڪي، جيا ڏي رات اوتڻا ٿي مدت مونگنه ريا؟ پگوون اوتون رٿي مدت ڪريام ڌير ڪرشي، ڪي؟ ⑧ هُون تمون ننه ڪاتري ٿي ڪونه، اُو جلدِي ۾ اوتون رو حق ڏيشي، ايٺا وات ۾ ڪئين شڪ نٿي. پڻ شڪ رٿي وات اي سٺه جي زنيون هُون منڪ ذات رو ڏيڪرو آويه، تنيون جڳت ۾ ايوا يقين راکيا واڙا منڪ هوشي، ڪا نئين هوڻه.“

فريسي پالتي واڙا ان ناکو ليڏا واڙا رو مثال

⑨ پسنه ايسو اي مثال رٿي وات ڪئينڪ ايون منڪون ننه همپزاوئي جيا آپ مانه پروسو راکين آپ ننه پگوون را پيڏوهي هزمتا ان پيزون ٻڌون ننه گهٽ هزمين شيب راکتا.

⑩ ”هي منڪ پگوون را گهر موئين پرائتا ڪروا گيا. هيڪ فريسي پالتي رو منڪ هتو، ان پيزو ناکو ليڏا واڙو. ⑪ فريسي منڪ ڌار ٿين هومو اويو ان ام پرائتا ڪروا مڏيو: ’او پگوون، هُون ٿارو ٿورو مونونه جي هُون پيزون ٻڌون منڪون جيوو نٿي، جيا نگهڻي ڪرڻه، پئيمون سٺه، ان پونڏو ڪوم ڪرڻه، ان نڪو وڙي هايا ناکو ليڏا واڙا جيوو سون. ⑫ هُون هقتا ۾ هي ڏي ورت راکونه، ان ڪماڻي ريون ٻڌيون شينهنون ٿي ڏهه حسو ٿارا نوم مانه ڏيونه.“

⑬ پڻ ناکو ليڏا واڙو پيزون ٿي شيٽي اويو ريو. اوتڻه آپ ننه پگوون هومو زويا جيوو نه هزمين آڪاش هومو ٿي نه زويو، پڻ آپرون ڪرل ڏوهون ري ڪري ڏکي ٿين هيٺام ڊينڪون ليتون ليتون ڪيڏو: ’او پگوون، مُون ڏوهاري مانه ڏيا ڪرو!“

⑭ پسنه ايسو ڪيڏو: ”هُون تمون ننه ڪاتري ٿي ڪونه، جي اُو فريسي منڪ

نئين، پڻ اي پيزو منڪ پڳوون ٿي آپرون ڏوهون رئي ماڻهي لين پاسو گهري ڳيو پرو. ڪم تو جيو آپ ننه موتو هزمئھ، پڳوون اوتا ننه گهت ڪرشي. ان جيو آپ ننه گهت هزمئھ، پڳوون اوتا ننه موتو ڪرشي.“

ايسو ننڪون ٻازون ننه آشيرواڏ ڏئه

(متي 13:19-15، مرقس 13:10-16، لُوقا 15:18-17)

15) هيڪ وار منڪ ايسو ڪن ننڪون ٻازون ننه تيڙي آيا، زم ايسو اوئون مانھ هات راڪين آشيرواڏ ڏئه. پڻ زئيون شيلي اوئون ننه ڏيڪيا، تئيون او منڪون ننه وڙگائين هيڪل زايا رو ڪيوا مڏيا. 16) پڻ ايسو ٻازون ننه آپ ڪن تيڙايا، ان شيلون ننه ڪيڏو: ”ٻازون ننه مون ڪن آوا ڏيو، ان اوئون ننه مت روڪو، ڪم تو پڳوون رو راز ايئون ٻازون جيوون منڪون هارو سئھ. 17) هون تمون ننه هاس ڪونھ، جيو پڻ ٻاز جيوو تين پڳوون رو راز قبول نٿي ڪرتو، تو او پڳوون را راز موئين ماڳي نئين آوي هيڪئھ.“

شاڻوڪار منڪ ان پڳوون رو راز

تارن لبتا هارو ٻڌوئي ڪئين ساڏيا هارو تيار ريوو

(متي 16:19-30، مرقس 17:10-31، لُوقا 18:18-30)


18) هيڪ ڏي يهوديون رنه هيڪئھ آڳيوون ايسو ٿي پونسيو: ”ناڻوڪا ڳرو، مارنه ڪي ڪروو، جيا ٿي مون ننه پڳوون ڪن هميش رو جيون زڙنه؟“

19) ايسو اوتا ننه ڪيڏو: ”تمي ڪي سوچين مون ننه ناڻوڪو ڪوھ؟ پڳوون شوا پيزو ڪوئي ناڻوڪو نٿي. 20) تمون ننه پڳوون رون حڪمون رئي تو اڳي ڪهر سئھ، جي پوندو ڪوم نه ڪروو، ڪون نه ڪروو، سورئي نه ڪروو، ڪوڙئي هاڪ نه پروو، ان آپرا مان ٻاپ رو مون راڪوو.“

21) تو اوئھ ڪيڏو: ”هايون ٻڌون حڪمون مانھ تو هون ننڪو ٿڪو هوتون

وونھ ريو.

22) اي هومپيزين ايسو اوتا نئه كيتو: "هزون تمون موئين هيڪ وات ريل سئه. تمارو جئين كئين سئه او ويسين پئيها گريپون ڀر وراو پرا، تو تمون نئه آڪاش موئين آڪاشي ملڳت هميش رو جيون زڙشي، ان پسئه آوين مارا شيلا تين مون وونھڙ آو." 23) زئيون اوتھ اي وات هومپيزي، تو او گهڻو نيموڻو ٿيو، ڪم تو او الاهي شائوڪار منڪ هتو.



24) زئيون ايسو اوتا منڪ نئه نيموڻو ڏيڪيو، تئين ڪيتو: "ملڳت وازون رئه پڳون را راز موئين زاوو ڪتو ڏورو سئه." 25) ڪم تو شائوڪار منڪ رو پڳون را راز موئين زاوو ايوو ڏورو سئه، جي هيا را مقابلا ڀر اونت رو هوئي را ناڪا هونھرو متو هورو هوٺ.

26) تئين هومپيزيا وازي پونسيو: "جي شائوڪارون نئه تارن نئين زڙئه، تو پسئه ايوو ڪوڻ هوشي جيا نئه تارن زڙشي؟" 27) ايسو اوتون نئه ڪيتو: "جيا ڪوم منڪون ٿي نٿي ٿي هيڪتا، او پڳون ٿي ٿي هيڪه."

28) پطرس ڪيتو: "زوڻو، امي تو آڀرو ٻڌوئي ڪئين ساڏين تمارا شيلا تين تمون وونھڙ آياھ." 29) تيا مانھ ايسو اوتون نئه ڪيتو: "هون تمون نئه هاس ڪونھ، جيئھ پڳون را راز هارو آڀرو گهر، آڀري ڏوشي نئه، پايون بينون نئه، مان ٻاپ نئه، ڪا ٻازون نئه ساڏياھ،" 30) تو اوتا هر هيڪ نئه ايئا حياتي ڀر ساڏل شينھون ٿي گهڻو وڌيڪ زڙشي، ان آيا واري حياتي ڀر هميش رو جيون زڙشي.

ايسو ترٿمي وار آڀرا موت را پارام مور ٿي همپزاوئھ

(متي 17:20-19، مرقس 10:32-34، لوقا 18:31-34)

31) پسئه ايسو آڀرون ٻارون سونڊل شيلون نئه هيڪه ٻاهه ٿيڙي گيو ان اوتون

ننه ڪيڏو: ”زوتو، آبي يروشلم شهر هوما هالونھ ريا. ان اوتنه جي واتون پڳوون رو نياپو ڏيڏا وازا مون منڪ ذات را ڏيڪرا را پارام اڳي لڪي گيا، او ٻڌي پوري ٿيشي. (32) ڪم تو منڪ مون ننه زهلاوشي ان ڌاري قوم وازون منڪون رنه خوالته ڪرشي، جيا پڳوون ننه نٿي مونتا، ان او مون مانھ نٿولي ڪرشي، مارئي پيعزتتي ڪرشي، ان مون مانھ ٿوڪشي. (33) او مون ننه چاڳا هٿشي ان پسنه مون ننه مارشي پرو. پڻ ترٿمته ڏي هون وزي جيوي اويھ.“

(34) پڻ شيلا اوئون موئين ٿي هيڪ ئي وات نه هزميا. اي واتون اوئون را هزميام نه آوي، ان اوئون ننه ڪئين ڪهر نه پڙئي جي ايسو ڪي ڪه ريو.

ايسو اوندا فقير ننه هازو هورو ڪرته

(متي 20:29-34، مرقس 10:46-52، لوقا 18:35-43)

(35) زئيون ايسو پنڌ ڪرتون يريخو شهر ڏوڪڙو آوين پوڳيو، تو اوتنه شيرڙا مانھ هيڪ اونڌو منڪ پينو مونگتوت ريو. (36) زئيون اوته هومپڙيو جي گهٽا



منڪ مٽھ ريا، تئيون اونڌڻه پُونسيو: ”ڪي ٿھ ريو؟“ (37) تو منڪي اُوئا نٽھ ھمپڙايو جي ”ايسُو ناصرت شھر وازو آوئھ ريو.“ (38) تئيون اُوئھ زور ٿي ڪيڏو: ”او ايسُو، دائود پاڏشا را وستار، مُون مانھ ڏٺيا ڪرو!“ (39) پڻ جيا منڪ مور ۾ زاتات ريا، اُوئي اُوئا نٽھ ھاڪل ڪرين ڪيڏو: ”ماٺ ڪر!“ پڻ اُو ماڳي زور ٿي ڪيو مڏيو: ”او دائود پاڏشا را وستار، مُون مانھ ڏٺيا ڪرو.“

(40) تيا مانھ ايسُو اُوپو ريو ان منڪون نٽھ ڪيڏو: ”ھايا نٽھ مُون ڪن تيڙي آوو!“ زئيون اونڌا نٽھ ڏوڪڙو تيڙي آيا، تو ايسُو اُوئا ٿي پُونسيو: (41) ”ٿارئي مرضي ڪي سٺھ، جي هُون تُون هارُو ڪي ڪرون؟“ تو اُوئھ ڪيڏو: ”ساڏو جي، مُون نٽھ هازو هورو ڪرو، زم هُون وڙي ڏيڪي هيڪون.“ (42) تو ايسُو اُوئا نٽھ ڪيڏو: ”تُون هازو هورو ٿه! تئين يقين ڪريو، تيام تُون پڇي گيوھ.“

(43) اُو جهت موئين وڙي ڏيڪو مڏيو، ان پڳوون را وڪوڻ ڪرتو ايسُو وونھڙ ويوا مڏيو. زئيون اسرائيلي قوم ري منڪي اي ڏيڪيو، تئيون اُوئي ٻڌي پڳوون رو ٿورو مونيو.

ايسُو زڪائي ري گھري زائھ

19 ① پسنھ ايسُو يريخو شھر موئين آوين شھر موئين ٿي زاتوت ريو. ② اُوئھ هيڪ منڪ هتو جيا رو نوم زڪائي هتو. اُو ناڪو ليڏا وازون رو نيڪيڏار ان شائوڪار منڪ هتو. ③ اُو ايسُو نٽھ زويا رئي ڪوشش ڪرتوت ريو جي اُو ڪيوو سٺھ. پڻ گھڻون منڪون ري رش ري ڪري، اُو ايسُو نٽھ ڏيڪي نه هيڪيو، ڪم تو آڀ قد رو چوتو هتو. ④ تيام اُو ٿوڙوڪ مور ۾ ڊوڙين ايسُو نٽھ زويا هارُو انجپير را هيڪا وڻ مانھ سڙين پينو، ڪم تو ايسُو اُوئا شيرڙا مانھ تين متيا وازو هتو.

⑤ ايسُو زئيون اُوئا ماڳ پوگيو، تئيون اونسو زوئين اُوئا نٽھ ڪيڏو: ”او زڪائي، هُوئھ نيسا اوتري آوو، ڪم تو آڙ مارئھ تماري گھري ٽڪوھ.“

⑥ اُو هٽمارو نيسو اوتري آيو، ان ايسو ننه ڪشي ٿي آڀري گهري تيڙي ڳيو.

⑦ اي ڏيکين ٻڌائي منڪ ايسو رئي ڳلا ڪرين ڪيو مڌيا: ”اي موتا ڏوهاري ري گهري رات تڪيا هارو ڳيوه.“ ⑧ پڻ زڪائي اُوپين پريو ايسو ننه ڪيڏو: ”ساڏو جي، هونو هون آڀري ملڳت رو اڌ حصو ڳريبون ننه وراوي ڏيونه، ان جي مئين ڪياڪ ٿي نڳي ڪري هوشي، تو هون اوتنا ننه چئو پري ڏيه.“

⑨ پسئو ايسو زڪائي را پارام ڪيڏو: ”آز ايئا گهر را منڪ پڳون ري سزا ٿي پچي ڳياھ. ڪم تو اي پڻ ابراهيم رو وستار سئو، ان هونو آڀرا ڏاڏا ابراهيم را زم وشواس راکئو. ⑩ ان هون منڪ ذات رو ڏيڪرو، جيا پڳون ٿي شيتي ٿي ڳيا، اوتون ننه پاسا تيڙي آووا ان پچاوا آيوه.“

پاسو آيا واڙا يادشا رو مثال

ايسو آپ را پارام شيڪارڙه

(متي 14:25-30، لوقا 11:27-28)

⑪ زئيون منڪ اي واتون هومپڙتات ريا، تئيون ايسو اوتون ننه اي مثال رئي وات پڻ همپڙاوي، ڪم تو او يروشلم شهر موئين پوڳيا واڙو هتو، ان منڪ ام هزمتات ريا جي ايسو پڳون را پاها ٿي يادشا تين همئنه گهڙيڪ راز ڪشي.

⑫ ايسو اوتون رئي ڳلت سوچ همئي ڪريا هارو ام ڪيڏو: ”هيك موتو منڪ هتو. او شيتي ملڪ هومو موتا يادشا ڪن روونو ٿيو، زم موتو يادشا اوتنا ننه پڻ يادشا ناوئو، ان پسئو او پاسو آوين آڀرا ملڪ مانھ راز ڪئم. ⑬ زايا مور اوئو آڀرون نوڪرون موئين ٿي ڏهون زتون ننه تيڙاوين اوتون ننه پونس پونس هزار روپيا ڏيڏا ان ڪيڏو: ’زئيون هودِي هون پاسو نه آوون، تئيون هودِي ايئون ٿي واپار ڪريا. ⑭ پڻ جيا منڪ اوتنا ملڪ موئين ريتا، او اوتنا منڪ ٿي وير راکتا. تيام اوئي آڀرون منڪون ننه اوتنا وونهي موتا يادشا ننه ڪي ميليو: ’امارئي مرضي نٿي جي اي منڪ امون مانھ راز ڪئم.’

⑮ زئيون موتو منڪ پادشا تين پاسو آيو، تئين اوئون نوڪرون ننه تيڙايا، جيون ننه اوئه پئيها ڏيڏا تا، زم او هر هيڪ ٿي ڪهر پاڙهه جي واپار ڪريا ٿي ڪتو ڦاڻيڏو ٿيوه. ⑯ پيرهيون آيو ان ڪيڏو: 'ساب، تمارون ڏيڏل پونسون هزارون ٿي پيزا پنجاه هزار رُوپيا ڪموڻوه. ⑰ تو پادشا اوئا ننه ڪيڏو: 'شاپاش، تون نائوڪو نوڪر سئه. هوئه هون تون ننه ڏهون شهرون رو راز ڏيونه، ڪم تو تون توڙام ايمونڌار ريوه. ⑱ پيزو نوڪر آيو ان ڪيڏو: 'ساب، تمارون ڏيڏل پونسون هزارون ٿي پيزا پنجويه هزار رُوپيا ڪموڻوه. ⑲ تو پادشا اوئا ننه پڻ ڪيڏو: 'هون تون ننه پونسون شهرون رو راز ڏيونه. ⑳ هيڪ پيزو نوڪر پڻ آيو ان ڪيڏو: 'ساب، تمارا ڏيڏل پونس هزار رُوپيا اي ريا. اي مئين رومال موئين ٻوندين راکيا تا، ㉑ ڪم تو هون تمون ٿي پيوڻو جي تمي ڏورا منڪ سو. جيو تمي پيزو نٿي ڪريو او تمي اوپاڙوه، ان جيو تمي نٿي پوڪيو او تمي لئوه. ㉒ تيا مانه پادشا اوئا ننه ڪيڏو: 'پونڌا نوڪر، ٿاري آڀري وات ٿي هون ٿارو ڏوه ڪاڍونه. نيڪ سئه، تون ام هزمئه جي هون ڏورو منڪ سون، ان جيو مئين پيزو نٿي ڪريو او هون اوپاڙونه، ان جيو مئين نٿي پوڪيو او هون لئونه. ㉓ تو پسئه تئين مارا پئيها وياز مانه ڪم نه ڏيڏا؟ تون هم ڪرنت، تو پاسو آوين گهت ۾ گهت مون ننه وياز تو زڙت.


㉔ پسئه پادشا اپرون سپايون ننه ڪيڏو: 'ايئا ٿي هائي پونس هزار ڪوهي ليو، ان اوئا ننه ڏيو پرا، جيا ڪن پنجاه هزار رُوپيا سئه. ㉕ تو اوئي ڪيڏو: 'ساب، اوئا ڪن تو اڳي پنجاه هزار رُوپيا سئه. ㉖ پڻ پادشا ڪيڏو: 'هون تمون ننه ڪاتري ٿي ڪونه، جيا ٿي ڪئينڪ ڦاڻيڏو سئه، تو اوئا ننه وڌيڪ ڏيوراشي. ان جيا ٿي ڪئين ڦاڻيڏو نٿي، جنين ڪئين اوئا ڪن سئه، او پڻ اوئا ٿي ڪوهراشي. ㉗ پڻ مارا ڏشمن جيون رئي مرضي نٿي جي هون اوئون مانه راز ڪرون، اوئون ننه ايئنه تيڙي آوو، ان مارئه رُوپرو اوئون ننه مارو پرا. "

يَرُوشلم شهر ۾ ايسنو رو اڪري هفتو

ايسنو يَرُوشلم شهر ڏوڪڙو آوئھ
ان گھڻا منڪ اُوئا نئہ ڀڳوون رو سنونيل ڀڄايا وازو ڪريست مونين
اُوئا را وڪون ڪرئھ

(متي 11-1:21، مرقس 11-1:11، لُوقا 19-28:19، يُوحنّا 12:12-19)

②8 ڀسئھ ايسنو اي واتون ڪرين يَرُوشلم شهر هومو مور تين وُڍو. ②9 زئيون او زيتون نومي ڏونگر ڪن بيت فگي ان بيت عنياه پاڙون ڏوڪڙو آيو، تئين بيئون شيلون نئھ ام ڪين مور ٿي ميليا: ③0 ”هومليا پاڙا موئين زائو، ان زئيون



تمي اُوئا موئين پُوگشو، تو اُوئئھ گھڏيڙا رو هيڪ وشيرو بوندل ڏيڪشو، جيا مانھ اگي ڪيئھ سوٽارئي نئي ڪري. اُوئا نئھ سوڙين ايئھ هاکلي آيا. ③1 جي ڪوئي تمون ٿي پونسئھ: ’تمي ايئا نئھ ڪم سوڙوھ ريا؟‘ تو تمي ڪيا جي ’ايئا رئي پريو نئھ ضرورت سئھ.“

③2 ڀسئھ او شيللا شيرڙو لين گيا، ان

زم ايسنو اوئون نئھ ڪيڏو تو، هرورم ڏيڪيو. ③3 زئيون وشيرا نئھ سوڙتات ريا، تو اُوئا ري ڏيئي پونسيو: ”تمي وشيرا نئھ ڪم سوڙوھ ريا؟“ ③4 اُوئي ڪيڏو: ”ايئا رئي پريو نئھ ضرورت سئھ.“

③5 ڀسئھ او وشيرا نئھ ايسنو ڪن هاکلي آيا، ان آپرا توئال وشيرا مانھ پاڙين ايسنو نئھ اُوئا مانھ ساڙيو. ③6 ڀسئھ ايسنو گھڏيڙا مانھ روونو ٿيو، ان زاتون زاتون، ايسنو نئھ مون ڏيڏا هارو منڪ اُوئا مور شيرڙا مانھ آپرا

توڻال وساوتات ريا. ③7 زئيون ايسو اونا ماڳ ڏوڪڙو پوڳيو جيئن زيتون نومي ڏونگر ٿي شيرڙو نيسو اوترئھ، تتيون ايسو را جيا گھڻا شيلا اوتھ هتا، او ٻڌائي گھڻا ڪش ٿيا. ان جيا ڪوم پڳوون ري ڪڙا ٿي ايسو ڪريا تا ان اوئي ڏيڪيا تا، اوئون ٻڌون هارو او زور ٿي ايسو ري ڪري پڳوون را وڪوڻ ام ڪروا مڏيا:

③8 ”ايشور رو آشيرواڏ ايئا يادشا مانھ هوئ،

جيو ايشور را پاھا ٿي اوئھ.

آڪاش موئين هڪ تھ

ان پرميشور را وڪوڻ تھ.

③9 تيا مانھ اوئون منڪون موئين ٿي فريسي پالٽي ري ڪئينڪ منڪي ايسو نئھ ڪيڏو: ”او گرو، تمارون شيلون نئھ هم ڪيڏا رو نا پاڙو!“ ④0 پڻ ايسو اوئون نئھ جواپ ڏين ڪيڏو: ”هون تمون نئھ ڪاتري ٿي ڪونھ، جي اي ماڻ ڪري گيا، تو پوڻا پڻ زور ٿي مارئي جي ٻوللوا مڏشي، جي هون پڳوون را پاھا ٿي راز ڪريا وازو سون.“

ايسو يروشلم شهر هارو روئھ ڪم تو اوت ري منڪي نه اوڙڪيو
جي او پڳوون رو سونيل پچايا وازو سئ

④1 زئيون ايسو يروشلم ڏوڪڙو آيو، تتيون شهر نئھ ڏيڪين اونا هارو گھڻو رويو ④2 ان ڪيڏو: ”او يروشلم، تارا منڪ جي روڳو آڙ ٿي اوڙڪت جي آڀرو هڪ ليڏا هارو ڪي ڪروو، تو نيڪ ٿت. پڻ هزون هوڏي هائي وات اوئون ٿي هتال سئ. ④3 جي اوڙڪت، تو نيڪ ٿت، ڪم تو ايوا ڏي اوئون مانھ آوشي، جيڏي اوئون را ڏشمڻ يروشلم شهر ڪوهيا هارو شهر رئھ چوڌاري موٽي پينت ناوشي پري، ان شهر رئھ چوڌاري ڦري آوشي. ④4 او شهر نئھ پونگشي پرو، ان منڪون نئھ شهر موئين را موئين مارشي پرا، ان يروشلم شهر را پتر ٿي هازا نئين

رئ، ڪم تو اوت ري منڪي ايئا توثا نئه نه اوزڪيو، زئيون پڳوون اوتون نئه
پچاووا آيو.

ايسو پڳوون را گهر موئين ٿي واپار ڪريا وازون نئه بارا ڪاڍه

(متي 17-12:21، مرقس 19-15:11، لُوقا 48-45:19، يوحنا 2-13:22)

④5 تيا ڪيڙ ايسو يروشلم شهر موئين زائين پڳوون را گهر موئين گيو. ان جيا
منڪ پڳوون را گهر موئين پڳوون را نوم مانه سڙايا هارو مال ويستات ريا،
اوتون نئه بارا ڪاڍوا مڏيو ④6 ان ڪيڏو: ”شاستر موئين پڳوون رئي اي وات
لڪل سئه:

‘مارو گهر پرائنا ڪريا هارو هوشي’

پڻ تمي ايئا نئه آڀري ڪمائي رو نمونو نايوه ان زوئه ايئا نئه ڌاڙيلون رئي
پٿارئي ناوين پيٺاه.

④7 پسته ايسو پڳوون را گهر موئين تاريڪ منڪون نئه شيڪاڙوا لاڳيو. پڻ
موتا پوزاري، شاستر زوٽيا وازا ان اسرائيلي قوم را موتا منڪ ايسو نئه مراووا
ڪرتات ريا. ④8 پڻ اوتون نئه ڪبر نتئي پڙتئي جي ”ڪم ڪرين ايئا نئه مراوون؟“
ڪم تو اوتون ري آڀري اسرائيلي قوم را ٻڌائي نونا منڪ ايسو ري واتون ڪون
ڏين هومپڙتا.

يهودي ترم را آڳيوون ايسو ري اڪتباري را پارام سوئال پونسٿه

(متي 27-23:21، مرقس 27-23:11، لُوقا 8-1:20)

① اوتون ئي ڏيئون موئين هيڪ وار زئيون ايسو پڳوون را گهر موئين
20 اسرائيلي قوم رن منڪون نئه شيڪاڙوت ريو ان ڪشي رئي ڪبر
همپڙوتوت ريو، تو موتا پوزاري، شاستر زوٽيا وازا ان اسرائيلي قوم را آڳيوون
پيڙا ٿين ايسو ڪن آيا ② ان پونسٿو: ”تمي ڪيا را ڪيڏا ٿي اي ڪوم ڪروه؟“

ڪيئن تمون ننه اي ڪوم ڪريا رڻي اڪتباري ڏيڏيھ؟“

③ ٿيا مانھ ايسو اوئون ننه ڪيڏو: ”ھون پڻ تمون ٿي ھيڪ وات پونسونھ. تمي مون ننه اي ھمپڙاو ④ جي يوحنا پڳوون را طرف ٿي پويتر سنون ڏيتو، ڪا منڪون را طرف ٿي؟“

⑤ تو پسنه او آپت موئين ڪيا مڏيا: ”جي آبي ام ڪيشون: ’پڳوون را طرف ٿي، تو اي آپون ننه ڪيشي: ’پسنه تمي اوئا رڻي وات ڪم نه مونئي؟‘ ⑥ ان جي آبي ام ڪيشون: ’منڪون را طرف ٿي، تو آپئي ٻڏي قوم آپون ننه پوئا هڻين مارشي پرا. ڪم تو ايئون ننه پڪئي ڪاتري سڻه جي يوحنا پڳوون رو نياپو ڏيڏا وازو هتو.“ ⑦ پسنه اوئي ڪيڏو: ”امون ننه ڪهر نٿي جي يوحنا ڪيا را طرف ٿي پويتر سنون ڏيتو.“

⑧ ٿيا مانھ ايسو اوئون ننه ڪيڏو: ”تو پسنه هون پڻ تمون ننه نئين همپڙاوون جي هون ڪيا را ڪيڏا ٿي اي ڪوم ڪرونه ريو.“

ڳولون ھازيون رو مثال

ايسو آپ ننه ڏيڻي رو ڏيڪرو ڪين آپ را پارام شيڪاڙه

(متي 33:21-46، مرقس 12:1-12، لوقا 9:19-20)

⑨ پسنه ايسو وڙي منڪون هومو ڦرين اي مثال رڻي وات همپڙاوو مڏيو: ”هيڪ زميدار هتو. اوئه ڌراڪون رو ٻاگه پوکايو تو. پسنه ٻاگه موئين ھازي اوپاڙين آپ گهڻون سالون ھارو ڪياڪ شيئي ملڪ ۾ گيو پرو.

⑩ زئيون ڌراڪون پاڪيا را ڏي آيا، تو ڏيڻي آپرا هيڪا نوڪر ننه آپرو حصو ھازيون ڪن ليوا ميليو. پڻ ھازيئي اوئا ننه ماريو ان نالي ھاڻي پاسو ميليو پرو. ⑪ پسنه ڏيڻي هيڪ پيزو نوڪر ميليو. پڻ ايئي اوئا ننه پڻ مارين اوئا رڻي پيعزتي ڪرين اوئا ننه نالي ھاڻي پاسو ميليو پرو. ⑫ پسنه ڏيڻي وڙي ترئمو نوڪر ميليو. پڻ ايئي اوئا ننه پڻ ماري مارين لوٽياڙو ڪرين ٿيلا ڏين ٻاگه ٿي



ٻارو ڪاڍيو پرو.

⑬ تئين ٻاڳھ رڻه ڌڻي سوچيو:
 ’هون ھون ڪي ڪرون؟ نيڪ سڻه. هون
 آڀرا پريمي ڏيڪرا نڻه ميليھ. هاري
 ضرور اينارو مون راکشي.‘ ⑭ پڻ زنيون

هاري ڌڻي را ڏيڪرا نڻه ٻاڳھ موئين آوتون ڏيڪيو، تو آڀت موئين اي صلاح
 ڪروا مڌيا: ’هائي تو ڌڻي رو ڏيڪرو سڻه. ليو، آڀي هايا نڻه مارون پرو! پسنه
 اي ٻاڳھ هايا رو نئين ٿڻه، پڻ آڀو ٿي زاشي.‘ ⑮ پسنه ايڻي ڌڻي را ڏيڪرا نڻه
 ٻاڳھ ٿي ٻارو ڪاڍين ماريو پرو.

پسنه ايسو منڪون نڻه ڪيڏو: ”هون ٻاڳھ رو ڌڻي ريو، او هاريون ٿي ڪي
 ڪرشي؟ ⑯ او آڀ اوشي، ان ايئون هاريون نڻه مارشي پرا، ان آڀرا ٻاڳھ ري
 همپار هارو پيزا منڪ راکشي.“

اي هومپزين منڪي ڪيڏو: ”ام نه ٿڻه!“ ڪم تو او اوڙڪي گيا جي ايسو اي
 مثال اوئون مانھ ڪيڏيھ. ⑰ پڻ ايسو اوئون هومو زوين ڪيڏو: ”جي هم ٿيا
 رو نه هوٽ، تو پسنه اي شاستر رڻي وات ڪيوو مطلب ڏيڪارڻھ؟

’جيا پتر نڻه رازي گهٽ هزمين ڦڳوزيو تو پرو،
 او هاڳي پتر ٻڌون ٿي ضرورت وازو ٿيوھ.‘

هائي پتر پڳوون رو سونڍل او رو او ڌڻي رو ڏيڪرو سڻه. جيو ڪوئي پڳوون را
 سونڍل ري واتون نئين مونڻه، تو اوئا نڻه ضرور سزا زڙشي. ⑱ جيو اوئا پتر ٿي

آڪڙين پڙشي، او اڙئي اڙئي ٿي زاشي. ان جيا مانه او پتر پڙشي، اوتا ننه آتو آتو ڪرشي پرو.

①9 اوتنه ئي توتنه شاستر زوتيا وازي ان موتي پوزاريئي ايسو ننه زهالوا ڪريو، ڪم تو او هزمي گيا جي ”ايسو اي مثال رئي وات امارا پارام ڪيڏيهه،“ پڻ او آپري قوم رون منڪون ٿي پيڻاتات ريا ڪم تو گهڻا منڪ ايسو رنه پاهنه هتا.

منڪ ايسو ننه ترم ان حڪومت را چڪر ۾ ڦٽڙايا هارو ٽيڪس را پيڻها پريا را پارام سوئال پونسهه

(متي 22:15-22، مرقس 13:13-17، لوقا 20:20-26)

②0 تيا ڪيڙ شاستر زوتيا وازي ان موتي پوزاريئي ايسو ننه اونڪ ۾ راڪيو ان جونچوس ايسو وونهي ميليا، زم ڌرمي منڪ ٿين ايسو ننه آپري وات موئين ڦٽڙاوتنه، ان پسنه صوپا مانه راز ڪريا وازا ڪن زهلاوين روم ري حڪومت را قوضام سزا ڏيورايا هارو ڏنه پرو.

②1 هم سوچين جونچوسي ايسو ننه ڪيڏو: ”گرو جي، امون ننه تو ڪپر سئه جي جئين ڪئين تمي ڪوه ان شيڪاڙوه، او ٻڌوئي ڪئين ٽيڪ سئه، ان تمي ڪيا رو پڻ پاهو نٿي لپتا، پڻ تمي هاس پرموتنه پگهون رو مارگ ڏيڪاڙوه. ②2 هوه ڌرم پرموتنه امارنه رومي حڪومت را پاڌشا ننه ٽيڪس را پيڻها ڏيوو ڪپنه، ڪا نا؟“

②3 ايسو اوئون رئي چالاڪي هزمي گيو جي او مون ننه ڪا ڌرم رنه ڪلاڦ ڪا حڪومت رنه ڪلاڦ ٻولڙوا ڪرئه. تيام اوئون ننه ڪيڏو:



②4 ”چونڌي رو سڪو مون ننه ڏيڪاڙو. اينا مانه ڪيا رو قوتو سئه ان ڪيا رو نوم لڪل سئه؟“ تو اوئي ڪيڏو: ”رومي حڪومت را پاڌشا رو.“

②5 تيا مانھ ايسُو اوتون نئھ ڪيڏو: ”جو پاڏشا رو سئھ، اُو پاڏشا نئھ ڏيو. ان جو پڳوون رو سئھ، اُو پڳوون نئھ ڏيو.“

②6 جونچوس آپري قوم رون منڪون هوما ايسُو نئھ آپري وات موئين نه ڦٽراوي هيڪيا، پڻ ايتا را جواب مانھ حيرون ٿين مان ڪري ڳيا.

منڪ ايسُو نئھ ڦٽرايا هارُو مرلون را جيوي اُونيا را پارام سوئال پونسئھ

(متي 23:22-33، مرقس 12:18-27، لُوقا 20:27-40)

②7 پسنھ صدوقِي پالتي را ڪئينڪ منڪ ايسُو ڪن آيا. هونھ صدوقِي پالتي وازا اي وات نتي مونتا جي پڳوون مرل منڪون نئھ وڙي جيوي اوناڙشي. اُوئي ايسُو تي پونسيو: ②8 ”گرو جي، موسي آپون هارُو شاستر موئين ام لڪيوھ: جي پرتاول آدمي اولاد ووتو مري زائھ، تو اونا رو پائي اونا ري رندال ڏوشي نئھ آپرا گھر ۾ راکئھ، زم آپرا مرل پائي هارُو اولاد ٿئھ. ②9 هونھ، هات پائي هتا. پيرهيون پائي پرتيو ان اولاد ووتو مري ڳيو. ③0 تو پيزئھ پائي هايا حڪم پرموتئھ اونا ري ڏوشي نئھ آپرا گھر ۾ راکئي، ان اُو پڻ اولاد ووتو مري ڳيو. ③1 ترئما پائي تي پڻ همروم ٿيو. ان هيونھ نمونئھ هات ئي پائي هاڳي ڏوشي نئھ آپرا گھر ۾ راکين اولاد ووتا مري ڳيا. ③2 نيٺ اُو ڏوشي پڻ مري ڳئي. ③3 هونھ زئيون پڳوون مرل منڪون نئھ جيوي اوناڙشي، تو ايتون هاتون پايون موئين تي اُو ڏوشي ڪيا رئي ٿيشي؟ ڪم تو هاتي زئي اونا نئھ گھر ۾ راکئي تي.“

③4 تيا مانھ ايسُو اوتون نئھ ڪيڏو: ”ايتا ڏيا ۾ منڪ پرتئھ ان ڏوشي گھر ۾ راکئھ، ③5 پڻ جيا منڪ پڳوون مرلون موئين تي جيوي اوناڙين آڪاش موئين ريا جيوا هزمئھ، اُو اوتئھ آڪاش موئين نڪو پرتشي نڪو ڏوشي گھر ۾ راکشي، ③6 ڪم تو آڪاشي ڏوتون جيوا ٿين اُو ڪيڏي نئين مرئھ، ان اُو پڳوون را باز

هوشي، ڪم تو پڳوونَ اُوئون نئه مرلون موئين ٿي جيوتا ڪرشي.
 (37) هونءَ پڳوونَ رئه مرلون نئه جيوي اوناڙيا رئي وات موسيٰ آپ ساوئي همپڙاوي ٿئي. شاستر موئين جيا ماڳ ٻڙتا زهاڙڪا را پارام لڪل سئه، اوتا ماڳ موسيٰ ايشور نئه ابراهيم، اِضحاق ان يعقوب رو پڳوونَ ڪئھ. (38) ايئا ٿي وات ساوئي سئه جي اُو منڪ پلئه مري گيا تا، توئي پڻ جيوتا سئه. پڳوونَ تو مرلون رو نٿي پڻ جيوتون رو سئه، ڪم تو اُو ٻڌائي پڳوونَ ٿي واسطو راڪيا ري ڪري جيوتا سئه.

(39) اي هومپڙين ڪئينڪ شاستر زوٿيا وازي ڪيڏو: ”گرو جي، تمي نيڪ ڪيڏوھ.“ (40) ڪم تو اُوئون رئي هيئت نه رئي جي اُو وڌيڪ واتون ايسو ٿي پونسئھ.

ايسو شيڪاڙئھ جي پڳوونَ رو سونڍل پڇايا وازو ڪريست دائود پادشا ٿي الاهي گهڻو موٽو سئ

(متي 41:22-46، مرقس 35:12-37، لوقا 41:20-44)

(41) تيون ايسو اُوئون ٿي پونسئو: ”منڪ ڪم ڪرين ڪئھ جي پڳوونَ رو سونڍل پڇايا وازو ڪريست روڳو دائود پادشا رو پوترو سئه؟“ (42) ڪم تو دائود آپ آپرا پزون را ڪتاب زبور موئين ڪريست نئه آپرو پڙيو ڪين ام لڪيو:
 ايشور مارا پڙيو نئه ڪيڏو:

مارئھ زمئئھ پاهئھ مون ۾ پيه،

(43) زئيون هوڏي هون ٿارون دشمنون نئه هراوين

تاري پڳي نه لگاڙون.

(44) زئيون دائود آپ پڳوونَ را سونڍل پڇايا وازا ڪريست نئه پڙيو ڪئھ، تو پسئھ ڪريست ڪم ڪرين اوتا رو روڳو پوترو ٿيو؟“

ايسُو شاستر زوٿيا واڙون ٿي هوشيار ريا رو ڪٺه

(متي 1:23-36، مرقس 12:38-40، لُوقا 20:45-47)

④5 تئيون اسرائيلي قوم رن ٻڌون منڪون رنه رُوپرو، ايسُو آرون شيلون ننه ڪيڏو: ④6 ”شاستر زوٿيا واڙون ٿي هوشيار ريا، ڪم تو او گهنگها پيرين منڪون هوما ڦريا رو شونق راکنه، ان اوئون رو اي پڻ شونق سئه، جي منڪ اوئون ٿي يازارون ۾ نمي نمين مڙهه، ان او پڳوون رن منڏرون موئين گهاڏيون مانه پيههه، ان داوتون ۾ مون وازا ماڳ ۾ پيههه. ④7 او هاڳي سئه جيا ٺڳي ڪرين رنڌال ڏوشيون را گهر ڦرهن، ان آپ ننه ناوڪا ڏيڪاڙيا هارو موتي موتي پراٿائون ڪرهن. هايون ننه پڳوون گهڻي سزا ڏيشي.“

رنڌال ڏوشي رو ڏون

(مرقس 12:41-44، لُوقا 21:1-4)

21 ① تئيون ايسُو هومو زويو، تو ڪئينڪ ملڳت وازا منڪ پڳوون را گهر را ڪزونا ريون پيتيون موئين آرو آرو ڏون نوڪتات ريا. ② ان



ايسُو هيڪي گريپ رنڌال ڏوشي ننه پڻ پيتي موئين بي ڪوري نوڪتون ڏيڪي. ③ تئيون ايسُو شيلون ننه ڪيڏو: ”هون تمون ننه هاس ڪونه، ايئه گريپ رنڌال

ڏوشي هايون ٻڌون منڪون ٿي گهڻو ڏون ڏيڏوه. ④ ڪم تو هائي ٻڌي منڪي آري گهڻي ملڳت موئين ٿي پڳوون را نوم مانه روڳو توڙڪوڪ حصو ڏيڏوه، پڻ ايئه رنڌال ڏوشي آري گريبي ري حالت موئين زتو پڻ گهري هتو، ٻڌوئي ڪئين ڏون ۾ ڏيڏوه پرو.“

ايسو پڳوونَ رو گهر کنتر تيا را پارام مور ٿي همپزاوئھ

(متي 2-1:24، مرقس 2-1:13، لوقا 6-5:21)

⑤ شيلون موئين ٿي ڪئينڪ زئا پڳوونَ را گهر را پارام واتون ڪرتات ريا جي ”اي ڪيوون نائوڪون پوئون ان پڳوونَ را نوم مانھ ڏيڏل شينھون ٿي شنگارل سئھ.“ تيا مانھ ايسو ڪيڏو: ⑥ ”جئين تمي همئئھ ڏيڪوھ ريا، ڪوڪ وڪت ايوو آوشي زئيون ايئا موئين ٿي هيڪ ئي پتر ھازو نئين پچئھ، ان اي پڳوونَ رو گهر ھاو ڪتم ٿي زاشي.“

ايسو مور ٿي همپزاوئھ جي پڳوونَ رو گهر کنتر تيا مور ڪي ٿيشي ان هوشيار ڪرئھ جي ھاڻي بدوئي دنيا رئي پچاڙئي نٿي

(متي 14-3:24، مرقس 13-3:13، لوقا 19-7:21)

⑦ تئيون شيلي ايسو ٿي پونسيو: ”گرو جي، اي پڳوونَ رو گهر ڪتم تيا رئي وات ڪيڏي ٿيشي؟ ان ڪيوو نيشون ٿيشي جيا ٿي ڪپر پڙئھ جي اي وات تيا واڙئي سئھ؟“ ⑧ تو ايسو ڪيڏو: ”هوشيار ريا، متون تمي پولاڻي نه زائو. ڪم تو گھئا منڪ مارا نوم ٿي آوشي، ان ڪيشي ’پڳوونَ رو سونڊل پچايا واڙو ڪريست هون سون‘ ان وڙي ڪيشي ’پچاڙي واڙو ٿوڻو آوي پوگيوھ.‘ پڻ متون تمي اوئون ري واتون مونين اوئون وونھڙ زائو. ⑨ زئيون تمي جنگون ان جهيڙون را پارام هومپڙو، تئيون مت پٽايا، ڪم تو مور ٿي ھاڻي واتون ضرور ٿيشي، پڻ دنيا رئي پچاڙئي جھت موئين نئين ٿئھ.“

⑩ پسنھ ايسو اوئون نئھ ڪيڏو: ”قوم قوم ٿي وڌشي ان ملڪ ملڪ ٿي وڌشي. ⑪ زمئي جيئئھ تيئئھ گھڻي ڏبشي، ان گھڻي ماڳي موتي پيماري پڪڙشي ان ڏڪار پڙشي. آڪاش موئين پيئونڪڻي واتون ان موتا نيشون ساوا ٿيشي.“

⑫ پڻ اي ٻڌي واتون ٿيا ٿي مور، منڪ تمون نئه زهالشي، ان تمون نئه تنگ ڪرشي. او تمون نئه پڳوون رون منڌرون ريون پنچائيتون موئين ڏيشي، ان جيلون موئين پوراوشي، ان تمون نئه پاڌشائون ان راز ڪريا واڙون ڪن تيڙي زاشي، ڪم تو تمي مارا شيللا سو. ⑬ اونا رو اي نقو ٿيشي، جي تمون نئه مارئي هاڪ پريا رو موقعو زڙشي. ⑭ تيام آڀرا من موئين اي وات پڪئي راکو جي تمي جواب ڏيڏا هارو مور ٿي ڪئين گئتيئي نئين ڪرو، ⑮ ڪم تو هون آپ تمون نئه ايويي هوليا رئي هيئت ان عقل ڏيه، جي تمارا ڪوئي پڻ ڏشمڻ تمارو مقابلو نئين ڪري هيڪئه، نڪو تماري وات نئه ڪوڙئي ڪي هيڪشي.

⑯ تمارا آڀرا مان ٻاپ پڻ، پائي پين، عزيز ان دوست پڻ تمون نئه زهلاوشي، ان تمون موئين ٿي ڪيونگ نئه مراوشي پرا. ⑰ ان مون مانه وشواس راکيا ري ڪري ٻڌائي منڪ تمون ٿي وير راکشي. ⑱ توئي پڻ تمي ماگي ڪتم نئين ٿيو. ⑲ ٻڌوئي ڪئين سهيا ٿي تمون نئه تارن زڙشي.

ايسنو مور ٿي همپزاوئه جي رومي قوج يروشلم شهر نئه ڪتم ڪرشي

(متي 15:24-21، مرقس 14:13-19، لوقا 20:21-24)

⑳ ”زئيون تمي ڏيڪو جي يروشلم شهر رئه چوڌاري قوج ڦري آوين پيههه رئي، تئيون ام هزميا جي يروشلم ڪتم ٿيا واڙو سئه. ㉑ تئيون جيا ايئنه يهوديه صوپا موئين هوئه، او ڏونگرون هوما پاڳي زائه. جيا يروشلم شهر موئين هوئه، او ٻارا نيهرري زائه، ان جيا ٻاراڙي م هوئه، او شهر موئين نه آئه. ㉒ ڪم تو هائي توئو پڳوون رئه ڏوهاريون نئه سزا ڏيڏا رو توئو هوشي، زئيون شاستر ۾ لڪل ٻڌي واتون پوري ٿيشي. ㉓ اقسوس اوئون ڏوشيون مانه جي اوئون ڏيئون ۾ پاري پڳ هوشي، ڪا ننڪا ٻار ڏوراوتي هوشي، ڪم تو يهوديه ملك مانه موئيي مصيبت آوشي، ان ايئا اسرائيلي قوم مانه پڳوون رئي سزا آوشي. ㉔ ايئون

موئين ٿي ڪيونڪ نئه تروٺار ٿي مارشي پرا، ان ڪيونڪ نئه پيزون ٻڌون ملڪون موئين قيڏي ٺاوين لي زاشي. ان يروشله شهر نئه ڌاري قومون لتاڙشي، زئيون هُوڏي اوتون را راز رو توٺو ڪتم نه ٿئه.

پڳوون رو گهر ڪنم ٿيو ان پيزيون آقنون رءُ اوو ٺاينئي سءُ جي ايسو پڳوون را پاها ٿي راز ڪريا واڙو سءُ

(متي 29:24-31، مرقس 24:13-27، لُوقا 25:21-28)

25 ”ان پسءُ تيا ڪيڙ آڪاش موئين ڏي، انزوٺاڙيا ان تارون ٿي نيشون ساوا ٿيشي، ان ڌرتي مانه قومون را منڪ سمونڊ ريون چوليون رئي ڪاش هومپڙين گهٽيون م ان ڦڪرون م پڙشي، 26 ان منڪ ايٺا پيڪ ري ڪري موزهائي زاشي جي ڌرتي نئه ڪي ٿيشي، ڪم تو آڪاش موئينلي ٻڌي شينهنون ڏگهتي هوشي. 27 ان تتيون منڪ مون منڪ ذات را ڏيڪرا نئه واڏڙا موئين گهٽي ڪڙا ٿي ان گهٽا زبڪتا سوجهر ٿي اوتون ڏيڪشي، ان وات ساوئي ٿيشي جي هون پڳوون را پاها ٿي راز ڪريا واڙو ٿين آيا واڙو سون. 28 زئيون اي واتون ٿيو مڏم، تتيون تم اوتين ڪشي ٿي وات زويا، ڪم تو او توٺو ڏوڪڙو اوٺه ريو، زئيون تمون نئه پورئه نمونئه تارن زڙشي.“

نيشونون ٿي اوڙڪو جي ڪي تيا واڙو سءُ

(متي 32:24-35، مرقس 28:13-31، لُوقا 29:21-33)

29 پسءُ ايسو اوتون نئه اي مثال ڏين ڪيڏو: ”انجير را وٺ نئه ان پيزون ٻڌون وٺون نئه زوٺو. 30 زئيون اوتون موئين پونڙا ٿئه، تمي آپ اوڙڪي زائوه جي اوناڙو آيا واڙو سءُ. 31 هيون نمونئه زئيون تمي هائي تڪليهنون ٿيتي ڏيڪو، تو هزميا جي پڳوون را راز رو او توٺو ڏوڪڙو سءُ زئيون پڳوون ساوئه نمونئه ٻڌون مانه راز ڪشي. 32 هون تمون نئه هاس ڪونه، هائي ٻڌي تڪليهنون ايٺا

همٿوڪي پيڊي رون منڪون ري حياتي ۾ پوري ٿيشي. (33) آڪاش ان ڌرتي تي تو
ڪنم ٿي زاشي، پڻ ماري واتون هميش هوڏي هاسي ريشي.

ايسو آڀرا پاسا آيا را پارام ان دنيا ري پڇاڙي را پارام هوشيار ڪرڻه

(34) ”پڻ هوشيار ريا جي تمي کاڌا پيڏا ان ڌارو ۾ ان حياتي ريون گڻتيون ۾ پڙي
نه زائو، متون مارا پاسا آيا رو ڏي تمون مانه اوچتو آوي پڙهه، (35) ان زم پڪي
گهت موئين ڦاڻهه تم تمي پڻ ڦاڻي زائو. ڪم تو اوڻه ڏي هون پوري دنيا رون
ٻڌون منڪون ڪن پاسو آويه. (36) هر توڻه تيار ريا ان پراڻا ڪرتا ريا جي تمون
نه ايوئي هيتم زڙهه زم اي ٻڌي ٿيا وازي واتون سهين تمي پڇي زائو، ان نيا
رئه ڏي مون منڪ ذات را ڏيڪرا هوما تمي ڪاتري ٿي اويي هيڪو.“

(37) اوڻون ڏيئون موئين ايسو تاريڪ ڏي رو پڳوون را گهر موئين منڪون
نه شيڪاڙتو، ان رات رو شهر ٿي نيهرين زيتون نومي ڏونگر مانه تڪي ريتو.
(38) ان اسرائيلي قوم را ٻڌائي منڪ هوار را ويلا اوڻين پڳوون را گهر موئين
ايسو ري واتون هومپرو آوتا.



زيتون نومي ڏونگر

يهودي ترم را اڳيون ايسو ننه مريا هارو نا ناوئه

(متي 5-1:26، مرقس 2-1:14، لوقا 2-1:22، يوحنا 11:45-53)

22 ① هونه يهودي قوم رئي روتيون رئي پرپ دوكري آوي، جيا ننه پاشكا پرپ ڪهه. ② ان موٽا پوزاري ان شاستر زوتيا واڙا ايٺا وات ري ڳوت ۾ هتا جي ”ڪيوا نمونا ٿي ايسو ننه مراون پرو؟“ او ايسو ننه ساوئه ڍاڙهه مراووا نٿا ڪرتا ڪم تو او آڀري قوم رون منڪون ٿي پيٿاتا ريا.

يهوداه اسڪريوتي ايسو ننه زهلايا هارو نا ناوئه

(متي 16-14:26، مرقس 11-10:14، لوقا 6-3:22)

③ تئيون پڳون رنه دشمن شيطون ايسو رنه ڪلاڻ ڪيال يهوداه اسڪريوتي را من ۾ نوڪيو، جيو ايسو رون ٻارون سونڊل شيلون موئين ٿي هڪ هتو، ان اوئه شيطون رئي وات موني ليڏي. ④ پسنه يهوداه زائين موٽون پوزاريون ان پڳون را گهر رون سپايون رون ساڀون ٿي واتون ڪري جي او ڪم ڪرين ايسو ننه زهلاوين اوئون رنه حواله ڪرئه. ⑤ تيا مانه او منڪ گهٽا ڪش ٿيا، ان اوٽا ننه پيٺها پاسيا. ⑥ يهوداه ايٺا وات ننه قبول ڪري ان وجهه ڳوتوا مڏيو جي زئيون گهٽا منڪ ايسو پيڙا نه هونه، تئيون ايسو ننه زهلاوين اوئون رنه حواله ڪرئه.

ايسو بيئون شيلون ننه ميلين پاشكا پرپ رئي تيارئي ڪراوئه

(متي 19-17:26، مرقس 16-12:14، لوقا 13-7:22)

⑦ زئيون روتيون ري پرپ رو او ڏي آيو، جيا مانه ترم پرموئنه پاشكا پرپ هارو گهٽا هلالو تو، ⑧ تئيون ايسو پطرس ان يوحنا ننه ام ڪين ميليا: ”تمي زائين آڀون هارو پاشكا پرپ رئي تيارئي ڪرو، تو آڀي ڪائون.“ ⑨ تو اوئي ڪيڏو: ”تمارئي ڪيوئي مرضي سئه جي امي ڪيٽه تيارئي ڪرون؟“

⑩ تيا مانھ ايسو اوتون نٺه ڪيڏو: ”زوءُ، شهر موئين زاتون تمون نٺه هيڪ منڪ پيڙو ٿيڻي، جيو پوڻي رو گهڙو اُپاڙين زاتو هوشي. اُٺا وونهي زيا، ان جيا گهر موئين او زائ، تمڀي پڻ اُٺا گهر موئين زيا ⑪ ان گهر را ڏٺي نٺه ڪيا: ’گرو جڀي تمون نٺه ام ڪيڏو، او اوتاڳ ڪيڏه سٺ، جيڏه هون آڀرون شيلون پيڙو پاشڪا پرڀ رٿي روڻي ڪائون؟‘ ⑫ تو او تمون نٺه ماڙي مانھ هيڪ موٽو ڪمرو تيار ڪرل ڏيڪاڙشي. اوتڻه ڪاڏا رٿي تيارڻي ڪريا.“

⑬ او ٻي شيلا وودا پرا، ان زم ايسو ڪيڏو تو، همروم ڏيڪيو، ان اوتڻه اوتڻي پاشڪا پرڀ رٿي تيارڻي ڪرڻي.




ايسو اڪري وار آڀرون شيلون پيڙو روڻي ڪائھ
ان ڪلومي ٿي آزادا تيا ري پاشڪا پرڀ رو نوو مطلب شيڪاڙين
پرڀو پوزن رٿي ريت ناوڻھ

(متي 20:26-30، مرقس 14:22-26، لوقا 22:14-23، 1 ڪرنتيون 11:23-25)

⑭ زئيون پرڀ رٿي رات ٿي، تو ايسو آڀرون مڪ شيلون پيڙو ڪاڏا هارو پيڻو
⑮ ان اوتون نٺه ڪيڏو: ”مارو جيو گهڻو ڪرتوت ريو جڀي هون ڏڪ سهيا ٿي

مور تمون پيڙئي اي پاشڪا پرڻ روڻي روڻي ڪائون، (16) ڪم تو هون تمون نئه ڪاتري ٿي ڪونه، زئيون هُودِي ايتا پرڻ رو پڇايا رو مطلب پورو نه ٿي، ان هون پڳوون را راز موئين پڳوون رون منڪون پيڙو تارڻ ري ڪشي ڇه اي پرڻ نه ڪائون، تئيون هُودِي هون اي پرڻ وڙي نئين ڪائون.



(17) پسته ايسو ڌراڪ رس رو پيئالو لين ايتا

هارو پڳوون رو ٿورو مومين ڪيڏو: ”تمي ليو ان

ٻڌائي ايتا موئين ٿي پيئو. (18) ڪم تو هون تمون نئه ڪاتري ٿي ڪونه، زئيون هُودِي پڳوون را راز رو او توتو نئين آوئه، زئيون پڳوون ساوئه نمونئه ٻڌون مانه راز ڪرشي، تئيون هُودِي هون ڌراڪون رس وڙي ماڳي نئين پيئون.

(19) پسته روڻي لين اونا هارو پڳوون رو ٿورو مومين پونگهي، ان اوئون نئه

ام ڪين ڏيڏئي: ”اي مارو شير سئه، جيو هون تمون هارو پڳوون را نوم مانه ڏيونه. ماري همپار ڇه ام ڪرتا ريا.“

(20) همروم کاڌا ڪيڙ ايسو ڌراڪ رس رو پيئالو لين اوئون نئه ام ڪين ڏيڏو:

”اي پيئالو مارا لوئي ٿي ٻونڌل پڳوون رو نوو وسن سئه، جيو لوئي هون تمون هارو پڳوون را نوم مانه ويوراويه.“

(21) پڻ زوئو، مون نئه زهلايا وازو مون پيڙو روڻي کاڌا هارو پيئو، (22) ڪم

تو جيوئه نمونئه پڳوون اڳي ڦينصلو ڪريو تو، هيوئه نمونئه هون منڪ ذات رو ڏيڪرو ايتا جڳت ٿي زائونه ريو. توئي پڻ ڏڪ سئه اونا منڪ هارو جيو مون نئه زهلاوشي.“

(23) تيا مانه شيلا آيت موئين ڪيو مڌيا جي ”آپون موئين ايوو ڪوڻ هوشي

جيو هيو ڪوم ڪرشي؟“

مڪ شيلون رو آيت موئين تڪرار تئھ جي مون وازو ڪوڻ سئ

(24) پسته شيلا آيت موئين ايتا را پارام پڻ تڪرار ڪروا مڌيا جي ”آپون موئين

ٿي ڪيا نئه گهڻو مون زڙو ڪپئ؟“ (25) ٿيا مانھ ايسو اوتون نئه ڪيڏو: ”ڌاريون قومون را پاڌشا آپرون منڪون مانھ حڪم ويوراوئھ، ان اوتون مانھ راز ڪريا وازا آپ نئه پلائي ڪريا وازا ڪيوراوئھ. (26) پڻ ٿمي اوتون را زم مت ڪريا، ڪم تو تمون موئين موتا نئه نونا را زم ٿيوو ڪپئ، ان آگيوون نئه شيوا ڪريا وازا را زم ٿيوو ڪپئ. (27) منڪون رئه ليڪئھ موتو ڪوڻ سئھ؟ او جيو کاوا بيهئھ، ڪا او جيو شيوا ڪرئھ؟ منڪ اوتان نئه موتو هزمئھ، جيو کاوا بيهئھ. پڻ آپون م هم نئي، هون تو شيوا ڪريا وازو ٿين تمون وسا سون.

(28) ٿمي او سو جيا مون مانھ اول ٻڌي ڏوروڻ ان آزمتون ۾ مون نئه ساڌيو نئين، پڻ مون پيڙا ريا. (29) زم مارئھ ٻاپ پڳوون مون نئه راز ڪريا رو حق ڏيڏوھ، تم هون پڻ تمون نئه راز ڪريا رو حق ڏيونھ، (30) ان ٿمي مارا راز موئين مون پيڙا بيهين ڪاشو ان پيشو، ان گهاڏيون مانھ بيهين اسرائيلي قوم ريون ٻارون ذاتون مانھ اڪتياري راکين قينصلا ڪرشو.“

ايسو مور ٿي هميڙاوئھ جي پطرس اوتان رو شيلو هويا رو نا پاڙشي

(متي 31:26-35، مرقس 14:27-31، لوقا 22:31-34، يوحنا 13:36-38)

(31) پئسئ ايسو شمعون پطرس نئه ڪيڏو: ”شمعون، مارئي وات هوميڙ، شيطون تمون ٻڌون نئه آزمايا رئي موڪل ليڏيئھ جي تمون نئه مون ٿي ڌار ڪريا هارو ام تنگ ڪرئ، زم منڪ پوه نئه ڪئڪ ٿي ڌار ڪريا هارو اوڏئھ. (32) پڻ مئين تون هارو پراٿا ڪريئھ جي تون آپرو مون مانھ يقين نه ساڏئھ. تون تو ڏوھ ڪريھ، پڻ زئيون تون آپرو ڏوھ پاسين پاسو وڙئ، تئين تون آپرون ڌرمي پايون نئه پڪو يقين راکيا رئي هيئت ڏي.“

(33) تو پطرس ڪيڏو: ”پرپو، هون تمون پيڙو جيل موئين زايا هارو ان مريا

هارو پڻ تيار سون.“

(34) پڻ ايسو اوتان نئه ڪيڏو: ”پطرس، هون تون نئه ڪاتري ٿي ڪونھ، آڙوڪي

رات ۾ ڪوڪڙا رٿه هونگ ڏيڏا مور، تون ترڻ وار مارو نا پاڙيهه جي تون مون ننه نٿي اوزکتو.

ايسو آيا وازا ڪترا را پارام همپزلوئه

35) تئيون ايسو شيلون ٿي پونسيو: ”اوه توتنه، زئيون مئين تمون ننه پئيهه، زهوڙي، ان زوڙا ليڏا وگر پگهون رو ڪوم ڪروا ميليا تا، تئيون تمون ننه ڪيا ئي شينهه رئي ڪپ پڙئي تئي، ڪا نا؟“ تو اوني ڪيڏو: ”ڪيا ئي شينهه رئي نئين.“

36) تئيون ايسو اوتون ننه ڪيڏو: ”پڻ هوهه ايوو ڏورا ڏي آياھ را جي جيا ڪن پئيهه سته او پيڙا لئه، ان جيا ڪن زهوڙي سته او پڻ پيڙي لئه، ان جيا ڪن تروٿار نٿي، او تروٿار ليڏا هارو آڀرو توتال پڻ ويسهه. 37) ڪم تو هون تمون ننه ڪاتري ٿي ڪونه، شاستر رئي لڪل اي وات مون مانھ ضرور پوري ٿيشي جي منڪي اوتنا ننه ڏوهاريون جيوو هزميو. ڪم تو جئين ڪئين مارا پارام شاستر ۾ لڪل سته، او همتهه پورو تهه ريو.“

38) تيا مانھ شيلي ڪيڏو: ”پرپو، اي زوتو، امون ڪن هي تروٿارون سته.“ تو ايسو ڪيڏو: ”پش پش، ئيو هوهه!“

ايسو زيتون نومي ڏونگر مانھ پرائنا ڪرئھ

(متي 36:26-46، مرقس 14:32-42، لوقا 22:39-46)

39) پسته ايسو گهر ٿي نيهرين زم اگي زاتو همروم زيتون نومي ڏونگر مانھ گيو. ان شيلو پڻ اوتنا پيڙا گيا. 40) اوتنا ماگ پوگين اوتنه شيلون ننه ڪيڏو: ”پرائنا ڪرو، جي تمي آزمتا موئين پورا اوترو.“ 41) پسته آپ اوتون ٿي توڙوڪ شيتي زائين گوڏا ڪوڙين ام پرائنا ڪروا مڏيو: 42) ”او ها، جي تمون ننه ليڪ لاگهه، تو اي ڏڪ جيا تمي مون ننه سهيا هارو ڏيڏاه، ايتون ڏڪون ٿي مون ننه پچاوو.“



توئي مارئي مرضي نئين، پڻ تمارئي مرضي پوري ٿي. ” (43) تيون هيڪڻه
 ڏوت آڪاش ٿي آوين ايسو ننه ڏيڪارو ڏيڏو ان اونا ننه هيٺ ڏيڏي. (44) پسته
 ايسو گهڻو ڏي ٿيو ان اڳي ٿي گهڻا هونما ۾ پورا من ٿي پراتنا ڪروا مڏيو،
 ان اونا رو پگهر لويي رون تڪون را گهوڙ زمي مانه پرتوت ريو.
 (45) زئون پراتنا ڪرين اوني، تيون پاسو شيلون ڪن آوين زوئ، تو ڏڪ ري
 ڪري اونگه اوتون مانه وڙي گهي ٿي. (46) ايسو اوتون ننه ڪيڏو: ” تمي ڪم
 هوتا پڙياھ؟ اونو، ان پراتنا ڪرو جي تمي آزمتا موئين پورا اوترو.“

يهوداه اسڪريوني ايسو ننه زهلاوئھ

(متي 26:47-56، مرقس 14:43-50، لوقا 22:47-53، يوحنا 18:3-11)

(47) هزون ايسو ٻولتوت ريو، تو اوچتئي هيڪ موتئي تولي آي پوگهي. ان او
 شيلو جيا رو نوم يهوداه هتو، جيو ٻارون سونيدل شيلون موئين ٿي هتو، او پڻ
 تولي مور اوتوت ريو، ان ٻوسڪو ليڏا هارو ايسو ڪن ڏوڪرو آيو. (48) پڻ ايسو
 اونا ننه ڪيڏو: ” يهوداه، تون مون منڪ ذات را ڏيڪرا ننه ٻوسڪو لين زهلاوئھ،
 ڪي؟“

(49) ايسو پيڙا جيا شيلاهتا، زيون اوي هزميو جي ڪي ٿيا وازو سئ، تو

پُونسيو: ”پرڻو، امي تروٺار لين وڊون، ڪي؟“ (50) ان شيلون موئين ٿي هيڪڻه زڻهه مُڪ پوزاري را نوڪر نئه ڏک هڻيو ان اوٺا رو زمڻو ڪون وڏيو پرو.

(51) تيا مانه ايسو ڪيڏو: ”پش، ٺيو، هوئه پيزو ڪئين مت ڪرو!“ ان پسڻه ڪون نئه سڀين اوٺا نئه هازو هورو ڪريو پرو.

(52) پسڻه موتا پوزاري، پڳوون را گهر رون سپايون را ساڀ، ان اسرائيلي قوم را آڳيون، جيا ايسو نئه زهالوا آيا تا، اوئون نئه ايسو ڪيڏو: ”تمي تروٺارون ان ڏونڳون لين مون مانه ڪم سڙي آياھ؟ هون ڌاڙيوال سون ڪي؟“ (53) هون تو تاريڪ پڳوون را گهر موئين تمون پيزو هوتو، پڻ اوئڻه تمي مارو نوم ئي نتو ليڏو. پڻ همئڻه تمارو توڻو سڻه، ان اندارا وازو اوڙو راز سڻه.

پطرس ايسو رو شيلو هويا رو نا پاڙڻه

(متي 26:57-58، 69-75، مرقس 14:53-54، 66-72، لُوقا 22:54-62، يوحنا 18:15-18، 25-27)

(54) پسڻه هائي منڪ ايسو نئه زهالين مُڪ پوزاري را گهر موئين تيڙي آيا، ان پطرس ڪئينڪ شيئي ڏين اوئون وونهي آوتوت ريو. (55) زئيون منڪ اونڳڻا مانه ڏيوتا ڪرين تاپوا پينا، تو پطرس پڻ اوئون پيزو آوين پينو. (56) تميون هيڪي نوڪروڻي اوٺا نئه ڏيوتا را سوجهرام پينل ڏيڪيو، ان اوٺا هومو زوئين ڪيڏو: ”اي منڪ پڻ اوٺا پيزو هتو.“ (57) پڻ پطرس انڪار ڪرين ڪيڏو: ”پائي، هون تو اوٺا نئه اوڙڪتو ئي نٿي.“

(58) توڙيڪ وار ڪيڙ پيزڻه ڪيئڪ اوٺا نئه ڏيڪين ڪيڏو: ”ئون پڻ اوئون موئينليو سڻه.“ پڻ پطرس ڪيڏو: ”پائي، او تو هون نٿي.“

(59) ڪلاڪ ڪن ڪيڙ هيڪڻه پيزڻه منڪ پڪ ٿي ڪيڏو: ”هاس ڀر اي منڪ پڻ اوٺا پيزو هتو، ڪم تو اي پڻ گليل صويا رو سڻه.“ (60) پڻ پطرس ڪيڏو: ”پائي، ئون هيويي اوڙي وات ڪم ڪرڻه ريو؟ هون توڙو اوٺا پيزو هتو.“ او هزون ٻولتوت ريو، تو اوئڻه ئي توئڻه ڪوڪڙه بونڳ ڏيڏي، (61) ان پرڻو ايسو



لمئو واڙينَ پطرس هومو زويو. تيا مانه پطرس
ننه پريو ايسو رڻي ڪيڏل وات ياءَ آوڻي جي
”آڙوڪي رات ۾ ڪوڪڙا رنه هونگ ڏيڏا مور،
ترڻ وار تون مارو انڪار ڪريه جي تون مون ننه
نٿي اوزڪتو.“ ⑥2 ان پطرس اوئون ٻارو نيهرين
ڏوهڪي ڏوهڪي رويو.

ايسو ننه مارنه ان اوئا مانه نئولي ڪرڻه

(متي 26:67-68، مرقس 14:65، لُوقا 22:63-65)

⑥3 تهنه توتنه جيا منڪ ايسو مانه ٻاهرو ڏيتات ريا، او اوئا ننه مارتات ريا ان
نئولي ڪرتات ريا، ⑥4 ان اوئا ري اونڪيون هوندين اوئا ٿي پونستات ريا: ”او
پگهون رو نياپو ڏيڏا وازا، امون ننه همپزاو ڪيئنه تون ننه ڏڪ هٿيوه؟“ ⑥5 ان
پيڙي پڻ گهڻي واتون ڪيڏا ٿي ايسو رڻي پيغزتي ڪرتات ريا.

ترمي پنچائيت ايسو ننه موت رڻي سزا ڏيڏا رو ڦينصلو ڪرڻه

(متي 26:59-66، مرقس 14:55-64، لُوقا 22:66-71)

⑥6 هزون ڏي اوگيو ٿي مس هتو، تو موئا پوزاري ان شاستر زوڻيا وازا اسرائيلي
قوم ري پنچائيت ۾ پيڙا ٿيا، ان آپري پنچائيت موئين ايسو ننه تيرايو. ⑥7 پسته
پنچائيت ري منڪي ايسو ٿي پونسيو: ”جي تون پگهون رو سونڍل پچايا وازو
ڪريست سته، تو امون ننه همپزاو.“

پڻ ايسو اوئون ننه ڪيڏو: ”جي هون تمون ننه همپزاويه، تو تمي ماري وات
مانه يقين نئين ڪرو، ⑥8 ان جي هون تمون ٿي ايٿا را پارام پونسيه، تو تمي
وزنڏئي نئين ڏيو. ⑥9 پڻ هوئه ٿي لين هون منڪ ذات رو ڏيڪرو ڪڙا وازا پگهون
رنه زمئنه ٻاهنه مون موئين پينل هوئيه.“

⑦⑩ تو اُوئي ٻڌي پُونسيو: ”تو پسته تون پڳوونَ رو ڏيڪرو سٺه، ڪي؟“
ايسو اوتون ننه ڪيڏو: ”زم تمي ڪوه ريا، هون سون.“

⑦⑪ پسته اُوئي آيت موئين ڪيڏو: ”هوه آيون ننه ايئا ٿي وڌيڪ پيڙي
ڪيوي هاڪ ڪپنه؟ ڪم تو آيون ٻڌون هومو اوئه آپ ننه پڳوونَ رو ڏيڪرو
ڪيڏوه، ان هم آپ ننه پڳوونَ هرڪو ڪرين ڏوه آپ مانه ليڏوه.“

يهودي ٿرم را اڳيون

ايسو ننه رومي راز ڪريا وازا پيلاطس ڪن تيڙي زانه

(متي 2-1:27، 14-11، مرقس 5-1:15، لوقا 5-1:23، يوحنا 18:28-38)

23 ① تيا ڪيڙ پنچائيت را ٻڌائي منڪ اُوئين اُويا ان ايسو ننه صُويا مانه
راز ڪريا وازا پيلاطس ڪن تيڙي ڳيا. ② اوتنه اُو ايسو مانه اي ڏوه
ڏيو مڏيا: ”امي ايئا منڪ موئين اي ڏوه ڏيڪيا، جي اي منڪ اماري قوم
رون منڪون ننه حڪومت رنه ڪلاڦ ڦيروئه، روم ملڪ را پاڌشا ننه تيكس ڏيڏا
ٿي نا پاڙئه، ان آپ ننه پڳوونَ رو سونڊل ڪريست ڪين آپ ننه پاڌشا ڪئه.“
③ تو پيلاطس ايسو ٿي پُونسيو: ”تون يهوديون رو پاڌشا سٺه، ڪي؟“ تيا
مانه ايسو اوتن ننه ڪيڏو: ”زم تمي ڪوه ريا، هون سون.“

④ تئين پيلاطس موتون پوزاريون ان اوتون ٻڌون منڪون ننه همپڙايو: ”مون
ننه ايئا منڪ ۾ ڪئين ڏوه ڏيڪيام نٿي اوتو.“

⑤ پن اُو زور ٿي ڪيو مڏيا: ”اي گليل صُويا ٿي لين ٻڌائي يهوديه ملڪ
موئين، ايئا شهر موئين پن، آپري واتون شيڪاڙين امارون منڪون ٿي حڪومت
رنه ڪلاڦ ڦسري ڪراوا ڪرئه.“

⑥ هائي وات هومپڙين پيلاطس پُونسيو جي ”اي منڪ گليل صُويا رو سٺه،
ڪي؟“ ⑦ زئين اوتن ننه ڪهر پڙي جي ايسو گليل رو سٺه، ان راز ڪريا وازا
هيروڊيس ري حد رو سٺه، تو ايسو ننه هيروڊيس ڪن ميليو، ڪم تو اوتون ڏيئون

۾ هيروديس پڻ يروشلم شهر موئين اول هتو.

گليل صنويا مانه راز ڪريا واڙو هيروديس

ايسو ٿي پڙا پونس ڪرڻه

⑧ هيروديس ايسو ننه ڏيکين گهڻو راڄي ٿيو، ڪم تو اوڻه ايسو را پارام اڳي هومپڙيو تو، تيام گهڻا وڪت ٿي اوڻا ننه زووا ڪرتو تو، ان ايڻا هارو هڪتو تو جي ايسو رو ڪوڪ پرسو زوڻه. ⑨ او ايسو ٿي گهڻي واتون پونسو ريو، پڻ ايسو ڪئين وڙنڌي نه ڏيڏي. ⑩ موٽا پوزاري ان شاستر زوڻيا واڙا. جيا اوڻه اوپا تا، او گهڻا ڪلاڦ ٻولين ايسو مانه ڏوه ڏيتات ريا.

⑪ ٽيون هيروديس آپرون سپايون پيڙو ايسو ننه گهت هزمين اوڻا مانه نئولي ڪري. ان پسنه ايسو ننه اونچام اونچو لوگهڙو اوڍاڙين وڙي پاسو پيلاطس هومو ميليو پرو.

⑫ اوڻه ٿي ڏي هيروديس ان پيلاطس بي هڪا پيڙا ٿي منائين دوست ٿي ڳيا. تيا مور او هڪا پيڙا ٿي وير راکتا.

رومي راز ڪريا واڙو پيلاطس

ايسو ننه موت رئي سزا ڏيڏا رو قينصلو همپڙاوڻه

(متي 26-15:27، مرقس 15:6-15، لوقا 23:13-25، يوحنا 18:39-19:16)

⑬ پسنه پيلاطس موٽون پوزاريون، آڳيونون، ان اسرائيلي قوم رون ٻڌون منڪون ننه آپ ڪن پيڙا ڪريا ⑭ ان اوڻون ننه ڪيڏو: ”تمي ايڻا منڪ مانه اي ڏوه ڏين مون ڪن تيڙي آيا جي اي تماري اسرائيلي قوم رون منڪون ننه حڪومت رنه ڪلاڦ ڦيروڻه. زوڻو، مئين تمارنه رويرو ايڻا رئي جونچ ڪريه، ان مئين ايڻا ۾ ايوو ڪئين ڏوه نڀي ڏيڪيو زم تمي ڪوه ريا. ⑮ ان نڪو وڙي هيروديس ننه ڪئين ڏوه ڏيڪيام آيوه، ڪم تو اوڻه ايڻا ننه امون ڪن پاسو ميليوه. هوه وات

ساوئي سٺه، ايٺه ايوو ڪئين ڏوه نٿي ڪريو، جي ايٺا نٺه موت رٿي سزا ڏيوو ڪپڻه. ①6 تيام هون ايٺا نٺه هزمايا هارو ڇاڻڪا هٿاوين ساڏونھ پرو. ①7 (اوتھ تيام ڪيڏو، ڪم تو روز پرموتھ سال نو سال پاشڪا پرڀ مانھ يهوديون رو هيڪ قيڏي ساڏوو تو.)

①8 پڻ او ٻڌائي منڪ ايسورا پارام پيلاطس نٺه زور ٿي ڪيو مڏيا: ”هايا نٺه مارو پرو، ان امون هارو برابر نٺه ساڏو پرو!“ ①9 هوتھ برابر يروشلم شهر موئين حڪومت رٺه ڪلاڦ قشري ڪرايا ري ڪري ان ڪون ڪريا ري ڪري جيل موئين پورل هتو.

②0 پيلاطس رٿي مرضي هٿي جي او ايسو نٺه ساڏه پرو، تيام اوتھ وڙي منڪون نٺه هزمايا. ②1 پڻ او زور ٿي ڪيتا ريا: ”هوڙي مانھ ساڙين مارو پرو، هايا نٺه هوڙي مانھ ساڙين مارو پرو.“

②2 تيا مانھ پيلاطس ترڻي وار وڙي اوئون نٺه ڪيڏو: ”ڪم؟ ايٺه ڪيوو ڏوه ڪريوھ؟ مٿين ايٺا موئين ايوو ڪئين ڏوه نٿي ڏيڪيو، جيا ري ڪري ايٺا نٺه موت رٿي سزا آوتھ. تيام هون ايٺا نٺه ڇاڻڪا هٿاوين ساڏونھ پرو.“ ②3 پڻ او ماڳي زور ٿي گهڻو گهڻو ڪيو مڏيا: ”هايا نٺه هوڙي مانھ ساڙين مارو پرو!“ ان او زور ڪرين آپري وات مناوي ڳيا.

②4 پستھ پيلاطس زم منڪي ڪيڏو تم ڦينصلو ڪريو. ②5 او منڪ جيو قشري ڪرايا ري ڪري ان ڪون ڪريا ري ڪري جيل موئين پورل هتو، جيا نٺه منڪ سڏاوا ڪرتات ريا، اوتا نٺه پيلاطس ساڏيو پرو، پڻ ايسو نٺه اوئون ري مرضي مانھ ماريا هارو ڏيڏو پرو.

ڦوجي ايسو نٺه هوڙي مانھ ساڙه

(متي 32:27-44، مرقس 15:21-32، لُوقا 23:26-43، يوحنا 19:17-27)

②6 ڦوجي زليون ايسو نٺه لين زاتات ريا، تو اوئون نٺه ٻاراڙي ٿي اوتو هيڪ

منڪ پيڙو ٿيو. اُو ڪريني شهر رو هتو ان اُوئا رو نوم شمعون هتو. ان قوجيئي اُوئا ننه پيگر ۾ زهالين ايسو رئي هُوڙي اُوپڙاوي زم اُو ايسو وونهڙ اُوپاڙين وٺ.

②7 ايسو وونهڙ اسرائيلي قوم را الاهي گهڻا منڪ زاتات ريا، ان گهڻي ڏوشي پڻ زاتيت ري، جي ڏڪ ۾ هيٺام ڊينڪون ليتيت ري ان ايسو هارو روتيت ري. ②8 تئيون ايسو اوتون ڏوشيون هومو ڦرين ڪيڏو: ”او يروشلم ريون ٻايون، مون هارو مت روئو، پڻ آپ هارو روئو ان آپرون ٻاڙون هارو روئو. ②9 ڪم تو ايوا ڏورا ڏي اوتھ ريا زئيون منڪ آپرا اولاد مانھ ظلم ٿيتو پاڙين ڪيشي: ’پاڳواڙي اُو ڏوشي سٺه جي وونزڻي سٺه، جيئي ڪيڏي ٻاڙ نٿي زلميا، نڪو وڙي اوتون ننه ڏوراياھ. ③0 اوتھ توتھ منڪ ڪيشي: ’ڏونگر امون مانھ پڙي اوتھ، تو ليڪ’ ان وڙي ’ڌڙا امون ننه پورئھ پرا، تو ليڪ، ③1 ڪم تو جي نيلا وڻ ٿي ام ڪرئھ ريا، تو هُوڪا ٿي ڪي نئين ٿئھ؟“

③2 ان ايسو پيڙا پيئون پيڙون منڪون ننه موت رئي سزا ڏيڏا هارو لي زاتات ريا، جيا ڏوهاري هتا.

③3 زئيون اوتما ماڳ پوڳيا جيا ننه ”پوڏڪئي“ ڪئھ، تئيون اوتھ ايسو ننه ان پيئون ڏوهاريون ننه آپري آپري هُوڙي مانھ ساڙيا، هيڪا ننه ايسو رٿه زمئنه پاهئنه ان پيڙا ننه ڏاوتھ پاهئنه. ③4 ان ايسو آپ ننه ماريا واڙون هارو ان ماريا واڙون هارو پڳوون ٿي ام پراٿنا ڪرتوت ريو: ”ٻا، ايئون منڪون ننه ماڻ ڪرو، ڪم تو ايئون ننه ڪٻر نٿي جي اي ڪي ڪرئھ ريا.“

پسئھ قوجيئي ايسو را لوگهڙا ورايا هارو پڪا نوڪيا. ③5 ان اسرائيلي قوم را منڪ اُويا زوتات ريا، ان اوتون را آڳيوون پڻ ام ايسو مانھ نئولي ڪرتات ريا: ”اي تو پيڙون ننه پچاوتو تو. هوتھ جي پچايا واڙو ڪريست سٺه، جيا ننه پڳوون سونڊيوھ، تو آپ ننه پچاوتھ، نا؟“ ③6 ان قوجيئي پڻ اوتما ننه ميٿا ڏيڏا. اُو ايسو ڪن آوين اوتما ننه کاتو ڌراڪون رو رس ٿورين ③7 ڪيڏو: ”جي تون يهوديون



رو پادشا سته، تو آپ ننه پچاؤ. " (38) ان هُوڙي مانه ايسو را ماتا اُوپر هيڪ پٽي پڻ لاڳل هتتي، جيا مانه لکل هتو جي ايسو ڪيا وات ري ڪري موت رٿي سزا ڪانه ريو. اونا پٽي مانه لکل هتو:

"اي يهوديون رو پادشا سته."

(39) جيا ڏوهاري ايسو پيڙا هُوڙي مانه سڙاول هتا، ائون موئين ٿي هيڪنه زڙنه ايسو رٿي پيعزتتي ڪرين ام ميو ڏيڏو: "تون تو پڳوون رو سونيل پچايا وازو ڪريست نٿي، ڪي؟ تو پسته آپ ننه ان امون ننه پڻ پچاؤ!" (40) تيا مانه پيڙنه ڏوهاري اونا ننه وڙگين ڪيڏو:

"تون پڳوون ٿي پڻاتو ٿي نٿي ڪي، زيون تون ننه پڻ هاڳي سزا زڙنه رٿي؟" (41) آپٽي سزا تو حقي سته، ڪم تو جيا ڏوه آپي ڪرياه، اونا را ايوزام سزا زڙنه رٿي. پڻ ايشه تو ماڳي ڪئين ڏوه نٿي ڪريو. " (42) پسته وڙي ايسو ننه ڪيڏو: "او ايسو، زيون تمي پادشا ٿين آوو، تيون مون ننه ياڏ ڪريا." (43) تو ايسو اونا ننه ڪيڏو: "هون تون ننه هاس ڪونه، آڙ ٿي تون مون پيڙو آڪاشي هڪ موئين هوئيه."

ايسو رو موت

(متي 27:45-56، مرقس 15:33-41، لوقا 23:44-49، يوحنا 19:28-30)

(44) تيون پپورون رو ٻارونڪ رو ٿوٿو هتو. ان اونا وڪت ٿي لين ترٿيون را ٿوٿا هُوڙي ٻڌا ملڪ موئين اندارو ٿي گيو، (45) ڪم تو ڏي رو سوجهرو نتو ٿيتو. ان



پسئہ پڳوونَ را گهر موئین پوئتر جڳا رو پڙڏو وسا ٿي قاتین ٻي ٽڪرا ٿي گڳيو.
 ④⑥ ان ايسو زور ٿي پڳوونَ نئہ ڪيڏو: ”او ٻا، هُون آڀرو جيو تمارون هائون م
 ڏيونھ.“ ام ڪيڏو ان اونا رو هاه نيهري گڳيو.

④⑦ اي ٻڌي واتون ڏيڪين قوچيون رنہ ساب پڳوونَ را وڪوڻ ڪرين ڪيڏو:
 ”هاس ڀر، اي منڪ پيڏوهي هتو.“ ④⑧ ان اُو گهڻا منڪ جيا هائي ٻڌوئي ڪئين
 زووا آيا تا، اُو ٻڌائي ٻڌوئي ڪئين ڏيڪين ڏڪون ڀر هيٺام ڊينڪون ليتا پاسا وڙيا.
 ④⑨ پڻ ايسو را ٻڌائي اوڙڪيندا ان اُو ڏوشي جي گليل صوڀا ٿي پيڙي آوي ٿي،
 اُو شينتا هون اُوپين اي ٻڌوئي ڪئين زوتيت ري.

ايسو را لاش نئہ پونئيرا جيوا مقوم موئین راکڻه

(متي 27:57-61، مرقس 15:42-47، لُوقا 23:50-56، يوحنا 19:38-42)

⑤⑩ هَوئہ هيڪ منڪ هتو جيا رو نوم يوسف هتو، جيو ڌرمي پنچائيت رو

ميمپر هتو. اُو نائوڪو منڪ ان پڳوونَ ري وات مانھ وُودا وازو هتو، ⑤1 ان جيو ڦينصلو ڌرمي پنچائيت ڪريو تو ان جيو ڪوم اُوئي ڪريو تو، اُوئا ڀر اُو راڄي نتو. اُو اڳي يهوديون را شهر ارميتيه رو هتو، ان پڳوونَ را راز را اُوئا توئا رئي وات زوتوت ريو، زئيون پڳوونَ ساوئھ نمونئھ ٻڌون مانھ راز ڪرشي.

⑤2 اُوئھ پيلاطس ڪن زائين ايسو رو لاش مونگيو. ⑤3 پسنئھ اُوئھ لاش نئھ هُوڙي ٿي اوتارينَ مونگها سوتي ڪڍڻ موئين وينتوزيو ان پونئيرا جيو مقوم موئين ميليو نو، جيا موئين اڳي ڪيا نئھ نتو راکيو. ⑤4 اُو جُمعا رو ڏي هتو، ان پويتر ڏي رئي رات پڙيا وازئي هتئي.

⑤5 هُوئھ اُو ڏوشي جي گليل صوپا ٿي ايسو پيڙي آي تي، اُو لاش وونھڙ وونھڙ گي، ان زويو جي مقوم ڪيا ماڳ سنئھ ان ايسو رو لاش ڪم ڪرين ميليوھ. ⑤6 ان پسنئھ اُوئي پاسي گهري زائين لاش هارو ڪشبو وازي شينھون ان عطر تيار ڪريا.

چنچر رئھ ڏي اُوئي ڏوشيئي شاستر ڀر لڪل پڳوونَ را حڪم پرموئئھ آروم ڪريو، جي پويتر ڏي رو ڪئين ڪوم نہ ڪروو.

ايسو جيوي اُونئھ، ڏيڪاڙا ڏئھ ان آڪاش مانھ سڙي زائھ

ايسو موت ٿي جيوي اُونئھ

(متي 10-1:28، مرقس 8-1:16، لُوقا 12-1:24، يوحنا 10-1:20)

① آچار رئھ ڏي هوار ري ويلي اُو ڏوشي مقوم مانھ آي، ان ڪشبو 24 وازي شينھون جي اُوئي تيار ڪري تي، اُو پيڙي لي آي. ② ان آوين زوئھ، تو پونئيرا جيو مقوم را موندا ٿي پوئا را ڍڪ نئھ هيڪل ريٽول ڏيڪيو.

③ زئيون مقوم موئين زائين زويو، تو پريو ايسو رو لاش هتو ئي نئين. ④ هزون او اينا وات مانه حيرون هتي، تو اوچتا هي منڪ دوزا شيترا ان زبڪتا لوگهڙا پيرل آوين اويآ. ⑤ تئيون ڏوشي گهڻي پيئائي گهي، ان زمي هرڪي نمي گهي. پڻ اوني ڏوشيون ننه ڪيڏو: ”جيو جيوتو سئه، اوتا ننه مرلون موئين ڪم گوتوه ري؟ ⑥ او ايتنه نتي، پڻ پگهون اوتا ننه جيوي اوناڙيوه. ياد ڪرو زئيون او گليل موئين هتو، تئيون تمون ننه ڪي ڪيڏو تو. ⑦ اوئه تو ام ڪيڏو تو جي اي ضرور ٿيشي جي موئنه مون منڪ ذات را ڏيڪرا ننه زهلاوشي ان ڏوهاري منڪون رنه حواله ڪرشي، ان او مون ننه هوڙي مانه ساڙين مارشي پرو. پڻ ترئمئه ڏي هون جيوي اويئه.“

⑧ پسئه ڏوشيون ننه ايسو رئي وات ياد آئي، ⑨ ان اوني مقوم ٿي پاسي زائين اي ٻڌي واتون اگيارون سونيل شيلون ننه ان پيزون ٻڌون شيلون ننه همپڙاوي. ⑩ جي ڏوشي مڪ شيلون ننه اي واتون همپڙاوتيت ري، او اي هتي، مريم مگدليني، يوانه، يعقوب رئي مان مريم، ان اونون پيڙي پيڙي ڏوشي. ⑪ پڻ شيلون رنه ليڪهه اي واتون وقل جيوي سئه، ان اوني ڏوشيون ري واتون نه موني.

⑫ پڻ پطرس اونيون ان مقوم هومو ڊوڙيو. اوئه آوين نيسو نمين مقوم موئين زوئه، تو روگا لاش ننه وينتوزيا وازا پاتا پڙيا، ان پيزو ڪئين نتي. جي ٿيو تو، اوتا مانه حيرون ٿيتو، او پاسو گهري گيو پرو.

ايسو بيئون شيلون ننه شيرڙا مانه ڏيڪارو ڏئه

(مرقس 12:16-13، لوقا 13:24-35)

⑬ تيا ڪيڙ اوئه ئي ڏي شيلون موئين ٿي هي زئا اماؤس نومي پاڙا هوما زاتات ريا، جيو يروشلم شهر ٿي هاڏا ترڪ گائو شيئي سئه. ⑭ ويتون ويتون ايتون ٻڌيون ٿيل واتون را پارام آيت ۾ واتون ڪرتا زاتات ريا. ⑮ او ٻولتات ريا ان

واتون ڪرتات ريا، تو ايسو آپ آوين اوتون پيڙو ويوا مڏيو. ①6 پڻ او ايسو ننه اوڙڪي نه هيڪيا.

①7 تئين ايسو اوتون ٿي پونسيو: ”تمي ويتا ويتا آپت موئين ڪيوي واتون ڪروھ ريا؟“ تيا مانھ او نيموئا ٿين اويا ريا. ①8 اوتون موئين ٿي هيڪنه زئمھ، جيا رو نوم ڪليئوپاس هتو، ايسو ننه ڪيڏو: ”يروشلم ۾ اول زاتروئون موئين ٿي هيڪ ٿون ايوو زاترو سئھ ڪي، جيا ننه اي ڪهر نٿي جي آڙ ڪال يروشلم شهر موئين ڪيوي واتون ٿئھ ري؟“

①9 تيا مانھ ايسو اوتون ٿي پونسيو: ”ڪيوي واتون؟“ تو اوئي اوئا ننه همپڙايو: ”ايسو ناصرت شهر واڙا ري واتون، جيو پڳوون ري نظر ۾ ان آپٿي قوم رون ٻڌون منڪون ري نظر ۾ آپرون ڪومون ان آپريون واتون ٿي طاقت واڙو پڳوون رو نياپو ڏيڏا واڙو هتو. ②0 آپٿي موٽي پوزاريئي ان آڳيووني اوئا ننه موت ري سزا هارو زهلايو ان اوئا ننه هوزي مانھ سڙاوين مرايو پرو. ②1 اماري تو اي اميد هتئي جي اي او رو او سئھ جيو آپٿي اسرائيلي قوم ننه آڙا ڪراوشي. پڻ هونھ ڪي ٿيشي، ڪم تو ايئون واتون ننه آڙ ترئمو ڏي سئھ. ②2 توئي پڻ هيڪ پيڙي وات اي سئھ. امون موئين ٿي ڪئينڪ ڏوشيئي امون ننه حيروني م نوڪيا پرا. او هوار ري ويلي مقوم مانھ گهي تي، ②3 پڻ مقوم موئين اوئا رو لاش نه ڏيڪيو. اوئي پاسي آوين ڪيڏو جي اوتون ننه آڪاشي ڏوتي ڏيڪارو ڏين ڪيڏو جي او جيوتو سئھ. ②4 اماري تولي را ڪئينڪ منڪ مقوم مانھ گيا، ان زم ڏوشيئي ڪيڏو تو، همروم ڏيڪيو، پڻ ايسو ننه اوئي نه پازيو.“

②5 پسنھ ايسو اوتون ننه ڪيڏو: ”تمي تو هاو پوزا سو. پڳوون رو نياپو ڏيڏا واڙون ريون واتون مانھ تمازنه يقين راڪوو تو. اتئي ڏير ڪم ڪروھ ريا؟ ②6 ام ضرور نتو ٿيوو، ڪي؟ جي پڳوون رو سونيل پچايا واڙو ڪريست ڏڪ سهين مرئم، ان پسنھ آڪاش موئين زائين آپرو مون لئھ.“ ②7 پسنھ ايسو موسي

ان ٻڌون ڀڳوونَ رو نياپو ڏيڏا واڙون رون ڪتابون ٿي لين، پورا شاستر ٿي، آپ را يارام لڪل ٻڌي واتون اُونون نئه هڙماوي.

28) زئيون اونا پاڙا ڏوڪڙا آيا، جيئن شيلون رنه زاوون تو، تو ايسو ايونه نموننه وڍوون زوئنه هڙون اڳڙ زاووه. 29) پڻ اُو اونا نئه گهڻا متيا ان ڪيڏو: ”امون ڪن ٿڪي رنه، ڪم تو هونڙ ٿي گهڻه، ان ڏي آتميا واڙو سئه.“ تئيون اُو اُونون پيڙو ٿڪيا هارُو اُونون ري گهري گيو. 30) زئيون ايسو اُونون پيڙو ڪاڏا هارُو پينو، تئيون روئتي پري لين اونا هارُو ڀڳوونَ رو ٿورو مونيون، ان پسنه روئتي پونگين اُونون نئه ڏيڏي. 31) تئيون ڀڳوونَ اُونون نئه اوڙڪيا رهي هيمنت ڏيڏي، ان اوني ايسو نئه اوڙڪي ليدو. پڻ ايسو هت ڀر اُونون ري نظرون ٿي الوپ ٿي گيو. 32) پسنه اوني هيڪا پيڙا نئه ڪيڏو: ”زئيون اُو شيرڙا مانه آپون ٿي واتون ڪرتوت ريو، ان شاستر ري واتون ساوي ڪرين هڙماوتوت ريو، تئيون آپون نئه ڪٿي ڪشي ٿيڻي رهي، نا؟“

33) اونه ئي ٿوئنه اُو ٻي زئا اونيا ان پاسا يروشلم هوما گيا پرا. اوتنه پوگيا، تو اڳيارنه سونيدل شيلا ان پيڙا شيلا پڻ آيت موئين پيڙا تين 34) ڪيتات ريا: ”هاسي وات سئه. پريو ايسو جيوي اونيوه، ان شمعون نئه ڏيڪاڙو ڏيڏوه.“ 35) تيا مانه ايئي پيئي شيلي اُونون نئه ٻڌي وات همپڙاوي جي شيرڙا مانه ٿي تي، ان اي وات پڻ همپڙاوي جي اوني روئتي پونگيا رنه ٿوئنه ايسو نئه اوڙڪيو تو.

ايسو شيلون نئه ڏيڪاڙو ڏئه

(مرقس 14:16، لوقا 24:36-43، يوحنا 19:20-23)

36) زئيون اُو ٻي شيلا هائي واتون ڪيتات ريا، تو اوچتو ايسو آپ آوين اُونون را وس ڀر اُوپو، ان اُونون نئه ڪيڏو: ”هڪي ريو!“ 37) اُو ماڳي گهڻا پينائي گيا ان ام هڙميا جي ”اي پوت ڏيڪاڙو ڏئه ريو.“ 38) پڻ ايسو اُونون نئه ڪيڏو:

”تمي ڪم مُوزهوڻاھ؟ تمارون منون موئين ڪم شڪ تئھ ريو؟“ (39) مارون ھاڻون نئھ زوئو، ان پڳون نئھ زوئو، جي هُون ايسو سون. مُون نئھ سڀين زوئو، ڪم تو پُوت موئين نڪو مونھ نڪو ھاڏڪا هوئھ، پڻ تمي زوئوھ ريا جي مُون موئين مونھ ان ھاڏڪا سئھ.“ (40) ام ڪين ايسو آپرا ھاڻ ان پڳ ڏيڪاريا. (41) شيلا ھزون ھوڏي ڪشي ان حيروني ري ڪري شڪ ڪرتات ريا، تيام ايسو اوئون ٿي پونسيو: ”ايئھ تمون ڪن ڪئين کاڏا رو سئھ؟“ (42) تو اوئي ايسو نئھ شيڪل مسي رو ٽڪرو ڏيئو، (43) ان ايئھ لين اوئون رئھ روپرو کاڏو.

ايسو پويتر آتما ميليا را پارام ان پوري ٽنيا ۾ آپرا پارام ھمپزيا رو ڪئھ، ان پسئ آڪاش ۾ اوپزائي زائھ

(مرقس 19:16-20، لُوقا 24:44-53، مڪ شيلون را ڪوم 1:4-11)

(44) تيا ڪيڙ ايسو مڪ شيلون نئھ ڪيڏو: ”اي واتون جي ھمئھ ٿي گيھ، او ھاڳي واتون سئھ جيا را پارام مئين تمون نئھ اڳي ڪيڏو تو، زئيون هُون تمون پيڙو ھتو. مئين تمون نئھ اڳي ڪيڏو تو جي شاستر ري ٻڌي واتون جي موسي رون لڪل ڪتابون موئين، پڳوون رو نياپو ڏيڏا وازون رون ڪتابون موئين، ان پزنون را ڪتاب زبور موئين مارا پارام لڪل سئھ، او ٻڌي واتون ضرور پوري ٿيشي.“

(45) تئيون ايسو اوئون را ڏيماڳ ڪوليا زم او شاستر نئھ ھزمي ھيڪئھ، (46) ان اوئون نئھ ڪيڏو: ”شاستر موئين ام لڪل سئھ جي پڳوون رو سونڊل پچايا وازو ڪريست ڏڪ وينين مرشي ان ترئمئھ ڏي مرلون موئين ٿي جيوي اونشي، (47) ان يروشلم ٿي لين ٻڌيون قومون نئھ منڪ اي ھمپزاوشي: ’آپرا ڪراپ ڪوم ساڏين توپونھ ڪرو ان پڳوون ري وات مانھ وو، ان پڳوون را سونڊل پچايا وازا ڪريست ري ڪري پڳوون تمارا ڏوھ تمون نئھ ماڦ ڪرشي.‘ (48) ھوئھ ايئون واتون رئي ھاڪ پريا وازا ان ھمپزيا وازا تمي سو. (49) زوئو، هُون تمون

ڪن پوٽر آتما نئه ميليھ جيا رو مارئہ باپ پڳوون وائيدو ڪريو تو. زئيون هُودِي تمون نئه آڪاش ٿي هايا رٿي ڪڙا نه زڙئہ، تئيون هُودِي ايئنه اينا شهر موئين ريا.

⑤0 پسنه ايسو اُونون شيلون نئه شهر ٿي ٻارا بيت عنياه پاڙا ڪن تيڙي گيو، ان اُوئنه آپرا هات اُونسا ڪرين اُونون نئه آشيرواڏ ڏيدو. ⑤1 زئيون آشيرواڏ ڏيتوت ريو، تو اُونون ٿي ڌار ٿي گيو ان پڳوون اونا نئه آڪاش مانھ اُوپاڙي ليدو.

⑤2 تئيون اُو ايسو رٿي پوزا ڪرين گهڻا ڪش ٿين پاسا يروشلم شهر موئين گيا. ⑤3 ان اُوئنه هميش پڳوون را گهر موئين هوتا ان پڳوون را وڪون ڪرتا ريتا.

يُوحنا را لکل شاستر رئي هزموئي

شاستر لکيا وازو

شاستر را اينا ڪتاب ۾ لکيا وازا رو نوم ڪيئن نٿي لکل، پڻ شروع ٿي لين منک ام هزمتھ جي يُوحنا نومي ايسو رڻ مڪ شيلڪ اينا نڌ لکيوھ. يُوحنا يھودي قوم رو هتو. او زبدي رو ڏيکرو ان يعقوب رو ڀائي هتو، ان شمعون پطرس رو دوست ان ڀائيوڙ هتو. او ايسو رون پيرھيون شيلون موئين ٿي پڻ هيڪ هتو (لوقا 5:10-11). تيا ڪيڙ زميون ايسو اُپرون ٻڌون شيلون موئين ٿي ٻارون زئون نڌ مڪ شيلو تيا هارو سونديا، تو اوڻه يُوحنا نڌ پڻ مڪ شيلو سونديو (متي 10:2، مرقس 3:17، لوقا 6:14).

زم شاعريي لکيا ۾ لکيا وازو نڪو آپ نڌ ”هُن“ ڪئھ، نڪو اُپرو نوم لئھ، پڻ اُپرو پيزو نوم راکئھ، تم اينا ڪتاب ۾ يُوحنا پڻ اُپرو نوم نٿي ليتو، پڻ آپ نڌ ”ايسو رو پريمي شيلو“ ڪئھ (يُوحنا 13:23، 19:26، 20:2، 21:7، 20:21)، ڪا آپ نڌ رُوڳو ”شيلو“ ڪا ”پيزو شيلو“ ڪئھ (يُوحنا 1:35-40، 18:15، 20:2، 21:20). ڪتاب ري پڇاڙي ۾ لکل سڌ جي اي ”پيزو شيلو“ ان ”ايسو رو پريمي شيلو“ او رو او سڌ جيئن اي ڪتاب لکيو (يُوحنا 21:24). اينا ڪتاب ۾ زميون اي نوم يُوحنا اوئھ، تو ايسو را شيلو يُوحنا را پارام نٿي، پڻ گھڻو ڪرين يُوحنا پويتر سنون ڏيندا وازا را پارام سڌ، جيئن ايسو را پارام هاک پري تي. شمعون پطرس رو ٻاپ ترئمو يُوحنا نومي منک سڌ (يُوحنا 15:17-17).

يُوحنا آپ اينا ڪتاب ۾ لکل واتون اونڪيئي پاڙي (يُوحنا 19:35، 21:24)، تيام او پڪي ڪاتري ٿي ايعون واتون را پارام هاک پريئھ.

ام لاڳئھ جي ڪتاب رو آڪري حصو (يُوحنا 1:21-25). ڪتاب پورو تيا ڪيڙ لکيام آيو، ان زويام پيزون رو لکل سڌ. ان وات ساوئي ڏيڪيام اوئھ جي ڪتاب ري آڪري ٻي آيتون 21:24-25 پيزا منک ري لکل سڌ، ڪم تو او منک يُوحنا را پارام اُپري هاک پريئھ جي او هاسو سڌ.

پڪئي ڪبر نٿي جي يُوحنا اي ڪتاب ڪعيون لکيو، پڻ اندازام 50-85ع را وس ۾ لکيو هوشي.

شاستر ڪيون منڪون هارو لکيو

يُوحنا شاستر رو اي ڪتاب اوئون ٻڌون منڪون هارو لکيوھ جيا ايسو را پارام هاسئي ڪبر پاڙوا ڪرئھ، ان زوئا ڪرئھ جي ايسو هاس ۾ پڳيون رو سونديل پڇايا وازو ڪريست ان پڳيون رو ڏيکرو سڌ. يُوحنا اي شاستر نه رُوڳو اُپري يھودي قوم وازون هارو پڻ ٻڌون ڌاري قوم

واژون هارو پڻ لکيوه. تيامر او آپري عبراني بولي رون ويئون رو مطلب هزماوتنه (يُوحنا 1:38, 41:1, 42:1, 7:9, 16:20) ان يهوديون را ريت رواز را پارام پڻ هزماوتنه (يُوحنا 2:6, 9:4, 19:40).

شاستر لکيا رو مطلب

يُوحنا آپ لکتهه جي اوت شاستر رو اي ڪتاب ڪم لکيو (يُوحنا 20:31). ”پڻ مئين هائي واتون تيامر لکيهه زم تمبي يقين ڪرو جي ايسو پڳوون رو سونديل پڇايا واژو ڪريست ان پڳوون رو ڏيڪرو سئ، ان اوتنا مانهه وشواس راڪيا ٿي تمون نه اوتنا رت هيلنه هميش رو جيون رتت.“
 ايتا ڪتاب ۾ 1:2-12:50 ۾ ايسو را ڏيڪاڙل پرسا لکل سئ ان اوتون پرسون رو مطلب پڻ ساوو ڪرل سئ. تيا ڪيڙ 13:1-17:26 ۾ ايسو آپرون شيلون نه آپرا موت را پارام ان پوتير اتنا رت آيا را پارام هزماوتنه ان اوتون رتي هيمت وڌارتهه. ايتا ڪتاب ۾ ايسو پوٿي، روتي، سوجهرا، رديون ان ڌراڙ، ان ڌراڪون ري ويل را مثال ڏين آپرا پارام، پوتير اتنا را پارام، ان هميش را جيون را پارام شيڪاڙتهه.

ايتا ڪتاب موئين اي حصا سئ:

ايسو را پارام مورليا وين	18-1:1
يُوحنا پوتير سنون ڏيڏا واژو ان ايسو را پيرهيان شيلا	19-1:51
ايسو پڳوون رو ڏيڏل ڪوم ڪرتهه	12-1:50
ايسو آڪري وار شيلون پيزو روتني ڪائهه، زهلاتهه	13-1:42
هُوڙي مانهه مرتهه ان مقوم موئين پورائتهه	
ايسو جيوي اوتنهه ان ڏيڪاڙا ڏتهه	20-1:31
آڪري واتون	21-1:25

نوٽ: ڪئينڪ ترجمون ۾ يُوحنا 6:51 رتي آيت يُوحنا 6:51 ان 52 پيئون آيتون ۾ وراول سئ، ان تيا ڪيڙ يُوحنا 6:52 ٿي لين 71 هُوڙي هر آيت رو نمبر هيڪ وڌارتهه سئ.

ايتا ڪتاب را شاستر تي پيزا حوالا:


يُوحنا 1:21	2 سلاطين 2:11
يُوحنا 1:21	ملاڪي 4:5-6
يُوحنا 1:21	اِسْتِشْنا 18:15
يُوحنا 1:23	يسعياہ 40:3
يُوحنا 1:29	پيدائش 22:8-13
يُوحنا 1:29	خروج 12:3-13
يُوحنا 1:29	احبار 16:3, 24
يُوحنا 1:29	يسعياہ 53:7-12
يُوحنا 1:45	اِسْتِشْنا 18:15
يُوحنا 1:45	يسعياہ 53:1-12
يُوحنا 1:45	داني ايل 7:13-14
يُوحنا 1:45	ميسڪاه 5:2

يُوحنا 16:24 احبار	يُوحنا 33:10	يُوحنا 51:1 پيدائش	12:28
يُوحنا 6:82 زُبُور	يُوحنا 34:10	يُوحنا 51:1 دانِي ايل 14-13:7	
يُوحنا 26:118 زُبُور	يُوحنا 13:12	يُوحنا 14:2 خُرُوج 16-13:30	
يُوحنا 9:9 زَكْرِيَاہ	يُوحنا 15:12	يُوحنا 17:2 زُبُور 9:69	
يُوحنا 4:110 زُبُور	يُوحنا 34:12	يُوحنا 22:2 زُبُور 10:16	
يُوحنا 7:9 يَسْعِيَاہ	يُوحنا 34:12	يُوحنا 15-14:3 كِنْتِي 9-8:21	
يُوحنا 14-13:7 دانِي ايل	يُوحنا 34:12	يُوحنا 10:5 خُرُوج 10-8:20	
يُوحنا 1:53 يَسْعِيَاہ	يُوحنا 38:12	يُوحنا 14:6 اِسْتِشْنَا 15:18	
يُوحنا 10:6 يَسْعِيَاہ	يُوحنا 40:12	يُوحنا 31:6 خُرُوج 4:16	
يُوحنا 9:41 زُبُور	يُوحنا 18:13	يُوحنا 31:6 خُرُوج 35-13:16	
يُوحنا 19:35 زُبُور	يُوحنا 25:15	يُوحنا 31:6 نَحْمِيَاہ 15:9	
يُوحنا 4:69 زُبُور	يُوحنا 25:15	يُوحنا 31:6 زُبُور 25-24:78	
يُوحنا 9:41 زُبُور	يُوحنا 12:17	يُوحنا 45:6 يَسْعِيَاہ 13:54	
يُوحنا 14:3 يُوْحَنَّا	يُوحنا 32:18	يُوحنا 53:6 خُرُوج 8-3:12	
يُوحنا 28:8 يُوْحَنَّا	يُوحنا 32:18	يُوحنا 53:6 احبار 11:17	
يُوحنا 33-32:12 يُوْحَنَّا	يُوحنا 32:18	يُوحنا 53:6 اِسْتِشْنَا 27:12	
يُوحنا 16:24 احبار	يُوحنا 7:19	يُوحنا 22:7 احبار 3:12	
يُوحنا 16:22 زُبُور	يُوحنا 18:19	يُوحنا 22:7 پيدائش 14-10:17	
يُوحنا 18:22 زُبُور	يُوحنا 24:19	يُوحنا 40:7 اِسْتِشْنَا 15:18	
يُوحنا 15:22 زُبُور	يُوحنا 28:19	يُوحنا 42:7 مِيكَاہ 2:5	
يُوحنا 21:69 زُبُور	يُوحنا 29:19	يُوحنا 51:7 اِسْتِشْنَا 20-18:16	
يُوحنا 23-22:21 اِسْتِشْنَا	يُوحنا 31:19	يُوحنا 51:7 اِسْتِشْنَا 19-15:19	
يُوحنا 46:12 خُرُوج	يُوحنا 36:19	يُوحنا 5:8 احبار 10:20	
يُوحنا 12:9 كِنْتِي	يُوحنا 36:19	يُوحنا 5:8 اِسْتِشْنَا 22:22	
يُوحنا 20:34 زُبُور	يُوحنا 36:19	يُوحنا 6:8 يُوْحَنَّا 31:18	
يُوحنا 10:12 زَكْرِيَاہ	يُوحنا 37:19	يُوحنا 17:8 اِسْتِشْنَا 15:19	
يُوحنا 11-10:16 زُبُور	يُوحنا 9:20	يُوحنا 58:8 خُرُوج 14:3	
يُوحنا 11-10:53 يَسْعِيَاہ	يُوحنا 9:20	يُوحنا 59:8 احبار 16:24	
يُوحنا 25:13	يُوحنا 20:21	يُوحنا 35:9 دانِي ايل 14-13:7	

يُوحنا

رو لکل پريُو ايسُو را پارام

پويتر شاستر



ايسُو پڳوونَ رو وچن سئُ جيا ٿي پڳوونَ ري وانتون ساوي تئھ

① شروع ۾ جڳت ٺهيا مور وچن هتو.

ان وچن پڳوونَ پيڙو هتو.

ان پڳوونَ ان وچن هيڪ را هيڪ هتا.

② وچن شروع ٿي لينَ پڳوونَ پيڙو هتو.

③ پڳوونَ ٻڌوئي ڪئين اُوٺا وچن را هِيلا ٿي ناهيو.

1

ان ايوو ڪئين نٿي ٺهيو جي اُٺا وڃن ووڻو ٺهيو هوڻه.

④ اُو وڃن جِيوَن ڏيڏا واڙو هتو.

ان اُو جِيوَن ڏيڏا واڙو ٿينَ

منڪون هارُو سوجهرو هتو.


⑤ زم اندارا ۾ سوجهرو زبڪڻه،

تم ڏُنيا ۾ اُو وڃن سوجهرو ٿينَ

منڪون ننه پڳوونَ رو سوجهرو ڏهه.

ان اندارا ري هر پُونڌائي مانھ

اُٺا سوجهرا رڻي جيت ٿيھ.



⑥ پڳوونَ هيڪا منڪ ننه ميليو جيا رو نوم يُوحنا هتو. ⑦ اي منڪ اُٺا

سوجهرا را پارام ھاڪ پروا آيو، زم اُٺا رنه ھاڪ پريا ري ڪري ٻڌائي منڪ

وِسواس اوڻهه. ⑧ يُوحنا آپ اُو سوجهرو نتو، پڻ اُٺا سوجهرا را پارام ھاڪ پروا

آيو تو.

⑨ اُو ھاسو سوجهرو جي ٻڌون منڪون ننه سوجهرو ڏهه، اُو ڏُنيا ۾ آيا

واڙو هتو.

⑩ اُو ڏُنيا ۾ هتو،

ان ڏُنيا اُٺا ٿي ٺهڻي ٿي،

توڻي پڻ ڏُنيا ري منڪي اُٺا ننه نه اوڙڪيو.

⑪ اُو آپرون ۾ آيو،

پڻ آپري منڪي اُٺا ننه هونڪاريو نئين.

⑫ توڻي پڻ زتي منڪي اُٺا ننه هونڪاريو،

ان اُٺا مانھ وِسواس اوڻيو،

اُوئون منڪون ننه اُوڻه پڳوونَ را ٻاڙ ٿيا رو حق ڏيڏو.

⑬ اُو پڳوونَ را ٻاڙ ام نه ٿيا زم منڪون را ٻاڙ مان ٻاپ هُون ٿيھ.

اُو نڪو ٻيئون موٽهون ري مرضي ٿي ٿيا،
 نڪو آڏمي را ڦينصلا ٿي ٿيا.
 پڻ پڳوونَ اوئون ننه آپ ٿي واسطو رکاوينَ آپرا ٻارَ ٺايا.
 ⑭ ان وچن منڪ ٿيو ان آپون وسا ريو.
 ان امي ڏيڪيو جي اُو هاس ۾ ڪيوو سئ،
 جي اُو پڳوونَ رو مونَ واڙو هيڪئھ ڏيڪرو سئ
 جيو پڳوونَ را پاها ٿي ميلل سئ
 ان ڪرپا ان هاس ٿي پرال سئ.

⑮ يُوحنا اوئا را پارام هاڪ پرئي ان ڪيڏو: ”اي منڪ اُو سئ جيا را پارام
 مٿين ام ڪيڏو تو، جيو مون ڪيڙ آيا واڙو سئ. اُو مون ٿي موٽو سئ ڪم تو اُو
 مون مور هتو.“ ⑯ ڪم تو اوئا ري پرپوري ٿي آپون ٻڌون ننه ڪرپا ٿي ڪرپا
 زڙيھ. ⑰ ڪم تو پڳوونَ را حڪم آپون ننه موسي ٿي زڙيا پڻ ڪرپا ان هاس
 آپون ننه رُوڳو ايسو ڪريست ٿي زڙيوھ. ⑱ پڳوونَ ننه ڪيئھ ٿي ڪيڏي نٿي
 ڏيڪيو، پڻ پڳوونَ رو هيڪئھ ڏيڪرو جيو پڳوونَ رنه ڪوڙئھ پينوھ، اوئا رنه
 هيئھ پڳوونَ ساوو ٿيوھ.

يُوحنا پَوِيتر سنون ڏيڏا واڙو ان ايسو را پيرهيان شيلا

يُوحنا آپرا پارام هاڪ پرئھ

(مٿي 1:12-13، مرقس 1:8-9، لوقا 1:3-18، يُوحنا 1:19-28)

⑲ زئيون يهودي ڌرم ري آڳيووني يروشلم شهر ٿي پڳوونَ را گھر رون
 پوزاريون ان شيواڌاريون ننه يُوحنا ڪن اي پونسوا ميليا، جي ”تمي ڪوڻ سو؟“
 ٿيون يُوحنا اي هاڪ پرئي. ⑳ يُوحنا وات ننه هٿاڙي نئين، پڻ ساوئي وات ڪرئي



جي ”هُون پڳوونَ رو سُونِيل پڇايا واڙو
 ڪريست نٿي.“ (21) تئين اُوئي پُونسيو:
 ”پسٽه تمي ڪوڻ سو؟ ڪي تمي ايلياه
 سو؟“ اُوته ڪيڏو: ”نا، هُون نٿي.“ اُوئي
 پُونسيو: ”تو ڪي تمي پڳوونَ رو نياپو
 ڏيڏا واڙا سو، جيا را آيا را پارام شاستر
 ۾ لڪل سٺه؟“ تو اُوته ڪيڏو: ”نا.“
 (22) تيام اُوئي يُوحنا نٺه پُونسيو: ”تو

تمي سو ڪوڻ؟ امون نٺه ڪو زم امي امارون ميليا واڙون نٺه ڪي هڪون. تمي
 آپرا پارام ڪي ڪوه؟“ (23) تو اُوته ڪيڏو: ”هُون اُو منڪ سون جو رڻ ۾ پوڪار
 پاڙهه، جي پريو را آيا هارو آپ نٺه تيار ڪرو، زم پڳوونَ رو نياپو ڏيڏا واڙه
 يسعياه ڪيڏو تو.“



(24) هَوته ميلل منڪون موئين ٿي ڪئينڪ فريسي پالٽي را منڪ هتا. (25) اُوئي
 يُوحنا ٿي ام پُونسيو: ”جي تمي نڪو پڳوونَ را سُونِيل پڇايا واڙا ڪريست سو،
 نڪو ايلياه، نڪو پڳوونَ رو نياپو ڏيڏا واڙا سو، تو پسٽه تمي پويتر سنون ڪم

ڏيوھ ریا؟“ 26) يُوحنا اُوئون نئھ وڙندڙي ڏيڏي: ”هُون تو رُوگو پوڻي ٿي پوٽر سنون ڏيونھ، پڻ تمون وسا هيڪ ايوو منڪ اُوپل سئھ جيا نئھ تمي نٿي اوڙڪتا. 27) هائي اُو رو اُو سئھ جيو مُون ڪيڙ آوئھ ريو. هُون تو اُوئا هومو ڪئين نٿي، ايوو پڻ نٿي جي اُوئا رون زوڙون را ڪشا ڪولون.“ 28) اي ٻڌوئي ڪئين يردن ڌريا رئھ پرلئھ ڪپ بيت عنياه گوم ڪن ٿيو، جيئھه يُوحنا منڪون نئھ پوٽر سنون ڏيتو.

يُوحنا ايسو را پارام ھاڪ پرئھ

29) پيڙئھ ڏي يُوحنا ايسو نئھ آپ هومو اوتون پاڙيو، تو ڪيڏو: ”زئون، هائي پگھون رو سُونڍل منڪ سئھ جيو پگھون را نوم مانھ ساڙل گھيئا را زم آپرو جيو پگھون را نوم مانھ ڏيشي، ان ڏنيا رون منڪون را ڏوھ متاڙشي. 30) هائي اُو رو اُو سئھ جيا را پارام مئين ڪيڏو تو: ’اُو مُون ڪيڙ آيا واڙو سئھ پڻ اُو مُون ٿي موٽو سئھ، ڪم تو اُو مُون مور هتو.‘ 31) توڻي پڻ مئين آپ اُوئا نئھ اگي نٿو اوڙڪيو جي اُو پگھون رو سُونڍل پچايا واڙو سئھ، پڻ هُون اينا هارو آيوھ ان پوڻي ٿي پوٽر سنون ڏيونھ جي اُو اسرائيلي قوم هومو ساوو ٿئھ.“ 32) تئينون يُوحنا ايسو را پارام ھاڪ پرئي جي ”زئين هُون اُوئا نئھ پوٽر سنون

ڏي ريو، تئينون مئين پوٽر آتما نئھ پارياو را رُوپ ۾ اُوئا مانھ آڪاش ٿي اوترتون ڏيڪيو ان پوٽر آتما اُوئا مانھ ريو. 33) تيا مور اُوئا نئھ مئين نٿو اوڙڪيو، پڻ پگھون جيئھه مُون نئھ پوڻي ٿي پوٽر سنون ڏيو ميليوھ، اُوئھ مُون نئھ ڪيڏو تو، تُون جيا مانھ پوٽر آتما نئھ اوترتون ان ريتون ڏيڪئھ، هائي اُو رو اُو سئھ جيو پوٽر آتما ٿي پوٽر سنون ڏيشي. 34) ان هُوئھ مئين آپ اونڪيڻي ڏيڪيوھ ان



هاڪ ڀرونه ريو جي اي پڳوون رو ڏيڪرو سٺه.

ايسُو را پيرهيان شيلا

35 پڙهه ڏي وڙي يُوحنا ان اُوٽا را ٻي شيلا اُوٽه اُوپا تا. 36 ان يُوحنا ايسُو نٿه پاهنه ٿين مٿون پاڙيو ان اُوٽا نٿه زوئين ڪيڏو: ”زوٽو، هائي پڳوون رو سُونڊل منڪ سٺه جيو پڳوون را نوم مانه ساڙل گهيتا را زم آڀرو جيو پڳوون را نوم مانه ڏيشي.“ 37 يُوحنا را ٻي شيلا اُوٽا رٿي هائي وات هومپڙين ايسُو را شيلا ٿيا هارُو ايسُو وونهڙ ويوا مڏيا. 38 ايسُو لوٽو واڙين اُوٽون نٿه آڀ وونهڙ اوتا پاڙين ڪيڏو: ”تمي مُون وونهڙ ڪم آوه زيا؟“ اُوٿي وڙنڌي ڏيڏئي: ”رٻي“ مطلب گڙو جي، ”تمي ڪيٿه ريوه؟“ 39 تئين ايسُو اُوٽون نٿه ڪيڏو: ”هالين زوٽو.“ تيام اُو پيڙا گيا ان زويو جي ايسُو ڪيٿه رٿه ان اُرات اُوٽا ڪن ٿڪي ريا، ڪم تو هونز رو چارونڪ رو توٽو هتو.

40 اُو ٻي زٿا جي يُوحنا رٿي وات هومپڙين ايسُو وونهڙ گيا تا، اُوٽون موئين ٿي هيڪ اندرياس هتو، جيو شمعون پطرس رو پائي هتو. 41 اُوٽه يڪدم آڀرا پائي شمعون نٿه گوتين هات ڪريو ان اُوٽا نٿه ڪيڏو: ”امون نٿه مسيح زڙيوه.“ مطلب پڳوون رو سُونڊل پچايا واڙو ڪريست زڙيوه. 42 ان اُو شمعون نٿه ايسُو ڪن تيڙي آيو. ايسُو اُوٽا نٿه زوئين ڪيڏو: ”ئون يُوحنا رو ڏيڪرو شمعون سٺه. آڙ ٿي لين ٿارو نوم ڪيفا هوشي.“ جيا نٿه يوناني ٻولي ۾ پطرس ڪٺه، مطلب پٿر.

ايسُو فلپس ان نٿائيل نٿه آڀرا شيلا ٿيا رو ڪٺه

43 پڙهه ڏي ايسُو گليل صوپا موئين زايا رو ڳينصلو ڪريو، ان اُوٽه فلپس نٿه گوتين هات ڪريو ان اُوٽا نٿه ڪيڏو: ”مارو شيلو ٿين مُون وونهڙ آو.“ 44 هونٺه فلپس گليل صوپا را بيت صيدا شهر رو هتو، جيا شهر ٿي اندرياس ان پطرس پڻ اول هتا. 45 فلپس نٿائيل نٿه گوتين هات ڪريو ان اُوٽا نٿه ڪيڏو: ”امون

ننه پڳوونَ رو سُونډل پڇايا واڙو زڙيوه، جيا را پارام مُوسي را شاستر موئين ان پڳوونَ رو نياپو ڏيڏا واڙون را شاستر موئين اڳي لڪل سئم. او يُوسف رو ڏيڪرو ايسو سئم، جيو ناصرت شهر رو سئم. (46) تئيون نتائينل ڪيڏو: ”ناصرت شهر موئين ٿي پڻ ڪئين نائوڪو نيهري هڪه ڪي؟“ تو فلپس اونا ننه ڪيڏو: ”تون آپ هالينَ زو.“ (47) زئيون ايسو نتائينل ننه آپ ڪن اوتون پاڙيو تئيون اونا را پارام ڪيڏو: ”زوئو، هائي هاسو اسرائيلي سئم، جيا ڀر لڳرائي نڳئي نٿي.“ (48) تئيون نتائينل ايسو ننه ڪيڏو: ”تمي مُون ننه ڪم ڪرين اوزڪوه؟“ ايسو اونا ننه وڙندڙي ڏيڏي: ”هُون زوئونھ جي فلپس رنه تون ننه تيرايا مور، تون انجیر را وڻ هيٺ هتو.“ (49) تئيون نتائينل ايسو ننه ڪيڏو: ”ڳرو جي، تمي پڳوونَ را ڏيڪرا سو، تمي اسرائيلي قوم را پاڏشا سو.“ (50) تيا مانھ ايسو اونا ننه ڪيڏو: ”مئين ڪيڏوه جي مئين تون ننه انجیر را وڻ هيٺ ڏيڪيوه، تيام تون مُون مانھ وشواس اوئنه، ڪي؟ تون ايٺا ٿي پڻ موئي واتون پاڙيه.“ (51) ان ايسو اونا ننه وڌارنه ڪيڏو: ”هُون تمون ٻڌون ننه هاس ئي هاس ڪونه، جي تمي آڪاش ڪُلل ڏيڪشو ان پڳوونَ رون آڪاشي ڏوتون ننه مُون منڪ ذات را ڏيڪرا ري ڪري پڳوونَ ان منڪون وسا آواز ڪرتون پاڙشو.“

ايسو پڳوونَ رو ڏيڏل ڪوم ڪرڻه

قانا شهر موئين ويوا مانھ ايسو پيرهيون پرسو ڏيڪارڙه

2 ① ترئمئه ڏي گليل صُوپا را قانا نومي شهر موئين هيڪ ويوا هتو، ان ايسو رئي مان اوئنه هتئي. ② ان ايسو ننه ان اونا رون شيلون ننه پڻ ويوا رئي داوت هتئي. ③ اوئنه ڌراڪون رو رس ڪٽي ڳيو تو. تئيون ايسو ري مان اونا ننه ڪيڏو: ”ايئون ڪن ڌراڪون رو رس ڪٽي ڳيوه.“ ④ تيا مانھ ايسو آپري مان ننه ڪيڏو: ”مان، هائي تون مُون ننه ڪم ڪنه؟ مارنه ساوو ٿيا رو توڻو هزون

هُودِي نَه آيو. ” ⑤ تئين اوتار ري مان ويوا هر شيوا كريا وازون نئه كيڏو: ” جي
ڪئين اوتار نئه كريا رو ڪئه اوتار ڪرو.“

⑥ هونه اوتار يهودي ڌرم ري ريت ڀروئيه هات ڌويا هارو سو ناڌون پڙي
تي، جي پوتون ري ناول هتي. هر هيڪ ناڌ موئين پيڪ مڻ پوئي هماتو. ⑦ ايسو
شيواڌاريون نئه كيڏو: ” ناڌون موئين پوئي پرو پرو.“ تو اوتار ناڌون نئه پوئي
ٿي تهوتار پري پري. ⑧ تئين ايسو شيواڌاريون نئه كيڏو: ” هونه ايئون موئين
ٿي پرين ويوا رو انتظوم ڪريا وازا نئه ڏيو.“ ان اوتار امروم ڪريو. ⑨ زئين
انتظومي اوتار پڏو، تو پوئي ڌراڪون رو رس ٿيل هتو. انتظومي نئه ڪئين ڪهر
نتي جي اي ڌراڪون رو رس ڪيٽ ٿي آيو، پڻ شيواڌاريون نئه، جيئي پوئي
پريو تو، پوري ڪهر هتي. تئين انتظومي لاڏا نئه تيڙاوين ⑩ اوتار نئه كيڏو:
” ٻڌائي منڪ نائوڪو ڌراڪ رس مورمه پيئار، ان زئين ٻڌائي پين ڪش ٿه،
تئين روڳو جيوو تيوو ڌراڪ رس ڏهه. پڻ تمي اي ٻڌون ٿي نائوڪو ڌراڪ رس
هزون هودي راڪي ساڏيوه.“

⑪ ايسو اي پيرهون پرسو گليل صوپا را قانا شهر موئين ڏيڪاريو، ان ايئا
نيشون ٿي اوتار وات ساويي ڪرين ڏيڪاريو جي اوتار هاس هر پڳون رو ڏيڪرو
سئه. ان اوتار ري شيلي اوتار مانه وشواس اوتار.

⑫ تيا ڪيڙ ايسو آري مان، آرون پايون ان آرون شيلون پيڙو ڪفرنحوم
شهر موئين گيو. ان اوتار اوتار ڪمينڪ ڏي ريا.

ايسو پڳون را گهر موئين ٿي واپار ڪريا وازون نئه بارا ڪايهه

(متي 12:21-13، مرقس 11:15-17، لوقا 19:45-46، يُوحنا 2:13-22)


⑬ زئين يهودي ڌرم ري پاشڪا نومي پرڀ ڏوڪڙي اوتار، تئين ايسو يروشلم
شهر موئين پرڀ مانه گيو. ⑭ اوتار پڳون را گهر هر اوتار واپاري پاريا جي
گائو مال، ريو مال ان پاريا پڳون را نوم مانه سڙيا هارو ويستات ريا، ان

پئيهما متيا واڙا پڻ بينل پاڙيا، جيا ڏون ۾ ڏيڏا هارُو کاس پئيهما متتات ريا. ⑮ تيام ايسُو رونڊوڙون رو هابڪو ٺاوين اُوئون ٻڌون واپاريون نئه ردا مال ان گائو مال هتيللا پگوون را گهر ٿي ٻارا ڪاڍيا، ان پئيهما متيا واڙون رو ريزو اوڏاڙيو پرو ان پاتيا اوٿلايا پرا. ⑯ پارويو ويسيا واڙون نئه اوئه ڪيڏو: ”ايئون نئه ايٿ ٿي هيڪل لي زائو. مارا ٻاپ را گهر نئه پڙئي مت ٺاوو!“ ⑰ تئيون ايسُو رون شيلون نئه شاستر رو اي ليڪ همپريو:

”تمارا گهر رو پریم، او ايشور، مارا من ۾ اتو پڙه

جي نيٺ مون نئه ٻاڙي نوڪشي.“

⑱ تئيون يهودي ڌرم ري آگيون ايسُو ٿي پونسيو: ”تون امون نئه ڪيو پرسو ڏيڪاڙهه جيا ٿي ٿاڀٽي ٿهه جي تون نئه هم ڪريا رو حق سئه؟“ ⑲ تو ايسُو اوئون نئه وڙنڊي ڏيڏي: ”تمي ايٺا مندر نئه ڪتم ڪرو پرو، ان هون ترئون ڏيئون ۾ وڙي ايٺا نئه اوپو ڪريه پرو.“ ⑳ تيام آگيون ڪيڏو: ”ايٺا مندر نئه ٺاوتون چيتاليه ورههه ٿيا، ان تون ترئون ڏيئون ۾ ايٺا نئه وڙي اوپو ڪريه پرو ڪي؟“



㉑ پڻ ايسُو پگوون را گهر را پارام نئين، پڻ آپرا شرير را پارام ڪيتوت ريو، جي اوٺا رو شرير پگوون رو مندر سئه. ㉒ تيام زئيون تيا ڪيڙ ايسُو مرلون موئين ٿي جيوي اُونيو، تئيون اوٺا رون شيلون نئه ياد آيو جي ايسُو آپرا جيوي

اُونيا را پارام هم ڪيڏو تو، ان اُوئي شاستر ري وات مانھ ان ايسو ري ھايا ڪيڏل وات مانھ يقين راڪيو.

ايسو منگون را پارام ٻڌوئي ڪئين زوڻهه

②3 زئيون ايسو پاشڪا پرڀ رنه توڻه يروشلم شهر ۾ زاتروئون وسا هتو، تئين گهڻي منڪي ايسو را ڪرل ڪوم ان ڏيڪاڙل پرسا زوئين اونا مانھ يقين اوڻيو، جي ايسو پڳوون رو سونديل پڇايا وازو ڪريست سٺه. ②4 پڻ ايسو رو اوئون منگون مانھ پروسو نتو. تيام ايسو اوئون ننه ساوڻه ڍاڙهه نه ڪيڏو جي آپ ڪون سٺه، ڪم تو اونا ننه ٻڌون منگون را پارام ڪبر هڻي. ②5 ايسو ننه اينا رڻي ڪئين ضرورت نٿي جي ڪوڪ اونا ننه ڪياڪ منڪ را پارام وٽاڙهه، ڪم تو او آپ زوڻتو تو جي هر هيڪ منڪ را من موئين ڪي سٺه.



ايسو ان نيڪڊيمس

① هَوڻه فريسي پالڻي رو هيڪ منڪ هتو جيا رو نوم نيڪڊيمس هتو. او 3 يهودي ڌرم رو هيڪ آڳيوون هتو. ② او رات رو ايسو ڪن آيو ان ڪيڏو: ”گرو جي، امون ننه ڪبر سٺه جي تمي پڳوون را پاها ٿي ميلل شيڪاڙيا وازا


سو، ڪم تو جيو پارسا تمي ڏيڪاڙوھ ريا، ايوا پارسا ڪوئي ڏيڪاڙي نه هڪٿت جي پڳوون اُوٿا رٿه پيلئنه نه هوٿت.

③ ايسو اُوٿا رو آيا رو مطلب زوئين اُوٿا نئنه ڪيٿو: ”هُون تمون نئنه هاس ئي هاس ڪونه، ڪوئي منڪ پڳوون را راز موئين تئيون هُوڏي آوي نئي هڪتو، زئيون هُوڏي او پڳوون را پاها ٿي وڙي نه زلمئنه.“ ④ نيڪڊيمس اُوٿا نئنه ڪيٿو: ”هُون تو ڏوڪرو سون. مارئي مان ڪم ڪرين مُون نئنه وڙي زلمي هڪئنه؟ منڪ وڙي پيڙي وارڪو مان را پيٽ موئين ٿي زلمائي هڪئنه ڪي؟“

⑤ تيا مانھ ايسو اُوٿا نئنه ڪيٿو: ”هُون تمون نئنه هاس ئي هاس ڪونه، ڪوئي منڪ پڳوون را راز موئين آوي نئي هڪتو، زئيون هُوڏي پوٿي ٿي پويتر سنون لين ان پويتر آتما ٿي نوو ٿين نه زلمئنه.“ ⑥ زئيون ڪوڪ منڪون را پاها ٿي مان ٿي زلمئنه تو اُوٿا نئنه روڳئي اي حياتي زڙئنه، پڻ زئيون پڳوون را پاها ٿي پويتر آتما ٿي زلمئنه تو اُوٿا نئنه پڳوون ٿي واسطو راڪيا وازو جيون زڙئنه. ⑦ تمي ماري اينا ڪيٿل وات ٿي حيرون مت ٿيو جي تمون ٻڌون رٿه پڳوون را پاها ٿي وڙي زلم ليوو ڪپئنه. ⑧ واٿيرو، جبال وٿئنه، اول وائنه. اُوٿا رو شوشات تو هومپڙيام اوئنه پڻ ڪهر نئي پڙئي جي ڪيٿ ٿي اوئنه ريو ان ڪيال زائنه ريو. پويتر آتما پڻ همروم سئنه. او آپري مرضي پرموئنه منڪون نئنه نوو جيون ڏئنه. پويتر آتما وگر نوو جيون نئين زڙئنه.“ ⑨ تئيون نيڪڊيمس پونسسيو: ”هائي واتون ڪم ڪرين ٿي هڪئنه؟“

⑩ تو ايسو اُوٿا نئنه ڪيٿو: ”تمي تو اسرائيلي قوم را شيڪاڙيا وازا سو، ان تمون نئنه هايون واتون را پارام ڪهر ٿي نئي؟ ⑪ هُون تمون نئنه هاس ئي هاس ڪونه: امي او واتون ڪرونه جيون را پارام امون نئنه ڪهر سئنه، ان اوئون واتون رئي هاڪ پرونه جيون نئنه امي اونڪيئي ڏيڪيه، پڻ تمي منڪ امارئي پرل هاڪ نئي مونتا. ⑫ مئين ڏنيا ري شينهنون را مثال ڏين تمون منڪون ٿي ايت ري واتون ڪري، پڻ تمي ماري واتون نئي مونتا، تو پسئنه ڪم ڪرين تمي مونشو جي

هُونَ آكاش ان پڳوونَ ري واتون ڪرون؟ ⑬ ڪوئي منڪ آڪاش ۾ پڳوونَ ڪن ڪيڏي نٿي ڳيو. رُوڳڻي مُون نئه اُوٿ رڻي ڪهر سئه، ڪم تو هُون منڪ ذات رو ڏيڪرو سون، ان آڪاش تي اُول سون. ⑭ جيوئه نمونئه رن موئين موسي منڪون نئه پڇايا هارُو پيترو هاپ لاکڙي مانه ساڙين اونسو ڪريو تو، هيونئه نمونئه موٽهئنه مُون منڪ ذات را ڏيڪرا نئه پڻ ضرور اونسو ساڙشي، ⑮ زم هر هيڪ منڪ جيو مُون مانه وشواس راکئه، اُوٿا نئه هميش رو جيون زڙئه.



⑯ وات اي سئه: پڳوونَ ڏنيا رون منڪون ٿي ايوو پريم ڪريو جي اُوئه آپرو ڏيڪرو ڏيڏو، جيو اُوٿا رو هيڪئه ڏيڪرو هتو، زم جي ڪوئي اُوٿا مانه وشواس راکئه اُو هميش ري سزا ٿي پڇي زائه، ان اُوٿا نئه هميش رو جيون زڙئه. ⑰ ڪم تو پڳوونَ آپرا ڏيڪرا نئه ايٿا ڏنيا ۾ ايٿا هارُو نه ميليو جي اُو ڏنيا رون منڪون نئه سزا ڏيڏا رو ڦينصلو ڪرئه، پڻ ايٿا هارُو ميليوه جي اُوٿا ري ڪري ڏنيا را منڪ پڇي زائه.

⑱ جيو ايسُو مانه وشواس راکئه، اُوٿا مانه سزا رو ڦينصلو نٿي ٿيتو. پڻ جيو ايسُو مانه وشواس نٿي راکتو، اُوٿا مانه سزا رو ڦينصلو اڳي ٿيل سئه، ڪم تو اُوئه پڳوونَ را هيڪاه ڏيڪرا مانه وشواس نه اوٿيو. ⑲ ان اي سزا رو ڦينصلو تيام ٿئه، ڪم تو ايسُو سوجهرو ٿين ڏنيا ۾ آيو پڻ منڪون نئه اندارو سوجهرا ٿي گهڻو وٿيو، ڪم تو اُوٿون را ڪوم ڪراپ هتا. ⑳ جيو ڪوئي ڪراپ ڪوم ڪرئه اُوٿا نئه سوجهرو هاو نٿي وٿتو، ان اُو سوجهرا ڪن نٿي اوتو متون اُوٿا را ڪراپ ڪوم ساوا نه ٿئه. ㉑ پڻ جيو منڪ هاسيون واتون مانه وئه، اُو سوجهرا ڪن اُوئه زم وات ساوئي ٿئه جي اُوٿا را ڪوم پڳوونَ ري مرضي پرموٽه ڪرل سئه.

يُوحنا ايسنو را پارام وزي هاك پرهه

22) تيا ڪيڙ ايسنو ان اُٺا را شيلا يهوديه صُوپا را ٻاراڙي را علاقا ۾ ڳيا، ان اُٺه ايسنو اُٺون پيڙو ريو ماڏيو ان منڪون نئه پويتر سنون ڏيوراوا ماڏيو.

23) اُٺا وڪت ۾ يُوحنا پڻ منڪون نئه پويتر سنون ڏيتوت ريو. اُو پيڙا ماڳ شاليم شهر ٿي ڏوڪڙو عينون نومي ماڳ ۾ هتو، ڪم تو اُٺه گهڻو پوڻي هتو، ان منڪ اُٺا ڪن آوين اُٺا ٿي پويتر سنون ليتات ريا. 24) اي ٻڌوڻي ڪئين يُوحنا رئه جيل موئين پورايا مور ٿيو.

25) تيام يُوحنا رون شيلون ان ڪياڪ يهودي منڪ وسا آبت ۾ پحث ٿئي، جي ڪيا ڪن پويتر سنون ليوو ڪپئه. 26) تيا مانه شيلي يُوحنا ڪن آوين ڪيڏو: ”گرو جي، اُو منڪ جي يردن ڌريا ٿي پرلير تمون پيڙو هتو جيا را پارام تمي هاڪ پري ٿي، اُو هُوه منڪون نئه پويتر سنون ڏيوراوه ريو، ان ٻڌائي منڪ اُٺا ڪن زائه ريا.“

27) تئينون يُوحنا ڪيڏو: ”ٻڌوڻي ڪئين پڳوون ري هاڻي سئه. جي پڳوون رئي مرضي نه هوت تو منڪ اُٺا هوما نه تڻائت. 28) تمون نئه ڪپر سئه جي مئين ام ڪيڏو تو: ’هُون پڳوون رو سونڊل پچايا واڙو ڪريست نٿي.‘ پڻ پڳوون مون نئه اُٺا مور ميليوه، جي هُون منڪون نئه اُٺا هوما ميلون. 29) مثال، لاڏڻي تو لاڏا رئي سئه. وسويو لاڏا رئي وات زوهه، ان زئين هومپڙهه جي لاڏو آيوه رو، تئينون اُو ڪش ٿهه. هُوه هُون وسويا را زم گهڻو ڪش سون ڪم تو جيا رئي وات هُون زوتوت ريو اُو آيوه رو، ان منڪ اُٺا ڪن زائه ريا. 30) اُٺا رو مون وڏو ڪپئه، ان مارو مون گهٽ ٿيوو ڪپئه.“

ايسنو پڳوون را پاها ٿي اول سئه

31) ايسنو جو پڳوون را پاها ٿي آڪاش ٿي اول سئه اُو ٻڌون مانه سئه. يُوحنا

جو دُنيا ٿي آوَل سئُه اُو رُوڳو منڪ سئُه ان منڪ تين واتون ڪرئُه. پڻ ايسُو جو آڪاش ٿي آوَل سئُه اُو ٻڌون مانُه سئُه. (32) اُوئُه جي ڪئين ڏيڪيوه ان هومپڙيوه اُوئون واتون را پارام هاڪ پرين منڪون نئُه همپڙاوئُه، پڻ منڪ اُوئا ري واتون نٿي مونتا. (33) توڻي پڻ جيئُه ڪيئُه اُوئا ري واتون موني، اُوئُه ٿاڀٽي ڏيڏي جي پڳوون هاسو سئُه. (34) ڪم تو ايسُو، جيا نئُه پڳوون ميليُو، اُو پڳوون ري واتون ڪرئُه. پڳوون اُوئا نئُه پويتر آتما ٿي پرپور ڪريُو، تيام اُو پڳوون ري واتون ڪرئُه. (35) پڳوون ٻاپ آڀرا ڏيڪرا ٿي پريم ڪرئُه ان اُوئُه ٻڌوئي ڪئين اُوئا را هات ۾ ڏيڏوُه. (36) جو پڳوون را ڏيڪرا مانُه وشواس راکئُه اُوئا نئُه هميش رو جيون زڙل سئُه، پڻ جو پڳوون را ڏيڪرا رو ڪيڏو نٿي مونتو اُوئا نئُه هميش رو جيون موزڳوئي نئين زڙئُه، پڻ پڳوون رئي سزا اُوئا مانُه هوشي.

ايسُو سامري قوم ري هيڪي اشيتري نئُه پوڻي رو مثال ڏين پويتر آتما را پارام هزماوئُه

4 ① فريسي پالٽي ري منڪي هومپڙيو جي ايسُو يُوحنا ٿي وڌارئُه شيلا ڪرئُه ريو، ان اُوئا ٿي وڌارئُه منڪون نئُه پويتر سنون ڏئُه ريو. ② هاس ۾ ايسُو آپ منڪون نئُه پويتر سنون نتو ڏيتو پڻ آپرون شيلون ٿي ڏيوروتو تو. ③ زئون پرپو ايسُو نئُه ڪهر پڙئي جي فريسي پالٽي ري منڪي اي هومپڙيوه، تئيون اُو يهوديه صوپو ساڌين وڙي گليل صوپا هومو روونو ٿيو. ④ اُوئُه زايا هارُو اُوئا رئُه سامريه علاقا ۾ ٿين متو تو.



⑤ تيام ويتون ويتون اُو سامريه را سُوخار نومي شهر ڪن آوي پوڳيو. هائي شهر اُوئا زمي ٿي ڏوڪڙو سئُه جئي يعقوب آڀرا ڏيڪرا يوسف نئُه ڏيڏي ٿي. ⑥ اُوئُه يعقوب رئي نوراوَل ويرئي هئي. تيام ايسُو پنڌ ٿي ٿاڪين ويرِي مانُه

پينو هئو. تئيون پهرون رو ٻارونڪ رو توڻو هتو.

⑦ تته توڻه سامري قوم ربي هيك ڏوشي اوتا ويري مانه پوڻي پروا آوئي، تو ايسو اوتا ننه ڪيڏو: ”ٻائي، مون ننه پوڻي پيٿار.“ ⑧ ايسو را شيلا اوتنه توڻه شيمون ليوا شهر موئين گيا تا. ⑨ سامري قوم ري ڏوشي ايسو ننه ڪيڏو: ”تم يهودي سو، تم ي مون سامري قوم ري ڏوشي ٿي پوڻي ڪم مونگوه ريا؟“ هوڻه يهودي قوم سامري قوم ٿي شپ راکڻه. ⑩ تيا مانه ايسو اوتا ننه ورندي ڏيڏي: ”جي تون ننه ايتا وات ربي ڪهر هوڻت جي پگهون منڪون ننه ڪي ڏيوا ڪرڻه، ان اي پڻ ڪهر هوڻت جي هون تون ٿي پوڻي مونگيا وازو ڪون سون، تو تون مون ٿي مونگت ان هون تون ننه جيوڙيا وازو پوڻي ڏت.“ ⑪ تو ڏوشي اوتا ننه ڪيڏو: ”ساب، تمون ڪن پوڻي ڪاڍيا هارو ڪوئي نونپرو نٿي ان ويرئي اونڌي سئه، تو پسئه تم ي ڪيت ٿي آڀرو جيوڙيا وازو پوڻي پرشو؟ ⑫ تم ي آڀرا آپ ننه آڀرا ڏاڏا يعقوب ٿي موٽا هزموه ڪي؟ اوتنه امون ننه اي ويرئي ڏيڏي ٿي. او آپ ايتا موئين ٿي پيتو، ان اوتا را ڏيڪرا ان اوتا رو مال پڻ ايتا موئين ٿي پيتو.“ ⑬ تيا مانه ايسو اوتا ننه ڪيڏو: ”جو ڪوئي اي پوڻي پيئه اوتا ننه وزي ترهه لاگشي. ⑭ پڻ جو مارو ڏيڏل پوڻي پيئه، تو اوتا ننه هميش هوڏي ترهه ڪيڏي نئين لاگنه، پڻ مارو ڏيڏل پوڻي اوتا موئين پتار را پوڻي را زم نيهرتو ريشي، جيا ٿي اوتا ننه هميش رو جيون زڙشي.“

⑮ تئيون ڏوشي اوتا ننه ڪيڏو: ”ساب، هائي پوڻي تم ي مون ننه ڏيو، زم مون ننه ترهه نه لاگنه ان مارئه ايتنه پوڻي پروا وزي نه آوو پڙئه.“ ⑯ تو ايسو اوتا ننه ڪيڏو: ”زا ان آڀرا آدمي ننه ايتنه تيڙي آو.“ ⑰ تيا مانه ڏوشي اوتا ننه ڪيڏو: ”مارو آدمي سئه ئي نئين.“ تو ايسو اوتا ننه ڪيڏو: ”تون نڪ ڪهه ربي جي ٿارو آدمي سئه ئي نئين، ⑱ ڪم تو تئين پونس آدمي ڪرياه ان همئه جيا پيڙي تون رهه ربي او ٿارو آدمي نٿي. تئين هاس ڪيڏوه.“




19 ڏوشي اونا ننه ڪيڏو: ”ساڏو جي، هون هون اوڙڪي گهيه جي تمڀي پڳوون رو نياپو ڏيڏا واڙا سو، نڪا تمون ننه هايا وات رهي ڪبر نه پڙت. 20 هون اماري سامري قوم را ڏاڏا هايا ڏونگر مانه پوزا ڪرتا پڻ تمڀي يهودي ڪوه ريا جي پوزا ڪريا رهي صحيح جڳا يروشلم شهر موئين سته. هون تمڀي مون ننه ڪو، ڪيڏهه پوزا ڪروو ڪپنه؟“ 21 تو ايسو اونا ننه ڪيڏو: ”پاڻي، ڏوم بوم رهي وات ساڏ! مارهي وات مون، او توڻو اوڻه ريو زئيون تمڀي نڪو هايا ڏونگر مانه زائين نڪو يروشلم شهر موئين زائين پڳوون پاپ رهي پوزا ڪرشو. 22 تمڀي سامري قوم واڙا پڳوون رهي پوزا تو ڪروه، پڻ اونا را پارام زوتتا ئي نئي. پڻ امي يهودي تو پڳوون را پارام زوتونه جيا رهي امي پوزا ڪرونه، ڪم تو پڳوون رو سونيدل پچايا واڙو يهودي قوم موئين ٿي آيا واڙو سته. 23 توڻي ايوو توڻو اوڻه ريو پڻ هاو آوي پوگيوه زئيون هاسا پوزاري پڳوون پاپ رهي پوزا پويتر آتما ري ڪڙا ٿي ان هاسا من ٿي ڪرشي، ڪم تو پڳوون پاپ ننه ايوا پوزاري وڻهه. 24 پڳوون واڻيرا را زم آتما سته. ان جيا منڪ اونا رهي پوزا ڪرڻه، اوڻون رنه پويتر آتما ٿي ان هاسا من ٿي اونا رهي پوزا ڪروو ڪپنه.“

25 تسيون ڏوشي اونا ننه ڪيڏو: ”مون ننه تو ڪبر سته جي پڳوون رو سونيدل

پڇايا وڙو مسيح آوئھ ريو، جيا نئھ ڪريست ڪئھ. زئيون او آوشي تتيون او
آپون نئھ ٻڌوئي ڪئين همپڙاوشي. ”²⁶ پسنھ ايسو اوئا نئھ ڪيڏو: ”هون جي تون
ٿي ٻولونھ ريو، هون او رو او سون.“

²⁷ اوئھ توئھ ايسو را شيلا پاسا آيا را ان او حيرون هتا جي ايسو ڏوشي ٿي
واتون ڪرئھ ريو. توئي پڻ ڪيئھ ئي ايسو ٿي نه پونسيو جي تمې اوئا ٿي ڪم
واتون ڪرھ ريا ان تمارو اوئا ٿي ڪيو ڪوم سئھ؟ ²⁸ تتيون ڏوشي آڀرو گھڙو
ساڌين پاسئي شهر ۾ گھڻي پري ان اوئھ زائين منڪون نئھ ڪيڏو: ²⁹ ”هالو
هالين هڪا ايوا منڪ نئھ زوئو، جيئھ جي ڪئين مئين ڪريو او ٻڌوئي مون نئھ



همپڙايوھ پرو. هائي منڪ ضرور پگھون
رو سونڊل پڇايا وڙو ڪريست هوشي،
نا؟ ”³⁰ تيام منڪ شهر ٿي نيهرين ايسو
ڪن آوا مڏيا.

ايسو پاڪل ڦصل رو مثال ڏين ھزماوئھ

جي همئھ منڪ وشواس اوٿيا هارو تيار سئھ ان شيڪاڙيا رو توئو سئھ

³¹ تئھ توئھ ايسو را شيلا ايسو نئھ منٿ ڪرتات ريا: ”گرو جي، روئي ڪائي
ليو.“ ³² پڻ ايسو اوئون نئھ ڪيڏو: ”مون ڪن حياتي رو ايوو هيلو سئھ، جيا
رئي تمون نئھ ڪبر نئي.“ ³³ تيام شيلا هڪا پيزا نئھ ڪيو مڏيا: ”گرو جي هارو
ڪوڪ کاڌا رو ڪئينڪ لايو تو، ڪي؟“ ³⁴ پڻ ايسو اوئون نئھ ڪيڏو: ”مارئي
حياتي ڪاڌا پيڏا مانھ نه. پڻ ماري حياتي رو هيلو اي سئھ جي هون پگھون
ري مرضي مانھ وون جيئھ مون نئھ ميليھ، ان اوئا رو ڏيڏل ڪوم پورو ڪرون.
³⁵ تمون موئين اي ڪيئي نئي ڪي: ’هزون آڏا پڙيا سئھ مئينا چار لبارا نئھ.
پڻ هون هون تمون نئھ ڪونھ ريو جي همئھ اونڪيون اوگھاڙين ڪيترون نئھ
زوئو، جي پوک پاڪيھ پري ان همئھ لبارا رو توئو سئھ. ³⁶ اي او توئو سئھ

زئيون لئيارا آپرئي مزورئي لئه، ان ڏون پيزو ڪرئه، زم وايا وازو ان لئيا وازو
 بي ئي پيزا ڪش ٿه. مطلب، همٿه منڪون نئه شيڪارٽيا رو ان هميش رو جيون
 ليڏا هارو پيزا ڪريا رو توڻو سئه. (37) اي ڪيٽيئي هاسئي سئه جي هيك منڪ
 واوئه، پڻ پيزو منڪ لئه. (38) مئين تمون نئه او لئا ميلياھ، جيام تمي اڳي
 ڪئين ڪوم نه ڪريو. پيزي منڪي ڪوم ڪريوھ، ان تمي اوئون را ڪرل ڪوم
 رو قائيدو ليوھ ريا.

(39) اوئا شهر ري گهڻي سامري قوم وازي يقين ڪريو جي ايسو پڳوون رو
 سونديل پڇايا وازو ڪريست سئه. ڪم تو اوئه ڏوشي اوئون نئه هاک پرين ايسو
 را پارام ڪيڏو تو: ”مئين جي ڪئين ڪريو، اوئه منڪ ٻڌوئي مون نئه همپزياوھ
 پرو.“ (40) تيام زئيون سامري قوم را منڪ ايسو ڪن آيا، تئيون اوئي ايسو نئه
 آپ ڪن ريا رئي منٿ ڪري، ان ايسو اوئون ڪن بي ڏي ريو. (41) ان پيزي گهڻي
 منڪي ايسو ري واتون هومپزين اوئا مانھ وشواس اوئيو. (42) او اوئا ڏوشي نئه
 ڪيو مڏيا: ”هونه امي ٿاري ڪيڏل وات ري ڪري نئين پڻ ايٿا ري ڪري وشواس
 راکونه، ڪم تو امي آپ اوئا ري واتون هومپزيه، ان امون نئه ڪپر سئه جي او
 هاس ۾ ڏنيا رون منڪون نئه تارڻ ڏيڏا وازو سئه.“

ايسو هڪا سرڪاري منڪ را ڏيڪرا نئه هازو هورو ڪرئه

(43) سامريه علاقا ۾ بي ڏي رين ايسو گليل صوپا هومو روونو ٿيو. (44) هونه
 ايسو آپ اڳي ڪيڏو تو: ”پڳوون رو نياپو ڏيڏا وازو رو آپرا ڏيه ۾ مون نئي
 ٿيتو.“ (45) تيام زئيون او آپرا گليل صوپا موئين پاسو آيو، تو اوٿ را منڪ اوئا
 ٿي ڪشي ٿي مڙيا، پڻ روڳا اوپرليا من ٿي. ڪم تو او پڻ يروشلم شهر موئين
 پاشڪا پرپ مانھ ڳيا تا، ان اوئي ٻڌوئي ڪئين پاڙيو تو جي ايسو اوئيه پرپ
 مانھ ڪيو پرسا ڏيڪارٽيا تا.

(46) ايسو گليل صوپا را قانا شهر موئين وڙي آيو جيئنه اوئه پوئي ٿي ڌراڪون

رو رس نايو تو. هَوَئِه سرڪار رو هيڪ ساپ هتو جيا رو ڏيڪرو ڪفرنحوم شهر ۾ مونڌو هتو. (47) زئيون اُوئه هومپريو جي ايسو يهوديه صوپو ساڏين ايئته گليل صوپا موئين آيوه رو، تئيون ايسو ڪن آوين اُوئا نئه منٿ ڪرئي: ”ميريونئي ڪرين هالو، ان مارا ڏيڪرا نئه هازو هورو ڪرو.“ اُوئه ام ڪيڏو ڪم تو اُوئا رو ڏيڪرو مريا مانه هتو. (48) تيام ايسو اُوئا نئه ڪيڏو: ”تمي منڪ پرسا ان نيشون زويا وگر مون مانه وشواس نئين راکو.“ (49) توئي پڻ حڪومت رئه ساپ ايسو نئه ڪيڏو: ”ساڏو جي، هالو، نڪا مارو سوڪرو مري زاشي.“ (50) پسئه ايسو اُوئا نئه ڪيڏو: ”تمي آپري گهري زائو. تمارو ڏيڪرو هَوَئِه نئين مرئه.“ ساپ ايسو ري ايٿا ڪيڏل وات مانه يقين راکيو ان آپرا گهر هومو روونو ٿيو.

(51) اُو ساپ پاسو آپري گهري زاتو تو، تئيون اُوئا را نوڪر رستا ۾ نياپو لين آوتون اُوئا نئه پيڙا ٿيا ان ڪيڏو: ”تمارو سوڪرو مريا ٿي پچي گيوه.“ (52) تيام ساپ نوڪرون ٿي پونسيو: ”سوڪرو ڪيئه ٿوئنه نيڪ ٿي گيو؟“ تو اُوئي ڪيڏو: ”ڪال پورون رو هيڪ واگي، اُوئا رو تاو اوتري گيو تو.“ (53) تئيون پاپ هزمي گيو جي سوڪرو اُوئه ٿي هاگي ٿوئنه نيڪ ٿي گيو تو، جيئه ٿوئنه ايسو اُوئا نئه ام ڪيڏو تو: ”تمارو ڏيڪرو هَوَئِه نئين مرئه.“ ان اُوئه ساپ ايسو مانه وشواس اوٿيو ان اُوئا ري گهر ري ٻڌي منڪي پڻ وشواس اوٿيو.

(54) هيوئه نمونئه ايسو يهوديه صوپو ساڏين گليل صوپا موئين آوين وڙي پيڙي وار پرسو ڏيڪاڙيو، ان هم نيشون ڏيڏو جي اُو ڪوڻ سئه.

پويتر ٿي رو ايسو هيڪا رُونڱڙا نئه هازو ڪرئه

5 ① تيا ڪيڙ يهوديون رئي هيڪ پرپ اوئي، تيام ايسو يروشلم شهر ۾ پرپ مانه گيو. ② هَوَئِه يروشلم ۾ رديون واڙا دروازا ڪن هيڪ تڙاو سئه، جيا نئه عبراني ٻولي ۾ بيت حسدا ڪئه. اُوئا تڙاو رئه پيوڙي پونس پڪا ڍاڙيا

سٺم. ③ ڍاڙيون هيٺ الاهي گهڻا اونڌا، پونگڙا، رُونگڙا ان هيو پيمار منڪ پڙيا تا. (اُو تڙاؤ ۾ پوڻي ڏگيا رڻي وات زوتا تا، ④ ڪم تو ڪيڏيڪ ڪيڏيڪ ايشور را پاها ٿي آڪاشي ڏوت اوتو ان پوڻي نئه ڏگاوتو. جيو پوڻي ڏگيا رئه توڻه ٻڌون مور موئين اوترتو، اوتان نئه ڪيوڻي پڻ پيمارڻي هوڻيئي اُو هازو هورو ٿي زاتو.)

⑤ اوتنه هيڪ منڪ هتو، جيو انٿيه سالون ٿي پيمار پڙيو تو. ⑥ ايسو اوتنه آوين هايا منڪ نئه پڙيو پاڙيو، ان اي زوڻين جي اُو گهڻا وڪت ٿي ايوي حالت ۾ سٺم، اوتان نئه پونسيو: ”ڪي تمي هازا هورا ٿيو ڪروه؟“ ⑦ تڻيون اوتنه ايسو نئه ڪيڏو: ”ساب، مون ڪن ڪوئي ايوو منڪ نئي، جيو مون نئه پوڻي ڏگيا رئه توڻه هازو هورو ٿيا هارو تڙاؤ موئين اوتارئه. مارئه اوتنه پوگيا مور پيزو ڪوڪ نيسو اوتري زائھ.“ ⑧ ايسو اوتان نئه ڪيڏو: ”اونين اويو، آپرو پاٿرئو اُوپاڙو ان وو.“ ⑨ ان جهت ۾ اُو منڪ هازو هورو ٿيو، ان آپرو پاٿرئو اُوپاڙين ويو مڏيو.

جيڏي هائي وات ٿئي، اُو ڏي پويتر ڏي هتو. ⑩ تيام يهودي ڌرم را آگيوون هازا ٿيل منڪ نئه ڪيو مڏيا: ”آز پويتر ڏي سٺم، ان ڌرم ڀرموڻه ٿارئه پاٿرئو آز نه لي زاوو، ڪم تو پويتر ڏي رو ڪئين ڪوم نه ڪروو.“ ⑪ پڻ هازئه ٿيل منڪ اوتون نئه جواب ڏيڏو: ”اُو جيئنه مون نئه هازو هورو ڪريوه، اوتنه مون نئه ڪيڏوه جي آپرو پاٿرئو اُوپاڙو ان وو.“ ⑫ تو آگيووني هازا ٿيل منڪ ٿي پونسيو: ”اُو منڪ ڪيو سٺم، جيئنه تون نئه پاٿرئو اُوپاڙيا رو ان وودا رو ڪيڏوه؟“ ⑬ پڻ هازا ٿيل منڪ نئه ايٿا رڻي ڪئين ڪهر نئي جي اُو ڪيو سٺم، ڪم تو اوتان ماڳ گهڻا منڪ هتا ان تيام ايسو اوت ٿي گيوت پرو.

⑭ تيا ڪيڙ ايسو هازا ٿيل منڪ نئه پگوون را گهر موئين پيزو ٿيو، ان اوتان نئه ڪيڏو: ”زوتو، هوئه تمي هازا هورا ٿي گياھ. تمي هوئه وڙي ڪراپ ڪوم مت ڪريا، نڪا پگوون را پاها ٿي تمون نئه سزا زڙشي، ان تمارڻي حالت

موروكي حالت ٿي وڌارڻه ڪراڻ ٿيڻي.“

⑮ تئين هازو ٿيل منڪ گيو پرو ان زائين يهودي ڌرم رون آگيونون نئه ڪيڏو: ”او منڪ ايسو سئه، جيئنه مون نئه هازو هورو ڪريوه.“

⑯ تيام يهودي ڌرم را آگيون ايسو نئه تنگ ڪروا مڌيا ڪم تو او هيو ڪوم پويتر ڏي رو ڪرتوت ريو. ⑰ پڻ ايسو اوئون نئه اي جواب ڏيڏو: ”روز روز مارو ٻاپ پگيون هزون هودِي ڪوم ڪرتو رئه، ان هون پڻ ڪوم ڪرتو ريونه.“

⑱ تيام يهودي ڌرم را آگيون ايسو نئه نمو ماريا رئي وڌارڻه ڪوشش ڪروا مڌيا، ڪم تو او نه روگو پويتر ڏي مانه ڪوم ڪرين اوئون ري نظر ۾ ڌرم نتو پاڙتو، پڻ پگيون نئه آپرو ٻاپ ڪين آپ نئه پگيون هرڪو پڻ ڪرتوت ريو.

پگيون ٻڌوئي ڪئين آڀرا ڏيڪرا ايسو ري هاڻي ڏيڏوه

⑲ تيا مانه ايسو يهودي ڌرم رون آگيونون نئه ڪيڏو: ”هون تمون نئه هاس ئي هاس ڪونه: ڏيڪرو آڀرا ٻاها ٿي ڪئين نٿي ڪري هڪتو. او روگو او ڪري هڪه جو آڀرا ٻاپ نئه ڪرتو پاڙهه. ايوئه نمونئه زم مارو ٻاپ پگيون ڪرئه هون ڏيڪرو پڻ امروم ڪرونه. ⑳ ڪم تو پگيون ٻاپ مون ڏيڪرا ٿي پريم راکهه، ان جي ڪئين او آڀ ڪرئه او ٻڌوئي مون نئه ڏيڪارئه. او هايا ٿي پڻ موتا ڪوم مون نئه ڪريا هارو ڏيڪارشي، جيون نئه تمي منڪ زوئين حيون ٿي زاشو. ㉑ ڪم تو زم پگيون ٻاپ مرلون نئه جيوي اونارئه ان جيون ڏهه، تم هون ڏيڪرو جيون نئه ڏيوا ڪرونه اوئون نئه حياتي ان جيون ڏيونه. ㉒ پگيون ٻاپ ڪيا رو نيا نٿي ڪرتو، پڻ اوئه مون ڏيڪرا مانه نيا ڪريا رو ٻڌوئي ڪوم ساڏيوه، ㉓ زم ٻڌائي منڪ مون ڏيڪرا نئه ايو مون ڏهه جيو مون او پگيون ٻاپ نئه ڏهه. جيو مارو مون نٿي راکتو، او مارا ٻاپ رو مون نٿي راکتو جيئنه مون نئه ميليوه.“

⑳ هون تمون نئه هاس ئي هاس ڪونه: جيو منڪ مارو وچن مونئه ان پگيون

مانه وِشواس راکڻه جيئڻه مُون نئه ميليوه، اُونئا نئه هميش رو جِيوَن زڙل سڻه، ان اُونئا مانه هميش را موت ري سزا رو قينصلو نئين ٿڻه. اُو تو هميش را موت تي پچي گيوه، ان اُونئا نئه هميش رو جِيوَن زڙيوه.

25) هُون تَمون نئه هاس ئي هاس ڪونه: اُو تُوڻو آوڻه ريو پڻ هاو آوي پُوگيوه، زئيون مرل منڪ مُون پِگورَن را ڏيڪرا رو هاڏ هومپڙشي ان جيا ماري واتون موئڻه اُو جِيوَتا ٿيشي. 26) ڪم تو پِگورَن ٻاپ مُون ڏيڪرا نئه اي حق ڏيڏوه جي زم اُونئا تي جِيوَن زڙڻه تم مُون تي پڻ جِيوَن زڙڻه. 27) ان اُونئه مُون نئه نيا ڪريا رو حق ڏيڏوه ڪم تو هُون اُو هاگي منڪ ذات رو ڏيڪرو سون جيا نئه اُونئه راز ڪريا هارُو سُونديوه.

28) هايا وات مانه تمي حيرون مت ٿيو، ڪم تو ايوو تُوڻو آوشي زئيون مرل منڪ ٻڌائي مقومون موئين مارو هاڏ هومپڙشي، 29) ان ٻڌائي جِيوَتا ٿيشي ان مقومون موئين تي نيهرِي آوشي. جيئي نائوڪا ڪوم ڪريا هوشي، اُو هميش رو جِيوَن ليڏا هارُو جِيوي اُونشي. ان جيئي ڪراپ ڪوم ڪريا هوشي، اُو نيا پرموئڻه هميش ري سزا هارُو جِيوي اُونشي.

پِگورَن گهڻون نمونون تي ٿاڀيئي ڏهه

جي ايسُو اُونئا رو ڏيڪرو سڻه


30) ”هُون آپرا پاها تي ڪئين ٿي ڪري هڪتو. زم پِگورَن مُون نئه نيا ڪريا رو ڪڻه، تم هُون اُونئا را ڪيڏا پرموئڻه نيا ڪرونه. ان هُون انصاف تي قينصلا ڪرونه، ڪم تو هُون مارئي مرضي نئين پڻ پِگورَن رئي مرضي پورئي ڪروا ڪرونه، جيئڻه مُون نئه ميليوه.

31) جي رُوگُو هُون آپرا پارام هاڪ پرونت، تو ڪئين ٿاڀيئي نه ٿت جي مارئي هاڪ هاسئي سڻه ڪا نا. 32) پڻ پيزو ڪوڪ سڻه جي مارا پارام هاڪ پرڻه، ان مُون نئه ڪبر سڻه جي اُونئا رئي پرل هاڪ مارا پارام ٿاڀيئي سڻه.

33) تمي تو يُوحنا ڪن منڪون نئه پُونسوا ميليا ان اُوئه مارا پارام هاسئي
 ھاڪ پڙئي. 34) مُون نئه منڪون ري پرل ھاڪ رئي ڪئين ڪاڀي نٿي، توئي پڻ
 هُون يُوحنا ري پرل ھاڪ رئي وات ڪرونه، زم تمي اُوئا رئي پرل ھاڪ مونين
 مُون مانه وشواس اوڻو ان پڳوونَ ري سزا ٿي پڇي زائو. 35) يُوحنا ٻڙتا ڏيوا را
 زم هتو ان منڪون نئه سوجهرو ڏيتو، ان تمي ٿوڙيڪ وار هُوڏي اُوئا را ڏيڏل
 سوجهرا ۾ ڪُش هتا.

36) پڻ مارا پارام هيڪ پڙئي ھاڪ سئه جي يُوحنا ري ھاڪ ٿي پڻ موتي
 سئه. اُو اي سئه: جيا ڪوم پڳوونَ ٻاپ مُون نئه پُورا ڪريا هارُو ڏيڏاه، اُو
 هاڳي ڪوم هُون ڪرونه ريو، ان اُو ڪوم آڀ مارا پارام ھاڪ پڙه، ڪم تو
 ايئون ڪومون ٿي ٿاڻيئي ٿهه جي پڳوونَ ٻاپ مُون نئه ميليوه.

37) ان پڳوونَ ٻاپ پڻ جيئنه مُون نئه ميليوه، اُوئه آڀ مارا پارام ھاڪ
 پڙيه. تمي اُوئا رو آواز ڪيڏي نٿي هومپڙيو، نڪو اُوئا رو رُوپ ڏيڪيوه، 38) ان




نڪو تمي اُوئا رو وچن من موئين راکوه، ڪم تو
 تمي مارئي وات نٿي مونتا جيا نئه اُوئه ميليوه.

39) تمي شاستر ري نوني نوني واتون ڏيون ڏين
 پڻوه، ڪم تو تمي هزموه جي شاستر ٿي تمون
 نئه هميش رو جيون زڙشي. ان اُو هاڳي شاستر
 مارا پارام ھاڪ پڙه جي هميش رو جيون مُون
 ڪن سئه، 40) توئي پڻ تمي هميش رو جيون ليڏا
 هارُو مُون ڪن اوتا ئي نٿي.

41) هُون منڪون ٿي آڀرا وڪوڻ ڪراووا نٿي ڪرتو، 42) پڻ هُون تمارا پارام
 زوڻوه جي تمي من موئين پڳوونَ ٿي پريم نٿي راکتا. 43) هُون مارا ٻاپ پڳوونَ
 را پاها ٿي اُوئا رو مون وڌاريا هارُو آيوه، توئي پڻ تمي مارئي وات نٿي مونتا.
 پڻ جي پڙو ڪوڪ آڀرا پاها ٿي آڀرو مون وڌاريا هارُو اُوئه، تو اُوئا رئي وات

٤٤) تمي ضرور مونسو. تمي روڳا هيكه پيڙا ٿي وڪوڻ ڪراووا ڪروه، پڻ ايوو ڪئين ڪريا رئي ڪوشش نٿي ڪرتا جيا ٿي هڪڻه پڳوون تمون نٿه وڪوڻن. تو پسنه تمي ڪم ڪرين پڳوون رئي وات موني هڪشو؟

٤٥) تمي ام مت سوچو جي هون پڳوون پاپ ڪن تمارو ڏوه ڪاڍيه. جيو تمارو ڏوه ڪاڍشي، او موسي آپ هوشي، جيا مانه تمي آسريو راکوه. ٤٦) موسي تمارو اي ڏوه ڪاڍشي جي تمي اوئا رئي لکل وات نه مونئي، ڪم تو جي تمي موسي رئي لکل وات مونوت، تو مارئي وات پڻ مونوت، جيا را پارام اوئه لکيوه. ٤٧) پڻ تمي موسي ري لکل واتون نه مونتا، تو پسنه ماري واتون ڪم ڪرين مونسو؟



گليل رتي ڍنڍ

ايسو پونس هزار ٿي وٽارءُ منڪون نءُ روتئي ڪوراوئه

(متي 14:13-21، مرقس 6:30-44، لوقا 9:10-17، يُوحنا 6:1-15)

6 ① تيا ڪيڙ ايسو گليل ري ڍنڍ رءُ پرلته پاهنه ڳيو، جيا نئه تيرياس رئي ڍنڍ پڻ ڪئھ. ② ان الاهي گهڻا منڪ ايسو وونهڙ ويتا ريتا، ڪم تو اوئي ايسو را پرسا پاڙيا تا جي او موندون نئه هاڙا هورا ڪرئھ. ③ ايسو ڏونگر مانھ

سڙينَ آپرون شيلون پيڙو پيڙو هئو. ④ هُوَ يَهُودِي ڌرم رڻي پاشڪا پرڀ آيا واڙڻي هتڻي.

⑤ پستھ ايسُو هومو زويو، تو الاهي گهڻون منڪون ننه آپ ڪن آوتون پاڙيا. تيام اُوڻه فلپس ٿي پونسو: ”هايون منڪون ننه ڪوڙايا هارُو آبي روتي ڪيڻ ٿي ويساتي ليشون؟“ ⑥ اُوڻه فلپس رو آزمتو ليڏا هارُو هم پونسو جي او ڪي ڪئھ، ڪم تو ايسُو ننه اڳي ڪپر هتڻي جي هون ڪي ڪريھ. ⑦ تو فلپس اُوڻا ننه وڙنڌي ڏيڏي: ”ڏھ هزار رُوپيون ري روتي هوت توتي پڻ هايون ٻڌون ننه پوري نه ٿنت، جي هر هيڪ ننه ٻٽڪو ٻٽڪو اُوڻه.“

⑧ تئيون ايسُو رون شيلون موئين ٿي هيڪئھ، شمعون پطرس رنه پائي اندرياس، ايسُو ننه ڪيڏو: ⑨ ايئھ



هيڪ سوڪرو سئھ جيا ڪن پونس زوون ري روتي ان ٻي مشي سئھ، پڻ اتون گهڻون منڪون هارُو هايا ٿي ڪي

ٿيشي؟“ ⑩ پستھ ايسُو ڪيڏو: ”منڪون ننه ڪاڏا هارُو پيهارو.“ هُوڻه اُوڻا ماڳ گهڻي سڀر هتڻي، تيام او سڀر مانھ پيڻا هئا. اُوڻه پونسڪ هزار رُوڳا آدمي هتا. ⑪ تئيون ايسُو او روتي ليڏي، ان اُوڻون هارُو پڳوون رو ٿورو موين پينل منڪون ننه ورايا هارُو شيلون ننه ڏيڏي. ان همروم ٿورو موين مشي پڻ ڏيڏي. منڪون ننه زتو وڻيو، اتو ڏيڏو.

⑫ زئيون منڪ ڪائين ڌراپيا، تئيون ايسُو آپرون شيلون ننه ڪيڏو: ”اُوڳارل ٽڪرا پيڙا ڪرو، زم ڪئين ازايو نه زائھ.“ ⑬ تيام شيلي روتيون را ٽڪرا پيڙا ڪريا جي ڪاڏا وازي اُوڳاريا تا، ان اُوڻون پونسون زوون ري روتيون رون اُوڳارل ٽڪرون ٿي شيلي ٻارڻه ڇپا پريا.

⑭ تيام منڪ ايسُو رو اي ڏيڪاڙل پرسو پاڙين ام ڪيوا مڌيا: ”اي تو هاس ٻر او رو او پڳوون رو نياپو ڏيڏا وازو سئھ جيو شاستر پرموئنه ڏنيا موئين آيا

وازو سئھ. ” ⑮ ايسُو اي وات زوتتو تو جي منڪ اُونا نئھ زوري زھالين اُپرو پاڌشا ناوا ڪرئھ ريا، تيام ڏونگر مانھ پيزيل ڪيٽڪ هيڪلو گيو پرو.

ايسُو پوٽي مانھ وئھ

(متي 14:22-33، مرقس 6:45-52، يُوحنا 6:16-21)

⑯ زئيون هونز ٿئي، تئيون ايسُو را شيلا ڏونگر ٿي نيسا اوترين ڍنڍ مانھ گيا. ⑰ ان اوتئھ پيڙي مانھ سڙين پاسا ڍنڍ رٿھ پيزئھ پاهئھ ڪفرنحوم شھز هوما زاوا مڏيا. هئھ رات پڙي گئي تئي ان ايسُو هزون هُودي اوتون ڪن پاسو نٿو آيو. ⑱ تئھ توتئھ گھڻو وائيو واتوت ريو ان ڍنڍ رو پوٽي گھڻو اوتل پاتل ٿيتوت ريو. ⑲ زئيون اوتئي پيڙي ڏيون ٿي ڏوڍ ڪا ٻي گائو هاڪلي، تئيون اوتئي ايسُو نئھ ڍنڍ را پوٽي مانھ ويتون پيڙي ڏوڪڙو آپ وونھڙ اوتون پازيو، ان او گھڻا پيٺائي گيا. ⑳ پڻ ايسُو اوتون نئھ ڪيڏو: ”تمي پيٺائومت، اي هون سون.“ ㉑ تيام اوتئي ايسُو نئھ ڪشي ٿي پيڙي ۾ بيهاريو. تئيون يڪدم پيڙي پيزئھ ڪپ پوگي گئي جيئھ اوتون رٿھ زاوو تو.

منڪ ايسُو نئھ گوتئھ

㉒ پيزئھ ڏي جيا گھڻا منڪ گليل ڍنڍ رٿھ پرئھ پاهئھ ري گيا تا، او هزمي گيا جي ڪالي ايتئھ روگئي هيڪ پيڙي هئي ان ايسُو آپرون شيلون پيزو اوتا پيڙي موئين نٿو سڙيو، پڻ شيلا روگا هيڪلا گيا تا. ㉓ تئيون ڪئينڪ پيزي پيڙي تبرياس شھر ٿي اوتا ماڳ ڏوڪڙي آوي، جيئھ پريو ايسُو روتيون هارو ٿورو مونيو تو ان منڪي روتي ڪاڏي تي. ㉔ زئيون ٻڌي منڪي زويو جي ايتئھ نڪو ايسُو سئھ نڪو اوتا را شيلا، تئيون او هايون پيڙيون موئين سڙين ايسُو ري گوت ۾ ڪفرنحوم شھر هوما روونا ٿيا.

ايسُو روتي رو مثال ڏين هزماوئِه جي رُوڳو او هميش رو جيون ڏيڏا وارو سئ

25) زئيون ڍنڍ پار ڪرين منڪي ايسُو نئه ڪفرنحوم شهر ۾ ڳوتي ليدو، تئيون اُوئي ايسُو نئه پونسيو: ”ڳرو جي، تم ايتنه ڪئين آياھ؟“

26) تيا مانھ ايسُو اوئون نئه ڪيڏو: ”هُون تمون نئه هاس ئي هاس ڪونھ: تمي مُون نئه ايتا هارو نئي ڳوتتا جي تمي مارون ڏيڪاڙل پرسون رو مطلب هزمياھ، پڻ مُون نئه ايتا هارو ڳوتوھ ريا جي تمي روتي ڪائين ڌراپيات پرا. 27) آپري پوري ڪوشش ايو ڪاڏا هارو مت ڪرو جي پڳڙي زائھ، پڻ ايو ڪاڏا هارو آپري پوري ڪوشش ڪرو جي هميش نيڪ رھ، ان جيا ٿي هميش رو جيون زڙئھ. هائي ڪاڏو هُون منڪ ذات رو ڏيڪرو تمون نئه ڏيھ، ڪم تو پڳوون پاپ مُون نئه ايتا ڪوم هارو سونديوه.“

28) تئيون اُوئي ايسُو ٿي پونسيو: ”هائي ڪاڏو ليدتا هارو امارئ پڳوون ري مرضي پرموتنه ڪي ڪرو؟“

29) تو ايسُو وڙنڌي ڏيڏئي: ”پڳوون ربي مرضي اي سئ، جي تمي مُون اوتا را ميلل منڪ مانھ وشواس راکو.“

30) تيام اُوئي ايسُو ٿي پونسيو: ”ٿاپتي هارو تمي ڪيو پرسو ڏيڪاڙوھ، جيا نئه زوئين امي تمون مانھ وشواس اوئون؟ تمي ڪيو ڪوم ڪرشو؟ 31) مُوسي را وڪت ۾ آپني پاپ ڏاڏي رڻ ۾ پرسا ٿي اول منا نومي روتي ڪاڏي ٿي، زم شاستر ۾ لڪل سئ:

’اوتھ ڪاڏا هارو اوئون نئه آڪاش ٿي روتي ڏيڏئي.

هوتھ مُوسي تو آڪاش ٿي روتي ڏيڏئي ٿي، تو پسئ تمي ڪيو پرسو ڏيڪاڙشو؟“

32) تيام ايسُو اوئون نئه ڪيڏو: ”هُون تمون نئه هاس ئي هاس ڪونھ: مُوسي

تمون نئه آكاش ٿي هاسئي روٽي نٽي ڏيڏي. پڻ مارو ٻاپ سئه جي تمون نئه آكاش ٿي هاسئي روٽي ڏئه، (33) ڪم تو پڳوون رئي ڏيڏل روٽي او سئه جي آكاش ٿي اول سئه ان ڏنيا رون منڪون نئه جيواڙهه.

(34) تو اوئي ايسو نئه ڪيڏو: ”ساڏو جي، هائي روٽي امون نئه هميش ڏيتا ريو.“

(35) تيون ايسو اوئون نئه ڪيڏو: ”جيواڙيا واڙي روٽي هون سون. ايئا حياتي رئي روٽي کاڌا ٿي منڪون نئه ڪيوو ڦاڻيڏو؟ او وڙي پوکا ان ترها ٿهه. پڻ جيو مون ڪن اوئه ان مون مانه وشواس راکهه، هون اوئا نئه هميش رو جيون ڏيهه. (36) پڻ زم مئين تمون نئه اڳي ڪيڏوه، تمي مون نئه ڏيڪيوه توي پڻ مون مانه وشواس نٿي راکتا. (37) زتا منڪ مارو ٻاپ مون نئه ڏئه، او ٻڌائي مون ڪن اوشي. ان جيا مون ڪن اوئه، اوئون نئه هون ڪيڏي آپ ٿي ڌار نئين ڪرون. (38) ڪم تو هون آكاش ٿي ايئا هارو آيوه جي مارئي مرضي نئين، پڻ پڳوون رئي مرضي پوري ڪرون جيئنه مون نئه ميليوه. (39) مون نئه ميليا واڙا رئي مرضي اي سئه، جي زتا منڪ اوئه مون نئه ڏيڏاه، اوئون موئين ٿي هڪا نئه پڻ ڌار نه پڙوا ڏيون، پڻ پڇاڙي ۾ نيا رئه ڏي اوئون نئه وڙي جيوي اوئاڙون. (40) ڪم تو مارا ٻاپ رئي مرضي اي سئه، جي زتا منڪ مون ڏيڪرا نئه اوڙڪهه ان مون مانه وشواس اوئهه، اوئون نئه هميش رو جيون زڙهه ان هون پڇاڙي ۾ نيا رئه ڏي اوئون نئه وڙي جيوي اوئاڙون.“

(41) تيام يهودي ڌرم را منڪ ايسو مانه ٻرڙوا لاڳيا ڪم تو اوئه ڪيڏو تو: ”آكاش ٿي اول روٽي هون سون.“ (42) او ڪيو مڏيا: ”هائي منڪ يوسف رو ڏيڪرو ايسو نٿي ڪي؟ آبي اوئا رون مائيترون نئه اوڙڪونه ريا. تو پسئه او ڪم ڪرين ڪهه جي هون آكاش ٿي اول سون؟“

(43) تيا مانه ايسو اوئون نئه ڪيڏو: ”آپت ۾ مارئي ڳلا مت ڪرو. (44) ڪوئي منڪ پڳوون ري مرضي وڳر مون ڪن اوي نٿي هڪتو. مارو ٻاپ پڳوون جيئنه

مُون نئه ميليوه، اُو منكون نئه مُون كن آيا رئي مرضيي دئه، ان هُون پچاڙي ۾ نيا رئه ڏي اُوئون نئه وڙي جيوي اوناڙيه. (45) پڳوون رو نياپو ڏيڏا واڙون را لکل شاستر موئين ام لکل سئه:

’بدائي منک پڳوون ٿي شيڪشي.

زتا منک پڳوون ٻاپ ري واتون هوميرين اونا ٿي شيڪئه، اُو بدائي مُون كن آوئه. (46) ام نٿي جي ڪئڪ پڳوون ٻاپ نئه ڏيڪيوه. پڻ رُوڳو هُون جي پڳوون ٻاپ را پاها ٿي اول سون، مئين پڳوون ٻاپ نئه ڏيڪيوه. (47) هُون تمون نئه هاس ٿي هاس ڪونه: جو مُون مانه وشواس راکئه، اونا نئه هميش رو جيون زڙل سئه. (48) جيوڙيا واڙي روتئي هُون سون. (49) اُو منا نومي روتئي جيا نئه تماري ٻاپ ڏاڏي رڻ ۾ کاڌي ٿي، اُو جيوڙيا واڙي نٿي. ڪم تو اُوئي منا کاڌي ٿي تئي تئي پڻ اُو بدائي مري گيا. (50) پڻ آڪاش ٿي اول روتئي اي سئه، جيا نئه ڪائين منكون نئه هميش رو جيون زڙه. (51) آڪاش ٿي اول جيون ڏيڏا واڙي روتئي هُون آپ سون. جو ڪوئي اي روتئي ڪانه اُو هميش هُوڏي جيو تو ريشي. اي روتئي جيا ٿي هميش رو جيون زڙه، اي مارو آپرو ڏيل سئه، ڪم تو هُون آپرو جيو پڳوون را نوم مانه ڏيه زم ڏنيا رون منكون نئه جيون زڙه.

(52) تيا مانه يهودي ڌرم واڙا آپت ۾ ام تڪرار ڪروا مڏيا: ”اي منک آپون نئه ڪم ڪرين آپرو مونه ڪوراوي هڪه؟“

ايسو آپرو مونه ڪاتا رو ان آپرو لوئي پيڏا رو مثال ڏين هڙماوئه
جي اونا رئه پڳوون را نوم مانه آپرو جيو ڏيڏا ٿي
منكون نئه هميش رو جيون زڙشي

(53) تيام ايسو اُوئون نئه ڪيڏو: ”زئون تمي پڳوون را نوم مانه مال سڙاووه، تئين تمارئه اونا رو مونه ضرور ڪاوو، پڻ اونا رو لوئي پيڏا رو نا پاڙل سئه،

ڪم تو لوئي ۾ جيون سٺه. هون هون آڀرو جيو پڳوون را نوم مانه ڏيه، ان ضروري سٺه جي تمي مون مانه وشواس را ڪو زم مارا مونه ٿي ان مارا لوئي ٿي تمون نٺه جيون زڙه. هون تمون نٺه هاس ٿي هاس ڪونه: زئون هون تمي مون منڪ ذات را ڏيڪرا مانه وشواس را ڪين مارو مونه نٿي کاتا ان مارو لوئي نٿي پيٽا، جيو هون پڳوون را نوم مانه ڏيه، تيون هون تميون نٺه هميش رو جيون نئين زڙه. (54) جو ڪوئي مون مانه وشواس را ڪين مارو مونه ڪانه ان مارو لوئي پيٽه، اونا نٺه هميش رو جيون زڙه سٺه، ان پڇاڙي ۾ نيا رٺه ڏي هون اونا نٺه جيوي اوناڙيه. (55) ڪم تو کاڌا پيدا ٿي منڪ رُوڳا حياتي رٺه، پڻ مارٺه آڀرو جيو پڳوون را نوم مانه ڏيڌا ري ڪري مارا مونه ان لوئي ٿي منڪون نٺه هميش رو جيون زڙه. (56) جو ڪوئي مون مانه وشواس را ڪين مارو مونه ڪانه ان مارو لوئي پيٽه، اُو مون پيڙو رٺه ان هون اونا پيڙو ريونه. (57) جيوئه نمونته جيون ڏيڌا واڙهه ٻاپ مون نٺه ميليوه ان هون ٻاپ ري ڪري جيو تو سون، هيونته نمونته جيو مون مانه وشواس را ڪنه اُو پڻ ماري ڪري جيو تو ريشي. (58) هائي سٺه آڪاش ٿي اول روئي. اُو ايوي روئي نٿي جيا نٺه ٻاپ ڏاڏي کاڌي تمي ان توئي پڻ مري ڳيا تا. جيو مون مانه وشواس را ڪين هائي روئي ڪانه، اونا نٺه هميش رو جيون زڙشي.

(59) ايسو هائي ٻڌي واتون ڪيڏي زئون اُو ڪفرنحوم شهر موئين پڳوون را منڌر موئين شيڪاڙتوت ريو.

شيلون مانه آزمئو آونھ جي ڪون پڪو وشواس را ڪنه

(60) ايسو ري اي واتون هومپڙين ايسو رون شيلون موئين ٿي گهڻي زئي ڪيڏو: "اي واتون مونيام هاو ڏوري سٺه. ايتون نٺه ڪون مونشي؟"

(61) پڻ ايسو آڀرا من ۾ اي زوئين جي اونا را شيلو اونا را پارام ٻرڙه ريا، ائون نٺه ڪيڏو: "ايتون واتون ٿي تمارو وشواس ڏڳي ڳيوه ڪي؟ (62) پڻ جي

تَمي مُون منڪ ذات را ڏيڪرا نئه آڪاش مانھ سڙتون پاڙو جيئنھ هُون مورمنھ هتو، تو پسنھ ڪم زوئوھ! (63) جيوڙيا وازو پويتر آتما سئھ. پويتر آتما وگر جيون ليڏا هارو منڪ ڪئين نئي ڪري هڪتا. جي واتون مئين تمون ٿي ڪريھ، اُونون نئھ مونيآ ٿي تمون نئھ پويتر آتما زڙشي ان جيون زڙشي. (64) پڻ تمون موئين ٿي ڪئينڪ سئھ جي ماري واتون مانھ يقين نئي راکتا.

ايسو هم ڪيڏو ڪم تو شروع ٿي لين اونا نئھ ڪپر هئي جي ڪوڻ ڪوڻ هُون مانھ وشواس نئي راکتا، ان او ڪوڻ سئھ جيو هُون نئھ زهلوشي. (65) پسنھ ايسو وڙي ڪيڏو: ”تيا مئين تمون نئھ اڳي ڪيڏو تو جي ڪوئي منڪ هُون ڪن آي نئي هڪتو، زئون هوڏي پڳوون پاپ اونا نئھ هم ڪريا رئي متئي نه ڏئھ.“

(66) تيا ٿوڻا ٿي لين هايا وات ري ڪري ايسورون شيلون موئين ٿي گهڻي زئي ايسو رئي ڪيڙ ساڏي. (67) تيا م ايسو اپرون ٻارون سونڊل شيلون ٿي پونسيو: ”تمي پڻ ماري ڪيڙ ساڏو ڪروھ ڪي؟“ (68) شمعون پطرس اونا نئھ وڙندي ڏيڏي: ”پريو، امي پيزا ڪيا ڪن زائون؟ روڳا تمي سو جيا ري واتون موين هميش رو جيون زڙئھ. (69) ان امي تمون مانھ وشواس اوڻيوھ ان امون نئھ ڪاتري ٿيھ جي تمي پڳوون را پويتر شيواڌاري سو.“

(70) تيا مانھ ايسو اُونون نئھ ڪيڏو: ”مئين آپ تمون ٻارون زئون نئھ مارا شيلا تيا هارو سونڊياھ، نا؟ توئي پڻ تمون موئين ٿي هيڪ سئھ جيو شيطون را پاها رو سئھ.“

(71) ايسو اي وات شمعون اسڪريوتي را ڏيڪرا يهوداه را پارام ڪيتوت ريو، جيو ٻارون سونڊل شيلون موئين ٿي هيڪ هتو، توئي پڻ تيا ڪيڙ اوئھ ايسو نئھ زهلايو.

ايسُو پڳوونَ رِي مرضِي وڳر آپ نئه منگون هومو ساوو نئي ڪرتو

7 ① تيا ڪيڙ ايسُو گليل صُويا موئين پنڌ ڪرتو ريو. اُو يهوديه صُويا موئين زايا ٿي پاهو ڪرتوت ريو، ڪم تو اوت را يهودي ڌرم را آڳيوون اوتانئه نمو ماروا ڪرتات ريا.

② هونه يهودي ڌرم رِي پرپ ڏوڪڙي آويي جيا نئه ڏاڙيون رِي پرپ ڪئو. ③ تيام ايسُو رِي پايي اوتانئه ڪيڏو: "ايئنه تون نئه ڪئين نئين وئنه. اي تڙ ساڏين تون يهوديه صُويا موئين پرپ مانه زا، زم اوتنه اُو ٻڌائي منڪ جيا ٿارا شيلا سئه، ٿارا ڪوم ان پرسا زوني هڪئو. ④ منڪ جي مشور ٿيو ڪرئ، اُو آپرا ڪوم هتارين نئين ڪرئ. تون هيو ڪوم ڪرئ ريو، تو آپرا آپ نئه ٻڌي ڏنيا هومو ساوو ڪر." ⑤ ايسُو رِي پايي هم ڪيڏو ڪم تو اُو پڻ هزون اوتانئه مانه وشواس نتا راکتا.

⑥ تيام ايسُو اوتون نئه ڪيڏو: "مارو ساوو ٿيا رو توڻو هزون نئي آيو. تمي پلئه زائو. تمون هارو توڻا رِي ڪئين وات نئي، ⑦ ڪم تو ڏنيا را منڪ تمون ٿي وير راڪي نئي هڪتا. پڻ مون ٿي اُو وير راڪئو ڪم تو هون اوتون را پارام هاڪ پرين همپڙاوتو ريوئه جي اوتون را ڪوم پونڌا سئه. ⑧ تمي آپ پلئه پرپ مانه يروشلم شهر موئين زائو، هون همئنه ايئا پرپ مانه اوتنه نئين هالون، ڪم تو مارو ساوو ٿيا رو توڻو هزون نه آيو."

⑨ هائي وات ڪين ايسُو گليل صُويا موئين ريو.

ايسُو ڏاڙيون رِي پرپ مانه منگون نئه شيڪاريا هارو يروشلم زائو

⑩ زئيون ايسُو را پائي پرپ مانه يروشلم شهر موئين ڳيا، تيا ڪيڙ ايسُو آپ پڻ



اوتنه گيو. پڻ اُو ساوئه ڍاڙه نه گيو،
زم منڪون نئه کبر نه پڙئه.

⑪ تيام يهودي ڌرم را آگيونَ
ايسو نئه پرڀ مانه گوتتات ريا ان
آپت ڀر ڪيتات ريا: ”اُو ڪيه سئه؟“
⑫ زاتروئون موئين پڻ گهڻا منڪ ايسو
را پارام سوني واتون ڪرتات ريا.
ڪئينڪ ڪيتات ريا: ”اُو نائوڪو منڪ
سئه.“ پڻ پيزا ڪيتات ريا: ”نا نا، ام
نٿي. اُو منڪون نئه شيترين اوزئه پاهئه
ڦيروئھ.“ ⑬ پڻ ڪوئي منڪ ايسو را
پارام ٻڌون رئه رُوپرو نتو ٻولتو، ڪم تو
اُو ٻڌائي آپرون يهودي ڌرم رون آگيونون ٿي پيڻاتات ريا.

⑭ زئيون پرڀ را هقتا را ترٿڪ ڏي وِيتي گيا تڻيون ايسو پگيونَ را گهر
موئين گيو ان شيڪاڙوا مڏيو. ⑮ تيام يهودي ڌرم را آگيونَ حيونَ هتا ان ڪيو
مڏيا: ”اي منڪ گرو ڪن شيڪيا وگر ڪم ڪرين شاستر ري واتون زوئنه؟“
⑯ تيا مانه ايسو اوتون نئه ڪيڏو: ”جي واتون هون شيڪاڙونه ريو، اُو ماري
آپري واتون نٿي، پڻ اوترا ري سئه جيئنه مون نئه ميليوه. ⑰ جي ڪوئي منڪ
پگيونَ ري مرضي مانه ويوا ڪرئھ، تو اوترا نئه ماري شيڪاڙل واتون را پارام
کبر پڙشي، جي اُو پگيونَ را پاهه ٿي سئه، ڪا هون رُوگو آپرا پاهه ٿي ڪونه
ريو. ⑱ جو منڪ آپرا پاهه ٿي ٻولئھ، اُو آپرو مون وڌاروا ڪرئھ. پڻ جيو منڪ
آپ نئه ميليا واڙا رو مون وڌاروا ڪرئھ، اُو منڪ هاسو سئه ان اوترا موئين ڪئين
ڪوڙ نٿي هوئيتو. ⑲ موسي تمون نئه پگيونَ را حڪم ڏيڏا، نا؟ توئي پڻ تمون
موئين ٿي ڪوئي پگيونَ رون حڪمون مانه نٿي وِيتو. تو پسته تمي مون مانه

ايئون حُڪمون نئه توڙيا رو ڏوه ڏين ڪم مُون نئه نمُو ماروا ڪروھ؟“

②0 تيا مانھ ٻڌي منڪي ڪيڏو: ”تمِي گُونڌا ٿياھ. تمون نئه ڪُون نمُو ماروا ڪرئھ؟ ڪم ام ڪوھ؟ تمون نئه پُوت سونتيوھ ڪي؟“

②1 پڻ ايسُو اوئون نئه ڪيڏو: ”مئين هيڪا منڪ نئه ھازو ھورو ڪرين پويتر ڏي رو ڪوم ڪريو، ان تمِي ٻڌائي ھيرون سو جي مئين ڪيوو اوڙو ڪوم ڪريوھ.

②2 پڻ ايئا ھارُو مُوسيٰ تمون نئه توھر ڪرايا رو حُڪم ڏيڏو زم وات ساوئي ٿئھ جي ڪئينڪ ڪوم ايوا سئھ جيا پويتر ڏي را ڪروو ضروري سئھ. ھائي توھر ڪرايا رئي وات مُوسيٰ ٿي نئين پڻ تمارون ٻاپ ڏاڏون ٿي شروع ٿيھ. ان تمِي پويتر ڏي را پڻ سوڪرون رئي توھر ڪراوھ. ②3 زئيون تمِي مُوسيٰ رون لڪل حُڪمون نئه نه توڙيا ھارُو پويتر ڏي رئي سوڪرون رئي توھر ڪرتا ريوھ، تو پستھ تمِي مُون مانھ ايئا ھارُو ڪم ريشي ٻڙوھ جي مئين پويتر ڏي رو هيڪا منڪ رو پورو ڏيل ھازو ھورو ڪريوھ؟ ②4 تمِي سوچيا وگر مارا پارام ڦينصلو مت ڪرو، پڻ ھاس پرموئھ ڦينصلو ڪرو.“

گھڻون منڪون نئه ڪبر پڙئھ

جي ايسُو پڳوون رو سُونڀل پڇايا وازو ڪريست سئھ

②5 پستھ يروشلم شھر رون ريواشيون موئين ٿي ڪئينڪ زئا ڪيوا مڏيا: ”اي منڪ اُو رو اُو نٿي ڪي، جيا نئه اپنا آڳيون نمُو ماروا ڪرئھ ريا؟ ②6 زوئو، اي ٻڌون رئه رُوپرو ٻولئھ ريو، پڻ اُو ايئا رو نوم ئي نٿي لپتا. آڀئي ڌرم ري آڳيون آيت ۾ اي ڦينصلو ڪريو ھوشي ڪي، جي اي منڪ ھاس ۾ پڳوون رو سُونڀل پڇايا وازو ڪريست سئھ! ②7 پڻ ھم ڪم ڪرين ٿي شي؟ ڪم تو آڀون نئه ڪبر سئھ جي اي منڪ ڪيٽ رو سئھ. پڻ زئيون پڳوون رو سُونڀل پڇايا وازو ڪريست آوشي، تئين ڪيا نئه ئي ڪبر نئين ھوئھ جي اُو ڪيٽ ٿي آيوھ.“

②8 تيا مانھ ايسُو پڳوون را گھر موئين شيڪاڙتون اوتومئو ڪيڏو: ”تمون

نٺه ڪهر تو سٺه جي مارو نوم ڪي سٺه ان مارو شهر ڪيو سٺه. پڻ هون ٻه ڏينهن ڏيکاري ٿي. پها ٿي نٺي آيو، پڻ جيئنه مون نٺه ميليوه او هاسو پڳوون سٺه. تمي اوئا نٺه نٺي اوڙڪتا، (29) پڻ هون اوئا نٺه اوڙڪونه ريو، ڪم تو هون اوئا را پها ٿي اول سون ان اوئه مون نٺه ميليوه.

(30) تيام منڪ اوئا نٺه زهاليا رٿي ڪوشش ڪروا مڌيا، پڻ ڪوئي اوئا نٺه هات ئي نه سهاڙي هڪيو، ڪم تو اوئا رو زهاليا رو توڻو هزون نٺو آيو. (31) پڻ اوئون ٻڌون منڪون موئين ٿي گهڻي منڪي ايسو مانه وشواس اوڻيو ان او ام ڪيتات ربا: ”زئون ڪريست اوشي او اينا منڪ ٿي وڌارنه پرسا ڏيڪارشي ڪي؟ اينه منڪ اتا گهڻا پرسا ڏيڪاريا، اي ضرور پڳوون رو سونيل پچايا وازو ڪريست سٺه.“

يهودي ڌرم را اڳيون ايسو نٺه زهاليا هارو ٻه ڏينهن سڀاڻي ميلهه

(32) زئون فريسي پالٽي ري منڪي هومپريو جي منڪون ۾ سونئي اي وات وٺه رٿي جي ايسو پڳوون رو سونيل پچايا وازو ڪريست سٺه، تئيون اوئي ان موتي پوزاريني آرون سڀايون نٺه ميلا جي او ايسو نٺه زهالي اوئه. (33) تيا ري ڪري ايسو ڪيڏو: ”هزون توڙيڪ وار هوڏي هون تمون پيڙو سون، ان تيا ڪيڙ هون اوئا ڪن زائيه جيئنه مون نٺه ميليوه. (34) تمي مون نٺه گوتشو پڻ هون تمون نٺه نئين زڙون. جيئنه هون هوئيه اوئه تمي آوي نٺي هڪتا.“ (35) تيام يهودي ڌرم ري اڳيون هڪا پيڙا نٺه ڪيڏو: ”اي منڪ ڪيال پاڳي زاشي جي امي اينا نٺه گوتي نئين هڪون؟ ڪي اي اوئون يهوديون ڪن زاشي جي ڌاري قومون موئين پيڻاه؟ ان اوئه زائين ڌاري قومون منڪون نٺه شيڪارشي؟ (36) اي ڪي ڪنه ريو: ’تمي مون نٺه گوتشو پڻ هون تمون نٺه نئين زڙون‘ ان ’جيئنه هون هوئيه اوئه تمي آوي نٺي هڪتا.‘ اينا رو ڪيڏا رو مطلب ڪي سٺه؟“

ايسُو پوٽي رو مثال ڏين پويتر آتما را پارام شيڪارڙه

37) ڏاڙيون ري پرڀ را پڇاڙي واڙا ان ٻڌون ٿي موتا ڏي مانه ايسُو اُونين اُوپو ان زور ٿي ڪيڏو:

”جي ڪيا نئه ترهئه لاڳئي هونءَ

تو اُو مون ڪن آوين پيئه.

38) ان جيو مون مانه وشواس را ڪنه،

زم شاستر موئين لڪل سئه،

جيون ڏيڏا واڙا پوٽي ري نڌي

اُوئا را من موئين ٿي ڦوٽي پڙشي.

39) اي پوٽي واڙي وات ايسُو پويتر آتما را پارام ڪيڏي، جيو ايسُو مانه

وشواس اوٿيا واڙون نئه تيا ڪيڙ زڙيا واڙو هتو. هزون پويتر آتما ميلل نتو، ڪم تو پڳوون ايسُو نئه هزون آڪاش ۾ آڀرا مون ۾ نتو ليڏو.

40) زڙيون ٻڌي منڪي ايسُو ري اي واتون هومپڙي، تو اوئون موئين ٿي ڪئينڪ

ڪيو مڏيا: ”اي منڪ هاس ۾ اُو پڳوون رو نياپو ڏيڏا واڙو سئه جيا را آيا را پارام شاستر موئين لڪل سئه.“ 41) ان پڙا ڪيتات ريا: ”اي پڳوون رو

سُونڊل پڇايا واڙو ڪريست سئه.“ پڻ پڙي ناڪارين ڪيڏو: ”پڳوون رو سُونڊل پڇايا واڙو ڪريست گليل صوپا ٿي ڪم ڪرين آوشي؟“ 42) ڪم تو شاستر ۾

ام لڪل سئه نا، جي پڳوون رو سُونڊل پڇايا واڙو ڪريست داؤد يادشا ري پيڙي رو هوشي ان بيت لحم شهر موئين زلمشي جيئنه داؤد يادشا نونو موتو

ٿيو تو.“ 43) تيام ايسُو ري ڪري ٻڌون منڪون موئين آڀت موئين ڦوٽ پڙي،

ڪئينڪ ايسُو رئه پاهنه ٿيا ان ڪئينڪ ايسُو رئه ڪلاڦ ٿيا. 44) اوئون موئين

ٿي ڪئينڪ ايسُو نئه زهالوا ڪرتات ريا، توئي ڪيئنه پڻ اُوئا نئه هات ٿي

نه سڀاڙيو.

سپائي ايسو نڻ زهاليا وڳر يهودي ترم رون اڳيونون ڪن پاسا اوڻه

(45) تيام پڳوونَ را گهر را سپائي موئون پوزاريون ان فريسي پالتي رون منڪون ڪن پاسا آيا. اُوئي سپايون ٿي پونسيو: ”تمي اوڻا نڻه ڪم زهالي نه آيا؟“

(46) تو سپايي جواب ڏيڻو: ”ڪوئي منڪ ام ڪيڏي نه ٻوليو زم هائي منڪ ٻولڻه.“ (47) تيا مانه فريسي پالتي ري منڪي ريشي ٻرين ڪيڏو: ”اوڻه ڪوڙي واتون ڪرين تمون نڻه پڻ شيترياه ڪي؟“ (48) ترم رون اڳيونون موئين ٿي ڪا امون فريسي پالتي وازون موئين ٿي ڪيڻڪ اوڻا مانه وشواس اوڻيوه، ڪي؟ ڪيڻڪ ٿي نئين. (49) روڳا هائي ابوجه شينشاري منڪ اوڻا ري واتون مونڻه. هايون نڻه شاستر رئي ڪيوئي ڪهر؟ هائي تو پڳوونَ را پتل سڻه.“ (50) تيا مانه نيڪڊيمس جيو مور ۾ ايسو ڪن آيو تو، ان جيو آپ فريسي پالتي رو هيڪ اڳيون هتو، اوڻه آپرون پالتي وازون نڻه ڪيڏو: (51) ”آپڻا شاستر موئين لڪل حڪمون ڀرموڻه آبي امرام ڪياڪ مانه سزا ڏيڏا رو ڦينصلو ڪري هڪونه ڪي؟ زئيون هوڏي آبي اوڻا رئي وات نه هومپزون ان ڪهر نه پاڙون جي اوڻه ڏوه ڪريوه ڪا نا، تنيون هوڏي آپون نڻه ڦينصلو ڪريا رو ڪئين حق نٿي.“ (52) تيا مانه اوڻي نيڪڊيمس نڻه ڪيڏو: ”تون اوڻا رو ٻاهو ڪم لڻه؟ تون پڻ اوڻا را زم گليل صوپا رو سڻه ڪي؟ هاوڙ شاستر موئين زو، تو تون نڻه ڪهر پڙشي جي گليل صوپا موئين ٿي پڳوونَ رو نياپو ڏيڏا وازو ڪوئي نٿي آيو نڪو اوشي.“

(53) تيا ڪيڙ ٻڌائي منڪ آپري آپري گهري ڳيا پرا. (1) پڻ ايسو زيتون 8 نومي ڏونگر مانه ڳيو ان اوڻه تڪي ريو.

پونڏو ڪوم ڪريا واري ڏوشي نڻه ايسو ماڻهي ڏانه

(2) پيڙه ڏي، ڏي اوڳيا رڻه توڻه ايسو وڙي پڳوونَ را گهر موئين پاسو آيو.

اوتنه اسرائيلي قوم را ٻڌائي منڪ اوتنا ڪن آوا مڏيا، ان ايسو پيهين اوتون ننه شيڪاڙو مڏيو.



③ تئين شاستر زوتيا وازا ان فريسي پالتي را منڪ هيڪي ڏوشي ننه ايسو ڪن تيڙي آيا، جيا ننه پوندو ڪوم ڪرتون زهائي تي. اوتني ڏوشي ننه ٻڌون را وس ۾ اويڙي ④ ان ايسو ننه ڪيڏو: ”گرو جي، اي ڏوشي پوندو ڪوم ڪرتون زهلوثيه. ⑤ هوه موسي رون لڪل حڪمون موئين موسي آيون ننه ايويون ڏوشيون ننه پوتا هئين نمو ماريا رو ڪيڏوه. تيام تمي همپڙاوو جي تمي آپ ڪي ڪوه؟“

⑥ اوتني هم ڪيڏو زم او ايسو ننه ڌرم رنه ڪلاق ڪا رومي قانون رنه ڪلاق ٻولوين ڦٽاوتنه، ان ام اوتون ننه ڪوڪ وات زڙنه جيا مانه او ايسو رو ڏوه ڪاڍي هڪه.

پن ايسو نيسو نمين آپري اونگڙي تي زمي مانه لڪوا مڏيو. ⑦ پن او ايسو تي پونستا ريا، تو ايسو اونين اوپو ان اوتون ننه ڪيڏو: ”تمون موئين تي جيئنه ڪوئي ڏوه نه ڪريو هوه، او ٻڌون مور اينا ڏوشي ننه پوڻو هئنه.“ ⑧ ان ايسو وڙي نيسو نمين زمي مانه لڪوا مڏيو.

⑨ اي وات هومپڙين ٻڌائي منڪ ڏوڪرون تي لين هيڪا پيزا وونهڙ هيڪوڪو هيڪوڪو تين اوت تي ڪهڪي ڳيا. نيٺ روڳو ايسو اوتنه هيڪلو ريو ان ڏوشي اوتنا هومئي اوپي تي. ⑩ تئين ايسو اونين اوپو ان ڏوشي ننه ڪيڏو: ”ٻائي، اي ٻڌائي ڪيال ڳيا؟ ڪي تون مانه سزا ڏيڏا رو ڦينصلو ڪيئنه ئي نه ڏيڏو؟“ ⑪ تئين ڏوشي ڪيڏو: ”جي، ڪيئنه ئي نئين.“

پسئه ايسو اوتنا ننه ڪيڏو: ”ان مارو ڦينصلو پن ام سئه. هون پن ٿارا ڪرل ڏوه رئي سزا تون ننه نتي ڏيتو پن ماڦي ڏيونه. هوه زا، ان آڙ تي لين وڙي ڪيڏي ڏوه مت ڪري.“

ايسُو ڏنيا هارُو سوجهرو ٿينَ منكون نئه هاس رو مارڳ ڏيڪاڙئه

⑫ زئيون ايسُو وڙي منڪون نئه شيڪاڙوا مڏيو، تئيون اُوئه ڪيڏو: ”هُون ڏنيا رون منڪون هارُو سوجهرو سون. جيو ماري واتون مانه وئُه اُو ڪيڏي اندارا ڀر نئين وئُه، پڻ اُوئا نئه اُو سوجهرو زڙشي جيا ٿي هميش رو جيون زڙئُه.“ ⑬ تيام فريسي پالتي ري منڪي اُوئا نئه ڪيڏو: ”تُون پلئه ام ڪئُه، پڻ زئيون پيزا ٿارئي هاڪ پريا وازا نٿي، تو ٿارا ڪيڏا ٿي ڪئين ٿاڀي نٿي جي ٿارئي وات هاسئي سئُه.“ ⑭ پڻ ايسُو اُوئون نئه اي جواب ڏيڏو: ”هُون پلئه هيڪلو آپرا پارام هاڪ پروئُه، توئي پڻ مُون ڪن ٿاڀي سئُه جي مارئي پرل هاڪ هاسئي سئُه، ڪم تو مُون نئه ڪبر سئُه جي هُون ڪيٽ ٿي آيوه، ان ڪيال زائونھ ريو. تمون نئه هايا رئي ڪبر هوئت، تو تمون نئه پڻ ٿاڀي ٿئت. پڻ تمون نئه تو ڪبر ئي نٿي جي هُون ڪيٽ ٿي آيوه، ان ڪيال زائونھ ريو. ⑮ تمي رُوڳا منڪون ري سوچ پرموئنه ڦينصلا ڪروھ، پڻ هُون آپ آپرا پاها ٿي ڪيا رو ڦينصلو نٿي ڪرتو. ⑯ پڻ زئيون هُون نيا ڪرونھ، تئيون مارا ڦينصلا هاسا سئُه، ڪم تو هُون هيڪلو نيا نٿي ڪرتو. پڻ هُون ان اُو جيئنه مُون نئه ميليوه، امي ٻي ئي پيزا ٿين نيا ڪرونھ. ⑰ تمارا آپرا شاستر موئين پڻ موسي رون لڪل حڪمون موئين اي لڪل سئُه جي ’بيئون منڪون ري پرل هاڪ ٿي هاس رئي ٿاڀي ٿئُه.‘ ⑱ هُوئُه هيڪ هُون سون، جيو آپرا پارام هاڪ پروئُه، ان پيزو مارئي هاڪ پريا وازو مارو ٻاپ سئُه، جيئنه مُون نئه ميليوه.“

⑲ تيام اُو ايسُو ٿي پونسوا مڏيا: ”ٿارو ٻاپ ڪيھ؟“ تو ايسُو اُوئون نئه وڙنڏي ڏيڏئي: ”تمي نڪو مُون نئه اوڙڪوھ، نڪو مارا ٻاپ نئه اوڙڪوھ. جي تمي مُون نئه اوڙڪوت، تو مارا ٻاپ نئه پڻ اوڙڪوت.“

⑳ ايسُو هائي واتون پڳوون را گهر موئين شيڪاڙتون اُوئا ماڳ ڪيڏي،

جيئنہ ڏون ھارو پيئي راکل هتي. توهي پڻ اوتان ننه ڪيئن ئي نه زھاليو، ڪم تو هزون اوتان رو زھلایا رو توڻو نتو آيو.

ايسو اڀرا هُوزي مانھ مريا را پارام ان آڪاش موئين ڀڳوون ڪن زابا را پارام ڪئھ

21 ايسو وڙي يهودي ڌرم رون اڳيونون ننه ڪيڏو: ”هون زائونھ پرو، ان تمي مون ننه ڳوتشو. پڻ تمون ننه ڏوهون رئي ماڻي نئين زڙئ، ان تمي امرام مري زاشو. جيئن هون زائونھ، اوتنه تمي آوي نتي هڪتا.“

22 تيام اڳيون آيت ۾ هڪا پيزا ننه ڪيو مڏيا: ”اي آڳهات ڪرشي، ڪي؟ اي ڪم ام ڪئھ؟“ جيئن هون زائونھ، اوتنه تمي آوي نتي هڪتا. اي وات ڪيڏا رو ڪي مطلب سئھ؟“

23 پڻ ايسو اوتون ننه ڪيتو ريو: ”تمي ايٺا ڏنيا را سو، پڻ هون آڪاش رو سون. تمي ڏنيا ري سوچ پرموئنه ووھ، پڻ هون ڏنيا ري سوچ پرموئنه نتي ويتو. 24 مئين تمون ننه همئنه ڪيڏو تو جي تمون ننه ماڻي نئين زڙئ ان تمي همرام مري زاشو. جي تمي ماري پرل ھاڪ پرموئنه يقين نئين ڪرو جي هاس ۾ هون ڪوڻ سون، تو پڪي وات سئھ جي تمي ماڻي ليڏا وڳر مري زاشو.“

25 تيام او ايسو تي پونسوا مڏيا: ”تون ڪوڻ سئھ؟“ تو ايسو اوتون ننه ڪيڏو: ”شروع تي لين هون تمون ننه همپزاوونھ ريو جي هون ڪوڻ سون، ان توهي تمي پونسوه ريا؟“ 26 مون ڪن گهڻي ايوي واتون سئھ جيون را پارام هون تمون تي بولي هڪونھ، ان جيون ري ڪري هون تمارو نيا ڪرين تمون ننه ڏوهاري ڪري هڪونھ. پڻ هون روڳي اوتان ري واتون ڪرونھ جيئن هون ننه ميليوه. او هاسو سئھ، ان جي واتون مئين اوتان تي هومپزيھ، روڳي هائي واتون هون ڏنيا رون منڪون ننه ڪونھ.“

27 هونھ او منڪ نئا هڙمتا جي ايسو ڀڳوون رو ڏيڪرو سئھ ان او اڀرا پاپ

پڳوونَ را پارام ٻولئو ريو. ②8 تيام ايسو ڪيڏو: ”زئيون تمڻي مون منڪ ذات را ڏيڪرا نٿو اونسو ساڙشو، تئيون تمون نٿو ڪٻر پڙشي جي هاس ۾ هون ڪون سون. ان تمون نٿو ايٿا رئي پڻ ڪٻر پڙشي جي هون آڀرا پاها ٿي ڪئين نٿي ڪرتو، پڻ جي واتون مارئو هاپ پڳوونَ مون نٿو شيڪاڙيه، اُو هون ڪرونه. ②9 مارو هاپ جيئو مون نٿو ميليوه، اُو مون پيڙو سٺو. اُو مون نٿو هيڪلو نه ساڏيو، ڪم تو هون اُو ڪوم هميش ڪرتو ريونه جيا اوتا نٿو وٺه.“

③0 زئيون ايسو هائي واتون ڪرتوت ريو، تئيون گهڻي يهودي منڪي يقين ڪريو جي اُو پڳوونَ رو ڏيڪرو سٺو.

جيا هاسا من ٿي ايسو مانه وشواس راکئو اُو ڏوهون را قوضا ٿي سوني زائو

③1 تيام ايسو اوئون يهوديون نٿو ام ڪيڏو، جيئي اوتا ري واتون مانه يقين ڪريو تو: ”جي تمڻي ماري واتون مانه وينا ريو، تو تمڻي هاس ۾ مارا شيلا سو.“

③2 ان هيئو نمونئو تمون نٿو هاس رئي ڪٻر پڙشي، ان هاس مانه وودا ٿي تمڻي گُلمو ٿي آزاد ٿيشو.“

③3 تيا مانه اوني ايسو نٿو ڪيڏو: ”امي تو ابراهيم را اولاد سون، ان امي ڪيڏي گُلمو نٿي ٿيا. تو پسئو تمڻي ڪم ڪوه ريا جي تمڻي آزاد ٿيشو؟“

③4 تيا مانه ايسو اوئون نٿو ڪيڏو: ”هون تمون نٿو هاس ئي هاس ڪونه: جي ڪوئي ڏوه ڪرئو، اُو زوئو ڏوهون رو گُلمو ٿين ڏوهون را قوضام سٺو.“

③5 هونئو گُلمو ڏئي را گهر رو پاتي نٿي، تيام اوتا رو ڏئي را گهر مانه ڪئين حق نٿي. پڻ ڏئي را ڏيڪرا رو آڀرا هاپ را گهر مانه پورو حق سٺو ان اُو هميش هُودِي آڀرا هاپ ري گهري رئو. ③6 تيام، جي هون پڳوونَ رو ڏيڪرو ٿين تمون نٿو ڏوهون ري گُلمو ٿي آزاد ڪرين پڳوونَ را گهر موئين ريا رو حق ڏيونه، تو پسئو تمڻي هاس ۾ آزاد ٿيشو. ③7 مون نٿو تو ڪٻر سٺو جي تمڻي ابراهيم را

اولاد سو. توئي پڻ تمي مُون نئه نمُو ماريا هارُو ڪروھ، ڪم تو تمي ماري واتون نٿي مونتا. (38) جي ڪئين مئين آپرا ٻاپ ڪن ڏيکيوھ، اُوئا را پارام هُون تمون نئه همپڙاوونھ. پڻ اُوئا را ابوزا ۾ تمي ابراهيم جيوو ڪوم نئين، پڻ جيا را تمي اولاد سو، اُوئا رو ڪيڏل ڪوم ڪروھ.

(39) پڻ اُوئي ايسُو نئه اي جَوَپ ڏيڏو: ”امي تو ابراهيم را اولاد سون.“ تو ايسُو اُوئون نئه ڪيڏو: ”جي تمي ابراهيم را هاسا اولاد هونوت، تو تمي ابراهيم جيوو ڪوم ڪروت. (40) مئين تمون نئه اُو هاسي واتون همپڙاويھ جي مئين پڳوون ٿي هومپڙي، پڻ تمي مُون نئه نمُو ماريا رئي ڪوشش ڪروھ ريا. ابراهيم تو هيو ڪوم نتو ڪريو. (41) تمي ابراهيم جيوو نئين، پڻ جيا را تمي اولاد سو، اُوئا جيوو ڪوم تمي ڪروھ.“

تو اُوئي ايسُو نئه ڪيڏو: ”امي تو حروم را اولاد نٿي، ان امي پڙا ڪيا رو ڪيڏو نٿي مونتا، رُوگو امارا ٻاپ پڳوون رو ڪيڏو مونونھ.“ (42) تو ايسُو اُوئون نئه ڪيڏو: ”جي پڳوون تمارو ٻاپ هونت تو تمي مُون ٿي پريم را ڪوت، ڪم تو هُون پڳوون ٿي ٿيوھ، ان پڳوون ڪن ٿي آيوھ. هُون آپري مرضي ٿي نٿي آيو پڻ پڳوون مُون نئه ميليُوھ. (43) تمي ماري واتون ڪم نٿي هڙمتا؟ تمي تيام نٿي هڙمتا ڪم تو تمي آپ ماري واتون هڙميا جيوو نٿي. (44) تمارو ٻاپ پڳوون رو ڏشمڻ شيطون سئھ. تمي اُوئا را اولاد سو، ان تمي آپرا ٻاپ شيطون رئي مرضي ڪشي ٿي پوري ڪروھ. اُو شروع ٿي لين ڪون ڪرايا وازو سئھ ان هاس را پاها رو نٿي، ڪم تو اُوئا موئين هاس سئھ ٿي نئين. زئين اُو ڪوڙ ٻولئھ، تئين اُو پورا شونق ٿي ڪوڙ ٻولئھ، ڪم تو اُو آپ ڪوڙو سئھ ان ڪوڙ رئي مان تين رُوگو ڪوڙ ٿي ڪوڙ ٻولئھ. (45) پڻ هُون هاس ٻولونھ، تيام تمي مارئي وات نٿي مونتا. (46) تمون موئين ٿي ڪون مارو ڏوھ ڪاڏئھ؟ زئين هُون هاس ٻولونھ ريو، تو پسئھ تمي مارئي وات ڪم نٿي مونتا؟ (47) جيو پڳوون را پاها رو سئھ اُو پڳوون ري واتون مونئھ. تمي تيام نٿي مونتا ڪم تو تمي پڳوون را پاها را نٿي.“

ايسُو آپ نئه ابراهيم ٿي موتو ڪين شيڪاڙئھ جي او پڳوون را زم هميش ٿي سئ

48) تيا مانھ يھودي منڪي ايسُو نئھ ڪيڏو: ”امي نيڪ نٿي ڪيتا ڪي؟ تون نيچ سامري قوم رو سئھ ان تون نئھ پوت سونتل سئھ.“

49) تو ايسُو جواب ڏيڏو: ”مون نئھ پوت سونتل نٿي، هون تو مارا ٻاپ رو مون را ڪونھ. پڻ تمي مارو مون نئين پڻ مارئي پيعزتئي ڪروھ. 50) هون تو آپرا وڪوڻ ڪراووا نٿي ڪرتو، پڻ پيزو هيڪ سئھ جي مارا وڪوڻ ڪراووا ڪرئھ، ان او منڪون رو نيا ڪريا واڙو سئھ. 51) هون تمون نئھ هاس ئي هاس ڪونھ: جي ڪوئي ماري واتون مانھ وئھ، تو او هميش هُودِي نئين مرئھ.“

52) تيا مانھ يھوديئي اوئا نئھ ڪيڏو: ”هئھ امون نئھ پڪئي ڪاترئي ٿيھ جي تون نئھ پوت سونتل سئھ. ابراهيم تو مري گيو ان پڳوون رو نياپو ڏيڏا واڙا پڻ مري گيا. پڻ تون ڪئھ ريو: ’جي ڪوئي ماري واتون مانھ وئھ، تو او هميش هُودِي نئين مرئھ. 53) تون آپ نئھ امارا ڏاڏا ابراهيم ٿي موتو هزمئھ ڪي؟ او تو مري گيو ان پڳوون رو نياپو ڏيڏا واڙا پڻ مري گيا. تون آپرا آپ نئھ ڪي هزمئھ؟“

54) ايسُو اوئون نئھ وڙنڌئي ڏيڏئي: ”جي هون آپ آپرا وڪوڻ ڪراووت، تو مارا وڪوڻ ڪئين نه ٿئت، پڻ جيو مارا وڪوڻ ڪراوئھ او مارو ٻاپ پڳوون سئھ. تمي تو پلئھ ام ڪوھ ريا جي ’امي پڳوون رو ڪيڏو مونونھ، 55) پڻ تمي تو اوئا نئھ اوڙڪتا ئي نٿي. پڻ هون اوئا نئھ اوڙڪونھ. جي هون ام ڪونت: ’هون پڳوون نئھ نٿي اوڙڪتو، تو هون تمون جيوو ڪوڙو ٿئت. پڻ هون اوئا نئھ اوڙڪونھ ان اوئا رو ڪيڏو مونونھ. 56) تمارو ڏاڏو ابراهيم ايئا وات مانھ ڪش ٿيو جي او مارا ڏنيا ۾ آيا رو ڏي پاڙشي. ان اوئھ پاڙيو ان ڪش ٿيو.“

57) تيام يھوديئي ايسُو نئھ ڪيڏو: ”تون هزون پنجاه سالون رو ئي نٿي، ان

تئين ابراهيم ننه ڏيکيوه ڪي؟“ (58) تو ايسو اُونون ننه ڪيڏو: ”هُون تمون ننه هاس ئي هاس ڪونه: ابراهيم را پيڏا ٿيا ٿي مور شروع ٿي لين هون سون.“
 (59) تيام اي وات هومپڙين جي ايسو آپ ننه پڳوون هرڪو ڪرڻ، اُوئي ايسو ننه نمو ماريا هارو پوئا اُوپاڙيا، پڻ ايسو هتائين پڳوون را گهر ٿي نيهرِي ڳيو.

ايسو هيڪا زايا زلميا اونڌا ننه هازو هورو ڪرڻه



9 ① ايسو زاتوت ريو تو اونا ننه هيڪ منڪ ڏيڪيام
 آيو جي زايو زلميو اونڌو هتو. ② تئين شيلي ايسو
 ٿي پونسيو: ”گرو جي، اي منڪ ڪيا را ڏوه ري ڪري
 اونڌو زلميو؟ اونا را آڀرا ڏوه ري ڪري ڪا اونا را مان
 ڀاپ را ڏوه ري ڪري؟“ ③ تو ايسو وڙنڌي ڏيڏي:
 ”نڪو آڀرا ڏوه ري ڪري، نڪو مان ڀاپ را ڏوه ري
 ڪري اي اونڌو زلميو. پڻ اي منڪ تيام اونڌو زلميو زم

ايشا رنه هازو هورو ٿيا ٿي پڳوون را ڪوم ساوا ڏيڪائڻه. ④ زئين هُوڏي ڏي
 سته تئين هُوڏي آڀننه اونا را ڪوم ڪروو ڪپنه جيئنه مون ننه ميليوه. پڻ رات
 پڙيا واڙي سته زئين ڪوئي منڪ ڪوم نئين ڪري هڪڻه. ⑤ زئين هُوڏي هون
 ڏنيا ۾ سون تئين هُوڏي هون ڏنيا هارو سوجهرو سون.“

⑥ هم ڪين ايسو زمي مانه ٿوڪيو ان ٿوڪ ۾ مائڻي پلاڙين اونڌا ري
 اونڪيون مانه سوپڙي. ⑦ پسنه ايسو اونڌا ننه ڪيڏو: ”تون زا، ان زائين
 سلوٿام نومي تراو موئين اونڪيون ڏو.“ هوه سلوٿام رو مطلب سته ميلل.

تيام اونڌو ڳيو ان زائين اونڪيون ڏوئي، ان هازو هورو تين ڏيڪتو ڏيڪتو
 پاسو آيو رو. ⑧ هوه هائي هازو ٿيل منڪ اڳي پنتو. تيام اونا را پاڙوشي ان
 او منڪ جيئي اونا ننه پنتون پاڙيو تو، او ڪيو مڏيا: ”اي او هاڳي منڪ نٿي
 ڪي؟ جيو اڳي پيهين پنتو.“ ⑨ ڪوڪ ڪيتات ريا جي ”هوه، اي او رو او

سٺه ” ان ڪوڪ ڪيتات ريا ” نا نا، اُٺا جيوو پيزو ڪوڪ سٺه. ” پڻ اُو منڪ آپ ڪيتو ريو جي ” هُون اُو رو اُو سون. ” ⑩ تيام منڪي اُٺا ٿي پُونسيو: ” تو پسنه ٿاري اونڪيون ڪم ڪرين هازي ٿي گيه؟ ” ⑪ تو اُوئه وڙنڌي ڏيڏي: ” اُو منڪ جيا ننه ايسو ڪئھ، اُوئه مائٽي پلاڙين ماري اونڪيون مانھ سوڀڙي ان مُون ننه ڪيڏو جي سلوٽام نومي تڙاؤ مانھ زائين اونڪيون ڏو. تيام هُون گيو، اونڪيون ڏوئي ان هُون زووا مڏيو. ” ⑫ تيون اُوئي هازا ٿيل منڪ ننه پُونسيو: ” اُو منڪ ڪيھ؟ ” تو اُوئه ڪيڏو: ” ڪو، ڪپر نئين.“

فريسي پالٽي را منڪ اونڌا را هازا ٿيا را پارام ڪپر پاڙه

⑬ تيون جيو اڳي اونڌو هتو، منڪ اُٺا ننه فريسي پالٽي وازون ڪن تيڙي گيا. ⑭ هُوئه اُو ڏي جيا مانھ ايسو مائٽي پلاڙي ٿي ان اونڌا ري اونڪيون هازي ڪري تي اُو پويتر ڏي هتو، جيا مانھ يهودي ڌرم پرموئنه ڪوئي پڻ ڪوم نتو ڪروو. ⑮ تيام فريسي پالٽي ري منڪي پڻ اُٺا منڪ ٿي پُونسيو: ” تون ڪم ڪرين زووا مڏيو؟ ” تو اُوئه اُوئون ننه ڪيڏو: ” اُوئه منڪ ماريون اونڪيون مانھ مائٽي سوڀڙي، ان مئين زائين اونڪيون ڏوئي ان همئنه ڏيڪي هڪونه، پش. ” ⑯ تيام فريسي پالٽي را ڪئينڪ منڪ ايسو را پارام ڪيو مڏيا: ” اُو منڪ پگهون را پاها ٿي نٿي آيو، ڪم تو پويتر ڏي رو ڪوم ڪرين پگهون رو حُڪم توڙه. ” پڻ اُوئون موئين ٿي ڪئينڪ پيزي ڪيڏو: ” جي اُو منڪ ڏوهاري هوئ تو هيو پرسا ڪم ڪرين ڏيڪاڙي هڪئ؟ ” هم اُوئون موئين ڦوٽ پڙي. ⑰ تيام اُوئي وڙي پيزي وار هازا ٿيل منڪ ٿي پُونسيو: ” اُوئه ٿاري اونڪيون اُوگهاڙي. هُوئه تون آپ اُٺا را پارام ڪي ڪئھ؟ ” اُوئه ڪيڏو: ” اُو پگهون رو نياپو ڏيڏا وازو سٺه.“

⑱ پڻ يهودي ڌرم ري اڳيون هنجي نتو مونيو جي هائي منڪ اڳي اونڌو هتو ان وڙي ڏيڪو مڏيوه، تيام اُوئي هازا ٿيل منڪ را مان باپ ننه آپ ڪن

١٩) اُوئي منڪ را مان ٻاپ ٿي پُونسيو: ”ڪي اي تمارو ڏيڪرو سئ، جيا را پارام تمي ڪوه ريا، جي زا يو زلميو اونڌو هتو؟ تو پسنه همئنه ڪم ڪرين ڏيڪي هڪه؟“

٢٠) تيام اُوئا رئه مان ٻاپ وڙندئي ڏيڏئي: ”امي تو اوڙڪونه ريا جي اي امارو ڏيڪرو سئ، ان اي اونڌو زلميو تو. ٢١) پڻ همئنه ڪم ڪرين ڏيڪي هڪه ان ڪيئنه ايئا ري اونڪيون اُوگهاڙيه، امون نئه هايا را پارام ڪئين ڪهر نئي. تمي آپ ايئا ٿي پُونسو. اي موتو سئ ان اي آپ اپرا پارام همپڙاوي هڪه.“

٢٢) اُوئا رئه مان ٻاپ هم ڪيڏو ڪم تو او يهودي ڌرم رون آڳيونون ٿي پيئاتا تا، ڪم تو آڳيونون آپت موئين اڳي اي ڦينصلو ڪريو تو، ”جي ڪوئي منڪ ايسو نئه پڳوون رو سونيدل پچاينا واڙو ڪريست ڪيشي، تو اُوئا نئه نات ٻارو ڪرشون.“ ٢٣) هايا وات ري ڪري اُوئا رئه مان ٻاپ ڪيڏو تو جي ”اي موتو سئ. ايئا ٿي پُونسو.“

٢٤) تيام فريسي پالتي واڙي وڙي پيڙي وار اُوئا منڪ نئه آپ ڪن آيا رو ڪيڏو، جيو اڳي اونڌو هتو، ان اُوئا نئه ڪيڏو: ”پڳوون رو هون ڪائين هوه تون هاس ٻول، امون نئه تو ڪهر سئ جي او منڪ ڏوهاري سئ.“ ٢٥) تيام هازنه ٿيل منڪ جَوَاب ڏيڏو: ”مون نئه ايئا رئي ڪئين ڪهر ئي نئي جي او ڏوهاري سئ ڪا نا. مون نئه رُوڳئي ايئا وات رئي ڪهر سئ جي هون هتو اونڌو، ان همئنه هون زوئي هڪونه.“ ٢٦) تيام فريسيئي اُوئا ٿي پُونسيو: ”اوه تون نئه ڪي ڪريو؟ اوه ڪم ڪرين ٿاري اونڪيون اُوگهاڙي؟“ ٢٧) تو اوه وڙندئي ڏيڏئي: ”مئين تمون نئه اڳي ڪيڏو تو، پڻ تمي ماري وات نئه ڪون ئي نه ڏيڏو. تمي ڪم وڙي هومپڙوا ڪروه ريا؟ تمي پڻ اُوئا را شيلا ٿيوا ڪروه ڪي؟“ ٢٨) تيا مانه فريسيئي ايئا نئه پڙاتا ڏين ڪيڏو: ”تون تو اُوئا رو شيلو سئ، امي تو موسي ري لڪل واتون مانه وونه.“ ٢٩) امون نئه ڪهر سئ جي پڳوون موسي ٿي واتون ڪري تي، پڻ اُوئا منڪ را پارام امون نئه ڪهر ئي نئي جي او ڪيڏ ٿي آيوه.“

③① تو هازنه ٿيل منڪ اُوئون ننه جَوَاب ڏيڏو: ”واھ، اي تو حيروني رٿي وات سٺه. اُوڻه ماري اونڪيون اُوگهاڙي ان توڻي تمون ننه ڪبر ئي نٿي جي اُو ڪيٽ ٿي آيوھ! ③② اُمون شينشاريون ننه تو ڪبر سٺه جي پڳوون ڏوهاري منڪ رو هاڏ نٿي هومپڙتو. پڻ پڳوون اُوئا رو هاڏ هومپڙهه جي پڳوون رو مون راکڻه ان اُوئا ري مرضي مانھ وٺه. ③③ ڏنيا را شروع ٿي لين اي وات ڪيڏي هومپڙيام نٿي اُوڻي جي ڪنڪ ڪياڪ زايا زلميا اونڌا ري اونڪيون اُوگهاڙي هونھ. ③④ هونھ جي اُو منڪ پڳوون را پاها ٿي اول نه هونٽ، تو اُو ڪئين نه ڪري هڪٽ.“

③④ تيا مانھ فريسيئي اُوئا ننه ڪيڏو: ”تون تو زايو زلميو ڏوهاري سٺه، ان تون اُمون ننه شيڪاروا ڪرڻه ڪي؟“ پسنه فريسيئي اُوئا منڪ ننه ڌرم ٿي ڪاڍين نات ٻارو ڪريو پرو.

ايسو فريسيون رو اي نوه ڪاڍه جي اُو هاس ٿي اونڪيون مپشين وٺه

③⑤ زئيون ايسو ننه ڪبر پڙي جي اُوئا منڪ ننه نات ٿي ٻارو ڪاڍيوھ پرو، تو ايسو اُوئا ننه ڳوتين هات ڪريو ان اُوئا ٿي پونسيو: ”ڪي تون منڪ ذات را ڏيڪرا مانھ وشواس راکڻه؟“ ③⑥ تو اُوڻه وڙنڌي ڏيڏي: ”سادو جي، مون ننه ڪو اُو ڪون سٺه، زم هون اُوئا مانھ وشواس اوڻي هڪون.“ ③⑦ تو ايسو اُوئا ننه ڪيڏو: ”تئين اُوئا ننه ڏيڪيوھ، اُو هون سون جي تون ٿي ٻولونھ ريو.“ ③⑧ تو اُوڻه ڪيڏو: ”پرپو، هون تمون مانھ وشواس راکونھ.“ ان اُوڻه ايسو ري پڳي پڙين اُوئا رٿي پوزا ڪري. ③⑨ تو ايسو ڪيڏو: ”هون نيا ڪريا هارو اينا ڏنيا ۾ آيوھ، زم اونڌا منڪ ڏيڪي هڪه، پڻ جيا ڏيڪي پاڙين هاس ننه نٿي مونٽا، اُو اونڌون را زم رنه.“

④① فريسي پالٽي را ڪينڪ منڪ ايسو ڪن اُپا تا. ايسو رٿي اي وات هومپڙين اُوڻي ڪيڏو: ”امي پڻ اونڌا سون ڪي؟“ ④② تو ايسو اُوئون ننه ڪيڏو:

”جي ٽمي هاس ۾ اونڌا هوٺوٺ ان ڏيکي نه هڪوت، تو اي تمارو ڏوه نه ٿئت
جي ٽمي هاس نئه نٿي مونتا. پڻ ٽمي تو ڪوه ريا جي امي اونڌا نٿي، توئي
هاس ٿي ٽمي اونڪيون ميسين ووه ريا. تيام ٽمي ڏوهاري سو.“



ايسو نائوڪا ٽراڙ رو مثال ٿين شيڪاڙڻه

جي او وشواسي منڌڙي رو پڇايا وڙو ان همپاڙ ڪريا وڙو سڻ

10 ① ”هُون تمون نئه هاس ئي هاس ڪونه: جيو ڪوئي ريديون را واڙا
موٽين زهونپا ٿي نٿي پيهٽو، پڻ پيزا ڪياڪ پاها ٿي مانه سڙين موٽين
پيهٽه، تو او منڪ سور ان ڌاڙيل سڻه. ② جيو زهونپا ٿي موٽين زائڻه، او ريديون
رو ڌراڙ سڻه. ③ اوئا هارو سوڪيڏار زهونپو اوگهاڙڻه، ان ريديون اوئا رو هاڏ
هومپڙڻه. او آهري ريديون نئه نوم لين هاڏ ڏئڻه ان اوئون نئه ٻاري لي زائڻه.

④ زئيون أو آپري ٻڌي رڊيون ٻاري ڪاڍڻه تئيون أو آپ رڊيون مور مور وڻه ان رڊيون اونا لار لار وڻه، ڪم تو رڊيون اونا رو هاڏ اوڙڪڻه. ⑤ پڻ رڊيون ائيندا منڪ وونھڙ مُوڙگي نئين وڻه پڻ اونا ٿي پڙڪشي ان پاڳي زاشي، ڪم تو او ائيندا رو هاڏ نٿي اوڙڪتي.

⑥ ايسو هائي مثال اوتون نٿه همپڙايو پڻ اوتئي هزميو ٿي نئين جي ايسو را ڪيڏا رو مطلب ڪي سٺه.

⑦ تيام ايسو وڙي ڪيڏو: ”هُون تمون نٿه هاس ٿي هاس ڪونه: رڊيون هارو زهونپو هون سون. ⑧ زتا ڪوڙا منڪ مون مور آڳيوون ٿين آياھ، او ٻڌائي سورون ان ڌاڙيالون جيوا سٺه، پڻ زم رڊيون سور رو هاڏ نٿي هومپڙتي، تم ماري منڪي اوتون آڳيوونون ري ڪوڙي واتون نه موني. ⑨ هون آپ زهونپو سون. زم رڊيون زهونپا ٿي واڙا موئين زائھ ان ڪترا ٿي پچي زائھ، ان موئين ٻارو او زاو ڪرڻه ان اوتون نٿه سارو زڙڻه، تم جيو منڪ مون مانھ وشواس راڪڻه، او پڳوون ري سزا ٿي پچي زاشي ان اونا نٿه تارڻ زڙشي. ⑩ سور رُوڳو ايئا هارو اوڻه زم سورڻي ڪرڻه، مارڻه ان ڪتم ڪرڻه. پڻ هون تو ايئا هارو آيوھ، زم منڪون نٿه ايئا حياتي ۾ هڪ زڙڻه ان تيا ڪيڙ هميش رو جيون پڻ زڙڻه.

⑪ هون نائوڪا ڌراڙ جيوو سون. نائوڪو ڌراڙ رڊيون نٿه پچايا هارو آپرو جيو ڏڻه. ⑫ جيو منڪ سرومتڻي لين رڊيون سارڻه ان آپ رڊيون رو ڌڻي نٿي، او زئيون نار نٿه اوتو ڏيڪڻه تئيون او رڊيون نٿه ساڏين پاڳي زائھ. ان پسڻه نار ڪئينڪ رڊيون نٿه ڦٽڻه ان پڙيون ٻڌيون نٿه وينڪي نوڪڻه. ⑬ سرومتڻي واڙو منڪ تيام پاڳڻه ڪم تو او رُوڳو آپرو ڦائڻو سوچڻه، ان رڊيون رڻي ڪئين پروا نٿي ڪرتو.

⑭ هون نائوڪا ڌراڙ جيوو سون. ڌراڙ آپريون رڊيون نٿه اوڙڪڻه ان رڊيون اونا نٿه اوڙڪڻه. هيونٺ نمونٺه هون مارون آپرون منڪون نٿه اوڙڪونھ، ان مارا منڪ مون نٿه اوڙڪڻه، ⑮ زم پڳوون مارو ٻاپ مون نٿه اوڙڪڻه ان هون مارا

ٻاپ پڳوونَ نئه اوزكونه. ان زم ڌراڙ آڀريون ريديون هارو آڀرو جيو ڏنه، تم هون مارو جيو منڪون نئه پڇايا هارو ڏيونه. (16) ان ماري پيزي ريديون پڻ سئه جي ايٺا واڙا ري نٿي. مارئه اوتون نئه پڻ ضرور تيراووهه. او پڻ مارو هاڏ هومپڙشي ان پسته هيڪ ولهر ان هيڪ ڌراڙ تيشي.

(17) ايٺا وات ري ڪري پڳوونَ مارو ٻاپ مون ٿي پريم ڪرڻه جي هون مارو جيو ڏيونه، ان هيون نمونئ هون وڙي جيوتو ٿيه. (18) ڪوئي مارو جيو مون ٿي نٿي ڪوهتو، پڻ هون آڀري مرضي ٿي مارو جيو ڏيونه. مون نئه آڀرو جيو ڏيڏا ربي اڪتياڙي سئه، ان مون نئه وڙي جيوتو ٿيا ربي اڪتياڙي پڻ سئه. هم ڪريا رو حڪم مارئه ٻاپ مون نئه ڏيڏوه.

(19) هايون واتون ري ڪري يهوديون موئين وڙي ڦوت پڙي. (20) اوتون موئين ٿي گهڻا منڪ ڪيتات ريا: ”ايٺا نئه پوت سونتيوه ان اي گونڏو تين وائڙي واتون ڪرڻه ريو. تم ايٺا ري واتون ڪم هومپڙوه ريا؟“ (21) پڻ پيزا منڪ ڪيتات ريا: ”ايٺا نئه تو پوت سونتل نٿي. پوت سونتل منڪ هيوي واتون ڪم ڪرين ڪري هڪهه؟ ان ايئه تو اونڌا ري اونڪيون اوگهاڙي. پوت ري ڪڙا ٿي ڪوئي هم ڪري هڪهه ڪي؟“

يهودي ڌرم را اڳيون وڙي ايسو نئه نمو ماروا ڪرڻه

(22) تئين ڏيون ربي پرپ آئي، جيا نئه يروشلم شهر ۾ پڳوونَ را گهر نئه وڙي پويتر ڪريا ري ياد ۾ مناوتا. او شيئاڙا را ڏي هتا. (23) ان ايسو پڳوونَ را گهر موئين سليمونَ نومي ڏاڙيا هيٺ ويتوت ريو. (24) تيام يهودي ڌرم را اڳيون اوتن ري چوڌاري ڦري آوين ڪيا مڏيا: ”تون ڪتي وار امارو هاڏ اڌر را ڪيهه؟ جي تون پڳوونَ رو سونيل پڇايا وڙو ڪريست سئه، تو امون نئه چتو چتو ڪئه پرو.“ (25) ايسو اوتون نئه وڙندي ڏيڏي: ”مئين تمون نئه اڳي ڪيڏو تو، پڻ تمي مارئي وات نٿي مونتا. جيا ڪوم هون مارا ٻاپ را ڪيڏا ٿي ڪرونه، او آڀ

٢٦) پڻ ٽمي هاڻي وات نٿي مونتا ڪم تو ٽمي مارون منڪون موٽينيا نٿي. ٢٧) زم ريون آڀرا ڌراڙ رو هاڏ اوڙڪڻه ان اوٽا رو مونڻه، تم مارا منڪ ماري واتون مونڻه. ان هُون اوٽون ننه اوڙڪونھ، ان او مُون وونھڙ وڻه. ٢٨) هُون اوٽون ننه هميش رو جيون ڏيونھ، اوٽون رو هميش رو موت ڪيڏي نئين ٿنه. او ماري همپاڙ ۾ ريشي، ان ڪوئي اوٽون ننه مُون ٿي ڪوهشي نئين. ٢٩) مارو ٻاپ جيئنه اوٽون ننه ماري همپاڙ ۾ ڏيڏاه، او ٻڌون ٿي موتو سڻه، ان ٻاپ ري همپاڙ ٿي ڪوئي اوٽون ننه ڪوهي نٿي هڪتو. ٣٠) هُون ان مارو ٻاپ پڳوون هيڪ را هيڪ سون.

٣١) تئين يهودي ڌرم ري آڳيونو ايسو ننه نمو ماريا هارو وڙي پوٽا اوڀاڙيا. ٣٢) تيا مانھ ايسو اوٽون ننه ڪيڏو: ”مئين تمون ننه ٻاپ را پاها ٿي گهڻا ٺاؤڪا ڪوم ڪرين ڏيڪاڙياھ. هايون موئين ٿي ڪيا ڪوم ري ڪري ٽمي مُون ننه پوٽا هئين ماروا ڪروھ؟“ ٣٣) آڳيونو اوٽا ننه وڙندڙي ڏيڏي: ”ڪياڪ ٺاؤڪا ڪوم ري ڪري نئين، پڻ ايٺا وات ري ڪري امي تون ننه پوٽا هئين ماروا ڪرونھ جي تئين پڳوون رئي پيعزتئي ڪريھ ڪم تو تون منڪ تين آڀ ننه پڳوون هرڪو ڪرھ.“

٣٤) ايسو اوٽون ننه جواب ڏيڏو: ”تمارا شاستر موئين پڳوون رئي ڪيڏل اي

وات لڪل نٿي ڪي؟

’مئين ڪيڏو جي ٽمي آڳيونو مُون پڳوون را زم سو.’

٣٥) ايئنه شاستر ۾ پڳوون آڀ اوٽون منڪون ننه ام ڪڻه، جيون ننه اوٽه نياپو ڏين آڀرا ڪوم مانھ راڪيا تا، جي او پڳوون جيو سڻه. ان شاستر تو هميش هاسو سڻه. ٣٦) هون مُون ننه پڳوون ٻاپ آڀري شيوا هارو سونديوھ ان ڏنيا ۾ ميليھو. تو پسڻه زئين مئين ڪيڏوھ جي هُون پڳوون رو ڏيڪرو سون، تو ٽمي ڪم ڪوھ ريا جي هُون پڳوون رئي پيعزتئي ڪرونھ؟ ٣٧) جي هُون مارا ٻاپ را ڪيڏل ڪوم نه ڪرتو هونون، تو پلنه ماري وات مت مونو. ٣٨) ان پلنه مارا

ڪيڏا ري ڪري مارئي وات مت مونو. پڻ زئيون هُون پڳوونَ را ڪيڏل ڪوم ڪرونه ريو، تو گهٽ ۾ گهٽ مارون ڪومون ننه زوئينَ مارئي وات مونو، زم تمون ننه ڪهر پڙئه ان هميش ڪهر هوئه جي مارو همڌ پڳوونَ ٻاپ ٿي سئه ان پڳوونَ ٻاپ رو همڌ مُون ٿي سئه.

③9 تيام اُوئي وڙي ايسو ننه زهالوا ڪريو، پڻ اُو اُوئون رون هاتون ٿي

نيهري گيو.

④0 تتيون ايسو يردن ڌريا پار ڪرين اُوئا ماڳ گيو جيئنه شروع ۾ يوحنا پويتر سنون ڏيتو. ان ايسو اُوئنه زائين ريو. ④1 ان اُوئا ڪن گهٽا منڪ آيا، ان اُو آپت ۾ ڪيوا مڏيا: ”يوحنا تو ڪوئي پرسو نتو ڏيڪاڙيو، پڻ جي واتون يوحنا ايئا منڪ را پارام ڪيڏي تي، اُو ٻڌي هاسي سئه.“ ④2 ان اُوئنه گهٽي منڪي ايسو مانه وشواس اوٿيو.

ايسو را دوست لعزر رو موت

11 ① هُوئه هيڪ لعزر نومي منڪ هتو، جيو مونڌو هتو. اُو يهوديه صوپا را بيت عنياه گوم رو هتو، جيئنه ٻائي مريم ان اُوئا رئي پينَ مارٿا ريتي. ② هائي مريم اُو رئي اُو سئه جيئنه تيا ڪيڙ پريو ايسو رون پڳون مانه عطر نوميو ان آپرون مٿوئاڙون ٿي اُوئون ننه پونهيا، ان هائي لعزر نومي منڪ جيو مونڌو هتو مريم رو ٻائي هتو.

③ تيام پيئي پيني ايسو ننه اي نياپو ڏي ميليو: ”پريو، تمارو دوست مونڌو سئه.“ ④ زئيون ايسو ننه هائي نياپو زڙيو، تو اُوئه ڪيڏو: ”ايئا پيماري رو نتيجو موت نئين ٿنه، پڻ اي پيماري تيام اُوئنه جي پڳوونَ را وڪوڻ ٿنه، ان ايئا پيماري ري ڪري مُون پڳوونَ را ڏيڪرا رو مون ساوو ٿنه.“

⑤ هُوئه ايسو مارٿا ان اُوئا ري پين ٿي ان لعزر ٿي گهٽو پريم ڪرتو.

⑥ توئي پڻ زئيون اُوئا ننه ڪهر پڙئي جي لعزر مونڌو سئه، تتيون اُو پيزا ٻي ڏي



بيت عنياہ

اُوت رو اُوت ريو. ⑦ ان پسنه تيا ڪيڙ اونه آپرون شيلون ننه ڪيڏو: ”هالو، هونه آبي يهوديه صوپا موئين وڙي پاسا هالون.“ ⑧ شيلي اونا ننه ڪيڏو: ”گرو جي، ڪال رنه ڏي اوت را منڪ تمون ننه پوئون ٿي ماروا ڪرتات ريا، تو پسنه تم اونه همئه ڪم زائوه ريا؟“

⑨ ايسو وڙنڌي ڏيڏي: ”ڏي ڀر سوجهرا را ٻارنه ڪلاڪ سئه نا؟ جي ڪوئي ڏي رو وئه اُن نئين آڪڙهه، ڪم تو اُو سوجهرا ڀر پاڙشي. ⑩ پڻ جي ڪوئي رات رو اندارا ڀر وئه اُو آڪڙين پڙشي، ڪم تو اونا ڪن سوجهرو سئه ئي نئين. هيونه نمونه مارو موت رو توڻو هزون نه آيو، ان زليون هودي هون دنيا ڀر سون، تئين هودي مائه پگهون رو ڪوم ڪرووه.“ ⑪ تيا ڪيڙ ايسو شيلون ننه وڌارنه ڪيڏو: ”آپڻو دوست لعزر اونگهائي گيوه، پڻ هون اونا ننه زگاڙيا هارو زائونه ريو.“ ⑫ تيام شيلي اونا ننه ڪيڏو: ”پرپو، جي اُو اونگهائي گيوه، تو پسنه اُو نيڪ ٿي زاشي.“

⑬ هونه ايسو زليون ڪيڏو جي لعزر اونگهائي گيوه، تو اونا رو مطلب هتو

جي اُو مري ڳيوه. پڻ شيلي هزميو جي اُو رُوڳو اُونگه را پارام ٻولئھ ريو. (14) تيام ايسُو اُوئون نئھ چتو ڪيڏو: ”لعزر تو مري ڳيوه. (15) ان تمون ھارُو ڪرين هُون ڪُش سون جي هُون اُوئنه نئو، ڪم تو هُونه تمارو يقين وڌارنه پڪو ٿيشي. پڻ هُونه هالو، اُوئا ڪن هالون.“ (16) تيام توما جيا نئھ ٻيللازيو پڻ ڪيتا، اُوئھ پيزون شيلون نئھ ڪيڏو: ”هالو، آبي پڻ هالون زم ايسُو پيڙا مرائون.“

ايسُو جيوي اوناڙيا وازو ان هميش رو جيون ڏيڏا وازو سئھ

(17) زئيون ايسُو بيت عنياه گوم ڏوڪڙو پُوڳيو، تئيون اونا نئھ ڪٻر پڙئي جي لعزر رو لاش مقوم موئين پوريا نئھ چار ڏي ٿي ڳياھ. (18) هُونه بيت عنياه گوم يروشلم شهر ٿي ڏوڪڙو هتو، لڳ ڀڳ هڪا ڳاڻو رو پنڌ هتو. (19) ان يهودي قوم را گهڻا منڪ يروشلم ٿي مارتا ان مريم ڪن اُوئون را پائي ري لوڪاسار هارُو آيا تا.

(20) زئيون مارتا هومپڙيو جي ايسُو آئھ ريو، تو اُو گوم ٿي ٻارئي نيهرين اونا نئھ مزوا ڳئي، پڻ مريم گهري پيئي رئي. (21) تئيون مارتا ايسُو نئھ ڪيڏو: ”پريو جي، جي تم ايتنه هونوت، تو مارو پائي نه مرئ. (22) توئي پڻ هنجي مُون نئھ ڪاتري سئھ جي جئين ڪئين تم ايسُو پيڳون ٿي مونڳوھ، اُو پيڳون تمون هارُو ڪشي.“ (23) ايسُو اونا نئھ ڪيڏو: ”تارو پائي وڙي جيو تو ٿيشي.“ (24) تو مارتا اونا نئھ ڪيڏو: ”مُون نئھ ايتا رئي ڪٻر سئھ جي اُو وڙي جيو تو ٿيشي زئيون دنيا ري پچاڙي را ڏي مانھ پيڳون ٻڌون منڪون نئھ جيوي اوناڙشي.“ (25) تئيون ايسُو ڪيڏو: ”جيوي اوناڙيا وازو ان جيون ڏيڏا وازو هُون سون. جيو مُون مانھ وشواس راکئھ، اُو پئنه مري زائھ، توئي پڻ اُو جيو تو ريشي. (26) هر هڪ منڪ جيو جيو تو سئھ ان مُون مانھ وشواس راکئھ اُو هميش هارُو ڪيڏي نئين مرئ، پڻ اونا نئھ هميش رو جيون زڙشي. ڪي تون ايتا وات مانھ يقين ڪرئھ؟“ (27) تئيون مارتا ڪيڏو: ”هوئھ پريو، هُون وشواس راکونھ جي تم ايسُو

پڳوونَ را سُونِڊل پڇايا واڙا ڪريست سو، ان پڳوونَ را ڏيڪرا سو، جيا را ڏنيا
 ۾ آيا را پارام شاستر ۾ اڳي لڪل سٺه.

ايسو منڪون نٺ ٿيل ٺڪون ري ڪري روئھ

②8 هم ڪينَ مارٽا ايسو ڪن ٿي گهڻي پرڻي ان آڀري گهري زائينَ آڀري بينَ مريمَ
 نٺه سونڀي ماٺ اي وات ڪرينَ تيڙاويي جي: ”گرو جي ايئنه آياھ، ان تون نٺه
 هاڙ ڪرئھ ريا.“ ②9 مريمَ اي هومپڙينَ هٽمارئي اُونينَ ايسو ڪن گهڻي. ③0 ايسو
 هزون گوم موئين نٺو آيو، پڻ اوت رو اوت اُپو تو جيئنه مارٽا اونا ٿي مڙي
 تئي. ③1 تيام اُو يهودي منڪ جي مريمَ ري گهري لوڪاسار هارو آيا تا، زئيون
 اوني زيوو جي مريمَ هٽمارئي اُونينَ گهڻي پرڻي، تنيون اُو پڻ اونا لار لار گيا،
 ڪم تو اُو سوچتا تا جي مريمَ لعزر را مقوم مانھ پار لينَ رويا هارو زائھ رئي.
 ③2 زئيون مريمَ ايسو ڪن آوي، تنيون ايسو نٺه زوئينَ اونا ري پڳي پڙي
 هنڀي ان اونا نٺه ڪيڏو: ”پرڻو جي، تم ايئنه هوئوت، تو مارو پائي نه مرئت.“
 ③3 زئيون ايسو اونا نٺه روتئي ڏيڪئي ان اونا پيڙا اول يهوديون نٺه روتون ڏيڪيا،
 تو ايسو نٺه من ۾ گهٽو ڏڪ ٿيو. ③4 ان اونه پونسو: ”اُو مقوم ڪيھ سٺه جيئنه
 تم اونا نٺه راڪيوھ؟“ تو اوني ايسو نٺه ڪيڏو: ”سادو جي، تم اي آپ هالينَ
 زوئو.“ ③5 تنيون ايسو رويو پرو. ③6 تيام يهوديني ڪيڏو: ”زوئو، اي اونا ٿي
 ڪتو گهٽو پریم راکتو!“ ③7 پڻ اُونون موئين ٿي ڪئينڪ منڪي ڪيڏو: ”ايئنه
 اونا اونڌا ري اونڪيون اُوگهڙي تي، تو پسنه ايئا نٺه مريا ٿي ڪم نه پڇايو؟“

ايسو لعزر نٺه جيوتو ڪرئھ

③8 تيام ايسو من ۾ وڙي گهٽو ڏڪي ٿيو ان اونا مقوم مانھ آيو. هونھ مقوم
 پونئيرا جيوو هتو، ان اونا را مونيڊا مانھ موٽي شپير آڏي ڏيڏل هتئي. ③9 تيام
 ايسو ڪيڏو: ”شپير نٺه هيڪنه پاهنه ڪرو.“ تو مرل منڪ ري بينَ مارٽا، جئي

اوتنه اول هتئي، ايسو ننه ڪيڏو: ”پرڀو، هونءِ اوتنا رو لاش تو گهندائي وڙيو هوشي، ڪم تو آڙ چارمو ڏي سٺه.“ (40) پڻ ايسو اوتنا ننه ڪيڏو: ”مئين تون ننه ام نتو ڪيڏو ڪي؟ جي تون وشواس راکيه، تو تون پڳوون رئي ڪڙا پاڙيه.“ (41) پسٺه منڪي اوتنا شيپر ننه پاهنه ڪرئي پرئي. تئين ايسو آڪاش هومو زوئين پڳوون ٿي ام پراٿنا ڪرئي: ”او ٻا، هون تمارو ٿورو مونونه جي تمي مارو هاڏ هومپڙيوه.“ (42) مون ننه تو ڪبر سٺه جي تمي هميش مارئي هومپڙيوه. پڻ هون آهنه پاهنه اُوپل ايئون گهئون منڪون هارو هم ڪونه ريو، زم او يقين ڪرئ جي تمي مون ننه ميليوه.“

(43) هم ڪين ايسو اوتومئو ڪيڏو: ”او لعزر، ٻارو نيهرې آو!“ (44) تيا مانه او منڪ جيو مري گيو تو، او جيوتو تين مقوم ٿي ٻارو نيهرې آيو. اوتنا رون هاتون پڳون مانه هوڙ ننه قابو راکيا هارو پاتا ٻونڌل هتا، ان اوتنا را ماتا مانه لوگهڙو وينتوڙل هتو. تيام ايسو منڪون ننه ڪيڏو: ”ايٺا ننه سوڙو پرو.“

يهوديون رئي ڌرمي پنچائيت ايسو ننه نمو ماريا رو ڦينصلو ڪرئ

(متي 5-1:26، مرقس 2-1:14، لوقا 2-1:22، يُوحنا 11:45-53)

(45) تيام جيا يهودي منڪ مريم ڪن لوڪاسار هارو اول هتا، ان جيئي زويو جي ايسو ڪي ڪريوه، اوتون موئين ٿي گهڻي منڪي هايا وات ري ڪري ايسو مانه وشواس اوٿيو. (46) پڻ اوتون موئين ٿي ڪئينڪ منڪ فريسي پالٽي رون منڪون ڪن گيا، ان اوتون ننه ٻڌئي وات ڪرئي جي ايسو ڪي ڪي ڪريوه.

(47) تيام يهودي قوم ري موٽي پوزاريني ان فريسي پالٽي ري منڪي آپرئي ڌرمي پنچائيت پيڙئي ڪرئي ان ڪيڏو: ”هونءِ آبي ڪي ڪرئون؟ ڪم تو هائي منڪ گهڻا پرسا ڏيڪاڙه ريو.“ (48) جي آبي اوتنا ننه همروم ويوا ڏيون، تو ٻڌائي منڪ اوتنا مانه وشواس اوٿشي. ان پسٺه آپون مانه جيئي رومي حڪومت سٺه، او

آپريئي قوز ميلين نه رُوڳو پڳوونَ رو گهر کتم ڪرشي پڻ آپئي قوم ننه پڻ کتم ڪرشي پريئي. (49) تئين ڌرمي پنچائيت موئين ٿي هيڪه ڪائيفا نومي منڪ جيو اوتا وڪت ۾ مُڪ پوزاري هتو، اونه اوتون ننه ڪيتو: ”نمي هاوَ ڪئين نٿي هزمتا. (50) تمون ننه اٽڪئي ڪهر ئي نٿي پڙتئي ڪي؟ آپتو ڦاڻيڏو تو ايئا ۾ سئه جي آپئي يهودي قوم هارو هيڪ منڪ مري زانه زم پورئي قوم پچي زانه.“

(51) هونه زئين اونه هائي وات ڪيڏي ٿئي، تئين اوتا رو ڪيال اي هتو جي او آپرا پاها ٿي هائي صلاح ڏهه ريو. پڻ هاس ۾ اوتا وڪت رو مُڪ پوزاري هوتون اونه پڳوونَ را پاها ٿي نياپو ڏيڏو تو، جي ايسو يهودي قوم ننه پچايا هارو آپرو جيو ڏيشي. (52) ان ايسو نه رُوڳو يهودي قوم هارو پڻ ٻڌيون قومون رون منڪون هارو آپرو جيو ڏيڏو، زم جيا ڌار ڌار منڪ پڳوونَ آپرا ٻار ٿيا هارو سونديا تا، اوتون ٻڌون ننه ايسو هيڪا توڙام پيڙا ڪرئه.

(53) تيام مُڪ پوزاري را ڪيڏا پرموتنه اوتا ٿوئا ٿي لين يهوديون ري ڌرمي پنچائيت ايسو ننه نمو ماريا هارو نا نيا. (54) هايا وات ري ڪري ايسو تيا ڪيڙ آپرون يهودي منڪون وسا ساونه ڍاڙهه نتو ويتو. پڻ اوت ٿي نيهرين اوتا علاقا ۾ گيو جيو رڻ ڏوڪڙو سئه، ان افرائيم نومي شهر ۾ زائين آپرون شيلون پيڙو ريو مڏيو.

(55) تئين يهودي ڌرم رئي پاشڪا نومي پرڀ ڏوڪڙي آئي. ان ٻاراڙي را گهڻا منڪ پرڀ مور يروشلم شهر موئين گيا، زم پرڀ منيا هارو پويتر تيا رئي سونت لئه. (56) او منڪ ايسو رئي وات زوئين ايل اول لوئا واڙتا تا، ان پڳوونَ را گهر ۾ اوپين هيڪا پيڙا ننه ڪيتات ريا: ”تمارو ڪي ڪيال سئه؟ هونه او پرڀ مانه آوشي ڪا نئين اونه؟“

(57) هونه موتي پوزاريئي ان فريسي پالتي ري منڪي اي حڪم ڪاڍيو تو، جي ڪياڪ منڪ ننه ايئا وات رئي ڪهر هونه جي ايسو ڪيه سئه، تو اوتا رئه اوتون ننه ڪهر ڏيوو، زم او ايسو ننه زهالي هڪه.

مريم ايسو را مون ۾ اونا رون پڳون مانه عطر هڻه

(متي 13: 26-6، مرقس 14: 3-9، يوحنا 12: 8-1)

12 ① پسنه ايسو، پاشڪا نومي پرڀ مانه زايا هارو، پرڀ ٿي سوئون ڏيئون مور بيت عنياه گوم موئين آيو، جيئن لعرز نومي منڪ ريتو جيا ننه ايسو جيو تو ڪريو تو. ② تيام اوڻه اونا گوم ري منڪي ايسو را مون ۾ ڌاوت ڏيڻي. ڌاوت ۾ مارٽا شيوا ساڪري ڪرتيٽ رئي، ان لعرز پيزون ڌاوتون پيزو هتو، جيا ايسو پيزا روڻي کاڌا هارو رواز پرموئنه ڪوئي وروئا آڏا هوتل هتا. ③ تيون مريم آڌ شير جتاماسي نومي وڻ رو هاسو ان مونگهو عطر لين ايسو ننه مون ڏيڏا هارو اونا ري پڳوئيئي زائين اونا رون پڳون مانه نوميو پرو، ان آپرون موٽاڙون ٿي اونا رون پڳون ننه پونھيا. عطر رئي ڪشيو ٻڌا گهر ۾ پڪڙي گهي.



④ پڻ يهوداه اسڪريوتي جيو ايسو رون شيلون موئين ٿي هيڪ هتو ان جيئن تيا ڪيڙ ايسو ننه زهلايو، اوڻه ڪيڏو: ⑤ ”هائي عطر ڪم نه ويسيو ان اونا را پئها گريبون ننه ڪم وراوي نه ڏيڏا؟ هائي عطر ويسٽ تو پئرئه هزار روييا زڙت.“ ⑥ اوڻه هم تيام نتو ڪيڏو جي او گريبون رو ڪيال راکتو، پڻ تيام ڪيڏو تو ڪم تو او آپ سور هتو، ان جيا پئها منڪ ايسو ان شيلون ننه ڏون ۾ ڏيتا، او پئها اونا رنه حواله ٻٽوئا ۾ هوئيتا، ان او هايون پئهيون موئين ٿي آپ هارو سورئي ڪرتو.

⑦ تيون ايسو يهوداه ننه ڪيڏو: ”ايئا ٻائي رئي ڳلا مت ڪر! ايئا رنه اي عطر هڻگريام پڳون رئي مرضي هئي، زم مارئه مريا مور اي مون ننه مقوم موئين پوريا ري تياري ۾ مون مانه نومئه. ⑧ گريپ تو هميش تمون ڪن هوشي، پڻ هون هميش تمون ڪن نئين هوئون.“

موتاً پُوزاري لعزر نٺٺ مرآوا ڪرڻه

⑨ الاهي گهڻون يهوديون نٺٺ ڪبر پڙئي جي ايسو بيت عنيا ه گوم ۾ سٺ، ان اُو اوتٺه آيا. اُو نه رُوگُو ايسو ري ڪري آيا، پڻ لعزر نٺٺ پڻ زووا آيا، جيا نٺٺ ايسو جيو تو ڪريو تو. ⑩ تيام موتي پوزاريئي آيت ۾ قينصلو ڪريو جي اُو لعزر نٺٺ پڻ مرآوه، ⑪ ڪم تو اونا ري ڪري گهڻا يهودي اوتون نٺٺ ساڏين ايسو وونهڙ ويتات ريا ان يقين ڪرتات ريا جي اُو پگيون رو سونيل پچايا وازو ڪريست سٺ.

ايسو يروشلم شهر موئين اوتٺه

ان گهڻا منڪ اونا نٺٺ پگيون رو سونيل پچايا وازو ڪريست مونين اونا را وكون ڪرڻه

(متي 11-1:21، مرقس 11-1:11، لوقا 19-28:19، يُوحنا 12:12-19)

⑫ پيڙه ڏي اُو گهڻا منڪ جيا زاترو تين پرپ منايا هارو يروشلم شهر موئين آيا تا، زئون اوتٺي هومپريو جي ايسو ايتٺه اوتٺه ريو، ⑬ تيون اوتٺي ايسو را مون ۾ ڪزيون ري ڏاڙڪي ليڏي ان اونا رو آوڪار ڪريا هارو شهر تي ٻارا نيهريا. اُو ايسو رٿي جئي ام بولوتات ريا:

”جئي جئي! ايسو رٿي جئي!

ايشور رو اشيرواڏ اينا مانه هوه


جيو ايشور را پاها تي اوتٺه!

اسرائيلي قوم را پاڏشا رٿي جئي هوه!”

⑭ ايسو هيڪ گڏيڙي رو وشيرو هات ڪريو تو، ان اونا مانه سڙين اوتوت

ريو، زم شاستر موئين لڪل سٺ:

⑮ ”پيٺائو مت، يروشلم رون منڪون!



زوئو، تمارو پاڌشا آونھ ريو.

گڏيڙي را وشيرا مانھ سڙين آونھ ريو. ”
 ①6 آونھ تونھ ايسو را شيلا اي واتون نه
 هزميا، جي ايسو هم ڪريا ٿي آپ نه پگيون
 رو سونڊل پچايا وازو ڪريست ڏيڪاڙهه ريو. پڻ
 پسنه تيا ڪيڙ، زئون پگيون ايسو نه آڪاش

۾ آڀرا مون ۾ ليڏو، تيون اونون نه همپريو جي هائي واتون پگيون را سونڊل
 پچايا وازا را پارام اڳي شاستر ۾ لڪل هتي، ان هائي ٻڌي امريم ايسو مانھ
 پوري ٿي گي.

①7 هوڻه جيا گهڻا منڪ ايسو پيڙا هتا زئون اونھ لعزر نه مقوم ٿي نيهريا
 هارو هاڏ ڪريو تو ان اونا نه جيوتو ڪريو تو، او ٻڌائي منڪ هيا وات رئي
 هاڪ پرين همپراوتا ريا. ①8 ان تيا ري ڪري هائي زاترونون رو موٽو توڙو ايسو
 رو آوڪار ڪريا هارو نيهريو، ڪم تو اوئي هومپريو تو جي ايسو هائي پرسو
 ڏيڪاڙيوه. ①9 تيام فريسي پالتي ري منڪي آڀت ۾ ڪيڏو: ”وات ساوئي سته
 جي آپون نه ڪئين نٿي وٽو. زوئو، ٻڌائي منڪ اونا وونهڙ وونهڙ ويوا مڏياھ!“

ايسو ڪڻڪ را ڏوڻا رو مثال ڏين ڌاري قوم وازون نه شيڪاڙهه
 جي او ٻڌون منڪون نه پچايا هارو آڀرو جيوت ڏيشي

②0 جيا زاترو يروشلم شهر موئين پگيون رئي پوزا ڪروا پرپ مانھ اول هتا، او
 روگا يهودي نٿا پڻ اونون موئين ٿي ڪينڪ ڌاري قوم وازا پڻ هتا. ②1 تيام او
 ڌاري قوم وازا منڪ فلپس ڪن آيا، جيو گليل صوپا را بيت صيدا شهر رو هتو،
 ان اونا رئي منٿ ڪرين ڪيڏو: ”ساب، امي ايسو ٿي مڙوا ڪرونه. ميرپونٿي
 ڪرين امون نه ايسو ٿي مڙاو.“ ②2 تيام فلپس اندرياس ڪن زائين ڪيڏو، ان
 پسنه فلپس ان اندرياس ٻئي زئي ايسو ڪن زائين وات ڪري.

②③ تئين ايسو اوتون ننه ڪيڏو: ”او توتو هوئه آيوه رو، زئين مون منڪ ذات را ڏيڪرا رو مون ساوو ٿيشي. ②④ هون تمون ننه هاس ئي هاس ڪونه: زئين هوڏي ڪنڪ رو ڏوتو زمي موئين پڙين زوتنه مري نٿي زاتو، تئين هوڏي او روگو هيڪ هيڪلو ڏوتو رنه. پڻ جي مري زانه، تو اوتا ٿي گهڻا پيزا ڏوتا ٿه. هيون نموننه مارنه پڻ مرووه زم گهڻون منڪون ننه هميش رو جيون زڙنه. ②⑤ جيو آپرا جيو ٿي پريم ڪرڻ، تو نيٺ اوتا رو جيو گمائي زاشي. پڻ جيو ايئا ڏنيا ۾ آپرا جيو ري ڪراپ ممتائون ننه مارڻ، تو اوتا رو جيو پچي زاشي ان اوتا ننه هميش رو جيون زڙشي. ②⑥ جي ڪوئي مارئي شيوا ڪرڻ، تو اوتا رنه مارا مارگ مانه وين مون وونهڙ آوو. ان جيئنه هون هوئي، اوتنه مارو شيواڏاري پڻ هوشي. جي ڪوئي مارئي شيوا ڪرڻ، تو مارو ٻاپ پگيون اوتا رو مون راکشي.“

ايسو آپرا هوڙي مانه مريا را پارام همپزاوتنه

②⑦ ”هوئه مارو من آيا وازون ڏڪون ٿي پيئانه، پڻ هون ڪي ڪون؟ هون پگيون ٿي اي منٽ ڪرون ڪي؟ او ٻا، مون ننه آيا وازا ڏڪون را توتا ٿي پچاوو. نا، هم تو نئين ڪرون، ڪم تو ايئا توتا هارو تو هون آيوه. ②⑧ او ٻا، تمي مارا موت ٿي آپرا وڪون ڪراو!“

تئين آڪاش ٿي پگيون رو آواز آيو: ”تاري حياتي ٿي مارا وڪون ٿيا، ان وڙي ٿارا موت ٿي پڻ مارا وڪون ٿيشي.“

②⑨ جيا گهڻا منڪ اوتنه اوپل هتا اوئي هائي آواز هوپڙين ڪيڏو: ”گاز ٿيوه.“ پڻ پيزي منڪي ڪيڏو: ”هڪه آڪاشي ڏوت هايا ٿي وات ڪريه.“

③⑩ تيا مانه ايسو ڪيڏو: ”هائي آواز مون هارو نئين، پڻ تمون هارو ٿيوه.“

③① همئنه او توتو سه زئين پگيون ڏنيا رون منڪون رو قينصلو ڪرين ڏوهون ربي سزا ڏيشي، همئنه ايئا ڏنيا رو مڪ شيطون آپرا راز ٿي ڪيڏاشي. ③② ان

زئيون هُون اُونسو سَڙائينَ اِيتا دُنيا ٿِي زائيه پَرو، تئيون هُون ٻڌون منڪون نئه آپ هوما توڻي ليه.“

(33) ايسُو هائي وات آپرا موت را نمونا را پارام ڪيڏي تئي. اوتا رو مطلب هتو جي اُو هُوڙي مانھ سَڙائينَ مري زاشي.

(34) تيا مانھ ٻڌي منڪي اوتا نئه ڪيڏو: ”امي شاستر موئين ٿي هومپڙيوھ جي پڳوون رو سُونڍل پڇايا واڙو ڪريست هميش هُوڏي جيو تو ريشي. ان امي تو ام هزمونھ ريا جي منڪ ذات رو ٺيڪرو ان پڇايا واڙو ڪريست هيڪ رو هيڪ سئھ. تو پسنه تمي ڪم ڪرين ڪوه ريا، جي هُون منڪ ذات رو ڏيڪرو اُونسو سَڙائينَ اِيتا دُنيا ٿِي زائيه پَرو؟ جي منڪ ذات را ڏيڪرا رو مطلب ڪريست نئي، تو هايا رو ڪي مطلب سئھ؟“

(35) تيام ايسُو اوتون نئه ڪيڏو: ”هزون ٿوڙيڪ وار هُوڏي هُون سوجهرو ٿين تمون ڪن سون. زئيون هُوڏي هُون تمون ڪن سون، تئيون هُوڏي مارا سوجهرام آڳڙ ويتا ريو، متون اندارو تمون مانھ آوي پڙئھ. جيو اندارا ڀر وئھ اوتا نئه ڪبر نئي هونئي جي ڪيال زائھ ريو. (36) همئنه هُون تمون ڪن سوجهرو سون، تو تمي مُون سوجهرا مانھ يقين راکو، زم تمي سوجهرا ڀر وڍا واڙا ٿيو.“

گھڻا يهودي هاس ٿي اونڪيون ميسئھ

ان ايسُو مانھ وشواس نئي اونٿا

ايسُو اي ٻڌي واتون ڪين اوت ٿي گيو پَرو، ان اوتون ٿي هتائي گيو. (37) ايسُو اوتون رئه روپرو اتا گھڻا پرسا ڏيڪارڙين ٿا پئي ڏيڏي جي اُو ڪوڻ سئھ، توئي پڻ اوتئي ايسُو مانھ وشواس نه اونٿيو. (38) هم تيام ٿيو زم پڳوون رو نياپو ڏيڏا واڙا يسعياه رئي وات اوتون مانھ هاسئي ٿئھ:

”او ايشور، امارا ڏيڏل نياپا مانھ ڪيئھ يقين ڪريوھ؟“

ان پرپو رئي ڏيڪارڙل ڪڙا ڪيئھ اوڙڪيھ؟“

③9 اُو منڪ پڳوونَ رنه ڪِلاڦ ضِڏِي هويا ري ڪري ايسُو مانه وِشواس اوڻي نه هڪيا، ڪم تو يسعياه اي پڻ ڪيڏو:

④0 ”پڳوونَ اوڻون ننه اوڻون ري آپري مرضي مانه ساڏينَ

اوڻون ننه اونڌون را زم ٿيا ڏيڏاه

ان اوڻون ننه ضِڏِي ٿيا ڏيڏاه

نڪا او آپريون اونڪيون ٿي ڏيڪنت

ان آپرا من ٿي هزمئنت

ان وڙين پڳوونَ ري وات مانه وئنت

ان پڳوونَ اوڻون ننه پچاوتنت.

④1 پڳوونَ يسعياه هومئي اڳي وات ساوئي ڪرڻي ٿي جي پريو ايسُو ڪتو

مون ان وڪوڻ رنه لائيق سئم. تيام يسعياه هائي واتون ڪيڏي زم وات ساوئي ٿه

جي يهودي ايسُو مانه وِشواس ڪم نئين اوڻه.

④2 توڻي پڻ يهوديون ري ڌرمي پنچائيت ري گهڻي منڪي ايسُو مانه يقينَ

ڪريو جي او پڳوونَ رو سونڍل پچايا وازو ڪريست سئم. پڻ او فريسي پالتي

رون منڪون ٿي پيڻاتا تا. تيام اوڻي آپرو وِشواس نه پاسيو، متون فريسي پالتي

وازا اوڻون ننه ڌرم ٿي ڪاڏينَ نات ٻارا ڪرئ. ④3 اوڻي پڳوونَ ٿي زڙل مونَ ننه

گهت هزميو ان منڪون ٿي زڙل مونَ ننه وڌارئ هزميو.

ايسُو ري واتون نه مونيا وازا آپ مانه سزا لئھ

④4 ٽيون ايسُو اوتومئا هاڏ ٿي ڪيڏو: ”جيو مون مانه وِشواس راکئھ، او نه

رُوڳو مون مانه وِشواس راکئھ، پڻ پڳوونَ مانه پڻ وِشواس راکئھ جيئنه مون

ننه ميليوه. ④5 ان جيو مون ننه ڏيڪئھ، او پڳوونَ ننه ڏيڪئھ، جيئنه مون ننه

ميليوه. ④6 هون سوجهرو ٿينَ ڏنيا ۾ آيوھ، زم جيو ڪوئي مون مانه وِشواس

راڪئھ، او اندارا ۾ نئين رنه. ④7 جي ڪوئي ماري واتون هومپڙئھ، پڻ اوڻون مانه

ويتو نٿي، تو هُون آپ اُوڻا نٿه سزا ڏيڏا رو ڦينصلو نٿي ڪرتو. ڪم تو هُون ڏنيا رُون منڪون نٿه سزا ڏيڏا رو ڦينصلو ڪريا هارُو نئين، پڻ ڏنيا رُون منڪون نٿه پڇايا هارُو آيوه. (48) تونِي پڻ جيو مُون نٿه نٿي هونڪارتو ان ماري واتون نٿي مونتو، اُوڻا مانھ سزا رو ڦينصلو ضرور ٿيشي. ڪم تو جيو وچن مئين همپڙايوه، اُوڻا وچن نٿه نه مونيَا ري ڪري، ڏنيا ري پڇاڙي ۾ نيا رٿه ڏي اُوڻا مانھ سزا رو ڦينصلو ٿيشي. (49) ڪم تو هُون آپرا پاها ٿي نٿي ٻوليو، پڻ مارٿه ٻاپ پڳوون جيتڻه مُون نٿه ميليوه، اُوڻه مُون نٿه حُڪم ڏيڏوه جي مارٿه ڪي ڪيو ان ڪي همپڙاوو. (50) ان مُون نٿه ڪهر سٺه جي مارٿه پڳوون رو اي حُڪم مونيَا ٿي منڪون نٿه هميش رو جيون زڙڻه. تيام جي ڪئين هُون ڪونه، هُون همروم ڪونه، زم مارٿه ٻاپ مُون نٿه ڪيڏوه.

ايسُو اڪري وار شيلون پيڙو روٽي ڪانه، زهلاڻه هُوڙي مانھ مرڻه ان مقوم موئين پورائھ

ايسُو آپرون شيلون را پڳ تويا ٿي شيڪاڙڻه
جي پورا پريم ٿي هڪا پيڙا رٿي شيوا ڪرو



13 ① ايسُو نٿه پاشڪا پرڀ مور ڪهر
هٿي جي هُوڻه اُو تُوڻو آيوه رو، زئيون
هُون اي ڏنيا ساڏين آپرا ٻاپ پڳوون ڪن زائيه.

ايسُو هميش آپرون منڪون ٿي پريم ڪرتو آيو جيا ايڻا ڏنيا ۾ هتا، ان هُوڻه اُوڻه
آپرون منڪون ٿي اتو گهڻو پريم ڪريو جيا ٿي وڌارڻه پريم سٺه ٿي نئين.

② ايسُو ان اُوڻا را شيلا پيڙا ٿين هونز رو پرڀ رو پوزن زماتات ريا. شيطون
اڳي شمعون اسڪريوتي را ڏيڪرا يهوداه را من ۾ اي ڪيال نوڪيو تو جي اُو
ايسُو نٿه زهلاوڻه. ③ ايسُو نٿه ڪهر هٿي جي اُوڻا رٿه ٻاپ پڳوون ٻڌوئي ڪئين

اُونا را ڪيڏا ۾ راڪيوھ، ان اُو پڳوونَ ڪن ٿي آيوھ ان پڳوونَ ڪن زايا وازو سئ. ④ تيام اُوئھ کاڏا ٿي اُونينَ آپرو ماٿليو پيرل گھنگھو اُوتاريو، ان پسئھ تُوئال لينَ ڪڙيون مانھ ٻونڌيو. ⑤ ان تيا ڪيڙ پوڻي نونپڙا ۾ نومينَ اُو آپرون شيلون را پڳ ڏووا مڏيو، ان ڪڙي ٻونڌل تُوئال ٿي اُوئون را پڳ پونھوا مڏيو. ⑥ زئيون نمپروار ايسُو شمعونَ پطرس ڪن آيو، تئيون پطرس اُونا نئھ ڪيڏو: ”پريُو، تمي مارا پڳ ڏوشو ڪي؟“ ⑦ تيا مانھ ايسُو اُونا نئھ ڪيڏو: ”اي جي هُون ڪرونھ ريو اُو ٿارا هزميا ۾ همئئھ نٿي آوتو، پڻ تيا ڪيڙ تُون نئھ هزميام آوشي.“ ⑧ پڻ پطرس اُونا نئھ ڪيڏو: ”تمون نئھ هُون مارا پڳ ڪيڏي نئين ڏووا ڏيون.“ تيا مانھ ايسُو اُونا نئھ ڪيڏو: ”جي هُون ٿارا پڳ نه ڏوئون، تو ٿارو مُون ٿي ڪئين واسطو نئين هونئ.“ ⑨ تئيون شمعونَ پطرس اُونا نئھ ڪيڏو: ”پريُو، نه رُوڳا مارا پڳ ڏوئو، پڻ مارا هاٿ ان مارو مونيُو پڻ ڏوئو!“ ⑩ پڻ ايسُو اُونا نئھ ڪيڏو: ”جيو اڳي جهيلل سئھ اُونا رئھ رُوڳو پڳون نئھ ڏويا رئي ضرورت سئھ، پيزو ٻڌوئي صاف سئھ. ان تمي تو صاف من را سو، پڻ ٻڌائي نئين.“ ⑪ ايسُو نئھ ڪٻر هئئي جي اُونا نئھ زهلايا وازو ڪوڻ سئھ، تيام اُوئھ ڪيڏو جي تمي ٻڌائي صاف من را نٿي.

⑫ پسئھ زئيون ايسُو ٻڌون شيلون را پڳ ڏوئي ريو ان وڙي آپرو گھنگھو پيرينَ کاڏا هارُو پينو هئو، تئيون شيلون نئھ ڪيڏو: ”ڪي تمي هزموه ريا جي مئين تمون ٿي ڪي ڪريوه؟“ ⑬ تمي مُون نئھ گرو ان پريُو ڪوه، ان تمي نيڪ ڪوه ڪم تو اُو هُون سون. ⑭ تيام زئيون مئين تمارو پريُو ان گرو ٿين تمارا پڳ ڏوياھ، تو هيُوئھ نمونئھ تمارئھ پڻ هيڪا پيزا رئي شيوا ساڪريي ڪروو ڪپئھ. ⑮ ڪم تو مئين تمون نئھ هيڪ نمونو ڏيڏوه، زم جيُوئھ نمونئھ مئين تمارئي شيوا ڪريھ هيُوئھ نمونئھ تمارئھ پڻ ڪروو. ⑯ هُون تمون نئھ هاس ئي هاس ڪونھ: گُلوم آپرا ڏئي ٿي موٽو نٿي، نڪو ميلل منڪ آپرا ميليا وازا ٿي موٽو سئھ. ⑰ تمي جي هائي واتون هزموه ان هايون مانھ وينا ريوھ، تو تمي

پاڳوازا سو.

⑱ هُونَ تَمونَ ٻڌونَ را پارامَ نٿيَ ڪيتو. مُونَ نٿهَ ڪَهرَ سٺهَ جِي مٿينَ ڪيوونَ منڪونَ نٿهَ سُوندياھ، توڻيَ پڻَ مٿينَ تَمونَ ٻڌونَ نٿهَ سُوندياھ زمَ ايَ شاسترَ رٿيَ واتَ پُورِئيَ تئہ:

’جيوَ مُونَ پيڙِئيَ روٿيَ ڪاٺھ اُوَ مارو ويريَ ٿيوھ.’

⑲ هُونَ تَمونَ نٿهَ مورَ ٿيَ هاڻيَ واتَ همپزاوونھَ ريو، زمَ زئيونَ همَ تئہ تئيونَ تمِيَ يقينَ ڪرو، جِي هُونَ هاسَ ۾ ڪُونَ سونَ. ⑳ هُونَ تَمونَ نٿهَ هاسَ ٿيَ هاسَ ڪونھ: جيوَ مارونَ ميللَ منڪونَ نٿهَ هونڪارُھ، اُوَ مُونَ نٿهَ هونڪارُھ، انَ جيوَ مُونَ نٿهَ هونڪارُھ، اُوَ پڳوونَ نٿهَ هونڪارُھ جيئہ مُونَ نٿهَ ميليھ.

ايسُوَ مورَ ٿيَ همپزاوونھَ جِي اُوَناَ رو هِيڪَ شيلو اُوَناَ نٿهَ زهلاوشي

(متي 25-20:26، مرقس 14:17-21، لوقا 22:21-23، يُوحنا 13:21-30)

㉑ هاڻيَ واتونَ ڪيڏا ڪيڙا ايسُوَ منَ ۾ گهڻوَ ڏکيَ ٿيو، انَ آپراَ منَ رٿيَ واتَ ساوئيَ ڪرينَ ڪيڏو: ”هُونَ تَمونَ نٿهَ هاسَ ٿيَ هاسَ ڪونھ، تَمونَ موئينَ ٿيَ هِيڪَ زڻوَ مُونَ نٿهَ زهلاوشي.“ ㉒ تياَ مانھَ شيلو ٻڌائيَ هِيڪاَ پيڙاَ هوماَ زوواَ مڏيا، ڪمَ تو اُوئونَ نٿهَ ڪئينَ ٿيَ ڪَهرَ نٿيَ جِي ايسُوَ ڪياَ شيلو را پارامَ ٻولُھ ريو.

㉓ هَوَئہ شيلونَ موئينَ ٿيَ هِيڪَ زڻو، جيوَ ايسُوَ رو پريميَ شيلو هتو، اُوَ ايسُوَ رٿهَ پاھئہ پيئو تو. ㉔ تيامَ شمعونَ پطرسَ هاياَ شيلو نٿهَ اِشاروَ ڏيڏو جِي اُوَ ايسُوَ ٿيَ پُونسئہ جِي اُوَ ڪياَ شيلو را پارامَ ڪئھ ريو. ㉕ تيامَ هاڻيہَ شيلئہ ايسُوَ را ڪونَ ۾ ڪينَ همرومَ ايسُوَ ٿيَ پُونسيو: ”پريُو، اُوَ شيلو ڪيو سئہ؟“ ㉖ تئيونَ ايسُوَ اُوَناَ نٿهَ وڙندڙيَ ڏيڏيَ: ”هُونَ جياَ نٿهَ ٻٽڪو ٻوڙينَ ڏيھ، هاڻيَ اُوَ شيلو سئہ.“ تيامَ ايسُوَ روٿيَ رو ٻٽڪو ٻوڙينَ شمعونَ اِسڪريوتيَ را ڏيڪراَ يهوداهَ نٿهَ ڏيڏو پرو. ㉗ يهوداهَ اُوَ ٻٽڪو ليڏو رو، انَ تئيونَ شيطونَ اُوَناَ را منَ ۾ گَهرَ ڪريَ گيو. تيامَ ايسُوَ اُوَناَ نٿهَ ڪيڏو: ”جِي ٿارُئہ ڪروو هونہ، اُوَ تُونَ جلدِيَ ڪر.“

②8 پڻ پيڙا ٻڌائي جيا کاڌا مانھ پيڙا هتا، اُوئون موئين ٿي ڪيا ننه پڻ کهر نٿي جي ايسو اونا ننه ڪيو ڪوم ڪريا را پارام ڪئو ريو. ②9 ڪوڪ سوچتات ريا جي ايسو اونا ننه ام ڪئو ريو جي ”اُو شيمون ويساتو لئه جي آپون ننه پرڀ هارو ڪئو“ ڪا ”ڪئينڪ پئيا پڳوون را نوم مانھ ڳريهون ننه وراوي ڏنه،“ ڪم تو پئيهون رو پئوئو يهوداه ڪن هتو. ③0 تئيون يهوداه روئي رو پئو لئن جهت ۾ اوٿ ٿي پارو نيھري ڳيو. تنه توئنه رات هئي.

ايسو آپرون شيلون ننه نوو حڪم ڏنه

③1 تيام، زئيون يهوداه ڳيو پرو، تئيون ايسو ڪيڏو: ”هوه مون منڪ ذات را ڏيڪرا رو مون ساوو ٿيوھ، ان ماري ڪري پڳوون رو مون پڻ ساوو ٿيوھ. ③2 پڳوون رو مون ماري ڪري ساوو ٿيوھ، تيام هوه پڳوون آپرا پاها ٿي مارو مون ساوو ڪرشي ان او مارو مون جلدي ۾ ساوو ڪرشي. ③3 مارون پريمي ڏيڪرون، هزون هون ٿوريڪ وار تمون پيو سون. تيا ڪيڙ تمي مون ننه ڳوتشو، ان زم مئين اڳي يهودي ڌرم رون آڳيوونون ننه ڪيڏو تو، تم هون همئنه همروم تمون ننه ڪونه جي جيئنه هون زائونھ ريو اوئنه تمي آوي نئي هڪتا. ③4 هون تمون ننه هيڪ نوو حڪم ڏيونھ جي تمي هيڪا پيڙا ٿي پريم ڪرو. زم مئين تمون ٿي پريم ڪريوھ، تم تمي پڻ هيڪا پيڙا ٿي پريم ڪرو. ③5 جي تمي آپت ۾ پريم راکوه، تو ايئا ٿي ٻڌون منڪون ننه کهر پڙشي جي تمي مارا شيلو سو.“

ايسو مور ٿي همپزلوئھ جي پطرس اونا ننه ناڪارشي

(متي 31:26-35، مرقس 14:27-31، لوقا 22:31-34، يُوحنا 13:36-38)

③6 تئيون شمعون پطرس ايسو ننه ڪيڏو: ”پريو، تمي ڪيئن زائوھ ريا؟“ ايسو اونا ننه وڙنڌي ڏيڏي: ”جيئنه هون زائونھ ريو، اوئنه تون همئنه مون وونھڙ

آوي نٿي هڪتو. پڻ تيا ڪيڙ تون مون وونهڙ آويه. ” (37) تو پطرس اونا ننه ڪيڏو: ”پرڻو، همئنه هون تمون وونهڙ ڪم آوي نٿي هڪتو؟ هون تمون هارو آڀرو جيو ڏيڏا هارو تيار سون. ” (38) ايسو اونا ننه ڪيڏو: ”تو تون آڀرو جيو مون هارو ڏيڏا هارو تيار سئ، پلا؟ پڻ هون تون ننه هاس ئي هاس ڪونه: آرات ڪوڪڙا رنه بونگ ڏيڏا مور تون ترڻ وار مون ننه ناڪاريه.“

پڳوون ري گهري زايا را مارڳ رو مثال

پڳوون ڪن آڪاش ۾ زايا هارو ايسو مانه وشواس راڪو

14 ① ”تمي آپرا من ۾ ڏکي مت ٿيو. پڳوون مانه يقين راڪو ان مون مانه پڻ يقين راڪو. ② مارا ٻاپ پڳوون ري گهري ريا هارو گهڻو ماڳ سئ. جي هم نه هونت تو هون تمون ننه ضرور ڪئت، ڪم تو هون تماره اوتنه آيا هارو تيار ٿي ڪرو زائونه ريو. ③ ان زبون اوتنه زائين هون تمون هارو تيار ٿي ڪري ريه، تيون هون وڙي پاسو آويه ان تمون ننه آپ پيڙا تيڙي زائيه، زم جيئنه هون هوييه اوتنه تمي پڻ هئو. ④ ان جيئنه هون زائونه ريو، اوت را مارڳ رئي تمون ننه ڪهر سئ.“

⑤ توما اونا ننه ڪيڏو: ”پرڻو، امون ننه ڪهر ئي نٿي جي تمي ڪيئنه زائوه ريا. تو پسئ امون ننه ڪم ڪرين اوتنه زايا را مارڳ رئي ڪهر هوشي؟“ ⑥ ايسو اونا ننه ڪيڏو: ”مارڳ هون سون، هاس هون سون، ان جيون ڏيڏا واڙو هون سون. مارا مارڳ مانه وڍا شوا ڪوئي پڳوون ٻاپ ڪن نٿي آوي هڪتو. ⑦ زون تمي مون ننه اوڙڪوت جي هاس ۾ هون ڪوڻ سون، تون تمي مارا ٻاپ ننه پڻ اوڙڪوت پڻ هئنه تمي اوڙڪي زاشو جي هون ڪوڻ سون، ان اونا توتا ٿي لين تمي مارا ٻاپ ننه پڻ اوڙڪشو، ان او تمون ڪن ساوو هوشي.“ ⑧ فلپس اونا ننه ڪيڏو: ”پرڻو، امون ننه پڳوون ٻاپ رو ڏرشن ڪراوو، تو هائي امون هارو گهڻو ئي سئ.“ ⑨ ايسو اونا ننه ڪيڏو: ”هون تمون پيڙو اتا گهڻا ڏي ريوه، توئي پڻ

فِلِپس، تُون مُون نئه هاوڙ نئي اوزکتو ڪي؟ جيئنه مُون نئه ڏيکيوه اونه مارا ٻاپ پڳوون نئه پڻ ڏيکيوه ان پڳوون ٻاپ اوثا ڪن ساوو سئه. تو پسته تُون ڪم ڪنه ريو جي امون نئه پڳوون ٻاپ رو ڏرشن ڪراو؟ ⑩ تُون اي وات نئي مونتنو ڪي، جي هُون ان مارو ٻاپ پڳوون هيڪ را هيڪ سون؟ جي واتون هُون تمون نئي ڪرونه، اُو واتون هُون آپرا پاها نئي ڪرتو. پڻ مارو ٻاپ پڳوون جيو مُون موئين رهه، اُو مُون نئي آپرا ڪوم ڪراوئه. ⑪ ماري وات مانه يقين ڪرو جي هُون ان ٻاپ هيڪ را هيڪ سون. جي تمي مارا ڪيڏا نئي هائي وات نئي مونتا تو گهٽ ۾ گهٽ مارون ڪرل ڪومون نئه زوئين ماري وات رو يقين ڪرو. ⑫ هُون تمون نئه هاس ئي هاس ڪونه: جيو مُون مانه وشواس راکنه، جيو ڪوم هُون ڪرونه، تيو ڪوم اُو پڻ ڪرشي. ان اُو هايا نئي موتا ڪوم پڻ ڪرشي، ڪم تو هُون آپرا ٻاپ ڪن زائونه ريو، ⑬ ان جيا هارو تمي ماري مرضي اوزڪين ان مارو نوم لين پراٿا ڪرشو اُو هُون ڪريه، زم پڳوون ٻاپ رو مُون مُون ڏيڪرا ري ڪري ساوو سئه. ⑭ جيا ڪيا هارو تمي ماري مرضي اوزڪين ان مارو نوم لين پراٿا ڪرشو، اُو هُون ضرور ڪريه.

ايسو پويتر آتما ميليا را پارام همپڙاوئه



⑮ ”جي تمي مُون نئي پريم راکوه، تو تمي مارون ڪمون مانه ويشو. ⑯ ان هُون مارا ٻاپ پڳوون ڪن تماري پارت ڪريه، ان اُو تمون ڪن ماري جگا مانه پيزو هيڪ مدت ڪريا واڙو ميلشي، جيو هميش هوڏي تمون پيزو ريشي. ⑰ اُو مدت ڪريا

واڙو پويتر آتما سئه، جيو هاس رئي ڪڀر ڏئه. ڪراب ڏنيا را منڪ هايا نئه هونڪاري نئي هڪتا، ڪم تو اُو نڪو هايا نئه پاڙه نڪو هايا نئه اوزڪهه. پڻ تمي هايا نئه اوزڪوه ڪم تو اُو تماره پيلنه سئه ان تمارون منون ۾ گهر

ڪرين ريشي. ⑱ هُون تمون نئه سوريون ٻارون را زم هيڪلا نئين ساڏون، هُون تمون ڪن پاسو آويه. ⑲ ٿوڙيڪ وار ڪيڙ ڏنيا را منڪ مُون نئه وڙي نئين پاڙئه، پڻ تمي مُون نئه پاڙشو. ان ڪم تو هُون جيو تو سون، تيام تمون نئه پڻ جيون زڙشي. ⑳ اوئه ٿوئه تمون نئه ڪٻر پڙشي جي هُون ان مارو ٻاپ پڳيون هيڪ را هيڪ سون ان ڌار نٿي، ان تمي مُون ٿي ڌار نٿي، ان هُون تمون ٿي ڌار نٿي.

㉑ مُون ٿي پريم ڪريا رئي ٿا پٽي اي سئه جي منڪ مارا حڪم مونئه ان اوئون مانه وئه. ان جيو مُون ٿي پريم ڪرئه اوئا ٿي مارو ٻاپ پريم ڪرشي ان هُون پڻ اوئا ٿي پريم ڪريه، ان هُون اوئا ڪن ساوو ٿيه.

㉒ يهوداه اسڪريوتي نئين پڻ پيڙه يهوداه نومي شيلئه ايسو نئه ڪيڏو: ”پريو، هائي ڪم ڪرين ٿيشي جي تمي امون ڪن آپ نئه ساوا ڪرشو پڻ ڏنيا رون منڪون ڪن آپ نئه ساوا نئين ڪرو؟“

㉓ ايسو اوئا نئه وڙندئي ڏيڏئي: ”جي ڪوئي مُون ٿي پريم راکنه، او ماري ڪيڏل واتون مانه ويشي، ان مارو ٻاپ اوئا ٿي پريم راکشي ان امي اوئا ڪن آوشون ان اوئا را من ڀر گهر ڪرشون. ㉔ پڻ جيو مُون ٿي پريم نٿي ڪرتو، او ماري واتون مانه نٿي ويتو. ان جي واتون تمي مُون ٿي هومپيڙه، او واتون مارا پاها ٿي نئين، پڻ مارا ٻاپ را پاها ٿي سئه جيئنه مُون نئه ميليوه.

㉕ هوهه هُون تمون ڪن ٿي زائونه ريو، ان مئين آپرا زايا مور هائي واتون تمون ٿي ڪريه. ㉖ پڻ پويتر آتما، جيو تماري مدت ڪريا واڙو سئه جيا نئه پڳيون ٻاپ ماري ڪري ميلشي، او تمون نئه ٻڌي واتون شيڪاڙشي، ان جي ٻڌي واتون مئين تمون نئه همپڙاويه، او ٻڌي واتون تمون نئه ياد ڪراوشي.

㉗ هوهه هُون زائونه ريو ان تمي هڪي ريو. هُون تمون نئه من ڀر مارو هڪ ڏيونه. زم ڏنيا را منڪ امهي هڪي ريا رو ڪنه، هم هُون نٿي ڪيتو، پڻ هُون هاس ڀر تمون نئه هڪ ڏيونه. تمي من ڀر ڏکي مت ٿيو نڪو پيئائو! ㉘ تمي ماري

ڪيڏل واتون همٿڻه هومپڙيه جي هُون زائونھ ريو ان وڙي پاسو تمون ڪن آويه. جي تمي مُون ٿي پريم ڪروت، تو تمي ڪُش ٿيوت جي هُون مارا ٻاپ ڪن زائونھ ريو، ڪم تو مارو ٻاپ مُون ٿي موتو سٺھ ان اُونئا ڪن زاوو مُون هارو ڪُشي ان مُون رئي وات سٺھ. (29) مٿين تمون نٺھ هائي وات همٿڻه مور ٿي همپڙاويھ زم زئيون وات ٿيشي، تئيون تمي يقين ڪرو، جي هُون هاس ۾ ڪوڻ سون.

(30) هُون هُون تمون ٿي وڌارڻه گهٽي واتون نئين ڪرون، ڪم تو ايئا ڏنيا رو مُڪ شيطنون آوئھ ريو. اُونئا رو مُون مانھ ڪئين زور نٿي. (31) پڻ جي ڪئين هُون ڪرونھ، اُو هُون تيام ڪرونھ زم ڏنيا رون منڪون نٺھ ڪٻر پڙڻه جي هُون مارا ٻاپ ٿي پريم ڪرونھ ان زم مارڻه ٻاپ مُون نٺھ ڪريا رو ڪيڏوھ همروم هُون ڪرونھ. هُونه اُونو، ايت ٿي هالون.

ايسنو ٽراڪون ري ويل رو مثال ڏين شيڪاڙڻه

جي رُوڳو اُونئا ٿي واسطو راڪيا ري ڪري هميش رو جيون زڙڻه

15 ① ”هُون ڌراڪون رئي هاسي ويل سون، ان مارو ٻاپ پڳوون مازي سٺھ. ② مارئي هر هيڪ تازڪئي جيا موئين ميوا نٿي ٿيئا، پڳوون اُونئا نٺھ وائڻه پري. ان هر هيڪ تازڪئي جيا موئين ميوا ٿنھ، پڳوون اُونئا نٺھ سونگاڙين صاف ڪرڻھ، زم اُونئا موئين وڌارڻه ميوا ٿنھ. ③ تمي اڳي صاف من را سو، ڪم تو تمي ماري ڪيڏل واتون مونيھ. ④ هُونه، زم مازو واسطو تمون ٿي سٺھ



ان هُون تمون ٿي ڌار نٿي، تم تمي مُون ٿي واسطو راڪتا ريو ان مُون ٿي ڌار مت ٿيا. ڪوئي تازڪئي ويل ٿي ڌار ٿين آڻوڪئي آپ ميوا ڏي نٿي هڪٿي، پڻ رُوڳي زئيون ويل ۾ لاڳل سٺھ تئيون اُونئا موئين ميوا

ٿڻ. هيونئہ نمونئہ جي تمارو واسطو مُون ٿي نئين هوئہ، تو تمون ٿي ڪئين نائوڪا ڪوم نئين ٿئہ.

⑤ هُون ويل سون ان تمي تازڪي سو. زم ويل ري ڪري تازڪي موئين گهڻا ميوا ٿئہ، تم جيو منڪ مُون ٿي واسطو راکئہ ان هُون اُونائِي واسطو راکونہ، اُونائِي منڪ ٿي گهڻا نائوڪا ڪوم ٿئہ. ڪم تو مُون وڳر تمي ڪئين نئي ڪري هڪتا. ⑥ جي ڪوئي مُون ٿي واسطو نئي راکتو، اُو ايوي تازڪي را زم سئہ جيا نئہ وادين ڦڳوڙئہ پري ان اُو هُوڪائي زائہ. هيوي تازڪي ٻڌي پيڙي ڪرائين ڏيوتا موئين ڦڳوڙئہ ان اُو ٻڙي زائہ.

⑦ جي تمي مُون ٿي واسطو راکتا ريو ان ماري واتون مونتا ريو، تو تمي جي وٽئہ اُو مونڱو ان اُو تمون هارو ٿيشي. ⑧ مارا ٻاپ رو مون ايئا وات ۾ ساوو ٿئہ جي تمون ٿي نائوڪا ڪوم ٿئہ، ان هيونئہ نمونئہ تمي ڏيڪاڙوہ جي تمي مارا شيللا سو. ⑨ زم مارئہ ٻاپ مُون ٿي پريم ڪريوہ، تم مئين تمون ٿي پريم ڪريوہ. هونئہ تمي مارا پريم ۾ پنڌال ريو. ⑩ جي تمي مارون حُڪمون مانہ ووہ، تو تمي مارا پريم موئين پنڌال ريشو، زم هُون مارا ٻاپ رون حُڪمون مانہ وُوڊوہ ان اُونائِي را پريم موئين پنڌال ريونہ. ⑪ مئين تمون نئہ هائي واتون همپڙاويہ زم تمي مُون ٿي واسطو راکيا ري ڪري کُش هوشو، ان تماري کُشي رو ڪوئي ڌنگ نئين هوئہ.

⑫ مارو ڏيڌل حُڪم اي سئہ، زم مئين تمون ٿي پريم ڪريوہ، تم تمي هيڪا پيڙا ٿي پريم ڪرو. ⑬ ايئا ٿي گهڻو پريم سئہ ئي نئين جي ڪوڪ آپرون پريميون هارو آپرو چيو ڏئہ. ⑭ جي تمي مارا ڪيڏا مانہ ووہ، تو تمي مارا پريمي سو. ⑮ اڳي مئين تمون مانہ گُلومون رو مثال ڏيڏو، پڻ هونئہ هُون تمون نئہ گُلوم نئي ڪيتو، ڪم تو گُلوم نئہ آپرا ڏئي را ڪوم را پارام ڪئين ڪبر نئي هوئيتي. پڻ ههڻئہ مئين تمون نئہ آپرا پريمي ڪيڏا، ڪم تو جي واتون مئين مارا ٻاپ ٿي هومپڙيہ اوئون ٻڌيون واتون رئي ڪبر مئين تمون نئہ ڏيڏيہ.

①6 ام نٿي جي تمڻي مٺو سُونڊيوه. نا نا، مٿين تمون نٿو سُونڊياھ، ان تمون نٿو ايتا ھارو راکياھ جي زم ويل ري ٿاڙکيون موٽين ٿاڻوڪا مياو ٿنھ، تم تمڻي زائين ايوا ٿاڻوڪا ڪوم ڪرو، جيون رو اثر رٿن. ان جي ڪئين تمڻي مارڻي مرضي اوزکين ان مارو نوم لين پڳوون ٻاپ ٿي مونگشو، او تمون نٿو ڏيشي. ①7 ھون تمون نٿو اي حڪم ڏيونھ جي تمڻي ھيڪا پيزا ٿي پريم ڪرو.

ڏنيا را منڪ ايسو ان اوٽا رون شيلون ٿي وير راکنھ

①8 ”جي ڏنيا را منڪ تمون ٿي وير راکنھ، تو ياڌ راکو جي تمون ٿي مور اوٽي مٺو ٿي وير راکيوھ. ①9 جي تمڻي ايتا ڪراپ ڏنيا زا منڪ هوٽو، تو ڏنيا زا منڪ تمون نٿو آڀرا ھزمين تمون ٿي پريم ڪرٿ. پڻ تمڻي ايتا ڏنيا را نٿي، ڪم تو مٿين تمون نٿو ايتا ڏنيا موٽين ٿي آڀرا منڪ نايا ھارو سُونڊي ليڏاھ. ان تيام ڏنيا تمون ٿي وير راکنھ. ②0 مارو ڏيڏل مثال ياڌ راکو جي گُلمو آڀرا ڏئي ٿي موٽو نٿي. زم منڪي مٺو نٿو تنگ ڪريوھ، تم او تمون نٿو پڻ تنگ ڪرشي. جي اوٽي مارڻي وات مونڻي تو تمارڻي وات پڻ مونشي. ②1 او ماري ڪري تمون نٿو تنگ ڪرشي ان تمارڻي وات نئين مونٿو، ڪم تو او پڳوون نٿو نٿي اوزکتا جيئن مٺو نٿو ميليوھ.

②2 جي ھون نه اوٽ ان اوٽون نٿو نه ھزماوٽ، تو اوٽون را ڏوھ اوٽون مانھ نه پڙٿ. پڻ ھوٽو ڏوھون ري سزا ٿي پچيا رو اوٽون رو ڪئين پونھونو نٿي. ②3 جيو مٺو ٿي وير راکنھ، او مارا ٻاپ پڳوون ٿي پڻ وير راکنھ. ②4 جي مٿين اوٽون وسا ايوا ٿاڻوڪا ڪوم نه ڪريا هوٽ جيو پيزو ڪيئن ٿي نٿي ڪريا، تو اوٽون را ڏوھ اوٽون مانھ نه پڙٿ. پڻ ھوٽو اوٽي ھائي مارا ڪوم زوياھ، ان توڻي پڻ اوٽي مٺو ٿي ان مارا ٻاپ پڳوون ٿي وير راکيوھ. ②5 پڻ ھم تيام ٿيو زم اوٽون را شاستر رٿي لڪل اي وات پوري ٿنھ:

’اوٽي مٺو ٿي امھي وير راکيو.’

26) زئيون مدت ڪريا وازو آوشي جيا نئه هون تمون ڪن پڳوون ٻاپ را پاها ٿي ميليھ، مطلب پويتر آتما جيو هاس رٿي ڪبر ڏيڏا وازو سئه ان جيو پڳوون ٻاپ ڪن ٿي آوئه، او مارئي هاڪ پرشي. 27) ان تمي پڻ مارئي هاڪ پرين مارا پارام همپزيا ڪم تو تمي شروع ٿي لين مون پيزا رياه.

16 ① مئين تمون نئه هائي واتون ايئا هارو ڪيڏيه، زم تمي وشواس نه ساڏو. ② او تمون نئه نات ٻارا ڪرشي، ان ايوو ٿوٿو پڻ آوئه ريو زئيون منڪ تمون نئه مارشي پرا ان ام هزمشي جي امي پڳوون رٿي شيوا ڪرونه ريا. ③ او هائي ٻڌوئي ڪئين ڪرشي ڪم تو اوئي نڪو پڳوون ٻاپ نئه اوڙڪيوه نڪو مون نئه اوڙڪيوه.

④ پڻ مئين تمون ٿي هائي واتون ايئا هارو ڪريه زم زئيون هايون واتون رو ٿوٿو آوئه، تئيون تمون نئه همپرنه جي مئين تمون ٿي هائي واتون اڳي ڪري تي.

پويتر آتما هاس را پارام پورئي ڪبر ڏئه

”مئين شروع ۾ هائي واتون تمون ٿي نتي ڪري، ڪم تو هون تمون پيزو هتو. ⑤ پڻ هون هون پڳوون ٻاپ ڪن زائونھ ريو جيئنه مون نئه ميليھ، توئي تمون موئين ٿي ڪوئي مارا پارام نٿي پونستو جي هون ڪيال زائونھ ريو. ⑥ پڻ زئيون مئين تمون نئه هائي واتون ڪري، تئيون تمي مارئي وات نئين پڻ آپرئي وات سوچين من ۾ گهڻا ڏکي ٿياھ. ⑦ پڻ هون تمون نئه هاسئي وات ڪونھ جي مارا زيام تمارو قائيڏو سئه. ڪم تو جي هون نئين زائون، تو مدت ڪريا وازو پويتر آتما تمون ڪن نئين آوئه. پڻ جي هون زائون، تو هون اوئا نئه تمون ڪن ميليھ. ⑧ ان او آوين دنيا رون منڪون نئه وات ساوئي ڏيڪارشي جي ڏوه ڪي سئه، انصاف ڪي سئه، ان پڳوون رو ڦينصلو ڪي سئه، ان هيون نمونئھ اوئون را ڏوه ساوا ڪرشي. ⑨ او ڏوه رٿي اي وات ساوئي ڪرشي جي دنيا را منڪ پڳوون

را ڏوهاري سٺه. ڪم تو هيا رڻي ٿاڀيئي اي سٺه جي اُو مُون مانه وِشواس نٿي راکتا. ⑩ اُو اِنصاف رڻي اي وات ساوڻي ڪرشي جي پڳوون مُون ننه پيڏوهي ڪرين مُون ٿي اِنصاف ڪريوه. ڪم تو هيا رڻي ٿاڀيئي اي سٺه جي هُون پڳوون ٻاڻ ڪن زائونه ريو ان پسته تمي مُون ننه نئين پاڙو. ⑪ ان اُو پڳوون را ڦينصلا رڻي اي وات ساوڻي ڪرشي جي پڳوون نيا ڪرڻه. ڪم تو هيا رڻي ٿاڀيئي اي سٺه جي ايٺا ڏُنيا را مُڪ شيطون ننه سزا ڏيڏا رو ڦينصلو ٿيوه.

⑫ گهڻي پيڙي واتون سٺه جي مارڻه تمون ٿي ڪرووه، پڻ همئنه تمي هائي واتون هونهي نٿي هڪتا. ⑬ پڻ زئيون پويتر آتما آوشي، جيو هاس رڻي ڪهر ڏيڏا واڙو سٺه، اُو تمارڻي آڳيوونئي ڪرين ٻڏي هاسي واتون ڏيڪاڙشي. ڪم تو اُو آپرا پاها ٿي نئين ٻولنه پڻ جي ڪئين اُو پڳوون ٿي هومپڙه اُو واتون ڪيشي، ان مُون ٿي ٿيا واڙي واتون را پارام تمون ننه هڙماوشي. ⑭ اُو مارو مون ساوو ڪرشي ڪم تو اُو ماري واتون مُون ٿي لين تمون ننه هڙماوشي. ⑮ پڳوون ٻاڻ رو ٻڏوئي ڪئين مارو سٺه، تيام مئين ڪيڏوه جي پويتر آتما ماري واتون مُون ٿي لين تمون ننه هڙماوشي.

⑯ ٿوڙيڪ وار ڪيڙ تمي مُون ننه نئين پاڙو، پڻ پسته وڙي ٿوڙيڪ وار ڪيڙ تمي مُون ننه پاڙشو.

ايسنو شيلون ننه همپڙاوڻه

جي اوئون هارو همئنه نو ڏڪ سٺه پڻ پسته اُو ڪش ٿيشي

⑰ تيا مانه شيلون موئين ٿي ڪئينڪ زڻي هڪا پيزا ننه ڪيڏو: ”اُو آپون ننه ڪي ڪنه ريو؟ ٿوڙيڪ وار ڪيڙ تمي مُون ننه نئين پاڙو ان پسته وڙي ٿوڙيڪ وار ڪيڙ تمي مُون ننه پاڙشو“ ان ’ڪم تو هُون پڳوون ٻاڻ ڪن زائونه ريو.‘ هيا رو ڪي مطلب سٺه؟“ ⑱ تيام اُو آيت ۾ پونستا ريا: ”ٿوڙيڪ وار رو مطلب ڪي سٺه؟ آپون ننه ڪهر نٿي جي اُو ڪي ڪيو ڪرڻه.“

19) ايسو ننه ڪپر هٽي جي شيلا اونا ٿي سوئال پونسوا ڪرڻ ريا. تيام ائون ننه ڪيڏو: ”تم ٿي هڪا پيڙا ٿي اينا وات را پارام پونسوه ريا نا، جي مٿين ام ڪم ڪيڏو؟“ ٿوريڪ وار ڪيڙ تم ٿي مون ننه نئين پاڙو ان پسنه وڙي ٿوريڪ وار ڪيڙ تم ٿي مون ننه پاڙشو. 20) هون تمون ننه هاس ئي هاس ڪونه: تم ٿي روشوان وڙاپ ڪرڻ، پڻ دنيا را منڪ ڪش ٿيڻي. تمون ننه ڏڪ تو ٿيڻي پڻ تمارو ڏڪ ڪشي ۾ پڌلشي. 21) مثال، زئيون ڏوشي ٻار زتيا واڙي هون، تيون او هونهو ڪم تو اونا رو ٻار زتيا رو ٿو آيوه ريو. پڻ زئيون ٻار زلمه ٻرو، تيون اونا ننه تڪيل ويهري زانه، ڪم تو او اتني ڪش هون جي دنيا ۾ هڪ نو ٻار زلميوه. 22) هيون نمونن تمون ننه پڻ همئنه ڏڪ سته. پڻ هون تمون ننه وڙي پيڙو ٿي ان تم ٿي ڪش ٿيڻو، ان او تماري ڪشي تمون ٿي ڪوئي نئين ڪونه. 23) تيڙي تماره مون ٿي ڪئين سوئال پونسوا ربي ضرورت نئين هون. هون تمون ننه هاس ئي هاس ڪونه: جي ڪئين تم ٿي پڳون ٻاپ ٿي مونڱشو، او ماري ڪري تمون ننه ڏيشي. 24) هون هوندي تم ٿي مارو نوم لين پڳون ٿي ڪئين نئي مونڱيو. مونڱو تو تمون ننه زڙشي، ان هيون نمونن تماري ڪشي رو ڪوئي ڏنگ نئين هون.

ايسو آڀرو جيو پڳون را نوم مانه ڏين دنيا ري هر پونڌائي مانه جيت ڪريه

25) ”هائي واتون مٿين تمون ننه مثالون ٿي همپڙاويه. پڻ او ٿو آون ريو، زئيون هون تمون ٿي مثالون ۾ نئين ٻولون، پڻ تمون ننه پڳون ٻاپ را پارام چئي وات همپڙاويه. 26) تيڙي تم ٿي مارو نوم لين پڳون ٿي مونڱشو. مارو مطلب اي نئي جي ماره تمارا پارام پڳون ٿي منٿ ڪروو ڪپنه، ان پسنه او تمون ننه ڏيشي. 27) ماره پڳون ننه منايا ربي ضرورت نئي. پڳون ٻاپ آپ تمون ٿي پريم ڪرڻ، ڪم تو تم ٿي مون ٿي پريم ڪريوه ان يقين ڪريوه جي هون

پڳوونَ ڪن ٿي آيوه. ②8 هُون مارا ٻاپ پڳوونَ ڪن ٿي آوين ڏنيا ۾ آيوه. ان هون هُون وڙي ڏنيا ننه ساڏين پاسو مارا ٻاپ پڳوونَ ڪن زائونه ريو. ”
 ②9 تيا مانه اونا ري شيلي ڪيڏو: ”زوتو، هون تمي ساون ڍاڙه ڪوه ريا ان مثالون ٿي نٿي ٻولتا. ③0 هون امون ننه ڪهر سته جي تمي ٻڌوئي ڪئين زوتوه، ان تمون ننه اي ضرورت پڻ نٿي جي منڪ تمون ٿي سوئال پونسه، ڪم تو تمون ننه اڳي سوئال رٿي ڪهر سته. تيام امي يقين ڪرونه جي تمي پڳوونَ را پاها ٿي آياھ.“

③1 تيا مانه ايسو ائون ننه ڪيڏو: ”تمي هون پڪو وشواس راکوه ڪي؟ ③2 مارئي وات هومپڙو، ايوو توتو آونھ ريو پڻ هاو آوي پوگيوه زئون تمي ٻڌائي مون ننه هيڪلو ساڏين هر هيڪل آڀرته آڀرته مون پاڳي زاشو. توي پڻ هون هيڪلو نٿي، ڪم تو مارو ٻاپ پڳوونَ مون پيڙو سته. ③3 مئين هائي واتون تمون ننه همپڙاويه، زم مون ٿي واسطو راکيا ري ڪري تمون ننه من ۾ هڪ ته. اينا ڏنيا ۾ تمون ننه ڏڪ تڪليپ سته. پڻ هيتم راکتا ريو، ڪم تو مئين ڏنيا ري هر پونڌائي مانه جيت ڪريه ان هون ماري ڪري تمي پڻ هم ڪري هڪھ.“

ايسو اڀرون شيلون هارو پڳوون ٿي پرائنا ڪرئھ

17 ① زئون ايسو هائي واتون ڪري ريو، تيون اونھ اونسو آڪاش هومو زوين پڳوونَ ننه ڪيڏو: ”او ٻا، هون او توتو آيوه رو. مون تمارا ڏيڪرا رو مون ساوو ڪرو، زم هون تمارو ڏيڪرو تمارو مون پڻ ساوو ڪرون. ② ڪم تو تمي مون ننه ٻڌون منڪون مانھ اي اڪتياڙي ڏيڏيه، جي زتا منڪ تمي مون ننه ڏيڏاه، اونون ٻڌون ننه هون هميش رو جيون ڏيون. ③ ان هميش رو جيون اي سته، جي منڪ تمون هيڪاه هاسا پڳوونَ ننه اوڙڪه، ان مون ايسو ڪريست ننه اوڙڪه جيا ننه تمي ميليوه، ان اپون ٿي واسطو راکتا ره. ④ جيو ڪوم تمي مون ننه ڪريا هارو ڏيڏو تو، مئين او ڪوم پورو ڪرين اينا ڌرتي

مانه تمارو مون ساوو ڪريوه. ⑤ ان هونءَ ٻا، مون نئه آپ ڪن راکيا ٿي ايوو مون ڏيو، جيوو مارو مون هتو زئيون هون جڳت نهيا ٿي مور تمون پيڙو هتو. ⑥ ڏنيا موئين ٿي جيا منڪ تمي مون نئه ڏيڏاه، اوتون هومئي مئين وات ساوئي ڪرين ڏيڪاڙئيه جي تمي ڪيو سو. اوتارا منڪ هتا ان تمي اوتون نئه مون نئه ڏيڏاه، ان اوتني تماري واتون مونيھ. ⑦ هونءَ اوتون نئه ڪبر پڙئيه جي جي ڪئين تمي مون نئه ڏيڏوه، اوتارا پاها ٿي زڙل سئھ. ⑧ ڪم تو جي واتون تمي مون نئه همپڙاويه، اوتون مئين اوتون نئه همپڙاويه، ان اوتني هائي واتون مونيھ، ان اوتون نئه پڪئي ڪاتري ٿيھ جي هون تمون ڪن ٿي آيوھ، ان اوتني يقين ڪريوه جي تمي مون نئه ميليھ.

⑨ هون اوتون هارو تمون ٿي وينتي ڪرونھ. اي وينتي هون ڏنيا رون منڪون هارو نئين، پڻ اوتون منڪون هارو ڪرونھ ريو جيا تمي مون نئه ڏيڏاه، ڪم تو او تارا منڪ سئھ. ⑩ جي ڪئين مارو سئھ او تمارو سئھ، ان جي ڪئين تمارو سئھ او مارو سئھ. ان مارو مون اوتون منڪون ري ڪري ساوو ٿيوھ. ⑪ هونءَ هون اي ڏنيا ساڏين تمون ڪن آونھ ريو، پڻ او ايئا ڏنيا ۾ ريشي. او پويتر ٻاپ، اوتون نئه تماري آپري ڪڙا ٿي همپڙين راکو، ڪم تو تمي آپ پريو سو ان تمي مون نئه پڻ پريو ڪيو رايو، زم او هيڪ من ٿئھ زم آبي هيڪ من سون. ⑫ زئيون هونءَ هون اوتون پيڙو هتو، تيون هونءَ هون تارا ڪيڏا پرمونئھ پريو ٿين تماري ڏيڏل ڪڙا ٿي اوتون رئي همپڙا ڪرتو ريو، ان مئين اوتون نئه پچاوين راکياھ. اوتون موئين ٿي ڪيئھ ئي وشواس نئي ساڏيو، شوا اوتا هيڪا رئھ جيو هميش را موت رئي سزا کاڏا جيوو سئھ. ان هيونءَ نمونئھ شاستر ري واتون پوري ٿيھ. ⑬ همئھ هون تمون ڪن آونھ ريو، پڻ زئيون هون ڏنيا ۾ سون تو هون هائي واتون آپرون منڪون ٿي ڪرونھ، زم مارا پاها ٿي اوتون نئه من ۾ پورئي ڪشي زڙئھ. ⑭ مئين اوتون نئه تماري واتون همپڙاويه، ان ڏنيا ري منڪي اوتون ٿي وير راکيوھ ڪم تو او ايئا ڏنيا را نئي، زم هون پڻ ايئا ڏنيا رو نئي. ⑮ مارئي وينتي اي نئي جي تمي

اُوئون نئه ڏنيا ٿي ڌار راڪين پڇاوو. پڻ مارئي وينتئي اي سئه جي تمڻي اُوئون نئه شيطون ري پوندائي ٿي پڇاوين راکو. (16) اُو اينا ڏنيا را نئي، زم هون پڻ اينا ڏنيا رو نئي. (17) اُوئون نئه هاسا وچن ٿي تمارئي شيوا ڪريا هارو پويتر ڪرو. تمارو وچن، اُو هاسو وچن سئه. (18) زم تمڻي مون نئه ڏنيا ۾ ميليوه، تم مئين پڻ اُوئون نئه ڏنيا ۾ ميليها. (19) ان اُوئون هارو هون آپ نئه تماري شيوا ۾ پويتر راڪين آپرا آپ نئه تمارا نوم مانه ڏيونه، زم اُو پڻ هاس ۾ تماري شيوا هارو پويتر ٿه.

(20) هون رُوگو اُوئون هارو وينتئي نئي ڪرتو، پڻ اُوئون ٻڌون منڪون هارو پڻ وينتئي ڪرونه جيا اُوئون ري ڪيڏل واتون ري ڪري مون مانه وشواس راڪشي. (21) مارئي وينتئي اي سئه، جي اُو ٻڌائي هيڪ من ٿه. زم تمارو، او ٻا، مون ٿي واسطو سئه ان مارو تمون ٿي واسطو سئه، تم اُوئون رو آپون ٿي واسطو هوئه، زم ڏنيا را منڪ يقين ڪرئه جي تمڻي مون نئه ميليوه. (22) جيوو مون تمڻي مون نئه ڏيڏوه، ايوو مون مئين پڻ اُوئون نئه ڏيڏوه، زم اُو هيڪ ٿه جيوه نمونئه آبي هيڪ سون. (23) ان مارو واسطو اُوئون ٿي هوئه، ان تمارو واسطو مون ٿي هوئه، زم پورئه نمونئه اُو هيڪ ٿي زائه. ان هيوه نمونئه ڏنيا رون منڪون نئه ڪهر پڙشي جي تمڻي مون نئه ميليوه، ان تمڻي مون مانه وشواس راڪيا وازون ٿي ايوو پريم ڪريوه جيوو مون ٿي ڪريوه.

(24) او ٻا، مارئي مرضي اي سئه جي جيا منڪ تمڻي مون نئه ڏيڏاه، جيئنه هون هوئون، اُو ٻڌائي پڻ مون پيڙا اوٿه هوئه، زم اُو مارو اُو مون پاڙه، جيوو مون تمڻي مون نئه ڏيڏوه ڪم تو جگت نهيا مور تمڻي مون ٿي پريم ڪريوه. (25) او پيڏوهي ان پويتر ٻاپ، ڏنيا ري منڪي تمون نئه نه اوڙڪيا، پڻ مئين تمون نئه اوڙڪيا، ان ايني ماري شيلي پڻ اوڙڪيوه جي تمڻي مون نئه ميليوه. (26) ان مئين اُوئون هومئي وات ساوئي ڪرين ڏيڪاڙئيه جي تمڻي ڪيووا سو، ان هون هم ڪرتو ري، زم تمارو اُو پريم، جيوو پريم تمڻي مون ٿي ڪريوه، اُوئون رون منون موئين گهر ڪرئه، ان هون آپ پڻ اُوئون رون منون موئين گهر ڪرون.

يهوداه اسڪريوتي ايسو ننه زهلاوڻه

(متي 47:26، مرقس 14:43-50، لوقا 47:22-53، يُوحنا 1:18-11)

18 ① زئيون ايسو هائي پراٿنا ڪري ريو، تئيون او آپرون شيلون پيڙو اوڻ تي رُونو ٿين ڦدرون نڏي رنه پرلئه پاهنه ڳيو. اوڻه هڪ ڀاڱه هتو، ان ايسو ان اوڻا را شيلا اوڻا ڀاڱه ڀر ڳيا.



② هونءَ يهوداه جيو ايسو ننه زهلايا واڙو هتو، اوڻا ننه پڻ هيا ماڳ رڻي ڪهر هٿي، ڪم تو ايسو گهڻي وار آپرون شيلون پيڙو اوڻه زاتو. ③ تيام يهوداه رومي قوز رو هڪ ٽوڙو ان موٽون پوزاريون ان فريسي پالتي واڙون را پاهه ٿي سپائي آب پيڙا لين اوڻه ڀاڱه ڀر آيو. اوڻون ڪن ٻڙتا مٿا ان پتي هتي ان هٿيار پڻ هتا.

④ ايسو ننه ٻڙئي ڪهر هٿي جي آب ٿي ڪي ٿيا واڙو سنه، تيام اوڻه اوڻون هومو آگهو زائين اوڻون ٿي پونسيو: ”تمي ڪيا ننه گوتوه ريا؟“ ⑤ اوڻي وڙنڏي ڏيڏي: ”امي ايسو نصرت شهر واڙا ننه گوتونه ريا.“ تو ايسو اوڻون ننه ڪيڏو: ”او هون سون.“ هونءَ يهوداه، جيو ايسو ننه زهلايا واڙو هتو، او پڻ اوڻون پيڙو اوڻه اوپل هتو. ⑥ تيام، زئيون ايسو اوڻون هومو هونڪاريو جي او

هُون سون، تو اُو پاسا هتيا ان پوئين پڙيا هئا.

⑦ تيام ايسُو اُوئون نئه وڙي پونسيو: ”تمي ڪيا نئه ڳوتوه ريا؟“ تو اُوئي ڪيڏو: ”ايسُو ناصرت شهر وازا نئه.“ ⑧ تيا مانه ايسُو ڪيڏو: ”مئين تمون نئه اڳي ڪيڏوه جي اُو هُون سون. تيام جي تمي مُون نئه ڳوتوه ريا، تو ايئون نئه زاوا ڏيو.“ ⑨ هاڻي ام ٿيو زم ايسُو رئي اڳي ڪيڏل رات پورئي ٿئه جي ”جيا منڪ تمي مُون نئه ڏيڏاه، مئين اُوئون ٻڌون نئه پچاوين را ڪياھ.“

⑩ تيون شمعون پطرس، جيا ڪن ترؤنار هتئي، آپريي ترؤنار ڪاڍين مُڪ پوزاري را نوڪر نئه ڌڪ هنيو، ان اُوئا رو زمنو ڪون واڍيو پرو. اُوئا نوڪر رو نوم ملخس هتو. ⑪ تيام ايسُو پطرس نئه ڪيڏو: ”آپريي ترؤنار پاسي ميڻ ڀر نوڪ! جيو ڌڪ مارئه ٻاپ پڳيون مُون نئه سهيا هارو ڏيڏوه، اُو هُون نه سهون ڪي؟“

ايسُو نئه حناه نومي مُڪ پوزاري هومو اويائڙه

⑫ تيام رومي قوز رئه توڙه ان اُوئون رئه موٽه ساڀ ان يهوديون ري سپايي ايسُو نئه زهاليو ان اُوئا نئه ٻونڌيو. ⑬ ان پسئه اُوئا نئه پيرهين حناه نومي اڳلوڪا مُڪ پوزاري ڪن لي ڳيا، ڪم تو اُو همٺوڪا مُڪ پوزاري ڪائيفا رو هاهرو هتو. ⑭ ڪائيفا مُڪ پوزاري اُو رو اُو هاڳي منڪ هتو جيئنه يهودي آڳيونون نئه اي ڏش ڏيڏو تو جي ”آپنو ڦائيدو اينا ڀر سئه جي آپني يهودي قوم هارو هيڪ منڪ مري زائه.“

پطرس پيرهين وار ايسُو نئه ناکارڙه

(متي 70-69:26، مرقس 68-66:14، لوقا 57-54:22، يُوحنا 18-15:18)

⑮ شمعون پطرس ان هيڪ پيزو شيلو ايسُو وونهڙ وونهڙ ڳيا. هُوئه پيزو شيلو حناه مُڪ پوزاري رو اوڙڪيندو هتو، ان اُو ايسُو وونهڙ مُڪ پوزاري را ڌرٻار

موئين ڳيو. ①6 پڻ پطرس ٻارليا ڌروازا ڪن ٻارو ري ڳيو. تيام پيزو شيلو جيو مُڪ پُوڙاري رو اوڙڪيندو هتو، وڙي ڌرٻار ٿي ٻارو نيهرينَ اُوئا نوڪروڙي ٿي وات ڪرڻي جڻي ٻارليا ڌروازا مانھ سوڪڻي ڏيئي ٿي، ان پطرس نھ موئين تيرايو.

①7 تيام سوڪڻي ڏيڏا واري نوڪروڙي پطرس نھ ڪيڏو: ”تُون اُوئا رون شيلون موئينليو نٿي نا؟“ تو پطرس ڪيڏو: ”نا، هُون نٿي.“ ①8 هُونه نوڪر ان سڀائي ڪينناڙا ٻاڙينَ اونگڻام اُوپينَ تاپتات ريا، ڪم تو ٿاڍ واتڻيت رڻي. ان پطرس پڻ اُوئون پيزو اُوپينَ تاپتوت ريو.

حناھ مُڪ پُوڙاري ايسُو ٿي پڙا پُونس ڪرڻھ

①9 تنھ توڻھ مُڪ پُوڙاري ايسُو ٿي اُوئا رون شيلون ان شيڪاڙل واتون را پارام پڙا پُونس ڪرڻي. ②0 تو ايسُو اُوئا نھ ڪيڏو: ”مئين ٻڌون رڻھ رُوپرو واتون ڪريھ. مئين پڳوون رون منڌرون موئين ان پڳوون را گهر موئين هميش شيڪاڙيوھ، جيئنھ ٻڌائي يهودي پيڙا تنھ، ان مئين ڪوئي وات هٿاڙين نٿي ڪرڻي. ②1 تيام تمي مُون ٿي ڪم پُونسوھ ريا؟ اُوئون ٿي پُونسو، جيئي ماري واتون هومپڙيھ، جي مئين ڪيوي واتون ڪريھ. اُوئون نھ تو ماريون ڪيڏل واتون رڻي پُوڙي ڪبر سھ.“

②2 ايسُو هم ڪيڏو، تنيون سڀايون موئين ٿي هيڪڻه زڻھ، جيو ايسُو ڏوڪڙو اُوپل هتو، ايسُو نھ ٿپڙ هڻي ان ڪيڏو: ”تُون مُڪ پُوڙاري نھ هيوو جَوَاب ڪم ڏھ؟“ ②3 تو ايسُو اُوئا نھ وڙنڌئي ڏيڏئي: ”جي مئين ڳلت وات ڪرڻي هونھ، تو ثابت ڪرين همپڙاو جي ڳلت وات ڪي سھ؟ پڻ جي مئين صحيح وات ڪرڻيھ، تو مُون نھ ڪم مارڻھ؟“ ②4 تنيون حناھ ايسُو نھ ڪائيفا نومي مُڪ پُوڙاري ڪن ٻونڌل رو ٻونڌل ميليو پرو.

پطرس وڙي پي وار ايسنو نئه ناکارته

(متي 26: 71-75، مرقس 14: 69-72، لوقا 22: 58-62، يُوحنا 18: 25-27)

②5 هونته تته توتته شمعون پطرس اوتته پيزون منكون پيزو اويين تاپتوت ريو. تيام اوتتي پطرس ٿي پونسيو: ”تون پڻ اوتا رون شيلون موئنيليو هيڪ نٿي ڪي؟“ تو پطرس ناکارين ڪيڏو: ”نا، هون اوتا رو شيلو نٿي.“ ②6 تئيون مک پوزاري رون نوڪرون موئين ٿي هيڪ زٽو، جيو اوتا منڪ رو عزيز هتو جيا رو ڪون پطرس واڍيوت پرو، اوتھ ڪيڏو: ”مئين تون نئه اوتا پيزو باگھ ۾ نتو ڏيڪيو ڪي؟“ ②7 تيام پطرس وڙي ناکاريو، ان جھت ۾ ڪوڪڙهه ٻونگ ڏيڏئي.



ايسنو نئه رومي حڪومت را راز ڪريا وازا پيلاطس ڪن تيڙي زائھ

(متي 27: 1-2، 11-14، مرقس 15: 1-5، لوقا 23: 1-5، يُوحنا 18: 28-38)

②8 هوار را ويلا يهودي ايسنو نئه ڪائيفا نومي مک پوزاري را گھر ٿي رومي راز ڪريا وازا را گھيد موئين تيڙي ڳيا. پڻ يهودي آپ گھيد ۾ نه پينا، متون ڌاري قوم وازا ري گھري زايا ٿي اڀڙائي زائھ، ان پاشڪا پرڀ نه مناوي هڪئھ. ②9 تيام راز ڪريا وازو پيلاطس ٻارو نيھرين يهوديون ڪن آيو ان اوتون ٿي پونسيو: ”تمي ايٿا منڪ مانھ ڪيوو ڏوھ ڏيوھ؟“ ③0 اوتتي وڙندئي ڏيڏئي: ”جي اي ڏوھاري نه هوٿ، تو امي ايٿا نئه تمون ڪن نه زھالي آوٿ.“

③1 تيام پيلاطس اوتون نئه ڪيڏو: ”تمي آپ ايٿا نئه لي زائو ان تمارا آڀرا ڌرم ڀرموتھه ايٿا رو ڦينصلو ڪرو.“ پڻ يهودي اوتا نئه ڪيڏو: ”رومي قانون“

پرموئنه امي ڪيا نئه ئي موت رئي سزا نئي ڏي هڪتا.

32) هيونءَ نمونءَ يهوديئي ايسو رو ڦينصلو رومي حڪومت ٿي ڪرايو ان ايسو يهوديون ري ڏيڏل موت ري سزا را نمونا پرموئنه نئين، پڻ رومي حڪومت را نمونا پرموئنه هوزي مانه مريو، زم ايسو رئي اشارا ۾ اڳي ڪيڏل اي وات پورئي ته جي او هوزي مانه سزائين مرشي.

33) تيام پيلاطس پاسو آپرا ڏرهار موئين گيو پرو، ان ايسو نئه آپ ڪن تيزاوين ايئا ٿي پونسيو: ”تون يهوديون رو پادشا سئه ڪي؟“ 34) تو ايسو اوئا نئه ورنڌئي ڏيڏئي: ”ڪي تمي آپ مون نئه پادشا هزمين پونسوه ريا، ڪا پيزي منڪي مارا پارام تمون نئه همپزياوه؟“ 35) تيا مانه پيلاطس جواب ڏيڏو: ”هون يهودي سون ڪي؟ تاري آپري قوم ان موئي پوزاريئي تون نئه زهلاوين مارئه حواله ڪريوه. تئين ايوو ڪي ڏوه ڪريوه؟“ 36) ايسو ورنڌئي ڏيڏئي: ”مارو راز ايئا ڏنيا را پاها رو نئي. جي مارو راز ايئا ڏنيا را پاها رو راز هوئت، تو مارا شيواڌاري ضرور مون هارو وڏت زم هون يهوديون ري هاتي نه زهلائون. پڻ هاس ۾ مارو راز ايت را پاها رو نئي.“

37) تيام پيلاطس اوئا نئه ڪيڏو: ”تو پسته تون پادشا تو سئه.“ تيا مانه ايسو اوئا نئه ڪيڏو: ”تمي مون نئه پادشا ڪوه ريا، ان هون پادشا تو سون. پڻ هون ايئا هارو زلميوه ان ايئا هارو ڏنيا ۾ آيوه جي هون هاس را پارام هاڪ پرين همپزاوون. ان مارو راز ام وئد، جيو ڪوئي هاس را پاها رو سئه، او مارئي وات مونئه.“ 38) پيلاطس اوئا نئه ڪيڏو: ”تو هاس ڪي سئه؟“

پيلاطس ايسو مانه موت رئي سزا ڏيڏا رو ڦينصلو ڪرئھ

(متي 15: 27-31، مرقس 6: 15-20، لوقا 13: 23-25، يوحنا 18: 31-38)

هم ڪين پيلاطس وزي ڏرهار ٿي نيهرين يهوديون نئه ڪيڏو: ”مون نئه اوئا موئين ڪئين ڏوه ڏيڪيام نئي آتو.“ 39) هونءَ تمون ۾ هيڪ رواز سئه جي هون

پاشڪا پرڻ مانھ ٽمون ھارُو ھيڪا ڦيڏي نئھ ڍلو ڪرونھ. تيام، ڪي تماريئي مرضيئي اي سئھ جي ھون تمون ھارُو يھوديون را پاڏشا نئھ ڍلو ڪرون؟“ (40) پڻ يھوديئي زور ٿي وڙي جواب ڏيڏو: ”ھايا منڪ نئھ نئين پڻ برابا نئھ ساڏو پرو. ھوئھ برابا ھيڪ ڏاڙيل ھتو.

19 ① تيام پيلاطس ايسو نئھ لي زائين ھاڀڪون ٿي مرايو. ② ان قوزيئي ڪونٽون رو تاج گونين ايسو را ماٿام پيرايو، ان وونگڻائي رنگ رو پاڏشا را جيوو چال ڪون مانھ اوڍاڙيو، ③ ان نئولئي ڪرين ايسو ھوما آوي آوين ڪيتا ريا: ”او يھوديون را پاڏشا، نمسڪارا!“ ان اوئا نئھ ٿپڙون ھئي.

④ تيا ڪيڙ پيلاطس وڙي ٻارو نيھريو ان يھوديون نئھ ڪيڏو: ”زوئو، ھون ھايا نئھ ٽمون ڪن ٻارو تيڙاوونھ، زم ٽمون نئھ ڪبر پڙئھ جي مئين اوئا موئين ڪئين ڏوھ نہ پاڙيو، ان ھون نئي مونتو جي ھيوو منڪ آپ نئھ پاڏشا ناووا ڪرئھ.“ ⑤ تيام ايسو ڪونٽون رو تاج ان وونگڻائي رنگ رو چال پيرل ٻارو نيھريو. تئيون پيلاطس يھوديون نئھ ڪيڏو: ”زوئو، ھاڻي منڪ اي اوپوھ.“ ⑥ تيام موتي پوزاريئي ان پگوون را گھر ري سپايي اوئا نئھ زوئين زور ٿي ڪيڏو: ”ھوڙي مانھ ساڙين مارو پرو، ھايا نئھ ھوڙي مانھ ساڙين مارو پرو.“

تو پيلاطس اوئون نئھ ڪيڏو: ”تمي زوئو ان تمارو ڪوم زوئئھ، تمي آپ ايئا نئھ لي زائين ھوڙي مانھ ساڙين مارو پرو. ڪم تو ھون آپ ايئا موئين ڪئين ڏوھ نئي پاڙتو.“ ⑦ تيا مانھ يھوديئي اوئا نئھ جواب ڏيڏو: ”امارا ڌرم رو ھيڪ حڪم سئھ ان اوئا حڪم پرموئھ ھايا نئھ موت رئي سزا ڏيوو ڪپئھ، ڪم تو ھايتھ منڪ آپ نئھ پگوون رو ڏيڪرو ڪيڏوھ ان آپ نئھ پگوون ھرڪو ڪريوھ.“

⑧ پيلاطس زئيون ھاڻي وات ھومپڙي، تو اگي ٿي الھي گھڻو پيئوئو، ⑨ ان وڙي ايسو نئھ پاسو گھي موئين تيڙي زائين پونسيو: ”ئون ڪيٿ رو سئھ؟“ پڻ ايسو اوئا نئھ ڪئين وڙنديئي نہ ڏيڏيئي. ⑩ تيام پيلاطس اوئا نئھ ڪيڏو: ”ئون مون ٿي ڪم نئي ٻولتو؟ ئون نئھ ايئا وات رئي ڪبر نئي ڪي؟ ئون نئھ ساڏو ڪا


تُون نئه هُوڙِي مانه سڙاوينِ ماروَوو هائي ٻڌوئي ماري اِڪتِياري ۾ سئه. ⑪ تو ايسُو اُوئا نئه وڙنڌِي ڏيڌِي: ”جي تمون نئه هائي اِڪتِياري پڳوون را پاها ٿي ڏيڏل نه هوئ، تو تمارو مُون مانه ڪئين اِڪتِيار نه هوئ. تيام اُو جيئنه مُون نئه تمارئه حواله ڪريوه، اُو تمون ٿي وڌارئه ڏوهاري سئه.“

⑫ تيا ڪيڙ پيلاطس ايسُو نئه ساڏيا رئي وڌارئه ڪوشش ڪروا مڏيو، پڻ يهوديئي زور ٿي ام ڪيڏو: ”جي تمي هايا منڪ نئه ڍلو ڪرشو، تو تمي رومي حڪومت را پاڌشا را ڏسمن ٿيشو. ڪم تو جي ڪوئي آپ نئه پاڌشا ناوئه، اُو روم را پاڌشا رئه ڪِلاف وئو ريو.“ ⑬ تيام پيلاطس هائي وات هومپڙين ايسُو نئه ٻارو تيڙايو ان شپيرون را اونگئا نومي جگا مانه، جيا نئه عبراني ٻولي ۾ ’گبتا‘ ڪئه، ڦينصلا ري گهاڙي مانه پينو. ⑭ هوئه پاشڪا پرڀ را هقتا رو جُمعا رو ڏي هتو، ان پيرون را ٻارئڪ ٿيا تا. تئين پيلاطس يهوديون نئه ڪيڏو: ”زئو، تمارو پاڌشا اي ريو.“ ⑮ پڻ يهوديئي زور زور ٿي ڪيڏو: ”هايا نئه مارو پرو، هايا نئه مارو پرو، هُوڙِي مانه ساڙينِ نمُو مارو پرو.“ تو پيلاطس اُوئون نئه ڪيڏو: ”هُون تمارا پاڌشا نئه هُوڙِي مانه سڙاوينِ ماروون ڪي؟“ تو موتي پوزاريئي وڙنڌِي ڏيڌِي: ”رُوم را پاڌشا شوا امارو ڪوئي پاڌشا نئي.“ ⑯ تيام نيٺ پيلاطس يهوديون ري مرضي ڦينصلو ڪريو جي ايسُو نئه هُوڙِي مانه ساڙينِ ماروئه پرو.

ايسُو نئه هُوڙِي مانه ساڙئه

(متي 27:32-44، مرقس 15:21-32، لوقا 23:26-43، يُوحنا 19:16-27)

تيام قوزي ايسُو نئه لي ڳيا. ⑰ ان ايسُو آپريي هُوڙِي آپ اُوپاڙين پوڏڪي نومي ماڳ مانه ڳيو، جيا نئه عبراني ٻولي ۾ ”گلگتا“ ڪئه. ⑱ اُوئنه اُوئي ايسُو نئه هُوڙِي مانه ساڙيو، ان پيزون پيئون منڪون نئه اُوئا پيڙا هُوڙِي مانه ساڙيا. هڪا رئي هُوڙِي زمئنه پاهنه ان پيڙا رئي ڏاوهه پاهنه ان ايسُو رئي



هُوڙِي وَس ۾ هَتِي. ①۹ پيلاطس هيڪي پاڻي مانه لڪايو جي ايسو ڪيا وات ري ڪري موت رڻي سزا ڪانه ريو، ان پاڻي ايسو ري هُوڙِي مانه لڳراوڻي. پاڻي مانه اي لڪل هتو:

”ايسو ناصرت شهر واڙو، يهوديون رو پاڏشا“

②۰ تيام يهودي قوم ري گهڻي منڪي هائي پاڻي پڻي، ڪم تو جيا ماڳ ايسو ننه هُوڙِي مانه ساڙيو تو، او ماڳ يروشلم شهر ٿي ڏوڪڙو هتو، ان هائي وات ترٿيون ٻوليون ۾ لڪل هتِي، عبراني ٻولي ۾، لاطيني ٻولي ۾، ان يوناني ٻولي ۾. ②۱ تيون يهودي قوم ري موتي پوزاريئي پيلاطس ننه ڪيڏو: ”تماره يهوديون رو پاڏشا نتو لڪاوو پڻ تماره ام لڪاوو تو جي اونه آپ ننه يهوديون رو پاڏشا ڪيڏو.“ ②۲ پڻ پيلاطس ائون ننه جواب ڏيڏو: ”جي وات مڻين لڪاوڻي، او وات همريم لڪل ريشي.“

②۳ زيون قوزيئي ايسو ننه هُوڙِي مانه ساڙيو تو، تيون اوني اونا را لوگهڙا ليڏا را ان چاري زئي هيڪ هيڪ لوگهڙو وراوي ليڏو، پڻ نونو گهنگهو ري گيو.

هَوَئِهَ اَوْ گهنگهو هوندا ووڻو هتو ان يڪو وٺل هتو. (24) تيام اُوئي هيڪا پيزا نئه
 ڪيڏو: ”ايئا نئه آبي ڦاڙون نئين، پڻ ايئا هارُو آبي پُڪو نوڪون.“ هائي وات هم
 تيام تئي زم شاستر رئي اي وات پُورئي تئھ:

”اُوئي مارا لوگهڙا آت ۾ ورايا ان مارا پيرن هارُو پُڪو نوڪيو.“

تئيون قوزيئي همروم ڪريو.

(25) تئھ توتئھ ايسُو ري هُوڙي ڪن اُوئا رئي مان، اُوئا رئي ماضي، ڪلپاس
 رئي ڏوشي مريم، ان مريم مگدلينبي اوپل هتي. (26) تيام ايسُو آپري مان نئه ان
 آپرا پريمي شيلا نئه ڏوڪڙو اوپل زوئين مان نئه ڪيڏو: ”مان، زو. هَوَئِهَ هائي
 تارو ڏيڪرو سئھ.“ (27) ان پستھ اُوئا شيلا نئه ڪيڏو: ”زو، هَوَئِهَ هائي تارئي مان
 سئھ.“ ان تيا توتئا تي لين اُوئھ شيلاه اُوئا نئه آپري گهري تيڙي زائين اُوئا رئي
 همپاڙ ڪري.

ايسُو رو موت

(متي 27: 45-56، مرقس 15: 33-41، لوقا 23: 44-49، يُوحنا 19: 28-30)

(28) تيا ڪيڙ ايسُو اي زوئين جي هَوَئِهَ اُوئا رو پڳوون رو ڏيڏل ڪوم پُورو ٿيوھ،
 تو ڪيڏو: ”مون نئه ترهئھ لاڳيھ.“ ان هيوئھ نمونئھ شاستر رئي وات پُورئي تئي.
 (29) اُوئھ قوزيون ڪن کاتا ڌراڪ رس تي پرل هيڪ نونڙو هتو. تيام قوزيئي
 توري ري زاڙي جيوئي شينھ اُوئا موئين پلاڙين زُوبا ري لاکڙي مانھ ڦٽاوين
 ايسُو را مونڊا ڪن ڪري. (30) پستھ ايسُو زئيون ڌراڪ رس سُونپيو تئيون ڪيڏو:
 ”مارو ڪوم پُورو ٿيوھ.“ ان ماڻو نماوين آپرو چيو ڏيڏو پرو.

قوزي ايسُو رو پاھو ويندئھ

(31) هَوَئِهَ جُمعا رو ڏي هتو ان يهوديون رئي مرضئي نتئي جي چنچر ري رات
 هُوڙي منڪ هُوڙيون مانھ ٿينگاڙل رئھ، ڪم تو چنچر هڻتا رو پويتر ڏي هتو

ان آزوڪو چنچر گهڻو موتو ڏي هتو ڪم تو پاشڪا پرڀ را هفتا رو پويتر ڏي پڻ هتو. تيام اُوئي راز ڪريا وازا پيلاطس ٿي مونگڻي ڪرڻي جي قوزي هُوڙي مانه ٽينگڙل منڪون را پڳ پونگڻه زم او جلدي مري زائنه، ان پسنه لاشون ننه هُوڙيون ٿي اوتارنه. (32) تيام قوزي آيا را ان پيرهيان منڪ را پڳ پونگيا پرا، جيا ننه ايسو رنه پاهنه پيزي هُوڙي مانه ساڙيو تو، ان پسنه پيزا منڪ را پڳ پونگيا پرا. (33) پڻ زئيون ايسو ڪن آيا، تئيون زويو جي او اڳي مري گيوه. تيام اوتا را پڳ نه پونگيا، (34) پڻ قوزيون موئين ٿي هيڪنه زئنه پالا ٿي ايسو رو پاهو وينديو، ان جهت ڀر لوئي ان پوئي نيهريو.



(35) مئين آپ اونگيئي زويوه، ان هون هيا را پارام هاڪ پرونه ان مارئي پرل هاڪ هاسئي سئه. مون ننه ڪبر سئه جي هون هاس ڪونه ريو، ان هون ايئا هارو هاڪ پرونه ريو زم تمي پڻ ايئون واتون مانه يقين ڪرين ايسو مانه وشواس اوٿو. (36) ڪم تو هائي ٻڌي واتون تيام ٿي، زم شاستر ري واتون پوري ٿه. زم شاستر ڀر لڪل سئه:

”اوتا رو ڪوئي هاڏڪو نئين پنگائنه.“

(37) ان وڙي شاستر موئين اي پڻ لڪل سئه:

”جيا ننه اُوئي وينديو، اوتا مائه او تاڪي ريشي.“

ايسو را لاش ننه پونئيرا جيوا مقوم موئين راڪئه

(متي 57:27-61، مرقس 42:15-47، لوقا 50:23-56، يوحنا 19:38-42)

(38) تيا ڪيڙ يوسف جيو ارمتيه شهر رو هتو، اونه پيلاطس ٿي منٿ ڪرڻي جي او ايسو رو لاش لي زاوا ڏنه. هونه يوسف ايسو مانه سونو وشواس

راکتو. اُوئه هائي وات ساوئي نتيي ڪرئي ڪم تو او آپري يهودي قوم رون آگيونون تي پيٿاتوت ريو. پيلاطس اونا نئه ايسو رو لاش لي زايا رئي موڪل ڏيڏئي. تيام يوسف ايسو رو لاش ليڏا هارو گيو. (39) ان نيڪڊيمس پڻ آيو جيو اگي رات رو ايسو ڪن آيو تو. او آپ پيزو لاش هارو هيڪ من ڪن ڪشيُو واري شينهنون رو مشالو لي آيو، جيا موئين ٻوڙ ان ڪونئر پيزول هتا. (40) تيون اوئي پئي زئي ايسو رو لاش ليڏو ان آپري يهودي قوم ري ريت رواز پرموئنه لاش نئه ڪشيُو وازا مشالا پيزو لوگهڙون موئين وينتيو. (41) هوهه جيا ماڳ ايسو نئه هوزي مانه ساڙيو تو، اونا ماڳ هيڪ ٻاگه هتو، ان اونا ٻاگه موئين هيڪ تازو پونئيرا جيوو مقوم هتو، جيا موئين هزون ڪيا را لاش نئه نتو راکيو. (42) جمعا رئي هونز تي گئي تي، ان يهوديون را پويتر ڏي رئي رات پڙيا واري هتئي، جيا ٻر ڌرم پرموئنه اوئون رئه ڪئين ڪوم نتو ڪروو. تيام اوئي ايسو رو لاش اونا مقوم موئين راکيو، ڪم تو او مقوم ڏوڪرو هتو.

ايسو جيوي اونهه ان ڏيڪارا ڏنه

ايسو جيوي اونهه

(متي 28:1-8، مرقس 16:1-8، لوقا 24:1-12، يوحنا 20:1-10)

20 ① ترئمته ڏي آچار رئي ويلئي، زيون هزون انڌارو هتو، مريم مگدلينبي ايسو را مقوم مانه اوئي، ان اونهه زويو جي جيئي شپير پونئيرا جيوو مقوم را موندا مانه آڏي ڏيڏل هتئي، او همئه هيڪل ڪرل سهه. ② تيام او شمعون پطرس ان اونا پيزا شيلو ڪن، جيو ايسو رو پريمي شيلو هتو، ڊوڙين گئي، ان اوئون نئه ڪيڏو: ”پرپو را لاش نئه مقوم موئين تي اوپاڙي گيا، ان امون نئه ڪبر نتيي جي اونا را لاش نئه ڪيه ميليوها!“

③ تيام پطرس ان پيزو شيلو اوت ٿي مقوم هوما رونا ٿيا. ④ او ٻي ئي پيزا ڊوڙوا مڏيا، پڻ پيزو شيلو پطرس ٿي تڪو ڊوڙيو ان مقوم مانھ پيرھين پوگي آيو. ⑤ اوتھ نيسو نمين مقوم موئين زويو، تو روگا لاش را لوگھڙا پڙياھ. پڻ او مقوم موئين نہ گيو. ⑥ تئين شمعون پطرس پڻ وونھڙ وونھڙ ڊوڙين اوتھ آي پوگيو، ان مقوم موئين پينو. ان اوتھ لاش رون لوگھڙون نھ پڙل ڏيکيا. ⑦ ان اوتا رومال نھ پڻ ڏيکيو، جيو ايسو را ماتا مانھ وينتوزل هتو. او لوگھڙون پيزو پڙل نتو پڻ هڪا ماگ ڌار وينتوزل پڙيو تو. ⑧ تئين پيزو شيلو جيو پيرھين مقوم مانھ آيو تو، او پڻ موئين گيو. ان اوتھ ٻڌوئي ڪئين زويو ان يقين ڪريو جي ايسو جيوي اونيھ. ⑨ شاستر موئين ايوي واتون اگي لکل هتي جيا ٿي ٿاپتئي تھ جي ايسو ضرور مرلون موئين ٿي جيوي اوشي، پڻ او هزون هودِي شاستر ري هائي واتون نتا هزمتا. ⑩ پستھ شيلو پاسا آڀري گھري گيا پرا.

ايسو مريم مگداليني ننه ڏيکارو ڏنھ

(متي 9:28-10، مرقس 16:9-11، يُوحنا 11:20-18)

⑪ پڻ مريم پونئيرا جيو مقوم ٿي ٻارئي اويئي روتيت رئي. روتي روتي اوتھ نمين مقوم موئين زويو، ⑫ تو اوتا نھ ٻي آڪاشي ڏوت ڌوڙا لوگھڙا پيرل ڏيڪيام آيا. او مقوم موئين لاش هارو ناول ٿلا مانھ بيئل هتا، جيا مانھ ايسو رو لاش اگي ميلل هتو، هڪ مٿوئي ان هڪ پگوئيئي. ⑬ آڪاشي ڏوتي مريم ننه ڪيڏو: ”ٻائي، تون ڪم روئھ رئي؟“ تو مريم ڪيڏو: ”مارا پرپو را لاش نھ اوپاڙي گياھ، ان مون نھ ڪهر نٿي جي اوتا نھ ڪيھ راکيوھ.“

⑭ هم ڪين او پاسي ڦرئي ان ايسو نھ آپ ڪن اوپل ڏيڪيو، پڻ اوتھ نہ اوڙڪيو جي اي ايسو سئھ. ⑮ ايسو مريم ٿي پونسيو: ”ٻائي، تون ڪم روئھ رئي؟ تون ڪيا نھ گوتھ رئي؟“ مريم ام هزمئي جي اي باگھ رو ماري سئھ،

تو ڪيڏو: ”ساڻ، جي تمڻي لاش اُڀاڙي ڳيا هونو، تو مون ننه ڪو جي تمڻي اُٿا ننه ڪيڏو راکيو، ان هون اُٿا ننه لي زائيه.“ (16) تو ايسو اُٿا ننه ڪيڏو: ”مريم.“ تيا مانه اُٿه ايسو هومئي ڦرين اڀري عبراني ٻولي ۾ ڪيڏو: ”رُبوني،“ جيا رو مطلب سنه گرو جِي. ان هم ڪين اُٿا ري پڳي لاڳئي. (17) تو ايسو اُٿا ننه ڪيڏو: ”مون ننه زهالين مت راک، ڪم تو هون هزون هُوڏي مارا ٻاپ ڪن آڪاش ۾ پاسو نٿي ڳيو. پڻ تون مارون ڀايون ڪن زا ان اُٿون ننه ام ڪي، جي هون مارا ٻاپ ڪن ان تمارا ٻاپ ڪن پاسو زائونه ريو، جيو مارو پڳون سنه ان تمارو پڳون پڻ سنه.“ (18) تو پسنه مريم مگدلينني شيلون ڪن زائين ڪيڏو جي: ”مئين پريو ننه ڏيڪيو.“ ان اُٿون ننه اُو واتون همڙاوي جي ايسو اُٿا ننه ڪيڏي تي.

ايسو اڀرون شيلون ننه ڏيڪارو ڏنه

(مرقس 14:16، لوقا 24:36-49، يُوحنا 19:20-23)

(19) اُٿه هاڳي ڏي آچار را هونز را، شيلا هڪا گهر ۾ دروازا موئين ٿي پنڌ ڪرين پيڙا هتا، ڪم تو اُو اڀري يهودي قوم رن منڪون ٿي پيڙاتا تا. تنيون ايسو آوين اُٿون وسا اُڀيو، ان اُٿون ننه ڪيڏو: ”تمڻي هڪي ريو.“ (20) ان هم ڪين اُٿون ننه آڀرا هات ان آڀرو پاھو ڏيڪارو. تيام پريو ننه ڏيڪين شيلا الاهي ڪش ٿيا. (21) تنيون ايسو اُٿون ننه وڙي ڪيڏو: ”تمڻي هڪي ريو! زم پڳون ٻاپ مون ننه ميليوه، تم هون پڻ تمون ننه ميلونه.“ (22) ان هم ڪين اُٿون مانه ڦونڪيو ان ڪيڏو: ”تمڻي پويتر آتما ليو.“ (23) جيون منڪون ننه تمڻي پڳون را پاها ٿي ڏوهون رئي ماڻي ڏيوه، تو پڳون را پاها ٿي اُٿون ننه ماڻي زڙل هوشي. ان جيون منڪون ننه تمڻي پڳون را پاها ٿي ڏوهون رئي ماڻي نٿي ڏيتا، تو پڳون را پاها ٿي اُٿون ننه ماڻي زڙل نئين هون.

ايسُو توما نئه پيزون شيلون پيزو ڏيکارو ڏٺه

24) هُوئه توما، جيا نئه بيلازيو پڻ ڪيٽا، ان ايسُو رون ٻارون سُونڊل شيلون موئين ٿي هڪ هتو، اُو ايسُو رئه آيا رئه توڻه شيلون پيزو نتو. 25) تيام پيزا شيلو اُوئا نئه ڪيوا لاڳيا جي ”امي پرپو نئه ڏيڪيوه.“ پڻ توما اُوئون نئه ڪيڏو: ”زئيون هُوڏي هُون ميڪون را نيشون اُوئا رون هاڻون ۾ نه ڏيڪون، ان ميڪون رون ڦتون موئين اُونڳڙئي نه نوڪون، ان اُوئا را پاها واڙا ڦت موئين هاڻ نه نوڪون، تئيون هُوڏي هُون مُوڙگُوئي يقين نئين ڪرون.“

26) هڪا هڻتا ڪيڙ ايسُو را شيلو وڙي گهر موئين هتا، ان توما پڻ اُوئون پيزو هتو. دروازا موئين ٿي پنڌ هتا، توڻي پڻ ايسُو آوين اُوئون وسا اُوپو ان ڪيڏو: ”تمي هڪي ريو.“ 27) تئيون ايسُو توما نئه ڪيڏو: ”ايئنه اُونڳڙئي سٻاڙين ٿون مارا هاڻ زو، ان مارا پاها را ڦت موئين آڀرو هاڻ نوڪ. شڪ مت ڪر پڻ يقين ڪر.“ 28) تيا مانه توما اُوئا نئه ڪيڏو: ”تمي مارا پرپو ان مارا پڳوون سو!“ 29) تو ايسُو اُوئا نئه ڪيڏو: ”تئين مُون نئه ڏيڪيوه، ان تيام وشواس اوڻيوه. پاڳواڙا اُو سئه جيئي مُون نئه نٿي ڏيڪيو، توڻي پڻ مُون مانه وشواس اوڻه.“

يُوحنا رو اي ڪتاب لکيا رو مطلب

30) هُوئه ايسُو آڀرون شيلون رئه رُوپرو پيزا گهڻا پرسا. ان نيشون ڏيڪاڙيا، جيا را پارام ايڻا ڪتاب ۾ نٿي لکل. 31) پڻ مئين هاڻي واتون تيام لکيه زم تمي يقين ڪرو جي ايسُو پڳوون رو سُونڊل پڇايا واڙو ڪريست ان پڳوون رو ڏيڪرو سئه، ان اُوئا مانه وشواس راڪيا ٿي تمون نئه اُوئا رئه هيلئه هميش رو جيون زڙئه.

اڪري واتون

ايسو گليل ڍنڍ ڪن آڀرون شيلون نئه ڏيکارڻو ڏئه

21 ① تيا ڪيڙ گليل ڍنڍ را ڪپ مانه ايسو آڀرون شيلون نئه وڙي ڏيکارڻو ڏيڏو. وات ام ٿئي.

② شمعون پطرس، توما جيا نئه پيلازيو ڪيتا، نٿائيل جيو گليل صوپا را قانا شهر رو هتو، زبدي را ڏيڪرا ان ٻي پيڙا شيلو ٻڌائي پيڙا هتا. ③ تو شمعون پطرس ائون نئه ڪيڏو: ”هُون مشي ماروا زائونھ ريو.“ تو اُوئي ڪيڏو: ”امي پڻ تون پيڙا هالونھ.“ تو پسئھ اوت ٿي زائين پيڙي موئين سڙين مشي ماروا ڳيا. پڻ اُوئھ زات ائون نئه ڪئين هات نه آيو.

④ پروڙ رئه ٿوئھ ايسو ڍنڍ را ڪپ مانھ آوين اُپيو. پڻ شيلون نئه ڪٻر نٿي جي اُو ايسو سئھ. ⑤ تيام ايسو ائون نئه هاڏ ڏين ڪيڏو: ”او پايون، تمي ڪئين مشي نه ماري ڪي؟“ تو اُوئي وڙنڌي ڏيڏي: ”نا. هيڪ ئي نه ماري.“ ⑥ تو ايسو ائون نئه ڪيڏو: ”پيڙي رئه زمئھ پاهئھ رچ نوڪو، تو تمون نئه مشي زڙشي.“ تيام اُوئي اُوئھ پاهئھ رچ نوڪيو، ان اتي مشي رچ ۾ آوين ڦاٿي، جي اُو رچ نئه پيڙي موئين توڻي نه هڪيا. ⑦ تيام ايسو رئه پريمي شيلئھ پطرس نئه ڪيڏو: ”هائي پريو سئھ!“ تيام شمعون پطرس اي وات هومپڙين جي پريو سئھ، جهٽ ۾ آڀرو گهنگهو پيري سنڌرو ٻونڌي پوڻي موئين نينڪڙو ماريو. ڪم تو مشي ماريا رئه ٿوئھ اونا رئه روڳي توڻال رئي پوت ڪرل هئي. ⑧ پڻ پيڙا شيلو مشيون ٿي پرال رچ پيڙي وونهڙ توڻتا توڻتا پيڙي هاڪلين ڪپ مانھ آيا، ڪم تو اُو ڪپ ٿي روڳا هوڪ وڪون شيئي هتا.

⑨ زئون اُو ڪپ مانھ آوين پوڳيا، تيون اُوئي زيو جي ڪينٿازون رو ڏيوٽا

١٠ ٿه ريو، جيا مانه مسئي شڪاھ رئي، ان روئي پڻ پڙيھ. ١٠ تو ايسو ائون نھ ڪيڏو: ”جي مشي تمي همئھ ماريھ، ائون موئن ٿي ڪينڪ لي آو.“

١١ ٿيا مانھ شمعون پطرس پيڙي مانھ سڙين رچ زھاليو ان پوئي موئن رو موئن ڪپ مانھ توئي آيو. رچ هيڪ هو ٿيونجاھ موتيون مشيون ٿي پرال هتو. اتي گھڻي مشي هتي، توئي پڻ رچ نتو ڦاڻيو. ١٢ ٿيون ايسو ائون نھ ڪيڏو: ”و را، نيروئي ڪرو.“ ايسو رون شيلون موئن ٿي ڪيا نھ ئي اي وات پونسيا رئي هيئت نه ٿي جي ”تم ڪو سو؟“ ڪم تو ائون نھ ڪر هتي جي پريو سھ.

١٣ ٿيون ايسو آوين روئي لين ائون نھ وراوي ڏيڏي، ان همريم مسئي پڻ وراوي ڏيڏي.

١٤ ٿيون موئن ٿي جيوي اونيا ڪيڙ هائي ترٿمي وار هتو زئون ايسو آپرون شيلون نھ ڏيڪارو ڏيڏو.

ايسو پطرس نھ وشواسيون نھ همپازيا رو ڪھ

١٥ زئون اوني نيروئي ڪري ليڏي، ٿيون ايسو شمعون پطرس نھ ڪيڏو: ”يوحنا را ڏيڪرا شمعون، ڪي ٿون مون ٿي هاس ۾ ايئون ٻڌون ٿي وڌارنھ پريم ڪرھ؟“ تو اونه ڪيڏو: ”هوئھ پريو، تمون نھ ڪر سھ جي هون تمون ٿي پريم ڪرونھ.“ ٿيا مانھ ايسو ڪيڏو: ”زم ڌراڙ گھيٽريون نھ سارھ، تم ٿون مارون منڪون رئي وشواس راکيا ۾ هيئت وڌار.“

١٦ ٿيون ايسو وڙي پيڙي وار اوتا ٿي پونسيو: ”يوحنا را ڏيڪرا شمعون، ڪي ٿون هاس ۾ مون ٿي پريم ڪرھ؟“ تو اونه ڪيڏو: ”هوئھ پريو، تمون نھ ڪر سھ جي هون تمون ٿي پريم ڪرونھ.“ ٿيا مانھ ايسو اوتا نھ ڪيڏو: ”زم ڌراڙ رڊيون نھ همپازھ، تم ٿون مارون منڪون رئي همپاز ڪر.“

١٧ ٿيون ايسو ترٿمي وار اوتا ٿي پونسيو: ”يوحنا را ڏيڪرا شمعون، ڪي ٿون مون ٿي پريم ڪرھ؟“ پطرس نھ ڏک ٿيو جي ايسو ترٿمي وار هم پونسيو

”ڪي تون مون ٿي پرڀم ڪرڻ؟“ تو اونه ايسو ننه ڪيڏو: ”پرڀو، تمڀي ٻڌوئي ڪئين زوڻو، تمون ننه تو ڪهر سڻه جي هون تمون ٿي پرڀم ڪرونه.“ تيا مانه ايسو اوڻا ننه ڪيڏو: ”زم ڌراڙ رڍيون ننه سارڻه، تم تون مارون منڪون رڻي همپار ڪر. (18) هون تون ننه هاس ٿي هاس ڪونه: زڻيون تون جون هتو، تڻيون تون پيٽ ٻونڌين جيڻه تارو من ڪرتو، اوڻه تون زاتو. پن زڻيون تون ڏوڪرو ٿيه، تو تون آڀرا هات پونهرا ڪريه، ان پيزو ڪوڪ تون ننه ٻونڌشي، ان جيڻه زايا هارو تارو من نئين ڪه، اوڻه تون ننه زوري لي زاشي.“ (19) هائي وات ڪيڏا ٿي ايسو پطرس را موت رو اشارو ڏيڏو جي او هوزي مانه مريا ٿي پگهون رو مون ساوو ڪرشي. تڻيون هائي وات ڪين ايسو پطرس ننه ڪيڏو: ”تون مارا مارگ مانه وين مون وونهڙ او!“

پطرس ايسو ٿي يوحنا را موت را پارام پونسهه

(20) تڻيون پطرس لوڻو وازين زويو جي او شيلو وونهڙ اوڻه ريو جيو ايسو رو پرڀمي هتو، ان جيڻه پرڀ رو پوزن زميا رنه توڻه ايسو را ڪون ڀر ڪين ام پونسو تو: ”پرڀو، جيو شيلو تمون ننه زهلاوشي، او ڪيو سڻه؟“ (21) تيام پطرس هيا شيلو ننه ڏيڪين ايسو ٿي پونسو: ”پرڀو، هيا ٿي ڪي ٿيشي؟“ (22) تو ايسو اوڻا ننه ڪيڏو: ”جي مارئي مرضي ام هوڻه جي او مارا پاسا آيا هوڏي جيو تو رنه، تو ايڻا ڀر تارو ڪي؟ تون تو روڳو مارا مارگ مانه وين مون وونهڙ او.“

(23) تيام اي وات وشواسي پايون ڀر پڪڙي گهي جي اڀر شيلو نئين مرهه. پن ايسو پطرس ننه ام نتو ڪيڏو جي او شيلو نئين مرهه، پن اوڻه روڳو ام ڪيڏو تو: ”جي مارئي مرضي ام هوڻه جي او مارا پاسا آيا هوڏي جيو تو رنه، تو ايڻا ڀر تارو ڪي؟“

اُوٺا وڪت را منڪ

اي ڪتاب لکيا وازا يُوحنا را پارام اُپري ھاڪ پريھ

②4 ھاڻي شيلو اُو رو اُو سٺه جيو ايئون ٻڌيون واتون نٺه اونڪيئي ڏيڪين ھاڪ پريھ ان جيئھه اي ٻڌي واتون لکيه. ان امون نٺه ڪٻر سٺه جي اُوٺا رٿي پرل ھاڪ ھاڻي سٺه.

②5 ايسو پيزا گھڻا ڪوم ان گھڻي واتون ڪري، جي ايٺا ڪتاب ۾ لکل نٿي. جي ايسو را هر هيڪ ڪوم ان وات را پارام لڪت، تو اتا گھڻا ڪتاب ٿت جي مارٽه ليڪه پوري ڏنيا ۾ اُوٺون نٺه ميليا ھارو ماڳ نه هوٺ.

مڪ شيلون رون ڪومون رڻي هزمونڻي

ڪتاب لکيا واڙو

اِيتا ڪتاب موئين لکيا واڙا رو نوم نٿي لکل، پڻ وات ساوڻي سڌ جي اي ڪتاب ان ”لوقا رو لکل شاستر“ نومي ڪتاب هيڪائي منڪ را لکل سڌ، ڪم تو بي ٿي ڪتاب ٿيوفلس را نوم مانهه لکل سڌ، ان ايتا ڪتاب م پيرهيان ”لوقا رو لکل شاستر“ نومي ڪتاب را پارام پڻ لکل سڌ (لوقا 1:1، مڪ شيلون را ڪوم 1:1).

منڪ شروع ٿي لين ام هزمهه جي اي ڪتاب لوقا رو لکل سڌ. لوقا پولوس پيڙو ڪوم ڪرتو (فليمون 24:1)، توڻي پڻ ايتا ڪتاب م لوقا رو نوم پولوس رون پيڙون ساڻيون پيڙو ڪيٽه لکل نٿي. پڻ جيٽه لوقا پولوس پيڙو هتو، اوتنه اوتنه اوتنه اوتنه لکيو پڻ ”امي“ لکيوه (مڪ شيلون را ڪوم 17-10-16، 15-5-20، 18-1-21، 16-28-16).

لوقا يهودي قوم رو ننو پڻ ڌاري قوم رو هتو، ان حڪيم هتو (ڪلسيون 11:4، 14). زئيون پولوس ايسو را پارام هميڙايا هارو پيڙا چڪر مانهه هتو، تميمون لوقا اوتنا پيڙو مڪڏيه صوپا موئين گيو (مڪ شيلون را ڪوم 12-10-16)، ان تيا ڪيڙ پڻ او گهڻي وار پولوس پيڙو ڪوم ڪرتو. زئيون پولوس نڪ موت رڻي سزا رڙيا واڙي هئي، تميمون لوقا اوتنا ڪن جيل م زاتو ريتو (2 تيمٿيس 11:4).

لوقا اي ڪتاب اندازام 63ع م لکيو، ڪا ٿي هيڪهه تيا ڪيڙ پڻ لکيو هوت.

ڪتاب ڪيا منڪ هارو لکيو

لوقا اي ڪتاب ان ”لوقا رو لکل شاستر“ نومي ڪتاب پڻ ٿيوفلس هارو لکيا، زم او آپ پيٽه ان زويام ايعون ڪتابون را نقل منڪون ڪن ڪراوين وراوي ڏت.

”ٿيوفلس“ نوم ٿي ڪبر پڙهه جي ٿيوفلس يهودي قوم رو ننو، پڻ ڌاري قوم رو هتو. وات ساوڻي سڌ جي او موتو منڪ هتو، ان زويام رومي حڪومت رو منڪ هتو، ڪم تو لوقا اوتنا نڪ ”موتواڙو“ ڪيڏو (لوقا 1:1). يوناني بولي م اوتنا را نوم رو مطلب ”پڳوون ٿي پريم راکيا واڙو“ سڌ، ان او ايسو را پارام زوڻوا ڪرتو تو.

ڪتاب لکيا رو مطلب

لوقا اي ڪتاب ايتا هارو لکيو زم ٿيوفلس نڪ، ان پيڙون ٻڌون نڪ، صحيح ڪبر پڙهه جي ايسو را ڪيڏا پرموته پوينر اتنا ڪيوه نموننه آيو، منڪي پوينر اتنا ري ڪڙا ٿي ڪيوه نموننه

ايسُو را پارام همپزياو، ان وشواسي ڌرم ڪيوئ نمونئ پڪڙيو (مُک شيلون را کوم 8:1).
 ايتا ڪتاب م لوقا نه رُوکي تاريخي واتون ڪرئھ، پڻ وات ساوئي ڪرئھ جي وشواسي
 ڌرم پويتر شاستر پرموتئ ھاسو سئ، اي فائون رئ ڪلاڦ نئي، ان پڳوون آپ پويتر آتما ئي
 ايتا نئ پڪڙيا ھارُو منڪون نئ ھيمت ڏئھ. ايتا ڪتاب موئين ھيڪ نمونو پڻ ڏيکارل سئ جي
 وشواسيون رئ ڪيوئ نمونئ ويوو ان ڏک سھوو.

ايتا ڪتاب موئين اي حصا سئ:


مُک شيلون نئ پڙاول کوم را پارام مورليا وين	11-1:1
يرؤشلم شھر م وشواسي ڌرم پڪڙئھ	60:7-12:1
يھوديه ملڪ ان سامريه علاقا م وشواسي ڌرم پڪڙئھ	25:12-1:8
پولؤس رو ايسُو را پارام همپزيا ھارُو پيرھيون چڪر	35:15-1:13
پولؤس رو ايسُو را پارام همپزيا ھارُو پيزو چڪر	22:18-36:15
پولؤس رو ايسُو را پارام همپزيا ھارُو ترئمو چڪر	16:21-23:18
پولؤس يرؤشلم شھر م زھلائي زائھ	32:26-17:21
پولؤس قيڌي ٿين ڏنيا را بدون ئي موئا روم شھر موئين زائھ	31:28-1:27
ان اوتئ ايسُو را پارام همپزياوتھ	

ايتا ڪتاب را شاستر ئي بيزا حوالا:

ڪوم 20:1 زبور 25:69	ڪوم 26-25:4 زبور 2-1:2
ڪوم 20:1 زبور 8:109	ڪوم 3:7 پيدائش 1:12
ڪوم 21-17:2 يو ايل 32-28:2	ڪوم 5:7 پيدائش 7:12
ڪوم 28-25:2 زبور 11-8:16	ڪوم 7-6:7 پيدائش 14-13:15
ڪوم 30:2 سموئيل 13-12:7	ڪوم 8:7 پيدائش 14-9:17
ڪوم 30:2 زبور 11:132	ڪوم 9:7 پيدائش 36-12:37
ڪوم 35-34:2 زبور 1:110	ڪوم 15-10:7 پيدائش 7:46-1:39
ڪوم 18:3 زبور 18-1:22	ڪوم 16-15:7 پيدائش 14:50-29:49
ڪوم 18:3 يسعياھ 12-1:53	ڪوم 16-15:7 پيدائش 26-24:50
ڪوم 23-22:3 استيشنا 15، 18، 19	ڪوم 16-15:7 يشوع 32:24
ڪوم 24:3 2 سموئيل 12، 7، 16	ڪوم 19-17:7 خروچ 22-6:1
ڪوم 25:3 پيدائش 18:22	ڪوم 29-20:7 خروچ 15-1:2
ڪوم 25:3 پيدائش 4:26	ڪوم 34-30:7 خروچ 10-1:3
ڪوم 11:4 زبور 22:118	ڪوم 37:7 استيشنا 15:18

كوم 34:13	يسعياه 3:55	كوم 38:7	خُرُوج 17:20-1:19
كوم 35:13	زُبُور 10:16	كوم 41-39:7	خُرُوج 6-1:32
كوم 36:13	1 سلاطين 10:2	كوم 43-42:7	عامُوس 27-25:5
كوم 41:13	حبُقُوق 5:1	كوم 44:7	خُرُوج 11:31-8:25
كوم 47:13	يسعياه 6:49	كوم 44:7	خُرُوج 38:40-4:35
كوم 1:15	احبار 3:12	كوم 45:7	يشوع 23:11-1:1
كوم 7:15	كوم 48-1:10	كوم 46:7	2 سموئيل 7-1:7
كوم 18-16:15	عامُوس 12-11:9	كوم 47:7	1 سلاطين 38-1:6
كوم 20:15	خُرُوج 5-3:20	كوم 50-49:7	يسعياه 2-1:66
كوم 20:15	خُرُوج 14:20	كوم 56:7	داني ايل 14-13:7
كوم 20:15	احبار 12:17	كوم 33-32:8	يسعياه 8-7:53
كوم 20:15	إِسْتِشْنا 24-23:12	كوم 14:10	احبار 47-1:11
كوم 8:18	1 كُرْتِثيون 14:1	كوم 14:10	إِسْتِشْنا 19-3:14
كوم 4-3:19	متي 12-1:3	كوم 34:10	إِسْتِشْنا 17:10
كوم 4-3:19	مرقس 8-1:1	كوم 43:10	يسعياه 11:53, 16:28
كوم 4-3:19	لُوقا 17-1:3	كوم 43:10	يرمياہ 34:31
كوم 4-3:19	يُوحنا 27-26:1	كوم 43:10	يُويل 32:2
كوم 21-18:20	كوم 21-19:18	كوم 16:11	كوم 5:1
كوم 21-18:20	كوم 1:20-1:19	كوم 22:13	1 سموئيل 14:13
كوم 35:20	لُوقا 21:12	كوم 22:13	1 سموئيل 13-1:16
كوم 8:21	كوم 5:6	كوم 23:13	يسعياه 16-1:11
كوم 16-4:22	كوم 19-1:9	كوم 24:13	متي 6-1:3
كوم 20-19:22	كوم 3:8-54:7	كوم 24:13	مرقس 5-1:1
كوم 3:23	إِسْتِشْنا 2-1:25	كوم 24:13	لُوقا 6-1:3
كوم 5:23	خُرُوج 28:22	كوم 25:13	يُوحنا 28-19:1
كوم 11-9:26	كوم 3:8	كوم 27:13	يسعياه 12-1:53
كوم 18-12:26	كوم 6-1:9	كوم 31-27:13	متي 20:28-57:26
كوم 23-22:26	إِسْتِشْنا 15:18	كوم 31-27:13	مرقس 20:16-53:14
كوم 23-22:26	يسعياه 12-1:53	كوم 31-27:13	لُوقا 51:24-66:22
كوم 23-22:26	يسعياه 6:49	كوم 31-27:13	يُوحنا 22:21-19:18
كوم 27-26:28	يسعياه 10-9:6	كوم 29:13	زُبُور 18-6:22
		كوم 33:13	زُبُور 7:2

مڪ شيلون را ڪوم



① پريمي ٿيوفلس،

1

مٿين آپرا پيرهيان ڪتاب موئين اُونون ٻڌون ڪومون ان واتون را پارام لڪيوھ جي ايسو شروع ٿي لين ڪرتو ريو ان شيڪاڙتو ريو، زئون هُڏي پڳوون اُونا ننه آڪاش مانھ نه اُوپاڙيو.

② آپرنه آڪاش ۾ اُوپڙايا مور ايسو آپرون سُونڊل مڪ شيلون ننه پَوِيتر آتما را ڪيڏا ٿي حُڪم ڏيڏا. ③ اُوڻه ڏڪ ۾ مريا ڪيڙ آپ ننه گهڻيون ٿاڀيون ٿي اُونون ڪن وڙي جيو تو ڏيڪاڙيو، ان چاليهون ڏينون هُڏي اُونون ننه ڏيڪاڙا ڏيتو ريو ان پڳوون را راز را پارام واتون شيڪاڙتو ريو.

ايسو آڪاش ۾ اُوپڙايا ٿي مور پَوِيتر آتما ميليا را پارام
ان پوري دنيا ۾ آپرا پارام همپڙايا رو ڪڻه

④ هيڪ وار ايسو مڪ شيلون ڪن آيو ان اُونون ننه اي حُڪم ڏيڏو جي ”تمي يروشلم شهر ٿي مت زايا، پڻ پڳوون ٻاپ را پَوِيتر آتما ميليا را اُونا وائڏا رنه پورا ٿيا رئي وات زوتا ريا، جيا را پارام مٿين اڳي تمون ننه ڪيڏو تو، ⑤ ڪم تو يوحنا پوڻي ٿي پَوِيتر سنون ڏيتو، پڻ ٿوڙون ڏينون ڪيڙ تمون ننه پَوِيتر آتما

ټي پويتر سنون زږشي. " ⑥ تيام ټډائي پيڙا تين مک شيلي ايسو ټي پونسيو: "پرپو، کي اي او توڼو سته، زئيون تمې ډاري قوم رو راز کتم کرين، آپ يادشا تين آټي اسرائيلي قوم ماته راز کرشو؟" ⑦ تو ايسو اوئون ننه کيدو: "جيا توڼا ان زمونا پگبون ټاپ اپرا کيدام راکيا، اوئون را پارام زوڼو و تمارو کوم نټي. ⑧ پڼ زئيون پويتر آتما تمون ننه زږشي، تئيون تمون ننه کڙا زږشي، ان تمې يروشلم شهر ډر، پورا يهوديه ملک ډر، سامريه علاقا ډر ان ډرتي را دنځ هوډي مارا پارام هاک پرين همپڙاوشو!"

⑨ زئيون ايسو هم کي ريو، تئيون پگبون اوئون ره روپرو اوڼا ننه آکاش مانه اوپاڙي ليدو، ان واډرته اوئون ريون نظرون ټي اوڼا ننه هتاڙيو پرو. ⑩ ايسو ره زيا زيا ره توڼه، زئيون مک شيل هیک ډار آکاش هوما تا کي ريا تا، تئيون اوچتا ټي ډوزون لوگهڙون وازا آدمي اوئون کن اوپل ډيکيام آيا ⑪ ان کيو مډيا: "او گليل رون منکون، تمې کم اوپين آکاش هوما زوڼو ريا؟ هائي ايسو، جيو آکاش مانه اوپڙي گيو، زم تمې هيا ننه آکاش مانه زاتون ډيکيو، همروم وزي پاسو اوشي."

يروشلیم شهر ډر وشواسي ډرم پکڙنه

يهوداه ري جگا ډر منياه ننه مک شيلو سونيدنه

⑫ پسنه مک شيلو زيتون را ډونگر ټي پاسا يروشلم شهر هوما زوونا ټيا. او ډونگر شهر ټي اډک گانو شيتي سته. ⑬ شهر موئين پوگين او اوڼا ماڙي موئين سږي گيا جيتته او ټډائي ريتا. او اي هتا: پطرس، يوحنا، يعقوب ان اندرياس، فلپس ان توما، برثلماي ان متي، حلفي رو ډيکرو يعقوب ان شمعون جيا ننه اپرا ملک ري آزادي هارو وديا وازو کيتا، ان يعقوب رو ډيکرو يهوداه. ⑭ اي ټډائي ان او ډوشي جيتي ايسو مانه وشواس راکيو تو، ان ايسو ربي مان ماريون

ان ايسو را پائي پڻ، هيڪ من ٿين هميش پراٿنا ڪرڻا ريا.

15) اوتون ئي ڏيئون موئين، پطرس وشواسي پايون وسا وات ڪريا هارو اوتين اويو. اوتنه هيڪ هو ان ويهڪ زئا پيڙا ٿيل هئا. پطرس اوتون ننه امر ڪيڏو: 16) ”پايون ان پنون، جيئي شاستر رئي وات دائود پويتر آتما ري ڪڙا ٿي يهوداه را پارام مور ٿي ڪيڏي ٿي، اوتا رنه ضرور پوري ٿيو تو. يهوداه ايسو ننه زهاليا وازون ننه شيرڙو ڏيڪاڙيو تو. 17) او امون مڪ شيلون موئين ٿي هيڪ هتو، ان اماري ايئا شيوا موئين حصو ليدو تو.“

18) هوئه يهوداه هيا ڪون رون پيهون ٿي هيڪ ڪيتر ويساتو ليدو تو. اوتنه او نيسو پڙي گيو، اوتا رو پيت ڦاٽي گيو ان ٻڌائي اونترا ٻارا نيهره آيا. 19) يروشلم شهر رون ٻڌون منڪون ننه ايئا وات رئي ڪهر پڙي گهي، تيام اوئي هيا ڪيتر ننه آپري ٻولي موئين ”هقل دما“ ڪيڏو، جيا رو مطلب سه ”ڪون رو ڪيتر.“

20) پسنه پطرس ڪيڏو: ”دائود را پزنون را شاستر زبور موئين يهوداه را پارام لڪل سه جي اوتا رو گهر هونو ٿي زانه، ان اوتا موئين ريا وازو ڪوئي نه هوئه!“ ان اي پڻ لڪل سه جي

’اوتا ري جگا موئين پيزو ڪوڪ شيوا ڪرئه!‘

21) تيام، جيا آدمي اتو وڪت امون پيڙا ريا تا، زتو وڪت پريو ايسو امون پيڙو ريو، 22) مطلب يوحنا رنه پويتر سنون ڏيڏا را توتا ٿي لين ايسو رنه آيون ڪن ٿي آڪاش مانه اوپڙايا هوڏي، اوتون موئين ٿي هيڪ زتو را ڪو ڪپنه، جيو امون مڪ شيلون پيڙو ايسو رنه جيوي اوتيا رئي هاڪ پرنه.“

23) ٿيون وشواسيئي پيئون زتون ننه اوپڙايا. هيڪا رو نوم يوسف هتو، جيا ننه برسبا ڪيتا، ان يوسفس پڻ ڪيتا. ان پيڙا رو نوم متياه هتو. 24) ٿيون اوئي

ام پراڻنا ڪرئي: ”او پرڀو، تمي ٻڌون منڪون رون منون ڀي واتون زوڻوھ. اي وات ساوئي ڪرو جي ايئون ٻيئون موئين ٿي تمي ڪيا نئھ سونديوه، ②5 جي او مڪ شيلو ٿين اينا شيوا ڀي جڳا موئين اوئھ، جيا نئھ يھوداه ساڏين اوئئھ گيوھ پرو، جيئھ او زايا رئھ لائق ھتو.“

②6 پسنھ اوئي ٻيئون ڀي پرڇي ڪاڍي ان متياھ را نوم رئي پرڇي نيوئي. ان او ٻيرون اڳيارون مڪ شيلون پيو گئو.


وشواسيون نءُ پوينر آتما زڙھ



① زئون پينتيڪوسٽ نومي پرڀ رو ڏي آيو،
2 ٽيون ٻڌائي وشواسي هيڪي جڳا ڀر پيڙا هتا.
② اوچتو آڪاش ٿي هيڪ موتو اواز هومپڙيام آيو،
زم زور ٿي واڙ اوڻي هئھ، ان جيا گھر موئين او
پينل هتا، او اواز ٿي گونزي وڙيو. ③ ان اوئون نئھ
زوئھ ڏيوٽا رون زھراون جيوي جيون ڏيڪيام آوي،

جي هيڪ هيڪ ڌار ٿين اوئون موئين ٿي هر هيڪ مانھ آوين اويي. ④ ان او
ٻڌائي پويتر آتما ٿي پرائي گيا، ان او قرق قرق ٻولي ٻولوا مڏيا، زم پويتر آتما
اوئون نئھ ٻوليا رئي ڪڙا ڏيڏي ٿي.

⑤ هئھ اوئھ يروشلم شهر موئين يھودي منڪ ريتا جيا پگئون رو گھڻو
مون راکتا، ان ڏنيا را هر هيڪ ملڪ ٿي اول هتا. ⑥ زئون اوئي اي اواز هومپڙيو،
ٽيون گھڻا منڪ اوئھ آوين پيڙا ٿيا. او حيروني م پڙي گيا، ڪم تو جي واتون
وشواسي ڪرتات ريا، او واتون هر هيڪ منڪ آپري آپري ٻولي موئين هومپڙوت
ريو. ⑦ او حيرون ٿين عجب ٿي ڪيا مڏيا: ”زوئو، اي تو ٻوليا وازا ٻڌائي گليل
صوپا را نئي ڪي؟ ⑧ پسنھ ڪم ڪرين آتون موئين ٿي هر هيڪ آپرا آپرا ملڪ
رئي ٻولي هومپڙھ ريو؟ ⑨ آتون موئين ٿي ڪينڪ پارٿي قوم را، ڪينڪ



مادی قوم را ان کئینک عیلامی قوم را ملک موئین ریا وازا، ان کئینک مسوُپتامیه ملک را ریا وازا، یهوُدیہ ان کپدُکیه صوُیون را، پُنطُس ان آسیه صوُیون را، ⑩ فروُگیه ان پمفولیہ علاقون را، مصر ملک را ان لیبیا ملک را اوُئا علاقا را منک جیو کُرینی شهر کن سئه، ان رُوم شهر را زاترُو پئن سئه. ⑪ آپون موئین یهوُدی سئه ان داری قوم وازا پئن سئه جیا آپئا درم موئین آیاہ، کریتی نومی بیت را ان عرب ملک را منک پئن سئه. توئی پئن آپی آپری آپری ہولی موئین هایون ٹی پگہون رون موئون موئون کومون را پارام ہومپزونہ ریا.

⑫ تیا مانہ ہدائی منک حیرون تین مُجھائی گیا، ان ہیکا بیزا ٹی پونسوا مڈیا: ”اینا رو مطلب کی سئه؟“ ⑬ پئن بیزا منک وشواسیون مانہ نئولی کرین کیوا مڈیا: ”ای تو تازو پکڑاول ذراکون رو رس پین نشام سئه.“

پطرس منکون نئ پوینتر آتما ان ایسو را پارام شیکاژتہ

⑭ پسسہ پطرس پیزون اگیارون مُک شیلون پیزو اُونین اُوپو ان زور ٹی منکون نئہ کیتو:

”یهوُدی پایون ان ہتون یرُوشلم شهر موئین ریا وازون، مارٹی وات کون“



ڏين هومپڙو! ⑮ تمي هزموه ريا جي امي نشام سون، پڻ هم نٿي. هزون هوار رو نون رو توڻو مس ٿيوه. هيو توثا مانه ڪم ڪرين منڪ نشام هوشي؟ ⑯ پڻ اي وات او سٺه جيا را پارام پڳوون آپرو نياپو ڏيڏا واڙا يوئيل ٿي ڪيورايو تو جي

⑰ پڳوون ام ڪڻه ريو:

پڇاڙي واڙون ڏيئون موئين ام ٿيشي.
 هون آپرو پويتر آتما ٻڌون منڪون مانه ميليھ،
 ان تمارا ڏيڪرا ان ڏيڪري مارو نياپو ڏيشي،
 ان تمارا جوڻ منڪ مارا طرف ٿي ڏيڪاڙا ڏيڪشي،
 ان تمارون گهرڊون منڪون نٺه مارا طرف ٿي شپنا آوشي،
 ⑱ ان جيا مارئي شيوا ڪڻه،
 آدمي ڪا ڏوشي هون،
 اوئون مانه پڻ اوئون ڏيئون موئين
 هون آپرو پويتر آتما ميليھ،
 ان او مارو نياپو ڏيشي.

①9 ان آکاش مانه هُون پِرسا ڏيکارِيه،

ان ڌرتي مانه نيشون ڏيکارِيه،

لوئي، ڏيوتا ان ڏونهاتا را ڳوتا.

②0 ڏي ڪازو مش ٿي زاشي

ان انزوتازيو لوئي جيوو راتو سوڙ ٿي زاشي.

ان پسنه پريو رو موتام موتو ان مون واڙو ڏي آوشي.

②1 ان تئيون جو ڪوئي پريو رو نوم ليشي

او ٻڌائي پچي زاشي.

②2 اسرائيلي پايون، ماري اي واتون ڏيون ٿي هومپرو. ايسو نصرت شهر

واڙو ايوو منڪ هتو جيا ري هاڻي پڳون تمون وسا موتا کوم، پِرسا ان

نيشون ڏيکارِيا، زم تمون ننه پڻ ڪبر سته. هيون نمونته پڳون ايسو ننه آپرو

سونيل منڪ ڏيکارِيو. ②3 زم پڳون اڳي پڪو ڦينصلو ڪريو تو ان زم اوتا

ننه اڳي ڪبر هتئي، تم پڳون ايتا ننه تماري هاڻي زهلايو، ان پسنه تم

پڳون ننه نه مونيا واڙون منڪون ري هاڻي ايتا ننه هوزي مانه سڙاوين مرايو

پرو. ②4 پڻ پڳون ايتا ننه مريا ڪيڙ موت را قوضا ٿي سڙاوين وڙي جيوي

اوتاڙيو، ڪم تو ام ٿي نتو هيڪتو جي ايسو موت را قابوم رته. ②5 هاڻي وات

ساوئي سته ڪم تو دائود شاستر موئين آپرا پارام نئين پڻ ايسو را پارام

ام ڪيڏوه:

هُون ايشور ننه هميش آپ هومو ڏيڪتو ريو،

ڪم تو او مارا زمئا پاهام سته،

زم مون ننه تڪليپ نه ٿنه.

②6 تيام هون من موئين ڪش ٿيو،

ان ايشور را وڪوڻ ڪريا،

ان هون مارو پروسو ايشور مانه ريشي.

27) ڪم تو تمي، او پڳوون،

مارا جيو ننه مرلون را جڳت موئين نئين ساڏو،

نڪو مون تمارا پويتر شيواڌاري ننه مقوم موئين هڙوا ڏيو.

28) تمي مون ننه او شيرڙا ڏيڪاڙياھ

جيون مانھ وودا ٿي جيون زڙھ،

ان تمي مون پيڙا هويا ٿي مون ننه ڪشي ٿي پرشو.

29) پسته پطرس وڙي ڪيڏو: ”مارون پايون، هائي شاستر رئي وات آڀا ڏاڏا

دائود را پارام نئي، پڻ ايسو را پارام سٺه. ڪم تو هون وات ساوئي ڪرين

تمون ننه آڀا ڏاڏا دائود را پارام همپڙاوونھ، جي او مري گيو تو ان اوئا ننه

پوريوت پرو، ان اوئا رو مقوم آڙ هوڏي آڀون ڪن سٺه. 30) پڻ دائود پڳوون رو

نياپو ڏيڏا واڙو هتو، ان اوئا ننه ڪبر هئي جي پڳوون اوئا ٿي هون ڪائين اي

وايڏو ڪريو تو جي ’هون ٿارا اولاد موئين ٿي هڪا منڪ ننه ٿارا زم راز ڏيهه.’

31) دائود ننه پڳوون را طرف ٿي اڳي ڪبر هئي جي پڳوون رو سونيدل پڇايا

واڙو ڪريست موت ٿي جيوي اونشي. تيام اوئه پڳوون رو نياپو ڏين ڪريست را

جيوي اوئا را پارام مور ٿي همپڙايو جي نڪو پڳوون اوئا ننه مرلون را جڳت

موئين ساڏشي، نڪو او مقوم موئين هڙشي.

32) ايئا ايسو ننه پڳوون موت ٿي جيوي اونڙيو، جيا رئي امي ٻڌائي هاڪ

پريا واڙا سون. 33) تيام پڳوون ايئا ننه آڀرئ زمئنه پاهنه آڪاش موئين پيهارين

مون ڏيڏو، ان ايئه وايڏا پرموئنه آڀرا ٻاپ پڳوون ٿي پويتر آتما ليڏو، ان امون

مانھ مليوه. ايسو رنه پويتر آتما ميليا ٿي اي وات ٿيھ، جيئي تمي ڏيڪوه ان

هومپڙوه ريا.

34) ايسو رنه آڪاش مانھ سڙيا را پارام دائود اڳي شاستر لڪيوھ. شاستر

رئي اي وات دائود را پارام نئي، ڪم تو دائود آڀ آڪاش مانھ ڪيڏي نتو

سڙيو. پڻ دائود ايسو ننه آڀرو پڙيو ڪين ايسو رنه آڪاش مانھ سڙيا را پارام

امر لکيوھ:

ايشور مارا پريو ننه ڪيڏو

مارنه زمئنه پاهنه مون ۾ پيه،

35) زئيون هُوڏي هُون ٿارون ڏشمٿون ننه هراوين

ٿاري پگي نه لڳاڙون.

36) تيام، اسرائيلي قوم رن منڪون، تمي ٻڌائي پڪي ڪاتري ٿي هزمي ليو جي

اي ايسو، جيا ننه تمي هُوڏي مانه ساڙين مرايوت پرو، ايئا ننه پگيون پريو ان
آپرو سونڊل پچايا وازو ڪريست پڻ ٿايوھ.

37) زئيون منڪي اي وات هومپڙي، تو اوئون ننه الاهي گهڻو ڏک ٿيو. تئيون

اُوئي پطرس ان پيزون مڪ شيلون ٿي پونسيو: ”پايون، امي هونه ڪي ڪرون؟“

38) تو پطرس اوئون ننه ڪيڏو: ”آپرا ڪراپ ڪوم ساڏين توبونه ڪرو ان

پگيون ري وات مانه وو، ان تمي ٻڌائي آپرون ڏوهون ري ماڻي هارو ايسو
ڪريست را نوم ٿي پويتر سنون ليو، تو پسته پگيون تمون ننه پويتر آتما ڏيشي.

39) ڪم تو اي پويتر آتما ميليا رو وائڏو تمون هارو، تمارون اولادون هارو، ان

ٻڌون شيبي ريا وازون هارو پڻ سته. اوئون ٻڌون هارو سته جيون رو واسطو ايشور
آپنو پگيون آپ ٿي رڪاوشي.

40) پطرس پيزي گهڻي واتون هزماوين ڪيتو ريو ان اوئون ننه منت ڪرتو

ريو جي ”اي سزا جئي پگيون ايئا زمونا رن ڪراپ منڪون ننه ڏيشي، تمي
پگيون ري وات مانه وين ايئا سزا ٿي آپ ننه پچاوو.“

41) زتي منڪي اوئا رئي وات مونڻي، اُوئي پويتر سنون ليڏو، ان اوئه ئي ڏي

ترٿڪ هزار منڪ وشواسي ٿي گيا، ان وشواسيون رو توڙو گهڻو وڌيو. 42) ان او

هميش مڪ شيلون ٿي واتون شيڪتا، پائي ٿين هپ ۾ ريتا، پريو پوزن ليتا، ان
پراٿنا ڪرتا ريتا.

وشواسيون رو پيڙا ٿين ريا رو نمونو

43) مڪ شيلون ري هاڻي پڳوون گهڻا پرسا ان نيشون ڏيڪارتو، ان ٻڌائي منڪ اي ڪرا ڏيڪين حيرون ٿيئا ريتا. 44) جيا وشواسي ٿيا تا، او ٻڌائي پيڙا ريتا ان آڀت موئين ام سوچتا جي ”جڻين ڪئين مارو سئ، او آپون ٻڌون هارو سئ.“

45) او آپري ملڳت ان شينهنون ويسين هر هيڪ نئ اوئا ري ضرورت پرموئئ وراوي ڏيئا. 46) او تاريخ پڳوون را گهر موئين هيڪ من ٿين پيڙا ٿيئا، ان گهر ٿو گهر پريو پوزن ليئا ان هاسا من ان ڪشي ٿي پيڙا ٿين روئي ڪاتا. 47) او پڳوون را وڪون ڪرتا ريتا، ان اسرائيلي قوم را پيڙا منڪ اوئون رو مون را ڪتا. ان پريو تارن ليئا وازون نئ تاريخ وشواسي منڌري موئين تيراوين پيڙا ڪرتو ريو.

هيڪ رُونڳڙو ايسو را نوم ٿي هازو هورو ٿئ

3 ① هيڪ ڏي پطرس ان يوحنا پپورون را ترٿي واڳي پراٿنا رئ ٿوئئ پڳوون را گهر موئين زاتات ريا، ② تو منڪ هيڪا رُونڳڙا نئ اوپاڙين آوتات ريا.



او منڪ زاڀو زلميو رُونڳڙو هتو. اوئا نئ تاريخ پڳوون را گهر را اوئا ڌروازا ڪن پيهارتا، جيا نئ ڪوپصورت ڌروازو ڪئ، زم اوئئ پيهين پڳوون را گهر موئين آيا وازون ٿي پئها مونڳئ.

③ زئيون اوئ پطرس ان يوحنا نئ پڳوون را گهر موئين زاتون ڏيڪيا، تو اوئون ٿي پئها مونڳيا.

④ تو پطرس ان يوحنا اوئا نئ ڏيون ٿي زويو، ان پطرس ڪيڏو: ”امون هومو زو!“ ⑤ رُونڳڙئ ام هزميو جي ”ايئون ٿي ڪئينڪ زڙشي،“ تيام اوئون هومو ڏيون ڏيڏو. ⑥ ان پطرس ڪيڏو: ”مون ڪن پئها نئي، پڻ جي مدت هون ڪري هيڪونھ، او هون ڪريھ. ايسو ڪريست نصرت شهر وازا را نوم ٿي اونين وئ!“

⑦ پسته پطرس اوتا رو زمڻو هات زهالين اوتا ننه اوناڙيو، ان جهت موئين اوتا رون پڳون موئين وشيت اوئي رئي، ⑧ ان اونيڪڙو مارين اونيڻ اويو، ان ويوا مڏيو، ان پسته ويتو، نينڪڙا مارتو ان پڳوون را وڪوڻ ڪرتو اوتون پيڙو پڳوون را گهر موئين گيو.

⑨ اسرائيلي قوم ري ٻڌي منڪي اوتا ننه ويتون ان پڳوون را وڪوڻ ڪرتون ڏيڪيو. ⑩ زئيون اوتا ننه اوڙڪيو جي اي او رو او سئه جيو پڳوون را گهر را ڪوڀصورت دروازا مانه پيهين پنتو، تو ٻڌائي منڪ حيرون ٿي گيا ان مڄهائي گيا جي ”اي ڪم ڪرين هازو هورو ٿي گيوه؟“

پطرس پڳوون را گهر موئين ايسو را پارام شيڪاڙهه

⑪ جيو رونيڙو منڪ هازو هورو ٿي گيو تو، او پطرس ان يوحنا ننه زهالين اويو تو. تئين اسرائيلي قوم را ٻڌائي منڪ حيرون تين سليمون نومي ڍاڙيا موئين اوتون ڪن ڍوڙي آيا. ⑫ پطرس اي ڏيڪين اسرائيلي قوم رون منڪون ننه ڪيڏو: ”اسرائيلي پايون، تم ايئا منڪ مانه ڪم حيرون ٿيوه ريا؟ ان امون هوما ڪم تاڪي رياه زوئنه امي اماري آپري طاقت ٿي ڪا ڌرم پاڙيا ٿي ايئا ننه هازو هورو ڪريو هوئه؟ پڻ وات تو هم نٿي. ⑬ پڳوون جيا ننه ابراهيم، اِضحاق ان يعقوب مونتا، پڳوون جيا ننه آڀتا پيڙا ٻاپ ڏاڏا پڻ مونتا، اوتنه آپرا شيواڌاري ايسو ننه گهڻو مون ڏيڏو. پڻ اوتا ننه تمي زهلايو پرو، ان زئيون راز ڪريا واڙهه پيلاطس اوتا ننه ساڏيا رو ڦينصلو ڪريو تو، تئين تمي پيلاطس ڪن اوتا ننه زوري ڪوڙو ڪريو. ⑭ اوتا پويتر ان پيڏوهي منڪ ننه تمي ڪوڙو ڪريو، ان تمي هيڪا ڪوني منڪ ننه آپ هارو ساڏيا رو ڪيڏو. ⑮ هميش رو جيون ڏيڏا واڙا ننه تمي مرايوت پرو، پڻ پڳوون اوتا ننه مرلون موئين ٿي جيوي اوناڙيوه. امي آپ اونڪيئي پاڙين ايئا وات رئي هاڪ پريا واڙا سون. ⑯ هوئه اي منڪ جيا ننه تمي زوئو ريا ان اوڙڪوه ريا، اي ايسو مانه يقين راڪيا ٿي هازو هورو

ٿيوھ. اُوئا را نوم ٿي اڀنا نئھ وشيت آويھ، ان اُوئا مانھ يقينَ را ڪيا ٿي اي تمون ٻڌون ھومو ھازو ھورو اُوپوھ.

⑰ ھوئھ پايون، مون نئھ ڪٻر سئھ جي زئيون تمڀي اي ٻڌو ڪئين ايسو ٿي ڪريو، تئين تمون نئھ ڪٻر نئھي جي ايسو پڳوون رو سونڍل پڇايا وازو ڪريست سئھ، ان نڪو وڙي تمارون اڳيونون نئھ ڪٻر ھٽي. ⑱ ان ھم جي واتون پڳوون آپرون ٻڌون نياپو ڏيڏا وازون ٿي اڳي ڪيڏي تي، جي اُوئا رو سونڍل پڇايا وازو ڪريست ڏڪ سھين مرشي، ھيوئھ نمونئھ پڳوون اُو ٻڌي واتون پوري ڪري.

⑲ تيام تمڀي آپرا ڪراپ ڪوم ساڏين توبونھ ڪرو ان پڳوون ري وات مانھ پاسا ڦرو، تو تمارا ڏوھ ماڦ ٿيشي. ⑳ ان ھيوئھ نمونئھ ايشور را طرف ٿي ايوو ڏي اوشي جيون موئين تمون نئھ وڙي من موئين ھڪ زڙشي. ان پسنھ ايشور ايسو نئھ ميلشي، جيا نئھ اُوئھ تمون ھارو پڇايا وازو ڪريست اڳي سونڍيوھ. ㉑ پڻ ھمئھ ايسو رنھ آڪاش موئين ريوو ڪئھ، زئيون ھوڏي اُو ٿوئو نہ اُوئھ زئيون پڳوون ٻڌيون شينھون نئھ وڙي نوي ڪرشي. ھايا را پارام پڳوون آپرون پويتر نياپو ڏيڏا وازون ٿي شروع ٿي لين ڪيڏو تو.

㉒ تيام تمڀي ايسو مانھ وشواس اوئو، ڪم تو ايسو اُو رو اُو سئھ جيا را پارام موسي آپ ڪيڏو تو جي پريو پرميشور تماري قوم موئين ٿي تمون ھارو ھيڪ مون جيوو پڳوون رو نياپو ڏيڏا وازو ميلشي. جنين ڪئين اُو تمون نئھ ڪئھ، اُو ٻڌي واتون تمڀي مونيا. ㉓ تئين جيو منڪ اُوئا پڳوون رو نياپو ڏيڏا وازا رئي وات نئين مونئھ، اُوئا نئھ پڳوون ري سونڍل قوم ٿي پارو ڪاڏين ڪتم ڪرشي پرو. ㉔ ان سيموئيل ٿي لين وونھلي پيزي ٻڌي پڳوون رو نياپو ڏيڏا وازي ايتون ھمئوڪون ڏيئون را پارام ھمپرايو.

㉕ ايسو مانھ وشواس اوئو، ڪم تو اي وائڏو تمون ھارو سئھ، جيا را پارام پڳوون رو نياپو ڏيڏا وازي ڪيڏو تو، ان جيا را پارام پڳوون آپتون ڏاڏون ٿي وسن بوندين ابراهيم نئھ ڪيڏو تو، جي ٿارا اولاد ٿي دنيا رون ٻڌون منڪون نئھ

آشيرواڏ زڙشي. 26) تيام پڳوون آڀرا شيواڏاري ايسو نئه سوندين پيزون ٿي مور تمون يهوديون ڪن ميليو، زم او تمون موئين ٿي هر هيڪ نئه تماريون پونڌايون ٿي پڌلويين آشيرواڏ ڏئه.

پطرس ان يوحنا نئه ڌرمي پنچائيت ڪن لي زائھ

4 ① هزون پطرس ان يوحنا اسرائيلي قوم رن منڪون نئه اي واتون ڪيتات ريا، تو پوزاري، پڳوون را گهر رن سپايون رو ساڀ، ان صدوقي پالتي را منڪ پڻ اوئون ڪن آيا. ② اوئون نئه هايون پيئون مانھ گهڻي رينھ سڙي ڪم تو او اسرائيلي قوم رن منڪون نئه شيڪاڙتات ريا ان همپڙواتات ريا جي ايسو مرلون موئين ٿي جيوي اونيوه، جيا ٿي منڪون رنه مريا ڪيڙ وزي جيوي اونيوا رئي ٿا پتئي ٿيٿيٿ رئي. ③ تيام اوئي پيئون مڪ شيلون نئه زهالين پيزا ڏي هوڏي ٿوئا موئين راڪيا، ڪم تو هونز ٿي گهي تي. ④ پڻ وچن هومپڙيا واڙون موئين ٿي گهڻي منڪي ايسو مانھ يقين اوڻيو. ان وشواسي منڪ اتا ٿي گيا جي پونسڪ هزار روڳا آدمي هتا.

⑤ پيزه ڏي اوڻه يروشلم شهر موئين يهوديون را آڳيون، موئا منڪ ان شاستر زوڻيا وازا ڌرمي پنچائيت موئين پيزا ٿيا. ⑥ پنچائيت موئين حناه، جيو مڪ پوزاري هتو، ڪائيفا، يوحنا، سڪندر، ان پيزا زتا مڪ پوزاري را گهر را هتا، ٻڌائي پيزا ٿيا. ⑦ اوئي پطرس ان يوحنا نئه پنچائيت هوما اوپاڙين پونسو: ”تمي هاڻي ڪوم ڪيا ري ڪڙا ان ڪيا ري اڪتياڙي ٿي ڪريو تو؟“

⑧ تئيون پطرس پويتر آتما ري ڪڙا ٿي اوئون نئه ڪيڏو: ”اسرائيلي قوم رن آڳيونون ان موئون منڪون، ⑨ جي آڙ تمي امون ٿي ايٿا وات رئي پونسا ڪروھ ريا جي امي هيڪا رونغڙا ٿي پلائي ڪرئي تي، ان اي ڪم ڪرين هازو هورو ٿي گيوھ، ⑩ تو تمون ٻڌون نئه ان اسرائيلي قوم رن ٻڌون منڪون نئه ڪبر هوو ڪپنه، جي ناصرت شهر وازا ايسو ڪريست ري اڪتياڙي ٿي، جيا نئه

تمي هُوڙي مانھ سٽاوينَ مرايوت پرو، پڻ پڳوونَ اُوئا نئھ مرلون موئين ٿي جيوي اوناڙيوھ، اونا ري اڪتياڙي ٿي اي منڪ تمون هومو هازو هورو اُوپوه.

⑪ هائي ايسو اُو رو اُو سئھ جيا را پارام پتر ڪينَ شاستر موئين لڪل سئھ:

’جيا پتر نئھ رازي گهٽ هزمينَ قڳوڙيوٽ پرو،
اُو هاڳي پتر ٻڌون ٿي ضرورت وازو ٿيوھ.’

تمي اڳيون ايسو نئھ ڪئين نتو هزميو، پڻ اُو ٻڌون ٿي ضرورت وازو ٿيوھ.

⑫ پيزو ڪوئي پڻ ايوو نٿي جيا ٿي تارنَ زڙئھ، ڪم تو پوري دُنيا موئين پڳوونَ

ايسو شوا پيزا ڪيا نئھ نه سونديو، جيا ري ڪري آبي منڪ پچي زائون.

⑬ زئيون اُوئي پطرس ان يوحنا رئي ٻوليا رئي هيٺ ڏيڪهي، ان اُوئون نئھ

ڪهر پڙهي جي ”اي منڪ ائپٽل ان جٽ سئھ،“ تنيون اُو حيرون ٿي ڳيا ان اوڙڪي

ڳيا جي ”اي منڪ ايسو پيزا هوتا.“ ⑭ ان مڪ شيلون رئھ ڪلاڦ اُو ڪئين پڻ

ڪي نه هيڪيا، ڪم تو مڪ شيلون پيزو اُو منڪ اُوئون رئھ روپرو هازو هورو

اُوپو تو. ⑮ تيام اُوئي اُوئون نئھ پنچائيت ٿي ٻارا ميلين آبت موئين ام صلاح

ڪرئي جي ⑯ ”آبي ايوئون منڪون ٿي ڪي ڪرون؟ ڪم تو يروشلم شهر رون

ٻڌون منڪون نئھ ڪهر سئھ جي ايوئون ري هاڻي هيڪ موٽو پرسو ٿيوھ. آبي ايئا

وات رو انڪار نٿي ڪري هيڪتا. ⑰ پڻ آبي ايوئون نئھ پيوڙاوين ڪيشون جي

ايسو را پارام ڪيا پڻ منڪ ٿي وات مت ڪريا، متون اي وات آبي اسرائيلِي

قوم موئين وڌارئھ نه پڪڙئھ.“

⑱ پسئھ اُوئي پطرس ان يوحنا نئھ پاسا تيزاوين ڪيڏو: ”تمي ايسو را پارام

ڪيا نئھ ماڳي مت همپڙايا نڪو شيڪاڙيا.“ ⑲ پڻ پطرس ان يوحنا اُوئون نئھ

جواب ڏيڏو: ”تمي آپ قينصلو ڪرو، جي پڳوونَ ري نظر ۾ ڪي صحيح سئھ؟

تمارئي وات مونوو؟ ڪا پڳوونَ رئي وات مونوو؟ ⑳ ڪم تو جئين ڪئين امي

ڏيڪيوھ ان هومپڙيوھ، اُو امارئھ ضرور همپڙاوو ڪپئھ.“ ㉑ پسئھ پنچائيت ري

منڪي وڙي اُوئون نئھ وڌيڪ پيوڙاوين ساڏيا پرا. آپري قوم رون منڪون ري ڪري

اوتون ننه کئین سزا ڏیڏا رو وجه نه زڙیو کم تو ٻڌائي منک هیا وات ري
کري پڳوون را وکون کراتات ریا. ②2 هونہ او منک جیا ننه مک شیلی پڳوون
را طرف ٿي هازو هورو کرين نيشون ڏيکارڙيو تو، اوتا رٿي عمر چاليهون سالون
ٿي پڻ گهڻي هتي.

وشواسي منک وچن همپڙيا ري هيمنت هارو پراڻا کرڻه

②3 زنيون پطرس ان يوحنا ننه ساڏيا پرا، تڻيون او آپرون وشواسي منکون کن
گيا ان جئين کئين موتي پوزاريئي ان آڳيووني ڪيڏو تو، او اوتون ننه همپڙايو.
②4 اي هومپڙين وشواسي منک هيڪ من ٿين پڳوون ٿي پراڻا ڪروا مڏيا:
”او پڳوون، امون ٻڌون را ڏٺي، آڪاش، ڌرتي، سمونڊ ان جئين کئين اوتون
موتين سته تمي نايوه. ②5 تمي پويتر آتما ٿي امارا ڏاڏا دائود هون، جيو تمارو
شيواداري هتو، ام ڪيوراڙيو تو جي

ڌاري قومون ننه رينه ڪم سڙي؟

ان منکي ازايا ڪيال ڪم ڪريا؟

②6 ايشور رنه ڪلاڦ

ان اوتا را سونڊل پچايا وازا ڪريست رنه ڪلاڦ

ڏنيا را پاڌشا وڊيا هارو سنپرين آيا،

ان آڳيوون آوين پيڙا ٿيا.

②7 اي وات ايٿنه ايٿا شهر موتين هاسي ٿي، ڪم تو راز ڪريا وازا هيروڊيس

ان پينطس پيلاطس، ڌاري قوم وازا، ان اسرائيلي قوم را منک پڻ ايٿنه تمارا

پويتر شيواداري ايسو رنه ڪلاڦ پيڙا ٿيا تا، جيا ننه تمي پچايا وازو ڪريست

سونڊيو تو. ②8 هيونہ نموننه زم تمي آپري ڪرا ان مرضي ٿي اڳي ڦينصلو

ڪريو تو جي ام ٿيشي، همروم اوتني ٻڌوني کئين پورو ڪريو.

②9 هونہ، ايشور، او منک امون ننه پيوڙاوتھ ریا. تمي ايٿا وات رو ڪيال

راکین امون تمارون شیواڌاریون نئه ایوئی هیمت ڏیو جي امی پیک وگر هیمت
 ٿی تمارو وچن همپزاوون. ③۰ ان آهرئی ھاڙا ھورا کریا رئی کڙا ڏیکاڙو، زم
 تمارا پویتر شیواڌاری ایسُو را نوم ٿی نیشون ان پرسا ٿئه!
 ③۱ زئیون او پراٿنا کریا ریا، تو جئی جگا مانھ پیڙا ٿیا تا، او ڏگی گئی،
 ان او ٻڌائی منک پویتر آتما ٿی پرائی گیا، ان پگوون رو وچن پیک وگر
 همپزاووا مڌیا.

وشواسی منک آپری شینھون آپت موئین وراوین ڏئه

③۲ وشواسی منڌڙی را منک هیڪ من ٿین ھپ موئین ریتا. اوئون موئین ٿی
 کوئی پڻ آپری شینھ نئه آهرئی نہ ھڙمتو، پڻ ٻڌائی منک آپری شینھون هیڪا
 پڙا نئه وراوین ڏیتا. ③۳ ان مک شیلا گھڻی کڙا ڏیکاڙین پریو ایسُو رٿه موت
 ٿی جیوی اونی رئی ھاڪ پرتا ریتا، ان پگوون اوئون ٻڌون مانھ گھڻی کڙا
 کرتو ریتو. ③۴ اوئون موئین ٿی کوئی پڻ نتو جیا نئه کیاک شینھ رئی کپ
 ھٿی، کم تو جیا زمی کا گھرون را ڏئی ھتا، او آپری ملگت موئین ٿی کئینک
 ویسین ویسل شینھون را پئیھا لین ③۵ مک شیلون نئه اوین ڏیتا. ان پسئہ مک
 شیلا ھر هیڪ نئه اوئا ری ضرورت پرموئنه وراوین ڏیتا.

③۶ اوئون موئین ٿی یوسف نومی هیڪ منک ھتو. اوئا رو پڙو نوم مک
 شیلی برنباس راکیو تو، جیا رو مطلب سئہ ”حوصلو ڏیڌا واڙو.“ او لوی ذات
 رو ھتو، ان اوئا رو زلم کپرس پیت مانھ ٿیو تو. ③۷ اوئا کن هیڪ کیتر ھتو،
 جیا نئه اوئہ ویسین کیتر را ٻڌائی پئیھا مک شیلون نئه اوین ورایا ھارو ڏیڌا.

حنیہ ان سفیرہ نئہ کُوڙ کریا ری کڙو پگوون سزا ڏئه

① پڻ اوئون وشواسیون موئین ٿی پڙو هیڪ منک ھتو، جیا رو نوم حنیہ
 5 ان ڏوڻی رو نوم سفیرہ ھتو. اوئہ آهرئی کئینک زمئی ویسئی، ② ان پسئہ

زمي رون پٺيهون موئين ٿي ڪئينڪ پٺيها آپ هارو هٿاڙين ميليا، جيا رٿي
 اوتا ري ڏوشي ننه پڻ ڪهر هٿي. ان اوٽه
 پيزا پٺيها لي آوين مڪ شيلون ننه ايوته
 نمونته ڏيڏا، زوتنه زمي را ٻڌائي پٺيها
 ڏيتو هوته.



③ تيون پطرس ڪيڏو: ”حنياها، تئين شيطون ننه ٿارا من موئين ايوو ڪيال
 ڪم نوڪوا ڏيڏو، جي تئين پويتر آتما ٿي ڪوڙ ڪريوه، ان زمي رون پٺيهون
 موئين ٿي ڪئينڪ آپ هارو راکياھ؟ ④ او زمئي زئون تون ڪن هٿي، تيون
 ٿارئي نٿي ڪي؟ ان ويسيا ڪيڙ پٺيها ٿارا هات موئين نٿا ڪي؟ پسنه تئين
 من موئين ايوو ڪيال ڪم ڪريو؟ تئين روڳو منڪون ٿي نئين، پڻ پڳوون ٿي پڻ
 ڪوڙ ڪريوه.“

⑤ اي واتون هومپڙين حنياه اوته ئي توٽه پڦ ڏين پڙيو نو ان مري گيو.
 ان زتون منڪون ننه ايٿا وات رٿي ڪهر پڙئي، او ٻڌائي پيٿاوا مڏيا.

⑥ پسنه جوڻ منڪي اوئين اوتا را لاش ننه ڪڦڻ اوڍاڙيو ان اوتا ننه لي زائين
 پوريو پرو.

⑦ ترٿيونڪ ڪلاڪون ڪيڙ حنياه رٿي ڏوشي اوٽه اوئي، پڻ اوتا ننه ڪئين
 ڪهر نٿي جي اوتا را آدمي ٿي ڪي ٿيوه. ⑧ پسنه پطرس اوتا ٿي پونسيو:
 ”مون ننه همپڙاو، زتا پٺيها مون ننه ڏيڏاھ، اتام تمي زمئي ويسئيه ڪي؟“
 تو اوٽه ڪيڏو: ”هوٽه، اتام ويسئيه.“ ⑨ تيون پطرس اوتا ننه ڪيڏو: ”تمي
 آپت موئين ايشور را پويتر آتما ننه آزمايا رو ڪم ڦينصلو ڪريوه؟ زو، ٿارا
 آدمي ننه پوريا واڙا ڪونڊي هوته ڌروازا مانھ آوين پوگياھ، ان او ٿارا ڪونڊي
 پڻ ٿيشي.“

⑩ اوٽه ئي توٽه او ڏوشي پڻ پطرس ڪن پڦ ڏين پڙئي ٿئي ان مري گئي.
 تيون ڪونڊي موئين آوين زوتھ، تو ڏوشي مرل پڙئيه. ان اوتا ننه پڻ لي زائين

اوتارا آڏمي ڪن پوري پري.

11) پسته وشواسي منڌري رون ٻڌون منڪون ننه ان ٻيڙون ٻڌون ننه، جيئي اي وات هومپري، گهٽي پڪ لاڳي.

مُک شيلون منڪون ننه هازا هورا ڪرين پرسا ڏيڪارڻه

12) مُک شيلون ري هاڻي اسرائيلي قوم موئين ٿي گهٽا منڪ هازا هورا ٿيٽا جيا ٿي نيشون ان پرسا ساوا ٿيٽا. ان ٻڌائي وشواسي هيڪ من ٿين پڳوون را گهر را سليمون نومي ڍاڙيا موئين پيڙا ٿيٽا. 13) جيا وشواسي نٿا، پڪ ري ڪري اوئون موئين ٿي ڪوئي پڻ وشواسيون ڪن نٿو زاتو. توئي پڻ اسرائيلي منڪ اوئون را وڪوڻ ڪرتا. 14) ان ڪتائي آڏمي ان ڏوشي پريو ايسو مانه يقين راکين وشواسي منڌري موئين پيڙا ٿيٽا ريتا.

15) مُک شيلون رون ايون ڪومون ري ڪري، منڪ مونڌون ننه ٻارا لي آوين شيرڙون رنه پاهنه ڪاتلون ان گوڏڙيون مانه هونارتا، زم زيون پطرس اوئون مٿه، تو اوٿا رو سونئيو مونڌون مانه پڙهه ان او هازا هورا ننه. 16) ان يروشلم شهر را آها پاها رون پاڙون ٿي پڻ ڪتائي منڪ مونڌون ان پوت سونتل منڪون ننه لي آوتا، ان او ٻڌائي مُک شيلون ري هاڻي هازا هورا ٿي زاتا.

مُک شيلون ننه ترمي پنچائيت را منڪ تنگ ڪرڻه

17) پسته مُک پوزاري ان اوٿا را ٻڌائي ساڻي، جيا اوٿ ري صدوقي پالٽي را هتا، مُک شيلون مانه ريشي ٻڙيا. 18) ان مُک شيلون ننه زهلون ٿوٿا موئين پورايا پرا. 19) پڻ اوٿه ٿي رات ايشور رنه هيڪه آڪاشي ڏوت ٿوٿا را ڌروازا ڪوليا پرا، ان اوئون ننه ٿوٿا ٿي ٻارا ڪاڍين ڪيڏو: 20) ”زائو، ان پڳوون را گهر موئين زائين تمي اوٿه اوپين اسرائيلي قوم رون منڪون ننه ايٿا نوا جيون را پارام ٻڌي واتون همپراويا.“

21) مُڪ شيلآ آڪاشي ڏوت رڻي وات مونيَن ڏي اُوگيا رنه ٿوئنه پڳوون را گهر موئين گيا ان اوئنه منڪون ننه شيڪاڙوا مڏيا. اُوئه ئي ٿوئنه مُڪ پُوڙاري ان اوئا ري ساڻيئي آوينِ اسرائيلي قُوم رون ٻڌون موئون منڪون ننه ڌرمي پنچائيت پيڙهي ڪريا هارُو تيڙيا، ان آپرون سپايون ننه ٿوئام ميليا، زم اُو مُڪ شيلون ننه تيڙي اوئه. 22) پڻ زئيون سپايي اوئنه زائين زويو، تو مُڪ شيلآ ٿوئا موئين هتا ئي نئين. تو اُو پنچائيت ڪن پاسا آيا را، ان اوئون ننه همپڙايو جي 23) ”زئيون امي اوئنه ٿوئام پُوگيا، تو جيل نائوڪا نمونا ٿي پنڌ ڪرل ڏيڪيو، ان سپائي ڌروازون مانه اُوپا پاهرو ڏيتات ريا. پڻ زئيون امي ڌروازا ڪوليا، تو امون ننه جيل موئين اوئون موئين ٿي ڪوئي ڏيڪيام نه آيو.“ 24) اي وات هوپڙين پڳوون را گهر رون سپايون رو ساڻ ان موئا پُوڙاري حيرون ٿيوا مڏيا جي ”هوئه ڪي ٿيشي؟“ 25) اتي وار ۾ ڪيئنڪ آوين همپڙايو جي ”اُو منڪ جيون ننه تمي ٿوئا موئين پُوڙايا تا، اُو پڳوون را گهر موئين اوپين آڀهي قُوم رون منڪون ننه شيڪاڙهه ريا.“

26) ٽيون ساڻ آپرون سپايون پيڙو زائين مُڪ شيلون ننه پاسا پنچائيت موئين تيڙي آيو. اوئون ننه زوري نه زهاليا، ڪم تو اُو آپري قُوم رون منڪون ٿي پيڻاتات ريا، جي ”متون امون ننه پوئا نه هئنه.“ 27) پسته مُڪ شيلون ننه لي آوين پنچائيت هوما اُوپاڙيا. ٽيون مُڪ پُوڙاري اوئون ننه ڪيڏو: 28) ”امي تمون ننه گهڻو گهڻو ڪيڏو تو جي ايسو رو نوم لين تمي منڪون ننه مت شيڪاڙيا. پڻ زوئو، تمي آپري وات منڪون ننه شيڪاڙين پورا يروشلم شهر موئين پڪيڙيهه پرڻي. ان تمي اوئا منڪ ايسو رو ڪون امون مانه ڏيوا ڪروه.“

29) تيا مانه پطرس ٻڌون مُڪ شيلون را طرف ٿي ڪيڏو: ”امارنه منڪون رو نئين، پڻ پڳوون رو ڪيڏو مونو ڪپنه. 30) پڳوون جيا ننه آڀا ٻاپ ڏاڏا موتا، اوئه ايسو ننه موت ٿي جيوي اوناڙيوه، جيا ننه تمي هُوڙي مانه سڙاوين مريوت پرو. 31) اوئا ننه پڳوون اگيوون ان تارن ڏيڏا واڙو ناوين آپرنه زمئنه پاهنه آڪاش ۾ بيهارين گهڻو مون ڏيڏوه، زم اسرائيلي قُوم ننه توپونه ڪريا

رو موقعو زڙڻه ان او آڀرا ڪراڀ ڪوم ساڏين پڳوون ري وات مانھ وڻ، ان اوئون نڻه ڏوهون رڻي ماڻي زڙڻه. (32) امي ايئون واتون رڻي ھاڪ پرين ھمپڙيا وازا سون. ان پويتر آتما پڻ ايئون واتون رڻي ھاڪ پرڻه، ڪم تو پڳوون اي پويتر آتما اوئون منڪون نڻه ڏيڏوه جيا اوڻا رو ڪيڏو مونڻه.

(33) زڙيون پنچائيت ري منڪي ھاڻي واتون ھومپڙي، تتيون اوئون نڻه اتڻي رينھ سڙي جي او مُڪ شيلون نڻه نمو ماروا ڪرتا تا. (34) پڻ اوڻه گملي ايل نومي فريسي پالتي رو ھيڪ منڪ ھتو. او شاستر زوڻيا وازو ھتو، ان اسرائيلي قوم رون ٻڌون منڪون موئين اوڻا رو مون ھتو. او پنچائيت موئين اوئين اوپو ان مُڪ شيلون نڻه توڙيڪ وار ھارو ٻارا لي زيا رو ڪيڏو. (35) پسڻه اوڻه پنچائيت رون منڪون نڻه ڪيڏو: ”اسرائيلي پايون، تمي ڏيون ٿي سوچو جي ايئون منڪون ٿي ڪي ڪروو ڪپڻه. (36) ڪم تو ڪئينڪ وڪت اڳي ٿيوداس نومي ھيڪ منڪ حڪومت رڻه ڪلاڦ ٿيو تو، ان او پڻ آپ نڻه ڪاس منڪ ڪيتو. ان چارڪ ھو آڏمي اوڻا پيڙا ملي ڳيا تا. پسڻه او آپ مراني ڳيو، ان اوڻا وونھڙ وُڍا وازا ٻڌائي ايل اول پاڳي ڳيا، ان نيٺ اوئون ٿي ڪئين نه ٿيو. (37) تيا ڪيڙ آڏمشاري رون ڏيئون موئين يھوداه نومي گليل صُويا رو ھيڪ منڪ حڪومت رڻه ڪلاڦ ٿيو تو. اوڻه آڀڻي قوم رون ڪتون ٿي منڪون نڻه آڀرڻه پاھڻه ڪريا تا. پسڻه او پڻ مراني ڳيو، ان اوڻا وونھڙ وُڍا وازا جيل تيل پاڳين ڌار ٿي ڳيا.

(38) تيام مارو ڪيال اي سڻه، جي ايئون منڪون رڻه ڪلاڦ ڪئين مت ڪرو، ان ساڏو پرا. ڪم تو جي ايئون رو مطلب ان ڪوم منڪون را طرف ٿي ھوشي، تو آڻوڪو ڪنم ٿي زاشي. (39) پڻ جي پڳوون را طرف ٿي ھوشي، تو پسڻه تمي ايڻا نڻه روڪي نئين ھيڪو. ام نه ٿڻه جي تمي پڳوون رڻه ڪلاڦ ڪوم ڪريا وازا ٿيو!

پنچائيت گملي ايل رڻي وات مونڻي. (40) اوڻي مُڪ شيلون نڻه وڙي پنچائيت موئين تيڙاوين چاڀڪا ھڻايا ان اوئون نڻه اي حُڪم ڏيڏو جي ”ايسو رو نوم لين

وڙي ڪيا ٿي وات مت ڪريا. ” ان پسنه اوتون ننه ساڏيا پرا.

④1 مڪ شيلو ايئا وات مانھ ڪش ٿيئا پنچائيت ٿي ٻارا نيھريا، جي ” ڀڳوون امون ننه ايوو مون ڏيڏوه، جي امارئي پيعزتئي ايسو را نوم ري ڪري ٿيھ. ”
 ④2 او تاريخ ڀڳوون را گھر موئين ان گھر ٿو گھر منڪون ننه هميش شيڪارٽا ان اي ڪشي رئي ڪبر همپڙاوتا ريتا جي ايسو ڀڳوون رو سونيدل پچايا واڙو ڪريست سٺھ.

وشواسي منڪ هاتون زئون ننه امدادا ورايا هارو سونيدھ

6 ① اوتون ڏيئون موئين، زيون الاهي گهئا منڪ وشواسي ٿيئا ريا، تيون يهودي قوم رن وشواسيون موئين ٿي يوناني ٻولي ڪريا واڙا عبراني ٻولي ڪريا واڙون رئي ايئا وات مانھ ڳلا ڪروا مڏيا، جي ” زيون تاريخ امدادا وراوئھ، تو امون موئين جي رنڌال ڏوشي سٺھ، اوتون ننه گهت امدادا ڏھ. ”
 ② تيام ٻاري مڪ شيلي ٻڌون وشواسيون ننه آپ ڪن تيڙاوين ڪيڏو: ” اي وات امون هارو نائوڪئي نئي، جي ڀڳوون رو وچن همپڙايا رو ساڏين امي روگئي ڪاڏا پيدا رئي شيوا ڪرتا ريون. ③ تيام، پايون ان پينون، تمون موئين ٿي هات آدمي سونيدو، جيا رو تمې مون راکتا هوئو، ان جيا پويتر آتما ٿي پرا ان عقل واڙا هوئھ. ان امي اوتون ننه ايئا ڪوم مانھ ساڏشون. ④ پڻ امي تو پراٿنا ڪرتا ان ڀڳوون رو وچن همپڙاوتا ريشون. ”

⑤ اي وات ٻڌون وشواسيون ننه وٿي. ان اوئي اي منڪ سونيدا: استيفنس جيو پڪو يقين راکتو ان پويتر آتما ٿي پرا هتو، فلپس، پرخرس، نيڪانور، تيمون، پرمناس، ان نيڪلاٿوس جيو انطاڪيه شهر رو ڌاري قوم واڙو هتو ان اڳي يهودي ڌرم موئين آيو تو. ⑥ هائي منڪ اوئي مڪ شيلون هوما اوپاڙيا، ان مڪ شيلي اوتون هارو پراٿنا ڪري، ان اوتون مانھ هات ميلين اوتون هارو آشيرواڏ مونگيو ان ايئا ڪوم مانھ راکيا.

⑦ ان ڀڳوونَ رو وڃن پڪڙتو ريو، ان يروشلم شهر موئين وشواسي منڌڙي گهڻي وڌتي رئي، ان ڀڳوونَ را گهر رون پوزاريون موئين ٿي پڻ الاهي گهڻا منڪ وشواس اوتتا ريا.

استيفنس ننه زهالين ڌرمي پنچائيت ڪن لي زانه

⑧ استيفنس ڀڳوونَ ري ڪرپا ان ڪڙا ٿي پرائين اسرائيلي قوم رون منڪون موئين موٽا موٽا پرسا ان نيشون ڏيڪاڙتو ريو. ⑨ پڻ ڪئينڪ منڪ اوتتا رنه ڪلاڦ ٿي ڳيا. اوتتا ڀڳوونَ را هڪا منڌر را هتا، جيا ننه ”آزاد ٿيل ڳلومون رو منڌر“ ڪئو. اوتتا منڌر موئين ڪريني ان اسڪندريه شهرن را، ان ڪلڪيه ان آسيه صوپون را يهودي منڪ آوين پيڙا ٿيتا. اوتتا منڪ استيفنس ٿي پڻ ڪروا مڌيا. ⑩ پڻ استيفنس ننه پويتر آتما ايوي عقل ڏيڏي جي اوتتا منڪ ايٿا ريون واتون رو مقابلو ڪري نه هڪيا.

⑪ ٽيون اوتتا ڪئينڪ منڪون ننه رشوت ڏين شيڪاڙيا جي اوتتا ڪئو: ”امي ايٿا منڪ ننه موسي رون لڪل حڪمون رنه ڪلاڦ ان ڀڳوونَ رنه ڪلاڦ واتون ڪرتون هومپڙيوه.“ ⑫ پسنه اوتتا هيوته نمونته اسرائيلي قوم رون منڪون، آڳيونون ان شاستر زوٿيا واڙون ننه اوتتا رنه ڪلاڦ پريا. اوتتا منڪ استيفنس ڪن آيا ان اوتتا ننه زهالين ڌرمي پنچائيت موئين تيڙي آيا.

⑬ اوتتا منڪون ننه ڪوڙي هاڪ پريا هارو تيڙي آيا. اوتتا منڪي هاڪ پرين ڪيڏو جي ”اي منڪ ڀڳوونَ را پويتر گهر رنه ڪلاڦ ان موسي رون لڪل حڪمون رنه ڪلاڦ هميش پوئو رنه.“ ⑭ ڪم تو امي ايٿا ننه ام ڪيتون هومپڙيوه جي ايسو ناصرت شهر واڙو ايٿا ڀڳوونَ را گهر ننه ڪئم ڪرشي پرو، ان جي ريت رواز موسي ٿي آيون ننه زڙل سته، اوتتون ننه پڌلوشي پرا. ” ⑮ جيا منڪ پنچائيت موئين پيٽا تا، اوتتا استيفنس هومو ڏيون ٿي زيو، تو اوتتا رو مونيو آڪاشي ڏوت را مونيو جيوو سوجها واڙو ڏيڪيام آيو.

استيفنس ڌرمي پنچائيت رو ٺوه ڪايتھ جي اوتِي ايسنو نھ مرابو

7 ① پسنھ مڪ پوزاري استيفنس ٿي پونسيو جي ”هائي واتون هاسي سنھ،
ڪا نا؟“

② تيا مانھ استيفنس ڪيڏو: ”اسرائيلي پايون ان آڳيونون، مارئي وات
ھوميڙو. پڳون، جيو سوجھرا جيوو سنھ، آپنا ڏاڏا ابراهيم نھ ڏيڪاڙو ڏيڏو،
زئون حاران شھر موئين لڏي زيا مور او مسو پتاميھ ملڪ موئين ريتو. ③ ان
پڳون اوٺا نھ ڪيڏو: ’تون آپرا مائتر ان آپرو ملڪ ساڏين اوٺا ملڪ موئين
زا، جيو هون تون نھ ڏيڪاڙيھ.‘ ④ تيام او ڪسديون رو ملڪ ساڏين حاران
شھر موئين آوين ريو. زئون اوٺا رو ٻاپ گذاري ڳيو، تيون پڳون اوٺا نھ
ايٺا ملڪ موئين تيڙي آيو، جيئھ تمي آڙ ڏي هُوڏي ريوھ ريا. ⑤ اوٺھ ٺوئھ
پڳون ابراهيم نھ ايٺا ملڪ موئين لڳرائي زمئي ڏيڏي. پڻ پڳون اوٺا
ٿي اي وائڏو ڪريو جي ’هون اي ملڪ تون نھ ان ٿارا اولاد نھ ڏيھ،‘ پڻ
اوٺھ ٺوئھ ابراهيم رو ڪئين اولاد پڻ نتو. ⑥ پڳون اوٺا نھ ام پڻ ڪيڏو جي
’ٿارو اولاد هڪا ڌاريا ملڪ موئين زائين ريشي، جيئھ او چار هو ورھنھ ڳلوم
ٿين ريشي ان منڪ اوئون ٿي ظلم ڪرشي. ⑦ پڻ جيا قوم را او ڳلوم ٿين
ريشي، هون هايا قوم نھ سزا ڏيھ. ان تيا ڪيڙ اوئون نيھرين او ايٺا ماڳ
آوين مارئي پوزا ڪرشي.‘ ⑧ پسنھ پڳون ابراهيم ٿي هائي وسن ٻوندين وسن
رو نيشون توھر ڪريا رو راڪيو. تيام وسن پرموئھ ابراهيم رو ڏيڪرو اِضحاق
ٿيو، ان ابراهيم آپرا ڏيڪرا اِضحاق رئي زلميا رنھ ائمھ ڏي توھر ڪري. ان
هيوئھ نمونھ اِضحاق رو ڏيڪرو يعقوب ٿيو، ان اِضحاق اوٺا رئي توھر ڪري،
ان يعقوب را ٻارنھ ڏيڪرا ٿيا ان يعقوب اوئون ري توھرون ڪري، جيا آڀئي قوم
را ٻارنھ ڏاڏا ڪيوروٺا.

⑨ تيا ڪيڙ آهڻي قوم را ڏاڏا آهرا پائي يوسف مانه ريشي هريا ان اوتا ننه واپاريون ڪن ويسيو پرو، جيئي مصر ملك موئين لي زائين اوتا ننه گُلمو ڪريو پرو. پڻ پگهون اوتا پيزو هتو، ⑩ ان اوتا ننه هڏيون موصيتون ٿي سڏايو، ان اوتا ننه ايويي عقل ڏيڏي جي او مصر ملك را پادشا ڪن مون وازو ٿي گيو. پادشا يوسف ننه مصر ملك مانه موٽو وزير ڪرين را ڪيو ان آهرو پورو مولات اوتا ري همپاز موئين ڏيڏو.

⑪ تيا ڪيڙ هڏا مصر ان ڪنعان ملڪون موئين ڏڪار پڙيو، جيا ري ڪري گهڻي تڪليپ ٿي، ان آهڻون ڏاڏون ننه ڪئين پڻ ڪاڏو نتو زڙتو. ⑫ پڻ زئيون يعقوب هومپزيو جي مصر ملك موئين ڏون سته، تئيون اونه آهرون ڏيڪرون، آهڻون ڏاڏون ننه، پيرهين وار مصر ملك موئين ڏون ليو ميليا. ⑬ زئيون پيزي وار ڏون ليو گيا، تئيون يوسف آه ننه آهرون پايون ڪن اوڙڪايو، ان مصر ملك را پادشا ننه يوسف ري اڪائي را پارام ڪهر پڙي. ⑭ تئيون يوسف آهرا پاپ يعقوب ان هڏون عزيزون ننه آه ڪن تيڙايا، جيا پنجهتر زئا هتا. ⑮ پسته يعقوب مصر ملك موئين لڏي گيو، ان اوتنه او ان آهڻا ڏاڏا گذاري گيا. ⑯ ان اوتون را لاش اوتون ايئا ملك ۾ لي آوين سڪه شهر موئين اوتا پونئيرا جيو مقوم موئين را ڪيا، جيو ابراهيم همور نومي منڪ رون ڏيڪرون ڪن چونڏي ڏين ويساتو ليڏو تو. ⑰ زئيون او توتو ڏوڪڙو آيو جي پگهون آهرو ابراهيم ٿي ڪرل وائيدو پورو ڪرته، تئيون آهڻي قوم را منڪ اوتنه مصر ملك ۾ گهڻا وڌي گيا تا. ⑱ اوتون ڏيئون ۾ مصر ملك مانه هيڪ پيزو پادشا راز ڪروا مڏيو، جيا ننه يوسف را پارام ڪئين ڪهر نٿي. ⑲ او پادشا آهڻي قوم رون منڪون ٿي ايوي چالاکي ان ڪراب نمونا ٿي وودو جي آهڻون ڏاڏون ننه آهرا ننڪا هاز ڦهڙو پڙيا، زم او مري زائه.

⑳ اوتا وڪت موئين موسي رو زلم ٿيو. او الاهي روپازو هتو. اوتا ننه ترڻ مئينا مائيتري گهري را ڪيو. ㉑ تيا ڪيڙ زئيون اوتا ننه هارو ميليو نو، تو

پادشا ري ڏيکري اوثا ننه لين آپرو ڏيکرو ڪرين پاڙيو. (22) اوثي موسي ننه مصريون رو ٻڌو علم شيڪاڙيو، ان او نائوڪي واتون ان نائوڪا کوم ڪريا ۾ هوشيار هتو.

(23) زئيون موسي چاليهون سالون رو ٿيو، تئيون اوثه آپرون اسرائيلي پايون رڻي حالت زويا رو ڪيال ڪريو. (24) موسي زائين زوئه تو مصر رو هيڪ منڪ هيڪا اسرائيلي ننه مارنه ريو، تيام موسي اسرائيلي رڻي مدت ڪرڻي ان پڌلو ليڏا هارو مصري ننه ماريو پرو. (25) موسي سوچتو تو مارا پاڻي ام هزمشي جي پڳوون ماري هاڻي اوثون ننه ڳلومي ٿي آزاد ڪراوشي، پڻ او هم نه هزميا. (26) پڙئه ڏي موسي پيئون اسرائيليون ننه آيت موئين جهڳڙو ڪرتون ڏيڪيا. ايئه اوثون ننه منايا رڻي ڪوشش ڪرڻي ان ڪيڏو: 'پايون، تمي تو پاڻي سو. آيت موئين ڪم وڊوه ريا؟' (27) پڻ جيو آپرا اسرائيلي پاڻي ننه مارتوت ريو، اوثه موسي ننه نيلو ڏين ڪيڏو: 'تون ننه ڪيئنه امون مانه آڳيوون ان ڦينصلو ڪريا واڙو راکيوه؟' (28) زم تئين ڪال اوثا مصري منڪ ننه ماريو پرو، هم مون ننه پڻ ماروا ڪرنه، ڪي؟' (29) هاڻي وات هومپڙين موسي مصر ملڪ ساڏين پاڳي ڳيو، ان مديان ملڪ موئين زائين پرڏيشي ٿين ريو ان اوثه اينا را ٻي ڏيڪرا ٿيا.

(30) چاليهون سالون ڪيڙ، سينا نومي ڏونگر ڪن رڻ موئين هيڪه آڪاشي ڏوت هيڪا ٻڙتا زهاڙڪا موئين زهراڙ را زم موسي ننه ڏيڪاڙو ڏيڏو. (31) موسي اي پرسو ڏيڪين حيرون ٿي ڳيو ان زويا هارو ڏوڪڙو زاوا مڏيو. تئيون اوثا ننه ايشور رو اواز ام هومپڙيام آيو: (32) 'هون ٿارون ڏاڏون رو پڳوون سون، ابراهيم، اِضحاق، ان يعقوب رو پڳوون سون.' تئيون موسي ڏڪوا مڏيو، ان اوثا رڻي آڳڙ زائين زويا رڻي هيتم نه رڻي. (33) تئيون ايشور اوثا ننه ڪيڏو: 'آپرا زوڙا اوتار پرا، ڪم تو جيئنه تون اوپوه او پوئتر جڳا سئه. (34) مئين زويوه جي مصر ملڪ موئين ماري سونڊل قوم مانه ڪيوو ظلم ٿهه ريو، ان مئين اوثون ري رڙيون

هُومپِزِیہ، ان اُوئون نئہ پِچاؤوا آیوہ. تیام هُوئہ هُون تُون نئہ مِصر ملک موئین وِزی پاسو میلونہ.

(35) اُو رو اُو مُوسِی، جیا رُئی وات آہئی قُوم ری دَاڈی نئئی مونئی ان کِیتو تو: 'تُون نئہ کِیئئہ آگِیوون ان قِینصلو کِریا وازو راکِیوہ،' اُوئا هاگِی نئہ پِگِوون آگِیوون ان آزَا کِریا وازو ناوین میلیو، ان اُوئا رُئی مَدت کِریا هَارُو اُوئا آکاشی دُوت نئہ پیزو میلیو، جِیئئہ اُوئا نئہ ہِرتا زھاژکا موئین دِیکارُو دِیتو تو. (36) ایئہ مُوسِی پِرسا ان نِیشون دِیکارُتون اِسرائِیلی قُوم نئہ آزَا کِراوین مِصر ملک ئی ہارُئی کادِئی، ان قَلزم نومی سُمونید وسا اُوئون نئہ متاژیا، ان چالیہون سالون هُوڈی رُن موئین اُوئون رُئی آگِیوونئی کِری.

(37) ای اُو رو اُو مُوسِی سئہ جِیئئہ آپون اِسرائِیلیون نئہ ام کِیتو تو جی 'پِگِوون تمارِی قُوم موئین ئی تمون هَارُو هِیک مُون جِیو پِگِوون رو نیاپو دِیتا وازو میلشی.' (38) ای اُو رو اُو سئہ جی پُوری اِسرائِیلی قُوم پیزو رُن موئین هتو. ای وسلیو منک ئین اُوئا آکاشی دُوت پیزو هتو، جِیئئہ ایئا ئی سینا نومی دُونگِر مانہ واتون کِری، ان آپتون دَاڈون پیزو ہن هتو. ایئا مُوسِی نئہ پِگِوون را پاھا ئی جِیون رو مارگ دِیکارُیا وازا حُکم زژیا، زم اُو آپون هُوڈی پُوگاژئہ.

(39) ہن آہئی دَاڈی مُوسِی رو کِیتو مونوا نہ کِریو، ان اُوئا نئہ ساڈیو پرو، ان اُوئون را من موئین مِصر ملک رو کِیال آیو. (40) تیام اُوئی هارُون نئہ کِیتو: 'آپون هَارُو مُورتي نُوراوو، زم آہئی آگِیوونئی کِریئہ. کم تو ای مُوسِی، جِیو آپون نئہ مِصر ئی ہارا کادِی آیو تو، اُوئا نئہ کِہر نئین کِی ئیوہ؟' (41) اُوئون ئی دِیشون موئین اُوئی هِیک مُورتي ئی ناوئی، جِئی واسِرا جِیوئی هتئی، ان اُوئا مُورتي را نوم مانہ مال سِزاؤوا مڈیا، ان آپرون هاتون ئی ناوُل مُورتي مانہ کُشئی کِروا مڈیا. (42) تیام پِگِوون اُوئون نئہ ساڈیا پِرا، ان اُوئون نئہ آکاش رون تارون رُئی پُوزا کِروا دِیتئی. ہایا را پارام پِگِوون رُئی ای وات پِگِوون رو نیاپو دِیتا وازون را شاستر م لکل سئہ:

’او اسرائيليون،

تمي چاليهون سالون هُودِي رڻ موئين جيو مال سڙايو،
 او مُون هارُو ٿوڙي سڙايو تو.

④3 تمي تو مولڪ نومي ڏيوڻونا رو تنهُو

ان رفان نومي ڏيوڻونا رڻي تارا رڻي مورتڻي آپ پيڙڻي ليڏڻي،
 جيون ڏيوڻونون ري مورتڻي تمڻي پوزا ڪريا هارُو ناوي تي.
 هونهُ هُون تمون ننه بابل ملڪ ٿي پرلير
 پيزون ڪن قيڏي ڪراوين مڻيهر پرا.

④4 هونهُ پڳوون رو تنهُو، جيا ٿي پڳوون پيڙا ريا رڻي هاڪ ڀرتو، او آپتون
 ڏاڏون ڪن رڻ موئين هتو. او امروم ناول هتو زم پڳوون موسي ننه ڪيڏو تو ان
 نمونو ڏيڪاڙيو تو. ④5 تيا ڪيڙ او تنهُو آپتون ڏاڏون ننه اوئون رون موئون ٿي
 زڙيو، ان او هايا تنهُو ننه لين يشوع پيڙا ايٿنه آيا، زئين اوئي ايڻ ريون ڌاريون
 قومون را ملڪ مانهُ قوضو ڪريو، جيون ننه پڳوون هراوين آپتون ڏاڏون هوما
 ڪاڍيا پرا. هائي تنهُو اوئون ڪن دائود پاڏشا را وڪت هُودِي ريو. ④6 دائود ننه
 پڳوون رڻي ڪرپا زڙي، ان اوئهُ پڳوون ٿي وينتڻي ڪرڻي جي او اسرائيلي قوم
 هارُو پڳوون رو هيڪ پڪو گهر نوراوئهُ. ④7 پڻ نيٺ سليمان پاڏشا اسرائيلي
 قوم هارُو پڳوون رو گهر نورايو.

④8 پڻ پرميشور تو منڪون رون ناول منڌرون موئين نٿي ريتو، زم پڳوون رو

نياپو ڏيڏا واڙئهُ شاستر موئين لڪيوه:

④9 ’ايشور ام ڪئهُ:

آڪاش مارڻي گهاڏڻي سئهُ،

ان ڌرتڻي مارا پڳ مڻيا رڻي جڳا سئهُ.

تمڻي مُون هارُو ڪيو گهر ناوشو؟

مارئهُ آروم ڪريا رڻي جڳا ڪيهُ؟

50) اي ٻڌي شينهنون مٿين نٿي ٺاوي، ڪي؟ ”

51) پسئو استيفنس وڙي ڪيڏو: ”تمي تو ضڌي منڪ سو. پڳوون را حڪم پرموئنه تماري توهر تو ڪرل سئو، پڻ تمي نڪو پڳوون رڻي وات من موئين را ڪوه، نڪو ڪون ڏين هومپڙوه. تمي هميش پويتر آتما رنه ڪلاڻ ڪوم ڪروه. زم تمارا ڏاڏا ڪرتا، هم تمي پڻ ڪروه. 52) او ڪيو پڳوون رو نياپو ڏيڏا وازو سئو، جيا نئه تماري ڏاڏي تنگ نه ڪريو هوئو؟ اوئي پڳوون رو نياپو ڏيڏا وازون نئه پڻ ماريات پرا، جيئي پڳوون را پيڏوهي شيواڌاري رنه آيا رڻي مور ٿي ڪهر ڏيڏي ٿي. ان همئنه تمي وڙي اوئا پيڏوهي شيواڌاري ايسو نئه زهلاوين ڌاريون رنه خوالئه ڪريو ان ماريو پرو. 53) تمي او سو، جيون نئه پڳوون آڪاشي ڏوتون هات اپرا حڪم ڏيڏا تا، توئي پڻ تمي اوئون حڪمون مانه نه ووياء.“

استيفنس نه ايسو رڻي هاڪ پريا ري ڪري مارئو پرو

54) زئون ڌرمي پنچائيت ري منڪي استيفنس ري هائي واتون هومپڙي، تيون اوئون نئه اوئا مانه گهڻي رينه سڙي ان او ڏونت گهڙيا ڪروا مڌيا. 55) پڻ استيفنس پويتر آتما ٿي پرائين آڪاش هومو زوئي ريو تو ان پڳوون اوئا نئه زبڪتا سو جهرا موئين ڌرشن ڏيڏو، ان اوئه ايسو نئه پڳوون رنه زمئنه پاهنه مون موئين اوپل ڏيڪيو. 56) تيا مانه استيفنس ڪيڏو: ”همئنه مون نئه آڪاش ڪلل ڏيڪائو ريو، ان منڪ ذات رو ڏيڪرو پڳوون رنه زمئنه پاهنه مون موئين اوپل سئو.“

57) پڻ اوئي منڪي زور ٿي ڪاش ڪرين اڀرون ڪونون آڏا هات ڏين پنڌ ڪريا پرا، ان ٻڌائي پيڙا ٿين استيفنس مانه وڙي آيا. 58) ان اوئا نئه شهر ٿي بارو ڊيهڙين لي گيا ان اوئا نئه پوئا هئين نمو ماروا مڌيا. جي منڪي اوئا رنه ڪلاڻ هاڪ پري ٿي، اوئي پوئا هڻيا هارو ڪرين اپرا توڻال هيڪنه پاهنه سائول نومي هيڪا جوڻ منڪ ڪن ميليا. 59) زئون او استيفنس نئه پوئا هڻتات ريا، تيون استيفنس ام پراٿنا ڪرتوت ريو جي ”او پريو ايسو، تمي مارو جيو قبول ڪرو.“ 60) تيون

اُوته ڳوڏا کوزين زور ٿي ڪيڏو: ”او پرڻو، اي ڏوه ايئون مانه مت نوکيا!“ اُوته هم ڪيڏو، ان اونا رو هاه نيھري ڳيو.




8 ① ان سائول اونا ننه ماريا مانه راضي هتو.

يهوديه ملڪ ان سامريه علاقا ۾ وشواسي ترم پڪڙهه

سائول وشواسيون ننه تنگ ڪروا مڏهه

اونا ڏي ٿي لين وشواسي منڌڙي مانه، جي يروشلم شهر موئين هتئي، گهڻو ظلم ٿيو مڏيو. مُک شيلون شوا پيزا ٻڌائي وشواسي يروشلم ٿي پاڳين يهوديه ان سامريه علاقون موئين ايل اول ڳيا پرا.


② ڪئينڪ منڪ، جيا هاسا من ٿي پڳوون ننه مونتا، اوتي استيفنس رو لاش لين اونا ننه پوريو پرو، ان اونا را پار لين گهڻا رويا.



③ پڻ سائول وشواسي منڌڙي ننه ڪتم ڪريا رئي ڪوشش ڪروا مڏيو. او هر گهر موئين زائين وشواسي آدميون ان ڏوشيون ننه پارا ڏيهڙين جيل موئين پوراوتو.

فلپس سامريه علاقا موئين ايسو را پارام واتون همپڙاوته

④ هونه او وشواسي جيا يروشلم شهر ٿي پاڳيا تا، او ايل اول ويتون ايسو را پارام ڪشي رئي ڪهر همپڙاوتا ريا. ⑤ ان فلپس سامريه علاقا را ڪاس شهر موئين زائين، اوڻ رون منڪون ننه همپڙايو جي ايسو او هاڳي پڳوون رو سونيل پچايا واڙو ڪريست سته. ⑥ زئيون اوڻ ري ٻڌي منڪي فلپس ري واتون هومپڙي




ان اوتا را ڪوم ڏيڪيا، جي او منڪون ننه هازا هورا ڪريا ٿي ڪيو نيشون ڏيڪارڙهه، تئيون او هيڪ من ٽين اوتا ريون واتون مانه ڏيون ڏيوا مڏيا. ⑦ ڪم تو فلپس ري هاڻي گهڻون منڪون ٿي پوت رڙيون ڪرين نيهرتات ريا، ان گهڻا اڌرنڱ وازا ان رُونڱڙا منڪ هازا هورا ٿيڻات ريا. ⑧ ان اوتا شهر موئين گهڻي ڪشي ٿي.

جاڻو ڪريا وازو شمعون

⑨ اوتا شهر موئين شمعون نومي هيڪ منڪ هتو، جيو ڪئينڪ وڪت ٿي لين جاڏو رو ڪوم ڪرتو ان اوت ري سامري قوم رون منڪون ننه جاڏو ڏيڪارڙين حيرون ڪرتو، ان آپ ننه موٽو ڪيتو. ⑩ امير ان گريپ ٻڌائي اوتا ري وات مانه ڏيون ڏيتا، ان ڪيتا: ”اي منڪ پڳوون رو اوتار سئه، جيا اوتار ننه گهڻي ڪڙا وازو ڪئه.“ ⑪ او تيام اوتا ري وات مانه ڏيون ڏيتا ڪم تو اوئه گهڻا وڪت ٿي اوئون ننه آپرا جاڏو ٿي حيرون ڪرين راڪيا تا. ⑫ پڻ زئيون اوئي فلپس ريون

واتون مانھ يقين ڪريو، جيو پڳوونَ را راز ان ايسو ڪريست را پاران ڪشي ربي ڪهر همپزاوتو، تئيون ٻڌائي منڪ، آڌمي ان ڏوشي، پويتر سنون ليوا مڌيا. (13) شمعونَ آپ پڻ ايسو مانھ وشواس اوڻيو ان پويتر سنون لين فلپس پيڙو ريو. ان نيشون ان موٽا موٽا ڪوم ڏيڪين حيرون ٿيو.



(14) زئيون يروشلم شهر موئين مڪ شيلون ننه ڪهر پڙئي جي سامري قوم ري منڪي پڳوونَ را وچن مانھ وشواس اوڻيوھ، تو پطرس ان يوحنا ننه اوئون ڪن ميليا. (15) اوئي زائين سامري قوم رن منڪون ھارو پراٿنا ڪري زم اوئون ننه پويتر آتما زڙه، (16) ڪم تو اوئون موئين ٿي ھزون ھوڏي ڪيا ننه پويتر آتما نتو زڙيو، پڻ اوئي روڳو پريو ايسو را نوم

مانھ پويتر سنون ليدو تو. (17) پسته پطرس ان يوحنا اوئون مانھ ھاٿ ميليا، ان اوئون ننه پويتر آتما زڙيو.

(18) زئيون جاڏو ڪريا وائھ شمعون ڏيڪيو جي مڪ شيلون رنه ماٿه ھاٿ ميليا ٿي پويتر آتما زڙه، تو اوئون ڪن پئھا اوئين ڪيدو: (19) ”مون ننه پڻ اي ڪڙا ڏيو، زم جيا مانھ ھون ھاٿ ميلون، اوتا ننه پويتر آتما زڙه.“

(20) پڻ پطرس اوتا ننه ڪيدو: ”تارا پئھا لئه ان تڙي زا! پڳوونَ ڪرئه تون ھميش ري سزام پڙه، ڪم تو پويتر آتما جي پڳوونَ امھي ڏھ، تئين ام ھزميو جي او تون پئھمون ٿي لي ھيڪھ. (21) پويتر آتما ڏيوو نڪو تارو ڪوم سھ، نڪو ايٿام تارو حصو سھ، ڪم تو پڳوونَ ڪن تارو ڏل صاف نئي. (22) تيام اي ڪراپ ڪيال ساڏ ان ايشور ٿي پراٿنا ڪر. مون تارا ايٿا ڪراپ ڪيال ربي ماڦئي


زڙهه، ②3 ڪم تو هون زوئونه ريو جي تون لالچ را ڪين من موئين ريشي بڙهه، ان
ڏوه موئين قاتل سئو.

②4 تو شمعون ڪيڏو: ”تمي مون هارو ايشور ٿي پراڻا ڪرو، زم جي وات
تمي ڪيڏي، او مون مانه نه آوئ.“

②5 پسته پطرس ان يوحنا ايشور رو وچن هاڪ پرين همپڙيو، ان تيا ڪيڙ
پاسا يروشلم شهر موئين گيا پرا، ان زاتون زاتون سامري قوم رون گهڻون پاڙون
موئين ايسورا پارام ڪشي رئي ڪهر همپڙاوتا گيا.

فلپس ان اٿوپيا ملڪ رو وزير

②6 ايشور ره هيڪه ڏوت فلپس نه ڪيڏو: ”تون سنپرين ڏڪڻاڏلهه پاههه اوئا
گهڙو مانه زا، جيو يروشلم شهر ٿي غزه شهر هومو زائو.“ او گهڙو هونواڙ
موئين سئو. ②7 تيام فلپس اول هومو گيو. اوئو اٿوپيا ملڪ رو هيڪ منڪ زاتوت
ريو، جيو اٿوپيا ملڪ ري روئي ڪنداڪي رو وزير هتو، ان اوئا را پورا ڪزونا
مانه هتو، ان او ڪڏرو هتو. او يروشلم شهر موئين پگيون رئي پوزا ڪروا



آيو تو ②8 ان همشهه آپري
گهڙو گادي مانه پيهين
پاسو زاتوت ريو، ان پگيون
رو نياپو ڏيڏا واڙا يسعياه را
لڪل شاستر ٿي پشوت ريو.

②9 تيون پويتر آتما فلپس نه ڪيڏو: ”گادي ڏوڪڙو زائين وئ!“ ③0 ان
فلپس ڊوڙي زائين هومپڙيو جي وزير پگيون رو نياپو ڏيڏا واڙا يسعياه را لڪل
شاستر ٿي پئنه ريو. تو اوئو پونسيو: ”تمي جي پئوھ ريا، او هزموه ڪا نا؟“
③1 وزير ڪيڏو: ”هون ڪم ڪرين هزمي هيڪونه، زئون ڪوئي مون نه هزميا
واڙو نٿي؟“ پسته اوئو فلپس نه منٿ ڪرين آپ ڪن پيهاريو.

32) جڻي شاستر رڻي وات او پڻتوت ريو، او اي هڻي:

”زم ري ننه هلاليا هارو لي زانه،

هم اوئا ننه ماريا هارو لي گيا.

زم گهيتو اون ڪتريا وازون ڪن بولتو نڻي

هم او پڻ ڪئين نه بوليو.

33) اوئا رڻي پيعزتڻي ٿي

ان اوئا رو انصاف نه ٿيو.

هونه ڪون اوئا را اولاد را پارام همپزاوشي؟

ڪم تو ايئا دنيا ۾ اوئا رڻي حياتي ڪوهرائي گهيه.

34) پسنه وزير فلپس ننه منٿ ڪرين ڪيڏو: ”مون ننه هزماوو جي پگهون رو

نياپو ڏيڏا وازو اي وات ڪيا را پارام ڪنه ريو؟ آپ را پارام ڪا پيزا ڪياڪ

را پارام؟“ 35) تئين فلپس ايئا شاستر ري وات ٿي شروع ڪرين اوئا ننه ايسو

را پارام ڪشي رڻي ڪهر همپزاوئي.

36) شيرزا مانه ويتون ويتون ڪياڪ پوڻي وازي جگا ڪن پوگيا. تو وزير

ڪيڏو: ”زوئو، اي پوڻي پڙيوه. هونه پيزي ڪئي وات سئه، جي هون پويتر

سنون نه ليون؟“ 37) (تو فلپس اوئا ننه ڪيڏو: ”جي تم پورا من ٿي وشواس

اوئوه، تو پويتر سنون لي هيڪوه.“ تو وزير ڪيڏو: ”هون يقين راکونه جي

ايسو ڪريست پگهون رو ڏيڪرو سئه.“ 38) پسنه وزير گاڏي ننه اوپاڙيا رو

ڪيڏو، ان فلپس ان وزير بي ٿي زئا پوڻي موئين گيا، ان فلپس اوئا ننه پويتر

سنون ڏيڏو. 39) زئين پوڻي ٿي ٻارا نيهريا، تو ايشور رنه پويتر آتما فلپس ننه

اوچتو اوئون لين پيزيل ساڏيو. ان وزير اوئا ننه وزي نه ڏيڪيو، پڻ ڪش ٿيتو

آپرو مارگ لين گيو پرو.

40) پڻ فلپس آپ ننه اشدود شهر موئين ڏيڪيو، تو قيصريه شهر موئين زاتون


شيرزا مانه ٻڌون شهرون موئين ڪشي رڻي ڪهر همپزاوتو گيو.

سائول وشواسي تته



9 ① زئيون هائي واتون ٿيٿيت ري،
تئين سائول هزون هُوڌي پريو ايسو

مانه وشواس راڪيا واڙون مانه ريشي پڙين اوتون ننه نمو ماريا ري واتون ڪرتو تو. او مُک پوزاري ڪن گپو، ② ان اوتا ٿي دمشق شهر موئين پگيون رون منڊرون رون آگيونون هارو اجازت نوما را ڪاڳڙ مونگي ليڏا، زم ايسو را مارگ مانه وڍا واڙا منڪ اوتا ننه زڙه، او آدمي ڪا ڏوشي هون، تو اوتون ننه زهللويين سزا ڏيڏا هارو پاسا يروشلم شهر موئين لي اونه.



③ سائول زئيون دمشق شهر ڍوڪڙو پوگيو، تو اوچتو آڪاش ٿي سوجهرو اوتا رنه چوڌاري چلڪيو، ④ ان او زمي مانه پڙيو نو، ان اونه امراواز هومپريو: ”سائول، او سائول، تون مون ننه ڪم تنگ ڪرڻه؟“ ⑤ تو سائول پونسيو: ”پريو، تم ڪو سو؟“ تو اواز آيو: ”هون ايسو سون، جيا ننه تون تنگ ڪرڻه. ⑥ پڻ هون

تون اوت، ان شهر موئين زا. ان جئين ٿارنه ڪرو، او تون ننه اوتنه همپڙوشي.“
⑦ جيا منڪ سائول پيڙا زاتات ريا، او ماڻ ڪرين اويا تا، ڪم تو اواز هومپڙتات ريا، پڻ ڪيا ننه نتا ڏيڪتا. ⑧ پسته سائول زمي ٿي اونيو، ان آپري اونڪيون اوگهاڙي، پڻ او اونڌو ٿي گپو تو ان ڪئين ڏيڪي نتو هيڪتو. تيام منڪ اوتا ننه دمشق شهر موئين پاڊين تيڙي گپا. ⑨ سائول ترڻ ڏي اونڌو ريو، ان اونه نڪو ڪاڌو نڪو پيڏو.

⑩ اوتنه دمشق شهر موئين هيڪ وشواسي هتو جيا رو نوم حننياه هتو. اوتا ننه پريو ايسو شپنا را زم ڏيڪاڙو ڏين هاڏ ڏيڏو: ”او حننياه!“ تو اونه ڪيڏو: ”جي، پريو.“ ⑪ پريو اوتا ننه ڪيڏو: ”اوتا پڪا مانه زا، جيا ننه سڌو پڪو ڪڻه، ان اوتنه يهوداه ري گهري زائين ترسُس شهر را سائول نومي منڪ رئي

پونسا ڪرين اونا ٿي مڙ. ڪم تو او همئنه پرائنا ڪرئھ ريو، ⑫ ان اوئھ شپنا را زم هيڪا حننياه نومي منڪ نئھ ڏيڪيوھ، جيئنه گھر موئين آوين اونا مانھ هات ميليا، زم او وڙي ڏيڪي هيڪئھ. ⑬ حننياه ڪيڏو: ”او پرپو، مئين هايا منڪ را پارام گھئون منڪون ٿي هومپڙيوھ جي يروشلم شھر موئين اوئھ امون جيوون تمارون سونيل منڪون ٿي ڪتو ظلم ڪريوھ. ⑭ ان موئون پوزاريون ٿي اونا نئھ اڪتيارئي ڏيڏل سئھ، جي ايئنه زتا منڪ تمارو نوم لئھ، اوئون ٻڌون نئھ زھلاوئھ. ⑮ پڻ پرپو اونا نئھ ڪيڏو: ”تون زا، ڪم تو اي منڪ مارو ڪاس سونيل شيواڌاري سئھ، جيو ڌاري قومون، پاڌشائون، ان اسرائيلي قوم هومو مارو نوم ساوو ڪرشي. ⑯ ان هون آپ اونا نئھ ڏيڪاڙيھ جي اونا رئھ مون هارو ڪتو ڏڪ سهوو پڙشي.“


⑰ پسئھ حننياه اوئھ گھر گيو، ان آپرا هات سائول مانھ ميلين ڪيڏو: ”پائي سائول، پرپو مون نئھ ميليوھ، پرپو ايسو جيئنه ٿارا آيا رئھ ٿوئنه تون نئھ شيرڙا مانھ ڏيڪاڙو ڏيڏو تو. اوئھ مون نئھ ايئا هارو ميليوھ، زم تون وڙي ڏيڪي هيڪئھ، ان پويتر آتما ٿي پرائي زائھ. ⑱ ان جلدِي م سائول ريون اونڪيون ٿي قونترون جيوي شينھون نيسي پڙي گي، ان او وڙي ڏيڪو مڏيو، ان اوئھ اوئين پويتر سنون ليڏو. ⑲ پسئھ روئي ڪاڏي ان اونا نئھ وڙي وشيت زڙي.“

سائول دمشق شھر موئين ايسو را پارام همپڙاوئھ

سائول ڪئينڪ ڏي دمشق شھر رون وشواسيون پيڙو ريو. ⑳ ان جلدِي م پڳوون رون منڌرون موئين ايسو را پارام همپڙاووا مڏيو، جي او پڳوون رو ڏيڪرو سئھ. ㉑ هومپڙيا وڙا ٻڌائي منڪ گھڻي حيروني ٿي ڪيتا: ”اي او رو او منڪ نئي، ڪي، جيئنه يروشلم شھر موئين هائي نوم ليڏا وڙون نئھ ڪتھ ڪرياه پرا؟ ان ايئنه پڻ ايئا هارو آيو تو جي اوئون نئھ زھلاوين موئون پوزاريون ڪن لي زائھ.“ ㉒ پڻ سائول نئھ ٻوليا رئي وڌيڪ هيئت زڙي، ان ايئا وات نئھ ايوي ساوئي

ڪرين هزماوئي جي ايسو ڪم ڪرين پگهون رو سونڊل پچايا واڙو ڪريست سٺ، جي دمشق را يهودي اونا رو مقابلو نه ڪري هڪيا.

23 گهڻون ڏيئون ڪيڙ يهودي قوم ري ڪئينڪ منڪي سائول ننه نمو ماري رو ڦينصلو ڪريو، 24 پڻ ايشا وات رئي سائول ننه ڪهر پڙي گهڻي. او منڪ سائول ننه ڪتم ڪريا هارو ڏي رات شهر رون ڌروازون مانھ هوتا. 25 پڻ هڪ رات سائول ري ڪرل وشواسيئي اونا ننه ڏلا موئين پيهارين شهر را ڪوت ري پينت ٿي نيسو اوتاريو پرو.




سائول يروشلم شهر موئين پاسو زائھ

26 زئيون سائول يروشلم شهر موئين پاسو گيو، تنيون اوته وشواسيون ري توڙي ۾ پڙيا رئي ڪوشش ڪري، پڻ ٻڌائي اونا ٿي پيشاتا تا ڪم تو اوئون ننه يقين نٿو آتو جي هاس ۾ ايسو مانھ وشواس راکهه. 27 پڻ برنباس سائول ننه آپ پيڙو لين مڪ شيلون ڪن تيڙي گيو، ان اوئون ننه هزمايا جي پڙيو ايسو ڪم ڪرين سائول ننه شيرڙا مانھ ڏيڪارو ڏيڏو ان ايشا ٿي واتون ڪري، ان سائول

کيوي هيمنت ٿي دمشق شهر موئين ايسو را پارام واتون همپزاوي. ②8 پسته تيا
کيتر سائول يروشلم شهر موئين اوتون پيزو ٻڌيل ويتو ريتو، ان گهڻي هيمنت ٿي
پرپو را پارام همپزاوتو.

②9 سائول يوناني ٻوليي ڪريا وازون يهوديون ٿي واتون ان پحت ڪرتو. پن
او منک اوتا ننه نمو ماريا رٿي ڪوشش ڪرتا تا. ③0 زئيون وشواسي پايون ننه
هايا وات رٿي ڪهر پڙئي، تو اوتا ننه قيصره شهر موئين تيڙي گيا ان ترسس
شهر هومو روونو ڪريو پرو.



③1 تيام پورا يهوديه، گليل ان سامريه صوپون موئين وشواسي منڌري ننه
هڪ زڙيو، ان پوپتر آتما ري مدت ٿي وشواسيون رٿي هيمنت وڌيڻي رٿي، ان
او پرپو رو مون راکين اوتا ريون واتون مانه ويتا ريا، ان گهڻا منک وشواسي
ٿيڻا گيا.

پطرس لده شهر موئين هڪا منک ننه هازو هورو ڪرڻه

③2 پطرس ٻڌون علاقون رون وشواسيون ٿي مڙتو مڙتو، لده شهر رون وشواسيون
ڪن آوين پوگيو. ③3 اوتنه اوتنه اينياس نومي هڪا اڌرنگ را مونڌا ننه ڏيڪيو،

جيو آئون سالون ٿي ڪاتلا مانھ پڙيو تو. (34) پطرس اوثا ننه ڪيڏو: ”اينياس، ايسو ڪريست تون ننه ھازو ھورو ڪرھ. اوني، ان آھري ڳوڏڙي واڙ.“ ان او جلدِي ۾ اُونين اُپيو. (35) تتيون لُده شھر ري ان شارونَ علاقا ري منڪي اوثا ننه ڏيڪينَ پڙيو ايسو مانھ وشواس اوٿيو.



پطرس يافا شھر موئين هيڪي ڏوشي ننه جيوتئي ڪرھ

(36) يافا شھر موئين هيڪ وشواسي ڏوشي هنتي، جيا رو نوم تبيتا هتو، جيا رو مطلب سٺه هرتي. او گهٽا نائوڪا ڪوم ڪرتي ان پڳوون را نوم مانھ ڪيريات پڻ ڪرتي. (37) زئيون پطرس لُده شھر موئين هتو، تتيون او ڏوشي مونڏي تين مري ڳئي. ان اوثا ننه جهيلاڙين ماڙي مانھ راڪئي.



(38) لُده شھر يافا شھر ٿي ڏوڪڙو سٺه. تيام يافا رون وشواسيون ننه ڪهر پڙي ڳئي جي پطرس لُده موئين سٺه.

اوتي ٻي منڪ ميليا ان اوئون هات پطرس ننه ام ڪي ميليو جي ”ميريونئي ڪرين، امون ڪن جلدِي آوو.“ (39) تيا مانھ پطرس اوئون منڪون پيڙو وُڍو پرو. زئيون او اوٿنه پوڳيو، تو اوثا ننه ماڙي مانھ تيڙي ڳيا. اوٿنه ٻڌي رنڌال

اشیتري روتي روتي اوتا کن آوین آويي، ان جيا لوگهڙا تبيتا اوتون پيڙئي رين شيويا تا، او ڏيکارڙا لاڳي. ④0 تئيون پطرس بتون منڪون ننه ٻارا کاڍيا ان گهوڙا کوڙين پراڻنا ڪري. پسته لاش هومو ٿين ڪيڏو: ”تبيتا، اوني!“ ان اونه جيوتئي ٿين اونڪيون اوگهاڙي پري، ان پطرس ننه ڏيڪين اوتين پيئي. ④1 پطرس اوتا ننه هات موئين زهالين اوناڙئي، ان پسته رنڊال اشيتريون ننه ان پيزون وشواسيون ننه هاڙ ڪرين جيوتئي ڪرل ڏوشي اوتون ننه ڏيڏئي پري. ④2 اي وات پورا يافا شهر موئين پڪڙي گهي، ان گهڻي منڪي پريو ايسو مانه وشواس اوٿيو. ④3 پطرس گهڻا ڏي يافا موئين شمعون نومي هڪا منڪ ري گهري ريو، جيو سونهڙا رو کوم ڪرتو.


پطرس ان رومي ساب ڪرنيليس



10 ① قيصريه شهر موئين ڪرنيليس نومي هڪ ڌاري قوم رو منڪ هتو. او روم ملڪ ري قوج رو هڪ ساب هتو، ان قوج موئين اوتا توڙا رو هتو، جيا ننه اٿلي رو توڙو ڪئو. ② او ان اوتا را گهر را ٻڌائي پاتي ڌرمي هتا ان روگا پگيون مانه يقين را ڪتا. او ساب اسرائيلي قوم ننه گهڻي ڪيريات ڏيتو، ان هر وڪت پگيون ٿي پراڻنا ڪرتو. ③ هڪ ڏي، پپورون رنه توتنه ترٿيڪ واڳي، پگيون رنه هڪه آڪاشي ڏوت اوتا ننه ساونه نموننه ڏيکارو ڏين

اوتا کن آوین ڪيڏو: ”ڪرنيليس.“ ④ اونه ڏوت ننه ڏيون ٿي زيو، تو پيڻائي گيو، ان ڪيڏو: ”تمي ڪيوئه کوم آيا، پريو؟“ تو ڏوت اوتا ننه ڪيڏو: ”تاري پراڻناون ان ٿارئي ڪيريات پگيون کن پوگهيه ان اونه ٿارو هاڙ هومپڙيوه. ⑤ هونه يافا شهر موئين منڪون ننه ميلين هڪا شمعون نومي منڪ ننه آپ کن تيڙاوي لئه، جيا ننه پطرس پڻ ڪئو. ⑥ او سونهڙا رو کوم ڪريا واڙا شمعون

نومي منک ري گهري ميمون نئه، جيا رو گهر سموندي را کپ مانه سئه.“
 ⑦ زئيون آکاشي دوت گيو پرو، جيئنه اونا ئي واتون کري تي، تنيون اوئه
 آپرون نوکرون موئين ئي پيئون نئه تيژايا، ان جيا قوجي آپ کن اويآ تا، اوئون
 موئين ئي هيکا قوجي نئه پڻ تيژايو جيو پگوون مانه يقين راکتو. ⑧ کرنيليئس
 اوئون نئه ٻڌي واتون هزماوي ان پسئه يافا شهر هوما ميليا پرا.



⑨ پيڙه ڏي زئيون او منک شيرڙا مانه هتا ان يافا شهر ڏوڪڙا هتا، تو
 پطرس پپورون رئه توئنه گهر ري چت مانه پراٿنا ڪروا گيو. ⑩ اونا نئه پوک
 لاگئي ان اونا رو جيو روتئي کاوا ڪرتو تو. زئيون کاڌو تيار ٿيتوت ريو، تو اونا
 نئه شپنا را زم ڪئينڪ ڏيڪيام آيو. ⑪ اوئه آکاش کليل ڏيڪيو ان هيڪ موئي
 ساڌر جيويي شينه چارون کوئون ئي نيسي زمي مانه اوترتون ڏيڪئي، ⑫ جيا
 موئين هر نمونا را زناور ان پڪي هتا. ⑬ ان اونا نئه هيڪ اواز هومپڙيام آيو:
 ”او پطرس، اوئي. ايئون نئه هلالين کا!“

⑭ پڻ پطرس ڪيڌو: ”هون ماگي نئين ڪائون، پريو. مئين تو ايويي شينه
 ڪيڏي نئي کاڌئي، جي ڌرم پرموئنه پوندئي ان ڪراپ هوء.“

⑮ پسنه وڙي پيڙي وار ام اواز آيو: ”جيا نئه پڳوون پويتر ڪريوه، اونا نئه تون پوندو مت هزم.“ ⑯ ترڻ وار همروم ٿيو، ان پسنه او ساڌر آڪاش موئين اوپڙي گهي.

⑰ زئيون پطرس مڄهائين سوچتوت ريو جي ”اينا وات رو مطلب ڪي سئه، جئي پڳوون مون نئه ڏيڪاڙيھ؟“ تو اوئه ئي توئنه جيون منڪون نئه ڪرنيليس ميليا تا، او شمعون رو گهر گوتين ڌروازا مانھ آوين اوياء، ⑱ ان هاڏ ڪرين پونسوا مڏيا جي ”شمعون جيا نئه پطرس پڻ ڪئھ، او ايئنه رئه، ڪا نا؟“

⑲ زئيون پطرس اينا پڳوون ري ڏيڪاڙل وات را پارام سوچتوت ريو، تو پويتر آتما اونا نئه ڪيڏو: ”زو، ترڻ منڪ ٿارئي پونسوا ڪرھ ريا. ⑳ هوهه اونين نيسوزا، ان اونون پيڙو ڪٽڪو ڪريا ووٽو زا پرو، ڪم تو مئين اونون نئه ميلياھ.“ ㉑ پطرس نيسو اوترين اونون منڪون نئه ڪيڏو: ”جيا رئي تمي پونسوا ڪروه ريا، او هون سون. تمي ڪيونه ڪوم آياھ؟“

㉒ تو اوئي ڪيڏو: ”امون نئه ڪرنيليس نومي رومي قوچ رئه هيڪنه ساپ ميلياھ. اونائوڪو منڪ سئه، ان هيڪا پڳوون رو مون راکئھ. پوري يهودي قوم موئين اونا رو گهڻو مون سئه. پڳوون رئه هيڪنه پويتر ڏوت اونا نئه ڏيڪاڙو ڏين ڪيڏوه جي او تمون نئه آپ ڪن گهري تيڙاوين تمون ٿي واتون هومپڙنه.“ ㉓ تيام پطرس اونون نئه گهري تيڙي زائين آپ ڪن ٽڪاڙيا.



پيڙنه ڏي پطرس اونون پيڙو ٿين يافا شهر ٿي روونو ٿيو، ان اوٽ را ڪئينڪ وشواسي پائي پڻ پيڙا ڳيا. ㉔ وڙي پيڙنه

ڏي قيصريه شهر موئين آوين پوڳيا. اوئنه ڪرنيليس آپرون عزيزون ان ڪاس دوستون نئه پيڙا ڪرين اونون رئي وات زوتوت ريو. ㉕ پطرس زئيون گهر موئين آوتوت ريو، تو ڪرنيليس اونا نئه اوڪار ڏين اونا ري پڳي پڙيو نو. ㉖ پڻ پطرس اونا نئه اونائين ڪيڏو: ”اونين اويو، هون پڻ تمون جيوو منڪ سون.“

27) پسته پطرس اوتا ٿي واتون ڪرتو گهر موئين گيو، ان گهڻون منڪون ننه پيڙا ٿيل ڏيکين 28) اوتون ننه ڪيڏو: ”تمون ننه تو کبر سته جي ماري يهودي قوم را منڪ تمون جيوون ڌاري قوم رن منڪون ٿي شپ ڪرڻه، ان تمون ٿي واسطو راڪو ان تمون ڪن زاو امارا يهودي ڌرم رنه هاو ڪلاڻ سته. پڻ پگيون مون ننه اي وات ساوئي ڪرين ڏيڪاڙييه جي ڪيائي پڻ قوم را منڪ ننه ڪراب ان پوندو نه هزمون. 29) تيام زيون مون ننه تيڙايو، تو هون ايڙايا رو ڪيال ساڌين نا پاڙيا وگر سڌو وڍو آيو. هونه هون پونسونه جي تمي مون ننه ڪيا وات هارو تيڙايوه؟“

30) تو ڪرنيليس ڪيڏو: ”آز چار ڏي ٿيا، هون آڀرا گهر موئين ايته توتنه پپورن رو ترٿي واگي پراٿنا ڪرتوت ريو، تو اوچتو سوجها جيو لوگهڙا پيرل هيڪ منڪ مون ڪن هومو آوين اوپو، 31) ان ڪيڏو: ’ڪرنيليس، پگيون ٿارو هاڏ هومپڙيوه ان ٿارٿي ڪيريات اوتا ڪن پوگييه. 32) تيام ڪياڪ ننه يافا شهر موئين ميل، ان شمعون جيا ننه پطرس پڻ ڪنه، آڀ ڪن تيڙاوي لئه. او سونهڙا رو ڪوم ڪريا واڙا شمعون ري گهري ميمون سته، جيا رو گهر سمونڊ را ڪپ مانه سته. 33) تيام اونه ئي توتنه مئين تمون ڪن منڪ ميليا، ان تمي نائوڪو ڪريو جي آيا را. هونه امي ٻڌائي پگيون هوما پيڙا ٿياھ زم او ٻڌي واتون هومپڙون، جي ايشور تمون ننه همپڙايا رو ڪيڏوه.“

پطرس ڪرنيليس ننه ايسنو را پارام همپڙاوڻه

34) پسته پطرس ام ڪيو مڏيو: ”هونه مون ننه کبر پڙييه جي هاس ڀر پگيون ڪيا رو پاهو نٿي ليتو، 35) پڻ جو منڪ پگيون رو مون راڪنه ان اوتا ري وات مانه وڻه، او پلنه ڪيائي پڻ قوم رو هونه، پگيون اوتا ٿي ڪش سته. 36) اي او رو او نياپو سته، جيو پگيون امون اسرائيلي قوم رن منڪون ننه ڏيتو تو، زيون اونه اي ڪشي ري کبر همپڙاوڻي جي ايسو ڪريست پگيون ان منڪون

وسا منومئا کراوئھ، ان اي ٻڌون رو پڙيو سئھ.


(37) تمون نئھ کٻر سئھ جي زئيون يوحنا پويتر سنون ليڏا رو همپڙايو، تو پستھ تيا ڪيڙ گليل صويا ٿي لين پورا يهوديه ملڪ موئين ڪي ٿيو. (38) پڳوون ايسو ناصرت شهر وازا نئھ سونديو ان اوئا نئھ پويتر آتما ان ڪرا ڏيڏئي. او ايل اول ويتون پلائي ڪرتو ان جيا شيطون را قوضام تڪليب موئين هتا، اوئون ٻڌون نئھ هاڙا هورا ڪرتو ريو، ڪم تو پڳوون اوئا پيڙو هتو. (39) امي اوئا را ٻڌائي ڪوم اونڪيئي ڏيڪياھ، جيا اوئھ يهوديون را ملڪ ان يروشلم شهر موئين پڻ ڪريا. اوئي يهوديئي اوئا نئھ هوڙي مانھ سڙاوين مرايوت پرو. (40) پڻ پڳوون اوئا نئھ ترئمئھ ڏي موت ٿي جيوي اونڙايو، ان اوئا نئھ منڪون هومو ساوو ڪريو. (41) پڻ ايسو اماري پوري اسرائيلي قوم نئھ ڏيڪاڙو نه ڏيتو، روگا امون نئھ ڏيڪاڙا ڏيڏا، جيون نئھ پڳوون ايسو رئھ جيوي اوئا رئي هاڪ پريا هارو مور ٿي سونديا تا. ايسو رئھ مرلون موئين ٿي جيوي اوئا ڪيڙ، امي اوئا پيڙو کاڌو پيڏو. (42) ان اوئھ امون نئھ حڪم ڏيتو جي امي آپري اسرائيلي قوم رن منڪون نئھ هاڪ پرين همپڙاوون جي ايسو او رو او سئھ جيا نئھ پڳوون چيوتون ان مرلون رو نيا ڪريا هارو سونديوھ. (43) ايئا ايسو رئي پڳوون رو نياپو ڏيڏا وازا ٻڌائي هاڪ پڙھ جي جيو پڻ اوئا مانھ وشواس راڪئھ، اوئا نئھ ايسو را نوم ٿي ڏوهون رئي ماڻهي زڙشي.

پڳوون ڌاري قوم وازون نئھ پويتر آتما ڏئھ

(44) پطرس هزون ٻولتوت ريو، تو پويتر آتما اوئون ٻڌون منڪون مانھ اوتريو، جيا اوئا ري واتون هومپڙات ريا. (45) ان پطرس پيڙا جيا يهودي قوم را وشواسي منڪ آيا تا، او ٻڌائي حيرون ٿيا جي ڌاري قوم رن منڪون نئھ پڻ پڳوون پويتر آتما ڏيڏوھ، (46) ڪم تو اوئون نئھ ڪرا ٿي زڙل ٻولي ڪرتون ان پڳوون را وڪوڻ ڪرتون ڏيڪيا. تيون پطرس يهودي قوم رن وشواسيون نئھ ڪيڏو: (47) ”ايئون

نئه آڀتا زم پوٽر آتما زڙيوه. هوءَ ايئون نئه ڪوڻ روڪي هيڪڙه، جي پوٽر سنون نه لئه؟“ ④8 پسته پطرس اوئون ڌاري قوم وازون نئه ڪيڏو جي او ايسو ڪريست را نوم مانه پوٽر سنون لئه. زئيون اوئي پوٽر سنون ليڏو، تئيون اوئي پطرس نئه منٿ ڪرين ڪئينڪ ڏي آپ ڪن را ڪيو.

پطرس آپري يهودي قوم رون وشواسيون نئه ٻڌي واتون همپڙاوتھ



11 ① مک شيلي ان پورا يهوديه ملڪ ري وشواسي پايي هومپڙيو جي ڌاري قوم ري منڪي پڳوون رو وچن هومپڙين ايسو مانه وشواس اوڻيوه. ② زئيون پطرس يروشلم شهر موئين آيو،

تو اوت را وشواسي جيا ٻڌائي يهودي قوم را هتا ان جيون رئي توهر موسي را لڪل حڪم پرموئنه ٿيل هئي، او پطرس نئه ام وزگوا مڌيا: ③ ”تمي ڌاري قوم رون منڪون ڪن ڪم ڳيا، جيون رئي توهر نئي ڪرل؟ ان اوئون پيڙي روتئي ڪم ڪاڌي؟“

④ تئيون پطرس شروع ٿي لين او ٻڌي وات ام هڙماوئي: ⑤ ”هون يافا شهر موئين پراٿنا ڪرتوت ريو، ان شينا را زم پڳوون مون نئه ڪئينڪ ڏيڪاڙيو. مئين هيڪ موئي سادر جيوي شينه چارون ڪوئون ٿي آڪاش هون نيسي اوترتون ڏيڪي، ان او مون هومئي اوئي. ⑥ اوئا موئين زئيون مئين ڏيون ٿي زيو، توهر نمونا را زناور، پاڙل ان جهنگلي زناور، ان پڪي ڏيڪيام آيا. ⑦ ان مئين اي اواز پڻ هومپڙيو: ’او پطرس، اوئي. ايئون نئه هلالين ڪا!‘ ⑧ تو مئين ڪيڏو: ’هون ماڳي نئين ڪائون، پريو، ڪم تو مئين ڪيڏي ايوي شينه نئي ڪاڌي جي ڌرم پرموئنه پونڌي ان ڪراپ هوءَ. ⑨ تو پيڙي وار آڪاش ٿي اواز آيو: ’جيا نئه پڳوون پوٽر ڪريوه، اوئا نئه تون پونڌو مت هڙم. ⑩ ترڻ وار همروم ٿيو، ان پسته او ٻڌي شينهون آڪاش موئين اوپڙي ڳي.


⑪ اُوڻه ئي تُوڻه ترڻ منڪ اُوڻا گهر ڪن آوين اُويا، جيئن هون هتو. اُو
 قيصره شهر ٿي مون ڪن ميلل هتا. ⑫ پوٽر آتما مون ننه ڪيڏو: 'تُون ڪٿڪا
 ووڻو اُوئون پيڙو زا پرو.' پسته اي سو وشواسي پائي پڻ مون پيڙا هاليا، ان امي
 اُوڻا منڪ ري گهري ڳيا. ⑬ اُوڻه منڪ امون ننه همپڙايو جي اُوڻه آڪاشي ڏوت
 ننه آڀرا گهر موئين اُوپل ڏيڪيو، جيئن اُوڻا ننه ڪيڏو: 'يافا شهر موئين منڪ
 ميلين شمعون جيا ننه پطرس پڻ ڪئھ تيڙاوي لئه. ⑭ اُو تون ننه ايوي واتون
 همپڙوشي جيا ٿي تون ان تارو ٻڌو گهر پڳوون ري سزا ٿي پڇي زاشو ان تمون
 ننه تارڻ زڙشي.'

⑮ زئيون هون هائي واتون همپڙاوا مڏيو، تو پوٽر آتما اُوئون مانھ پڻ
 اوتريو، زم شروع ۾ آڀون مانھ اوتريو تو. ⑯ ان مون ننه پريو ايسو رئي ڪيڏل
 اُو وات همپڙي جي 'يوحنا پوڻي ٿي پوٽر سنون ڏيتو، پڻ تمون ننه پوٽر آتما
 ٿي پوٽر سنون زڙشي.' ⑰ هون، پڳوون اُوئون ننه پڻ پوٽر آتما ڏيڏو زم آڀون
 ننه پڻ ڏيڏو تو، زئيون آڀي پريو ايسو ڪريست مانھ وشواس اوڻيو تو. تو پسته
 هون ڪون هتو جي پڳوون ننه روڪي هيڪون؟"

⑱ اُو اي هومپڙين ماڻ ڪري ڳيا ان ام ڪين پڳوون را وڪوڻ ڪروا لاڳيا
 جي "هون پڳوون ڌاري قوم رن منڪون ننه پڻ توپونھ ڪريا رو موقعو ڏيڏوه،
 زم اُو آڀرا ڪراپ ڪوم ساڏين پڳوون ري وات مانھ وئ، ان اُوئون ننه هميش
 رو جيون زڙنه."

انطاڪيه شهر رئي وشواسي منڌڙي

⑲ هون اُو وشواسي جيا يروشلم شهر ٿي پاڳي ڳيا تا زئيون استيفنس ري
 ڪري وشواسيون مانھ ظلم ٿيو لاڳيو تو، اُو ايل اول زائين ڪوڪ فينيڪي
 علاقا، ڪوڪ ڪپرس پيٽ، ان ڪوڪ انطاڪيه شهر هوڏي پوڳي ڳيا. اُو زاتون
 زاتون آڀري يهودي قوم واڙون ننه ايسو را پارام همپڙاوتا، پڻ پيڙون ننه ڪئين



نه همپڙاوتا. ②0 پڻ اوتون موئين ٿي ڪئينڪ ڪپرس بيت واڙا ان ڪئينڪ ڪريني شهر واڙا هتا، جيا انطاڪيه شهر موئين آوين ڌاري قوم رون منڪون ننه پڻ پرپو ايسو رئي ڪشي رئي ڪبر همپڙاوتا. ②1 پڳوون اوتون پيڙو هتو، ان گهڻي منڪي يقين راکين پرپو ايسو مانه وشواس اوڻيو.

②2 اوتون منڪون رئي ڪبر يروشلم شهر ري وشواسي منڌڙي رون منڪون ننه پڙئي، ان اوڻي برنباس ننه انطاڪيه شهر موئين اوتون ڪن ميليو. ②3 برنباس اوڻه پوگين زئون ڏيڪيو جي پڳوون اوڻ رون منڪون مانه ڪنوئي ڪريا ڪريه، تيون گهڻو ڪش ٿيو، ان اوتون ٻڌون ننه حوصلو ڏيڌو جي او پورا من ٿي پرپو ري وات مانه ویتا رنه. ②4 برنباس ٺاڻوڪو منڪ هتو ان پويتر آتما ٿي پرال ان وشواس موئين پڪو هتو. ان گهڻا منڪ پرپو ايسو مانه وشواس اوڻين وشواسي منڌڙي موئين آيا.

②5 پسنه برنباس ساڻول ننه گوتوا ترسس شهر گيو پرو. ②6 ان اوڻا ننه گوتين اوڻا ننه پاسو انطاڪيه شهر موئين تيڙي آيو. او ٻي پورو هيڪ سال وشواسي منڌڙي ۾ پيڙا ٿيئا ريا ان گهڻون منڪون ننه شيڪاڙتا ريا. وشواسيون ننه مسيحي ڪيڏا رئي وات انطاڪيه شهر موئين شروع ٿئي.



27) اُوئي ڏيئي ڪئينڪ پڳوون رو نياپو ڏيڏا واڙا يروشلم شهر ٿي انطاڪيه شهر موئين آيا. 28) اُوئون موئين ٿي هيڪ زئو، جيا رو نوم اگبس هتو، اُوئين اُوپو ان اُوئه پويتر آتما را ڪيڏا ٿي همپرايو جي ”زتا ملڪ روم

ري حڪومت هيٺ سئو، اُوئون ٻڌون ملڪون موئين گهڻو ڏڪار پڙشي. ” او ڏڪار روم را پاڏشا ڪلوديس را راز موئين پڙيو. 29) تيام وشواسيئي اي ڦينصلو ڪريو جي آپري آپري هيئت پرموئنه ڦوڙئي ڪرين يهوديه ملڪ موئين ريا واڙون وشواسي پايون هارو اِمڏا ميلئه. 30) ان اُوئي همروم ڪريو، ان پسئو برنباس ان سائول ري هاڻي يروشلم شهر موئين وشواسي منڌڙي رون آڳيوونون ڪن اِمڏا ميلئي.


وشواسيون مانه وڙي ظلم تنه

12 1) اُوئا وڪت موئين هيروديس پاڏشا وشواسي منڌڙي رون ڪئينڪ منڪون نئه تنگ ڪروا شروع ڪريا، 2) ان يوحنا را پائي يعقوب نئه موت رئي سزا ڏين ترورار ٿي مرايو پرو. 3) زئيون اُوئه زويو جي يهودي قوم را منڪ ايئا وات مانه ڪش ٿياھ، تو اُوئه پطرس نئه پڻ زهلايو. او پاشڪا پرڀ رو هفتو هتو، جيا نئه روتيون رئي پرڀ ڪئھ. 4) تيام، هيروديس پاڏشا پطرس نئه زهلاوين اُوئا نئه جيل موئين پورايو، ان چار چار ڦوجيون را چار ٽولا لين وارا وارا ٿي اُوئا مانه پاهرو ڏيورايو، زم پاشڪا پرڀ را هفتا ڪيڙ او پطرس نئه جيل ٿي ڪاڊين اسرائيلي قوم هومو اُوئا نئه موت رئي سزا ڏيڏا رو ڦينصلو ڪرئ.

5) جيل موئين پطرس مانه پاهرو ويتوت ريو، پڻ وشواسي منڌڙي را منڪ پورا من ٿي اُوئا هارو پڳوون ٿي پرائئا ڪرتات ريا.

6 آکاشي دُوت پطرس نئه جيل ٿي بارو کائئه

⑥ زئيون هيروديس پادشا پطرس نئه منکون هومو اوٿيا واڙو هتو، تو اُوئه ئي رات پطرس بيئون قوجيون وسا هتڪڙي لاڳل اُونگهال پڙيو تو. هيڪ هات هيڪا قوجي را هات پيڙو بوندل هتو، ان پيڙو هات پيڙا قوجي را هات پيڙو بوندل هتو. ان پيڙا قوجي جيل رون دروازون مانه پاهرو ڏيتا ريا.



⑦ اوچتو ايشور رو هيڪ آکاشي دُوت آوين اُپيو، ان اُوئا ڪمرا موئين سوجهرو ٿيو. اُوئه پطرس نئه ڪوام زهالين زڳاريو، ان ڪيڏو: ”جلدي اُون!“ ان هتڪڙي اُوئا رون هاتون ٿي آفوكي کلي

گي. ⑧ پسئه آکاشي دُوت اُوئا نئه ڪيڏو: ”تيار ٿئه ان آپرا زوڙا پيرا!“ تو اُوئه همروم ڪريو. پسئه دُوت اُوئا نئه وڙي ڪيڏو: ”آپرو توتال اوڍين مُون وونهڙ هال!“ ⑨ تو پطرس اُوئا ڪمرا ٿي نيهرين دُوت وونهڙ وُڍو پرو، پڻ اُوئا نئه ڪهر ئي نه پڙئي جي جئين ڪئين دُوت را طرف ٿي ٿنه ريو اُو هاس ۾ ٿنه ريو. اُو سوچتو تو جي ”آکاشي دُوت شپنا را زم ڏيڪاڙو ڏئه ريو.“ ⑩ اُو پيرهئين ان پيڙئي سوڪئي مٽي گيا ان جيل را موتا لوهي دروازا مانه آوين پُوگيا، جيو شهر هومو کُلهه. اُو دروازو آفوكو کلي گيو. پسئه اُو اُوئون نيهرين هيڪ شيرئي مٽي گيا، ان تئيون اوچتو دُوت اُوئا ڪن ٿي گيو پرو.

⑪ تئيون پطرس نئه ڪهر پڙي گهي جي اي شپنو نٿي، ان اُوئه ڪيڏو: ”هوه مُون نئه ڪهر سئه جي هاس ۾ ايشور آپرو دُوت ميلين مُون نئه هيروديس پادشا را قوضا ٿي سڏايوه، ان مُون نئه اُوئا موت ٿي پچايوه، جيا رئي اميد يهودي قوم ري منڪي راڪئي ٿي.“

⑫ زئيون پطرس ايٿا وات نئه هزمي گيو، تو او يوحنا ري مان مريم ري گهري گيو، جيا يوحنا نئه مرقس پڻ ڪئھ. اوئھ گھڻا منڪ پيڙا ٿين پطرس هارو پراٿا ڪرتا ريا. ⑬ زئيون پطرس ٻارليو ڌروازو وڳاڙيو، تو رڏي نومي هيڪ نوڪروٿي ڌروازا مانھ آئي. ⑭ او پطرس رو هاڏ اوڙڪين اٿي ڪش ٿي جي اوٿا نئه ڌروازو ڪوليا رئي وات ويھري گهي، ان ڊوڙي زائين گھر موئين همپڙايو جي ”پطرس ڌروازا مانھ اوپوه.“ ⑮ پڻ اوئي نوڪروٿي نئه ڪيڏو: ”ٿون تو ڳونڏي سئھ.“ توئي او گھڻا زور ٿي ڪيٿيٿ رئي جي وات هاسيئي سئھ. پڻ اوئي ڪيڏو: ”نا، نا، پطرس رئي همپڙا ڪريا وازو ڏوت هوشي.“

⑯ پڻ پطرس هزون هوڏي ڌروازو وڳاڙتوت ريو. نيٺ اوئي ڌروازو اوگھاڙيو، ان پطرس نئه ڏيڪين حيرون ٿي گيا. ⑰ پطرس اوئون نئه هات را اشارا ٿي ڪيڏو جي ماٺ ڪرئھ ان اوئون نئه همپڙايو جي پڙيو اوٿا نئه ڪم ڪرين جيل ٿي ٻارو ڪاڍيوھ. تيا ڪيڙ ڪيڏو: ”يعقوب ان پيزون وشواسي پايون نئه اي واتون همپڙاويا پري!“ ان پسنھ پطرس اوئون نيھرين پيزيل گيو پرو.

⑱ هوار ٿيو، تو قوچي پيڪ موئين ايل اول ڊوڙوا مڏيا جي ”پطرس نئه ڪي ٿيوھ؟“ ⑲ زئيون هيروڊيس پاڏشا پطرس نئه تيڙايو، تو او نه زڙيو. پسنھ اوئھ پاھرو ڏيڏا وازون ٿي پونسا ڪرين اوئون نئه موت رئي سزا ڏيڏا هارو لي زايا رو ڪيڏو.

هيروڊيس پاڏشا رو موت

تيا ڪيڙ هيروڊيس پاڏشا يهوديون را علاقا ٿي نيھرين قيصره شهر موئين زائين ڪئينڪ وڪت ريو.

⑳ هوئھ هيروڊيس پاڏشا صور ان صيدا شھرون رون منڪون ٿي گھڻو رينھال هتو. او ٻڌائي پيڙا ٿين پاڏشا ڪن آيا. مور ٿي اوئي هڪا بلستس نومي منڪ نئه آڀرئھ پاھڻه ڪريو، جيو پاڏشا را مولات مانھ هتو، ان پسنھ اوئي پاڏشا نئه

مناووا کریو، کم تو اوتون رو ملک کادو ویساتو لیذا هارو پادشا را ملک رو موټاگ هتو.

②1 هیرو دیس پادشا را بوندل ډي مانه او آپرا پادشائون را اونچا لوگهټرا پیرین قینصلا ري گهاډي مانه پینو، ان اوتون پتون هومو تقریر کروا مډیو. ②2 تئیون ٻڌائي منک هیرو دیس پادشا را امر نعره هتوا لاگیا جی ”ای منک نټي، ډیو ٻولنه ریو!“ ②3 اونه ئي توتنه ایشور رنه هیکنه آکاشي ډوت اوتا ننه پیمار کریو پرو، کم تو اونه آپ ننه پگهون جیوو هزمین منکون ننه آپرا هیوا وکون کروا ډیذا. اوتا را پیت موئین کیټا پټیا، ان او مری گیو.


②4 ایشور رو وچن پکرتو گیو ان گهټا منک وشواسي ٿیتا گیا. ②5 برنباس ان سائول، امدادا ډیذا رو کوم پورو کرین، یروشلم شهر ٿي پاسا انطاکیه شهر موئین آیا، ان یوحنا ننه پیرو تیټي آیا، جیا ننه مرقس پڻ کئھ.


پولوس رو ایسو را پارام همپټایا هارو پیرهئون چکر

پویتر آتما برنباس ان سائول ننه آپرا کوم مانه سونڊین میله

13 ① انطاکیه شهر ري وشواسي منڌري موئین پگهون رو نیاپو ډیذا واڙا ان شیکاټیا واڙا ای هتا: برنباس، شمعون جیا ننه کاڙو کیتا، لوکیس کُرینی شهر واڙو، مناهیم جیو صویا مانه راز کریا واڙا هیرو دیس پیرو موټو ٿیو تو، ان سائول. ② زئیون او پریو رٿي شیوا کراتات ریا ان ورت راکتات ریا، تو پویتر آتما اوتون ننه کیټو: ”مون هارو برنباس ان سائول ننه ایٿا کوم مانه راکو، جیا هارو مئین اوتون ننه سونڊیاه.“ ③ تئیون اوتی ورت راکٿي ان پراٿنا کُرٿي، ان پسٿه اوتون مانه هات میلین اوتون هارو آشیرواڙ مونگیو ان اوتون ننه پریو ایسو را پارام همپټایا هارو روونا کریا پرا.

پولوس رو پيرهيون چکر





برنباس ان سائول کپرس بیت موئین هیکا جاتو کریا وازا ننه یگوون را پاها تی سزا ننه

④ پسنه برنباس ان سائول، پویتر آتما را کیدا تی زائین سمونید را کپ مانه سلوکیه شهر موئین گیا، ان اوئون بیژا موئین سزین کپرس بیت هوما رونا تیا.

⑤ کپرس بیت را سلمیس شهر موئین پوگین یهودیون رون مندرن موئین زائین یگوون رو وچن همپزاوا لاگیا. یوحنا مرقس اوئون پیژو مدت کریا هارو هتو.

⑥ اوئون بیت رنه پیزنه کپ متین پافس شهر موئین پوگیا. اوئنه اوئون ننه هیکه یهودی قوم رو منک پیژو تیو جیو جاتو رو کوم کرتو ان کوژ کرین آپ ننه یگوون رو نیاپو ڈیذا وازو کیوراوتو. اوئا رو نوم بریسوع هتو، ⑦ ان او بیت مانه راز کریا وازا رو دوست هتو.

راز کریا وازا رو نوم سرگیس پولوس هتو ان او عقل وازو منک هتو. اوئنه برنباس ان سائول ننه آپ کن تیژایا، زم اوئون تی یگوون رو وچن هومپژنه.

⑧ پڻ جاتو کریا وازو، جیا ننه الیماس پڻ کیتا، اوئون رنه کلاف تیو. الیماس نوم رو مطلب سه جاتو کریا وازو. او کوشش کرتو تو جی راز کریا وازو ایسو مانه وشواس نه اوئنه. ⑨ تئین سائول، جیا رو پیژو نوم پولوس هتو، پویتر آتما تی پرائین جاتو کریا وازا هومو دیون تی زوئین کیدو: ⑩ ”تارا من موئین روگئی نگئی ان چالاکئی سه. تون شیطون رو منک سه، ان هر نائوکا کوم رو دشمن سه. تون ایشور ری هاسی واتون همیشه کوژی کیتو ریه، کئی؟

⑪ هَوَئِه ايشور تون ننه سزا دئه. تون اوندو ٿي زائيه، ان ڪئينڪ وڪت هُوڌي ڪئين نئين ڏيڪنه. ”ان جهت موئين جادو ڪريا وازا ريون اونڪيون ۾ ڏنڌڪار ان اندارئي آوي گهي. او ايل اول هاتون ٿي قونقا ماروا مڏيو، زم اوتا ننه پايدين تيڙي زايا وازو زڙه.

⑫ تئيون بيت مانه راز ڪريا وازنه اي ڏيڪين وشواس اوٿيو، ڪم تو او پريو ايسو را پارام شيڪاڙل واتون مانه حيرون هتو.

گلتي صوڀا را انطاڪيه شهر موئين پولوس شيڪاڙه جي ايسو پچايا وازو ڪريست سئ

⑬ پسنه پولوس ان اوتا را ساٿي پافس شهر ٿي پيڙا مانه سترين سمونڊ ره پيڙه ڪپ اوترين پمفوليه صوڀا را پرگه شهر موئين آيا. اوتنه يوحنا مرقس اوئون ننه ساڏين اوئون پاسو يروشلم شهر گيو پرو. ⑭ پن او پرگه شهر ٿي

نيهرين پسديه علاقا را انطاڪيه شهر موئين پوگيا، ان پويتر ڏي را يهوديون را مندر موئين زائين پيئا. ⑮ زئيون مندر ۾ منڪي موسي رون لڪل حڪمون ان



پگورن رو نياپو ڏيڏا وازون را لڪل شاستر ٿي واتون پئين همپڙوي، تئيون مندر ري آگيونني پولوس ان برنباس ننه ام ڪي ميليو: ”جي تم ايتون منڪون ننه حوصلو ڏيڏا هارو ڪئينڪ وات همپڙاوا ڪرو، تو پلنه همپڙاوو.“


⑯ پسنه پولوس ائين هات ٿي اشارو ڪرين ڪيڏو: ”او اسرائيلي منڪون، ان ڌاري قوم وازون، تم جيا پگورن مانه يقين راکوه، ڌيون ٿي هومپڙو! ⑰ آڀئي اسرائيلي قوم ره پگورن ايتون ڏاڏون ننه سونڊيا. ان زئيون آڀئي قوم مصر ملڪ موئين پرڏيشي هئي، تو ايئا ننه هيڪ موٽي قوم ناوئي، ان آڀري گهڻي ڪڙا ٿي ايئا ننه آزاد ڪراوين اوئون بارئي ڪاڏي. ⑱ ان چاليهونڪ

سالون هُوڏي رڻ موئين اُوئون ري ٻڌي واتون سهتو ريو. (19) ان ڪنعان ملڪ موئين اوت ريون هات قومون ننه ڪتم ڪرين اُوئون رو ملڪ آڀڻي قوم ننه آڀرا وائڏا پرموئنه ڏيتو. (20) هائي ٻڌي واتون ٿيتون هُوڏي هاڏا چارڪ هو سال ٿي ڳيا.

تيا ڪيڙ ڀڳوون رو نياڀو ڏيڏا واڙا سيموئيل را وڪت هُوڏي ڀڳوون ڦينصلو ڪريا واڙا آڳيوون راڪيا. (21) پسته سيموئيل را وڪت موئين آڀڻي قوم ري منڪي آپ هارو پاڏشا مونڳيو، ان ڀڳوون سائول ننه سُونڊيو، جيو بنيامين ري ذات ٿي قيس رو ڏيڪرو هتو، ان اُوئون مانه چاليهون سالون هارو پاڏشا راڪيو. (22) تيا ڪيڙ ڀڳوون سائول ننه پاڏشائي ٿي نيسو اوتاريو ان اُوئون هارو داؤد ننه پاڏشا نايو، جيا را پارام ڀڳوون آپ ڪيڏو تو: 'يسي رو ڏيڪرو داؤد ايو منڪ سته جي مون ننه گهڻو ناٿوڪو لاڳهه. او مارئي ٻڌي مرضي پوري ڪري.' (23) اوتار ري پيڏي ٿي ڀڳوون آڀرا وائڏا پرموئنه ايسو ننه پچايا واڙو ناوين اسرائيلي قوم ڪن ميليو. (24) ايتا را آيا ٿي مور يوحنا پوري اسرائيلي قوم ننه همپڙايو جي او آڀرا ڪراب ڪوم ساڏين توبونه ڪرئه ان ڀڳوون ري وات مانه وئه، ان پويتر سنون لئه. (25) زئيون يوحنا آڀرو ڪوم پورو ڪريا واڙو هتو، تو او ڪيو مڏيو جي 'تمي مون ننه ڪي هزموه؟ هون او پچايا واڙو نٿي جيا رئي تمي وات زوئوه ريا. پڻ زوئو، او مون ڪيڙ آيا واڙو سته، جيا رون زوڙون را ڪشا ڪوليا جيو پڻ هون نٿي.'

(26) او پايون، ابراهيم رون پوترون، ان ڀڳوون مانه يقين راڪيا واڙون ڌاري قوم رون منڪون، هائي پچايا را پارام نياڀو ڀڳوون آڀون ننه ڏيڏوه. (27) وات ام سته، يروشلم شهر ري منڪي ان اُوئون ري آڳيووني ايسو ننه نه اوڙڪيو جي او ڀڳوون رو سونڊل پچايا واڙو ڪريست سته، ان نڪو ڀڳوون رو نياڀو ڏيڏا واڙون ري واتون هزمي، جي هر پويتر ڏي مانه همپڙاوهه. تيام اوئي ايسو ننه موت رئي سزا ڏيوڙاوين هائي شاستر ري واتون پوري ڪري. (28) اُوئون ڪن

ايسو ننه موت رڻي سزا ڏيورايا جيويي ڪئين وات نتڻي، توڻي پڻ اُوڻي راز ڪريا وازا پيلاطس ٿي اُوڻا ننه نمو ماريا رڻي منڻ ڪرڻي. (29) زئيون جئين ڪئين



ايسو را پارام شاستر موئين لڪل هتو، اُو اُوڻي پورو ڪريو، تو اُوڻا ننه هُوڙي ٿي اوتارين پونئيرا جيوا مقوم موئين راڪيو.

(30) پڻ پڳوون اُوڻا ننه مرلون موئين ٿي جيوي اوناڙيو، (31) ان اُو گهڻون ڏيئون هُوڙي اُوڻون ننه ڏيڪاڙا ڏيتو ريو، جيا اُوڻا پيڙا گليل صويا ٿي يروشلم شهر موئين آيا تا. ان همئنه اُو

منڪ آڀڻي اسرائيلي قوم هوما اُوڻا رڻي هاڪ پريا وازا سئنه. (32) ان امي هايا آڀڻون ڏاڏون ٿي ڪرل پڳوون را وائيدا را پارام تمون ننه اي ڪشي رڻي ڪهر همپڙاوونه (33) جي پڳوون ايسو ننه جيوي اوناڙيوه، ان هيوئه نموننه آڀون هارو، جيا اُوڻون را اولاد سون، هائي وائيدو پورو ڪريوه.

پڳوون اڳي ڪيدو تو جي اُو آڀرا ڏيڪرا ننه جيوي اوناڙشي، زم پزنون را شاستر زبور را پيڙا پزن ۾ لڪل سئنه:
'تون مارو ڏيڪرو سئنه.'

آز مئين وات ساوڻي ڪرين ڏيڪاڙيئھ جي هون ٿارو ڀاپ سون.
(34) ان پڳوون اي پڻ ڪيدو تو جي ايسو ننه مرلون موئين ٿي جيوي اوناڙيا ٿي آڀون ننه آشيرواڏ زڙشي، زم شاستر ۾ لڪل سئنه:

'هون آڀرا دائود ٿي ڪرل وائيدا تمون هارو پورا ڪريه،

ان آڀرا وائيدا ڪرل پويتر ان هاسا آشيرواڏ تمون ننه ڏيه.'

(35) ان دائود پڻ هاڳي وات ڪرڻي تڻي جي پڳوون ايسو ننه جيوي اوناڙشي ان اُوڻا رو لاش مقوم موئين هڙوا نئين ڏئه، زم شاستر را هيڪا پيڙا پزن ۾ لڪل سئنه:
'تمي آڀرا پويتر شيواڌاري ننه مقوم موئين هڙوا نئين ڏيو.'

(36) هوئه وات ساوڻي سئنه جي دائود آڀرا پارام نئين، پڻ ايسو را پارام هم ڪيدو، ڪم تو دائود آڀرا وڪت موئين پڳوون ري مرضي مانھ وين مري گيو،

ان آپرون ٻاپ ڏاڏون پيڙو ٿيو، ان او مقوم موئين هڙي گيو. (37) پڻ ايسو جيا ننه پگيون موت ٿي جيوي اوناڙيوه، او تو نه هڙيو.

(38) تيام، پايون، تمې هزمي ليو جي ايسو ري ڪري تمون ننه ڏوهون ري مائي ريئي ڪبر زڙهه، (39) ان هر او منڪ جيو ايسو مانه وشواس راکهه، اوتا ننه ٻڌون ڏوهون ريئي مائيني زڙهه، جيون ڏوهون ريئي موسي رون لڪل حڪمون مانه وودا ٿي مائيني نتئي زڙي هيڪتئي. (40) تيام هوشيار ٿيو. ايتا وات مانه تمې نئولي مت ڪريا، پڻ ايتا مانه يقين راکو. ام نه ٿه جي پگيون ريئي اي وات، جي پگيون رو نياپو ڏيڏا وازون را شاستر موئين لڪل سئه، تمون مانه هاسي ٿه!

(41) نئولي ڪريا وازون، زوئو، حيرون ٿيو، ان مري زائو!

ڪم تو هون تمارا ئي وڪت موئين هيڪ ايوو ڪوم ڪرونه،

جيا را پارام جي منڪ تمون ننه همپزاوشي،

توئي پڻ تمې يقين نئين ڪرو.

(42) پولوس هم ڪين برنباس پيڙو پگيون را مندر ٿي ٻارو نيهريو، ان اوئه توتنه منڪي اونون ٿي مينت ڪري جي ”آزوکا پويتر ڏي مانه پڻ امون ننه هيوي واتون همپزاويا.“ (43) زئيون پگتئي ڪتم ٿئي، تو گهئا يهودي ان ڌاري قوم وازا پڻ جيا پگيون مانه يقين راکين يهودي ڌرم موئين آيا تا، پولوس ان برنباس وونهڙ وودا. اوئي هايون منڪون ٿي واتون ڪري ان هيمنت راکيا رو ڪيڏو جي ”پگيون تمون مانه ڪريا ڪريه، تو ايتا مانه يقين راکتا ريو.“

انطاڪي شهر ٿي پولوس ان برنباس ننه ٻارا ڪاڏهه

(44) پيڙا پويتر ڏي مانه اندازام پورا شهر را منڪ ايشور رو وچن هومپزاويا پيڙا ٿيا. (45) تئيون يهودي اتون گهئون منڪون ننه ڏيڪين گهئا ريشي پڙيا، ان پولوس ريون واتون رنه ڪلاڻ ان اوتا ٿي پونڏو ٻولوا مڏيا. (46) پڻ پولوس ان برنباس

هيمنت ٿي ڪيو مڏيا: ”اي وات ضروري هئڻي جي امي مور ٿي تمون يهوديون ننه پڳوون رو وچن همپڙاوون. پڻ تمي ايٺا ننه نٿي مونتا، ان آپ ننه هميش رو جيون ليڏا جيوا نٿي ٺاوتا، تو هوننه تمون ننه ساڏين امي ڌاريون قومون ڪن زائوننه. (47) ڪم تو ايشور امون ننه هر هيڪ ننه اي حڪم ڏيڏوه:

’مئين تون ننه ڌاريون قومون هارو سوجهرو ڪرين راکيوه،
زم پوري ڏنيا رون منڪون ننه ٿاري ڪري تارڻ زڙنه.’

(48) هائي وات هومپڙين ڌاري قوم را منڪ گهڻا ڪش ٿيا، ان ايشور را وچن را وڪوڻ ڪروا لاڳيا. ان زتون ننه پڳوون هميش رو جيون ليڏا هارو سونديا تا، او ايسو مانه وشواس لي آيا.

(49) اوٺا ٻڌا علاقا موئين ايشور رو وچن پڪڙتو ريو. (50) پڻ يهوديئي اوٺا شهر ريون مون وازيون اشيتريون ننه، جي پڳوون مانه يقين راکتي، ان شهر رون آڳيوونون ننه پڻ ڪلاڦ پريا، ان اوئي پولوس ان برنباس ننه تنگ ڪراوين اوٺا علاقا ٿي ٻارا ڪايا پرا. (51) تئينون پولوس ان برنباس اوٺون ٿي واسطو ڪتم ڪرين آپرون پڳون رئي ڏوڙ اوٺون هومئي ڪيرئي ان اڪنيم شهر هوما وودا پرا. (52) پڻ اوٺ را انطاڪيه شهر را وشواسي گهڻا ڪش ريتا ان پويتر آتما ٿي پرا ل ريتا.



اڪنيم شهر موئين منڪ پولوس ان برنباس ننه ماري نوڪوا ڪرئنه

14 (1) اڪنيم شهر موئين پڻ همروم ٿيو. پولوس ان برنباس يهوديون را مندر موئين ڳيا ان ايوي واتون همپڙاوي جي يهودي قوم را ان پزيون ڌاريون قومون را پڻ گهڻا منڪ وشواسي ٿي ڳيا. (2) پڻ جيئي يهوديئي وشواس ننه اوٺيو، اوئي ڌاري قوم وازون ننه جونش ڏيوراوين وشواسيون رنه ڪلاڦ ڪريا.

③ پولوس ان برنباس اوتنه گهڻو وڪت ريا ان هيمنت ٿي پرپو ايسو را پارام واتون همپڙاوتا ريا. ان پرپو اوتون ري هاڻي منڪون ننه هازا هورا ڪرين نيشون ان پرسا ڏيڪاڙيا، ان هيونئ نمونئ اوتنه ٿايتي ڏيڏي جي اوتا ري ڪرپا رو وچن هاسو سئ. ④ شهر رون منڪون ري بي پالتي ٿي گي، ڪئينڪ يهوديون رنه پاهنه ٿيا، ان ڪئينڪ مڪ شيلون رنه پاهنه ٿيا.

⑤ تئيون ڌاري قوم ري منڪي ان يهوديئي آپرون آگيونون پيڙا تين پولوس ان برنباس رئي پيعزتي ڪريا رو ان پوئا هٿين نمو ماريا رو ڦينصلو ڪريو.

⑥ زئيون پولوس ان برنباس ننه هايا وات رئي ڪهر پڙي گهي، تو او اوتون پاگين لڪائيه علاقا موئين گيا. اوتنه لستره ان دربي شهرون موئين ان آهنه پاهنه زاتا، ⑦ ان ايسو را پارام ڪشي رئي ڪهر همپڙاوتا ريا.



لستره شهر موئين پولوس ننه ماريا هارو پوئا هئنه

⑧ لستره شهر موئين هڪ منڪ هتو، جيو زاو زلميو رونغڙو هتو، ان ڪيڏي نتو وويدو. ⑨ او بينو پولوس ري واتون هومپڙوتوت ريو. پولوس اوتا ننه ڏيون ٿي زويو، تو اوتا ننه ڪهر پڙي جي ايئا منڪ موئين هازو هورو ٿيا رو يقين سئ، ⑩ ان اوتنه زور ٿي رونغڙا ننه ڪيڏو: ”آپرون پگون مانه سڌو تين اوپ!“ تو رونغڙو نينڪڙو مارين اوتيو، ان ويوا مڏيو.

⑪ ٻڌي منڪي پولوس رو اي ڪوم ڏيڪين آپري لڪائيه ٻولي موئين زور ٿي ڪيڏو: ”منڪون را روپ موئين آپون ڪن ڏيو آياھ را.“ ⑫ اوتني منڪي برنباس ننه آپرون ڏيون رو آگيون هزمين زيوس ڪيڏو، ان پولوس ننه نياپو ڏيڏا واڙو ڏيو هزمين هرميس ڪيڏو، ڪم تو پولوس برنباس ٿي وڌارنه ٻولتوت ريو. ⑬ پسئ او پوزاري جيو زيوس ڏيو ري پوزا رو ڪوم ڪرتو، جيا ڏيو



رو مندر شهر ٿي ٻارو هتو، اُو آکا ڊڳا
ان ڦولڙون را هار شهر را دروازا مانه
لي آوين منڪون پيڙو مڪ شيلون را نوم
مانه ساڙوا ڪرتو تو.

⑭ زئيون مڪ شيلي پولوس ان
برنباس ايٺا وات را پارام هومپڙيو، تو
اوتون ننه ايوو ڏڪ ٿيو جي اوتِي آپرا
لُوگهڙا ڦاڙيا ان منڪون وسا ڍوڙي زائين

زور زور ٿي ڪيو مڏيا جي ⑮ ”پايون، اي تمِي ڪي ڪروھ ريا؟ امي ڏيو نٿي،
پڻ تمون جيو منڪ سون. ان امي اي ڪشي رئي ڪبر تمون ننه تيام همپڙاونھ
ريا، زم تمِي ڏيون ننه پوزيا ري اي ڪوڙي واتون ساڏين جيوتا پگهون مانھ
وشواس اوٿو، جيئنه آڪاش، زمئي، سمونڊ ان جئين ڪئين ايئون موئين سنھ،
ٻڌوئي ڪئين نايوھ. ⑯ پگهون اگلوڪون زمونون موئين ڌاريون قومون ننه آپرا
آپرا شيرڙا مانھ ويوا ڏيتي. ⑰ توئي پڻ اُو هميش ٿي آپرا پارام ھاڪ پرتو
رھ، ڪم تو اُو منڪون ٿي پلائي ڪرھ، آپون ھارو آڪاش ٿي مي ورھاوئھ،
آپئي پوک ھارو مڏون ڏئھ، ان آپون ننه کاڌا ٿي ڊپڙاوين من موئين ڪشي
ڏئھ.“ ⑱ اي واتون ڪين اوتِي مس مس منڪون ننه آپرا نوم مانھ مال سڙايا
ٿي روڪيا.

⑲ پسنه ڪينڪ يھودي انطاڪيه ان اڪنيم شھرون ٿي آيا، ان منڪون ننه
آپرئھ پاهنه ڪرين پولوس ننه پوٺا هٿين ماريو ان مرل ھزمين اوتنا ننه ڊيھڙين
شھر ٿي ٻارو لي زائين ڍلو ڪريو. ⑳ پڻ زئيون وشواسي آوين اوتنا رنه چوڌاري
اوپا، تو اُو اوتيو ان پاسو شھر موئين گيو. پيڙنه ڏي پولوس ان برنباس اوتون
دربي شھر هوما گيا پرا.

پولوس ان برنباس دربي شهر تي پاسا آپرا انطاڪيه شهر ۾ زائھ

21) پولوس ان برنباس دربي شهر موئين ڪشي رئي ڪبر همپزاوئي ان گهڻا منڪ

وشواسي تي ڳيا. پسنه او لستره، اڪنيم

ان انطاڪيه شهرن موئين وڙي پاسا

آيا را، 22) ان شهر شهر موئين ٿيتون او

وشواسيون ننه هيمنت ڏيتا، ان حونصلو

ڏيتا جي ”وشواس ۾ پڪا ريو،“ ان اي شيڪاڙتا جي ”آپون ننه ڀڳون را راز

موئين زايا هارو گهڻي تڪليپون سهو پڙشي.“ 23) ان اوئي هر هيڪ وشواسي

مندڙي موئين اوئون هارو ڪينڪ آڳيون راکيا، ان ورت راکين وشواسيون هارو

پراٿنا ڪري ان اوئون ننه پرپو ري همپاڙ موئين ڏيڏا، جيا مانه اوئي وشواس

اوئيو تو.

24) پسنه پولوس ان برنباس اوئا پسديه علاقا تي نيهرين پمفوليه علاقا موئين

آيا. 25) ان اوئا علاقا را پرگه شهر موئين

ڀڳون رو وچن همپزاوين سمونڊ را ڪپ

مانه اتليه شهر موئين آيا. 26) اوئون

پيڙا مانه سڙين آپرا انطاڪيه شهر هوما

پاسا رونا ٿيا، جيئنه وشواسيئي اوئون ننه ڀڳون ري همپاڙ موئين ڏيڏا تا،

زم ڀڳون اوئون ننه اي ڪوم ڪريا رئي ڪريا ڏنه، جيو ڪوم او همئنه پورو

ڪرين آياھ.

27) اوئنه پوڳين اوئي وشواسيون ننه پيڙا ڪريا، ان اوئون ننه همپزاو جي

ڀڳون اوئون تي ڪيو ڪيو ڪوم ڪراياھ، ان ڌاريون قومون هارو وشواس

اوئيا رو ڌر اوگهاڙيوھ. 28) ان اوئنه او گهڻا ڏي وشواسيون پيڙا ريا.



يرُوشلم موئين ڌاري قُوم وازون هارُو وشواسي پنچائيت پيڙئي تَهه

15 ① پسنه يهودي قُوم را ڪئينڪ وشواسي يهوديه صُوپا ٿي انطاڪيه شهر موئين آيا، ان ڌاري قُوم رون وشواسي پايون ننه ام شيڪاڙوا لاڳيا: ”جي مُوسي رون لڪل حُڪمون پرموئنه تمارئي توهر نئين ٿنه، تو تمون ننه تارن زڙي نئين هيڪنه.“ ② تتيون پولوس ان برنباس اوتون منڪون ٿي هايا وات مانه گهئا وڙگهئا ان اوتون ٿي گهڻي پحت ٿي. تيام وشواسي منڌري ري منڪي آپ موئين ٿي پولوس، برنباس ان پيزا ڪئينڪ منڪ سونديا، زم ايئا وات هارُو يرُوشلم شهر موئين زائين مڪ شيلون ان اوت ري منڌري رون آڳيوونون ڪن ڦينصلو ڪراوئه.

③ پسنه انطاڪيه شهر ري وشواسي منڌري ري منڪي اوتون ننه رونا ڪريا، ان اُو فينيڪي ان سامريه علاقون ٿي متتون اوت رون وشواسي پايون ننه ڌاريون قُومون رنه وشواس اوٿيا را پارام همپزاوتا، ان اُو ٻڌائي هومپزين گهئا ڪش ٿيتا. ④ زتيون يرُوشلم شهر موئين پوگيا، تو وشواسي منڌري را منڪ، مڪ شيلا ان پيزا آڳيوون اوتون ٿي ڪشي هون مڙيا. پسنه پولوس ان برنباس اوتون ننه همپزاو جي پڳوون اوتون ٿي ڪيا ڪيا ڪوم ڪرايا. ⑤ پڻ فريسي پالتي ٿي جيا منڪ وشواسي ٿيا تا، اوتون موئين ٿي ڪئينڪ منڪ اوتين ڪيا مڌيا جي ”اُو ڌاري قُوم وازا جي وشواسي ٿي گياھ، اوتون رنه توهر ڪراوو ڪپنه ان اوتون ننه مُوسي رون لڪل حُڪمون مانه وُڍا رو ڪيوو ڪپنه.“

⑥ پسنه مڪ شيلا ان وشواسي منڌري را آڳيوون ايئا وات مانه ڦينصلو ڪريا هارُو پيزا ٿيا. ⑦ گهڻي پحت ڪيڙ، شمعون پطرس اوتين اوتون ننه ڪيڌو: ”پريمي پايون، تمون ننه ڪهر سئه گهئا ڏي ٿيا پڳوون آپون موئين ٿي مون ننه سونديو تو زم هون ڌاري قُوم رون منڪون ننه ايسو را پارام همپزاوون، ان

مُون ٿي ڪُشي رٿي ڪهر هومپڙين ڌاري قُوم ري منڪي وشواس اوڻيو تو. ⑧ ان پڳوون، جيو منڪون رون منون نئه اوڙگهه، اوئون نئه آڀتا زم پوٽر آتما ڏيڏا ٿي اوئون نئه قبول ڪريا رٿي هاڪ پرڻي. ⑨ اوئون را وشواس ري ڪري پڳوون اوئون را من پوٽر ڪرين آڀون يهوديون ان اوئون ڌاري قُوم واڙون وسا ڪئين قرق نه راڪيو. ⑩ هونئ تمي ايئا وات ۾ پڳوون نئه ڪم آزماوهه ريا؟ تمي موسي رون لڪل ٻڌون حڪمون مانه وُڍا رو ڪين وشواسيون مانه ايوو پار ڪم نوڪوا ڪروه ريا، جيا نئه نڪو آڀتا ٻاپ ڏاڏا اوڀاڙي هيڪيا تا ان نڪو آڀي اوڀاڙي هيڪتا تا؟ ⑪ آڀو يقين اي سئ، جي موسي رون لڪل حڪمون مانه وُڍا ٿي نئين، پڻ پريو ايسو ري ڪريا ٿي، آڀون نئه، ڌاري قُوم واڙون را زم، تارڻ زڙهه.

⑫ پسنه ٻڌائي منڪ ماڻ ڪري گيا، ان پولوس ان برنباس ري واتون هومپڙوا مڏيا، جي پڳوون اوئون ري هاڻي ڌاريون قُومون موئين ڪيو ڪيو نيشون ان پرسا ڏيڪاڙيا.

⑬ زئيون او واتون ڪري ريا، تو يعقوب ڪيو مڏيو: ”پايون، مارڻي وات هومپڙو! ⑭ شمعون همئنه همپڙايو جي پڳوون مور ٿي ڪم ڪرين ڌاريون قُومون مانه ڏيون ڏيڏو زم اوئون موئين ٿي آڀرا سونڍل منڪ ٺاوهه. ⑮ اي وات پڳوون رو نياپو ڏيڏا واري اڳي ڪيڏي ٿي، زم شاستر موئين لڪل سئ:

⑯ ايشور ام ڪهه ريو:

آيا وازا وڪت ۾ هون وڙي پاسو آويه،

ان دائود ري پڙل پيڏي نئه وڙي همئي ڪريه،

ان اوئا را پريآ ٿيل راز نئه

هون همو ڪرين ڏاڍو راڪيه،

⑰ زم پيڙا ٻڌائي منڪ،

ٻڌيون ڌاريون قُومون را منڪ

جيا مارا منڪ ڪيورائھ،

اُو مُون ڪن آوئھ.

⑱ ايشور هم ڪئھ ريو

جيئھ شروعات ٿي لين ھائي واتون ساوي ڪريھ.

⑲ تيام، پايون، مارو ڪيال اي سئھ، ڌاريون قومون ٿي جيا منڪ پڳوون

مانھ وشواس اوئھ، آبي اوئون نئھ موسي رون لڪل ٻڌون حڪمون مانھ وُڍا

رئي تڪليب نہ ڏيون. ⑳ پڻ اوئون نئھ ام لڪين ميلون جي اُو اي حڪم مونئھ، جيا

ٿي آبي يھودي اوئون ڌاري قوم واڙون

ٿي واسطو راکي هيڪون. اُو ڏيوئونون

را نوم مانھ سڙاول مال نہ ڪائھ، پونڌو

ڪوم نہ ڪرئھ، جيو مال ٽونپو ڏين مارل

ھوئھ اُو نہ ڪائھ پڻ ھلالل مال ڪائھ،

ان لوئي نہ ڪائھ. ㉑ ھايون حڪمون را

پارام ڌاري قوم واڙون نئھ اڳي ڪبر

ھوشي، ڪم تو زونا وڪت ٿي لين موسي

را لڪل حڪم ھر شھر موئين ھمپڙاوئھ،

ان پڳوون رون منڌرون موئين ھر پويتر

ڏي مانھ پئين ھمپڙاوئھ.



يرؤشلم شھر را يھودي قوم را وشواسي

ڌاري قوم رون وشواسيون نئ ڪت لڪئھ

㉒ پستھ ھائي وات موين مڪ شيلي، آڳيون، ان وشواسي منڌري ري ٻڌي

منڪي اي قينصلو ڪريو جي ”آپون موئين ٿي ڪئينڪ منڪ سونديون جيا پولوس

ان برنباس پيڙا انطاڪيھ شھر زائھ.“ ان اوئي ٻي منڪ سونديا، جيون نئھ وشواسي

مونَ ڏيٽا، هيڪ يهوداه جيا نئه برسبا پڻ ڪيٽا، ان پيزو سيلاس. ②3 اُوئي اُوئون هات ام لڪينَ ڏي ميليو:



”امي مُڪ شيلان منڌڙي را آڳيون، تمارا وشواسي پائي، تمون ڌاري قُوم رون وشواسي پايون ان پينون نئه نمسڪار ڪونه، جيا انطاڪيه شهر ان پُورا سُوريه ان ڪلڪيه صُويا موئين ريوه.“

②4 امي هومپزيوه جي امون ايٽ رون يهودي وشواسيون موئين ٿي ڪئينڪ منڪ تمون ڪن آيا، ان آپريون واتون ٿي تمون نئه گڻتيون م نوڪياھ ان تمون نئه من موئين ڏڪ ڏيڏوه. امي اُوئون نئه نتا ميليا.

②5 تيام امي ٻڌي هيڪ من ٿينَ اي ڦينصلو ڪريو، جي ڪئينڪ سُونيل منڪون نئه آپئون پريمي پايون برنباس ان پولوس پيڙا تمون ڪن ميلون. برنباس ان پولوس ايوا منڪ سئه، ②6 جيئي آپرا جيو آپڻا پريو ايسو ڪريست را نوم مانھ ڏيڏا هارو تيار راکياھ. ②7 تيام امي يهوداه ان سيلاس نئه ميلونھ ريا، جي اُو تمون نئه اماري لڪل واتون رُوپرو همپزاوئه.

②8 پويتر آتما ان امون نئه ٺيڪ لاڳيوھ جي تمون مانھ ايئون ضروري واتون شوا پيزو ڪئين پار نه نوڪون. ②9 تمي ڏيوئونا را نوم مانھ سڙاول مال مت ڪايا. لوئي مت ڪايا. جيو مال هلالل نه هوئه، پڻ ٽونپو ڏين مارل هوئه اُوئا نئه پڻ مت ڪايا. ان پُونڌو ڪوم مت ڪريا.

جي تمي هايون واتون ٿي آپ نئه پچاوين راکشو، تو تمي ٺاڻوڪو ڪرشو. نمستي.“

③0 پسته اُو رَوونا ٿيا ان انطاڪيه شهر موئين زائين پوگيا. ان اُوئنه پوگين ٻڌون وشواسيون نئه پيڙا ڪرين اُوئون نئه ڪت ڏيڏو پرو. ③1 ڪت پئين اُوئون نئه حونصلو ٿيو جي اُوئون رئه موسي رون لڪل ٻڌون حڪمون مانھ ويو ضروري نٿي، ان اُو گهڻا ڪش ٿيا. ③2 يهوداه ان سيلاس، جيا آپ پڳوون رو

نياپو ڏيڏا وازا هتا، وشواسي پايون ننه گهڻي واتون هزماوين حوصلو ڏيڏو ان اوئون رو يقين پڪو ڪرايو. (33) او ڪئينڪ ڏي اوڻه ريا ان پسنه وشواسيئي اوئون ننه هڪي ريا رو ڪين زوونا ڪريا، زم او پاسا يروشلم شهر ۾ آپرون منڪون ڪن زانه جيئي اوئون ننه ميليا تا. (34) پڻ سيلاس ننه اوڻه ريوو نائوڪو لاڳيو.


(35) پڻ پولوس ان برنباس انطاڪيه شهر موئين ريا، ان او ان پيزا گهڻا منڪ ايشور رو وچن شيڪاڙتا ان ڪشي رڻي ڪهر همپزاوتا.

پولوس رو ايسنو را پارام همپزيا هارو پيزو چڪر

پولوس ان برنباس ڌار ڌار ڪوم ڪروا لاڳهه

(36) ڪئينڪ ڏيئون ڪيڙ پولوس برنباس ننه ڪيڏو: ”جيون جيون شهرن موئين آبي ايشور رو وچن همپزياو تو، هالو، اوت رون وشواسي پايون ڪن هالين زوئون جي ڪم ڪرڻ ريا؟“ (37) برنباس رڻي مرضي هڻي جي مرقس ننه پيزو تيڙي زانه، جيا رو نوم اڳي يوحنا هتو. (38) پڻ پولوس ڪيڏو جي ”جيو منڪ پمفوليه موئين آپون ننه ساڏين آيو تو رو، ان ڪوم مانه پيزو نتو هاليو، اوتا ننه ڪم ڪرين تيڙي هالون؟“ (39) ايڻا وات مانه بي آيت موئين اتا گهڻا وزڳوڻا جي او ڌار ڌار ڪوم ڪريا هارو ڌار ٿي ڳيا. برنباس مرقس ننه تيڙين پيڙا مانه سڙين ڪپرس پيت هومو روونو ٿي ڳيو. (40) پڻ پولوس سيلاس ننه آپ پيزو تيڙي زايا هارو سونڊيوو. وشواسي پايي پولوس ننه ايشور ري همپياز موئين ڏيڏو ان پسنه او روونو ٿيو. (41) سوريه ان ڪليڪه علاقون ٿي متتون او وشواسي منڌريون رون منڪون ننه وشواس موئين پڪا ڪرتو ڳيو.

پولوس رو پیزو چکر



ٽيمٽيس پولوس ان سيلاس پيڙو زائھ

16 ① پولوس ذربي شهر موئين گيو ان اوئون لستره شهر موئين زائين پوگيو. اوئھ هڪ وشواسي منڪ هتو، جيا رو نوم ٽيمٽيس هتو. اوئا ربي مان يهودي قوم ٿي هئي ان او وشواسي هئي، پڻ اوئا رو ٻاپ ڌاري قوم رو هتو. ② لستره ان اڪنيم شهرن را وشواسي ٽيمٽيس رو مون راکتا. ③ پولوس ربي مرضي هئي جي اوئا نھ آپ پيڙو تيڙي زائھ. تيام اوئھ يهوديون را ريت روز پرموئھ ٽيمٽيس ربي توهر ڪراوي، زم يهوديون نھ ڪراپ نه لاڳئھ، ڪم تو اوئا علاقا رون ٻڌون يهوديون نھ ڪر هئي جي اوئا رو ٻاپ ڌاري قوم رو هتو. ④ او شهرن موئين زاتون، جيا حڪم يروشلم موئين مڪ شيلي ان وشواسي منڌري ري آگيونني ڦينصلو ڪرين ڏيڏا تا، اوٽ رون وشواسيون نھ همپراوتا گيا ان اوئون مانھ وودا رو ڪيتا گيا. ⑤ هيونھ نمونھ وشواسي منڌري تاريخ وشواس ۾ پڪي ٿي ان وڌتي گي.

تروئاس شهر موئين پگيون پولوس نھ شينو ڏيڪاڙھ

⑥ پولوس ان اوئا را ساڻي فروگيه ان گلتيه علاقا ٿي متي گيا، ڪم تو پويتر آتما اوئون نھ آسيه صويا موئين پگيون رو وچن همپرايا ٿي نا پاڙيو تو. ⑦ زئون او موسيه علاقا ڪن آيا، تيون اوئي ڪوشش ڪري جي بتونيه صويا موئين زائھ، پڻ ايسو رھ پويتر آتما اوئون نھ نه زاوا ڏيڏا. ⑧ تيون او موسيه علاقا ٿي متين سمونڊ را ڪپ مانھ تروئاس شهر موئين پوگيا. ⑨ اوئھ اوئھ رات پگيون پولوس نھ شينا را زم ڏيڪاڙيو، جي مڪڏيه صويا رو هڪ منڪ اوپو ام مينٽ ڪرين ڪئھ ريو جي ”سمونڊ پار ڪرين مڪڏيه موئين آوين اماري مدت ڪر.“ ⑩ زئون پولوس پگيون ربي هائي ڏيڪاڙل وات ڏيڪئي، تو امي جلدي م مڪڏيه صويا موئين زايا هارو سنپريا، ڪم تو امي هزمي گيا

جي پڳوون اوتون ننه ڪشي رهي ڪهر همپزيا هارو امون ننه تيزيا ه.

فلي شهر موئين لڏي نومي ڏوشي وشواسي تته



11) تيام تروئاس شهر تي پيڙا مانھ سڙين


امي سڌا سمٽراڪي پيت موئين آيا. ان

پيڙه ڏي اوتون وڙي نياپلس شهر موئين

آيا. 12) اوتنه پيڙا تي نيسا اوترين امي

مڪڏنيه صويا را فلي شهر موئين آيا، جيو اوتا علاقا رو ڪاس شهر سته، ان

رؤم ملڪ رون منڪون رو شهر پڻ سته. امي ڪئينڪ ڏي اوتا شهر موئين ريا.



13) پويتري ڏي را امي شهر تي ٻارا نيهرين ڌريا را ڪپ مانھ ڳيا، جيئنه امي

ام هزميو جي يهوديون رنه پرائنا ڪريا رهي جگا هوشي. ان اوتنه بيهين

جي ڏوشي پرائنا ڪروا پيڙي ٿيتي، اوتون تي پريو ايسو را پارام واتون

ڪروا مڏيا.

14) اوتون موئين تي هيڪ ڏوشي هتني جيا رو نوم لڏيه هتو. او توتاتيره شهر

تي اوتنه لڏي آئي تني، ان وونگڻائي رنگ رون قيمتي لوگهڙون رو واپار ڪرتي.

او يهودي قوم رهي نتي توئي پڻ پڳوون مانھ يقين راڪتني. ايشور اوتا ننه



هزميا رڻي هيمنت ڏيڏي، ان اونه
 پولوس ري واتون هومپڙين موني
 ليڏي. ⑮ زئيون اونه اشيتري ان
 اونا را گهري ٻڌي منڪي پوٽر
 سنون ليڏو، تئين اونه امون ننه
 منٿ ڪرين ڪيڏو: ”جي تم

مون ننه ڀرڻو مانه هاسو يقين راکيا واڙي هزمين مونو، تو ميرپونئي ڪرين
 ماري گهري هالين ريو.“ ان اونه زوري امون ننه آڀري گهري تيڙي زائين راکيا.

فليپي شهر موئين پولوس ان سيلاس ننه جيل موئين پورنه پرا

⑯ هيڪ ڏي، زئيون امي اونا هاڳي پراٿنا ڪريا ري جڳا هوما زاتات ريا، تئين
 امون ننه هيڪ ڳلوم سوڪري پيڙي ٿي، جيا ننه ايوو پوت سونتل هتو، جي
 منڪون رو پاڳ همپڙاوي هيڪتو. او سوڪري منڪون ننه اوئون ري قسمت رو
 حال همپڙاوين آڀرون ڏئين ننه گهڻائي پنهيا ڪمائين ڏيتي. ⑰ او پولوس ان
 امون وونهڙ آوين زور ٿي ام ڪيتي رڻي: ”اي منڪ ڀرڻو پرميشور را شيواڌاري
 سته، جيا تمون ننه تارڻ رو مارڳ ڏيڪاڙهه.“ ⑱ او گهڻون ڏيئون هڏي همريم
 ڪرتي رڻي. تيام پولوس گهڻو ڪڪ ٿيو ان اونه پوت ننه ڪيڏو: ”هون تون
 ننه ايسو ڪريست را نوم ٿي ڪونه جي ايٿا سوڪري ٿي ٺيهري زا!“ ان اونه
 ٿي توتنه پوت سوڪري ٿي ٺيهري ڳيو.

⑲ زئيون ڳلوم سوڪري ري ڏيئي زيوو جي اوئون رڻي ڪمائي ڪتم ٿي
 ڳيئه، تو اوئي پولوس ان سيلاس ننه زهالين ڪورٿ موئين شهر رون آڳيونون
 ڪن ڏيهڙين لي ڳيا، ⑳ ان اوئون ننه هوما اوپاڙين شهر رون رومي آڳيونون
 ننه ڪيڏو: ”ساڀون، اي منڪ يهودي سته. اي اپنا شهر موئين قشري ڪراوه
 ريا، ㉑ ان منڪون ننه ايوي ريتون شيڪاڙهه ريا، جي آڀي رومي منڪ اپنا قانون

پرموئنه نڪو اُوئون مانھ وي هيڪونھ نڪو اُوئون نئھ قَبُول ڪري هيڪونھ. ”
 ②٢ تئيون شھر ري ٻڌي منڪي پڻ پوُلوس ان سيلاس رئھ ڪِلاف ٿين سوڪري رون
 ڏٿيون رو پاهو ليدو.

پسئھ شھر ري آڳيووني حُڪم ڏيڏو جي پوُلوس ان سيلاس را لُوگهڙا زوري
 اُوٿراوين اُوئون نئھ نيترون ٿي مارئھ. ②٣ اُوئون نئھ گهڻا ماريا ڪيڙ، جيل موئين
 پوريا پرا، ان جيلر نئھ حُڪم ڏيڏو: ”ايئون مانھ ڏيون ٿي پاهرو ڏي!“ ②٤ ايوو
 حُڪم هومپڙين جيلر اُوئون نئھ جيل را موئينليا ڪمرا
 موئين پوريا، ان اُوئون را پڳ پيئون لاکڙون هونھرا
 نوڪين راکيا، زم او پيا ڳي نه هيڪئھ.



②٥ آڏي رات را پوُلوس ان سيلاس پرائنا ڪرتات ربا ان پزن ڳاوين پڳوون
 را وڪوڻ ڪرتات ربا، ان جيل را پيزا قيڏي هومپڙتات ربا. ②٦ تئيون اوچتئي
 زمئي ايوئي ڏهني جي جيل ري پُنيادون ڏڳي ڳي. هتمارا جيل را ٻڌائي ڌروازا
 آڻوڪا اوگهڙي ڳيا، ان ٻڌون ري هٽڪڙي ان جيا جيا ٿي بونڌل هتا، او کلي ڳي.
 ②٧ تئيون جيلر زاڳي ڳيو، ان زوئھ، تو جيل را ٻڌائي ڌروازا کُلل پڙياھ. اوئھ
 ام هزميو جي جيلي پيا ڳي ڳياھ، تيام ترؤنار ڪاڊين آپ نئھ ماروا ڪرتو تو.
 ②٨ پڻ پوُلوس زور ٿي ڪيڏو: ”آپ نئھ مت مارو! امي ٻڌائي ايٿھ سون.“

②٩ جيلر پتي مڳاوين يڪدم ڊوڙين موئين ڳيو، ان ڏڪتو ڏڪتو پوُلوس ان
 سيلاس ري پڳي پڙيو نو. ③٠ پسئھ اُوئون نئھ ٻارا لي زائين ڪيڏو: ”سابون،
 مارئھ ڪي ڪروو ڪپئھ، زم هون پڳوون ري سزا ٿي پڇي هيڪون؟“

③١ تيا مانھ اوئي ڪيڏو: ”پريو ايسو مانھ وشواس اوئو، تو تمي ان تمارئي
 ٻڌئي اڪائي پڇي زاشو.“ ③٢ پسئھ اوئي جيلر نئھ ان اوئا را گھر رون ٻڌون
 منڪون نئھ ايشور رو وچن همپڙايو. ③٣ تئيون اوئھ ٿوئئھ رات ٿو رات جيلر اُوئون
 نئھ تيڙي زائين اُوئون را ڦٽ ڌويا، ان پسئھ اوئھ ئي ٿوئئھ اوئھ ان اوئا ري اڪائي
 ري ٻڌي منڪي پويتر سنون ليدو. ③٤ پسئھ پوُلوس ان سيلاس نئھ ماٿھ آپري

گهري تيڙي زائينَ اُوئون نئه روئڻي ڪَورائِي. جيلر ان اُوئا رڻي ٻڌي اڪائي پڳوونَ مانه وِشواسِ اوئينَ گهڻا ڪُش ٿيا.

(35) هَوار ٿيو، تو شهر ري آڳيووني آپرون سپايون نئه جيلر هوما ام ڪين ميليا جي هايون منڪون نئه ساڏئه پرا. (36) تيام جيلر پولوس نئه ڪيڏو: ”شهر ري آڳيووني ڪي ميليوه جي تمون پيئون نئه ساڏون پرا. تيام تمي هَئه زائو پرا ان هڪي ريو!“

(37) پڻ پولوس سپايون نئه ڪيڏو: ”امي روم را منڪ سون. توئي پڻ اُوئي امارو ڦينصلو نه ڪريو جي امي ڏوهاري سون ڪا نا، پڻ امرام امون نئه ٻڌون منڪون هوما ماريا، ان جيل موئين پوريا. تيام هَئه امون نئه ماٺ ماٺ م ڪم ساڏه ريا؟ هم نئين ٿي هيڪه. پلئه او آپ آوين امون نئه جيل ٿي ٻارا ڪاڏئه!“ (38) زئيون سپايي اي نياپو شهر رون آڳيوونون نئه ڏيڏو، ان اُوئون نئه ڪهر پڙي جي پولوس ان سيلاس روم را منڪ سئه، تئيون او گهڻا پيئاوا لاڳيا. (39) تيام اُوئي پولوس ان سيلاس ڪن آپ زائينَ اُوئون ٿي ماڻي مونگي، ان اُوئون نئه جيل ٿي ٻارا ڪاڏين منئون ڪرين ڪيڏو جي ”ميريوني ڪرين ايئا شهر ٿي زائو پرا.“ (40) تو پولوس ان سيلاس جيل ٿي نهرين لُديه نومي اشيتري ري گهري ڳيا، ان اُوئنه اُوئي وِشواسي پايون ٿي مزين اُوئون نئه حونصلو ڏيڏو ان پسئه اُوئون رونا ٿيا.

تِسلنيڪي شهر موئين يهودي پولوس ان سيلاس نڌ زهالوا ڪرئھ



17 ① پولوس ان سيلاس امفيلس ان اڀلونيہ شهرن موئين ٿين تِسلنيڪي شهر موئين آيا، جيئھ يهوديون رو هيڪ مندر هتو. ② پولوس

اڳي را زم پڳوون را مندر موئين يهوديون ڪن ڳيو، ان ترئين هفتون هُوڏي



تسلنيڪي شهر

هر پويتر ڏي مانھ او شاستر موئين ٿي شيڪاڙتو، ③ ان شاستر ري واتون ڪولين ٿا پتئي ڏيتو جي ”ام ٿيو ضروري هتو، جي پڳون رو سونڍل پچايا وازو ڪريست ڏک سهين مره، ان مرلون موئين ٿي جيوي اوئنه. ان ايسو، جيا رئي هون تمون ننه ڪبر ڏيونه ريو، او رو او پڳون رو سونڍل پچايا وازو ڪريست سئه.“

④ يهوديون موئين ٿي ڪيٽيڪ اوئا ري واتون موني، ان پولوس ان سيلاس پيڙا ٿي گيا. ان هيونه نموننه الاهي گهئا ڌاري قوم وازا جيئي پڳون مانھ يقين اوٿيو تو، ان گهٽي موتون گهرون ري ڏوشي اوئون پيڙي ٿي گي.

⑤ پڻ يهوديون ننه پولوس ان سيلاس مانھ رينه سڙي، ان جيا نڪوما منڪ شهر موئين اوپل هتا، اوئون موئين ٿي ڪيٽيڪ ڪراپ منڪ پيڙا ڪرين هيڪ موتو توڙو نايو، ان پورا شهر موئين قشري ڪراوا مڌيا. اوئي ياسون نومي منڪ را گهر مانھ حملو ڪريو، زم اوئون پولوس ان سيلاس ننه زوري ٻارا ڪاڍين منڪون ڪن لي اوئه. ⑥ زئيون اوئنه او نه زڙيا، تيون ياسون ان ڪيٽيڪ وشواسي پايون ننه زهالين شهر رون آگيونون ڪن لي آيا ان زور ٿي ڪيٽو: ”جي منڪي ٻڌي ڏنيا ۾ گڙٻڙ ڪريه، او ايئنه پڻ آياھ. ⑦ اوئون ننه ياسون آپري گهري تڪاڙياھ. او ٻڌائي روم را پاڌشا رون حڪمون رنه ڪلاڦ وئھ، ان ام ڪئھ جي پيزو ڪوڪ پاڌشا سئه جيا رو نوم ايسو سئه.“

⑧ زئيون ٻڌي منڪي ان شهر ري آڳيون هائي واتون هومپڙي، تو او گهڻا پريشون ٿيا. ⑨ پسته آڳيون ياسون ان پيزون وشواسيون مانه ڏنڊ نوڪين پيها لين ساڏيا پرا.

بيريہ شهر موئين گهڻا يهودي وشواسي تئھ



⑩ اوته ئي رات وشواسي پايي پولوس ان سيلاس نته جلدتي بيريہ شهر هوما روونا ڪريا پرا. زئيون او اوته پوگيا، تو يهوديون را مندر موئين گيا. ⑪ اوت

را يهودي تسليڪي شهر رون يهوديون تي گهڻا نائوڪا هتا، ان اوئي گهڻا شونق تي پولوس ري واتون هومپڙي، ان تاريخ شاستر پئين زوتا جي اي واتون شاستر پرموئنه سه ڪا نا. ⑫ تيام اوئون موئين تي گهڻي منڪي وشواس اوٿيو. ان ڌاري قومون موئين تي پڻ گهڻي مون واري ڏوشي ان آڌمي وشواسي تي گيا. ⑬ پڻ زئيون تسليڪي شهر رون يهوديون نته ڪهر پڙئي جي پولوس بيريہ موئين پڳون رو وچن همپڙاوه ريو، تيون اوئي اوته پڻ اوين منڪون نته جونش ڏيو راوين پولوس رته ڪلاڻ چوريا. ⑭ پسته وشواسي پايي جلدتي ڀر پولوس نته سمونڊ را ڪپ هومو روونو ڪريو، ان اوئون موئين تي ڪئينڪ منڪ اوئا نته ساڏوا گيا. پڻ سيلاس ان تيمٽيس بيريہ شهر موئين ريا. ⑮ جيا منڪ پولوس نته ساڏوا گيا، او پولوس پيڙا پيڙا موئين سڙين ائيني شهر هوڏي گيا. پسته او پولوس رو اي نياپو لين پاسا بيريہ هوما روونا ٿيا جي ”سيلاس ان تيمٽيس زتو جلدتي تي هيڪه مون ڪن اوته را.“

اٿيني شهر موئين پولوس آڳيونون نته وچن همپڙاوه

⑯ زئيون پولوس اٿيني شهر موئين سيلاس ان تيمٽيس رئي وات زوتوت ريو،



تئيون اوتان نئه گهٺو ڏک ٿيو، ڪم تو اوتئ ڏيکيو جي پورا شهر موئين گهٽي مورتِي سئ. ⑰ تيام او پڳوون را مندر موئين يهوديون نئه ان پڳوون مانه يقين راکيا وازون ڌاري قوم وازون نئه وچن همپزاوتو. ان شهر را وس ۾ جيو پڪو ميدون هتو، اوتئ پڻ زائين امهي اول منڪون نئه تاريڪ وچن همپزاوتو.

⑱ اوتئ ڪئينڪ علم وازا منڪ هتا، جيا اپڪوري پالتي ان ستوئيڪي پالتي را هتا. او پولوس رو مقابلو ڪروا مڊيا. ڪوڪ ڪيتات ريا جي ”اي جت منڪ آپ نئه ڪي هزمئو؟ اي ڪيوي واتون ڪرئ ريو؟“ ان پيزا وڙي ڪيتات ريا ”اي ڌاري قومون رون ڏيوٽونون رئي ڪهر ڏيڏا وازو ڏيڪائو،“ ڪم تو پولوس ايسو را پارام ان جيوي اوتيا را پارام ڪشي رئي ڪهر ڏيتوت ريو، ان اوتئ ام هزميو جي ”ايسو“ ان ”جيوي اوتو“ ڏيوٽونون را نوم سئ.

⑲ پئسئ او پولوس نئه تيرين شهر ري پنچائيت ڪن ګيا، جيا نئه اريوپگس ڪئ. ان اوتان ٿي ام پونسو: ”امون نئه همپزاوو، جي اي نوي واتون تمي شيڪاڙو ريا، اي ڪيوي واتون سئ؟“ ⑳ ڪم تو تمي ڪئينڪ ايوي واتون ڪرو ريا جي امون نئه عجيب لاڳئ. تيام امي ڪهر پاڙوا ڪرونه جي ايتون واتون رو مطلب ڪي سئ.

㉑ هوئ ايتني شهر را ٻڌائي منڪ ان پيزا پرڏيشي منڪ جيا اوتئ رئ، اوتون نئه پيزي ڪيا وات رو شونق ٿئي، پڻ او روگا نوي نوي واتون هومپڙئ ان همپزاوئ.

②٢ ٽئين پوئوس شهر ري پنچائيت هومو اُونين اُوپو ان ڪيوا مڏيو: ”او ائيني شهر رون منڪون، هون ڏيڪونھ ريو جي تمې هر وات موئين ڌرم پاڙوه، ②٣ ڪم تو هون ويتون تمارون ڏيوئونون رون منڌرون ان آستونون نئه زوتوت ريو، تو هيڪ آستونو ڏيڪيام آيو جيئنه پتر مانھ لڪل هتو: ’ان اوزڪل ڏيو هارو.‘ تيام او جيا رئي تمې اوزڪيا وگر پوزا ڪروه، اوتا را پارام هون تمون نئه ڪبر ڏيونھ ريو. ②٤ او پڳوون سئه، جيئنه اي ٻڌي ڏنيا ان جئين شينھون اينا موئين سئه، او ناويه. او آڪاش ان ڌرتي رو ڌئي سئه، تيام او منڪون رون ناول منڌرون موئين نئي ريتو، ②٥ ان اوتا نئه ڪيائي پڻ شينھ رئي ضرورت نئي، جيئي منڪ اوتا نئه ڏين اوتا رئي شيوا ڪرئ، ڪم تو او آپ ٻڌون نئه حياتي، هاھ ان ٻڌو ڪئين ڏئھ. ②٦ اوتھ هيڪا منڪ ٿي ٻڌي قومون پيدا ڪري، زم او ٻڌي ڏنيا ۾ رئ. اوتھ اوئون رئ ريا هارو ڪاس توئا ان علاقون را ڌنگ اڳي ٿي قينصلو ڪرين راڪياھ. ②٧ پڳوون منڪون نئه اينا هارو ناياه جي او پڳوون ٿي واسطو راڪيا رئي ڪوشش ڪرئ، مون او زوتنه قونقا مارين اوتا را پارام ڪبر پاڙئ، ان اوتا نئه اوزڪين اوتا ٿي واسطو راڪئھ. پڻ هاس ۾ پڳوون آپون ٿي شيتي نئي ان هر هيڪ ٿي ڏوڪڙو سئه، ②٨ ڪم تو ’اوتا ري ڪڙا ٿي آبي جيوتا سون، ان وونھ ريا ان ريونھ.‘ زم تماري ڪئينڪ شاعري ڪيدوه جي ’آبي پڻ پڳوون را اولاد سون.’

②٩ زئيون آبي پڳوون را اولاد سون، تو آپون نئه ام نه هزموو ڪپنه جي پڳوون ڪياڪ سون، چونڌي ڪا پتر ري مورتِي را زم سئه، جيا نئه منڪ آپرا هونر ان سوچ ٿي ناوتھ. ③٠ اڳلوڪا زمونا ۾ زئيون منڪون نئه پڳوون رئي ڪبر نئي، تو پڳوون اوئون نئه اوئون رون ڏوهون رئي سزا نه ڏيڏي. پڻ هوتھ پڳوون پوري ڏنيا رون ٻڌون منڪون نئه همپڙاوتھ ريو جي او آپرا ڪراپ ڪوم ساڏين توبونھ ڪرئ ان پڳوون ري وات مانھ وئ. ③١ ڪم تو اوتھ هيڪ ڏي ٻونڌين راڪيوھ جيا مانھ او پوري ڏنيا رون منڪون رو نيا آپرا سونڊل منڪ ري هاڻي

انصاف ٿي ڪراوشي. ان اوتائون منڪ ننه مرلون موئين ٿي جيوي اوتائون پڳوون
 ٻڌون منڪون ننه هيا وات رٿي ٿا پٽي ڏيڏي.

32) ٺيون منڪي مرلون موئين ٿي جيوي اوتائون پارام هومپڙيو، تو ڪوڪ
 پولوس مانه نٺولي ڪروا مڏيا. پڻ ڪئينڪ منڪي ڪيڏو: ”هيا وات را پارام
 امي وڙي تمون ٿي هومپڙيون.“

33) پسنه پولوس پنچائيت ٿي گيو پرو. 34) پڻ ڪئينڪ زئي اوتائون پڙا ٿين
 ايسو مانه وشواس اوٿيو. اوتون موئين ٿي شهر ري پنچائيت رو هيڪ ميمپڙ هتو،
 جيا رو نوم ديونسيس هتو. ان اوتون پڙي ڊمرس نومي هيڪ اشيتري هتئي، ان
 پڙا پڻ منڪ هتا، جيئي وشواس اوٿيو.

ڪرنٽس شهر موئين پولوس نوڊ سال ايسو را پارام شيڪاڙو رٿه

18 ① تيا ڪيڙ پولوس اتيني شهر ٿي روونو ٿين ڪرنٽس شهر موئين

18 آيو. ② اوتنه اوتائون ننه

اڪوله نومي هيڪ يهودي پڙو
 ٿيو، جيا رٿي پيڏائيش پُنٽس
 صوپا رٿي هتئي. او آپري ڏوشي
 پڙو، جيا رو نوم پرسڪله هتو،
 اٽلي را روم شهر ٿي نو اول
 هتو، ڪم تو روم رٿه پاڏشا
 ڪلوديس حڪم ڏيڏو تو جي
 ٻڌائي يهودي روم شهر ٿي لڏي
 زائ. پولوس اوتون ري گهري
 گيو، ③ ان اوتون ڪن رين پڙو
 ڪوم ڪروا مڏيو، ڪم تو اوتون



رو ڏٺو پولوس را زم تنبو نايا رو هتو. ④ ان هر پويتر ڏي مانه پولوس پڳوون را مندر موئين زائين شيڪاڙتو، ان ڪوشش ڪرتو جي يهودي ان يوناني قوم وازا پڻ هائي واتون مومين ايسو مانه وشواس اوئنه.

⑤ زئيون سيلاس ان تيمٽيس مڪڏنيه صوپا ٿي آيا، تو پولوس تنبو نايا رو ڪوم ساڏين پورو توتو پڳوون رو وچن همپزاووا لاڳيو. او يهوديون ننه ايتا وات رٿي ٿا پيئي ڏين ڪيتو جي ايسو پڳوون رو سونيدل پڇايا وازو ڪريست سئه. ⑥ پسئه زئيون يهودي پولوس رئه ڪلاف ٿي ڳيا ان گهت وڌ بولوا مڏيا، تئيون اوئون ٿي واسطو توڙيا هارو اوئه آپرا لوگهڙا اوئون هوما ڪيرين ڪيڏو: ”هونه جي تمي پڳوون ري سزا ٿي نه پڇو، تو اي تمارو آپرو ڏوه سئه. مئين آپرو ڪوم پورو ڪريوه، مارو ڏوه نٿي. آڙ ٿي لين هون ڌاريون قومون ڪن زائيهه.“ ⑦ پسئه پولوس يهوديون را مندر ننه ساڏين هڪا ڌاري قوم وازا ري گهري شيڪاڙوا ڳيو. اوئا رو نوم ططس يوستس هتو ان او پڳوون مانه وشواس راڪتو. اوئا رو گهر يهوديون را مندر را پاهام هتو. ⑧ يهوديون را مندر رئه آڳيوون، جيا رو نوم ڪرپس هتو، اوئه ان اوئا ري ٻڌي اڪائي پريو ايسو مانه وشواس اوئيو. ان ڪرنتس شهر را گهئا منڪ وچن هومپزين وشواسي ٿيتا ان پويتر سنون ليتا. ⑨ هڪ رات پريو شپنا را زم پولوس ننه ڏيڪاڙو ڏين ڪيڏو: ”پينا مت! همپزاوتو رئه ان ماڻ ڪرين مت پيهي، ⑩ ڪم تو هون تون پيزو سون. تيام ڪوئي پڻ منڪ حملو ڪرين تون ننه نقصون نئين ڏنه، ڪم تو ايتا شهر موئين مارا گهئا منڪ سئه.“ ⑪ تيام پولوس ڏوڍ سال اوئنه ريو ان منڪون ننه پڳوون رو وچن شيڪاڙتو ريو.

⑫ زئيون اوئا يونان صوپا مانه روم را طرف ٿي ڳليو نومي منڪ رو راز هتو، تئيون يهودي آيت موئين پيڙا ٿين پولوس مانه سڙي آيا ان اوئا ننه زهالين صوپا مانه راز ڪريا وازا ڪن ڪورٿ ۾ تيڙي ڳيا. ⑬ اوئي ڪيڏو: ”اي منڪ پيزون منڪون ننه پڳوون رٿي ايوا نمونا ٿي شيوا ڪروا شيڪاڙهه، جي تمارا روم

را قانون رڻه ڪلاڦ سڻه.

⑭ زئيون پولوس ٻوليا وازو هتو، تئيون صويا مانه راز ڪريا وازڻه يهوديون نڻه ڪيڏو: ”او يهودي قوم رون منڪون، جي ايڻه ڪيڻڪ قانون رڻه ڪلاڦ ڪوم ڪا موڻي پونڌائي ڪرڻي هونٽ، تو هون تماري وات صير ٿي هومپڙت. ⑮ پڻ اي واتون روڳي تمارا ڌرم رون ويئون، نومون ان حڪمون را پارام سڻه، تيام تمي زوڻو ان تمارو ڪوم زوڻه. هون ايئون واتون روڳي نئين ڪرون.“ ⑯ ام ڪين اڻه يهوديون نڻه ڪورٽ ٿي ٻارا ڪاڍيا. ⑰ پڻه شهر ري ٻڌي يوناني منڪي پيڙا ٿين يهوديون را مندر را آڳيون نڻه زهاليو، جيا رو نوم سوسٽيس هتو، ان اڻا نڻه ڪورٽ هومو گهڻو ماريو. پڻ راز ڪريا وازڻه ايڻا وات مانه ڪين ڏيون نه ڏيڏو.

ٻولوس اپرا انطاڪي شهر موئين پاسو زاهه

⑱ تيا ڪيڙ پولوس اڻه ڪرڻس شهر موئين گهڻا ڏي ريو. پڻه وشواسي پايون ٿي موڪل لين پاسو سوريه صويا هومو سمونڊ را شيرڙا ٿي زوونو ٿيو.



ان پرسڪله نومي ڏوشي ان اوتارو آڏمي اڪوله پڻ پيڙا ڳيا. زئيون سمونڊ را ڪپ مانه ڪنخريه شهر موئين آيا، تو پولوس اوتنه آپرا متوتاز ڪتريا پرا، ڪم تو اوتنه پڳوون را نوم مانه پاسئي پاسئي ٿئي. ①9 پسته اوتون پيڙا مانه سڙين افسس شهر موئين زائين پوڳيا.

او ٻي موتهه افسس شهر موئين ريا. پولوس اوتنه پڳوون را مندر موئين زائين يهوديون ننه شيڪاڙوا مڏيو. ②0 يهوديئي پولوس تي منت ڪري جي او ڪئينڪ وڌيڪ ڏي اوتون ڪن رنه، پڻ اوتنه نا پاڙيو، ②1 ان موڪلاوين ڪيڏو: ”جي پڳوون رئي مرضي ٿئي، تو هون وڙي تمون ڪن آويه.“ پسته او افسس شهر تي پيڙا مانه سڙين روونو ٿي ڳيو.

②2 سمونڊ پار ڪرين پولوس قيصره شهر موئين پوڳي آيو. اوتون او يروشلم شهر موئين زائين وشواسي منڌري رون منڪون ٿي مڙيو ان پسته آپرا انطاڪيه شهر موئين پاسو آيو رو.


پولوس رو ايسنو را پارام همپڙايا هارو ترثمو چڪر

②3 پولوس ڪئينڪ وڪت انطاڪيه شهر موئين ريو، ان پسته وڙي روونو ٿيو. ان او گلتيه ان فروگيه رون علاقون موئين ٿيتو شهر نو شهر ٻڌون وشواسيون ننه هيمنت ڏيتو ڳيو.

اپلوس نومي منڪ ايسنو را پارام شيڪاڙه

②4 اوتون ڏيتون موئين اپلوس نومي يهودي قوم رو هيڪ منڪ افسس شهر موئين آيو. اوتارو رئي پيدايش اسڪندريه شهر رئي هتي. او ٻوليا رو هوشيار هتو ان شاستر ري گهڻي واتون زوتو. ②5 او پريو ايسنو را ڏيڪاڙل مارڳ را

پولوس رو ترٹمو چکر



پارام شيڪل هتو، ان او ايسو ري واتون صحيح نموننه گهڻا جونش ان شونق ٿي همپزاوتو ان شيڪاڙتو. پڻ اوئا ننه روگو يوحنا را ڏيڏل پويتر سنون را پارام ڪهر هتي، پڻ ايسو را شيڪاڙل پويتر سنون را پارام اوئا ننه ڪئين ڪهر نتي. (26) او پگوون را مندر موئين پيڪ وگر هولوا مڏيو. زئيون پرسڪله ان اوئا رنه آدمي اڪوله اوئا ري واتون هومپزي، تئيون اوئا ننه آپري گهري تيڙي گيا ان پگوون را مارگ را پارام پورئي وات هزماوئي.

(27) زئيون اڀلوس رو يونان صويا هومو زايا رو ڪيال ٿيو، تو وشواسي پايي اوئا ننه حونصلو ڏيڏو ان اوٽ رون وشواسيون ننه اوئا هات ڪت ڏي ميليو جي او اڀلوس ٿي نائوڪا نمونا ٿي مڙهه. اڀلوس اوٽهه گيو، ان اوئا را زايا ٿي اوٽ رون وشواسيون ننه گهڻو قائيڏو ٿيو، جيئي پگوون ري ڪرپا ٿي ايسو مانه وشواس اوٿيو تو. (28) ڪم تو او ٻڌون منڪون رنه روپرو گهڻا جونش ٿي يهوديون ري واتون ڪوڙي ڪرتو ان شاستر ٿي ٿاڀتي ڏين هزماوتو جي ايسو او رو او پگوون رو سونيل پچايا واڙو ڪريست سهه.

افسس شهر موئين پولوس بيئون سالون ٿي وٽارءُ ايسو را پارام شيڪاڙهه

19 ① زئيون اڀلوس ڪرنٽس شهر موئين هتو، تئيون پولوس پاراڙي رو شيرڙو لين افسس شهر موئين آوين پوگيو. اوٽهه ڪئينڪ وشواسي اوئا ننه پيڙا ٿيا. ② پولوس اوئون ٿي پونسيو: ”زئيون تمي وشواس اوٿيو، تئيون تمون ننه پويتر آتما زڙيو ڪا نا؟“ اوئي ڪيڏو: ”امي هزون پويتر آتما رو نوم ئي نتي هومپزيو.“ ③ تئيون پولوس پونسيو: ”پسهه تمي ڪيوو پويتر سنون ليڏوه؟“ اوئي ڪيڏو: ”او پويتر سنون جيا را پارام يوحنا شيڪاڙيو تو.“ ④ ٿيا مانه پولوس ڪيڏو: ”يوحنا را ڏيڏل پويتر سنون رو مطلب اي هتو، جي منڪ آپرا ڪراب ڪوم ساڏين توبونه ڪرڻه ان پگوون ري وات مانه وٽه. ان پويتر سنون

ڏيڏا رڻه ٿوڻه اُو اسرائيلي قوم رُون منڪون نڻه ام ڪيتو جي 'جيو منڪ مُون ڪيڙ اوشي، اُوئا مانھ وشواس اوڻيا. 'هَوڻه اُو منڪ ايسُو سڻه."
 ⑤ اُوئي اي هومپڙين پڙيو ايسُو را نوم مانھ پويتر سنون ليڏو. ⑥ پسڻه پولوس اُوئون مانھ آپرا هات ميليا، تو پويتر آتما اُوئون مانھ اوتريو ان اُو ڪڙا ٿي زڙل ٻولي ڪروا مڏيا ان پڳوون رو نياپو ڏيو مڏيا. ⑦ اُو ٻڌائي ٻارڻڪ زئا هتا.

⑧ پولوس ترڻيون مڻينون هُوڏي پڳوون را مندر موڻين زاتو ريتو، ان گهڻي هيمنت ٿي يهوديون نڻه پڳوون را راز را پارام هرماوتو ان ايئون واتون نڻه مناووا ڪرتو. ⑨ پڻ زڻيون اُوئون موڻين ٿي ڪڻينڪ منڪي ضد ڪرين ايسُو مانھ وشواس اوڻيا ٿي نا پاڙيو ان ٻڌون منڪون رڻه رُوپرو پڙيو ايسُو را ڏيڪاڙل مارگ رڻي گلا ڪروا لاگيا، تڻيون پولوس اُوئون نڻه ماگي ساڏيا پرا، ان وشواسيون نڻه پيڙا تيڙين يهوديون را مندر ٿي گيو پرو. ان پسڻه اُو ڌاري قوم را ترنس نومي منڪ ري موڻي جگا موڻين تاريخ شيڪاڙوا مڏيو. ⑩ پڻئون سالون هُوڏي اُو همروم شيڪاڙو ريو، ان هيوڻه نمونڻه آسيه صوپا ري ٻڌي منڪي، يهوديني ان ڌاري قوم وازي پڻ، پڙيو ايسُو رو وچن هومپڙيو.


افسس شهر موڻين ايسُو رڻي پوتون مانھ ڪڙا ڏيڪاڻه ان گهڻا جاڻو ڪريا واڙا وشواسي تڻه

⑪ پڳوون پولوس ري هاڻي ڪاس ڪاس پرسا ڏيڪاڙتو. ⑫ ان جيون رومالون ٿي پولوس آپرو مونيو پونھتو، ان جيا توتال ڪوم ڪريا هارو ٻونڌتو، منڪ اُو پڻ لين موندون ڪن زاتا، ان اُو پيماريون ٿي هاڙا هورا ٿيتا، ان جيون نڻه پوت سونتل هوتا، اُوئون ٿي پوت پڻ نيھرتا.

⑬ پڻ ڪڻينڪ يهودي قوم را پوپا هتا، جيا ايل اول ويتا ريتا. اُوئي پڻ پڙيو ايسُو را نوم ٿي منڪون ٿي پوت ڪاڏيا رڻي ڪوشش ڪرڻي. اُو پوتون نڻه ام

ڪيتا: ”ايسو را نوم ٿي نيهري زا، جيا را پارام پولوس همپزاوئھ.“ ⑭ اوتون موئين ٿي هات پائي هتا، جيا سڪيوا نومي يهوديون را موتا پوزاري را ڏيڪرا هتا. او پڻ هيڪ وار همروم ڪرتات ريا، ⑮ تو پوت اوتون نئه ڪيڏو: ”ايسو نئه تو هون اوڙڪونه، ان پولوس را پارام مون نئه ڪبر سئه، پڻ تمي ڪوڻ سو؟“ ⑯ پسئه پوت سونتل منڪ نينڪڙو مارين اوتون مانھ پڙيو، ان اوتا موئين ايوي طاق هتئي جي اوتون ٻڌون نئه هرايا پرا، ان او ناگا ان ڏڪڙل ٿين اوتا گهر ٿي بارا پاگي ڳيا.

⑰ ايئا وات رئي افسس شهر رون ٻڌون يهوديون ان ڌاري قوم رون منڪون نئه ڪبر پڙئي. او ٻڌائي گهئا پيناوا مڌيا، ان پرپو ايسو را نوم رو گهڻو مون را ڪوا مڌيا. ⑱ ان جيئي وشواس اوٿيو تو، اوتون موئين ٿي گهڻي منڪي اپرا ڪراپ ڪوم ٻڌون هوما ياسيا. ⑲ ان گهڻي منڪي جيا اگي جاڏو ان ڪاڙو علم ڪرتا، اپرا هيو علم را ڪتاب پيڙا ڪرين ٻڌون رئه روپرو ٻاڙيا پرا. زئون اوتون ڪتابون ري قيمت رو حساب ڪريو، تو اڍائي لڪ روپيا ٿيو. ⑳ هيوئه نمونئه پڳوون ري ڪڙا ٿي پرپو رو وچن پڪڙتو ريو ان گهئا منڪ وشواسي ٿيتا ڳيا.



افسس شهر موئين قسري ٿئھ

⑳ ايئون واتون ڪيڙ پولوس پويتر آتما را ڪيڏا ٿي قينصلو ڪريو، ان ڪيڏو جي ”هون مڪڏنيه ان يونان صوپون موئين ٿين يروشلم شهر موئين زائيه. ان پسئه اوٿئه زايا ڪيڙ مارئه روم شهر پڻ زاوو پڙشي.“ ㉑ تيام اوئه اپرون مدت ڪريا وازون موئين ٿي بيئون زئون ٿيمٿيس ان اراستس نئه مڪڏنيه صوپا هوما ميليا، پڻ آپ ڪينڪ وڪت آسيه صوپا موئين ريو.

㉒ اوئي ڏيئي افسس شهر موئين پرپو ايسو را ڏيڪاڙل مارڳ ري ڪري

گهڻي گهڻي ٿي. 24) اوتڻه ديميتريوس نومي هيڪ هونارو هتو. اُو ارتمس نومي ڏيوي را مندر را رُوپ مانه چوندي را ننڪا مندر نوراوتو. اوتڻا را هايا ڪوم ري ڪري ڪاريگرون ننه گهڻو قائيدو ٿيتو. 25) اوتڻه آپرون ڪاريگرون ان پيزون ٻڌون ننه جيا هيوو ڏندو ڪرتا، پيڙا ڪريا، ان ڪيڏو: ”او پايون، تمون ننه ڪهر سڻه جي ايڻا ڪوم ري ڪري آپون ننه نائوڪي روزي زڙه. 26) تمي آپ ڏيڪوه ان هومپڙوه ريا جي، نه رُوگو ايڻه افسس شهر موئين پڻ اندازام پورا آسيه صوپا موئين، ايڻه پولوس منڪون ننه ايوتڻه نمونته شيڪاڙياھ، جي گهڻا منڪ ڦري گياھ ان آپتو ڌرم ساڏيوھ پرو. پولوس ڪنھ ريو جي هاڻون ٿي ناول ڏيوٿونون موئين ڪئين ڪرا نٿي. 27) هوتڻه ايڻا ٿي نه رُوگو اي ڪترو سڻه جي آپڻا ڪوم رو مون نئين رڻه، پڻ آپڻي موتي ارتمس ڏيوي را مندر ننه منڪ ڪئين نئين هزمڻه، ان اي ڏيوئي جيا رڻي پوزا آسيه ان پورا جگت را منڪ ڪرڻه، ايڻا رو مون ڪتم ٿي زاشي.“



28) اي واتون هومپڙين اوتڻون منڪون ننه گهڻي رينھ سڙي. ان زور ٿي ام جني ٻوللوا مڏيا: ”آپڻي افسس ري ڏيوي ارتمس رڻي جڻي هوتڻه!“ 29) پورا شهر موئين گهڻي ٿي گهڻي. منڪي پولوس رون پيئون ساڻيون ننه زهاليا، جيون را نوم گائيس ان ارسترخس هتا، جيا مڪڏنيه صوپا را هتا. ان اوتڻون ننه قابو زهالين شهر را ميڏون هوما ٻڌائي پيڙا ٿين هٿيڪا هٿيڪا لي گيا. 30) پولوس منڪون ڪن زاوا ڪرتو تو، پڻ وشواسيئي اوتڻا ننه زاوا نه ڏيڏو. 31) اوتڻ ري آسيه صوپا ري پنچائيت را ڪئينڪ ميمپر، جيا پولوس را دوست هتا، اوتڻي پڻ منٿ ڪرين پولوس ننه نياپو ڏي ميليو جي شهر را ميڏون موئين منڪون ڪن نه زائھ.

③2 اُوڻه تُوڻه شهر را ميڏون موئين منڪ رُوڳڻي ڪاش ڪرتا ريا. ڪوڪ هيڪ وات ڪرتا تا، تو پيزا وڙي پيزي وات، ڪم تو گهڻون منڪون ننه اي پڻ ڪهر نتيي جي ڪم آوين پيزا ٿياھ. ③3 پسڻه يهوديني سڪندر نومي منڪ ننه ٻڌون هومو اوياڙيو، تيام ڪئينڪ منڪي هزميو جي سڪندر ري ڪري پيزا ٿياھ. تئين سڪندر هات ٿي اشارو ڪرين منڪون ننه هزميا رئي ڪوشش ڪري جي امي يهوديني تمارو اي ڏوه نتي ڪريو. ③4 زئينون اوئون ننه ڪهر پڙي جي اي اماري نات رو منڪ نتي پڻ يهودي سڻه، تو ٻڌائي پيزا ٿين بيئونڪ ڪلاڪون هوڏي زور هون آپري ڏيو رئي جئي ام بولاوتا ريا:

”آپي افسس ري ڏيو ارتمس رئي جئي هون!“

③5 نيٺ شهر ري پنچائيت رنه چيرمين منڪون ننه ماٺ ڪراوين ڪيڏو: ”افسس رون منڪون، پوري ڏنيا رون ٻڌون منڪون ننه ڪهر سڻه جي آڻو افسس شهر موتي ارتمس ڏيو را منڊر ان اوئا ري مورتِي رئي همپاڙ ڪريا واڙو سڻه، جئي آڪاش ٿي پڙي تي. ③6 ايئون واتون رو ڪوئي پڻ انڪار نتي ڪري هيڪتو. تيام تم هون ماٺ ڪرو، ان سوچيا وگر ڪئين مت ڪرو. ③7 ڪم تو جيون منڪون ننه تمي زهالين لي آياھ، اي نڪو منڊر ننه ڦريا واڙا سڻه، ان نڪو آپي ڏيو رئي ڳلا ڪريا واڙا سڻه. ③8 هون ڊيميتريس ان جيا ڪاريگر اوئا پيزا سڻه، جي اوئون ڪن ڪيس ڪريا جيوي وات هون، تو ڪورئون ڪل سڻه، ان جج بيٺاھ. او پلنه ڪيس ڪرڻه. ③9 پڻ جي تماري پيزي ڪوڪ وات سڻه، تو اوئا رو ڦينصلو قانون پرموڻه آڻا شهر ري پنچائيت م ٿيشي. ④0 آڙ جئي وات ايٺا شهر موئين ٿيھ، ايٺا رو اي ڪترو سڻه، جي رومي حڪومت آيون مانھ ڦشري ڪريا رو ڏوه ڏيشي، ڪم تو آڻي ڪئين ٿاڻي نتي ڏي هيڪتا جي اتا منڪ ڪم پيزا ٿيا.“ ④1 هم ڪين اُوڻه ٻڌون منڪون ننه زايا رئي موڪل ڏيڏي.

پولوس وڙي مڪڏنيہ ان يونان صُويون موئين زائہ

20 ① زئيون منڪون موئين ڳوڙ ڪنہ ٿي ڳيو، تتيون پولوس وشواسيون نئہ پيڙا ڪريا، ان اوئون نئہ حونصلو ڏيڏو. پسنہ اوئون ٿي موڪلاوين مڪڏنيہ صُويا موئين ڳيو پرو. ② اوئا علاقا موئين متتون اوئہ گهڻي واتون همپزاوين اوٿ رون وشواسيون نئہ حونصلو ڏيڏو. تيا ڪيڙ او يونان صُويا موئين ڳيو پرو. ③ اوئہ او ترڻ مئينا رين پاسو سوريہ صُويا هومو پيڙا مانہ سڙين زايا وازو هتو. پڻ اوئا نئہ ڪبر پڙي جي ڪئينڪ يهوديئي اوئا رنہ ڪلاڦ ڪراپ منصوپو نايوه. تيام اوئہ وڙي مڪڏنيہ صُويا موئين تين پاسو زايا رو ڦينصلو ڪريو. ④ ڪئينڪ منڪ پولوس پيڙا ڳيا. او اي هتا: پُرس رو ڏيڪرو سوپترس جيو بيريه شهر رو هتو، ارسترخس ان سيڪندس جيا ٿسلنيڪي شهر را هتا، گائس جيو دربي شهر رو هتو، ٿخڪس ان ترفمس جيا آسيہ صُويا را هتا، ان تيمٿيس. ⑤ اي منڪ امون مور زائين تروئاس شهر موئين امارئي وات زووا مڏيا. ⑥ امي فلپي شهر موئين زائين اوئہ روتيون رئي پرپ ڪري، ان پسنہ اوئون پيڙا مانہ سڙين روونا ٿيا. پونسون ڏيئون ڪيڙ امي تروئاس شهر موئين زائين پوڳيا، ان اوئون ٿي مزين اوئہ امي هات ڏي ريا.


تروئاس شهر موئين پولوس هڪا سوڪرا نئہ جيوتو ڪرئہ

⑦ آچار رئي رات امي ان پيڙا وشواسي پريو پوزن لڏيا هارو پيڙا هتا. ان پولوس آڏي رات هوڏي منڪون نئہ شيڪاڙتو ريو، ڪم تو هوار رو او زايا وازو هتو. ⑧ جيا ماڙي مانہ امي پيڙا ٿيا تا، اوئہ گهڻا ڏيوا ٻڙتات ريا. ⑨ اوئا ماڳ يوئخس نومي هڪ جوڻ سوڪرو هتو. او ڌري موئين پينو پولوس ري واتون هومپڙوت ريو، ان اوئا نئہ اونگه آوا مڏي. زئيون پولوس گهڻي وار هوڏي

شڪاڙو ريو، تو نيٺ سوڪرا نئه اُونگه آوي گهي، ان اُو ترٿما ماڙ ٿي نيسو پڙي گيو. منڪي آوين اُوئا نئه زويو، تو مرل پڙيو تو. ⑩ پسته پولوس ماڙي ٿي نيسو آيو، ان سوڪرا نئه ٻاٺ نوڪين منڪون نئه ڪيڏو: ”ڦڪر مت ڪرو. اي زوئو، وڙي جيو تو ٿي گيوه.“

⑪ تئيون پولوس وڙي ماڙي مانه زائين ٻڌون پيڙو پريو پوزن ليڏو ان روٿي ڪاڏي، ان پسته اُو گهڻي وار هوار هُوڏي وشواسيون ٿي واتون ڪرتو ريو. ان پڙ پونڪريا رئه توڻه اُو اُوئون زوونو ٿيو. ⑫ اُوٺ را منڪ اُوئا جوڻ سوڪرا نئه هازو هورو گهري تيڙي گيا، ان پولوس را ڏيڌل حوصللا ٿي گهڻا ڪش ٿيا.

پولوس تروئاس شهر ٿي يروشلم هومو زاوا مڏه



⑬ امي ٻيڙا مانه سڙين مور ٿي اسس شهر هوما رونا ٿيا، زم اُوئون پولوس نئه آپ پيڙو ٻيڙا مانه ساڙون. پولوس هائي ڦينصلو تيام ڪريو ڪم تو اُو آپ پنڌ آيا وازو هتو. ⑭ زئيون اُو اسس شهر موئين امون نئه پيڙو ٿيو، تئيون اُوئا نئه

ٻيڙا موئين ساڙين امي مٽليني شهر موئين گيا. ⑮ پيڙه ڏي امي اُوئون ٻيڙا موئين زائين خيس نومي بيت مانه آوين پوگيا. اُوئون پيڙه ڏي سامس نومي بيت مانه پوگيا، ان پسته اُوئون وڙي پيڙه ڏي ميليتس شهر موئين آيا. ⑯ امي افسس شهر موئين نه گيا، ڪم تو پولوس ڦينصلو ڪريو تو جي افسس شهر نئه پاھو ڏيون، زم اُوڻه آسيه صوپا موئين گهڻي وار نه لاگهه. هائي تڪر ايٿا هارو ڪرتو تو زم، جي ٿي هيڪه، تو پينتيڪوست پرڀ يروشلم شهر موئين مناوي هيڪه.

پولوس ڦيڙي ٿيا ٿي مور اِفسُس شهر ري منڌڙي رون آڳيوونون ٿي مڙهه


17 پولوس اِفسُس شهر ٿي اوت ري وشواسي منڌڙي رون آڳيوونون نئه آپ ڪن ميليتس شهر موئين تيزا يا. 18 زئيون اوتا ڪن آيا، تئيون پولوس اوتون نئه ڪيڏو: ”تمون نئه ڪهر سئه جي هون آسيه صويا موئين پوگين پيرهيان ڏي ٿي لين هر وڪت تمون پيڙو ڪم ڪرين ريو. 19 يهودي منڪون رون ڪراپ منصوپون ري ڪري هون گهڻو ڏکي ٿيو، ان مون مانه گهڻا آزمتا آيا، توي پڻ هون روتون روتون من ري پوري گهريبي ٿي پريو رئي شيوا ڪرتو ريو. 20 تمون نئه اي پڻ ڪهر سئه جي هون تمون نئه ڪئين پڻ وات همپزيا ٿي نه پيوڻو جئي تمارا قائدا رئي هوئه. مئين تمون نئه ٻڌون رئه رويرو ان گهري گهري زائين پڻ شيڪازيا، 21 ان يهوديون ان ڌاري قوم رون منڪون نئه هزميا جي او آڀرا ڪراپ ڪوم ساڌين توبونه ڪرئه ان پگوون ري وات مانه وئه، ان آڀا پريو ايسو مانه وشواس اوئمه.

22 هوئه هون پويتر آتما را ڪيڏا ٿي يروشلم شهر زائونه ريو، پڻ ڪهر نئين اوئمه مون ٿي ڪي ٿيشي. 23 مون نئه روگهي اتئي ڪهر سئه جي پويتر آتما مون نئه هر شهر موئين هوشيار ڪرئه جي منڪ مون نئه جيل موئين پوراوشي ان مون نئه گهڻا ڏک ٿيشي. 24 پڻ مون نئه آڀرا جيرو رئي گنتئي نئي، نڪو مون هارو اي قيمتي سئه. پڻ مون هارو ٻڌون ٿي موئي وات اي سئه، جي جيو ڪوم ان شيوا پريو ايسو مون نئه ڪريا هارو ڏيڏيهه، او هون پوري ڪرون. ان او ڪوم اي سئه جي پگوون ري ڪريا را پارام ڪشي رئي ڪهر همپزاوون.

25 هوئه مون نئه ڪاتري سئه جي تمي ٻڌائي، جيون نئه مئين پگوون را راز ري واتون ايل اول زائين همپزاويه، او وڙي مارو مونديو نئين ڏيڪه. 26 تيام هون تماره رويرو آڀرئي اي هاڪ پرونه، جي پگوون تمون نئه هميش رئي

سزا ڏنہ، تو ايٿام مارو ڏوھ نٿي، (27) ڪم تو مٿين پيڪ ٿي ماٺ نٿي ڪرڻي پڻ پڳوون رڻي ٻڌڻي مرضي تمون نٿه همپراوئيھ.

(28) تمڻي آڀرو ان ٻڌڻي وشواسي منڌڙي رو ڪيال راڪو، جيا مانھ پويتر آتما تمون نٿه همپاڙيا واڙا راڪياھ. زم ڌراڙ آڀرا ڌڻ رڻي همپاڙ ڪرڻھ، تم تمڻي پڳوون ري منڌڙي رڻي همپاڙ ڪرنا ريا، جنڻي پڳوون آڀرا ڏيڪرا را موت ٿي آڀ ھارو ناوئيھ. (29) مون نٿه ڪٻر سٺه جي



مارا زيا ڪيڙ ايو پونڌا منڪ آوشي جيا ڪيا رو ٿي ڪئين قياس نئين ڪرڻه ان زم نار ڌڻ موئين نقصون ڪرڻھ، هم

او وشواسي منڌڙي نٿه ٻگاڙشي. (30) تمون موئين ٿي پڻ ڪوڪ منڪ ايو اٿيشي، جيا وشواسيون نٿه آڀ هوما توڻيا ھارو آڏي اوپتي واتون ڪرشي. (31) تيام تمڻي. ھوشيار ريا، ان ياڌ راڪيا جي مٿين ترڪ سال ڏي رات گھڻا ڏڪ سھين ھر هيڪ نٿه هميش ھزماوتو ريو.

(32) ھوئھ ھون تمون نٿه پڳوون ري همپاڙ موئين ڏيونھ، ان تمون نٿه منڻ ڪرونھ جي تمڻي پڳوون ري ڪرپا رو وچن مونتا ريو. ايٿا وچن نٿه مونيا ٿي تمون نٿه حوصلو زڙشي ان تمارو يقين پڪو ٿيشي، ان تمون نٿه آڪاش موئين او ھڪ زڙشي جيو پڳوون آڀرون ٻڌون سونيل منڪون نٿه ڏيشي. (33) مٿين ڪيا منڪ ري شينھ رڻي لالچ نٿي راڪئي، نه سون رڻي، نه چونڌي رڻي، نڪو لوگھڙون رڻي. (34) تمون نٿه ڪٻر سٺه جي مٿين آڀرون ھاڻون ٿي ڪوم ڪرين آڀرڻي ان آڀرون ساڻيون رڻي پورت ڪرئيھ. (35) جنڻين ڪئين مٿين ڪريوھ، اوٿا ٿي مٿين تمون نٿه نمونو ڏيڏوھ جي ھيوئھ نمونئھ مينت ٿي روزڻي ڪمائين ضرورت واڙون رڻي مدت ڪروو ڪپڻھ، ان پرپو ايسو رڻي اي ڪيڏل وات ياڌ راڪوو ڪپڻھ جي 'پاڳواڙو او سٺه جيو لالچ نٿي راڪتو ان پيزون نٿه ڏئھ.'


(36) زئيون پولوس ھاڻي واتون ڪي ريو، تئيون ٻڌون پيڙو گوڏا ڪوڙين پراٿنا

ڪرئي. ③7 اُو ٻڌائي ڏوهڪي ڏوهڪي روي اِن پوُلوس ننه ٻاٽ نوکين ٻوسڪا لپڌا. ③8 اُوئون ٻڌون ننه ايٺا وات رو ٻڌون ٿي گهڻو ڏک ٿيو، جي اُوئه ڪيڏو تو: ”تمي وڙي مارو مونيو نئين ڏيکو.“ پسئو اُو پوُلوس پيڙا ٿين اُوئا ننه پيڙا مانه ساڏوا گيا.

پوُلوس بيڪ وڳر يروشلم شهر موئين زائهُ

21 ①امي اُوئون ٿي موڪلاوين رَوونا ٿيا ان پيڙا مانه سڙين سڌا ڪوس نومي ٻيٽ مانه آيا. پيزئهُ ڏي اُوئون رُدس نومي ٻيٽ مانه آيا، ان اُوئون وڙي پتره شهر موئين زائين اوتريا. ②اُوئهُ امون ننه فينيڪي علاقا هومو زايا وازو پيڙو زڙيو، تو اُمي اُوئا پيڙا موئين سڙين رَوونا ٿي گيا. ③اڳڙ زائين زئيون ڪپُرس ٻيٽ امون ننه ڏيڪيام آيو، تئيون اُوئا رُئهُ ڏکناڌليئهُ پاهئهُ ٿين سُوريه صوپا هوما متي گيا. تيا ڪيڙ اُمي صُور شهر موئين پوگين پيڙا ٿي نيسا اوتريا، ڪم تو اُوئهُ ڪئينڪ واپار رو شيمون اوتارو تو.

④اُوئهُ اُمي وشواسيون ننه گوتي لپڌا، ان اُوئون ڪن هات ڏي ريا. اوت رُون وشواسيون ننه پوٽر آتما ڪهر ڏيڏي جي پوُلوس ننه يروشلم شهر موئين ڏک ٿيشي، تيام اُوئي پوُلوس ننه منٿ ڪرئي جي اول هومو نه زائهُ. ⑤پن



زئيون امارئہ اوتون زايا رو توڻو ٿيو، تو امي روونا ٿيا. ان او ٻاڙي ٻسي امون پيڙا ٿين شهر ٿي ٻارا امون ننه ساڏوا آيا. امي ٻڌي پيڙي سمونڊ را ڪپ مانه گهوڏا ڪوڙين پراٿنا ڪري، ⑥ ان پسته هيڪا پيڙا ٿي موڪلاوين امي پيڙا مانه سڙيا، ان او پاسا گهري گيا پرا.

⑦ پسته امي صور شهر ٿي پيڙا موئين وڙي روونا ٿيا ان پتلَميس شهر موئين پوگيا. اوتنه امي وشواسي پايون ٿي مڙيا ان اوتون ڪن هيڪ رات تڪي ريا. ⑧ پيڙه ڏي امي اوتون روونا ٿيا ان قيصره شهر موئين زائين پوگيا. اوتنه امي فلپس ري گهري زائين تڪيا، جيو ايسو را پارام ڪشي ري ڪهر همپڙيا وازو هيڪ هتو، ان اوتون هاتون زتون موئينليو هتو، جيون ننه يروشلم شهر موئين امداد ورايا هارو سونديا تا. ⑨ ايٿا ري چار ڪوناري ڏيڪري هتي، ان او چار ٺي پگيون رو نياپو ڏيڏا وڙي هتي.

⑩ زئيون امي اوتنه گهڻا ڏي ريا، تو يهوديه علاقا ٿي هيڪ پگيون رو نياپو ڏيڏا وازو آيو، جيا رو نوم اگبس هتو. ⑪ اوتنه امون ڪن آوين پولوس رو او لوگهڙو ليدو، جيو پولوس ڪڙيون م بوندتو، ان اوتنه آپرا هات پڪ اوٿا ٿي بوندين ڪيڏو: ”پويتر آتما ام ڪئو: جيا رو اي لوگهڙو سئو، اوٿا ننه يروشلم موئين يهودي ام بونڌشي ان ڌاري قوم وازون ڪن زهلاوشي.“ ⑫ زئيون امي هائي وات هومپڙي، تو امي ان اوٿ ري منڪي پولوس ننه منٿ ڪرين ڪيڏو جي يروشلم موئين نه زائو. ⑬ پڻ پولوس ڪيڏو: ”تم اي ڪي ڪروه ريا؟ ڪم روٿو ريا ان مون ننه ڏڪي ڪرين مارئي هيٺ ڪروه ريا؟ هون تو يروشلم موئين پريو ايسو را نوم مانه نه روگو بنڌايا هارو، پڻ آپرو جيو ڏيڏا هارو پڻ تيار سون.“

⑭ زئيون اوتنه امارئي وات نه مونئي، تو امي ام ڪين ماٿ ٿي گيا جي ”زم پريو ري مرضي هوئو، هم تئو!“

⑮ تيا ڪيڙ امي سنپرين يروشلم شهر هوما گيا. ⑯ ان ڪينڪ قيصره

شهر را وشواسي پڻ امون پيڙا هاليا. اُو امون ننه هيڪا مناسونَ نومي منڪ ري گهري تيزي گيا، جيا ڪن امارنه ريوو تو. اُو ڪپرس بيت رو هتو، ان زُونو وشواسي هتو.

پولوس يروشلم شهر ۾ زهلائي زائھ

پولوس يروشلم شهر ۾ يعقوب تي مزئه

⑰ زئيون امي يروشلم شهر موئين پوگيا، تو اوت را وشواسي پائي ڪشي تي امون تي مزيا. ⑱ پيڙهه ڏي پولوس امون پيڙو تين يعقوب تي مزوا هاليو. اوتنه وشواسي منڌري را ٻڌائي اڳيون پيڙا هتا. ⑲ پولوس اوتون تي مزين هر هيڪ وات همپڙاوتي جي پڳون اوتا را ڪوم تي ڌاريون قومون موئين ڪراوتي تي. ⑳ زئيون اوتي هائي واتون هومپڙي، تو پڳون را وڪون ڪروا لاگيا. ان پسنه اوتي پولوس ننه ڪيڏو: ”تمون ننه ڪهر سئه، پائي، جي يهوديون موئين تي هزاري منڪ وشواسي تي گيا، ان اُو ٻڌائي موسي رون لڪل حڪمون مانھ گهڻا جونش تي وئھ ريا. ㉑ پڻ تمارا پارام اوتي ام هومپڙيوھ جي تم ڌاريون قومون موئين ريا واڙون ٻڌون يهوديون ننه موسي رون لڪل حڪمون ننه ساڏيا رو شيڪاڙوه، ان تم ڪوه جي اُو آپرون سوڪرون رئي توهر نه ڪراوئھ، ان يهودي ڌرم رون رواڙون مانھ نه وئھ. ㉒ هئوئھ آبي ڪي ڪرشون؟ ڪم تو اوتون ننه تمارا آيا رئي ضرور ڪهر پڙشي. ㉓ تيام هئوئھ زم امي ڪونه هم ڪرو. امون ڪن ايوا چار منڪ سئه، جيئي پڳون را نوم مانھ پاسني پاسي تي. ㉔ هئوئھ تم اوتون پيڙا تين سونت ليڏا رئي ريت ڪرو، ان زئيون اُو آپرا مٿوئاز ڪتراوين پڳون را نوم مانھ مال سڙائوئھ، تو تم اوتون رو ڪرچ پري ڏيا. هيوئھ نمونئھ ٻڌون منڪون ننه ڪهر پڙشي جي زم تمارا پارام واتون هومپڙي، اُو ڪوڙي سئه، ان تم آپ پڻ يهودي تين موسي رون لڪل حڪمون مانھ ووھ. ㉕ پڻ ڌاري قوم

واڙا جيڻي ايسُو مانھ وِشواس اوڻيوھ، اُوئون ھارُو امي اڳي ڦينصلو ڪرين لڪي
ميليُو تو جي اُوئون رٿه رُوڳو ڏيوئونون را نوم مانھ ساڙل مونھ نہ ڪاوو، لوئي
نہ ڪاوو، ان ايوا مال رو مونھ نہ ڪاوو. جيو تونپو ڏين مارل هوئھ، پڻ ھلالل مال
ڪاوو، ان پُوندُو ڪوم نہ ڪروو.

②6 پَسئہ پيڙئہ ڏي پولوس اُوئون چارون منڪون نئہ تيڙين اُوئون پيڙو سونت
ليڏا رٿي ريت ڪرين پڳوون را گھر موئين گيو. ان اُوٿ رون پوزاريون ٿي ڏي
پونديو، جي زئيون اُوئون را سونت ليڏا را ڏي پورا ٿيشي، اُوٿا ڏي مانھ اُوئون
چارون زئون ۾ ھر هيڪ رٿه پڳوون را نوم مانھ پوزاريون ٿي مال سڙاوو.


پولوس نئہ پڳوون را گھر ٿي ٻارو ڪاين زھلاوئھ

②7 زئيون سونت ليڏا را ھات ڏي پورا ٿيا واڙا ھتا، تو آسيہ صوپا ري ڪئينڪ
يھودي منڪي پولوس نئہ پڳوون را گھر ۾ موئينليئہ وڙ ڏيڪيو. اُوئي ٻڌون
منڪون نئہ پولوس رٿه ڪلاڦ ڪرين اُوٿا نئہ زھاليو. ②8 اُوئي زور زور ٿي ڪيڏو:
”او اسرائيلي پايون، امارئي مدت ڪرو! اي اُو منڪ سئہ جيو ٻڌيل زائين ٻڌون
منڪون نئہ آپئي قوم، موسي رون لڪل حڪمون، ان پڳوون را گھر رٿه ڪلاڦ
شيڪاڙئھ. ان ھمئئہ ايئہ ڪئينڪ ڌاري قوم رون منڪون نئہ ايئہ پڳوون را گھر
۾ موئينليئہ وڙ تيڙي آوين ايٿا پويتر جڳا نئہ اپڙاوئہ پري.“

②9 ھائي وات اُوئي ايٿا ھارُو ڪرئي جي اُوئي افسس شھر را ھيڪا ڌاري
قوم را منڪ نئہ پولوس پيڙو شھر موئين ڏيڪيو تو، جيا رو نوم ترفمس ھتو،
ان اُوئي امر ھزميو جي پولوس يھودي ڌرم رو حڪم توڙين ھايا ڌاري قوم را
منڪ نئہ پڳوون را گھر ۾ موئينليئہ وڙ تيڙي آيوھ.

③0 پورا شھر موئين گھڻي ڦشرئي ٿي گھي، ان اسرائيلي قوم را منڪ ڊوڙي
آوين پيڙا ٿيا، ان پولوس نئہ زھالين ڊيھڙين پڳوون را. گھر ٿي ٻارو ڪاڍيو، ان
ھتيڪا اُوٿا را ڌرواڙا پنڌ ڪريا پرا.

① او پولوس ننه نمو ماريا رڻي ڪوشش ڪرتا ريا، تو ڪيئنڪ اوت ري رومي قوج را موتا ساپ ننه ڪهر ڏيڏي جي پورا يروشلم موئين قشريئي ننه رڻي. ② او جلدِي ۾ آپرون ساپون ان قوجيون ننه پيڙا لين قشريئي ڪريا واڙون ڪن ڊوڙي آيو. منڪي زئيون موتا ساپ ننه قوجيون پيڙو اوتون ڏيڪيو، تو پولوس ننه مارو پنڌ ڪريو. ③ تئيون موئنه ساپ آوين پولوس ننه زهاليو، ان اوتا ننه هي هٽڪڙي هٿيا رو حڪم ڏيڏو. ان پسئو او منڪون ٿي پونسوا مڏيو جي ”اي ڪوڻ سئو، ان ايئا رو ڪيوو ڏوه سئو؟“ ④ اوئو توتئو منڪ گهٽئي



تائي ڪروا لاڳيا. هيڪ منڪ هيڪ وات ڪرتو تو، تو پيڙو وڙي پيڙي وات. اتئي ڪاش هٽي جي موتو ساپ اصلي وات رڻي ڪهر پاڙي نتو هيڪتو. تيام اوئو حڪم ڏيڏو جي پولوس ننه قوجيون را گهڏ موئين لي زائو. ⑤ زئيون پولوس گهڏ ري ساڙي ڪن پوگيو، تو منڪي پولوس ننه ماريا هارو اتو زور لڳاڙيو، جي قوجيون رنه اوتا ننه پچايا هارو اُپاڙو پڙيو، ⑥ ڪم تو منڪ وونهي زور ٿي ڪيتا اوتات ريا جي ”ايئا ننه مارو پرو!“

پولوس يهوديون ننه آپ را پارام ڪئو

③ زئيون رومي قوجي پولوس ننه گهڏ موئين لي زايا واڙا هتا، تئيون پولوس قوج را موتا ساپ ٿي يوناني ٻولي ۾ پونسو: ”ڪي هون ڪيئنڪ وات ڪي هيڪون؟“

تو ساڻ ڪيڏو: ”تُون ننه يوناني ٻولي آهه، ڪي؟“ (38) پسته تُون اُو مصر ملڪ رو منڪ نتي ڪي، جيئنه ڪئينڪ ڏي اڳي رومي حڪومت رنه ڪلاڻ ڦشرئي ڪراوئي تئي، ان چار هزار وڊيا واڙا منڪ آپ پيڙا لين رن موئين گيوت پرو؟“

(39) پولوس ڪيڏو: ”نا ساڻ، هُون تو يهودي سون. هُون ڪليڪه صوپا را موٽا شهر ترسُس رو سون. مارئي وينتي اي سئه، جي مير يونئي ڪرين مُون ننه آپري اسرائيلي قوم رن منڪون ٿي ٻوليا رئي موڪل ڏيو.“

(40) زئيون ساڻ موڪل ڏيڏي، تئيون پولوس ساڙي مانه اُوپين هات را اشارا ٿي منڪون ننه ماٺ ٿيا رو ڪيڏو. زئيون ٻڌائي ماٺ ڪري گيا، تئيون پولوس عبراني ٻولي موئين ام ڪياو مڏيو:

22 ① ”او اسرائيلي پاڻون ان قوم رن آڳيونون، مارئي وات هومپڙو! هوه هُون آپ را پارام تمون ننه ڪئينڪ ڪونه.“ ② زئيون اُوئي پولوس ننه اُوئون ري آپري عبراني ٻولي موئين ٻولتون هومپڙيو، تو وڌارنه ماٺ ڪري گيا. تئيون پولوس وڙي ڪيڏو:

③ ”هُون يهودي سون. مارئي پيڏائيش ڪليڪه صوپا را ترسُس شهر رئي سئه. ايتنه يروشلم شهر موئين هُون نونو موٽو ٿيو، ان گملي ايل گرو رو شيلو ٿين اونا ٿي موسي رن لڪل حڪمون رئي هر وات شيڪئي، جيا حڪم پڳوون آپتون ٻاڻ ڏاڏون ننه ڏيڏا تا. هُون پڳوون رئي شيوا ايوا جونش ٿي ڪرتو، زم تم ٻڌائي همئه ڪروه. ④ مئين ايسو را ايٺا ڏيڪاڙل مارگ مانه وڊا وڙون مانه ايوو ظلم ڪريو، جي آدميون ان ڏوشيون ننه زهلاوين جيل موئين پورايا، ان ڪيونڪ ننه مرايا پرا. ⑤ مُڪ پوزاري ان ٻڌي ڌرمي پنچائيت مارئي هاڪ پري هيڪه جي هُون هاس ڪونه ريو. هُون اُوئون ٿي يهودي پاڻون هارو اجازت نوما را ڪاڳر لين دمشق شهر هومو گيو، زم اوت رن وشواسيون ننه زهلاوين پاسو يروشلم شهر موئين سزا ڏيورايا هارو لي آوون.“

پولوس همپزاوئھ جي او ڪم ڪرين وشواسي ٿيو

⑥ ”زئيون هون پنڌ ڪرتو دمشق شهر ڏوڪڙو پوگيو، تئين پپورون رنه توتنه اوچتو آڪاش ٿي مارنه چوڌاري گهڻو سوجهرو چلڪيو. ⑦ هون زمي مانھ پڙيو نو، ان هيڪ اواز مون ننه ام هومپزيام آيو: ’سائول، او سائول، تون مون ننه ڪم تنگ ڪرھ؟‘ ⑧ تيا مانھ مئين ڪيڏو: ’پريو، تمي ڪوڻ سو؟‘ تو اوئھ مون ننه ڪيڏو: ’هون ايسو ناصرت شهر وازو سون، جيا ننه تون تنگ ڪرھ.‘ ⑨ جيا منڪ مون پيڙا هتا، اوئي سوجهرو تو ڏيڪيو تو، پڻ جيو مون ٿي ٻولتو تو، اوئا ري واتون نتي هومپزي. ⑩ تئين مئين پونسيو: ’او پريو، مارنه هونھ ڪي ڪرو؟‘ تو پريو مون ننه ڪيڏو: ’اوني، دمشق موئين زا! اوئھ تون ننه ٻڌو ڪئين همپزاوشي، جيو تارا ڪريا هارو پگوون راڪيوھ.‘ ⑪ او سوجهرو ايوو زبڪيو تو، جي هون اونڌو ٿي گيو تو، ان مارا ساڻي مون ننه هات موئين زهالين پاڍين دمشق شهر موئين تيڙي آيا.

⑫ اوئھ دمشق شهر موئين حننياه نومي هيڪ منڪ هتو، جيو موسي رون لڪل پگوون رون حڪمون مانھ وودا وازو ڌرمي منڪ هتو، ان اوٽ رون ٻڌون يهوديون موئين اوئا رو مون هتو. ⑬ او مون ڪن آيو ان ڏوڪڙو اوپين ڪيڏو: ’پائي سائول، وڙي ڏيڪا! اوئھ ئي توتنه هون وڙي ڏيڪوا مڏيو ان اوئا هومو زويو. ⑭ پسئھ اوئھ ڪيڏو: ’آپتون ٻاپ ڏاڏون رنه پگوون تون ننه ايئا هارو اگي سونديوه زم تون ننه ڪبر پڙنه جي اوئا رئي مرضي ڪي سئھ، ان تون اوئا را پيڏوهي شيواداري ايسو ننه ڏيڪئھ، ان واتون ڪرتون هومپزنھ. ⑮ ڪم تو تون اوئا رئي هاڪ پريا وازو ٿيھ، ان جئين ڪئين تئين ڏيڪيوھ ان هومپزيوه، او تون ٻڌون منڪون هومو همپزاويھ. ⑯ هونھ تون ڌير ڪم ڪرھ ريو؟ اوني، پريو رو نوم لين پويتر سنون لئھ، زم تارا ڏوه ماڦ ٿي زائھ.‘ ”

پولوس هزماوئھ

جي او ڌاري قوم وازون ڪن ايسنو رئي هاڪ ڪم پرئھ

17 ”تيا ڪيڙ هون پاسو ايتئھ يروشلم شهر موئين آيو. هيڪ وار هون پڳوون را گهر موئين پرائنا ڪرتوت ريو، تو مون نئھ شپنا را زم پريو ڏيڪارو ڏيڏو.

18 اونه مون نئھ ڪيڏو: ’جلدي ڪر! يروشلم ٿي نيھري زا! ڪم تو جي واتون تون مارا پارام هاڪ پرين همپزاويھ، ايت را منڪ اوئون نئھ نئين مونئھ.‘ 19 تيا مانھ مئين ڪيڏو: ’او پريو، اي منڪ مارئي هاڪ ڪم نئين مونئھ؟ اوئون ٻڌون نئھ ڪبر سئھ جي، جيا تمون مانھ وشواس راکتا، اوئون نئھ هون جيئون تيتون پڳوون رون منڌرون ٿي زهللوين جيل موئين پوراوتو ان مراوتو. 20 اوئون نئھ ڪبر سئھ جي زئيون او تمارئي هاڪ پريا واڙا استيفنس نئھ مارتات ريا، تو هون آپ اوئھ اوپل هتو، ان هايا وات مانھ ڪش هتو، ان اوئا رو ڪون ڪريا وازون رون توئالون رئي همپاز ڪرتوت ريو. 21 پڻ پريو مون نئھ ڪيڏو: ’ايتون زا پرو، ڪم تو هون تون نئھ شيتي ڌاريون قومون موئين ميلونھ.‘

22 اتي وار هوڏي يهودي پولوس رئي وات هومپزتا ريا، پڻ هايا وات مانھ او زور ٿي ڪياو مڏيا: ’ايتا منڪ نئھ مارو پرو، ڪم تو ايوا منڪ نئھ دنيا موئين نه ريوو ڪيئھ.‘ 23 او گهوڙ ڪرتات ريا، آپرا توئال اونسا اونسا ڪرتات ريا، ان رينھ ٿي ڏوڙ اوڏاڙتات ريا. 24 تتيون قوچ رئھ مونئھ ساپ حڪم ڏيڏو جي ’ايتا نئھ گھيڊ موئين لي زائو، ان قٽڪا هئين اوئا ٿي هاسئي ڪراوو!‘ هيونئھ نمونئھ او ڪبر پاڙوا ڪرتو تو جي پولوس رو ڪيوو ڏوھ سئھ، جيا ري ڪري يهودي اتو گهوڙ ڪرئھ ريا.

25 زئيون اوئا نئھ ڇاڀڪا هنيا هارو ٻونڌيو، تتيون پولوس ڏوڪرا اوپل قوچ را هيڪا ساپ ٿي پونسسيو: ’روم را قانون پرمونئھ تمي هيڪا رومي منڪ نئھ ڦينصلو ڪريا وگر ڇاڀڪا هئي هيڪوھ، ڪي؟‘ 26 قوچ رو ساپ اي هومپزين

سِڊو موتا ساپ ڪن گپو ان ڪيڏو: ”تمِي اي ڪِي ڪروھ ريا؟ اي منڪ تو رُوم ملڪ رو سئھ.“ ②7 تيا مانھ موتو ساپ پوئوس ڪن گپو ان ڪيڏو: ”ھاسِي وات ھمپڙاؤ، تُون رُوم رو سئھ ڪِي؟“ تو پوئوس ڪيڏو: ”ھوئھ.“ ②8 تو موتھ ساپ ڪيڏو: ”مئين الھي گھڻا پئيھا ڏين رُومي تيا رو حق ليڏوھ.“ پڻ پوئوس ڪيڏو: ”ھون تو زلم ٿي لين رُوم رو سون.“

②9 پئسئھ جيا ڦوڇي پوئوس نئھ ڇاڀڪا هڻيا واڙا هئا، اُو جلدِي م پوئوس نئھ ساڏين هڪل گپا پرا. ان موتو ساپ پڻ گھڻو پيئو، ڪم تو اُوئا نئھ ڪبر پڙئي جي پوئوس رُوم رو سئھ، ان اُوئھ قانون رئھ ڪلاڦ اُوئا نئھ هٽڪڙي هئاوي تي.

پوئوس نئھ ٽرمي پنچائيت هومو نيڙاوتھ

③0 پيڙئھ ڏي ڦوڇ رئھ موتھ ساپ موتون پوزاريون ان ٽرمي پنچائيت رون ٻڌون ميمپرون نئھ پنچائيت موئين پيڙا تيا رو ڪيڏو، ڪم تو اُو پڪئي ڪبر پاڙوا ڪرتو تو، جي يھودي پوئوس مانھ ڪيو ڏوھ ڏئھ ريا. تئين اُوئھ پوئوس نئھ گھڊ ٿي ٻارو ڪاڍيو ان اُوئا نئھ لين پنچائيت هومو اُوپاڙيو.

23 ① پوئوس پنچائيت هومو ڏيون ٿي زوين ڪيڏو: ”اسرائيلي پايون، هون آڙ هُودي هاسا من ٿي پڳوون رئي شيوا ڪرونھ ريو.“ ② تيا مانھ مُک پوزاري، جيا رو نوم حنياه هتو، پوئوس ڪن اُوپل منڪون نئھ حُڪم ڏيڏو جي پوئوس نئھ ٿپڙ هئئھ. ③ تئين پوئوس اُوئا نئھ ڪيڏو: ”ڪوڙا منڪ، پڳوون تُون نئھ سزا ڏيشي. تُون مارو ڦينصلو پڳوون رون حُڪمون پرموتھ ڪريا هارو پيئوھ، پڻ تُون تو پڳوون رو حُڪم توڙين ڦينصلو ڪريا وگر مُون نئھ ماريا رو ڪئھ ريو.“

④ تيا مانھ جيا منڪ پوئوس ڏوڪڙا اُوپا تا، اُوئي پوئوس نئھ ڪيڏو: ”تُون پڳوون را مُک پوزاري ٿي زم تم ڪم ٻولئھ ريو؟“

⑤ تو پولوس ڪيڏو: ”پايون، مون ننه ڪهر نٿي جي اي مڪ پوزاري سٺه. جي ڪهر هوٽ تو هون هم نه ڪٽ، ڪم تو شاستر موئين لڪل سٺه: آپري قوم را آگيون ربي ڳلا نه ڪرو.“

⑥ هوئه پولوس ننه ڪهر هٿي جي پنچائيت موئين هي پالتي سٺه، هيڪ فريسي پالتي ان پيزي صدوقي پالتي. تيام اوئه پنچائيت ننه زور ٿي ڪيڏو: ”اسرائيلي پايون، هون فريسي پالتي رو سون، ان مارا پاپ ڏاڏا فريسي هتا. اي ڪيس مون مانه تيام ٿه ريو، ڪم تو هون ايتا وات مانه يقين راکونه جي پگيون مرلون ننه وزي جيوي اوناڙشي.“

⑦ زيون اوئه هاڻي وات ڪيڏي، تيون فريسي پالتي را منڪ ان صدوقي پالتي را منڪ آيت موئين وڙگاوا مڏيا، ان پنچائيت پيون پالتيون م ٿي ڳي. ⑧ ڪم تو صدوقي پالتي واڙا ام ڪهه جي مرل وزي جيوي نين اوئه، آڪاشي ڏوت نٿي هوتا، ان مريا ڪيڙ منڪ رو جيو ڪم ٿي زانه. پڻ فريسي پالتي واڙا ايتا وات مانه يقين راکهه جي پگيون مرل منڪون ننه وزي جيوي اوناڙشي، آڪاشي ڏوت سٺه، ان مريا ڪيڙ منڪ رو جيو ڪم نٿي ٿيو. ⑨ ڳوڙ وڌتو ڳيو، ان نيٺ ڪينڪ شاستر زوٿيا واڙا، جيا فريسي پالتي را هتا، اوئين اُپا ان گهٽا زور ٿي ڪيڏو جي ”امي ايتا منڪ موئين ڪين ڏوه نٿي ڏيڪتا. اي تو ٿي هيڪه جي ڪياڪ مرل منڪ رهه جيو ڪا ڪيٽڪ آڪاشي ڏوت اونا ٿي واتون ڪري هوشي. تو پسٺه ڪيو ڏوه ٿيو؟“

⑩ زيون جهيڙو گهٽو وڌي ڳيو، تو قوج رو موتو ساپ پياوا مڏيو جي متون منڪ پولوس ننه مارنه نه پرو. تيام اوئه حڪم ڏيڏو جي قوچي گهڏي آوين پولوس ننه پنچائيت موئين ٿي ڪاڍين پاسو گهڏي موئين لي زانه.

⑪ اوئه ئي رات پريو ايسو پولوس ڪن آوين ڪيڏو: ”هيٺ راک، زم تين ايتنه يروشلم شهر موئين مارئي هاڪ پريهه، هم روم شهر موئين پڻ تون مارئي هاڪ ضرور پريهه.“

يهودي پولوس ننه نمو ماريا رو هون ڪانه

⑫ پڙهه ڏي هوار را ڪئينڪ يهودي آوين پيڙا ٿيا ان اوني آبت موئين اي ڪراپ منصوپو نايو. اوني اپرا جيو رو هون ڪائين وائيدو ڪريو جي ”زئيون هودي پولوس ننه نمو نئين مارون، تئيون هودي آبي نڪو ڪاشون نڪو پيشون.“

⑬ هائي منصوپو نايا وازا منڪ چاليهون ٿي گهڻا هئا. ⑭ پسنه اوني ٻڌي پيڙا ٿين موتون پوزاريون ان آپري قوم رون آڳيونون ڪن زائين ڪيدو: ”امي پيڙا ٿين اپرا جيو رو هون ڪاڏوه جي زئيون هودي پولوس ننه نمو نئين مارون، تئيون هودي ڪئين نئين ڪائون پيشون. ⑮ تيام هوهه تمي ان تماري پنچائيت، اي پونهونو ڪرين قوج را موتا ساپ ننه وينتئي ڪرو جي پولوس ننه وڌيڪ واتون پونسيا هارو تمون ڪن پنچائيت ڪن ميلنه. امي اونا رئي وات زوشون، ان اونا رنه تمون هودي پوگيا مور امي اونا ننه مارشون پرو.“

⑯ پولوس را پوئيزا ننه هايا منصوپا رئي ڪهر پڙئي، تو اونه جون زائين پولوس ننه گهڏي موئين آوين همپزيايو. ⑰ تئيون پولوس قوج رون ساپون موئين ٿي هڪا ننه هاڏ ڪرين ڪيدو: ”ايئا سوڪرا ننه موتا ساپ ڪن تيڙي زائو، ڪم تو ايئا رنه موتا ساپ ٿي ڪئينڪ وات ڪرووه.“ ⑱ تو ساپ سوڪرا ننه موتا ساپ ڪن تيڙي گيو ان اوڻه زائين ڪيدو: ”پولوس قيڏي مون ننه هاڏ ڪرين وينتئي ڪري جي ايئا سوڪرا ننه تمون ڪن تيڙي آون، ڪم تو اي تمون ٿي ڪئينڪ وات ڪروا ڪرئ.“

⑲ موتو ساپ اونا سوڪرا ننه هات موئين زهالين نوڪلائي موئين هڪهه پاهنه تيڙي گيو ان پونسيو: ”تون مون ٿي ڪي وات ڪروا ڪرئ؟“ ⑳ تئيون سوڪرئ ڪيدو: ”يهوديئي آبت موئين تمون ٿي اي وينتئي ڪريا رو قينصلو ڪريوه جي هوارو تمي پولوس ننه ڌرمي پنچائيت موئين تيڙي آوو، زم اونا را پارام وڌيڪ صحيح ڪهر پاڙهه. ㉑ پن تمي اوئون رئي وات مت مونيا، ڪم تو

اُوئون را چاليهون ٿي وڌيڪ منڪ شيرڙا مانھ هتائين پيٺاھ. اُوئي آڀرا جيو رو هون ام ڪاڌو جي زئيون هُوڌي اُو پولوس نئھ نمو نئين مارئھ، تئين هُوڌي نڪو ڪاشي نڪو پيشي. اُو همئنه سنڀرين پيٺاھ، ان اُو روڳا تمارا قينصلا رئي وات زوئھ ريا.

② تئين موتھ ساڀ اُوئا نئھ گھڻو گھڻو ڪيڌو: ”اي واتون جي تئين مون نئھ همپزاويه، اي پيڙا ڪيا نئھ مت همپزاوي.“ پسنھ اُوئھ سوڪرا نئھ زايا رئي موڪل ڏيڻي.

پولوس نئھ صنويا مانھ راز ڪريا وازا فيلڪس ڪن ميلئھ

③ تيا ڪيڙ قوچ رئھ موتھ ساڀ پيئون نونون ساڀون نئھ آڀ ڪن تيڙا ان ڪيڌو: ”بي هُو قوچي، پيڙا ستر قوچي گھوڙون مانھ سڙيا وازا، ان بي هُو قوچي پالا لين وڊيا وازا، تيار ڪرو، ان تمي آڙ رات را نوي واڳي قيصره شهر هوما زائو. ④ ان گھوڙا پڻ لي زائو، زم پولوس نئھ گھوڙا مانھ ساڙين راز ڪريا وازا فيلڪس ڪن هازو هورو پوڳاڙو.“ ⑤ پسنھ موتھ ساڀ اُوئون هات ام ڪت لڪين ڏي ميليو:

⑥ ”جناب راز ڪريا وازا فيلڪس ساڀ، تمي هڪي ريو!

اي ڪت هون ڪلوديس لوسياس لڪونه ريو.

⑦ ايئا منڪ نئھ يهوديئي زهاليو تو ان هاو ماريا مانھ هتا، پڻ هون قوچيون نئھ لين اُوئھ پوڳي گيو ان يهوديون ٿي پچايوه، ڪم تو مون نئھ ڪبر پڙي گئي تي جي اي رومي سنھ. ⑧ هون ايئا نئھ يهوديون ري پنچائيت موئين تيڙي گيو، زم ڪبر پاڙي هيڪون جي يهودي ايئا رو ڪيوو ڏوه ڪاڏئھ. ⑨ پسنھ مون نئھ ڪبر پڙي جي يهوديئي آڀرا ڌرم ريون واتون ري ڪري ايئا مانھ الزوم هئيوھ، پڻ ايئا مانھ ايوو ڪئين الزوم نه هئيو جيا ري ڪري ايئا نئھ موت ڪا جيل رئي سزا ڏيوو ڪئھ. ⑩ زئيون مون نئھ ڪبر پڙي جي ايئا منڪ رئھ ڪلاڦ

ڪراپ منصوبو ٿيو، تئين جلدِي م تمون هومو روونو ڪريو، ان جيا منڪ ايتا مانه الزوم هئنه ريا، اوئون ننه پڻ مئين ڪيڏوھ جي او تمون ڪن اوين ايتا رنه ڪلاڦ ڪيس ڪرئ.

① پسنه قوچي حڪم پرموئنه رات ئو رات پولوس ننه انتيترس شهر هوڏي لي ڳيا. ② پيزنه ڏي پنڌ اول قوچي گهڏي هوما پاسا ڳيا پرا، ان گهوڙون واڙا قوچي پولوس ننه آڳڙ تيزي ڳيا. ③ زئيون او پولوس ننه قيصريه شهر موئين لين پوڳيا، تو اوئي صوپا مانه راز ڪريا واڙا ننه ڪت ڏيڏو، ان پولوس ننه پڻ اوئا رنه حواله ڪريو. ④ اوئه ڪت پئين پولوس تي پونسيو: ”تون ڪيا صوپا رو سئ؟“ زئيون اوئا ننه ڪهر پڙي جي پولوس ڪليڪه صوپا رو سئ، جيا صوپا رون منڪون مانه اوئا ننه ڦينصلو ڪريا رئي اڪتيرائي هئئي، ⑤ تو ڪيڏو: ”هون ٿارو پيون تئين ليه، زئيون جيا منڪ ٿارنه ڪلاڦ سئ، او پڻ آوشي.“ پسنه اوئه حڪم ڏيڏو جي پولوس ننه قوچيون را پاهرا هيٺ آپرا گهڏ موئين راکئ، جيو اڳي هيروديس پاڏشا رو مولات هتو.

صوپا مانه راز ڪريا واڙا ڪن يهودي پولوس مانه ڪيس ڪرئ

① پونسون ڏيئون ڪيڙ مڪ پوزاري حننياه يروشلم شهر تي قيصريه شهر موئين آيو. او آپ پيزا اسرائيلي قوم را ڪئينڪ آڳيون ان هڪا ترطلس نومي وڪيل ننه پڻ تيزي آيو. اوئنه اوين اوئي صوپا مانه راز ڪريا واڙا فيلڪس ڪن پولوس رنه ڪلاڦ واتون همپڙايو.

② زئيون پولوس ننه ڪورٿ موئين تيزايو، تو ترطلس اوئا مانه ڏوه ڏيوا لاڳيو: ”مونوازا فيلڪس، امي تماري ڪري گهڻا هڪ موئين ريونه ڪم تو تمڻي ايوي هوشيارڻي ٿي راز ڪروه ريا جي ايتا صوپا موئين گهڻي ترقي ٿي. ③ امي هر نموننه ان هر جڳا مانه تمارو گهڻو ٿورو مونونه. ④ هون تمون ننه گهڻي تڪليپ نئي ڏيوا ڪرتو، پڻ روڳي ٿوڙيڪ وينئي ڪرونه، ميرپوني

ڪرين اماري ٻي ترڻ واتون صير ٿي هومپڙو. ⑤ امي ڏيکيوه جي اي منڪ ڪترا وازو سٺه. اي پوري دنيا موئين زائين ٻڌون يهوديون موئين قشري ڪراوڻه، ڪم تو اي ايسو ناصرت شهر وازا ري پالتي رو آڳيون سٺه. ⑥ ان اينه اي پڻ ڪوشش ڪريه، جي پڳوون را گهر ننه اڙاونه، پڻ امي اينه ننه زهاليو رو: (امارو ڪيال هتو جي اينه رو ڦينصلو امارا ڌرم پرموئنه ڪرون، ⑦ پڻ قوج رو موٽو ساڻ لوسياس آيو ان اينه ننه امون ٿي زوري لي گيو، ⑧ ان اينه رنه ڪلاڦ ڦرياه ڪريا وازون ننه ڪيڏو جي تمون ڪن آونه.) جيا ڏوهون را امي اينه مانه الزوم هئون ريا، اوئون رئي زئون تمي آپ جونچ ڪرشو، تئين تمي پوري ڪهر پاڙي هيڪشو.

⑨ پسنه يهوديئي پڻ هيا الزوم موئين وڪيل رو پاهو ليدو ان ڪيو مڏيا جي ”هائي واتون هاسي سٺه.“

پولوس راز ڪريا وازا فيلڪس ننه آپرا پارام ڪنه

⑩ پسنه راز ڪريا وازنه پولوس ننه ٻوليا رو اشارو ڪريو. تئين پولوس ڪيڏو:

”ساڻ، مون ننه ڪهر سٺه جي گهڻون سالون ٿي تمي اينه اسرائيلي قوم را ڦينصلا ڪروه ريا، تيام هون ڪشي ٿي تمون ننه مارا پارام همپڙاونه. ⑪ هزون ٻارنه ڏي مس ٿيا هون يروشلم موئين پڳوون رئي پوزا ڪروا گيو تو، ان تمي پڻ هيا وات رئي ڪهر پاڙي هيڪوه. ⑫ اوئنه ايئي مون ننه نڪو پڳوون را گهر موئين ڪيا ٿي مقابلو ڪرتون ڪا منڪون ننه پيڙا ڪرين گڙٻڙ ڪرتون ڏيڪيو، نڪو پڳوون رون منڌرون موئين ان نڪو شهر موئين هم ڪرتون ڏيڪيو. ⑬ اي جيون واتون را مون مانه الزوم هئنه ريا، اوئون رئي ايئون ڪن ڪئين ٿا پتئي نئي. ⑭ پڻ هيڪ اي وات هون مونونه ريو جي هون آپرا ٻاپ ڏاڏون را پڳوون رئي شيوا ايسو را ڏيڪاڙل مارڳ پرموئنه ڪرونه، جيا ننه اي گلت پالتي ڪنه،

ان هُون مُوسيٰ رُون لڪل حُڪمون رِيون ان پڳوونَ رو نياپو ڏيڏا واڙون رِيون ٻڌيون لڪل واتون مانھ يقينَ راڪونھ. (15) مُون نئھ پڳوونَ ٿي هاڳي آسريو سئھ جيوو ايئون نئھ سئھ، جي پڳوونَ آپري وات مانھ وُڍا واڙون منڪون نئھ ان نہ وُڍا واڙون منڪون نئھ پڻ مريا ڪيڙ هيڪ ڏي جيوو اوناڙشي. (16) تيام هُون هميش اي ڪوشش ڪرونھ جي هُون نڪو پڳوونَ رو نڪو منڪون رو ڏوھ ڪرون ان مارو من صاق رئھ.

(17) هُون گهڻون سالون ڪيڙ يروشلَم موئين گپو تو، جي اوڻئھ زائينَ آپري قُوم موئين پڳوونَ را نوم مانھ ڪيريات ڪرون ان اونا را نوم مانھ مال سڙاوون. (18) زئيون اُوئي مُون نئھ پڳوونَ را گهر موئين ڏيڪيو، تئيون هُون سونت لين هائي ڪوم ڪرتوت ريو، ان اوڻئھ نڪو مُون پيڙا گهڻا منڪ هتا نڪو ڪئين گڙهڙ ٿيٿيٿ رئي. (19) مُون نئھ جيئي اوڻئھ ڏيڪيو، اُو آسيه صُويا را ڪئينڪ يهوڊي هتا. جي اوئون ڪن مارئھ ڪلاڦ ڪئين وات سئھ، تو اوئون رئھ ايئئھ تمون هومو آوين مُون مانھ الزوم هئو تو. (20) اُو تو نجي آيا، تو پئسئھ هئوئھ اي منڪ پلئھ همپڙاوئھ جي زئيون هُون ايئون ري پنچائيت هومو اُپيو تو، تئيون ايئي مُون موئين ڪيوو ڏوھ ڏيڪيو. (21) ايئي رُوڳو مارو اي ڏوھ ڪاڍيو جي مئين ايئون هومو اُپينَ زور ٿي ڪيڏو تو جي ’آز اي ڪيس مُون مانھ تمون هومو تيام تئھ ريو، ڪم تو مارو ايئا وات مانھ يقينَ سئھ جي پڳوونَ مرلون نئھ وڙي جيوو اوناڙشي.’

(22) پئسئھ راز ڪريا واڙئھ فيلڪس، جيا نئھ ايسو را ڏيڪاڙل مارڳ را پارام گهڻي ڪهر هتئي، ڪيس نئھ روڪيو پرو ان اوئون نئھ ڪيڏو: ”زئيون قوچ رو موٽو ساڀ لُوسياس اوشي، تئيون هُون تمارا ڪيس رو قينصلو ڪريھ.“ (23) پئسئھ اوئھ قوچ را نونا ساڀ نئھ ڪيڏو جي اُو پولوس مانھ پاهرو ڏيوراوئھ، پڻ اونا ٿي نرمي هُون وئھ ان اونا رُون آپرون منڪون نئھ اونا رئي شيوا ڪريا ٿي نہ روڪئھ.

پولوس راز ڪريا واڙا فيلڪس ان اوئا ري ڏوشي نٺ ايسنو را پارام همپزاوئھ

②4 ڪئنيڪ ڏيئون ڪيڙ فيلڪس آپري دروسلھ نومي ڏوشي پيڙو آيو، جيئي يهودي قوم رئي هتئي، ان پولوس نٺ تيزاوين اوئا ٿي ايسو ڪريست مانھ وشواس راڪيا را پارام واتون هومپڙوا مڏيو. ②5 زئيون پولوس اوئا نٺ پگوون ري وات مانھ وودا را پارام، آپري مرضي نٺ قاهوم راڪيا را پارام، ان پگوون ري آيا وازي سزا را پارام هزمايو، تئيون فيلڪس نٺ گهٽئي پيڪ لاڳئي ان پولوس نٺ ڪيڏو: ”همنٺه زا پرو. وڙي زئيون مون نٺ توڻو زڙيو، هون تون نٺ تيزاوي ليه.“ ②6 اوئا نٺ اي اميد پڻ هتئي جي پولوس ڪئنيڪ رشوت ڏيشي. تيام او گهڙي گهڙي تيزاوين اوئا ٿي واتون ڪرتو.

②7 پيئون سالون ڪيڙ فيلڪس ري جگا مانھ پُرڪيس فيسٽس صوپا مانھ راز ڪروا آيو. فيلڪس يهوديون نٺ ڪش ڪروا ڪرتو تو، تيام او پولوس نٺ پاهرام ساڏين گيو پرو.

پولوس روم را پادشا ڪن آپرو قينصلو ڪرايا هارو تونھ ڏئھ

25 ① زئيون نوا راز ڪريا واڙا فيسٽس نٺ ايٺا صوپا موئين آيا نٺ ترڻ ڏي ٿيا، تئيون او قيصره شهر تي يروشلم موئين گيو. ② اوٺھ موئي پوزاريئي ان يهودي قوم ري آگپووني پولوس رٺ ڪلاڻ فيسٽس ڪن واتون ڪري، ان اوئا ٿي ام وينتئي ڪرئي جي ③ ”تمي ميروني ڪرين پولوس نٺ ايٺه يروشلم موئين تيزاوو.“ ڪم تو اوئي اي ڪراپ منصوپو نايو تو جي پولوس نٺ ڪيٺڪ شيرڙا مانھ مراوئھ پرو. ④ پڻ فيسٽس ڪيڏو جي ”پولوس قيصره موئين قيڏي سٺ، ان هون آپ توڙونڪ ڏيئون ڪيڙ اول زايا وازو سون. ⑤ تيام تمون موئين جيا ڪاس منڪ سٺ، او مون پيڙا هالٺھ، ان جي اوٺھ منڪ ڪئنيڪ

ڏوه ڪريو هوشي، تو پلئه اوتا مانه الزوم هئنه.

⑥ فيسٽس اوتنه رُوگا آت ڪا ڏه ڏي ريو، ان پسنه قيصره موئين گيو پرو. پيننه ڏي قينصلا ري گهاڏي مانه پيهين اونه حڪم ڏيتو جي پولوس ننه ڪورٽ موئين لي آونه. ⑦ زئيون پولوس آيو، تو جيا يهودي يروشلم ٿي آيا تا، او اوتا رنه چوڌاري قري آيا ان اوتا مانه گهئا موتا ڏوه ڏيو لاگيا، پڻ اوتون رئي ڪئين ٿا پتتي نه ڏي هيڪيا. ⑧ پولوس آپرا پارام ڪيڏو جي ”مئين يهوديون را ڌرم رنه، پگهون را گهر رنه، ڪا روم را پاڌشا رنه ڪلاف ڪئين پڻ ڏوه نٿي ڪريو.“

⑨ تويي پڻ فيسٽس يهوديون ننه ڪش ڪريا هارو پولوس ٿي پونسيو: ”تون يروشلم موئين هاليه ڪا نا، زم اوتنه مون هومو ايئون واتون رو قينصلو تنه؟“ ⑩ پڻ پولوس ڪيڏو: ”هون همئه رومي حڪومت ري ڪورٽ موئين اوپوه، ان مارو قينصلو ايئه هوو ڪپنه. تمون ننه ٻڌئي ڪهر سه جي مئين يهوديون رو ڪئين ڏوه نٿي ڪريو. ⑪ جي هون ڏوهاري سون ان مئين موت ري سزا کاڌا جيوو ڪئين ڪوم ڪريوه، تو هون مريا هارو تيار سون. پڻ جي اي الزوم جيا مون مانه هئه ريا ٻڌائي ڪوڙا سه، تو ڪيا پڻ منڪ رو اي حق نٿي جي او مون ننه ايئون رنه خواله ڪرئه. تيام هون روم را پاڌشا ننه ڏونه ڏيونه، جي او مارو قينصلو ڪرئه.“

⑫ تيون فيسٽس آپرون صلاح ڏيڏا وازون ٿي صلاح ڪرين ڪيڏو: ”نيڪ سه. تين روم را پاڌشا ڪن ڏونه ڏيڏيئه. هونه تون روم را پاڌشا ڪن زايئه.“

فيسٽس پولوس ننه نونا پاڌشا اگريا ٿي ملاوئه

⑬ ڪئين ڏيون ڪيڙا اگريا پاڌشا ان اوتا رئي پين پريڪي قيصره شهر موئين فيسٽس ٿي مزو آيا. ⑭ زئيون او ڪئين ڏي ريا، تيون فيسٽس اگريا پاڌشا ننه پولوس را ڪيس را پارام همپزياو جي ”هيڪ منڪ سه جيا ننه راز ڪريا

واڙو فيلڪس قيڏ موئين ساڏين گيهو پرو. (15) زئيون هون يروشلم موئين هتو، تو ايٿا منڪ رنه. ڪلاڦ موئي پوزاريئي ان يهودي قوم ري آگيون موني تپي واتون ڪري، ان منٽ ڪرئي جي هون ايٿا ننه سزا ڏيڏا رو ڦينصلو ڪرون. (16) پڻ مئين اوئون ننه ڪيڏو جي روم را قانون پرموئنه زئيون هودِي ڪياڪ منڪ ننه ڏوه ڏيڏا واڙون رنه روپرو آپرا پارام همپزيا رو موقعو نه زڙنه، تنيون هودِي اوئا ننه سزا نه ڏيوو. (17) تيام، زئيون او ايئنه آوين پيزا تيا، تو مئين ڪئين ڌير نه ڪرئي، ان پيزنه ڏي مئين ڦينصلا ري گهاڏي مانه پيهين حڪم ڏيڏو جي اوئا منڪ ننه تيڙي آئنه. (18) زئيون اوئا رنه ڪلاڦ منڪ اوئين اوپا، تنيون اوئي ايوو ڪئين ڪراپ ڏوه نه ڏيڏو جيون رو مون ننه شڪ هتو، (19) پڻ اوئي روڳو آپرا ڌرم ريون ڪئينڪ واتون ري ڪري ان هيڪا ايسو نومي منڪ ري ڪري اوئا مانه ڏوه ڏيڏو، جيو مري گيو تو، پڻ پولوس ڪنه ريو جي او جيو تو سئه. (20) مون ننه اي وات هزميام نه اوئي جي ڪم ڪرين ايئون واتون رئي صحيح جونچ ڪرون، تيام مئين اوئا تپي پونسيو جي تون يروشلم موئين زايا هارو ڪش سئه ڪا نا، زمر اوئنه ايئون واتون رو ڦينصلو ئه؟ (21) پڻ زئيون پولوس اي ڏونه ڏيڏي جي اوئا رو ڦينصلو روم را پاڏشا ڪن ئه ان اتي وار هودِي او پلنه قيڏي رنه، تنيون مئين حڪم ڏيڏو جي زئيون هودِي هون ايٿا ننه روم را پاڏشا ڪن نه ميلون، تنيون هودِي ايٿا ننه قيڏي راڪو.

(22) تنيون اگريا پاڏشا فيسٽس ننه ڪيڏو: ”مارئي مرضي سئه جي هون آپ اوئا ري واتون هومپزون.“ تو فيسٽس ڪيڏو: ”پلنه، تمي هوارِي اوئا ري واتون هومپزيا.“

(23) پيزنه ڏي اگريا پاڏشا ان اوئا رئي بين برنيڪي گهٿا مون ان شون تپي ڌرپار موئين آيا. اوئون پيزا قوج را موئا ساپ ان شهر را ڪاس منڪ هتا. زئيون فيسٽس حڪم ڏيڏو، تو پولوس ننه ڌرپار موئين اوئيو. (24) پسئه فيسٽس ڪيو لاگيو: ”اگريا پاڏشا ان ايئنه اول ٻڌون منڪون، تمون هومو اي او منڪ سئه

جيا را پارام ٻڌي يهوديئي، يروشلم موئين ان ايتنه قيصريه موئين پڻ، مون نئه منٽ ڪرئي ان زور ٿي ڪيڏو جي 'ايئا منڪ رئه جيوتو نه ريوو ڪپئه. ايئا نئه موت رئي سزا ڏيو.' ②5 پڻ مئين ڪهر پاڙيهه جي ايئه ايوو ڪئين ڏوه نٿي ڪريو جيا ري ڪري ايئا نئه موت رئي سزا ڏيون. پڻ ايئه آپ ڏونه ڏيڏئي جي ايئا رو ڦينصلو روم را پاڏشا ڪن ٿه، تيام مئين ايئا نئه ميليا رو ڦينصلو ڪريوه. ②6 پڻ ايئا را پارام مون ڪن ڪئين پڪئي وات نٿي جي روم را پاڏشا نئه لڪين ڏي ميلون. تيام مئين ايئا نئه تمون ٻڏون هومو، ان ڪاس ڪرين، اگريا پاڏشا، تمون هومو اوٿيوه، زم تمي ايئا ڪيس رئي جونچ ڪرو، تو هون ڪئينڪ لڪي هيڪون. ②7 ڪم تو اي وات مون نئه نائوڪئي نٿي لاڳتئي جي هون هيڪا قيڏي نئه ميلون، پڻ جيا الزوم اوئا مانه هٿل سهه، او صاف نه لڪون."

پولوس اگريا پاڏشا هومو آپرا پارام همپزاوئه

26 ① تئين اگريا پاڏشا پولوس نئه ڪيڏو: "تون نئه موڪل سهه. تون پلئه آپرا پارام ڪئينڪ ڪئه." تو پولوس هات ٿي اشارو ڪرين آپ را پارام ام ڪيڏو:

② "اگريا پاڏشا جي، هون آپ نئه پاڳوازو هزمونھ جي ايئون ٻڌيون واتون را پارام، جيون را ڏوه يهودي مون مانه ڏهه ريا، هون آز تمون هومو آپري وات همپزاوون، ③ ڪم تو تمي يهوديون ريون ٻڌيون ريتون روازن ان ڌرم ريون واتون ٿي گهٽا واقوب سو. تيام مارئي تمون نئه وينتئي سهه جي مارئي وات صير ٿي هومپزو.

④ ٻڏون يهوديون نئه ڪهر سهه جي هون ننڪو ٿڪو مور ٿي آپرا ملڪ موئين ان پسئ يروشلم شهر موئين ڪم ڪرين ريو. ⑤ اوئون نئه شروع ٿي لين مارئي پوري ڪهر سهه، ان جي او هاڪ پروا ڪرئھ تو او آپ هاڪ پري هيڪهه، جي ڪم ڪرين هون فريسي پالتي را نمونا پرموئنه ويتو، جيئي اپنا ڌرم رئي ٻڏون

ٿي پڪڙي پالڻي سٺ. ⑥ ان همنه اي ڪيس مون مانه تيام ٿيوه، ڪم تو مون ننه پگهون را اونا وائيدا رو آسيو سٺه جيو اونه اپتون پاپ ڏاڏون ٿي ڪريو تو، جي او مرلون ننه جيوي اوناڙشي. ⑦ اي او هاڳي وائيدو سٺه جيا رنه پورو ٿيا رٿي وات اپني قوم رن ٻارون ذاتون را منڪ زونه ريا، ان ڏي رات پورا من ٿي پگهون رٿي شيوا ڪرڻه ريا. ان هائي پروسو راکيا ري ڪري، او پاڏشا، يهودي مون مانه الزوم هڻه ريا. ⑧ تمي يهودي اينا وات مانه ڪم يقين نٿي راکتا جي پگهون مرلون ننه جيوي اوناڙي هيڪه؟

⑨ اڳي هون آپ سوچتو جي مون ننه ايسو نصرت شهر وازا رو نوم ليدا وازون رنه ڪلاڦ گهڻو ڪئين ڪروو ڪپنه. ⑩ يروشلم شهر موئين مئين همروم ڪريو، ان موتون پوزاريون ٿي اجازت نوما لين هيون گهڻون پگهون رن سونديل منڪون ننه جيلون موئين پوريا، ان زنيون ڪئين اوئون ننه موت رٿي سزا ڏيدا رو ڦينصلو ٿيو، تو هون هميش هايا ڦينصلا را حق ڀر هتو. ⑪ ان مئين پگهون رن ٻڌون منڌرون موئين گهڻي وار وشواسيون ننه ماريا رٿي سزا ڏيوراوين ايسو مانه وشواس سڏاوا ڪريو. مون ننه اوئون مانه اتڻي رينه سرتڻي، جي مئين نه روگو يروشلم شهر موئين پڻ پيزون شهرون موئين پڻ زائين وشواسيون ننه تنگ ڪريا.

پولوس اڀرڻه وشواسي ٿيا را پارام همپزاوڻه

⑫ ”هايون واتون هارو هيڪ وار هون موتون پوزاريون ٿي اجازت نوما لين اوئون را حڪم پرموڻه دمشق شهر هومو زاتوت ريو. ⑬ پپورون رنه توڻه، پاڏشا جي، مئين شيرڙا مانه آڪاش ٿي ايوو سوجهرو ڏيڪيو، جيا موئين ڏي ٿي پڻ گهڻي روشنڻي هڻي. او مارنه ان مارون ساڻيون رنه چوڌاري چلڪيو. ⑭ امي ٻڌائي زمي مانه پڙيا نا، تو مئين هيڪ اواز آڀري عبراني ٻولي موئين هومپزيو: ’سائول، او سائول، تون مون ننه ڪم تنگ ڪرڻه؟ تون آڀرو ماتو ڪم ڦورڻه؟

ڏٺي زبئون ڊگبا نئه هوتي ٿي هاڪلئه، تو ڊگبا رئه لتون هئا ٿي اوثا نئه ڪي
 قائيدو ٿيشي؟' (15) تو مئين پونسيو: 'پريو، تمي ڪوڻ سو؟' تيا مانه پريو ڪيتو:
 'هون ايسو سون، جيا نئه تون تنگ ڪرئه. (16) پڻ هوءَ اوثين اُوپ. مئين تون
 نئه ايئا هارو ڏيڪارو ڏيڏوه جي هون تون نئه آپري شيوا ڪريا وازو راکون
 زم جئين ڪئين تئين مارا پارام ڏيڪيوه ان جئين ڪئين هون تون نئه ڏيڪارِيه،
 تون اي واتون هاڪ پرين منڪون نئه همپزاوئه. (17) ٿارئي اسرائيلي قوم ان ڌاري
 قومون، جيون ڪن هون تون نئه ميلونه، اُو تون نئه ماروا ڪرشي، پڻ هون تون
 نئه پچاويه. (18) ٿارئه مارا پارام همپزاوين اوثون را من موئين سوجهرو ڏيوو،
 اوثون نئه اندارا ٿي ڪاڍين سوجهرا موئين اوثو، ان شيطون را قوضا ٿي سڏاوين
 پڳوون هوما اوثو، زم مون مانه وشواس اوثيا ٿي اوثون نئه ڏوهون رئي ماڻهي
 زڙه ان اُو پڳوون رون سونڍل منڪون پيڙا آوئه."

پولوس ايسنو رئي هاڪ پريا را پارام همپزاوئه

(19) "تيام، اگريا پاڌشا جي، مئين پريو ايسو رئي وات پورا من ٿي مونئي،
 جيئنه مون نئه آڪاش ٿي ڏيڪارو ڏيڏو تو. (20) ان مور ٿي مئين دمشق شهر
 موئين، پسئه يروشلم شهر موئين، پسئه پورا يهوديه ملڪ موئين، ان پسئه
 ڌاريون قومون موئين زائين همپزاو جي 'آپرا ڪراپ ڪوم ساڏين توبونه ڪرو
 ان پڳوون هوما آو، ان ايوا ڪوم ڪرو جيا ٿي ڪبر پڙهه جي تمي هاس ڀر
 آپرا ڪراپ ڪوم ساڏياھ پرا ان پڳوون ري وات مانه ووه ريا. (21) ٻڌئي وات
 هائي سئه، جيا ري ڪري يهوديئي مون نئه پڳوون را گهر موئين زهاليو ان
 ماريا رئي ڪوشش ڪري. (22) پڻ پڳوون ري مدت ٿي هون آڙ ڏي هُوڏي هازو
 هورو سون ان نونون موتون ٻڌون نئه هاڪ پرين همپزاوونه. جيون واتون را
 پارام پڳوون رو نياپو ڏيڏا وازي ان موسي اگي ڪيتو تو جي ضرور ٿيشي،
 هون روگي اُو واتون همپزاوونه (23) جي پڳوون رو سونڍل پچايا وازو ڪريست

ڏک سهين مريوه، ان ٻڌون مور موت ٿي جيوِي اُونِيوه، ان اسرائيلي قوم ان ڌاري قومون رون منڪون ننه ايئا وات رو سوجهرو ڏيتوه جي پڳوون هميش رو جيون ڏئه.

24) زئيون پولوس آپ را پارام اگريا پادشا ننه هم ڪيتوت ريو، تنيون فيسٽس زور ٿي ڪيڏو: ”پولوس، تون تو گونڏو ٿي گيوه. ٿارنه گهڻه علم تون ننه هاو گونڏو ڪريوه پرو.“

25) پڻ پولوس ڪيڏو: ”فيسٽس ساب، هون تو گونڏو نٿي. هون هاسي ان عقل ري واتون ڪرونه ريو. 26) اي پادشا جيا ٿي هون پيڪ وگر ٻولونه ريو، اي ايئون واتون را پارام هزمئه. مون ننه يقين سئه جي ايئا ننه هايون ٻڌيون واتون رئي ڪهر سئه، ڪم تو جئين ڪئين ايسو ٿي ٿيو، او هيڪه پاهنه نئين، پڻ منڪون رنه روپرو ٿيو.“ 27) پسئه وڙي پولوس پادشا ننه ڪيڏو: ”اگريا پادشا، تمي پڳوون رو نياپو ڏيڏا وازون ري واتون مونوه، ڪا نا؟ مون ننه ڪهر سئه تمي مونوه.“

28) تنيون اگريا پادشا پولوس ننه ڪيڏو: ”تون ٿوڙا وڪت موئين مون ننه وشواسي ڪريه پرو، ڪي؟“

29) تو پولوس ڪيڏو: ”پلئه ٿوڙا ڪا گهڻا وڪت ڀر، پڻ ماري تو پڳوون ٿي اي پرائنا سئه، جي نه روگو تمي پڻ پيڙا ٻڌائي جيا آز هاري واتون هومپڙه ريا، مون جيوا وشواسي ٿه، پڻ قيڏي نه ٿه.“

30) پسئه اگريا پادشا، راز ڪريا وازو فيسٽس، پادشا رئي پڻ پرنڪي، ان پيڙا جيا اوئون پيڙا پينل هتا، او ٻڌائي اُونين اُويا. 31) زئيون او ٻارا نيهريا، تو او هيڪا پيڙا ننه ڪيو مڏيا جي ”هايئه منڪ ايوو ڪئين ڏوه نٿي ڪريو جيا ري ڪري هيا ننه جيل ڪا موت رئي سزا ڏيوو ڪپئه.“ 32) پسئه اگريا پادشا فيسٽس ننه ڪيڏو: ”هائي منڪ جي روم را پادشا ننه ڏونه نه ڏت، تو هيا ننه ساڏي هيڪت.“


پولوس قيدي ٿين دنيا را ٻڌون ٿي موتا روم شهر موئين زانه ان وقت ايسو را پارام همپزاوئھ

فيستس پولوس نھ روم را پادشا ڪن ميلهه


27 ① زئيون صويا مانھ راز ڪريا وائنه فيستس ڦينصلو ڪريو جي روم را پادشا ڪن زايا هارو امي پيڙا مانھ سڙين اٿلي ملڪ هوما زائون، تئيون اوني پولوس ان پيزون ڪئينڪ جيلون ننه رومي قوج را هڪا نونا ساپ رنه خواله ڪريا، جيا رو نوم يوليس هتو، ان او قوج را اونا ٽولا رو هتو جيا ننه ”پادشا رو ٽولو“ ڪهه. ② امي ادرمٽيم شهر را هڪا پيڙا مانھ سڙين رونا ٿيا، جيو آسيه صويا را ڪپ وائون شهرون هومو زايا هارو تيار هتو. امون پيزو اريترخس هتو، جيو مڪدنيه صويا را تسليڪي شهر رو هتو.



پولوس قیڈی تین روم شہر ہومو زائہ



③ پڙئڙه ڏي امي صيدا شهر موئين پوگيا. اوتنه قوچ رنه ساپ يوليس پولوس مانه اي ميرپونئي ڪرين پولوس ننه موکل ڏيڏي جي او پلئه پيڙا ٿي اوترين آپرون دوستون ڪن زائنه ان جي ڪئين ڪپنه تولئه. ④ امي اوئون وڙي پيڙا موئين رونا ٿين ڪپس پيٽ رو پاهو لين اوئا را اوٺ ڀر وودا، ڪم تو امون ننه هومو وائيو ويتوت ريو. ⑤ پسئه امي ڪلڪيه ان پمفوليه صوپون را ڪپ ڪن آگڙ زائين لوڪيه صويا را موره شهر موئين پوگيا، ان اوتنه اوئا پيڙا ٿي نيسا اوتريا. ⑥ اوتنه قوچ رنه ساپ هيڪ پيزو پيڙو گوتي ليدو، جيو اسڪندريه شهر رو هتو ان اٽلي ملڪ هومو زايا واڙو هتو. تئين اوئه امون ننه اوئا پيڙا مانه ساڙيا. ⑦ وائيو امون هومو ويتوت ريو، تيا ري ڪري پيڙو هٿيون هٿيون زاتوت ريو، ان مس ڪئينڪ ڏيئون ڪيڙ امي ڪنڊس شهر ڪن آوي پوگيا. اوئون امي گهٽا وائيو ري ڪري آگڙ وڌي نه هيڪيا، تيام امي پيزو پاهو ڏيڏو ان ڪريتي پيٽ ري سلموني نومي جگا مانه پوگين پيٽ را اوٺ ڀر ويوا مڌيا. ⑧ گهٽي ڏوروڻ ٿي پيٽ رو پاهو ڏين اوئا ماڳ پوگيا جيا ننه ”پيڙا اوپاڙيا ري کويصورت جگا“ ڪنه، جيو لسيه نومي شهر ڏوڪڙو سئه.



⑨ امون ننه پنڌ ڀر گهٽا ڏي لاگيا تا، ان هونء پيڙا موئين آگڙ زيام گهٽو ڪترو هتو، ڪم تو منومٿا واڙي پرڀ رو ورت رو ڏي متي گيو تو ان شيئاڙا را ڏورا ڏي آيا واڙا هتا. تيام پولوس پيڙا رون منڪون ننه اي ڏش ڏيڏو: ⑩ ”پايون،

جي آبي آڳڙ وُڍا، تو مارا زويام گهڻو ڪترو ٿيڻي. نه رُوڳو واپار را شيمونَ ان پيڙا رو نُقصونَ ٿيڻي، پڻ آپون موئين ٿي پڻ منڪ مري زاشي. ”¹¹ پڻ قوج رڻه ساپ پولوس ري واتون نه موني، ان پيڙا ننه هاڪليا وَازا ان پيڙا را ڌڻي ري آڳڙ زايا ري واتون موني. ¹² اوتنه ايوي نائوڪي جگا نتيي جيتنه شيئاڙام پيڙو اُوپاڙين همپاڙي هيڪنه، تيام گهڻي منڪي صلاح ڏيڏي جي ”ايتون هالون پرا. جي ٿي هيڪنه، تو فينڪس شهر موئين زائين اوتنه شيئاڙام ريشون.“ هوننه فينڪس شهر ڪن ڪريتي پيٽ رو پيڙا اُوپاڙيا رو ماڳ سڻه، جيا ري گهڻي ڏڪڻ ان اُوترا ري ڪنڍ ان اُوترا ري ڪنڍ هومي سڻه.

سمنونڊ مانه موتي واوز اوتنه

¹³ زئيون ڏڪڻ رو وائيرو هٿيون هٿيون ويوا مڏيو، تنيون اوتني هزميو جي اوتون رو آڳڙ زايا رو مطلب هوننه پورو ٿيڻي. تيام اوت پيڙا ننه هاڪلين ڪريتي پيٽ را ڪپ ڏوڪڙا ٿين وُڍا. ¹⁴ پڻ ٿوڙيڪ وار ڪيڙ پيٽ را پاها ٿي اوترا ان اڳوڻا رڻي واوز زور ٿي آوي. ¹⁵ واوز پيڙا ننه ايوي زور ٿي لاڳتتيت رڻي جي پيڙو هومنه وائيرنه وي نه هيڪيو. تيام پيڙا ننه هاڪلو ساڏيو، ان پيڙو جيا ڀر امي هتا وائيرا ٿي نيلاٽو زاتو تو. ¹⁶ نيلاٽون نيلاٽون پيڙو ڪوده نومي هيڪا نونا پيٽ را اون موئين آيو رو، ان تنيون جي پيڙي پيڙا وونهڙ هونڌل هٿي، اوتا ننه امي گهڻي



ڪوشش ٿي پوئي ٿي اونسئي ٻيڙا موئين توڻي ليڏي. ⑰ زئيون ٻيڙي نئه همئي ڪرين راکي، تئيون ٻيڙا واري موتون رسون ٿي ٻيڙا نئه ٻوندين ڏاڍو ڪريو، زم او نه پنگائ. ائون نئه اي بيڪ پڻ هئي جي متون ٺيلائين ٻيڙو آفريڪا ملڪ را ڪپ ڪن پوئي هيٺ ڪياڪ ڌڙا نئه نه لاڳئه. تيام ٻيڙا مانه ٻوندل موتو لوگهڙو اوتاري ليڏو زم وائيو اوتا نئه تڪو نه ئيلئه، ان پسئه ٻيڙو وائيرا ان چوليون ٿي همروم ٺيلا تو زاتو ريو.

⑱ زئيون واوڙ گهڻي ويتي ٿي، تئيون ٻيڙه ڏي اوي ٻيڙا ٿي واپار رو شيمون ڦڳوڙو شروع ڪريو، ⑲ ان وڙي ترئمئه ڏي اوي آپ ٻيڙا رو شيمون پڻ سمونڊ موئين ڦڳوڙيو پرو. ⑳ گهڻون ڏيئون هوڏي امون نئه ڏي، چنڊ، ان تارا ڏيڪيام نه آيا. واوڙ ايوئي گهڻي ويتي رئي، جي نيٺ امارو پچيا رو آسريو پڻ ڪتم ٿي گيو.

㉑ زئيون منڪي گهڻا ڏي ڪئين نه ڪاڏو، تئيون پولوس ائون وسا اوپين ڪيڏو: ”پايون، جي تم مارئي وات مومين ڪريتي بيت ٿي نه وودا هوٺ، تو اي نقصون ان تڪليپ اپون نئه نه ٿت. ㉒ هوئه هون تمون نئه ڪونه جي تم هيئت راکو، ڪم تو تم ٻڌائي پچي زاشو، روگو ٻيڙو ڪتم ٿي زاشي. ㉓ اي مون نئه ڪهر سئه ڪم تو پڳوون جيا رو هون منڪ سون ان جيا رئي شيوا هون ڪرونه، اوتا رو آڪاشي ڏوت رات مون ڪن آوين اوپو ㉔ ان ڪيڏو: ’پولوس، تون پينا مت! پڳوون رئي مرضي سئه جي تون روم را پاڏشا ڪن اوپين هاڪ پريه. ان زو، پڳوون تون مانه اي ميرپونئي پڻ ڪريه جي جيا منڪ تون پيڙا ٻيڙا موئين سئه، او ٻڌائي پچي زاشي. ㉕ تيام، پايون، هيئت راکو، ڪم تو مارو پڳوون مانه پورو يقين سئه جي زم آڪاشي ڏوت مون نئه ڪيڏو همروم تيشي. ㉖ پڻ ٻيڙو ڪياڪ بيت نئه لاڳشي ان هيوئه نمونئه آبي بيت مانه زائين پچي زاشون.“ ㉗ امون نئه ٻيڙا مانه روم نومي سمونڊ موئين ايل اول ٺيلا تون ٻي هقتا ٿي گيا، تو آڏي رات رئه توتئه ٻيڙا واڙون نئه شڪ ٿيو جي امي زمي را ڪياڪ

ڪپ ڏوڪڙا ٿيڻا زائونھ ريا. (28) تئينون اُوئي لونبا رسا ٿي پوئي رو تاڳ ليڏو، تو هيڪ هو ويھ ڦٽ ٿيو، ان توڙوڪ مورم زائين پيڙي وار تاڳ ليڏو، تو نوي ڦٽ ٿيو. (29) تيام اُوئون ننه پيڪ ٿئي جي متون ڪياڪ پتر واڙا ڪپ ننه نه لاڳون. تيا ري ڪري اُوئي پيڙا ننه روڪيا هارو پيڙا را وونھليا پاها ٿي رسون ٿي ٻوندل چار موٽا ڪُنڊا سمونڊ موئين ڦڳوڙيا، ان پراٿنا ڪري جي ڏي جلدِي اُوڳنه. (30) پيڙا واڙا پيڙا ٿي پاڳوا ڪرتا تا، تيام اُوئي پيڙا مانھ راکل پيڙي ننه سمونڊ موئين اوتارِي پري، ان اي پونھونو ڪرين ڪيڏو جي پيڙا ننه قابو ڪريا هارو پيڙا را مورليا پاها ٿي پڻ موٽا ڪُنڊا اوتارون. (31) تيا مانھ پولوس قوج زا ساب ان قوجيون ننه ڪيڏو: ”جي اي منڪ پيڙا مانھ نئين رنه، تو تمي نئين پچي هيڪو.“ (32) تيام جيون رسون ٿي پيڙا واري منڪي پيڙي ننه اوتارِي ٿي، قوجِيئي اُوئون رسون ننه واڍيا پرا، ان نالي پيڙي ننه زاوا ڏيڏي.

(33) زئينون هوار ٿيا واڙو هتو، تو پولوس ٻڌون ننه ڪئينڪ کاڌا رهي منٺ ڪرين ڪيڏو: ”آز ٻي هفتا ٿياھ، تمي واوڙ پنڌ ٿيا رهي واٽ زوئوھ ريا، ان اتي وار هُوڏي تمي ڪئين نتي کاڌو. (34) تيام هون تمون ننه وينتي ڪرونھ جي ميرپونئي ڪرين ڪئينڪ کاڌو، ڪم تو اِڻا ٿي تمون ننه پچيا رهي وشيت زڙشي، ڪم تو تمون ننه ڪئين نقصون نئين ٿنه.“ (35) زئينون پولوس هم ڪي ريو، تئينون روٿي لين ٻڌون هومو روٿي هارو پڳوون رو ٿورو مونيو، ان روٿي پونگين کاوا لاڳيو. (36) ان پسنه پيڙون ٻڌون ننه پڻ حونصلو زڙيو، ان اُوئي پڻ ڪئينڪ کاڌو. (37) امي پيڙا مانھ ٻڌائي ٿين ٻي هو چاهتر منڪ هتا. (38) زئينون اُو ڪائين ڌراپيا، تو اُوئي پيڙا ٿي پار هلڪو ڪريا هارو ٻڌي ڪنڪ سمونڊ موئين ڦڳوڙي پري.

بيڙو پنگائي زائھ

(39) زئينون هوار ٿيو، تو پيڙا واڙون ننه ڪپ اوڙڪيام نه آيو، پڻ اُوئي زويو جي اوٿنه هيڪ موٽو گهيڙ سنه جيا رو ڪپ هرڪو سنه، تيام اُوئي ڦينصلو ڪريو جي

ٻيڙا ننه اوثا گهيڙ مانھ ھاڪلي زايا رڻي ڪوشش ڪرون. (40) ڀسئھ اُوئي رسا سوڙين موتون ڪنڊون ننه سمونڊ موئين ڍلا ڪريا، ان اُوئھ ئي توئھه ٻيڙا ننه ايل اول وازيا وازا ٻي لاکڙا، جيا پوئتي ٿي اونسا ٻونڊيا تا، اُو سوڙيا ٻرا. ان ڀسئھ ٻيڙا رو مورليو لوگهڙو هومئھ وائيرئھ ٻونڊين ٻيڙا ننه گهيڙ هومو هاڪليو. (41) پڻ ٻيڙو اڳڙ ويتون سمونڊ هيٺ هڪا ڌڙا ننه آوين لاڳيو، تو اوثا رو مورليو ٻاهو ڦاٽي گيو ان وونهليو ٻاهو چولي لاڳيا ري ڪري پنڳاوا مڏيو.

(42) ڦوجيئي آيت موئين صلاح ڪري جي جيلون ننه مارئھ ٻرا، متون اُوئون موئين ٿي ڪوڪ ترين ڀاڳي نه زائھ. (43) پڻ ڦوج رو ساٻ پولوس ننه ڀڄاواو ڪرتو تو، تيام اُوئھ ڦوجيون ننه نا پاڙيو، ان حڪم ڏيتو جي جيا منڪ تري هڪتا هونھ، اُو مور ٿي سمونڊ موئين پڙئھ، ان ڪپ مانھ زائين پوڳئھ، (44) پڻ ٻيڙا پائون مانھ ان ٻيڙا ريون تريتون شينھون مانھ سڙين تري زائھ. ان هيونھ نمونئھ ٻڌائي ھاڙا هورا زمي مانھ پوڳين ڀڄي گيا.

مِلتي بيت موئين پولوس گهڻون منڪون ننه ھاڙا هورا ڪرئھ

28 ① زئيون امي ھاڙا هورا ڪپ مانھ پوڳيا، تئيون امون ننه ڪٻر پڙئي جي اوثا بيت رو نوم ملتي سئھ. ② اوت ري منڪي امون مانھ گهڻي ميرپونئي ڪري. اُوئھ توئھه مي ورهتوت ريو ان ٿاڍ هٽئي، تيام اُوئي ڏيوتا ڪريو ان امون ٻڌون ننه تپاڙيا هارو تيڙي گيا. ③ پولوس اينڌيون رڻي ٻات پري آيو، ان ڏيوتا موئين نوڪتوت ريو، تو اُوئھ توئھه اينڌيون ٿي هڪ پرڙ تاپ ري ڪري نيهريئي ان پولوس ننه هات موئين سونتي گئي. ④ زئيون اوت ري منڪي



ڏيڪيو جي پولوس ننه پرڙ سونتل سئھ، تئيون هڪا ٻيڙا ننه ڪيو مڏيا: ”اي منڪ ھاس ۾ ڪوني سئھ. اي سمونڊ ٿي ڀڄين نيهريوه، پڻ ڀڌلو ليڏا واري ڏيوي ايٿا ننه جيوتو ريو

نه ڏيڏو. " ⑤ پڻ پولوس هات نئه چندين اونا پرڙ نئه ڏيوتا موئين ڦڳوڙي پري، ان اونا نئه ڪئين نقصون نه ٿيو. ⑥ او منڪ اي وات زوتات ريا جي پولوس نئه هوزي سڙشي ڪا اوچتو پڙي زاشي ان مري زاشي. پڻ زيون اوئي گهڻو وڪت وات زوي، ان ڏيڪيو جي ايٿا نئه ڪئين نٿي ٿيتو، تئين ام سوچوا مڏيا جي "اي ڪوڪ ڏيو سئه."

⑦ اوتئه ڏوڪڙي بيت مانھ راز ڪريا وازا پبليس نومي منڪ ربي زمي هتي. اوتئه امون نئه اپري گهري ڪشي ٿي تيڙاوين ترڻ ڏي اماري نائوڪي مزموني ڪرين راکيا. ⑧ اوئي ڏيئي پبليس را باپ نئه تاو اوتو ان گهڻا دست پڻ هتا، ان او کاتلا مانھ پڙيو تو. پولوس اونا ڪن گيو ان اونا هارو پڳون ٿي پراٿا ڪري. پسهه اپرا هات اونا مانھ ميلين اونا نئه هازو هورو ڪريو پرو. ⑨ زيون ايٿا وات ربي ڪهر پڙي، تئين پيزا جيا پڻ منڪ بيت مانھ مونڏا هتا، او پولوس ڪن آوا لاگيا، ان پولوس اوتون نئه هازا هورا ڪرتو. ⑩ اوئي امارو گهڻيون واتون ٿي مون راکيو، ان زيون امي اوتون پيزا پيڙا مانھ زيا وازا هتا، تو جئين ڪئين امون نئه پنڌ هارو ڪپتو تو، او اوئي امون نئه ڏيڏو ان پيڙا موئين ميليو.

مِلتي بيت ٿي پولوس اِٿلي ملڪ را زوم شهر هومو زائه

⑪ ترڻ مينا امي اوتئه مِلتي بيت مانھ ريا، ان پسهه هڪا پيڙا مانھ سڙين رونا ٿيا جيو پورو شينازو بيت مانھ اوپل هتو. او پيڙو اسڪندريه شهر رو هتو، ان اونا رو نيشون ان نوم "جاڙا ڏيو" هتو. ⑫ پسهه امي پيزا بيت مانھ آوين سڙڪوسه شهر موئين آوين پوگيا، ان اوتئه ترڻ ڏي ريا. ⑬ اوتون وزي امي پيڙا مانھ رونا تين اِٿلي ملڪ را ريگيم شهر موئين پوگيا. پيڙه ڏي ڏڪڏا ليا پاها رو وائيو ويوا مڏيو، ان تيام بيئون ڏيئون موئين پيڙو اِٿلي را پٽيلي شهر موئين پوگي گيو. ⑭ اوتئه پيڙا ٿي زائين اوتريا، تو ڪئينڪ وشواسي پائي امون نئه

پيڙا ٿيا، ان اُوڻي امون ننه آپ ڪن هيڪ هٿتو ريا رڻي منٿ ڪرڻي، ان امي ريا. هيوئه نمونئه امي روم شهر هوما گيا.



15) زئيون روم رون وشواسي پايون ننه امارا آيا رڻي گهر پڙئي، تو او شهر ٿي نيهرين، ڪئينڪ اڀس بازار ان ڪئينڪ ترڻ هوتل نومي شهرن هودِي امون ٿي مڙوا آيا. زئيون پولوس اوتون ننه ڏيڪيا، تو پگهون رو تورو مونيون ان اوئا ننه حوصلو زڙيو.

رُوم شهر موئين پولوس آزادي ٿي ايسو را پارام همپڙاوئھ

16) زئيون امي روم شهر موئين پوگيا، تو پولوس ننه قوج ٿي اي موڪل زڙئي جي او جيل موئين نئين پڻ ڪيٿڪ گهر موئين ره ان روگو هيڪ قوجي اوئا مانھ پاهرو ڏيڏا واڙو پيڙو ره.

17) ترٿيون ڏيئون ڪيڙ پولوس اوت رون يهوديون رون آگيونون ننه آپ ڪن پيڙا ڪرايا. زئيون او آوين پيڙا ٿيا، تو پولوس اوتون ننه ڪيڏو: ”مارون پايون، مئين آڻي اسرائيلي قوم ان آڻون باپ ڏاڏون ريون ريتون ره ڪلاڪ ڪئين نٿي ڪريو. توڻي پڻ يهوديئي مون ننه يروشلم موئين زهالين روميون ره خواله

ڪريو. ⑱ ايئي روميئي مارئي جونج ڪري، ان اوتون رئي مرضي هتي جي مون ننه ساڏهه پرو، ڪم تو مئين ايوو ڪئين ڏوه نٿو ڪريو جيا ري ڪري مون ننه موت رئي سزا زڙهه. ⑲ پڻ زليون يهوديئي هايا ڦينصلا ننه نه مونيو، تئين مئين روم را پاڏشا ننه ڦينصلو ڪريا رئي ڏونه ڏيڏئي. مئين ايئا هارو ڏونه نه ڏيڏئي جي آپري قوم مانه الزوم هتون، پڻ مچپور تين مارنه ڏونه ڏيوئي پڙئي. ⑳ هايا وات ري ڪري مئين تمون ننه تيتريا زم تمون ٿي مزون ان واتون ڪرون. مون ننه اي هتڪڙي ايئا هارو لاڳل سهه، ڪم تو مارو يقين پڳوون را سونيل پچايا واڙا ڪريست مانه سهه، جيا رو آسريو ٻڌي اسرائيلي قوم ننه سهه.

㉑ اوني پولوس ننه ڪيڏو: ”آپنا ملڪ يهوديه ٿي امون ننه ٿارا پارام ڪئين چئي ٿي زڙي، نڪو آپتون اسرائيلي پايون موئين ٿي ڪيئنڪ آوين امون ننه ٿارا پارام ڪئين ڪراب وات همپڙاويه نڪو ٿارئي ڳلا ڪريه. ㉒ پڻ امي ٿاري واتون زوٿوا ڪرونه، ڪم تو ٿاري ايئا ڪريست ري پالٿي را پارام امون ننه اتئي ڪهر سهه جي ٻڌيل منڪ ايئا رهه ڪلاڦ ٻولئه ريا.“

㉓ تيام اوني پولوس ٿي ڏي ٻونڌيو، ان اونه ڏي گهڻا منڪ پولوس ڪن آوين پيڙا ٿيا، جيئنه او ريتو. پولوس هوار ٿي لين هونز هوڏي اوتون ننه پڳوون را راز را پارام هڙماوتو ريو، ان موسي رون لڪل حڪمون ان پڳوون رو نياپو ڏيڏا واڙون را لڪل شاستر ٿي ٿايتي ڏين هڙمايا جي ايسو پڳوون رو سونيل پچايا واڙو ڪريست سهه.

㉔ اوتون يهوديون رون آڳيوونون موئين ٿي ڪيئنڪ منڪ اي واتون مونيا، ㉕ پڻ پيڙي منڪي ايئون واتون مانه يقين نه ڪريو. او آت موئين نه نهيا ان وڏا پرا زليون پولوس هيڪ اي وات ڪيڏي:

”اي وات تمون مانه هاسي ٿيهه، جي وات پويتر آتما پڳوون رو نياپو ڏيڏا واڙا يسعياه هات تمارون ٻاپ ڏاڏون ننه ڪيڏي ٿي جي

②6 تُون زائينَ اِيتا اِسْرائِيلي قُوم نئه ام كئه:

تمي هومپڙتا ريشو پڻ هزمشو نئين.

تمي زوتا ريشو پڻ ڏيکشو نئين.

②7 کم تو ايتا قُوم رون منكون را من صِدِي ٿي گياھ،

ايئي آپرا ڪون پنڌ ڪرياه پرا،

ان آپري اونڪيون ميسيه پري.

اُو هيوا نه ٿئت، تو آپريون اونڪيون ٿي ڏيڪئت،

آپرون ڪونون ٿي هومپڙت،

آپرا من ٿي هزمئت،

ان پڳوون هوما ڦرئت،

ان پڳوون اُوئون نئه پڇاوئت.

②8 تمي تو شاستر ري هايا وات پرموئنه ايسو مانھ وشواس نٿي اوٿيو. تيام

تمي هزمو ان ياد راکو جي اي تارڻ رو نياپو پڳوون ڌاري قُوم واڙون نئه پڻ ڏيڏوه، ان اُو تو هومپڙشي.

②9 (پولوس زئيون هائي واتون ڪي ريو، تئيون يهودي هڪا پيزا ٿي

وڙگائين گيا پرا.)


③0 پولوس اوئنه روم شهر ۾ پورا ٻي سال آپرا مسواڙ مانھ ليڏل گهر موئين

ريو، ان جيا اوئا ٿي مزوا آوتا، اوئون نئه آوڪار ڏيتو، ③1 ان پوري آزادي ان

هيئت ٿي پڳوون را راز را پارام همپڙاوتو ان پريو ايسو ڪريست را پارام

شڪاڙتو ريو.

مک شیلو پولوس رښي حیاتي ان کوم



پولوس رښي حیاتي

پولوس یهودي قوم رو هتو. جیا قوم نډه اسرائیلي ان عبراني پښ کښه. اڳي پولوس رو نوم ساتول هتو، جیو اوتا ري ايري عبراني بولي رو نوم هتو (مک شیلون را کوم 9:13). او اندازام دغ مړ پیدا ټیو. کم تو استیفتس را موت رډ توتډ او هزون جوڅ هتو (مک شیلون را کوم 58:7)، پښ تیا کیڙ زښون فلیمون را نوم رو کت لکیو، تښون او ټوکرو هتو (فلیمون 9:1).

او ننکو ټکو یهودي ترم ربون بډیون واتون مانه ویتو ان یهودي ترم ري بډون ټي سکت فریسي پالتي رو منک هتو. تيام شروع مړ او وشواسیون رډ هاو کلاډ هتو، کم تو او ايسو نډه پښوون رو سونډل پچایا واژو کریست ننو هزمتو (فلیبون 5:3-6). زښون یهودي قوم ري ترمي پنچايت را منک استیفتس نومي وشواسي نډه بوټا هښن نمو مارتات ریا، تښون پولوس اوتډ

اوبل هتو ان اوتا رو کون کرایا م کس هتو (مک شیلون را کوم 7:57-8:1). تیا کیژ پولوس آپ یروشلم شهر رون وشواسیون نئ تنگ کروا مذبو. او اوتون نئ زهالین جیل م پوراوتو، ان تیام گهئا وشواسی یروشلم شهر ساذین یاگی گیا (مک شیلون را کوم 3:8-4).
 تعیون پولوس آپرا دم را مک پوزاری ئی کاگز لین وشواسیون نئ زهالیا هارو دمشق نومی شهر هومو روونو ئیو. زئین پولوس دمشق ڈوکرو پوگیو، تعیون ایسو اوتا نئ ڈیکارو ڈیدو، ان اوتا نئ آپرو مک شیلو راکین کیدو جی او ن روگو یهودیون نئ پیډ ډاریون قومون رون منکون نئ پیډ همپزاوت جی ایسو پگوون رو ڈیکرو ان پگوون رو سونیل پچایا واژو کریست سئ.
 تعیون پولوس آب وشواسی ئیو، ان اوتا توتا ئی لین ایسو ریئ شیوا کروا مذبو (مک شیلون را کوم 9:1-20). زئین پولوس آپرو ملک ساذین ډاریون قومون نئ ایسو را پارام همپزایا هارو گیو، تعیون اوت آپرا عبرانی نوم سائول ری جگا م آپرو نوم پولوس راکیو، جیو نوم ډاریون قومون موئین ویتو (مک شیلون را کوم 9:13)

پولوس را لکل کت

پولوس ایسو کریست رو مک شیلو هتو، ان اوتا رو قرض هتو جی او ډتون وشواسیون نئ صحیح وانون مانه وپوراوت. تیام اوت وشواسیون نئ هزمایا هارو گهئا کت لکیا. شاستر را نوا قرار م پولوس را لکل تیرئ کت پیژا کرل سئ. ایئون موئین ئی هیگ کت هیگا صویا رون وشواسیون نئ لکل سئ، جیو گلتیون را نوم مانه سئ. اٺ کت ډار ډار شهرورون رون وشواسیون نئ لکل سئ، ان او کت ای سئ: رومیون، کرتنیون را نوم مانه بی کت، افسیون، فلیبون، کلسیون، ان ټسلنیکیون را نوم مانه بی کت. ترڅ کت وشواسی منډډی رون آگیوونون نئ لکل سئ، تیمټیس را نوم مانه بی کت، ان طیطس را نوم مانه کت. ان هیگ کت روگو هیگا وشواسی فلیمون را نوم مانه لکل سئ.

ایسو را پارام همپزایا هارو پولوس را چکر

پولوس ایسو را پارام همپزایا هارو چار موتا چکر کرایا. او گهئو کرین پنډ ئی پنډ کا بیژا مانه سزین ویتو، کم تو اوتا وکت م پسون ان ریل گاډی نتي. هر چکر مانه پولوس آپرون ساتیون پیژو شیتی شیتی نوون علاقون م گیو.
 پولوس بیرهیون چکر اندازام 46-48ع م کریو. بیرهیان چکر را پارام "مک شیلون را کوم" نومی کتاب 13:4-14:28 م لکل سئ.
 پولوس پیژو چکر اندازام 50-52ع م کریو. پیژا چکر را پارام "مک شیلون را کوم" نومی کتاب 15:40-18:22 م لکل سئ.
 پولوس ترثمو چکر اندازام 53-57ع م کریو. ترثما چکر را پارام "مک شیلون را کوم" نومی کتاب 18:23-21:17 م لکل سئ.

تيا ڪيڙ زئپون پولوس ترثما چڪر ٿي پاسو آوين ڀرُوشلم شهر موئين ڳيو، نعيمون اوتا ري آيري يهودي قوم ري منڪي اوتا مانھ ڪوڙو الزوم هئين ڪيس ڪريو. پولوس گھڻون سالون هُوڏي ڦينصلو تيا وڳر رومي حڪومت رو ڦيڏي ريو، پيرھين آيرا يهوديه صويا م ان تيا ڪيڙ روم شهر م (مڪ شيلون را ڪوم 27:21-28:31). روم شهر م او آيرا گھر م پاهرام ڦيڏي هتو ان آپ ڪن اول منڪون نھ ايسو را پارام شيڪاڙتو (مڪ شيلون را ڪوم 28:16، 28:30-31). زونا وڪت ٿي لمن وات وٺھ رئي جي نيٺ روم شهر رڻ يادشا، اندازام 62ع م، اوتا رو ڦينصلو ڪريو ان اوتا نھ پيڏوهي ڪرين آزاد ڪريو.

ام لاڳتھ جي تيا ڪيڙ، اندازام 62-67ع م، پولوس وڙي زائين چارمو چڪر ڪريو. چارما چڪر را پارام ”مڪ شيلون را ڪوم“ نومي ڪتاب م نٿي لکل پڻ پولوس رون لکل ڪتون ٿي ايٿا را پارام ڪئينڪ ڪهر پڙتھ. اندازا م اوتھ ام چڪر ڪريو، 62-64ع م اسپين ملڪ (روميون 24:15، 28)، 64-65ع م ڪريتي بيت (طيطس 5:1)، 65ع م ميليشس شهر (1 تيمٿيس 20:4)، 66ع م ڪلسي شهر (فليمون 22:1)، افسس شهر (1 تيمٿيس 3:1)، ان فليبي شهر (فليپيون 2:23-24، 1 تيمٿيس 3:1)، 66-67ع م نيڪپلس شهر (طيطس 3:12)، ان 67ع م وڙي پاسو روم شهر م آيو رو.

پولوس رو موت

تيا ڪيڙ پولوس پڙي وار روم شهر م ڦيڏي ٿيو، پڻ آڙوڪو او ڏوهاري را زم هتڪڙي لاڳل جبل م پورل هتو (2 تيمٿيس 9:2). شاستر م لکل نٿي پڻ زونا وڪت ٿي وات وٺھ رئي جي ايسو را پارام شيڪاڙيا ري ڪري، اندازام 68ع م، روم شهر رڻ نيرو نومي يادشا پولوس نھ موت رئي سزا ڏيڏئي (2 تيمٿيس 4:6-8).

پولوس را زمونا ري کاس وانون

(سالون رو حساب ڪيٽڪ اندازا پرموتھ ڪرل سھ)

حوالو

وات

سال

ڪوم 7:57-8:1	پولوس رو زلم	ع5
ڪوم 8:3	اِسٽيفنس وِشواس راڪيا ري ڪري مرائھ	ع35
ڪوم 9:1-19	پولوس وِشواسيون نھ تنگ ڪروا مڏتھ	"
گلتيون 1:17	پولوس پريو ايسو مانھ وِشواس اوٿتھ	"
ڪوم 9:23-25	پولوس عرب ملڪ زائھ	ع35-38
گلتيون 1:18-19، ڪوم 9:26-29	پولوس دمشق شهر ٿي پاڳي زائھ	ع38
ڪوم 9:30	پولوس بي هقتا ڀرُوشلم شهر م رتھ	"
	پولوس آيرا ترسس شهر م پاڳي زائھ	"

گلتیون 1:21	پولوس سوریه ان کلیکے ۾ کوم کرڻھ	ع43-38
کوم 11:25-26	پولوس انطاکیہ شهر ۾ کوم کرڻھ	ع43
کوم 11:27-30، 12:25	پولوس اِمَازَڌِیوا یروشلم شهر ۾ زائھ	ع44-43
کوم 12:20-23	ھیروڈیس پاڌشا رو موت	ع44
کوم 13:4-14:28	پولوس رو پیرھیون چکر	ع48-46
کوم 15:1-29، گلتیون 2:10-1	یروشلم شهر ۾ وشواسیون رڻي پنچائیت پولوس گلتیون نڌ کت لکڻھ	ع49
کوم 15:40-18:22	پولوس رو پیزو چکر	ع52-50
	پولوس ٽسلیکیون نڌ پیرھیون کت لکڻھ	ع51
	پولوس ٽسلیکیون نڌ پیزو کت لکڻھ	ع52-51
کوم 18:22	پولوس انطاکیہ شهر ۾ پاسو آوڻھ	ع52
کوم 18:23-21:17	پولوس رو ترڻمو چکر	ع57-53
کوم 19:1-20:1	پولوس اِفسُس شهر ۾ رڻھ	ع55-53
	پولوس کُرنتیون نڌ پیرھیون کت لکڻھ	ع55
	پولوس کُرنتیون نڌ پیزو کت لکڻھ	"
	پولوس رومیون نڌ کت لکڻھ	ع57
کوم 21:23-27:10	پولوس یروشلم شهر ۾ زھلاڻي زائھ	"
کوم 23:23-26:32	پولوس قیصریہ شهر ۾ قیڌي ٽین رڻھ	ع59-57
کوم 27:1-28:16	پولوس روم شهر ھومو زائھ	ع59
کوم 28:16-31	پولوس روم شهر ۾ قیڌي ٽین رڻھ	ع62-59
	پولوس اِفسیون نڌ کت لکڻھ	ع60
	پولوس کُلسیون نڌ کت لکڻھ	"
	پولوس فلیمون نڌ کت لکڻھ	"
	پولوس فلیبون نڌ کت لکڻھ	ع61
	پولوس قیڌ ٽي سوتڻھ	ع62
طیطس 1:5	پولوس رو چارمو چکر	ع67-62
	پولوس طیطس نڌ کت لکڻھ	ع65
	پولوس تیمٽیس نڌ پیرھیون کت لکڻھ	ع66
2 تیمٽیس 1:8	پولوس پیزی وار روم شهر ۾ قیڌي نڻھ	ع67
	پولوس تیمٽیس نڌ پیزو کت لکڻھ	ع68-67
2 تیمٽیس 4:6-8	پولوس وشواس راکیا ري کري مراڻھ	ع68

رُوميون را نوم مانه لکل کت رُئي هزموتئي

کت لکيا واژو

اي کت پولوس لکيو (رُوميون 1:1). ام لاگهه جي زئيون پولوس ايسو را پارام همپزايا هارو ترثمو چکر کرتوت ريو، ان يونان صوپا را کرتس شهر هوڏي پوگين پاسو يروشلم شهر موئين زايا واژو هتو، تئيون اندازام 57ع م اوڻه اي کت لکيو (رُوميون 15:25-26، مک شيلون را کوم 20:2-3).

کت کيون منکون هارو لکيو

پولوس اي کت رُوم شهر رون وشواسي منکون هارو لکيو (رُوميون 7:1). رُوم شهر رون منکون نه رُومي کيتا. رُوم اٽلي ملڪ رو ٻڌون ٿي موتو شهر هتو، ان همٿه پڻ سٺ. اوڻا زمونا م رُوم رو پادشا نه رُوگو پورا اٽلي مانه راز کرتو، پڻ آهه پاهه ٻڌون ملڪون مانه پڻ راز کرتو، ان اوڻون نه رُوم را صوپا نايا تا. تيام رُوم شهر پوري ڏنيا رو ٻڌون ٿي موتو شهر هتو. رُوم را منڪ ڏيوون ان ڏيوونون رُئي پوزا کرتا، ان رُوم را پادشا رُئي پوزا پڻ کرتا. رُوم شهر م ڌار ڌار قومون را منڪ ريتا، تيام اوت ري وشواسي منڌري م نه رُوگا رُومي قوم را منڪ هتا، پڻ گهڻا پيزيون قومون را منڪ هتا، ان کئينڪ يهودي قوم را منڪ پڻ وشواسي هتا. کيئڪ لکل نئي جي رُوم شهر م وشواسي منڌري کم ڪرين ٿئي، پڻ ٿي هيڪهه جي ايسو ڪريست را جيوِي اونيا کيڙ جيا منڪ رُوم شهر ٿي پينٿيڪوسٽ پرپ مانه يروشلم شهر م آيا تا ان جيئي پطرس ري واتون هومپزي تي، اوڻي منڪي ايسو مانه وشواس اوڻين پاسا رُوم شهر م زائين وشواسي منڌري ناوڻي هوشي (مڪ شيلون را کوم 10:2، 1:2-4).
ٿي هيڪهه جي پولوس کا پيزه کيئڪ اينا کت را نقل ڪرين پيزون علاقون رون وشواسيون نه پڻ ڏي ميليا (2 پطرس 15:3).

کت لکيا رو مطلب

کت لکيا ٿي مور پولوس رُوم شهر م کيڙي نتو گيو، توڻي پڻ اوت رون وشواسيون رو گهڻو کيال راکتو. تيام پولوس اي کت لکيو زم او رُوم شهر رون وشواسيون نه آيرا اوڻون ڪن آيا را پارام همپزاوڻ (رُوميون 10:1-15، 15:23-29)، يهودي قوم واژون ان ڌاريون قومون واژون وشواسيون ره آيت م هپ رکاوڻ (رُوميون 2:9-11، 10:11-13، 15:5-9)، ان کاس ڪرين اوڻون نه شيڪاڙهه جي منڪ آپري ڪوشش ٿي ڌرم ريون واتون مانه وڍا ٿي تارن نئي لي هيڪتا

ڪم تو ٻڌائي منڪ ڏوهه ڪرڻهه، پڻ جيا منڪ ايسو مانهه وشواس راکمتهه، پڳوون اوئون ننه ماڻهي ڏين ڏوهون ري سزائي آزاد ڪرڻهه ان اوئون ننه تارڻ ڏنهنه (رُوميون 16:1-39:8). پولوس اي پڻ هزماونتهه جي يهودي قوم ري گهڻي منڪي ايسو مانهه وشواس ڪم نئي اوڻيو (رُوميون 1-11:36)، ان اي پڻ شيڪارڙهههه جي وشواسيون رنه ڪيوته نمونتهه ويوو (رُوميون 12:1-13:15).

ايئا ڪتاب را شاستر تي بيزا حوالا:

رُوميون 12:5	پيدائش 1:3-19	رُوميون 1:1	ڪوم 1:9-19
رُوميون 7:7	خرُوج 17:20	رُوميون 2:1-3	2 سموئيل 12:7-13
رُوميون 7:7	استشنا 21:5	رُوميون 2:1-3	يسعياه 14:7, 10-11
رُوميون 20:8	پيدائش 17:3-19	رُوميون 3:1-2	يو ايل 32:2
رُوميون 21:8	پيدائش 15:3	رُوميون 17:1	حبتوق 4:2
رُوميون 36:8	زبور 22:44	رُوميون 6:2	زبور 12:62
رُوميون 7:9	پيدائش 12:21	رُوميون 6:2	امثال 12:24
رُوميون 9:9	پيدائش 10:18, 14	رُوميون 24:2	يسعياه 5:52
رُوميون 12:9	پيدائش 23:25	رُوميون 24:2	حزقي ايل 22:36
رُوميون 13:9	ملاڪي 3:1-2	رُوميون 25:2	پيدائش 17:9-14
رُوميون 15:9	خرُوج 19:33	رُوميون 4:3	زبور 4:51
رُوميون 17:9	خرُوج 16:9	رُوميون 12-10:3	زبور 3-1:14
رُوميون 20:9	يسعياه 16:29	رُوميون 12-10:3	زبور 3-1:53
رُوميون 20:9	يسعياه 9:45	رُوميون 12-10:3	واعظ 20:7
رُوميون 25:9	هوسيع 23:2	رُوميون 13:3	زبور 9:5
رُوميون 26:9	هوسيع 10:1	رُوميون 13:3	زبور 3:140
رُوميون 27-28:9	يسعياه 23-22:10	رُوميون 14:3	زبور 7:10
رُوميون 29:9	يسعياه 9:1	رُوميون 15:3-17	يسعياه 8-7:59
رُوميون 33:9	يسعياه 14:8	رُوميون 18:3	زبور 1:36
رُوميون 33:9	يسعياه 16:28	رُوميون 3:4	پيدائش 6:15
رُوميون 5:10	احبار 5:18	رُوميون 7:4-8	زبور 2-1:32
رُوميون 6:10	استشنا 12:30	رُوميون 10:4-11	پيدائش 6:15
رُوميون 7:10	استشنا 13:30	رُوميون 10:4-11	پيدائش 14-9:17
رُوميون 8:10	استشنا 14:30	رُوميون 17:4	پيدائش 5:17
رُوميون 11:10	يسعياه 16:28	رُوميون 18:4	پيدائش 5:15
رُوميون 13:10	يو ايل 32:2	رُوميون 22:4	پيدائش 6:15

رُومِيون 11:14 يَسعِيَاه 23:45	رُومِيون 15:10 يَسعِيَاه 7:52
رُومِيون 20:14 مَرَقَس 18:17-19	رُومِيون 16:10 يَسعِيَاه 1:53
رُومِيون 3:15 زُبُور 9:69	رُومِيون 18:10 زُبُور 4:19
رُومِيون 9:15 2 سَموئِيل 50:22	رُومِيون 19:10 اِسْتِشْنَا 21:32
رُومِيون 9:15 زُبُور 49:18	رُومِيون 20:10 يَسعِيَاه 1:65
رُومِيون 10:15 اِسْتِشْنَا 43:32	رُومِيون 21:10 يَسعِيَاه 2:65
رُومِيون 11:15 زُبُور 1:117	رُومِيون 3:11 1 سَلَاطِين 10:19, 14
رُومِيون 12:15 يَسعِيَاه 10:11	رُومِيون 4:11 1 سَلَاطِين 18:19
رُومِيون 21:15 يَسعِيَاه 15:52	رُومِيون 8:11 اِسْتِشْنَا 4:29
رُومِيون 25:15-26 1 كَرْنِثِيون 4-1:16	رُومِيون 8:11 يَسعِيَاه 10:29
رُومِيون 25:15-26 2 كَرْنِثِيون 15:9-8	رُومِيون 9:11-10 زُبُور 23-22:69
رُومِيون 25:15-26 گَلْتِيون 10:2	رُومِيون 11:26-27 يَسعِيَاه 21-20:59
رُومِيون 3:16 3-1:18 كُومر	رُومِيون 11:26-27 يَسعِيَاه 9:27
رُومِيون 3:16 26-18:18 كُومر	رُومِيون 11:26-27 يَرْمِيَاه 34-33:31
رُومِيون 3:16 1 كَرْنِثِيون 19:16	رُومِيون 11:26-27 يَسعِيَاه 13:40
رُومِيون 20:16 پِيدَايش 15:3	رُومِيون 11:26-27 اَيُوب 11:41
رُومِيون 21:16 3-1:16 كُومر	رُومِيون 12:19 اِسْتِشْنَا 35:32
رُومِيون 21:16 5:18 كُومر	رُومِيون 12:20 اِمثَال 22-21:25
رُومِيون 21:16 1 كَرْنِثِيون 17:4	رُومِيون 13:9 خُرُوج 17, 15-13:20
رُومِيون 23:16 1 كَرْنِثِيون 14:1	رُومِيون 13:9 اِسْتِشْنَا 21, 19-17:5
رُومِيون 25:16 يَسعِيَاه 10-1:11	رُومِيون 13:9 اَحْبَار 18:19
رُومِيون 25:16 2-5:5 مِيكَاه	رُومِيون 14:2 اَحْبَار 47-1:11
رُومِيون 25:16 2:2 اِيْل	رُومِيون 14:5 اَحْبَار 44-1:23

رُوميون

را نوم مانه پولوس رو لکل کت



1 ① هُون لکيا وازو پولوس سون، جيو ايسو کريست رو شيواداري سون. پگوون مُون ننه مک شيلو سونديوه ان آپرئي ڏيدل کشي رئي کبر همپرايا هارو راکيوه. ② ايئا کشي ري کبر را پارام پگوون اگي آپرو نياپو ڏيدا وازون ٿي پويتر شاستر ۾ وائيدو کريو تو. ③ اي وائيدو پگوون آپرا ڏيکرا را پارام کريو تو، جيو منک ٿيا ري کري دائود پاڏشا ري پيڊي ٿي هتو، ④ ان پويتر آتما ري کري مرلون موئين ٿي جيوي اُونيا ٿي کڙا وازو پگوون رو ڏيکرو ساوو ٿيو، مطلب آپنو پريو ايسو کريست. ⑤ اوتا ٿي امون ننه مک شيللا ٿيا رئي هيمت زڙٿيه، زم امي اوتا رئي شيوا کرتون ٻڌيون قومون رون منکون ننه ايسو مانه وشواس رکاوون، زم او پگوون رو کيڏو موننه. ⑥ اوئون منکون موئين ٿي تمی پڻ سو، جيا پگوون را سونيدل ان ايسو کريست را منک سو.

⑦ رُوم شهر رُون ٻڌون پريمي وشواسي پايون ان پينون، تمڀي جيون ٿي پڳوون پريم ڪرڻه ان جيون نڻه پڳوون آڀرا منڪ نايا هارُو سُوندياه، آڀڻو ٻاپ پڳوون ان پڙيو ايسُو ڪريست تمون مانه ڪرپا ڪرڻه ان تمون نڻه هڪي راڪڻه!

پولوس رُوم شهر رُون وشواسيون هارُو پڳوون رو ٿورو مونڻه ان اوئون ڪن زاوا ڪرڻه

⑧ ٻڌون ٿي مور هُون تمون ٻڌون هارُو ايسُو ڪريست را هيللا ٿي مارا پڳوون رو ٿورو مونڻه، ڪم تو پوري ڏنيا ۾ منڪون ۾ اي وات وڻه رڻي جي تمڀي ايسُو مانه وشواس راڪوه. ⑨ پڳوون، جيا رڻي شيوا هُون اوڻا را ڏيڪرا ايسُو رڻي ڪشي رڻي ڪٻر همپڙايا ٿي پورا من ٿي ڪرونه، او مارو شائيد سڻه جي هُون پراڻا رڻه ٿوڻه هميش تمون هارُو پراڻا ڪرونه. ⑩ هُون پراڻا ۾ اي وينتڻي ڪرونه جي ڪيوڻه پڻ نمونڻه پڳوون آڀري مرضي ڀرمونڻه مُون نڻه تمون ڪن آيا رو موقعو ڏڻه. ⑪ ڪم تو مُون نڻه تمون ٿي مڙيا رڻي گهڻي سڪ سڻه، زم هُون تمارڻي وشواس راڪيا ۾ هيمنت وڌاوون ان تمارو وشواس وڌارڻه پڪو ٿي زائڻه. ⑫ مارو مطلب اي سڻه جي مارڻه تمون ڪن آيا ٿي هڪا پيڙا را وشواس ري ڪري نه رُوڳو تمون نڻه پڻ مُون نڻه پڻ حوصلو زڙڻه. ⑬ پايون ان پينون، مارڻي اُميد سڻه جي تمڀي مارڻي وات هزمي زاشو. وات اي سڻه جي مڻين گهڻي وار تمون ڪن آيا رو ڪيال ڪريو، زم مارو وشواس رڪايا رو مطلب تمون ۾ پڻ پورو ٿڻه، جيوڻه نمونڻه پيڙيون ڌاري قومون ۾ پورو ٿيوه، پڻ هزون هُوڌي هُون آوي نه هڪيو.

⑭ مارو اي قرض سڻه جي هُون پڻلون نڻه ان اڻڻلون نڻه، عقل وازون نڻه ان پي عقلون نڻه، ٻڌون نڻه ايسُو را پارام همپڙاوون. ⑮ تيام مُون نڻه گهڻو شونق سڻه، جي هُون ايسُو را پارام ڪشي رڻي ڪٻر تمون نڻه پڻ همپڙاوون، جيا رُوم شهر موڻين سو.

ايسُو را پارام كُشي ري كبر ۾ ڀڳوونَ رُئي طاقت سئ

①6 هُون ايسُو را پارام كُشي رُئي كبر هميڙايا ۾ للزي نٿي مرتو ڪم تو ايتا ۾ ڀڳوونَ رُئي طاقت سئ جيا ٿي هر اُو منڪ جيو وشواس راکئھ، مور ٿي يهُودي قُوم واڙا ان پسنه ڌاري قُوم واڙا، اُوئون ٻڌون نئھ تارن زڙئھ. ①7 ڪم تو ايتا كُشي ري كبر ۾ وات ساوئي ڏيڪيام آئھ جي ڀڳوونَ ڪيا ري ڪري منڪون نئھ تارن ڏئھ. منڪون رئھ رُوڳو وشواس راکيا ري ڪري ڀڳوونَ اُوئون نئھ ماڻهي ڏين ڏوهون ري سزا ٿي آزاده ڪرين تارن ڏئھ. زم شاستر ۾ پڻ لڪل سئھ:

”جيو منڪ ڀڳوونَ ري وات مانھ وئھ
اُوئا نئھ وشواس راکيا ري ڪري جيون زڙشي.“

ڀڳوونَ ٺوهاريون نئھ سزا ڏئھ

①8 وات ساوئي سئھ جي ڀڳوونَ ري سزا ٿي پچيا هارو وشواس راکو ضروري سئھ، ڪم تو جيا منڪ هاس نئھ نٿي مونتا ان ڀڳوونَ ري وات مانھ نٿي ویتا، ڀڳوونَ اُوئون نئھ هر ڪراپ وات ري ڪري ايتا ڏنيا ۾ ساوئھ نمونئھ سزا ڏئھ، ڪم تو اُو ڀڳوونَ رئھ ڪلاڦ وئھ ان اُوئا ري وات مانھ نٿي ویتا. ①9 ڀڳوونَ اُوئون نئھ تيام سزا ڏئھ، ڪم تو جئين ڪئين منڪون رئھ ڀڳوونَ را پارام زوئو ڪپئھ، اُو واتون اُوئون نئھ ساوي ڏيڪيام آئھ. هائي واتون ڀڳوونَ آپ اُوئون ڪن ساوي ڪريھ، ②0 ڪم تو پلئھ ڀڳوونَ آپ ڏيڪيام نٿي اوتو، پڻ جڳت نئھ نايا ٿي لين ڀڳوونَ ريون پيدا ڪرل شينھون نئھ زوئين، سوچيا ٿي منڪ اي كبر ساوئھ نمونئھ پاڙي هيڪئھ، جي ڀڳوونَ شروع ٿي لين هميش هُوڏي ڪڙا واڙو سئھ ان اُو ٻڌون مانھ سئھ. تيام منڪ ڏوھ ڪريا رو ڪئين پونهونو نٿي ڪري هيڪتا، جيا ري ڪري اُوئون نئھ سزا نه زڙئھ. ②1 اُوئون نئھ ڀڳوونَ رُئي كبر سئھ، توئي اُوئي ڀڳوونَ را وڪوڻ نه ڪريا نڪو اُوئا رو ٿورو مونيو، پڻ ازايون ڪيالون

۾ پڙين ڀولائي ڳيا، ان اوتون را من موئين ڪئين سوجهرو نه ريو ان اُو ڪئين نٿي هزمتا. (22) اُو آپ ننه عقل واڙا هزمين پي عقل ٿي ڳيا. (23) ان هميش هُوڏي ريا واڙا مون واڙا ڀڳوون رئي پُوڙا ساڏين اوتن ري جڳا ۾ منڪون، پڪيون، زناورون ان هاپون ري مورتِي پُوڙوا لاڳيا، جيا ٻڌائي مريا واڙا سئ.

(24) تيام ڀڳوون اوتون منڪون ننه اوتون ري مرضي مانه ساڏيا پرا، زم اُو آپرون ڪراپ ڪيالون پرموئنه پُونڌائي ڪرئ، ان آيت ۾ پُونڌو ڪوم ڪرين هڪا پيزا رئي پيعزتِي ڪرئ. (25) اوتِي ڀڳوون ننه ساڏيو پرو، جيو هاسو سئ، ان اوتن ري جڳا ۾ ڪوڙ ننه مونيو. اوتِي ناول شينهنون رئي پُوڙا ان شيوا ڪرئي، پڻ نايا واڙا ننه ساڏيو پرو، جيا را وڪوڻ هميش هُوڏي ٿيتا رئ. آمين.

(26) تيام ڀڳوون اوتون ننه اوتون ري مرضي مانه پيعرتِي را پُونڌا ڪوم ۾ ساڏيا پرا. اوتون ري ڏوشي پڻ صحيح نمونو ساڏين ڏوشي ڏوشيون ٿي پُونڌو ڪوم ڪروا مڏي. (27) ان هيوتنه نموننه آدميئي پڻ صحيح نمونو ساڏين ڏوشيون هارو نئين پڻ آدميون هارو پُونڌي نظر راکئي، ان آدميئي آدميون ٿي پُونڌو ڪوم ڪريو. ان هيوتنه نموننه هيوي پُونڌي حالت ۾ پڙين اوتِي آپري گلت سوچ رو نتيجو لوڙيو.

(28) ان جيوئنه نموننه منڪي ڀڳوون را پارام هزميا ٿي پاھو ڏيڏو، هيوتنه نموننه ڀڳوون پڻ اوتون ننه اوتون رون پُونڌون ڪيالون مانه ساڏيا پرا، زم اُو ڪراپ ڪوم ڪرتا رئ. (29) اوتون را من هر نمونا ريون ڪراپ واتون، پُونڌائي، لالچ ان وير ٿي پيال سئ. اُو روڳا ريشي ٻڙئ، ڪون ڪرئ، وڙڳاھ، نڳي ڪرئ، ان ڪراپ ڪيال راکئھ. اُو چڱلئي هئھ، (30) ڳلا ڪرئ، ڀڳوون رنه ڪلاڦ سئ، پيزون رو مون نٿي راکتا، مگھرو سئ، ان وڌائي ڪرئ. اُو نوون نوون طريقون ٿي ڪراپ ڪوم ڪرئ، مان ٻاپ رو ڪيڏو نٿي مونتا، (31) عقل نٿي راکتا، آپرو وائيدو پورو نٿي ڪرتا، ڪيا ٿي پريم نٿي ڪرتا ان ڪيا مانه ڏيا نٿي ڪرتا. (32) اوتون ننه ڀڳوون را ڦينصلا رئي ڪبر سئ جي جيا منڪ

هيوَا ڪوم ڪرڻ، اُو موت رڻي سزا ڪاڏا رڻه لائيق سڻه، تُوئي پڻ نه رُوڳو اُو آپ هيوَا ڪوم ڪرڻ، پڻ جيا پيڙا منڪ هيوَا ڪوم ڪرڻ، اُوئون نڻه اُو نائوڪا هڙمڻه.


پڳوونَ اِنصافَ ٿي ڦينصلو ڪرينَ سزا ڏئھ

2 ① تيام تمي جيا پيڙون رو ڏوه ڪايوه، تمي ڪوئي پڻ هوئو، تمي ڪئين پونهونو نٿي ڪري هيڪتا جيا ري ڪري پڳوونَ تمون نڻه سزا نه ڏئھ. ڪم تو جيا وات ٿي تمي پيڙون رو ڏوه ڪايوه، تمي هايا هاڳي وات ٿي آپ نڻه ڏوهاري ڪروه. ڪم تو تمي جيا ڏوه ڪايوه، تمي آپ اُو ڏوه ڪروه ريا.

② آپون نڻه تو ڪهر سڻه جي پڳوونَ اِنصافَ ٿي ڦينصلو ڪرڻ، ان اُوئا رو ڦينصلو صحيح سڻه جي هيوَا ڪراپ ڪوم ڪريا واڙون نڻه اُو سزا ڏئھ. ③ تو پسته تمي جيا ڪراپ ڪوم ڪريا واڙون رو ڏوه ڪايوه ان آپ ڪراپ ڪوم ڪروه، تمي ڪي هڙموه؟ تمي پڳوونَ ري سزا ٿي پڇي زاشو ڪي؟ ④ پڳوونَ تمون مانھ گهڻي ميرپونئي ڪرڻ، اُوڻه تمون نڻه تمارون ڪرل ڏوهون رڻي سزا نٿي ڏيڏئي پڻ تمون هارو صير ڪرڻ. پڻ تمي هايون واتون نڻه ڪئين نٿي هڙمتا ڪي؟ تمون نڻه ايئا وات رڻي ڪهر نٿي ڪي؟ پڳوونَ ميرپونئي ايئا هارو ڪرڻ، زم تمي آپرا ڪراپ ڪوم ساڏين توپونه ڪرو ان اُوئا ري وات مانھ وو.

⑤ پڻ تمي ضڏي سو ان آپرا ڪراپ ڪوم ساڏين توپونه نٿي ڪرتا ان پڳوونَ ري وات مانھ نٿي ویتا. تيام تمي نيا رڻه ڏي آپ هارو سزا ڪاڏا رڻي مُصِيپت پيڏا ڪروه ريا، جيئھ ڏي پڳوونَ ڪراپ منڪون نڻه سزا ڏيشي ان آپرو اِنصافَ ٿي ڪرل ڦينصلو ساوو ڪرشي. ⑥ پڳوونَ هر منڪ نڻه اُوئا رون ڪرل ڪومون پرموڻه ايوزو ڏيشي. ⑦ جيا منڪ ڏوروڻ سهين صير ٿي نائوڪا ڪوم ڪرڻ، زم اُوئون نڻه مون ان عزت زڙهه ان اُو هميش هُوڏي جيوئا رڻه، پڳوونَ اُوئون نڻه هميش رو جيون ڏيشي. ⑧ پڻ جيا منڪ رُوڳا آپرا ڦائڏا هارو ڪرڻ ان

هاس مانه نٿي ویتا پڻ ڪوڙيون واتون مانھ وين ڪراپ ڪوم ڪرڻھ، پڳوون
 اوئون نئھ رينھ ٿي سزا ڏيشي. ⑨ هر هيڪ ڪراپ ڪوم ڪريا واڙا نئھ گھڻو
 ڏڪ ان تڪليلپ زڙشي، مور ٿي يھوديون نئھ ان پسنئھ ڌاري قوم واڙون نئھ.
 ⑩ پڻ هر هيڪ نائوڪا ڪوم ڪريا واڙا نئھ مون، عزت ان هڪ زڙشي، مور
 ٿي يھوديون نئھ ان پسنئھ ڌاري قوم واڙون نئھ. ⑪ ڪم تو پڳوون ڪيا رو پڻ
 پاھون ٿي لیتو.



⑫ جيو ڪوئي پڳوون رو ڏوھ ڪرڻھ، او
 هميش رٿي سزا ڪاشي. زتي ڌاري قوم واڙي
 موسي را لڪل پڳوون را حڪم زوٿيا وڳر پڳوون
 رو ڏوھ ڪريوھ، اوئون رو ڦينصلو موسي رون
 لڪل حڪمون پرموئئھ نئين هوئھ، توئي پڳوون
 رو ڏوھ ڪريا ري ڪري او هميش رٿي سزا ڪاشي.
 ان زتي يھودي قوم واڙي موسي را لڪل پڳوون
 را حڪم زوٿتون پڳوون رو ڏوھ ڪريوھ، اوئون

رو ڦينصلو موسي رون لڪل حڪمون پرموئئھ ٿيشي، ان هم او پڻ هاڳي نمونئھ
 هميش رٿي سزا ڪاشي. ⑬ ڪم تو موسي را لڪل پڳوون را حڪم هو مپڙيا ٿي
 منڪ پڳوون هو ما پيڏوهي نٿي ٿيتا، پڻ اوئون حڪمون مانھ وودا ٿي منڪ
 پيڏوهي ٿئھ ان هم پڳوون ري سزا ٿي پڇي زاشي. ⑭ ان هيوئھ نمونئھ ڌاري
 قوم واڙا، جيون نئھ موسي رون لڪل پڳوون رون حڪمون رٿي ڪبر نٿي، زئيون
 او آپرا ڪيال ٿي ايوا ڪوم ڪرڻھ جيووا ڪوم موسي رون لڪل حڪمون ڀر ڪيڏل
 سنئھ، تو پلئھ اوئون ڪن موسي را لڪل حڪم نٿي، توئي پڻ او آپرا ڪيال ٿي
 پڳوون رون حڪمون مانھ وئھ. ⑮ هيوون منڪون ٿي اي وات ساوئي ٿئھ جي جيا
 ڪوم موسي رون لڪل پڳوون رون حڪمون پرموئئھ ڪروو ڪپئھ، او زوئئھ اوئون
 را من ڀر اڳي لڪل سنئھ. ان پڳوون ري ڏيڏل هايا هزم پرموئئھ اوئون نئھ ڪبر

سٺه جي ڪي ڪروو ڪراپ سٺه ان ڪي ڪروو نائوڪو سٺه، ان آڀرون ڪيالون ٿي اوزڪي هيڪهه جي اوئي ڪراپ ڪوم ڪريوه، ڪا نٿي ڪريو. (16) هائي ٻڌي واتون ماري همپڙاول ايسو ري ڪشي ري ڪهر پرموٽه تيڏي ساوي ٿيشي، جيڏي پڳوون منڪون رون منون ۾ هتال واتون پرموٽه ايسو ڪريست ٿي منڪون رو نيا ڪراوشي.

پڳوون يهودي قوم رون ٺوهاريون نٺه پڻ سزا ڏهه

(17) هوٺه ٽمي جيا يهودي سو، جي ٽمي موسي رون لڪل حڪمون مانه پروسو راکوه ان ايٺا وات مانه وڏائي ڪروه جي پڳوون اماري قوم نٺه سونديٺه؛ (18) جي شاستر ٿي شيڪين ٽمون نٺه پڳوون ري مرضي رٿي ڪهر سٺه ان ٽمي هزموه جي ڪيوي واتون نائوڪي سٺه، (19) ٽمون نٺه پڪي ڪاترئي سٺه جي ٽمي اونڌون نٺه شيرڙو ڏيڪاريا واڙا سو، ان اندارا ۾ سوجهرو ڏيڏا واڙا سو، (20) پي عقلون نٺه هزميا واڙا ان ٻاڙون نٺه شيڪاريا واڙا سو، ڪم تو ٽمون ڪن شاستر ۾ گيون ان هاس ري ٻڌي واتون لڪل سٺه، (21) تو پسته ٽمي جيا پيزون نٺه شيڪاروه، ٽمي آپ ٽماريون شيڪارل واتون مانه ڪم نٿي وينا؟ ٽمي ام ڪوه جي سورٿي نه ڪروو، پڻ ٽمي آپ سورٿي نٿي ڪرتا، ڪي؟ (22) ٽمي ام ڪوه جي پونڌو ڪوم نه ڪروو، پڻ ٽمي آپ پونڌو ڪوم نٿي ڪرتا، ڪي؟ ٽمي مورٿي پوزا هاو ڪراپ هزموه، پڻ ٽمي آپ پڳوون رو مون نه راکين پڳوون رٿي پيعزتي نٿي ڪرتا، ڪي؟ (23) ٽمي اي وڏائي ڪروه جي امي پڳوون را حڪم مونونه، پڻ پڳوون را حڪم توڙين ٽمي پڳوون رٿي پيعزتي نٿي ڪرتا، ڪي؟ (24) زم شاستر ۾ لڪل سٺه:

"ٽماري ڪري ڌاري قوم واڙا پڳوون رٺه ڪلاڻ ٻولئھ."

(25) ٽمي يهودي سو ان ٽماري توهر ڪرل سٺه. هوٺه توهر ڪرايا رو ڦاڻيڏو تو سٺه، جي ٽمي موسي رون لڪل پڳوون رون حڪمون مانه ووھ. پڻ جي ٽمي

هايون حُڪمون مانھ نٿي وِيتا، تو توهَر ڪرايا رو ڪئين ڦائيدو نٿي، زوئڻه تماري توهَر ٿيل ئي نٿي. ②6 هيونُه نمُونه ڌاري ڦوم واڙا جيون رئي توهَر ڪراول نٿي، جي اُو پڳوونَ ري وات مانھ وئھ زم مُوسي رون لڪل حُڪمون ۾ ڪيڏل سئھ، تو پلئھ اُوئون رئي توهَر نٿي ٿيل، پڻ پڳوونَ اُوئون نئھ ضرور توهَر ٿيل را زم آڀرا منڪ هُزمشي. ②7 هيوا ڌاري ڦوم واڙا، جيون رئي توهَر ڪرل نٿي توئي پڻ اُو آڀرا ڪيال پرموئھ پڳوونَ رون حُڪمون مانھ وئھ، اُو منڪ تمون يهُوديون نئھ ڏوهاري ڪرشي، ڪم تو تمون ڪن پڳوونَ را حُڪم شاستر ۾ مُوسي را لڪل سئھ ان تماري توهَر ڪرل سئھ، توئي پڻ تمي پڳوونَ رون حُڪمون مانھ نٿي وِيتا.

②8 وات اي سئھ، يهُودي رو هاسو مطلب سئھ، پڳوونَ رو سُونڍل منڪ. اُو ايو منڪ نٿي جيو ذات ري ڪري يهُودي ٿيوھ ان جيو زويا ٿي اوڙڪاشي جي يهُودي سئھ. ان هاس ۾ پڳوونَ رو منڪ هويا رئي جي ٿاڻي سئھ، اُو توهَر نٿي جي ڏيل ۾ ڪرل سئھ ان ڏيڪيام آئھ. ②9 پڻ جيو هاس ۾ يهُودي سئھ، مطلب جيو هاس ۾ پڳوونَ رو سُونڍل منڪ سئھ، اُو ايو منڪ سئھ جيو من ۾ پڳوونَ مانھ وشواس راڪئھ. ان هاس ۾ پڳوونَ رو منڪ هويا رئي جي ٿاڻي سئھ، اُو ڏيل رئي وات نٿي پڻ من رئي وات سئھ، لڪل حُڪمون مانھ وُودا رئي وات نٿي، پڻ پويتر آتما ري مرضي مانھ وُودا رئي وات سئھ. هيون منڪون را وڪوڻ منڪون ٿي نئين پڻ پڳوونَ ٿي ٿئھ.

3 ① تو پستھ سوئال اي سئھ. يهُودي هويا رو ڪي ڦائيدو سئھ؟ ان توهَر ڪرايا رو ڪي ڦائيدو سئھ؟ ② ڦائيدو توهَر وات ۾ گهڻو سئھ. پيرهيون ڦائيدو اي سئھ جي پڳوونَ آڀرو وچن شاستر را رُوپ ۾ يهُوديون رئھ حوالئھ ڪريو.

③ ڪئينڪ يهُودي پڳوونَ را وچن مانھ نه وُودا، تو ڪي ٿيوھ؟ اُوئون رئھ پڳوونَ ري وات مانھ نه وُودا ري ڪري، پڳوونَ آڀري وات مانھ نئين وئھ، ڪي؟ ④ نا نا، پڳوونَ آڀري وات مانھ ضرور ويشي. ام هُزمو جي پڳوونَ هاسو سئھ،

پلئہ ٻڌائي منڪ ڪوڙا هونءُ. هايا را پارام دائود، پڳوون هومو آڀرو ڪرل ڏوه
 مونين، شاستر ۾ ام لکيو جي
 ”تيام وات ساوئي سئہ“
 جي تمڻي آڀريون واتون ۾ هاسا سو،
 ان تمڻي انصاف ٿي ڦينصلا ڪروھ.“

⑤ هونءُ، زئيون آڀئہ ڏوه ڪريا ري ڪري وات وڌارئہ ساوئي ٿئہ جي
 پڳوون انصاف ڪريا وازو سئہ، تو پسنہ آڀئہ ڪي هزموو ڪپئہ؟ ڪوڪ تو ام
 سوچشي ”جي امارئہ ڏوه ڪريا ٿي پڳوون رو مون وڌئہ، تو پسنہ پڳوون امون
 نئہ سزا ڪم ڏئہ؟“ آڀئہ ام هزموو ڪي، جي زئيون پڳوون آڀون نئہ ڏوهون رئي
 سزا ڏئہ، تو پڳوون نا انصاف ٿي ڪرئہ؟ نا نا، هائي واتون منڪون ري گلت سوچ
 ڀرموئئہ سئہ. ⑥ وات هم نٿي. جي ڏوهاريون نئہ سزا ڏيوو نا انصاف ٿي هونءُ،
 تو پڳوون ڪم ڪرين ڏنيا رو نيا ڪرئہ؟ ⑦ توئي پڻ ٿي هيڪئہ جي ڪوڪ
 ام ڪئہ جي ”مارئہ ڪوڙيون واتون مانہ وڍا ٿي وات وڌارئہ ساوئي ٿيئہ جي
 پڳوون هاسو سئہ، ان هيونہ نمونئہ پڳوون رو مون وڌي گيوھ. تو پسنہ پڳوون
 مون نئہ ڪم ڏوهاري ڪرئہ؟“ ⑧ جي هم ڪئہ، هائي تو رُوگو پونهونو ٿئہ
 جي ”آڀي پلئہ ڪراڀ ڪوم ڪرون، زم نائوڪو نتيجو نيئرئہ.“ ڪئينڪ منڪ
 امارئي گلا ڪرين امون مانہ اي الزوم هئئہ جي امي آپ هم شيڪاڙونہ. پڻ
 امي تو هم نٿي ڪيتا. جيا منڪ هم گلا ڪرئہ، او پڳوون رئي سزا کاڌا جيووا
 سئہ، ان پڳوون اوئون نئہ ضرور سزا ڏيشي.

ڏنيا را ٻڌائي منڪ پڳوون را ڏوهاري سئہ

⑨ تو پسنہ آڀون يهوديون رئہ ڪي هزموو ڪپئہ؟ ڪي آڀي يهودي ڌاري قوم
 وازون ٿي نائوڪا سون؟ نا نا، ماڳي نئين. امي تو اڳي ڪيڏوه جي يهودي ان
 ڌاري قوم وازا ٻڌائي ڏوهون ۾ ڦاٿل سئہ. ⑩ اي هاڳي وات شاستر ۾ پڻ لڪل

سٺه جي

”ٻڌائي منڪ ڏوهاري سٺه، ڪوئي پيڏوهي نٿي.

ڪوئي منڪ هڙمو نٿي.

⑪ ڪوئي پڳوون ري وات مانھ ويوا نٿي ڪرتو.

⑫ ٻڌي پڳوون نٺه ساڏيوھ پرو.

ٻڌائي هيڪ جيووا ٿين نڪوما ٿي گپياھ.

ڪوئي نٿي جيو ميرپونئي ڪرھ، هيڪ ئي نٿي.

⑬ ”زم ڪل مل مقوم موئين ٿي گھنڌ آوھ،

تم اوئون را موندا ٿي روڳي ڪراپ واتون نيھرھ،

ان او ڪوڙ هاڪلين ٺڳئي ڪرھ.

”اوئون را وين ھاپون را جھير جيووا ڪراپ سٺه.

⑭ ”او روڳا منڪون نٺه پٺھ ان وير را کين ٻولھ.

⑮ ”او ڪون ڪريا ھارو ٽڪا ڍوڙھ.

⑯ جيٺھ او زائھ، اوٺھ ڏڪ ان تڪليپ پڪيڙھ.

⑰ ان اوئون نٺه ھڪ رڪايا رئي ڪپر ئي نٿي.

⑱ ”اوئون نٺه پڳوون رئي ڪئين پيڪ نٿي.

⑲ ھوٺھ آپون نٺه ڪپر سٺه جي زتي واتون شاستر ۾ لڪل سٺه، او يھوديون

ھارو لڪل سٺه جيا شاستر رون موسي رون لڪل حڪمون مانھ وُڍا واڙا سٺه. تيا

ري ڪري ڪوئي پڻ منڪ اي پونھونو نٿي ڪري هيڪتو جي ھون پيڏوهي سون،

ان تيام ڏنيا را ٻڌائي منڪ پڳوون را ڏوهاري ٿين سزا کاڌا جيووا سٺه. ⑳ ڪم

تو ايوو ڪوئي نٿي جيو ڏوھ ڪريا وڳر پورٺھ نمونئھ موسي رون لڪل حڪمون

مانھ وٺھ، تيام موسي رون لڪل حڪمون مانھ وُڍا را نمونا ٿي ڪوئي پڳوون

ري سزا ٿي نئين پڇئھ. ڪم تو موسي رون لڪل حڪمون ٿي آپون نٺه پورئي ڪپر

پڙئھ جي آبي ٻڌائي منڪ ڏوهاري سون.

ايسُو مانه وشواس راكيا ري كري پڳوون منكون نئه ڏوهون رئي ماقئي ڏئه

① پڻ هونءِ وات ساوئي ٿيڻه جي پڳوون منكون نئه موسيٰ رون لڪل حُڪمون مانه وُڍا وڳر ڏوهون ري سزا ٿي ڪيون نمونءِ آزاڌ ڪرڻه. هايا وات را پارام موسيٰ ان پڳوون رو نياپو ڏيڏا وازي شاستر ۾ اڳي لڪيو تو. هائي وات اي سئه جي ② پڳوون ايسُو ڪريست مانه وشواس راكيا ري ڪري منكون نئه ماقئي ڏين ڏوهون ري سزا ٿي آزاڌ ڪرڻه. پڳوون اوئون ٻڌون نئه پڇاڻه جيا ايسُو مانه وشواس راڪڻه، يهوديون نئه ان ڌاري قوم وازون نئه ٻڌون نئه، ڪم تو اوئون ۾ ڪئين ڦرڻ نٿي. ③ ڪم تو ٻڌي ڏوه ڪريوه، ان پڳوون رو ڏيڏل مون ليڏا جيو نه ٿيا. ④ پڻ پڳوون ايسُو ڪريست نئه ميليا ٿي ٻڌون نئه ڏوهون را قوضا ٿي آزاڌ ڪراياھ ان اوئون نئه آپري ڪرپا ٿي امهي ماقئي ڏين ڏوهون ري سزا ٿي آزاڌ ڪرڻه. ⑤ پڳوون ايسُو نئه ايٺا ڪوم هارو راکيو جي او منڪون رون ڏوهون ري ماقئي هارو آپرو جيو پڳوون را نوم مانه ڏئه، ان هيونءِ نمونءِ پڳوون اوئون ٻڌون منڪون نئه ڏوهون رئي ماقئي ڏئه، جيا ايسُو مانه وشواس راڪڻه. پڳوون هم ڪريو زم وات ساوئي ٿنه جي او انصاف ڪريا وازو سئه، ڪم تو اڳي اوئه صير ڪرين منڪون نئه اوئون رون ڪرل ڏوهون رئي سزا نٿي ڏيڏي. ⑥ پڳوون ڏوهاريون ٿي هائي صير ايٺا هارو ڪريو، زم همٿه ايٺا زمونا ۾ وات ساوئي ڪرڻه جي او انصاف ڪرڻه، ان ايسُو مانه وشواس راكيا وازون نئه ماقئي ڏين ڏوهون ري سزا ٿي آزاڌ ڪرڻه.

⑦ تيام هونءِ آڀي يهودي قوم رئي اي وڏائي ڪيل گڻي، جي امي موسيٰ رون لڪل حُڪمون مانه وُڍا وازا سون؟ آڀي هائي وڏائي تو ڪم ٿي گڻي. ڪم تو وات اي نٿي جي آڀي موسيٰ رون لڪل حُڪمون مانه وونھ ڪا نا، پڻ وات اي سئه جي آڀي وشواس راڪونھ ڪا نا. ⑧ ڪم تو امي اي هزمونھ جي

مُوسي رُون لَڪل حُڪمون مانھ وُڊا وڳر وِشواس راکيا ري ڪري پڳوونَ منڪون نئھ ماڻھي ڏين ڏوهون ري سزا ٿي آڙاڙا ڪرئھ. (29) جي مُوسي رُون لَڪل حُڪمون مانھ وُڊا ٿي پڇئٽ، تو ڌاري قُوم واڙا ڪم ڪرين پڇي هيڪئٽ؟ تمي ڪي هزموھ؟ پڳوونَ رُوڳو يهُوديون رو سئھ ڪي؟ ان ڌاري قُوم واڙون رو نٿي ڪي؟ ايئا ڀر ڪئين شڪ نٿي، اُو تو ڌاري قُوم واڙون رو پڻ پڳوونَ سئھ، (30) ڪم تو پڳوونَ هيڪئھ سئھ، ان اُو توهر ڪرل يهُوديون نئھ ان توهر نه ڪرل ڌاري قُوم واڙون نئھ پڻ هاڳي نمونئھ وِشواس راکيا ري ڪري ماڻھي ڏيشي ان ڏوهون ري سزا ٿي آڙاڙا ڪرشي.

(31) تو پسنئھ امارو هم ڪيڏا رو مطلب ڪي سئھ؟ زئيون امي ڪونھ جي رُوڳو وِشواس راکيا ٿي تارڻ زڙشي، تئيون امي شاستر ڀر لَڪل پڳوونَ را حُڪم ڪتم ڪرونھ ريا، ڪي؟ نا نا، هم نٿي. امي تو شاستر ڀر لَڪل پڳوونَ ريون واتون مانھ وونھ ريا.

ابراھيم رءُ وِشواس راکيا رو مثال

4 ① هُوئھ آپون نئھ شاستر موئين ٿي ابراهيم را پارام ڪيوئي ڪهر پڙئھ، جيو قُوم پرموئئھ آپون يهُوديون رو ڏاڏو سئھ. ابراهيم ڪيا ري ڪري ڏوهون ري سزا ٿي آڙاڙا ٿيو؟ ② ڪم تو وات ساوئي سئھ، جي ابراهيم آپرون ڪرل ڪومون ري ڪري ڏوهون ري سزا ٿي آڙاڙا ٿيو هوئٽ، تو اُوئا رو حق ٿئٽ جي اُو پيڏوهي ٿيا را پارام وڏائي ڪرئھ. پڻ پڳوونَ هومو ابراهيم رءُ وڏائي ڪريا رو ڪئين حق نٿي. ③ ڪم تو شاستر ڀر ام لَڪل سئھ جي

”ابراهيم پڳوونَ مانھ پُورا يقين ٿي وِشواس راکيو،

ان تيام پڳوونَ اُوئا نئھ آپري وات مانھ وُڊا واڙو ڪيڏو.“

④ هُوئھ، زئيون ڪوڪ منڪ ڪوم ڪرئھ، تو اُوئا رو حق سئھ جي اُو ڪوم را ايوزا ڀر مزورئي لئھ. ام نٿي جي ڏئي اُوئا مانھ ڏٺيا ڪرين اُوئا نئھ مزورئي ليڏا

جيون ڪئو. هيونئو نمونئو، جي ابراهيم آيون ڪرل ڪومون ري ڪري پڳوون ري وات مانھ وُويَا وَازو تئو، تو ام لڪل هوئو جي او آيون ڪرل ڪومون را ايوزا ۾ پڳوون ري وات مانھ وُويَا وَازو تيو. پڻ ام لڪل سئو، جي پڳوون اوئا رئو وشواس راڪيا ري ڪري اوئا نئو آپري وات مانھ وُويَا وَازو ڪيڏو. هيا ٿي وات ساوئي سئو جي ابراهيم ڪرل ڪومون را ايوزا ۾ پڳوون ري وات مانھ وُويَا وَازو نه تيو. ⑤ هيا رو مطلب اي سئو، منڪ آيون ڪرل ڪومون را ايوزام پڳوون ري وات مانھ وُويَا وَازو نئي تيتا. پڻ زيون ڏوهاري منڪ وشواس راڪئو، تيون پڳوون اوئون نئو ماڻي ڏين ڏوهون ري سزا ٿي آزا ڪئو، ان وشواس راڪيا ري ڪري اوئون نئو آپري وات مانھ وُويَا وَازو ڪئو.

⑥ دائود پڻ هائي هاڳي وات ڪئو جي او منڪ ڪتا يا ڳوازا سئو، جيا پلئو آيون ڪرل ڪومون ري ڪري پيڏوهي نئي، توئي پڻ پڳوون اوئون نئو آپري وات مانھ وُويَا وَازو ڪئو ان ماڻي ڏين ڏوهون ري سزا ٿي آزا ڪئو. دائود شاستر ۾ ام لڪيو:

⑦ ”يا ڳوازا او سئو

جيون نئو پڳوون را حڪم توڙيا رئي ماڻي زڙئو،
ان جيون را ڏوه پڳوون ماڻ ڪرياه.

⑧ يا ڳوازا او سئو

جيون نئو ايشور سزا نئي ڏيتو،

پڻ اوئون نئو ماڻي ڏين ڏوهون ري سزا ٿي آزا ڪئو.“

⑨ هوئو سوئال اي پيدا تئو جي اي ماڻي زڙيا رو ياڳ روڳو توهر ڪرل يهوديون هارو سئو، ڪا توهر نه ڪرل ڌاري قوم وَازون هارو پڻ سئو؟ امي تو ڪونه ريا جي پڳوون ابراهيم نئو وشواس راڪيا ري ڪري آپري وات مانھ وُويَا وَازو ڪيڏو. ⑩ پڻ وات اي سئو، پڳوون اوئا نئو ڪيون آپري وات مانھ وُويَا وَازو ڪيڏو؟ زيون اوئا رئي توهر ٿيل هئي، ڪا زيون ٿيل نئي؟ پڳوون ابراهيم نئو تيون

آپري وات مانه وُودا وازو ڪيڏو، زئيون اُونا رئي تهر ٿيل نٿي، ان تيا ڪيڙ اُونا رئي تهر ٿي. ⑪ ان پڳوون اُونا ننه ايتا هارو تهر ڪريا رو ڪيڏو زم تهر را نيشون ٿي ايتا رئي ٿاڻي ٿي، جي پڳوون تهر ڪريا وڳر وشواس راڪيا ري ڪري اُونا ننه ماڻهي ڏين آپري وات مانه وُودا وازو ڪيڏو. هيئو نموننه ابراهيم اُونون ٻڌون وشواس راڪيا وازون رو ڏاڏو ٿيو، جيا ڌاري قوم ٿي سئنه ان جيون رئي تهر نٿي ٿيل، زم پڳوون اُونون ننه پڻ آپري وات مانه وُودا وازا ڪئنه ان ماڻهي ڏين ڏهون ري سزا ٿي آزاده ڪرئنه. ⑫ ان او آپون تهر ڪراول يهوديون رو ڏاڏو پڻ سئنه، جيون رئي نه روڳهي تهر ٿيل سئنه، پڻ جيا ايوو وشواس پڻ راڪونه جيوو آڻئنه ڏاڏنه ابراهيم راڪيو تو، زئيون اُونا رئي تهر ٿيل نٿي.

پڳوون روڳو يهوديون هارو نئين، پڻ هر قوم رون وشواس راڪيا وازون هارو ابراهيم ٿي وائيدو ڪريو نو

⑬ وات اي سئنه، زئيون پڳوون ابراهيم ٿي وائيدو ڪريو تو، جي او پوري دنيا ابراهيم ان اُونا را اولاد رنه حواله ڪرشي، تئين پڳوون او وائيدو ايتا وات ري ڪري نتو ڪريو جي ابراهيم حڪمون مانه ويتو. پڻ پڳوون ايتا ري ڪري وائيدو ڪريو تو، ڪم تو ابراهيم وشواس راڪتو. ان تيام پڳوون ابراهيم ننه آپري وات مانه وُودا وازو ڪيڏو ان ماڻهي ڏين ڏهون ري سزا ٿي آزاده ڪريو. ⑭ ڪم تو جي تارڻ روڳو اُونون منڪون ننه زڙت جيا حڪمون مانه وئنه، تو وشواس راڪيا رو ڪئين ڦاڻيدو نه ٿئت، ان پڳوون رو وائيدو ڪيا ٿي ڪوم رو نه رتت. ⑮ پڻ هاس ۾ ام سئنه، حڪمون ري ڪري ڪيا منڪ ننه تارڻ نٿي زڙتو، پڻ روڳهي سزا زڙنه، ڪم تو ٻڌائي منڪ حڪم توڙنه. جي حڪم نه هوئت، تو هائي حڪم توڙيا ٿي منڪ ڏوهاري نه ٿئت.

⑯ تيام ٻڌي وات وشواس راڪيا مانه سئنه، زم پڳوون، موسي رون لڪل حڪمون مانه وُودا را ايوزا ۾ نئين، پڻ منڪون مانه ڪريا ڪرين آپرو ڪرل

واڻيڏو ابراهيم را ٻڌا اولاد هارو پورو ڪرڻ. پڳوون آڀرو وائڻڏو ٻڌون وشواس را ڪيا وازون هارو پورو ڪرشي، نه رُوگرو يهودي قوم وازون هارو جيا موسيٰ رون لڪل حڪمون مانه وئو ان پيڊي پرموئڻه ابراهيم رو اولاد سڻ، پڻ ڌاري قوم وازون هارو پڻ، جيا ابراهيم را زم وشواس راڪڻه ان هايا وات پرموئڻه ابراهيم رو اولاد سڻ. ڪم تو ابراهيم آڀون ٻڌون وشواس راڪيا وازون رو ڏاڏو سڻ، آڀي ڪيا ئي پڻ قوم ٿي هوئون. (17) اي هاڳي وات شاستر ۾ لڪل سڻ جيئڻه پڳوون ابراهيم نڻه ڪيڏو:

”مئين تون نڻه ايڻا هارو سونڊيوه
زم تون گهڻيون قومون رو ڏاڏو ٿڻه.“

تيا م پڳوون ري نظر ۾ ابراهيم ٻڌون وشواس راڪيا وازون رو ڏاڏو سڻ، ڪم تو اوڻه پڳوون مانه وشواس اوڻيو جيو مرلون نڻه جيوتا ڪرڻ، ان آڀرا ڪيڏا ٿي شينهون نڻه پيڏا ڪرڻ.

(18) ابراهيم رڻه اولاد تيا رڻي ڪئين اُميد نٿي، توڻي پڻ اوڻه پڳوون را وائڻڏا مانه يقين ڪرين وشواس راڪيو. هيون نڻه او گهڻيون قومون رو ڏاڏو ٿيو، زم پڳوون اوڻا نڻه ڪيڏو تو جي ”تارو اولاد الاهي گهڻو ٿيڻي.“ (19) ابراهيم نڻه پوري ڪبر هڻي جي او ٻي موڻهڻه ايوا نڻا جيا ٿي اولاد ٿڻه پڻ مرلون را زم هتا، ڪم تو او هوڪ ورهون رو هتو، ان او ام هزمتو جي اوڻا زئي ڏيل رڻي طاقت هون ڪم تي گهڻي، ان اوڻا رڻي ڏوشي ساره وونزڻي هڻي ان ڏوڪري پڻ ٿي گهڻي ٿي. توڻي پڻ اوڻه هيمنت نه هارڻي ان وشواس راڪتو ريو. (20) اوڻه نڪو پروسو ساڏيو نڪو پڳوون را وائڻڏا مانه شڪ ڪريو، پڻ وشواس راڪيا ري ڪري اوڻا نڻه هيمنت زڙي، ان اوڻه پڳوون را وڪوڻ ڪريا. (21) ڪم تو اوڻا نڻه پڪو يقين هتو جي جيو وائڻڏو پڳوون ڪريو، او پورو پڻ ڪري هيڪڻه.

(22) هايا ري ڪري ”پڳوون اوڻا نڻه آڀري وات مانه وڍا وازو ڪيڏو.“

(23) هون شاستر رڻي اي لڪل وات جي ”شواس راڪيا ري ڪري پڳوون اوڻا

ننه آپري وات مانه وُودا واژو هُيڏو، " اُو رُوگو اِبراهيم هارُو لکل نٿي، ②4 پڻ
 آپون ٻڌون هارُو لکل سئ، جيون ننه پڳوونَ آپري وات مانه وُودا واژا کيشي.
 پڳوونَ آپون ننه پڻ آپري وات مانه وُودا واژا کيشي ڪم تو آبي اُوئا مانه
 وشواس راکونه، جيئن اُپئا پڙپُو ايسُو ننه مرلون موئين ٿي جِيوي اوناڙيوه.
 ②5 ايسُو آپتون ڏوهون ري ڪري اُپرو جِيو ڏيڏو، ان پڳوونَ اُوئا ننه جِيوي اوناڙيو
 زم آبي پڳوونَ ري وات مانه وُودا واژا ٿيون، آپون ننه ماڻهي زڙنه، ان آبي
 ڏوهون ري سزا ٿي آڙا ٿيون.

پڳوونَ ان وشواس راکيا واژون وسا منومئا نئه

5 ① هُوئه پڳوونَ آپون ننه ايسُو مانه وشواس راکيا ري ڪري ماڻهي ڏين
 ڏوهون ري سزا ٿي آڙا ڪرياه، ان تيام آبي اُپئا پڙپُو ايسُو ڪريست ري
 ڪري پڳوونَ ٿي هڻ راکونه. ② ان ايسُو ري ڪري آپون ننه وشواس راکيا ٿي
 اي موقعو پڻ زڙيوه جي پڳوونَ آپون مانه ڪُريا ڪرئ ان آبي اُوئا ٿي واسطو
 راکون، زم همئنه پڳوونَ ٿي واسطو راکونه ريا. ان آبي من ۾ ڪُش ٿيونه ڪم
 تو اُپنو پروسو سئ جي پڳوونَ آپون ننه آڪاش ۾ مون ڏيشي. ③ آبي نه رُوگا
 هيا آڪاشي وات مانه ڪُش ٿيونه، پڻ ايئا حياتي ريون تڪليهن ۾ پڻ من
 ۾ ڪُش ٿيونه، ڪم تو آپون ننه ڪهر سئ جي تڪليهن سهيا ٿي آبي شيڪونه
 جي ڏورون ڪيوئه نموننه صير هُون سهو، ④ ان ڏورون صير هُون سهيا ٿي
 آبي پڳوونَ ننه ڪُش ڪرونه، ان پڳوونَ ننه ڪُش ڪريا ٿي اُپنو پڳوونَ مانه
 پڪو پروسو ٿي زائ. ⑤ ان اي اُپنو پروسو جي پڳوونَ آپون ننه آڪاش ۾ مون
 ڏيشي، اي پروسو نالو نٿي جيا ري ڪري آبي لزي مرشون. آپون ڪن ٿاڻي
 سئ جي اُپنو پروسو نالو نٿي، ڪم تو پڳوونَ آپون ننه پويتر آتما ڏيڏا ٿي اتو
 پريم ڪريوه جي اُوئه اُپئا من ۾ اُپرو ٻڌوئي پريم ڏيڏو.

⑥ وات اي سئ، اڳي آبي پڳوونَ رنه ڪلاڦ ويتا ان آپ ننه پڳوونَ ري سزا

ٿي پڇايا هارو ڪئين نٿا ڪري هيڪتا، توڻي پڻ ايسو ڪريست پورا ٿوئا مانھ آيون ڏوهاريون نٿه پڇايا هارو آڀرو جيو ڏيڏو. ⑦ هونءَ پيڏوهي منڪ نٿه پڇايا هارو ڪوڪ گهڻي مُشڪل ٿي آڀرو جيو ڏيشي، توڻي پڻ ٿي هيڪنه جي ڪياڪ نائوڪا منڪ ري جڳا ۾ ڪوڪ مريا هارو تيار ٿه. ⑧ پڻ پڳوون ايونءَ نمونءَ وات ساوئي ڏيڪارڻي جي او آيون ٿي ڪتو گهڻو پريم راڪنه، جي زئيون آڀي هزون ڏوهاري هتا تئيون پڳوون رنه سونڍل پڇايا واڙهه ايسو ڪريست آيون نٿه پڇايا هارو آڀرو جيو ڏيڏو.

⑨ ايسو رنه آڀرو جيو ڏيڏا ٿي پڳوون آيون نٿه ماڻهي ڏين ڏوهون ري سزا ٿي آڙا ڪرياه، تيام لازمي سٺه جي نيا رنه ڏي آڀي ايسو ري ڪري پڳوون ري سزا ٿي ضرور پڇي زاشون. ⑩ زئيون آڀي پڳوون رنه ڪلاڻ هتا، تئيون پڳوون را ڏيڪرا را موت ٿي پڳوون ان آيون ۾ منومئا ٿيا. تيام لازمي سٺه جي هونءَ منومئا ٿيا ڪيڙ ايسو رنه جيوتو ٿيا ري ڪري پڳوون آيون نٿه ضرور پڇاوشي. ⑪ آڀي نه روڳو سزا ٿي پڇي زاشون، پڻ آڀي آڀا پريو ايسو ڪريست ري ڪري پڳوون را وڪوڻ پڻ ڪرونه، ڪم تو اوتا ري ڪري پڳوون ان آيون ۾ همئنه منومئا ٿياھ.

پيرهيان آدمي ڪري منڪون نٿه موت زڙهه

پڻ ايسو ري ڪري هميش رو جيوون زڙهه

⑫ تيام، جيونءَ نمونءَ هيڪا منڪ آدم ري ڪري ڏنيا ۾ ڏوه شروع ٿيو، ان ڏوه ڪريا ري ڪري موت ٿيو، هيونءَ نمونءَ پڻ موت ٻڌون منڪون ۾ پڪڙي گيوھ، ڪم تو ٻڌي ڏوه ڪريوھ. ⑬ موسيٰ رون لڪل حڪمون ٿي اڳي پڻ ڏنيا ۾ منڪ ڏوه ڪرتا، پلنه لڪل حڪمون وڳر ڪئين ٿاڻي نٿي جي ڪي ڏوه سٺه، ان ڪي ڏوه نٿي. ⑭ توڻي پڻ پيرهيان منڪ آدم را وڪت ٿي لين موسيٰ را وڪت هونءَ موت ٻڌون منڪون نٿه آڀرا قوضام لين اوئون مانھ آڀرو راز ڪريو، پلنه اوئي

آدم را زم زوئي ڪرين پڳوونَ رو حُڪم نه توڙيو، پڻ پڳوونَ را حُڪم زوئيا وڳر ڏوه ڪريو هوئ.

آدم تي پڳوونَ را وائيدا پرمونته آيا وازا ايسو را پارام هيڪ مِثال زڙئو. ⑮ پڻ آدم رڻه پڳوونَ رو حُڪم توڙيا ۾ ان ايسو رڻه ڪُريا ڪريا ۾ هاوَ قرق سئ. هيڪا منڪ آدم رڻه پڳوونَ رو حُڪم توڙيا ري ڪري گهئون منڪون نئو موت زڙيو، پڻ هايا ٿي موتي وات اي سئ جي هيڪا منڪ ايسو ڪريست رڻه ڪُريا ڪريا ري ڪري پڳوونَ گهئون منڪون مانه الاهي گهئي ڪُريا ڪري ان ڏوهون رئي ماقئي ڏيڏي. ⑯ ان هيڪا منڪ آدم رڻه ڏوه ڪريا را نتيجا ۾ ان پڳوونَ رڻه ماقئي ڏيڏا را نتيجا ۾ هاوَ قرق سئ. آدم رڻه ڏوه ڪريا ۾ اي وات سئ، جي منڪ رُوڳو هيڪ وار پڳوونَ رو حُڪم توڙيو، تيام پڳوونَ موت رئي سزا ڏيڏا رو قينصلو ڪريو. پڻ پڳوونَ رڻه ماقئي ڏيڏا ۾ اي وات سئ، جي منڪي گهئي وار پڳوونَ را حُڪم توڙيا، توي پڻ پڳوونَ اوئون مانه ڪُريا ڪري ان امهي ماقئي ڏين ڏوهون ري سزا ٿي آزا ڪريا. ⑰ هيڪا منڪ آدم رڻه هيڪ وار حُڪم توڙيا ري ڪري، موت منڪون نئو آپرا قوضام لين اوئون مانه راز ڪريو. پڻ هايا ٿي موتي وات اي سئ، جي هيڪا منڪ ايسو ڪريست ري ڪري، او منڪ جيون مانه پڳوونَ آپري گهئي ڪُريا ڪرئ ان امهي ماقئي ڏين ڏوهون ري سزا ٿي آزا ڪرئ، او منڪ آپ هميش رو جيون لين راز ڪشي.

⑱ تيام، جيوتو نمونئ آدم رڻه هيڪ وار پڳوونَ رو حُڪم توڙيا ري ڪري ٻڌون منڪون نئو موت رئي سزا ڏيڏا رو قينصلو ٿيو، هيوتو نمونئ ايسو ڪريست رڻه هيڪ وار پڳوونَ را نوم مانه آپرو جيو ڏيڏا ري ڪري ٻڌون منڪون نئو موقعو زڙيو جي اوئون نئو ماقئي زڙئ، ڏوهون ري سزا ٿي آزا ٿئ، ان هميش رو جيون ٿئ. ⑲ ڪم تو جيوتو نمونئ هيڪا منڪ آدم رڻه پڳوونَ رو ڪيڏو نه مونيا ري ڪري گهئا منڪ. ڏوهاري ٿيا، هيوتو نمونئ هيڪا منڪ ايسو ڪريست


رئہ پڳوونَ رو ڪيڏو مونيا ري ڪري گهڻا منڪ پڳوونَ ري وات مانھ وُڍا وازا تيشي ان پڳوونَ اُوئون نئھ ڏوهون رئي ماقئي ڏيشي.

②0 پڳوونَ موسيٰ هات آڀرا حڪم ڏيڏا، زم وات ساوئي تئھ جي پڳوونَ را حڪم توڙيا ٿي منڪ ڪتو گهڻو ڏوه ڪرئھ ريا. پڻ زم منڪي گهڻا ڏوه ڪريا، تم پڳوونَ اُوئون مانھ وڌيڪ گهڻي ڪرپا ڪري، ②1 زم جيئھ ڍازئھ منڪ ڏوهون را راز هيٺ ٿيا ان ڏوه ڪريا ري ڪري موت را قَوضام قاتيا، هيئھ ڍازئھ پڳوونَ اُوئون مانھ ڪرپا ڪرين آڀرا راز ۾ لي آئھ ان آڀنا پريو ايسو ڪريست ري ڪري منڪون نئھ ماقئي ڏين ڏوهون ري سزا ٿي آزاد ڪرئھ ان هميش رو جيون ڏئھ.

نوهون را قَوضا ٿي سئونين وڙي ڏوه نہ ڪروو

6 ① هئھ آڀي ڪي ڪرون؟ آڀي ڏوه ڪرتا ريشون ڪي، زم پڳوونَ آڀون مانھ گهڻي ڪرپا ڪرئھ؟ ② نا نا، هم ماڳي نہ ڪروو. آڀئي ڏوه ڪريا واڙي حياتي تو ڪنم تي گهڻي. هئھ آڀي اڳي را زم ڪم ڪرين ڏوه ڪرتا ريشون؟ ③ تمون نئھ اينا وات رئي ڪهر نئي ڪي؟ زئيون آڀي ايسو ڪريست ٿي واسطو را ڪيا هارو پويتر سنون ليڏو، تئيون آڀي ٻڌائي پويتر سنون ليڏا ٿي ايسو ٿي واسطو را ڪيا ري ڪري زوئھ اونا پيڙا مريا. ④ تيام زئيون آڀي ايسو پيڙا مريا هارو پويتر سنون ليڏو، تئيون پوئي هيٺ هوتون آڀي زوئھ اونا پيڙا مقوم ۾ پوروئا، زم جيئھ ڍازئھ ايسو ڪريست پڳوونَ ٻاپ ري مون واري ڪڙا ٿي مرلون موئين ٿي جيوي اونيو، هيئھ ڍازئھ آڀون نئھ پڻ نوو جيون زڙئھ ان آڀي اينا حياتي ۾ نوا نمونا ٿي وون.

⑤ ايسو ٿي واسطو را ڪيا ري ڪري آڀي زوئھ اونا پيڙا مريا ان آڀون مانھ اونا را موت رو اثر ٿيو، تيام اونا رئھ جيوي اونيا رو اثر پڻ آڀون مانھ ضرور تيشي. ⑥ آڀون نئھ تو ڪهر سئھ جي آڀي زوئھ ايسو پيڙا هوزي مانھ مري گياھ



ان آڀڻي اڳلوڪي حياتي ڪٿم ٿي ڳڻي، زم آڀون ايٺا دنيا رن منڪون ٿي ڏوهون رو قَوْضو ڪٿم ٿي زائ، ان آڀي ڏوهون ري ڳلومي ٿي سوتين وڙي ڏوه نه ڪرون. ⑦ ڪم تو جيو هيون نمونته زوئنه ايسو پيڙو مريوه، ڀڳوون اوٺا ننه ماڻي ڏين ڏوهون ٿي آزاده ڪريوه.

⑧ آڀي تو ايسو ڪريست پيڙا زوئنه مري ڳيا، تيام آڀو يقين سٺه جي آڀي اوٺا پيڙا جيوٽا پڻ ريشون. ⑨ ڪم تو آڀون ننه ڪڀر سٺه جي ايسو ڪريست مرلون موئين ٿي جيوي اونيوه ان هون وڙي ڪيڏي نئين مره. او موت را قَوْضو ٿي سوتل سٺه. ⑩ ڪم تو زئون ايسو مريو، اوئ هڪ وار مريا ٿي منڪون مانه ڏوهون رو قَوْضو ڪم ڪريو. ان همئنه زئون جيوٽو سٺه، او ڀڳوون ري مرضي مانه ويدا هارو جيوٽو سٺه.

⑪ هيون نمونته تم ٿي پڻ آڀرا پارام ام هڙمو جي تم ٿي زوئنه مري ڳيا تا ان ڏوهون را قَوْضو ٿي سوتل سو، ان هون ايٺا هارو جيوٽا سو جي تسي ايسو ڪريست ٿي واسطو راڪين ڀڳوون ري مرضي مانه وو. ⑫ تيام ايٺا ڪم تيا وڙي حياتي م تم ٿي ڏوهون را قَوْضو م رين ڏوه ڪريا رن ڪراڀ ڪيالون مانه مت وو. ⑬ تم ٿي ڪراڀ ڪوم ڪريا هارو آڀ ننه تيار راڪين ڏوه مت ڪرو. پڻ نائوڪا ڪوم ڪريا هارو آڀ ننه تيار راڪين ڀڳوون رڻي شيوا ڪرو، ڪم تو تمون ننه ڪڀر سٺه جي تم ٿي مرلون را زم هتا پڻ هون جيوٽا سو. ⑭ هون تم ٿي آزاده سو ان ڏوهون را قَوْضام نئين هوئو. ڪم تو تم ٿي موسي رن لڪل حڪمون هيٺ نٿي، پڻ تمون مانه ڀڳوون رڻي ڪريا سٺه.

ڏوهون را قَوْضو ٿي سوتين ڀڳوون رڻي شيوا ڪرو

⑮ هايا رو مطلب ڪي سٺه؟ زئون آڀي موسي رن لڪل حڪمون هيٺ نٿي، پڻ ڀڳوون رڻي ڪريا آڀون مانه سٺه، تو آڀي پلنه ڏوه ڪرتا ريون، ڪي؟ نا نا،

ماڳي نئين. ①6 تمون ننه اي ڪهر نٿي ڪي؟ جيا رو پڻ ڪيڏو مونيا هارو ٿمي ڳلوم را زم آپ ننه تيار راکوه، اوتا را ٿمي ڳلوم سو جيا رو ڪيڏو ٿمي مونوه. ڪا ٿمي ڏوهون را ڳلوم ٿين ڏوه ڪرتا ريوه جيا رو نتيجو هميش رو موت سٺ، ڪا ٿمي پڳوون را شيواڌاري ٿين پڳوون رو ڪيڏو مونتا ريوه جيا ٿي پڳوون تمون ننه ماقئي ڏين ڏوهون ري سزا ٿي آزاد ڪرشي. ①7 اڳي ٿمي ڏوهون را ڳلوم هتا، پڻ پڳوون رو شڪر سٺ جي ٿمي پورا من ٿي وشواس را پارام شيڪاڙل واتون موني، ①8 ان هونئ ٿمي ڏوهون را قوضا ٿي آزاد ٿين پڳوون ري وات مانھ وودا هارو پڳوون را شيواڌاري ٿياھ.

①9 هون تمون ننه منڪون رو مثال ڏيونھ ريو، ڪم تو ٿمي منڪ سو ان پڳوون ري واتون تمارا هزميام ڏوري سٺ. ڳلوم آپرا ڏٿي رو ڪيڏو مونيا هارو آپ ننه تيار راکئھ، ان آپرا ڏٿي رئي شيوا ڪرئھ. هيا مثال پرمونئھ زم اڳي ٿمي پوندائي را ڳلوم ٿين پوندائي ڪريا هارو ان پڳوون را حڪم توڙيا هارو آپ ننه تيار راکتا ان پڳوون رٺ ڪلاڦ ويتا، تم هونئ ٿمي پڳوون را شيواڌاري ٿين پڳوون ري وات مانھ وودا هارو آپ ننه تيار راکو ان پويتر نمونئھ وو.

②0 زئيون ٿمي ڏوهون را ڳلوم هتا، تئيون ٿمي ڏوه ڪرتا، ان پڳوون ري وات مانھ وودا ٿي آزاد هتا. ②1 تيڏي هيا وات ٿي تمون ننه ڪي قائيڏو ٿيو؟ ٿمي ايوا ڪراپ ڪوم ڪرتا جيا ٿي ٿمي همئھ لذي مروھ، ڪم تو هايون ڪومون رو نتيجو هميش رو موت سٺ. ②2 پڻ هونئ ٿمي ڏوهون را قوضا ٿي آزاد ٿياھ ان پڳوون را شيواڌاري ٿين اوتا رو ڪيڏو مونيا وازا ٿي ڳياھ. ان هونئ ايئا ٿي قائيڏو اي سٺ جي ٿمي پويتر ٿيا هارو نائوڪا ڪوم ڪروھ، ان ايئا رو نتيجو اي سٺ جي تمون ننه هميش رو جيون زڙشي. ②3 ڪم تو ڏوه ڪريا رو نتيجو موت سٺ، پڻ جيا آپنا پريو ايسو ڪريست مانھ وشواس راکئھ، پڳوون اوئون مانھ ڪريا ڪرين اوئون ننه هميش رو جيون ڏئھ.

پولوس آڊمي ان ڏوشي رو مثال ڏين هزماوئھ
 جي ايسو را موت ري ڪري آبي موسي رون لڪل حڪمون ٿي
 آزادا سون زم آبي ايسو رو ڪيڏو مونون

7 ① پايون ان پينون، تمون نئھ تو حڪمون رئي ڪهر سئھ، تيام تمون نئھ ضرور ڪهر هوشي جي حڪم روگو تئيون هوڏي منڪون مانھ وئھ، زئيون هوڏي او جيوتا سئھ. ② مثال، موسي رون لڪل حڪمون پرموئئھ ڏوشي رئھ پوري حياتي آڀرا آڊمي پيڙي ريوو. پڻ جي آڊمي مري زائھ، تو ڏوشي آڊمي پيڙي ريا را حڪم ٿي آزادا سئھ. ③ تيام، جي ڏوشي آڀرا آڊمي رئھ جيوتو هوتون پيزو گهر ڪرئھ، تو حڪمون پرموئئھ پونڏو ڪوم ڪرئھ. پڻ جي آڊمي مري زائھ، تو ڏوشي هايا حڪم ٿي آزادا سئھ، ان پلئھ پيزو گهر ڪرئھ، تو او پونڏو ڪوم نٿي ڪرئي.

④ مارون پايون ان پينون، تمارئي وات پڻ همريئھ سئھ جي موت ري ڪري تمي موسي رون لڪل حڪمون ٿي آزادا ٿياھ. ايسو ڪريست را موت ري ڪري تمي زوئئھ اوئا پيڙا مري گيا تا ڪم تو تمي ايسو را ڏيل را زم سو. ان تيا ري ڪري تمي موسي رون لڪل حڪمون ٿي آزادا ٿي گياھ، زم اوئون ري جگا ۾ ايسو ڪريست تمارو ڏئي ٿئھ، جيا نئھ پگوون مرلون موئين ٿي جيوي اوناڙيو، زم آبي پگوون را شيواڌاري ٿين نائوڪا ڪوم ڪرون. ⑤ زئيون آبي آڀرون ڪراپ ڪيالون را قوضام هتا، تئيون زئي موسي رون لڪل حڪمون ٿي ڏوهون را پارام ڪهر هئي، اتو ڏوه ڪريا رو وڌيڪ شونق ٿيتو. هايا رو اثر اي ٿيو جي آبي ايوا ڪراپ ڪوم ڪرتا جيا رو نتيجو هميش رو موت سئھ. ⑥ پڻ هوئھ آبي موسي رون لڪل حڪمون ٿي آزادا سون. اڳي آبي اوئون حڪمون موئين ڦاٿل هتا، پڻ هوئھ آبي زوئئھ مري گيا تا ان اوئون ٿي سوتل سون، زم آبي لڪل حڪمون را زونا نمونا

ٿي نئين، پڻ پويتر آتما ري مرضي مانھ وُڍا را نوا نمونا ٿي پڳوون رئي شيوا ڪرون.

مُوسي رُون لڪل حُڪمون رو ان ٺوهون رو آپت ۾ ڪيو واسطو سٺ

⑦ پسنه ڪي آبي ام ڪون، جي مُوسي را لڪل حُڪم آيون نئه ڏوه ۾ پاڙهه؟ نا، ها، هم نٿي. پڻ وات اي سٺ، جي پڳوون مُوسي هات حُڪم نه ڏنت، تو مُون نئه ڏوهون رئي ڪهر نه پڙت. جي حُڪمون ۾ لڪل نه هونت جي ”لالچ نه ڪرو،“ تو مُون نئه لالچ رئي ڪهر نه پڙت جي ڏوه سٺ. ⑧ تيام هايا حُڪم ري ڪري ڏوه ڪريا رو وجه پيدا ٿيو، ان ڏوه ڪرايا واري چڪ رو زور وڌي گيو، ان ڏوه ڪريا هومو تٿائين مُون موئين هر نمونا رئي لالچ پيدا ٿي. ڪم تو مُوسي رُون لڪل حُڪمون وگر ڏوه ڪرايا رئي چڪ مرل را زم سٺ ان منڪون ۾ ڏوه ڪريا رو شونق پيدا نٿي ٿيتو. ⑨ شروع ۾ مُون نئه پڻ مُوسي رُون لڪل حُڪمون رئي ڪهر نٿي ان هُون امروم ويتو تو. پڻ زيون مُون نئه هايا حُڪم رئي ڪهر پڙي، تيون مُون موئين ڏوه ڪريا رو شونق پيدا ٿيو، ⑩ ان هُون هميش را موت را قوضام ٿيو. هائي حُڪم ڏيڏا ٿي پڳوون رو مقصد هتو جي اونا مانھ وُڍا ٿي مُون نئه هميش رو جيون زڙه، پڻ هايا هاگي حُڪم ٿي مُون هارو هميش رو موت پيدا ٿيو. ⑪ ڪم تو هايا حُڪم ري ڪري ڏوه ڪريا رو وجه پيدا ٿيو، ان ڏوه ڪريا هومو تٿائين هُون شيترائي گيو، ان مارنه هائي حُڪم توڙيا ري ڪري ڏوه ڪرايا واري چڪ مُون نئه هميش را موت ري سزا ۾ نوڪيو پرو. ⑫ هايا ٿي وات ساوئي سٺ جي مُوسي را لڪل حُڪم پويتر سٺ، ان هائي پڳوون رو حُڪم پڻ پويتر، انصاف وازو ان ناوڪو سٺ.

⑬ پسنه هايا رو مطلب ڪي سٺ؟ پڳوون را حُڪم ناوڪا سٺ، توئي پڻ اوئي مُون نئه هميش را موت ۾ نوڪيو پرو؟ نا، ها، هم نٿي. هاس ۾ وات اي

سٺ، ڏوه نٺ ساوو ڪريا هارو، ڏوه ڪرايا واري چڪ زوڻهه پڳوون را نائوڪا حڪم لين آڀرا ڪراڀ ڪوم ۾ واپرايا ان هم مون مانه هميش را موت رئي سزا ٿئي. هيون نمونن پڳوون را هيا حڪم ٿي وات ساوئي ٿي گهيه جي ڏوه ڪتو ڪراڀ سٺ.

⑭ آڀون نٺه تو ڪبر سٺه جي موسي را لڪل حڪم پڳوون را ڏيڏل سٺه ان پويتر سٺه. پڻ هون آڀ منڪ سون ان ٻڌون منڪون را زم ڪراڀ ڪيال راڪونه، ڪم تو هون ڏوهون را قوضام قاتل سون زم گلوم آڀرا ڏئي را قوضام قاتل هوڻه. ⑮ مارو وويڊا رو نمونو هون آڀ نٺي هزمتو جي هون ڪم هيون نمونن وونه. ڪم تو جيا ڪوم هون ڪروا ڪرونه، او مون ٿي نٺي ٿيتا. پڻ هون ايوا ڪوم ڪرونه، جيون نٺه هون هاو ڪراڀ هزمنه. ⑯ هون مونونه ريو جي موسي را لڪل پڳوون را حڪم نائوڪا سٺه، ڪم تو ماري مرضي نٺي جي هون اوئون حڪمون نٺه ٿورين ڪراڀ ڪوم ڪرونه، توئي پڻ مون ٿي ڪراڀ ڪوم ٿي زانه. ⑰ تيام وات ساوئي سٺه جي هون آڀري مرضي ڀرمونن ڪراڀ ڪوم نٺي ڪرتو، پڻ ڏوه ڪرايا واري چڪ جيا رو مون مانه قوضو سٺه، او مون ٿي ڪراڀ ڪوم ڪراوڻه. ⑱ مون نٺه تو ڪبر سٺه جي هون پڻ منڪ سون ان مون ۾ نائوڪي واتون نٺي. ڪم تو ماري مرضي سٺه جي هون نائوڪا ڪوم ڪرون، پڻ مون ٿي نائوڪا ڪوم نٺي ٿيتا. ⑲ جيا نائوڪا ڪوم ڪريا رئي ماري مرضي سٺه، او هون نٺي ڪرتو. ان جيا ڪراڀ ڪوم ڪريا رئي ماري مرضي نٺي، او هون ڪرونه. ⑳ زبون هون ايوا ڪوم ڪرونه جيا ماري ڪريا رئي مرضي نٺي، تو اي وات ساوئي سٺه جي هون آڀري مرضي ڀرمونن ڪراڀ ڪوم نٺي ڪرتو، پڻ ڏوه ڪرايا واري چڪ جي مون ۾ سٺه، او مون ٿي ڪراڀ ڪوم ڪراوڻه.

㉑ مئين آڀري حياتي ۾ زويوه جي هون زوڻهه ڪياڪ را حڪم هيٺ سون، ڪم تو پلن ماري نائوڪا ڪوم ڪريا رئي مرضي سٺه، توئي پڻ مون ٿي

کراپ کوم تته. ② هُون من ډر کُشي ٿي پڳوونَ رُون حُکمون مانھ ويوا کروھ، ③ پڻ مارو ڏيل زوئته پيزا کياک را حُکم هيٺ سته. مارو من پڳوونَ رُون حُکمون مانھ ويوا کرئھ، پڻ مارو ڏيل زوئته ڏوهون را حُکم هيٺ وئھ، ان اي ڏوھ کرايا واڙئي چڪ جئي مارا ڏيل ډر سته مارا من رته کلاڻ مُقابلو کرينَ مُون نته آپرا قَوَضام راکئھ.

④ هُون ڪتو نياڳو سون! ايٺا ڏوھ کريا را چڪر ٿي، جيا ري ڪري مُون نته هميش رو موت زڙشي، مُون نته ڪوڻ پڇاوشي؟ ⑤ پڳوونَ رو شُڪر سته. او آپئا پريو ايسو ڪريست رته هيلته مُون نته پڇاوشي.

تيا م ٻڌئي وات اي سته، هُون من ٿي پڳوونَ رُون حُکمون مانھ وين پڳوونَ رئي شيوا کروھ، پڻ منک ٿين هُون ڏوهون را قَوَضام قاتل سون ان مُون ٿي ڏوھ تته.

پَوِيتر آتما ري مرضي مانھ وُويا ٿي آپون نته هميش رو جِيونَ زڙته

8 ① تيا م هوته جيا ايسو ڪريست مانھ وشواس راکئھ، اوئون نته پڳوونَ سزا ڏيڏا رو ڦينصلو نئين ڪرئھ. ② ڪم تو هوته تمي پَوِيتر آتما ري مرضي مانھ وُويا واڙا سو ان ايسو ڪريست ري ڪري تمون نته هميش رو جِيونَ زڙيوھ.

تيا م تمي تارڻ ليڏا هارو موسي رُون لڪل حُکمون مانھ وُويا واڙا ڌرم ٿي سوتل سو، جيا ٿي تمي ڏوهون ډر قاتي گيا تا ان هميش را موت را قَوَضام هتا. ③ تارڻ ڏيڏا رو ڪوم موسي رُون لڪل حُکمون ٿي نه ٿي هيڪيو، ڪم تو منک آپرون ڪراپ کيالون ري ڪري اوئون حُکمون مانھ وي نه هيڪيا ان تيا م اوئون حُکمون رو مقصد پورو نه ٿيو. پڻ هوته او تارڻ ڏيڏا رو ڪوم پڳوونَ آپ ڪريو. اوته آپرو ڏيڪرو ايسو ڏوهون را قَوَضام قاتل منڪون را زم منک ناوين ميليو، زم او منڪون نته ڏوهون را قَوَضام ٿي سڏاوتھ. زئيون ايسو منک ٿين منڪون رُون ڏوهون

ري ڪري آڀرو جيوَ ڏيڌو، تئين پڳوونَ منڪون رون ڏوهون رڻي موت رڻي سزا ايسو نئه ڏيڌي ان ڏوهون را قَوضا نئه ڪتم ڪريو پرو. ④ هائي پڳوونَ ايتا هارو ڪريو، زم آڀي جيا آڀرون ڪراڀ ڪيالون پرموئنه نئين، پڻ پويتر آتما ري مرضي پرموئنه وونه، آڀون ٿي آڀرون حُڪمون رو مقصد پُورو ڪراوئه ان آڀي پڳوونَ ري وات مانه وون. ⑤ جيا منڪ آڀرون ڪراڀ ڪيالون پرموئنه وئه، او رُوڳا ڪراڀ واتون را پارام سوچئه، پڻ جيا پويتر آتما ري مرضي پرموئنه وئه، او پويتر آتما ريون ڏيڌل نائوڪيون واتون را پارام سوچئه. ⑥ ڪم تو زئينون منڪ آڀرون ڪراڀ ڪيالون پرموئنه سوچئه، اوئون نئه هميش رو موت زڙشي، پڻ زئينون منڪ پويتر آتما ري مرضي پرموئنه سوچئه، اوئون نئه هميش رو جيون ان شونتئي زڙشي. ⑦ هايا ٿي وات ساوئي سئه جي منڪون رڻي ڪراڀ سوچ پڳوونَ رئه ڪلاڦ سئه، ڪم تو او نڪو پڳوونَ رون حُڪمون هيٺ وئه، ان نڪو وي هيڪئه. ⑧ جيا آڀرون ڪراڀ ڪيالون پرموئنه وئه، او پڳوونَ نئه ڪُش نٿي ڪري هيڪتا.

⑨ پڻ تمي آڀرون ڪراڀ ڪيالون پرموئنه وُڍا وازا نٿي، پڻ پويتر آتما ري مرضي مانه وُڍا وازا سو، ڪم تو پڳوونَ ٿي زڙل پويتر آتما تمون موئين رئه. جيا منڪ موئين ايسو ڪريست رو ڏيڌل پويتر آتما نٿي، او منڪ ايسو ڪريست رو نٿي. ⑩ پڻ ايسو ڪريست تمون موئين سئه، تيام پلئه تمارو ڏيل ڏوهون ري ڪري موت را قَوضام سئه، توئي پڻ پويتر آتما تمون نئه جيون ڏهه ڪم تو پڳوونَ تمون نئه ماڦئي ڏين ڏوهون ري سزا ٿي آزاده ڪرياه. ⑪ پڳوونَ ايسو نئه مرلون موئين ٿي جيوي اوناڙيوه، ان پڳوونَ رو ڏيڌل پويتر آتما تمون موئين رئه. تيام پڳوونَ جيئنه ايسو ڪريست نئه مرلون موئين ٿي جيوي اوناڙيوه، او تمون موئين ريا وازا پويتر آتما ري ڪڙا ٿي، تمون نئه پڻ مريا ڪيڙ ضرور جيوتا ڪشي.

⑫ تيام، مارون پايون ان بينون، آڀون مانه اي قرض سئه، جي آڀي پويتر

آتما ري مرضي مانه وون. آپون مانه اي قرض نتي جي آبي آپون ڪراپ ڪيالون پرموٽه وون. (13) ڪم تو جي تمڻي آپون ڪراپ ڪيالون پرموٽه وون، تو تمون نئه هميش رو موت زڙشي. پڻ جي تمڻي پويتر آتما ري ڪڙا ٿي او ڪوم ڪتم ڪرو پرا، جيا آپون ڪراپ ڪيالون ري ڪري ٿه، تو تمون نئه هميش رو جيون زڙشي. (14) زتا منڪ پويتر آتما ري مرضي مانه وئه، او پڳوون را ٻاڙ سه. (15) ڪم تو پويتر آتما جيو تمون نئه زڙيوه، او ايوو نتي جيا ري ڪري تمڻي وڙي موسي رون لڪل حڪمون ري گلومي ۾ پڙين پڪ ۾ ريو. پڻ پويتر آتما ايوو سه جيا ٿي تمون نئه ڪهر پڙهه جي پڳوون تمون نئه آپرا ٻاڙ نايه. تيام آبي پويتر آتما ري ڪري پڳوون نئه ڪونه ”او ٻا، امارا ٻاڻ.“ (16) پويتر آتما آپ آپون نئه من ۾ يقين ڏهه جي آبي پڳوون را ٻاڙ سون. (17) هوئه زئون آبي پڳوون را ٻاڙ سون، تو لازمي سهه جي آپو وارثون را زم پڳوون را ٻاڙ هويا رو حق سهه، ان آپون نئه پڳوون رو واڻيو ڪرل هڪ زڙشي. آپون نئه پڳوون را ٻاڙ ٿين او هاڳي حق زڙيوه جيو پڳوون را ڏيڪرا ايسو ڪريست نئه زڙيوه، ڪم تو آبي ايسو را زم ڏڪ سهونه، تيام پڳوون آپون نئه ايسو را زم اوٽا پيڙا آڪاش موئين مون ۾ راڪشي.

پڳوون آپون نئه آڪاش ۾ ڪيو مون ڏيشي

(18) هون اي هڙمونه، جي جيا ڏڪ آبي همٿه ايٺا حياتي ۾ سهونه ريا، اي ڏڪ آيا واڙا مون را مقابلا ۾ ڪئين نتي، جيو مون همٿه تو ساوو نتي، پڻ پسهه آڪاش ۾ آپون نئه زڙشي. (19) ڪم تو پڳوون رئي ناول پورئي دنيا گهڻا شونق ٿي اوٽا توٺا رئي وات زوئه رئي، زئون پڳوون رون ٻاڙون رو مون ساوو تيشي. (20) ڪم تو پورئي دنيا ڏڪون را قوضام سهه. دنيا رئي هائي مرضي نتي جي او ڏڪون را قوضام پڙهه. پڻ زئون دنيا ري شروع ۾ پڳوون پيرهون بيئون منڪون نئه ڏوهون رئي سزا ڏيڏي، ٿيون هيا رو نتيجو اي ٿيو جي پورئي دنيا ڏڪون

را قَوْضام پڙئي. پڻ اُوڻه تُوڻه پڳوونَ وائيدو پڻ ڪريو، زم ڏنيا اُميدَ راکڻه. ②1 پڳوونَ رو وائيدو اي سڻه، جي ڏنيا ري ٻڌي ٺاڙل شينهنون پڻ، جي ٻڳڙيا ان ڪتم ٿيا ري حالت ۾ قاتل سڻه، ايوي حالت ٿي آزاڌ ٿيشي، ان زم آڀي پڳوونَ را ٻاڙ پوري آزادي ٿي پڳوونَ را مونَ ۾ هڪ ۾ ريشون، تم ڏنيا ري ٻڌي شينهنون پڳوونَ نوي ٺاوشي.

②2 آپون نڻه تو ڪٻر سڻه جي پوري ڏنيا ري ٻڌي شينهنون هزون هُوڏي ڏڪون ان تڪليليون ۾ سڻه، زم پاري پڳ ڏوشي ٻاڙ زلميا رڻه تُوڻه ٻاڙ زلميا هُوڏي ڏڪون ان تڪليليون ۾ هوڻه. ②3 ان نه رُوڳڻي ڏنيا ڏڪون ۾ سڻه، پڻ آڀي، جيون نڻه پويتر آتما زڙيا ٿي مور ٿي ڪئينڪ ڪٻر پڙيڻه جي آپون نڻه ڪيو هڪ زڙشي، آڀي پڻ ڏڪون ٿي من ۾ نيهاڪا نوڪينَ اوڻا توڻا رڻي وات گهڻا شونق ٿي زوڻوه ريا، زئيون پڳوونَ آپون نڻه آڀرا ٻاڙ هويا رو پورو حق ڏيشي، ان آپون نڻه ڏڪون را قَوْضا ٿي سڏاوينَ هڪ ۾ راکشي. ②4 زئيون پڳوونَ آپون نڻه پڇايا، تئيون آڀي هائي هڪ ليڏا رو پروسو راکيو. هوڻه پروسو هميش اوڻا وات مانه هوڻه، جڻي هزون هُوڏي ڏيڪيام نه آوڻي هوڻه. ڪم تو زئيون وات ڏيڪيام آوڻه، تئيون پروسو راکيا رڻي ضرورت نٿي. ②5 پڻ آڀي ايوي وات مانه پروسو راکونه، جڻي هزون هُوڏي ڏيڪيام نٿي آوڻي، تيام آڀي ڏوروڻ صير ٿي سهينَ اوڻا رڻي وات زوڻوه.

②6 هيوڻه نمونڻه پويتر آتما پڻ آڀي هيوي حالت ۾ آڀڻي مدت ڪرڻه. ڪم تو آپون نڻه ڪٻر نٿي جي ڪيا هارُو ان ڪم ڪرينَ آڀڻه پراڻنا ڪروو ڪڀهه، پڻ زئيون آڀي من ري واتون ڪي نٿي هيڪتا ان رُوڳا ڏڪون ۾ نيهاڪا نوڪونه، تئيون پويتر آتما آپ آڀڻا من ري واتون لينَ آپون هارُو پراڻنا ڪرڻه. ②7 ان پڳوونَ، جيو منڪون رون منون ري واتون زوڻهه، اوڻا نڻه ڪٻر سڻه جي پويتر آتما ڪيا هارُو پراڻنا ڪرڻه ريو، ڪم تو پويتر آتما پڳوونَ ري مرضي ۾ موڻه پڳوونَ رون سُونيدل منڪون هارُو پراڻنا ڪرڻه.

②۸ ان آپون نئه اي پڻ ڪهر سئه جي ڏنيا ۾ جئين پڻ تئھ، ڀڳوون اُونا ٿي آڀرو مقصد پورو ڪراوين اُئون منڪون هارو ڀلائي پيدا ڪرئھ، جيا ڀڳوون ٿي پريم ڪرئھ ان جيون رو ڀڳوون آڀرا مقصد هارو آپ ٿي واسطو رکايوھ. ②۹ ڪم تو جيون منڪون نئه ڀڳوون جڳت نايا ٿي مور آپ هارو سونديا، اُئون هارو اُئه مور ٿي پڪو ڦينصلو پڻ ڪريو جي اُئون نئه آڀرا ڏيڪرا ايسو را زم ناوشي، زم پوئيني را ڏيڪرا ايسو را گهڻا پائي ان پينون تئھ. ③۰ ان جيون منڪون هارو ڀڳوون پڪو ڦينصلو ڪريو، اُئون رو اُئه آپ ٿي پڻ واسطو رکايو. ان جيون رو اُئه آپ ٿي واسطو رکايو، اُئون نئه اُئه ماڦئي ڏين ڏوهون ري سزا ٿي پڻ آزادي ڪريا. ان جيون نئه اُئه ماڦئي ڏين ڏوهون ري سزا ٿي آزادي ڪريا، اُئون نئه اُئه گهڻو مون پڻ ڏيتو.

ڀڳوون رو پريم آپون ٿي ڪيڏي ڪنم نئين تئھ

③۱ تيام هايون ٻڌيون واتون را پارام آڀي ڪي ڪون؟ جي ڀڳوون آڀئنه پاهنه سئھ، تو آڀئنه ڪلاڦ ڪوڻ ٿي هيڪشي؟ ③۲ آپون هارو ڪرين ڀڳوون آڀرو ڏيڪرو پڻ ڏيڏا هارو تيار ٿيو، ان آپون ٻڌون نئه پڇايا هارو اُونا نئه ماريا هارو ڏيڏو. زئيون اُئه آڀرو ڏيڪرو آپون هارو ڏيڏو، تو پسته او آپون نئه پيزو ٻڌوئي ڪئين ڪم نئين ڏئھ؟ ③۳ ڀڳوون رون سونديل منڪون نئه ڪوڻ ڏوهاري ڪرشي؟ ڀڳوون آپ اُئون نئه ماڦئي ڏين ڏوهون ري سزا ٿي آزادي ڪرياھ. ③۴ پسته ڪوڻ ڀڳوون رون سونديل منڪون نئه سزا ڏيڏا رو ڦينصلو ڪرشي؟ ڪي ايسو ڪريست ايوو ڦينصلو ڪرشي؟ نا نا، او ايوو ڦينصلو ماڳي نئين ڪرئھ. او تو آپ آپون هارو مري گيو تو، ان موت ٿي جيوي اونيوه، ان همئنه ڀڳوون رنه زمئنه پاهنه مون ۾ بيئوه ڀڳوون نئه آڀئي پارت ڪرئھ ريو. ③۵ آپون نئه ايسو ڪريست را پريم ٿي ڪوڻ ڌار ڪري هيڪئھ؟ پلئه آپون نئه ڏک تڪليل اُئه، ڪا منڪ آپون نئه تنگ ڪرئھ، ڪا پوکي مرون، ڪا اتا گريپ هوئون جي

لُوگهڙا ئي نه زڙئه، ڪا آڀون ننه ڪترو هوئه، ڪا منڪ آڀنو ڪون ڪرئه، توئي پڻ آڀون ننه پوري ڪاتري سئه جي ايسو ڪريست آڀون ٿي پريم ڪرئه. (36) هائي ٻڌي واتون آڀون پڳوون رون شيواڌاريون ٿي تو ضرور ٿيشي، ڪم تو شاستر ۾ لڪل سئه:

”تمارئي شيوا ڪريا ري ڪري

امي هر وڪت موت را ڪترام هوئونھ.

زم ريڊيون ننه هلاليا جيوي هزمئه،

تم منڪ امون ننه نمو ماريا جيوا هزمئه.“

(37) توئي پڻ هايون ٻڌون ڏڪون ۾ آڀي هيمنت نٿي هارتا، پڻ ايسو ري ڪري، جيئنه آڀون ٿي پريم ڪريوه، آڀي هايون مانھ جيتونه. (38) ڪم تو مون ننه پڪئي ڪاتري سئه جي نڪو موت نڪو حياتي، نڪو پڳوون را پاها را آڪاشي ڏوت نڪو شيطون را پاها را پوت، نڪو همٿوڪي واتون نڪو آيا واري واتون، نڪو ڪوئي پڻ طاقت، (39) نڪو آڪاش نڪو پتاز، ان نڪو پيڙي ڪوئي پڻ شينھ، پوري ڏنيا ۾ ايوو ڪئين نٿي جي آڀون ننه پڳوون را پريم ٿي ڌار ڪري هيڪه، جيو پريم آڀنا پريو ايسو ڪريست ري ڪري آڀون ننه زڙئه.

پڳوون آپري سونديل اسرائيلي قوم تي ڪرل وائيدا ڪم ڪرين پورا ڪرشي

9 ① هون ايسو ڪريست تي واسطو راڪين تمون ننه هاس ڪونه ريو، هون ڪوڙ نٿي ڪرتو، ان پويتر آتما ري ڪري مون ننه من ۾ ڪبر سئه جي مارئي وات هاسي سئه، ② مون ننه مارون اسرائيلي پايون هارو گهڻو ڏڪ سئه، ان مارا من ۾ اوئون هارو هميش ڏڪ رئه. ③ هون ماري آپري قوم رون منڪون هارو اتني گهڻي ڪرونه جي هون آپ پلنه پڳوون رو پتل ٿيون ان ايسو ڪريست تي ڌار ٿيون، جي مارنه هم ڪريا ٿي مارا اسرائيلي پائي پڳوون ري سزا ٿي

پڇي زائت. ④ اُو منڪ اسرائيلي قوم را سئ، جيون نئ پڳوون آپرئي قوم ناوين سونديا. اوتون نئ پڳوون زبکتا سوجھرا م ڏيکارا ڏيڏا، اوتون ٿي اوتئ آپرا وسن بونديا، اوتون نئ آپرا حڪم ڏيڏا، اوتون نئ آپرئي پوزا ڪريا رو نمونو شيڪارو، ان اوتون ٿي آپرا وائڏا ڪريا. ⑤ پڳوون مانھ وشواس راکيا واڙا ڪاس منڪ پڻ اوتئ اسرائيلي قوم را ڏاڏا هتا، ان اوتئ قوم ٿي پيڊي پرموتئ پڳوون رو سونڊل پڇايا واڙو ايسو ڪريست پڻ سئ. پڳوون جيو ٻڌون مانھ سئ، اوتئ را وڪوڻ هميش هُوڏي ٿيتا رئ! آمين.

⑥ هُوئ زئيون هون ام ڪونھ جي اسرائيلي قوم را گھڻا منڪ پڳوون ري سزا ٿي نٿي پڇيا، تئيون هون ام نٿي ڪيتو جي پڳوون را اسرائيليون ٿي ڪرل وائڏا پورا نه ٿيا. وات اي سئ، زتا منڪ اسرائيلي قوم م پيڏا ٿئ، اُو ٻڌائي آپ نئ اسرائيلي ڪيورايا جيو نٿي، ان پڳوون ري نظر م ايوا منڪ پڳوون را سونڊل منڪ پڻ نٿي. ⑦ ان نڪو ابراهيم ري پيڊي ٿي هويا ري ڪري، اُو پڳوون ري نظر م ابراهيم را اولاد سئ. پڻ پڳوون ابراهيم رون بيئون ڏيڪرون موئن ٿي هڪا نئ سوندين ابراهيم نئ ام ڪيڏو:

”رُوڳو اُو اولاد تارو اولاد ڪيوراشي،

جيو تارا ڏيڪرا اِضحاق ٿي ٿيشي.“

⑧ هايا رو مطلب اي سئ، جيو اولاد رُوڳو ابراهيم ري پيڊي ٿي سئ، اُو پڳوون رو سونڊل ابراهيم رو اولاد نٿي. پڻ جيو اولاد پڳوون را وائڏا پرموتئ ٿيو، اُو پڳوون ري نظر م هاس م ابراهيم رو اولاد سئ. ⑨ ڪم تو پڳوون اوتئ را ڏيڪرا اِضحاق را پارام ابراهيم ٿي اي وائڏو ڪريو تو جي

”هُون اگتي ايئي ڏيئي آويه،

ان تاري ڏوشي ساره رئ ڏيڪرو ٿيشي.“

⑩ ان پڳوون نه رُوڳو ابراهيم رون ڏيڪرون موئن ٿي هڪا اِضحاق نئ سونڊيو، پڻ اِضحاق رون ڏيڪرون موئن ٿي پڻ هڪا نئ سونڊيو. زئيون اپئا ڏاڏا اِضحاق

رئي ڏوشي ربقه پاري پڳ هٽي، تئين اونا را پيت مئين ٻي جاڙا ڏيڪرا هئا. هونءَ ٻي ئي ڏيڪرا اِضحاڪ را هئا، ⑪ ان هزون او سوڪرا پيدا ئي نٿا ٿيا، ان نڪو اوئي ڪراپ ڪوم ڪريو نڪو نائوڪو ڪوم ڪريو. توئي پڻ اونءَ توتئو پڳوون پيئون مئين ٿي هڪا نءَ سونديو. هايا ٿي اي وات ساوئي سءَ جي پڳوون رُوڳو آپري مرضي پرموتئو منڪون نءَ سونديءَ، ⑫ ان منڪون رون ڪرل ڪومون پرموتئو نئين. تيام پڳوون ربقه نءَ ڪيڏو جي

”نونو سوڪرو موتا رئي نئين،

پڻ موتو سوڪرو نونا رئي شيوا ڪرشي.“

⑬ پڳوون آپري مرضي پرموتئو هايون پيئون سوڪرون مئين ٿي رُوڳو هڪا يعقوب نءَ سونديو، زم شاستر ۾ لڪل سءَ:

”مئين عيسو ٿي وڌارءَ يعقوب ٿي پريم ڪريوه.“

⑭ هونءَ زئين پڳوون آپري مرضي مانءَ هڪا نءَ سونديءَ ان پيزا نءَ ساڏءَ، تو پسنءَ آبي ڪي ڪون؟ پڳوون اِنصاف ٿي نٿي ويتو، ڪي؟ نا نا، هم نٿي. پڳوون هر هڪ منڪ ٿي اِنصاف هون وءَ، پڻ آپري مرضي پرموتئو او منڪون مانءَ ڏٿيا پڻ ڪرءَ. ⑮ تيام پڳوون موسيٰ نءَ ڪيڏو:

”جيا مانءَ هون ڏٿيا ڪروا ڪرونءَ،

اونا مانءَ هون ڏٿيا ڪرونءَ.

ان جيا مانءَ قياس ڪروا ڪرونءَ،

اونا مانءَ قياس ڪرونءَ.“

⑯ هايا ٿي وات ساوئي سءَ جي منڪ آپري ڪوشش ڪا مينت ٿي آپ نءَ سونديا جيو نٿي ڪرتا، پڻ پڳوون آپري مرضي پرموتئو منڪون مانءَ ڏٿيا ڪرين ڪيونڪ نءَ سونديءَ. ⑰ ڪم تو شاستر ۾ پڳوون موسيٰ هات مصر ملڪ را پاڏشا نءَ ام پڻ ڪيڏو:

”مئين تون نءَ پاڏشا ايئا هارو نايوه،

زم ٿارڻه ماري وائون نه مونيا ري ڪري
هُون آڀري ڪڙا ساوئي ڪرون
ان مارو نوم پوري دنيا ۾ پڪڙهه.

⑱ تيام وات ساوئي سٺهه جي پڳوون آڀري مرضي پرموٽه ڪيونڪ مانه ڏيا
ڪرڻه ان آڀرا منڪ نايا هارو سونديئه، ان آڀري مرضي پرموٽه ڪيونڪ نه
امرام آڀرڻه ڪلاڦ ويوا ڏهه.

پڳوون منڪون مانه ڏيا ڪرين سزا ڏيڏا مور گهڻو صير ڪرڻه

⑲ تيام تمون موئين ٿي ڪوڪ ام ضرور ڪيشي: ”جي پڳوون آڀري مرضي
پرموٽه منڪون نه آڀرڻه ڪلاڦ ويوا ڏهه، تو پسته او ڪم اوئون رو هم ڪريا
ٿي ڏوه ڪاڏهه؟ جي هائي پڳوون ري مرضي سٺهه، تو منڪ پيزنه نمونته وي
نٿي هيڪتا.“ ⑳ پائي، تون ڪهه ريو جي پڳوون رو ڪئين حق نٿي جي او منڪون
را ڏوه ڪاڏهه. پڻ وات اي سٺهه، تون آپ نهه ڪي هڙمهه، جي تون منڪ ٿين
پڳوون رو ڏوه ڪاڏهه؟ ناول شينه نايا وازا نهه ام ڪيشي ڪي؟ ”تئين مون
نهه ايوي ڪم ناويئه؟“ ㉑ نايا وازا رو آڀريون ناول شينهون مانه ڪئين حق
نٿي ڪي؟ ڪونپار رو اي حق نٿي ڪي، جي او هاڳي ماڻي ٿي هيڪ قيمتي ان
مونوازو نونپرو ناوهه، ان پيزو جيوو تيوو ائمونيتو نونپرو ناوهه؟ اوئا رو تو پورو
حق سٺهه. ㉒ هيوهه نمونته پڳوون رو منڪون مانه پورو حق سٺهه.



پڳوونَ رُئي مرضِي هتِي جي اُو اي واتون ساوي ڪرينَ ڏيکارڻ، جي اُو ڪڙا وازو سڻه ان ڏوهون رُئي سزا ڏنڻ. تُوئي پڻ اُوئون منڪون هارُو اُوڻه الاهي صير ڪريو، جيا سزا کاڌا رڻه ان هميش را موت رڻه لائيق هتا. هايا ٿي پڳوونَ ڪيو ڏوه ڪريو؟ (23) ان پڳوونَ رُئي اي ڪبر ڏيڌا رُئي مرضِي پڻ هتِي، جي اُو اُوئون منڪون نڻه ڪتو مونَ ڏنڻ، جيون مانه اُو آپرِي ڏنڻا ڪرڻه ان جيون نڻه اُوڻه مونَ ڏيڌا هارُو تيار ڪريا تا. (24) تيام پڳوونَ اُوئون منڪون نڻه سُونڊيا. هم ڪريا ٿي پڳوونَ ڪيو ڏوه ڪريو؟ هيوڻه نمونڻه پڳوونَ نه رُوڳو يهوديون موئين ٿي، پڻ پيزيون ڌاريون قُومون موئين ٿي پڻ، آپون مانه ڏنڻا ڪرينَ آپون نڻه آپرا منڪ نايا هارُو سُونڊيا.

(25) ڌاري قُوم وازون نڻه سُونڊيا را پارام شاستر را هوسيع را لکل ڪتاب ۾ پڳوونَ رُئي اي ڪيڏل وات لکل سڻه:

”جيا ماري سُونڊل قُوم را منڪ نٿي،

اُوئون نڻه هُون مارا سُونڊل منڪ ڪيڻ.

ان جيا ماري پريمي قُوم را نٿي،

اُوئون نڻه هُون مارا پريمي منڪ ڪيڻ.

(26) ان اي پڻ لکل سڻه:

”جيون را پارام هُون همڻه ڪونه ريو

’تمي ماري سُونڊل قُوم را نٿي،

اُوئا ري جڳا ۾ اُو جيوتا پڳوونَ را باڙ ڪيوراڻي.“

(27) پڻ اسرائيلي قُوم را پارام پڳوونَ رو نيا پو ڏيڌا وازڻه يسعياه ام صاف ڪيڏو:

”اسرائيلي قُوم را منڪ سُمونڊ را ڪپ مانه واري زتا هوشي،

تُوئي پڻ اُوئون موئين ٿي هاو توڙا منڪ پچي زاشي.

(28) ڪم تو ايشور جلدِي ۾ ڏنڻا رون منڪون نڻه

اُوئون رون ڏوهون رُئي پورِي سزا ڏيشي.“

②9 ان يسعياه اڳي پڻ همروم ڪيڏو تو:
 ”جي ڀرڻو ڀرميشور آڀي قوم ٿي ڪئينڪ اولاد نه ڀڄاوت،
 تو او آڀي اسرائيلي قوم ننه سزا ڏين هاو ڪتم ڪرت،
 زم اوئه سدوم ان عموره رون ڪراپ شهرون ننه ڪتم ڪريات ڀرا.“

ڏوهون ري سزا ٿي ڀڄيا هارو اسرائيلي قوم رون منڪون رءُ پڻ
 ايسو مانه وشواس راڪو ڪپئ

③0 پسته هونءِ آبي ڪي ڪون؟ ڌاري قوم واڙي ڀڳوون ري وات مانه وودا
 رئي ڪوشش نه ڪري، توي پڻ او ڀڳوون ري سزا ٿي ڀڄي گياھ؟ هوئه،
 هائي وات هاسئي سئه. او تيام ڀڄي گياھ ڪم تو اوئي ايسو مانه وشواس
 اوٿيو، ان ڀڳوون اوئون ننه ماڻهي ڏين ڏوهون ري سزا ٿي آزاد ڪرياھ. ③1 پڻ
 اسرائيلي قوم واڙي موسي رون لڪل حڪمون مانه وودا ٿي ڀيڏوهي ٿيا رئي
 گهٽي ڪوشش ڪري، توي پڻ اوئون حڪمون مانه وي نه هيڪيا ان ڏوهاري
 ٿين ڀڳوون ري سزا ٿي نه ڀڄيا. ③2 ڪم نه ڀڄيا؟ ڪم تو اوئي وشواس نه
 راڪيو، پڻ ام هزميو جي او آپ آڀري ڪوشش ٿي ڀيڏوهي ٿي هيڪهه. هيونءِ
 نمونءِ او زونءِ آڪرايا واڙا پتر ٿي آڪرين پڙي گيا. ③3 هائي پتر ايسو رو مثال
 سئه، ان هايا پتر را مثال ٿي ڀڳوون ايسو را پارام شاستر ڀر ام ڪيڏو:
 ”زئو، هون صيهون نومي يروشلم را ڏونگر مانه
 هيڪ پتر ميلونه.

او آڪرايا واڙو پتر سئه، جيا ٿي منڪ آڪرين پڙي زاشي.
 پڻ جيو ڪوي اوئا مانه وشواس راڪهه،
 او هايا ري ڪري ڪيڏي لاسار نئين ٿه.“

① ڀايون ان پينون، مارا من رئي انچا اي سئه، ان هون ڀڳوون ٿي اينا
 هارو وينتي ڪرونه، جي ماري اسرائيلي قوم ننه تارڻ زڙهه ان او آڀرون

ڏوهون ري سزا ٿي پڇي زائنه. ② ڪم تو هون اوتون رئي هاڪ پرونه جي اوتون ننه پڳوون ري مرضي مانه وودا رو گهڻو شونق سئه، پڻ او هزمتا نٿي جي ڪيوئه نموننه پڳوون ري مرضي مانه ويوو. ③ ڪم تو اوتون ننه ايئا وات رئي ڪهر نٿي جي پڳوون منڪون ننه ماڻهي ڏين ڏوهون ري سزا ٿي آزاد ڪرئه. او آپري ڪوشش ٿي آپ ننه پيدوهي ڪروا ان ڏوهون ري سزا ٿي پڇاوا ڪرئه. ان تيام اوتي پڳوون را ڏيڏل نمونا مانه وودا ٿي نا پاڙيو، مطلب اوتي ايسو مانه وشواس نه اوڻيو زم پڳوون اوتون ننه ماڻهي ڏين ڏوهون ري سزا ٿي آزاد ڪرئه. ④ وات اي سئه، ايسو ڪريست پڳوون رون حڪمون مانه پورئه نموننه وودو، ان اوتا مانه شاستر ري ٻڌي واتون پوري ٿي. ان هيوته نموننه زتا منڪ ايسو مانه وشواس راکنه، اوتون ٻڌون ننه پڳوون ماڻهي ڏين ڏوهون ري سزا ٿي آزاد ڪرشي.

ايسو مانه وشواس راکيا ٿي ٻڌيون قومون رون منڪون ننه تارڻ زڙشي

⑤ هوهه موسي آپ اڳي شاستر ۾ لکيو جي پڳوون رون حڪمون مانه وودا ٿي منڪ روڳو نٿيون ڏوهون ري سزا ٿي پڇي هيڪٽ، زئيون ماڳي ڏوهه نه ڪرئ. اوئه ام لکيو:

”جيون منڪ ايئون حڪمون مانه پورئه نموننه وهه،
اوتا ننه حڪمون مانه وودا ري ڪري جيون زڙشي.“

⑥ پڻ وشواس راکيا رئي وات ام سئه. منڪون رئه روڳو ايسو مانه وشواس راکو، تو پڳوون اوتون ننه ماڻهي ڏين ڏوهون ري سزا ٿي آزاد ڪرشي. ان هايا وات را پارام موسي ام لکيو:

”تمي من ۾ ام مت سوچو جي
هائي وات مارا وس رئي نٿي،

ڪوڻ هايا وات هارو آڪاش ۾ زائي هيڪڻه؟“

هايا وات هارو تماره آڪاش ۾ زايا رو ڪئين ڪوم نٿي. تم ڪي هڙموه؟
تماره آڪاش ۾ زائين ايسو ڪريست ننه ڏنيا ۾ تيزي آوو ڪي؟ ايسو تو اڳي
آڪاش ٿي ڏنيا ۾ آيو تو. ⑦ ان نڪو زم شاستر ۾ لکل سئه ام سوچو:
”ڪوڻ هايا وات هارو مرلون را جڳت ۾ زائي هيڪڻه؟“

هايا وات هارو تماره مرلون را جڳت ۾ زايا رو ڪئين ڪوم نٿي. تم ڪي
سوچوه؟ تماره مرلون را جڳت ۾ زائين ايسو ڪريست ننه مرلون موئين ٿي ٻارو
ڪاڍو ڪي؟ ايسو تو اڳي مرلون موئين ٿي جيوي اونيوه. ⑧ پڻ هائي وات
هاو تمارا وس رئي سئه، زم شاستر ۾ لکل سئه:

”هائي وات هاو تمون ڍوڪڙي سئه.

هائي تم ڪي مونييا ٿي ڪي هيڪوه،

ان تمون ننه من ۾ هايا رئي ڪبر سئه.“

هوه هائي وات جيا را پارام شاستر ۾ لکل سئه، او ايسو مانه وشواس راڪيا
رئي وات سئه، جيا را پارام امي منڪون ننه همپزاووننه. ⑨ ان او وات اي سئه،
جي تم ڪي آپرا مونييا ٿي منڪون هوما ام ڪو جي ”ايسو پريو سئه،“ ان آپرا من
۾ وشواس راڪو جي پڳوون ايسو ننه مرلون موئين ٿي جيوي اوناڙيوه، تو تم ڪي
پڳوون ري سزا ٿي پچي زاشو ان تمون ننه تارڻ زڙشي. ⑩ ڪم تو زئيون منڪ
آپرا پورا من ٿي ايسو مانه وشواس راڪنه ان آپرا مونييا ٿي ڪنه جي ”ايسو
پريو سئه،“ تتيون پڳوون اوتا ننه ماڻهي ڏين ڏوهون ري سزا ٿي آزاده ڪرشي،
ان اوتا ننه تارڻ ڏيشي. ⑪ ڪم تو شاستر ۾ لکل سئه:

”جيو ڪوئي اوتا مانه وشواس راڪنه

او هايا ري ڪري ڪيڏي لاسار نئين ٿنه.“

⑫ ٻڌون هارو اي هاڳي نمونو سئه، جي ايسو مانه وشواس راڪيا ٿي تارڻ
زڙشي. هايا وات ۾ ڪئين قرق نٿي پڙتو، پلنه يهودي هوه ڪا ڌاري قوم وازا

هوئو. ڪم تو هيڪ پرپو ايسو ٻڌون مانھ سئھ، ان زتا منڪ اوئا رو نوم لين
پچيا ھارو مدت مونگھو، او پورا من ٿي اوئون ٻڌون نئھ پچاوشي. ⑬ ڪم تو
شاستر ۾ لڪل سئھ:

”جيو ڪوئي پرپو رو نوم لين پچايا ھارو مدت مونگھي،
پرپو اوئا نئھ پچاوشي.“

⑭ پڻ جي منڪي پرپو ايسو مانھ وشواس نٿي اوٿيو، تو ڪم ڪرين پچيا
ھارو اوئا ٿي مدت مونگھي؟ ان جي اوئي پرپو ايسو را پارام نٿي ھومپڙيو،
تو ڪم ڪرين اوئا مانھ وشواس اوٿي؟ ان جي ڪوئي پرپو ايسو را پارام
منڪون نئھ ھمپڙاو تو نٿي، تو ڪم ڪرين اوئا را پارام ھومپڙي؟ ⑮ ان جي
پگھون منڪون نئھ نٿي ميلتو، تو منڪ ڪم ڪرين پرپو ايسو را پارام منڪون نئھ
ھمپڙاوشي؟ ھائي ٻڌي وات ھاسي سئھ. پڻ پگھون اسرائيلي قوم ڪن ھمپڙايا،
وازا تو ميليا تا، ڪم تو شاستر ۾ لڪل سئھ:

”ڪيوئي نائوڪي وات سئھ زيون منڪ آپون ڪن آوين
نائوڪيون واتون را پارام ڪشي رئي ڪبر ھمپڙاوئھ.“

⑯ ايئا ٿي وات ساوئي سئھ جي اسرائيلي قوم ڪشي رئي ڪبر ھومپڙيھ، پڻ
اوئون موئين ٿي ٻڌي منڪي ڪشي ري ڪبر مانھ يقين نہ ڪريو. ھايا را پارام
پگھون رو نياپو ڏيڏا واڙئھ يسعياھ آپ شاستر ۾ ام ڪيڏو:
”او ايشور، امارا ڏيڏل نياپا مانھ ڪيئھ يقين ڪريو؟“

⑰ تيام وات ساوئي سئھ جي نياپو ھومپڙيا وگر منڪ وشواس نٿي اوئي هيڪتا،
ان او نياپو ايسو ڪريست را پارام سئھ.

⑱ پڻ ھون اي پونسونھ، ڪي اسرائيلي ھائي نياپو نٿي ھومپڙيو؟ نا نا،
ھايي تو ضرور ھومپڙيوھ، ڪم تو شاستر ۾ لڪل سئھ:

”اوئون رو نياپو پوري دنيا ۾ پڪڙي گيوھ،
ان اوئون ري واتون ڌرتي را ڌنگ ھوڏي زائين پوگيوھ.“

①9 پڻ هُون اي پُونسونه، ڪي اسرائيليئي هاڻي نيا پو نٿي هزميو؟ اُوڻي تو ضرور هزميوه. پيرهيڻ موسيٰ را لڪل شاستر ۾ ڀڳوون اسرائيليون نٿه ام ڪڻه:

”جيا منڪ ڪيا ڪاس قوم را نٿي،

اُوئون نٿه هُون ايوا آشيرواڏ ڏيه

جي تمڻي اُوئون مانه ريشي پڙشو.

ان جيا قوم را منڪ ڪئين نٿي هزمتا،

اُوئون مانه هُون ايوئي ميرپونئي ڪريه

جي تمڻي اُوئون مانه رينه را ڪشو.“

②0 ان پسته يسعياه را لڪل شاستر ۾ ڀڳوون ڌاري قوم واڙون را پارام ساوڻه

نمونه ڪڻه جي

”جيا مُون نٿه ڳوتتا ئي نتا،

اُوئون نٿه هُون زڙيو.

ان جيا مارا پارام پونسا ئي نتا ڪرتا،

اُوئون ڪن هُون ساوو ٿيو.“

②1 پڻ اسرائيلي قوم را پارام ڀڳوون ام ڪڻه:

”هُون هر توڻه اُوئون رو آپ ٿي واسطو رکايا هارو تيار سون

پڻ او قوم صڏي سڻه ان مارو ڪيڏو نٿي مونٿي.“

اسرائيلي قوم مونڻن هميش ڪئينڪ منڪ هوڻه

جيا پڪو وشواس راکڻه

① تيام هُون اي پُونسونه، ڀڳوون آپري سونڍل قوم نٿه ساڏييه پريئي

ڪي؟ نا نا، ڪم تو هُون آپ اسرائيلي قوم رو سون، ابراهيم را اولاد ٿي

ان بنيامين ري ذات ٿي سون. ② ڀڳوون آپري اوڻا قوم نٿه نه ساڏي جيا نٿه

اُوڻه جڳت نايا ٿي مور سونڏي ٿي. تمون نٿه ڪهر نٿي ڪي، جي هايا را پارام

ايلياہ واڙي وات ۾ شاستر ۾ ڪي لڪل سئو؟ ايلياہ ڀڳوون ڪن آپري اسرائيلي قوم رٿه ڪلاڦ ام ٻولئو:

③ ”او ايشور، اُوئي تمارو نياپو ڏيڏا واڙون نئو ماريهاه پرا، اُوئي تمارا نوم مانه مال ساڙيا ري جڳائون پونگيه پري، ان هون هيڪ تمارو پوزاري زائين پچيوه.

ان هوءَ اُو ڪائي پين مون لار پڻ ٿياھ.

④ پڻ ڀڳوون ايلياہ نئو ڪي ڪيڏو؟ اُوئو ام ڪيڏو:

”مئين آپ هارو هات هزار منڪ پچاوين راکياھ،

جيئي بعل نومي ڏيو رئي پوزا ڪيڏي نئي ڪري.

⑤ تيام هيئو نمونئو، ايئا زمونا ۾ پڻ، ڀڳوون اسرائيلي قوم مانه ڪرپا

ڪريھ، ان اوئون موئين ٿي آپرا منڪ نايا هارو ڪئينڪ سوندين راکياھ.

⑥ ڀڳوون آپري ڪرپا ري ڪري اوئون نئو سوندياھ. ايئا ٿي وات ساوئي سئو

جي اُوئي ايوا ڪوم نئا ڪريا جيا را ايوزا ۾ ڀڳوون اوئون نئو سوندياھ. جي

ڀڳوون ڪومون را ايوزا ۾ منڪون نئو سونديا هونئ، تو هايا نئو ڪم ڪرين

ڪرپا ڪئو؟

⑦ مارو ڪيڏا رو مطلب اي سئو. ڀڳوون رو ڏيڏل تارڻ جيا نئو ليڏا هارو

اسرائيلي قوم ڪوشش ڪرھ رئي، اُو تارڻ ٻڌي قوم نئو نئي زڙيو. پڻ قوم

موئين ٿي اوئون منڪون نئو تارڻ زڙيوھ، جيون نئو ڀڳوون سوندياھ. قوم را پيزا

ٻڌائي منڪ ڀڳوون رئي وات نه مونيا جيو ٿي گياھ. ⑧ همروم ٿيو، زم شاستر

۾ لڪل سئو:

”ڀڳوون زوئو اوئون نئو اونگهڙايا پرا،

جيا ري ڪري اُو زوتا پڻ ڏيڪتا نئا،

ان هومپڙتا پڻ مونتا نئا.

ان آز هوڏي همروم سئو.”

⑨ داؤد پڻ اُوئون را پارام شاستر ۾ ام ڪڻه:

”ڪراب منصُويا نايا هارُو اُو ٻڌائي پيڙا ڪانه.

جيا پيڙون هارُو ڪاڏَ ڪوترهه، اُو پلئه آپ موئين پڙهه!

زم پڪي ان زناور گهت ان رچ موئين ڦاڻهه،

ان زم منڪ پتر ٿي آڪڙين پڙهه،

تم پلئه اُو آپرا منصُويا رو ايوزو پڙهه!

⑩ اُوئون ري اونڪيون ۾ ڏنڌ ٿهه، زم ڏيڪي نه هيڪه!

ان اُو هميش ڏڪون را پار هيٺ رهه!

⑪ تيام هُون اي پُونسونه، زئيون اسرائيلي قوم را منڪ پتر ٿي آڪڙين پڙي

گيا، مطلب ايسو مانه وشواس نه اوڻيا ٿي پڳوون رو ڏوه ڪريو، تئيون اوڻي

ايو ڏوه ڪريو ڪي، جيا ري ڪري اُوئون نه هوه تارڻ نٿي زڙي هيڪتو؟ نا

نا، هم نٿي. اسرائيلي قوم واڙي ايسو مانه وشواس نه اوڻيو، پڻ هيا ڏوه ري

ڪري ڌاري قوم واڙون نه تارڻ رو نياپو زڙيو، ان اُوئون موئين ٿي منڪي ايسو

مانه وشواس اوڻيو ان اُوئون نه تارڻ زڙيو. پڳوون رو مقصد اي هتو جي ڌاري

قوم واڙون نه تارڻ زڙيا ري ڪري اُو اسرائيلي قوم واڙون نه ريشي باڙشي

زم اُو پڻ ايسو مانه وشواس اوڻهه ان اُوئون نه پڻ تارڻ زڙهه. ⑫ هيوئه نموننه

اسرائيلي قوم رهه ڏوه ڪريا ري ڪري پوري ڏنيا رو ڦاڻيڏو ٿيو. اسرائيليون رو

تو نقصون ٿيو، پڻ هيا ٿي ڌاري قومون رو ڦاڻيڏو ٿيو. تيام ڏنيا رو ڪتو گهڻو

ڦاڻيڏو ٿيشي، زئيون اسرائيلي قوم را پڳوون را ٻڌائي سونڊل منڪ ايسو مانه

وشواس اوڻشي.

زئئون را وڻ رو مثال

اسرائيليون ان ڌاري قومون را پارام

⑬ هوهه تمي جيا ڌاري قوم را سو، مارنه تمون ٿي ڪينڪ واتون ڪرووه.

پڳوونَ مُون ننه ايتا هارو مُک شيلو سُونديوه، زم هُون تمون ڌاري قوم وازون ننه ايسو را پارام همپڙاوون. ان هُون ماري ايتا شيوا رئي گهڻي نوموش ڪرونه، (14) زم هُون ڪم ئي ڪرين تمون ڌاري قوم وازون ننه تارڻ زڙيا ري ڪري مارون آپرون اسرائيلي پاڻون ننه ريشي ٻاڙون ان اوئون موئين ٿي ڪيونڪ ننه پڳوون ري سزا ٿي پڇاوون. (15) زئيون پڳوون اسرائيلي قوم رن منڪون ننه آڀرا سونديل منڪ نه راڪيا ان اوئون ري جگا ۾ ڌاريون قومون رن منڪون ننه آڀرا سونديل منڪ نايا، تئيون پڳوون وسا ان پوري دنيا رن منڪون وسا منومئا ٿيا. تيام زئيون پڳوون اسرائيلي قوم رن منڪون ننه وڙي آپرون سونديل منڪون پيڙا ڪرشي، تئيون ڪتئي ڪشي رئي وات تيشي؟ او هميش را موت ٿي پڇي زاشي ان اوئون ننه هميش رو جيون زڙشي.

(16) هُون تمون ننه مثال ڏيونه. زئيون قصل رئي پيرهئين روئي پڳوون را نوم مانه ساڙهه، هايا ٿي ٻڌو قصل پويتر ٿي زائه. ان جي وڻ ري پاڍون پويتر سئه، تو تازي پڻ پويتر سئه. هونه اسرائيلي قوم هڪا پوڪل زيتون را وڻ جيوي سئه، ان اسرائيلي قوم را ڏاڏا جيا شروع ۾ پڳوون مانه وشواس راڪتا، او هايا وڻ ريون پويتر پاڍون جيوا سئه. (17) پوڪل وڻ ري ڪئينڪ تازي پنگائين ڌار ٿي گي، مطلب اسرائيلي قوم را ڪئينڪ منڪ پڳوون رن سونديل

منڪون ٿي ڌار ٿيا، ان تئيون پڳوون تمون ڌاري قوم وازون ننه آپرون سونديل منڪون پيڙا ڪريا، زوتنه اوئه جهنگلي زيتون ريون تازيون را قلم اصلي زيتون را وڻ ۾ هٿيا هونه. ان هونه تمي پڻ زوتنه هاگي وڻ ريون پاڍون ٿي طاقت ليوه، مطلب تمون ننه او آشيرواڏ زڙهه جيون را پارام پڳوون اسرائيلي قوم رن



ڏاڏون ٿي وائڻدا ڪريا. ⑱ تيام تمي ڌاري قُوم واڙا اي وڏائي مت ڪرو جي امي هايون ڌار ٿيل تازيون يهوديون ٿي وڌيڪ سون. جي تمي وڏائي ڪروا ڪروه، تو اي وات ياد راکو جي تمي رُوگا قلم وازي تازي سو. جي قلم وازي تازي نه هونء، توئي پڻ پاڊون ٺيڪ ريشي. پڻ جي پاڊون نه هونء، تو قلم وازي تازي پڻ نئين رء.

⑲ تمي تو ام ڪيشو جي هائي تازي ايئا هارو پنگائين ڌار ٿي، زم تمي ڌاري قُوم واڙا وڻ پيڙا ملي زائو. ⑳ هائي وات تو هاسئي سئم. پڻ او ايئا هارو پنگائين ڌار ٿي، ڪم تو اوئي ايسو مانه وشواس نه اوٿيو، ان تمي اوئون ري جگا ۾ رُوگا ايئا هارو سو ڪم تو تمي وشواس راکوه. تيام تمارء هايا وات مانه وڏائي نه ڪروو، پڻ پيئاوو ڪپء متون تمي پڻ وشواس ساڏين پڙي نه زائو. ㉑ ڪم تو پگيون يهوديون نء پڻ ڪاڊيا پرا، جيا اصلي تازيون را زم هتا، تو پسء او تمون نء ڪم نئين ڪاڊيء؟

㉒ هايا ٿي زوٽو، پگيون ميريونئي ڪريا واڙو سء، ان سڪتي ٿي سزا ڏيڏا واڙو سئم. او يهودي جيا ڏوه ڪرين پڙي گيا، اوئون نء پگيون سڪتي ٿي سزا ڏيڏي. پڻ تمون ڌاري قُوم واڙون مانه اوء ميريونئي ڪري. ان زئون هودي تمي اوئا ري ميريوني رو تورو مومين اوئا ري مرضي مانه وپتا ريشو، تيون هودي او تمون مانه ميريونئي ڪرتو ريشي. پڻ جي تمي اوئا ري مرضي مانه نئين وو، تو او تمون نء واڊل تازيون را زم ڌار ڪرشي پرا. ㉓ ان او يهودي قُوم واڙا پڻ، جي او ضد ساڏين ايسو مانه وشواس اوٽء، اوئون نء پڻ هٿل قلمون را زم پگيون آپرون سونڊل منڪون پيڙا ڪرشي. ڪم تو پگيون اوئون نء وڙي آپرون سونڊل منڪون پيڙا ڪري هيڪء. ㉔ تمي ڌاري قُوم واڙا جهنگلي زيتون را وڻ ريون تازيون را زم سو. توئي پڻ زئون پگيون تمون نء آپرون سونڊل منڪون پيڙا ڪريا، تيون اوء زوٽء جهنگلي وڻ ٿي تازي واڊين پوڪل زيتون را وڻ ۾ قلم هٿيا. هوء يهودي پوڪل وڻ ريون تازيون را زم سئم. پسء زم تازي

آپرا اصلي وٺ ۾ هورئہ نمونئہ لاڳي هيڪئھ، تم پڳوونَ هورئہ نمونئہ يهوديون نئہ آپرون سُونڍل منڪون پيڙا وڙي ڪري هيڪشي.

پڳوونَ ٻڌيون قومون رُون منڪون مانھ ڏٺيا ڪرئھ

②5 پايون ان بينون، مئين تمون نئہ هائي مثال اينا هارُو ڏيڏوھ، ڪم تو ماري مرضي سئہ جي تمون نئہ اينا اُونڌي وات رئي ڪبر پڙئہ، زم تمي آپ نئہ موتا نہ هڙمو. اُو اُونڌي وات اي سئہ جي اسرائيلي قوم را گھڻا منڪ پڳوونَ رئہ ڪِلاَق ضدي ٿي ڳيا، پڻ زئيون ڌاري قوم وازون موئين ٿي پڳوونَ را سُونڍل منڪ ٻڌائي پڳوونَ را راز موئين اول هوشي، تئيون اسرائيلي قوم را منڪ آپري ضد ساڏشي. ②6 ان هيوئہ نمونئہ اسرائيلي قوم را ٻڌائي سُونڍل منڪ پڳوونَ ري سزا ٿي پڇي زاشي. هرورم ٿيشي، زم پڳوونَ شاستر ۾ ڪيڏو:

”اسرائيلي قوم موئين ٿي پڇايا وازو آوشي.

اُو يعقوب ري پيڊي نئہ مارئہ ڪِلاَق وُڍا ٿي سڌاوين

ماري مرضي مانھ ويوراوشي.

②7 مارو اي وسن اُوئون ٿي ٻونڌل سئہ،

ان هُون وسن پرموئئہ اُوئون نئہ ڏوهون رئي ماڦي ڏيھ.

②8 وات ام سئہ. اسرائيلي قوم وازا تمون ڌاري قوم وازون را قائيڏا هارُو ايسو را پارام ڪشي رئي ڪبر نہ مونئي، ان تيا ري ڪري اُو پڳوونَ را ڏشمڻ تياھ. توئي پڻ پڳوونَ اُوئون رُون ڏاڏون ٿي ڪرل وسن پرموئئہ اُوئون نئہ سُونڍيا، ان تيا ري ڪري پڳوونَ اُوئون ٿي پريم ڪرئہ. ②9 ڪم تو زئيون پڳوونَ آپري ڪريا پرموئئہ وائڏو ڪرئہ ان منڪون نئہ سُونڍئہ، تئيون اُو آپرو ڦينصلو نٿي پڌلتو. ③0 اڳي تمي ڌاري قوم وازا پڳوونَ رو ڪيڏو نہ مونتا، پڻ همئئہ زئيون يهودي پڳوونَ رو ڪيڏو نٿي مونتا، تئيون پڳوونَ تمون مانھ ڏٺيا ڪرئيھ. ③1 ان هيوئہ نمونئہ يهودي پڻ همئئہ پڳوونَ رو ڪيڏو نٿي

مونتا، پڻ ڀڳوونَ تمون ڌاري قُوم واڙون مانھ ڏٺيا ڪريھ، زم يھوڊي پڻ مونئھ ان اُوئون مانھ پڻ ڀڳوونَ رئي ڏٺيا تھ. ③۲ ڪم تو ڀڳوونَ ٻڌون منڪون نئھ آڀرو ڪيڏو نہ مونيا را ڏوھ ۾ ڦاٿو ڏيڏاھ، زم اُو ٻڌون منڪون مانھ ڏٺيا ڪرئھ.

پولوس ڀڳوونَ رو ٿورو مونئھ

③۳ ڀڳوونَ رئي عقل ان هزم ڪئي گهڻي سئھ! اُوئا را منصُويا هزميا تي ٻارا سئھ، ان اُوئا را وُودا را نمونا زوڻيا تي ٻارا سئھ. زم شاستر ۾ لڪل سئھ:

③۴ ”ايشور را من رئي ڪيا نئھ ڪٻر سئھ؟

ڪُون اُوئا نئھ صلاح ڏي هيڪئھ؟“

③۵ ”ڪيئھ اُوئا نئھ ڪئين نتي ڏيڏو

جيا رو ايوزو اُو پري ڏئھ.“

③۶ ڪم تو ڀڳوونَ ٻڌي شينھون پيڏا ڪريھ، اُو ٻڌيون شينھون رئي همپاڙ ڪرئھ، ان ٻڌي شينھون اُوئا ري شيوا هارو سئھ. اُوئا را وڪوڻ هميش هُوڏي ٿيتا رئھ! آمين.

پورئي حياتي ڀڳوونَ رئي شيوا ڪروو

12 ① پايون ان بينون، ڀڳوونَ تمون مانھ هائي گهڻي ميريونئي ڪريھ. تيام هُون تمون نئھ منٽ ڪرونھ جي تمي زوئئھ آپ نئھ ڀڳوونَ را نوم مانھ ساڙين ايئا حياتي ۾ ڀڳوونَ ري مرضي مانھ ویتا ريو زم پويتر رين تمي ڀڳوونَ نئھ ڪُش ڪرو. هائي اُو شيوا سئھ جي ڀڳوونَ تمون تي ڪراووا ڪرئھ. ② تمي پيزون منڪون را زم ڏنيا را ڪراپ نمونا ڀرموئئھ مت وو، پڻ ڀڳوونَ نئھ تمارا من ڀڏلاووا ڏيو ان نوا نمونا ڀرموئئھ وو. هيوئھ نمونئھ ڀڳوونَ ري مرضي مانھ وُودا تي تمون نئھ ڪٻر پڙي زاشي جي ڀڳوونَ رئي مرضي ڪيوئي سئھ،

جي اُو ڪٿي نائوڪيئي سئ، اونا مانه وُڍا ٿي پڳوون ڪُش ٿئ، ان هر وات ۾ هاو ٿيڪ سئ.

③ پڳوون مون مانه ڪريا ڪرين مڪ شيلو نايوه ان هائي ڪوم ڪريا رئي هيٺ ڏيڏيئ، تيام هون تمون موئين ٿي هر هيڪ نئ ڪونه جي تمي آپ نئ موتا مت هزمو، پڻ عقل پرموئئه آپرا پارام ام سوچو زم سوچو ڪيئ، ڪم تو وشواس راڪيا پرموئئه جيوا ڪوم ڪريا رئي هيٺ آپون موئين ٿي هر هيڪ ڪن سئ، اُو هيٺ پڳوون آپون نئ ڏيڏيئ. ④ جيئوئ نمونئه آپئا هيڪا ڏيل را گهئا اوزيا سئ ان هر هيڪ اوزيا رو آپرو آپرو ڪوم سئ، ⑤ هيئوئ نمونئه آپي گهئا منڪ ايسو ڪريست ٿي واسطو راڪيا ري ڪري هيڪي وشواسي منڌري موئين پيرا ٿين هيڪا ڏيل را زم سون، ان آپت ۾ هيڪا ڏيل رون اوزيون را زم سون. ⑥ پڳوون آپون مانه ڪريا ڪريئ ان آپري ڪريا پرموئئه آپون موئين ٿي هر هيڪ نئ قرق قرق ڪوم ڪريا رئي هيٺ ڏيڏيئ. جي تمون نئ پڳوون رو نياپو ڏيڏا رئي هيٺ ڏيڏل سئ، تو اُو نياپو همپزاوو جيا را پارام تمون نئ يقين سئ جي پڳوون را پاها ٿي سئ. ⑦ جي تمون نئ شيوا ڪريا رئي هيٺ ڏيڏل سئ، تو منڪون رئي شيوا ڪرتا ريو. جي تمون نئ شيڪاڙيا رئي هيٺ ڏيڏل سئ، تو منڪون نئ شيڪاڙتا ريو. ⑧ جي تمون نئ حونصلو ڏيڏا رئي هيٺ ڏيڏل سئ، تو منڪون نئ حونصلو ڏيڏا ريو. جي تمون نئ گريبون رئي مدت ڪريا رئي هيٺ ڏيڏل سئ، تو پورا من ٿي اوئون رئي مدت ڪرو. جي تمون نئ آگيوونئي ڪريا رئي هيٺ ڏيڏل سئ، تو پوري ڪوشش ٿي آگيوونئي ڪرو. جي تمون نئ ضرورت وازون رئي مدت ڪريا رئي هيٺ ڏيڏل سئ، تو ڪشي ٿي اوئون رئي مدت ڪرو. ⑨ تمي هاسو پريم راڪو. پونڌائي ٿي شيتي پاگو، ان نائوڪيون واتون مانه ڪشي ٿي ويتا ريو. ⑩ هيڪا پيرا ٿي پايون را زم گهئو پريم راڪو. پيزون نئ آپ ٿي وڌيڪ مون ڏيو. ⑪ هر وات ۾ سستيئي نئين پڻ ڪوشش ڪرو. پويتر آتما ري مرضي مانه پورا شونق ٿي

وو. پريُو ايسُو رئي شيوا ڪرتا ريو. ⑫ پڳوونَ رون ڪرل وائيدون مانھ پروسو راکينَ من ۾ ڪُش ٿيو. تڪليپون ۾ ڏورونَ صير ٿي سھو. هميش پراٿنا ڪرتا ريو. ⑬ پڳوونَ رون سُونيدل منڪون رئي ضرورت ۾ مدت ڪرو. ميزمونون رئي شيوا ڪرو.

⑭ جيا تمون نئہ تنڳ ڪرئھ، اُونون نئہ مت پتو، پڻ اُونون ھارُو پڳوونَ ٿي آشيرواڏ مونڳو. ⑮ جيا ڪُش سئہ، اُونون پيڙا ڪُش ٿيو. جيا روئھ، اُونون پيڙا روئو. ⑯ آپت ۾ هيڪ من ٿين ريو. آپ نئہ موتا مت ھزمو، پڻ ڳريپون ٿي پريم ھون وو. آپ نئہ عقل واڙا ھزمينَ مگھرور مت ٿيو.

⑰ جيو تمون ٿي پُونڌائي ڪرئھ، اُوٿا ٿي تمي پُونڌائي مت ڪرو. ايوا ڪوم ڪرو جيا ٻڌون نئہ ناٿوڪا لاڳئھ. ⑱ تمي آپرا پاھا ٿي ٻڌون منڪون ٿي ھپ ۾ ريا رئي پوري ڪوشش ڪرو، زم مون ٻڌون منڪون رو ان تمارو آپت ۾ ھپ رئہ. ⑲ پريمي پايون ان پينون، ڀڏلو ماڳي مت ليو، پڻ سزا ڏيڏا رئي وات پڳوونَ مانھ ساڏو، ڪم تو شاستر ۾ لڪل سئہ:

”ايشور ام ڪئھ: ڀڏلو ليڏا واڙو ھون سون.
ھون آپ ڏوھون را ايوزام منڪون نئہ سزا ڏيھ.“
⑳ پڻ تمي ام ڪرو زم شاستر ۾ لڪل سئہ:

”جي تمارو ڏشمڻ پُوڪو ھوئہ، تو اُوٿا نئہ روٿي ڪوراوو.
جي اُو ترھو ھوئہ، تو اُوٿا نئہ پوٿي پيٿارو.
تمارئہ ھم ڪريا ٿي اُو لازي مرشي،
ان مون آپري ڏشمڻي ساڏئہ.“

㉑ تمي پُونڌائي را ڀڏلام پُونڌائي مت ڪرو، ان ھيوئہ نمونئہ پُونڌائي نئہ آپ مانھ جيتوا مت ڏيو. پڻ تمي پُونڌائي را ايوزا ۾ پلائي ڪرو، ان ھيوئہ نمونئہ تمي پُونڌائي مانھ جيتي زاشو.

وشواسيون رٺ حڪومت را ڪيڏا پرموٽه ويو



13 ① هر هڪ منڪ رٺه حڪومت را ڪيڏا پرموٽه ويو. ڪم تو هر حڪومت پڳوون را طرف ٿي سٺه، ان زتا پڻ منڪ حڪومت ۾ سٺه، پڳوون اُوئون نٺه منڪون مانه را ڪياه. ② تيام جيو حڪومت رٺه ڪلاڦ وٺه، اُو پڳوون ري مرضي رٺه ڪلاڦ وٺه. ان جيا منڪ

پڳوون ري مرضي رٺه ڪلاڦ وٺه، اُوئون نٺه اُوئا رٺي سزا زڙشي. ③ جيا نائوڪا ڪوم ڪرٺه، اُوئون رٺه راز ڪريا واڙون ٿي نه پڻاوو ڪپٺه. پڻ اُوئون منڪون رٺه پڻاوو ڪپٺه، جيا ڪراپ ڪوم ڪرٺه. جي تمي حڪومت ٿي پڻاوا نٿي ڪرتا، تو نائوڪا ڪوم ڪرو، ان حڪومت تمارا وڪوڻ ڪرشي. ④ ڪم تو حڪومت پڳوون رٺي شيوا ڪريا واڙي سٺه، زم تماري پلائي ٿنه. پڻ جي تمي ڪراپ ڪوم ڪرو، تو پسته حڪومت ٿي پڻاوا، ڪم تو حڪومت رٺي طاقت امهي نٿي، پڻ اُوئا نٺه موت رٺي سزا ڏيڏا رو حق سٺه. اُو پڳوون رٺي شيوا ڪريا واڙي ٿين پڳوون را طرف ٿي پڏلو لٺه ان ڪراپ ڪوم ڪريا واڙون نٺه سزا ڏهه. ⑤ تيام تماره حڪومت را ڪيڏا مانه ويو لازمي سٺه، ڪم تو هم ڪريا ٿي تمي نه رُوگو پڳوون ري سزا ٿي پڇي زاشو، پڻ تمارو من صاف ريشي.

⑥ تيام تمي حڪومت نٺه ٽيڪس را پڻيها پڻ پروه، ڪم تو حڪومت را منڪ پڳوون رٺي شيوا ڪريا واڙا ٿين تماري پلائي هارو راز ڪريا رٺي زميواري پوري ڪرٺه. ⑦ هر منڪ نٺه اُوئا رو حق ڏيو. جيا نٺه ٽيڪس ڏيو، اُوئا نٺه ٽيڪس ڏيو. جيا نٺه ناڪو ڏيو، اُوئا نٺه ناڪو ڏيو. جيا رٺي عزت را ڪوو، اُوئا رٺي عزت را ڪو. ان جيا رو مون را ڪوو، اُوئا رو مون را ڪو.

ٻڌون ٿي موتو قرض اي سٺ جي هڪا پيڙا ٿي پريم راکو

⑧ ٻڌون منڪون نٺه اوتون رو حق ڏين آڀرو قرض پورو ڪرو. پڻ تمارو هڪ قرض سٺه جيا نٺه پورو ڪريا رو ڪوئي ڏنگ نٿي، پڻ تماره هميش ڪروو ڪپڻه. او قرض اي سٺه جي تمي هڪا پيڙا ٿي پريم راکو. ڪم تو جيو پيڙون ٿي پريم راکهه، اونه پگهون را ڏيڏل ٻڌائي حڪم پورا ڪرياھ. ⑨ پگهون را ٻڌائي حڪم جي پونڌو ڪوم نه ڪروو، ڪون نه ڪروو، سوڙي نه ڪروو، لالچ نه راکو، ان پيڙا زتا پڻ حڪم سٺه، او ٻڌائي حڪم ايٺا هڪي وات م آي زانه جي ”پيڙون منڪون ٿي آڀرا زم پريم راکو.“ ⑩ جيو پيڙون منڪون ٿي پريم راکهه، او اوتون ٿي ڪراپ نمونته نئين وڻه. تيام پريم راکيا ٿي آڀي پگهون را ٻڌائي حڪم پورا ڪرونه.

⑪ همٿوڪا توتنا نٺه اوڙڪين همروم پريم راکتا ريو. هوه اونگهايا رو نئين، پڻ سجاڳ ٿيا رو توتو سٺه، ڪم تو آڀڻه وشواس اوٿيا را توتنا ٿي لين آڀون نٺه تارڻ زڙيا رو توتو همٿه ڏي ٿو ڏي ڏوڪڙو اوه ريو. ⑫ اي ڪراپ زمونو رات را زم ڪتم ٿيا وازو سٺه، ان ايسو رٺه وڙي آيا رو توتو ڏي اوگيا را زم ڏوڪڙو سٺه. تيام آڀي اندارا را ڪراپ ڪوم ساڏون، ان شيطون ٿي مقابلو ڪريا هارو هٿيارون را زم پگهون ٿي هيمنت ليون، زم سوچها م وين نائوڪا ڪوم ڪرون. ⑬ آڀي ايوه نائوڪه نمونته وون، زم ڏي را ويو ڪپڻه. عيش عشرت نه ڪرون، نڪو ڌارو پين مست ٿيون. پونڌو ڪوم نه ڪرون، نڪو لوڦرائي ڪرون. جهيڙو جهيڙو نه ڪرون، نڪو ڪيا مانه ريشي ٻڙون. ⑭ زم منڪ ڪراپ لوگهڙا اوتارين نائوڪا لوگهڙا پيرٺه، تم تمي هيو ڪراپ ڪوم ساڏين پريو ايسو ڪريست ٿي واسطو راکين اوٺا را نائوڪا نمونا مانه وو. ان آڀرون ڪراپ ڪيالون را پارام مت سوچو جي ڪم ڪرين اوتون مانه وون.

شڪ وازيون واتون ۾ پيزون رو ٺوه نه ڪايو

14 ① جيا منڪ رو وشواس ريون واتون مانھ پڪو يقين نٿي، اُٺا نئھ وشواسي منڌڙي ۾ ڪشي ٿي قبول ڪرو، ان اُٺا ٿي اُٺون واتون را پارام پحت مت ڪرو جيون را پارام اُو شڪ ڪرئھ. ② مثال، جيو منڪ پڪو وشواس راکئھ، اُٺا نئھ يقين هوشي جي ڪوئي پڻ ڪاڌو ڪاڌا ٿي پڳوون رو ڏوه نٿي ٿيتو، ان اُو هر قسم رو ڪاڌو ڪاشي. پڻ جيا منڪ نئھ هايا وات رو يقين گهٽ سئھ، اُو مونھ نئين ڪائھ پڻ رُوگي پازي ڪاشي. ③ جيو مونھ ڪائھ، اُٺا رئھ مونھ نه ڪاڌا واڙا نئھ گهٽ نه هزموو. ان جيو مونھ نٿي ڪاتو، اُٺا رئھ مونھ ڪاڌا واڙا نئھ مونھ ڪاڌا ري ڪري ڏوهاري نه هزموو، ڪم تو پڳوون پيئون نئھ آڀرا منڪ ڪرين قبول ڪرياه. ④ تمي آپ نئھ ڪي هزموه جي تمي پيزا ڪياڪ را نوڪر رو ڏوه ڪايو؟ ڏوه ڪاڍيا رو حق اُٺا را آڀرا ڏي نئھ سئھ، ان ڏي رئي آڀري مرضي سئھ جي اُو نوڪر نئھ راکئھ ڪا ساڌئھ. هئھ آڀون وشواسيون رو ڏي پڙيو ايسو سئھ، ان اُو آڀرون شيواڌاريون نئھ ضرور راکشي، ڪم تو اُو آڀرون منڪون نئھ آپ ڪن راکيا جيو ڪري هيڪئھ.

⑤ پيزي وات اي سئھ، ڪوڪ منڪ ام هزمئھ جي ڪئينڪ ڏي پيزون ڏيئون ٿي پويتر سئھ، ان پيزا منڪ ٻڌون ڏيئون. نئھ هيڪ جيو هزمئھ. هيويون واتون را پارام هر هيڪ منڪ رئھ پڪي ڪاتري ٿي آپ را پارام آڀرو ڦينصلو ڪروو. ⑥ جيو منڪ ڪيونڪ ڏيئون نئھ پيزون ٿي پويتر راکئھ، اُو پڙيو ايسو رو مون راکين هم ڪرئھ. ان جيو منڪ مونھ ڪائھ، اُو پڙيو ايسو رو مون راکين مونھ ڪائھ، ڪم تو اُو مونھ هارو پڳوون رو ٿورو موين ڪائھ. ان جيو منڪ مونھ نٿي ڪاتو، اُو پڻ پڙيو ايسو رو مون راکين مونھ نٿي ڪاتو، ان اُو پڳوون رو ٿورو موين پازي ڪائھ. ⑦ ڪم تو پلئھ جيوتا ريون ڪا مري زائون، آڀون موئين

ٿي ڪيا رو مقصدَ اي نٿي جي آپري مرضي پوري ڪرون. ⑧ ڪم تو جي آبي جيوتا ريون، تو آبي پريو ايسو رئي مرضي پوري ڪروا ڪرونه. ان جي آبي مري زائون، توئي آبي پريو ايسو رئي مرضي پوري ڪروا ڪرونه. تيام پلئه آبي جيوتا ريون، ڪا مري زائون، توئي پڻ آبي پريو ايسو را منڪ سون. ⑨ ايسو ڪريست ايئا هارو مري گيو ان وزي جيوتو ٿيو، زم او مرلون ان جيوتون رو پريو ٿين راز ڪرئه. ⑩ هوئه تمي آپرا وشواسي پائي را پارام اي قينصلو ڪم ڪروه جي او ڏوهاري سئه؟ ڪا تمي آپرا وشواسي پائي نئه آپ ٿي گهت ڪم هزموه؟ ڪم تو آبي ٻڌائي نيا هارو پگهون هوما اويشون. ⑪ زم شاستر ۾ لکل سئه:

”ايشور ام ڪئه: هون آپرو هون ڪائين ڪونه

هر هيڪ منڪ ماري پگي پڙشي،

ان هر هيڪ منڪ مارا وڪوڻ ڪرشي.“

⑫ هيوه نمونه آيون موئين ٿي هر هيڪ آيون آيون ڪومون رو حساب پگهون ڪن ڏيشي.

ايوه نمونه نه ويوو جيا ٿي ڪوي وشواسي پائي ٺوه ڪرئه

⑬ تيام آبي هيڪا پيزا نئه ڏوهاري نه هزمون. پڻ تمي پيزون را پارام قينصلو ڪريا ري جگا ۾ آپ را پارام اي قينصلو ڪرو جي هون ايوه نمونه نئين وون جيا ري ڪري مارو وشواسي پائي وشواس مانه شڪ ڪرئه ڪا ڏوه ۾ پڙئه. ⑭ مون نئه ڪهر سئه ان پريو ايسو ٿي واسطو راڪيا ري ڪري مون نئه پڪي ڪاتري سئه جي ڪوي پڻ ايوو ڪاڌو نٿي جيا نئه ڪاڌا ٿي منڪ پگهون رو ڏوه ڪرئه. پڻ جي ڪوڪ ام هزمئه جي قلوئي شينه ڪاڌا ٿي منڪ پگهون رو ڏوه ڪرئه، تو اونا رئه او شينه نه ڪاوو. ڪم تو جيو هم هزمئه، ان توئي پڻ ڪائه، او پگهون رو ڏوه ڪرئه. ⑮ جي تماره ڪئيڪ

شينھ ڪاڏا ٿي تمارا وشواسي پائي ننه ڏک ٿئھ، تو اُو شينھ مت ڪاڻو. جي تمڻي ايوي شينھ ڪاڻوھ، تو تمڻي پريم ٿي نٿي وينا. تمڻي آڀرا ڪاڏا ري ڪري اوڻا منڪ رو وشواس ڪراڀ مت ڪرو، جيا ننه پڇايا هارُو ايسُو ڪريست آڀرو جيو ڏيتو. (16) هم ڪريا ٿي پيزون منڪون ننه اي موقعو مت ڏيو جي اُو نائوڪا وشواسي ڌرم ننه پوندو ڪئھ. (17) ڪم تو پڳوون را راز مانھ وُڍا رو مطلب اي نٿي جي آڀي آڀري مرضي پرموئھ ڪئين پڻ شينھ ڪاڻون پيئون، پڻ ايڻا رو مطلب اي سئھ، جي آڀي پڳوون ري وات مانھ وون، پڳوون ان منڪون ٿي هڀ ۾ ريون، ان پويتر آتما ري ڪري من ۾ ڪُش ٿيون. (18) جيو هيوئھ نمونئھ ايسُو ڪريست رٿي شيوا ڪرئھ، پڳوون اوڻا ٿي ڪُش ٿئھ، ان منڪ اوڻا رو مون راکئھ.

(19) تيام ليو، آڀي ايوئھ نمونئھ وُڍا رٿي ڪوشش ڪرون، جيا ٿي آڀون ۾ هڀ رئھ ان هڪا پيزا رو وشواس راڪيا رٿي هيئت وڌئھ. (20) تمڻي ڪاڏا هارُو پڳوون رو ڪوم ڪراڀ مت ڪرو. پڳوون ري مرضي پرموئھ منڪ ٻڌي شينھون ڪاڻي هڪئھ. پڻ اي نائوڪي وات نٿي جي هڪا منڪ رئھ ڪئينڪ شينھ ڪاڏا ٿي اُو پيزا منڪ ننه ڏوھ ۾ پاڙئھ. (21) جي تمارئھ مونھ ڪاڏا ٿي، ڪا ڌراڪ رس پيدا ٿي، ڪا ايوو ڪوئي پڻ ڪوم ڪريا ٿي، تمارو وشواسي پائي ڏوھ ڪرئھ، تو نائوڪي وات اي سئھ جي تمڻي هم مت ڪرو.

(22) هايون واتون را پارام جيو قينصلو تمڻي يقين ٿي ڪريوھ، اُو تمڻي آڀرا من ۾ راڪو. هائي تماري ان پڳوون رٿي وات سئھ، پيزون ننه ڪيڏا رو ڪئين ڪوم نٿي. پاڳواڙو اُو سئھ جيو روڳو ايوو ڪوم ڪرئھ جيا ننه اُو نائوڪو هزمئھ، ان هيوئھ نمونئھ آڀ ننه پڳوون رو ڏوهاري نٿي ڪرتو. (23) پڻ جيو منڪ شڪ ڪرئھ جي زويام اي شينھ ڪاڏا ٿي پڳوون رو ڏوھ ٿئھ، ان توئي پڻ ڪاڻھ، اُو منڪ آڀ ننه پڳوون رو ڏوهاري ڪرئھ، ڪم تو اُو آڀرا يقين پرموئھ نٿي ویتو. ڪوئي پڻ ڪوم هوئھ، جي منڪ ننه يقين نٿي جي

اي ڪوم پڳوونَ ريِ نظر ۾ ٺيڪ سٺه، ان توڻي پڻ ڪرڻه، تو اُو پڳوونَ رو ڏوه ڪرڻه، ڪم تو جيو ڪوم وشواسِ پرموئنه يقينَ ٿي نٿي ٿيتو، اُو ڏوه سٺه.

ايوئَ نمونئَ ويو زه پيزون نئَ وشواسِ راڪيا رئيِ هيمنت زڙئَ

15 ① تيام آبي جيا پڪو وشواسِ راڪونه، آڀئنه اوئون ريِ وشواسِ ريِ ڪمزوري صيرِ ٿي سهو ڪپنه، ان اوئون رئيِ وشواسِ راڪيا رئيِ هيمنت وڌاو، جيا وشواسِ راڪيا ۾ ڪمزور سٺه، ان آڀئنه آپري مرضيِ مانه نه ويو. ② آپون موئين ٿي هر هيڪ ايوئنه نمونئه وئنه جيوئنه نمونئه پيزون نئنه نائوڪو لاڳنه، زم اوئون نئنه وشواسِ راڪيا ۾ قائيدو ٿنه ان اوئون رئيِ وشواسِ راڪيا رئيِ هيمنت وڌنه. ③ ڪم تو ايسو آپ آپري مرضيِ مانه نه وويدو، پڻ پڳوونَ ريِ مرضيِ مانه وويدا هارو ٻڌوئي ڪئين صيرِ ٿي سهيو، زم شاستر ۾ لڪل سٺه:

”جيئي منڪي تمارئي پيعزتئي ڪرئي،

اوئي مارئي پڻ پيعزتئي ڪرئي.“

④ هون شاستر رئيِ وات تمون نئنه همپزاوونھ ريو، ڪم تو زتي واتون اڳي شاستر ۾ لڪل سٺه، اُو ٻڌي آڀئا شيڪيا هارو لڪل سٺه، زم شاستر ٿي آپون نئنه ڏوروڻ سهيا رو صيرِ ان حوصلو زڙئنه، ان هيوئنه نمونئنه صيرِ ان حوصلو ٿي آبي پڳوونَ را وائيدا ڪرل هڪ مانه پروسو راڪون.

⑤ پڳوونَ، جيو ڏوروڻ سهيا رو صيرِ ان حوصلو ڏئنه، اُو تمون نئنه هيمنت ڏئنه زم تمي ايسو ڪريست را ڏيڪارل نمونا پرموئنه آيت ۾ هپ ٿي ريو، ⑥ ان هيڪ من ٿين ٻڌائي پيڙا آڀئا پريو ايسو ڪريست را ٻاپ پڳوونَ را وڪوڻ ڪرو.

پريُو ايسُو ٻڌيون قومون هارُو آيو
تيا م ٻڌون رءُ هپ م ريو

⑦ تيا م، زم ايسُو ڪريست آيون نءُ قهول ڪرياه، تم تمى هيك پيزا نءُ قهول ڪرو، زم پڳوون را وڪوڻ ٿم. ⑧ ڪم تو هون تمون نءُ يقين ٿي ڪونه جي ايسُو ڪريست پڳوون ري واتون هاسي ڏيڪاڙيا هارُو يهوديون رئي شيوا ڪريا وازو ٿيو، زم او يهوديون رون ڏاڏون ٿي پڳوون را ڪرل وائيدا پورا ڪرئ، ⑨ ان ڌاري قومون را منڪ پڳوون ري ڪرل ڪريا ري ڪري پڳوون را وڪوڻ ڪرئ. هايا وات را پارام شاستر م داؤد رئي اي وات لڪل سئ:

”تيا ري ڪري هون ڌاري قوم رون منڪون ڪن

تمارا وڪوڻ ڪريه ان تمارا پزن گاويه.“

⑩ ان شاستر م ام پڻ لڪل سئ:

”او ڌاري قومون رون منڪون،

پڳوون ري سونيل قوم پيزا ڪش ٿيو.“

⑪ ان وڙي ام پڻ لڪل سئ:

”ڌاري قومون رون منڪون، ايشور را وڪوڻ ڪرو.

هر قوم را منڪ اوئا را وڪوڻ ڪرئ!“

⑫ ان پڳوون رو نياپو ڏيڏا وائيم يسعياه پڻ ايسُو ڪريست را پارام ام ڪيڏو:

”يسي ري پيڏي ٿي هيك ايوو منڪ پيدا ٿيشي،

جيو ڌاري قومون مانه راز ڪروا آوشي،

ان اوئا مانه ڌاري قومون را منڪ پروسو راکشي.“

⑬ پڳوون، جيا مانه آپنو پروسو سئ، او تمارئ وشواس راکيا م تمارا من

پوري ڪشي ان هڪ ٿي پرئ، زم پويتر آتما ري ڏيڏل هيئت ٿي تمى هميش

پڪو پروسو راکتا ريو.

ڌاري قُوم وازون نٺَ ايسُو را پارام همپزيا هارُو پڳوونَ پولوس نٺَ سُونڊيو تو

⑭ مارون پايون ان پينون، مُون نٺَ پڪڙي ڪاترئي سٺَ، جي تمِي آپ گهٽا نائوڪا منڪ سو، تمون نٺَ وشواس رئي ٻڌڙي ڪبر سٺَ، ان تمِي آپ هڪا پيزا نٺَ هُزماوي هڪوه. ⑮ تُوئي پڻَ تمون نٺَ ياڌَ ڏيورايا هارُو، مٿين ڪيونڪ واتون را پارام سائوٺَ نمونٺَ ايتا ڪت ۾ لڪيوه، ڪم تو پڳوونَ مُون مانه ڪرپا ڪرينَ مُون نٺَ اي هيمنت ڏيڏيئِه جي هُون ايسُو ڪريست رو شيواڌاري تينَ ڌاري قُوم وازون هارُو شيوا ڪرون. ⑯ زم پوزاري پڳوونَ را گهر موئين مال ان ڏونپ پڳوونَ را نوم مانه ساڙينَ پڳوونَ رئي شيوا ڪرئِه، تم هُون پڳوونَ رئي ڪُشي رئي ڪبر همپزيا تِي پڳوونَ رئي شيوا ڪرونه، زم ماري شيوا ري ڪري ڌاري قُوم واڙا پويتر آتما ري ڪڙا تِي پويتر تينَ آپ نٺَ پڳوونَ ري شيوا هارُو ڏٺَ، ان پڳوونَ اوتون نٺَ قبول ڪرئِه.

⑰ تيام هُون ايسُو ڪريست رو شيواڌاري تينَ ماري پڳوونَ ري هايا شيوا را پارام ڪُشي تِي همپزاوونِه. ⑱ هُون آپرئي وڌائي ڪرينَ ام نئين ڪون جي مٿين ڪيو ڪوم ڪرايه، ڪم تو مٿين آپري طاقت تِي ڪئين نٺي ڪريو. پڻَ هُون پوري هيمنت تِي ايتا وات را پارام همپزاوونِه جي ايسُو ڪريست مُون تِي ڪيو ڪوم ڪرايه، زم ڌاري قُوم واڙا پڳوونَ رئي وات مونٺَ. ايسُو ڪريست مُون نٺَ ايويي ٻوليا رئي ان ڪوم ڪريا رئي هيمنت ڏيڏيئِه ⑲ جي مٿين پڳوونَ ري ڪڙا تِي منڪون نٺَ هاڙا هورا ڪريا تِي پرسا ڏيڪاڙينَ پويتر آتما ري ڪڙا تِي اتو ڪوم ڪريوه، جي يروشلم شهر تِي اِلرڪم صوپا هُوڏي زاتون زاتون شيرڙا مانه ٻڌون ملڪون ۾ ايسُو ڪريست را پارام ڪُشي رئي ڪبر پورئِه نمونٺَ همپزاويئِه. ⑳ هيوتِه نمونٺَ مٿين گهٽا شونق تِي ڪوشش ڪريئِه جي هُون هائي ڪُشي رئي ڪبر اوتئِه همپزاوون، جيئنه اڳي ايسُو ڪريست را پارام ڪيئنه ڪئين

نتو همپڙايو، زم هُون پڙيون را ڪرل ڪوم رو قائيدو نه ليون. ②1 تيام هُون ايسو را پارام اوتنه همپڙايا هارو گيوه، جيئن اڳي ڪيئن ئي نتو همپڙايو، زم شاستر رڻي اي وات پوري ٿي جي
 ”جيون ننه اوتن را پارام ڪيئن نه همپڙايو، اُو ڏيڪشي.
 ان جيئي نه هومپڙيو، اُو هزمشي.“

پولوس همپڙاوتنه جي اوتن روم شهر ۾ آيا را پارام ڦينصلو ڪريوه

②2 تيام مارنه هائي ڪوم ڪريا ري ڪري هُون گهڻي وار تمون ڪن آيا روڪائي گيو. ②3 پڻ هوننه هايون علاقون ۾ ڪوئي ايويي جڳا نٿي رڻي جيئن مارنه ايسو را پارام همپڙايا رڻي ضرورت سئ. ان گهڻون سالون ٿي مون ننه اي سڪ سئ جي هُون تمون ڪن آون. ②4 تيام مارو ڪيال سئ جي زئون هُون اسپين ملڪ زائيه، تيون هُون تمون ٿي مڙيا هارو تمون ڪن ٿيتو زائيه. مارڻي اميد سئ جي هُون ٿوريڪ وار تمون پڙيون ڪش ٿيون، ان پسئ تيا ڪيڙ تماري ڪرل مدت ٿي هُون اڳر اسپين زائون.

②5 پڻ همئننه هُون يروشلم شهر موئين زائونه ريو، زم جيا امداد را پئها اوت رون وشواسيون هارو مارنه حواله ڪرل سئ، اُو پئها هُون اوتون ننه ڏيون. ②6 ڪم تو مڪڏنيه ان يونان صوپون ري وشواسيئي اي ڦينصلو ڪريو تو جي اُو يروشلم شهر رون پڳون رون سونڊل منڪون موئين ٿي گريهون ننه امداد ڏئ. ②7 هائي ڌاري قوم واري آپري مرضي ٿي يهوديون رڻي مدت ڪريا رو ڦينصلو ڪريو. پڻ اوتون مانه يهوديون رڻي مدت ڪريا رو قرض پڻ سئ. ڪم تو زتي واتون پڳون يهودي قوم رون منڪون ننه آپ را پارام شيڪاڙي تي ان زتو آشيرواد اوتون ننه ڏيڏو تو، اُو ٻڌوئي ڪئين يهودي قوم رون وشواسيون ري ڪري ڌاري قوم واڙون ننه پڻ زڙيوه. تيام ڌاري قومون رون وشواسيون رو اي قرض سئ جي جئين پڻ پڳون اوتون ننه ايئا

دُنيا ۾ ڏيڻو، اُوئون شينهنون موئين ٿي اُو يهوديون رُئي مدت ڪرڻ. (28) تيام هُون هائي ڪوم پُورو ڪريه، ان ڌاري قُوم واڙون رڻه اِمڌا ڏيڌا ٿي يهودي قُوم رون وشواسيون نڻه ٿا پڻي ڏيه جي ڌاري قُوم واڙا پڪو وشواس راکڻه. (29) ان پسڻه تيا ڪيڙ هُون تمون ڪن ٿين اسپينَ ملڪ زائيه. مُون نڻه ڪهر سڻه جي زئيون هُون تمون ڪن آويه، تئيون آپون نڻه ايسو ڪريست ٿي ٻڌائي آشيرواڏ زڙشي.

(30) هُوڻه، پايون ان بينون، آڀنا پريو ايسو ڪريست ٿي واسطو راکيا ري ڪري ان پويتر آتما را ڏيڌل پريم ري ڪري، هُون تمون نڻه منڻ ڪرونه جي تمي مُون پيڙا پورا من ٿي مُون هارو پڳوون ٿي پراٿنا ڪرتا ريو. (31) اي پراٿنا ڪرو جي زئيون هُون يهوديه صُوپا را يروشلم شهر ۾ زائون، تو هُون اُوڻا صُوپا رون يهوديون ٿي پڇي زائون، جيا پڳوون رُئي وات نه مونيَن ايسو مانه وشواس نٿي راکتا. ان اي پڻ پراٿنا ڪرو جي يروشلم شهر ۾ جيا يهودي قُوم را وشواسي سڻه، اُو اي ڌاري قُوم واڙون رُئي ڏيڌل اِمڌا قُبول ڪرڻه، جڻي هُون اُوئون نڻه ڏيوا زائونه ريو. (32) هيوڻه نمونڻه جي پڳوون رُئي مرضي هُوڻه ان ٻڌي واتون همريم ٿڻه، تو هُون ڪُش ٿين تمون ڪن آوون، ان توڙيڪ وار تمون پيڙو هڪ ۾ ريه.

(33) هُوڻه پڳوون جيو هڪ ڏيڌا. واڙو سڻه، اُو تمون ٻڌون پيڙو هُوڻه. آمين.

پولوس روم شهر رون وشواسيون نڻه نمسڪار ڪڻه

16 (1) هُون تمون نڻه آڀڻي وشواسي بين فيبي رُئي پارت ڪرونه، جڻي ڪنخريه شهر ري وشواسي منڌڙي رُئي شيواڌاري سڻه، (2) جي تمي ايڻا نڻه پريو ايسو ري ڪري ڪُشي ٿي ملو، زم پڳوون رون سُونڊل منڪون رڻه ڪروو ڪپڻه، ان ايڻا نڻه جيا رُئي پڻ ضرورت هُوڻه، تمي ايڻا رُئي مدت ڪريا، ڪم تو ايڻه آپ گهڻون منڪون رُئي مدت ڪريه ان مارئي پڻ مدت ڪريه.

③ مارا طرف ٿي ٻائي پرسڪلہ ان اوتارا آدمي اڪولہ نئہ نمسڪار ڪيا، جيا ايسو ڪريست ري شيوا ۾ مارا زم ڪوم ڪرئہ ان اڳي مون پيڙا ڪوم ڪرتا. ④ هاڻي مارو جيو پڇايا هارو آڀرو جيو ڪترام نوڪيو تو، ان ايٺا وات ري ڪري نہ رُوڳو هُون هاڻيون رو ٿورو مونوئہ، پڻ ڌاريون قومون ري ٻڌي وشواسي منڌڙي هاڻيون رو ٿورو مونئہ. ⑤ ان جئي وشواسي منڌڙي هاڻيون ري گهري پيڙي ٿئہ، اوتارا رن منڪون نئہ پڻ نمسڪار ڪيا.

مارا پريمي ٻائي اڀينئس نئہ نمسڪار ڪيا، جيو آسيہ صوپا رو پيرهيون منڪ سئہ جيئہ ايسو ڪريست مانہ وشواس اوٿيو. ⑥ ٻائي مريم نئہ نمسڪار ڪيا، جيئہ تمون هارو الاهي گهٽي مينت ڪريئہ. ⑦ اندرنيڪس ان يونياس نئہ نمسڪار ڪيا. اُو ماري آڀري يهودي قوم را سئہ، ان مون پيڙا قيدي هتا. اُو مڪ شيلون ۾ مشور سئہ، ان مون ٿي پڻ مور ايسو ڪريست مانہ وشواس اوٿيو. ⑧ امپلياٽس نئہ نمسڪار ڪيا، جيو پرپو ايسو ٿي واسطو راکيا ري ڪري مارو پريمي ٻائي سئہ. ⑨ اربانس نئہ نمسڪار ڪيا، جيو امارا زم ايسو ڪريست رئي شيوا ڪرئہ، ان مارا پريمي ٻائي استخس نئہ پڻ نمسڪار ڪيا. ⑩ اپليس نئہ نمسڪار ڪيا، جيئہ ايسو ڪريست ري ڪري ڏوروڻ سهين ٿاڻي ڏيڏيئہ جي اُو پڪو وشواس راکئہ. ارسٽوبولس رن گهر واڙون نئہ نمسڪار ڪيا. ⑪ هيروديون نئہ نمسڪار ڪيا، جيو مارو يهودي ٻائي سئہ. جيا نرڪسس ري اڪائي را منڪ پرپو ايسو مانہ وشواس راکئہ، اوئون نئہ نمسڪار ڪيا. ⑫ ٻائي تروفينه ان ٻائي تروفوسہ نئہ نمسڪار ڪيا، جي پرپو ايسو ري شيوا ۾ مينت ڪرئہ. ماري پريمي وشواسي پين پرسس نئہ نمسڪار ڪيا، جيئہ پرپو ايسو ري شيوا ۾ گهٽي مينت ڪريئہ. ⑬ روفس نئہ نمسڪار ڪيا، جيو پرپو ايسو رو سونديل منڪ سئہ، ان اوتارا ري مان نئہ پڻ نمسڪار ڪيا، جئي مون هارو مان را زم سئہ. ⑭ اسنڪرٽس، فلگون، هرئيس، پترباس، هرماس، ان اوئون پيڙا جيا پيڙا وشواسي ٻائي ان پينون سئہ، اوئون ٻڌون نئہ نمسڪار ڪيا. ⑮ فللگس

ان ٻائي يُوليه نئه، نيريُوس ان اُوئا ري پين نئه، ان اَلْمِپاس ان اُوئا پيڙا پڳوونَ رُون ٻڌون سُونِديل منكون نئه نمسڪار ڪيا.

①6 ٽمي هڪا پيڙا ٿي پَوِتر نمونئه پريم ٿي ملو. ايسو ڪريست ري ٻڌي وشواسِي مندڙي تمون نئه نمسڪار ڪئھ ري.

اڪري وانون

①7 هُوئه، پايون ان پينون، هُون تمون ٿي مينت ڪرونه، جي ٽمي اُوئون منكون را پارام هُوشيار ريو، جيا ايوي ڪوڙي واتون شيڪارڙهه جي تمارئه شيڪل وشواس ريون هاسيون واتون رئه ڪلاڦ سئه. هيوئه نمونئه اُو منكون نئه پُولوين هڪا پيڙا ٿي ڌار ڪرئھ ان اُوئون نئه ڏوه ۾ پاڙئھ. هايون ٿي شيٽي ريو. ①8 ڪم تو هيو منڪ اپئا پريُو ايسو ڪريست زئي شيوا نٿي ڪرتا، پڻ رُوگو آڀرا پيٽ هارُو ڪرئھ. اُو نائوڪي نائوڪي واتون ڪرين اُوئون منكون ٿي نڳي ڪرئھ، جيون را من صاڦ سئه ان نڳي واڙي واتون نٿي اوڙڪتا. ①9 هايون ٿي شيٽي ريو، ڪم تو ٻڌون منكون نئه ڪهر سئه جي ٽمي پڳوونَ رئي وات موين ايسو مانه وشواس راکوه. تيام هُون تمون ٿي گهڻو ڪش سون. پڻ مارئي مرضي اي سئه جي ٽمي نائوڪيون واتون مانه هُوشيارِي ٿي وو، پڻ ڪراپ واتون را پارام ڪئين مت شيڪو ان اُوئون مانه ماڳي مت وو. ②0 زم منڪ هاپ نئه ڦيهلين مارئھ پرو، تم پڳوونَ، جيو هپ رکايا واڙو سئه، اپئا ڏشمڻ شيطون نئه جلدِي ۾ ڪتم ڪرشي پرو، ان اُوئا مانه تمارئي جيت ٿيشي.

آپنو پريُو ايسو ڪريست تمون مانه ڪرپا ڪرئھ!

②1 تيمٽيس جيو مون پيڙو پڳوونَ رئي شيوا ڪرئھ، ان مارا يهودي پائي لُوڪيس، ياسون ان سوسپٽرس تمون نئه نمسڪار ڪئھ.

②2 هُون تريتيس، جيا ٿي پولوس اي ڪت لڪايوه، مارا طرف ٿي تمون وشواسِي پايون ان پينون نئه نمسڪار ڪونه.

②3 گائيس تمون نئه نمسڪار ڪئھ، جيا ري گھري هُون پولوس ميزمون سون، ان جيو وشواسي مندڙي رون ٻڌون منڪون نئه هميش ڪشي ٿي آڀري گھري اوڪار ڏئھ.

اراستس تمون نئه نمسڪار ڪئھ، جيو ايتئھ شهر رو ڪزونچي سئھ، ان ڀائي ڪوئارٽس پڻ تمون نئه نمسڪار ڪئھ.

②4 (آپنو ڀرڀو ايسو ڪريست تمون مانھ ڪرڀا ڪرئھ! آمين.)

پولوس ڀڳوون را وڪون ڪرئھ

②5 ڀڳوون را وڪون ٿئھ! او آڀري ڪڙا ٿي تمون نئه وشواس ۾ پڪا ڪري هيڪئھ. او نه روڳو يهودي قوم وازون نئه، پڻ ڌاري قوم وازون نئه پڻ، ايسو مانھ وشواس راڪيا ري ڪري ماڻهي ڏين تارڻ ڏيشي. اي وات ايسو ڪريست را پارام ڪشي ري ڪبر ڀرموئھ سئھ، جيئي هُون ٻڌون منڪون نئه هميڙاونھ. اي اونڌي وات ڀڳوون جڳت نايا ٿي لين هئاڙين راڪئي ٿي، پڻ همئھ ڀڳوون اي وات ساوئي ڪريئھ. ②6 جي واتون ڀڳوون رو نياڀو ڏيڏا وازي شاستر ۾ مور ٿي لڪي ٿي جي ام ٿيشي، او واتون همئھ ايسو ري ڪري پوري ٿيھ ان شاستر ٿي ساوئھ نمونئھ هزميام اوئھ. ڀڳوون جيو شروع ٿي لين هميش هوڏي سئھ، اوئا را حڪم ڀرموئھ هايا وات رئي ڪبر پڙيئھ، زم ٻڌيون قومون را منڪ ڀڳوون رئي وات مونيڻ ايسو مانھ وشواس اوئھ. ②7 ڀڳوون، جيو هيڪئھ عقل وازو سئھ، اوئا را وڪون ايسو ڪريست ري ڪري هميش هوڏي ٿيئا رئھ! آمين.

کرنټيون را نوم مانه لکل پيرهيان کت رټي هزمونټي

کت لکيا واژو

اي کت پولوس لکيو، ان کت لکيا رټه توتنه سوسټنيس اوتو پيرو هتو (1 کرنټيون 1:16، 21:16). پولوس اي کت آپرا ترټما چکر مانه لکيو، زټيون او کرنټس شهر موټين ايسو را پارام همپزايا هارو گيو تو (مک شيلون را کوم 18:18-18)، ان پسته افسس شهر موټين گيو (مک شيلون را کوم 19:19-20:1). پولوس اي کت افسس شهر م اندازام 55ع م سال را شروع م کيو (1 کرنټيون 8:16).

کت کيون منکون هارو لکيو

پولوس اي کت کرنټس شهر رون وشواسي منکون هارو لکيو (1 کرنټيون 2:1). کرنټس شهر رون منکون نه کرنټي کيتا. کرنټس يونان ملک رو زونو شهر هتو، جيا نه رومي قوج ايرين يونگيوت پرو ان پسته هو سالون کيژ روم رون قوجيون ان منکون هارو وزي نايو. رومي حکومت يونان ملک نه آپرو هیک صوبو نايو. کرنټس شهر واپار کريا هارو نائوکي جگا مانه هتو ان يونان صوبا رو بتون ټي موتو شهر هتو. اوتنه روميون پيزا گهټا يوناني قوم را منک ان کينک يهودي قوم را منک پښ رينا. کرنټس شهر پوندا کوم م مشور هتو. ان اوتنه هیک افروډيني نومي ډيوې رو مندر هتو، جيټنه منک ډيوې رټي پوزا کريا م پوندو کوم کرتا. زټيون پولوس اوتنه ايسو را پارام همپزايو، تئيون گهټا منک وشواسي ټيا (مک شيلون را کوم 8:18).

کت لکيا رو مطلب

پولوس اي کت لکيو کم تو اوتنه هومپزيو جي کرنټس ري وشواسي منډري م گهټي پالټي ټي گيه ان پوندو کوم پښ ټنه ريو. اوت ري وشواسي پولوس نه کت پښ لکيو تو، ان پولوس اوتون رون لکل سوئالون را جواب ډيو کرتو تو. تيام اوتنه اي کت لکيو زم اوت را وشواسي منک پالټي رو کيال ساډنه ان روگو ايسو مانه پروسو راکه، پوندو کوم ساډنه ان پوندو کوم کريا واژون نه نات پارا کره، ډيو ډيوټونون رټي پوزا ساډنه، ان وشواسي منډري م پريم ان هپ ټي پگټي کره. آکر م پولوس اوتون نه جيوي اونيا را پارام شيکاژنه ان بروشلم شهر رون وشواسيون هارو امداد ډيدا را پارام کئنه.

ايئا كِتابِ را شاسترِ تِي بيزا حَوالا:


1 کُرتيون . 11-10:7 . متي 9-3:19	1 کُرتيون 1:1 کوم 19-1:9
1 کُرتيون 11-10:7 . مرقس 12-2:10	1 کُرتيون 14:1 کوم 8:18
1 کُرتيون 11-10:7 . لُوقا 18:16	1 کُرتيون 14:1 رُوميون 23:16
1 کُرتيون 1:9 کوم 6-3:9, 15	1 کُرتيون 16:1 1 کُرتيون 18-15:16
1 کُرتيون 1:9 کوم 8-1:18	1 کُرتيون 17:1 کوم 15:9
1 کُرتيون 9:9 اِسْتِشْنا 4:25	1 کُرتيون 19:1 يسعياہ 14:29
1 کُرتيون 13:9 احبار 36-28:7	1 کُرتيون 31:1 يرمياہ 24:9
1 کُرتيون 13:9 گِنْتِي 19-8:18	1 کُرتيون 1:2 کوم 18-1:18
1 کُرتيون 14:9 متي 10:10	1 کُرتيون 9:2 يسعياہ 4:64
1 کُرتيون 14:9 لُوقا 7:10	1 کُرتيون 16:2 يسعياہ 13:40
1 کُرتيون 21:9 يُوْحنا 34:13	1 کُرتيون 6:3 کوم 18-1:18
1 کُرتيون 1:10 خُرُوج 22-21:13	1 کُرتيون 6:3 کوم 18-27:18
1 کُرتيون 1:10 گِنْتِي 23-15:9	1 کُرتيون 19:3 اَيُوب 13:5
1 کُرتيون 1:10 خُرُوج 29-21:14	1 کُرتيون 20:3 زُبُور 11:94
1 کُرتيون 2:10 خُرُوج 31:14	1 کُرتيون 17:4 کوم 3-1:16
1 کُرتيون 3:10 خُرُوج 35-2:16	1 کُرتيون 17:4 کوم 5:18
1 کُرتيون 4:10 خُرُوج 7-1:17	1 کُرتيون 17:4 کوم 22:19
1 کُرتيون 4:10 گِنْتِي 11-2:20	1 کُرتيون 1:5 احبار 8:18
1 کُرتيون 4:10 يُوْحنا 14:4	1 کُرتيون 1:5 اِسْتِشْنا 30:22
1 کُرتيون 5:10 گِنْتِي 35-28:14	1 کُرتيون 1:5 اِسْتِشْنا 20:27
1 کُرتيون 7:10 خُرُوج 6:32	1 کُرتيون 7:5 يسعياہ 7:53
1 کُرتيون 8:10 گِنْتِي 9-1:25	1 کُرتيون 7:5-8 خُرُوج 20-1:12
1 کُرتيون 9:10 گِنْتِي 6-4:21	1 کُرتيون 13:5 اِسْتِشْنا 7:17
1 کُرتيون 10:10 گِنْتِي 49-41:16	1 کُرتيون 13:5 اِسْتِشْنا 19:19
1 کُرتيون 16:10 متي 28-26:26	1 کُرتيون 13:5 اِسْتِشْنا 21:21
1 کُرتيون 16:10 مرقس 24-22:14	1 کُرتيون 13:5 اِسْتِشْنا 21:22
1 کُرتيون 16:10 لُوقا 20-19:22	1 کُرتيون 13:5 اِسْتِشْنا 24:22
1 کُرتيون 18:10 اِسْتِشْنا 27:12	1 کُرتيون 13:5 اِسْتِشْنا 7:24
1 کُرتيون 20:10 اِسْتِشْنا 17-16:32	1 کُرتيون 16:6 پيدائش 24:2
1 کُرتيون 26:10 زُبُور 1:24	1 کُرتيون 11-10:7 . متي 32:5

1 کُرنِتيون 7:15 کوم 9-4:1	1 کُرنِتيون 7:11 پيدائش 27:1
1 کُرنِتيون 8:15 کوم 6-3:9	1 کُرنِتيون 8:11 پيدائش 22:2
1 کُرنِتيون 9:15 کوم 3:8	1 کُرنِتيون 9:11 پيدائش 18:2
1 کُرنِتيون 9:15 کوم 2-1:9	1 کُرنِتيون 25-23:11 متي 28-26:26
1 کُرنِتيون 21:15 پيدائش 19-17:3	1 کُرنِتيون 25-23:11 مرقس 24-22:14
1 کُرنِتيون 25:15 زبور 1:110	1 کُرنِتيون 25-23:11 لوقا 20-19:22
1 کُرنِتيون 27:15 زبور 6:8	1 کُرنِتيون 21:14 يسعياہ 12-11:28
1 کُرنِتيون 32:15 کوم 1:20-23:19	1 کُرنِتيون 3:15 يسعياہ 12-1:53
1 کُرنِتيون 32:15 کوم 19-17:20	1 کُرنِتيون 3:15 متي 50:27
1 کُرنِتيون 32:15 يسعياہ 13:22	1 کُرنِتيون 3:15 مرقس 37:15
1 کُرنِتيون 45:15 پيدائش 7:2	1 کُرنِتيون 3:15 لوقا 46:23
1 کُرنِتيون 54:15 يسعياہ 8:25	1 کُرنِتيون 3:15 يوحنا 30:19
1 کُرنِتيون 55:15 هوسيع 14:13	1 کُرنِتيون 4:15 زبور 11-10:16
1 کُرنِتيون 7-5:16 کوم 3-1:20	1 کُرنِتيون 4:15 متي 7:28-57:27
1 کُرنِتيون 8:16 کوم 1:20-1:19	1 کُرنِتيون 4:15 مرقس 8:16-42:15
1 کُرنِتيون 10:16 1 کُرنِتيون 17:4	1 کُرنِتيون 4:15 لوقا 12:24-50:23
1 کُرنِتيون 12:16 کوم 1:19-24:18	1 کُرنِتيون 4:15 يوحنا 9:20-38:19
1 کُرنِتيون 15:16, 17 1 کُرنِتيون 16:1	1 کُرنِتيون 5:15 لوقا 34:24
1 کُرنِتيون 19:16 کوم 3-1:18	1 کُرنِتيون 5:15 لوقا 43-36:24
1 کُرنِتيون 19:16 کوم 26, 19:18	1 کُرنِتيون 5:15 يوحنا 23-19:20
	1 کُرنِتيون 7:15 لوقا 51-44:24

ڪرنٽيون

را نوم مانھ پولوس رو لکل

پيرھيون ڪت



1 ① ھون لکيا وازو پولوس سون، جيا نٿه ڀڳوون آپري مرضي پرموٿه ايسو ڪريست رو هيڪ مڪ شيلو سونديوھ. اي ڪت مارا پاھا ٿي ان آڀٽا وشواسي پاڻي سوسٽنيس را پاھا ٿي لکل سٿه.

② ڪرنٽس شهر ري ڀڳوون ري وشواسي منڌري رون پريمي پايون ان بينون، تمي جيا ايسو ڪريست ٿي واسطو راڪيا ٿي ڀڳوون را سونديل منڪ ٿياھ. ڀڳوون تمارو آپ ٿي واسطو رکايوھ زم تمي اوئون ٻڌون پيڙا اوٽا را سونديل منڪ ٿيو، جيا هر جڳا آڀٽا پريو ايسو ڪريست رو نوم لٿھ، جيو اوئون رو ان آڀٽو پڻ پريو سٿه.

③ آڻڻو ٻاپ ڀڳوون ان ڀرڻو ايسو ڪريست تمون مانھ ڪرڻا ڪرڻه ان تمون نئھ ھڪي راکڻه!

ٻولوس ڪرنٽس شهر رون وشواسيون ھارو ڀڳوون رو ٿورو مونئھ

④ ھون ھميش تمون ھارو ڀڳوون رو ٿورو مونٽو ريونھ، ڪم تو اوئھ تمارئھ ايسو ڪريست ٿي واسطو راکيا ٿي تمون مانھ ڪرڻا ڪرئھ. ⑤ ڪم تو ايسو ٿي واسطو راکيا ري ڪري تمي ھر وات ۾ گھڻا ڀاڳواڙا ٿياھ، ان تمون نئھ ٻڌي واتون شيڪاڙيا رئي ان ھزميا رئي ھيمت زڙئھ، ⑥ ڪم تو تمي ايسو ڪريست را پارام ھاڪ ڀرل واتون مونئھ ان تمارو وشواس پڪو ٿيوھ. ⑦ تيام تمون نئھ ڀڳوون رئي ڏيڏل ھر نمونا رئي ڪڙا زڙئھ، ان تمي اوئا توئا رئي وات ڪشي ٿي زوئھ، زئيون آڻڻو ڀرڻو ايسو ڪريست وڙي پاسو آوين ساوو ٿيشي. ⑧ ايسو آپ تمون نئھ ھيمت ڏيشي جيا ٿي تمي حياتي ري پڇاڙي ھوڏي پڪو وشواس راکشو، ان آڻڻا ڀرڻو ايسو ڪريست را آيا رڻھ ڏي تمون مانھ ڪيا وات رو الزوم نئين لاڳئھ. ⑨ ڀڳوون آڀرا وائيدا رو ھاسو سئھ. اوئھ تمارو آپ ٿي تيام واسطو رڪايوھ زم تمي اوئا را ڏيڪرا آڻڻا ڀرڻو ايسو ڪريست ڀيڙا ٿين ھڀ ۾ ريو، ان او آڀرو مقصد ضرور ڀورو ڪري.


وشواسي منڌري ۾ جھيڙو جھڳڙو ڪروو پڻ ھيڪ من ٿين ريوو

⑩ ھوئھ، ڀايون ان پينون، ھون تمون ٿي آڻڻا ڀرڻو ايسو ڪريست مانھ وشواس راکيا ري ڪري منٽ ڪرونھ جي تمي ھيڪي وات مانھ وو ان ڌار پالتي مت ناوو. تمي ٻڌائي ڀيڙا ٿين ھيڪ من ٿين ريو ان آڀت ۾ ھڀ راکو. ⑪ ڪم تو، مارون ڀريمي ڀايون ان پينون، ٻائي خلوئي را گھر ري منڪي مون نئھ ساوئھ نمونئھ ھمڀڙايوھ جي تمون موئين جھيڙا جھڳڙا ٿئھ ريا. ⑫ مارو ڪيڏا رو مطلب

اي سٺه جي تمهي هر هيڪ آپ نئه ڌار ڌار پالتيي زا ڪوه. ڪوڪ ام ڪئھ جي ”هون پولوس ري پالتيي رو سون،“ ڪوڪ ام ڪئھ جي ”هون تو اڀلوس ري پالتيي رو سون،“ ڪوڪ ام ڪئھ جي ”هون پطرس ري پالتيي رو سون،“ ان ڪوڪ ام پڻ ڪئھ جي ”هون ايسو ڪريست ري پالتيي رو سون.“⁽¹³⁾ هائي تمهي ڪي ڪروه ريا؟ ايسو ڪريست پوري وشواسي منڌري رو نتيي، ڪي؟ رُوگو هيڪي پالتيي رو سٺه، ڪي؟ ان هون پولوس تمون نئه تارڻ ڏيڏا هارو هوزي مانھ مريوه، ڪي؟ ڪا تمهي مارا شيلا تيا هارو پويتر سنون ليڏو، ڪي؟

⁽¹⁴⁾ هون ايئا وات ري ڪري پڳوون رو ٿورو مونونه جي ڪرسپس ان گائيس شوا مئين تمون موئين ٿي ڪيا نئه پڻ پويتر سنون نٿو ڏيڏو.⁽¹⁵⁾ تيام تمون موئين ٿي ڪوئي ڪي نتيي هيڪتو جي مئين تمون نئه آپرا شيلا نايا هارو پويتر سنون ڏيڏوه.⁽¹⁶⁾ هوئه، مئين ستفناس ري اڪائي نئه پڻ پويتر سنون ڏيڏو تو، پڻ مارا زويام مئين هايون شوا پيزا ڪيا نئه پڻ پويتر سنون نتيي ڏيڏو.⁽¹⁷⁾ ڪم تو ايسو ڪريست مون نئه پويتر سنون ڏيڏا هارو نئين، پڻ ايسو را پارام ڪشي ريئي ڪهر همپزيا هارو مک شيلو ناوين ميليوه. مارو ڪوم اي نتيي جي هون آپري عقل پرموئه ايوي واتون ڪرون جي منڪون نئه ناٿوڪي لاڳهه. پڻ مارو ڪوم اي سٺه جي هون ساوئه نمونئه ايسو رئه هوزي مانھ مريا را پارام همپزاوون، متون ايسو رئه هوزي مانھ مريا ٿي ڪئين قائيڏو نه ٿه.

آپري عقل ان طاقت مانھ نئين، پڻ پريو ايسو مانھ پروسو راکو



⁽¹⁸⁾ ايسو رئه هوزي مانھ مريا ريئي وات، اوتون منڪون نئه عقل ووئيي وات لاڳهه جيا هميش ريئي سزا کاڏا واڙا سٺه. پڻ آبي جيا تارڻ ليڏا واڙا سون، آپون ڪن هيا ٿي پڳوون ريئي طاقت ساوئي ٿه.⁽¹⁹⁾ ڪم تو شاستر ڀر پڳوون ريئي اي وات لڪل سٺه:

”هُن اي وات ساوئي ڏيڪاڙيه،

جيون نئه منڪ عقل واڙا ڪئه، اُوئون ۾ ڪئين عقل نٿي،

ان جيون نئه منڪ هڙمو ڪئه، اُوئون ۾ ڪئين هڙم نٿي.“

②0 پڳوون ري نظر ۾ عقل واڙو منڪ ڪي سئه؟ پئل منڪ ڪي سئه؟ ڏنيا ۾ جيا منڪ نائوڪي نائوڪي تقريرون ڪرئه، اُو پڳوون ري نظر ۾ ڪي سئه؟ اُو تو ڪئين نٿي. پڳوون وات ساوئي ڏيڪاڙيه جي ڏنيا رون منڪون رئي جيئي عقل سئه، اُو ڪئين نٿي.

②1 ڪم تو پڳوون آپري عقل پرموئنه ام ڪريو، جي ڏنيا را منڪ اُوئون ري آپري عقل ٿي پڳوون نئه نه اوڙڪي هيڪئه. تيام پڳوون آپري مرضي ٿي اي قينصلو ڪريو جي اُو ايسو را پارام نياپو ڏيڏا ٿي، جيو ڏنيا رون منڪون نئه عقل ووئو لاڳئه، اُوئون منڪون نئه تارن ڏيشي جيا نياپو مونيڻ ايسو مانه وشواس راکئه. ②2 يهودي قوم واڙا ٿايتي هارو پرسا زووا ڪرئه، ان ڌاري قوم واڙا ايوي واتون هومپڙوا ڪرئه جي اُوئون ري عقل پرموئنه اُوئون نئه صحيح لاڳئه. ②3 پڻ امي منڪون نئه اي همپڙاونه جي پڳوون رو سونڊل پچايا واڙو ايسو ڪريست هوزي مانه مريو. اي وات يهوديون نئه ايوي ڪراپ لاڳئه جي هايا ري ڪري اُو اوڙڪي نٿي هيڪتا جي اي وات هاسئي سئه، ان ڌاري قوم واڙون نئه اي وات عقل ووئي لاڳئه. ②4 پڻ اُو منڪ جيون رو پڳوون آپ ٿي واسطو رکايوه، اُو پلئه يهودي قوم را هوئه ڪا ڌاري قوم را، اُوئون ڪن پڳوون را سونڊل پچايا واڙا ايسو ڪريست رئه هوزي مانه مريا ٿي پڳوون رئي طاقت ان پڳوون رئي عقل ساوئي ٿه. ②5 ڪم تو پڳوون رو هائي ڪوم جيو منڪون را هزميام عقل وگر ڪرل سئه، اُو ڪوم پڳوون ايوي عقل ٿي ڪريوه، جيئي منڪون ري عقل ٿي الاهي گهڻي وڌارنه سئه. ان پڳوون رو هائي ڪوم جيو منڪون را هزميام ڪمزوري ٿي ڪرل سئه، اُو ڪوم پڳوون ايوي طاقت ٿي ڪريوه، جيئي منڪون ري طاقت ٿي الاهي گهڻي

وڌائڻ سٺه.

②6 پايون ان پينون، تم ي اڌ ڪرو! زئيون ڀڳوون تمارو آپ ٿي واسطو رکايوه، اُوڻه توتڻه تم ي ڪيوا هتا؟ منڪون ري نظر ۾ تمون موئين ٿي گهڻا منڪ عقل واڙا نتا، گهڻا طاقت واڙا نتا، گهڻا اُونچي اڪائي را نتا. ②7 پڻ ڀڳوون اوتون منڪون نئه آپ ٿي واسطو راکيا هارو سُونديا، جيا دُنيا ري نظر ۾ عقل ووتنا سٺه، زم عقل واڙون نئه لازي مارڻه. ان ڀڳوون اوتون منڪون نئه سُونديا، جيا دُنيا ري نظر ۾ ڪمزور سٺه، زم طاقت واڙون نئه لازي مارڻه. ②8 ان ڀڳوون اوتون منڪون نئه سُونديا، جيا دُنيا ري نظر ۾ نيچ سٺه ان جيون نئه منڪ گهٽ هڙمڻه، جيون نئه منڪ ڪئين نٿي هڙمڻا، زم وات ساوئي ٿنه جي جيا نئه دُنيا موتو هڙمڻه، اُو ڀڳوون ري نظر ۾ ڪئين نٿي. ②9 تيام ڪوئي پڻ منڪ ڀڳوون هومو وڌائي نٿي ڪري هيڪتو. ③0 هُوڻه ڀڳوون تمارو ايسو ڪريست ٿي واسطو رکايوه، جيئنه ڀڳوون را طرف ٿي آوين آپون ڪن ڀڳوون رئي عقل ساوئي ڪري. پريو ايسو آپون نئه ڀڳوون ري وات مانه ويوراوڻه، آپون نئه پويتر ڪرڻه، ان آپون نئه ڏوهون را قوضا ٿي آزاد ڪراوڻه. ③1 تيام، زم شاستر ۾ لڪل سٺه:

”آپري وڌائي مت ڪرو،

پڻ پريو را وڪوڻ ڪرو.“

بتون ٿي موئي وات اي سڏ

ايسو ڪريست آپون نئه ڀڄايا هارو هُوڙي مانه مريوه

① تيام، پايون ان پينون، زئيون هون تمون ڪن آيو تو، تئيون مئين آوين 2 موتون موتون ويئون ان آپري عقل ٿي ڏوري ڏوري واتون نٿي ڪري، پڻ تمون نئه ساوڻه نموننه ڀڳوون رئي اوندڙي وات همپزاوئي ٿي. ② ڪم تو مئين ڦينصلو ڪريو تو جي هون تمون نئه روڳي هيڪي وات را پارام همپزاوون، ايسو

ڪريست را پارام ان ڪاس ڪرين اونا را هوزي مانه مريا را پارام. ③ زئيون هون تمون ڪن آيو، تئيون مئين سوچيو جي مون ۾ اي ڪوم ڪريا رئي هيمنت نئي، ان مون ننه اي بيڪ هتئي جي پڳوون رو اي ڪيڏل ڪوم ڪم ڪرين پورو ڪرون. ④ ان زئيون مئين تمون ننه پڳوون رو وچن همپڙايو، تئيون مئين آپري وات منيا هارو آپري عقل تي نائوڪي نائوڪي واتون نه ڪري، پڻ پويتر آتما ري ڪڙا تي تمون ننه پڪي ڪاترئي تئي جي ماري ڪيڏل واتون هاسي سئ. ⑤ مئين هم ڪريو زم تمي منڪون ري عقل ري ڪري نئين، پڻ پڳوون ري ڪڙا ري ڪري وشواس راکو.

پڳوون آپري عقل رئي اونڌي وات پويتر آتما تي ساوئي ڪريه

⑥ توئي پڻ امي اونون منڪون ڪن عقل وازي واتون ڪرونه، جيا پڪو وشواس راکهه. پڻ اي عقل ايئا دنيا رئي عقل نئي ان نڪو ايئا دنيا رون آڳيونون ري عقل جيوي سئ، جيون رو راز ڪتم تيا وازو سئ. ⑦ نا نا، امي تو پڳوون ري عقل رئي وات ڪرونه، مطلب پڳوون رئي اونڌي وات جي اونه پيڏ ۾ راکهي تئي، پڳوون رو او منصوبو جيو اونه جگت نايا تئي مور نايو تو، جيا تئي آپون ننه آڪاش ۾ مون زڙشي. ⑧ هايا عقل ري وات را پارام ايئا دنيا رون آڳيونون مويين تي ڪيا ننه ڪهر نتي. ڪم تو جي اونون ننه هايا رئي ڪهر هوئت، تو او مونوازا پريو ايسو ننه هوزي مانه نه مراوئت. ⑨ پڻ اونون ننه هايا وات رئي ڪئين ڪهر نتي، زم شاستر ۾ لڪل سئ:

”جي واتون ڪيئنه اونڪيئي نتي ڏيڪي،

ان ڪيئنه ڪوني نتي هومپڙي،

ان نڪو اونون را پارام ڪيئنه سوچيو،

او واتون پڳوون اونون منڪون هارو تيار ڪري

جيا اونا تي پريم راکهه.”

⑩ پڻ آپون ڪن ڀڳوون هائي وات پويتر آتما ري ڪرا ٿي ساوئي ڪريهه. ڪم تو پويتر آتما بدوئي ڪئين زوڻهه، ان ڀڳوون را من ري اونڌي واتون پڻ زوڻهه. ⑪ منڪون موئين ايوو ڪوڻ سٺه جيو پيزا را من رئي ڪهر پاڙي هيڪهه؟ روڳو اوتا منڪ نهه آپرا من ريون واتون رئي ڪهر سٺه. هيوئه نموننه ڪوئي منڪ ڀڳوون ريون واتون رئي ڪهر نٿي پاڙي هيڪتو، پڻ روڳو ڀڳوون را پويتر آتما نهه هايون واتون رئي ڪهر سٺه. ⑫ آپون وشواسيون نهه دنيا رو رنگ نٿي لاڳيو، پڻ آپون نهه ڀڳوون را پاها ٿي پويتر آتما زڙيوه، زم آپون نهه ڪهر هوئه جي ڀڳوون آپري ڪريا ٿي آپون نهه ڪي ڪي ڏيڏوه. ⑬ ان امي هائي هاڳي واتون همپزاوونهه. امي منڪون ري عقل ٿي شيڪاڙل نمونا پرموڻه نٿي همپزاوتاتا. پڻ پويتر آتما را شيڪاڙل نمونا پرموڻه پويتر آتما ري مرضي مانه وودا وازون نهه پويتر آتما ري واتون هزماوونهه.

⑭ جيا منڪ را ڪيال دنيا ري سوچ پرموڻه سٺه، او ڀڳوون را ڏيڏل پويتر آتما ري واتون نٿي مونتو، ڪم تو هائي واتون اوتا نهه عقل ووڻي لاڳهه. ان او هايون نهه هزمي نٿي هيڪتو، ڪم تو هائي واتون روڳي پويتر آتما ري ڪرا ٿي اوڙڪائي هيڪهه جي او ڪيوي سٺه. ⑮ پڻ جيو منڪ پويتر آتما ري مرضي مانه وئه، او هائي ٻڌي واتون اوڙڪي هيڪهه جي او ڪيوي سٺه. پڻ ڪوئي دنيا رئي سوچ راکيا وازو منڪ اوڙڪي نٿي هيڪتو جي پويتر آتما ري مرضي مانه وودا وازو منڪ ڪيوو سٺه. ⑯ دنيا رئي سوچ راکيا وازا منڪ ڀڳوون ري واتون هزمي نٿي هيڪتا، زم شاستر ۾ لکل سٺه:

”پريو را من رئي ڪيا نهه ڪهر سٺه؟
ڪوڻ اوتا نهه صلاح ڏي هيڪهه؟“

پڻ آبي وشواسي هيوي واتون هزمي هيڪونه، ڪم تو آڀڻي سوچ پريو ايسو ڪريست ري سوچ پرموڻه سٺه.

مڪ شيلا پالتي را اڳيون نٿي پڻ ڀڳون را شيواڌاري سٺ

3 ① تيام، ڀايون ان پينون، شروع ۾ مئين تمون ٿي ايوئه نمونئه واتون نٿي ڪري، زم پويتر آتما ري مرضي مانه وودا واڙون ٿي واتون ڪروو ڪپئه، نڪا ماري واتون تمارا هزميام نه آوت. پڻ مئين تمون ٿي ايوئه نمونئه واتون ڪري تي، زم اوئون منڪون ٿي واتون ڪروو پڙئه جيا دنيا را نمونا پرمونئه وئ. ڪم تو تيڏي تمي نوا وشواسي ٿيا تا، ان ايسو ڪريست ٿي واسطو راکيا ۾ نڪون ٻاڙون را زم هتا. ② زم مان نڪا ٻاڙ نه روئي نٿي ڪوراوتئي پڻ روڳو اوئا نه ڏوراوئ، تم مئين تمون نه وشواس ري ڏوري واتون نئين پڻ روڳي هوري واتون شيڪاڙي، ڪم تو تمي تيڏي ڏوري واتون هزميا جيوا نٿا. پڻ تمي تو هزون هوڏي ڏوري واتون هزميا جيوا نٿي، ③ ڪم تو تمي هزون هوڏي آپرون ڪراپ ڪيالون پرمونئه ووه. تمي تو هڪا پيزا مانه ريشي ٻڙوه، ان آيت ۾ جهيڙو جهيڙو ڪروه. هايا ٿي ٿايتي نٿي ڪي، جي تمي پيزون منڪون را زم ڪراپ ڪيال راکوه ان دنيا را نمونا مانه ووه؟ ④ زئون تمون موئين ٿي ڪوڪ ام ڪئھ جي ”هون پولوس ري پالتي رو سون،“ ان پيزا ام ڪئھ جي ”هون تو اپلوس ري پالتي رو سون،“ تئين هايا ٿي وات ساوئي سئھ جي تمي دنيا رون منڪون را نمونا مانه ووه.

⑤ اپلوس تو ڪي سئھ؟ هون پولوس ڪي سون؟ امي روڳا ڀڳون را شيواڌاري سون، جيون ري واتون هومپزيا ٿي تمي ايسو مانه وشواس اوٿيوه. امي روڳو آپرو آپرو ڪوم ڪرونه، زم ايشور امون موئين ٿي هر هڪ نه ڪريا هارو ڏيڏو. ⑥ مثال، هڪ منڪ قصل پوڪئھ، پيزو منڪ قصل نه پوئي پيئارئ، پڻ قصل اوڳاڙيا واڙو ڀڳون آپ سئھ. هيوئه نمونئه مئين شروع ۾ تمون نه ايسو را پارام همپزيايو، تيا ڪيڙ اپلوس تمون نه وشواس راکيا رو

حونصلو ڏيڏو، پڻ جيو تمون ننه وشواس راڪيا رڻي هيمنت ڏيتو ريو، اُو پڳوون آپ سئه. ⑦ تيام وات ساوڻي سئه جي پلئه ڪوڪ همپڙايا وازو هوئه ڪا ڪوڪ حونصلو ڏيڏا وازو هوئه، توڻي پڳوون هوما اُو ڪئين نٿي، پڻ ٻڏي وات پڳوون مانه سئه، ڪم تو اُو وشواس راڪيا رڻي هيمنت ڏئه. ⑧ قصل پوڪيا وازو ان پوڻي پيڻاريا وازو ٻي ئي هيڪ جيو سئه. اُوئون پيئون موئين ٿي هر هيڪ ننه آپري آپري مينت پرموئنه آپرو آپرو ايوزو زڙشي. هيوئه نموننه هون همپڙايا وازو ان اڳلوس حونصلو ڏيڏا وازو ٻي ئي هيڪ جيو سون، ان امون پيئون موئين ٿي هر هيڪ ننه آپري آپري مينت پرموئنه آپرو آپرو ايوزو زڙشي. ⑨ ڪم تو امي ٻي ئي پڳوون پيڙا پڳوون رو ڪوم ڪريا وازا سون. امي پڳوون رون هازيون را زم سون، ان تمي پڳوون ري ٻني را زم سو جيام امي ڪوم ڪرونه.

ان هيوئه نموننه تمي پڳوون را گهر را زم پڻ سو. ⑩ پڳوون آپري ڪرپا ٿي مون ننه اي هيمنت ڏيڏي جي هون منڪون ننه ايسو را پارام همپڙاون. مئين پڳوون ري ڏيڏل هيمنت ٿي تمون ڪن ڪاريگر رازا را زم وشواسي منڌري رڻي پُنيآءَ نوڪيئه، ان پيزو منڪ هوئه تمون وشواسيون ننه شيڪاڙه ريو، زم ڪوڪ نوڪل پُنيآءَ مانه گهر سئنه. جيا منڪ وشواسيون ننه شيڪاڙيا ٿي پڳوون رو گهر ناوئه، اُوئون موئين ٿي هر هيڪ رئه هوشيار ريوو جي اُو آپ ڪيوئه نموننه ڪوم ڪرئه. ⑪ ڪم تو وشواسي منڌري رڻي روگڻي هيڪ پُنيآءَ سئه، جئي پڳوون را پاها ٿي نوڪل سئه. پيڙي ڪوئي پُنيآءَ ٿي نٿي هيڪتي. ان اُو پُنيآءَ ايسو ڪريست سئه جيا مانه وشواس راڪوو ڪپئه. ⑫ زم پُنيآءَ مانه منڪ هيم، چونڌي ڪا قيمتي پٿرون ٿي پڪو گهر ناوي هيڪه، ڪا لاکڙيون، پونٺ ڪا ڪونه ٿي ڪچو گهر ناوي هيڪه، تم ايسو ڪريست مانه وشواس راڪين ڪوڪ منڪ ناوڪه نموننه وشواس را پارام شيڪاڙه، ان ڪوڪ ناوڪه نموننه نٿي شيڪاڙتا. ⑬ پڻ هر هيڪ منڪ رو

ڪوم ساوو ٿيشي جي اُوڻه ڪيوو ڪوم ڪريوه، ڪم تو نيا رڻه ڏي زوڻه
 ٻاهي لاڳشي جيا ٿي هر منڪ رو ڪوم ساوو ٿيشي. زم ٻاهي ۾ پڪا گهر
 ڀڄي زائھ، ان ڪچا گهر ٻڙي زائھ، تم نيا رڻه ڏي وات ساوڻي ٿيشي جي
 هر هيڪ منڪ ڪيوو ڪوم ڪريوه. (14) جي ڪيڻهه ايسو مانھ وشواس راڪين
 ايوو ڪوم ڪريو هوڻه، جيو نيا رڻه ڏي صحيح ڙيشي، تو اُوڻا منڪ نڻه
 انصاڀ ڙڙشي. (15) پڻ جي ڪيڻهه ايسو مانھ وشواس راڪين ايوو ڪوم ڪريو
 هوڻه، جيو نيا رڻه ڏي ڀڳوون ري نظر ۾ صحيح نئين هوڻه، تو اُوڻا منڪ نڻه
 انصاڀ نئين ڙڙنه. توڻي پڻ او آپ ڀڳوون ري سزا ٿي ڀڄي زاشي، زم ٻاهي
 ۾ ڪياڪ رو ٻڌوڻي ڪئين ٻڙي زائھ، پڻ او آپ ٻاهي موڻين ٿي نالي هاڻي
 ڀڄي زائھ.

(16) تمون نڻه اي ڪهر نٿي ڪي؟ تمارڻي وشواسي منڌڙي ڀڳوون رو گهر سڻه
 ان ڀڳوون رو منڌر سڻه، ان ڀڳوون رو پوٽر آتما تمون موڻين رڻه. (17) جي ڪوڪ
 منڪ وشواسي منڌڙي نڻه ڪتم ڪرڻه، جيئي ڀڳوون رو منڌر سڻه، تو ڀڳوون اُوڻا
 منڪ نڻه هميش رو موت ڏين ڪتم ڪرشي. ڪم تو ڀڳوون رو منڌر پوٽر سڻه،
 ان او منڌر تمي سو.

(18) ڪوڻي منڪ آپري ڪوڙي ٺاول وات مانھ آپ ڀولائي نه زائھ! تمون موڻين
 ٿي جي ڪوڻي آپ نڻه ايڻا ڏنيا ري سوچ ڀرموڻه عقل وازو هڙمڻه، تو اُوڻا رڻه
 ڀڳوون ري واتون مونيا ٿي هاس ۾ عقل وازو ٿيوو ڪپڻه، پلڻه ڀڳوون ري واتون
 مونيا ري ڪري ڏنيا را منڪ اُوڻا نڻه پي عقل هڙمڻه. (19) ڪم تو جيا وات نڻه
 ڏنيا را منڪ عقل هڙمڻه، ڀڳوون ري نظر ۾ او عقل ووڻي وات سڻه. ڪم تو
 شاستر ۾ لڪل سڻه:

”جيا منڪ آپرا آپ نڻه عقل وازا هڙمڻه،
 ڀڳوون اُوڻون نڻه اُوڻون ري آپري چالڪي ۾ ڦٽراوڻه،
 زم شڪاري پڪيون نڻه گهٽ ۾ ڦٽراوڻه.“

②۰ ان شاستر ۾ اي پڻ لڪل سٺه:

”جيا منڪ آڀرا آپ ننه عقل واڙا هڙمڻه،

ايشور اوئون را ڪيال زوئڻه،

جي اوئون را ڪيال ٻڌائي نالا سٺه.“

②۱ تيام تمي آپ ننه ڪياڪ منڪ ري پالتي رو ڪين منڪون ري ڪري وڌائي

مت ڪرو! وشواسيون ۾ اي پالتي رڻي وات ماڳي نه هوو ڪپڻه، ڪم تو تمي

هڪ سو ان ٻڌوئي ڪئين تمون ٻڌون رو سٺه. ②۲ پلڻه هون پوئوس هوئون، اپلوس

هوئ، ڪا پطرس هوئ، امي ڌار ڌار پالتي را نتي پڻ هڪ سون، ان تمون ٻڌون را

سون. پلڻه ڏنيا هوئ، حياتي ڪا موت هوئ، همٿوڪي واتون ڪا آيا وازي واتون

هوئ، ٻڌوئي ڪئين تمون ٻڌون رو سٺه، ②۳ ڪم تو تمي ٻڌائي ايسو ڪريست را

سو، ان ايسو ڪريست پڳوون رو سٺه.

منڪ شيلا ايسو ڪريست را شيواڌاري سٺه

تيام اوئون تي اوپروت نه ٿيوو

① تيام تماره ام هڙموو ڪپڻه جي امي شيڪاڙيا واڙا روڳا ايسو ڪريست

4 را شيواڌاري سون، جيون رهه حواله پڳوون اي ڪوم ڪريوه، جي امي

اوئا ري اونڌي واتون همپزاوون. ② هوئ شيواڌاريون مانه ٻڌون تي موتو

قرض اي سٺه جي او آڀرا ڌڻي رڻي شيوا ڪريا ۾ ايمونڌار رهه. ③ مون هارو

موتني وات نتي جي تمي مارا پارام ڪي سوچوه، ڪا ڪياڪ ڪورن ۾ منڪ

مارو ڪيوو ڦينصلو ڪرڻه. هون تو آڀرا پارام پڻ ڦينصلو نتي ڪرتو جي هون

ڪيوو سون. ④ ڪم تو مارو من صاف سٺه، توئي پڻ اينا تي ڪئين ٿايتي

نتي ٿيئي جي هون هاس ۾ پيڏوهي سون. پڻ مارو ڦينصلو ڪريا وازو مارو

ڌڻي سٺه، پريو ايسو. ⑤ تيام تمي نيا را توئا تي مور منڪون رو ڦينصلو

مت ڪرو، جي ڦلوئو منڪ نائوڪو سٺه، ان ڦلوئو منڪ نائوڪو نتي. پڻ

زئيون نيا رنه ڏي پريو ايسو اوشي، او آپ منڪون رو قينصلو ڪرشي. او هتال واتون سوجها ٿي ساوي ڪرشي، ان منڪون رون منزن را ڪيال پڻ ساوا ڪرشي. ان تئيون پڳوون آپ هر هيڪ منڪ را اوئا را آپرا ڪوم پرموئنه وڪوڻ ڪرشي.

⑥ پايون ان پينون، مئين هائي واتون مارو ان ايلوس رو مثال ڏين تمون ننه هزماويه، زم تمي امارا مثال ٿي ايئا ڪيٽي مانه وويو رو شيڪو جي ”زم شاستر ۾ لڪل سئه، اوئا پرموئنه وو.“ تمي مگهور ٿين ڌار ڌار پالتي ناوين هيڪا منڪ رو مون مت وڌاوو ان پيزا رو مون گهت مت ڪرو. ⑦ تمون ۾ ان پيزون منڪون ۾ ڪي قرق سئه جيا ري ڪري تمي مگهور ٿيو؟ جئين ڪئين تمون ننه زڙيوه، او پڳوون رو ڏيڏل نٿي، ڪي؟ زئيون تمارو ٻڌوئي ڪئين پڳوون ٿي زڙيوه، تو تمي آپ ننه موتا هزمين ڪم وڌائي ڪروه؟

⑧ واه ڙي واه، ڪرتيون، واه! تمي ٻڌون ٿي مور آڪاش ۾ پوڳي گياھ، ڪي؟ تمي اڳي موج ۾ پيناھ، ڪي؟ تمون ننه اڳي آڪاشي ملڳت زڙيوه، ڪي؟ امون مڪ شيلون ننه ايتنه ڏنيا ۾ ساڌين، تمي آپ پاڌشا ٿين آڪاش ۾ راز ڪروھ ريا، ڪي؟ ڪيوئي نائوڪئي وات ٿت جي تمي هاس ۾ آڪاش موئين پاڌشا هوٽ، تو پسئه امي پڻ تمون پيزا پاڌشا ٿي هيڪت. ⑨ ڪم تو مون ننه ام لاڳئھ جي پڳوون امون مڪ شيلون ننه تماشو ناوين پوري ڏنيا هوما، آڪاشي ڏوتون ان منڪون رنه روپرو، ساوا ڏيڪاڙياھ، زوئنه امي جيت ڪريا وازون را جلوس ۾ موت رئي سزا ڪاڏا وازا قيڏي ٿين ٻڌون وونهڙ وينا هوئون. ⑩ امي ايسو ڪريست ري ڪري منڪون ري نظر ۾ پي عقل سون. پڻ تمي تو ايسو ڪريست ٿي واسطو راڪيا ري ڪري آپ ننه ڪيو عقل وازا هزموه! امي تو ڪمزور سون، پڻ تمي آپ ننه طاقت وازا هزموه! امارو ڪئين مون نٿي، پڻ تمي آپ ننه گهڻا مون وازا هزموه! ⑪ امي تو آز هوڏي پوڪي مرونه ريا ان ترهي مرونه ريا، امون ننه لوگهڙا نٿي زڙتا، منڪ امون ننه مارئھ، امي ايل اول وينا

ريونه، ⑫ ان امي آپرون هاڻون ٿي مينت ڪرين آپري روزي ڪمائونھ. منڪ امارئہ ڪلاڦ پوندو ٻولئھ، تو امي اوئون مانھ آشيرواڏ مونڱونھ. منڪ امون نئھ تنڱ ڪرئھ، تو امي صير ٿي سھونھ. ⑬ منڪ امارئي ڳلا ڪرئھ، تو امي پريم ٿي ٻولونھ. امي آر ھوڏي منڪون ري نظر ۾ ڏنيا را اوڪا را زم سون، پوري ڏنيا ۾ ٻڌون ٿي گھت سون.

⑭ ھون اي واتون تمون نئھ لذي ماريا ھارو نٿي لکتو، پڻ ھون تو تمون نئھ آڀرا پريمي ٻاڙ ھزمين تمون نئھ ھزماونھ. ⑮ ڪم تو پلئھ ھزاري منڪ ھوئھ جيا تمارئي ايسو ڪريست ٿي واسطو راڪيا ۾ ھمپاڙ ڪرئھ، توئي پڻ روڳو ھيڪ ھون سون، جيو تمارا ٻاپ را زم سون. ڪم تو مئين تمون نئھ ايسو را پارام ڪشي رئي ڪبر ھمپاڙيا ٿي تمون نئھ نوئي حياتي ڏيورائي زم تمي ايسو ڪريست ٿي واسطو راڪو، ان ھيوئھ نمونئھ ھون تمارا ٻاپ را زم ٿيوھ. ⑯ تيام ھون تمون نئھ مينت ڪرونھ، جي تمي مارا ڏيڪاڙل نمونا ڀرمونئھ وو. ⑰ ھايا ھارو مئين ٽيمٽيس نئھ تمون ڪن ميليھو. او ماري واتون ھومپزين پريو ايسو مانھ وشواس اوٿيا ٿي مارا پريمي ڏيڪرا را زم سئھ، ان پريو ايسو ري شيوا ۾ ايموندار سئھ. او تمون نئھ مارو ووڍا رو نمونو ياڏ ڏيوروشي، جيا مانھ ھون ايسو ڪريست ٿي واسطو راڪين وونھ ريو، ان جيا را پارام ھون ٻڌيل ھر وشواسي منڌري ۾ شيڪاڙونھ.

⑱ تمون موئين ٿي ڪئينڪ منڪ مگھرو ر ٿياھ، ڪم تو اوئي سوچيو جي ھون تمون ڪن نئين آون. ⑲ پڻ جي پريو رئي مرضي ٿي، تو ھون جلدي ۾ تمون ڪن آويھ. ان تمون موئين جيا مگھرو ر سئھ، اوئون ريون واتون رئي نئين پڻ اوئون ري ڪڙا رئي ڪبر پاڙيھ. ⑳ ڪم تو پڳوون رو راز نالي واتون ڪريا مانھ نٿي پڻ پڳوون ري ڪڙا مانھ سئھ. ㉑ تمارئي ڪيوئي مرضي سئھ؟ ھون تمون ڪن آوين سڪتي ٿي ھزماون؟ ڪا پريم ان نرمي ٿي ھزماون؟

جيو پُونڌو ڪوم ڪرڻه اُونئا ننه وِشواسِي مندڙي ٿي ٻارو ڪايوو پرو

5 ① مئين تو اي حيروني رئي وات هومپڙيه، جي تمون موئين پُونڌو ڪوم تئھ ريو. ان هائي ايوو پُونڌو ڪوم سئھ، جيو اُونئون ڌاري قُوم واڙون موئين پڻ نٿي ٿيتو، جيا پڳوون ننه نٿي مونتا. تماري وِشواسِي مندڙي موئين ڪوڪ منڪ ايوو سئھ جيئھ آڀرا ٻاپ ري ڏوشي ننه آڀرئي ڏوشي ناوئھ. ② ان توئي پڻ تمي مگھرو سئھ، ان هايا وات مانھ تمون ننه ڪئين ڏڪ نٿي ٿيتو. تمارئھ ايوا ڏڪي ٿيوو تو، جي تمارئھ هيوا ڪراپ ڪوم ڪريا واڙا ننه آڀري مندڙي ٿي ٻارو ڪايوو تو. ③ هُون تمون ڪن تو نٿي، توئي پڻ مارو جيو تمون ڪن سئھ. تيام، زوئھ هُون تمون پيرو سون، مئين اڳي هيوو ڪوم ڪريا واڙا رو ڦينصلو ڪريوه. ④ مارو ڦينصلو اي سئھ. تمي ٻڌائي وِشواسِي مندڙي ۾ پيڙا ٿيو. مارو جيو تمون ڪن سئھ ان هُون تمارو سات ڏيه، ان آڀو پريو ايسو آڀري ڪڙا ٿي تمون ننه هيمنت ڏيشي. ان پسئھ تمي آڀنا پريو ايسو رئي ڏيڌل اڪتيارئي واپراوتون ⑤ هيوا منڪ ننه وِشواسِي مندڙي ٿي ٻارو ڪايون شيطون را قوضام ساڌو پرو، زم ڏڪ ڏوروڻ اُونئا مانھ پڙئھ. مون او آڀرا ڪراپ ڪيال ان ڪوم ساڌين توبونھ ڪرئھ، ان پسئھ پريو ايسو رئھ وڙي آيا رئھ ڏي پڳوون ري سزا ٿي پچي زائھ.

⑥ اي نائوڪئي وات نٿي جي تمي ايوي حالت ۾ وڌائي ڪروھ. تمون ننه ايئا ڪيٽي رئي ڪهر نٿي ڪي؟ ”ٿوڙڪاڪ کاتا آتا ري ڪري، ٻڌو مونھڙل آتو ٿي زائھ کاتو.“ ⑦ زم پاشڪا پرپ مانھ يهودي ڌرم واڙا ٻڌوئي مونھڙل کاتو آتو گھر ٿي ٻارو ڪايون ڦڳوڙئھ پرو، زم اُونئون رو گھر پرپ ري ريت ڀرموئھ پويتر ٿئھ، ان پسئھ تازي شيڪل روتي ڪائھ، هيوئھ نمونئھ تمي وِشواسِي مندڙي موئين ٿي هر هيڪ پُونڌا منڪ ننه ٻارو ڪايو پرو، زم وِشواسِي مندڙي پويتر

تڻه، ان پسنه تمي اڳلوكي حياتي رڻي ٻڌڻي پونڌائي ساڌين نوا منڪ تين وو،
 ڪم تو تمي هونءِ ڏوهون ٿي آزاڌ تين نوا منڪ سو. ڪم تو ايسو ڪريست
 پاشڪا پرڀ را ساڙل گهيٽا را زم، پڳوون را نوم مانه آپرو جيو ڏيڏوه، زم
 آپون ننه ڏوهون را قوضا ٿي پچاونه. ⑧ تيام، زم يهودي ڌرم واڙا پاشڪا
 پرڀ منايا ري ڪري مونهل ڪاتو اتو ساڌين تازي شيڪل روتي ڪانه، هيونءِ
 نمونءِ آبي ايسو رنه جيو ڏيڏا ري ڪري ڏشمئي ان پونڌائي ساڌين صاف من
 ٿي هاسيون واتون مانه وون.

⑨ مئين آپرا ڪت ۾ تمون ننه لکيو تو جي پونڌو ڪوم ڪريا وازون ٿي
 واسطو مت راڪو. ⑩ مارو مطلب اي نتو، جي تمارنه ايٺا دنيا رون ٻڌون
 منڪون ٿي واسطو هاو ڪتد ڪروو جيا وشواسي نٿي ان پونڌو ڪوم ڪرڻه،
 ڪا لالچ راڪنه ان نڳي ڪرڻه، ڪا مورتيون ان ڏيوٽونون ننه پوزڻه. هيون
 منڪون ٿي واسطو تو راڪوو پڙشي، نڪا تمارنه ايٺا دنيا ٿي نيهروو پڙت.
 ⑪ پڻ مارو تمون ننه لکيا رو مطلب اي هتو. جيو منڪ آپ ننه وشواسي
 ڪڻه، پڻ پونڌو ڪوم ڪرڻه، ڪا لالچ راڪنه، ڪا مورتيون ان ڏيوٽونون ننه
 پوزڻه، ڪا پونڌو بولڻه، ڪا شراپي سڻه، ڪا نڳي ڪرڻه، هيو منڪ ننه
 وشواسي پاڻي مت هڙمو ان اوتائ ٿي واسطو مت راڪو. هيو منڪ پيڙا نڪو ڪائو
 نڪو پيڻو.

⑫ جيا منڪ وشواسي منڌڙي ٿي ٻارا سڻه، اوتون رو قينصلو ڪروو مارو
 ڪوم نٿي. پڻ جيا منڪ وشواسي منڌڙي موئين سڻه، اوتون رو قينصلو ڪروو،
 تو تمارو ڪوم سڻه. پسنه تمي ڪم نٿي ڪرتا؟ ⑬ جيا وشواسي منڌڙي ٿي ٻارا
 سڻه، اوتون رو قينصلو پڳوون ڪڙشي. پڻ تمي آپرو ڪوم ڪرو، ان زم شاستر
 ۾ لکل سڻه:

”تمي آپري منڌڙي موئين ٿي پونڌا منڪ ننه ٻارو ڪاڍو پرو.“

وشواسيون رڻه آيت ۾ جي ڪوئي وات هونءِ تو پيڙيل نئين پڻ وشواسي منڌري ۾ ڦينصلو ڪروو ڪپءِ

6 ① زئيون تمون موئين ٿي پيئون وشواسيون رڻه آيت ۾ ڪئينڪ وات ٿهه، تئين تمي ڪم پڳوون رون سُونڍل منڪون ڪن نئين، پڻ پيڙون ڪن ڦينصلو ڪراوهه؟ هائي تو پييعزتي رڻي وات سهه. ② تمون نهه اي ڪهر نٿي ڪي؟ نيا رڻه ڏي آبي پڳوون را سُونڍل منڪ ڏنيا رون منڪون رو ڦينصلو ڪرشون. زئيون تمي پوري ڏنيا را ڦينصلا ڪرشو، تو پسهه تمي ايوا نٿي ڪي، جي آيت ۾ هيويون نونيون نونيون واتون رو ڦينصلو ڪري هيڪو؟ ③ تمون نهه اي ڪهر نٿي ڪي، جي آبي آڪاشي ڏوتون رو پڻ ڦينصلو ڪرشون؟ تو پسهه ڏنيا ريون واتون را ڦينصلا ڪم نئين ڪري هيڪون؟ ④ تيام، جي تمون موئين هيوي ڏنيا ري واتون سهه جيون رو ڦينصلو ڪراوو ڪپهه، تو تمي ايون منڪون ڪن ڪم ڦينصلو ڪراوهه، جيا وشواسي نٿي؟ ⑤ تمارهه هايا وات مانهه للزي مروو ڪپهه. تمون موئين ٿي ڪوئي ايوو عقل وازو منڪ نٿي ڪي، جيو وشواسي پايون رو آيت ۾ ڦينصلو ڪري هيڪهه؟ هيوو منڪ تو ضرور هوشي. ⑥ توئي پڻ تمون موئين وشواسي آپرون وشواسي پايون مانهه ڪيس ڪرئه، ان اوئون منڪون ڪن ڦينصلو ڪراوهه، جيا وشواسي ئي نٿي!

⑦ تمارهه هيڪا پيڙا مانهه ڪيس ڪريا ٿي ڪهر پڙهه جي تمي وشواس ريون واتون مانهه ماڳي نٿي ویتا. ڪيس ڪريا ٿي ام نائوڪو نٿي ڪي، جي تمي آپرو نقصون سهو؟ ڪيس ڪريا ٿي ام نائوڪو نٿي ڪي، جي تمي آپرو حق ساڏو؟ ⑧ پڻ تمي تو هيڪا پيڙا مانهه ڪيس ڪرين هيڪا پيڙا رو نقصون ڪروهه ريا، ان هيڪا پيڙا رو حق ڪوهوهه ريا. ان او تمارا آپرا وشواسي پائي سهه، جيون ٿي تمي ايوهه نمونتهه وهه ريا.

⑨ تمون نهه اي ڪهر نٿي ڪي؟ جيا منڪ پڳوون رڻه ڪلاڦ وهه، اوئون نهه

واڻيڏو ڪرل تارڻ نئين زڙڻه ان او پڳوون را راز موئين نئين زائي هيڪڻه. تمڀي پولاڻو مت! جيا منڪ پونڏو ڪوم ڪرڻه، ڪا مورتيون ان ڏيوئونون ننه پوزڻه، ڪا پرائي ڏوشي ٿي پونڏو ڪوم ڪرڻه، ڪا آدميون ٿي پونڏو ڪوم ڪراوڻه، ڪا آدميون ٿي پونڏو ڪوم ڪرڻه، ⑩ ڪا سورڻي ڪرڻه، ڪا لالچ راکڻه، ڪا شراپي سڻه، ڪا پونڏو ٻولڻه، ڪا ڻڳڻي ڪرڻه، هيو منڪ پڳوون را آڪاشي راز موئين نئين زائڻه. ⑪ اڳي تمون موئين ٿي پڻ ڪئينڪ منڪ هيو هتا. پڻ هونڻه تمڀي پويتر سنون ليڏوه ان ڏوهون ٿي صاف ٿيا. هونڻه تمڀي پڳوون را سونڀل منڪ ٿين پڳوون ري شيوا هارو پويتر ٿيا. هونڻه پريو ايسو ڪريست مانه وشواس راکيا ٿي ان اپنا پڳوون را ڏيڏل پويتر آتما ري ڪڙا ٿي پڳوون تمون ننه ماڻهي ڏين ڏوهون ري سزا ٿي آزاده ڪريا.

پڳوون را سونڀل منڪ ٿين پونڏو ڪوم نه ڪرو

⑫ تمون موئين ڪوڪ ام ڪڻه: ”هون ڏوهون ٿي آزاده ٿيو، تيام هونڻه مون ننه ٻڌوي ڪئين ڪريا رڻي موڪل سڻه.“ پڻ هاسڻي وات اي سڻه، تمون هارو ٻڌي واتون قائيڏا وازي نٿي. منڪ پلڻه ام ڪڻه: ”هون ڏوهون ٿي آزاده ٿيو، تيام هونڻه مون ننه ٻڌوي ڪئين ڪريا رڻي موڪل سڻه.“ پڻ هاسڻي وات اي سڻه، جي هون آزاده سون، تو هون آپ ننه ڪياڪ ڏوه را قوضام نئين قتر اوون. ⑬ تمون موئين ٿي ڪوڪ ام ڪڻه: ”ڪاڏو پيٽ هارو سڻه، ان پيٽ ڪاڏا هارو سڻه. تيام منڪ ننه زم وڻڻه، تم ڪرڻه. ان پڳوون ڪاڏا ان پيٽ ننه پيئون ننه ڪتم ڪرشي. تيام پلڻه آپرون ڪراب ڪيالون مانه وون، تو ڪئين قرق نئين پڙڻه.“ پڻ هاسڻي وات اي سڻه، اپنو ڏيل پونڏو ڪوم ڪريا هارو نٿي پڻ پريو ايسو رڻي شيوا ڪريا هارو سڻه، ان پريو ايسو آپون ننه ڏيل هٿيلا پچايا هارو اپنو ڪيال ڪرڻه. ⑭ پڳوون پريو ايسو ننه موت ٿي جيوي اونازيو، ان آپون ننه پڻ آپري ڪڙا ٿي جيوي اونازشي.

⑮ ٽمون ننه اي ڪبر نٿي ڪي؟ تمارو ڏيل ايسو ڪريست را ڏيل رون اوزپون را زم سئه. تو پسته آبي ڪم ڪرين پوندو ڪوم ڪري هيڪونه؟ آبي آپو ڏيل، جيو ايسو ڪريست رون اوزپون را زم سئه، ايسو ٿي ڌار ڪرون، ان ڪياڪ پونڌي ڏوشي پيڙو ڪرون، ڪي؟ نا نا، ماڳي نئين! ⑯ ٽمون ننه اي ڪبر نٿي ڪي؟ جيو منڪ پونڌي ڏوشي پيڙو اونگهائو، او پونڌي ڏوشي پيڙو هيڪ ڏيل ٿي زائو. ڪم تو آدمي ان ڏوشي را پارام شاستر ۾ لڪل سئه:

”بي ئي هيڪ ٿيشي.“

⑰ پڻ جيو پريو ايسو ٿي واسطو راکنه، او ايسو پيڙو هيڪ من ٿه.

⑱ ٽمي پونڌا ڪوم ٿي شيتي پاڳو! ٽمون موئين ٿي ڪوڪ ام ڪه: ”جيو پڻ ڏوه منڪ ڪرئ، اوئا ٿي ڏيل ۾ ڪئين اثر نئين ٿه.“ پڻ هاسي وات اي سئه، جيو منڪ پونڌو ڪوم ڪرئ، او آپ آپرا ڏيل رو ڏوه ڪرئ. ⑲ ٽمون ننه اي ڪبر نٿي، ڪي؟ تمارو ڏيل پويتر آتما رو منڌر سئه، جيو پويتر آتما ٽمون موئين رئه، ان پڳوون را پاها ٿي ٽمون ننه زڙيوه. ان ٽمي آپري مرضي را مالڪ نٿي، ⑳ ڪم تو ايسو آپرو جيو ڏيڏا ٿي ٽمون ننه پڳوون را منڪ نايه، ان هوه تماره پڳوون ري مرضي مانه ويو. تيام ٽمي آپرو ڏيل آپرا قوضام را ڪين ايوه نمونه وو، زم پڳوون را وڪوڻ ٿه.

پرٿيا را پارام

7 ① هوه، جيون واتون را پارام ٽمي ڪت ۾ پونسيوه، هايون را پارام هون ٽمون ننه هڙماوونه. تماري وات هاسي سئه جي ”ڪونارو ريوو نائوڪو سئه.“ ② توئي پڻ نائوڪي وات سئه جي هر آدمي رئي ڏوشي هوه، ان هر ڏوشي رو آدمي هوه، ڪم تو پونڌو ڪوم گهڻو ٿه ريو ان هيوه نمونه ٽمي پونڌا ڪوم ٿي پچي هيڪوه. ③ آدمي ان ڏوشي بيئون موٽهون ننه پيڙا اونگهايا رو حق سئه. آدمي رئه آپري ڏوشي رو حق پورو ڪروو ڪپنه، ان هيوه

نمونہ ڏوشي رٿه آڀرا آدمي رو حق پورو ڪروو ڪپڻه. ④ ڪم تو ڏوشي رو حق نٿي جي او روڳڻي آڀري مرضي مانه وٺه، نڪو آدمي رو حق سٺه جي او روڳو آڀري مرضي مانه وٺه. پڻ ڏوشي مانه اوٺا را آدمي رو حق سٺه، ان آدمي مانه اوٺا ري ڏوشي رو حق سٺه. ⑤ ٽمي هيڪا پيزا رو حق ڪوهي مت ليو. جي ٽمي ٻي موٽهه آڀري مرضي پرموٽه، توڙاڪ وڪت هُوڏي، پراٽنا ڪريا ري ڪري پيزا نٿي اونگهاتا، تو نيڪ. پڻ پسنه تيا ڪيٽ وڙي پيزا اونگهائو، متون شيطون تمارو آزمو لڻن تمون ننه ڏوهه م پاڙه، ان ٽمي آپ مانه قوضو نه راڪيا ري ڪري پوندو ڪوم ڪرو.

⑥ هون تمون ننه هم ڪين پرٿيا رو حڪم نئين، پڻ پرٿيا رٿي موڪل ڏيونه. ⑦ مارا هزميام ڪيوو نائوڪو هوٺ، جي ٻڌائي منڪ مارا زم ڪونٿارا رٿت. پڻ هر هيڪ ننه آڀري آڀري پڳوون رٿي ڏيڏل هيمنت سٺه، ڪياڪ ننه ڪونٿارو ريا رٿي هيمنت ڏيڏل سٺه، ان ڪياڪ ننه پرٿل ريا رٿي هيمنت ڏيڏل سٺه. ⑧ هون هون تمون ننه ام ڪونه: تمون هارو اي نائوڪو سٺه جي ٽمي جيا ڪونٿارا سو، ٽمي مارا زم پرٿيا وڳر ريو، ان ٽمي جيون ري ڏوشي ڳڏاري ڳڻه، ٽمي گهرگهڻو ڪريا وڳر ريو، ان ٽمي ڏوشي جي رنڌال سو، ٽمي پيزو گهر ڪريا وڳر ريو. ⑨ پڻ جي ٽمي آپ ننه قابو م نٿي راڪي هيڪتا، تو پلنه پرٿو، ڪم تو پرٿو پرٿيا هارو هڪيا ٿي نائوڪو سٺه.

⑩ ٽمي جيا پرٿل سو، تمون ننه هون حڪم ڏيونه. اي حڪم مارا طرف ٿي نٿي پڻ پريو ايسو رو ڪيڏل سٺه. ڏوشي آڀرا آدمي ننه نه ساڏه. ⑪ پڻ جي او آڀرا آدمي ننه ساڏه، تو او پيزو گهر نه ڪرڻه ان آدمي ووٽي رٿه، ڪا آڀرا آدمي ٿي منائي زانه. ان آدمي رٿه آڀري ڏوشي ننه نه ساڏوو.

⑫ هون ٽمي پيزا منڪ، جيا رو اڏي ڪا ڏوشي وشواسي نٿي، تمون ننه هون ام ڪونه. اي پريو ايسو رٿي ڪيڏل وات نٿي، پڻ هون آپ ڪونه ريو. جي ڪياڪ وشواسي پائي رٿي ڏوشي وشواسي نه هون، ان او ڏوشي اوٺا پيزي

ريا ۾ کُش هونءَ، تو اُو اُوئا ڏوشي نءَ نه ساڏنءَ. ⑬ ان جي ڪياڪ وِشواسِي ڏوشي رو آڏمي وِشواسِي نه هونءَ، ان اُو آڏمي اُوئا پيڙو ريا ۾ کُش هونءَ، تو اُو اُوئا آڏمي نءَ نه ساڏنءَ. ⑭ ڪم تو جيو آڏمي وِشواسِي نئي، اُو آپري وِشواسِي ڏوشي ري ڪري زونءَ پويتر ٿيوه. ان جئي ڏوشي وِشواسِي نئي، اُو آپرا وِشواسِي آڏمي ري ڪري زونءَ پويتر ٿيوه. هم نه ٿنءَ، تو تمارا باز زونءَ اڀڙال ٿنءَ، پڻ تمارا باز تو پويتر سنءَ.

⑮ پڻ جي تمارو آڏمي ڪا ڏوشي وِشواسِي نئي، ان اُو آپري مرضي ٿي ڌار ٿيو ڪرءَ، تو پلءَ ڌار ٿنءَ. تمي اُوئا نءَ ڌار ٿيو ا ڏيو. هيوي حالت ۾ وِشواسِي پاڻي ڪا پڻ ڌار نه ٿيا را حڪم ٿي آزاد سنءَ. ڪم تو زوري پيڙا ريا ٿي روڳو جهيڙو جهيڙو ٿيشي، ان پڳوون تمارو آپ ٿي تيام واسطو رکايوه، زم تمي ٻڌون ٿي هپ ۾ ريو. ⑯ زايا وازا نءَ زوري روڪيا رو ڪي ڦائيدو؟ ام مت سوچو جي اُو ماري ڪري وِشواسِي ٿيشي. ڏوشيون، تمون نءَ ڪيوئي پڪ سنءَ جي تمي پيڙي ريا ٿي آپرا آڏمي نءَ پڳوون ري سزا ٿي پڇاوي هيڪشو؟ آڏميون، تمون نءَ ڪيوئي پڪ سنءَ جي تمي پيڙا ريا ٿي آپري ڏوشي نءَ پڳوون ري سزا ٿي پڇاوي هيڪشو؟

وِشواسِي ٿين اُوئا حياتِي را نمونا مانه ويتا ريوو جيو پڳوون تمون نءَ ٿيندوه

⑰ وات اي سنءَ. پريو ايسوهر هيڪ نءَ آپري آپري حياتِي مانه وُڍا رو نمونو ڏيدوه، ان پڳوون هر هيڪ رو آپ ٿي واسطو رکايوه زم اُو آپري آپري حياتِي را ڏيڏل نمونا مانه وٺ. تيام تمي آپري حياتِي را ڏيڏل هيا نمونا مانه ويتا ريو. هون همروم هائي هاڳي نمونو ٻڌيون وِشواسِي منڌڙيون ۾ شيڪاڙونھ. ⑱ يهودي قوم رو منڪ، جيا رئي وِشواسِي ٿيا مور توهر ٿيل هئي، اُو وِشواسِي ٿين آپري ٿيل توهر رئي وات هتاريا هارو ڪئين نه ڪرءَ. ان ڌاري قوم رو

منڪ، جيا رڻي وشواسي ٿيا مور تهر ٿيل نٿي، اُو وشواسي ٿين آپرئي تهر نه ڪراوئو. (19) تمارئي تهر ٿيل هوئو، ڪا نه هوئو، تو ڪئين وات نٿي. پڻ موٽي وات اي سئو جي ٽمي پڳوون رون حڪمون مانھ وو. (20) هر هيڪ رٿو پڳوون را ڏيڏل اُوئا حياتي را نمونا مانھ ويوو، جيا نمونا ۾ پڳوون تمارو آپ ٿي واسطو رکايوه. (21) جي وشواسي ٿيا رٿو ٿوئو ٽمي ڳلوم هتا، تو ڪئين وات نٿي، ٽمي هايا را پارام ڦڪر مت ڪرو. پڻ جي تمون نئو صحيح طريقي ٿي آزادي ٿيا رو موقعو زڙو، تو ڳلومي ساڏين ٽمي آزادي ٿيو. (22) ڪم تو جيو ڪياڪ منڪ رو ڳلوم هوتون وشواسي ٿيو، اُو پريو ايسو ٿي واسطو راڪيا ري ڪري ڏوهون ٿي آزادي ٿين پريو ايسو رو آزادي ڪرل منڪ سئو. هرورم جيو ڳلومي ٿي آزادي هوتون وشواسي ٿيو، اُو ايسو ڪريست رو شيواداري ٿين ڳلوم را زم سئو. (23) ايسو آپرو جيو ڏين تمون نئو زوئو ڏوهون ري ڳلومي ٿي ويساتا ليڏاھ را. هوئو ٽمي ايسو را منڪ سو، تيار ٽمي منڪون رون ڪراپ ڪيالون مانھ وين آپ نئو منڪون را ڳلوم مت ٿاوو. (24) پايون ان پينون، جيا حياتي را نمونا ۾ ٽمي هتا، زئون پڳوون تمارو آپ ٿي واسطو رکايو، اُوئا حياتي را نمونا ۾ پڳوون ٿي واسطو راڪين ريو.

ڪونٽاريون سوڪريون را پارام ان رنڌال ڏوشيون را پارام

(25) ٽمي ڪت ۾ ڪونٽاري سوڪريون را پارام پونسيوھ. هايا را پارام پريو ايسو رو ڏيڏل مون ڪن ڪئين حڪم نٿي، پڻ پريو ايسو ري ڏيا ٿي هون ايمونٽار هوتون صلاح ڏيونھ. (26) مارا هزميام هموڪي مصيبت ري ڪري ٿاوڪي وات اي سئو جي منڪ امرور رٿو زم همئو سئو. (27) جي ٽمي پرتل سو، تو آپرئي ڏوشي ساڏوا مت ڪرو. جي پرتل نٿي، تو پرتيا رڻي ڪوشش مت ڪرو. (28) پڻ جي ٽمي پرتوھ، تو هايا ٿي ٽمي ڪئين ڏوه نٿي ڪرتا. ان جي ڪونٽاري سوڪري پرتوھ، تو هايا ٿي اُو ڪئين ڏوه نٿي ڪرتي. وات اي سئو،

پرٿلون نئه ايٺا حياتي ۾ تڪليليون تئھ، ان هون تمون نئه هايون تڪليليون ٿي پڇاوا ڪرونھ.

②9 پايون ان پينون، مارو ڪيڏا رو مطلب اي سئھ جي وڪت توڙو سئھ. تيام آڙ ٿي لين، جيا پرٿل سئھ، اوئون رئه پورئھ نمونئھ پڳوون رئي شيوا ڪروو، جيوئھ نمونئھ ان پرٿل منڪ پڳوون رئي پورئي شيوا ڪري هيڪئھ. ③0 جيا ڏڪي تين روئھ ريا، اوئون رئه پورئھ نمونئھ پڳوون رئي شيوا ڪروو، زوئئھ او ڏڪي نٿي. جيا ڪش تين هاهئھ ريا، اوئون رئه پورئھ نمونئھ پڳوون رئي شيوا ڪروو، زوئئھ او ڪشئي نٿي ڪرتا. جيا شينھون ويساتي لئھ، اوئون رئه پورئھ نمونئھ پڳوون رئي شيوا ڪروو، زوئئھ او شينھون اوئون ري آپري نٿي. ③1 ان جيا ايٺا دنيا ري شينھون واپراوئھ، اوئون رئه پورئھ نمونئھ پڳوون رئي شيوا ڪروو، ان هايون دنيا ريون شينھون مانھ پورو ڏيون نہ ڏيوو. ڪم تو اي همٿوڪئي دنيا ٻڌئي ڪتم ٿيا واڙئي سئھ.

③2 مارئي مرضئي اي سئھ، جي تمي گهٽيون ٿي آزاد ريو. جيو وشواسي پرٿل نٿي، او پريو ايسو ريون واتون را پارام ڪيال ڪرئھ، جي او ڪيوئھ نمونئھ پريو ايسو نئھ ڪش ڪري هيڪئھ. ③3 پڻ جيو وشواسي پرٿل سئھ، او دنيا ريون واتون را پارام ڪيال ڪرئھ، جي او ڪيوئھ نمونئھ آپري ڏوشي نئھ ڪش ڪري هيڪئھ. ③4 ان تيام او پريو ايسو نئھ ان آپري ڏوشي نئھ ڪش ڪريا هارو بيئي پاھي قاتل سئھ. همريئم جيئي وشواسي ڏوشي رنڌال سئھ ان جيئي ڪونٿارئي سوڪري سئھ، جيون را آدمي نٿي، او پريو ايسو ريون واتون را پارام ڪيال ڪرئھ، زم او پورئھ نمونئھ ان پورا من ٿي پريو ايسو رئي شيوا ڪري هيڪئھ. پڻ جيئي وشواسي ڏوشي پرٿل سئھ، او دنيا ريون واتون را پارام ڪيال ڪرئھ، جي او ڪيوئھ نمونئھ آپرا آدمي نئھ ڪش ڪري هيڪئھ.

③5 هائي واتون هون تمارا قائيڏا هارو ڪونھ ريو. مارو مطلب اي نٿي جي تمون نئه آزادي ٿي روڪون، پڻ هون هائي واتون ايٺا هارو ڪونھ ريو زم تمي

نائوڪئہ نمونئہ وو، ان پورا من ٿي گھڻيون وڳر پريو ايسو رئي شيوا ڪرو.
 ③6 جي ڪوڪ ام هزمئہ، جي ”اي نائوڪئي وات نٿي جي هون آڀري سوڪري
 نئہ ڪونٿارئي راڪون،“ ان جي سوڪري رئي پريٿا رئي عمر زائہ رئي، ان اي وات
 نيڪ لاڳئہ جي سوڪري نئہ پريٿا وو ڪيئہ، تو او آڀري مرضي پرموتئہ سوڪري
 نئہ پلئہ پريٿا وئہ. هم ڪريا ٿي او ڪئين ڏوہ نٿي ڪرتو. ③7 پڻ جيئہ منڪ من
 ۾ اي ڦينصلو ڪريوہ جي او آڀري سوڪري نئہ نئين پريٿا وئہ ان هميش ھارو
 ڪونٿارئي راڪشي، ان اوٿا نئہ آڀرا ڦينصلا را پارام پڪي ڪاتريي هوئہ جي
 سوڪري ھارو صحيح سئہ، ڪوئي ايويي مجپوريي نہ هوئہ جيا ري ڪري سوڪري
 نئہ پريٿا وو پڙئہ، ان اوٿا منڪ رو پورو حق هوئہ جي او آڀري مرضي پوريي
 ڪرئہ، تو او نائوڪو ڪرئہ جي آڀري سوڪري ڪونٿارئي راڪئہ. ③8 تيام، جيو
 آڀري سوڪري نئہ پريٿا وئہ، او نائوڪو ڪرئہ. ان جيو آڀري سوڪري نئہ نٿي
 پريٿا تو، او وڌيڪ نائوڪو ڪرئہ.

③9 ڏوشي، زيون هوڏي اوٿا رو آدمي حياتي سئہ، تئين هوڏي اوٿا رئہ
 روڳي آڀرا آدمي پيڙي ريوو. پڻ جي اوٿا رو آدمي مري زائہ، تو او آزاد سئہ ان
 او آڀري مرضي پرموتئہ پيزو گهر ڪري هيڪئہ. پڻ شرط اي سئہ جي اوٿا رو
 آدمي پريو ايسو مانہ وشواس راڪتو هوئہ. ④0 توئي پڻ مارا هزميام جي رنڌال
 ڏوشي پيزو گهر نہ ڪرئہ، تو وڌائہ ڪش ريشي. ان مون نئہ يقين سئہ جي مون
 نئہ پڻ پگيون رو ڏيڏل پويتر. آتما زڙيوہ جيا ري ڏيڏل هزم پرموتئہ هون هائي
 واتون ڪونہ ريو.

ڏيوٽونون را نوم مانہ ساڙل مال رو مونہ کاڌا را پارام

8 ① تمي ڪت ۾ اوٿا مونہ را پارام پونسيوہ، جيو ڏيوٽونون را نوم مانہ
 ساڙل سئہ. تمي ڪت ۾ لڪيوہ جي ايوو مونہ ڪاوو ڪئين وات نٿي، ڪم
 تو ”امون ٻڌون ڪن گيون سئہ ان امي پگيون ري واتون زوٿونہ.“ امون نئہ تو

ڪهر سٺه جي آپون ٻڌون وشواسيون ڪن ڳيون سٺه ان آبي ٻڌائي پڳيون ري واتون زوٽونه. پڻ وات اي سٺه، جيو منڪ آپ نٺه ڳيون واڙو هڙمٺه، او آپ نٺه موٽو هڙمين مگهرور ٿهه، پڻ جيو منڪ پيزون ٿي پريم ڪرٺه، او ايونٺه نمونٺه وٺه جيا ٿي پيزون رو وشواس پڪو ٿهه. ② جي ڪوئي هڙمٺه جي او ڳيون واڙو سٺه ان پڳيون ري واتون زوٽهه، تو او هزون هوڏي اتو نٿي زوٽو، زتو اوٺا رٺه زوٽو ڪپٺه. ③ پڻ جي ڪوئي پڳيون ٿي پريم راکٺه، تو پڳيون اوٺا ٿي واسطو راکٺه.



④ هوٺه هون او مونھ کاڌا را پارام هڙماونھ، جيو ڏيوٽونون را نوم مانھ ساڙل سٺه. تمي ڪت ۾ لڪيوھ جي ايوو مونھ ڪاوو ڪئين وات نٿي ڪم تو ”ڏيوٽونا، جيون ري مورتِي منڪ پوزٺه، او ماڳي سٺه ٿي نئين“ ان ”پڳيون هيڪ

سٺه، پيزو ڪوئي نٿي.“ امون نٺه تو ڪهر سٺه جي تماري هائي واتون هاسي سٺه جي ڏيوٽونا ڪوڙا سٺه ان پڳيون هيڪ سٺه. ⑤ ان آپون نٺه ڪهر سٺه جي پلٺه آڪاش ۾ ڪا ڌرتي مانھ ڏيوٽونا هوٺه، ان گهٽي ايوي شينھون تو سٺه جيون نٺه منڪ پڳيون ان پرپو ڪٺه، ⑥ توڻي پڻ آپون وشواسيون هارو روڳو هيڪٺه پڳيون سٺه، جيو پڳيون ٻاپ سٺه، جيٺه ٻڌوئي ڪئين پيڏا ڪريو، ان جيا ري شيوا هارو آبي وشواسي جيوٽا سون. ان آپون وشواسيون هارو روڳو هيڪٺه پرپو سٺه، جيو پرپو ايسو ڪريست سٺه، جيا را هيللا ٿي ٻڌوئي ڪئين نھيو، ان جيا ري ڪري آپون وشواسيون نٺه تارڻ زڙيوھ.

⑦ آپون نٺه تو ڪهر سٺه جي هائي ٻڌي واتون هاسي سٺه. پڻ ٻڌون نٺه هايون واتون رٺي ڪهر نٿي. ڪوڪ وشواسي ايوو سٺه جيا اڳي مورتِي پوزا ڪرتا، ان هزون هوڏي گهٽون سالون ٿي مورتِي پوزيا ري ڪري، زئيون او مونھ ڪاٺه جيو

ڏيوٽونون را نوم مانھ ساڙل سئھ، تئيون او ام ھزمئھ جي ھائي مونھ کاڌا ٿي او ڏيوٽونون نئھ مونئھ ريا. اوئون رو وشواس ريون واتون مانھ پڪو يقين نٿي ان او شڪ ڪرئھ جي ايوو مونھ کاوو ڏوھ سئھ، تيام او صاف من ٿي ڪائي نٿي ھيڪتا. ⑧ پڻ ھاس ۾ کاڌو کاڌا ٿي آڀو پڳوون ٿي واسطو راکيا ۾ ڪئين قرق نئين پڙئھ. تمي ڪوھ جي ”ڏيوٽونون را نوم مانھ ساڙل مونھ کاوو ٺيڪ سئھ.“ پڻ جي ايوو مونھ نہ ڪائون، تو آڀون نئھ پڳوون ٿي واسطو راکيا ۾ ڪئين نقصون نئين ٿئھ. ان جي ايوو مونھ ڪائون، تو آڀون نئھ پڳوون ٿي واسطو راکيا ۾ ڪئين قائيدو نئين ٿئھ.

⑨ تمي تو ھوشيار ريا. ام نہ ٿئھ جي تماري آزادي ري ڪري پيزا وشواسي ڏوھ ۾ پڙئھ، جيون رو وشواس ريون واتون مانھ پڪو يقين نٿي. ⑩ ڪم تو جي تمي آپ نئھ گيون وازا ھزمين ڏيوٽونا را مندر موئين ڏيوٽونا را نوم مانھ ساڙل مونھ کاتا ھوئو، ان ڪوئي ايوو وشواسي تمون نئھ ھم ڪرتون ڏيڪئھ، تو اوئا رو وشواس ڪم ڪرين پڪو ٿيڻي؟ او تمون نئھ زوئين تمارا زم ڏيوٽونا را نوم مانھ ساڙل مونھ تو ڪاشي، پڻ صاف من ٿي نئين ڪائھ. او تو اي شڪ ڪرشي جي اي مونھ کاڌا ٿي ھون ڏيوٽونا رئي پوزا ڪرونھ ريو، ان ھم او پڳوون رو ڏوھ ڪرشي. ⑪ ھيوئھ نمونئھ تماري ھايا وات ري ڪري جيا نئھ تمي گيون رئي وات ھزموھ، او جيو وشواس راکيا ۾ ڪمزور سئھ، جيو تمارو وشواسي پائي سئھ جيا نئھ پچايا ھارو ايسو ڪريست آڀرو جيو ڏيڏو، او وڙي ڏيوٽونون ري پوزا ۾ پڙشي، ان پڳوون رو ڏوھ ڪرين ھميش رئي سزا ڪاشي. ⑫ ھيوئھ نمونئھ، زئيون تمي آڀرون وشواسي پايون رو ڏوھ ڪروھ ان اوئون ٿي ايوو ڪوم ڪراوھ جيا نئھ او وشواس ري ڪمزوري ري ڪري ڪراپ ھزمئھ، تو تمي ايسو ڪريست رو ڏوھ ڪروھ ريا. ⑬ تيام جي مارئھ مونھ کاڌا ري ڪري مارو وشواسي پائي ڏوھ ۾ پڙئھ، تو ھون ڪيڏي پڻ مونھ نئين ڪائون، متون ھون مارا وشواسي پائي ٿي ڏوھ ڪراوون.

پولوس آڀرو نمونو ڏيکارڻه جي ٻيڙون را قائيڏا هارو آڀرو حق سانو


9 ① هون آڀرو حق ليڏا هارو آزاده نٿي، ڪي؟ هون تو مک شيلو نٿي، ڪي؟ آڀرڻه پريو ايسو مون ننه ڏيکارو نٿي ڏيڏو، ڪي؟ تمي ماري ڪرل پريو ايسو ري شيوا ري ڪري وشواس نٿي اوڻيو، ڪي؟ ② پيڙا منڪ مون ننه مک شيلو پلنه نه هزمئه، پڻ گهٽ ۾ گهٽ تماري نظر ۾ هون تو مک شيلو سون. ڪم تو تمي ماري ڪري پريو ايسو ٿي واسطو راکوه، ان ايٺا ٿي ٿاڀيئي تئھ جي هون پريو ايسو رو مک شيلو سون. ③ زئيون منڪ ماري گلا ڪرڻه جي هون هاس ۾ مک شيلو نٿي، تو اوئون هارو مون ڪن اي جواب سئھ جي ڪرنتس شهر را وشواسي مارا شيڪاريا ري ڪري وشواسي ٿيا.

④ امارو اي حق نٿي ڪي، جي امي شيڪاريا را ڀڏلا ۾ تمون ٿي کاڌو پيڏو ليون؟ ⑤ امارو اي حق نٿي ڪي، جي امي آڀري آڀري وشواسي ڏوشي ننه پيڙي تيڙي آون؟ پيڙا مک شيلو، ان پريو ايسو را پاڻي، ان پطرس، او ٻڌائي همروم نٿي ڪرتا، ڪي؟ ⑥ ڪا روگو مارو ان برنباس رو حق نٿي، جي آڀرو ڌنڌو ساڌين وشواسيون ٿي ڏون ليون؟ امارو ڏون ليڏا رو تو پورو حق سئھ. ⑦ ڪوئي ڦوچي ڪيڏي آڀرا ڪرچ مانھ ڦوچ ۾ ڪوم ڪرڻه، ڪي؟ ڪوئي ٻاگھ رو ڌڻي ڌراڪون رو ٻاگھ پوکين اوئا را ميوا نٿي کاتو، ڪي؟ ڪا ڪوئي ڌراڙ ريون سارڻه پڻ اوئون رو ڏوڏ نٿي پيتو، ڪي؟

⑧ هون روگو منڪون رون هايون مثالون ري ڪري هم نٿي ڪيتو. هائي هاڳي وات شاستر ۾ پڻ لڪل نٿي، ڪي؟ ⑨ ڪم تو شاستر ۾ موسيٰ رون لڪل حڪمون ۾ ام لڪل سئھ:

"زئيون ڊگو هلر ۾ بونڌل سئھ، تو مونشيون نه ساڙو.

تمي ڪي سوچوه؟ پڳوون روگو ڊگون رو ڪيال راڪين هم لڪايو، ڪي؟ ⑩ ڪا



پڳوونَ آپون ٻڌون ھارُو ڊڳون رو مثال ڏيتو؟ ھائي شاستر رئي وات آپون ھارُو لڪل سئھ. ڪم تو ام صحيح سئھ جي ھازي اي پروسو راڪين پئني ڪيڙئھ ان فصل نئھ ڳاھئھ، جي فصل موئين ٿي اُوئا رو حصو زڙشي. (11) ھازي نئھ فصل ٿي آپرو حصو ليڏا رو حق سئھ. ھيوئھ نمونئھ زئيون امي تمون نئھ پڳوون ري واتون شيڪاڙيھ، تو اي ڪوئي موئيي وات نٿي جي اُوئا را پڌلا ۾ امي تمون ٿي ڏنيا ري شينھون آپ ھارُو ڏون ۾ ليون. (12) زئيون پيڙا شيڪاڙيا واڙا ھايا حق ڀرمونئھ تمون ٿي ڏون لئھ، تو پسنئھ امارو تمون ٿي ڏون ليڏا رو ڌارئھ حق نٿي ڪي، جيئي شروع ۾ تمون نئھ ايسو را پارام شيڪاڙيا؟

امارو ڏون ليڏا رو حق تو سئھ، پڻ امي آپرو حق نہ ليڏو. امي تمون ٿي ڏون ماڳي نہ مونگيو پڻ ٻڌئي ڏوروڻ سھئي، متون ڏون مونگيا ٿي امي تمون نئھ ايسو ڪريست را پارام ڪشي رئي ڪٻر ھومپڙيا ٿي روڪون. (13) تمون نئھ اي ڪٻر نٿي ڪي؟ جيا منڪ پڳوون را گھر ۾ شيوا ڪرئھ، اُو پڳوون را گھر موئين ڏيڏل ڏون موئين ٿي آپرو حصو لئھ. جيا پوزاري پڳوون را نوم مانھ مال ساڙئھ، اُو ساڙل مال را مونھ موئين ٿي آپرو حصو لئھ. (14) ھيوئھ نمونئھ پريو ايسو پڻ شيڪاڙيو جي جيا منڪ ايسو را پارام ڪشي رئي ڪٻر ھمپڙاوتھ، اُوئون رو ھائي


ڪشي رڻي ڪبر همپڙايا ري ڪري آپ هارو ڏون ليڏا رو حق سئ.

⑮ توتي پڻ مئين هايون موئين ٿي ڪئين حق نه ليدو. هون ايٺا هارو هائي واتون نٿي لکتو، زم تمي همئنه مون ننه ڏون ڏيو، جيون نه نموننه تمي پيزون ننه ڏيوه ريا. نا نا، ڏون مونگيا ٿي مون هارو نائوڪو اي سئ جي هون مري زائون. هون ايٺا وات مانه گهڻو ڪش سون جي هون ڪيا ٿي ڏون نٿي ليتو. ام نه تئ جي ڪيا رنه. مون ننه ڏون ڏيڏا ٿي مارڻي ڪشي ڪنه ٿي زائ. ⑯ هون زئين هون ايسورا پارام همپڙاوون، تو ڪم ڪرين هايا وات مانه وڌائي ڪري هيڪونه؟ هم ڪروو تو مارو قرض سئ. مون ننه ڪتو ڏک زڙت، جي هون ايسورا پارام ڪشي رڻي ڪبر نه همپڙاوت. ⑰ جي هون هائي ڪوم آپرا قينصلا پرموننه ڪرون، تو مون ننه ڪوم رو ايوزو زڙت. پڻ وات اي سئ، هون هائي ڪوم آپرا قينصلا پرموننه نٿي ڪرتو. هائي ڪوم ڪريا ٿي هون روگي او زميوارڻي پورڻي ڪرونه، جي پگهون مون ننه ڏيڏيئ. ⑱ تو پسئ مارا ڪوم را ايوزا به مون ننه ڪي زڙه؟ مارا ڪوم را ايوزا به مون ننه اي موقعو زڙه جي هون پئيها ليڏا ووڻو ايسورا پارام ڪشي رڻي ڪبر همپڙاوون، ان ڪشي رڻي ڪبر همپڙايا ٿي جيو مارو ڏون ليڏا رو حق تئ، او حق نه ليون.

⑲ هون آزاده سون ان ڪيا منڪ را قوضام نٿي، توتي پڻ هون ٻڌون منڪون رڻي شيوا ڪريا هارو زوننه ٻڌون رو گلوم ٿيو، زم وڌارنه گهڻون منڪون ننه وشواس رڪاوون. ⑳ يهودي قوم وازون ڪن هون اوئون را زم يهودي قوم را نمونا مانه وويدو، زم يهوديون ننه وشواس رڪاوون. هون تو موسي رون لڪل حڪمون ٿي آزاده سون، توتي پڻ جيا موسي رون لڪل حڪمون مانه وويدا واڙا سئ، اوئون ڪن هون اوئون را زم موسي رون لڪل حڪمون مانه وويدو، زم موسي رون لڪل حڪمون مانه وويدا وازون ننه وشواس رڪاوون. ㉑ ڌاري قوم واڙا جيا موسي رون لڪل حڪمون مانه نٿي وينا، اوئون ڪن هون اوئون را زم موسي رون لڪل حڪمون مانه نه وويدو، زم موسي رون لڪل حڪمون مانه نه وويدا وازون

ننه وشواس رکاوون. هُون تو پڳوونَ رون حُکمون رنه کِلَاف نه وُودو، پڻ ايسُو کريست را ڏيڏل پريم راکيا را حُکم مانه ويتو ريو. (22) جيا وشواس راکيا ۾ کمزور سئ ان اڳلُوکا ڌرم ريون واتون مانه شڪ ڪرئ، اُوئون ڪن هُون اُوئون را زم اُوئون رو من صاف رکايا هارُو وونه، زم جيا وشواس راکيا ۾ کمزور سئ، اُوئون ننه وشواس رکاوون. هُون ٻڌون منڪون هارُو اُوئون ٻڌون را نمونا مانه وُودا وازو ٿيو، زم ڪيوئ پڻ نمونئ ڪيونڪ منڪون ننه ڏوهون ري سزا ٿي پڇاوون. (23) هائي ٻڌوئي ڪئين هُون ايسُو را پارام کُشي ري کبر هارُو ڪرونه، زم هُون پيزون ننه هايا کُشي ري کبر مانه يقين رکاوون ان اُوئون پيزو هايا ۾ وائيدو ڪرل آکاشي هڪ ليون.

(24) تمون ننه اي کبر نٿي، ڪي؟ ڊوڙيا را مُقابلا ۾ ٻڌائي منڪ تو ڊوڙئ، پڻ انصاب رُوڳو هيڪا ننه زڙئ. تيام تمي پڻ وشواس راکيا ۾ ايوئ نمونئ وو، زم تمون ننه پڳوون رو ڏيڏل انصاب زڙئ. (25) هر منڪ جيو مُقابلو ڪرئ، اُو هر وات ۾ آپ ننه قابو ۾ راکئ. مُقابلا ۾ ڊوڙيا وازا هم ڪرئ، زم



انصاب ۾ پونڙون ٿي ناوَل جيت رو تاج زڙئ، جيو نيٺ ڪتم ٿيشي. پڻ آبي وشواس راکين آپ ننه قابو ۾ راکونه، زم آپون ننه انصاب ۾ تارڻ زڙئ، جيو ڪيڏي پڻ ڪتم نئين ٿئ.

(26) تيام هُون مارو هائي مقصد پورو ڪريا هارُو پُورئي ڪوشش ڪرونه. هُون ايوا ڊوڙيا وازا را زم نٿي، جيو امهي ڊوڙئ ريو. نڪو ايوا وديا وازا را زم سون، جيو وائيرا ۾ نالا نونشا هئئ. (27) پڻ هُون مارو مقصد پورو ڪريا هارُو آپرا ڏيل ننه تڪليب ۾ نوکونه ان آپرا قَوضام راکونه. ام نه ٿئ جي هُون پيزون ننه صحيح نمونئ وُودا رو همپڙاوين آپ ڳلت نمونئ وون ان انصاب ليڏا جيوو نه ٿيون.

پڳوونَ ري سُونڊلِ اسرائيلي قومَ را زمِ نوھ نہ ڪروو نڪا اُوئونَ را زمِ پڳوونَ ٿي سزا زڙشي

10 ① پايون ان پينون، تمی ای وات یاءَ راکو، جي پڳوونَ امون يهوديون رُون ٻڌون ڏاڏون رئي واڏڙا ٿي آڳيوون ٿي ڪري ان اُوئون ٻڌون ننه سمونڊ را وس موئين ٿي مٽاڙيا. ② ان اُوئي ٻڌي واڏڙا وونهڙ ان سمونڊ موئين زايا ٿي زوئنه موسي ٿي پويتر سنون ليڏو ان هيوئه نمونئه موسي ننه آڀرو گرو مونيو. ③ ان اُو ٻڌائي هاڳي کاڌو کاتا، جيو پڳوونَ اُوئون ننه پرسا ٿي ڏيتو، ④ ان ٻڌائي هاڳي پوئي پيتا، جيو پڳوونَ اُوئون ننه پرسا ٿي ڏيتو. ڪم تو اُو پڳوونَ را ڏيڏل پتر ٿي نيهرل پوئي پيتا. ان اُو پتر پڳوونَ را سونڊل پچايا واڙا ڪريست رو مثال هتو، جيو پچايا وازو اُوئون پيڙو هتو. ⑤ هائي ٻڌوئي ڪئين پڳوونَ اُوئون هارو ڪريو، توئي پڻ پڳوونَ اُوئون موئين ٿي گهڻون منڪون ٿي ڪش نتو. تيام پڳوونَ اُوئون ننه سزا ڏيڏي، ان اُو رڻ ۾ ايل اول مري ڳيا.

⑥ هوئه هائي ٻڌي واتون جي ٿي، اُو آپون هارو هيڪ مثال سئه، زم آبي اُوئون را زم ڪراپ ڪيالون مانھ آڀرو من نه لڳاڙون. ⑦ تمی مورتی ان ڏيوٽونا مت پوزو، زم اُوئون موئين ٿي ڪئينڪ منڪي مورتی پوزا ڪري. اُوئون را پارام شاستر ۾ لکل سئه:

”يهودي قوم ري منڪي بهين مورتی را مون ۾ کاڌو پيڏو،

ان اُوئين مورتی را مون ۾ شرم ساڏين رميا.“

⑧ آڀئنه پونڌو ڪوم نه ڪروو ڪپنه، زم اُوئون موئين ٿي ڪئينڪ منڪي پونڌو ڪوم ڪريو، ان هيڪا ڏي ۾ تيويه هزار منڪ پڳوونَ ري سزا ري ڪري مري ڳيا. ⑨ آڀئنه پريو ايسورئه ڪلاڦ وين اوثا ننه رينه نه سڙاوو ڪپنه، زم اُوئون موئين ٿي ڪئينڪ منڪي پڳوونَ رئه ڪلاڦ وين اوثا ننه رينه سڙاوي، ان اُو پڳوونَ ري سزا ري ڪري هاپون رئه ڪرڙيا ٿي مري ڳيا. ⑩ ان تمی پڳوونَ

رئي ڳلا مت ڪرو، زم اوئون موئين ٿي ڪئينڪ منڪي پڳوون رئي ڳلا ڪري، ان پڳوون آڀرو ماريا واڙو ڏوت ميلين اوئون نئه ماريا پرا.

⑪ هائي ٻڌي واتون جي ٿي، او هيڪ مثال سئه جي پڳوون ڪراپ منڪون نئه سزا ڏئه. ان آڀون نئه هڙمايا هارو شاستر ۾ لڪل سئه، جيا ڏنيا را آڪري زمونا ۾ سون. ⑫ تيام جي تمى ام هڙموه جي ”هون آڀرا وشواس ۾ ڏاڍو سون ان مون ٿي ڏوه نئين ٿئه،“ تو ڪيال راکو. ام نه ٿئه جي تمى آزمتا ۾ پڙي زائو ان ڏوه ڪرو. ⑬ تمون مانه ڪوئي ايوو ڏوه ڪريا رو آزمتو نٿي آيو، جيو اڳي پيزون منڪون مانه نه آيو هوئه. ان پڳوون هاسو سئه، او تمون مانه ڪوئي ايوو ڏوه ڪريا رو آزمتو نئين آوا ڏئه، جيا ۾ پورا اوتريا رئي هيئت تمون ۾ نئين هوئه. پڻ آزمتو ليڏا رئه توڻه او تمون هارو آزمتا ۾ پورا اوتريا رئي گهٽي پڻ ناوشي، زم تمى ڏوه ڪريا وگر ڏوروڻ سهي هيڪو.

ڏيوٽونون را آسنونا مانه زائين

ڏيوٽونون را نوم مانه ساڙل مال رو مونه نه ڪاوو

⑭ تيام، مارون پريمي پايون ان پينون، تمى مورتيون ان ڏيوٽونون نئه پوزيا ٿي شيتي پاڳو. ⑮ هون تمون نئه عقل واڙا هڙمين تمون ٿي وات ڪرونه ريو. تمى آپ قينصلو ڪرو جي مارئي وات هاسئي سئه ڪا نا. ⑯ زئيون پريو پوزن ليڏا رئه توڻه آڀي وشواسي پڳوون رو تورو مومين پيٿالا موئين ٿي پيئون، تئيون آڀي هائي ڌراڪ رس پيڏا ٿي جيا نئه ايسو ڪريست آڀرو لوئي ڪيڏو، ٻڌائي پيڙا تين ايسو ڪريست ٿي واسطو راکونه، جيئنه آڀون هارو ڪرين آڀرو لوئي ويورايو. هائي صحيح سئه نا؟ ان زئيون آڀي روٽي پونگين ڪائونه، تئيون آڀي هائي روٽي ڪاڏا ٿي جيا نئه ايسو ڪريست آڀرو ڏيل ڪيڏو، ٻڌائي پيڙا تين ايسو ڪريست ٿي واسطو راکونه، جيئنه آڀون هارو ڪرين هوزي مانه آڀرو جيو ڏيڏو. هائي صحيح سئه نا؟ ⑰ ڪم تو او روٽي هيڪ سئه، ان هيوئه نمونه

آپي وشواسي جيا گهڻا سون هيڪا ڏيل را زم سون، ڪم تو آبي ٻڌائي هيڪ روٽي آيت ۾ وراوين ڪاڻوه.

⑱ اسرائيلي قوم وازون ننه پڻ زوٽو، جيا يهودي ڌرم پاڙهه. زئيون او پڳوون را نوم مانه ساڙل مال رو مونھ ڪاڻه، تو او پڳوون ٿي واسطو راڪڻه، جيا را نوم مانه مال ساڙل سٺه. هاڻي صحيح سٺه نا؟ ⑲ تو پسته مارو ڪيڏا رو مطلب ڪي سٺه؟ مارو مطلب اي نٿي جي ڏيوٽونا را نوم مانه ساڙل مونھ ڪاس مونھ سٺه، ڪا ڏيوٽونا هاسا سٺه. ⑳ نا نا، هم نٿي. پڻ منڪ جيئن ڪئين ڏيوٽونون را نوم مانه ساڙهه، او پڳوون ري پوزا هارو نٿي، پڻ ڏيوٽونون ري پوزا هارو سٺه، جيا هاس ۾ پڳوون رنه ڪلاڪ ٿيل شيطون را پاها را ڏوت سٺه. ان مارئي مرضي اي نٿي جي تمي شيطون را پاها رون ڏوتون ٿي واسطو راڪو. ㉑ ام ٿي نٿي هيڪتو جي تمي پريو ايسو را نوم مانه ڏيڏل پيٽالا ٿي پيئو، ان اوٽا پيٽالا ٿي پڻ پيئو، جيو شيطون را پاها رون ڏوتون را نوم مانه ڏيڏل سٺه. ان اي پڻ نٿي ٿي هيڪتو، جي تمي پريو ايسو را مون ۾ پريو پوزن رئي روٽي ڪاڻو، ان شيطون را پاها رون ڏوتون را مون ۾ پڻ ڏيوٽونون را آستونا مانه ساڙل مونھ ڪاڻو. ㉒ آبي وشواسي هم ڪريا ٿي پريو ايسو ننه ريشي ٻاڙوا ڪرونه، ڪي؟ آبي آپ ننه پريو ٿي طاقت وازا هزمونه، ڪي؟ ان او آيون ننه سزا نئين ڏه، ڪي؟

ڏيوٽونون را نوم مانه ساڙل مونھ وشواسي ڪئين ڪاڻي هيڪه

㉓ تمون موئين ڪوڪ ام ڪه: ”هُون ڏوهون ٿي آزاد ٿيوه، تيام هوهه مون ننه ٻڌوي ڪئين ڪريا رئي موڪل سٺه.“ پڻ هاسي وات اي سٺه، ٻڌي واتون قائيڏا وازي نٿي. منڪ پلنه ام ڪه: ”هُون ڏوهون ٿي آزاد ٿيوه، تيام هوهه مون ننه ٻڌوي ڪئين ڪريا رئي موڪل سٺه.“ پڻ هاسي وات اي سٺه، جي ٻڌي واتون ايوي نٿي جيون پرموٽه وُڍا ٿي پيزون رو وشواس پڪو ٿهه. ㉔ تمي آپرا قائيڏا

هارو نئين، پڻ پيزون را قائيڏا هارو ڪوشش ڪرو.

25) جيو پڻ مونھ اڏي مانھ ويسائھ، اُو تمې صاڦ من ٿي همروم ڪاڻو. اي وات پُونسيا رئي ضرورت نٿي جي اُو مونھ ڏيوٽونون را نوم مانھ ساڙل سئھ ڪا نا. 26) ڪم تو ٻڌوئي ڪئين پڳوون رو سئھ، زم شاستر ۾ لڪل سئھ: ”ڌرتئي ان جيئن ڪئين ايٺا مانھ سئھ، اُو ٻڌوئي ايشور رو سئھ.“

27) جي ڪوئي منڪ جيو وشواسي نٿي تمون نئھ ڪاڏا رئي ڌاوت ڏئھ، ان تمارئي ڌاوت مانھ زايا رئي مرضي سئھ، تو جيئن ڪئين اُو تمون نئھ ڪاڏا هارو ڏئھ، اُو تمې صاڦ من ٿي همروم ڪاڻو. اي وات پُونسيا رئي ضرورت نٿي جي مونھ ڏيوٽونون را نوم مانھ ساڙل سئھ ڪا نا. 28) پڻ جي اُوٿئھ تمون نئھ ڪوڪ ڪئھ: ”تمارئھ اي مونھ نه ڪاوو ڪپئھ، ڪم تو ڏيوٽونا را نوم مانھ ساڙل سئھ،“ تو تمې هائي وات ڪيڏا واڙا ري ڪري ان من صاڦ راڪيا ري ڪري اُو مونھ مت ڪاڻو. 29) هُون تمارا من را پارام نٿي ڪيتو، پڻ اُوٺا را من را پارام ڪونھ ريو، جيئھ تمون نئھ هائي وات همپزاوئي هوئھ. ام نه ٿئھ جي تمې آپري آزادي ري ڪري ايوو ڪوم ڪرو، جيا نئھ پيزو منڪ آپرا من ۾ ڏوھ هزمئھ. هم ڪريا ٿي ڪي قائيڏو ٿئھ؟ 30) هُون پڳوون رو ٿورو مونيَن ڏيوٽونا را نوم مانھ ساڙل مونھ تو ڪائي هيڪونھ. پڻ جي پيزا منڪ هايا نئھ ڏوھ هزمين مارئي ڳلا ڪرئھ، تو هم ڪريا ٿي هُون آپري پيعزتئي ڪم ڪراوون؟

31) تيام زئيون تمې ڪاڻوھ، ڪا پيئوھ، ڪا جيئن ڪئين پڻ ڪروھ، تو تمې ٻڌوئي ڪئين هيوئھ نمونئھ ڪرو، زم پڳوون را وڪوڻ ٿئھ. 32) تمې ايوئھ نمونئھ وو زم تمې نه يهودي ڌرم واڙون نئھ، نڪو ڌاري قوم رون ڏيوٽونا پوزيا واڙون نئھ، ان نڪو پڳوون ري وشواسي منڌري رون منڪون نئھ وشواس راڪيا ۾ ڏوروڻ پيڏا ڪرو. 33) هيوئھ نمونئھ هُون پڻ هر وات ۾ ٻڌون منڪون نئھ ڪُش راڪونھ. هُون آپرا قائيڏا هارو نٿي ڪرتو، پڻ گھڻون را قائيڏا هارو ڪرونھ، زم اُو پڳوون ري سزا ٿي پچي زائھ ان اُوئون نئھ تارڻ زڙئھ.

① تيام تمی مارا نمونا مانه وو، زم هون ايسو ڪريست را نمونا مانه
11 وونه.

دوشيون ره پڳني رو مون راکو

② هون ايئا هارو تمارا وڪوڻ ڪرونه ڪم تو تمی هر وات ۾ ماري واتون ياد
را ڪيه، ان وشواس ريون اصلي واتون مانه ووه ربا، جي واتون مئين تمون نه
شڪارتي تي.

③ پڻ مارئي مرضي سته جي تمون نه ايئا وات ربي ڪهر هوته. زم ڏيل
مانه ماڻو سته، ته هز آدمي رو ايسو ڪريست ڏيئي سته، ان دوشي رو اوتا
رو آدمي ڏيئي سته، ان ايسو ڪريست رو پڳون ڏيئي سته. ④ جيو پڻ آدمي
آپرو ماڻو ڍونڪين پرائنا ڪرته ڪا پڳون رو نياپو ڏهه، او آپرو ماڻو زوڻه
شرم وازو هزمين آپرا ماڻا ربي پيعزتي ڪرته. ان هم ڪريا ٿي آپرا ڏيئي ايسو
ڪريست ربي پيعزتي. پڻ ڪرته، جيو ماڻا رو مثال سته. ⑤ ان جي پڻ دوشي
اوههائنه ماڻه پرائنا ڪرته ڪا پڳون رو نياپو ڏهه، او آپرا ماڻا مانه ڪئين نه
اويديا ٿي آپرا ماڻا ربي پيعزتي ڪرته. ان هم ڪريا ٿي آپرا آدمي ربي پيعزتي
پڻ ڪرته، جيو ماڻا را مثال پرموڻه اوتا رو ڏيئي سته. ڪم تو زيون دوشي آپرو
ماڻو اوههائو راکنه، تو ايوي پيعزتي ربي وات سته، زوڻه دوشي رو ماڻو ڪنٽرل
هوته. ⑥ جي ڪوڪ دوشي آپرا ماڻا مانه ڪئين نتي اويديئي، تو پلنه او آپرا
مٿوڙ پڻ ڪتروته پرا. پڻ اي تو هاو ڪراب وات سته جي دوشي آپرا مٿوڙ
ڪتروته پرا ڪا روڏي تته پري. تيام اوتا ره آپرا ماڻا مانه سونزئي اويو
ڪپنه. ⑦ پڻ آدمي ره آپرو ماڻو نه ڍونڪو ڪپنه، ڪم تو پڳون اوتا نه آپ
جيو نايو ان اوتا ره پڳون رو مون ڏيڪارو ڪپنه. پڻ دوشي ره آپرا آدمي
رو مون ڏيڪارو ڪپنه. ⑧ ڪم تو شروع ۾ جگت نايا ره توڻه پڳون آدمي نه
دوشي ٿي نتو نايو، پڻ دوشي نه آدمي ٿي ناوي ٿي. ⑨ ان نڪو پڳون آدمي


نئہ ڏوشي هارو نايو تو، پڻ ڏوشي نئہ آڏمي هارو ناوئي ٿئي. ⑩ تيام ڏوشي رءُ آڀرو ماڻو ڊونڪين آڀرا حق ڀرموئنه آڀرئي عزت راکوو، ڪم تو آڪاشي ڏوت ٻڌوئي ڪئين ڏيڪهه جي تماري ڀڳتي ۾ ڏوشي ڪيوئہ نمونہ وئہ.

⑪ توئي پڻ آڀون موئين جيا ڀرڻو ايسو ٿي واسطو راکونہ، ڏوشي ان آڏمي هيڪا ڀيڙا ٿي ڌار نٿي، پڻ ٻڌون رءُ ڀيڙا ٿين هڀ ۾ ريوو. ⑫ ڪم تو زم شروع ۾ پيرهيئن ڏوشي آڏمي ٿي ناول هٿي، تم همئنه آڏمي پڻ ڏوشي ٿي ڀيڙا ٿئہ. ان ٻڌوئي ڪئين ڀڳوون رو ناول سئہ.

⑬ تمي آپ ڦينصلو ڪرو. اي نائوڪو سئہ ڪي، جي ڏوشي اوگهاڙهه ماڻهه ڀڳوون ٿي ڀرائنا ڪرئہ؟ ⑭ منڪون ۾ اي وات ساوئي ڏيڪاڙل نٿي، ڪي؟ جي آڏمي آڀرا مٿوڙا لونبا راکهه، تو آڏمي هارو ڀيعزتي رئي وات سئہ. ⑮ پڻ جي ڏوشي آڀرا مٿوڙا لونبا راکهه، تو ڏوشي هارو مون رئي وات سئہ، نا؟ ڪم تو ڏوشيون نئہ لونبا مٿوڙا ايٺا هارو ڏيڊل سئہ زم اوئون ٿي اوئون رو ماڻو ڊونڪل رءُ، زوئنه سونڙي اوڍل هوئہ.

⑯ جي تمون موئين ڪوئي هايا وات را پارام ڀحٺ ڪروا ڪرئہ، تو هون روڳو اتو ڪونہ، امون مڪ شيلون رو رواز نٿي جي ڏوشي ڀڳتي ۾ اوگهاڙو ماڻو راکهه، ان نڪو ڀڳوون ريون وشواسي منڌريون ۾ ايوو رواز سئہ.

ڀرڻو ڀوزن ليڏا رءُ توئہ ڪيوئہ نمونہ ويو



⑰ هوئہ ايٺا وات ۾ هون تمارا وڪوڻ نٿي ڪرتو، پڻ هون تمون نئہ حڪم ڏيونہ، ڪم تو زئيون تمي وشواسي منڌري ۾ ڀيڙا ٿيوہ، تئين ڦائيدو نٿي ٿيتو پڻ نقصون ٿئہ.

⑱ پيرهيئن وات اي سئہ. مئين هومپزيوه جي زئيون تمي وشواسي منڌري ۾ ڀيڙا ٿيوہ، تئين تمي آڀت ۾ هڀ نٿي راکتا پڻ تمون موئين ڌار ڌار پالتي

سٺ. ان مُون نٿو يقينَ سٺه جي هايا ۾ ڪئينڪ تو هاسئي هوشي. (19) ڪم تو تمون موئين ڌار ڌار پالتي ضرور هوشي، پڻ گهٽ ۾ گهٽ هايا ٿي وات ساوئي ٿي جي تمون موئين ٿي ڪوڻ ڪوڻ هپ راکين پڳوون ري وات مانه وٺه ريو. (20) تيام هايا پالتي واڙي وات ري ڪري، زئيون تمي پريو پوزن ليڏا هارو پيڙا ٿين ڪاڻو، تئيون تمي پريو ايسو نٿه ياڏ ڪرين ڪاڏو نٿي ڪاتا. (21) ڪم تو زئيون تمي ڪاڻو، تئيون هر هڪ پيزون رئي وات زويا وگر ڪاڏا ۾ پڙهه پرا. ڪوڪ پوکا ري زائو، ان ڪوڪ ڪائي پين مست ٿي زائو. (22) ڪاڏا پيڏا هارو تمارو آڀرو آڀرو گهر نٿي ڪي؟ ڪا تمي پڳوون ري وشواسي منڌري نٿه گهٽ هزموه؟ ان گريبون رئي پيعزتي ڪروا ڪروه؟ هون هايا را پارام تمون نٿه ڪي ڪون؟ هايا هارو هون تمارا وڪوڻ ڪريه، ڪي؟ هايا وات هارو هون تمارا وڪوڻ ڪم ڪرين ڪرون؟

(23) ڪم تو پريو ايسو رئي اصلي وات جئي مئين شيڪي، او هاڳي وات مئين تمون نٿه پڻ شيڪاڙي، جي پريو ايسو، جئي رات زهلوڻو، اوئه رات روئي ليڏي، (24) ان اوئا هارو پڳوون رو ٿورو مومين اوئا نٿه پونگي، ان ڪيڏو: ”اي مارو شير سٺه، جيو تمون هارو سٺه. ماري همپار ۾ امروم ڪرتا ريا.“ (25) هيوئه نمونئه ڪاڏا ڪيڙ اوئه ڌراڪ رس رو پيئالو ليڏو ان ڪيڏو: ”اي نوا وسن رو پيئالو سٺه، جيو وسن مارا لوئي ٿي هونڌل سٺه. ماري همپار ۾، زئيون پڻ تمي پيئو، امروم ڪرتا ريا.“ (26) هوئه زئيون پڻ تمي هائي روئي ڪاڻو ان هايا پيئالا ٿي پيئو، تو تمي پريو ايسو را موت رئي وات همپزاوتا ريوه، زئيون هوڏي او وڙي پاسو نه اوئه.

(27) تيام جيو ڪوئي پريو ايسو رو مون نه راکين هائي روئي ڪاڻه ڪا هايا پيئالا ٿي پيئو، او پريو ايسو را شير ان لوئي رئي پيعزتي ڪريا ٿي ڏوه ڪرئو. (28) تيام پريو پوزن ليڏا مور هر منڪ رئه آڀرا من ۾ زووو ان آڀرون ڏوهون ٿي توبونه ڪروو ڪپنه، ان پسئه او روئي ٿي ڪاڻه ان پيئالا ٿي پيئو. (29) ڪم تو

جيو ڪوئي امروم ڪانه پيئھ، ان ايٺا وات رو ڪيال نٿي راکتو جي ڀرڻو ايسو هيا روتي نٿه آڀرو ڏيل ڪيڏوھ ان آڀي ٻڌائي، جيا هائي روتئي ڪاٺوھ، ڀرڻو ايسو را ڏيل را زم هيڪ سون، تو او منڪ هم ڪريا ٿي آڀ نٿه ڏوهاري ڪرين آڀ مانھ سزا لئھ. (30) تيام تمون موئين ٿي گھڻا منڪ پيمار ان ڏوڀزا سئھ، ان ڪئينڪ مري پڻ گياھ. (31) پڻ جي آڀي آڀ آڀرا من ۾ زوئين توڀونھ ڪرونٽ، تو آڀي آڀ نٿه ڏوهاري ڪرين آڀ مانھ سزا نه ليونٽ. (32) ڪم تو ايشور آڀون نٿه ايٺا حياتي ۾ سزا تيام ڏئھ زم آڀون نٿه هزماوئھ، متون نيا رٿه ڏي آڀون مانھ ڏنيا رون ڪراڀ منڪون را زم هميش رٿي سزا رو ڦينصلو نه ٿئھ.

(33) تيام، مارون ڀريمي پايون ان بينون، زئيون تمي ڀرڻو ايسو نٿه ياد ڪريا هارو ڪاڌو ڪاوا پيڙا ٿيوھ، تئيون تمي هيڪا پيڙا رٿي وات زوئو. (34) جي ڪيا نٿه ڀوڪ لاڳئي هوئھ، تو او پلئھ مور ٿي آڀري گھري ڪائي لئھ، متون تمارا پيڙا ٿيا رٿه ٿوئھ ڪوئي ايويي وات نه ٿئھ، جيا ٿي تمون نٿه ڀڳوون ٿي سزا زڙئھ. باقي پيڙي واتون، زئيون هوڻ تمون ڪن آويھ، تئيون هوڻ تمون نٿه هزماويھ.

ڀويتر آتما ري ڏيڏل ڪڙا را پارام

12 ① تمي ڪت ۾ ڀويتر آتما ري ڏيڏل قرق قرق ڪوم ڪريا ري ڪڙا را پارام ڀونسيوھ. هوئھ، پايون ان بينون، هوڻ تمون نٿه هيا را پارام ڪٻر ڏيوا ڪرونھ. ② تمون نٿه تو ڪٻر سئھ جي اڳي، زئيون تمي ڌاري قوم واڙا ڀڳوون مانھ وشواس نٿا راکتا، تئيون تمي مورتيون ان ڏيوڻون هوما تٿائين ڀولائي گيا ان مورتيون ري ڀوڙا ۾ لاڳي گيا، جي ڀولي نٿي هيڪتي. ③ تيام هوڻ تمون نٿه ايٺا رٿي ڪٻر ڏيوا ڪرونھ جي ڪم ڪرين ڪٻر ڀاڙو جي منڪ ڀويتر آتما ري ڪڙا ٿي ڀولئھ ريو ڪا نا. جي ڪوئي منڪ ام ڪئھ جي ”ايسو ڀڳوون رو پتل ٿئھ!“ تو هيا ٿي ٺاڀئي ٿئھ جي او ڀڳوون را ڏيڏل ڀويتر آتما ري ڪڙا ٿي نٿي ڀولتو. ان جي ڪوئي منڪ ام ڪئھ جي ”ايسو ڀرڻو سئھ،“ تو

هايا ٿي ٿاڀيئي ٿئھ جي اُو پوٽر آتما ري ڪڙا ٿي ٻولئھ ريو.

④ آپون وشواسيون نئھ ڦرق ڦرق نمونا رئي ڪڙا تو ڏيڌل سئھ، پڻ هيڪئھ پوٽر آتما سئھ جيو ٻڌون نئھ هائي ڪڙا ڏئھ. ⑤ ان شيوا ڪريا را تو ڦرق ڦرق نمونا سئھ، پڻ هيڪئھ پريو ايسو سئھ جيا رئي شيوا آبي ڪرونھ. ⑥ ان پڳوون ري ڪڙا ٿي آبي تو ڦرق ڦرق ڪوم ڪرونھ، پڻ هيڪئھ پڳوون سئھ جيو آپون ٻڌون نئھ هائي ٻڌائي ڪوم ڪريا رئي ڪڙا ڏئھ.

⑦ هر وشواسي ۾ پوٽر آتما رئي ڪڙا ايٿا هارو ساوئي ٿئھ، زم اوٿا ري هر هيڪ نئھ ڏيڌل ڪڙا ٿي ٻڌون نئھ ڦائيدو ٿئھ. ⑧ ڪم تو ڪياڪ نئھ پوٽر آتما ٿي اي ڪڙا ڏيڌل سئھ جي اُو پڳوون را پاها ٿي عقل ري واتون همپڙاوتھ، ان ڪياڪ نئھ هاڳي پوٽر آتما ٿي اي ڪڙا ڏيڌل سئھ جي اُو پڳوون را پاها ٿي ڪبر پاڙين اُونڌي واتون همپڙاوتھ. ⑨ ڪياڪ نئھ هاڳي پوٽر آتما ٿي ايوو يقين ٿئھ جي اُو پڳوون ري ڪڙا ٿي ڪوم ڪرئھ. ڪياڪ نئھ هاڳي هيڪاه پوٽر آتما ٿي منڪون نئھ هازا هورا ڪريا رئي ڪڙا زڙئھ. ⑩ ڪياڪ نئھ پرسا ڏيڪاڙيا رئي ڪڙا زڙئھ، ڪياڪ نئھ پڳوون رو نياپو ڏيڌا رئي ڪڙا زڙئھ، ان ڪياڪ نئھ اي زوٿيا رئي ڪڙا زڙئھ جي منڪ پوٽر آتما ري ڪڙا ٿي ڪا شيطون ري ڪڙا ٿي ڪوم ڪرئھ ريا. ڪياڪ نئھ ڦرق ڦرق ٻولي ٻوليا رئي ڪڙا زڙئھ، ان ڪياڪ نئھ اي ڪڙا زڙئھ جي اُو ڪڙا ٿي زڙل ٻوليون رو مطلب هزمئھ ان ڪيڌل وات همپڙاوتھ. ⑪ هائي ٻڌائي ڪوم هيڪاه هاڳي پوٽر آتما ري ڪڙا ٿي ٿئھ، جيو آپري مرضي پرموئئھ هر هيڪ وشواسي نئھ ڌار ڌار ڪوم ڪريا رئي ڪڙا وراوي ڏئھ.

وشواسي منڌڙي هيڪا ڏيل را زم سئھ

⑫ زم ڏيل هيڪ سئھ ان اوٿا را اُوڙيا گهٿا سئھ، توئي پڻ ڏيل را گهٿا اُوڙيا ٻڌائي پيڙا ٿين هيڪ ڏيل ناوتھ، تم ايسو ڪريست هيڪ سئھ ان آبي وشواسي

ٻڌائي پيڙا ٿين ايسو ڪريست را ڏيل را زم سون. ⑬ ڪم تو آبي ٻڌي هيڪاه پويتر آتما ري ڪڙا ٿي پويتر سنون ليدوه زم آبي هيڪي وشواسي منڌري ۾ پيڙا ٿين هيڪا ڏيل را زم ٿيون، پلئه يهودي قوم را هوئون ڪا ڌاريون قومون را هوئون، پلئه گلوم هوئون ڪا آڙا هوئون، ان آيون ٻڌون نئه پگهون پويتر آتما ڏيدوه.


⑭ هوئه منڪ رو ڏيل روگو هيڪا اوزيا رو نٿي هوتو، پڻ گهئون اوزيون رو ٺاول سئه. ⑮ جي پڳ ام ڪئه: ”هون تو هاٿ نٿي، تيام هون ڏيل رو اوزيو نٿي،“ تو هايا ٿي پڳ ڏيل رو اوزيو نئين هوئه، ڪي؟ ⑯ ان جي ڪون ام ڪئه: ”هون تو اونڪ نٿي، تيام هون ڏيل رو اوزيو نٿي،“ تو هايا ٿي ڪون ڏيل رو اوزيو نئين هوئه، ڪي؟ ⑰ جي ٻڌو ڏيل اونڪ هوئت، تو ڪم ڪرين هومپوٽ؟ ان جي هومپوٽيا هارو ٻڌو ڏيل ڪون هوئت، تو ڪم ڪرين هونگهٽ؟ ⑱ پڻ هاس ۾ پگهون آپري مرضي پرموئه هر هيڪ اوزيا نئه آرا آرا ڪوم هارو آپري آپري جڳا ۾ ڏيل موئين راڪيوه. ⑲ جي ٻڌون اوزيون ري جڳا ۾ روگو هيڪا قسم رو اوزيو هوئت، تو اوئا نئه ڏيل ڪم ڪرين ڪٿت؟ ⑳ پڻ هاس ۾ اوزيا تو گهٽا سئه، پڻ ڏيل هيڪ سئه.

㉑ اونڪ هاٿ نئه ام نٿي ڪي هيڪئي: ”مون نئه ٿارئي ضرورت نٿي.“ نڪو ماٿو پگهون نئه ڪي هيڪئه: ”مون نئه تمارئي ضرورت نٿي.“ ㉒ پڻ جيا ڏيل را اوزيا وڌارئه گهٽ لاگهه، او پڻ گهٽا ضروري سئه. ㉓ ان جيا ڏيل را اوزيا آيون نئه اٿمونيتا لاگهه، اوئون رو آبي وڌارئه مون راڪونه. جيون اوزيون ري ڪري آبي لازي مروئه، اوئون را پارام آبي عزت رو وڌارئه ڪيال راڪونه. ㉔ پڻ او اوزيا جيون نئه آبي ڍونڪيا جيو نٿي هزمتا، اوئون را پارام عزت رو ڪيال راڪيا رئي ضرورت نٿي. پگهون ڏيل نئه ايوئه نمونه نايو، جي جيو گهٽ مون وڙو اوزيو سئه، اوئا نئه وڌارئه مون ڏيدوه، ㉕ زم ڏيل را اوزيا آپ نئه هيڪا پيڙا ٿي ڌار نه هزمته، پڻ ٻڌائي اوزيا هيڪا پيڙا نئه پراير هزمين هيڪا

ٻيڙا رو ڪيال راکڻه. ②6 جي هيڪا اُوزيا نئه تڪليلپ ٿئھ، تو هايا ري ڪري ٻڌون اُوزيون نئه ڏک ٿئھ. جي هيڪا اُوزيا نئه مون زڙئھ، تو هايا ري ڪري ٻڌائي اُوزيا ڪُش ٿئھ.

②7 هَوتھ تمې وشواسي ٻڌائي ٻيڙا ٿين ايسو ڪريست را ڏيل را زم سو، ان هر هيڪ هيڪوڪا اُوزيا را زم سو. ②8 ان زم پڳوون اُوزيون نئه آپرا آپرا ڪوم هارو ڏيل موئين ٻيڙا ڪرياه، تم پڳوون وشواسي منڌڙي ۾ منڪون نئه آپرا آپرا ڪوم هارو ٻيڙا ڪرياه. پيرهيان نمپر ۾ مڪ شيلا، ٻيڙا پڳوون رو نياپو ڏيڏا واڙا، ترٿما وشواس ري واتون شيڪاڙيا واڙا، ان پسئھ او منڪ جيا پڳوون ري ڏيڏل ڪڙا ٿي پرسا ڏيڪاڙئھ، پسئھ او منڪ جيا پڳوون ري ڏيڏل ڪڙا ٿي منڪون نئه هاڙا هورا ڪرئھ، پيزون رئي مدت ڪرئھ، آڳيوونئي ڪرئھ، ڪا ڪڙا ٿي زڙل قرق قرق ٻولي ڪرئھ. ②9 ڪي ٻڌائي وشواسي مڪ شيلا سئھ؟ ڪي ٻڌائي پڳوون رو نياپو ڏيڏا واڙا سئھ؟ ڪي ٻڌائي شيڪاڙيا واڙا سئھ؟ ڪي ٻڌائي پڳوون ري ڪڙا ٿي پرسا ڏيڪاڙئھ؟ ③0 ڪي ٻڌون نئه اي ڪڙا ڏيڏل سئھ جي او منڪون نئه هاڙا هورا ڪري هيڪئھ؟ ڪي ٻڌائي ڪڙا ٿي زڙل ٻولي ڪرئھ؟ ڪي ٻڌائي هيوي ٻولي هزمين ڪيڏل وات همپڙاوي هيڪئھ؟ نا نا، هر هيڪ نئه آپرا آپرا نمونا رئي ڪڙا زڙل سئھ. ③1 توئي پڻ تمې ايو ڪوم ڪريا رئي ڪڙا ليڏا هارو هڪو، جيا ڪوم ٻڌون هارو ٻڌون ٿي قائيڏا واڙا سئھ. ان هَوتھ هون تمون نئه ٻڌون ٿي ناٿوڪو وُڍا رو نمونو ڏيڪاڙونھ.

پرهم ٿي ويوو ٻڌون ٿي ناٿوڪو وُڍا رو نمونو سئھ



13 ① پلئھ هون پڳوون ري ڏيڏل ڪڙا ٿي منڪون ري ان آڪاشي ڏوتون ري ٻولي ڪرون، پڻ جي هون پرهم نٿي راکتو، تو هون ڪستازون ان ڪونشيون را زم رُوگڻي نالئي

ڪاش ڪرونه. ② ان پلئه هون پڳوون رو نياپو ڏيون، ان هون پڳوون ري ٻڌي اونڌي واتون زوٽون، ان مون نئه پڳوون را پارام ٻڌي ڪبر هون، ان مون نئه ايوو يقين هون جي ڏونگرون نئه هيڪل هئاوون پرا، پڻ جي هون پريم نتي راکتو، تو هون ڪئين نتي. ③ ان پلئه هون مارو ٻڌوئي ڪئين پڳوون را نوم مانه وراوين ڏيون پرو، ان وشواس نه ساڌيا ري ڪري هون ٻريا هارو تيار سون، پڻ جي هون پريم نتي راکتو، تو مون نئه ڪئين قائيدو نتي.

④ پريم رو مطلب سئ منڪون ٿي صبر ڪرو، ان ميرپونئي ڪرو. پريم رو مطلب سئ ريشي نه ٻزو، وڌائي نه ڪرو، مگهرور نه ٿيو، ⑤ ڪراپ نمونئه نه ويو، روڳو آڀرا قائيدا هارو نه ڪرو، رينهٿيٿار نه ٿيو، پيزون رون ڪرل ڏوهون ري ڪري آڀرا من ۾ رينه نه راکو، ⑥ ان ڪراپ ڪومون مانه ڪش نه ٿيو، پڻ نائوڪيون واتون مانه ڪش ٿيو. ⑦ پريم رو مطلب سئ هميش سهو، هميش يقين راکو، هميش اميد راکو، ان هميش ڏورون ۾ صبر ڪرو. ⑧ پريم ڪيڏي ڪتم نتي ٿيو. پڻ پڳوون را پاها ٿي زڙل نياپا، اونيٽ ڪيائي ڪوم را نئين رئه. ڪرا ٿي زڙل ٻولي، اونيٽ ڪتم ٿي زاشي. پڳوون را پارام ڪبر، اونيٽ ڪيائي ڪوم رئي نئين رئه. ⑨ ڪم تو زتئي آڀون نئه ڪبر سئ، اُو پوري ڪبر نتي. ان زئون پڻ آڀي پڳوون رو نياپو ڏيونه، آڀي پڳوون ريون واتون رئي پوري ڪبر نتي ڏيتا. ⑩ پڻ زئون دنيا ري پچاري ۾ پڳوون رو مقصد پورو ٿي، تيون جنين ڪئين پورو نتي، اُو ڪيائي ڪوم رو نئين رئه. ⑪ مثال، زئون هون ٻاز هتو، تيون هون ٻاز را زم ٻولتو، ٻاز را زم ڪيال ڪرتو، ان ٻاز را زم سوچتو. پڻ زئون هون موتو ٿيو، تو ٻازون ري واتون ڪيائي ڪوم ري نه ري، ان مئين اوئون نئه ساڏيه پري. ⑫ هيون نمونئه همئنه آڀي زونئه ٿڪ ۾ پڳوون نئه زونئه ريا ان پڳوون آڀون نئه زونئه زهونڪو ڏيڪيام اوئه. پڻ اوئه تونئه آڀي پڳوون نئه روپرو ڏيڪشون. همئنه مون نئه روڳئي توڙي ڪبر سئ. پڻ اوئه تونئه هون پڳوون نئه پورئه نمونئه اوڙڪيه، جيونئه نمونئه پڳوون مون نئه اوڙڪه.

⑬ تو ڀسئہ پويتر آتما رئي ڏيڌل ٻڌون نمونون رئي ڪڙا ڪتم ٿيشي، ان روڳا وشواس، ڀروسو، ان ڀريم، اي ترڻ ئي هميش هُوڏي ريشي. پڻ هاڻيون ترڻيون ڀر ٻڌون ٿي نائوڪو ڀريم سئہ.


ڀڳوونَ رو نڀاپو ڏيوو

ڪڙا ٿي زڙل ٻولي ڪريا ٿي وڌارءُ قائيڏا واڙو سئہ

14 ① پورا من ٿي ڀريم راڪيا رئي ڪوشش ڪرو، ان پويتر آتما رئي ڏيڌل قرق قرق نمونا رئي ڪڙا ليڏا هارو هڪو، ڪاس ڪرين ڀڳوونَ رو نڀاپو ڏيڏا رئي ڪڙا ليڏا هارو هڪو. ② ڪم تو جيو منڪ ڪڙا ٿي زڙل ٻولي ٻولئہ، او منڪون ٿي نئين پڻ ڀڳوونَ ٿي واتون ڪرئہ ريو. ڪم تو ڪوئي پڻ اوڻا رئي وات نٿي هڙمتو، پڻ او پويتر آتما ري ڪڙا ٿي ڀڳوونَ ري اوڻڏي واتون آڀرا من ٿي ڪرئہ ريو. ③ پڻ جيو منڪ ڀڳوونَ رو نڀاپو ڏئہ، او منڪون ٿي واتون ڪرئہ ان هيونئہ نمونئہ اوڻون رو وشواس پڪو ڪراوئہ، اوڻون نئہ حوصلو ڏئہ، ان اوڻون رئي هيمنت وڌاوئہ. ④ جيو ڪڙا ٿي زڙل ٻولي ٻولئہ، او آڀرو وشواس پڪو ڪرئہ، پڻ جيو ڀڳوونَ رو نڀاپو ڏئہ، او وشواسي منڏڙي رون منڪون رو وشواس پڪو ڪراوئہ.

⑤ مارئي مرضئي اي سئہ جي تمڀي ٻڌائي ڪڙا ٿي زڙل ٻولي ڪرو. پڻ هاڻيا ٿي وڌارئہ نائوڪئي وات اي سئہ جي تمڀي ڀڳوونَ رو نڀاپو ڏيو. جيو ڀڳوونَ رو نڀاپو ڏئہ، او ڪڙا ٿي زڙل ٻولي ڪريا واڙا ٿي وڌيڪ سئہ. ڪم تو جي ڪڙا ٿي زڙل ٻولي ڪريا واڙو آڀري ڪيڏل واتون هڙمين نٿي همڀڙوتو، تو هاڻيا ٿي وشواسي منڏڙي رون منڪون رو وشواس وڌارئہ پڪو نئين ٿئہ.

⑥ تيام، ڀايون ان ڀينون، جي هون تمون ڪن اوون ان تمون ٿي ڪڙا ٿي زڙل ٻولي ڪرون، پڻ نڪو ايوي وات همڀڙاوون جي ڀڳوونَ مون ڪن ساوي ڪريئہ، نڪو ڀڳوونَ رئي ڪوڪ اوڻڏي وات همڀڙاوون، نڪو ڀڳوونَ رو نڀاپو ڏيون، ان



نڪو ڪئينڪ شيڪاڙون، تو مارا ٻوليا ٿي
تمون ننه ڪي قائيدو ٿيشي؟ ⑦ سازون
رئي وات پڻ همريئم سئه. ڪوئي پڻ ساز
هونه، پلئه وونهڙي هونه ڪا تنپورو
هونه، جي ساز واڳتو هونه، پڻ واڳيا ٿي
راڳ نه نهئه، تو راڳ رئي ڪم ڪرين
ڪهر پڙشي؟ ⑧ ان جي ڪوڪ جنڳ ۾
وڊيا هارو هڙائي وڳاڙهه، پڻ هڙائي رو
آواز چتو نٿي همپراتو، تو ڪوڻ مقابلو

ڪريا هارو تيار ٿيشي؟ ⑨ هيونه نمونئه، جي تمي ايويي ٻولئي ڪرو جيا رو
مطلب هزميام نٿي آوتو، تو ڪم ڪرين ڪهر پڙشي جي تمي ڪي ڪوه ريا؟
تماري ڪيڏل واتون ڪيائي ڪوم ري نئين ٿئه. ⑩ دنيا ۾ تو الاهي گهڻي قرق
قرق ٻولي سئه، ان هر ٻولي رو آڀرو آڀرو مطلب سئه. ⑪ توئي پڻ، جي مون ننه
ڪياڪ ٻولي رو مطلب هزميام نٿي آوتو، تو ٻوليا وازا ننه هون جت ان ڌاريو
لاڳيه، ان او پڻ مون ننه جت ان ڌاريو لاڳشي. ⑫ ان زئون تمي ڪڙا ٿي زڙل
ٻولي ڪروه، تئيون تماري وات پڻ همريئم سئه. تمي پويتر آتما رئي ڏيڏل قرق
قرق نمونا رئي ڪڙا ليڏا هارو هڪوه، تو پسئه ايوا نمونا رئي ڪڙا ليڏا هارو من
لڳاڙو، جيا ٿي وشواسي منڌڙي رون منڪون رو وشواس پڪو ٿئه.

⑬ تيام، جيو منڪ ڪڙا ٿي زڙل ٻولئي ٻولئه، اوتا رنه پڳوون ٿي اي پراٿنا
ڪروو، جي اوتا ننه آڀري ڪيڏل وات هزميا رئي ان همپڙايا رئي ڪڙا زڙهه.
⑭ جي هون ڪڙا ٿي زڙل ٻولي ۾ پراٿنا ڪرون، تو هون پويتر آتما ري ڪڙا
ٿي آڀرا من ٿي پراٿنا ڪرونه ريو، پڻ مارو ڏيماڳ پراٿنا ۾ ڪئين نٿي ڪرتو.
⑮ تو پسئه مارئه ڪي ڪروو ڪپئه؟ هون آڀرا من ٿي پراٿنا ڪريه، ان هون آڀرا
ڏيماڳ ٿي پڻ پراٿنا ڪريه. هون آڀرا من ٿي پڙن ڳاويه، ان هون آڀرا ڏيماڳ

ٿي پڻ پزن ڳاويھ. ①6 تيام تمې وشواسي منڌڙي ۾ ايويي ٻوليي ڪرو جيئي ٻڌائي ھزمي ھيڪئھ، نڪا جي تمې پويتر آتما ري ڪڙا ٿي آٻرا من ٿي پڳوونَ رو ٿورو مونتا ھوئو، تو جيو منڪ ھائي ٻوليي ھزمتو نٿي، او تمارئھ ٿورو مونيا مانھ ڪم ڪرين ”آمين“ ڪيشي؟ او تو ھزمتو نٿي جي تمې ڪي ڪوھ ريا. ①7 تمې آٻ پلئھ ٺاٺوڪئھ نمونئھ پڳوونَ رو ٿورو مونتا ھوئو، پڻ ھم ڪريا ٿي پيزا رو وشواس وڌارئھ پڪو نئين ٿئھ.

①8 ھون پڳوونَ رو ٿورو مونونھ جي ھون ڪڙا ٿي زڙل ٻولي تمون ٻڌون ٿي وڌارئھ ڪرونھ. ①9 پڻ وشواسي منڌڙي ۾ جي ھون پيزون نئھ شيڪاڙيا ھارو روڳا پونس ويڻ آٻرا ڌيماڳ ٿي ٻولون، توئي پڻ او ويڻ ڪڙا ٿي زڙل ٻولي ۾ ھزارون ويئون ٿي ٺاٺوڪا سئھ، ڪم تو منڪ ماري واتون ھزمي ھيڪئھ.

②0 پايون ان پينون، تمې ھايا وات ۾ ننڪون ٻاڙون جيويي عقل مت راکو. تمې ننڪون ٻاڙون را زم ڪراپ ڪومون را پارام سوچو ئي مت، پڻ موتون منڪون جيويي عقل راکو. ②1 جي ٻولي ھزميام نٿي آوتي، اوئون را پارام شاستر ۾ ام لڪل سئھ:

”ايشور ام ڪئھ:

ھون پيزيون ٻوليون ۾

ان ڌاري قومون رون منڪون ھاٿ

ايئا اسرائيلي قوم نئھ ماري واتون ھمپڙاويھ.

توئي پڻ او ماري وات نئين مونئھ.

②2 ھايا شاستر ري وات ڀرمونئھ پڳوونَ اسرائيلي قوم رون منڪون نئھ سزا ڌين ڌاريون رئھ ڄاڻئھ ڪريا ڀرا، ڪم تو او پڳوونَ ري واتون نٿا مونتا، ان اوئون ھارو پيزي ٻولي جي ھزميام نٿي آوتي پڳوونَ ري سزا رو ھيڪ نيشون ھتي. ھيوئھ نمونئھ ڪڙا ٿي زڙل ٻولي جي ھزميام نٿي آوتي وشواس راکيا واڙون نئھ ڪئنيڪ شيڪاڙيا ھارو نٿي، پڻ وشواس نہ راکيا واڙون ھارو ھيڪ نيشون سئھ

جي ڀڳوون اُوئون نئه سزا ڏيشي. پڻ ڀڳوون را ڏيڏل نيا پا اُوئون منڪون هارو نٿي
 جيا وشواس نئين راکه، پڻ اُوئون منڪون هارو سئه جيا وشواس راکيا واڙا سئه.
 (23) تيام، جي وشواسي منڌڙي را ٻڌائي منڪ هڪا ماڳ پيڙا ٿيل هوئه ان او
 ٻڌائي ڪڙا ٿي زڙل ٻولي ڪرئ، ان ڪئينڪ ايو منڪ اوئيه اوئه جيا هيا وات
 را پارام نٿي زوئتا ڪا وشواسي نٿي، تو او تمون نئه ڳونڌا هزمشي. (24) پڻ جي
 ٻڌائي ڀڳوون رو نياپو ڏيتا هوئه، ان ڪوڪ ايوو منڪ اوئه جيو وشواسي نه
 هوئه ڪا هيا وات را پارام نه زوئتو هوئه، تو ٻڌون ري واتون هومپڙين اوئا نئه
 ڪٻر پڙشي جي او ڏوهاري سئه ان او ڀڳوون رئي سزا ڪاڏا جيوو سئه. (25) اوئا
 را من ري هتال واتون ساوي ٿيشي. ٿيون او زمي مانه پڙين ڀڳوون رئي پوزا
 ڪرشي ان ٻڌون نئه همپڙاوشي جي ”هاس ۾ ڀڳوون تمون وسا سئه.“

وشواسي منڌڙي ۾ ڀڳنڻي ڪيوئ نمونئ ڪروو

(26) تيام، پايون ان پينون، تمارئ ام ويوو. زئيون تمي ڀڳتي هارو پيڙا ٿيوه،
 ٿيون هر هڪ ٿيار ٿين اوئه زم ڪوڪ پزن ڳاوئه، ڪوڪ ڪئينڪ شيڪاڙئ،
 ڪوڪ ايوئي وات همپڙاوهه جئي ڀڳوون اوئا ڪن ساوئي ڪرئي هوئه، ڪوڪ
 ڪڙا ٿي زڙل ٻولي ڪرئ، ڪوڪ ڪڙا ٿي زڙل ٻولي ۾ ڪيڏل وات رو مطلب
 همپڙاوهه. پڻ ٻڌي واتون ٻڌون رو وشواس پڪو ڪريا هارو هوئه.

(27) جي ڪوڪ ڪڙا ٿي زڙل ٻولي ڪرئ، تو روڳا ٻي ڪا وڌ ۾ وڌ ترڻ زئا
 وارا وارا ٿي ٻولئ، ان هڪ زئو ڪيڏل واتون رو مطلب همپڙاوهه. (28) جي اوئيه
 ڪوئي ايوو نٿي جيا ۾ ڪڙا ٿي زڙل ٻولي هزميا رئي ڪڙا سئه، تو ڪڙا ٿي زڙل
 ٻولي ڪريا واڙو وشواسي منڌڙي ۾ ماڻ رئ، ان زئيون او هڪلو هوئه ٿيون
 ڀڳوون ٿي هم ٻولئ.

(29) جيا ڀڳوون رو نياپو ڏيڏا واڙا سئه، اُوئون موئين ٿي ٻي ڪا ترڻ زئا ٻولئ،
 ان پيڙا اُوئون ريون ڪيڏل واتون رئي جونچ ڪرئ، جي او ڀڳوون را پاها ٿي سئه

ڪا نا. ③۰ جي هيڪ ڀڳوونَ رو نياپو ڏيڏا وازو ٻولتو هوئ، ان ڀڳوونَ ٻيڙا ٻيٺل منڪ ڪن آپري ڪئينڪ وات ساوئي ڪرئ، تو پيرهيون منڪ جيو ٻولئھ ريو، او ماٺ ڪرئ، زم ٻيڙا نئھ ٻوليا رو موقعو زڙئ. ③۱ ٽمي تو ٻڌائي هيڪوڪو هيڪوڪو ٿين ڀڳوونَ رو نياپو ڏي هيڪوھ، زم ٻڌائي هوٺيڙين شيڪي هيڪئ، ان ٻڌون نئھ حوصلو زڙئ. ③۲ ڀڳوونَ رو نياپو ڏيڏا وازا پويتر آتما ري ڪڙا ٿي ڀڳوونَ رو نياپو ڏئھ، توئي پڻ او آپري مرضي پرموئئھ ٻولي هيڪئھ ان ماٺ ڪري هيڪئھ. ③۳ ڪم تو ڀڳوونَ ٿائي ان ڪاش ڪرايا وازو نٿي، پڻ هڀ ان شونتئي رڪايا وازو سئھ.

زم ڀڳوونَ رون سونڊل منڪون ريون ٻڌيون وشواسي منڌڙيون ٻر رواز سئھ، ③۴ ٽم وشواسي منڌڙي ٻر ڀڳتي رئھ توئئھ ڏوشي شونتئي راکئھ. ڪم تو اوئون نئھ واتون ڪريا رئي آگيا نٿي، پڻ اوئون رئھ وشواسي منڌڙي رون آگيوونون را ڪيڏا هيٺ ريو، زم شاستر ٻر لڪل سئھ. ③۵ جي او ڪياڪ وات را پارام ڪٻر پاڙوا ڪرئ، تو او گهري آٻرا آڌمي ٿي پونسئھ. ڪم تو اي نائوڪئي وات نٿي جي ڏوشي وشواسي منڌڙي ٻر واتون ڪرئھ.

③۶ ٽمي اوپروٽ مت ٿيو! ڀڳوونَ رو وچن تمون ڪن ٿي پڪڙي گيو، ڪي؟ ڪا ڀڳوونَ رو وچن روگهو تمون هوڏي پوگيو، ڪي؟ ③۷ جي تمون موئين ٿي ڪوئي ام هڙمئھ جي او ڀڳوونَ رو نياپو ڏيڏا وازو سئھ ڪا اوئا نئھ پويتر آتما ٿي ڪڙا زڙل سئھ، تو اوئا رئھ اي زوٿو ڪپئھ جي زئيون هون تمون نئھ اي واتون لڪونھ ريو، هون پريو ايسو ري اڪتباري ٿي حڪم ڏيونھ ريو. ③۸ جي ڪوئي هائي وات هاسئي نه مونئھ، تو ڀڳوونَ اوئا نئھ پڻ هاسو نئين مونئھ.

③۹ تيام، مارون پايون ان بينون، ڀڳوونَ رو نياپو ڏيڏا رئي ڪڙا ليڏا هارو هڪو، ان ڪڙا ٿي زڙل ٻولي ڪريا رو مت روڪيا. ④۰ پڻ ٻڌوئي ڪئين نائوڪئھ ڍاڙئھ ان صحيح نمونئھ ٿيو ڪپئھ.

ايسو را جيوي اونيا رئي شاپنتي

15 ① هوه، پا يون ان بينون، هون تمون نئه ايسو ري كشي ري كبر را پارام يا ذيو را وونه، جي مئين تمون نئه همپراوي تي. تمى او مونئي تي، ان اوتا مانه تمى وه پڻ ريا. ② هايا ري كري تمون نئه تارڻ زڙشي. پڻ شرط اي سهه جي تمى پڪا يقين تي ماريون همپراول پگهون ريون واتون مانه ويتا ريو، نڪا جيو وشواس تمى اوڻيو تو، او ڪيا ئي ڪوم رو نئي.

③ ڪم تو او وشواس ري اصلي واتون جي مئين پيزون تي شيڪي تي، اوئون واتون نئه مئين ٻڌون تي ضروري واتون هزمين تمون نئه شيڪاڙي تي، جي پگهون رو سونڊل پچايا واڙو، ايسو ڪريست، شاستر ۾ اڳي لڪل واتون پرموئنه آڻيون ڏوهون نئه ماڻ ڪرايا هارو مري گيو، ④ اوتا نئه مقوم موئين پوريو، ان ترئمئه ڏي شاستر ۾ اڳي لڪل واتون پرموئنه پگهون اوتا نئه جيوي اوناڙيوه. ⑤ جيوي اونيا ڪيڙ اوئه پطرس نئه ڏيڪاڙو ڏيڏو، ان تيا ڪيڙ آڀرون ٻارون سونڊل شيلون نئه ڏيڪاڙو ڏيڏو. ⑥ تيا ڪيڙ هيڪئه توئنه پونسون هوئون تي وڌيڪ وشواسيون نئه ڏيڪاڙو ڏيڏو، جيون موئين تي گهڻا منڪ هزون هوڏي جيوئا سهه، پڻ ڪئينڪ تو مري گيا. ⑦ تيا ڪيڙ اوئه يعقوب نئه ڏيڪاڙو ڏيڏو، ان پسئه ٻڌون مڪ شيلون نئه ڏيڪاڙو ڏيڏو. ⑧ نيٺ ٻڌون ڪيڙ اوئه مون نئه پڻ ڏيڪاڙو ڏيڏو. هون ايوا ٻار را زم سون جيو آڀرا صحيح توئا مانه پيدا نئي ٿيو، ڪم تو هون آڀرا صحيح توئا مانه نئين، پڻ ٻڌون مڪ شيلون ڪيڙ مڪ شيلو ٿيوه.

⑨ هون مڪ شيلون موئين ٻڌون تي گهٽ سون. هون ايوو پڻ نئي جي هون مڪ شيلو ڪيورائون، ڪم تو مئين پگهون ري وشواسي منڌڙي رون منڪون نئه تنگ ڪريا تا. ⑩ توئي پڻ هون مڪ شيلو سون، ڪم تو پگهون مون مانه ڪريا ڪرين مون نئه مڪ شيلو نايو. ان پگهون ري ڪرل ڪريا تي گهڻو قائيدو ٿيو. مئين اوئون ٻڌون مڪ شيلون تي وڌارئه مينت ڪرئي. هون آڀري هيمنت تي ڪئين

نه ڪري هيڪيو، پڻ پڳوونَ مُون پيڙو هتو ان مُون نئه هائي ڪوم ڪريا رئي هيمنت ڏيتو ريو. (11) تيام ايئا ۾ ڪئين وات نٿي جي مئين گهڻو ڪوم ڪريوه، ڪا پيڙي مُڪ شيلي گهڻو ڪوم ڪريوه. امي مُڪ شيلا تو ايسُو را پارام هائي هاڳي واتون همپڙاوونھ، ان تمي هايون هاڳي واتون مانھ يقين ڪريو.

ايسُو رءُ جِيوي اُونيا ٿي اي ناپنتي نئه جي پڳوونَ آپون نئه پڻ جِيوي اُوناڙشي

(12) امي مُڪ شيلا ٻڌون نئه ام همپڙاوونھ جي پڳوونَ ايسُو ڪريست نئه مرلون موئين ٿي جِيوي اُوناڙيوھ. تو پسته تمون موئين ٿي ڪوڪ اي ڪم ڪنھ ريا، جي پڳوونَ مرل منڪون نئه جِيوي نٿي اُوناڙتو؟ (13) جي پڳوونَ مرل منڪون نئه جِيوي نه اُوناڙت، تو پسته اُوئه ايسُو ڪريست نئه نه جِيوي اُوناڙيو هوئت. (14) ان جي پڳوونَ ايسُو ڪريست نئه جِيوي نه اُوناڙيو هوئت، تو پسته اماري همپڙاول واتون ڪيائي ڪوم ري نه ٿت، ان تمارو وشواس پڻ نالو ٿت. (15) ان امي پڳوونَ را پارام ڪوڙئي هاڪ پريا وڙا ٿت. ڪم تو امي هاڪ پرين همپڙايو جي پڳوونَ ايسُو ڪريست نئه جِيوي اُوناڙيوھ. پڻ جي پڳوونَ مرلون نئه جِيوي نه اُوناڙت، تو امارئي پرل هاڪ ڪوڙئي ٿت. (16) ڪم تو جي پڳوونَ مرلون نئه جِيوي نه اُوناڙت، تو اُوئه ايسُو ڪريست نئه پڻ جِيوي نه اُوناڙيو هوئت.

(17) جي پڳوونَ ايسُو ڪريست نئه جِيوي نه اُوناڙيو هوئت، تو تمارئ وشواس راڪيا رو ڪئين قائيدو نه ٿت، تمي هزون هوڏي ڏوهون ۾ قاتل هوئت، (18) ان جيا منڪ ايسُو ڪريست مانھ وشواس راڪين مري گياھ، اُوئون نئه هميش رئي سزا زڙئي هوئت. (19) جي آبي روڳا ايئا حياتي هارو ايسُو ڪريست مانھ پروسو راڪونت ان مريا ڪيڙ آپون نئه ڪئين نه زڙت، تو ٻڌون منڪون موئين ٿي آپون مانھ ٻڌون ٿي گهڻو قياس ڪروو ڪپت.

(20) پڻ هاسئي وات تو اي سئھ، پڳوونَ ايسُو ڪريست نئه مرلون موئين ٿي

جيوي اوناڙيوه. ان پڳوون ايسو ڪريست ننه ٻڌون مور جيوي اوناڙيا ٿي اي ٿاڀي ڏيڏيهه جي او آپرون ٻڌون منڪون ننه موت ٿي ضرور جيوي اوناڙشي. (21) ڪم تو زم هڪا منڪ ري ڪري موت رٿي وات ٿي، تم هڪا منڪ ري ڪري پڳوون مرل منڪون ننه جيوي اوناڙشي. (22) ڪم تو زم پيرهيان منڪ آدم ٿي واسطو راڪيا ري ڪري ٻڌائي منڪ مري زانه، تم زتا منڪ ايسو ڪريست ٿي واسطو راڪه، اوئون ٻڌون ننه پڳوون جيوي اوناڙشي. (23) پڻ هر هڪ آپرا آپرا وارا مانه جيوي اونسهي. مور ٿي ايسو ڪريست جيوي اونيوه، ان تيا ڪيڙ ايسو ڪريست را پاسا آيا رنه توتنه ايسو ڪريست را منڪ جيوي اونسهي. (24) ان تيون ڏنيا رٿي پڇاڙي ٿي، ان جيو پڻ پڳوون رنه ڪلاڦ سئه، جيا رٿي پڻ آڳيونئي، اڪتياڙي ان ڪرا سئه، ايسو اوئون ٻڌون ننه ڪتم ڪرشي ان پسئه راز پڳوون ٻاپ رنه حواله ڪرشي. (25) ڪم تو ام ضرور ٿي جي ايسو آپر تيون هوڏي راز ڪرشي، زيون هوڏي او آپرون ٻڌون ڏشمئون ننه هراوين آپري پڳي نه لڳاڙه. (26) نيٺ او آڪري ڏشمڻ ننه پڻ ڪتم ڪرشي، ان او ڏشمڻ موت سئه. (27) ڪم تو شاستر ۾ ام لڪل سئه:

”پڳوون ٻڌوئي ڪئين اونا رون پڳون هيٺ راڪيوه.“

هوه، زيون شاستر ۾ لڪل سئه جي ٻڌوئي ڪئين ايسو هيٺ راڪل سئه، تو وات ساوئي سئه جي پڳوون، جيو ٻڌوئي ڪئين ايسو هيٺ راڪيا واڙو سئه، او آپ ايسو هيٺ ٿي. (28) تيام، زيون ٻڌوئي ڪئين ايسو هيٺ راڪل هوشي، تيون ايسو آپ ننه آپرا ٻاپ پڳوون هيٺ راڪشي، جيئنه اڳي ٻڌوئي ڪئين آپرا ڏيڪرا ايسو هيٺ راڪيو تو. هيوه نموننه پڳوون ٻڌيون واتون ۾ ٻڌون رو ڏي ٿي.

(29) پڳوون تو ضرور مرلون ننه جيوي اوناڙشي. جي هم نه ٿت، تو جيا منڪ مرلون هارو پويتر سنون لئه، او هم ڪيا هارو ڪرت؟ (30) ان جي پڳوون مرلون ننه جيوي نه اوناڙت، تو پسئه امي هر توتنه آپرو جيو ڪترام ڪم نوڪت؟

31) پايون ان بينون، هُون تمون ننه هاس ڪونه جي هُون تو تاريخ موت را ڪترام سون. هُون تمون ٿي ڪوڙ نٿي ڪرتو، ڪم تو هُون تمون مانه ڪش سون جيا ماري واتون هومپيرين آڻيا پر پيو ايسو ڪريست ٿي واسطو را ڪوه. 32) ايتنه افسس شهر ۾ اتا گهڻا منڪ مائه ڪلاق سئه، جي هُون زوئنه جهنگلي زناورون ٿي مقابلو ڪرونه ريو. جي هُون ايئا دنيا ۾ قائيڏا هارو هم ڪرونه، تو مون ننه ڪيوو قائيڏو ٿئت؟ جي پگيون مرلون ننه جيوي نه اوناڙت، تو آبي ايئا ڪيٽي پرموئنه وٽ: ”ڪائي پي ليو، هوارِي تو مري زاشون.“

33) پڻ پولائي مت زائو! هاسي ڪيٽي تو اي سئه:

”ڪراپ منڪون پيزا ريا ٿي نائوڪا لچڻ ڪراپ ٿي زائه.“

34) تيام تمي هونش راڪين پگيون ري وات مانه وو، ان اي ڪوڙي وات مونيا رو ڏوه مت ڪرو، جي پگيون مرلون ننه جيوي نٿي اوناڙتو. جيا هائي ڪوڙي وات موننه، اوتون ٿي پاھو ڪرو، ڪم تو تمون موئين ڪئينڪ ايوا منڪ سئه جي پگيون را پارام ڪئين نٿي زوئتا. هُون تمون ننه ايئا هارو ڪونه زم تمي لزي مرين صحيح وات مانه وو.


جيوي اونيا ڪيڙ منڪون رو ڏيل ڪيوو هوشي

35) توئي پڻ تمون موئين ٿي ڪوڪ ام ڪيشي: ”پگيون مرل منڪون ننه ڪم ڪرين جيوي اوناڙشي؟ اوتون رو ڏيل ڪيوو هوشي؟ او تو هڙين ڪتم ٿي گيوه.“

36) جيو هم سوچنه، او پوزو سئه. تمون ننه اي ڪهر نٿي ڪي؟ زئون پيز پوڪنه، تو زئون هُوڏي پيز هڙي نٿي زاتو، تيون هُوڏي ڦصل نٿي اوگتو. 37) ان جيو پيز منڪ پوڪنه، اونا پيز رو روپ اونا پيز ٿي اوگل ڦصل را روپ جيوو نٿي، پڻ او روگو ڏوٿو سئه، پلئه او ڪٽڪ رو هوه ڪا پيزا ڪياڪ ڦصل رو هوه. 38) پگيون ننه زم وئنه، هم پيز ننه ناوئه، ان هر هيڪ پيز ري جنس ننه اونا را آڀرا آڀرا نمونا پرموئنه ناوئه.

39) پيزو مثال. ٻڌون را ڏيل هيڪ جيو نٿي هوتا. پڻ منڪون را ڏيل، زناورون را ڏيل، پڪيون را ڏيل، ان مشيون را ڏيل، او ٻڌائي قرق قرق نمونون را سٺه.

40) آڪاش ان ڌرتي رٿي وات پڻ زوٽو. آڪاش مانه شينهنون سٺه، ان ڌرتي مانه پڻ شينهنون سٺه. پڻ جي شينهنون آڪاش مانه سٺه، ان جي شينهنون ڌرتي مانه سٺه، او هيڪ جيوي نٿي هوتي. آڪاش ري شينهنون سوجهرا وڙي سٺه، پڻ ڌرتي ري شينهنون سوجهرا وڙي نٿي. 41) ان آڪاش ريون شينهنون ۾



قرق سٺه. ڏي رو سوجهرو هيڪ سٺه، تو انزوٽاڙيا رو سوجهرو پيزو سٺه، ان تارون رو سوجهرو وڙي پيزو سٺه. ان تارون ۾ پڻ قرق سٺه. هر هيڪ تارا رو آڀرو آڀرو سوجهرو سٺه.

42) هوٽه، مرلون رٿه جيوي اُونيا رٿي وات همريٿم سٺه. زم پوڪل پيزو رو روپ اوڳل قصل را روپ جيوي نٿي، تم جيو ڏيل مقوم موئين پورائھ، او اوٽا ڏيل جيوي نٿي جيا نٿه پڳوون جيوي اوناڙشي. جيو ڏيل مقوم موئين پورائھ، او کتم ٿيا وازو سٺه، پڻ جيو ڏيل پڳوون جيوي اوناڙشي، او ڪيڏي کتم نئين ٿه. 43) جيو ڏيل مقوم ۾ پورائھ، او مونوازو نٿي، پڻ جيو ڏيل پڳوون جيوي اوناڙشي، او مونوازو سٺه. جيو ڏيل مقوم ۾ پورائھ، او هيٺو سٺه، پڻ جيو ڏيل پڳوون جيوي اوناڙشي، او طاقت وازو سٺه. 44) جيو ڏيل مقوم ۾ پورائھ، او ايٺا ڏنيا وازو سٺه، پڻ جيو ڏيل پڳوون جيوي اوناڙشي، او آڪاش وازو سٺه.

زم ڏنيا وازو ڏيل هوٽه، تم آڪاش وازو ڏيل پڻ هوٽه. 45) زم شاستر ۾

لڪل سٺه:

”پيرهيون منڪ آدم جيوتو ٿيو.“

پڻ ڪيڙليو منڪ ايسو، جيو آدم ري پيڏي رون ٻڌون منڪون رو ڌڻي سٺه، اوٽه آڪاشي ڏيل ليڏو ان هميش رو جيون ڏيڏا وازو ٿيو. 46) پڻ مور ۾ آڪاش وازو ڏيل نٿي هوتو، پڻ ڏنيا وازو ڏيل هوٽه، ان پسٺه ٿيا ڪيڙ آڪاش وازو ڏيل

هونءُ. (47) پيرهيون منڪ آدم اينا ڌرتي رو هتو ان ماتي تي ناول هتو، پڻ ڪيڙيو منڪ ايسو آڪاش رو هتو. (48) جيا منڪ ڌرتي مانه رهه، اوئون رو ڏيل ڌرتي را منڪ آدم را زم ماتي رو سئه. ان جيا منڪ آڪاش ۾ رهه، اوئون رو ڏيل آڪاش را منڪ ايسو را زم آڪاشي سئه. (49) زم آيون نئه ڏنيا را منڪ آدم را زم ماتي رو ناول ڏيل زڙيوه، تم آيون نئه آڪاش را منڪ ايسو را زم آڪاشي ڏيل زڙشي.

(50) پايون ان پينون، هون تمون نئه ڪاتري تي ڪونه ريو، اي ڏيل جيو مونه ان لويي رو سئه، اي آڪاش ۾ پگيون را راز ۾ ماڳي نئين زائي هيڪئه. ان نڪو اي ڏيل جيو ڪتم تيا واڙو سئه، ڪتم تيا وگر هميش هودي ريشي. (51) ماري وات هومپرو، هون تمون نئه پگيون رهي هيڪ اونڌي وات همپروونه. آيون وشواسيون موئين تي ٻڌائي منڪ نئين مرئه، پڻ پگيون آيون ٻڌون نئه ڀڏلوشي. (52) هتارا جهت ۾ آيون نئه ڀڏلوشي، زيون اورن شينگرو واڳشي، جيا تي پگيون اي ڪهر ڏيشي جي ڏنيا ڪتم تيا مانه سئه. ڪم تورن شينگرو واڳشي، ان پگيون مرل منڪون نئه جيوي اونارشي زم او ڪيڏي نه مرئه، ان اوئه ئي



ٿوئه آيون نئه ڀڏلوشي. (53) ڪم تو ضروري سئه جي اينا ڪتم تيا واڙا ڏيل ري جگا ۾، آيون نئه ايوو ڏيل زڙشي جيو ڪيڏي ڪتم نئين ٿئه، ان اينا مريا واڙا ڏيل ري جگا ۾، آيون نئه ايوو ڏيل زڙشي جيو ڪيڏي نئين مرئه. (54) اوئه ٿوئه، زيون ڪتم تيا واڙا ان مريا واڙا ڏيل ري جگا ۾ آيون نئه ايوو ڏيل زڙشي جيو ڪيڏي ڪتم نئين ٿئه ان ڪيڏي نئين مرئه، تيون شاستر ۾ لڪل اي وات پوري ٿيشي:

”پگيون رهي جيت ٿيهه ان موت رهي هار ٿيهه.“

(55) ”موت رو قوضو هونءُ ڪتم تي گيوه.“

موت رهي بيڪ هونءُ ڪيل گيهه؟“

⑤6 منڪ موت را قَوْضام پڙڻه ان موت ٿي پيڻاهه ڪم تو او ڏوه ڪرڻه، ان منڪ ڏوهاري ٿهه ڪم تو او شاستر ۾ لڪل پڳوون رون حُڪمون مانه نٿي ویتا. ⑤7 پڻ پڳوون رو شُڪر سٺه، جي او آڻا پڙيو ايسو ڪريست ري ڪري آڀون نٺه موت را قَوْضا ٿي سڏاوين تارڻ ڏهه.

⑤8 تيام، مارون پريمي پايون ان پينون، تمي پڪو وشواس راکو، منڪون ري ڪوڙي واتون مت مونو، ان هميش نائوڪه نمونٺه پڙيو ايسو رئي شيوا ڪرتا ريو، ڪم تو تمون نٺه ڪهر سٺه جي جئي مينت تمي پڙيو ايسو ري شيوا ۾ ڪروه، اوڻا رو ايوزو ضرور زڙشي.

يروشلم شهر رون يهودي قوم رون وشواسيون هارو امدادا

16 ① تمي ڪت ۾ پڳوون رون سونڍل منڪون هارو امدادا را پارام پونسيوه، جئي يروشلم شهر رون گريپ وشواسيون نٺه ڏيشون. زم مئين گلتيه صوپا رون وشواسي منڌريون رون منڪون نٺه امدادا ڏيڏا را پارام حُڪم ڏيڏو، هم تمي پڻ ڪرو. ② هر آچار رٺه ڏي تمون موئين ٿي هر هيڪ آپري ڪمائي پرموئنه ڪئينڪ پيها امدادا هارو پچاوين راکه، زم مارنه تمون ڪن آيا رٺه توئنه پيها پيڙا ڪريا رئي ضرورت نه پڙهه. ③ زئيون هون تمون ڪن آويه، تئيون جيا منڪ تمي سونڍيا هوشي، اوئون نٺه هون چني ڏين تماري ڏيڏل امدادا ڏيوا يروشلم شهر ميلي. ④ جي مارنه پڻ زايا رو نيڪ لاڳهه، تو هون اوئون پيرو زائيهه.

پولوس، تيمٿيس، ان اپلوس رٺه گرتيون ڪن زايا را پارام

⑤ هون مڪڏنيه صوپا ۾ تين پسته تمون ڪن آويه، ڪم تو هون مڪڏنيه صوپا ۾ زائيهه. ⑥ هون تمون ڪن ڪئينڪ وڪت هوڏي ريه، ڪا زويام پورو شيئاڙو تمون ڪن ريه، زم تمي پنڌ هارو ماري مدت ڪرين مون نٺه آڳر ميلي هيڪو،

جيئن ته پڻ هون زائيهه. ⑦ مارئي مرضي نتي جي هون همئنه تمون ڪن آوون ان روڳو ٿوريڪ وار ريون. پڻ مارئي اميد اي سئه، جي پريو رئي مرضي هون، تو هون گهئا ڏي تمون ڪن ريه. ⑧ پڻ هون پينتيڪوسٽ پرپ هودي ايئه افسس شهر ۾ ريه. ⑨ ڪم تو ايئه مون نئه ايسو را پارام همپرايا رو گهٽو موقعو سئه ان گهئا منڪ وشواس اوئنه ريا، پڻ گهئا منڪ مارئه ڪلاف پڻ سئه.

⑩ جي تيمٽيس تمون ڪن اوئه، تو ڪيال راکيا جي تمې اوئا ٿي نائوڪئه نمونئه وو، زم اوئا نئه ڪئين پيڪ نه هون. ڪم تو او پڻ پريو رو ڪيڏل ڪوم ڪرئ ريو، زم هون ڪرونه ريو. ⑪ تيام ڪوئي پڻ اوئا نئه گهٽ نه هزمئه. پڻ اوئا نئه پريم ٿي ملين هپ ٿي ررونو ڪريا، زم او مون ڪن پاسو اوئه. ڪم تو هون ان مون پيڙا وشواسي پائي اوئا رئي وات زوئنه ريا.

⑫ تمې ڪت ۾ پائي ايلوس را آيا را پارام پونسيوه. مئين اوئا نئه گهٽو گهٽو ڪيڏو تو جي او وشواسي پايون پيڙو تمون ڪن اوئه. پڻ اوئا رئي مرضي نتي جي او همئنه تمون ڪن اوئه. توئي پڻ زئون اوئا نئه موقعو زڙيو، تيون او ضرور آوشي.

اڪري وانون

⑬ هر هيڪ وات ۾ هوشيار ريو، پڪو وشواس راکين اوئا مانه وينا ريو، حوصلو راکو، ان هيئت ٿي وو. ⑭ جئين ڪئين تمې ڪروه، او پريم ٿي ڪرو.

⑮ پايون ان پينون، هون تمون نئه هيڪ منٽ ڪرونه. تمون نئه ستفناس ري اڪائي را پارام ڪبر سئه، جي يونان صويا ۾ هائي پيرهيئين اڪائي سئه جيا را ٻڌائي پاتي وشواسي ٿيا، ان هائي پگيون رون سونڊل منڪون رئي شيوا ڪريا رئي زميواري اپ مانه ليڏي. ⑯ هون تمون ٿي اي منٽ ڪرونه جي تمې هيون منڪون رو ڪيڏو مونو، ان اوئون ٻڌون رو ڪيڏو مونو، جيا آيون پيڙا پگيون ري شيوا ۾ ڪوم ڪرئ ان مينٽ ڪرئ. ⑰ هون گهٽو ڪش سون جي ستفناس،

فرتونائس، ان اخيڪس تمون ٿي مون ڪن آياھ، ڪم تو مارئي تمون ٿي مليا رئي
 سڪ هٿي، پڻ ايئون رٿه آيا ٿي مارئي سڪ پورئي ٿيھ. (18) ايئي مارئي هيٺ
 وڌاوي ان تمارئي هيٺ پڻ وڌاوي. تيام تم هيون منڪون رو مون راکو.

پولوس گرتيس شهر رون وشواسيون ٿي موڪلاوڻھ

(19) ايت ري آسيه صوپا ري وشواسي منڌري تمون نٿه نمسڪار ڪڻھ. اڪولھ ان
 اوٿا رئي ڏوشي پرسڪلھ، ان جي وشواسي منڌري اوئون ري گھري پيڙي ٿھ،
 او تمون نٿه پرپو ايسو ٿي واسطو راکيا ري ڪري گھڻا گھڻا نمسڪار ڪڻھ.
 (20) ايت را ٻڌائي وشواسي پائي ان پينون تمون نٿه نمسڪار ڪڻھ. تمي هيڪا
 پيزا ٿي پويتر نمونئھ پریم ٿي ملو. (21) هون پولوس آپرون هاتون ٿي تمون نٿه
 نمسڪار لڪونھ ريو.

(22) جي ڪوئي پرپو ايسو ٿي پریم نٿي راکتو، تو او پڳوون رو پتل ٿھ!
 آپڻو پرپو ايسو وڙي پاسو آيا وازو سڻھ.
 (23) پرپو ايسو تمون مانھ ڪڙيا ڪڙھ! (24) ايسو ڪريست ٿي واسطو راکيا
 ري ڪري هون تمون ٻڌون ٿي هميش پریم راکونھ.

ڪرنٽيون را نوم مانھ لکل پيزا ڪت رئي ھرموٽي

ڪت لکيا وازو

اي ڪت پولوس لکيو، ان ڪت لکيا رٿ توڻئ ٽيمٽيس ٻن اوتئا پيزو ھتو (2 ڪرنٽيون 1:1). پولوس اي ڪت آپرا ترٿما چڪر مانھ لکيو، زئيون او ڪرنٽس شھر موٽين ايسو را پارام ھمپزيا ھارو ڳيو تو (مڪ شيلون را ڪوم 18-1:18)، ان تيا ڪيتر افسس شھر موٽين زائين (1 ڪرنٽيون 8:16)، ڪرنٽيون را نوم رو پيرھيون ڪت لکيو تو ان طيطس ھات مليو تو. تيا ڪيتر پولوس مڪدنيہ صويا م طيطس ٿي ملو ڳيو ان اوٿئ طيطس ٿي ڪرنٽيون را پارام ڪبر پاڙي (2 ڪرنٽيون 13:2، 7-5:7)، ان پسن پيرھيون ڪت لکيا ٿي سوٿونڪ مئنون ڪيتر، اندازام 55ع م سال ري پڇاڙي م، اي پيزو ڪت لکيو.

ڪت ڪيون منڪون ھارو لکيو

پولوس اي ڪت ڪرنٽس شھر رون وشواسي منڪون ھارو ان يونان صويا رون پيزون ٻڌون وشواسيون ھارو لکيو (2 ڪرنٽيون 1:1). ڪرنٽس شھر رون منڪون نئ ڪرنٽي ڪيتا. ڪرنٽس يونان ملڪ رو زونو شھر ھتو، جيا نئ رومي قوج اوين پونڳيوت پرو ان پسن ھو سالون ڪيتر روم رون قوجيون ان منڪون ھارو وڙي ٿايو. رومي حڪومت يونان ملڪ نئ آپرو ھيڪ صويو ٿايو. ڪرنٽس شھر واپار ڪريا ھارو ٺاٺوڪي جگا مانھ ھتو ان يونان صويا رو ٻڌون ٿي موتو شھر ھتو. اوٿئ روميون پيزا گھڻا يوناني قوم را منڪ ان ڪئينڪ يھودي قوم را منڪ پڻ ريتا. ڪرنٽس شھر يونٺا ڪوم م مشور ھتو. ان اوٿئ ھيڪ افروڊيتي نومي ڏيو رو مندر ھتو، جيئن منڪ ڏيو رئي پوزا ڪريا م پونڌو ڪوم ڪرتا.

زئيون پولوس اوٿئ ايسو را پارام ھمپزياو، ٽيون گھڻا منڪ وشواسي ٿيا (مڪ شيلون را ڪوم 8:18).

ڪت لکيا رو مطلب

پولوس اي ڪت لکيو ڪم تو طيطس پولوس رو پيرھيون ڪت ڪرنٽس شھر رون وشواسيون نئ ڏين پاسو اوين ڪيڏو تو جي اوت ري گھڻي وشواسي پيرھيان ڪت ري واتون مونيه پڻ ھزون ڪئينڪ منڪ سن جيا ڪوڙ ھاڪلين آپ نئ مڪ شيلا ڪئھ ان پولوس رٿ ڪلاڻ بولئھ ريا. او ڪوڙا منڪ ڪيتات ريا جي پولوس ڪوڙ ڪرئھ، ڪم تو اوٿ شروع م بي وار آيا را پارام ڪيڏو تو پڻ تيا ڪيتر ڪت م روڳو ھيڪ وار آيا را پارام لکيوھ. او اي پڻ ڪيتات ريا

جي پولوس هاس م مک شيلو نتي پن امداد هارو ڏيڏل پيها آب ڪاهه ريو. تيام ايئا ڪت م پولوس ڪرتس شهر رون وشواسيون نٽه ٿايتي ڏهه جي او هاسو ان ايموندار منڪ سٺ، ان اوئون نٽه هزماوئھ جي اوٽه آيرا آيا رو پروگروم ڪم پڏيوه (2 ڪرتيون 1:12-7:16)، اوئون نٽه يروشلم شهر رون گريب وشواسيون هارو امداد را پيها تيار ڪريا رو ڪهه (2 ڪرتيون 8:1-15:9)، ان اوئون نٽه همپزاوئھ جي او ضرور اوئون ڪن اوشي ان او مک شيلا رتي اڪتيا رتي راڪتون اوئون نٽه هزمايا هارو تيار سٺ (2 ڪرتيون 10:1-11، 12:14-13:10).

ايئا ڪتاب را شاستر تي پيا حوالا:

2 ڪرتيون 1:1 ڪوم 9:1-19	2 ڪرتيون 16:6 جزئي ايل 37:27
2 ڪرتيون 1:1 ڪوم 16:1-3	2 ڪرتيون 17:6 يسعياه 52:11
2 ڪرتيون 1:1 ڪوم 18:5	2 ڪرتيون 17:6 جزئي ايل 20:41
2 ڪرتيون 1:1 1 ڪرتيون 4:17	2 ڪرتيون 18:6 2 سموئيل 14:7
2 ڪرتيون 8:1 ڪوم 19:1-20:1	2 ڪرتيون 5:7 ڪوم 20:1
2 ڪرتيون 19:1 ڪوم 18:1-18	2 ڪرتيون 15:8 خروچ 16:18
2 ڪرتيون 3:2 1 ڪرتيون 4:14	2 ڪرتيون 1:9 1 ڪرتيون 16:4-1
2 ڪرتيون 5:2-6 1 ڪرتيون 5:5-1	2 ڪرتيون 9:9 زبور 112:9
2 ڪرتيون 13:2 ڪوم 20:1	2 ڪرتيون 15:9 يوحننا 3:16
2 ڪرتيون 7:3 خروچ 34:28-30	2 ڪرتيون 17:10 برمياه 9:24
2 ڪرتيون 13:3 خروچ 34:33-35	2 ڪرتيون 3:11 پيدائش 3:19-1
2 ڪرتيون 6:4 پيدائش 1:3	2 ڪرتيون 24:11 استشنا 25:3-2
2 ڪرتيون 13:4 زبور 116:10	2 ڪرتيون 33-32:11 ڪوم 9:23-25
2 ڪرتيون 2:6 بسعياه 49:8	2 ڪرتيون 14:12 ڪوم 20:1-3
2 ڪرتيون 16:6 اخبار 26:12	2 ڪرتيون 1:13 ڪوم 20:1-3
2 ڪرتيون 16:6 برمياه 32:38	2 ڪرتيون 1:13 استشنا 19:15

ڪرنتيون

را نوم مانھ پولوس رو لکل

پيزو ڪت

1 ① هون لکيا وازو پولوس سون، جيو پڳوون ري مرضي پرموئنه ايسو ڪريست رو هيڪ مڪ شيلو سونديل سون. اي ڪت مارا پاها ٿي ان آڻا وشواسي پائي تيمٽيس را پاها ٿي لکل سئ.

ڪرنتس شهر ري پڳوون ري وشواسي منڌري رون پريمي پايون ان بينون، ان يونان صويا رون ٻڌون پڳوون رون سونديل منڪون،

② آڻو ٻاپ پڳوون ان پريو ايسو ڪريست تمون مانھ ڪريا ڪرئ ان تمون نئ هڪي راڪئ!

پولوس پڳوون رو ٿورو مونئھ جي پڳوون اوئا مانھ ڏنيا ڪريھ

③ پڳوون را وڪوڻ ٿئ، جيو آڻا پريو ايسو ڪريست رو پڳوون ان ٻاپ سئ! او هميش قياس ڪريا وازو ٻاپ سئ ان هر تڪليب ۾ حوصلو ڏيڏا وازو پڳوون سئ. ④ او هر مصيبت ۾ آيون نئ حوصلو ڏئ، زم جيوئ نمونئ پڳوون آيون نئ مصيبت ۾ حوصلو ڏيڏوھ، هيوئ نمونئ آبي پڻ اوئون نئ حوصلو ڏيون، جيا هر نمونا ري مصيبت ۾ سئ. ⑤ ڪم تو زتا گھڻا ايسو ڪريست ري شيوا ڪريا ري ڪري امون نئ ايسو را زم ڏڪ ٿئ، اتو گھڻو ايسو ڪريست مانھ وشواس راڪيا ري ڪري امون نئ حوصلو پڻ زڙئ. ⑥ زئيون امي مصيبت

سهونھ، تئيون امي ايٺا هارو سهونھ زم اماري ڪري تمون نٿه حوصلو ان تارڻ زڙڻه. ان زئيون امون نٿه حوصلو زڙڻه، تئيون امون نٿه ايٺا هارو زڙڻه زم تمون نٿه پڻ حوصلو زڙڻه، ان هايا حوصللا ري ڪري تمي صير ٿي اُو ڏڪ سهي هيڪوه، جيا ايسو مانھ وشواس راڪيا ري ڪري زڙڻه، جيا ڏڪ امي پڻ سهونھ ريا. ⑦ ان امون نٿه تمون مانھ پورو پروسو سٺه جي تمي هيٺ راڪين صير ٿي ڏڪ سهشو، ڪم تو امون نٿه ڪبر سٺه جي جيوتھ نمونٿه امارا زم تمون مانھ ڏڪ آوئھ ريا، هيوتھ نمونٿه امارا زم تمون نٿه حوصلو پڻ زڙشي.

⑧ پايون ان پينون، امي تمون نٿه ڪبر ڏيوا ڪرونھ جي امون مانھ آسيه صويا ٻر ڪتئي موصيت آوئي. امون مانھ اتئي گهٽئي موصيت آوئي جي امارا سهيا ٿي ٻارئي هتئي ان امون نٿه آسريو ئي نتو جي امي جيوتا ريشون. ⑨ امي تو ام سوچيو تو جي هوٿه امي ضرور مري زاشون. پڻ هائي موصيت ايٺا هارو ٿئي، زم امي آپ مانھ پروسو نه راڪون پڻ روڳو پڳون مانھ پروسو راڪون، جيو مرلون نٿه جيوي اوناڙيا واڙو سٺه. ⑩ زئيون امون نٿه موت ٿي پچيا رو آسريو ئي نتو، تئيون پڳون امون نٿه موت ٿي پچايا، ان امون نٿه همٿه پڻ موت ٿي پچاوشي. امي پڳون مانھ پروسو راڪيوھ، جي اُو امون نٿه هزون پڻ هر ڪترا ان موت ٿي پچاوتو ريشي، ⑪ زئيون تمي ٻڌائي پيڙا ٿين امون هارو پراٿنا ڪرتا ريشو. هيوتھ نمونٿه گهٽا منڪ امون هارو پڳون رو ٿورو مونشي، ڪم تو پڳون گهٽون منڪون رٿه پراٿنا ڪريا ٿي امون مانھ ڪريا ڪرين امون نٿه ڪتون ان موت ٿي پچاوه.

ٻولوس ٿاينٽي ڏئھ جي اُو هاسو ان ايموندار سٺ.

⑫ امي آپ را پارام ايٺا وات مانھ ڪش سون: امي صاف من ٿي هاڪ پري هيڪونھ جي امي ڏنيا ٻر، ان ڪاس ڪرين تمون ڪن، پڳون ري ڏيڏل هيٺ

پرموئنه هاسا من ٿي ان پويتر نموننه وُڍا. امي منڪون رون ڪيالون پرموئنه
 آپ ننه عقل واڙا هزمين نه وُڍا پڻ پڳوون ري ڪريا پرموئنه صحيح نموننه
 وُڍا. ⑬ امي تمون ننه ڏوري ڪا ڪوڙي واتون نٿي لکتا، پڻ روڳي ايوي واتون
 لکونھ جي پٺيا ٿي ساوئنه نموننه تمارا هزميام آوئھ، ان تمارا مونيام آوئھ
 جي او هاسي سئھ. ان مارئي اميڏ اي سئھ جي تمي ٻڌائي پورئھ نموننه اماري
 واتون مونشو، ⑭ زم تمون موئين ٿي ڪئينڪ منڪي امارو يقين راکيو، جي
 امي هاسا سون. ڪم تو آڻا پريو ايسورا پاسو آيا رئھ ڏي، تمي امارا پارام
 ڪشي ٿي ڪي هيكشو جي تمي اماري واتون مونين وشواس اوٿيوھ. ان هيوئھ
 نموننه امي پڻ تيڏي تمارا پارام ڪشي ٿي ڪيشون جي تمي اماري واتون مونين
 وشواس اوٿيوھ.

⑮ مور ٿي مون ننه پڪئي ڪاتري هتئي جي تمي مون ٿي ڪش سو، ان
 تيام مارو ڪيال هتو جي ايئنه مڪڏنيه صوپا ۾ آيا ٿي مور هون تمون ڪن
 آوون، زم تمون ڪن ٻي وار آيا ٿي تمون ننه پيئو آشيرواڏ زڙئھ. ⑯ مارو ڪيال
 هتو جي هون تمون ڪن ٿين ايئنه مڪڏنيه صوپا ۾ آوون، ان پسئھ مڪڏنيه
 صوپا ٿي زاتون تمون ڪن وڙي پيڙي وار آوون، زم تمي مون ننه آڳڙ يهوديه
 صوپا هومو روونو ڪري هڪو. ⑰ تمي ڪي سوچوھ؟ مٿين امهي ايوو ڪيال
 ڪريو، ڪي؟ ڪا زئون هون ڦينصلو ڪرونھ، تو هون ايئا دنيا رون منڪون را زم
 هيڪي وات مانھ نٿي اوپتو، ڪي؟ هون هيڪئھ توئھ ”هوئھ هوئھ“ ڪرونھ،
 ان پسئھ وڙي ”نا نا“ ڪرونھ، ڪي؟ ⑱ هون تو هاسا پڳوون رو هون ڪائين
 ڪونھ، جي واتون امي تمون ٿي ڪرونھ، او امي اوپرليا من ٿي نٿي ڪرتا. زئون
 ”هوئھ“ ڪونھ، تو اوئا رو مطلب هاس ۾ ”هوئھ“ سئھ، ڪوڙ ۾ ”هوئھ“
 نٿي. ⑲ ڪم تو پڳوون رو ڏيڪرو ايسو ڪريست، جيا را پارام مٿين، سلوانس،
 ان تيمٿيس تمون ننه همپڙايو، او ايوو نتو جي اوپرليا من ”هوئھ“ ڪرئھ، پڻ
 او هميش ”هوئھ“ ڪرين پڳوون ري مرضي مانھ وُڍو. ⑳ ڪم تو زتا وائڏا

پڳوون ڪريا تا، اُو ٻڌائي وائڏا ايسوري ڪري پورا ٿيا. ان تيام ايسوري ڪري امارئہ تمون نئہ ايسو را پارام همپزيا ٿي تمی پڳوون نئہ هاسو مونين ”آمين“ ڪوه، ان هيوتہ نمونئہ پڳوون را وكون ٿئہ. (21) اُو پڳوون آپ سئہ، جيو امون نئہ ان تمون نئہ ايسو ڪريست مانہ پڪو وشواس رکاوئہ، ان جيئئہ امون نئہ آپري شيوا ڪريا هارو سوندين راکياہ، (22) ان اوئہ زوتئہ نپو هئين امون نئہ آپرا منڪ نايہ، ان زوتئہ هوٿي ڏين امارا من ۾ پويتر آتما ڏيدوه، جيا ٿي اي ٿايتي سئہ، جي پڳوون آپرا وائڏا پرموتئہ امون نئہ آڪاش ۾ هڪ ڏيشي.

(23) پڳوون شائڏ سئہ ان هون آپرو هون ڪائين ڪونہ، مارو تمون ڪن ڪرنٽس شهر موئين نہ آيا رو مطلب اي هتو، زم تمون نئہ سڪتي ٿي هزميا ٿي پڇاوون. (24) ام نٿي جي تمارئہ وشواس راکيا ۾ امي تمون مانہ آپرا حڪم ويوراوا ڪرونہ، ڪم تو تمارو وشواس اڳي پڪو سئہ. پڻ امارو ڪوم تو اي سئہ، جي امي تمون پيڙا تماري وشواس راکيا رئي هيئت وڌاوونہ، زم تمی ڪش ريو.

2 ① مئين آپرا من ۾ اي ڦينصلو ڪريو جي هون تمون ڪن ڏکي ٿيو وڙي پيڙي وار نئين آون. ② ڪم تو جي هون هزميا ٿي تمون نئہ ڏکي ڪرون، تو مون نئہ ڪوڻ ڪش ڪشي؟ روڳا تمی مون نئہ ڪش ڪري هيڪوه. پڻ جي هون تمون نئہ ڏکي ڪرون، تو تمی ڪم ڪرين مون نئہ ڪش ڪرشو؟ ③ ان تيام هون تمون ڪن نہ آيو، متون آيا ٿي مون نئہ تماري ڪري ڏک زڙئہ، جيون ٿي مون نئہ ڪشي زڙو ڪپئہ. تيا ري ڪري مئين هائي ٻڌي واتون تمون نئہ موروڪا ڪت ۾ لکي. مون نئہ تو تمون ٻڌون مانہ يقين هتو جي مارئہ ڪش ريا ٿي تمی ٻڌائي ڪش هوشو. ④ مئين تمون نئہ گهٽا ڦڪر ۾ ان ڏکي من ٿي گهٽو روتون ڪت لکيو. مئين ايئا هارو نہ لکيو جي تمون نئہ ڏکي ڪرون، پڻ ايئا هارو لکيو زم تمون نئہ ڪپ پڙئہ جي هون تمون ٿي

کتو گهڻو پريم راکونه.

اُو منک جيئڻه آڀرا ڏوه ٿي توبونه ڪرڻه اُوئا نڻه ماقڻي ڏيوو ان وڙي پريم ٿي ملو

⑤ اُو منک جيئڻه ڏوه ڪريا ٿي پيزون نڻه ڏکي ڪرياھ، اُوڻه مُون نڻه ڏکي تو ڪريوھ، پڻ ھايا وات نڻه ساڏو! وات اي سڻه، توڙا گهڻا اُوڻه تمون ٻڌون نڻه ڏکي ڪرياھ. ⑥ تمي گهڻون منڪون را قينصلا پرموڻه اُوئا منک نڻه وشواسي منڌڙي ٿي ٻارو ڪاڍيا ٿي سزا ڏيڏيھ، ان ھايا منک ھارو ھائي سزا گهڻي سڻه. ⑦ ھوڻه زئيون اُوڻه آڀرا ڏوه ٿي توبونه ڪرڻه، تو تماره سزا ري جگا ۾ اُوئا نڻه ماقڻي ڏيوو ان وشواسي منڌڙي ۾ پاسو تيڙاوين حونصلو ڏيوو، متون اُو گهڻا ڏک ري ڪري ھيمت ھارڻه. ⑧ تيام ھون تمون ٿي منٺ ڪرونھ جي تمي اُوئا نڻه پڪڻي ڪاتريي ڏيو جي تمي اُوئا ٿي پريم ڪروھ. ⑨ ڪم تو مئين تمون نڻه ايئا ھارو پڻ موروڪو ڪت لکيو، زم تمارو آزمتو ليون، ان زوئون جي تمي ھر وات ۾ مارو ڪيڏو مونوھ ڪا نا. ⑩ جيو پڻ ڏوه ٿيو، جي تمي اُوئا منک نڻه ماقڻي ڏيوھ، تو ھون پڻ اُوئا نڻه ماقڻي ڏيونھ. ڪم تو پلڻه اُوڻه مارو ڪئين ڏوه نہ ڪريو ھوڻه، توڻي پڻ مئين ايسو ڪريست ھومئي اُوئا نڻه تمارو ڏوه ڪريا رئي ماقڻي ڏيڏيھ. ⑪ آڀڻه ماقڻي ڏيوو ضروري سڻه، متون آبي شيطون ري ٺڳي ٿي اُوئا را قوضام آوون را. ڪم تو آڀون نڻه چالاڪ شيطون رون ڪراپ منصوپون رئي ڪٻر سڻه.

منک شيلو پولوس آڀرا ڪوم را پارام ھمپڙاوڻه

⑫ ھوڻه، زئيون ھون ايسو ڪريست را پارام ڪشي رئي ڪٻر ھمپڙايا ھارو تروئاس شھر موئين ڳيو، ان اوتڻه مُون ھارو پريو ايسو ري شيوا ڪريا رو گهڻو موقعو ھتو، ⑬ توڻي پڻ تماري ڦڪر ري ڪري مُون نڻه ڪئين ھڪ نہ زڙيو، ڪم تو


مارو وِشواسِي پايِي طِيطُس تمارِئي کبر ڏيڏا هارُو اوتته نتو. تيام هُون اوت رون منكون ٿي موڪلاوين ايته مڪڏنيه صوپا موئين آيو رو.

⑭ پڻ هُون پڳوون رو ٿورو مونونه. اُو هميش امارئه ايسُو ڪريست ٿي واسطو راکيا ري ڪري امارِئي آڳيوونٿي ڪرين امارِئي هيٺ وڌاوئه، جيوتھ نمونته قوچ رو ساڀ آڳيوونٿي ڪرين جيتيا وازون رو جلوس ڪاڍين آڀرون قوچيون ننه آپ لار لار ويوراوئه. ان امارئه ايسُو را پارام همپزيا ٿي، اُو ايسُو رئي کبر کُشبو را زم هر جگا پڪيڙه. ⑮ ڪم تو پڳوون ري نظر ۾ امي ٻڌون منكون ۾ ايسُو ڪريست رئي کُشبو پڪيڙيا وازا سون، پلئه اُو منڪ هوئه جيون ننه تارڻ زڙشي، ڪا اُو منڪ هوئه جيون ننه هميش رو موت زڙشي.

⑯ ڪيونڪ منكون هارُو امي موت ري گهندا زم سون، ان امارِئي وات نه مونيا ٿي اوتون ننه هميش رو موت زڙشي. پڻ ڪيونڪ منكون هارُو امي جيوٽا ڪريا ري کُشبو را زم سون، ان امارِئي وات مونيا ٿي اوتون ننه هميش رو جيون زڙشي. هوئه ڪوڻ ايوو سئه، جي هائي موٽي زميوارِئي آپ مانه لئه؟ ⑰ جيا گهڻا منڪ آپرا قائيڏا هارُو ڪوڙ مِلاوين پڳوون رو وچن همپزياوئه، زم واپاري مِلاوت ڪرين نڳي ٿي آڀري شينهنون ويسهه، اُو هايا زميوارِئي رئه لائيق نٿي. پڻ امي اوتون منكون را زم نٿي. امي تو صاف من ٿي پڳوون رو وچن همپزياوونه. امي پڳوون را طرف ٿي پڳوون هوما ايسُو ڪريست ٿي واسطو راکين همپزياوونه.

مڪ شيلا پڳوون را نوا وسن را پارام همپزيا هارُو
پڳوون را سُونڀل سئ

3 ① امي آپرا وڪوڻ ڪرونه ريا، ڪي؟ ڪا امون ننه، پيزون را زم، تمون ڪن آيا هارُو ان تمون ڪن ٿي پيزيل زايا هارُو آڀري پارت هارُو چني ليوو پڙهه، ڪي؟ نا نا، امون ننه هيويون پارت ريون چنيون رئي ڪئين ضرورت نٿي.



② ٽمي آپ اماري پارت ري چني را زم سو. پارت رئي چني تو روگهي ڪا گز مانه لکل هوڻه، پڻ ٽمي امارا من ۾ سو. ان چني پيا را زم، تمارو وودا رو نمونو زويا ٿي ٻڌائي منڪ هزمي هيڪڻه

جي امي، جيئي تمون ننه شيڪاڙيا، ايمونڌار سون. ③ وات ساوئي سئه جي ٽمي زوڻه ايسو ڪريست رئي چني سو، جيئي اوڻه امون ٿي لڪاوئي، ڪم تو اماري ڪرل شيوا ري ڪري تمون موئين ايسو ڪريست ري واتون سئه. ايسو ري واتون تمون موئين مس ٿي لکل نئي، پڻ جيوتا پگيون را ڏيڍل پويتر آتما ٿي لکل سئه، ان پوڻا ريون پتيون مانه نئين، پڻ تمارون منون ۾ لکل سئه.

④ تيام ايسو ڪريست ري ڪري امي پگيون هوما هيوڻه نموننه يقين ٿي ڪونه جي امي ايمونڌاري ٿي پگيون رئي شيوا ڪرونه ريا. ⑤ امي آپ ننه ايوا نئي هزمتا جي امارا آپرا طرف ٿي امون موئين اي ڪوم ڪريا رئي هيئت سئه. پڻ اي ڪوم ڪريا رئي هيئت پگيون امون ننه ڏيڏيهه. ⑥ پگيون امون ننه اي شيوا ڪريا رئي هيئت ڏيڏيهه جي امي اوڻا را نوا وسن را پارام منڪون ننه همپزاوون. اي نوو وسن لکل حڪمون را پارام نئي، پڻ پويتر آتما را پارام سئه. ڪم تو زونا وسن ۾ لکل حڪمون مانه نه وودا ري ڪري هميش رو موت زڙهه، پڻ نوا وسن ۾ پويتر آتما ري ڪري هميش رو جيون زڙهه.

⑦ زئيون پگيون موسي هات منڪون ننه زونو وسن ڏيڏو، جيو پوڻا ريون پتيون مانه لکل هتو ان جيا مانه نه وودا ري ڪري هميش رو موت زڙهه، تنيون پگيون را پاها ٿي الاهي گهڻو زبڪتو سوجهرو ٿيو. موسي رو مونيڊو زبڪتا سوجهرا ٿي ايوو چلڪتوت ريو، جي پلئه او سوجهرو گهت ٿيتو زاتو تو، تويي پڻ اسرائيلي قوم را منڪ موسي را مونيڊا هوما زويي نئا هيڪتا. ⑧ زئيون پگيون رو زونو وسن ايويي موتي وات هتئي جي اتو گهڻو سوجهرو ٿيو، تو

پسئہ پڳوون رو نوو وسن، جيا ٿي منڪون نئہ پويتر آتما زڙئہ، ڪوڙي موٽي وات هوشي. ⑨ زئيون زونو وسن ايوي موٽي وات هتي، جيا وسن رون حڪمون مانہ نہ وويدي ري ڪري منڪون هارو هميش را موت رو قينصلو ٿيو، تو پسئہ نوو وسن هيا ٿي ڪٿي موٽي وات سئہ، جيا وسن ٿي پڳوون منڪون نئہ ماڻي ڏين ڏوهون ري سزا ٿي آزا ڪرئہ. ⑩ ڪم تو زونا وسن رو اتو گهڻو مون هتو، جي زونو وسن ڏيڏا رئہ توئئہ پڳوون زبڪتو سوجهرو ڪريو، پڻ نوا وسن رو اتو گهڻو مون سئہ، جي اوئا را مقابلو زونا وسن رو مون هونئہ ڪئين نٿي. ⑪ ڪم تو زئيون زونا وسن رو، جيو روگو ڪئينڪ وڪت هوڏي هتو، اتو گهڻو مون هتو جي ڏيڏا رئہ توئئہ پڳوون زبڪتو سوجهرو ڪريو، تو پسئہ نوا وسن رو، جيو هميش هوڏي ريشي، ڪتو گهڻو مون نئين هوئہ!

⑫ امون نئہ پڪو پروسو سئہ، جي پڳوون رو نوو وسن هميش هوڏي ريشي. تيام امي پوري هيئت ٿي ايئا نوا وسن را پارام ساوئہ نمونئہ هميڙاوونہ. ⑬ امي موسي را زم ڪئين نٿي هٽاڙتا. موسي آپرو مونيڊو لوگهڙا ٿي ڊونڪتو زم اسرائيلي قوم را منڪ او زبڪتو سوجهرو پورئہ نمونئہ نہ ڏيڪئہ، جيو سوجهرو اوئا را مونيڊا ٿي ڪئينڪ وڪت هوڏي ڏيڪاتو تو. ⑭ توئي پڻ اسرائيلي قوم را منڪ پڳوون ري واتون نہ مونيڊا جيو ٿيا. ڪم تو آڙ هوڏي پڻ زئيون موسي را لڪل شاستر مر زونا وسن ري واتون پئئہ، تئيون زوئئہ او هاڳي لوگهڙو پڙڏا را زم آڏو ڏيڪائہ. ڪم تو هائي پڙڏو تئيون هوڏي هيڪل نئين تئہ، زئيون هوڏي منڪ ايسو ڪريست ٿي واسطو نہ راکئہ. ⑮ آڙ ڏي هوڏي پڻ، زئيون اسرائيلي قوم را منڪ موسي رو لڪل شاستر پئئہ، تئيون زوئئہ او پڙڏو آڏو ڏيڪائہ ان شاستر ري واتون اوئون را هزميا ٿي ڊونڪل سئہ. ⑯ پڻ زئيون ڪوڪ پريو ايسو مانہ وشواس اوئئہ، تئيون او پڙڏو اوئا را من ٿي هيڪل ٿي زائہ. ⑰ هوئہ پريو ايسو ان پويتر آتما هيڪ را هيڪ سئہ. ان جيا ڪن پريو رو ڏيڏل پويتر آتما سئہ، او آزا سئہ. ⑱ تيام آپون وشواسيون هارو پڙڏو آڏو نٿي. آبي

تو ٻڌائي پرڻو ايسو نئه زوئنه ٿڪ ۾ ڏيکونھ، ان اوئا رو زبکتو سوجھرو ان گھڻو مون آيون نئه ساوئہ نمونئہ ڏيکيام آئوھ. هيوئہ نمونئہ پرڻو ايسو ھومو زوئين پرڻو ايسو را ڏيڏل پويتر آتما ري ڪرا ٿي آبي ڀڏلنا ڀڏلنا نائوڪام نائوڪا ٿيونھ ان ڏي ٿو ڏي پرڻو ايسو جيو ٿيئا زائونھ.

ڀڳوون ايسو را پارام قيمتي ڪشي ري کير ھمپڙايا رو ڪوم منڪون مانھ ساڏيوھ

4 ① تيام امي ھيمنت نٿي ھارتا، ڪم تو ڀڳوون امون مانھ ڏيئا ڪرين امون نئه ھائي ايسو را پارام ھمپڙايا رو شيوا رو ڪوم ڏيڏوھ. ② امي تو ڪئين ڪراب وات ھٿاڙين نٿي راڪتا پڻ امي ھر پيعزتي ري وات ٿي پاھو ڏيڏوھ. امي چالاڪي ٿي نٿي ویتا ان نڪو ڀڳوون رو وچن ھمپڙايا ۾ اوڙو نمونو شيڪاڙونھ. پڻ امي ڀڳوون ھوما صاف من راڪين منڪون نئه ھاسي واتون ساوئہ نمونئہ ھمپڙاوونھ، زم ھر ھيڪ منڪ ھوما آپ نئه ھاسا ڏيڪاڙون. ③ ھوئہ وات ھاسي سئہ جي ڪئينڪ منڪ ايوا سئہ جيا امارئي ھمپڙاول ايسو را پارام ڪشي ري کير نٿي موتا. پڻ او ايئا ھارو نٿي موتا، ڪم تو او ھميش را موت ري سزا کاڌا واڙا سئہ ان اوئون ھارو زوئنه پڙڏو آڏو سئہ. ④ او منڪ ايسو مانھ وشواس نٿي راڪتا، ڪم تو شيطون، جيا نئه ڏنيا را ڪراب منڪ زوئنه ڀڳوون را زم ھزمئھ ان جيا ريون واتون مانھ او وئھ، شيطون اوئون منڪون ري عقل ڪتم ڪريھ پرئي. شيطون ري مرضي نٿي جي ايسو را پارام ڪشي ري کير ھومپڙين منڪون را من ۾ سوجھرو ٿئھ، متون او زوئنه جي ايسو ڪريست رو ڪتو زبکتو سوجھرو ان مون سئہ، جيو ڀڳوون جيوو سئہ ان جيا موئين ڀڳوون ري ٻڌي واتون ساوي ڏيکيام آئوھ. ⑤ امي تو آپرا پارام منڪون نئه نٿي ھمپڙاوتا، پڻ منڪون نئه ايسو ڪريست را پارام ھمپڙاوونھ جي او پرڻو سئہ، ان آپ را پارام روگو اتو ڪونھ جي امي ايسو ري ڪري تمارئي شيوا ڪريا واڙا سون. ⑥ ڪم تو ڀڳوون،

جيئن ته جڳت نايا رڻه تونڻه ڪيڏو تو: ”انڌارا ۾ سوجهرو ٿه!“ اونه امارا من موئين سوجهرو ڏيڏو، زم امون نه هزم پڙه ان ايسو ڪريست نه ڏيڪين امون نه ڪبر پڙه جي پڳوون ڪتو سوجهرا وازو ان مون وازو سه.

⑦ پڻ زم ملڪت ماتي رون نونپتون موئين راکل هوڻه، هم اي ايسو را پارام قيمتي ڪشي رڻي ڪبر پڳوون امارنه حواله ڪريه، جيا ماتي ٿي ناول سون، زم وات ساوئي ٿه جي ايسو را پارام همپزيا رڻي هيمنت امارا پاها ٿي نٿي، پڻ پڳوون آپري گهڻي ڪزا ٿي امون نه هائي هيمنت ڏهه. ⑧ امون هارو ٻڏي وات ۾ مصيبت سه، پڻ امي هيمنت نٿي هارتا. امي پريشون سون، پڻ امي اميد نٿي ساڌتا. ⑨ منڪ امون نه تنگ ڪرڻه، پڻ پڳوون امون پيڙو سه. منڪ امون نه مارڻه، پڻ پڳوون امون نه موت ٿي پچاوهه. ⑩ جيوهه نموننه ايسو موت هوڏي ڏڪ سهيا، هيوهه نموننه امي پڻ موت هوڏي هر تونڻه ڏڪ سهونه ريا، زم وات ساوئي ٿه جي جيوهه نموننه ايسو پڳوون ري ڪزا ٿي هميشه جيوتو سه، هيوهه نموننه امي پڻ ايئا حياتي ۾ جيوتا ايسو ري ڪزا ٿي ونه ريا. ⑪ ڪم تو ايئا حياتي ۾ امي هميشه ايسو ري ڪري موت را ڪترا ۾ سون، زم امارا ايئا ماتي را ڏيل ۾ جيوتا ايسو رڻي ڪزا ساوئي ٿه. ⑫ هيوهه نموننه امي ايسو را پارام همپزيا ري ڪري ڏڪ سهونه ان موت را ڪترام سون، پڻ امارنه هم ڪريا ٿي تمي ايسو مانه وشواس راڪين هميشه را جيون را مارگ مانه ووه ريا.

⑬ امي ايوو وشواس راڪونه، جيا را پارام شاستر ۾ ام لکل سه:

”مئين پريو مانه وشواس اوڻيو، ان تيام هون ام پوليو.“

هيوهه نموننه امي پريو ايسو مانه وشواس راڪونه، ان تيام امي اوڻا را پارام همپزاونه ريا. ⑭ ڪم تو امون نه ڪبر سه جي پڳوون، جيئن پريو ايسو نه موت ٿي جيوي اونازيوه، او امون نه پڻ ايسو را زم جيوي اونازشي ان آپ ڪن تيزاوين تمون پيڙا آپ هوما اوپاڙشي. ⑮ ڪم تو امي هائي ٻڌائي ڏڪ تمون هارو سهونه ريا، زم امارنه ايسو را پارام همپزيا ري ڪري پڳوون الاهي

گهڻون منڪون مانھ ڪرڻا ڪرڻ، ان هيونہ نمونہ الھي گھڻا منڪ ڀڳوون ري ڪرڻا رو ٿورو مونيڻ ڀڳوون را وڪوڻ ڪرڻ.

آپڻئہ هيٺ راڪو ڪم تو ڀڳوون آڀون نئہ هميش رو جيون ڏيشي

①٦ تيام امي هيٺ نٿي هارتا، ڪم تو ڀلئہ امارا ڏيل رڻي وڻيت گهٽ ٿيئي زائہ، توڻي پڻ امارا من ۾ هيٺ ڏي ٿو ڏي وڌيئي زائہ. ①٧ ڪم تو زڻي مڻيٺ امي همئئہ سھونہ ريا، امي ام ھڙمونہ جي توڙي ان توڙاڪ وڪت ھارو سئہ. ڪم تو ھايا ري ڪري امون نئہ آڪاش ۾ هميش ھوڏي اتو گھڻو مون زڙشي جيا را مڻاڀلا ۾ اي ھمڻوڪي مڻيٺ ڪڻن نٿي. ①٨ تيام امي ايٺا حياتي رون ڏڪون را پارام نٿي سوچتا، پڻ آڪاش را ھڪ را پارام سوچونہ، ڪم تو ايٺا حياتي ري واتون جي ڏيڪيام آئہ، او توڙاڪ وڪت ھارو سئہ، پڻ آڪاش ري واتون جي ڏيڪيام نٿي آوتي، او هميش ھارو سئہ.

5 ① ڪم تو امون نئہ ڪبر سئہ جي زم منڪ توڙاڪ وڪت ھارو تنبو ۾ رئہ، تم ايٺا ڌرتي مانہ توڙاڪ وڪت ھارو اي ڏيل امارا جيو رو گھر سئہ. ان زئون امارو اي ڏيل ڪتہ ٿيشي، تو ڀڳوون را پاھا ٿي امارا جيو نئہ زوئئہ پڪو گھر زڙشي. او ھاٿون ٿي ناوڻ گھر نئين ھوئہ، پڻ امون نئہ آڪاش موئين ايوو ڏيل زڙشي جيو هميش ھوڏي ريشي. ② ايٺا ڏنيا را ڏيل ۾ امي ڏڪ ري ڪري ڪڻسونہ، ان امي او آڪاشي ڏيل ليڏا ھارو نيھاڪا نوڪونہ، جي مون امون نئہ همئئہ مريا ٿي مور آڪاشي ڏيل زڙئہ، زوئئہ ايت را لوگھڙا اوتاريا مور امي آڪاشي لوگھڙا پيرون. ③ ڪم تو جي ايسو رئہ پاسو آيا رئہ توئئہ امي جيوتا ھوشون، تو امارا زوئئہ ايت را لوگھڙا اڳي پيرل ھوشي، پڻ جي امي ايسو را پاسو آيا مور مري زاشون، تو اي ڏيل ڪتہ ٿيشي، ان زئون ايسو پاسو آوشي، تئون امارو ڏيل نئين ھوئہ، ان امارو جيو زوئئہ اوگھاڙو ھوشي. ④ زئون ھوڏي امي ايٺا ماڻي را ڏيل ۾ سون، تئون ھوڏي امي زوئئہ پار هيٺ ڏپورائين

ڪٽسونه ان نيهاڪا نوڪونه. امي ايٺا ڏيل نئه ساڏوا نٿي ڪرتا، پڻ امي ايٺا هارو سڪونه جي امارئه مريا مور پڳوونَ امون نئه آڪاشي ڏيل ڏيشي، ان هيوئه نمونئه امي مرشون ئي نئين، پڻ مريا وگر امون نئه هميش رو جيون زڙشي. ⑤ او پڳوونَ آپ سئه جيئئه امون نئه هائي هميش رو جيون ليڏا هارو نايها، ان اوئه هميش رو جيون ڏيڏا مور امون نئه آپرا نايها هارو هوئي را زم پويتر آتما ڏيڏوه، جيا ٿي ٿاڀيئي تئھ جي او آپرا وائيڏا پرموئئه هائي هميش رو جيون پڻ ڏيشي.

⑥ تيام امي هميش هيئت راکونه. امون نئه تو ڪبر سئه جي زئيون هوڏي امي ايئئه ماتي را ڏيل ۾ سون، تئيون هوڏي امي پرپو ايسو پيڙا پينل نٿي. ⑦ ڪم تو ايٺا حياتي ۾ امي ايسو نئه روپرو نٿي پارٽا، پڻ امي اوئا مانھ وشواس راکين وونه. ⑧ پڻ امي تو هيئت راکونه ان امون نئه حياتي ريا ٿي اي نائوڪو لاڳئھ جي امي ڏيل نئه ساڏين مري زائون، ان پرپو ايسو ڪن زائين ريون. ⑨ تيام امون هارو ٻڌون ٿي موٽي وات اي سئه، جي پلئه جيوتا ريون، ڪا مري زائون، امي پرپو ايسو نئه ڪش ڪرون. ⑩ ڪم تو نيا رئه ڏي آبي ٻڌائي وشواسي ايسو ڪريست هوما قينصلا ري گهاڏي ڪن ضرور اوپشون، زم آپون موئين ٿي هر هيڪ نئه آپتون ايٺا حياتي ۾ ڪرل ڪومون پرموئئه ايوزو زڙه، پلئه او ڪوم نائوڪو هوئه ڪا ڪراپ هوئه.

ايمونڌاري ٿي پڳوون ان منگون وسا منومئا را پارام هميڙاوو

⑪ تيام امي پرپو ايسو ٿي ٻيڪ راکين منگون نئه اي ٿاڀيئي ڏيونھ جي امي ايمونڌار سون. پڳوون نئه تو اماري ايمونڌاري رئي ڪبر سئه، ان مارئي اي اميڏا سئه جي تمي پڻ وات مونئي هوشي جي امي ايمونڌار سون. ⑫ هم وزي ڪيڏا ٿي امي تمون ڪن آپرا وڪوڻ نٿي ڪرتا، پڻ تمون نئه اي موقعو ڏيونھ ريا جي تمي ڪشي ٿي امارا پارام ڪي هيڪو، ان هيوئه نمونئه تمي اوئون منگون نئه

جواب ڏي هڪو، جيا مونڊا را مينا ان انڌر را ڪارا سٺه ان آپ نٺه نائوڪا ڏيڪاڙيا هارو وڏائي ڪرئھ. (13) جي منڪ امون نٺه ڳونڌا هزمئھ، تو نيڪ سٺه، امي پڳوون رئي شيوا ڪريا هارو ڳونڌا تو سون. ان جي منڪ امون نٺه عقل وازا هزمئھ، توئي پڻ نيڪ سٺه، امي تمارا قائيڏا هارو عقل وازا سون. (14) ڪم تو جئين ڪئين امي ڪرونھ، امي ايٺا هارو ڪرونھ، ڪم تو ايسو ڪريست امون ٿي پريم ڪرئھ. امي اي هزمونھ جي هڪ منڪ، ايسو، ٻڌون منڪون هارو مري ڳيو، ان جي موت رئي سزا ٻڌون منڪون رٺه ڪاوو تو، او موت رئي سزا ايسو آپ ڪاڏي. تيام پڳوون ري نظر ۾ ٻڌون منڪون هارو موت رئي سزا ڪاڏل سٺه. (15) ان ايسو ٻڌون منڪون هارو ايٺا هارو مري ڳيو، زم ايٺا حياتي ۾ منڪ آپري مرضي مانھ وڙي نه وئھ، پڻ اوٺا ري مرضي مانھ وئھ، جيو اوٺون هارو مري ڳيو تو، ان جيا نٺه پڳوون جيوي اوٺاڙيوھ.

(16) تيام هوئھ امي ڏنيا رون منڪون ري ڪراپ سوچ پرموئٺه ڪيا منڪ را پارام اي نٿي سوچتا جي او ڪيوو سٺه. اڳي امي ايسو ڪريست رئي پڻ جونچ منڪون ري سوچ پرموئٺه ڪري تئي، پڻ هوئھ امي هيوي سوچ پرموئٺه ايسو را پارام نٿي سوچتا. (17) هوئھ، جي ڪوئي ايسو ڪريست ٿي واسطو راکئھ، تو اوٺا رئي ٻڌي حياتي ڀڌلي ڳيھ، ان او زوئٺه نوو منڪ سٺه. اڳلوڪي واتون تو ڪم ٿي ڳيھ. زوئو، هوئھ ٻڌي واتون نوي ٿي ڳيھ! (18) هائي ٻڌوئي ڪئين پڳوون را پاها ٿي ٿيوھ. ايسو ڪريست را موت ٿي پڳوون آپ ان آپون وسا منومٿا ڪراياھ، ان اوئھ اي شيوا رو ڪوم امارئھ خوالئھ ڪريوھ جي امي پڳوون ان منڪون وسا منومٿا ڪراوون. (19) مارو ڪيڏا رو مطلب اي سٺه، پڳوون منڪون رون ڪرل ڏوهون رئي سزا منڪون نٺه نه ڏيڏي، پڻ هائي سزا آپرا سونڊل پچايا وازا ايسو ڪريست نٺه ڏيڏي، ان هيوئھ نمونئھ پڳوون آپ وسا ان پوري ڏنيا رون منڪون وسا منومٿا ڪراياھ. ان پڳوون امون نٺه اي ڪوم ڏيڏوھ جي امي هايا منايا را پارام منڪون نٺه نياپو ڏيون. (20) تيام امي ايسو ڪريست را پاها

ٿي ميلل سون، ان پڳوونَ زوڻه اماري هاڻي منڪون ننه منٽ ڪرڻه. امي ايسو ڪريست را پاها ٿي منڪون ننه اي منٽ ڪرونه جي ”پڳوونَ ٿي منائي زائو! (21) پڳوونَ آپون هارو آپتون ڏوهون رڻي سزا پيڏوهي ايسو ننه ڏيڏيهه، زم آبي ايسو ٿي واسطو راکون ان هيا ري ڪري پڳوونَ آپون ننه ماڻهي ڏين ڏوهون ري سزا ٿي آزاد ڪرڻه ان آبي پڳوونَ ري وات مانه وڍا وازا ٿيون.“


6 ① امي پڳوونَ پيڙا ڪوم ڪريا وازا ٿين تمون ٿي اي منٽ پڻ ڪرونه جي جيوئه نموننه پڳوونَ تمون مانه ڪرپا ڪرين تمون ننه ڏوهون ري سزا ٿي پڇايا، هيوئه نموننه تمي هاڻي وات پورا من ٿي مونو ان پڳوونَ ري مرضي مانه وو، زم پڳوونَ ري ڪرل ڪرپا ٿي قائيڏو ٿنه. ② ڪم تو شاستر ۾ پڳوونَ ام ڪڻه:

”مئين ڪرپا رڻه توڻه تارو هاڏ هو ميڙيو

ان منڪون ننه پڇايا رڻه توڻه ٿارڻي مدت ڪرڻي.“

هوئه زوڻو، پڳوونَ ري ڪرپا رو او توڻو همٿه سڻه. منڪون ننه پڇايا رو او توڻو همٿه سڻه.

③ امي ڪيا ٿي وات ۾ اوڙهه نموننه نٿي وينا جيا ٿي امون مانه ڪئين الزوم لاڳهه، متون اماري شيوا رڻي پڏنومي ٿنه ان منڪ اماريون واتون مانه ننولئي ڪرڻه. ④ پڻ امي پڳوونَ را شيواڌاري ٿين هر وات ۾ ٿايتي ڏيونه جي امي ايمونڌار سون. مڻيپتون ۾، مڇپوري ۾، ان تڪليپون ۾ امي گهڻا صير ٿي ڏورون سهونه. ⑤ گهڻي وار منڪي امون ننه چاڀڪون ٿي ماريا، امون



ننه جيلون موئين پوريا، ان اماره ڪلاق قشري ڪري. امي گهڻي مينت ڪرڻي، رات را اوزاگرا ڪرين پڻ ڪوم ڪرتا ريا، ان روڻي کاڌا رو توڻوئي نه زڙيو. توڻي امي هاڻي ٻڏي ڏورون صير ٿي

سهڻي. ⑥امي پوٽر نمونئو وونه، پڳوون ري اونڌي واتون شيڪاڙونه، منڪون ٿي صير هون وونه، پيزون مانھ مير يونٽي ڪرونه، پوٽر آتما ري مرضي مانھ وونه، هاسا پريم ٿي وونه، ⑦هاسو وچن همپڙاوونه، ان پڳوون ري ڏيڍل ڪڙا ٿي وونه. زم قوچي دشمن ٿي مقابلو ڪريا هارو زمئا هات ۾ ترؤنار ان ڏاوا هات ۾ ڍال زهائڻه، تم شيطون ٿي مقابلو ڪريا هارو امي پڳوون ري وات مانھ وونه، زم نائوڪا ڪوم ڪريا ۾ آڳڙ وڌون ان آپ نئه هر پوندائي ٿي پچاوون. ⑧پلئھ منڪ اماري عزت ڪرڻه ڪا اماري پيعزت ٿي ڪرڻه، پلئھ اماري پدنومي ڪرڻه ڪا امارا وڪوڻ ڪرڻه، توڻي پڻ امي ايمونڌاري ٿي پڳوون ري شيوا ڪرونه. منڪ امون نئه نگي ڪريا وازا ڪڻه، توڻي پڻ امي هاسا سون. ⑨منڪ امون نئه ائيندوڻ را زم هزمئو، توڻي پڻ پڳوون امون نئه اوڙڪڻه. امي هميش موت را ڪترام سون، توڻي پڻ زوئو، امي هزون جيوتا سون. پڳوون امون نئه شيڪاڙيا هارو ڏڪ تڪليب سهوا ڏئھ، پڻ پڳوون امون نئه موت ٿي پچاوئھ. ⑩امي ڏڪ سهونھ، توڻي پڻ امي هميش ڪش ريونھ. امي آپ گريپ سون، توڻي پڻ اماري ڪري گهڻا منڪ وشواس ۾ پاڳواڙا ٿئھ. امون ڪن ايئا ڏنيا ۾ ڪئين نٿي، توڻي پڻ آڪاش ۾ امون نئه ٻڌوئي ڪئين زڙشي.

وشواسيون رڻ ڪراپ منڪون ٿي ان ڪراپ واتون ٿي پاهو ڏيو

⑪ڪرنتس شهر رون پريمي پايون ان پينون، امي تمون ٿي ساوئھ نمونئو واتون ڪريھ، ان پورا من ٿي تمون ٿي پريم را ڪونھ. ⑫امي تمون ٿي پريم ان هپ ۾ ريو ڪرونھ، پڻ تمي امون ٿي شيتي پاڳوھ. ⑬هون تمون نئه آپرا ٻار هزمين ڪونھ، زم امي تمون ٿي پريم را ڪونھ، تم اوئا را پڌلا ۾ تمي پڻ پورا من ٿي امون ٿي پريم را ڪو.

⑭جيا منڪ ايسو مانھ وشواس نٿي راڪتا، تمي اوئون پيڙا اوڙا مارڳ مانھ مت وو. ڪم تو پڳوون ري وات مانھ وودا وازا ان پڳوون را ڪم توڙيا

واڙا ڪم ڪرين پيڙا وي هيڪشي؟ سوجهرو ان اندارو ڪم ڪرين پيڙا ريشي؟
 ⑮ ايسو ڪريست ان شيطون هيڪي وات مانھ اُپي هيڪشي، ڪي؟ وشواس
 راکيا واڙا رو ان وشواس نہ راکيا واڙا رو آيت ۾ ڪي واسطو؟ ⑯ آبي تو
 وشواسي منڌڙي را منڪ سون، جئي زوئنه جيوتا پڳوون رو گهر سئھ. تيام آبي
 پڳوون را گهر را منڪ تين اُوئون منڪون را زم ڪم ڪرين وي هيڪونھ، جيا
 ڏيوئونون رئي پوزا ڪرئھ؟ ڪم تو پڳوون آپ آپرون منڪون را پارام شاستر
 ۾ ڪيڏو:

”هُون اُوئون ڪن ريھ ان اُوئون پيڙو هوئيھ.
 هُون اُوئون رو پڳوون ٿيھ، ان اُو مارا سونيل منڪ ٿيشي.“
 ⑰ تيام آپون هارو شاستر ۾ ام پڻ لڪل سئھ:
 ”ايشور ام ڪئھ:

تمي اُوئون ڪراپ منڪون موئين ٿي نيھري آو،
 ان اُوئون ٿي ڌار ٿيو،
 ان جئين ڪئين پويتر نٿي اُوئا ٿي پاھو ڏيو،
 تو هُون تمون نئھ قبول ڪريھ.“
 ⑱ ”ان هُون تمارا پاپ را زم ٿيھ،

ان تمي مارون ڏيڪرون ان ڏيڪريون را زم ٿيشو.
 ايشور، جيو ٻڌون مانھ سئھ، اُو هم ڪئھ.“

7 ① تيام، پريمي پايون ان بينون، زئيون پڳوون آپون ٿي هائي وائڏا ڪريھ
 تو ليو، آبي هر ڪراپ ڪوم ان ڪيال ساڏون پرا، ان پڳوون رو مون راکين
 آپ نئھ پويتر راکيا رئي پورئي ڪوشش ڪرتا ريون.

پولوس گرتيون ري ڪري گهڻو ڪش تئھ

② امون ٿي پورا من ٿي پريم راکو! امي ڪيا رو ڏوھ نٿي ڪريو، نڪو ڪيا نئھ

ٻڳاڙيوه، ان نڪو وڙي ڪيا ٿي نڳي ڪريه. ③ هُون تمون مانه الزوم هٿيا هارُو هم نٿي ڪيتو. ڪم تو مٿين اڳي ڪيڏوه جي امي تمون ٿي اتو گهڻو پريم راکونھ جي پلئھ مري زائون ڪا جيوتا ريون امي تمون پيڙا ريا هارُو تيار سون. ④ مارو تمون مانھ گهڻو يقين سئھ، ان هُون گهڻي ڪشي ٿي تمارا پارام ڪونھ. اماري ٻڌي موصيت ۾ تماري ڪري مُون نئھ الاهي گهڻو حوصلو زڙيوھ ان الاهي گهڻي ڪشي ٿيھ. ⑤ ڪم تو زئون امي ايتھ مڪڏنيھ صُويا ۾ آيا تا، تيون امون نئھ ڪئين هڪ نه زڙيو، پڻ هر وات ۾ امون نئھ موصيت ٿي. منڪ امارئھ ڪلاڦ هتا، ان امارا من ۾ تمارا پارام پيڪ ان ڪر هٿي. ⑥ پڻ پڳوون، جيو نيموٿون نئھ حوصلو ڏيڏا وازو سئھ، اُوئھ طيٽس را آيا ٿي امون نئھ حوصلو ڏيڏو. ⑦ امون نئھ نه رُوڳو اُوئا را آيا ٿي حوصلو زڙيو، پڻ ايئا وات ري ڪري پڻ حوصلو زڙيو، جي طيٽس نئھ تمون ٿي حوصلو زڙيو. ڪم تو اُوئھ آوين امون نئھ همپڙايو جي تمون نئھ مُون ٿي مليا رٿي ڪئي گهڻي سيڪ سئھ، تمي گلت نمونا مانھ وُڍا ٿي توپونھ ڪرين اُوئا مانھ ڪتا گهڻا ڏکي ٿياھ، ان تمي مارو ڪتو گهڻو ڪيال راکوه، ان تيام هُون الاهي گهڻو ڪش ٿيو.

⑧ مارا لڪل ڪت ٿي تمي ڏکي ٿياھ، پڻ هُون ام نٿي سوچتو جي مٿين تمون نئھ ڪت ڪم لڪيو. ام نٿي جي هُون تمون نئھ ڏکي ڪريا ۾ ڪش ٿيو. مُون نئھ تو ڪٻر سئھ جي هيا ڪت ٿي تمون نئھ توڙي وار هُوڏي ڏک ٿيو، ان تمارا هيا ڏک ري ڪري مُون نئھ پڻ ڏک ٿيو. ⑨ پڻ هُوئھ هُون ڪش سون. هُون ايئا وات مانھ ڪش نٿي جي تمي ڏکي ٿيا، پڻ ايئا وات مانھ ڪش سون جي تمي ڏکي ٿين آپرون ڪراپ ڪومون ٿي توپونھ ڪريھ. ڪم تو تمي ڏکي ٿين ايوي سوچ راکئي جي پڳوون ري مرضي پرموٿئھ سئھ، ان هيوئھ نمونئھ تمون نئھ امارا پاها ٿي ڪئين نقصون نه ٿيو. ⑩ ڪم تو زئون منڪ ڏکي ٿين ايوي سوچ راکئھ جي پڳوون ري مرضي پرموٿئھ سئھ، تو اُوئا رو نتيجو اي سئھ جي اُو

آپرون ڏوهون ٿي توبونھ ڪرڻ، ان ھم ڪريا ٿي اُونون نڻھ تارڻ زڙشي. ھايا ۾ ڪي ڏک رڻي وات سڻھ؟ پڻ زڻيون منڪ ڏکي ٿين رُوگو ڏنيا را نمونا پرموئڻھ ڪراپ سوچ راکڻھ، تو او رينھ ري ڪري توبونھ نئين ڪرڻھ، ان اوڻا رو نتيجو اي سڻھ جي اُونون نڻھ ھميش رو موت زڙشي. ⑪ ٽمي آپ نڻھ زوئو! ٽمي ڏکي ٿين ايوي سوچ راکڻي جي پڳوون ري مرضي پرموئڻھ سڻھ، تو ھايا ٿي تمون نڻھ پڳوون ري مرضي مانھ وُويڻا رو ڪتو گھڻو شونق ٿيو. ٽمي ھاڻي آپ وسا ڪرل ڏوھ مونيو، ٽمي ھايا وات ري ڪري لازي مريا جي تمون وسا ٿي ٿي، ٽمي پڳوون ٿي پڻاوا مڏيا، تمون نڻھ مُون ٿي مليا رڻي سڪ ٿي، تمون موئين مارو مون راکيا رو شونق پيدا ٿيو، ان ٽمي ھايا ڏوھاري منڪ نڻھ سزا ڏيڏي. ھيوئھ نمونئھ ٽمي ٿاڻي ڏيڏيھ جي ٽمي ھايا وات ۾ ھر نمونئھ پويتر ٿين ووه ريا. ⑫ زڻيون مئين تمون نڻھ ڪت لکيو، ٿيون مئين رُوگو ايڻا ھارُو نتو لکيو، جي ھايا ڏوھاري منڪ نڻھ سزا زڙئھ. نڪو رُوگو ايڻا ھارُو لکيو تو، جي جيا منڪ رو ڏوھ ٿيو، اوڻا نڻھ اوڻا رو حق زڙئھ. پڻ مارا لکيا رو ڪاس مطلب اي ھتو، جي تمون ھومئي ان پڳوون ھومئي وات ساوئي ٿئھ جي ٽمي ڪتا شونق ٿي امارو ڪيال راکوھ. ⑬ تيام ھايا ٻڌي وات ري ڪري امون نڻھ حونصلو زڙيوھ.

امون نڻھ نہ رُوگو ھايا ري ڪري حونصلو زڙيو، پڻ طيطس رڻھ ڪش ٿيا ري ڪري، امي پڻ الاهي گھڻا ڪش ٿيا، ڪم تو تمون ٻڌون ٿي اوڻا را من ۾ گھڻو ھڪ زڙيوھ. ⑭ ڪم تو جيا پڻ وات ۾ مئين اوڻا ڪن تمارا وڪوڻ ڪريا تا، اُونون موئين ٿي ٽمي ڪيائي وات ۾ مُون نڻھ لازي نہ ماريو. پڻ زم امي ھميش تمون ٿي ھاسي واتون ڪيڏيھ، تم جي واتون امي تمارا وڪوڻ ۾ طيطس نڻھ ڪيڏي تي، او ٻڌي واتون پڻ ھاسي ٿي. ⑮ طيطس تمون ٿي الاهي گھڻو پريم راکڻھ، ڪم تو اوڻا نڻھ ياد سڻھ جي ٽمي ٻڌي اوڻا رو ڪيڏو مونيو ان اوڻا رو مون راکين ھاسا من ٿي اوڻا نڻھ ڪشي ٿي مليا. ⑯ هُون ڪش سون، ڪم تو ھر وات ۾ مُون نڻھ تمون مانھ يقين سڻھ.

پولوس اِمڌاڌا ڏيڏا را پارام شيڪاڙڙهه

ان منڪون نئه شونق ڏيوراوئھ

جي ڀرؤشلم شهر رن ڳرڀب وشواسيون نئه اِمڌاڌا ڏئه

8 ① هوءَ، ڀايون ان ڀننن، امي تمون نئه ڪڀر ڏيوا ڪرونه جي ڀڳوون ري ڪرڀا ٿي ايتنه مڪڏيه صوپا ريون وشواسي منڌريون ڀر ڪي ٿيوه. ② ايت را وشواسي گهڻي موصيت ڀر سئه جيا ٿي ايئون را وشواس رو آزمو ٿنه ريو، توڻي ڀن اي الاهي گهڻا ڪش سئه، ان ڀلئه اي هاو ڳرڀب سئه، توڻي ڀن ايئي ڪشي ٿي ڀيزون ري مدت هارو گهڻي اِمڌاڌا ڏيڏيه. ③ هون ايئون رئي هاڪ ڀرين ڪونه جي ايئي نه روڳو آڀري پوس ڀرموئنه اِمڌاڌا ڏيڏي، ڀن آڀري پوس ٿي ڀن وڌيڪ ڏيڏي. ايئي آڀري مرضي ٿي اِمڌاڌا ڏيوا ڪري، ④ ان گهڻي منڌ ڪرين امون ٿي وينتي ڪري جي امي اوئون نئه وشواسي ڀايون رئي شيوا ڪريا رو موقعو ڏيون، ان اوئون نئه آڳيا ڏيون جي او ڀرؤشلم شهر رن ڀڳوون رن سونڊل منڪون نئه اِمڌاڌا ڏيڏا ڀر حصو لئه. ⑤ اماري تو اميد هئي جي اي اِمڌاڌا تو ڏيشي، ڀن ايئي نه روڳي اِمڌاڌا ڏيڏي ڀن ڪاس ڪرين اي مور ٿي ڀڳوون ري مرضي ڀرموئنه پورنه نموننه ڀرڀو ايسو رئي شيوا ڪريا هارو تيار ٿيا، ان هرات ڀر امارو ڪيڏو مونيا هارو تيار ٿي ڳيا.

⑥ تيام امي طيطس ٿي وينتي ڪري جي زم اوئه اڳي تمون ڪن اِمڌاڌا ڀيڙي ڪريا رو ڪوم شروع ڪريو تو، تم او همئنه تمون ڪن اوين هائي ڀلائي رو ڪوم پورو ڪرئه. ⑦ جيئنه نموننه تمي هرات ڀر گهڻه نائوڪئه نموننه ووه، وشواس راکيا ڀر، ڀڳوون ري واتون شيڪاڙيا ڀر، ڀڳوون ري اونڌي واتون هزميا ڀر، هايون ڀڌيون واتون ڀر گهڻو شونق راکيا ڀر، ان امون ٿي گهڻو ڀريم راکيا ڀر، هيئنه نموننه اِمڌاڌا ڀيڙي ڪرين هائي ڀلائي رو ڪوم ڀن نائوڪئه نموننه پورو ڪرو.

⑧ هُون حُڪم نٿي ڏيتو جي تمي اِمڌاڌا ڏيو. پڻ مئين تمون نئه همپڙايوه جي پيزي منڪي ڪتا شونق ٿي اِمڌاڌا ڏيڏيئيه، زم هُون تمارا پريم رو آزمتو ليون جي هاسو سئه ڪا نا. ⑨ ڪم تو تمون نئه ڪهر سئه جي آڀئنه پريو ايسو ڪريست تمون مانه ڪرپا ڪرين تمون ٿي ڪٽي گهٽي پلائي ڪري. اونا ڪن آڪاش ۾ ٻڌوئي ڪئين هتو، توئي پڻ او آڪاشي هڪ ساڌين تمون هارو ڏنيا ۾ آوين گريپ ٿيو، زم اونا رنه گريپ ٿيا ري ڪري تمون نئه آڪاش ۾ هڪ زڙه.

⑩ هايا وات را پارام هُون تمون نئه صلاح ڏيونه. تمي اگي پور سال نه روگو اِمڌاڌا پيڙي ڪريا رو ڪوم شروع ڪريو تو، پڻ هايا رو تمون نئه شونق پڻ هتو. تيام نائوڪئي وات سئه جي تمي ام ڪرو، ⑪ جيو ڪوم تمي شروع ڪريو تو، او هوه تمي پورو ڪرو، ان جيوه نمونه تمي اِمڌاڌا ڏيڌا رو شونق راکوه، هيوه نمونه تمي آپري پوس پرمونه اِمڌاڌا پيڙي ڪريا رو ڪوم پورو ڪرو. ⑫ ڪم تو جي ڪوئي اِمڌاڌا ڏيو ڪرئ، ان او ائي ڏهه زتي اونا رئي پوس سئه، تو پگوون هايا مانه ڪش سئه. اي ضروري نٿي جي آپري پوس ٿي وڌارنه ڏهه. ⑬ ڪم تو اِمڌاڌا رو مطلب اي نٿي، جي پيزون نئه هڪ ڏيڌا هارو تمي آپ نئه مصيبت ۾ نوکو. نا نا، اِمڌاڌا رو مطلب اي سئه جي ٻڌائي هرڪا هوه. ⑭ همئنه زئون تمي هورا پيٺاه تماره اونون رئي مدت ڪروو جيون نئه ضرورت سئه، زم زئون او هورا هوشي، تيون او پڻ تماري ضرورت ۾ تماري مدت ڪرئ. ان هيوه نمونه ٻڌائي هيڪ جيو هوشي. ⑮ زم شاستر ۾ لکل سئه:

”جيئنه گهٽو پيزو ڪريو،

اوه آپ هارو آپري ضرورت ٿي وڌارنه نه راکيو.

ان جيئنه گهٽ پيزو ڪريو،

اونا رئي ضرورت پوري ٿي گئي.“

پولوس ڪرڻس شهر رون وشواسيون نٺ امڌاڌ اوڻيا واڙون ھارو ڀارت ڪرڻھ

①6 ھون ڀڳوون رو تورو مونونھ جي اوڻھ طيطس نٺھ ايوي ھيمت ڏيڏيھ جي او مارا زم پورا شونق ٿي تمارو گھڻو ڪيال راکڻھ. ①7 ڪم تو اوڻھ نہ روڳو اماري وينتئي مونئھ، پڻ او آپ گھڻا شونق ان ڪشي ٿي تمون ڪن اوڻھ ريو.

①8 امي طيطس پيرو ھيڪا پيزا وشواسي پائي نٺھ پڻ ميلونھ ريا، جيئھ ايسورا پارام ڪشي رئي ڪبر ھمپڙايا ۾ ايوو ڪوم ڪريوھ جي ٻڌيون وشواسي منڌڙيون ۾ منڪ اوڻا را وڪوڻ ڪرڻھ. ①9 نہ روڳو ٻڌائي وشواسي اوڻا را وڪوڻ ڪرڻھ، پڻ وشواسي منڌڙي اوڻا نٺھ سونديوھ جي او امون پيرو اي امڌاڌ ڏيڌا ھارو ھالھ، جي امي پيرئي ڪرونھ ريا، زم ايشور را وڪوڻ ٿھ ان وات ساوئي ٿھ جي امي شونق ٿي مڌت ڪروا ڪرونھ. ②0 ھيوڻھ نمونئھ امي پورا ڏيون ٿي اي امڌاڌ رو ڪوم ڪرونھ، زم امون مانھ ڪئين الزوم نہ لاڳتھ جي امي اي گھڻي امڌاڌ پيرئي ڪريا ۾ ان ڏيڌا ۾ صحيح نمونئھ ٿي وٽا. ②1 ڪم تو امارو مقصد اي سئھ جي امي نہ روڳو ايشور ري نظر ۾ ناٿوڪئھ نمونئھ وون، پڻ منڪون ري نظر ۾ پڻ ناٿوڪئھ نمونئھ وون.

②2 ان امي ھايون پئون پيرو امارا ھيڪا پيزا وشواسي پائي نٺھ پڻ ميلونھ ريا، جيا را امي گھڻي وار گھڻيون واتون ۾ آزمتا ليڌاھ ان اوڻھ ٿاڻي ڏيڏيھ جي او پورا شونق ٿي ڀڳوون رئي شيوا ڪرڻھ. ان ھمئھ او تمون ڪن وڌارنھ گھڻا شونق ٿي اوڻھ ريو، ڪم تو اوڻا رو تمون مانھ يقين سئھ.

②3 ڪيال راکو، طيطس مون پيرو پائي را زم ڪوم ڪرڻھ، ان شروع ٿي لين تمون وسا ڪرل ڪوم ۾ مون پيرو پيرو سئھ. ان امارا جيا پيزا وشواسي پائي امي ميلونھ ريا، اوڻون نٺھ وشواسي منڌڙي سوندين ميلياھ، ان او ايوا

منڪ سٺه جيون ري ڪري ايسو ڪريست را وڪوڻ ٿهه. (24) تيام هائون ٿي ٺاڻوڪه نموننه وو. هيون نموننه وشواسي منڌريون ڪن ٺاڻيئي تيشي جي تمڀي هاسو پريم راڪوه ان تمارا پارام اماري ڪشي ٿي ڪيڏل ٻڌي واتون هاسي سٺه.

پڳوون را نوم مانه ڪشي ٿي ڏيوو

9 ① هون پڳوون رون سونيل منڪون هارو امداد ڏيڏا را پارام مارنه تمون نه لڪيا رڀي ڪئين ضرورت نٿي. ② ڪم تو مون نه ڪهر سٺه جي تمون نه امداد ڏيڏا رو شونق سٺه، ان مئين ايٿه مڪڏنيه صوپا ۾ منڪون ڪن تمارا وڪوڻ ڪرياه جي تمڀي يونان صوپا را وشواسي پوروڪا سال ٿي امداد ڏيڏا هارو تيار سو. ان تمارو امداد ڏيڏا رو شونق ڏيڪين ايت رون گهڻون منڪون ۾ امداد ڏيڏا رو شونق پيڏا ٿيو. ③ تيام هون ايئون وشواسي پايون نه تمون ڪن ميلونه ريو، زم جي واتون امي تمارا وڪوڻ ۾ ڪيڏيه، او ايٺا امداد ري وات ۾ ڪوڙي نه ٿه، ان تمون ڪن امداد را پيها تيار هون، زم مئين اوئون نه ڪيڏوه. ④ ام نه ٿه جي ايت را مڪڏنيه صوپا را ڪوڪ وشواسي مون پيڙا تمون ڪن اوئه ان تمون نه تيار نه ڏيڪه، تو نه روگا امي تمون مانه يقين راکيا ري ڪري لازي مرشون، پڻ تمڀي پڻ ڪتا لازي مرشو. ⑤ تيام مئين، اي وات ضروري هزمين، ايئون وشواسي پايون نه وينتي ڪرڻي، جي او امون مور تمون ڪن اوئه، ان امارا آيا ٿي مور او امداد را پيها پيڙا ڪرين راکه، جيا رو تمڀي پڳوون را نوم مانه ڏيڏا رو مور ٿي وائڏو ڪريو تو. هيون نموننه امداد را پيها امارا آيا ٿي مور تيار هوشي، ان تمڀي مجپوري ٿي نئين، پڻ ڪشي ٿي پيها ڏيڏا هوشي.

⑥ ياد راکو، جيو ڪنجوس ٿين توڙو پوڪه، او توڙو لشي، ان جيو ڪشي ٿي گهڻو پوڪه، او گهڻو لشي. ⑦ هر هيڪ رنه پڳوون را نوم مانه ام ڏيوو

ڪپڻ، زم اُوڻه آڀرا من ۾ ڏيڏا رو ڦينصلو ڪريو هونءَ. مڃيوري ٿي نه ڏيو، پڻ ڪُشي ٿي ڏيو. ڪم تو جيو ڪُشي ٿي ڏنءَ، اُوڻا ٿي پڳوون پريم ڪرڻ. ⑧ پڳوون تمون مانھ ڪُريا ڪرين تمون نءِ ٻڌوئي ڪئين ڏي هيڪڻ، زم هر توڻه هر وات ۾ تماري هر ضرورت پوري ٿي، ان تمون نءِ هيا ٿي وڌارءِ پڻ زڙه زم تمي پيرون رئي مدت ڪريا ۾ هر نائوڪو ڪوم ڪري هيڪو. ⑨ زم شاستر ۾ لڪل سءِ:

”اُوڻه ڪُشي ٿي ڏين گريپون رئي مدت ڪري

ان او هميش هُوڏي پڳوون را نوم مانھ ڏيتو ريشي.“

⑩ پڳوون، جيو پوکيا هارو پيز ڏنءَ، ان کاڌا هارو ڌون ڏنءَ، زم تماره پيز پوکيا ٿي تمون نءِ گهڻو قصل ڏنءَ، تم تماره پڳوون را نوم مانھ ڏيڏا ري ڪري تمون نءِ گهڻو آشيرواڌ ڏيشي. ⑪ پڳوون تمون نءِ هر وات ۾ گهڻو آشيرواڌ ڏيشي زم تمي هر توڻه ڪُشي ٿي پڳوون را نوم مانھ ڏي هيڪو. ان هيونءِ نمونءِ اماره تماري ڏيڏل اِمڌا ورايا ري ڪري منڪ پڳوون رو ٿورو مونشي. ⑫ ڪم تو اي اِمڌا ورايا ري شيوا ري ڪري نه روڳو پڳوون رون سونڍل منڪون رئي ضرورت پوري ٿي، پڻ الاهي گهڻا منڪ پڳوون رو گهڻو ٿورو پڻ مونشي. ⑬ تماري اِمڌا ڏيڏا ري شيوا ٿي منڪون نءِ اي ٽاپيئي زڙه جي تمي نه روڳو ايسو را پارام ڪُشي رئي ڪهر مونوه، پڻ اُوڻا مانھ ووه. تيام او منڪ پڳوون را وڪوڻ ڪرشي جي تمي وشواسي پائي هويا ري ڪري ڪُشي ٿي اوئون رئي مدت ڪروه، ان ٻڌون رئي مدت پڻ ڪُشي ٿي ڪروه. ⑭ ان او تمون هارو گهڻا پريم ٿي پراٽنا ڪرشي؛ ڪم تو تماره ايسو مانھ وشواس راڪيا ري ڪري پڳوون تمون مانھ گهڻي ڪُريا ڪريه. ⑮ پڳوون را وڪوڻ ٿي، جي اُوڻه آڀرو ڏيڪرو ايسو ڏيڏوه زم او آڀون نءِ تارڻ ڏيڏا هارو آڀرو جيو ڏنءِ. هائي ايوني موتي وات سوچيا ٿي ٻاري سءِ.

پولوس ايسنو رو منڪ شيلو ٿين منٽ ڪرڻه جي ٻڌائي اوتڻا رو ڪيڏو مونڻه

10 ① هُون آپ پولوس، ايسنو ڪريست را گريپي ان نرمي را نمونا مانه وين، تمون ٿي منٽ ڪرونه جي تمي مارو ڪيڏو مونو. تمي ام هزموه جي تماره رُوپرو هُون گريپي ٿي ٻولونھ، پڻ ڪتون ۾ هُون هيمنت راڪين سڪتي ٿي لڪونھ. ② هُون تمون ننه منٽ ڪرونه جي تمي ٻڌائي مارو ڪيڏو مونو، زم تمون ڪن آوين مارهه سڪتي ٿي ٻوليا رئي ضرورت نه پڙهه. تمون موئين ٿي ڪئينڪ منڪ ام هزمهه جي امي روگا دنيا رون منڪون را زم وودا واڙا سون. پڻ هُون پڪي ڪاتري ٿي ڪونھ جي مون ۾ اوئون منڪون ننه سڪتي ٿي هزميا رئي هيمنت سهه. ③ ڪم تو پلنه امي دنيا ۾ ريا واڙا منڪ سون، توڻي پڻ امي مقابلو ڪريا ۾ دنيا رون منڪون را زم نٿي وينا. ④ زئيون منڪ لڙائي ۾ دشمنون ٿي مقابلو ڪرڻه، تو او آپرون ناول هٿيارون ٿي ودين اوئون را گهڊ پونگهه پرا. پڻ زئيون امي ڪوڙ رو مقابلو ڪرونه، تنيون امي منڪون رون طريقيون ٿي نئين، پڻ پگهون ري ڏيڏل ڪڙا ٿي مقابلو ڪرونه، جيا ٿي امي ڪوڙون منڪون ننه هراوي هيڪونھ. پگهون ري ڏيڏل ڪڙا ٿي امي ٿاپتي ڏيونھ جي منڪون را ڪراپ ڪيال هاو نالا سهه، ⑤ ان منڪون رئي ٻڌي وڌائي پڻ هاو نالئي سهه، جيا ري ڪري منڪ پگهون ننه پاھو ڏين مگهوروري ۾ وهه. قوچي دشمنون ننه قيڏي ڪرين آپرا ڪيڏا ۾ راڪنه، پڻ امي منڪون ننه پگهون ري هاسي واتون شيڪاڙين اوئون را من ري ٻڌي اوڙي واتون ڪتم ڪرونه، زم او ايسنو ڪريست رو ڪيڏو موننه. ⑥ ان امي ايٿا هارو پڻ تيار سون، جي زئيون تمي ٻڌي ايسنو ڪريست رو ڪيڏو مونيو هوشي، تنيون زتا منڪ ڪيڏو نئين موننه، اوئون ننه امي ڪيڏو نه مونيا واڙي هر وات رئي

⑦ ٽمي اونڪيون ميسينَ ووه ريا ڪي؟ وات ساوئي سٺه جي امي هاس ۾ مُڪ شيلا سون. جي ڪياڪ نٺه اي يقينَ سٺه جي اُو ايسُو ڪريست رو سُونڍل سٺه، تو اُوئا رٺه سوچينَ ام هُرمو ڪپٺه جي جيوٺه نمونٺه اُو ايسُو ڪريست رو سُونڍل سٺه، هيوٺه نمونٺه امي پڻ سون. ⑧ پلٺه هُون اماري اڪتياڙي را پارام گهڻي ڪُشي ٿي ڪون، جئي اڪتياڙي تمارو وشواس ٻڳاڙيا هارُو نئين پڻ پڪو ڪرايا هارُو پڙيو ايسُو امون نٺه ڏيڏيٺه. توي پڻ هُون هم ڪريا ٿي لازي نٽي مرتو، ڪم تو هُون هاس ٻولونھ ريو. ⑨ پڻ هُون تمون نٺه مارون لڪل ڪتون ٿي پيوڙا وَا نٽي ڪرتو. ⑩ ڪم تو تمون ڪن ڪوڪ مارا پارام اڳي ام ڪنھ ريا جي ”پولوس آڀرون ڪتون ۾ موتي واتون لڪنھ ان آڀرو روپ ڏيڪاڙنھ، پڻ رُوڀرو تو اُو ڪئين نٽي ان اُوئا رو ٻوليا رو نمونو ڪئين ڪاس نٽي.“ ⑪ هيون منڪون نٺه اي هُرمو ڪپٺه، زم امي شيتا ٿي ڪتون ۾ واتون لڪونھ، همروم تمون ڪن رُوڀرو آوينَ ڪوم ڪرشون.

⑫ ڪم تو هائي منڪ آڀرا پارام ايوي ڏوقايون هٺنھ، جي امون ۾ آڀرا پارام هيوي واتون ڪريا رئي هيمنت ٿي نٽي. هيوا منڪ آڀري سوچ پرمونٺه آڀري جونچ ڪرينَ آڀ نٺه ناٺوڪا هُرمٺھ، ان آڀ نٺه ناٺوڪا ڏيڪاڙيا هارُو هيڪا ٻيڙا ٿي مُقابلو ڪرٺه. هم ڪريا ٿي اُو آڀ نٺه پي عقل ڪرٺه. ⑬ پڻ امي اُونون را زم وڏائي نئين ڪرون. امي رُوڳا اُوئا شيوا را پارام ڪُشي ٿي ڪيشون جئي پڳوونَ امون نٺه ڪريا هارُو ڏيڏيٺه. ان پڳوونَ امارٺه حواله اي شيوا رو ڪوم ڪريو تو جي امي تمون هُوڏي پُوڳينَ پڻ شيوا ڪرون. ⑭ جي امي تمون ڪن نه آوٺت، تو امارو حق نه ٿئت جي امي تمارا پارام ڪُشي ٿي ڪون. پڻ اماري تمون مانھ زميوارئي سٺه، ڪم تو ٻڏون ٿي مور امي تمون ڪن آوينَ تمون نٺه ايسُو ڪريست را پارام ڪُشي رئي ڪٻر همپڙا وئي تئي. ⑮ امي اُوئا ڪوم را پارام وڏائي نٽي ڪرتا، جيا ڪوم رئي زميوارئي پڳوونَ امون نٺه نٽي ڏيڏيٺي، ان جيو ڪوم ٻيڙي منڪي مينت ٿي ڪريوه. پڻ امي اي اُميدَ را ڪونھ جي

تمارو وشواس پڪو ٿيتو زاشي ان امي آپ نئه ڏيدل زميواري پرموئنه تمون ڪن وڌارنه گهڻو ڪوم ڪرئون. ①6 هيوئنه نموننه امي تمون ٿي پرلير پڻ زائين پيزون ملڪون ۾ ايسو را پارام ڪشي رٿي ڪهر همپڙاوي هيڪشون. ڪم تو امارئي مرضي اي نٿي جي امي اڳي ٿيل وشواسيون ڪن زائون جيا پيزون ري زميواري ۾ سئ، ان پيزون را ڪرل ڪوم مانه آپري وڌائي ڪرون. ①7 زم شاستر ۾ لڪل سئ:

”آپري وڌائي مت ڪرو،


پڻ پريو را وڪوڻ ڪرو.“

①8 ڪم تو جيو آپرا وڪوڻ ڪرئ، او منڪ نائوڪو نٿي. پڻ جيا را وڪوڻ پريو ڪرئ، او منڪ نائوڪو سئ.

پولوس هزماوئھ

جي هاسون ان ڪوڙون مڪ شيلون ۾ ڪيو قرق سئ

11 ① پلئنه تمون نئه ام لاڳشي جي هون عقل ٿي نٿي بولتو پڻ وڌائي ڪرونه ريو، توئي پڻ ميريونئي ڪرين مارئي توڙي وات صير ٿي هومپڙو. ان تمي تو اڳي مارئي وات صير ٿي سهوه. ② زتو پڳوون تمون ٿي پريم راڪين تمارو ڪيال راڪنه، اتو هون تمون ٿي پريم راڪين تمارو ڪيال راڪونه. ڪم تو جيوئنه نموننه ڪوڪ منڪ آپري ڪوناري سوڪري رو هڪا سوڪرا ٿي هڳڻ ڪرئ ان آپري سوڪري نئه ويوا هارو پويتر راڪنه، هيوئنه نموننه مئين تمون نئه ايسو ڪريست مانه وشواس رڪايوه، ان مارئي زميواري سئ جي هون تمون نئه ايسو ڪريست هارو پويتر راڪون، زم اوتا رئه پاسو آيا رئه ڏي هون تمون نئه ايسو ڪريست نئه ڏيون. ③ پڻ مون نئه اي پيڪ سئ جي جيوئنه نموننه شيطون هاپ را روپ ۾ چالڪي ٿي پيرهين ڏوشي خوا نئه شيتري ٿي، هيوئنه نموننه متون ڪم ئي ڪرين ڪوڪ



تمارا من نئه ڪراپ ڪرئه ان تمون نئه پورا من ٿي پويتر نمونئه ايسو ڪريست رئي شيوا ڪريا ٿي سڏائو. ④ ڪم تو زئون ڪوڪ تمون ڪن آوين ايسو را پارام ايوي واتون همپزاوئھ جي اماريون همپزاوئل واتون ٿي ڦرڻ سئھ، ڪا تمارا

من ۾ ايوي سوچ نوڪئھ، جيئي پويتر آتما ري ڏيڏل سوچ ٿي ڦرڻ سئھ، ڪا تمون نئه تارڻ ليڏا هارو ايوي نمونو شيڪاڙئھ، جيو ايسو را پارام ڪشي ري ڪپڙي ڦرڻ سئھ، جيا نئه تمڻي اڳي ٿي مونوھ، توئي پڻ تمڻي هيون منڪون ري واتون گهئا صير ٿي هومپزوھ. ⑤ پڻ هون آپ نئه هايون منڪون ٿي ڪيا ئي وات ۾ گهٽ نٿي هزمتو، جيا آپ نئه ٻڌون ٿي موتا مڪ شيلا هزمتھ. ⑥ پلئھ هون تقرير ڪريا را طريقا ۾ هوشيار نٿي، پڻ هون پڳوون ري اونڌي واتون همپزاوونھ. امي هر توئھ هر وات ۾ تمون ڪن اي وات ساوئي ڪريھ جي امون نئه پڳوون ريون اونڌيون واتون رئي ڪپڙ سئھ.

⑦ زئون مئين تمون نئه پڳوون رئي ڪشي رئي ڪپڙ پئها ليڏا وڳر امهي همپزاوئي ٿي، تئين آپرا مون رو ڪئين ڪيال نه راکين هون آپرون هاتون ٿي آپري روزي ڪموٽو تو، زم تمون نئه پڳوون ٿي مون زڙئھ. هم ڪريا ۾ مئين تمارو ڏوھ ڪريوھ، ڪي؟ ⑧ مئين آپرا ڪرچ هارو تمون ٿي ڪئين پئها نٿا ليڏا، پڻ پيزيون وشواسي منڌريون را ڏيڏل پئها ليڏا تا، زم تماري شيوا ڪرون. ⑨ ان زئون هون تمون ڪن هتو، ان مون نئه ضرورت پڙي ٿي، توئي پڻ هون ڪيا مانھ پار نٿو ٿيو، ڪم تو ايت ري مڪڏنيھ صوپا ري وشواسي پايي آوين مارئي ضرورت پوري ڪري ٿي. هون تمون مانھ ڪيا ئي وات ۾ نڪو پار ٿيوھ نڪو ٿيھ. ⑩ هون آپرا پارام ڪشي ٿي ڪونھ جي هون پئها ليڏا وڳر ايسو را پارام همپزاوونھ. ان هون ايسو ڪريست ري هاسي واتون مونين هاس ڪونھ

جي هون تمون ڪن پٺيها ليڏا وڳر ايسو را پارام همپڙاوتو ريھ، ان تمارا يونان صوپا رون علاقون ۾ ڪوئي مون نئه هم ڪيڏا ٿي نئين روڪئ. ⑪ هون تمون ٿي پٺيها ڪم نٿي لیتو؟ ڪوڪ ام ڪنھ ریا جي هون تمون ٿي پریم نٿي ڪرتو، تيام تمون ٿي پٺيها نٿي لیتو. تمی هائي وات مونوھ، ڪي؟ ڀڳوون زوئڻھ جي هون تمون ٿي ڪتو پریم راکونھ. ⑫ پڻ هون اڳي شيڪاڙيا را پٺيها نٿي لیتو، ان هون همروم ڪرتو ريھ، زم او منڪ جيا آپرا ڪوم را پارام وڏائي ڪريا رو موقعو ڳوئڻھ، اوئون نئه اي وڏائي ڪريا رو موقعو نه زڙڻھ جي او امارا نمونا پرموئڻھ ڪوم ڪرڻھ.

⑬ ڪم تو هيوامنڪ هاس ۾ مڪ شيلا نٿي پڻ ڪوڙ ڪرين آپ نئه مڪ شيلا ڪنھ. او نڳي هارو شيڪاڙيا رو ڪوم ڪرڻھ، ان ڪوڙا ٿين آپ نئه ايسو ڪريست را مڪ شيلا ڏيڪاڙڻھ. ⑭ هايا ۾ حيرون ٿيا رئي ڪئين وات نٿي، ڪم تو شيطون آپ، جيو ڀڳوون رو ڏشمڻ سئم، آپ نئه ايوو ڏيڪاڙڻھ زوئڻھ او ڀڳوون را طرف ٿي سوچھرا وازو آڪاشي ڏوت هوئ. ⑮ تيام گھڻي حيروني رئي وات نٿي، جي شيطون را شيواڌاري منڪون ڪن آپ نئه ايوو ڏيڪاڙڻھ، زوئڻھ او ڀڳوون را شيواڌاري هوئ جيا تارڻ ليڏا رو مارڳ ڏيڪاڙڻھ. پڻ نيٺ هايون نئه هايون رون ڪراپ ڪومون رو نتيجو زڙشي.

پولوس همپڙاوتھ جي اوئ ايسنو ري شيووا ۾ ڪتا ڏڪ سهياھ


⑯ هون وڙي منٽ ڪرونھ جي تمی مون نئه آپ را پارام پوليا ري ڪري پي عقل مت هزمو. پڻ جي تمی مون نئه پي عقل هزموھ، توئي پڻ جيوئھ نمونئھ تمی هايون پي عقل منڪون رئي وڏائي هومپڙيا هارو تيار سو، هيوئھ نمونئھ مارئي وات هومپڙو، زم هون پڻ آپرا پارام ڪئينڪ ڪون. ⑰ زئيون هون همئڻھ آپرا پارام هيمنت ٿي ڪونھ، تو هون زوئڻھ پي عقل منڪ را زم وڏائي ڪرونھ ريو، ان وڏائي ڪروو پريو ايسو را ڏيڪاڙل نمونا پرموئڻھ نٿي. ⑱ پڻ پيزا گھڻا

منک دنيا را نمونا پرموئنه وڌائي ڪرئھ، تيام هون پڻ اوئون را زم آپرا پارام ڪيھ. (19) ڪم تو تمي انا عقل واڙا سو، جي تمي ڪشي ٿي پي عقل منڪون ري واتون هومپڙوه. (20) پلئھ ڪوڪ تمون نئھ ڳلومون را زم ناوئھ، پلئھ تمون ٿي ڻڳي ڪرئھ، پلئھ تمون نئھ آريون واتون ۾ ڦٽراوئھ، پلئھ تمون مانھ آپرو حڪم ويوراوئھ، ان پلئھ تمون نئھ ٿپڙ هئئھ، توئي پڻ تمي اوئون رئي سھوه. (21) هون تو لڙي مريڻ ڪونھ جي امي اوئون را زم روپ ڪرين طاقت ٿي نہ وويدا.

پڻ جيا پڻ وات را پارام ڪوڪ هيئت ٿي وڌائي ڪرئھ، اوئون واتون را پارام مون نئھ پڻ وڌائي ڪريا رئي هيئت سئھ. هون پي عقل را زم ام ڪونھ ريو. (22) هائي منڪ عبراني قوم را سئھ، تو هون پڻ عبراني قوم رو سون. هائي منڪ اسرائيل ري پيڙي ٿي سئھ، تو هون پڻ اسرائيل ري پيڙي ٿي سون. هائي منڪ ابراهيم را اولاد سئھ، تو هون پڻ ابراهيم رو اولاد سون. (23) هائي منڪ آپ نئھ ايسو ڪريست را شيواڌاري ڪئھ. مئين ايسو ڪريست رئي هايون ٿي الاهي گهڻي شيوا ڪريئھ. آپرا پارام ام ڪيوو ٺيڪ نٿي، پڻ هون ڳونڌا را زم ٻولتو ريھ. مئين هايون ٿي گهڻي مينت ڪريئھ، گهڻي وار جيل موئين پوروئوه، گهڻي وار چاڀڪا کاڌاھ، ان گهڻي وار موت را ڪترام ريوھ. (24) مئين پونس وار آپري يهودي قوم رون منڪون ٿي اوڻيتاليھ اوڻيتاليھ چاڀڪا کاڌاھ، (25) ترڻ وار ڌاري قوم واڙون ٿي ڌوڪون ٿي مار کاڌيھ، هيڪ وار مون نئھ پوئا هئين ماريوھ، ترڻ وار ٻيڙو پنڳايا ري ڪري موصييت ۾ ڦاڻي ڳيوھ، ان هيڪ وار ڏي ان رات سمونڊ ۾ ترتو ريوھ. (26) مئين گهڻي وار پنڌ ڪريوھ، هون ڌريائون را ڪترا ۾ ريوھ، ڌاڙيلون را ڪترا ۾ ريوھ، آپري قوم رون منڪون را ڪترا ۾ ريوھ، ڌاري قوم واڙون را ڪترا ۾ ريوھ، شھرون ۾ ڪترا ۾ ريوھ، رڻ ۾ ڪترا ۾ ريوھ، سمونڊ ۾ ڪترا ۾ ريوھ، ان اوئون را ڪترا ۾ ريوھ جيا ڪوڙ ڪرين آپ نئھ وشواسي پائي ڪئھ. (27) مئين

مينت مزورئي ڪريه، گهڻي وار اوزاگرا ڪرين رات رو پڻ ڪوم ڪرتو ريوه، پوکو ان ترهو ريوه، گهڻي وار روڻي کاڌا رو ٽيم ئي نه زڙيو، ٿاڍي مريوه ان مارا پيريا را لوگهڙا ئي نٿا. (28) پڙيون واتون شوا، اي وات مون مانه هر توڻه پار را زم سٺه، جي مون نٺه ٻڏيون وشواسي منڌڙيون رڻي گهڻي سٺه. (29) جي ڪوئي وشواس راڪيا ۾ ڪمزور سٺه، تو مون نٺه ضرور اونا هارو ڏڪ ٿه. جي ڪياڪ ري ڪري ڪوئي وشواسي ڏوه ۾ پڙه، تو مون نٺه ضرور ڏورو لاگهه.

(30) جي مارنه آپرا پارام ڪئينڪ ڪيو پڙه، تو هون آپرا پارام ايوي واتون ڪريه، جيون ٿي وات ساوئي ٿه جي مون ۾ ڪئين هيمنت نٿي. (31) پگهون، جيو پريو ايسو رو پگهون ان ٻاپ سٺه، جيا را وڪوڻ هميش هوڏي ٿيتا ره، اونا نٺه ڪپر سٺه جي هون ڪوڙ نٿي ڪيتو. (32) زڙيون هون دمشق شهر ۾ هتو، ان ارتاس پاڌشا رو سونيل راز ڪريا وازو مون نٺه زهاليا هارو دمشق شهر رون ڌروazon مانه پاهرو ڏيوراوتوت ريو، (33) تڙيون شهر ري پينت ري هيڪي ڌري ٿي منڪي



مُون ننه ڏلا موئين بيهارين نيسو اوتاريو، ان هيونته نمونته هون اوتا ٿي پڇين
ياڳي ڳيو.

پولوس همپزاوئھ جي پريو ايسو اوتا ننه ڪيو ڏيکارا ڏيڏاه

12 ① وڏائي ڪريا ٿي ڪئين قائيدو نٿي، پڻ مارنه مجپوري ٿي آڀرا پارام
ڪيو پڙئھ. تيام هون ايئون واتون را پارام پڻ ڪيھ جي پريو ايسو
مُون ننه ڏرشن ڏيڏاه ان مون ڪن پڳوون ري واتون ساوي ڪريھ. ② هون تو
رُوڳو منڪ سون جيو ايسو ڪريست ٿي واسطو راکونھ، پڻ سوڏئه سال ٿيا،
هون آپ ان تارون ٿي اونسو آڪاش مانھ پڳوون ڪن اوڀڙي ڳيو تو. مون ننه
ڪهر نٿي جي هون ڏيل هٿيلو آڪاش ۾ ڳيو تو، ڪا ڏرشن ۾ آڪاش ۾ ڳيو تو.
هايا وات رٿي پڳوون ننه ڪهر سئھ. ③ پلئھ مون ننه ڪهر تو نٿي جي هون ڏيل
هٿيلو ڳيو تو، ڪا ڏرشن ۾ ڳيو تو، پڳوون ننه هايا وات رٿي ڪهر سئھ. توئي
پڻ مون ننه ايئا وات رٿي پوري ڪهر سئھ ④ جي هون آڪاش مانھ سرڳ ۾ تو
اوڀڙي ڳيو تو، ان اوئنه مئين ايوي نائوڪي واتون هومپڙي تي جي ڪيڏا ٿي
باري سئھ، ان جيون را پارام منڪون ننه همپڙايا رٿي مون ننه آڳيا نٿي. ⑤ هون
هون آڀرا پارام ڪشي ٿي ڪيھ جي مون ٿي هم ٿيوھ. هون تو وڏائي نئين ڪرون،
پڻ رُوڳو آڀرا پارام ايوي واتون ڪشي ٿي ڪيھ، جيون ٿي وات ساوئي سئھ جي
مون ۾ ڪئين هيست نٿي. ⑥ جي هون هايا وات را پارام وڏائي ڪروا ڪرت،
تو هون وڏائي ڪريا ٿي پي عقل نه ٿئ، ڪم تو ماري ڪيڏل ٻڌي واتون هاسي
هوئت. پڻ هون هايا وات را پارام وڏائي نئين ڪرون، متون ڪوڪ منڪ، جيو
مارا ڪوم ڏيڪھ ان جيوي ماري واتون هومپڙھ، مون ننه ايوي نئين پڻ اوتا
ٿي وڌيڪ هڙمئھ، ⑦ ڪم تو پريو ايسو مون ڪن الاهي گهڻي موتي واتون
ساوي ڪريھ.

تيام، مون ننه مگهورور ٿيا ٿي روڪيا هارو، پڳوون مون ننه تڪليپ ٿيو

ڏيڏئي، جيئي مون نئه ايويي ڏورئي لاڳهه زوئنه هون پالا ٿي ويندال سون، ان جيئي شيطون را پاها ٿي اول سئه، زم هيا تڪليپ ري ڪري هون تنگ ٿيون ان هيون نموننه مگهورور نه ٿيون. ⑧ هيا تڪليپ را پارام ترن وار مئين پريو ٿي وينتي ڪري، جي او مون نئه هيا ٿي سڏاونه. ⑨ پڻ اوئه مون نئه ام ڪيتو: ”مارئي ڪرل ڪرپا تون هارو گهٽي سئه، ڪم تو زئون منڪ ۾ آڀري هيمنت نٿي، تنيون مارئي ڪرا پورنه نموننه ساوي ٿهه.“ تيام هون گهٽي ڪشي ٿي آڀرا پارام او واتون ڪيه جيون ٿي ثابتي ٿهه جي مون ۾ آڀري هيمنت نٿي، زم ايسو ڪريست رٿي ڪرا مون نئه همپازين راکهه. ⑩ تيام هون گهٽو ڪش سون زئون مون ۾ آڀري هيمنت نٿي، زئون ايسو ڪريست ري ڪري مارئي پيعزتي ٿهه، مون نئه مڃورئي ٿهه، منڪ مون نئه تنگ ڪرهن ان مون مانه مصيبتون اوئه. ڪم تو زئون مون ۾ آڀري هيمنت نٿي، تنيون مون نئه پڳوون را پاها ٿي هيمنت زڙهه.

پولوس ڪرنتس شهر رون وشواسيون نئه هزماونھ جي او اوئون رو ڪنو گهٽو ڪيال راکهه

⑪ هون پي عقل ٿين آڀرا پارام هم بوليوه، پڻ هيا هارو تمي مون نئه مڃور ڪريوه. مارنه تو آڀرا وڪون نتو ڪروو، پڻ مارا وڪون ڪروو تمارو قرض هتو. ڪم تو پلنه هون آپ ڪئين نٿي، توئي پڻ هون اوئون منڪون ٿي ڪيا پڻ وات ۾ گهٽ نٿي، جيا آپ نئه ٻڌون ٿي موتا مک شيلا هزمهه. ⑫ تماره روپرو مئين هر ڏوروڻ گهٽا صير ٿي سهي، ان پڳوون ماري هاتي نيشون ان پرسا ڏيڪاڙيا ان مئين پڳوون ري ڪرا ٿي منڪون نئه هازا هورا ڪريا، جيا ٿي ثابتي ٿهه جي هون هاسو مک شيلو سون. ⑬ مئين تمون نئه ڪيا وات ۾ پزيون وشواسي منڌزيون ٿي گهٽ هزميا؟ مئين تمون مانه مارا ڪرچ رو پار نه نوڪيو، تو ڪي ٿيو؟ هيا ٿي مئين تمون نئه گهٽ

هزميا، ڪي؟ جي مائه ڪرچ نه ليدا رڻي وات تمي ڏوه هزموه، تو مون نه ماڻي ڏيو!

⑭ زوئو، هوه هون ترڻي وار تمون ڪن آيا هارو تيار سون، ان هون همئه پڻ تمون مانه مارا ڪرچ رو پار نئين ڏيون. ڪم تو هون تمون ٿي پيها ليدا رڻي لالچ نتي راکتو، پڻ روگو تمارو ڪيال راکونه. هون تمون نه آپرون اولادون را زم هزمونه، ان اولادون رو قرض نتي جي او آپرا مان باپ هارو مال ملگت پيڙي ڪرئ، پڻ مان باپ رو قرض سه جي او آپرون اولادون هارو مال ملگت پيڙي ڪرئ. ⑮ هون تمون هارو نه روگو گهڻي ڪشي ٿي آپرو ڪرچ ڪريه، پڻ آپرو جيو پڻ ڏيدا هارو تيار سون. زئون هون تمون ٿي اتو گهڻو پريم راکونه، تو تمي ڪم مون ٿي گهت پريم راکوه؟ ⑯ نيك سه، مئين تمون مانه آپرا ڪرچ رو پار نه نوڪيو. پڻ ڪوڪ ام ڪئھ جي هون چالاک سون، ان پلنه مئين تمون ٿي ڏون نه ليدو، توئي مئين نگي ٿي تمون نه شيرين تماري ڏيدل امداد را پيها کاڏاه. ⑰ تمي آپ سوچو. جيا منڪ مئين تمون ڪن امداد ليدا هارو ميليا تا، اوئون ري هائي مئين تمون ٿي نگي ڪراويه، ڪي؟ ⑱ مئين طيطس نه تمون ڪن آيا رڻي وينتي ڪري ٿي، ان مئين اوئا پيڙو پيڙو ايموندار وشواسي پائي پڻ ميليو تو. طيطس تمون ٿي نگي ڪري ٿي، ڪي؟ نا نا، طيطس تو ايمونداري ٿي وودو. هون طيطس را زم ايمونداري ٿي نه وودو، ڪي؟ امي تو بدائي نائوڪه نمونه وودا.

⑲ تمي زويام ام هزمئا هوشو، جي امي آپ نه تمون هوما پيڙهي ڏيڪاڙيا هارو هائي ٻڌي واتون آپرا پارام ڪونه ريا. پڻ هم نتي. امي ايسو ڪريست ٿي واسطو راکين پگهون نه آپ هومو هزمين ٻولونه ريا. پريمي پايون ان پينون، امي هائي ٻڌي واتون ايئا هارو ڪرونه ريا زم تمارو وشواس پڪو ٿه. ⑳ ڪم تو مون نه پيڪ سه جي زئون هون تمون ڪن آويه، تيون متون تمي ايوه ڪراب نمونه ويتا هوهو، جي مون نه نائوڪو نئين لاگه، ان

مارئہ تمون ٿي ايوِي سڪتي ٿي ويو پڙئ، جي تمون نئہ نائوڪو نئين لاڳئہ. ام نہ تئہ جي تمِي جھيڙو جھڳڙو ڪرتا هوئو ان هيڪا پيزا مانہ ريشي ٻڙتا هوئو، تمون نئہ هيڪا پيزا مانہ رينہ سڙتئي هوئہ ان تمِي آپري آپري ڌار ڌار پالئي ناوتا هوئو، هيڪا پيزا رئي ڳلا ڪرتا هوئو ان هيڪا پيزا را پارام ڪراب واتون همپڙاوتا هوئو، آپ نئہ موتا هزمين وڌائي ڪرتا هوئو ان تمارو آپت ۾ ڪئين هپ نہ هوئہ. (21) ان ام پڻ نہ تئہ جي زئيون هون تمون ڪن وڙي آون، تئيون پڳوون مون نئہ تماري ڪري لازي مارئہ، ان تمارئہ روپرو مارئہ گھئون منڪون ري ڪري ڏکي ٿين روو پڙئ، جيا اڳي ٿي لين ڏوھ ڪرئ ريا، ان جيئي هزون هوڏي آپري ڪرل پونڌائي، پونڌا ڪوم ان لوقرائي ٿي توبونہ نئي ڪري.

پولوس آڪري وار ڪرنتس شهر رون وشواسيون نئہ هزماوئہ

13 ① هون هوئہ ترئمي وار تمون ڪن آويہ. ان زم شاستر ۾ لڪل سئہ جي ”بيئون ڪا ترئيون منڪون رئي هاڪ پريا ٿي وات رئي ٿايتئي ٿي زائہ،“ تم هون صحيح ڪبر پاڙيہ. ② اڳي، زئيون هون پيزي وار تمون ڪن هتو، تئيون مئين اوئون منڪون نئہ مور ٿي ڏوھ ساڏيا رو ڪيڏو تو، جيا اڳي ٿي لين ڏوھ ڪرئ ريا. ان هيونہ نمونئہ همئئہ پڻ، زئيون هون تمون ڪن نئي، هون وڙي اوئون منڪون نئہ ان پيزون ٻڌون نئہ پڻ مور ٿي ڪونہ، جي زئيون هون وڙي آويہ، تئيون هون ڪيا نئہ نئين ساڏون، پڻ زتا ڏوھ ڪرتا هوشي، اوئون ٻڌون نئہ سزا ڏيہ. ③ هايا ٿي تمون نئہ او ٿايتئي زڙشي، جيئي تمِي ليوا ڪروھ ريا، جي هون ايسو ڪريست را پاها ٿي پولونہ ريو. ايسو ڪريست ڪمزور نئي. اوتا رئي تو پوري طاقت سئہ، ان او ماري هاڻي تمون نئہ ضرور سزا ڏيوڙاوشي. ④ ڪم تو پلئہ ايسو ڪريست ڪمزور منڪ ٿين هوڙي مانہ مريو تو، توي پڻ او هوئہ پڳوون ري طاقت ٿي جيوتو

سٺ. ان هيون نمونن امي جيا ايسو ڪريست ٿي واسطو راکونھ، امي پڻ ڪمزور سون. توڻي پڻ زم ايسو ڪريست پڳوون ري طاقت ٿي جيوي اونيوه، تم امي پڻ ايسو ڪريست ٿي واسطو راکين تمون ٿي پڳوون ري طاقت پرمونن ويشون.

⑤ تمي آپ ننه زونو جي تمي ايسو مانھ پڪو وشواس راکوه ڪا نا. تمي آپ آڀرو آزمونو ليو. تمون ننه آڀرا پارام اي ڪهر نٿي ڪي، جي ايسو ڪريست تمون پيڙو سٺ؟ جي تمي هاس ۾ وشواس راکوه، تو ايسو ڪريست ضرور تمون پيڙو هوشي. پڻ جي تمي ايسو مانھ وشواس نٿي راکتا ان آزمتا ۾ پورا نٿي اوترتا، تو ايسو ڪريست تمون پيڙو نئين هون. ⑥ توڻي پڻ مون ننه اميد سٺ جي تمون ننه آڀرو وشواس ڏيڪين ڪهر پڙشي جي امي تمون ننه وشواس رکيا ۾ پورا اوترياه، ان امي هاس ۾ ايسو ڪريست را مک شيلا سون. ⑦ امي پڳوون ٿي پرائتا ڪرونھ، جي تمي ڪوئي ڪراپ ڪوم نه ڪرو. امارو هائي پرائتا ڪريا رو مطلب اي نٿي، جي وات ساوئي ننه جي امي تمون ننه ايسو مانھ وشواس رکيا ۾ پورا اوترياه. نا نا، امارو هائي پرائتا ڪريا رو مطلب اي سٺ جي تمي ناٿوڪا ڪوم ڪرو، يلنه وات ساوئي نه ننه جي امي هاسا مک شيلا سون. ⑧ ڪم تو زئون منڪ هاس مانھ وٺ، تو اماري ڪئين اڪتياري نٿي جي امي اونون ننه آڀري مک شيلا هويا رئي طاقت ڏيڪارون. پڻ هائي طاقت ڏيڪاريا رئي اڪتياري نٿيون سٺ، زئون منڪ هاس رنه ڪلاڦ وٺ. ⑨ امي تو گهڻا ڪش ٿيون، زئون امارنه طاقت ڏيڪاريا رئي ڪئين ضرورت نٿي پڙئي، ان تمي آٿوڪا آپ ناٿوڪنه نمونن ووه. ان امي ايٿا هارو پڻ پرائتا ڪرونھ، جي تمي ٻڌائي پيڙا تين صحيح نمونن وو. ⑩ تيام هون اي ٻڌي واتون لکونھ ريو زئون هون تمون ٿي شيتي سون، زم تمون ڪن آوين مارنه آڀري اڪتياري پرمونن تمون مانھ سڪتي نه ڪرو پڙنه. ڪم تو پريو ايسو مون ننه اي اڪتياري ايٿا هارو نٿي ڏيڏي

جي هون تمارو وشواس ٻڌڻ، پڻ ايئن هارو ڏيڏيھ جي هون تمارو وشواس
پڪو رکاوون.

⑪ آڪر ۾، پریمی پاڻون ان پنون، تمی کڻ ریو، ٻڌائي پڙا ٿین صحیح
نمونته وو، ماری واتون مونو، هیڪ من ٿین ریو، ان آت ۾ هپ راکو، تو پڳوون
جیو پریم ان هپ رکایا وازو سئ، او تمون پیرو هوشی.

⑫ هیڪا پڙا ٿی پویتر نمونته پریم ٿی ملو. ⑬ پڳوون را ٻڌائي سونیل
منک تمون نئ نمسڪار ڪئ.

⑭ پڙو ایسو کریست رٿی ڪریا، ان پڳوون رو پریم، ان پویتر آتما رو هپ
تمون ٻڌون پیرو هوئ!

گلتیون را نوم مانه لکل کت رئي هزموئي

کت لکيا وازو

اي کت پولوس لکيو (گلتیون 1:1). امر لاڳهه جي اي کت اوڻه توڻه لکيو زئيون اوڻه اپرا پيرهيان چکر مانه گلتیه صوڀا مَر زائين ايسو را پارام همپزابو تو، ان پسئ سوريه صوڀا را انطاکیه شهر مَر پاسو آيو، جيئون او رُونو تيو تو (مک شيلون را کوم 13:14-14:28). تيا کيڙ يهودي قوم رُون وِشواسيون موئين ٿي کعينک منکي انطاکیه شهر مَر آوين اي وات اوڏارئي جي جيا ڌاري قوم وازا وِشواسي تيا،ه، اوئون رڻه موسي رُون لکل حُکمون پرموڻه توهر پڻ ڪراوون. تيام اوڻ ري وِشواسيڻي پولوس ان برنباس نڻه يروشلم شهر مَر هايا وات رو. ٿينصلو ڪراووا ميليا. يروشلم شهر مَر مک شيلان وِشواسي منڌري را پيزا اڳيون ٻڌائي پيزا تيا ان ٿينصلو ڪريو جي توهر ڪرايا رئي ان موسي رُون ٻڌون لکل حُکمون مانه وودا رئي ضرورت نئي (مک شيلون را کوم 15:1-29، گلتیون 2:10-10).

تيا کيڙ پولوس پاسو سوريه صوڀا را انطاکیه شهر مَر آيو، ان امر لاڳهه جي اوڻه توڻه، اندازم 49ع مَر، اوڻه گلتیه صوڀا رُون وِشواسيون نڻه اي کت ميليو.

کت کيون منکون هارو لکيو

پولوس اي کت گلتیه صوڀا رُون ٻڌون وِشواسي منکون هارو لکيو (گلتیون 2:1). گلتیه صوڀا رُون منکون نڻه گلتِي ڪيتا. گلتیه رومي حُکومت رو هيڪ صوڀو هتو، جيا مَر پسديه علاقا رو انطاکیه شهر، اڪنيم شهر، ان اُڪائيه علاقا را اُستره ان ڀري شهر هتا. گلتیه صوڀا را منک يهودي نئا پڻ ڌاريون قومون را هتا، پڻ اوڻه کعينک يهودي قوم را منک پڻ ريتا. گلتیه صوڀا مَر يهودي منکون نڻه پولوس رڻه ڪلاف ڪريا ان اُستره شهر مَر اوڻي پولوس نڻه پوڻا هڻين مرل هزمين ساڏيو. توڻي پڻ پولوس اوئون نڻه ايسو را پارام شيڪازو ريو (مک شيلون را کوم 13:14-14:23). گلتیه صوڀا مَر گهڻا منک وِشواسي تيا ان هايون شهرون مَر وِشواسي منڌري شروع ٿي. (مک شيلون را کوم 14:23).

کت لکيا رو مطلب

زئيون پولوس گلتیه صوڀا ٿي ڳيو پرو، نئين يهودي قوم را کعينک وِشواسي اوڻه ڳيا ان ڌاري قومون رُون وِشواسيون نڻه ڪيڏو جي پولوس هاسو مک شيلو نئي ان تارن ليدا هارو اوئون رڻه نڻه روڳو ايسو مانه وِشواس راکوو، زم پولوس ڪيڏو تو، پڻ اوئون رڻه موسي رُون لکل

حُڪمون پرمونئڻ توهڙ پڻ ڪراوون. اي وات هومپڙين پوئوس گلتيه صوڻيا رون وشواسيون نئ
 اي ڪت لکيو زم اوتون نئ هائي ڪوڙي وانون مونيا ٿي روڪئ. ايئا ڪت م پوئوس همپڙاوئھ
 جي ايسو اوتئا نئ ڪم ڪرين مڪ شيلو نايوه، ان پڙي مڪ شيلي اوتئا رٺي هر وات هاسي
 مونئي (گلتيون 11:1-21:2). پوئوس اي هزماوئھ جي منڪ آپري ڪوشش ٿي تارڻ نئي لي
 هيڪتا. تيار آپري توهڙ ڪرايا ٿي اوتون نئ ڪئين ڦاڻيدو نئين نئ پڻ نقصون ٿيشي، ڪم تو
 موسي رون لڪل حُڪمون مانھ وُڍا ٿي ڪيا نئ تارڻ نئي زرتو، پڻ روڳو ايسو مانھ وشواس
 راکيا ٿي تارڻ زرتھ (گلتيون 15:2-31:4). پوئوس اي پڻ شيڪارٺھ جي وشواسي موسي رون
 لڪل حُڪمون ٿي آزاد تو سئ، پڻ اوتون رٺ آپري مرضي مانھ نئين، پڻ پويتر آما ري مرضي
 مانھ ويو ان ايسو را ڏنڊل حُڪم مانھ ويو جي ”هيڪا پڙا ٿي پريم راکو.“ ڪم تو پريم
 راکيا ٿي منڪ پڳوون رو هر حُڪم پورو ڪرئھ (گلتيون 1:5-10:6).

ايئا ڪتاب را شاستر ٿي بيزا حوالا:

گلتيون 1:1	ڪوم	19-1:9
گلتيون 8:1	ڪوم	23:14-14:13
گلتيون 16:1	ڪوم	19-1:9
گلتيون 19-18:1	ڪوم	28-26:9
گلتيون 21:1	ڪوم	30:9
گلتيون 10-1:2	ڪوم	21-4:15
گلتيون 6:3	پيدائش	6:15
گلتيون 8:3	پيدائش	3:12
گلتيون 8:3	پيدائش	18:22
گلتيون 10:3	استشنا	26:27
گلتيون 11:3	حبوق	4:2
گلتيون 12:3	احبار	5:18
گلتيون 13:3	استشنا	23:21
گلتيون 16:3	پيدائش	7:12
گلتيون 16:3	پيدائش	17-14:13
گلتيون 16:3	پيدائش	18-17:22
گلتيون 17:3	پيدائش	8-1:17
گلتيون 17:3	خروج	41-40:12
گلتيون 17:3	خروج	17-1:20
گلتيون 19:3	استشنا	23:33
گلتيون 19:3	خروج	3:19, 25
گلتيون 22:3	زبور	3-1:14
گلتيون 22:3	زبور	3-1:53
گلتيون 22:3	واعظ	20:7
گلتيون 10:4	احبار	44-1:23
گلتيون 10:4	احبار	7-1:25
گلتيون 13:4	ڪوم	23:14-14:13
گلتيون 22:4	پيدائش	16-1:16
گلتيون 22:4	پيدائش	5-1:21
گلتيون 23:4	پيدائش	10:18
گلتيون 27:4	يسعياه	1:54
گلتيون 29:4	پيدائش	9:21
گلتيون 30:4	پيدائش	10:21
گلتيون 3-2:5	پيدائش	14-9:17
گلتيون 14:5	احبار	18:19
گلتيون 2:6	يوحنا	34:13
گلتيون 17:6	ڪوم	19:14

گلتیون

را نوم مانھ پولوس رو لکل کت



1 ① هُون لکيا وازو پولوس سون، جيو ايسو رو هيڪ مُک شيلو سون. منکي مُون ننه مُک شيلو نتي سونديو، نکو پگوون مُون ننه سونديا هارو کياک منک ننه نياپو ڏيتو. پڻ ايسو کريست ان پگوون ٻاپ، جيئنه ايسو ننه مرلون موئين تي جيوي اوناڙيوه، اوئي مُون ننه مُک شيلو سونديوه. ② اي کت مارا پاها تي ان ٻڌون وشواسي پايون را پاها تي لکل سئه، جيا مُون پيڙا سئه.

گلتيه صويا ريون وشواسي منڌريون رون پريمي پايون ان بينون،
 ③ آپو ٻاپ پگوون ان پريو ايسو کريست تمون مانھ کريا کرئه ان تمون ننه هڪي راکه!

④ آپون ننه ڏوهون رئي ماڻهي ڏيوراي هارو ايسو آپا ٻاپ پگوون ري مرضي پرموئنه آپرو جيو ڏيتو، زم آپون ننه ايئا کراب زمونا ري پوندائي را قوضا تي پچاوئه. ⑤ پگوون را وکوڻ هميش هُوڏي ٿيتا رئه! آمين.

پولوس رئي همپزاوَل ايسو را پارام كشي رئي كبر پگوون رئي ڏيڏل هاسئي كشي رئي كبر سئ

⑥ هُونِ تمون مانه حيرون سون، جي تمى انا جلدِي ۾ ڪم ڪرين پگوون نئ ساڏوه ريا، جيئنه ايسو ڪريست ري ڪرپا ٿي تمارو آپ ٿي واسطو رکايوه، ان هونئ ڪياڪ پيزي وات نئ پگوون رئي ڏيڏل كشي رئي كبر هزمين اونا وونهي ووه ريا. ⑦ ايسو را پارام جئي كشي رئي كبر مئين تمون نئ همپزاوئي، روڳهي او هاسئي سئ، پيزي ڪوئي وات پگوون رئي ڏيڏل كشي رئي كبر نئي. پڻ وات اي سئ، ڪئينڪ ايوا منڪ سئ جيا ايسو ڪريست را پارام كشي رئي كبر آپرا نمونا پرموئنه قيرَوَوا ڪرئ، ان هم ڪرين تمون نئ پريشون ڪرئ ريا. ⑧ جئي ايسو را پارام كشي رئي كبر امي تمون نئ همپزاوئي، هايا ري جگا ۾ جي ڪوئي پڻ پگوون رئي ڏيڏل كشي رئي كبر ڪين پيزي ڪوڪ وات همپزاوئ، او پلئ امي آپ هوئون ڪا آڪاش ٿي اول ڏوت پڻ هونئ، تو او پگوون رو پتل ٿئ. ⑨ زم امي اڳي تمون نئ همپزاوئ تو، تم هون همئنه وزي پڻ تمون نئ ڪونه: جي ڪوڪ منڪ تمون نئ هايا اماري همپزاوَل كشي ري كبر شوا، جيا نئ تمى مونئي ٿي، پگوون رئي ڏيڏل كشي رئي كبر ڪين پيزي ڪوڪ وات همپزاوئ، تو او پگوون رو پتل ٿئ.

⑩ هونئ تمى آپ سوچو، هون ڪيا نئ ڪش ڪروا ڪرونه ريو؟ منڪون نئ، ڪا پگوون نئ؟ جي هون هزون هوڏي منڪون نئ ڪش ڪروا ڪرئ، تو هون ايسو ڪريست رو شيواڏاري ڪم ڪرين هوئ.

پگوون پولوس نئ سونڊيو نو

زم او ايسو را پارام اي كشي رئي كبر همپزاوئ

⑪ پريمي پايون ان بينون، هون تمون نئ صاق صاق ڪونه جي مارئي همپزاوَل

کُشي رئي کبر منڪون را طرف تي نٿي. ⑫ ڪم تو مون نئه هائي کُشي رئي کبر
 ڪيا منڪ تي نٿي زڙي، نڪو ڪيئنه مون نئه شيڪاڙيئھ. پڻ ايسو ڪريست آپ
 مون نئه ڏيڪاڙو ڏين هائي وات مون ڪن ساوئي ڪريئھ. ⑬ ٽمي تو هومپڙيوھ
 جي زئيون هون اڳي يهودي ڌرم ۾ هتو، تئيون ماري حياتي رو وڍا رو نمونو
 ڪيو هتو. هون پڳوون ري وشواسي منڌري رون منڪون نئه الاهي گهڻو تنگ
 ڪرتو ان وشواسي منڌري نئه ڪتم ڪريا رئي ڪوشش ڪرتو ريو. ⑭ هون يهودي
 ڌرم ري واتون اتي شيڪيو جي ماري يهودي قوم ۾ هون ماري عمر رون گهڻون
 منڪون ٿي آڳڙ وڌتوت ريو، ان هون آپرون ٻاپ ڏاڏون ريون شيڪاڙل واتون مانھ
 پورا من ٿي ويتو. ⑮ پڻ پڳوون مارئھ پيڏا ٿيا ٿي مور، زئيون هون آپري مان را
 پيٽ موئين هتو، مون مانھ ڪريا ڪرين مون نئه ايتا ڪوم هارو سونديو. تيام
 زئيون پڳوون آپري مرضي پرموئنه ⑯ آپرو ڏيڪرو ايسو مون ڪن ساو ڪريو،
 زم هون ڌاريون قومون نئه ايسو را پارام همپڙاوون، تئھ توئنه مئين ڪيا منڪ
 ٿي صلاح نه ليڏئي، ⑰ ان نڪو هون يروشلم شهر ۾ اوئون مڪ شيلون ڪن گيو،
 جيا مون مور سونديل هتا. پڻ هون هتوڪو عرب ملڪ گيو پرو، ان تيا ڪيڙ اوئون
 دمشق شهر ۾ وڙي پاسو آيو.

⑱ پسئھ ترئيون سالون ڪيڙ هون پطرس ٿي مليا هارو يروشلم گيو، ان ٻي
 هقتا اوئا ڪن ريو. ⑲ پڻ پيڙا مڪ شيلو مون نئه پيڙا نه ٿيا، روڳو پريو ايسو
 رو پائي يعقوب پيڙو ٿيو. ⑳ جي واتون هون تمون نئه لڪونه ريو، پڳوون مارو
 شائيڏ سئھ جي اي ٻڌي هاسي سئھ. ㉑ پسئھ تيا ڪيڙ هون سوريه ان ڪليڪه
 علاقون ۾ گيو. ㉒ پڻ اوئون ڏيئون ۾ يهوديه صوپا ۾ جيئنه پڻ وشواسي
 منڌري هتي، اوئنه جيا منڪ ايسو ڪريست مانھ وشواس راکتا، او مون نئه
 اوڙڪتا ٿي نتا. ㉓ پڻ او منڪ روڳو مارا پارام اتو هومپڙتات ريا جي ”او منڪ
 جيو اڳي آپون وشواسيون نئه تنگ ڪرتو، او هوئھ اوئا هاڳي وشواس را پارام
 همپڙاوئھ، جيا نئه اڳي او ڪتم ڪريا رئي ڪوشش ڪرتو تو.“ ㉔ ان او ماري

ڪري پڳوونَ را وڪوڻ ڪرتا.

ٻيڙا مڪ شيلڪا پولوس نٺ هاسو مڪ شيلو مونڻه

2 ① پسنه نيٺ سئوڏون سالون ڪيڙ هون برنباس پيڙو وڙي يروشلم شهر ۾ گيو، ان طيطس نٺه پڻ آپ پيڙو تيزي گيو. ② هون ايٺا هارو يروشلم گيو تو، ڪم تو پڳوونَ مون مانه وات ساوئي ڪري تي جي مارٺه اوٺه زاوو. اوٺه مٿين نويڪلائي ۾ پورٺه نمونٺه مڪ شيلون نٺه هڙمايا، جيون نٺه وشواسيون را موتا آگيوون هڙمٺه، جي هون ڌاري قوم رن منڪون نٺه ايسو را پارام ڪيوئي ڪشي رئي ڪهر همپڙاوونه. مٿين هم ڪريو زم او زوٺه جي هون صحيح واتون شيڪاڙونه، متون جئي شيوا هون ڪرونه ريو، ان جيو ڪوم مٿين اگي ڪريوه، اوٺا رو ڪئين قائيڏو نه تٺه. ③ اوٺه توٺه، طيطس، جيو آپ يهودي نٺي پڻ ڌاري قوم رو وشواسي سٺه، او مون پيڙو هتو. توئي پڻ اوٺا نٺه ڪيٺه ام نه ڪيڏو جي پڪو وشواسي تيا هارو اوٺا رٺه توهر ڪراوو. ④ وشواسيون رئي توهر ڪرايا رئي وات يروشلم ري وشواسي آگيووني نٺي ڪيڏي. پڻ هائي وات او منڪ ڪرٺه ريا، جيا آپ نٺه وشواسي تو ڪٺه پڻ هاس ۾ وشواسي نٺي. او جونچوسون را زم ايٺا رئي ڪهر پاڙيا هارو وشواسي پايون پيڙا تيا، جي آپون نٺه ايسو ڪريست مانه وشواس راڪيا ري ڪري موسي رن لڪل حڪمون تي ڪيوئي آزادي زڙي، زم آپون نٺه موسي رن لڪل حڪمون مانه ويوراوين وڙي گلومي موٽين نوڪٺه. ⑤ پڻ امي هايون ري واتون ماگي نه موني، زم ايسو را پارام هاسي ڪشي رئي ڪهر جئي تمي مونئي، او هاسي رٺه، ان ڪوئي تمون نٺه ڪوڙيون واتون مانه نه ويوراوٺه.

⑥ پڻ جيا يروشلم را وشواسي آگيوون سٺه، جيون نٺه موتا آگيوون هڙمٺه، هون مون هارو ڪئين وات نٺي جي او ڪوڻ ڪوڻ هتا ڪم تو پڳوون ڪيا رو ياهو نٺي ليتو، اوئي موتي آگيووني ماريون شيڪاڙل واتون مانه مون نٺه ڪئين

نه ڪيڏو. ⑦ اُوئي تو زويو جي پڳوونَ مُون مانھ اي ڪوم راکيوھ، جي هُون ڌاري قُوم وازون ننه ايسُو را پارام ڪُشي رئي ڪپر همپزاوون، جيوئھ نمُونئھ پڳوونَ پطرس مانھ يهُودي قُوم وازون ننه ايسُو را پارام همپزيا رو ڪوم راکيوھ. ⑧ ڪم تو اُوئي اوزڪيو جي جيوئھ نمُونئھ پطرس مُڪ شيلو ٿين پڳوونَ ري ڪڙا ٿي يهُودي قُوم وازون ننه ايسُو را پارام همپزاوئھ، هيوئھ نمُونئھ هُون مُڪ شيلو ٿين پڳوونَ ري ڪڙا ٿي ڌاري قُوم وازون ننه ايسُو را پارام همپزاوونھ. ⑨ تيام يعقوب، پطرس، ان يوحنا، جيون ننه وشواسي مندڙي را ڪاس آڳيوونَ هزمئھ، زئيون اُوئون ننه ڪپر پڙئي جي پڳوونَ مُون مانھ ڪُريا ڪرين مُون ننه هم ڪريا رئي هيئت ڏيڏيھ، تئيون اُوئي مُون ٿي ان برنباس ٿي آپرا وشواسي پائي ڪين هات ملايو، ان اي قينصلو ٿيو جي امي ڌاري قُوم وازون ڪن زاشون، ان اُو يهُودي قُوم وازون ڪن. ⑩ اُوئي امون ننه رُوڳو اتو ڪيڏو: ”تمي يروشلم شهر رون يهُودي قُوم رون ڳريپ وشواسيون رو ڪيال راکين اِمڌا پيڙئي ڪرو.“ ان مُون آپ ننه هائي ڪوم ڪريا رو گهڻو شونق هتو.


پولوس پطرس ننه ڌاري قُوم وازون ٿي شيپ ن راکيا را پارام هزماوئھ

⑪ پڻ زئيون پطرس انطاڪيه شهر موئين آيو، تئيون مئين اُوئا رنه رُوپرو اُوئا رو ڏوھ ڪاڍيو، ڪم تو اُو شيپ راکين هاو ڳلت نمُونئھ ويتو تو. ⑫ اُوئھه آوين شروع ۾ اُو ڌاري قُوم رون وشواسيون پيرو کاتو پيتو. پڻ زئيون يعقوب را ميلل يهُودي قُوم را ڪئينڪ وشواسي آيا، تئيون اُو ڌاري قُوم وازون ٿي ڌار ٿيو مڏيو ان اُوئون ٿي شيپ ڪروا مڏيو، ڪم تو اُوئون رئي توهر ٿيل نتئي ان اُو اُوئون يهُوديون ٿي پيڻاتوت ريو، جيا توهر ڪرايا وازي وات مانھ زور ڏيتات ريا. ⑬ ان پيزا يهُودي قُوم را وشواسي هتا، اُو پڻ پطرس پيڙا هيا ڪوڙي شيپ وازي وات مانھ ويوا مڏيا، ان اُوئون ننه ڪپر هتئي جي هائي وات ڳلت سئھ.

هیوئه نمونته نیٺ برنباس پڻ، اُوئون رئه هم ڪريا ري ڪري، آپ ڳلت وات مانھ وین شپپ را ڪوا مڏیو. ⑭ پڻ زئیون مئین زویو جي او ایسو را پارام ڪشي ري کبر پرموئنه هاس مانھ نٿي ویتا پڻ ڳلت نمونته وئھ ریا، تئیون مئین پٽون رئه رُوپرو پطرس نئه ڪیتو: ”تُون یهودي قوم رو سئه، تُوئي پڻ تُون آپري قوم را ریت رَواز ساڏین ایئنه ڌاري قوم واڙا را زم وئھ. پسئه تُون ڌاري قوم واڙون نئه یهودیون را ریت رَواز مانھ ڪم ڪرین زوري ویوراوا ڪرئھ؟“

مُوسي رُون لَکَل حُڪْمُون مانھ وُودا ٿي نئین پڻ ایسو مانھ وشواس راکیا ٿي تارن زڙئھ

⑮ هُوئه امي جیا یهودي قوم را سون، ان ڌاري قوم را نٿي جیون نئه امي یهودي ڏوهاري هڙمونه، ⑯ امون نئه کبر سئه جي موسي رُون لَکَل حُڪْمُون مانھ وُودا ٿي ڪومون را ایوزا پر ڪوئي منک پیدوهي ٿین پڳوون ري سزا ٿي نٿي پچتو. پڻ ایسو ڪریست مانھ وشواس راکیا ٿي پڳوون منکون نئه ماڻهي ڏین ڏوهون ري



سزا ٿي آزاد ڪرئھ. تیام امي یهودی پڻ ایسو مانھ وشواس اوٿیڙھ، زم موسي رُون لَکَل حُڪْمُون مانھ وُودا ٿي نئین، پڻ ایسو ڪریست مانھ وشواس راکیا ٿي امون نئه ماڻهي زڙئھ ان امي ڏوهون ري سزا ٿي آزاد ٿیون. ڪم تو موسي رُون لَکَل حُڪْمُون مانھ وُودا را نمونا ٿي ڪوئي پڻ ڏوهون ري سزا ٿي آزاد نٿي ٿیتو.

⑰ زئیون امي یهودي ڏوهون ري سزا ٿي آزاد ٿیا هارو ایسو مانھ وشواس را ڪونه، جي هم ڪريا ٿي امي یهودي پڻ ڌاري قوم واڙون را زم ڏوهاري ٿیونت، تو پسئه هیا رو مطلب ڪي ٿت؟ ایسو ڪریست امون نئه ڏوه ڪراوئھ، ڪي؟ نا نا، هم نٿي. ⑱ پڻ وات اي سئه. زئیون مئین موسي رُون لَکَل حُڪْمُون

مانه وُودا رو نمونو ساڏيوه پرو، هَوَته وِزي جي هُون اُوئون مانه وُودا رو پار آپ مانه نوکون، تو هائي حُکم توڙيا ٿي هُون آپرا آپ نئه ڏوهاري ڪرونه. ①9 ڪم تو موسيٰ را لکل حُکم توڙيا ري ڪري مُون نئه هميش را موت رئي سزا زڙيا واڙئي هتئي، ان هُون زوئنه مري گيو تو. ان تيام هُون زوئنه مَرين اُوئون موسيٰ رون لکل حُکمون ٿي آزاد ٿيو، زم هُون نَوِي حياتي لين پگهون رئي شيوا ڪرون. ②0 هُون ايسو ڪريست ٿي واسطو راکيا ري ڪري زوئنه اُوئا پيزو هُوڙي مانه مري گيوه. هَوَته مارئي آپري مرضي مانه وُودا رئي حياتي تو ڪنه ٿي گئيه، پڻ ايسو ڪريست مارا من ۾ رئه ان اُوئا ٿي واسطو راکيا ٿي مُون نئه نَوِي حياتي زڙيه. هَوَته جئين ڪئين هُون ايئا حياتي ۾ ڪرونه، اُو هُون پگهون را ڏيڪرا ايسو مانه وشواس راکين ڪرونه، جيئنه مُون ٿي پريم ڪريوه ان مُون نئه پچايا هارو آپرو جيو ڏيڏوه. ②1 پگهون منڪون مانه ڪرپا ڪرين هائي تارڻ ليڏا رو موقعو ڏيڏوه. ان هُون پگهون ري ڪرپا نئه گهت نٿي هڙمتو، پڻ ايسو مانه وشواس راکيا ٿي پگهون را ڏيڏل موقعا ٿي قائيدو ليونه. ڪم تو جي موسيٰ رون لکل حُکمون مانه وُودا ٿي ماقبي زڙت ان منڪ ڏوهون ري سزا ٿي آزاد ٿت، تو پسئه ايسو ڪريست رئه مريا رو ڪئين قائيدو نه ٿت.

3 ① او گلتيه رون وشواسيون، تمي ڪيوا پوڙا سو! ڪيئنه زوئنه تمون مانه جاڏو ڪرين تمون نئه هاس ٿي ڦيروياھ؟ امي تمون ٻڌون هومو ساوئه نمونئه همپڙايو جي ايسو ڪريست تمون نئه ڏوهون ري سزا ٿي پچايا هارو هُوڙي مانه مريو. ② هُون تمون ٿي رُوگئي اي ڪهر پاڙوا ڪرونه جي تمون نئه ڪم ڪرين پويتر آتما زڙيو؟ موسيٰ رون لکل حُکمون مانه وُودا ٿي؟ ڪا ايسو را پارام هومپڙين اُوئا مانه وشواس راکيا ٿي؟ ③ تمي هاو پوڙا سو، ڪي؟ شروع ۾ تمي تارڻ ليڏا هارو پويتر آتما ري ڪرا ٿي وشواسي ٿيا. ان هَوَته تمي رُوگا آپري ڪوشش ٿي تارڻ ليوا ڪروه، ڪي؟ ④ تمي وشواسي ٿين انا ڏک امهي سهياھ،

ڪي؟ وشواس راڪيا ٿي تمون نئه ڪئين ڦائيدو نه زڙيو، ڪي؟ ⑤ زئيون پڳوون تمون نئه پويتر آتما ڏهه، ان تمون نئه منڪون نئه هازا هورا ڪريا رئي ڪرا ڏين تماري هاڻي پرسا ڏيڪاڙهه، تو پڳوون هاڻي ٻڌو ڪوم ڪيا ري ڪري ڪرئھ؟ تمارئھ موسيٰ رون لڪل حڪمون مانھ وُودا ري ڪري؟ ڪا تمارئھ ايسورا پارام هومپڙين اونا مانھ وشواس راڪيا ري ڪري؟

⑥ ابراهيم رو مثال ليو، جي تارڻ ليڏا هارو وشواس راڪو ضروري سئھ. ابراهيم را پارام شاستر ۾ اي لڪل سئھ:

”اونه پڳوون مانھ پورا يقين ٿي وشواس راڪيو،

ان تيام پڳوون اونا نئه آپري وات مانھ وُودا واڙو ڪيڏو.“

⑦ تيام ام هزمو، جيا ابراهيم را زم وشواس راڪئھ، هاس ۾ او ابراهيم رو اولاد سئھ. ⑧ شاستر ۾ اڳي ٿي لڪل سئھ، جي پڳوون ڌاري قوم واڙون نئه وشواس راڪيا ري ڪري ماڻهي ڏيشي ان ڏوهون ري سزا ٿي آزاد ڪرشي. تيام اونه اي ڪشي رئي ڪبر، جي ايسو مانھ پورئي ٿيھ، ابراهيم نئه اڳي همپڙاوي ٿي، زم شاستر ۾ لڪل سئھ:

”تاري ڪري ٻڌيون قومون نئه آشيرواڏ زڙشي.“

⑨ تيام زم وشواس راڪيا واڙا ابراهيم نئه آشيرواڏ زڙيو، تم اوئون نئه پڻ آشيرواڏ زڙهه، جيا اونا را زم وشواس راڪئھ.

⑩ ڪم تو جيا پڻ موسيٰ رون لڪل حڪمون مانھ اي يقين راڪئھ، جي ايئون مانھ وُودا ٿي امون نئه تارڻ زڙشي، او ٻڌائي پڳوون را پتل سئھ. ڪم تو او ضرور ڪياڪ وات ۾ ڏوهاري ٿيھي، ان شاستر ۾ لڪل سئھ:

”جيو ڪوئي موسيٰ را لڪل شاستر موئين ٿي

هر هيڪ حڪم مانھ نٿي ویتو،

او پڳوون رو پتل سئھ.“

⑪ اي وات ساوئي سئھ جي ڪوئي منڪ موسيٰ رون لڪل حڪمون مانھ وُودا ري

کري پڳوونَ ري نظر ۾ پيدوهي نٿي ٿيتو، ڪم تو شاستر ۾ ام لکل سئھ:
 ”جيو منڪ پڳوونَ ري وات مانھ وئھ،

اُوئا نئھ وشواس راڪيا ري ڪري جيونَ زڙشي.“

⑫ پڻ مُوسيٰ را لکل حُڪم وشواس راڪيا را پارام نٿي. اُو تو هاو ڌار سئھ ڪم
 تو شاستر ۾ اي پڻ لکل سئھ:

”جيو منڪ ايئون حُڪمون مانھ پورئھ نمونئھ وئھ،

اُوئا نئھ حُڪمون مانھ وُودا ري ڪري جيونَ زڙشي.“

⑬ آبي پڳوونَ را پتل هتا ان ڏوهون رئي سزا کاڌا واڙا هتا، ڪم تو آبي پورئھ
 نمونئھ مُوسيٰ رون لکل حُڪمون مانھ نه وُودا. پڻ ايسو ڪريست آڀرو جيو ڌينَ

آپتون ڏوهون رو ايوزو پريا ٿي آڀون نئھ پڳوونَ ري سزا ٿي آزاد ڪريا. اُوئھ

آڀون نئھ پچايا هارو هُوڙي مانھ مريا ٿي آڀتون ڏوهون رئي

سزا آڀ ڪائين آڀئي پت آڀ مانھ ليڏئي. ڪم تو شاستر ۾

ام لکل سئھ:

”جيو ڪوئي سزا ڪائين هُوڙي مانھ ٽينگاڙل سئھ،

اُو پڳوونَ رو پتل سئھ.“

⑭ ايسو ڪريست هم ڪريو، زم اُوئا ري ڪري ڌاري قوم واڙون نئھ اُو آشيرواڌ

زڙئھ، جيا را پارام پڳوونَ ابراهيم ٿي وائيدو ڪريو تو، زم آڀون نئھ وشواس

راڪيا ري ڪري وائيدو ڪرل پويتر آتما زڙئھ.


مُوسيٰ را لکل حُڪم ان ابراهيم ٿي ڪرل وائيدا

⑮ پريمي پايون ان بينون، هُون تمون نئھ ڏنيا رو هيڪ مثال ڏيونھ. زئيون منڪي

آڀت ۾ وسن صحيح نمونئھ ٻونڊيو هوئھ، تو تيا ڪيڙ ڪوئي اُوئا وسن نئھ ڪتم

ڪري نٿي هيڪتو، نڪو اُوئا ۾ وڌارئھ واتون نوڪي هيڪئھ. پڳوونَ را ابراهيم

ٿي ڪرل وائيدا پڻ همرام سئھ. ⑯ جيا وائيدا پڳوونَ ابراهيم ٿي ٻونڊيا تا، اُوئھ



ابراھیم ان اوتا را اولاد هارو ٻونڊيا تا. شاستر ۾ گهڻون منڪون را پارام نٿي لڪل جي ”تارا اولاد“ پڻ هڪا زئا را پارام لڪل سٺه جي ”تارو اولاد“ مطلب ابراهيم رو وستار ايسو ڪريست. (17) مارو ڪيڏا رو مطلب اي سٺه. جيو وسن ڀڳوون صحيح نمونن ابراهيم ٿي ٻونڊيو تو، اوتا وسن نٺه موسي را لڪل حڪم، جيا چار هو ٽيهون سالون ڪيڙ آيا، کتم نٿي ڪري هيڪتا، ان هيون نمونن ڀڳوون ري وائڏو ڪرل واتون کتم نٿي ٿي. (18) ڪم تو جي ڀڳوون ري وائڏو ڪرل واتون ليڏا هارو موسي رون لڪل حڪمون مانه ويو پڙت، تو اي وائڏا رٿي وات نه ٿت. پڻ ڀڳوون آڀري ڪرپا ٿي ابراهيم ٿي وائڏو ڪريو جي او آڀرون سونڊل منڪون نٺه وائڏو ڪرل آشيرواڏ ڏيشي.

(19) تو پسنه ڀڳوون موسي را لڪل حڪم ڪم ڏيڏا؟ ڀڳوون ابراهيم ٿي وسن ٻونڊيا ڪيڙ موسي را لڪل حڪم تيام ڏيڏا، زم هايون حڪمون ٿي منڪون نٺه ڪٻر پڙت جي او ڏوهاري سٺه. ان ڀڳوون هائي حڪم روڳا اتي وار هوڏي ڏيڏا، زئيون هوڏي ابراهيم رو او وستار نه پيڏا ٿه، جيا را پارام وائڏو ڪرل هتو. ڀڳوون هائي حڪم آڪاشي ڏوتون هات موسي نٺه ڏيڏا، ان ڀڳوون ان منڪون پيئون وسا موسي ٻوليا وازو هتو. (20) هوڻه وسا ٻوليا وازو منڪ تنيون ڪپنه، زئيون پيئون پالتيون وسا وات وٺه رٿي. پڻ ڀڳوون هڪ سٺه، ان اوڻه روڳو آڀرا پاها ٿي ابراهيم ٿي وائڏا ڪريا.

(21) تو پسنه موسي را لڪل حڪم ڀڳوون رون ڪرل وائڏون رٺه ڪلاڦ سٺه، ڪي؟ نا نا، هم نٿي. ڪم تو جي ڀڳوون رون ڏيڏل موسي رون لڪل حڪمون ٿي هميش رو جيون زڙي هيڪت، تو ضرور منڪ پورٺه نمونن اوڻون حڪمون مانه ووڏا ٿي پيڏوهي ٿت ان ڏوهون ري سزا ٿي پڇي زائت. (22) پڻ شاستر ۾ لڪل سٺه جي ڏنيا را ٻڌائي منڪ ڏوهون را قوضا ۾ ڦاٿل سٺه. ان تيام جئين ڪئين ڀڳوون اوڻون منڪون نٺه ڏيڏا رو وائڏو ڪريو، جيا ايسو ڪريست مانه وشواس راکه، او ٻڌوئي ڪئين ڀڳوون آڀرا وائڏا ڀرموڻه وشواس راکيا وازون نٺه ڏه.

②3 ايسُو را آيا ٿي مور، زئيون اُونا مانه وِشواس راڪيا رو موقعو نتو، تئيون آبي مُوسي رون لڪل حُڪمون ري ڪري ڏوهون را قَوَضام قيڏيون را زم هتا. زئيون هُوڏي ايسُو نه آيو، ان آبي اُونا مانه وِشواس نه اوڻيو، تئيون هُوڏي آبي همرام ڏوهون را قَوَضام قاتل هتا. ②4 هيوئه نمونئه مُوسي را لڪل حُڪم آيون نه ايسُو ڪريست مانه وِشواس اوڻيا رو مارڳ ڏيڪاڙيا هارُو آيون مانه راڪل هتا، زم آبي ايسُو مانه وِشواس راڪون، ان پڳوون آيون نه ماڻهي ڏين ڏوهون ري سزا ٿي آزا ڪرئ. ②5 پڻ هُوئه ايسُو آيوه، ان آبي اُونا مانه وِشواس راڪونه، تو آبي همئه مُوسي رون لڪل حُڪمون هيٺ نٿي.

جيا ايسُو مانه وِشواس راڪئھ، اُو پڳوون را باز سئ

②6 هُوئه تمي ٻڌائي ايسُو ڪريست مانه وِشواس راڪيا ري ڪري پڳوون را باز سو. ②7 ڪم تو تمي جيئي ايسُو ڪريست ٿي واسطو راڪيا هارُو پويتر سنون ليڏوه، تمي ٻڌائي ايسُو ڪريست جيوا ٿياھ. ②8 هُوئه ايئا ٿي ڪئين قرق نٿي پرتو جي تمي يهودي قوم را سو ڪا ڌاري قوم را، ڳلوم سو ڪا آزا، آدمي سو ڪا ڏوشي، ڪم تو تمي ٻڌائي ايسُو ڪريست ٿي واسطو راڪيا ري ڪري هيڪ سو. ②9 ان زئيون تمي ايسُو ڪريست را سو، تئيون تمي ابراهيم را اولاد پڻ سو، ان جيا ڪيا رو پڳوون ابراهيم ٿي وائڏو ڪريو تو، اُو ٻڏوئي پڳوون آبرا وائڏا پرموئنه تمون نه ڏيشي.

4 ① مارو ڪيڏا رو مطلب اي سئ، جيو ٻاپ را وائڏا پرموئنه ٻاپ ريون شينهنون رو وارث سئ، زئيون هُوڏي اُو نونو سئ، تئيون هُوڏي، اُو پلئه ٻڏيون شينهنون رو ڌڻي سئ، توڻي اُو ڳلوم را زم سئ. ② زئيون هُوڏي اُونا را ٻاپ رو راڪل توڻو نه آئه جي اُو آپ موٽو ٿين آپرو حق لئ، تئيون هُوڏي اُو تو ڳلوم را زم پيزون را ڪيڏا هيٺ سئ، جيا اُونا رئي ان مال ملڳت رئي همپاڙ ڪريا وازا سئ. ③ امون يهودي قوم وازون رئي وات پڻ همريئم سئ. اڳي امي

نونون ٻاڙون را زم هتا. امي ڏنيا ري سوچ ان اصولون پرموئنه وينا ان اوئون را قَوَضام قائل هتا، زم گُلمو ڏئي را قَوَضام قائل هوئو. ④ پڻ زئيون پڳوون رو راکل توتو پورو ٿيو، تئيون پڳوون آپرو ڏيڪرو ايسو ميليو، جيو منڪ ذات ٿيو ان هيڪي ڪوئاري ٿي پيدا ٿيو، ان جيو موسي رون لڪل حُڪمون هيٺ ريو، ⑤ زم يهوديون ننه گُلمو ٿي آزاده ڪرئو، جيا موسي رون لڪل حُڪمون هيٺ زوئنه گُلمو سئو، ان آپون ٻڌون ننه پڳوون را ٻاڙ ٿيا رو حق زڙئو. ⑥ ڪم تو تمي ڌاري قوم واڙا پڻ پڳوون را ٻاڙ سو. تيام پڳوون آڻا من ۾ پويتر آتما ڏيڏوه، جيو پويتر آتما پڳوون را آپرا ڏيڪرا ايسو را من ۾ رئو. ان پويتر آتما ري ڪري آبي پڳوون ننه ٻاپ هزمين ڪونه ”او ٻا، امارا ٻاپ.“ ⑦ تيام هوئو تمي گُلمو نٿي، پڻ پڳوون را ٻاڙ سو. ان زئيون تمي پڳوون را ٻاڙ سو، تو پڳوون ٿي تمون ننه اي حق زڙيوه جي جئين ڪئين پڳوون آپرون ٻاڙون ننه ڏيڏا رو وائڏو ڪريو، او ٻڌوئي تمون ننه زڙشي.

پولوس گلتيا صنويا رون وشواسيون ننه منت ڪرئو جي او ڪوڙي وانون ساڏين پڪو وشواس راکئو

⑧ اڳي تمون ننه پڳوون را پارام ڪئين ڪهر نٿي جي ڪوڻ سئو، ان تيام تمي ڏيو ڏيوئونون را قَوَضام قاتين گُلمون را زم اوئون رئي شيوا ڪري، جيا پڳوون جيو نٿي نڪو شيوا رئو لائيق سئو. ⑨ پڻ هوئو تمي پڳوون ٿي واسطو راکوه، مارو مطلب سئو پڳوون تمون ٿي واسطو راکئو، تو پسئو هوئو تمي وڙي ڏنيا ري سوچ ان اصولون هوما ڪم زائوه ريا، جيا ڪيا ٿي ڪوم ان قائيڏا را نٿي؟ تمي وڙي اوئون ري گُلمو ۾ ريو ڪرو، ڪي؟ ⑩ تمي هوئو ڪاس ڏيئون، مئينون، توتون ان سالون ننه مونوه ريا. هم ڪريا ٿي تارن زڙشي، ڪي؟ ⑪ مون ننه تماري ڪري اي پيڪ سئو، متون مارئي تمون مانه ڪرل مينت ازائي نه زائو، ان اوئا رو قائيڏو ڪئين نه ٿئو.

⑫ پايون ان پينون، هُون تمون نئه مينٺ ڪرونه جي تمِي ماري ڪيڏل وات مانه رينه مت ڪرو پڻ مُون نئه آڀرو پائي هُزمو. ڪم تو هُون پڻ تمون نئه آڀرا پائي پينون هُزمونه. تمِي مارو ڪئين ڏوه نٿي ڪريو. ⑬ تمون نئه تو ڪهر سئه جي زئيون پيرهين مئين ايسو را پارام ڪُشي رئي ڪهر تمون نئه همپزاوئي تئي، تو هُون تمون ڪن تيام آيو تو، ڪم تو هُون نيڪ نتو. ⑭ مارئه نيڪ نه هويا ري ڪري تمون نئه گهٽي تڪليب هٿي. توئي پڻ تمِي مُون نئه نڪو گهٽ هُزميو نڪورڌ ڪريو، پڻ تمِي مارو اتو مُون راکيو، زتو پڳوون را ميلل آڪاشي ڏوت رو مُون راکوت، ڪا ايسو ڪريست رو مُون راکوت. ⑮ تيڏي تمِي آپ نئه پاڳوازا هُزمتا جي هُون تمون ڪن آيوه. هُوئه تمون نئه ڪي ٿيوه؟ هُون شائيڏ سون جي تيڏي تمِي مُون ٿي اتو پريم ڪرتا، جي تمِي آڀري اونڪيون ڪاڍين مُون نئه ڏيڏا هارُو پڻ تيار هتا. ⑯ هُوئه هُون تمون نئه هاسئي وات ڪيڏا ٿي تمارو ڏسمن ٿي گيوه، ڪي؟

⑰ اُو منڪ جيا تمون نئه موسي رون لڪل حڪمون مانه ويوراوا ڪرئ، اُو تمارو تو گهٽو ڪيال راکئ، پڻ اوئون رو من صاف نٿي. اُو تمون نئه مُون ٿي ڌار ڪرين آڀرا ڪيڏام راکوا ڪرئ، زم تمِي رُوڳا اوئون رو ڪيال راکو. ⑱ هُوئه صاف من ٿي منڪون رو ڪيال راکو نائوڪئي وات سئه. ڪيوئي نائوڪئي وات ٿت جي تمِي هميش مارو ڪيال راکوت، نه رُوڳو زئيون هُون تمون ڪن سون، پڻ همئنه زئيون هُون تمون ٿي شيتي پڻ سون. ⑲ پريمي پايون ان پينون، هُون تمارو اتو ڪيال راکونه، زوئنه تمِي مارا آڀرا ٻاڙ هوئو. زم ٻاڙ زلميا رئه ٿوئنه مان گهٽا ڏڪ ڀر هوئو زئيون هُوڏي ٻاڙ نه زلمئه، تم هُون پڻ پيرهين را زم وڙي پيڙي وار تمون هارُو گهٽا ڏڪ ڀر سون، زئيون هُوڏي تمِي پورئه نمونئه ايسو ڪريست جيوا نٿي ٿي زاتا. ⑳ ڪيوئي نائوڪئي وات ٿت، جي هُون تمون ڪن هوئت، ان تمون ٿي پيڙهه نمونئه تماره رُوڳو پريم ٿي ٻولي هيڪت. ڪم تو هُون تمارا پارام گهٽو پريشون سون.

ابراهيم ري پارٿي ڏوشي ان اوتار ري پيزي ڏوشي رو مثال

21) تمی جیا موسیٰ رون لکل حڪمون هیٺ ٿیوا ڪروه، تمی مون نئه ای تو همپڙاوو، تمون نئه کبر نٿي ڪي، جی موسیٰ را لکل شاستر ۾ ڪي لکل سئه؟

22) اوتار ۾ ام لکل سئه، جی ابراهیم را پی ڏیکرا هتا. هیڪ اوتار ري پيزي ڏوشي ٿي ٿیو، جئي ٻونئي هئي ان ڳلوم هئي. ان پيزو اوتار ري پارٿي ڏوشي ٿي ٿیو، جئي آزاد هئي. 23) جیو ڏیکرو ٻونئي ٿي ٿیو، او اڳي را زم ٿیو. پڻ جیو ڏیکرو ابراهیم ري پارٿي ڏوشي ٿي ٿیو، جئي آزاد هئي، او ڏیکرو پڳوون را وائیدا ڀرموئنه ٿیو. 24) هوئه هایون واتون ٿي هیڪ مثال زڙهه. هائي پی ڏوشي پڳوون رون پیئون ٻوندل وسنون رو مثال سئه. هیڪ ڏوشي، هاجرہ نومی ٻونئي جئي ڳلوم هئي، اوتار وسن رو مثال سئه جیو پڳوون سینا نومی ڏونگر مانہ ٻونديو، زئون اوئه موسیٰ نئه حڪم ڏیدا. هیا وسن ري ڪري منڪ ڳلوم ٿهه.

25) هاجرہ نومی ٻونئي عرب ملک را سینا نومی ڏونگر رو مثال سئه. ایٿا مثال ٿي آپی یروشلم شهر هزمونه، ڪم تو یروشلم ان اوتار را یهودي ڌرم را ٻڌائي منڪ موسیٰ رون لکل حڪمون هیٺ زوئنه ڳلومي ۾ سئه. 26) پڻ جیو یروشلم شهر آڪاش ۾ سئه، جیو پڳوون رون سونیل منڪون هارو سئه، او ابراهیم ري آزاد ڏوشي رو مثال سئه، ان او زوئنه آڀئي مان سئه، ان آپی وشواسي پڳوون را سونیل منڪ ٿين زوئنه اوتار را ٻار سون. 27) ڪم تو شاستر ۾ هیا را پارام ای لکل سئه:

”ڪش ٿهه، او وونزئي ڏوشي،

تون جیا را ٻار نٿي ٿیا.

ڪشي ٿي زور هون ٻول،

تون جیا نئه ٻار زلمیا رو ڏوک نٿي ٿیو.

ڪم تو تون ساڌل ڏوشي نئه

ٿارو ڏٺي آپ ڪن پاسي تي ٿاوشي

ان ٿارا ٻارُ الاهي گهڻا ٿيڻي.

اُوڻا ڏوشي رون ٻارون ٿي پڻ گهڻا ٿيڻي

جيا رڻه آڏمي اُوڻا نڻه نٿي ساڏي.

②8 هُوڻه، پايون ان پينون، جيوڻه نمونڻه اِضحاڪ پڳوون را وائيدا پرموڻه اِبراهيم

ري آزاد ڏوشي ٿي پيدا ٿيو، هيوڻه نمونڻه ٽمي پڳوون را وائيدا پرموڻه پڳوون

را ٻارُ سو. ②9 اُوڻا وڪت ۾ هوني رو ڏيڪرو، جيو اڳي را زم پيدا ٿيو تو، اُو آزاد

ڏوشي را ڏيڪرا نڻه تنگ ڪرتو، جيو پويتر آتما ري ڪڙا ٿي پيدا ٿيو تو. ان

همڻه پڻ همروم سڻه. جيا منڪ يهودي ڌرم رون موسي رون لڪل حڪمون هيٺ

گُلمون را زم سڻه، اُو وشواسي منڌري رون منڪون نڻه تنگ ڪرڻه، جيا اُوڻون

حڪمون ري گُلموي ٿي آزاد سڻه. ③0 پڻ شاستر ۾ هايا را پارام ڪي لڪل سڻه؟

شاستر ۾ ام لڪل سڻه:

”هوني نڻه ان اُوڻا را ڏيڪرا نڻه ٻارا ڪاڍو ٻرا،

ڪم تو هوني را ڏيڪرا نڻه آزاد ڏوشي را ڏيڪرا پيڙو

ٻاپ رو ٻارُ ٿيا رو حق ماڳي نئين زڙڻه.“

③1 تيام، پايون ان پينون، آبي هوني رون ٻارون را زم نٿي، جيا ٿي گُلموي ۾

ريون. پڻ آزاد ڏوشي رون ٻارون را زم سون، ان آزاد سون.

ايسو ڪريست آيون نڻه آزاد ڪراياھ، تيام آبي آزاد ٿين ريون

5 ① هُوڻه آبي آزاد سون، ڪم تو ايسو ڪريست آيون نڻه آزاد ڪراياھ. تيام
ٽمي آزاد ٿين وِيتا ريو، ان آپ نڻه موسي رون لڪل حڪمون را قَوَضام
را ڪين وڙي گُلمو مت ٿيو.

② مارئي وات ڏيون ٿي هومپڙو. هُون پولوس ٽمون نڻه ڪونھ ريو، جي ٽمي

آپري توهر ڪراوشو، تو موسي رون لڪل حڪمون هيٺ ويو ٽمون مانھ قرض

ٽيشي، ان ايسو ڪريست ٿي تمون ننه ڪئين ڦاٽيدو نئين زڙنه. ③ هون وڙي هر هيڪ منڪ ننه پڪي ڪاتري ٿي ڪونه، جيو منڪ آپري تهر ڪراونھ، او آپ مانھ اي قرض لئھ، جي تارن ليڏا هارو اوتا رنه موسي رون لڪل حڪمون ري هر هيڪ وات مانھ ويو پڙشي. ④ تمي زتا منڪ موسي رون لڪل حڪمون مانھ وودا ٿي آپ ننه ڏوهون ري سزا ٿي پچاوا ڪروھ، هم ڪرين تمي ايسو ڪريست ٿي آپ ننه ڌار ڪريھ، ان پڳوون رڻي ڪڙا ٿي ايسو مانھ وشواس راکيا ري ڪري پروسو راکونھ، جي پويتر آتما ري ڪڙا ٿي ايسو مانھ وشواس راکيا ري ڪري پڳوون آپون ننه ماڦڻي ڏين ڏوهون ري سزا ٿي آڙا ڪرشي. ان آبي اي پروسو راکين تارن ليڏا را اوتا توتا رڻي وات ڪشي ٿي زوئونه. ⑥ ڪم تو زئون آبي ايسو ڪريست ٿي واسطو راکونھ، تڻيون ڪئين وات نٿي جي آڀڻي تهر ڪرل سٺھ ڪا نٿي. پڻ موٽي وات اي سٺھ جي آبي ايسو مانھ وشواس راکونھ، ان وشواس راکيا ري ڪري ٻڌون ٿي پريم هون وونھ.

⑦ اڳي تمي وشواس راکين ڪيوئھ نائوڪئھ نمونئھ ویتا. ڪيئھ تمون ننه آپري وات مناوين هاس مانھ وودا ٿي روڪيا؟ ⑧ جي وات تمي همئھ مونھ ریا، او پڳوون را پاها رڻي نٿي، جيو تمارو آپ ٿي واسطو رکاوو ڪرئھ. ⑨ اي ڪيٽي ياد راکو:

”ٽوڙڪا ڪا آتا ري ڪري

ٻڌوئي مونھزل آتو ٿي زائھ ڪاتو.“

⑩ آڀڻھ پريو ايسو ٿي واسطو راکيا ري ڪري مون ننه پڪي ڪاتري سٺھ جي تمي مارڻي وات مونشو. جيو ڪوئي تمون ننه تهر ڪرايا هارو پريشون ڪرئھ، او ڪوئي پڻ هوئھ، پڳوون اوتا ننه سزا ڏيشي.

⑪ پڻ هون، پايون ان پينون، هون تو تهر ڪرايا رو نٿي شيڪاڙتو. جي هون ام شيڪاڙونت جي تارن هارو تهر ڪراوو لازمي سٺھ، تو مون ننه هيوا منڪ تنگ نه ڪرئھ. جي هون هم شيڪاڙونت، تو هيوا منڪ هوڙي ري وات مانھ

ريشي نه ٻڙت. اُو تيام ريشي ٻڙه، ڪم تو هُون ٻڙون ننه همپڙاونه جي تارڻ ايسو ڪريست رنه هُوڙي مانه مريا ٿي زڙه. ⑫ اُو منڪ جيا تمون ننه توهر ڪرايا هارو پريشون ڪرڻ، مون اُو آپ ٿي هائي ڪوم ڪرين آپ ننه ڪڏڙا ڪرڻ!

⑬ ڪم تو تمي جيا سو، پايون ان پينون، پڳوون تمون ننه آزاده راکيا هارو آپ ٿي واسطو رکايوه. تمي آزاده سو، پڻ ام مت سوچو جي ”هونه آزادي ٿي آپرون ڪراپ ڪيالون مانه وون.“ پڻ هڪا پيڙا ٿي پريم راکين هڪا پيڙا رڻي شيوا ڪرو. ⑭ ڪم تو موسي را لڪل ٻڙائي حڪم اينه هڪي وات ۾ آوي زانه، جي ”پيڙون منڪون ٿي آپرا زم پريم راکو.“ ⑮ پڻ جي تمي جهنگلي زناورون را زم هڪا پيڙا ٿي جهيڙو جهڳڙو ڪروه ان هڪا پيڙا رو نقصون ڪروه، تو ڪيال راکيا، متون تمي هڪا پيڙا ننه ڪتم نه ڪرو پرا.

آپرون ڪراپ ڪيالون مانه نئين

پڻ پويتر آتما ري مرضي مانه ويو

⑯ هُون تمون ننه ڪونه جي پويتر آتما ري مرضي مانه وو، ان پسنه تمي آپرون ڪراپ ڪيالون مانه نئين وو. ⑰ ڪم تو منڪون را ڪراپ ڪيال پويتر آتما ري مرضي رنه ڪلاڦ سڻه. ان پويتر آتما رڻي مرضي منڪون رون ڪراپ ڪيالون رنه ڪلاڦ سڻه. هائي بي ٿي هڪا پيڙا را دشمن سڻه. تيام جيا نائوڪا ڪوم تمي ڪروا ڪروه، اُو تمي آپري ڪوشش ٿي ڪري نٿي هڪتا. ⑱ پڻ جي تمي پويتر آتما ري مرضي مانه وو، تو تمي موسي رون لڪل حڪمون هيٺ نٿي.

⑲ هونه وات ساوڻي سڻه جي منڪون رون ڪراپ ڪيالون ٿي ڪيو ڪوم ٿهه. هايون ڪراپ ڪيالون ٿي ام ٿهه جي منڪ پوندو ڪوم ڪرڻ، پوندائي ڪرڻ، ان لوڦرائي ڪرڻ. ⑳ اُو مورتِي ان ڏيو ڏيوٽونا پوزنه، ان هر قسم رو جادو ڪرڻ. اُو دشمني راکنه، ان جهيڙو جهڳڙو ڪرڻ. اُو هڪا پيڙا مانه ريشي

ٻڙه، ان اوتون ننه رينه سڙه. اُو اُپرو مونَ وڌاوه، هڪا پيڙا ٿي ڌار ٿه، ان اُپري اُپري پالڻي ناوه. ① اُو رينه راکه، اُو نشو پينَ مست ٿي زاه، اُو عيش عشرت ڪره، ان هيو هر قسم را ڪوم ڪره. هايا را پارام زم مئين اڳي تمون ننه ڪيڏو تو، تم هون همئنه پڻ ڪونه ريو جي تمي هوشيار ريا، ڪم تو جيا هيو ڪوم ڪره، اُو پڳون را راز ۾ نئين زاه، نڪو پڳون رو وائڏو ڪرل آڪاشي هڪ اوتون ننه زڙشي.

② پڻ پويتر آتا ره من موئين هويا ٿي منڪ پريم راکه، ڪش ٿه، هپ راکه، صير ڪره، ميريوني ڪره، پلاڻي ڪره، ايمونڌاري ٿي وه، ③ نرمي ٿي وه، ان آپرا من ننه آپرا قوضام راکه. هيو ڪوم ڪريا ره ڪلاڦ ڪوئي حڪم نٿي. ④ جيا منڪ ايسو ڪريست را سته، اوني زوتنه ايسو پيڙا هوري مانه مريا ٿي اُپري اڳلوڪي حياتي ڪتم ڪريه پري، جيا ۾ اُو اُپرون ڪراپ ڪيالون مانه وين اُپري مرضي پرموتنه زم وٿوام وينا. ⑤ هوهه اُپون ننه پويتر آتا ٿي نوي حياتي زڙيه، تيام ليو، آبي پويتر آتا ري مرضي مانه وون. ⑥ آبي وڌائي نه ڪرون، ان نڪو هڪا پيڙا ننه ريشي ٻارون نڪو هڪا پيڙا مانه ريشي ٻرون.

هڪا پيڙا رڻي مدت ڪرو

① ٻيون ان پينون، جي ڪوڪ ڏوه ڪره، تو تمي جيا پويتر آتا ري مرضي مانه وُڍا واڙا سو، تمي نرمي ٿي اوتاه ننه هڙماوو. ان اُپرو پڻ ڪيال راکو، متون ڏوه ڪريا را آزمتا ۾ تمي آپ پڻ پڙي نه زانو. ② زم منڪ هڪا پيڙا رو پار اُوپڙاوه، تم تمي هر وات ۾ هڪا پيڙا رڻي مدت ڪرو. ان هيوئه نموننه تمي ايسو ڪريست رو حڪم پورو ڪرشو، جي ”هڪا پيڙا ٿي پريم ڪرو.“ ③ ڪم تو جي ڪوڪ منڪ آپ ننه موٽو هڙمه، ان اُو آپ ڪئين نٿي، تو اُو آپرا ڪوڙ ٿي آپ شيتراوه. ④ هر هڪ منڪ رهه اُپرون ڪومون رڻي جونچ ڪروو ڪپنه،

جي اُو ڪيوا سئو. ان پسئو جي اُوئو ناٿوڪا ڪوم ڪريا هئو، تو اُو من ۾ آڀرون ڪومون مانھ ڪُش ٿي هيڪئو. پڻ اُوئا رئو پيزون را ڪوم زوئين وڌائي نه ڪروو جي ”هُون پيزون ٿي ناٿوڪو سون.“ ⑤ ڪم تو نيا رئو ڏي هر هيڪ منڪ نئو آڀرون آڀرون ڪرل ڪومون رو ايوزو زڙشي.

⑥ جيو پڳوون را وچن ري واتون شيڪئو ريو، اُوئا رئو آڀريون ٻڌيون ناٿوڪيون شينهنون موئين ٿي شيڪاڙيا واڙا نئو ڪشي ٿي ڏيوو.

⑦ ڀولائو مت! پڳوون ٻڌوئي ڪئين زوئو. اُو ٻڌون نئو اُوئون رون ڪومون رو ايوزو ڏيشي، ڪم تو ”منڪ جي پوڪئو، اُو لئو.“ ⑧ جي منڪ آڀرون ڪراپ ڪيالون مانھ وئو، تو آڀرون ڪراپ ڪيالون را پاها ٿي اُوئا نئو هميش رو موت زڙشي. ان جي منڪ پويتر آتما ري مرضي مانھ وئو، تو پويتر آتما را پاها ٿي اُوئا نئو هميش رو جيون زڙشي. ⑨ تيام آبي ناٿوڪا ڪوم ڪريا ۾ هيئت نه هارون. ڪم تو جي هيئت نه هارون، تو آڀون نئو صحيح ٿوئا مانھ آڀون ڪومون رو ايوزو زڙشي. ⑩ تو پسئو هئو، زئون آڀون نئو موقعو زڙئو، تيون آبي ٻڌون منڪون ٿي ناٿوڪئو نمونئو وون، ڪاس ڪرين اُوئون ٿي جيا وشواس راڪيا ري ڪري آڀون پيزا هيڪي اڪائي را زم سئو.

آڪري واتون

⑪ زوئو، هُون آڀري هاڻي ڪيوون موتون موتون آڪرون ٿي تمون نئو لڪونھ ريو. ⑫ جيا منڪ زوري تماري توهر ڪراوا ڪرئو، اُو ٻڌائي آڀ نئو منڪون ري نظر ۾ ناٿوڪا ڏيڪاڙوا ان آڀرون ڪرل ڪومون رئي وڌائي ڪروا ڪرئو. اُو منڪون رئي روڳي ايتا هارو توهر ڪراوا ڪرئو، زم يهودي ڌرم واڙا اُوئون نئو تنڳ نه ڪرئو. ڪم تو جي اُو ام شيڪاڙت جي توهر ڪرايا ٿي نئين، پڻ ايسو ڪريست رئو هوري مانھ مريا ٿي تارڻ زڙئو، تو يهودي ڌرم واڙا اُوئون نئو تنڳ ڪرئو. ⑬ يهودي قوم واڙا جيا توهر ڪراوئو، اُو آڀ موسي رون لڪل حڪمون مانھ

پورته نمونته نٿي ویتا. توئي پڻ اُو تمون ڌاري قوم وازون رٿي تهر ڪراووا ڪرڻ، زم اُو اي وڏائي ڪري هيڪڻه جي اوئي تمارٿي تهر ڪراوئيھ. (14) ام نه تڻه جي هون ڪياڪ وات رٿي وڏائي ڪرون. هون روگو ٻڌون ننه ڪشي ٿي اي همپزاوونھ جي آڀنھه پريو ايسو ڪريست هوزي مانھه آڀرو جيو ڏيڌو. ايسو رڻه هوزي مانھه مريا ري ڪري هون زوڻهه ايسو پيزو هوزي مانھه مريوه، ان هونھه مارو ڪراپ ڏنيا ٿي واسطو ٿوڻل سڻه، ان ڪراپ ڏنيا رو مون ٿي واسطو ٿوڻل سڻه. (15) هونھه ڪئين وات نٿي جي منڪ رٿي تهر ٿيل سڻه ڪا نٿي. پڻ موٽي وات اي سڻه جي آڀون ننه نوئي حياتي زڙيھ. (16) زتا منڪ هائي وات مونين وڻه، مطلب پگوون را ٻڌائي سونيل منڪ جيا پگوون ري نظر ۾ اسرائيل رو هاسو اولاد سڻه، پگوون اوڻون ننه هڪي راڪڻه ان اوڻون مانھه ڪرپا ڪرڻه!

(17) هونھه آڙ ٿي لين ڪوئي مون ننه تڪليپ نه ڏنه، ڪم تو مارا ڏيل مانھه ڌڪون را نيشون سڻه جيون ٿي ٿاڀي تڻه جي هون ايسو رو شيواڌاري سون.

(18) پايون ان پينون، آڀو پريو ايسو ڪريست تمون مانھه ڪرپا ڪرڻه! آمين.

افسيون را نوم مانه لكل كت رئي هزموتئي

كت لکيا وازو

اي كت پولوس لکيو (افسيون 1:1). ام لاگنه جي پولوس اي كت اوت توتنه لکيو زئيون پيرهين وار روم شهر موئين روميون رو قيدي هتو (افسيون 1:3, 1:4, 20:6). اوتنه بيتون سالون هوڏي او مسواڙ مانه ليدل گهز موئين قوج را پاهرام ريتو (مک شيلون را کوم 16:28, 30). پولوس اي كت تخڪس نومي منک هات ڏي ميليو (افسيون 21:6-22), ان کلسيون رو كت پڻ هاڳي منک هات ڏي ميليو (کلسيون 7:4-8). ايٿا ٿي ام لاگنه جي پولوس هائي بي كت هيڪه توتنه، اندازام 60ع م، لکيا.

کت کيون منکون هارو لکيو

پولوس اي كت افسس شهر روم وشواسي منکون هارو لکيو (افسيون 1:1). افسس شهر روم منکون نه افسسي کيتا. افسس اسيه صوپا رو بدون ٿي موتو شهر هتو. اوتنه کئينڪ يهودي منک هتا (مک شيلون را کوم 19:18), پڻ گهٽا منک ڌاريون قومون را هتا. افسس شهر موئين ارميس ڏيوي رو موتو مندر هتو، ان گهٽا منک اوتا ڏيوي ري مورتِي رئي پوزا کرتا (مک شيلون را کوم 23:19-41). پولوس اپرا پيزا چکر م افسس شهر ٿي متيو، ان بيتون وشواسيون نه، اکوله ان اوتا ري ڏوشي پرسڪله نه، اوتنه ساڌيا (مک شيلون را کوم 19:18-21). تيا کيز ايلوس نومي وشواسي افسس م اومين کئينڪ وکت هوڏي ايسو را پارام منکون نه شيڪاڙيا (مک شيلون را کوم 24:18-26). پولوس اپرا ترٿما چکر مانه افسس شهر موئين وڙي زائين ترٿڪ سال ريو ان اوت روم منکون نه ايسو را پارام شيڪاڙيا (مک شيلون را کوم 19:1-20:1, 20:31). ان هاڳي چکر مانه پاسو اوتون افسس ري وشواسي منڌري روم اڳيونون ٿي مليو. اوتنه توتنه پولوس نه کبر هئي جي او يروشلم شهر م زهلاشي ان اوتا رو کيال هتو جي او افسيون کن وڙي کيڏي نئين اوي هيڪه (مک شيلون را کوم 16:20-38).

تيا کيز پولوس زهلوتو ان روم شهر موئين قيدي ٿيو. ان اوتنه توتنه زوبا م اي كت لکيو. ام لاگنه جي اي كت لکيا کيز نيت او قيدي ٿي سوتيو ان اپرا چارما چکر مانه افسس شهر م وڙي آيو، ان اوتنه اوتنه نيمٿيس نه وشواسيون نه شيڪاڙيا هارو ساڌيو (1 تيمٿيس 3:1). اوت رئي وشواسي منڌري وڏي گهي ان گهٽي ناٿوڪئي ٿئي. تيا کيز ايسو يوحنا نه ڏرشن ڏين اوتون را وشواس نه وکوٿيو ان اوتون نه اڳي را زم هيڪا پيزا ٿي پريم ڪريا رو کيتو (ڏرشن 1:2-7).

ايٿا كت را آکر م پولوس افسس شهر را کيا پڻ منک رو نوم لين نمسڪار ٿي کيتو.

تيام ام ٿي هيڪڙهه جي پولوس نه رُوڳو افسس شهر رون وشواسيون نه، ٻين گهڻون پيزون شهرن رون وشواسيون نه پڻ اي ڪت ڏي ميليو. ام لاڳهه جي پولوس کاس ڪرين آسيه صوپا رون پيزون هيراپلس، لوڊيڪيه ان ڪلسي شهرن رون وشواسيون نه پڻ اي ڪت ڏي ميليو (ڪلسيون 4:13، 16، 2 پطرس 3:15).

ڪت لکيا رو مطلب


پولوس اي ڪت ايٿا هارو لکيو زم وشواسي منڪون نه ڀڳوون را منصوبا را پارام ڪهر پڙهه جي ٻڌائي منڪ ان ٻڌائي آڪاشي ڏوت ايسو ڪريست نه ابرو ڌڻي مونين اوتا ري مرضي مانهه وٺه. هائي منصوبو پورو ڪريا هارو ڀڳوون ايسو ڪريست را هيلاتي ڌار ڌار قومون رون منڪون نه ماڻهي ڏيڏيهه ان هڪا پيزا ٿي مناوين هيڪي وشواسي منڌري م پيزا ڪرياهه. هيوٺ نموننه وشواسي منڌري هڪ من ٿين ايرا ڌڻي ايسو ري مرضي مانهه وين ايسو رو ڪوم ڪرتي ري شي ان ڀڳوون رو منصوبو ساوو ڪرين ڏيڪارشي، زم ٻڌائي منڪ ڏيڪين ڀڳوون را وڪوڻ ڪرڻ (افسيون 3:1-21). پولوس اي پڻ شيڪارڙهه جي وشواسيون رڻه ڪيوٺ نموننه ويو (افسيون 14-20:6).

ايٿا ڪتاب را شاستر تي پيزا حوالا:

افسيون 1:1	ڪوم 9:19-19
افسيون 13:1	ڪوم 18:19-21
افسيون 13:1	ڪوم 18:24-26
افسيون 13:1	ڪوم 19:1-20:1
افسيون 12-11:2	پيدائش 17:1-14
افسيون 15:2	احبار 1:1-34:27
افسيون 15:2	عبرانيون 7:8-13
افسيون 15:2	غيرانيون 10:1-18
افسيون 1:3	ڪوم 28:16، 31
افسيون 9-7:3	ڪوم 9:19-19
افسيون 1:4	ڪوم 28:16، 31
افسيون 8:4	زبور 68:18
افسيون 26:4	زبور 4:4
افسيون 31:5	پيدائش 2:24
افسيون 3-2:6	استشنا 5:16
افسيون 20:6	ڪوم 28:16، 31
افسيون 21:6	ڪوم 20:4
افسيون 21:6	ڪلسيون 4:7

اِفسِيون

را نوم مانه پولوس رو لكل كت



1 ① هُون لکيا وازو پولوس سون، جيو پگوون ري مرضي پرموئنه ايسو کريست رو هيک مک شيلو سون.

اِفسُس شهر رون پريمي وشواسي پايون ان بينون، تمې جيا پگوون را سونديل منک سو، ان ايسو کريست تي واسطو راکين پکو وشواس راکوه،

② آپتو پاپ پگوون ان پريو ايسو کريست تمون مانه کريا کرئه ان تمون ننه هکي راکئه!

ايسو کريست تي واسطو راکيا ري کري
پگوون آپون مانه کتي گهني ميرپوني کرئه

③ پگوون را وکون تته، جيو آپتا پريو ايسو کريست رو پگوون ان پاپ سئه؛
اوتنه آپون ننه ايسو کريست تي واسطو راکيا ري کري او ٻڌائي آشيرواڌ ڏيڏاه
جيا پويتر آتما تي آکاش هون زڙهه. ④ اوتنه جگت ننه نايا تي مور آپون ننه

سُونديا تا، زم ايسُو ٿي واسطو راڪيا ري ڪري آبي اُوئا هوما پَوِيترا ان پيدوهي ريون. اُوئه آپون ٿي پريم راڪين ⑤ آپري ڪُشي ان مرضي پرموئنه مور ٿي اي ڦينصلو ڪريو تو جي او ايسُو ڪريست ري ڪري آپون نئه آپرا پاڙ ڪرين راڪنه، ⑥ زم اُوئا را وڪوڻ ٿنه جي او ڪٿي گهڻي ڪُريا ڪرئ. پڳوون آپرا پريمي ڏيڪرا ايسُو نئه ميليا ٿي آپون مانه آپري گهڻي ڪُريا ڪرئ. ⑦ ايسُو ٿي واسطو راڪيا ري ڪري آبي ايسُو رئه آپرو جيو ڏيڏا ٿي ڏوهون را قوضا ٿي آزاد ٿيا، مطلب آپون نئه آپتون ڏوهون رئي ماڻي زڙئيه. هائي ٻڌي وات پڳوون ري موتي ڪُريا پرموئنه ٿئيه.

⑧ ان هائي گهڻي ڪُريا پڳوون آپري ٻڌي عقل ان هزم ٿي آپون مانه ڪري، ⑨ زئيون اُوئه آپري ڪُشي پرموئنه آپرا من رئي اوندئي وات ساوئي ڪري جي اُوئا رئي مرضي ڪيوئي سئه. اُوئه مور ٿي ڦينصلو ڪريو تو جي هائي وات ايسُو ٿي پوري ڪراوشي. ⑩ هائي وات پڳوون رو ناول منصوپو سئه، جيو او آپرا صحيح ٿوئا مانه پورو ڪري. ان هائي منصوپو اي سئه جي جئين ڪئين آڪاش مانه سئه، ان جئين ڪئين ڌرتي مانه سئه، اُوئون ٻڌون نئه پڳوون پيڙا ڪري، ان آپرا سونڊل پڇايا وازا ڪريست نئه اُوئون مانه ڌي ڪرين راڪشي.

⑪ پڳوون ٻڌي واتون آپري مرضي ان مقصد پرموئنه ڪرئ. اُوئه امون يهودي قوم وازون نئه پڻ ايسُو ٿي واسطو راڪيا ري ڪري آپرا سونڊل منڪ نايا. هم ڪريا رو ڦينصلو اُوئه آپرا مطلب پرموئنه مور ٿي ڪريو تو، ⑫ زم اُوئا رو مون ان وڪوڻ امون يهوديون ري ڪري ٿنه، جيئي ڌاري قوم وازون ٿي مور ايسُو ڪريست مانه پروسو راڪيو تو.

⑬ ان پڳوون تمون ڌاري قوم وازون نئه پڻ ايسُو ٿي واسطو راڪيا ري ڪري آپرا سونڊل منڪ نايا، زئيون تمي هاسو وچن هومپيو، جيو تمون نئه تارڻ زڙيا را پارام ڪُشي رئي ڪهر سئه. ان زئيون تمي پڻ ايسُو مانه وشواس اوٿيو، تئيون

پڳوونَ آپرا وائيدا پرموئنه تمون ننه پويتر آتما ڏيڌو. ان زم نپا ٿي ٿاڻي ٿنه جي ڪيا رٿي شينھ سئھ، تم پويتر آتما ڏيڌا ٿي پڳوونَ ٿاڻي ڏيڌي جي تمڻي اونا را منڪ سو. (14) زئيون پڳوونَ آپون ننه پويتر آتما ڏيڌو، اونه زوئنه آپون ننه آپرا منڪ نايا هارو هوئي ڏيڌي. ايئا ٿي پڪي ڪا ترٿي سئھ جي پڳوونَ آپون ننه آڪري ۾ پورنه نموننه آپرا منڪ ناوين ڏوهون را قوضا ٿي آزاڌ ڪراوشي، زم اونا رو مون ان وڪوڻ ٿنه.

پولوس افسس شهر رن وشواسيون هارو پراٿنا ڪرئھ

(15) تيام، زئيون مٿين هوميزيو جي تمڻي پريو ايسو مانھ وشواس راڪوھ ان پڳوونَ رن سونيل ٻڌون منڪون ٿي پريم ڪروھ، (16) تئيون ٿي لين هون تمون هارو پڳوونَ رو ٿورو مونٽو ريونھ ان تمون هارو پراٿنا ڪرتو ريونھ. (17) مارئي اي پراٿنا سئھ جي آڻا پريو ايسو ڪريست رو پڳوونَ، جيو مونوازو ٻاپ سئھ، تمون ننه پويتر آتما ٿي عقل ڏنه ان آپ ننه تمون ڪن ساوو ڪرئھ، زم تمڻي پورنه نموننه اونا ننه اوڙڪو. (18) پڳوونَ تمون ننه من موئين سو جهرو ڏنه، زم تمون ننه ڪٻر پڙنه، جي تمارو پڳوونَ مانھ ڪيوو پروسو سئھ، جيئنه تمون ننه آپرا ڪوم هارو سوندياھ. ان تمون ننه ڪٻر پڙنه جي پڳوونَ را وائيدا پرموئنه اونا رن پيزون ٻڌون سونيل منڪون پيزو تمون ننه آڪاش ۾ ڪتو مون ان هڪ زڙشي. (19) ان تمون ننه اي پڻ ڪٻر پڙنه جي پڳوونَ آپري گهڻي طاقت ان ڪڙا ٿي آپون وشواس راڪيا وازون مانھ ڪتئي ميروني ڪرئھ. اي طاقت ان ڪڙا جي پڳوونَ آپري قدرت ٿي آپون هارو واپراوئھ، او رٿي او هاڳي ڪڙا سئھ (20) جيا ٿي اونه ايسو ڪريست ننه مرلون موئين ٿي جيوي اوناڙيو، ان آڪاش موئين آپرئھ زمئنه پاهئھ مون ۾ بيهاريو. (21) ان جيا رٿي پڻ آڳيون ٿي، اڪتيا رٿي، ڪڙا ڪا راز سئھ، او پلئھ آڪاشي ڏوت ڪا پوت، ڪا ڏيو ڏيوٽونا هوئھ، ان جيا ننه پڻ منڪ مونئھ، نه روڳو ايئا حياتي ۾ پڻ آيا وازي حياتي ۾ پڻ، هايون ٻڌون ٿي پڳوونَ ايسو

کريست نئه گهڻو مون ڏيڏوه، ان اونا نئه هايون ٻڌون مانه را کيوه. ② پڳوون ٻڌوئي کئين ايسو کريست هيٺ را کيوه ان اونا نئه ٻڌون رو ڌڻي کرين و شواسي منڌڙي نئه ڏيڏو. ③ ايسو و شواسي منڌڙي مانه ٿين ماما را زم سئه، ان و شواسي منڌڙي اونا را ڏيل را زم سئه. ايسو کريست ٻڌون نئه ٻڌوئي کئين ڏئه، ان و شواسي منڌڙي موئين او آپري ٻڌي واتون ساوي کرين ڏيکارڻه.

ايسو ڏوهون ري سزا ٿي پڄاوين هميش رو جيون ڏئه

2 ① اڳي تم پڳوون را حڪم توڙيا ان ڏوه ڪريا ري ڪري مرلون را زم هتا، ڪم تو تمارو پڳوون ٿي کئين واسطو نتو ان تمون نئه هميش را موت ڏي سزا زڙيا واڙي هتئي. ② تيڏي تم اينا ڏنيا را ڪراپ نمونا پرموئنه شيطون ري مرضي مانه وينا، جيو پوتون ان ڏيوئونون رو آڳيون سئه ان ڏنيا مانه ٻڌيل راز ڪرڻه. شيطون او آڪاشي ڏوت سئه جيو پڳوون رنه ڪلاڪ ٿين همئه اوئون منڪون ٿي آپرو ڪوم ڪراوڻه جيا پڳوون رو ڪيڏو نٿي موتا. ③ اڳي امي يهودي قوم واڙا پڻ ٻڌائي هيون منڪون جيوا هتا. امي آپرون ڪراپ ڪيالون مانه وينا، ان آپري مرضي پرموئنه زم جيو ڪيتو ان زم من موئين ڪيال آوتو، تم ڪرتا. امي يهودي قوم واڙا، ڌاري قوم واڙون را زم، ڏوهاري هتا ان پڳوون ري سزا کاڌا واڙا هتا.


④ پڻ پڳوون هميش ڏيا ڪرڻه، ان اونه آپون ٿي اتو گهڻو پريم ڪريو، ⑤ جي زئون آبي آپتون ڏوهون ري ڪري مرلون را زم هتا، تيون اونه آپون نئه ايسو پيڙا جيوتا ڪرياه. پڳوون ري ڪريا ري ڪري تم هميش را موت ٿي پڄي گياھ ان تمون نئه هميش رو جيون زڙيوه. ⑥ ان آپئنه ايسو کريست ٿي واسطو راڪيا ري ڪري، پڳوون آپون نئه نوو جيون ڏيڏوه ان آپ ٿي واسطو راڪيوه، ان هيونه نمونه زوئنه ايسو پيڙا جيوي اوناڙياھ ان اونا پيڙا آڪاش موئين بيهارياھ، ⑦ زم آيا واڙي حياتي پر آپئنه ايسو کريست ٿي واسطو راڪيا

ري ڪري اُو آيون نئه تارن ڏين آيون مانھ ميرپونئي ڪرئ ان آپرئي ڪرپا ساوئي ڏيڪارڻه. ⑧ ڪم تو پڳوون ري ڪرپا ري ڪري ايسو مانھ وشواس راکيا ٿي تمى هميش را موت ٿي پچي گياھ ان تمون نئه هميش رو جيون زڙيوھ. تمى آپ نئه پچايم ڪئين نٿي ڪريو، پڻ پڳوون تمون نئه امهي پچاياھ. ⑨ پڳوون آيون نئه ايئا وات ري ڪري نٿي پچاياھ، جي آبي نائوڪا ڪوم ڪرياه. تيام آبي ايئا وات رئي وڌائي نٿي ڪري هيڪتا، جي مئين آپ نئه پچايوھ. ⑩ ڪم تو آيون نئه پڳوون ناياه، زم آبي ايسو ڪريست ٿي واسطو راکين اُو نائوڪا ڪوم ڪرون، جيا پڳوون اڳي ٿي آڀڻه ڪريا هارو تيار ڪرين راکياھ.

ايسو ڪريست ري ڪري يهودي ان ڌاري قوم واڙا هيڪ ٿي زانه

⑪ تيام تمى جيا ذات پرموئنه ڌاري قوم را سو، جيون نئه اماري يهودي قوم واڙا گهت هزمين توهر نه ڪراول ڪئھ، ان رُوگو آپرا ڏيل رو توڙڪوڪ تڪرو وڌايا ري ڪري آپ نئه توهر ڪراول ڪئھ، تمى ياد راکو ⑫ جي اڳي ايسو مانھ وشواس راکيا ٿي مور، تمون نئه پڳوون را سونڊل پچايا واڙا ڪريست را پارام ڪئين ڪبر نٿي، اماري پڳوون ري سونڊل اسرائيلي قوم ٿي تمارو ڪئين واسطو نتو، ان جيا وسن پڳوون آپرا وائڏا پرموئنه ٻونڌيا تا، اُو تمون هارو نتا. ايئا ڏنيا ۾ تمارئي ڪئين اميد نٿي ان تمى پڳوون ٿي هاو ڌار هتا. ⑬ پڻ هوئه ايسو ڪريست ٿي واسطو راکيا ري ڪري تمى جيا اڳي شيتي هتا، ايسو ڪريست ره آپرو جيو ڏيڏا ٿي ڏوڪڙا ٿي گياھ. ⑭ ڪم تو ايسو آيون وسا هپ راکيا واڙو سئھ. اُوئه امون يهودي قوم واڙون ان تمون ڌاري قوم واڙون نئه هيڪ ڪرياه پرا. ان اُو شپ جيو پينت را زم آيون نئه هيڪا پيزا ٿي ڌار راکتو، مطلب آيت ۾ جيو وير هتو، اُوئا نئه ايسو ڪتم ڪريوھ پرو. ايسو آپرا موت ٿي ⑮ يهوديون رو موسي رون لکل ٻڌون حڪمون ان ريت رَوَازون رو نمونو ڪتم ڪريو، زم اُوئا ٿي واسطو راکيا ري ڪري يهودي قوم واڙون ان ڌاري قوم واڙون موئين ٿي

هيك نَوَيِ منْدَرِي نائو، ان هيوئه نمونته اوئون رو آيت ڀر هڀ رکاوٺه. ①۶ هُوَرِي مانه مريا ٿي ايسو يهوديون ان ڌاري قوم وازون رو آيت ڀر وير کتم ڪريو، ان هيوئه نمونته آپون نئه هيڪي منْدَرِي ڀر پيڙا ڪرين هڪا ڏيل را زم ناوين آپون نئه ان پڳوون نئه آيت ڀر منيا ه. ①۷ ايسو آوين تمون ڌاري قوم وازون نئه، جيا پڳوون ٿي شيتي هتا، ان امون يهوديون نئه، جيا اوتا ڏوڪڙا هتا، ٻڌون نئه هڀ رکايا را پارام ڪشي رئي ڪبر ڏيڏئي. ①۸ ڪم تو ايسو ري



ڪري آبي ٻڌائي پويتر آتما ٿي آڀنا ٻاپ پڳوون هون واسطو راڪي هڪونه. ①۹ تيام هوهه تمي ڌاري قوم واڙا ڌاريا ان اشيندا نٿي، پڻ تمي پڳوون رون سونيل منڪون پيڙا هيڪي منْدَرِي را سو، ان پڳوون را گهر را پاتي سو. ②۰ وشواسي منْدَرِي هڪا گهر را زم سئه. زم پُنيآ مانه پتر سٿيا ٿي گهر نههه، تم مڪ شيلون ان پڳوون رو نياپو ڏيڏا وازون ريون شروع ڪرل واتون مانه تمي وشواسي منْدَرِي موئين پيڙا ٿيا ه. ان ايسو ڪريست آب زوئنه پُنيآ رو ڪاس صحيح ان هرڪو پتر سئه. ②۱ زم پُنيآ را ڪاس پتر پرموئنه سٿائين پورو گهر نههه، تم پرپو ايسو مانه وشواس راڪين آبي ٻڌائي پيڙا ٿيونه ان وشواسي منْدَرِي وڌين پرپو ٿي واسطو راڪيا ري ڪري پويتر مندر ٿهه. ②۲ ان تمي ڌاري قوم واڙا پڻ پرپو ٿي واسطو راڪيا ري ڪري وشواسي منْدَرِي موئين امون پيڙا ٿيا ه، ان هيوئه نمونته پويتر آتما رهه آپون موئين ريا ٿي وشواسي منْدَرِي پڳوون رو گهر ٿهه.

پڳوون پولوس نئه سئونڊيو

زم او ڌاري قوم وازون نئه ايسو را پارام همپزاوٺه

① تيام هون پولوس تمون ڌاري قوم وازون هارو ايسو ڪريست رئي شيوا 3 ڪريا ري ڪري قيڏي سون. ② تمون نئه تو ڪبر هوشي جي پڳوون مون

مانه ڪرپا ڪرين مٺن ننه آڀرو منصوبو پورو ڪرايا هارو اي زميواري ڏيڏي جي هون تمون ننه پڳوون ري ڪرپا را پارام همپزاوون. ③ هائي او اوندئي وات سته جي پڳوون مٺن ننه ساوئي ڪرين ڏيڪاڙيئه. هايا را پارام مٺين مائنه پڻ ڪئينڪ لڪيوه، ④ ان اوئا ننه پٺيا ٿي تمي هزمي هيكوه جي هون ايسو ڪريست را پارام هائي اوندئي وات ڪٿي هزمونه. ⑤ هايا اوندئي وات رٿي ڪهر پڳوون اڳلوڪا زمونا ۾ ڪيا منڪ ننه نٿي ڏيڏي، پڻ همٺه آڀرون پويتر مڪ شيلون ننه ان آڀرو نياپو ڏيڏا واڙون ننه پويتر آتما ٿي هائي وات ساوئي ڪرين ڏيڪاڙيئه. ⑥ پڳوون رٿي اوندئي وات اي سته، جي ايسو را پارام ڪشي رٿي ڪهر مونيا ري ڪري ڌاري قوم واڙون ننه پڻ يهوديون پيڙو او هڪ زڙشي، جيو پڳوون رون سونيل منڪون هارو راڪل سته. ڌاري قوم واڙا يهوديون پيڙا هڪي منڌري موئين هڪا ڏيل را زم تيشي. ان ڌاري قوم واڙون ننه يهوديون پيڙو پڳوون رو واڻيو ڪرل آشيرواڏ زڙشي، جيو واڻيو ايسو ڪريست ري ڪري پورو ٿيوه.

⑦ پڳوون آڀري ڪڙا ويوراوين مٺن مانه ايوي ڪرپا ڪري ان هيمنت ڏيڏي جي هون هائي ايسو را پارام ڪشي رٿي ڪهر همپزايا رٿي شيوا ڪرون. ⑧ هون پڳوون رون ٻڌون سونيل منڪون موئين ٿي ٻڌون ٿي گهت سون، توئي پڻ پڳوون مٺن مانه اي ڪرپا ڪري ان اي هيمنت ڏيڏي، جي هون ڌاريون قومون ننه اي ڪشي رٿي ڪهر همپزاوون جي ايسو ايو آشيرواڏ ان هڪ ڏه جيا منڪون را هزميا ٿي ٻارا سته، ⑨ ان هون پڳوون رٿي اوندئي وات منڪون ڪن ساوئي ڪرين ڏيڪاڙون. هائي اوندئي وات پڳوون رو منصوبو سته. پڳوون، جيئنه ٻڌوئي ڪئين نايوه، جڳت نايا ٿي مور هائي منصوبو نايو تو، ان اوئا وڪت ٿي لين هٿاڙين راڪيو تو. ⑩ پڳوون آڀرو منصوبو تيام هٿاڙين راڪيو تو، زم آڪاشي ڏوتون ننه، جيون ننه آڪاش ۾ آڳيونئي ان اڪتياڙي پڳوون را طرف ٿي زڙل سته، همٺه ايئا زمونا ۾ وشواسي منڌري ننه زويا ٿي اي ڪهر

پڙهه، جي پڳوون هر وات ۾ ڪٿي گهڻي عقل ٿي ڪوم ڪرڻ. ⑪ پڳوون جڳت نايا ٿي مور اڳي اي ڦينصلو ڪريو تو جي اُو آڀا پريو ايسو ڪريست ٿي هائي منصوبو پورو ڪراوشي. ⑫ ايسو ڪريست ٿي واسطو راکيا ري ڪري ان اونا مانه وِشواس اوڻيا ٿي آبي پوري هيمنت ان پڪي ڪاتري ٿي پڳوون ٿي واسطو راکونه. ⑬ تيام هون تمون ٿي منڻ ڪرونه، جي تمون نئه ايسو را پارام همپڙايا ري ڪري زتي تڪليهنون مون مانه آوئه، اوتون ري ڪري تمي هيمنت مت هارو، پڻ هيمنت راکو ڪم تو پڳوون تمون ڌاري قوم وازون رو مون اتو گهڻو راکيوه جي هون تمون هارو اي تڪليهنون سهونه.

ايسو ڪريست رو پريم الاهي گهڻو سء

⑭ تيام هون پڳوون آڀا پاپ هومو نمين پرائنا ڪرونه، ⑮ جيا ٿي پوري وِشواسي منڌڙي آڪاش ان ڌرتي مانه پڳوون رئي اڪائي ڪيوراڻه. ⑯ مارئي پرائنا اي سئه جي پڳوون آڀرا گهڻا مون پرموئنه تمون هارو ام ڪرڻه، جي اونا را پويتر آتما ري ڪرا ٿي تمي من ۾ هيمنت راکو، ⑰ ان تماره وِشواس راکيا ٿي ايسو ڪريست تمارا من موئين رئه، ان زم وڻ اونديون پاڙون ري ڪري ڏاڍو رئه، ان زم گهر پڪي پُنياد ري ڪري ڏاڍو رئه، تم تمي هميش پريم هون وِتا ريو، ⑱ زم تمون نئه ان پيزون ٻڌون پڳوون رون سونديل منڪون نئه اوڙڪيا رئي هيمنت زڙهه، جي ايسو ڪريست رو پريم ڪتو گهڻو سئه، ڪتو ويڪرو، ڪتو لونبو، ڪتو اونسو ان ڪتو اوندو سئه. ⑲ ان تمون نئه ايسو ڪريست را هيا پريم رئي پوري ڪهر پڙهه، جيو پريم هزميا ٿي بارو سئه، زم هيا پريم ٿي پرائين تمي پورنه نموننه پڳوون جيو ٿيو.

⑳ پڳوون، جيو آڀري ڪرا آڀون موئين ويورايا ٿي آڀا مونگيا ڪا سوچيا ٿي پڻ الاهي گهڻو ڪري هيڪڻه، ㉑ اونا را وڪوڻ وِشواسي منڌڙي ري ڪري ان ايسو ڪريست ري ڪري هر زمونا ۾ هميش هوڏي ٿيئا رئه! آمين.

وشواسي مندڙي ۾ هيڪ من تين هپ ٿي ريوو

4 ① تيام هُون، جيو پريُو ايسُو ري ڪري قيدي سون، تمون نئه منٿ ڪرونه، جي تمِي ايوئه نمونئه وو، جيوئه نمونئه وُودا هارُو پڳوون تمون نئه سُوندياه. ② مطلب گهڻي گهڻي ان نرمي هُون وو، ان صپر ڪرين پريم ٿي هِڪا پيزا رئي سهو. ③ تمِي پوري ڪوشش ٿي هِڪا پيزا ٿي هپ راکين پويتر آتما ٿي زڙل هپ موئين هيڪ من تين ريو. ④ تمِي ٻڌائي وشواسي مندڙي ۾ هِڪا ڏيل را زم سو، ان تمون نئه هيڪ پويتر آتما ڏيڏل سئه. هيوئه نمونئه پڳوون تمون نئه هيڪ پروسو راکيا هارُو سُوندياه. ⑤ هيڪ پريُو سئه، هيڪ وشواس سئه، هيڪ پويتر سنون سئه. ⑥ هيڪ پڳوون سئه، جيو تمون ٻڌون رو ٻاپ سئه. اُو تمون ٻڌون مانه سئه، تمون ٻڌون ٿي آپرو ڪوم ويوراوئھ، ان تمون ٻڌون موئين رهه.

⑦ پڻ آپون موئين ٿي هر هيڪ نئه ايسُو ڪريست آپري ڪرپا پرموئنه ڌار ڌار هيٺ ڏيڏيھ. ⑧ ايئا را پارام شاستر ۾ لڪل سئه جي ”زئبون اُو اونسو سڙي گيو تو اُوئه آپرون ڏشمئون نئه قيدي ڪريا ان آپرون منڪون نئه توقا ڏيڏا.“

⑨ هُوئه زئبون ام ڪيڏل سئه جي ”اُو اونسو سڙي گيو،“ تو هايا رو مطلب اي سئه جي اُو اگي نيسو ڌرتي مانه پڻ اوتريو تو. ⑩ جيو نيسو اوتريو تو اُو رو اُو هاگي ايسُو ڪريست سئه جيو آڪاش مانه گهڻو اونسو سڙي گيو، زم اُو ٻڌون مانه ڏئي ٿه. ⑪ ان اُوئه ”منڪون نئه توقا ڏيڏا،“ مطلب اُوئون نئه ڌار ڌار هيٺ ڏيڏي. اُوئه منڪون نئه ڌار ڌار هيٺ ڏين ڪيونڪ نئه مُڪ شيلا راکيا، ڪيونڪ نئه پڳوون رو نياپو ڏيڏا واڙا، ڪيونڪ نئه ايسُو را پارام ڪشي رئي ڪهر همپزيا واڙا، ان ڪيونڪ نئه وشواسيون رئي همپياز ڪريا واڙا ان شيڪاڙيا

۱۲) زم او پڳوون رون سونيدل منكون نئه پڳوون رئي شيوا ڪريا هارو تيار ڪرئ، ان اوئون رئه شيوا ڪريا ٿي وشواسي منڌڙي رئي هيمنت وڌئه، جيئي ايسو ڪريست را ڏيل را زم سئه. ۱۳) ان هيوئه نمونئه وشواس راڪيا ۾ ان پڳوون را ڏيڪرا نئه اوڙڪيا ۾ آبي نيٺ هيڪ من تيشون، ان آبي ننڪون ٻاڙون جيوا نئين، پڻ زوئئه موٽا تين پورئئه نمونئه هر وات ۾ ايسو ڪريست جيوا نائوڪا منڪ تيشون.

۱۴) تئيون آبي ٻاڙون را زم نئين ريون، ان اوئون را زم منڪون ري ٺڳي، چالاڪي ان ڌوڪا وازي واتون هومپڙين ايل اول اوئون ريون شيڪاڙل ڪوڙيون واتون مانھ نئين زائون. ۱۵) پڻ آڀئنه پريم ٿي هاس مانھ ويو، ان هيوئه نمونئه آبي هر وات ۾ آڀا ڏئي ايسو ڪريست جيوا تيشون. ايسو ڪريست وشواسي منڌڙي مانھ ڏئي سئه، زم ماتو ڏيل مانھ سئه. ۱۶) ماتا را ڪيڏا هيٺ پورو ڏيل هيڪ تين آڀ نئه ڏيڏل هر جوڙ ٿي ملل هوئ، ان هر اوزيا رئه آڀرو آڀرو ڪوم ڪريا ٿي ڏيل وڌه. ان هيوئه نمونئه ايسو ڪريست را ڪيڏا هيٺ پوريئي وشواسي منڌڙي هيڪ تين آڀ نئه ڏيڏل هر شيواڌاري ٿي هيمنت لئه، ان هر وشواسي رئه آڀرو آڀرو ڪوم ڪريا ٿي منڌڙي وڌه ان پريم ٿي پڪي ٿه.

ايسو مانھ وشواس راڪين نوا نمونا ٿي ويو

۱۷) تيام هون پريو ايسو ري ڪري تمون نئه گهڻو گهڻو ڪونه جي تمي ڌاري قومون رون ٻيڙون منڪون را زم مت وو، جيا پڳوون ري وات مانھ نئي وينا پڻ آڀريون ناليون واتون مانھ وئ. ۱۸) اوئون را من ۾ ڪئين سوچهرو نئي ان او اندارام سئه. او پڳوون ٿي ڌار ٿي گياھ ان پڳوون ٿي اوئون رو ڪئين واسطو نئي، ڪم تو پڳوون رئه ڪلاڦ ضد ڪريا ري ڪري اوئون ۾ ڪئين عقل نئي رئي. ۱۹) او آڀري عزت رو ڪيال ساڌين لوقرائي موئين لاڳي گياھ زم آڀري مرضي

پرموئنه هر قسم رئي پوندائي ڪريا ۾ وڌتا زائنه.

20) پڻ ايسو ڪريست رو نمونو جيو تمي شيڪيوه، اُو هيوو نٿي. 21) تمي تو اُوئا را پارام هومپڙيو هوشي، ان وشواسي ٿيا ڪيڙ تمي هاسي واتون شيڪي هوشي جي ايسو آڀرو ڪيوو نمونو ڏيڪاڙيوه. 22) ايسو تمارا اڳلوڪا وُودا را نمونا را پارام اي شيڪاڙيو جي تمي آڀرا اڳلوڪا ڪوم ان ڪيال ساڏو پرا، جيا ڪوڙيون واتون مانه وُودا ٿي ان ڪراڀ ڪيال راکيا ٿي پوندا ٿيتا زائنه. 23) تمي من ۾ نوا ڪيال راکو، 24) ان تمي نوا منڪ ٿيو. زم پڳوون منڪون ننه آپ جيوا نايا تا، ته تمي پڳوون جيوا ٿيو، زم هاس ۾ پڳوون ري وات مانه وو ان پويتر ٿيو.

25) تيام تمي ڪوڙ ننه ساڏين هر هيڪ هيڪا پيزا ٿي هاس پوئنه، ڪم تو آڀي وشواسي منڌڙي موئين پيزا ٿين هيڪا ڏيل رون اُوزيون را زم سون. 26) رينه پلنه سڙنه، پڻ ڏوه مت ڪرو. ڏي آتيا ٿي مور آڀري رينه ننه ڪتم ڪرو ان رينه مت راکو. 27) ان شيطون ننه موقعو مت ڏيو جي تماري رينه ري ڪري تمون ٿي ڏوه ڪراوئنه. 28) جيو سورئي ڪرتو هوئنه، اُو وڙي سورئي



ماڳي نه ڪرئنه، پڻ مينت ڪرين آڀرون هاتون ٿي نائوڪو ڏندو ڪرئنه، زم اُوئا ڪن ڪئينڪ هوئنه جيا ٿي ضرورت واڙون رئي مدت ڪرئنه. 29) تمي ڪئين ڪراڀ وات مت ڪو، پڻ رُوڳي ايوي واتون ڪرو جي نائوڪي هوئنه ان ضرورت پرموئنه ڦاڻيڏا واري هوئنه، زم هومپڙيا واڙون ننه هيمنت زڙنه. 30) تمي پڳوون ري مرضي مانه نه وُودا ٿي پڳوون را ڏيڏل پويتر آتيا ننه ڏکي مت ڪرو، ڪم تو پڳوون تمون ننه پويتر آتيا تيام ڏيڏوه

زم ٿاڻي ٿي ٿي ٿي پڳوونَ را منڪ سو ان آڪر ۾ او تمون نٿه ڏوهون را
 قَوْضَا ٿي آزاڌ ڪراوشي. (31) ٿي هر نمونا را وير، ڪاوڙ، رينه، جهيڙا جهڳڙا،
 ڳلا ان ٻڌي پونڌائي ٿي پاھو ڪرو. (32) ان ٿي هڪا پيڙا مانھ ميرپونئي ڪرو،
 نرم من راکو، ان زم پڳوونَ ايسو ڪريست ري ڪري تمون نٿه ماڻي ڏيڏيھ،
 تم ٿي هڪا پيڙا نٿه ماڻي ڏيو.

پڳوونَ را ڏيڏل سوجھرا ۾ وينَ ناٿوڪا ڪوم ڪرو

5 ① پڳوونَ تمون نٿه آڀرا ٻاڙ ھزمينَ تمون ٿي پريم ڪرھ، تيام زم پريمي
 ٻاڙ آڀرا ٻاپ را نمونا مانھ وھ، تم ٿي پڳوونَ را نمونا مانھ وو. (2) ان
 ٿي پريم ڪرنا ريو، زم ايسو ڪريست تمون ٿي پريم ڪريو. اوئھ آڀون ھارو
 آڀرو جيو پڳوونَ را نوم مانھ ڏيڏو، ان پڳوونَ نٿه ڪش ڪريا ھارو ڪشبو
 وازو ڏونپ ساڙيا را زم آپ نٿه پڳوونَ را نوم مانھ سڙايو. (3) پونڌو ڪوم،
 هر نمونا رئي پونڌائي ان لالچ، تمون موئين ھايون رو نوم پڻ نه ھووو ڪپھ،
 ڪم تو ھيوي واتون پڳوونَ رون سونڍل منڪون ھارو نڪ نٿي. (4) ٿي ڪراڀ
 واتون، ازائي واتون ڪا پونڌي واتون مت ڪرو، ڪم تو ھائي صحيح نٿي، پڻ
 پڳوونَ رو ٿورو مونو. (5) ٿي ايٿا وات رو يقين ڪري ليو، جي جيو ڪوئي پونڌو
 ڪوم ڪرھ، پونڌائي ڪرھ ڪا لالچي سھ، ان لالچ راکوو مورتئي پوزيا جيوو
 سھ ڪم تو لالچي منڪ پڳوونَ مانھ نئين پڻ شينھون مانھ ڏيون ڏھ، ھيو
 منڪ ايسو ڪريست ان پڳوونَ را راز موئين پڳوونَ رون سونڍل منڪون پيڙا نٿي
 آوي ھيڪتا. (6) ٿي ھوشيار ريا جي ڪوئي منڪ نالي واتون ڪرين تمون نٿه
 ايئون ڪوڙيون واتون مانھ نه ويوراوئھ جي ھيو ڪراڀ ڪوم ڪروو ڪئين وات
 نٿي. ھيو ڪوم ڪريا ري ڪري پڳوونَ رئي سزا اوئون نٿه ضرور زڙشي جيا
 پڳوونَ رو ڪيڏو نٿي مونتا. (7) تيام ٿي ھايون منڪون پيڙا ھيو ڪراڀ ڪوم
 مت ڪريا.

⑧ ڪم تو اڳي تمي انڌارا را زم هتا، پڻ همئنه پريو ايسو ٿي واسطو را ڪيا ري ڪري تمي سوجھرا را زم سو. تيام سوجھرا رون منڪون را زم وو، ⑨ ڪم تو سوجھرا رو ڦل اي سئنه جي تمي هر نمونا را ناٿوڪا ڪوم ڪرو، پڳوون ري وات مانھ وو، ان هاس مانھ پڻ وو. ⑩ هيونھ نمونھ وودا ٿي تمي ڪبر پاڙشو جي پريو ڪيوون واتون ۾ ڪُش سئنه.

⑪ انڌارا رون نالون ان ڪراپ ڪومون ٿي شيتي ريو، ان آپرا صحيح وودا را نمونا ٿي اي وات ساوئي ڪرين ڏيڪاڙو جي او ڪوم ڪتا ڪراپ سئنه. ⑫ ڪم تو جيا ڪوم منڪ هتائين ڪرئھ، او ايوا ڪراپ سئنه جي اوئون را پارام واتون ڪروو پڻ شرم جيوني وات سئنه. ⑬ پڻ ٻڌي واتون سوجھرا ٿي ساوي تئھ ان سوجھرا ٿي ڪبر پڙئھ جي او واتون ڪراپ سئنه، ⑭ ڪم تو سوجھرو او سئنه جيا ٿي ٻڌوئي ڪئين ساوو ڏيڪائھ. تيام هڪا پزن ۾ ام لڪل سئنه:

”او اُونگھال، اُوني!

مرلون موئين ٿي جيوتو تئھ!

ايسو ڪريست ٿون نئھ سوجھرو ڏيشي.“

⑮ تيام هوشيار ٿيو جي تمي ڪيوئھ نمونھ ووھ ريا. تمي پوزون منڪون را زم نئين پڻ عقل وازون را زم وو. ⑯ پلائي ڪريا رو موقعو زيون پڻ زڙئھ، تئيون اوئا ٿي قائيدو ليو، ڪم تو اي زمونو ڪراپ سئنه. ⑰ تيام تمي پوزا مت ريو، پڻ هزمي زائو جي پريو رئي مرضي ڪيوئي سئنه. ⑱ ڌارو پين مست مت ٿيو، جيا ٿي منڪ هر نمونا ري پوندائي ۾ پڙي زائھ، پڻ تمي پويتر آتما ري ڪڙا ٿي پرائي زائو ان پورئھ نمونھ اوئا ري مرضي مانھ وو. ⑲ تمي هڪا پيزا ڪن شاستر را پزن، پيزا پزن ان وشواسي گيت گاوتا ريو، ان آپرا من ٿي پريو را وڪوڻ ۾ گاوتا ريو. ⑳ ان هميش هر وات هارو اپتا پريو ايسو ڪريست ري ڪري پڳوون را ٿورا مونتا ريو. ㉑ ان ايسو ڪريست رو مون را ڪين هڪا پيزا ري مرضي مانھ وو.

آدمي ان ڏوشي رءُ آيت ۾ ڪيوءُ نمونءُ ويو

22) ڏوشيون، تم ۾ آڏمي ري مرضي مانھ ام وو، زم تم ۾ پريو ايسو ري مرضي مانھ ووھ. 23) ڪم تو آڏمي آڀري ڏوشي رو ام ڏٺي سئھ، زم ايسو ڪريست وشواسي منڌڙي رو ڏٺي سئھ، مطلب او آپ وشواسي منڌڙي نئھ پڇايا وازو سئھ، جيا نئھ او آڀرو ڏيل هزمئھ. 24) پڻ زم وشواسي منڌڙي ايسو ڪريست ري مرضي مانھ وئھ، تم ڏوشيون رئھ هر وات ۾ آڀرا آڏمي ري مرضي مانھ ويو.

25) آڏميون، تم ۾ آڀري ڏوشي ٿي ايوو پريم راکو، جيوو ايسو ڪريست وشواسي منڌڙي ٿي پريم راکيو. ايسو اوئا هارو آڀرو جيو ڏيتو، 26) زم وشواسي منڌڙي نئھ پوٺي ٿي پويتر سنون ڏين ان پڳوون را وچن ٿي صاف ڪرين پويتر ڪرئھ، 27) ان او آپ ايوئي نائوڪئي وشواسي منڌڙي تيار ڪرين آپ ڪن تيڙاوتھ، جئي پويتر ان پيڏوھي هوئھ، روپاڙي لاڏي را زم جيا را موندا مانھ نڪو ڏاڳ نڪو لاتر ان نڪو پيڙي ڪئين ڪراڀي هوئھ. 28) هيوتھ نمونئھ آڏميون رئھ پڻ آڀري ڏوشي ٿي آڀرا ڏيل را زم پريم ڪروو. جيو آڀري ڏوشي ٿي پريم ڪرئھ، او زوتھ آپ ٿي پريم ڪرئھ ريو، ڪم تو آڏمي ان ڏوشي ٻي ئي هيڪ سئھ. 29) وات اي سئھ جي ڪوئي پڻ منڪ آڀرا ڏيل ٿي وير نٿي راکتو، پڻ اوئا رئي همپاڙ ڪرئھ ان اوئا رو ڪيال راکئھ، زم ايسو ڪريست وشواسي منڌڙي رئي همپاڙ ڪرئھ، 30) ڪم تو آڀي وشواسي اوئا را ڏيل رون اوزيون را زم سون. 31) تيام شاستر ۾ ام لڪل سئھ:

”آڏمي آڀرا مان پاپ نئھ ساڏشي،

ان آڀري ڏوشي پيڙو ريشي،

ان ٻي ئي هيڪ ٿيشي.“

32) هائي اوندڙي وات گهڻي موڻي وات سٺه. هون تو کاس ڪرين ايسو ڪريست ان وشواسي منڌڙي رٺه هيڪ هويا را پارام ڪونه ريو. 33) پڻ هائي وات آدمي ان ڏوشي را پارام پڻ سٺه. تيام تمې هر هيڪ آپري ڏوشي ٿي آپ را زم پريم راکو. ان ڏوشي رٺه آپرا آدمي رو مون راکو ڪپه.

مان ٻاپ ان ٻازون رٺه آپت ۾ ڪيوڻ نمونءَ ويو

6 1) ٻازون، تمې آپرا مان ٻاپ رو ڪيڏو مونو، ڪم تو تمې پريو ايسو مانه وشواس راکوه، ان هم ڪروو ٺيڪ سٺه. 2) شاستر ۾ لڪل سٺه جي ”آپرا مان ٻاپ رو مون راکو.“ اي پڳوون رو ايوو پيرهون حڪم سٺه جيا مانه وودا وازون ٿي اوڻه وائڏو ڪريو. 3) او وائڏو اي سٺه جي ”هم ڪريا ٿي تمارو پلو ٿيشي، ان تماري حياتي گهڻي ٿيشي.“

4) ان مان ٻاپ، تمې آپرون ٻازون نٺه مت رينهڙاوو، پڻ اوڻون نٺه پريو ايسو را نمونا پرموڻه هزماوين ان شيڪاڙين اوڻون رٺي همپاڙ ڪرو.

ڏٺيون ان گلمون رٺه آپت ۾ ڪيوڻ نمونءَ ويو

5) گلمون، تمې هاسا من ٿي آپرون ڏٺيون رو مون راکين اوڻون رو ڪيڏو مونو، زم تمې ايسو ڪريست رو ڪيڏو مونوه. 6) روڳو آپرون ڏٺيون نٺه ڏيڪاڙيا هارو ان ڪش ڪريا هارو ڪوم مت ڪرو، پڻ ايسو ڪريست را شيواڌاري ٿين پورا من ٿي پڳوون ري مرضي مانه وين ڪوم ڪرو. 7) ڪشي ٿي اوڻون رٺي شيوا ڪرو، ان ام هزمو جي منڪون رٺي نئين پڻ پريو رٺي شيوا ڪروه ريا. 8) تمې اي وات ياد راکو جي ڪوئي پڻ منڪ ڪيوو پڻ ٺاڻوڪو ڪوم ڪرشي، او گلمو هوڻه ڪا آزادا، توڻي پڻ پريو اوڻا نٺه اوڻا ٺاڻوڪا ڪوم رو ايوزو ڏيشي.

9) ان ڏٺيون، تمې آپرون گلمون نٺه ڌڙڪا مت ڏيو، پڻ اوڻون ٿي هاڳي

نمونته نائوڪنه ڏانهن وو. ان اي وات ياد راکو جي اوئون رو ان تمارو هيڪ ڏئي آڪاش مانھ سئھ، ان او ڪيا رو پاھو نٿي لیتو.

شيطون را مُقابلا ھارو پڳوون ٿي ھر نمونا رٿي ھيمنت ليوو


⑩ پڇاڙي ۾ ھون تمون نئھ ام ڪونھ، جي تمي پريو ايسو ٿي واسطو راکيا ٿي ان اوئا ري ڏيڏل طاقت ان ڪڙا ٿي ھيمنت راکو. ⑪ زم قوچي آپرا ڏشمڻ ٿي مُقابلو ڪريا ھارو ٻڌائي ٻڳتر پيرئھ ان ھٿيار لئھ، تم تمي پڳوون رٿي ڏيڏل ھر ھيمنت ليو، زم تمي آپرا چالاک ڏشمڻ شيطون ٿي مُقابلو ڪرين جيتي ھيڪو. ⑫ ڪم تو جيو مُقابلو آپي ڪرونھ، او منڪون رئھ ڪلاڦ نئين، پڻ شيطون ان اوئا را پاھا رون ڏوتون رئھ ڪلاڦ سئھ، جيا آڪاش ۾ پڳوون رئھ ڪلاڦ آڳيوونٿي ان اڪتيارٿي راکئھ، جيا ايئا اندارا وازي ڏنيا مانھ راز ڪرئھ، ان جيا پونڌاڻي را پاھا را ڏوت سئھ. ⑬ تيام تمي پڳوون رٿي ڏيڏل ھر ھيمنت ليو، زم سڪت



مُقابلا رٺه توتٺه تمِي پُونڌائي رو مُقابلو ڪري هيڪو، ان پڳوون رو ڪيڏل ڪوم پورو ڪرين جيتي هيڪو.

⑭ تيام تمِي ايوتٺه نمونٺه تيار تين اُويو. زم قوچي وڊيا ري تيارِي هارُو ڪڙيون مانه پتو بونڌه، تم تمِي هاس مانه وو. زم قوچي آپ ننه پچايا هارُو هيئا مانه لو رو ٻگتر پيرٺه، تم تمِي پڳوون ري وات مانه وو. ⑮ زم قوچي آڳڙ وڊيا هارُو زوڙا پيرٺه، تم تمِي ايسُو را ڏيڏل هڪ را پارام ڪشي رٺي ڪهر همپڙايا هارُو تيار ريو. ⑯ زم قوچي ايئون ٻڌون پيڙي ڍال پڻ لٺه زم ڏشمڻ را ٻڙتا هر آپ ننه نه لاڳهه پڻ آفوكا اوزهمائي زائنه، تم تمِي وشواس راڪو زم تمِي پُونڌا شيطون را هر ڏوه ڪرايا وازا حملا ٿي پچي زائو. ⑰ زم قوچي آپ ننه موت ٿي پچايا هارُو لو رو توپلو پيرٺه، تم تمِي پڳوون مانه پورو پروسو راڪو جي اُو تمون ننه تارڻ ڏيشي. ان زم قوچي مُقابلا هارُو آپرٺي ترُوٺار لٺه، تم تمِي پڳوون را وچن مانه يقين راڪو، جيو شيطون ٿي مُقابلو ڪريا هارُو پويتر آتما رو ڏيڏل سٺه. ⑱ هر وات هارُو پرائنا ان وينتئي ڪرين هر توتٺه پويتر آتما ري مرضي پرموتٺه پڳوون ٿي پرائنا ڪرتا ريو. پرائنا ڪريا ڀر سجاڳ ريو ان پرائنا ڪريا رو مت ساڏو، پڻ پڳوون رون ٻڌون سونڍل منڪون هارُو پڳوون ٿي منٺ ڪرين پرائنا ڪرتا ريو.

⑲ ان مون هارُو پڻ پرائنا ڪرتا ريو جي پڳوون مون ننه وچن همپڙايا رٺي هيمنت ڏنه، زم هون ايسُو را پارام ڪشي ري ڪهر رٺي اُونڌي وات پيڪ وگر ساوئي ڪرين همپڙاوون. ⑳ اي ڪشي رٺي ڪهر همپڙايا هارُو پڳوون مون ننه



سُونڍين ميليوه، ان ايئا هارُو هون قيڏي سون. تيام تمِي پرائنا ڪرو جي هون اي ڪشي رٺي ڪهر پوري هيمنت ٿي همپڙاوون، جيوٺه نمونٺه مارٺه همپڙاوو ڪپنه.

اڪري واتون

21) آپڻو پريمي پائي تڏيڪس، جيو ايمونڌاري ٿي پڙيو رئي شيوا ڪرڻ، اُو تمون نئه ٻڌي واتون همپڙاوشي، زم تمون نئه پڻ مارئي ڪهر پڙئه جي هون ڪم سون.
 22) هون ايئا نئه تمون ڪن ايئا هارو ميلونه ريو، زم مارا پارام تمون نئه ڪهر پڙئه ان اُو تمون نئه حوصلو ڏئه.

23) پڳوون ٻاپ ان پڙيو ايسو ڪريست تمون وشواسي پايون ان پينون نئه هڪ ڏئه ان پريم ان وشواس رکاوڻه. 24) پڳوون تمون ٻڌون مانه ڪڙيا ڪرڻ، جيا اپڻا پڙيو ايسو ڪريست ٿي ايوو پريم راکوه جيو ڪيڏي ڪنم نئين ٿئم.

فلیپون را نوم مانه کت رئي هزمونئي

کت لکيا وازو

اي کت پولوس لکيو، ان تيمٽيس اوتا پيزو هتو (فلیپون 1:1). کت لکيا رٽه توتنه پولوس قيدي هتو ان اوتا مانه کيس ويتوت ريو (فلیپون 7:1)، ان پولوس نٽه کپر نتئي جي اوتا مانه موت رو فينصلو ٿي شي کا نئين (فلیپون 20:1، 17:2). ام لاڳهه جي اي کت اوت توتنه لکيو زئون ايسو را پارام همپزيا هارو ترئمو چکر کرين يروشلم شهر موئين ڳيو تو، يهودي منکي اوتا مانه کوزو کيس کريو تو، ان پست او رومي حڪومت رو قيدي ٿيو تو (مک شيلون را کوم 27:21-23:11). پولوس بي سال قيصره شهر م قيدي هتو (مک شيلون را کوم 12:23-26:32، 27:24)، ان تيا کيڙ بي سال روم شهر م قيدي هتو (مک شيلون را کوم 16:28، 30). نيٽ، اندازام 62ع م، او قيدي سوتي ڳيو. تيام گهڻا منک ام هزمتهه جي پولوس اي کت قيصره شهر م اندازام 57-59ع م لکيو، کا روم شهر م اندازام 61ع م لکيو.

کت کيون منکون هارو لکيو

پولوس اي کت فليبي شهر رون وشواسي منکون هارو لکيو (فلیپون 1:1). فليبي شهر رون منکون نٽه پڻ فليبي کيتا. فليبي شهر مکڊنيه صوبا رو هيڪ موتو شهر هتو، جيئنه روم شهر را گهڻا منک ريتا، ان تيام اوت رون منکون نٽه او هاڳي حق هتو جيو روم رون منکون نٽه هتو (مک شيلون را کوم 12:16). پولوس ايرا پيزا چکر مانه فليبي شهر م ايسو را پارام همپزيا ووا ڳيو. اوتنه گهڻا منک وشواسي ٿيا، پڻ ڪلاف منکي پولوس نٽه زهلايو ان جيل م پورا يو. پڻ پيزه ڏي شهر ري اڳيون اوتا نٽه ساڏيو پرو (مک شيلون را کوم 12:16-40). تيا کيڙ پولوس ايرا ترئما چکر مانه زاتون ان پاسو اوتون بي وار فليبي شهر رون وشواسيون رئي هيئت وڌاريا هارو ڳيو (مک شيلون را کوم 1:20-2، 6).

فليبي شهر را وشواسي پولوس ٿي گهڻو پريم راکتا، تيام زئون اوتون نٽه کپر پڙئي جي پولوس قيدي م سٽه، تعيون اوئي ايفرڊئس نومي منک نٽه امداد لين پولوس کن ميليو (فلیپون 25:2).

ام لاڳهه جي پولوس ايفرڊئس نٽه پاسو ايرا فليبي شهر موئين ميلين اوتا هات اي کت ڏي ميليو (فلیپون 25:2-30).

ڪت لکيا رو مطلب


پولوس اي ڪت لکيو زم فِليپي شهر رون وشواسيون رو اِمتادَ ڏيڏا هارُو ٿورو مونءَ (فِليپيون 5:1, 19-10:4), آپرا پارام ڪبر ڏئ (فِليپيون 26-12:1, 19-10:4), ان اوئون نءَ ڏڪ تڪليب م حوصلو ڏئ زم او وشواس راڪتا رءَ ان ڪش رءَ (فِليپيون 30-27:1, 4:4), ان آيت م ڪريبي ٿي هپ راڪين وءَ (فِليپيون 11-1:2, 5-2:4), ايئا ڪت م پولوس ڪوڙي واتون شيڪاريا واڙون ٿي هوشيار ڪرئ (فِليپيون 21-1:3), تيمٿيس ان ايفرڏس را وڪون ڪرئ (فِليپيون 30-19:2), ان آبرو نائوڪو نمونو ڏيکارئ جي پلئ ڦيڙي سءَ ان اوئا نءَ موت رئي سزا رڙي هيڪئ، توئي پڻ او ايسو ٿي واسطو راڪيا ري ڪري ڪش سءَ (فِليپيون 18-17:2).

ايئا ڪتاب را شاسنر ٿي پيزا حوالا:

فِليپيون 1:1	ڪوم 3-1:16	فِليپيون 19:2	ڪوم 3-1:16
فِليپيون 1:1	ڪوم 4:20	فِليپيون 19:2	ڪوم 4:20
فِليپيون 5:1	ڪوم 40-12:16	فِليپيون 6:3	ڪوم 3, 1:8
فِليپيون 7:1	ڪوم 31, 16:28	فِليپيون 6:3	ڪوم 2-1:9
فِليپيون 12:1	ڪوم 33-27:21	فِليپيون 15:4	ڪوم 15-13:17
فِليپيون 12:1	ڪوم 1:27	فِليپيون 16:4	ڪوم 10-1:17
فِليپيون 12:1	ڪوم 31, 16:28		

فِليپيون

را نوم مانه پولوس رو لکل کت



1 ① هُون لکيا وازو پولوس سون. اي کت مارا پاها ٿي ان تيمٽيس را پاها ٿي لکل سٺه، جيا ايسو کريست را شيواڌاري سون.

فِليپي شهر ري وشواسي منڌري رون پريمي آگيونون ان شيواڌاريون ان ٻڌون پريمي وشواسي پايون ان بينون، تمي جيا پگيون را سونڍل منک سو ان ايسو کريست ٿي واسطو راکوه،

② آپڻو ٻاپ پگيون ان پريو ايسو کريست تمون مانه کُريا کرئه ان تمون نٺه هڪي راکئه!

پولوس فِليپي شهر رون وشواسيون هارو
ٿورو مونئھ ان پراٿنا کرئه

③ زئيون هُون تمون نٺه ياڌ کرونه، تو هُون مارا پگيون رو ٿورو مونونھ. ④ ان زئيون هُون تمون ٻڌون هارو پراٿنا کرونه، تتيون هُون هميش کُشي ٿي پراٿنا


ڪرونه، ⑤ ڪم تو تمي شروع ٿي لينَ آڙ هُوڏي مارا پائي ٿينَ ڪرچ ۾ ان پيزيون ٻڏيون واتون ۾ مارئي مدت ڪروھ ريا، زم هُون پيزون منڪون ننه ايسُو را پارام ڪشي رئي ڪهر همپزاوي هيڪون. ⑥ مُون ننه اينَا وات رئي پڪي کاتري سئه جي پگھون، جيئنه تمارون منون ۾ آڀرو نائوڪو ڪوم شروع ڪريوه، اُو تمون ۾ تارن را مارڳ مانھ ويورايا رو ڪوم ڪرتو ريشي، ان نيٺ ايسُو ڪريست رنه وڙي پاسو آيا رنه ان نيا ڪريا رنه ڏي پگھون رو شروع ڪرل هائي ڪوم پورو ٿيشي.

⑦ اي نائوڪي وات سئه جي هُون تمون ٻڏون را پارام هيوآ ڪيال راکونھ، ڪم تو تمي مُون ٿي گهڻو پريم راکوه ان مارو گهڻو ڪيال راکوه، ان زئيون هُون ايئنه قيدي سون ان ڪورٺ ۾ آڀرا پارام ٻوليا رنه توئنه ايسُو ڪريست ري ڪشي ري ڪهر را پارام ٻولونھ ريو ان ٿايتي ڏيونھ ريو جي هائي ٻڏي واتون هاسي سئه، تئيون تمي ٻڏائي مارا پائي ٿينَ اِمڌا ۾ ان پيزيون واتون ۾ مارئي مدت ڪروھ ريا زم هُون مارئي ايسُو را پارام همپزايا رئي زميواري پوري ڪرون، جيئي پگھون مُون مانھ ڪريا ڪرين مُون مانھ راکيھ. ⑧ پگھون مارو شائيد سئه جي ايسُو ڪريست مُون ننه تمون ٿي اتو پريم رڪايوه، جي هُون تمون ٻڏون ٿي ايسُو را زم پريم ڪرونھ.

⑨ ان مارئي پراٿنا اي سئه جي تمارو پريم گهڻام گهڻو وڌتو زائھ، ان تمارئي هاسي واتون هزميا رئي ان اوڙڪيا رئي هيئت پڻ وڌتئي زائھ، ⑩ زم هم ويدا ٿي تمون ننه ڪهر پڙنه جي ڪي نائوڪو سئه ان ڪي پونڌو سئه، ان هيوئه نموننه ايسُو ڪريست رنه وڙي پاسو آيا را ان نيا ڪريا را ڏي هُوڏي تمي صاق من را ٿيو ان ايوا ڪوم نه ڪرو جيا ٿي تمون مانھ ڪوئي الزوم لاڳنه. ⑪ پڻ تمي پگھون ري وات مانھ وينَ اُو نائوڪا ڪوم ڪرو جيا ايسُو ڪريست ٿي واسطو راکيا ري ڪري ٿنه، زم پگھون رو مُون ان وڪوڻ ٿنه.

پولوس رٺ قيدي تيا ٿي ايسو رٺي وات همپزيا ۾ گهڻو قائيدو ٿي

⑫ پايون ان پينون، هونءَ هونءَ تمون نءَ ڪٻر ڏيوا ڪرونه جي جئين ڪئين ڏورون مون نءَ قيدي هويا ري ڪري زڙيئھ، هايا ٿي ايسو را پارام ڪشي رٺي ڪٻر همپزيا ۾ نقصون نئين پڻ قائيدو ٿيوھ. ⑬ اتو گهڻو قائيدو ٿيوھ جي ايئنھ رومي قوج را گھڍ رون ٻڌون منڪون نءَ ان پيزون ٻڌون منڪون نءَ، ايئا وات رٺي ڪٻر پڙي گھيھ جي هون ايسو ڪريست را پارام همپزيا ري ڪري قيدي سون. ⑭ ان اي قائيدو پڻ ٿيوھ، جي وشواسي پايون ۾ گھڻا منڪ مارئ قيدي تيا ري ڪري پريو ايسو مانھ پڪو يقين ڪرين وڌيڪ هيئت ٿي پڪ وڳر پڳوون رو وچن منڪون نءَ همپزاووا مڏياھ. ⑮ ڪئينڪ تو مون مانھ ريشي ٻڙين آپري پالٽي نايا هارو هم ڪرئ ريا، توئي پڻ ڪئينڪ ايوا سئھ جيا پلائي ري ڪري ايسو ڪريست را پارام همپزاوئھ ريا. ⑯ اي منڪ مون ٿي پريم راڪين ايسو را پارام همپزاوئھ، ڪم تو اوئون نءَ ڪٻر سئھ جي پڳوون مون نءَ سوندين راڪيوھ زم هون ڪورٿ ۾ آپرا پارام ٻوليا رٺ توتئھ ايسو ري ڪشي ري ڪٻر را



پارام ٻولون. ⑰ پڻ او پيزا منڪ صاق من ٿي نئين پڻ آڀرو مون وڌاريا هارو ايسو ڪريست را پارام همپزاوئھ، ڪم تو او ام هزمئھ جي هيوئھ نمونئھ او مون نءَ قيدي ۾ وڌيڪ ڏڪ ڏئھ. ⑱ پڻ

هائي تو ڪئين وات نئي. موٽي وات تو اي سئھ جي هر نمونئھ، پلئھ آپرا مقصد هارو پلئھ ايسو ري شيوا هارو، منڪ ايسو ڪريست را پارام همپزاوئھ، ان هايا ٿي هون ڪش سون.

ان هون ڪش ريه، ⑲ ڪم تو مون نءَ پڪو يقين سئھ جي تماريون پراٿنائون

ري ڪري، ان ايسو ڪريست را ميلل پويتر آتما ري مدت ٿي ايٿا مارا ڪيس رو نتيجو اي ٿيشي جي هون قيد ٿي سوتي زائيه. (20) ماري اُميد ان پروسو اي سئ هون ڪيا ئي وات ۾ هيمنت هارين لازي نئين مرون، پڻ هميش را زم همئنه ايٿا ڪيس ۾ پڻ پوري هيمنت ٿي همپزاوين پورا من ٿي ايسو ڪريست رو مون وڌاؤون، پلئ هياتي هون ڪا مري زائون. (21) ڪم تو ماري حياتي رو مطلب سئ ايسو ڪريست ربي شيوا ڪروو. ان جي مري زائون، تو مارو آڀرو قائيدو سئ. (22) پڻ جي حياتي ريون، تو اي قائيدو سئ جي هون شيوا ڪري هيڪون. مون نئ ڪهر نئي پرتي جي بيئون موئين ڪي وڌارئ نائوڪو سئ. (23) هون تو بيئون وسا قاتل سون. مارو جيو ڪئ جي هون مري زائون ان آڪاش ۾ زائين ايسو ڪريست پيرو ريون، ڪم تو اي مون هارو گهڻو نائوڪو سئ. (24) پڻ تمون هارو مارئ حياتي ريوو گهڻو ضروري سئ. (25) هايا را پارام مون نئ پڪي ڪاتري سئ، تيام مون نئ ڪهر سئ جي هون حياتي ريه ان تمون ٻڌون نئ هيڪلا نئين ساڌون، زم ماري ڪري تمي وشواس راکيا ۾ وڌيڪ پڪا ٿيو ان وڌيڪ ڪشي ٿي وشواس راکو، (26) ان مارئ تمون ڪن وڙي آيا ري ڪري تمي ايسو ڪريست را گهڻا وڪوڻ ڪرو.

(27) ٻڌون ٿي ضروري وات اي سئ جي تمي ايوئ نمونئ وو جي ايسو ڪريست را پارام ڪشي ري ڪهر پرمونئ نيڪ سئ، زم هون تمون ڪن آوين اونڪيئي پاڙون، ڪا شينئ رين تمارا پارام هومپزون جي تمي آڀت ۾ هپ راکين وو، ان هيڪ من ٿين ايسو را پارام ڪشي ري ڪهر پرمونئ پوري ڪوشش ٿي وشواس راکتا ريو، (28) ان تمي ڪيا ئي وات ۾ آڀرئ ڪلاڦ منڪون ٿي نئي پيئاتا. هائي هيڪ ٿاپتي سئ جي جيا منڪ تمارئ ڪلاڦ سئ، اوئون نئ هميش ربي سزا زڙشي، پڻ تمون نئ تارڻ زڙشي، ان هائي ٻڌوئي ڪئين پگوون آپ ڪرشي. (29) ڪم تو پگوون تمون نئ ايسو ڪريست ري ڪري اي موقعو ڏيڏوه جي تمي نه رُوگو ايسو مانه وشواس راکو، پڻ اوئا هارو ڏڪ پڻ سهو. (30) هيوئ نمونئ

تمي همريئم تڪليب سهوه ريا، زم مئين تمارئه رُوپرو سهئي ان همئه پڻ سهونه ريو، زم تمي هومپزهه ريا.

ايسو را زم گريبي ٿي ويو

2 ① هوءَ ايسو ڪريست ري ڪري تمون نئه حونصلو زڙيوه، اوتا را پريم ٿي تمون نئه هيئت زڙيوه، پويتر آتما ري ڪري تمي آپت ۾ هپ راکوه، ان تمي ڏٺيا ان قياس ڪروه. ② تيام تمي مون نئه پورئه نمونه ڪش راکو ان آپت ۾ هيڪ من ٿين ريو. آپت ۾ پريم راکو، آپت ۾ هپ راکو، ان هيڪ من ٿين ريو. ③ تمي آپرو مون وڌاريا هارو ڪا آپري وڌائي ڪريا هارو ڪئين مت ڪرو، پڻ هيڪا پيڙا ٿي گريبي هون وو، ان پيزون رو آپ ٿي گهڻو مون راکو. ④ تمون موئين ٿي هر هيڪ رُوگو آپرا پارام نه سوچئه، پڻ هر هيڪ پيزون رو ڪيال پڻ راکه. ⑤ تمي ايوي سوچ راکو جيوي ايسو ڪريست رئي هتي.

⑥ او پگهون جيوو هتو، پڻ اوئه ام نه هزميو

جي هون پگهون هرڪو ٿين آپرو قائيدو زويئ.

⑦ پڻ اوئه آپرو قائيدو هاو ساڏيو،

ان منڪ ذات ٿين شيواڌاري جيوو ٿيو.

⑧ ان منڪ هوتون او گريبي ٿي وودو،

ان موت هودي، هوزي مانه مريا هودي پڻ،

پگهون را ڪيڏام ريو.


⑨ ان تيام پگهون اوتا نئه

بتون ٿي اونسليا درجا مانه راکيو،

ان اوتا نئه ايوو مون ڏيڏو

جيو پيزون بتون را مون ٿي وڌارئه سئه،

⑩ زم ايسو را مون ۾



آڪاش ۾، ڌرتي مانھ، ان ڌرتي هيٺ پڻ جيو ڪوئي ھوئ،
 اُو ٻڌائي ايسو ري پڳي پڙين اُوئا رئي پوزا ڪرئ،
 ⑪ ان ٻڌائي اي وات مونئ
 جي ايسو ڪريست پريو سئ،
 زم پڳوون ٻاپ را وڪوڻ تئ.

وشواسيون رءُ ايوا ناٿوڪا ٿيوو جيوارات را تارا ناٿوڪا ٺيڪائھ

⑫ ھيوئ نمونئ، مارون پريمي پايون ان بينون، زم تمې اڳي ھميش پڳوون
 را ڪيڏام رياھ، تم نہ رُوگو مارا آيا رئي وات زوئين پڻ ھمئ پڻ زئيون
 ھون تمون ڪن نئي، تمې اڳي ٿي وڌارئ پڳوون را ڪيڏام ريتا ريو، ان
 ھاسا من ٿي پڳوون رو مون راکين تارڻ را مارڳ مانھ ویتا ريو. ⑬ ڪم
 تو اُو پڳوون آپ سئ جيو تمارا من ۾ آپرو ڪوم ڪرين آپري مرضي مانھ
 وُڍا رو شونق پيدا ڪرئ ان ھم ڪريا رئي ھيمت ڏئ. ⑭ ٻڌوئي ڪئين
 جھيڙا جھڳڙا ان ڳلا ڪريا وڳر ڪرو، ⑮ زم تمون مانھ ڪوئي الزوم نہ
 ھئئ ان تمې ڪيا رو نقصون نہ ڪرو، ان تمې ايئا زمونا رون پُونڌون ان



ڪراپ ٿيل منڪون وسا
 پڳوون را پيڏوھي ٻاز
 ٿين وو. تمې ايئا ڏنيا
 رون منڪون نئ سوجھرو
 ڏيو، زم تارا انڌارام

سوجھرو ڏئ، ⑯ ان پڳوون را وچن مانھ ویتا ريو، جيا نئ مونين ھميش
 رو جيون زڙئ. ھيوئ نمونئ ايسو ڪريست رئ وڙي پاسو آيا رئ ان نيا ڪريا
 رئ ڏي ھون تماري ڪري آپرا پارام ڪشي ٿي ڪي ھيڪيھ جي مارئي حياتي

ڪيڪ ڪوم رئي ٿيڻ، ان مارئي شيوا ڪريا رئي مينت ڦائڻا واڙي ٿيڻ. (17) زئيون تمي وشواس راڪين آپ نئ پگوون را نوم مانھ ڏين پگوون رئي شيوا ڪروھ ريا، تو پلئھ مون نئھ موت رئي سزا زڙئھ ان هون آپرو جيو پگوون را نوم مانھ ڏيون، توئي پڻ تماري ڪري مارا من ۾ ڪشي سئھ ان هون تمون ٻڌون پيڙو ڪش سون. (18) هيا وات ري ڪري تمارون منون ۾ پڻ ڪشي ٿئھ ان تمي پڻ مون پيڙا ڪش ٿيو.

پولوس ٽيمٽيس ان ايفرڊئس نئ ميليا را پارام همپزاوئھ

(19) پريو ايسو مانھ پروسو راڪيا ري ڪري مارئي اُميد سئھ جي هون جلدِي ۾ ٽيمٽيس نئھ تمون ڪن ميلئھ، زم تمارا پارام ڪٻر پاڙيا ٿي مارئي هيئت وڌئ. (20) ڪم تو مون ڪن ٽيمٽيس جيوو پيڙو ڪوئي نٿي جيو هاس ۾ تمارو ڪيال راڪئھ. (21) ٻڌائي منڪ ايسو ڪريست ريون واتون مانھ نئين، پڻ آپريون آپريون واتون مانھ ڏيون ڏئھ. (22) پڻ تمون نئھ پوري ڪٻر سئھ جي ٽيمٽيس ڪيوو منڪ سئھ، زم ڏيڪرو آپرا ٻاپ پيڙو ڪوم ڪرئھ، تم اوئھ ايسو را پارام ڪشي رئي ڪٻر همپزيا ۾ مون پيڙي شيوا ڪريئھ. (23) تيام مارئي اُميد سئھ جي، زئيون مون نئھ ڪٻر پڙئھ جي مون مانھ ڪورٿ رو ڦينصلو ڪيوو ٿيشي، تئيون هون جهت ۾ ايئا نئھ تمون ڪن ميلئھ. (24) مون نئھ پريو ايسو مانھ پڪو يقين سئھ جي هون پڻ جلدِي ۾ تمون ڪن آويھ.

(25) پڻ مئين اي ضروري هزميو جي هون ايفرڊئس نئھ تمون ڪن پاسو ميلون. اي مارو وشواسي پائي سئھ، مون پيڙو شيوا ڪريا واڙو ان مون پيڙو پگوون را ڪيڏا مانھ وُڍا واڙو سئھ، ان تمي ايئا نئھ سوندين مون ڪن ميليو تو، زم اي ماري همٿوڪي ضرورت رئھ ٿوئھ مارئي شيوا ڪرئھ. توئي پڻ هون ايئا نئھ تمون ڪن پاسو ميلونھ ريو، (26) ڪم تو ايئا نئھ تمون ٻڌون ٿي مليا رئي سڪ سئھ، ان اي گٽيون ۾ سئھ ڪم تو تمي هومپزيوه جي او مونڏو سئھ.

27) اي هاسيئي وات سٺه جي اي مونڏو هتو، ان اي تو ايوو مونڏو هتو جي مريا مانه هتو. پڻ پڳوون ايتا مانه ڏٺيا ڪريي. پڳوون نه روڳو ايتا مانه ڏٺيا ڪريي، پڻ مون مانه پڻ ڏٺيا ڪريي، زم مون نٺه قيڏ را ڏڪ ۾ پيزو ڏڪ نه ٿه. 28) تيام مون نٺه گهڻو ڪيال ٿيو جي ايتا نٺه جلدتي تمون ڪن ميلون، زم ايتا نٺه وڙي ڏيڪين تمي ڪش ٿيو، ان مارو ڏڪ پڻ گهٽ ٿه. 29) تيام تمي وشواسي پائي ان بينون ايتا ٿي پوري ڪشي ٿي مليا، ان هيون منڪون رو گهڻو مون راکو، 30) ڪم تو اي ايسو ڪريست ري شيوا هارو آپرو جيو ڪترام نوڪين مريا واڙو هتو، زم مارئي شيوا جيي تمون ٿي پوري نه ٿي، اي آپ آوين پوري ڪرئ.

آپ مانه نئين پڻ ايسو مانه پروسو راکو

3 ① هوه، پايون ان بينون، پريو ايسو ٿي واسطو راکيا ري ڪري ڪش ريو. هون هائي هاڳي وات وڙي وڙي گهڻا شونق ٿي لڪونه، ان تمون هارو قائيڏا واڙي سٺه، ڪم تو هم ڪريا ٿي تمي نقصون ٿي پچي زاشو. ② اوتون يهودي منڪون ٿي هوشيار ريو، جيا ام شيڪارٿه جي تارڻ ليڏا هارو توهر ڪراوو ضروري سٺه. او تو ڪوترون جيوا ڪراپ سٺه، ان اوتون را ڪوم پڻ پونڏا سٺه. او ريت پرموٿه توهر ڪرايا ٿي آپ نٺه پڳوون ري مرضي مانه وويڏا واڙا هزمٿه، پڻ هاس ۾ او روڳا ڏيل نٺه واڊيا واڙا سٺه. تيام تمي اوتون ٿي هوشيار ريو. ③ ڪم تو اوتون، پڻ آبي پڳوون ري مرضي مانه وويڏا واڙا سون ان پڳوون ري نظر ۾ زوٿه توهر ٿيل سون، جيا پڳوون را ڏيڏل پويتر آتما ٿي پڳوون رئي شيوا ڪرونه ان ايسو ڪريست مانه پروسو راکين اوتا را وڪوڻ ڪرونه، ان آپ مانه ڪئين پروسو نٿي راکتا.

④ جي منڪ تارڻ ليڏا هارو آپ مانه پروسو راکي هيڪٽ، تو مارو آپ مانه پروسو راکيا رو گهڻو حق هوٽ. جي ڪوڪ ام سوچئه جي او آپ مانه

پروسو راڪي هيڪڻه، تو هُون آپ مانه اُوئا ٿي گهڻو پروسو راڪي هيڪونٽ. ⑤ زلميا رڻه اَنَمڻه ڏي مارئي توهه ٿئي، هُون اسرائيلي قُوم رو سون، بنيامين ري ذات ٿي سون، ٻاپ ڏاڏون ٿي پڪو عبراني سون، فريسي پالٽي رو منڪ ٿين مَوسِي رُون لڪل حُڪمون مانه سڪتي ٿي وُڍا واڙو هتو، ⑥ هُون آپرا يهُودي ڌرم مانه اتا شونق ٿي ويتو جي هُون وشواسي منڌري نڻه تنگ ڪرتو، ان هُون مَوسِي رُون لڪل حُڪمون مانه ايوڻه نمونڻه وُڍو جي مُون مانه ڪيڻه ڏوهه ڪريا رو الزوم نه هڻيو. ⑦ پڻ هائي ٻڌي واتون جيا نڻه اڳي هُون قائيڏا واڙي هڙمتو، ايسو ڪريست ري ڪري هايون نڻه مڻين نَقصون واڙي هڙمي. ⑧ جي پڻ واتون مُون نڻه ايسو ڪريست نڻه اوڙڪيا ٿي روڪڻه، هُون اُو ٻڌي واتون نَقصون واڙي هڙمونه، ڪم تو مارڻه پڙيو ايسو ڪريست ٿي واسطو راڪو ٻڌيون واتون ٿي موٽي وات سڻه. ايسو ڪريست ٿي واسطو راڪيا ري ڪري مارو هيويون ٻڌيون واتون مَر نَقصون ٿيوه. پڻ هُون هايون ٻڌيون واتون نڻه گهنڌڳي را زم هڙمونه زم مُون نڻه ايسو ڪريست ري ڪري اي قائيڏو زڙڻه، ⑨ جي هُون اُوئا ٿي واسطو راڪي هيڪون. هُون مَوسِي رُون لڪل حُڪمون مانه وُڍا ٿي پيڏوهي نئين ٿيون، پڻ مُون نڻه. تارڻ تيام زڙشي، ڪم تو هُون ايسو ڪريست مانه وشواس راڪونه ان پڳوون مُون نڻه وشواس راڪيا ري ڪري ماڦي ڏين ڏوهون ري سزا ٿي آزاد ڪرشي. ⑩ مارو روڳو اي مطلب سڻه جي هُون ايسو ٿي پورڻه نمونڻه واسطو راڪون، اُوئا رڻه جيوي اُونيا رڻي ڪڙا زوئين پورڻه نمونڻه اُوئا را زم وون، ان اُوئا ري ڪري پورڻه نمونڻه اُوئا را زم ڏڪ سهون. مارو مطلب اي سڻه جي زم ايسو پڳوون رو ڪيڏو مونين ڏڪ سهين مريو، تم هُون پڻ ايسو ٿي واسطو راڪين موت هُودي پڳوون رو ڪيڏو مونتو ريون، ⑪ زم ڪيوڻه پڻ نمونڻه آپرو مقصد پورو ڪرين هُون موت ٿي جيوي اُونون.

تارن لیذا ھارو پوري ڪوشش ٿي ویتا ريوو

⑫ ھوئہ ام نٿي جي مارو مقصد پورو ٿي گيوھ ڪا ھون ھايون واتون ۾ پڪو سون، پڻ ھون پوري ڪوشش ٿي آڳڙ وڌونھ زم ھون او مقصد پورو ڪرون، جيا ھارو ايسو ڪريست مون نئہ سونديوھ. ⑬ پايون ان پينون، ھون ام نٿي ھزمتو جي مٿين مارو مقصد پورو ڪري ليڏوھ، پڻ ھون روگو ام ڪرونھ، ھون ٿيل واتون نئہ ويھارين آيا واريون واتون ھارو پوري ڪوشش ٿي آڳڙ وڌونھ. ⑭ زم مقابلام انصاب ليذا ھارو ڊوڙيا وازو وونھڙ لمٽو نہ وارين ھومو زوئين ڌنگ ھوڏي ڊوڙئھ، تم ھون مرتون ھوڏي پوري ڪوشش ٿي آڳڙ وڌو ريونھ، زم مون نئہ آڪاش موئين ريا رو انصاب زڙئھ، جيا نئہ ليذا ھارو پگيون مون نئہ ايسو ڪريست ري ڪري آپ ٿي واسطو رکايوھ.

⑮ تيام آبي جيا پڪو وشواس راکونھ، آپئہ ھيوئي سوچ راکوو. پڻ جي تمي ڪياڪ وات ۾ پيزئہ نمونئہ ھزموھ جي تمي پيڏوھي سو، تو پگيون تمون نئہ ھاڻي وات پڻ ساوئي ڪرين ھزماوشي. ⑯ پڻ ڪاس وات اي سئہ، زتي واتون آبي ھزمونھ، اوئون واتون مانھ آپئہ ويوو ڪپئہ.

⑰ پايون ان پينون، تمي ٻڌائي پيزا ٿين مارا نمونا پرموئہ وو، ان اوئون منڪون نئہ زوئين اوئون را زم وو، جيا امارا ڏيڪاڙل نمونا پرموئہ وئہ. ⑱ ڪم تو گھڻا ايوا منڪ سئہ، جيون را پارام مٿين اڳي گھڻي وار تمون نئہ ڪيڏو تو، ان ھمئہ پڻ روتو روتو ڪونھ ريو، جيا ايسو ڪريست را ڏشمڻ سئہ ان اوئا مانھ وشواس نٿي راکتا جي اوئا رئہ ھوڙي مانھ مريا ٿي تارن زڙئہ. ⑲ ھيوون منڪون نئہ ھميش رو موت زڙشي. او ڏنيا رون منڪون رون ڪيالون مانھ وين پگيون ري جگا ۾ آپرا پيت را پارام سوچئہ، ان جيا را پارام اوئون رئہ شرم ڪروو ڪپئہ، اوئا را پارام آپرا وڪوڻ ڪرئہ.

⑳ پڻ آبي ايئا ڏنيا را منڪ نٿي، آبي آڪاش را منڪ سون ان آپئو آڪاش

۾ ریا رو حق سئہ. ان آپی تارن ڏیڏا واڙا پریو ایسو کریست رئی وات زوئونھ ریا، جیو آکاش ٿی آوشي. ②1 او آڻا ماتي را ڏیل یدلوشي، ان اوئا را آپرا مون واڙا ڏیل جیوا ناوشي. هائي كوم او آپري اوئا هاگي کڙا ٿي کرشي، جیا ٿي او ٻڌوئي کئن آپرا کيڏام را کي هيڪئہ.

هميش نائوکیون واتون مانھ ويوو

4 ① تيام، مارون پايون ان پينون، تمی جیا ماري کري وشواسي ٿياھ، تمی جيون ٿي هون پريم را کونھ ان جيون نئہ مليا هارو هون سکونھ، جيون ري کري مارا من ۾ کشي سئہ ان جیا ماري شيوا رو انصاڀ سو، مارون پريمي پايون ان پينون، همروم پریو ایسو ٿي واسطو را کين وشواس مانھ ویتا ريو.

② ٻائي یوئودیم، ان ٻائي سنخي، هون تمون پيئون نئہ منٿ کرونھ جي تمی پریو ایسو ٿي واسطو را کيا ري کري آڀت ۾ نهي زائو. ③ ان سڙگس، تون جیو آپرا نوم را مطلب پرموئئہ مون پیزو پگھون رئی شيوا کریام ایمونڌار سئہ، تون هايون پيئون نئہ منایا ۾ هايون رئی مدت کر. هائي بي زئيي ایسو را پارام کشي رئی کٻر همپڙایا ۾ مون پیزئي ڏوروڻ ۾ مينت کرئي، زم کلیمینس ان پيزي مون پیزو كوم کريا وازي پڻ مينت کرئي. هايون ٻڌون را نوم پگھون کن جيون را کتاب ۾ لکل سئہ، جیا موئين هميش رو جيون لیڏا وازون را نوم لکل سئہ.

④ پریو ایسو ٿي واسطو را کيا ري کري هميش کش ريو. هون وڙي کونھ، کش ريو. ⑤ تمی نرم طبيعت ٿي ايوئہ نمونئہ وو، زم ٻڌون منکون نئہ تماري نرمي رئی کٻر پڙئہ. پریو ایسو آيا وازو سئہ. ⑥ کيا پڻ وات رئی گنتي مت کرو، پڻ هر هيڪ وات ۾ پراٿنا ان منٿ کرين ٿورو مومين تمی پگھون ٿي وينتيي کرو. ⑦ ان پگھون ٿي زڙل شونتئي، جيي منکون رون ٻڌون کيالون ٿي قائيڏا وازئي سئہ، تمارئہ ایسو کریست ٿي واسطو را کيا ري کري تمارا من ان

تمارا ڪيال هر ڪراپ وات ٿي پڇاوين راکشي.

⑧ آکر ڀر، پايون ان پينون، زتي واتون هاسي سئ، زتي مون واري سئ، زتي انصاف واري سئ، زتي پويتر سئ، زتي نائوڪي سئ، زتي ميني سئ، جيويي پڻ پلائي هوئ، ان جئين ڪئين وڪوڻ ڪريا جيوو هوئ، ⑨ هايون واتون مانھ ٽمي ڏيون ڏيو. جي واتون ٽمي مون ٿي شيڪيه، ان هزميه، ان هومپزيه، ان مون ڀر ڏيڪيه، هايون ٻڌيون واتون مانھ وو. ان پڳوون، جيو من ڀر شونتئي ڏيڏا وازو سئ، او تمون پيڙو هوشي.

پولوس اِمدَاذَ هَارُو فِلِپِي شَهر رُون وَشَوَاسِيُون رُو ٿورو مَوْنَه

⑩ هُون پَرِيُو اِيسُو ٿي واسطو راکين گهڻو ڪش ٿيو، جي ٽمي نيٺ وري مارو ڪيال راکيو. ٽمي تو اڳي مارو ڪيال راکتا ٿي تا، پڻ تمون نئ مارئي مدت ڪريا رو ڪئين موقعو نه زڙيو. ⑪ هُون هم نئي ڪيتو ڪم تو مون نئ اِمدَاذَ رئي ضرورت سئ. ڪم تو مئين شيڪيوه جي جيويي پڻ مارئي حالت هوئ، پلئ نائوڪي هوئ ڪا ڪراپ هوئ، هُون اوڻا ڀر ڪش ريونھ. ⑫ مون نئ ڪڀر سئ جي گريبي ڀر ريوو ڪي سئ، ان موج ڀر ريوو ڪي سئ. مئين ڌرم رئي اي اونڌي وات شيڪيه، جي هر وات ڀر ان هر حالت ڀر، پلئ ڪائين ڍاپون ڪا پوکي مرون، پلئ موج ڀر هوئون ڪا مون ڪن ڪئين نه هوئ، توئي پڻ هُون ڪش ريونھ. ⑬ هُون اِيسُو ڪريست ٿي واسطو راکيا ٿي ٻڌوئي ڪئين سهي هيڪونھ، ڪم تو او آڀري ڪڙا ٿي مون نئ هيئت ڏئھ.

⑭ توئي پڻ ٽمي نائوڪو ڪريو، جي ٽمي مارا پائي ٿين ماري تڪليپ ڀر اِمدَاذَ ڏين مارئي مدت ڪريھ. ⑮ ان تمون نئ تو ڪڀر سئ، فِلِپِي شَهر رُون .وشواسيون، جي زنيون شروع ڀر ٽمي اِيسُو را پارام ڪشي رئي ڪڀر مون ٿي هومپزين موني ٿي، ان تيا ڪيڙ هُون تمارا مڪڏنيه صوپا ٿي گپوت پرو، تئينون ڀري ڪئي وشواسي منڌڙي مارئ شيڪاڙيا را هاڻا ڀر مارئي مدت نتئي ڪري،

پڻ رُوگهڻي تمي مارا پايي ٿين مارئي مدت ڪرئي ٿي. (16) زئيون هون تمون ڪن ٿين ٿيسلنيڪي شهر ۾ هتو، تئيون تمي وڙي وڙي مارئي ڪپ پورئي ڪريا هارو مون ڪن اِمڌا ميلئي. (17) ام نتي جي هون اِمڌا ليڌا هارو ڪرونه ريو. پڻ هون ايئا هارو ڪرونه ريو، جي زم وياز مانه پئيهها ڏيڌا ٿي پئيهون ۾ قائيڏو ٿه، تم تماره اِمڌا ڏيڌا ٿي تمون نئه پگهون رو آشيرواڏ زڙيا رو قائيڏو ٿه. (18) مون ڪن ٻڌوئي ڪئين سه ان هون موج ۾ سون. مارئي ڪاپئي پورئي ٿي گهيه، ڪم تو مون نئه ايفرڊئس ٿي تماري ميلل شينهنون زڙيه. هائي تمارئي ڪرل شيوا پگهون را نوم مانه ساڙل ڪشبو واڙا ڏونپ را زم سه، ان پگهون هايا ٿي ڪش ٿين قبول ڪرئ. (19) ان پگهون، جيا رئي شيوا هون ڪرونه، او آڀرا آڪاشي هڪ پرموئنه تماره ايسو ڪريست ٿي واسطو راڪيا ٿي تمارئي هر ڪاپئي پورئي ڪرشي. (20) آڀتا ٻاپ پگهون را وڪوڻ هميش هوڏي ٿيتا ره! آمين.

پولوس فليپي شهر رون وشواسيون ٿي موڪلاوئھ

(21) تمي اوئون ٻڌون نئه نمسڪار ڪيا، جيا ايسو ڪريست ٿي واسطو راڪين پگهون را سونڊل منڪ سه. جيا وشواسي پائي مون پيڙا سه، او تمون نئه نمسڪار ڪئ. (22) ٻڌائي پگهون را سونڊل منڪ، ڪاس ڪرين او جيا رومي حڪومت ري نوڪري ۾ سه، او تمون نئه نمسڪار ڪئ. (23) پريو ايسو ڪريست تمون ٻڌون مانه ڪريا ڪرئ!

ڪُلَسِيون را نوم مانه لکل کت رِي هزموتِي

کت لکيا وازو

اي کت پولوس لکيو، ان تيمٽيس اوثا پيڙو هتو (ڪُلَسيون 1:1). ام لاڳهه جي اوت توتڻه لکيو زئيون او پرهين وار روم شهر موئين رومي حڪومت رو قيدي هتو (ڪُلَسيون 3:4). اوتڻه پيئون سالون هُوڏي مسواڙ مانه ليدل گهر موئين قوج را پاهرام ريتو (مڪ شيلون را ڪومر 16:28، 30). زئيون پولوس نڌ کبر پڙي جي ڪُلَسِي شهر رون وشواسيون نڌ ڪئينڪ منڪ ڪُوڙي واتون شيڪاڙهه ريا، تعيون اوت اي کت، اندازام 60ع م. اوتون نڌ لکيو. ايتا کت پيڙو پولوس فليمون نڌ پڻ کت ميليو، جيو اوت ري وشواسي منڌڙي رو منڪ هتو.

کت ڪيون منڪون هارو لکيو

پولوس اي کت ڪُلَسِي شهر رون وشواسي منڪون هارو لکيو (ڪُلَسيون 2:1). ڪُلَسِي شهر رون منڪون نڌ ڪُلَسِي ڪيتا، ڪُلَسِي اسد صويا رو هيڪ شهر هتو. اوثا شهر موئين ڪئينڪ يهودي قوم را منڪ هتا، پڻ گهڻا منڪ ڌاري قوم را هتا، پولوس آپ ڪُلَسِي شهر موئين نڌ گيو، پڻ اوت ترڻ سال اوثا صويا را افسس شهر موئين ايسو را پارام همپزابو (مڪ شيلون را ڪومر 1:19-1:20). اوتڻه ايفراس نومي منڪ وشواسي ٿيو، ان اوت ڪُلَسِي شهر موئين زائين اوت رون منڪون نڌ ايسو را پارام همپزابو (ڪُلَسيون 7:1). ان او ايفراس آپ هتو. جيئڻه پولوس ڪن زائين ڪُلَسِي شهر رون وشواسيون را پارام همپزابو (ڪُلَسيون 8:1). پولوس اي کت لوڊيڪه شهر رون وشواسون نڌ پڻ پيڻ همپزابا رو ڪيڏو (ڪُلَسيون 16:4).

کت لکيا رو مطلب

پولوس اي کت ايتا هارو لکيو، ڪم تو منڪ وشواسيون نڌ اي ڪُوڙي واتون همپزواتا ريا، جي روڳو ايسو مانه وشواس راڪيا ٿي تارڻ نئين زڙهه، پڻ وشواسيون رڻ موسي رون لکل حڪمون مانه پڻ ويو (مثال کاڌا، پرپون، ان توهر وازيون واتون مانه ويو). آڪاشي ڏوتون رِي پوزا ڪروو، ان ڪئينڪ کاس گيون پڻ شيڪوو. پولوس هزمائوهه جي هايون واتون مانه ن ويو پڻ روڳا ايسو ريون واتون مانه ويو. ڪم تو ايسو ٻڌون ٿي موتو سڻ ان روڳو ايسو ٿي واسطو راڪيا ٿي گيون ان تارڻ زڙهه.

اینا کتاب را شاستر تی پیزا حوالا:

کُلسیون 7:4 افسیون 21:6	کُلسیون 1:1 کوم 19-1:9
کُلسیون 9:4 فلیمون 16-8:1	کُلسیون 1:1 کوم 3-1:16
کُلسیون 10:4 کوم 29:19	کُلسیون 1:1 کوم 4:20
کُلسیون 10:4 کوم 4:20	کُلسیون 7:1 فلیمون 23:1
کُلسیون 10:4 کوم 2:27	کُلسیون 24:1 کوم 16:28
کُلسیون 10:4 کوم 25:12	کُلسیون 25:1 کوم 19-1:9
کُلسیون 10:4 کوم 13:13	کُلسیون 11:2 پیدایش 14-9:17
کُلسیون 10:4 کوم 39-37:15	کُلسیون 14:2 احبار 34:27-1:1
کُلسیون 10:4 فلیمون 24:1	کُلسیون 14:2 عبرانیون 13-7:8
کُلسیون 12:4 کُلسیون 8-7:1	کُلسیون 14:2 عبرانیون 18-1:10
کُلسیون 12:4 فلیمون 23:1	کُلسیون 16:2 احبار 47-1:11
کُلسیون 14:4 کوم 2:27	کُلسیون 16:2 مرقس 19-18:7
کُلسیون 14:4 کوم 16:28	کُلسیون 16:2 احبار 44-1:23
کُلسیون 14:4 فلیمون 24:1	کُلسیون 16:2 1 تواریخ 31:23
کُلسیون 17:4 فلیمون 2:1	کُلسیون 16:2 متی 8-1:12
کُلسیون 18:4 کوم 16:28	کُلسیون 3:4 کوم 31, 16:28
	کُلسیون 7:4 کوم 4:20

کُلسیون

را نوم مانه پولوس رو لکل کت



1 ① هُون لکيا وازو پولوس سون، جيو پگوون ري مرضي پرموئنه ايسو کريست رو هيک مک شيلو سون. اي کت مارا پاها ٿي ان آپنا وشواسي پائي تيمٿيس را پاها ٿي لکل سئه.

2 ② کلسي شهر رون پريمي وشواسي پايون ان پنون، تمی جيا پگوون را سونيدل منک سو ان ايسو کريست ٿي واسطو را کين پکو وشواس را کوھ، پگوون آپنو باپ تمون مانه کُريا کرئه ان تمون ننه هکي را کئه!

پولوس ڪلسي شهر رن وشواسيون هارو پڳوون رو ٿورو مونته ان پرائنا ڪرته

③ امي هميش اپنا پريو ايسو ڪريست را باپ پڳوون رو ٿورو مونونه زئيون امي تمون هارو پرائنا ڪرونه، ④ ڪم تو امي هومپزيوه جي تمي ايسو ڪريست مانه ڪيوو پڪو وشواس راکوه، ان پڳوون رن ٻڌون سونيل منڪون ٿي ڪيوو نائوڪو پريم راکوه. ⑤ تمي ايوو وشواس ان ايوو پريم ايئا هارو راکوه ڪم تو تمارو پروسو سئه جي تمون هارو آڪاش موئين هڪ تيار سئه. هيا آڪاشي هڪ را پارام تمي هاسا وچن ۾ هومپزيو، زئيون ايسو را پارام ڪشي رئي ڪهر پيرهين تمون ڪن پوگهي. ⑥ زم پيز ٿي فصل ٿهه، تم اي ڪشي رئي ڪهر پوري دنيا ۾ نائوڪو اثر ڪرته رئي ان پڪرته رئي، جيوئه نمونته اونا ڏي ٿي لين تمون ڪن پڻ اثر ڪرته رئي ان پڪرته رئي، جيڏي تمي هومپزيو ان تمون نئه پوري ڪهر پڙي جي هاس ۾ پڳوون منڪون مانه ڪيوئي ڪريا ڪرته. ⑦ اي ڪشي رئي ڪهر تمي امارا پريمي پائي ايفراس ٿي شيڪئي، جيو امون پيزو پڳوون رئي شيوا ڪرته. او ايمونڌاري ٿي تمون هارو ايسو ڪريست رو شيواڌاري سئه، ⑧ ان اوئه امون نئه تمارا پريم را پارام همپزيو، جيو پريم پويتر آتما تمون نئه ڏيڏوه.

⑨ تيام، زئيون امي تمارا پارام هومپزيو، اونا ڏي ٿي لين امي تمون هارو هميش پرائنا ڪرتا ريونه، ان پڳوون ٿي وينتئي ڪرونه جي او پويتر آتما ري ڪرا ٿي تمون نئه پوري عقل ان هزم ڏهه زم تمون نئه پڳوون ري مرضي رئي پوري ڪهر پڙهه. ⑩ امي ايئا هارو وينتئي ڪرونه، جي زم پريو نئه وٺه هم تمي وو، ان هر وات ۾ اونا نئه ڪش ڪرو. زم پيز ٿي فصل ٿهه، تم تمارو وشواس تمون موئين نائوڪو اثر ڪرته ان وڌه، ان تمي هر نائوڪو ڪوم ڪرو ان پڳوون ٿي پورهه نمونته واسطو راکيا ۾

آگڙ وڌو. ⑪ ڀڳوونَ آپري عجيب ڦڌرت پرموئنه تمون ننه ٻڌي ڪڙا ٿي هيئت ڏٺ، زم تمي هر ڏوروڻ سهو ان منڪون ٿي صير راکو، ان ڪشي ٿي ⑫ تمي ڀڳوونَ ٻاپ رو ٿورو مونو، جيئنه تمون ننه ايٺا رنه لائيق ڪرياه جي تمي ڀڳوونَ رون پيزون سونڍل منڪون پيڙا آڪاشي سوجها موئين اوٺا رو وائڏو ڪرل هڪ ليو. ⑬ اوئنه آپون ننه شيطونَ را اندارا واڙا قوڙا ٿي سڏايه، ان آپرا پريمي ڏيڪرا ايسو را راز موئين اوٺياه. ⑭ ايسو ري ڪري آبي ڏوهون را قوڙا ٿي آڙا ٿياه، مطلب آپون ننه ڏوهون رئي ماقئي زڙيئھ.

ڀڳوونَ ايسو ننه ٻڌون ٿي گهڻو مون ڏيٺوھ

⑮ ايسو ان ڀڳوونَ ٻي ئي هيڪ را هيڪ سئھ،

ان جي واتون ان ڏيڪل ڀڳوونَ موئين سئھ
 او واتون ايسو موئين ساوي ڏيڪاڙل سئھ.

جئين ڪئين ڀڳوونَ رو ناوڻ سئھ،
 ايسو اوئون ٻڌون ٿي موٽو سئھ
 ان اوٺا رو حق ٻڌون مانھ سئھ.

⑯ ڪم تو ڀڳوونَ ٻڌوئي ڪئين ايسو ري ڪري نايو،

جئين ڪئين آڪاش مانھ سئھ ان جئين ڪئين ڌرتي مانھ سئھ،
 جئين ڪئين ڏيڪل سئھ ان جئين ڪئين ان ڏيڪل سئھ،
 جيا رو پڻ راز، ڪڙا، آڳيونئي، ڪا اڪتيارئي سئھ،
 پلئھ آڪاشي ڏوت، ڪا پوت، ڪا ڏيو ڏيوٽونا هوئھ.
 ڀڳوونَ ايسو رنه هيئنه ايسو هارو ٻڌوئي ڪئين نايو.

⑰ ايسو آپ ٻڌون ٿي مور هتو،

ان ايسو ري ڪري ٻڌوئي ڪئين ويتو رئھ.

⑱ ان ايسو آپ وشواسي مندڙي مانھ سئھ،

زم ماٿو ڏيل مانھ سئھ.

ايسو وشواسي مندڙي نئھ نايا واڙو سئھ.

او ٻڌون ٿي موتو سئھ ان اوتا رو حق ٻڌون مانھ سئھ،

ڪم تو او ٻڌون ٿي مور مرلون موئين ٿي جيوي اونيو،

زم او هر وات ۾ آڳڙ هوئھ.

⑲ ڪم تو پڳوون آپري ڪشي ٿي اي قينصلو ڪريو

جي ٻڌي واتون جي آپ موئين سئھ،

او ٻڌي ايسو موئين هوئھ،

⑳ زم او ايسو رئھ هيلئھ ٻڌون ٿي منومئا ڪرئھ.

ايسو آپرو جيو هوزي مانھ ڏين آپرا لويي ٿي

پڳوون را ان منڪون را آپت ۾ منومئا ڪريا.

ان هيئھ نمونئھ جيئن ڪئين ڌرتي مانھ سئھ،

ان جيئن ڪئين آڪاش مانھ سئھ،

پڳوون ايسو رئھ هيلئھ اوئون ٻڌون ٿي منومئا ڪريا.

㉑ اڳي تمي پڻ تمارون ڪراپ ڪومون ري ڪري پڳوون ٿي رينهال هتا،

ان آپرا من ۾ اوتا ٿي وير راکتا. ㉒ پڻ هوئھ پڳوون ايسو رئھ منڪ ٿين مريا

ٿي تمون ٿي منومئا ڪرياھ، زم تمون نئھ پويتر، پيدوهي ان الزوم ووٿا آپ

هو ما اوپاڙئھ، ㉓ جي تمي پڪو وشواس راکين پوري هيمنت ٿي وشواس مانھ

ويتا ريو، ان آڪاشي هڪ ليڏا رو پروسو راکتا ريو، جيا را پارام تمي ايسو

ري ڪشي ري ڪبر ۾ هومپڙيوھ. اي ايسو را پارام ڪشي رئي ڪبر پوري ڏنيا ۾

ٻڌون منڪون ۾ همپڙاول سئھ، ان هون پولوس هائي ڪشي رئي ڪبر همپڙايا هارو

شيواداري راکل سون.

نڪ تڪليپون سهينَ

ايسو را پارام ڪشي رئي ڪبر ٻڌون نئه همپزاوَوو

24) همئنه هون ايتون ڏڪون مانھ ڪش سون، جيا هون تمون هارو سهونھ ريو، ان زم ايسو ڪريست تڪليپون سهي، تم هون آپ وشواسي منڌڙي هارو، جي ايسو را ڏيل را زم سئ، مارا آڀرا ڏيل مانھ او ٻڌي تڪليپون سهونھ ريو، جي ايسو ري ڪري سهو پڙشي. 25) هون وشواسي منڌڙي رو شيواڌاري ٿيوھ، ڪم تو پگھون مُون نئه آڀرا ايٺا ڪوم مانھ تمون هارو راکيوھ، جي هون پگھون رو وچن ٻڌون منڪون نئه پورئہ نمونئہ همپزاوون. 26) مطلب، هون پگھون رئي اي اونڌي وات همپزاوون جي پگھون دنيا را شروع ٿي لين هر زمونا رون ٻڌون منڪون ٿي هٿاڙين راکئي ٿي، پڻ همئنه آپرون سونڊل منڪون ڪن ساوي ڪريھ. 27) پگھون رئي مرضي هٿي جي او آپرون سونڊل منڪون نئه ڪبر ڏئه جي اي اونڌي وات ڌاريون فومون هارو ڪيوئي موتي ان مون واڙي وات سئ. ان او وات اي سئ، جي ايسو ڪريست تمون ڌاري قوم واڙون را من موئين رئ، جيا ٿي پروسو ٿھ جي تمون نئه آڪاش موئين مون زڙشي. 28) امي ايسو ڪريست را پارام هر هيڪ منڪ نئه همپزاوونھ، ان پوري عقل ٿي هر هيڪ منڪ نئه هزماوين شيڪاڙونھ، زم امي هر هيڪ منڪ نئه پگھون هومو ايسو ڪريست ٿي واسطو راکيا ٿي وشواس ۾ پڪو اوڀاڙون. 29) ايٺا هارو هون پڻ گهڻي ڪوشش ٿي پگھون ري ڏيڏل هيئت پرمونئہ مينت ڪرونھ، جي هيئت پگھون آڀري ڪڙا ٿي مُون نئه ڏيتو رئھ.

2 1) ماري مرضي سئ جي تمون نئه ايٺا وات رئي ڪبر هوئ، جي هون تمون هارو، ان لوديڪيه شهر واڙون هارو، ان اوئون ٻڌون وشواسيون هارو جيئي مُون نئه ڪيڏي نه ڏيڪيو، ڪتئي ڪوشش ڪرونھ، 2) زم پريم ان هپ موئين ريا ٿي تمون ٻڌون نئه حوصلو زڙئ، ان تم پورئہ نمونئہ پڪي ڪاتري ٿي پگھون

رئي مون واڙي اوندئي وات هڙمو ان اونا رئي پوري ڪهر پاڙو. اي اوندئي وات ايسو ڪريست آپ سئ. ③ زم منڪ ڪيٽڪ ملڳت هٿاڙين راکهه، تم پڳوون هڙم ان گيون ري ٻڌي واتون ايسو موئين هٿاڙين راکيهه، ان ايسو نئه اوڙڪيا ٿي او ٻڌي ساوي ٿهه.

④ هون هائي واتون ايٺا هارو ڪونه ريو جي ڪوئي منڪ تمون نئه نائوڪي نائوڪي واتون همپڙاوين تمون نئه ڌوڪو ڏين ڪوڙيون واتون مانه نه ويوراوئه. ⑤ پلئه هون تمون پيڙو نٿي، توئي پڻ مارو جيو تمون پيڙو سئ، ان هون ڪش سون ڪم تو مون نئه ڪهر سئ جي تمي جهيڙا وگر هپ ۾ ريوه ان ايسو ڪريست مانه پڪو وشواس راکوه.

منڪون ري ڪوڙي واتون ساڏين

رُوڳو ايسو ڪريست ريون واتون مانه ويوو


⑥ تمي ايسو ڪريست نئه آڀرو پريو ڪرين اونا مانه وشواس اوٿيوه، تيام تمي ايسو ٿي واسطو راکين وو. ⑦ زم وڻ زمي موئين پاڍون هئين وڌهه، ان زم گهر پنيآڌ مانه نههه، تم تمي ايسو ڪريست ٿي واسطو راکين آڳڙ وڌو ان پوري هيئت ٿي اونا وشواس مانه ويتا ريو، جيا را پارام تمون نئه شيڪاڙيوه، ان هميش پڳوون رو ٿورو مونتا ريو.



⑧ ڌيون راکيا جي ڪوئي منڪ تمون نئه منڪون ري سوچ ري نالي ان ڪوڙي واتون شيڪاڙين تمون ٿي ڌوڪو ڪرين آڀري وات ۾ نه ڦٽراوئه. هيوي واتون منڪون ريون ريتون روازون پرموٽه سئ. او ايٺا ڏنيا ري سوچ ان اصولون پرموٽه سئ، پڻ ايسو ڪريست را پارام شيڪاڙل هاسيون واتون پرموٽه نٿي. ⑨ ڪم تو جي واتون پڳوون موئين سئ، او ٻڌي واتون ايسو ڪريست موئين منڪ را رُوپ ۾ سئ، ⑩ ان ايسو ٿي واسطو راکيا ٿي تمون نئه پيڙي ڪيا پڻ

وات رڻي ضرورت نٿي، ڪم تو جيو پڻ آڳيوونڻي ان اڪتبارڻي راڪڻه، ايسو اوتون ٻڌون مانھ ڌڻي سئھ، پلئھ آڪاشي ڏوت، ڪا پوت، ڪا ڏيو ڏيوٽونا هوئھ. ⑪ ايسو ٿي واسطو راڪيا ٿي تمڀي پڳوون را سونڍل منڪ ٿياھ، ان زوئئھ تماڻي توھر ٿيھ. هون ايوي توھر را پارام نٿي ڪيتو زئيون منڪ ڏيل رو توڙڪوڪ ٽڪرو واڍين ڪتم ڪرئھ. پڻ ايئا را پارام ڪونھ ريو، جي ايسو ڪريست توھر را مثال پرموئئھ تماڻا ڪراپ ڪيال ان ڪراپ ڪوم ڪتم ڪرياھ، ان زوئئھ توھر ڪرين تمون نئھ پڳوون را سونڍل منڪ ناياه. ⑫ هاڻي وات تڻيون ٿي، زئيون تمڀي پويتر سنون ليڏو. اوئھ توئئھ پڳوون تماڻو زونو وويو رو نمونو ڪتم ڪرين زوئئھ تمون نئھ ايسو پيڙا مقوم ڀر پورياھ، ان تمون نئھ نوا نمونا را منڪ ناوين زوئئھ تمون نئھ ايسو پيڙا جيوي اوناڙياھ، ڪم تو تمڀي پڳوون ري اوتا ڪڙا مانھ يقين راڪيو تو، جيا ڪڙا ٿي پڳوون ايسو نئھ مرلون موئين ٿي جيوي اوناڙيو تو.

⑬ اڳي تماڻو پڳوون ٿي واسطو نه هويا ري ڪري تمڀي ڌاري قوم واڙا مرل را زم هئا، ڪم تو تمڀي پڳوون رون حڪمون مانھ نه ويتا ان تمڀي پڳوون ري سونڍل اسرائيلي قوم را ان توھر ڪرل نٿا. توڻي پڻ پڳوون تمون نئھ زوئئھ ايسو پيڙا جيوتا ڪرين نوڻي حياتي ڏيڏي. پڳوون اپون نئھ اوتا رون حڪمون مانھ نه وويو رڻي ماڻهي ڏيڏي. ⑭ ام هڙموو جي او ڪاڳڙ جيا مانھ اپئا ڏوه لڪل هئا، مطلب مَسِيءَ را ٻڌائي لڪل حڪم جيا اپئا ڏوه ڪاڍتا، اوتا ڪاڳڙ مانھ لڪل ڏوه پڳوون ڏوڙيا پرا، ان او ڪاڳڙ ايسو ري هوڙي مانھ ميڪ ٿي هڻين اپون ٿي هيڪل ڪريو پرو. ⑮ پڳوون اپرئھ ڪلاڪ ٿيل آڪاشي ڏوتون ٿي جيتيو، جيا شيطون ان اوتا را پاها را پوت سئھ، ان هايون رڻي ڪڙا آپ ٿي



هيٺ راڪڻي. ان اي وات اوئھ ٻڌون نئھ ساوڻي ڏيڪاڙي زئيون ايسو رئھ هوڙي مانھ آڀرو جيو ڏيڏا ٿي هايون نئھ هرايا ان زوئئھ قيڏي ٿيل ٻڌون هوما ڏيڪاڙيا.

16) تيام، جي ڪوئي تمون مانھ الزوم ھئڻه جي تمي ڦلوثي شينھ ڪم ڪاٺوھ ان ڦلوثي شينھ ڪم پيٺوھ، ڪا تمي پرھون، سنڌر رو ڏي، ڪا پويتر ڏي ڪم نتجي راڪتا، تو اونا ري وات مانھ ڏيون مت ڏيا. 17) ڪم تو جيا حڪم هايون واتون را پارام لڪل ھتا، او آيا وازا وڪت رئي ڪبر پاڙيا ھارو ھتا، پڻ ھمئڻه او وڪت آيوھ رو. او واتون سونئيا را زم ھتي، پڻ جيا رو سونئيو ھتو، او ايسو ڪريست آپ سئھ. 18) جيا منڪ رو شونق اي سئھ، جي او آپ نئھ گريبي ٿي وودا وازو ڏيڪاڙئھ ان آڪاشي ڏوتون رئي پوزا ڪرئھ، جي او تمارئھ ھم نہ ڪريا رو ڏوھ ڪاڏئھ، تو اونا ري وات مانھ ڏيون مت ڏيا، ڪم تو ايوو منڪ آپري وات رئي اي ٿا پيئي ڏئھ جي پگھون ڪا آڪاشي ڏوتي اونا نئھ ڏيڪاڙا ڏيڏاھ، پڻ ھاس یر او آپرون ڪراپ سوچون ان ڪيالون پرموئھ امھي آپري وڌائي ڪرئھ. 19) ايوو منڪ ماتا ووتا ڏيل را زم سئھ، ڪم تو او آپرا ڏئي ايسو ڪريست را ھاسا وشواس مانھ نتجي ويتو. زم ماتا را ڪيڏا پرموئھ پورو ڏيل جوڙون ان نوزون ٿي ملين ڏاڍو ٿين وڌئھ، تم ايسو ڪريست را ڪيڏا پرموئھ پوري وشواسي منڌڙي پگھون ري مرضي پرموئھ وڌتي زاشي.

ڏنيا را ڪيال ساڌين پگھون را ڪيال راڪو

20) زئيون تمي ايسو ڪريست ٿي واسطو راڪيو تو، جيو مري گيو تو، تئيون تمي پڻ زوئڻھ ايسو پيڙا مري گيا تا، ان ايٺا ڏنيا ري سوچ ان اصولون ٿي سوتي گيا تا. تيام تمي ڏنيا رون پيزون منڪون را زم هايون اصولون مانھ ڪم ووھ ريا؟ 21) ڏنيا را اصول ايوا سئھ، ”ڦلوثي شينھ نئھ مت سبيا،“ ”ڦلوثي شينھ مت ڪايا،“ ”ڦلوثي شينھ مت ليا.“ 22) پڻ ھائي ٻڌي شينھون ڪنھ ٿيا وازي سئھ ان منڪون را واپرايا ھارو سئھ. ان ھائي ٻڌائي حڪم روگا منڪون را ناوڻ سئھ ان منڪون ري شيڪاڙل واتون سئھ. 23) منڪ ام ھزمشي تو ڪري، جي ھائي واتون عقل وازي سئھ، ڪم تو هايون واتون مانھ وين منڪ آپرا ناوڻ نمونا پرموئھ

پوڙا ڪرڻ، آپ ننه گهريبي ٿي وُڍا وازا ڏيڪاڙڻ، ان آپرا ڏيل ننه تڪليب ڏهه. پڻ هاس ۾ هايون واتون مانه وُڍا ٿي آپرا ڪراپ ڪيال قابوم راکيا ۾ ڪئين قائيدو نٿي ٿيتو.

3 ① زئيون تمي ايسو ڪريست ٿي واسطو راکيو تو، جيو جيوي اونيوه، تنيون پگهون اونا پيڙا تمون ننه پڻ زوڻه جيوي اوناڙيا. تيام تمي پگهون ريون آڪاشي واتون مانه ڏيون ڏيتا ريو، ڪم تو ايسو ڪريست اوڻه آڪاش موئين پگهون ره زمڻه پاهنه مون ۾ پيئل سهه. ② تمي دنيا ريون واتون مانه نئين، پڻ پگهون ريون آڪاشي واتون مانه ڏيون ڏيو. ③ ڪم تو وات ام سهه، تمي تو زوڻه مري گياھ ان تماري ڪراپ حياتي ڪتم ٿي گهيھ، ان هوئه تمي ايسو پيڙا پگهون ٿي واسطو راکوه، ڪم تو پگهون تمون ننه زوڻه جيوي اوناڙين آپ ڪن ايسو پيڙا آڪاش ۾ راکياھ. پڻ هائي تماري نوي حياتي همڻه هتال سهه. ④ پڻ زئيون پگهون ايسو ڪريست ننه ايئا جگت ۾ پاسو ميلين ساوو ڪرشي، جيا ٿي واسطو راکيا ري ڪري آپون ننه اي نوي حياتي زڙه، تنيون او تمون ننه پڻ ايسو پيڙا زبڪتا سوجهرا ۾ ساوا ڪرشي.

⑤ تيام تمي آپري ايئا دنيا ري ڪراپ واتون ڪتم ڪرو پري. پوندو ڪوم، لوقرائي، پونڌي نظر، ڪراپ ڪيال، ان لالچ جئي مورتي پوزا جيوي ڪراپ سهه، ڪم تو لالچي منڪ پگهون رو ڪيال ساڏهه ان رُوگو شينهنون رو ڪيال ڪرڻ، هائي ٻڌي واتون تمي ساڏو پري. ⑥ ڪم تو جيا منڪ هايون واتون ۾ سهه، پگهون اوئون ننه سزا ڏيشي. ⑦ اڳي تمي پڻ هائي ڪوم ڪرتا، زئيون تمي هيوي حياتي گذارتا. ⑧ پڻ هوئه تمي پڻ وير، رينه، دشمني، گلا، ان گازيون، ايئون ٻڌيون واتون ننه ساڏو پري. ⑨ تمي هيڪا پيڙا ٿي ڪوڙ مت ڪرو، ڪم تو تمي آپرا زونا ڪيال ان ڪوم ساڏياھ پرا، ⑩ ان تمي نوا منڪ ٿياھ. ان پگهون جيئنه تمون ننه نوا ڪرياھ، او تمون ننه آپ جيو نائوڪون ۾ نائوڪا ڪرتو ره، زم تمي اونا ننه پورنه نموننه اوزڪو. ⑪ زئيون منڪ نوو ٿيل سهه، تنيون ڪئين

وات ئي نٿي جي اُو يهودي قوم رو سٺه ڪا ڌاري قوم رو سٺه، توهه ڪرل سٺه ڪا توهه نٿي ڪرل، جهنگلي قوم رو سٺه، ظلمي قوم رو سٺه، گُلمو سٺه، ڪا آزاڏا سٺه. هُوڻه هائي واتون موتي نٿي. رُوگهو ايسو ڪريست موتو سٺه، ان اُو ٻڌون وشواس راکيا وازون را من موئين رهه.

⑫ پڳوون تمون نٺه آپرا پويتر منڪ نايا هارُو سوندياه ان تمون ٿي پريم ڪريوه، تيام تمي قياس ڪرو، ميرپونئي ڪرو، گريبي ٿي وو، نرمي ٿي وو، منڪون ٿي صير ڪرو، ⑬ ان جي ڪوڪ تمارو ڏوه ڪرئ، تو اونا ٿي مت وڙگائو، پڻ هڪا پيزا را ڏوه ماق ڪرو. زم پريو ايسو تمارا ڏوه ماق ڪرياه، تم تمي پڻ هڪا پيزا را ڏوه ماق ڪرو. ⑭ ان هايون ٻڌيون واتون پيڙو هڪا پيزا ٿي پريم پڻ راکو، زم پورئ نمونئه آپت موئين ٻڌئي راکين ريو. ⑮ ايسو ڪريست تمون نٺه آپت موئين هپ راکيوه، تيام تمي هڪا پيزا ٿي هپ راکتا ريو، ڪم تو پڳوون تمون نٺه ايئا هارُو سوندياه جي تمي هڪا ڏيل را زم وشواسي منڌڙي ۾ هڪا پيزا ٿي هپ ۾ ريو. ان تمي پڳوون رو ٿورو مونتا ريو. ⑯ تمي ايسو ڪريست رو وچن پورئ نمونئه آپرا من موئين راکين مونتا ريو، ان هڪا پيزا نٺه پوري عقل ٿي هڙماوتا ان شيڪاڙتا ريو، ان آپرا من موئين پڳوون رو ٿورو مومين شاستر را پزن، پيزا پزن، ان وشواسي گيت گاوتا ريو.

⑰ جيئن ڪئين ڪوم ان وات تمي ڪرو، اُو ٻڌو ڪئين تمي پريو ايسو را نوم مانه ڪرو، ان اُوڻه ٿوڻه ايسو رٺه هيلئه پڳوون ٻاپ رو ٿورو مونتا ريو.

وشواسيون رٺه آپرا گهر رون منڪون ٿي ڪيوڻ نمونئه ويوو

⑱ ڏوشيون، تمي آپرا آدمي ري مرضي مانه وو، زم پريو ايسو مانه وشواس راکيا وازيون هارُو نيڪ سٺه.

⑲ آدميون، تمي آپري ڏوشي ٿي پريم راکو، ان اونا ٿي سڪتي هون مت وو.

⑳ ٻاڙون، تمي هر وات ۾ آپرا مان ٻاپ رو ڪيڏو مونو، ڪم تو تمي پريو


ايسو مانھ وِشواس راکوھ ان مان ٻاڻ رو ڪيڏو مونيا ٿي پڳوون کُش سئھ.
 ① مائيترون، تمی آڀرون ٻاڙون نئھ ٿوڙي وات مانھ گھڻا مت وڙگائو، نڪا
 ٻاڙ ھيمنت ھارشي.

② گُلمون، تمی ھر وات ۾ آڀرون ڏٿيون رو ڪيڏو مونو. رُوگُو آڀرون ڏٿيون
 نئھ ڏيڪاڙيا ھارُو ان کُش ڪريا ھارُو ڪوم مت ڪرو، پڻ تمی آڀرا ڏٿي پڙيو
 ايسو رو مون راکين ھاسا من ٿي اوئون رئي شيوا ڪرو. ③ جيو ڪوم تمی
 ڪروھ، اُو ڏل ٿي ڪرو. ام ھزمو جي تمی منڪون رئي نئين، پڻ پڙيو ايسو رئي
 شيوا ڪروھ ريا، ④ ڪم تو تمون نئھ ڪٻر سئھ جي پڙيو ايسو تماري ڪرل شيوا
 را ايوزا ۾ تمون نئھ آڪاش موئين وائڏو ڪرل ھڪ ڏيشي. ھاس ۾ تمارو ڏٿي
 پڙيو ايسو ڪريست سئھ، ان تمی اوئا رئي شيوا ڪروھ ريا. ⑤ ھايون واتون مانھ
 وو، ڪم تو جيو ڏوھ ڪرئھ، اوئا نئھ آڀرا ڏوھ رو ايوزو زڙشي، ڪم تو پڳوون
 ڪيا رو پاھو نٿي ليتو.

① ڏٿيون، تمی آڀرون گُلمون ٿي انصاف ھون صحيح نمونئھ وو، ڪم تو
 4 تمون نئھ ڪٻر سئھ جي آڪاش مانھ تمارو پڻ ھيڪ ڏٿي سئھ.

ايسو رئي وات پڪيڙو

② تمی ھميش پرائنا ڪرتا ريو، ان پرائنا ڪريام سجاگ ريو ان پڳوون رو
 ٿورو مونو. ③ ان امون ھارُو پڻ پرائنا ڪرتا ريو، جي پڳوون امون نئھ وچن



ھمپڙايا رو گھڻو موقعو ڏئھ، زم ھون
 ايسو ڪريست را پارام اونڌي وات
 ھمپڙاوون، جيا نئھ ھمپڙايا ري ڪري
 ھون قيڏي ٿيوھ، ④ مطلب ايسو رئي
 اونڌي وات ٻڌون ڪن ساويي ڪرون،
 زم مارئھ ٻولوو ڪپئھ.

⑤ جيا منڪ ايسو مانھ وشواس نٿي راڪتا، تمڀي اوتون ٿي عقل هون وو، ان هم ڪريا ٿي هر موقعا مانھ قائيدو ليو. ⑥ تمڀي اوتون ٿي هميش نائوڪئھ نمونئھ نائوڪي واتون ڪرو، ان هم تمون نئھ ڪبر پڙشي جي هر هيڪ منڪ نئھ ڪيوئھ نمونئھ وشواس را پارام وزنڌڻي ڏيوو ڪپئھ.

آگري واتون

⑦ مارا پارام ٻڌي واتون مارو پريمي پائي تڄڪس تمون نئھ همپڙاوشي، جيو ايمونڌار شيواڌاري سئھ ان مون پيڙو پريو ايسو هارو ڪوم ڪرئھ. ⑧ هون ايئا نئھ تمون ڪن ايئا هارو ميلونھ ريو، جي تمون نئھ امارا پارام ٻڌڻي ڪبر ڏئھ. ان تمون نئھ حوصلو ڏئھ. ⑨ ايئا پيڙو هون مارو ايمونڌار ان پريمي وشواسي پائي انيسمس نئھ پڻ ميلونھ ريو، جيو تمارا آپرا شهر رو منڪ سئھ. هائي ٻي زتا تمون نئھ ايٿ رئي ٻڌڻي ڪبر همپڙاوشي.

⑩ ارسترخس، جيو مون پيڙو قيڌ ڇڏ سئھ، تمون نئھ نمسڪار ڪئھ. ان مرقس، جيو برنباس رو هونڌام پائي سئھ، تمون نئھ نمسڪار ڪئھ. مرقس را پارام تمون نئھ ڪيڏو تو، جي او تمون ڪن آوئھ، تو اوتا ٿي نائوڪئھ نمونئھ مزو. ⑪ ان يشوع جيا نئھ يوسٽس پڻ ڪئھ، او پڻ تمون نئھ نمسڪار ڪئھ. يهودي قوم رون وشواسيون موئين ٿي روگا هائي ترڻ زتا سئھ جيا مون پيڙا منڪون نئھ پڳوون را راز موئين ليڏا هارو ڪوم ڪرئھ. ان هائي مون نئھ گهٽو حوصلو ڏيڏوه.

⑫ ايفراس، جيو تمارا شهر ري وشواسي منڌڙي رو سئھ، ان ايسو ڪريست رو شيواڌاري سئھ، او تمون نئھ نمسڪار ڪئھ. او هميش تمون هارو گهٽا ڏيون ٿي پرائتا ڪرئھ، زم تمڀي پڪو وشواس راڪين پڪي ڪاتري ٿي پڳوون ري مرضي پرموئھ ويتا ريو. ⑬ هون اوتا رئي هاڪ پروئھ جي او تمارو، ان لوديڪيه ان هيراپلس شهرون رون وشواسيون رو پڻ ڪتو گهٽو ڪيال راڪئھ.

⑭ امارو پريمي پائي لُوقا، جيو حڪيم سٺ، ان ديماس پڻ تمون نٺه
نمسڪار ڪٺه.

⑮ امارا طرف تي تمي لوديڪيه شهر رون وشواسي پايون نٺه، ان پائي
نمفاس نٺه، ان اوتا ري گهري جيئي وشواسي منڌڙي پيڙهي ٿهه، اوتون ٻڌون نٺه
نمسڪار ڪيا. ⑯ زئيون تمي اي ڪت ٻڌون هومو پٿين همپڙاوي ليو، تئيون ام
ڪريا جي ڪوڪ لوديڪيه ري وشواسي منڌڙي نٺه پڻ اي ڪت پٿين همپڙاوتنه. ان
مارو جيو ڪت لوديڪيه شهر تي تمون ڪن آوتنه، تمي پڻ او ڪت پٿين همپڙايا.
⑰ ان ارخيس نٺه ام ڪيا: ”جيو پرپو رئي شيوا ڪريا رو ڪوم پڳوون تون نٺه
ڏيڏوه، او تون ڏيون تي پورو ڪر!“

⑱ هون پولوس مارا آپرا هات تي تمون نٺه نمسڪار لڪونه ريو. مون نٺه
ياڌ راڪتا ريا جي هون قيڏي سون.
پڳوون تمون مانه ڪريا ڪرئ!

تِسلنيڪيون را نوم مانھ لکل پيرھيان ڪت رئي ھزموئي

ڪت لکيا وازو

اي ڪت پولوس لکيو، ان لکيا رٿه توڻه اوترا ساٿي سلوانس ان تيمٿيس پڻ اوترا پيڙا هتا (1 تِسلنيڪيون 1:1). سلوانس رو پيزو نوم سيلاس هتا (مڪ شيلون را ڪوم 1:17-4). ام لاگهه جي پولوس اي ڪت ڪرنتس شهر ٿي لکيو، ڪم تو ايٿا ڪت م او اڀرڻه تِسلنيڪي ان ائيني شهرن م اڳي زايا را پارام لکتهه (1 تِسلنيڪيون 5:1، 1:3)، ان اڀون نٿه اي پڻ ڪبر سٺه جي ائيني شهر ٿي پولوس ڪرنتس شهر موٽين ڳيو (مڪ شيلون را ڪوم 1:18). پولوس اي ڪت اوتڙه توڻه لکيو زئيون تِسلنيڪي شهر ٿي پاڳيو تو، تيمٿيس نٿه اوتڙه وشواسيون را پارام ڪبر پاڙوا ميليو تو (1 تِسلنيڪيون 2:3)، ان اوتڙه پاسو اوين وشواسيون را پارام ڪبر ڏيڏي (مڪ شيلون را ڪوم 5:18، 1 تِسلنيڪيون 6:3). پولوس اي ڪت اندازام 5ع م لکيو.

ڪت ڪيون منڪون ھارو لکيو

پولوس اي ڪت تِسلنيڪي شهر رون وشواسي منڪون ھارو لکيو (1 تِسلنيڪيون 1:1). تِسلنيڪي شهر رون منڪون نٿه تِسلنيڪي ڪيتا. تِسلنيڪي شهر مڪڏيه صويا رو ٻڌون ٿي موتو شهر هتا. پولوس اڀرا پيزا چڪر مانھ سلوانس پيزو تِسلنيڪي م ڳيو ان اوتڙه ڪئينڪ يهودي منڪ ان گهڻا ڌاري قوم وازا وشواسي ٿيا. پڻ اوت ري يهودي وشواسيون رٿه ڪلاف ڦسري ڪراوي، ان پسٺه وشواسي پولوس ان سلوانس نٿه پڇايا ھارو اوتون نٿه رات را روونا ڪريا (مڪ شيلون را ڪوم 10:17-10).

ڪت لکيا رو مطلب

پولوس اي ڪت ايٿا ھارو لکيو، ڪم تو اوترا نٿه ڪبر هٿي جي اوت رون نوون وشواسي ٿيل منڪون ھارو ڪٿي ڏورو هٿي. تيام پولوس اوتون را پريم ان وشواس ري ڪري ڳوون رو تورو مونتهه، اڀرو ان سلوانس رو ڏيڪارل نمونو ياد ڏيوراوتھه، ڏورو سھيا م اوتون رئي هيمنت وڌارھه، پونڌائي ساڌيا رو شيڪارٿهه، اڀري روزي ڪمايا را پارام ھزماوتھه، ان اي وات پڻ شيڪارٿهه جي اوتون وشواسيون ٿي ڪي ٿيشي، جيا پريو ايسو رٿه ڏنيا م پاسو آيا مور مري زاشي.

اِيْنَا كِتَابِ رَا شَاسْتَرِ تِي بِيْرَا حَوَالَا:

1 تَسْلِيْكَيون 1:1	كوم 22:15
1 تَسْلِيْكَيون 1:1	كوم 3:16-40:15
1 تَسْلِيْكَيون 6-4:1	كوم 9-1:17
1 تَسْلِيْكَيون 2:2	كوم 40-16:16
1 تَسْلِيْكَيون 16-14:2 ..	كوم 9-5:17
1 تَسْلِيْكَيون 17:2	كوم 10:17
1 تَسْلِيْكَيون 1:3	كوم 1:18-16:17
1 تَسْلِيْكَيون 6:3	كوم 5:18
1 تَسْلِيْكَيون 7:3	كوم 6:18
1 تَسْلِيْكَيون 1:5	مَتِي 36:24
1 تَسْلِيْكَيون 2:5	مَتِي 44-42:24

ٽِسلُنِيڪِيُون

را نوم مانھ پوئوس رو لکل

پيرھيون ڪت



1 ① هُون لکيا وڙو پوئوس سون. اي ڪت مارا پاها ٿي، سلوانس را پاها ٿي ان ٽيمٽيس را پاها ٿي لکل سئھ.

ٽِسلُنِيڪِي شھر ري وِشواسِي منڌڙي رون پريمي پايون ان پينون، تمِي جيا پڳوون ٻاپ ان پريو ايسو ڪريست ٿي واسطو راکوه،
 او تمون مانھ ڪرپا ڪرئھ ان تمون نئھ هڪي راکئھ!

پوئوس ٽِسلُنِيڪِي شھر رون وِشواسيون هارو
 پڳوون رو ٿورو مونئھ

② امي هميش تمون ٻڌون هارو پڳوون رو ٿورو مونونھ، ان پرائنا ڪريا رئھ
 توئھ تمون هارو پرائنا ڪرونھ. ③ آڀنا ٻاپ پڳوون ٿي پرائنا ڪرتون امون
 نئھ تماري اي واتون هر توئھ ياد رئھ، جي تمِي وِشواس راکيا ري ڪري ڪيوا

ٺاٽوڪا ڪوم ڪريا، تمڀي پريم راکيا ري ڪري ڪٿي مينت ڪري، ان آڀا پريو ايسو ڪريست مانھ پروسو راکيا ري ڪري ڪتا صير ٿي ڏوروڻ سهي.

④ پايون ان پينون، پڳوون تمون ٿي پريم ڪرڻ، ان امون نڻه ڪبر سڻه جي اوڻه تمون نڻه آڀرا منڪ نايا هارو سوندياھ، ⑤ ڪم تو زئيون امي تمون نڻه ايسو را پارام ڪشي رڻي ڪبر همپراوڻي ٿي، تئيون تمڀي اماري واتون روڳي نالي واتون نه هزمي، پڻ تمڀي پويتر آتما ري ڪرا ٿي هائي واتون پڪي ڪاتري ٿي موني. تمون نڻه پڻ ڪبر سڻه جي امي تمون هارو ڪرين تمون وسا ڪيوڻه نمونڻه وڍا. ⑥ ان تمڀي پڻ امارا ڏيڪارل پريو ايسو را نمونا مانھ وڍا. ايشور رو وچن مونيا ري ڪري تمون مانھ الاهي گهڻي موصيت آوڻي، توڻي پڻ تمڀي پويتر آتما ري ڏيڏل ڪشي ٿي وچن مانھ ويتا ريا.

⑦ هيونڻه نمونڻه تمڀي آڀرا مڪڏنيه صوپا رون ان يونان صوپا رون پڻ ٻڌون وشواسيون هارو هيڪ نمونو ڏيڪاريو. ⑧ ڪم تو تمڀي ڪري نه روڳو مڪڏنيه ان يونان صوپون ڀر ايشور رو وچن پڪڙيو، پڻ تمڀي پارام هائي وات ٻڌيل پڪڙي گهڻه جي تمڀي پڳوون مانھ ڪتو وشواس راکوه. تيام امارڻه منڪون نڻه همپرايا رڻي ضرورت ٿي نٿي، ⑨ ڪم تو او آپ امارا پارام واتون ڪرڻه جي زئيون امي تمون ڪن آيا، تئيون تمڀي امون ٿي ڪيوڻه نمونڻه وڍا، ان تمڀي ڪيوڻه نمونڻه ڏيون رڻي پوزا ساڏين پڳوون مانھ وشواس اوڻيو، زم تمڀي جيوتا ان هاسا



پڳوونَ رڻي شيوا ڪرو، ⑩ ان اُونڻا را ڏيڪرا ايسُو رڻه آڪاش ٿي پاسو آيا رڻي واٽ زوتا ريو، جيا ننه پڳوونَ مرلون موئين ٿي جيوي اوناڙيو، ان جيو آپون ننه پڳوونَ ري آيا واڙي سزا ٿي پڇايا واڙو سڻه.

پولوس رو تِلسنِيڪي شهر ۾ ڪوم ڪريا رو ڏيڪاڙل نمونو

2 ① پايون ان پينون، تمون ننه تو ڪبر سڻه جي زئيون امي تمون ڪن آيا تا، تتيون امارا آيا رو مطلب پورو ٿيو. ② تمون ننه اي پڻ ڪبر سڻه جي تمون ڪن آيا ٿي مور فلپي شهر ۾ امون ننه ڪتئي مُصِيپت ٿئي تئي ان امارئي ڪتئي پيعزتئي ٿئي تئي، توئي پڻ زئيون امي تمون ڪن آيا ان گهڻا منڪ امارنه ڪلاڻ ٿيا، تتيون امي هيمنت نه هاريا، پڻ امارنه پڳوونَ مانه وشواس راڪيا ري ڪري پوري هيمنت ٿي امي پڳوونَ رڻي ڪشي رڻي ڪبر تمون ننه همپزاوئي. ③ ڪم تو زئيون امي منڪون ننه هزماوونه، امي ڪوڙي واتون نٿي ڪرتا، نڪو امارو ڪوئي پونڌو مقصد سڻه، ان نڪو امي ڻگهي ڪرونه، ④ پڻ پڳوونَ امون ننه ايمونڌار هزمين ڪشي رڻي ڪبر همپزيا رو ڪوم امارنه حواله ڪريوه، ان تيام امي ايمونڌاري ٿي همپزاوونه. امي منڪون ننه ڪش ڪريا هارو نئين، پڻ پڳوونَ ننه ڪش ڪريا هارو هم ڪرونه، جيو امون ننه آزماونه جي امارا من ۾ ڪي سڻه. ⑤ تمون ننه تو ڪبر سڻه جي زئيون امي تمون ڪن هتا، تتيون امي آپرئه پاهنه ڪريا هارو ڪيا را نالا وڪون نه ڪريا، نڪو امي نائوڪو مقصد ڏيڪاڙين من ۾ لالچ راڪئي، هايا وات رو پڳوونَ شائيد سڻه، ⑥ ان نڪو امي منڪون ۾ آپرو مون وڌاوا ڪريو. امي نڪو تمون ڪن هم ڪريو، نڪو پيزون ڪن.

⑦ ايسُو ڪريست را مُڪ شيلا هويا ري ڪري امي آپرو حُڪم ويوراوي هيڪتا تا ان آپرئي شيوا ڪراوي هيڪتا تا. توئي پڻ امي تمون موئين ايوي نرمي ٿي وُڍيا، زم مان آپرون ٻازون ننه همپاڙهه. ⑧ امي تمون ٿي اتو پريم راڪتا

جي امي ڪُشي ٿي نه رُوگهي پڳوون رهي ڪُشي رهي ڪهر تمون ننه همپزاوئي، پڻ تمون هارو آپرو جيو ڏيڏا هارو پڻ تيار هتا، ڪم تو امارو تمون ٿي گهڻو پريم هتو. ⑨ پايون ان پينون، تمون ننه اي وات ياد هوشي جي امي ڪشي مينت مزورئي ڪري. امي ڏي رات آپرو ڏنڌو ڪرين پڳوون رهي ڪُشي رهي ڪهر تمون ننه همپزاوئي، زم تمون موئين ٿي ڪيا مانه پڻ امارا ڪرچ رو پيار نه پڙهه.

⑩ تمي آپ هاڪ ڏي هيڪوه، ان پڳوون پڻ شائيد سئه، جي امي ڪيوه پويتر نموننه انصاف ٿي ان ڏوه ڪريا وگر تمون وشواس راکيا وازون ٿي وڍيا. ⑪ تمون ننه اي پڻ ڪهر سئه جي زم باپ آپرون بازون ٿي وهه، تم امي تمون موئين ٿي هر هيڪ ٿي وڍيا. امي تماري هيئت وڌاوتا، تمون ننه حونصلو ڏيتا، ان تمون ننه هزماوتا ⑫ جي تمي ايوئه نموننه وو زم پڳوون رون منڪون رهه ويوو ڪپهه، ڪم تو پڳوون تمارو آپ ٿي واسطو رکاوئه زم تمي اوئا را راز موئين آوو ان تمارو مون ٿه ڪم تو تمي مونوازا پڳوون را منڪ سو.

⑬ امي ايئا وات هارو پڻ پڳوون رو ٿورو هميش مونتا ريونه، جي زئيون تمي امون ٿي پڳوون رو وچن هومپزين اوئا ننه مونيو، تسيون تمي اوئا ننه منڪون را طرف ٿي نئين، پڻ پڳوون را طرف ٿي هزمين ڪشي ٿي مونيو. ان او وچن هاس ۾ پڳوون رو وچن سئه، ان پڳوون رهه آپري ڪزا ويورايا ري ڪري اوئا وچن رو اثر تمون موئين ٿهه جيا وشواس راکوه. ⑭ ايئا وات ري ڪري، تمي پڻ، پايون ان پينون، پڳوون رون اوئون وشواسي منڌزيون را نمونا مانه وڍيا، جيا يهوديه ملڪ ۾ سئه ان ايسو ڪريست ٿي واسطو راکهه. ڪم تو تمي همريم تماري آپري قوم ٿي تڪليپون سهي، زم اوئي اوئون ري آپري يهودي قوم ٿي تڪليپون سهي. ⑮ يهودي قوم ري منڪي پريو ايسو ننه مرايوت پرو ان پڳوون رو نياپو ڏيڏا وازون ننه ماريات پرا، ان هوئه امون ننه پڻ تنگ ڪرياه ان پڳڙيايه. او پڳوون ري مرضي رهه ڪلاڦ وهه، ان بتون منڪون رهه

ڪِلاڦ سٺه، ①٦ ڪم تو زئيون امي ڌاري قُوم وازون نٺه وچن همپڙاونه زم او پڳوون ري سزا ٿي پڇئه ان پڳوون ري وات مانه وٺه، تئيون يهودي قُوم وازا امون نٺه روڪوا ڪرئو. هيوئو نموننه هميش گهڙي گهڙي ڏوه ڪرين نيٺ اوئي هاڻي ٻڌون ٿي موٽو ڏوه ڪريوه. پڻ هوئو آڪر ۾ پڳوون اوئون نٺه ضرور سزا ڏيشي.

پولوس نٺه تِسلُنِيڪي شهر رون وشواسيون ٿي مڙيا رئي سيڪ تئو

①٧ پايون ان بينون، زئيون امارئو تمون نٺه توڙيڪ وار مجپوري ٿي ساڏين زاو تو، ان امي تمون ڪن نٺا پڻ امارو جيو تمون ڪن هتو، تئيون امون نٺه تمارئي گهڙي سيڪ هٿي ان تمون ٿي وڙي مڙيا رو الاهي گهڻو شونق هتو. ①٨ تيام امي تمون ڪن اووا ڪرتا تا. مئين پولوس آپ گهڙي گهڙي تمون ڪن آيا رئي ڪوشش ڪري. پڻ شيطون امون نٺه روڪيا. ①٩ ڪم تو تمي او سو، جيا را پارام امي اميد راکونه، جيا مانه امي ڪش ٿيونه، ان جيا ري ڪري امارو مون تئو. زئيون اپنا پريو ايسو رٺه پاسا آيا رٺه توئو اوتا هوما اوپشون، تئيون امي تمارا پارام ڪشي ٿي ڪيشون جي تمي امارا ڪرل وشواسي سو، ②٠ ڪم تو تماري ڪري امارو مون سٺه ان امون نٺه ڪشي تئو.

3 ① تمون ٿي ڌار ٿين امون نٺه تمارئي اتئي گهڻي ٿي جي امي وڌارو سهي نه هيڪيا. تيام امي ڦينصلو ڪريو جي پلئو تيمٽيس امون نٺه ائيني شهر ۾ هيڪلا ساڏهه پرا. ② ان پسئو امي اپنا پائي تيمٽيس نٺه تمون ڪن ميليو، جيو ايسو ڪريست را پارام ڪشي رئي ڪهر همپڙايا ۾ امون پيڙو پڳوون رو ڪوم ڪرئو، زم او تمون نٺه هيمنت رکاوه ان وشواس راکيا ۾ تمون نٺه حونصلو ڏئو، ③ زم تڪليپون ري ڪري تمون موئين ٿي ڪوئي وشواس نه ساڏهه. تمون نٺه تو اڳي ڪهر سٺه جي اپئو پڳوون ري وات مانه وُودا ري ڪري منڪ اپون نٺه ضرور تنگ ڪرشي. ④ ڪم تو زئيون امي تمون ڪن هتا،

تئون امي مور ٿي تمون نئه ڪيڏو تو جي منڪ آڀون نئه تنگ ڪرشي. ان همروم ٿيو، جيا رئي تمون نئه ٻڌي ڪبر سئ. ⑤ تيام زئون مون نئه پڻ تمارئي اتي گهٽي ٿي جي هون وڌارئه سهي نه هيڪيو، تيون تمارا وشواس رئي ڪبر پاڙيا هارو مئين تيمٿيس نئه ميليو، جي متون آزمايا وڙئه شيطون تمون نئه آزماوين ڪم ئي ڪرين وشواس سڏايو هوئ، ان اماري مينت رو ڪئين قائيدو نه ٿيو هوئ.

تَسْلُنِيڪي شهر رون وشواسيون رئي ڪبر هومپزين پولوس ڪش تئھ

⑥ هوئ همئنه زئون تيمٿيس تمون ڪن ٿين امون ڪن آيوه، تو ايئه امون نئه اي ڪشي رئي ڪبر همپڙاوئيه جي تمارو وشواس پڪو سئ، تمي پريم راکوه، ان تمي امون نئه هميش ياد ڪروه جي آبي ڪيوئ نائوڪئ نمونئ پيڙا ريا، ان زم امون نئه تمون ٿي مڙيا رئي سڪ سئ، تم تمون نئه پڻ امارئي سڪ سئ. ⑦ تيام، پايون ان بينون، تمارئه وشواس راکيا ري ڪري، امارون ٻڌون ڏڪون ان تڪليبون ۾ امون نئه حوصلو زڙيوه. ⑧ ان هوئ امون نئه پورئي هيمت سئ ڪم تو تمارو وشواس پريو ايسو مانھ پڪو سئ. ⑨ تماري ڪري امون نئه اتي ڪشي ٿيھ جي امي ڪشي ٿي تمون هارو آڀا پگوون رو ٿورو مونونھ، توئي پڻ امي زتو پڻ ٿورو مونونھ او پگوون ري ايئا ميريوني را مقابلا ۾ ڪئين نٿي. ⑩ امي ڏي رات پورا من ٿي پگوون ٿي منت ڪرونھ جي امي وڙي پاسا تمون ڪن آوون، ان جيون واتون ۾ تمارو وشواس پڪو نه هوئ، اوئون ۾ تمارو وشواس پڪو ڪراون.

⑪ هوئ آڀو ٻاپ پگوون ان آڀو پريو ايسو امون نئه تمون ڪن آيا رو موقعو ڏئ. ⑫ پريو تمون نئه هڪا پيڙا ٿي ان ٻڌون منڪون ٿي پڻ الاهي گهٽو پريم رکاوئ، جيوئ نمونئ امي پڻ تمون ٿي الاهي گهٽو پريم راکونھ. ⑬ ان

هيونہ نمونہ او تمون نئہ ايوي هيمنت ڏئہ جي زئيون آڀڻو پريو ايسو پاسو
اوشي ان آڀرون ٻڌون پويتر آڪاشي ڏوتون پيڙو ساوو ٿيشي، تنيون تمي آڀڻا
ٻاڀ پڳوون هوما پيڏوهي ان پويتر هوئو.

پڳوون ري مرضي مانہ ڪيوئ نمونہ ويو

4 ① آڪر ۾، پايون ان پينون، امي تمون نئہ پريو ايسو را نوم ٿي اي وينتئي
ڪرين منٿ ڪرونه، زم امي تمون نئہ شيڪاڙيو جي پڳوون نئہ ڪش ڪريا
هارو ڪيوئ نمونہ ويو ڪپئہ، ان زم تمي همئئہ ووہ ريا، هم تمي نائوڪون م
نائوڪئ نمونہ هميش ويتا ريو. ② ڪم تو تمون نئہ ڪبر سئہ جي امي تمون
نئہ پريو ايسو را طرف ٿي ڪيويون واتون مانہ وويڊا رو ڪيڏو.

③ پڳوون رئي مرضي اي سئہ جي تمي پويتر ٿيو ان پونڏو ڪوم ڪريا ٿي
پاهو ڪرو. ④ تمون موئين هر هيڪ رئہ آڀرا ڏيل نئہ قابوم راڪيا رو شيڪوو
ڪپئہ، ان پويتر نمونہ آڀري عزت رو ڪيال راڪين ويو ڪپئہ. ⑤ تمي پونڏي نظر
مت راڪيا، زم پيڙا ڌاري قوم وازا، جيا پڳوون نئہ نٿي مونتا، پونڏي نظر راڪين
وئہ. ⑥ ڪياڪ ري ڏوشي ڪا سوڪري ري وات ۾، تمي پونڏو ڪوم ڪريا هون
آڀرا پائي رو ڏوه ان اوئا ٿي نڳي مت ڪريا. ايشور آپ هايون ٻڌيون واتون را
پڌلام سزا ڏيشي، زم اڳي پڻ امي تمون نئہ هزمايو تو. ⑦ ڪم تو پڳوون آڀڻو
آپ ٿي ايئا هارو واسطو نٿي رکايو جي آڀي پونڏا ڪوم ڪرون، پڻ ايئا هارو
واسطو رکايوہ جي آڀي پويتر ريون. ⑧ تيام جيو هيا وات نئہ نٿي مونتا، او
منڪ ري وات نئہ نئين، پڻ پڳوون ري وات نئہ نٿي مونتا، جيو تمون نئہ آڀرو
پويتر آتما ڏئہ.

⑨ هونہ، آڀرون وشواسي پايون ان پينون ٿي پريم راڪيا را پارام مارئہ
تمون نئہ لڪيا رئي ڪئين ضرورت نٿي، ڪم تو پڳوون آپ تمون نئہ هيڪا پيڙا
ٿي پريم راڪيا را پارام شيڪاڙياہ. ⑩ تمي تو اڳي پورا مڪڏنيہ صويا رون

ٻڌون وِشواسِي پايون ٿي پريم راکوه. پڻ امي تمون ننه منٿ ڪرونه، پايون ان پينون، جي تمي هميش گهٿام گهٿو پريم راکتا ريو. ⑪ زم اڳي امي تمون



ننه ڪيڏو، هم پورئي ڪوشش ڪرو جي تمي آيت موئين شونتي ٿي ريو، پيزون ري واتون جيا تيا ننه مت همپزاوو پڻ آڀرو آڀرو ڪوم ڪرو، ان آڀرون هاڻون ٿي ڏنڌو ڪرين آڀرئي روزي ڪمائو. ⑫ هم ڪريا ٿي جيا وِشواسِي نتي اوئون ۾ تمارو مون ٿيشي، ان تمي ڪيا را موٽاڳ نئين ٿيو.

پولوس پريو ايسو را پاسا آيا را پارام شيڪارڙه

⑬ پايون ان پينون، امارئي مرضي سته جي تمون ننه پورئي ڪهر هوئه جي اوئون وِشواسيون ٿي ڪي ٿيشي جيا مري گياھ. ام نه تته جي تمي اوئون هارو اميد وگر روئو، زم پيزا منڪ مرلون هارو روئو، جيون رئي مرلون هارو ڪئين اميد نتي. ⑭ آڀو يقين سته جي ايسو مري گيو تو ان وزي جيوي اونيوه. ان تيام آڀو اي پڻ يقين سته جي جيا منڪ ايسو مانه وِشواس راکين مري گياھ ان همئته زوئته اونگهال سته، ايسو رنه دنيا ۾ پاسا آيا رنه ٿوئته پگيون اوئون ٻڌون ننه جيوي اوناڙشي ان ايسو پيزا آپ ڪن آڪاش ۾ تيڙاوشي. ⑮ اي وات امي پريو ايسو را ڪيڏا پرموئته تمون ننه ڪونه ريا، جي آڀي وِشواسي جيا اوئا وڪت ۾ جيوتا هوشون، مطلب جيا پريو ايسو رنه پاسا آيا هوڏي جيوتا ريشون، آڀي مرل وِشواسيون مور ايسو ڪن نئين زائون. ⑯ ڪم تو اوئه ٿوئته پريو ايسو آپ آڪاش ٿي اوترشي. او حڪم ڏيشي، موتا آڪاشي ڏوت رو هاڏ هومپزيام اوشي، پگيون را پاها ٿي رن شينگڙو واگشي، ان تنيون جيا منڪ ايسو ڪريست

مانھ وِشواس راڪينَ مري گياھ، اُو مور ٿي جيوِي اُونشي، (17) ان تيا ڪيڙ آبي وِشواسِي جيا ڏُنيا ۾ جيوَتا هوشون، اُوئون پيڙا واڏزون موئين اُوپڙي زاشون، ان آپ ۾ پڙيو ايسو ٿي مڙشون. ان هيونئ نمونئ آبي هميش پڙيو پيڙا ريشون. (18) تيام هايون واتون ٿي هڪا پيڙا نئھ حونصلو ڏيتا ريا.

پڙيو ايسو رءُ پاسو آيا هارو تيار ريوو

5 ① هونئ، پايون ان پينون، امارئ تمون نئھ اي وات لڪيا رئي ضرورت نٿي جي پڙيو ايسو ڪيڙي ان ڪئيون اوشي. ② ڪم تو تمون نئھ اگي پورئي ڪهر سئھ جي پڙيو ايسو را آيا رو ڏي ام اوچتو اوشي، زم رات رو سور اوئھ. ③ اوئھ توئئھ منڪ تو ڪيتا هوشي جي ”هونئ آبي هڪ ۾ سون ان آپون نئھ ڪئين ڪترو نٿي“ ان تئيون زم پاري پڳ ڏوشي نئھ اوچتو زلميا رو ڏوڪ ٿئھ، تم اوئون مانھ اوچتئي سزا اوشي، ان او ماگي نئين پچئھ.

④ پڻ تمي، پايون ان پينون، اندارام نٿي جي هائي ڏي تمون مانھ سور را زم اوچتو اوئھ، ان تمي تيار نه هونئ. ⑤ ڪم تو تمون نئھ پڳوون رو سوجھرو زڙيوھ، ان تمي ٻڌائي سوجھرا را منڪ سو، ان ڏي را منڪ سو، جيا سوجھرام وئھ. آبي رات را منڪ نٿي جيا اندارام وئھ. ⑥ تيام آبي پيزون منڪون را زم اُونگھال نه ريون، پڻ زاگل منڪون را زم هوشيار ريون، ان عقل ٿي ڪوم ڪرون. ⑦ ڪم تو رات رون منڪون رو ڪوم اي سئھ، جي او اُونگھال رئھ، ان ڌارو پين مست ٿئھ. ⑧ پڻ آبي جيا ڏي را منڪ سون، آبي عقل ٿي ڪوم ڪرون. زم قوچي آپ نئھ همپاڙيا هارو هيئا مانھ ڍال جيويي لو رئي شينھ پيرئھ، تم آبي آپ نئھ همپاڙيا هارو وِشواس ان پريم راڪتا ريون، ان زم قوچي آپ نئھ موت ٿي پچايا هارو لو رو توپلو پيرئھ، تم آبي آپ نئھ هميش را موت ٿي پچايا هارو پڳوون مانھ اي پروسو راڪون جي او آپون نئھ تارڻ ڏيشي. ⑨ ڪم تو پڳوون آپون نئھ ايئا هارو نٿي سونديا جي آپون نئھ سزا زڙئھ، پڻ ايئا هارو سوندياھ

جي آڻا پڙيو ايسو ڪريست ري ڪري آڻون نئه تارڻ زڙئه. ⑩ ايسو آڻون هارو آڻو جيو ڏيڻو، زم آڻي ٻڌائي پيڙا ٿين هميش هُوڏي اونا پيڙا جيوتا ريون، پلئه آڻي اونا را پاسا آيا را ٿوئا هُوڏي جيوتا ريون ڪا تيا مور مري زائون. ⑪ تيام، زم تمي اڳي ڪروھ ريا، تم تمي هڪا پيڙا نئه حوصلو ڏيتا ريو ان هڪا پيڙا رو وشواس پڪو رکاوٽا ريو.

اڪري وانون

⑫ پايون ان بينون، امي تمون نئه منٿ ڪرونه جي تمي اوئون منڪون رو مون راکو، جيا تمون ڪن پڙيو رئي شيوا ڪريا رئي مينت ڪرئه، وشواسي منڌري رئي اڳيونئي ڪرئه، ان تمون نئه هزماوئه ان شيڪاڙهه. ⑬ اوئون را ڪرل ڪوم ري ڪري تمي اوئون ٿي پريم راکو ان اوئون نئه الاهي گهڻو مون ڏيو. ان آڻت ۾ هڀ راکين وو.

⑭ پايون ان بينون، امي تمون نئه منٿ ڪرونه، جيا منڪ سست سئه اوئون نئه هزماوو، جيا هيمنت نئي راکتا اوئون نئه هيمنت رکاوو، جيا وشواس راکيا ۾ ڪمزور سئه اوئون نئه پڪو وشواس راکيا هارو حوصلو ڏيو، ان ٻڌون هون گهڻا صير ٿي وو. ⑮ ايئا وات رو ڏيون راکيا، جي تمي ڪيا ٿي پڌلو مت ليو، پڻ هميش آڻت موئين هڪا پيڙا ٿي ان ٻڌون منڪون ٿي پڻ پلائي ڪريا رئي ڪوشش ڪرتا ريو.

⑯ هميش ڪش ريو، ⑰ هر ٿوئه پراڻا ڪرتا ريو، ⑱ هر وات ۾ پڳوون رو ٿورو مونتا ريو. ڪم تو پڳوون رئي مرضي سئه جي تمي ايسو ڪريست ٿي واسطو راکيا ري ڪري هم ڪرتا ريو.

⑲ هميش پويتر آتما ري مرضي پرموئنه وو، ان جيو پڻ ڪوم پويتر آتما ري مرضي پرموئنه ٿهه، اونا نئه تمي مت روڪو. ⑳ زئيون ڪوڪ ڪنه جي ”اي پڳوون رو ڏيڏل نياپو سئه“ تو تمي اونا را ڏيڏل نياپا ريون واتون مانه

ڏيون ڏيو. ②1 پڻ هر وات رو آڙمتو ليو جي اُو ڀڳوون را طرف ٿي سٺه ڪا نا. جڻي وات ٺاٺوڪئي سٺه، اُوٺا نٺه مونو. ②2 پڻ هر نمونا ري پُونڌائي ٿي شيئي يا ڳو.

②3 ڀڳوون آپ، جيو هڪ ڏيڏا وازو سٺه، تمون نٺه هر وات ۾ پويتر ڪرڻه، ان آڀٺا پريو ايسو رڻه پاسو آيا هُوڏي تمون نٺه پورڻه نمونڻه، تمارا جيو نٺه من نٺه ان ڏيل نٺه، پيڏوهي راڪڻه. ②4 ڀڳوون جيئڻه تمارو آپ ٿي واسطو رکايوه، اُو آڀرا وائيڏا پرموڻه هاسو سٺه ان اُو ضرور هم ڪرشي.

②5 ڀايون ان بينون، امون هارو پراٿنا ڪرو. ②6 امارا طرف ٿي ٻڌون وشواسي ڀايون ان بينون نٺه پويتر نمونڻه پريم ٿي ملو. ②7 هُون تمون نٺه هون ڏين ڪونه جي اي ڪت تمي ٻڌون وشواسيون نٺه پڻين همڀڙايا.

②8 آڀٺو پريو ايسو ڪريست تمون مانه ڪرڻه!

تسلیکیون را نوم مانه لکل پیزا کت رئی هزموتئی

کت لکيا وازو

اي کت پولوس لکيو، ان لکيا رته توتته اوتا را ساٽي سلوانس ان تيمٽيس پڻ اوتا پيزا هتا (2 تسلیکیون 1:1). سلوانس رو پيزو نوم سيلاس هتو (مک شيلون را کوم 1:17-4). جيون واتون را پارام پولوس تسلیکیون نته پيرهيان کت م لکيو، ان جيون واتون را پارام ايتا پيزا کت م لکيو، او گهڻو کرين هيڪ جيوي سته. تيام ام لاگهه جي پولوس اي کت پيرهيان کت ٿي ڪئينڪ مئينون ڪيٽ ڪرٽس شهر ٿي لکيو، زٽيون تيمٽيس پيرهيون کت ڏين سلوانس پيزو پاسو پولوس ڪن آيو تو. هيا ڪيال پرموتته پولوس اي کت اندازم 51-52ع م لکيو.

کت ڪيون منڪون هارو لکيو

پولوس اي کت تسلیکی شهر رون وشواسي منڪون هارو لکيو (2 تسلیکیون 1:1). تسلیکی شهر رون منڪون نته تسلیکی ڪيتا. تسلیکی شهر مکڊني صوبا رو ٻڌون ٿي موتو شهر هتو. پولوس آيرا پيزا چڪر مانه سلوانس پيزو تسلیکی م گيو ان اوتته ڪئينڪ يهودي منڪ ان گهڻا ڌاري قوم واڙا وشواسي ٿيا. پڻ اوت ري يهوديغي وشواسيون رته ڪلاف ڦسري ڪراوٽي، ان پسته وشواسيني پولوس ان سلوانس نته پچايا هارو اوتون نته رات را زوونا ڪريا (مک شيلون را کوم 1:17-10).

کت لکيا رو مطلب

پولوس اي کت ايتا هارو لکيو، ڪم تو اوتا نته ڪبر پڙئي جي اوت ري وشواسيني اوتا رو پيرهيون کت پيشو تو، توتھي پڻ او پريو ايسو رته پاسو آيا را پارام، ان آبرئي روزئي ڪمايا را پارام گلت ڪيال راڪتا. تيام پولوس اوتون نته وڙي اي پيزو کت لکين اوتون رته وشواس ان بربر راڪيا ري ڪري ان ڏورون سهيا ري ڪري اوتون هارو پڳوون رو ٿورو مونيو، اوتون نته شيڪاڙيا جي پريو ايسو رته پاسو آيا مور ڪي ڪي ٿيشي. ان اوتون نته ام پڻ وڙي هزمايا جي او مينت ڪرين آبرون هاتون ٿي آبرئي روزئي ڪمائ.

ايتا کت م پولوس تسلیکی شهر رون وشواسيون نته پڳوون ري مرضي رته ڪلاف وودا واڙا منڪ را پارام ام لکيو جي "تمون نته ڪبر سته جي او ڪئي وات سته جي هيا پڳوون ري مرضي رته ڪلاف وودا واڙا منڪ نته روڪهه رئي، زم او آيرا توتتا مانه ساوو نته" (2 تسلیکیون 6:2). ام لاگهه جي پولوس اوتون نته هيا وات را پارام اڳي شيڪاڙيو تو، پڻ همته ڪيا نته

ڪبر نٿي جي اُوڻ ڪئي وات شيڪارڙي ٿي. ٿي هيڪڙهه جي اُوڻ اي وات شيڪارڙي ٿي جي دنيا ۾ هر حڪومت پڳوون را پاها ٿي سڻ ان ڪراپ منڪون نڻه سزا ڏنهن (رُوميون 13:1-5), ان زئيون هُوڏي دنيا ۾ ناٿوڪئي حڪومت سڻه. تئيون هُوڏي هيوو پڳوون ري مرضي رڻه ڪلاف وُويا واڙو منڪ اُپرو ڪراپ ڪوم پُورو نٿي ڪري هيڪٽو. ڪم نو حڪومت اڏي اُوڻهه.

اِيئا ڪتاب را شاستر ٿي پيزا حوالا:

2 تَسْلِينِيُون 3:2 متي 10:24-12, 24	2 تَسْلِينِيُون 1:1 ڪوم 15:22
2 تَسْلِينِيُون 8-3:2 داني ايل 11:36-45	2 تَسْلِينِيُون 1:1 ڪوم 15:40-16:3
2 تَسْلِينِيُون 3-1:2 ڪوم 18:5-8	2 تَسْلِينِيُون 4:1 ڪوم 17:9-1
	2 تَسْلِينِيُون 3:2 داني ايل 7:25

ٽِسلْنِيڪِيُون

را نوم مانھ پوئوس رو لکل

پيزو ڪت

1 ① هُون لکيا واڙو پوئوس سون. اي ڪت مارا پاها ٿي، سلوانس را پاها ٿي ان ٽيمٽيس را پاها ٿي لکل سئ.

ٽِسلْنِيڪِي شھر ري وشواسي منڌڙي رون پريمي پايون ان پينون، تمى جيا آڀا ٻاپ پڳوون ان پرڳو ايسو ڪريست ٿي واسطو راکوه،


② پڳوون ٻاپ ان پرڳو ايسو ڪريست تمون مانھ ڪرڻ ان تمون نئ هڪي راکئ!

پوئوس ٽِسلْنِيڪِي شھر رون وشواسيون هارو پرائنا ڪرئھ

③ پايون ان پينون، امارئ تمون هارو هميش پڳوون رو ٿورو مونوو ڪپئ. هم ڪروو صحيح سئ ڪم تو ڏي ٿو ڏي تمى وشواس ۾ پڪا ٿيتا زائوه ريا، ان تمى ٻڌائي آڀت ۾ هڪا پيزا ٿي پريم راکيا ۾ وڌتا زائوه ريا. ④ تيام امي آپ پڳوون ريون وشواسي منڌڙيون ۾ تمارا وڪوڻ ڪرونھ، جيا امارا ڪرل وشواسي سو، ڪم تو منڪ تمون نئ تنگ ڪرئ ان تمون مانھ تڪليبون آوئ، توئي پڻ تمى هايون ٻڌيون موصيتون نئ صير ٿي سهوه ان وشواس راکتا ريوھ.

⑤ هاي ا ٿي وات ساوئي سئ جي پڳوون انصاف ٿي نيا ڪرشي، ان تمون نئ آڀرا راز ۾ آيا جيوا هزمشي، جيا راز هارو تمى ڏڪ سهوه ريا. ⑥ ڪم تو

پڳوونَ انصافَ ڪريا وازو سئو. تيام جيا تمون نئو تڪليپَ ڏئو، پڳوونَ اوئون نئو پڻ پڌلام تڪليپَ ڏيشي، ⑦ ان تمي جيا تڪليپَ سهوهر ريا، تمون نئو امون پيڙو هڪ ڏيشي. هائي واتون اوئو توتئو تيشي، زئيون پريو ايسو آپرون ڪڙا وازون آڪاشي ڏوتون پيڙو آڪاش ٿي آوين ڏيوتا ريون زهراڙون م ساوو تيشي.



⑧ ان جيا پڳوونَ ري وات مانھ نٿي ويتا ان جيا آڻا پريو ايسو رئي ڪشي رئي ڪهر نٿي مونتا، اوئون نئو اوئا را پڌلام سزا ڏيشي. ⑨ هيون منڪون نئو هميش رئي سزا زڙشي، ان او هميش هوڏي پريو ٿي شيتي ريشي، ان اوئا را زبڪتا سوجھرا ان ڪڙا ٿي ڌار ريشي. ⑩ هائي وات اوئو ڏي تيشي، زئيون پريو ايسو آوشي زم آپرون ٻڌون سونڊل منڪون ري ڪري، جيئي اوئا مانھ وشواس اوٿيوھ، ايسو رو مون نئو ان ٻڌائي اوئا ري ڪڙا مانھ حيرون نئو. ان تمي پڻ اوئون سونڊل منڪون موئين هوشو، ڪم تو جي واتون امي تمون نئو هاڪ پرين همپڙاي تي، اوئون مانھ تمي يقين ڪريوھ.

⑪ تيام امي هميش تمون هارو پراٿنا ڪرونھ، جي تمي ايوئو نمونئو وو، زم آڻو پڳوون، جيئو تمارو آپ ٿي واسطو رکايوھ، تمون نئو آپ ڪن آيا جيوا هزمئو. ان امارئي اي پڻ پراٿنا سئو جي جيا نائوڪا ڪوم تمي ڪروا ڪروھ، ان جيا ڪوم تمي وشواس راڪين ڪروھ ريا، اوئون ٻڌون نئو پڳوون آپري ڪڙا ٿي

پُورا ڪرڻ، ⑫ زم آڻڻا ڀڳوون ري ان پريو ايسو ڪريست ري ڪرڻا ٿي تماري ڪري آڻڻا پريو ايسو رو مون ٿم، ان اوٽا ري ڪري تمارو پڻ مون ٿم.

ڀڳوون ري مرضي رڻ ڪِلاڦ وُڍا واڙو منڪ

① هُوڻه پايون ان بينون، پريو ايسو رڻه پاسو آيا ان آڻڻه اوٽا ڪن پيڙا ٿيا 2 را پارام هيڪ وات سڻه. امي تمون نڻه منٺ ڪرونه ② جي تمڻي ايٺا وات مانه ڏيون ڏين اتو جلدِي شڪ مت ڪرو ان گڻتيون ڀر مت پڙو، جي پريو ايسو رڻه آيا رو ٿوٿو همڻهه آيوه رو. هائي وات ڪوڙڻي سڻه. منڪ پلڻه ڪڻه جي امي ڀڳوون را طرف ٿي هايا وات رڻي ڪهر پاڙيڻه، ڪا امي آپ هم ڪيڏوه، ڪا امي ڪت ڀر هم لڪيوه، پڻ امون ٿي هيوئي ڪئين وات نٿي ٿئي. ③ تمڻي ڪيوڻه پڻ نمونڻه ڪيا ٿي منڪ رڻي ڪوڙڻي وات مونين پولاڻي مت زايا، ڪم تو پريو ايسو رڻه آيا ٿي مور گهڻا منڪ ضرور ڀڳوون رڻه ڪِلاڦ ٿيشي، ان ڀڳوون ري مرضي رڻه ڪِلاڦ وُڍا واڙو منڪ ساوو ٿيشي، جيو هميش رڻي سزا ڪاڏا واڙو سڻه. ④ ان جيا رڻي پڻ منڪ پوزا ڪرڻه ڪا جيا نڻه پڻ منڪ ڀڳوون هڙمڻه، ڀڳوون ري مرضي رڻه ڪِلاڦ وُڍا واڙو منڪ اوئون ٻڌون رڻه ڪِلاڦ ٿيشي، ان آپ نڻه اوئون ٻڌون مانه هڙمڻي. او ڀڳوون را گهر موئين زائين مندر ڀر ڀڳوون ري جڳا ڀر بيهشي، ان آپ نڻه ڀڳوون را زم ڏيڪاڙشي.

⑤ تمون نڻه ياڏ نٿي ڪي؟ زئيون هون تمون ڪن هتو، تئيون هون هائي واتون تمون نڻه همپڙاوتو. ⑥ ان همڻهه پڻ تمون نڻه ڪهر سڻه جي او ڪڻي وان سڻه جيڻي هايا ڀڳوون ري مرضي رڻه ڪِلاڦ وُڍا واڙا منڪ نڻه روڪڻه رڻي، زم او آپرا ٿوٽا مانه ساوو ٿم. ⑦ ڪم تو او طاقت جي منڪون نڻه ڀڳوون ري مرضي رڻه ڪِلاڦ ويوراوڻه، او هزون ماڻ ڀر ڏنيا ڀر آپرو اثر ڪرڻه رڻي. پڻ جيو هايا منڪ نڻه روڪڻه ريو، او تئيون هُوڏي هايا نڻه روڪين راکشي، زئيون هُوڏي ڀڳوون روڪيا واڙا نڻه هيڪڻه پاهڻه نه ڪرڻه. ⑧ ان تئيون ڀڳوون ري مرضي

رئہ ڪِلاڦ وُوِدا وازو منڪ ساوو ٿيڻي، جيا نئہ پريو ايسو آپ آڀرئہ پاسو آيا
 رئہ توئئہ آوينَ قُونڪَ ڏينَ مارشي پرو، ان آڀرا آيا را زهڪتا سوجھرا ٿي اُوئا
 نئہ هاو ڪتم ڪرشي پرو. ⑨ اُو منڪ پڳوون را ڏشمن شيطون را ڪوم را طريقا
 پرموئئہ آوشي. شيطون اُوئا نئہ گھڻي ڪرا ڏيشي ان اُو ڪوڙا نيشون ان پرسا
 ڏيڪارشي. ⑩ ان اُو هر نمونا ري پونڌائي ٿي اُوئون منڪون نئہ پُولوشي، جيا
 هميش را موت رئي سزا ڪاڏا وازا سئہ. اُوئون نئہ سزا ايئا هارو زڙشي، ڪم
 تو اُوئي هاسيون واتون ٿي پاهو ڏيڏو جيون ري ڪري اُوئون نئہ تارن زڙت.
 ⑪ تيام پڳوون اُوئون نئہ پُول ريوا ڏئہ زم اُو ڪوڙيون واتون مانھ يقين ڪرئہ.
 ⑫ هيوئہ نمونئہ جيا هاس نئہ نئي مونتا ان ڪراپ ڪومون ۾ شونق راکئہ، اُوئون
 ٻڌون نئہ هميش رئي سزا ڏيڏا رو ڦينصلو ٿيڻي.

هيمنت راکو ڪم تو پڳوون آڀرون سُونڀل منڪون نئہ نارن ڏيڻي

⑬ پڻ امارئہ، پايون ان بينون، تمون هارو جيا پريو را پريمي منڪ سو، هميش
 پڳوون رو ٿورو مونوو ڪپئہ. ڪم تو پڳوون جگت نايا ٿي مور تمون نئہ ايئا
 هارو سونديا، زم پويتر آتما ٿي پويتر ٿيا ري ڪري ان هاسا وچن مانھ وشواس
 اوٿيا ري ڪري تمون نئہ تارن زڙئہ. ⑭ ان امارئہ ڪشي رئي ڪبر همپڙايا ٿي
 پڳوون هايا تارن هارو تمارو آپ ٿي واسطور ڪايوه، زم آڀا پريو ايسو ڪريست
 را مون ري ڪري تمون نئہ پڻ مون زڙئہ. ⑮ تيام، پايون ان بينون، هيمنت راکين
 وشواس راکتا ريو، ان جي اصلي هاسي واتون امي روپرو ڪين ڪا ڪت ۾ لڪين
 تمون نئہ شيڪارئي، اُوئون مانھ تمي ويتا ريو.

⑯ هَوئہ آڀو پريو ايسو ڪريست ان آڀو ٻاپ پڳوون، جيئئہ آڀون ٿي پريم
 راکيو، ان آڀري ڪرپا ري ڪري آڀون نئہ هميش هارو حونصلو ڏيڏو، ان آڀون
 نئہ هڪ ليڏا رو پڪو پروسو ڏيڏو، ⑰ اُو تمارا من ۾ حونصلو ڏئہ ان هر نائوڪو
 ڪوم ان نائوڪي وات ڪريا رئي هيمنت ڏئہ!

ايشور رو وچن پڪڙيا هارو پراٿنا ڪرو

3 ① آڪر ۾، پايون ان پينون، امون هارو پراٿنا ڪرتا ريو، جي ايشور رو وچن پڪڙئ ان منڪ اونا رو مون صحيح نمونئہ راکئ، زم تمي پڻ اونا رو مون راکوه. ② ان ايٿا هارو پڻ پراٿنا ڪرو، جي پڳوون امون نئہ پونڌون ان ڪراپ منڪون ٿي پچاوءَ، ڪم تو ٻڌائي منڪ وشواس نٿي راکئا.


③ پڻ پريو آڀرا وائيدا رو هاسو سئ، او تمون نئہ هيئت ڏيشي ان آڀرا ڏشمڻ پونڌا شيطون ٿي پچاوشي. ④ امارو پريو ري ڪري تمون مانھ پڪو يقين سئ جي جيا حڪم امي تمون نئہ ڏيونھ، تمي اوئون مانھ ووھ ريا، ان ويتا ريشو.

⑤ پريو تمارا من ايوا ڪرئ جي تمي پڳوون رازم پريم راکو، ان ايسو ڪريست را زم ڏوروڻ صير ٿي سھو.

سُسٽِي نہ ڪروو پڻ آپري روزئي آپ ڪماوو

⑥ هوئ، پايون ان پينون، امي پريو ايسو ڪريست را نوم ٿي تمون نئہ حڪم ڏيونھ، جي تمي ايون وشواسي پايون پيڙا مت وو جيا سُسٽي ري ڪري ڪوم نٿي ڪرتا، ان اوئون اصلي واتون مانھ نٿي ويتا جي تمي امون ٿي شيڪيھ.

⑦ تمون آپ نئہ ڪٻر سئ جي تمارئ امارا نمونا پرموئئہ ڪم ڪرين ويوو ڪپئ، ڪم تو امي تمون ۾ سُسٽي ٿي نہ وُڍا. ⑧ امي ڪيا پڻ منڪ ڪن امهي روئئي نہ کاڌي، پڻ ڏي رات مينت مزورئي ڪرين آپري روزئي ڪموٿا زم تمون موئين ڪيا مانھ اماري روئي رو پار نہ ٿئ. ⑨ امارو تو حق هتو جي امي تمون ٿي کاڌو ليون، پڻ امي آپرو حق نہ ليڏو زم تمون نئہ مينت ڪريا رو نمونو ڏيڪارون جيا مانھ تمي پڻ وي هيكو. ⑩ زئيون امي تمون ڪن هتا، تئيون پڻ امي تمون نئہ اي حڪم ڏيڏو تو: ”جي ڪوڪ منڪ ڪوم نٿي ڪروا ڪرتو، تو او روئئي پڻ نہ ڪائھ.“



⑪ هُوَ اُمي تو هومپڙونھ ريا جي تمون موئين ڪئينڪ منڪ سُستي ٿي وئھ ريا. اُو ڪئين ڪوم نٿي ڪرتا پڻ جيون واتون ۾ اوئون رو ڪئين ڪوم نٿي، اوئون واتون ۾ شونق راکئھ. ⑫ ايون منڪون نئھ اُمي حُڪم ڏيونھ، ان پڙيو ايسو ڪريست ٿي واسطو راکيا ري ڪري منٿ ڪرونھ، جي اُو شونتئي راکين آڀرو ڪوم ڪرئھ ان آڀرئي روزئي ڪمائھ. ⑬ پڻ ٿمي، پايون ان پينون، هيست نه هارين نائوڪا ڪوم ڪرتا ريو.

⑭ جي ڪوئي منڪ اماري ايٿا ڪت ۾ لڪل واتون نٿي مونتو، تو اوٿا منڪ نئھ ڏيون ۾ راکو ان اوٿا ٿي گهٽو واسطو مت راکو، زم اُو آڀري سُستي ري ڪري لازي مرئھ. ⑮ توئي اوٿا نئھ آڀرو ڏشمڻ مت هزمو، پڻ پائي را زم اوٿا نئھ هزماوو.

پولوس تِسلنيڪيون هارو آشيرواد مونڳئھ

⑯ هُوَ پڙيو، جيو منڪون نئھ هڪ ڏيڏا وازو سئھ، اُو تمون نئھ هميش هر وات ۾ هڪي راکئھ! پڙيو تمون ٻڌون پيڙو هُوئھ!

⑰ هُون پولوس آڀري هاتي تمون نئھ نمسڪار لڪونھ. مارا لڪل هر ڪت ۾ مارئي هائي نيشونئي سئھ، ان هُون همروم لڪونھ.

⑱ آڀو پڙيو ايسو ڪريست تمون ٻڌون مانھ ڪڙپا ڪرئھ!

تيمٽيس را نوم مانه لکل پيرهيان کت رئي هزموٽئي

کت لکيا وازو

اي کت پولوس لکيو (تيمٽيس 1:1). پولوس اي کت اوت توتنه لکيو. زئيون پيرهين وار روم شهر موئين روميون رو قيدي ٿيو تو. ان پسنه آزاد ٿيو تو (مک شيلون را کوم 16:28. 30). ان لاکڻه جي آزاد ٿيا کيڙ پولوس ايسو را پارام همپزيا را چارمو چکر ڪريو. ايتا چارما چکر مانه پولوس وڙي افسس شهر ۾ ڳيو ان زئيون او اوت ٿي مڪڏنيه صويا موئين ڳيو. تئيون اوت تيمٽيس ننه افسس شهر موئين وشواسيون ننه شيڪازيا هارو ساڏيو (1 تيمٽيس 3:1). ان پسنه مڪڏنيه صويا ٿي اندازام 66ع ۾ اي کت تيمٽيس ننه لکيو.

کت کيا منک هارو لکيو

پولوس اي کت تيمٽيس هارو لکيو (1 تيمٽيس 2:1). تيمٽيس گلننه صويا را لستره شهر رو هتو. اوتا رئي مان بهودي قوم ٿي هتئي ان وشواسي هتئي. پڻ اوتا رو باپ ڌاري قوم رو هتو. تيمٽيس آپ نائوڪو وشواسي هتو. (مک شيلون را کوم 2-1:16). پولوس اپرا پيرهيان چکر مانه لستره شهر ۾ ڳيو تو. (مک شيلون را کوم 14:6-21) ان زئيون پيزا چکر مانه وڙي لستره شهر ۾ ڳيو. تئيون اوت تيمٽيس ننه آپ پيزو زايا هارو سونديو (مک شيلون را کوم 3:16). تيمٽيس گهڻي وار پولوس پيزو ايسو را پارام همپزاوا زانو ريتو (مک شيلون را کوم 17:14-15. 18:5. 19:22. 20:4). ان زئيون پولوس پيرهين وار روم شهر موئين قيدي هتو. ان اپرا گهر موئين پاهرام ريتو. تئيون تيمٽيس پڻ اوتا پيزو ريتو (فليپون 1:1).

کت لکيا رو مطلب

زئيون پولوس سوچيو جي زويام تيمٽيس کن افسس شهر موئين پاسو زيام ڏير تيشي (1 تيمٽيس 14:3-15). تئيون اوت اي کت لکيو. زمر تيمٽيس ڪوڙي واتون شيڪازيا وازون ننه روڪڻ. پڳنئي ڪريا رو صحيح نمونو شيڪازنه ان وشواسي منڌڙي هارو نائوڪا اڳيون ان شيواڌاري سونڊه. ان وشواسي منڌڙي هارو ابرئي زميواري پورئي ڪرڻ.

ايئا كتاب را شاستر تي پيزا حوالا:

19-1:9 کوم	7:2 تيمثيس	19-1:9 کوم	1:1 تيمثيس
24-18, 7:2 پيدائش	13:2 تيمثيس	3-1:16 کوم	2:1 تيمثيس
19-1:3 پيدائش	14:2 تيمثيس	4:20 کوم	2:1 تيمثيس
10:20 ڌرشن	6:3 تيمثيس	21-19:18 کوم	3:1 تيمثيس
6-5:13 مرقس	1:4 تيمثيس	26-24:18 کوم	3:1 تيمثيس
24-22:2 پيدائش	3:4 تيمثيس	1:20-1:19 کوم	3:1 تيمثيس
3:9 پيدائش	3:4 تيمثيس	38-17:20 کوم	3:1 تيمثيس
31:1 پيدائش	4:4 تيمثيس	17-1:20 خُروج	8-7:1 تيمثيس
12:20 خُروج	4:5 تيمثيس	34:27-1:1 احبار	8-7:1 تيمثيس
4:25 استشنا	18:5 تيمثيس	19-1:9 کوم	12:1 تيمثيس
7:10 لوقا	18:5 تيمثيس	3:8 کوم	13:1 تيمثيس
15:19 استشنا	19:5 تيمثيس	20-19, 5-4:22 کوم	13:1 تيمثيس
37-36:18 يوحنا	13:6 تيمثيس	11-9:26 کوم	13:1 تيمثيس
		17:3 يوحنا	15:1 تيمثيس

تيمٽيس

را نوم مانھ پولوس رو لکل

پيرهيون ڪت




1 ① هُون لکيا وازو پولوس سون، جيو ايسو ڪريست رو هيڪ مُڪ شيلو سون. هُون پڳوونَ را حُڪم پرموئنه، جيو آپون ننه پچايا وازو سئه، ان ايسو ڪريست را حُڪم پرموئنه، جيا مانھ آبي پروسو راکونه، مُڪ شيلو سونيدل سون. ② پريمي پائي تيمٽيس، تون جيو مارا هاسا ڏيڪرا جيوو سئه، ڪم تو تئين مون ٿي ايسو را پارام هومپزين وشواس اوٿيوه، آپو ٻاپ پڳوونَ ان آپو پرپو ايسو ڪريست تون مانھ ڪرپا ان ڏيا ڪرئ، ان تون ننه هڪي راکئه!

ڪوڙي واتون شيڪاڙيا وازون ننه روڪو

③ زم مئين مڪڏنيه زايا رنه توئنه تون ننه منٿ ڪرين ڪيڏو تو، تم تون افسس شهر موئين رين ڪئينڪ منڪون ننه حُڪم ڏي جي او اوزي واتون نه شيڪاڙئه

جي صحيح وشواس پرموڻه نٿي، ④ ان نڪو امهي ناول وارتائون ان منڪون ريون لونبيون لونبيون پيڊيون مانه ڏيون ڏنه. ايويون واتون ٿي روڳي پيڻ ٿه، ان پڳوون را ڏيڏل ڪوم ۾ ڪئين قائيڏو نٿي ٿيتو، ڪم تو پڳوون رو ڪوم وشواس راڪيا ٿي آڳڙ وڏهه. ⑤ هائي حڪم ڏيڏا رو مطلب اي سٺه جي منڪ پويتر ان صاف من ٿي هاسو وشواس راڪين پريم ڪرئ. ⑥ پڻ ڪئينڪ منڪ هائي واتون ساڏين هاس ٿي قرين روڳي نالي واتون ڪرئ. ⑦ او آپ نمه شاستر زوڻيا واڙا هزمين موسي رون لڪل حڪمون مانه وويڊا رو نمونو شيڪاڙوا ڪرئ. پڻ جي واتون او آپ ڪهه، ان جيون واتون را پارام او پورا يقين ٿي شيڪاڙهه، اوڻون نمه او آپ تو هزمتا ٿي نٿي.



⑧ هوڻه آپون نمه ڪهر سٺه جي موسي را لڪل حڪم نائوڪا سٺه. پڻ ضروري سٺه جي منڪ پڳوون رٺه هائي حڪم ڏيڏا رو مطلب هزمين اوڻا مطلب پرموڻه وئ. ⑨ منڪون رٺه اي هزهو، جي پڳوون موسي را لڪل حڪم منڪون را ڏوه ساوا ڪريا هارو ڏيڏاهه. او پڳوون ري وات مانه وويڊا واڙون هارو نئين، پڻ ايويون منڪون هارو

ڏيڏل سٺه، جيا حڪمون مانه نٿي ويتا ان ڪيا رو ڪيڏو نٿي مونتا، پڳوون ري مرضي مانه نٿي ويتا پڻ ڏوه ڪرئ، پڳوون رٺي شيوا نٿي ڪرتا پڻ اوڻا رٺه ڪلاڦ وئ، مان ٻاپ نمه ماريا واڙا، ڪون ڪريا واڙا، ⑩ پونڏو ڪوم ڪريا واڙا، آڏميون ٿي پونڏو ڪوم ڪريا واڙا، منڪون نمه زوري اوپاڙيا واڙا، ڪوڙ ڪريا واڙا، ڪوڙي هاڪ پريا واڙا، ڪا پيزو ڪوئي ايوي ڪوم ڪريا واڙا جيو وشواس ريون هاسيون شيڪاڙل واتون رٺه ڪلاڦ هوئ. ⑪ هائي وشواس ري هاسي واتون ايسو را پارام ڪشي ري ڪهر ۾ سٺه. ان پڳوون جيو وڪوڻ واڙو سٺه، اوڻه اي مون واڙي ڪشي رٺي ڪهر همپڙايا رو ڪوم مارئ حوالئ ڪريوه.

پولوس پريو ايسو رو ٿورو مونئھ

⑫ ھون اپنا پريو ايسو ڪريست رو ٿورو مونونھ، جيئنه مون ننه اي ڪوم ڪريا رئي هيئت ڏيڏئيھ، ڪم تو اوئھ مون ننه ايموندار ھزمين آپري شيوا ڪريا ھارو راکيوھ. ⑬ ھون تو اڳي اوئا رنه ڪلاڦ ٻوليا واڙو، اوئا ننه تنگ ڪريا واڙو، ان اوئا رئي پيعزئي ڪريا واڙو ھتو. توئي پڻ مون مانھ ڏيا ٿئي، ڪم تو زئيون ھون ھائي ڪوم ڪرتوت ريو، تئيون مون ننه ڪبر نئي جي ايسو آپ پريو سئھ ان ھون اوئا مانھ وشواس نتو راکتو. ⑭ پڻ آپئھ پريو مون مانھ الھي گھڻي ڪريا ڪري ان مارئھ ايسو ڪريست ٿي واسطو راکيا ٿي مارا من ۾ وشواس ان پريم رڪايو، جي ھوئھ ھون اوئا مانھ وشواس راکونھ ان منڪون ٿي پريم راکونھ. ⑮ اي وات ھاسئي سئھ ان پورئھ نمونئھ مونيا جيويئي سئھ جي

”ايسو ڪريست ڏوھاريون ننه پچايا ھارو ايئا جڳت ۾ آيو.“

ان ھون ڏوھاريون ۾ ٻڌون ٿي موتو ڏوھاري سون. ⑯ توئي پڻ مون مانھ ڏيا ايئا ھارو ٿئي، جي ايسو ڪريست مون ٻڌون ٿي موتا ڏوھاري ننه ماڦ ڪرين اي وات ساوئي ڏيڪارٿھ جي او ڏوھاريون ھارو ڪتو صير ڪرئھ، زم او منڪ مارو مثال لئھ، جيا اوئا مانھ وشواس اوٿشي ان ھميش رو جيون ليشي. ⑰ پڳوون را وڪوڻ ٿئھ! او هيڪئھ پڳوون سئھ، جيو ھميش ٿي لين ھميش ھوڏي ٻڌون مانھ پاڏشا سئھ، جيو ھميش ھوڏي جيوتو سئھ ان منڪون را ڏيڪيا ٿي ٻارو سئھ. اوئا رو مون ان وڪوڻ ھميش ھوڏي ٿيئا رئھ! آمين.

⑱ مارا پريمي ڏيڪرا تيمٽيس، ھون تون ننه ھائي ڪوڙي واتون روڪيا رو حڪم ڏيونھ ان ھائي ڪوم ٿارئھ حوالئھ ڪرونھ. جيوتھ نمونئھ پڳوون رو نياپو ڏيڏا واڙي ٿارئھ ھائي ڪوم ڪريا را پارام اڳي ھمپڙايو تو، ھيوئھ نمونئھ تون پڳوون رون ڏيڏل ھايون نياپون ٿي ھيئت راکين ڪوڙيون واتون رو مقابلو ڪرتو

رئ، زم ڦوڇي هٿيار لين پوري هيمنت ٿي دشمن رو مقابلو ڪرئ. (19) ان تون وشواس راڪتو رئ ان آپرو من صاق راڪ. ڪئينڪ منڪ صاق من ٿي نه وودا ان هيونئ نمونئ آپرو وشواس ڪراپ ڪريوه پرو. (20) هايون موئين ٿي همٽس ان سڪندر سئ، جيون نئ مئين وشواسي منڌڙي ٿي ٻارا ڪاڍين شيطون را قوضام ساڏياھ، زم اوئون نئ شيطون تنگ ڪرئ، ان او شيڪئ جي پڳوون ريون هاسيون واتون رئ ڪلاڦ نه بولوو ان اوئون نئ صحيح ڪيال اوئ.

ڪيوئ نمونئ پڳئي ڪروو

2 (1) تيام ٻڌون ٿي مور هون وشواسيون نئ منٿ ڪرونھ جي او ٻڌون منڪون ھارو پڳوون ٿي وينتي ڪرئ، پراٿنا ڪرئ، منٿون ڪرئ، ان پڳوون رو ٿورو مونئ، (2) ڪاس ڪرين ياڏشائون ان ٻڌون آڳيونون ھارو، زم آبي هڪ ان شونتي ٿي آڀري حياتي گڏارون، ان آبي پڳوون ري پوري مرضي مانھ وين ايونئ نمونئ وون جي منڪ آڀو مون راڪئ. (3) ھائي واتون نائوڪي سئ ان آڀون نئ تارڻ ڏيڏا واڙا پڳوون نئ وئئ. (4) اوئا رئي مرضي سئ جي ٻڌائي منڪ پڇي زائ، ان اوئون نئ ھاس رئي پورئي ڪبر پڙئ. (5) ڪم تو پڳوون هيڪئ سئ، ان پڳوون ان منڪون وسا دنومئا ڪرايا واڙو پڻ هيڪئ سئ، ان او ايسو ڪريست سئ جيو منڪ ٿيو. (6) اوئ آڀرو جيو ٻڌون منڪون نئ سڏايا ھارو ايوزام ڏيڏو. هيونئ نمونئ اوئ صحيح توئا مانھ ھاڪ پري جي پڳوون ٻڌون منڪون نئ تارڻ ڏيو ڪرئ. (7) ھايا وات رئي ھاڪ پريا ھارو پڳوون مون نئ همپڙايا واڙو ان مڪ شيلو سوندين راکيوھ، هون ھاس ڪونھ ريو ان ڪوڙ نتي ڪرتو، زم هون ڌاريون قومون نئ وشواس ري ھاسي واتون شيڪارون.

(8) تيام مارئي مرضي سئ جي پڳئي ڪريا ري هر جگا ۾ آڌمي ڪراپ ڪوم ساڏين صاق من ٿي رينھ ان جھيڙا جھڳڙا وگر پراٿنا ڪرئ. (9) هيونئ

نمونته ڏوشي پڻ عقل ٿي آپري عزت رو کيال راکين صحيح نمونته لوگهڙا پيرئ. او آپ ننه نائوڪي ڏيڪاڙيا هارو آپرا مٿوئاڙ نه شنگارئ، ان نڪو هيم را گهڻا هُوت، موتي ان قيمتي لوگهڙا پيرئ. ⑩ پڻ زم اوئون ڏوشيون هارو نيڪ سٺه جي آپ ننه پڳوون ري مرضي مانه وُودا واڙي ڪئ، تم او نائوڪا ڪوم ڪريا ٿي آپ ننه نائوڪي ڏيڪاڙئ. ⑪ ڏوشيون رٺه شونتئي راکين منڌڙي رون اڳيوونون رو ڪيڏو مونين پڳوون ري واتون شيڪوو ڪئ. ⑫ هون ڪيا پڻ ڏوشي ننه اي موڪل نٿي ڏيتو جي او شيڪاڙيا رو ڪوم ڪرئ، ڪا آدميون مانه آپرا حڪم ويوراوئ، پڻ او شونتئي راکين رٺ. ⑬ ڪم تو پڳوون مور ٿي آدم نومي پيرهيون منڪ نايو تو، ان پسئ حوا نومي پيرهين ڏوشي ناوئي ٿي. ⑭ ان شيطون آدم ٿي نتو ڏڳو ڪريو، پڻ ڏوشي ٿي ڪريو تو، ان ڏوشي شيطون رٺي وات مونين پڳوون رو حڪم توڙيو پرو. ⑮ توئي پڻ ڏوشيون ننه تارڻ تو زڙشي، جي او آپرو ٻاڙون ننه همپاڙيا رو ڪوم ڪرين وشواس راڪتي رٺ، پريم ڪرتي رٺ، ان آپري عزت رو کيال راکين آپ ننه پويتر راڪئ.

وشواسي منڌڙي را اڳيوون ڪيو هوو ڪيئ

3 ① اي وات هاسئي سٺه جي جيو منڪ اڳيوونئي ڪروا ڪرئ، او هيڪ نائوڪو ڪوم ڪروا ڪرئ. ② تيام جيو منڪ اڳيوون ٿين وشواسي منڌڙي ننه همپاڙيا واڙو هوئ، اوئا مانه ڪئين الزوم نه هوئ. او هيڪ ڏوشي راڪئ ان پيزيل نه زائ، آپرو من آپرا ڪيڏام راڪئ، عقل راڪئ، اشراپ هوئ، ميزمونون رو مون راڪئ، ان شيڪاڙيا رو هوشيار هوئ. ③ او نڪو شراپي، نڪو ماريا واڙو هوئ، پڻ نرم طبيعت رو هوئ، جهيڙو ڪريا واڙو نه هوئ، ان نڪو پٺيهون رو لالچي هوئ. ④ او آپرا گهر رٺي همپاڙ نائوڪئ نمونته ڪرئ، آپرون ٻاڙون ننه آپرا ڪيڏام راڪئ، ان ايوئ نمونته وئ جي ٻاڙ هر وات م اوئا رو مون

راڪڻه. ⑤ پڻ جي ڪوڪ. منڪ آپرا گهر رڻي همپاڙ نه ڪري هيڪڻه، تو او ڪم ڪرين پڳوون ري وشواسي منڌڙي رڻي همپاڙ ڪري هيڪشي؟ ⑥ او نوو ٿيل وشواسي نه هوڻه، متون او آپ نه موتو هڙمڻه، ان پڳوون اوئا نه ايوئي سزا ڏيڏا رو ڦينصلو ڪرڻه، جيوئي سزا اوڻه شيطون نه ڏيڏا رو ڦينصلو ڪريوه. ⑦ ام پڻ هووو ڪپڻه، جي جيا منڪ وشواسي نٿي، او پڻ اوئا رو مون راکتا هوڻه، متون ڪوڪ اوئا رڻي ڳلا ڪرڻه، ان او قاتي زائ، ان شيطون رو مقصد پورو ٿه.


وشواسي منڌڙي ۾ شيواڌاري ڪيوا هووو ڪپڻ

⑧ هيوڻه نمونڻه جيا وشواسي منڌڙي ۾ شيواڌاري هوڻه، او ايوڻه نمونڻه وڻه جي منڪ اوئون رو مون راکڻه. او هي پڙا نه هوڻه، او شراپي نه هوڻه، نڪو پڻيهون رڻي لالچ راکڻه، ⑨ پڻ صاف من تي وشواس ريون اونڌيون واتون مانه پڪو يقين راکڻه جي همڻه ساوي ڪرل سڻه. ⑩ اوئون رو مور تي آزمتو ليوو، ان جي اوئون مانه ڪئين الزوم نه اوڻه، تو پسڻه پلڻه او شيوا رو ڪوم ڪرڻه. ⑪ هيوڻه نمونڻه شيوا ڪريا وازي ڏوشي پڻ ايوڻه نمونڻه وڻه جي منڪ اوئون رو مون راکڻه. او ڳلا ڪريا وازي نه هوڻه، پڻ آپرو من آپرا ڪيڏام راکڻه، ان ٻڌيون واتون ۾ ايمونڌار هوڻه. ⑫ شيواڌاري هيڪوڪي ڏوشي راکڻه ان پيزيل نه زائ، ان او آپرون ٻازون رڻي ان آپرا گهر رڻي نائوڪڻه نمونڻه همپاڙ ڪرڻه. ⑬ شيواڌاريون رڻه هيوا هووو ڪپڻه، ڪم تو جيا منڪ نائوڪڻه نمونڻه شيوا ڪرڻه، اوئون رو مون منڪون موئين وڌڻه، ان او گهڻي هيمنت تي ايسو ڪريست مانه وشواس راکيا را پارام همپاڙوي هيڪڻه.

آپڻا وشواس رڻي اونڌي وات

⑭ مارئي اميد سڻه جي هون ٿون ڪن جلدي آويه. توي پڻ هون هائي واتون

لڪونه ريو (15) زم، جي مون نئه آيام ڏير ٿئه، تو تون نئه ڪبر هوئه جي



۽ شواسيون رئه ڪيوئه نمونئه ويو ڪپئه. ۽ شواسي پڳوون را نوم رئي اڪائي سئه، جي جيوئا پڳوون رئي ۽ شواسي منڌڙي سئه. ان زم پيلر ان پُنياءَ گهر نئه صحيح راکئو، ته ۽ شواسي منڌڙي هاس مانه وين ان هاس شيڪارڙين ۽ شواس ري هاسي واتون صحيح راکئو. (16) ايئا ۾ ڪئين شڪ نٿي جي آڀا ۽ شواس رئي اوندڙي وات جيا ري ڪري آڀي پڳوون ري مرضي مانه وونه، اُو گهٽئي موٽي وات سئه. ان اُو اوندڙي وات اي سئه:

”ايسو منڪ تين

ايئا دنيا ۾ ساوو ٿيو،

ان پويتر آتما ري ڪڙا ٿي

پيدوهي ٿاڀت ٿيو.

آڪاشي ڏوتي اُوئا نئه ڏيڪيو،

ان ڌاري قومون نئه اُوئا را پارام منڪي همپڙايو.

دنيا ۾ منڪي اُوئا مانه ۽ شواس اوٿيو،

ان آڪاش ۾ پڳوون اُوئا نئه اُوڀارڙين مون ۾ پيهاريو.“

ڪوڙي واتون شيڪارڙيا وازون ٿي هوشيار ريوو

① هوئه پويتر آتما صاف ڪئو جي دنيا رن پڇاڙي وازون ڏيئون ۾ ڪئينڪ منڪ ۽ شواس ري هاسي واتون ساڏشي، ان پوتون ان ڏيوٽونون ريون ڪوڙيون

4

شِيڪاڙل واتون مانھ ڏيون ڏيشي. 2. جيا منڪ هيوي واتون شِيڪاڙڻ، پلئھ اُو
 آپ نئھ ھاسا ڏيڪاڙڻ، توڻي پڻ اُو ڪوڙ ٻولئھ ريا. اُوئون را من ڪراپ ٿي گياھ
 ان اُوئون نئھ ڪئين شرم نٿي ٿيڻي. 3. اُو ام شِيڪاڙڻ جي پڙڻو نہ ڪپئھ، ان
 ڪئينڪ کاڏا ري شينھون پڻ نہ کاوو ڪپئھ. پڻ ھائي شينھون پڳوون ايئا ھارُو
 پيدا ڪري زم جيا منڪ وشواس راکئھ ان جيون نئھ ھاس رئي پوري ڪپئھ سئھ،
 اُو ھايون ھارُو پڳوون رو ٿورو مونئھ ان ھايون نئھ کائھ. 4. ڪم تو پڳوون ري
 پيدا ڪرل ٻڌي شينھون ٺاڻوڪي سئھ. تيام ام نہ ھزمو ڪپئھ جي ڦلوتئي شينھ
 پويتر نٿي، ان اُو نہ کاوو ڪپئھ. پڻ پڳوون رو ٿورو مونين ٽمي ڪوئي پڻ کاڏا
 رئي شينھ پلئھ کائو. 5. ڪم تو پڳوون را وچن ان منڪ ري پرائنا ٿي اُو شينھ
 پويتر ٿئھ.

ايسو ڪريست رو ٺاڻوڪو شيواڏاري ڪم ڪرين ٿيو

6. جي ٿون وشواسي پايون نئھ ھائي واتون شِيڪاڙو ريھ، تو ٿون ايسو ڪريست
 رو ٺاڻوڪو شيواڏاري ٿيھ، ان وشواس ريون ٺاڻوڪيون شِيڪاڙل واتون ٿي، جيون
 مانھ ٿون آز ھوڏي ويتو آيوھ، ٿون نئھ ھيمت زڙشي. 7. پڻ منڪون ري امھي
 ٺاڻل وارتائون، جي پڳوون رئھ ڪلاڦ سئھ ان روڳي پرم وازي واتون سئھ،
 اُوئون ٿي پاھو ڪري. ٿون پڳوون ري مرضي مانھ وُڍا رئي گھڻي ڪوشش
 ڪري. 8. ورزش ڪريا ري ڪوشش ٿي ڏيل نئھ ڪئينڪ ڦاڻيڏو ٿئھ، پڻ پڳوون
 ري مرضي مانھ وُڍا ري ڪوشش ٿي ٻڌيون واتون مڙ ڦاڻيڏو ٿئھ، ڪم تو
 پڳوون اي وائڻو ڪريو تو جي پڳوون ري مرضي مانھ وُڍا وازون نئھ ايئا
 حياتي مڙ نوا نمونا رو جيون زڙشي، ان مريا ڪيڙ آيا وازي حياتي مڙ ھميش
 رو جيون زڙشي. 9. ھائي وات ھاسئي سئھ ان پورئھ نمونئھ مونيآ جيويي
 سئھ. 10. تيام آبي ھايا مقصد ھارُو مينت ڪرونھ ان ڏوروڻ سھين ڪوشش
 ڪرونھ، ڪم تو آبي جيوتا پڳوون مانھ پروسو راکيوھ، جيو ٻڌون منڪون

هارو پڇايا وڙو سئ، کاس ڪرين وِشواس راکيا وڙون هارو، جيون نئ اُو تارڻ ڏيشي.

⑪ ٻيون واتون مانھ وُڍا رو حُڪم ڏي ان ٻيون را پارام شيڪاڙي. ⑫ پلئھ تُون جوڻ سئ، توئي پڻ ٻڌون منڪون رئھ تارئي وات مونو ڪپئھ. تُون واتون ڪريا ڀر، وُڍا ڀر، پريم ڪريا ڀر، وِشواس راکيا ڀر ان آپ نئ پويتر راکيا ڀر وِشواسيون نئ ايوو نمونو ڏيڪاڙ جيا مانھ اُو وئ. ⑬ زئيون هُڏي هُون نه آون، تئيون هُڏي تُون ڏيون ٿي شاستر پئين همپڙاوتو رئھ، هزماوتو رئھ ان شيڪاڙتو رئھ. ⑭ تُون پڳوون ري ڏيڏل پوري هيمنت ٿي هائي ڪوم ڪرتو رئھ، جئي هيمنت پڳوون تُون نئ تئيون ڏيڏي، زئيون وِشواسيئي ٿارا پارام پڳوون رو نياپو ڏيڏو، ان وِشواسي منڏري ري آڳيون تُون مانھ هات ميلين هيا ڪوم مانھ راکيو. ⑮ ٻيون واتون مانھ ڏيون ڏي، ان ٻيون مانھ ويتوري، زم ٻڌون منڪون هومئي وات ساوئي تئھ جي تُون وِشواس ڀر آڳڙ وڏھ ريو. ⑯ هوشيار ري جي تُون آپ ٻيون واتون مانھ ويتو رئھ، ان هائي واتون شيڪاڙتو رئھ. ڪم تو تارئھ هم ڪريا ٿي تُون آپ نئ تارڻ زڙشي، ان تاري واتون هومپڙيا وڙون نئ پڻ تارڻ زڙشي.

وِشواسي منڏري رُون منڪون ٿي ڪيوئ نمونئ ويوو

5 ① ڪيا ڏوڪرا نئھ مت وڙگي، پڻ اُوتا نئھ آپرا ٻاپ را زم هزماو. جوڻ منڪون نئھ ٻيون را زم هزم، ② ڏوڪريون نئھ مان را زم هزم، ان جوڻ ڏوشيون ان سوڪريون نئھ آپرو من پويتر راکين پينون را زم هزم.

رنڌال ڏوشيون را پارام

③ اُو رنڌال ڏوشي جي هاس ڀر هيڪلي سئھ، اُوئون رو مون راک ان اُوئون رئي همپڙا ڪر. ④ پڻ جي ڪياڪ رنڌال ڏوشي را ٻاڙ ڪا پوترا ڏوئيترا هئھ، تو

مور ٿي اُوئون رٿه اونا رٿي همپاڙ ڪروو ڪپڻه. اُوئون رٿه آپرٿي زميواري هزموو ڪپڻه جي اُو آپرون گهر واڙون رٿي شيوا ساڪرٿي ڪرڻه، ان آپرون مائيترون ري ڪرل همپاڙ رو ايوزو پرڻه، ڪم تو اي پڳوون نٿه نائوڪو لاڳڻه. ⑤ ايوي رنڌال ڏوشي رٿي همپاڙ ڪر جئي هاس ۾ هيڪلٿي سٺه ان جيا رو پيزو ڪوئي نٿي، جيا رو پروسو پڳوون مانه سٺه، ان جئي ڏي رات پڳوون ٿي وينتئي ان پراٿنا ڪرٿي رٿه. ⑥ پڻ جئي رنڌال ڏوشي عيش عشرت ۾ پڙل سٺه، اُو پلٺه جيوٿي هوڻه، توڻي پڻ اُو زوڻه مرل سٺه ڪم تو پڳوون ٿي ڪئين واسطو نٿي راکڻي. ⑦ منڪون نٿه هايون واتون مانه وودا رو حڪم پڻ ڏڻه، زم اُوئون مانه ڪئين الزوم نه آوڻه. ⑧ پڻ جي ڪوئي آپرون عزيزون رٿي، ان ڪاس ڪرين آپرون گهر واڙون رٿي، همپاڙ نٿي ڪرتو، تو اُوڻه آپرا وشواس مانه نه وودا ٿي وشواس نٿه ساڏيوه پرو. ان اُو وشواس نه راکيا واڙون ٿي پڻ ڪراپ سٺه، ڪم تو اُو پلٺه وشواس نٿي راکڻا، توڻي پڻ اُو آپرون گهر واڙون رٿي همپاڙ تو ڪرڻه.

⑨ اُو رنڌال ڏوشي جي وشواسي منڌڙي ۾ ايسو ڪريست رٿي شيوا ڪريا وازي ٿيو ڪرڻه، اُوئون موئين ٿي روڳو اُوئون رنڌال ڏوشيون را نوم لڪ، جي هائين سالون ٿي وڌارڻه عمر ري هوڻه، ان آپرا هڪا آدمي ري گهري ري هوڻه ان پيزيل نه گي هوڻه. ⑩ اُوئون رو نائوڪا ڪوم ڪريا ري ڪري مون هوڻه، اُوئي آپرون باڙون رٿي همپاڙ ڪرڻي هوڻه، ميزمونون رٿي شيوا ڪرڻي هوڻه، پڳوون رون سونيدل منڪون رٿي شيوا ساڪرٿي ڪرڻي هوڻه، موصييت ۾ پڙل منڪون رٿي مدت ڪرڻي هوڻه، ان ٻڌائي نائوڪا ڪوم ڪريا هارو تيار ريتي هوڻه.

⑪ پڻ جون رنڌال ڏوشيون را نوم مت لڪ، ڪم تو زيون اُوئون نٿه آدمي رو ڪيال آوڻه، تيون اُو آپرو اڳلوڪو اي ڪيال ساڏڻه، جي ”هون روڳڻي ايسو ڪريست رٿي شيوا ڪريه،“ ان اُو گهر ڪروا ڪرڻه. ⑫ ان هيوڻه نمونڻه اُو ايسو رٿي شيوا ڪريا رو آپرو وائيدو توڙين پڳوون رو ڏوه ڪرڻه. ⑬ ان پيزي وات

اي سٺه، گهر ٿو گهر زايا ٿي اُوئون رو نالي پينا رو ڍوڻ پڙي زائھ. اُو اُوٺه نه رُوگي نالي پيهه، پڻ پيزون ري واتون آگهي پاسي ڪرھ، پيزون رئي گلا ڪرھ، ان ايوي واتون ڪرھ جي نه ڪروو ڪپھ. ⑭ تيام مارئي مرضي اي سٺه جي جوڻ رنداڻ ڏوشي گهر ڪرھ، اُوئون را اولاد ٿه، ان اُو گهر رئي همپاڙ ڪرھ، زم جيو آپٺه ڪلاڦ سٺه، اُوئا نٺه ڪئين گلا ڪريا رو وجه نه زڙه. ⑮ هون اينا هارو ڪونه ريو، ڪم تو ڪئينڪ هيوي ڏوشي آگي پگيون ري وات ٿي ڦري گيه، ان شيطون ري وات مانھ وُڍا وازي ٿي گيه.

⑯ جي ڪياڪ وشواسي ڏوشي رون عزيزون موئين رنداڻ ڏوشي هوٺه، تو اُو وشواسي ڏوشي اُوئون رئي مدت ڪرھ، ان اُوئون رئي همپاڙ ڪريا رو پاڙ وشواسي منڌڙي مانھ نه نوڪه، زم وشواسي منڌڙي اُوئون رنداڻ ڏوشيون رئي مدت ڪري هيڪه، جيون رو ڪوئي نٿي.

آگيونون را پارام

⑰ جيا آگيون وشواسي منڌڙي رئي همپاڙ ٺاڻوڪه نمونھ ڪرھ، ڪاس ڪزين جيا وچن همپاڙيا ان شيڪاڙيا ۾ مينت ڪرھ، اُوئون رو پيٺو مون راڪو ان اُوئون نه اُوئون ري همپاڙ هارو پورو ڪرچ ڏيوو. ⑱ ڪم تو شاستر ۾ ام لڪل سٺه جي ”زئون ڍگو هلر ۾ ٻوندل سٺه،



تو مونسو نه ساڙوو.

ان شاستر ۾ اي پڻ لڪل سٺه جي

”ڪوم ڪريا وازا نه

آپريي مزورئي ليڏا رو حق سٺه.“

⑲ جي ڪوڪ منڪ ڪياڪ آگيون مانھ الزوم هٺه، تو اُوئا منڪ رئي وات تيون هوڏي مت موني، زئون هوڏي ٻي ڪا ترڻ منڪ هاڪ پريا وازا نه هوٺه. ⑳ جيا آگيون ڏوه ڪرھ، اُوئون نه ٻڌون وشواسيون ره روپرو هزماوي، زم

پڙا پڻ ڏوه ڪريا ٿي پيڻاڻه. ① هون تون ننه پڳوون، ايسو ڪريست، ان پڳوون رن سونڊل آڪاشي ڏوتون هومو هون ڏيونه، جي تون هاڻيون واتون مانه وي، ان نڪو صحيح ڪهر پاڙيا وڳر ڪيا رو ڦينصلو ڪري، نڪو ڪيا رو پاھو لي.

② تون جلدِي ۾ سوچيا وڳر ڪيا منڪ ننه آڳيون راکيا هارو اونا مانه هات مت ميلي. ان ڏوهاري منڪون ننه سونڊيا ٿي تون اوئون رو ڏوه آپ مانه مت لي. تون آپ ننه ڏوه ٿي شيئي راکي. ③ تون روڳو پوڻي مت پي، پڻ ڪينڪ ڌراڪون رو رس پڻ پيتو ري، ڪم تو تارو پيت اڳي ڪراپ رنه ان تارئي طبيعت نيڪ نٿي ريتي. ④ جلدِي ۾ آڳيونون ننه مت سونڊي، ڪم تو ڪينڪ منڪ ايوا سنه جيون را ڏوه اڳي ساوا سنه، ان جونچ ڪريا مور اوئون رن ڏوهون رئي ڪهر سنه، پڻ ڪينڪ ايوا سنه جيون را ڏوه روڳا جونچ ڪريا ڪيڙ ساوا ٿه. ⑤ هيوه نموننه منڪون را نائوڪا ڪوم پڻ گهڻو ڪرين اڳي ساوا سنه، پڻ جي ساوا نٿي، تو جونچ ڪريا ڪيڙ ضرور ساوا ٿيشي.

وشواسي ڳلومون ننه ڪيوي واتون شيڪاڙو

① زتا وشواسي منڪ ڳلوم سنه، اوئون رنه ام هزمو جي او آپرا ڌڻي رو 6 گهڻو مون راکه، زم منڪ پڳوون رنه ان آپنا وشواس ريون شيڪاڙل واتون رنه ڪلاڦ نه ٻولنه. ② جي اوئون را ڌڻي وشواسي سنه، تو او آپرا وشواسي پاڻي هويا ري ڪري ڌڻيون ننه گهٽ نه هزمه، پڻ اوئون رو مون راکين وڌارنه گهڻي شيوا ڪرئه، ڪم تو جيون رئي شيوا او ڪرئه ريا، او وشواسي سنه ان پريمي پاڻي سنه.

ڪوڙي واتون شيڪاڙيا وازا آپرو نتيجو پرشي

تون هائي واتون شيڪاڙتو ري ان هزماتو ري. ③ پڻ جي ڪوئي منڪ اوڙي واتون شيڪاڙهه ان آپنا پريو ايسو ڪريست ري صحيح واتون نٿي مونتو، ان نڪو

وشواس ري شيڪاڙل واتون مونھه جيا ٿي پڳوون ري مرضي مانھ وُودا را پارام
 ڪبر پڙھ، ④ تو اُوئھ منڪ آپ نئھ موتو ھزمين آپري عقل ساڏيھ پري ان او
 ڪئين نتي ھزمتو. او رُوگي پحت ڪرھ ان وات وات مانھ تڪرار ڪرھ، ڪم
 تو او منڪ آپ صحيح نتي. ھم پحت ان تڪرار ڪريا ٿي منڪ ھيڪا پيزا مانھ
 ريشي پڙھ، آپت موئين وڙگائھ، ھيڪا پيزا رئي ڳلا ڪرھ، پيزون مانھ شك
 ڪرھ ان اوئون نئھ ڪراپ ھزمتو، ⑤ ان ھميش آپت موئين واڏ ڪرتا رھ، ڪم
 تو اوئون را من ڪراپ ٿي ڳياھ ان اوئي ھاس نئھ ساڏيوھ پرو. او لالچ راکين ام
 ھزمتو جي ڌرم پاڙيا ٿي آپ نئھ قائيدو تھ.

⑥ ھوئھ ڌرم پاڙيا ٿي قائيدو تو گھڻو سئھ، جي منڪ پڳوون ري مرضي
 مانھ وئھ ان زتو اوئا ڪن سئھ اوئام ڪش رھ. ⑦ ڪم تو آبي اينئا ڏنيا ۾
 نالي ھاڻي آياھ، ان وات ساوئي سئھ جي ايئون نالي ھاڻي زاشون. ⑧ تيام،
 جي آپون ڪن کاڌو پيدو ان لوگھڙا ھوئھ، تو ڪش ريشون. ⑨ پڻ جيا منڪ
 شائوڪار ٿيو ڪرھ، او آزمتا ۾ پڙي زائھ، ان زم پکي گھت ۾ قائتھ، تم او
 گھڻون ڪراپ ڪيالون ۾ قاتي زائھ. ھيو ڪيال عقل ۾ موئھ نتي ان نقصون ڏيڏا
 واڙا سئھ، ان ھايون ري ڪري منڪون رئي زندگي پريآڏ ٿي زائھ، ان اوئون نئھ
 تارڻ پڻ نئين زڙئھ. ⑩ ڪم تو پئيهون رئي لالچ ھر قسم ري پوندائي رئي پاڍ



سئھ. پئيهون ري لالچ ۾ ڪئينڪ منڪي
 آپرو وشواس ساڏيوھ پرو ان آپرا آپ نئھ
 گھڻا ڏک ڏيڏاھ.

وشواس ريون ھاسيون واتون مانھ ويو
 زم انصاف ۾ ھميش. رو جيون زڙئھ

⑪ پڻ ٽون ھايون واتون ٿي شيتي پاڳ، ڪم تو ٽون پڳوون رو سونيل منڪ
 سئھ. ان ايئون واتون مانھ وُودا رئي ڪوشش ڪر جي ٽون منڪون ھون انصاف

ٽي وٽ، پڳوونَ ري مرضي مانھ وٽ، وشواس راکٽھ، پريم ڪرئ، ڏوروڻ سپر ٽي سھڻ، ان گريبي ھون وٽ. (12) زم ملي انصاب ليڏا ھارو پوري ڪوشش ٿي مل وڌھ، تم ٽون پوري ڪوشش ٿي وشواس مانھ ٺاڻوڪئ نمونئ وٽ، زم انصاب ۾ ٽون نئ ھميش رو جيون زڙئ. ٿارئ ھائي ھميش رو جيون ليڏا ھارو پڳوون ٿارو واسطو آپ ٿي رکايوھ، ان تئين گھڻون شائيدون ھومو آپرو ايسو مانھ وشواس پاسيوھ. (13) ھون پڳوون ھومو، جيو ٻڌون نئ جيو ڏھ، ان ايسو ڪريست ھومو، جيئھ پينٽس پيلاٽس رون ڏيئون ۾ اپٽا وشواس ري واتون ھاسي ڏيڪاڙي تي، ٽون نئ حڪم ڏيونھ (14) جي ٽون پڳوون را ڏيڏل حڪم مانھ وين ھاسو وشواس شيڪاڙتو ري، زم ڪوئي ڪلاڦ نہ ٻولي ھيڪئ، زئين ھوڏي آپنو پريو ايسو ڪريست پاسو آوين ساوو نہ ٿئ.

(15) پڳوون را وڪوڻ ٿئ! او آپرا صحيح ٿوئا مانھ پريو ايسو نئ ساوو ڪرشي. او وڪوڻ رئ لائيق ھيڪئ راز ڪريا واڙو سئ، او پاڏشائون رو پاڏشا ان ڏئين رو ڏئي سئ. (16) روگو او شروع ٿي لين ھميش ھوڏي سئ. او ايوا سوجھرا ۾ رھ جيا ڪن ڪوئي نئي پوگي ھيڪتو، اوئا نئ ڪيئھ ئي منڪ نئي ڏيڪيو، ان نڪو ڏيڪي ھيڪئ. اوئا رو مون ان راز ھميش ھوڏي رئ! آمين.

شائوڪار وشواسيون نئ ڪيو وي وانون شيڪاڙو

(17) جيا وشواسي ايئا ڏنيا ۾ شائوڪار سئ، ٽون اوئون نئ حڪم ڏئ، جي او مگھرور نہ ٿئ، ان آپري ملڳت مانھ پروسو نہ راکٽھ، جيا مانھ پروسو نالو سئ، پڻ او پڳوون مانھ پروسو راکٽھ، جيو آپني ڪشي ھارو ٻڌوئي ڪئين امھي ڏھ. (18) اوئون نئ اي پڻ حڪم ڏئ جي او پيزون ٿي پلائي ڪرئ، ان گھڻي ملڳت پيڙي نہ ڪرئ پڻ گھڻا ٺاڻوڪا ڪوم ڪرئ. او آپري ملڳت ٿي پيزون نئ ڏيڏا ھارو تيار رئ ان سڪي ھوئ. (19) ھيوئ نمونئ او آيا واڙا وڪت ھارو ملڳت پيڙي نہ ڪرئ، پڻ آپري ملڳت ٿي ايوا ٺاڻوڪا ڪوم ڪرئ جيون رو

انصاب مريا ڪيڙ آيا واري حياتي ۾ زڙشي، زم اوئون ننه هميش رو جيون زڙنه،
جيا را مقابلا ۾ اي حياتي ڪئين نتي.

آڪري واتون

②0 پريمي پائي تيمٽيس، ايسورا پارام ڪشي رئي ڪبر جي پڳوون امونت را زم
تارنه حواله ڪريه، هيا ننه تون پڌليا وگر صحيح راکتو رنه، ان اوئون واتون
تي پاھو ڏنه جيون ننه منڪ ڪوڙ هاڪلين ”گيون“ ڪنه، پڻ هاس ۾ او نالي
واتون سنه جي پڳوون رنه ان هاسا وشواس رنه ڪلاق سنه. ②1 هايون ڪوڙيون
واتون تي پاھو ڏنه، ڪم تو ڪئينڪ منڪ هائي واتون مومين هاسا وشواس تي
قري گياھ.

پڳوون تمون ٻڌون مانھ ڪرپا ڪرئ!

تيمٿيس را نوم مانه لکل پيزا کت رئي هزموتئي

کت لکيا وازو

اي کت پولوس لکيو (2 تيمٿيس 1:1). ام لاڳهه جي پولوس اي کت اوتھ توئنه لکيو، زئيون اوتھ ايسو را پارام همپزيا هارو چارمو چکر کريو، ان تيا کيتر پيزي وار روم شهر موئين روميون رو قيدي هتو. پيرهين وار او اپرا گهر م پاهرام قيدي هتو. پڻ کت لکيا رنه توئنه او ڏوهاري را زم هتڪڙي لاڳل جيل موئين پورل هتو (2 تيمٿيس 2:9). پولوس نه کبر هتئي جي اوتھ آپ نه پڳوون رو ڏيڏل کوم پورو کريوه. ان اوتنا نه اي پڻ کبر هتئي جي روم رو يادشا نرو ايوو ظلمي سهن ان وشواسيون رنه ڪيلاق سهن جي اوتنا نه ضرور موت رئي سزا ڏيشي (2 تيمٿيس 4:6-8). تيام اوتھ مريا ٿي مور، اندازام 67-68ع م، اي کت تيمٿيس نه لکيو.

کت ڪيا منک هارو لکيو

پولوس اي کت تيمٿيس هارو لکيو (2 تيمٿيس 2:1). تيمٿيس گلننه صويا را استره شهر رو هتو. اوتنا رئي مان يهودي قوم رئي هتئي ان وشواسي هتئي، پڻ اوتنا رو باپ ڌاري قوم رو هتو. تيمٿيس آپ نائوڪو وشواسي هتو. (مک شيلون را کوم 1:16-2). پولوس اپرا پيرهين چکر مانه استره شهر م کيو تو، (مک شيلون را کوم 14:6-21) ان زئيون او پيزا چکر مانه وڙي استره شهر م کيو، تئيون اوتھ تيمٿيس نه آپ پيزو زايا هارو سونديو (مک شيلون را کوم 3:16). تيمٿيس گهڻي وار پولوس پيزو ايسو را پارام همپزيا ووا زاتو ريتو (مک شيلون را کوم 17:14-15، 18:5، 19:22، 20:4). ان زئيون پولوس پيرهين وار روم شهر موئين قيدي هتو، ان اپرا گهر موئين پاهرام ريتو، تئيون تيمٿيس پڻ اوتنا پيزو ريتو (فليپون 1:1).

کت لکيا رو مطلب

پولوس موت رئي سزا کاڌا وازو هتو، ان تيمٿيس هزون افسس شهر موئين وشواسيون نه شيڪارتوت ريو. تيام پولوس اي کت لکيو زم تيمٿيس رئي هيمنت وڌه ان او پولوس رو نمونو زوئين اوتنا را زم نرو يادشا رو ظلم سهن ان وشواس ري هاسي وانون شيڪارتو رنه، او پولوس ٿي جيل موئين مزوا اوتھ (2 تيمٿيس 4:21)، ان او اي کت پئين همپزيا ٿي افسس شهر رون بدون وشواسيون نه پولوس ري وانون همپزيا وڌه (2 تيمٿيس 4:22).

اٲئا كٲاب را شاسٲر ٲي ٲبزا حوالا:

2 تيمٲٲس 10:4 ... 2 كُرٲٲيون 13:2	2 تيمٲٲس 1:1 ... 1:9 كوم 19-
2 تيمٲٲس 10:4 ... 2 كُرٲٲيون 6:7, 13-15	2 تيمٲٲس 2:1 ... 1:16 كوم 3-
2 تيمٲٲس 10:4 ... 2 كُرٲٲيون 6:8	2 تيمٲٲس 2:1 ... 20:4 كوم 4:
2 تيمٲٲس 10:4 ... 2 كُرٲٲيون 16:8-17, 23	2 تيمٲٲس 4:1 ... 1 تيمٲٲس 3:1
2 تيمٲٲس 10:4 ... 2 كُرٲٲيون 18:12	2 تيمٲٲس 5:1 ... 16:1 كوم 1:
2 تيمٲٲس 10:4 ... 1 طيطس 4:1-5	2 تيمٲٲس 6:1 ... 1 تيمٲٲس 18:1
2 تيمٲٲس 11:4 ... 4:4 كلسيون 14:	2 تيمٲٲس 6:1 ... 1 تيمٲٲس 14:4
2 تيمٲٲس 11:4 ... 1 فيلمون 24:1	2 تيمٲٲس 11:1 ... 1:9 كوم 19-
2 تيمٲٲس 11:4 ... 12:25 كوم 25:	2 تيمٲٲس 8:2 ... 16:10-11 زبور 11-
2 تيمٲٲس 11:4 ... 13:13 كوم 13:	2 تيمٲٲس 8:2 ... 53:10-11 يسعياه 11-
2 تيمٲٲس 11:4 ... 15:37-39 كوم 39:	2 تيمٲٲس 8:2 ... 24:53 لوقا 53-
2 تيمٲٲس 11:4 ... 4:10 كلسيون 10:	2 تيمٲٲس 8:2 ... 11:10-1 يسعياه 10-
2 تيمٲٲس 11:4 ... 1:24 فيلمون 24:	2 تيمٲٲس 8:2 ... 1:6-16 متي 16-
2 تيمٲٲس 12:4 ... 20:4 كوم 4:	2 تيمٲٲس 17:2 ... 1 تيمٲٲس 20:1
2 تيمٲٲس 12:4 ... 6:21 افسيون 21:	2 تيمٲٲس 19:2 ... 1 تيمٲٲس 15:3
2 تيمٲٲس 12:4 ... 4:7 كلسيون 7:	2 تيمٲٲس 19:2 ... 16:5 كٲٲي 5:
2 تيمٲٲس 12:4 ... 3:12 طيطس 12:	2 تيمٲٲس 19:2 ... 52:11 يسعياه 11:
2 تيمٲٲس 14:4 ... 1 تيمٲٲس 20:1	2 تيمٲٲس 1:3-5 ... 24:10-12 متي 12-
2 تيمٲٲس 19:4 ... 1:18 كوم 3-	2 تيمٲٲس 8:3 ... 7:13-8 خرو؁ 13-
2 تيمٲٲس 19:4 ... 18:19, 26 كوم 19:	2 تيمٲٲس 11:3 ... 13:44-51 كوم 51-
2 تيمٲٲس 19:4 ... 1 كُرٲٲيون 19:16	2 تيمٲٲس 11:3 ... 14:7 كوم 7-
2 تيمٲٲس 19:4 ... 16:3 روميون 3:	2 تيمٲٲس 11:3 ... 14:19-20 كوم 20-
2 تيمٲٲس 19:4 ... 1 تيمٲٲس 16:1	2 تيمٲٲس 13-14-15 ... 16:1 كوم 1:
2 تيمٲٲس 20:4 ... 19:22 كوم 22:	2 تيمٲٲس 13-14-15 ... 1 تيمٲٲس 5:
2 تيمٲٲس 20:4 ... 20:4 كوم 4:	2 تيمٲٲس 10:4 ... 4:14 كلسيون 14:
2 تيمٲٲس 20:4 ... 21:29 كوم 29:	2 تيمٲٲس 10:4 ... 1:24 فيلمون 24:
	2 تيمٲٲس 10:4 ... 2:1-3 گلٲيون 3-

تيمٽيس

را نوم مانھ پولوس رو لکل

پيزو کٽ

1 ① هُون لکيا واڙو پولوس سون، جيو ايسو کريست رو هيڪ مُک شيلو سون.
 هُون پڳوون ري مرضي پرموئڻه مُک شيلو سُونڊل سون زم هُون منڪون نڻه
 پڳوون را وائڙا را پارام همپزاوون جي ايسو کريست تي واسطو راکيا ري ڪري
 هميش رو جيون زڙشي.

② پريمي پائي تيمٽيس، تون جيو مارا ڏيڪرا را زم سڻه،
 آڻو ٻاپ پڳوون ان آڻو پڙيو ايسو کريست تون مانھ ڪريا ان ڏٿيا ڪرڻه،
 ان تون نڻه هڪي راکڻه!

پولوس پڳوون رو تورو مونڻه ان تيمٽيس نڻه حوصلو ڏڻه

③ هُون پڳوون رو تورو مونونھ، جيا رڻي شيوا هُون آڀرون ٻاپ ڏاڏون را زم
 صاف من تي ڪرونھ. ڏي رات زئيون هُون پراٿنا ڪرونھ، تئين هُون هميش تون
 نڻه ياڏ ڪرين تون هارو پڳوون رو تورو مونونھ. ④ مارو جيو تون تي مڙيا
 هارو ڪرڻه، زم تون تي مڙيا تي مون نڻه گهڻي ڪشي زڙڻه، ڪم تو مون
 نڻه ياڏ سڻه جي مارڻه تون تي زايا رڻه توڻه تون ڪتو رويو تو. ⑤ هُون ايڻا
 وات را پارام پڻ سوچونھ جي تون هاسا من تي ايسو مانھ وشواس راکڻه،
 زم پيرھين تاري نوڻي لوڻس ان ٿي مان يونيڪي پڪو وشواس اوڻيو. ان مون

نٽه يقينَ سٺه جي ٽون پڻ هيٺو پڪو وشواس راکڻه. ⑥ تيام هون ٽون نٽه ياڏ ڏيوراوونھ جي ٽون پورا من ٿي اڳي را زم ڀڳوون ري ڏيڏل هيٺ ٿي ڪوم ڪر. هائي هيٺ ٽون نٽه تٿيون زڙڙيه، زٿيون ٽون نٽه هايا ڪوم مانھ راکيا هارو مٿين ٽون مانھ هات ميليا. ⑦ ٽون هيٺ ٿي ڪوم ڪر، ڪم تو ڀڳوون آڀون نٽه پويتر آتما ايٺا هارو نٽي ڏيڏو زم آڀي پٺائون، پڻ ايٺا هارو ڏيڏوھ زم آڀون نٽه ڪڙا زڙه، آڀي پريم ڪرون، ان عقل ٿي آڀري مرضي قابوم راکون.

⑧ تيام ٽون آڀا پريو ايسو را پارام همپڙايا ٿي لڙي مت مري، ان ماري ڪري پڻ لڙي مت مري، جيو پريو ايسو ري ڪري قيڏي سون. پڻ ايسو را پارام ڪشي رٿي ڪهر همپڙايا ري ڪري ٽون مارا زم ڀڳوون ري ڏيڏل ڪڙا ٿي ڏک ان تڪليپون سهتو رٿه. ⑨ ڀڳوون آڀون نٽه ڀڄاياھ ان آڀون نٽه پويتر ڪريا هارو آڀو آڀ ٿي واسطو رکايوھ. آڀي ايوا نائوڪا ڪوم نٽي ڪريا جيا ري ڪري ڀڳوون آڀون نٽه ڀڄاياھ، پڻ اوٽه آڀرا ڪاس مقصد پرموٽه آڀون مانھ ڪرپا ڪرين آڀون نٽه ڀڄاياھ. هائي ڪرپا ڪريا رو ڦينصلو اوٽه جڳت نايا ٿي مور ڪريو تو، جي او آڀون مانھ ڪرپا ڪرٽه جيا ايسو ڪريست ٿي واسطو راکونھ. ⑩ پڻ اوٽه هائي ڪرپا ايٺا وڪت ڀر ساوئي ڪرٿيه، زٿيون اوٽه آڀون نٽه ڀڄايا وڙا ايسو ڪريست نٽه ايٺا جڳت ڀر ميلين ساوو ڪريوھ. ايسو ڪريست موت ٿي جيوي اونيئا ٿي موت رو قوضو ڪتم ڪريوھ، ان آڀ را پارام ڪشي رٿي ڪهر ڏيڏا ٿي وات ساوئي ڏيڪاڙيه جي آڀون نٽه هميش رو جيون زڙشي، ان آڀي ڪيڏي ڪتم نئين ٿيون.

پولوس آڀرو نمونو ڏيڪاڙين تيمٽيس رو حونصلو وڏاوٽه

⑪ ڀڳوون مون نٽه ايٺا هارو مک شيلو سوندين راکيوھ جي هون هائي ڪشي رٿي ڪهر منڪون نٽه همپڙاوون ان هايا را پارام شيڪاڙون. ⑫ تيا ري ڪري هون

اي ڏک پڻ سهونھ ريو، توڻي پڻ هُون ايسُو را پارام ڪُشي رڻي ڪبر همپڙايا ٿي
 لازي نٿي مرتو، ڪم تو پڳوون جيا مانھ مارو يقين سٺ، اُوئا رڻي مُون نٺ ڪبر
 سٺ، ان مُون نٺ پڪڙي ڪاترڻي سٺ جي اُو آپري ڪڙا ٿي هائي ايسُو را پارام
 ڪُشي رڻي ڪبر، جيئي اُوٺه امونت را زم مارٺه حوالٺه ڪريهه، آڪري نيا را ڏي
 هُوڏي پڏليا وڳر صحيح راڪي هيڪهه.

⑬ جي صحيح واتون تئين مُون ٿي هومپڙيه، اُو واتون مارا نمونا مانھ وين
 شيڪاڙتو رٺ، ان ايسُو ڪريست ٿي واسطو راڪين وشواس راڪتو ان پريم ڪرتو
 رٺ. ⑭ هائي ايسُو را پارام ڪُشي رڻي ڪبر جيئي پڳوون نائوڪي امونت را زم
 تارٺه حوالٺه ڪريهه، هايا نٺ تُون پويتر آتما ري ڪڙا ٿي، جيو آپون موئين سٺ،
 پڏليا وڳر صحيح راڪتو رٺ.

⑮ تُون نٺه تو ڪبر سٺه جي آسيه صُويا ري ٻڌي وشواسيئي مُون نٺه ساڏيوھ
 پرو، جيون موئين فوگلس ان هرْمُگنيس سٺ. ⑯ پڻ اُنيسِفِرُس را گهر مانھ پريُو
 ڏٺيا ڪرٺه، ڪم تو اُوٺه مُون نٺه گهڻي وار حوصلو ڏيڏو ان اُو لازي نه مريو
 جي هُون قيڏي سون، ⑰ پڻ اُوٺه ايٺه روم شهر ۾ آوين گهڻي ڪوشش ٿي
 مارئي گوت ڪرئي ان مُون نٺه گوتي ليدو. ⑱ پريُو ايسُو ام ڪرٺه جي آڪري
 نيا رٺه ڏي ايشور اُوئا مانھ ڏٺيا ڪرٺه. ان افسس شهر ۾ اُنيسِفِرُس پڳوون ري
 شيوا هارُو جيئن ڪئين ڪريو، اُوئا رڻي تو تُون نٺه ٻڌي ڪبر سٺه.


زم نائوڪو ڦوجي آپرا ساب را حڪم مانھ وٺه

نم ايسُو ڪريست را حڪم مانھ وينا ريوو

① تيام تُون، مارا ڏيڪرا، اُو هيٺ راڪ، جيئي پڳوون تُون مانھ ڪرپا
 ڪرين تُون نٺه ڏٺه، ڪم تو تُون ايسُو ڪريست ٿي واسطو راڪهه. ② ان جي
 واتون تئين مُون ٿي گهڻون شائيدون هومي هومپڙي، اُوئون نٺه ايون ايمونڌار
 منڪون رٺه حوالٺه ڪر، جيا پيزون نٺه پڻ شيڪاڙيا جيو هوهه.

③ زم نائوڪو ڦوڄي آڀرا ساڀ را حڪم مانھ وُڍا ھارُو ڏڪ ان تڪليپون سھڻھ، تم تون مارا زم ايسو ڪريست را حڪم مانھ وُڍا ھارُو ڏڪ ان تڪليپون سھڻو رڻھ. ④ جيو ڦوڄي ڪوم مانھ سڻھ، او ايوو ڪوم نٿي ڪرتو جيو ڦوڄيون رو نٿي زم او آڀرا ساڀ نڻھ ڪُش ڪرڻھ. ⑤ ان جيو مل وڍڻھ، جي مل را اصول پرموڻڻھ نئين وڻھ، تو اوڻا نڻھ انصاب نئين زڙڻھ. ⑥ جيو ھاري مينت ڪرڻھ، اوڻا رو حق سڻھ جي مور ٿي آڀاڏي رو حصو اوڻا نڻھ زڙڻھ. ⑦ ھايون مثالون مانھ ويچار ڪرتو رڻھ، ڪم تو پرڻو تون نڻھ ٻڌيون واتون نڻھ ھزميا رڻي ھيمنت ڏيشي.

⑧ ايسو ڪريست رڻي ياڏ راکتو رڻھ، جيا نڻھ پڳوون مرلون موئين ٿي جيوي اوٺاريو، جيو دائود ڀاڏشا ري پيڏي رو ھتو. ھائي اوڻا ڪشي ري ڪٻر رڻي وات سڻھ، جئي ھون شيڪارونھ.



⑨ ايٺا ڪشي رڻي ڪٻر ھمپڙيا ۾ ھون اتا ڏڪ ان تڪليپون سھونھ ريو جي ھون ڏوھاري را زم ھٽڪڙي لاڳل قيڏي سون. ھون تو قيڏي سون پڻ پڳوون رو وچن آزادي ٿي پڪڙڻھ ريو. ⑩ تيام ھون ٻڌي ڏوروڻ اوڻون منڪون ھارُو

صير ٿي سھونھ، جيون نڻھ پڳوون وشواس راڪيا ھارُو سونڊياھ، زم اوڻون نڻھ پڻ ايسو ڪريست ٿي واسطو راڪيا ٿي تارڻ زڙڻھ، ان او آڪاش موئين ھميش ھوڏي مون ۾ رڻھ. ⑪ اي وات ھاسي سڻھ:

”جي آڀي ايسو مانھ وشواس راڪين زوڻڻھ ايسو پيڙا مريا،

تو آڀي ايسو پيڙا آڪاش موئين جيوتا ريشون.

⑫ جي آڀي ڏوروڻ سھين وشواس راڪتا ريون،

تو آڀي ايسو پيڙا راز ڪرڻون.

جي آبي ايسو رو انڪار ڪرڻ،
 تو ايسو پڻ آڻو انڪار ڪرڻي.
 ⑬ جي آبي آڻا وائڏا مانھ نه وون،
 توڻي پڻ ايسو آڻا وائڏا مانھ ویتو ريشي،
 ڪم تو او آڻا وائڏا ۾ ڪوڙو نٿي ٿي هيڪتو.

پڳوون رو شيواڌاري ٿين هر وات ۾ ناٿوڪٽ نمونئ وپوو

⑭ هائي واتون منڪون نٿه ياڏ ڏيورواتو رٿه، ان پڳوون هومو اوئون نٿه ڪٿه جي
 او نالٿي پحت نه ڪرڻه، ڪم تو هايا ٿي ڪئين قائيڏو نٿي، ان هومپڙيا وازون
 نٿه ڪراپ ڪرڻه. ⑮ تون ڪوشش ڪر جي پڳوون رو هاسو وچن صحيح نمونئ
 شيڪاڙين تون پڳوون ري نظر ۾ آڻ نٿه ايمونڌار ڏيڪاڙڻه، زم هيڪ هاري آڻرو
 ٻني رو ڪوم صحيح نمونئ ڪرين آڻا زميڏار هومو لازي نٿي مرتو. ⑯ پڻ
 پڳوون رٿه ڪلاڦ ناليون واتون ٿي پاهو ڏٺه، ڪم تو هيويون واتون ٿي منڪ
 پڳوون ري مرضي رٿه ڪلاڦ ڪومون ۾ آڳڙ وڌتا رٿه. ⑰ ان جيا منڪ هيوي
 واتون ڪرڻه، اوئون رٿي وات ڪينسر ري پيماري را زم پڪڙين ٻيزون منڪون
 نٿه پڻ ڪتم ڪرڻه. هيوي واتون شيڪاڙيا وازون موئين همنيس ان فليٽس سٺه.
 ⑱ اوئي هاس نٿه ساڏيوه پرو ان ام ڪٿه جي پڳوون منڪون نٿه مريا ڪيڙ
 جيوي نئين اوناڙڻه، پڻ جيوي اوناڙيا رٿي وات روڳي مٿالي وات سٺه ان اڳي
 ٿي گهڻه، زبون ايسو مانھ وشواس راڪيا ٿي زوئڻه نوئي حياتي زڙيڻه. ان او
 هيوئ نمونئ ڪئينڪ منڪون را پڪا وشواس ۾ شڪ نوڪٿه. ⑲ توڻي پڻ پڳوون
 رٿي ناول وشواسي منڏڙي زوئڻه پڪي پنياڏا مانھ ناول سٺه، ان اوئا مانھ زوئڻه
 نپو هٿل سٺه جيا مانھ اي واتون لڪل سٺه:
 ”پرپو آڻرون منڪون نٿه اوڙڪٿه.“

ان ٻيزو لڪل سٺه:

”جيو ڪوئي پريو رو نوم لئه، اونا رنه پونڌائي ٿي پاهو ڏيو.“

②0 هونءَ ڪياڪ موتا گهر ۾ نه رُوگبا هيم ان چونڌي را نونپڙا هونءَ، پڻ لاکري ان ماتي را نونپڙا پڻ هونءَ. ڪئينڪ نائوڪا ان مون واڙا سءَ، ان ڪئينڪ ڪراپ ان مون واڙا نٿي. ②1 هيونءَ نمونءَ جيو ڪوئي آپرو صاف من راکين ڪراپ منڪون ٿي ڌار رنه، اُو مون واڙا نونپڙا را زم ٿيشي، ڪم تو اُو پويتر ڪرل سءَ، آپرا ڌڻي هارو ڪوم واڙو سءَ، ان هر نائوڪا ڪوم هارو تيار سءَ.



②2 تيام تون اونون ڪراپ ڪيالون ٿي شيتي پاڳ جيا جوڻي ۾ آونءَ، پڻ اي ڪوشش ڪر جي تون پڳوون ري وات مانءَ وءَ، وشواس راکئءَ، پريم ڪرءَ، ان اونون ٻڌون ٿي هپ راکئءَ جيا صاف من ٿي پريو رو نوم لئه. ②3 پڻ جي واتون منڪ عقل وٺي ان شيڪيا وگر ڪئءَ، اونون واتون ٿي پاهو ڏءَ، ڪم تو تون نءَ ڪهر سءَ جي هايون واتون ٿي جهيڙا جهڳڙا ٿءَ. ②4 اي وات نائوڪي نٿي جي پڳوون رو شيواڌاري جهيڙو جهڳڙو ڪرءَ، پڻ اونا رنه نرمي ٿي ويو، شيڪاڙيا ۾ هوشيار ريو، ان زليون منڪ اونا ٿي ڪراپ نمونءَ وءَ، تو اونا رنه اونون هون صير ٿي ويو ڪپءَ. ②5 ان جيا ڪلاڦ سءَ، اونون نءَ نرمي ٿي هزماوو ڪپءَ. مون پڳوون اونون نءَ هيئت ڏءَ جي اُو ڪوڙي واتون ساڌين توپونءَ ڪرءَ ان هاس نءَ اوزڪءَ، ②6 ان شيطون را قوضا ٿي سوتين، جيا ۾

شيطونُ اُوتون نئه ڦٽراوينَ راڪيا تا، اُو وڙي حونصلام اُوئه، ان پڳوونَ ري مرضي مانه وئه.

دُنيا را ايٺا پڇاڙي واڙا وڪت ۾ ڪراپ منڪون ٿي هوشيار ريوو

3 ① پڻ تون اي وات ياڌ راڪ، جي دُنيا را ايٺا پڇاڙي واڙا وڪت ۾ ڏورا ڏي اوشي. ② ڪم تو منڪ ايوا هوشي جي رُوگا آپ را پارام سوچشي، پٺيهون رئي لالچ راڪشي، آپرئي موتائي ڪرشي، آپ نئه موتا هزمشي، ان زم تم بولشي. اُو مان باپ رو ڪيڏو نئين مونئه، ڪيا رو تورو نئين مونئه، پڳوونَ ريون واتون مانه نئين وئه، ③ ڪيا ٿي پريم نئين راڪئه، ان ڪيا ٿي نئين نهئه. اُو پيزون رئي ڳلا ڪرشي، آپرئي مرضي آپرا قوضام نئين راڪئه، ظلمي هوشي، پلائي رئه ڪلاڪ هوشي، ④ آپرون منڪون رئه ڪلاڪ ويشي، سوچيا وڳر ڪوم ڪرشي، آپرئي وات ٻڌون ٿي موتي هزمشي، ان پڳوونَ ٿي پريم نئين ڪرئه، پڻ عيش عشرت ٿي پريم ڪرشي. ⑤ اُو آپ نئه ڌرم مانه وُودا واڙا ڏيڪاڙشي، پڻ اُو پڳوونَ رئي ڏيڏل ڪڙا ليڏا ٿي نا پاڙشي، ان اُوئا ري مرضي مانه نئين وئه. هيون منڪون ٿي پاھو ڪر، ⑥ ڪم تو هايون موتين اُو منڪ سئه جيا چالاڪي ٿي منڪون ري گهري زائينَ ايويون پي عقل ڏوشيون نئه آپرئي وات مناوئه، جي آپ نئه گهڻي ڏوهاري هزمئه ان قرق قرق ڪراپ ڪيالون ۾ قاتل سئه. ⑦ هيوي ڏوشي هميش نوي نوي واتون شيڪتي رئه، پڻ هاس نئه ڪيڏي نئين اوڙڪي هيڪئه. ⑧ زم مصر ملڪ را جاڏو ڪريا واڙا نيس ان يمبريس موسي رئه ڪلاڪ ٿيا تا، تم هائي منڪ هاس رئه ڪلاڪ ٿئه. هايون منڪون را من ڪراپ ٿي ڳياھ، ان هائي پڳوونَ را ڪوم را نٿي، ڪم تو پڪو وشواس نٿي راڪتا. ⑨ پڻ هائي منڪ آڳڙ نئين وڌئه، ڪم تو زم موسي رئه ڪلاڪ ٿيا واڙون رئي وات ساوئي ٿئي، تم هايون رئي وات پڻ ٻڌون هومئي ساوئي ٿيشي جي اُو ڪيا پي عقل سئه.

ڏک تکليپون سهين هاسو وشواس راکو

⑩ پڻ تئين مارو ٻڌو نمونو زويو، جي هون ڪي شيڪاڙون، هون ڪيوئه نمونئ وون، مارو حياتي رو مقصد ڪي سئ، هون ڪيوو وشواس راکون، منڪون ٿي ڪيوو سپر ڪرون، ڪيوو پريم راکون، ڪيوئه نمونئ ڏورون سهون، ⑪ منڪ مون نئ ڪتو تنگ ڪرئ، ان مون نئ ڪتو ڏک زڙئ. تون نئ ڪبر سئ جي انطاڪيم، اڪنيم، ان لستره شهرون موئين مون ٿي ڪي ٿيو تو، منڪي مون نئ ڪتو تنگ ڪريو تو ان مئين ڪتو ڏک سهيو تو. پڻ هايون ٻڌيون واتون موئين ٿي پريو مون نئ پچايوه. ⑫ هئوئ زتا منڪ ايسو ڪريست ٿي واسطو راکين پڳوون ري مرضي مانه ويوا ڪرئ، اوئون ٻڌون نئ منڪ تنگ ڪرشي. ⑬ پڻ ڪراب منڪ جيا ڪوڙ ڪرين آپ نئ نائوڪا ڏيڪاڙئ، او وڌيڪ ڪراب ٿيا ڀر آڳڙ وڌشي، او پيزون نئ ڪوڙي واتون مناوشي ان آپ ڪوڙيون واتون مانه ويشي. ⑭ پڻ تون اوئون هاسيون واتون مانه ويتو رئ جي تئين شيڪي تي ان



جيا را پارام تون نئ پڪئي ڪاتري سئ. ڪم تو تون نئ ڪبر سئ جي هائي واتون تئين ڪيوون منڪون ٿي شيڪي تي، ⑮ ان تون ننڪو ٿڪو پويتر شاستر زوئئ، جيو تون نئ ايوي هزم ڏي هيڪئ جي ايسو ڪريست مانه وشواس راکيا ٿي تون نئ تارن زڙئ. ⑯ پويتر شاستر رئي هر هيڪ وات پڳوون را طرف ٿي سئ، ان ايئا هارو قائيڏا واڙي سئ جي منڪون نئ شيڪاڙئ، اوئون رو

ڪرل ڏوه ڪاڍڻ، اوتون ننه صحيح وات هزماوڻ، ان پڳوون ري وات مانھ وُڍا رو نمونو ڏيڪاڙڻ، ①7 زم پڳوون را شيواڌاري پڪا ٿي زائھ ان هر نائوڪو ڪوم ڪريا هارو تيار ٿئھ.

هيمنت نہ هارين پڳوون رو وچن همپڙاوو


4 ① هون پڳوون هومو ان ايسو ڪريست هومو، جيو جيوٽون ان مرلون رو نيا ڪرشي، اونا رنه پاسو آيا ان راز ڪريا ري ڪري تون ننه اي حڪم ڏيونھ، ② جي تون پڳوون رو وچن همپڙاوو رنه، هر توڻه همپڙايا هارو تيار رنه پلنه نائوڪو موقعو هوڻه ڪا نه هوڻه، ان پورا صير ٿي منڪون ننه شيڪاڙين اوتون را ڪرل ڏوه ڪاڍ، اوتون ننه هزماو، ان اوتون ننه صحيح واتون مانھ وُڍا رو حونصلو ڏئھ. ③ ڪم تو ايوو وڪت آوشي زئيون منڪ آڻي صحيح شيڪاڙل واتون نئين مونھ، پڻ او آپرون ڪراپ ڪيالون مانھ وين آپ هارو گهڻا ايوا شيڪاڙيا واڙا راکشي، جيا اوتون ننه ايوي واتون شيڪاڙشي جيوي او هومپڙوا ڪرھ. ④ ان او هاس مانھ ڪون نئين ڏئھ، پڻ منڪون ريون امهي ناول وارتائون مانھ ڏيون ڏيشي.

⑤ پڻ تون ٻڌيون واتون ۾ عقل راکين وئھ. زئيون منڪ تون ٿي ڪراپ نمونھ وئھ تو اوتون ٿي صير راک، ايسو را پارام ڪشي رئي ڪبر همپڙايا واڙا رو ڪوم ڪر، ان جئي شيوا پڳوون تون ننه ڪريا هارو ڏيڏيھ، او تون پوري ڪر. ⑥ ڪم تو هون هوڻه موت رئي سزا ڪائين پڳوون را نوم مانھ آپرو جيو ڏيڏا مانھ سون، ان مارھ ايڻا ڏيا ٿي زايا رو توڻو آيوھ رو. ⑦ زم ملي پوري ڪوشش ٿي مل وڍھ، تم مئين پوري ڪوشش ٿي پڳوون رو نائوڪو ڪوم ڪريوھ. زم ڍوڙيا واڙو ڏنگ هوڏي ڍوڙھ، تم مئين پڇاڙي هوڏي پڳوون رئي شيوا ڪريھ. ان مئين پورو وشواس راکيوھ. ⑧ هوڻه مون هارو او انصاڀ تيار راکل سئھ، جيو پڳوون ري وات مانھ وُڍا وازون ننه زڙشي. پريو، جيو انصاڀ ٿي قينصلا ڪريا

وازو سئ، او ٻڌون منڪون رو نيا ڪريا رته ڏي مون نئه هائي تارڻ رو انصاب ڏيشي. ان هائي تارڻ او نه روڳو مون نئه ڏيشي، پڻ اوئون ٻڌون نئه ڏيشي، جيا اوئا رته پاسو آيا زئي وات ڪشي ٿي زوئه ريا.

اڪري واتون

⑨ مون ڪن جلدِي آيا رئي ڪوشش ڪر. ⑩ ڪم تو ديماس ايئا همٿوڪي ڏنيا ريون واتون ۾ پڙين مون نئه ساڏيوه پرو، ان ٿسلنيڪي شهر موئين گيوه پرو. ڪريسڪينس گلتيه صويا موئين گيوه، ان طيطس دلمتيه صويا موئين گيوه. ⑪ روڳو لوقا مون ڪن سئ. تون مرقس نئه پڻ آپ پيڙو تيڙو آوي، ڪم تو او پگهون رئي شيوا ڪريام مارئي گهڻي مدت ڪرئ. ⑫ مئين تخڪس نئه افسس



شهر موئين تون ڪن ميليوه. ⑬ جيئي چال هون تروئاس شهر موئين ڪرپس ڪن ساڏي آيو تو، زئون تون اوئه تو او چال ليتو آوي، ان ماري ڪتابون پڻ، ڪاس ڪرين سونهڙا ٿي ناول ڪتابون، ليتو آوي.

⑭ سيڪندر پيتر رو ڪوم ڪريا وازو مون ٿي الاهي ڪراپ نمونئه وويدو تو. پرپو اوئا نئه اوئا رون ڪومون پرمونئه ايوزو ڏيشي. ⑮ هايا ٿي تون پڻ هوشيار ري، ڪم تو او آپيون واتون رته گهڻو ڪلاڦ ٻوليو تو.

⑯ زئون مئين ڪورث ۾ پيرهين وار آپرا پارام ڪيدو تو، تئين ڪيئنه مارو سات نتو ڏيدو، ان ٻڌي منڪي مون نئه ساڏيوه پرو. مون پگهون اوئون نئه هايا ڏوه رئي سزا نه ڏئه! ⑰ پڻ پرپو مارئي مدت ڪرئي ٿي، ان مون نئه ايويي هيمنت ڏيدئي ٿي، جي مئين ڪورث ۾ پورئه نمونئه ايسو را پارام همپڙيو تو، ان ڌاري قومون ري ٻڌي منڪي ايسو را پارام هومپڙيو تو، ان پرپو مون نئه

موت ري سزا ٿي سڏايو تو. (18) پرڀو مون نئه هر ڪراڀ ڪوهر ٿي سڏاوشي، ان پلئه مري زائون، توئي پڻ پرڀو مون نئه تارڻ ڏين آڪاش موئين آپرا راز موئين راکشي. اوتا را وڪوڻ هميش هوڏي ٿيتا رئه! آمين.

پولوس ٻڌون نئه نمسڪار ڪئه

(19) مارا طرف ٿي ٻائي پرسڪله ان اوتا را آدمي اڪوله، ان اُنيسفِرس ري اڪائي نئه نمسڪار ڪي. (20) اِراسٽس ڪرنٽس شهر موئين ريو، ان ترفمس نئه مئين ميليتس شهر موئين ساڏيو، ڪم تو او مونڏو هتو. (21) شيئاڙا ٿي مور تون مون ڪن آيا رئي ڪوشش ڪري. يوبولس، پودينس، لينس ان ٻائي ڪلوديه ان ٻيزا ٻڌائي وشواسي تون نئه نمسڪار ڪئه.

(22) پرڀو تون پيزو هوئه!

پڳوون تمون ٻڌون مانه ڪرپا ڪرئه!

طِيطَسُ را نوم مانه لكل كت رئي هزموتئي

كت لکيا وازو

اي كت پولوس لکيو (طِيطَسُ 1:1). پولوس اي كت اوتئ توتئ لکيو، زئيون پيرھين وار روم شهر موئين روميون رو قيدي تيو تو، ان پستئ آزاد تيو تو (مک شيلون را کوم 16:28، 30). ام لاگئھ جي آزاد تيا کيژ پولوس ايسو را پارام همپزيا هارو چارمو چکر کريو. اينا چکر مانه پولوس طِيطَسُ نئ تيزين کريتي بيت مانه گيو، ان اوتئ طِيطَسُ نئ ساڏين پيزيل گيو. ان پستئ اي كت طِيطَسُ نئ اندازام 65ع ۾ لکيو.

کت کيا منک هارو لکيو

پولوس اي كت طِيطَسُ هارو لکيو (طِيطَسُ 4:1). طِيطَسُ يهودي قوم رو نتو، پڻ ڌاري قوم رو هتو (گلتيون 3:2). او گهڻي وار پولوس پيڙو زاتو ريتو. پولوس اوتا نئ برنباس پيڙو يرو شلم شهر ۾ اندازام 49ع ۾ تيزي گيو تو (گلتيون 2:1-2، مک شيلون را کوم 4:2-15). پولوس اوتا نئ ڪرنتس شهر ۾ پڻ اندازام 55ع ۾ ميليو تو (2 ڪرنتيون 18:12). تيا کيژ پولوس اوتا نئ کريتي بيت مانه وشواسي منکون نئ صحيح واتون مانه ويورايا هارو اندازام 65ع ٿي لين 66ع هوڏي را کيو (طِيطَسُ 5:1-4). پولوس اي كت تيون لکيو، زئيون طِيطَسُ کريتي بيت مانه هتو. تيا کيژ پولوس اوتا نئ وڙي دلمتيا صويا ۾ اندازام 66ع ٿي لين 67ع هوڏي ميليو پرو (2 تيمٿيس 10:4).

کت لکيا رو مطلب


پولوس اي كت اينا هارو لکيو، ڪم تو کريتي بيت مانه منک وشواسيون نئ ڪوڙي واتون شيڪاڙتات ربا. تيام پولوس طِيطَسُ نئ اڪتياڙئي ٿيدي، زم او وشواسي منڏيون مانه ناٿوڪا آڳيون راکئ، ڪوڙي واتون شيڪاڙيا وازون نئ روڪئ، ان وشواس ري هاسي واتون شيڪاڙئ.

اينٽا ڪتاب را شاستر تي پيزا حوالا:

طيطس 15:1 مرقس 23-14:7	طيطس 1:1 ڪوم 19-1:9
طيطس 15:1 لوقا 41:11	طيطس 4:1 گلتيون 3-1:2
طيطس 9:3 اخبار 34:27-1:1	طيطس 4:1 2 ڪرنتيون 13:2
طيطس 12:3 ڪوم 4:20	طيطس 4:1 2 ڪرنتيون 6:7, 13-15
طيطس 12:3 افسيون 21:6	طيطس 4:1 2 ڪرنتيون 6:8
طيطس 12:3 ڪلسيون 7:4	طيطس 4:1 2 ڪرنتيون 16:8-17, 23
طيطس 13:3 ڪوم 1:19-24:18	طيطس 4:1 2 ڪرنتيون 18:12
طيطس 13:3 1 ڪرنتيون 12:1	طيطس 5:1 ڪوم 11:2
طيطس 13:3 1 ڪرنتيون 4:3-6:4	طيطس 10:1 پيدائش 14-9:17
طيطس 13:3 1 ڪرنتيون 12:16	طيطس 14:1 اخبار 47-1:11

طِيطُسُ

را نوم مانھ پولوس رو لکل کت



1 ① هُون لکيا وازو پولوس سون، جيو پڳوون رو شيواداري ان ايسو کريست رو هيڪ مک شيلو سون. ايسو کريست مون ننه ايتا هارو سوندين را کيوه جي هُون پڳوون رون سونديل منکون ننه صحيح وشواس رکاوون، ان اوئون ننه هاس رئي پورئي کبر ديون جي کم کرين پڳوون ري مرضي مانھ ويو، ② زم او پروسو راکنه جي اوئون ننه هميش رو جيون زوشي. پڳوون جيو کيڏي کوڙ نتي کرتو، جڳت ننه نايا مور هميش رو جيون ڏيڏا رو وائڏو کريو تو، ③ ان هونه آپرا توتنا مانھ آپرو هميش را جيون رو وچن منکون ننه همپزيا تي ساوو کريوه. اي وچن همپزيا رو کوم آپون ننه پچايا وازا پڳوون را حکم پرموتنه مارنه حواله تيوه.

④ پريمي پائي طيطس، تون جيو مارا هاسا ڏيکرا جيوو سته، کم تو تئين مون تي ايسو را پارام هومپزين مارا زم وشواس اوڻيوه،

آپتو باپ پڳوون ان آپون ننه پچايا وازو ايسو کريست تون مانھ کريا کرئه

ان تون نئه هڪي راکٽه!

طيطس رو ڪريتي بيت مانھ ڪوم

⑤ هون تون نئه ايٿا ڪوم هارو ڪريتي مانھ ساڏين گيوھ، جي زتي واتون هزون ريل سئ، او تون صحيح نمونئ پوري ڪرئ پري، ان هر شهر موئين منڪون نئه وشواسي منڌري مانھ آگيوون ڪرين راکٽه، زم مئين تون نئه ڪيڌو تو.

⑥ او آگيوون ايوا هوئ، جيون مانھ ڪئين الزوم نه هوئ. او روگهي هيڪ ڏوشي راکٽه ان پيزيل نه زائ. اوئون را پاڙ وشواس راکٽا هوئ، ان ايوا نه هوئ جيون مانھ عيش عشرت رو الزوم هوئ ان ڪيا رو ڪيڌو نه مونتا هوئ.

⑦ وشواسي منڌري نئه همپازيا وازون مانھ ڪوئي الزوم نه هوو ڪپئ، ڪم تو پگوون اوئون نئه آپرون منڪون مانھ آپرا ڪوم هارو سوندين راکياھ. تيام او آپري مرضي مانھ وودا وازا نه هوئ، رينھتياڙ نه هوئ، شراپي نه هوئ، ماريا وازا نه هوئ، ان لالچ نه راکٽا هوئ. ⑧ پڻ او مزمونون رو مون راکيا وازا



هوئ، پلائي ڪريا وازا هوئ، عقل راکٽا هوئ، انصاف ٿي وودا وازا هوئ، پويتر نمونئ وودا وازا هوئ، آپري مرضي نئه قابوم راکيا وازا هوئ، ⑨ ان اوئا هاسا وچن مانھ يقين ڪرتا هوئ، جيو اصلي شيڪاڙل واتون پرمونئ سئ، زم وشواس ري صحيح واتون شيڪاڙيا ٿي منڪون نئه حونصلو ڏي هيڪئ، ان هاسا وچن رئه ڪلاڦ ٻوليا وازون نئه هزماوي هيڪئ.

⑩ اي ضروري سٺ، ڪم تو ڪريتي ۾ ايوا گهڻا منڪ سٺ، ڪاس ڪرين يهودي قوم رن وشواسيون موئين ٿي، جيا ڪيا رو ڪيڏو نٿي مونت، ان او نالي واتون ڪرڻ، ان منڪون نٺ ڪوڙي واتون شيڪاڙين هاس ٿي ڦيروئڻ. ⑪ اوئون نٺ ماڻ ڪراووو ڪپڻ، ڪم تو او پڙهون رڻي لالچ راکين آڀرا ڦاڻيڏا هارو ايوي آڏي اوپتي واتون شيڪاڙڻه جي نه شيڪاڙوو ڪپڻ، ان هيون نمونئ او گهر گهر رن ٻڌون منڪون نٺ ٻگاڙڻه پرا. ⑫ ڪريتي پٺ رو اوئون رو آڀرو هيڪ منڪ، جيا نٺ او ڀڳوون رو نياپو ڏيڏا واڙو هڙمئ، اونٺ آڀ ڪيڏو جي

”ڪريتي را منڪ هميش ڪوڙا،

جهنگلي زناورون جيوا ڳولا،

لڀرا ان سٺ پڻ سٺ.

⑬ هائي وات تو هاسي سٺ. تيام هايون نٺ سڪتي هون هڙماوتو رٺ، زم او صحيح وشواس راکڻ، ⑭ ان يهوديون ريون امهي ناول وارتائون مانه ديون نه ڏٺ، نڪو اوئون منڪون رن ناول حڪمون مانه ديون ڏٺ، جيئي هاس نٺ ساڏيوه پرو. او ايوا حڪم همپڙاوتڻه جي ”قلوئي شينه پويتر نٿي، اوئا ٿي پاھو ڪرو.“ ⑮ پڻ هاس ۾ جيا رو من پويتر سٺ، اوئا هارو ٻڌي شينهون پويتر سٺ. ان جيا رو من ڪراپ سٺ ان وشواس نٿي راکتو، اوئا هارو ڪئين پڻ شينه پويتر نٿي. پڻ هايون منڪون رڻي عقل ان من ٻي ٿي ڪراپ ٿي ڳياھ. ⑯ او اي وڏائي ڪرڻ ”امي ڀڳوون ٿي واسطو راکونھ،“ پڻ اوئون را ڪوم زوين ڪبر پڙڻه جي ڀڳوون ٿي ڪئين واسطو نٿي راکتا، ڪم تو او هاو پونڏا سٺ، ڀڳوون رو ڪيڏو نٿي مونت ان ڪئين نائوڪو ڪوم ڪريا جيوا نٿي.

وشواسيون رٺ آڀرون منڪون ٿي ڪيوئ نمونئ ويوو

① پڻ ٿون او واتون شيڪاڙ جي وشواس ريون صحيح شيڪاڙل واتون
2 پرمونئ سٺ.

② ڏوڪرون منڪون نئه ام شيڪاڙ جي او آڀرو من آڀرا ڪيڏام راکنه، ايوئه نمونئه وئه جي منڪون ڀر آڀرو مون هونء، عقل راکنه، ان صحيح نمونا ٿي وشواس راکنه، پريم ڪرئه ان ڏوروڻ صير هون سهئ.

③ هيوئه نمونئه ڏوڪريون نئه پڻ ام شيڪاڙ جي او ڀڳوون رو مون راکين ام وئه زم ڀڳوون رئي شيوا ڪريا واريون رئه ويو ڪپئه. او نڪو ڳلا ڪريا واري هونء، نڪو اوئون رو ڏارو پيڏا رو يوڻ پڙل هونء، پڻ نائوڪي واتون شيڪاڙيا واري هونء. ④ هيوئه نمونئه او جوڻ ڏوشيون نئه هڙماوي هيڪهه جي او آڀرا آڏمي ٿي پريم راکنه، آڀرون ٻارون ٿي پريم ڪرئه، ⑤ عقل راکنه، پوندو ڪوم نه ڪرئه، آڀرا گهر رو ڪوم نائوڪهه نمونئه ڪرئه، ٻيرون مانه ميريونئي ڪرئه، ان آڀرا آڏمي ري مرضي مانه وئه، زم ڪوئي ڀڳوون را وچن رئه ڪلاڦ نه ٻولئه.

⑥ هيوئه نمونئه تون جوڻ آڏميون نئه پڻ هيئت ڏين شيڪاڙ جي او عقل راکنه. ⑦ هر وات ڀر تون آڀر نائوڪا ڪوم ڪرين اوئون نئه نائوڪا ڪوم ڪريا رو نمونو ڏيڪاڙ. هاسا من ٿي ايوئه نمونئه شيڪاڙ زم منڪ تارو مون راکنه، ⑧ ان ايوي صحيح واتون ڪر جيون نئه ڪوئي ڪراڀ نه هڙمئه، زم او منڪ جيا آڀئه ڪلاڦ سئه، او آڀئي ڪيا وات رئي ڳلا نه ڪري هيڪهه ان او لازي مرئه. ⑨ ڳلومون نئه ام شيڪاڙ جي او آڀرون ڏٿيون ري مرضي مانه وئه، هر وات ڀر اوئون نئه ڪش راکنه، ڪوم رو جواڀ نه ڏئه، ⑩ گهر ڀر سورئي نه ڪرئه، پڻ نائوڪي شيوا ڪريا ٿي اي ڏيڪاڙئه جي او آڀر نئه ٻڌيون واتون ڀر ايمونڌار راکنه، زم او هر وات ڀر آڀون نئه ڀڄايا وازا ڀڳوون ريون شيڪاڙل واتون رو مون وڏاوئه.

⑪ وات اي سئه، زئيون ايسو اينا جڳت ڀر آيو، تميون ڀڳوون رئي ڪرڀا ساوئي ٿئي، جيا ري ڪري ٻڌائي منڪ ڀڄي هيڪهه. ⑫ ان ڀڳوون آڀري اينا ڪرڀا ٿي آڀون نئه شيڪاڙهه زم آڀي ڀڳوون ري مرضي رئه ڪلاڦ ان اينا ڏنيا رون ڪراڀ ڪيالون مانه وودا رو ساڏون، ان همئه اينا همٿوڪا زمونا ڀر عقل

راکتا ريون، منڪون هُون انصاف ٿي وون، ان پڳوونَ ري مرضي مانھ ویتا ريون،
 ⑬ ان آبي اُونڙا پڳوڙا توتڙا رڙي وات زوتا ريون، جيا مانھ ڀروسو راکونھ، زئيون
 آڀڻو مونڙو پڳوونَ ان پڇايا واڙو ايسو ڪريست پاسو آوينَ زبڪتا سوجھرا
 ۾ ساوو تيشي. ⑭ اُوئھ آڀرو جيوَ آڀون هارو ڏيڏو، زم آڀون نئھ هر قسم ري
 پُونڌائي ٿي سڌاوتھ ان آڀون نئھ پويتر ڪرينَ آڀ هارو ايوي هيك منڌڙي ناوئھ،
 جيا را منڪ پورا شونق ٿي ناوڪا ڪوم ڪرتا رئھ.

⑮ هُوئھ تُون پوري اڪتياڙي ٿي هائي واتون شيڪاڙتو ري، هايون مانھ وُوڍا
 رڙي هيمنت ڏيڏو ري، ان هايون مانھ نه وُوڍا واڙون نئھ هزماوتو ري. ٻڌون منڪون
 رئھ تارڙي وات مونوو ڪڀئھ.

وشواسيون رءُ ٻيزون ٿي ڪيوءُ نمونءُ ويو

① منڪون نئھ يادَ ڏيوراوتو ري جي اُو راز ڪريا واڙون ان آڳيوونون ري
 3 مرضي مانھ وئھ، اُوئون رو ڪيڏو مونئھ، ان هر ناوڪو ڪوم ڪريا هارو
 تيار رئھ. ② اُو ڪيا رڙي ڳلا نه ڪرئھ، جهيڙو ڪريا واڙا نه ٿئھ، نرم طبيعت را
 ٿئھ، ان ٻڌون منڪون ٿي هر وات ۾ گريپ ٿينَ وئھ.

③ آڀئھ يادَ راکوو جي آبي وشواسي پڻ اڳي ٻيزون منڪون را زم هتا. آبي
 پڻ عقل ووڻا، ڪيا رو ڪيڏو نه مونيا واڙا، ان ڪوڙيون واتون مانھ وُوڍا واڙا
 هتا. آبي هر نمونا رون ڪراپ ڪيالون ان عيش عشرتون ۾ قاتل هتا. آبي منڪون
 ٿي وير راکتا ان اُوئون مانھ ريشي ٻڙتا. آبي آڀ هارو پُونڌا هتا ان هڪا پيزا ٿي
 ڏشمئي راکتا. ④ پڻ زئيون آڀون نئھ پڇايا واڙئھ پڳوونَ آڀري ميرپونئي ان
 پريم ساوو ڪريو، ⑤ تو اُوئھ آڀون نئھ پڇايا. امر نٿي جي آبي پڳوونَ ري وات
 مانھ وينَ ناوڪا ڪوم ڪريا تا، تيام پڳوونَ آڀون نئھ پڇايا. پڻ اُوئھ آڀون
 مانھ ڏيا ڪريھ، تيام آڀون نئھ پڇاياھ. زئيون آبي پويتر سنون ليڏو، تئيون
 پڳوونَ آڀون نئھ ماڻي ڏينَ نوو جيوَن ڏيڏو ان پويتر آتما ري ڪڙا ٿي آڀون نئھ

نوا نايا. ⑥ اي پويتر آتما پڳوونَ آپون نئه پچايا واڙا ايسو ڪريست هات آپون نئه ڪشي ٿي ڏيڻو، ⑦ زم آپون نئه پڳوونَ ري ڪرپا ري ڪري آپون ڏوهون رئي ماقئي زڙئه، ان آپون نئه پڳوونَ رو وائڻو ڪرل هميش رو جيون ليڏا رو حق زڙئه، جيا رئي آبي پروسو راڪين واٽ زوئونه ريا.

⑧ هائي ٻڌي واتون هاسي سئه، ان مارئي مرضي سئه جي تون هايون واتون مانه زور ڏئه، زم او منڪ جيئي پڳوونَ مانه وشواس اوٿيوه، او نائوڪا ڪوم ڪريا رو ڪيال راڪئه. هائي واتون نائوڪي سئه ان منڪون هارو ڦائڻا واڙي سئه.

⑨ پڻ اڙايا پحت ٿي، منڪون رئه پيڊيون ريون واتون ٿي، ان موسي رون لڪل حڪمون را پارام جهيڙا جهڳڙا ٿي تون پاھو ڪري، ڪم تو ايئون ۾ ڪئين ڦائڻو نئي ان نالي واتون سئه. ⑩ جيو منڪ هيوي واتون ڪرئه جي صحيح وشواس پرموئنه نئي، تو اوٿا نئه هزماو. ان جي بي وار هزمايا ڪيڙ پڻ نئي مونٽو، تو اوٿا ٿي واسطو ڪتم ڪر، ⑪ ڪم تو تارئه ام هزموو ڪپئه جي ايوو منڪ هاس ٿي ڦري گيوه، ان او زوئي ڪرين ڏوه ڪريا ٿي آپ نئه ڏوهي ڪرئه.

⑫ هون تون ڪن ڪياڪ منڪ نئه ميليه، ارتماس ڪا ٽخڪس نئه. زئيون او تون ڪن آوئه، تو تون مون ڪننه نيڪپلس شهر موئين تاڪڙو آوي، ڪم تو مئين ڦينصلو ڪريوه جي شيئاڙام اوٿئه ريون.

⑬ زيناس وڪيل ان اڀلوس رئه اوئون روونا ٿيا ۾ گهڻي مدت ڪر زم هايون نئه پنڌ ۾ ڪيا شينه رئي ڪپ نه پڙئه. ⑭ آپون وشواسي پايون رئه پڻ شيڪوو ڪپئه جي ضرورت وازون رئي ڪپ پوري ڪريا هارو او هميش نائوڪا ڪوم ڪرتا رئه، زم اوئون ري حياتي ٿي پيزون نئه ڦائڻو ٿئه.

⑮ مون پيڙا جيا منڪ سئه، او ٻڌائي تون نئه نمسڪار ڪئه. امون ٿي پريم راڪيا وازون وشواسي پايون نئه امارا طرف ٿي نمسڪار ڪي.

پڳوونَ تمون ٻڌون مانه ڪرپا ڪرئه!

فليمونَ را نوم مانه لکل کت رڻي هزموڻي

کت لکيا وازو

اي کت پولوس لکيو، ان کت لکيا رڻه توتڻه تيمٽيس پڻ اوتڻا پيڙو هتو (فليمونَ 1:1). کلسيون نڌه کت لکيا رڻه توتڻه اوتڻه اندازا مِ اي کت پڻ لکيو، ڪم تو انيسمس پيغون ڪتون نڌه پوڳاڙيا وازو هتو (فليمونَ 12:1، کلسيون 9:4). ام لاڳڻهه جي اوتڻه توتڻه پولوس پيرهيڻ وار روم شهر مِ روميون رو قيڏي هتو (فليمونَ 9:1، 13، 23). اوتڻه پيغون سالون هوڏي مسواڙ مانه ليڊل گهر موئين ڦوج را پاهرام ريتو (مڪ شيلون را ڪوم 16:28، 30). زئيون پولوس انيسمس نڌه آيرا ڌڻي فليمونَ ڪن پاسو ميلتوت ريو، تميون اوتڻه اي کت فليمونَ نڌه اندازام 60ع مِ لکيو.

کت ڪيا منڪ هارو لکيو

پولوس اي کت فليمونَ هارو لکيو (فليمونَ 1:1). فليمونَ کلسي شهر رو هيڪ وشواسي هتو، جيا ري گهري وشواسي منڌرڻي پيڙي ٿينتي (فليمونَ 2:1). اوتڻا وڪت مِ گهڻون منڪون ڪن ڳلوم هتا (کلسيون 3:22-1:4). فليمونَ رو هيڪ ڳلوم هتو جيا رو نوم انيسمس هتو. ام لاڳڻهه جي او ڳلوم انيسمس آيرا ڌڻي فليمونَ رڻي سورڻي ڪرڻي (فليمونَ 18:1)، ان پسڻه هتائين پاڳي ڳيو. تيا ڪيڙ او شيتي شيتي زائين پولوس ڪن پوڳيو، جيو قيد مِ هتو. اوتڻه پولوس ٿي ايسو را پارام واتون هومپڙين وشواسي ٿيو (فليمونَ 10:1).

کت لکيا رو مطلب


اوتڻه رومي قانون هتو، ان اوتڻا قانون پرموتڻه ڌڻي رو حق هتو جي پاڳل ڳلوم نڌه مارڻه پرو. تيام پولوس ايڻا کت مِ پاڳل ڳلوم انيسمس هارو فليمونَ ٿي اي وينتي ڪرڻهه جي او آيرا ڳلوم انيسمس نڌه نه مارڻه پڻ اوتڻا نڌه ماڻي ڏڻه، آيرو وشواسي پائي هزمين اوتڻا هون پريم ٿي ملڻه، ان اوتڻا نڌه پولوس رڻي شيوا ڪريا هارو پاسو ميلڻه.

اَيْنَا كِتَابِ رَا شَاسْتَرِ تِي بِيْزَا حَوَالَا:

فَلِيمُونَ 24:1	كُوم 25:12	فَلِيمُونَ 1:1	كُوم 16:28
فَلِيمُونَ 24:1	كُوم 13:13	فَلِيمُونَ 1:1	كُوم 3-1:16
فَلِيمُونَ 24:1	كُوم 39-37:15	فَلِيمُونَ 1:1	كُوم 4:20
فَلِيمُونَ 24:1	كُلْسِيُونَ 10:4	فَلِيمُونَ 2:1	كُلْسِيُونَ 17:4
فَلِيمُونَ 24:1	كُوم 29:19	فَلِيمُونَ 9:1	كُوم 16:28
فَلِيمُونَ 24:1	كُوم 4:20	فَلِيمُونَ 10:1	كُلْسِيُونَ 9:4
فَلِيمُونَ 24:1	كُوم 2:27	فَلِيمُونَ 13:1	كُوم 16:28
فَلِيمُونَ 24:1	كُلْسِيُونَ 10:4	فَلِيمُونَ 23:1	كُلْسِيُونَ 8-7:1
فَلِيمُونَ 24:1	كُلْسِيُونَ 14:4	فَلِيمُونَ 23:1	كُلْسِيُونَ 12:4

فَلِيمُونَ

را نوم مانه پولوس رو لکل کت



1 ① هُون لکيا وازو پولوس سون، جيو ايسو کريست رئي شيوا کريا ري کري قيدي سون. اي کت مارا پاها ٿي ان آپنا وشواسي پائي تيمٽيس را پاها ٿي لکل سئ.

پريمي پائي فليمون، تون جيو امارا زم پگيون رو کوم کريا وازو سئ، ② ان بائي افيه، تون جيئي امارئي وشواسي بين سئ، ان ارخيس، تون جيو امارا زم پگيون رو حڪم مونيا وازو سئ، ان وشواسي منڌري رون ٻڌون منڪون، تمي جيا فليمون ري گهري پيڙا ٿيوھ،

③ آپنو ٻاپ پگيون ان پرپو ايسو کريست تمون مانه کريا کرئ ان تمون نئ هڪي راکئ!

پولوس فليمون هارو پگيون رو ٿورو مونئھ

④ زئون هون پرائنا کرونھ، تئون هون هميش تون هارو پرائنا کرين مارا پگيون رو ٿورو مونونھ، ⑤ کم تو مئين هومپڙيوھ جي تون پرپو ايسو مانھ کتو وشواس راکئھ، ان پگيون رون ٻڌون سونڊل منڪون ٿي کتو پريم کرئھ.

⑥ ماري پراڻا اي سٺه جي جيو هپ تون وشواس ري ڪري راکڻه، او هپ وڌتو زائ، ان هيون نمونته تون ننه هر نائوڪو ڪوم ڪريا ربي پوري کبر پڙهه جي آپون وشواسيون رهه آيت ۾ ڪيون نمونته ويو، زم ايسو ڪريست را وڪوڻ تهه. ⑦ پريمي پائي، تارا پريم ري ڪري مون ننه گهڻي ڪشي ٿي ان گهڻو حوصلو زڙيوه، ڪم تو تئين پگيون رون سونديل منڪون ربي هيمنت وڌاويهه.

پولوس انيسمس نومي ڳلوم را پارام اوتارا ڌڻي فليمون تي منت ڪرڻه

⑧ آبي ايسو ڪريست تي واسطو راکونه، تيام هون پوري هيمنت تي تون ننه حڪم ڏي هيڪونه جي تون ايئا وات ۾ صحيح نمونته وهه. ⑨ پڻ تارا پريم ري ڪري هون تون تي پريم هون منت ڪرونه. هون تو پولوس سون، ڏوڪرو سون، ان همته ايسو ڪريست ربي شيوا ڪريا ري ڪري قيڏي پڻ سون. ⑩ توئي پڻ هون تون ننه ايئا منڪ هارو منت ڪرونه، جيو مارا پريمي ڏيڪرا را زم سته، ان زيون هون ايتهه قيڏ ۾ سون، تو اي ماري واتون هوميزين وشواسي ٿيو. هائي واتون انيسمس را پارام ڪونه ريو. ⑪ ايئا را نوم رو مطلب ”قائيدا واڙو“ سته، توئي اڳي او تارا ڪيا ئي ڪوم رو نتو. پڻ هوهه او نه روڳو تارا ڪوم رو سته، پڻ مارا ڪوم رو پڻ سته.

⑫ اي مون ننه آپرا جيو تي گهڻو پريمي سته، توئي پڻ هون ايئا ننه تون ڪن پاسو ميلونه ريو. ⑬ ماري مرضي اي هتي جي هون ايئا ننه آپ ڪن راکون، زم او تارا طرف تي ايتهه قيڏ موئين ماري شيوا ڪرته، جيتهه هون ايسو ربي ڪشي ربي کبر همپزيا ري ڪري قيڏي سون. ⑭ پڻ مئين سوچيو جي تاربي صلاح ليڏا ووڻو هون ڪئين نئين ڪرون، زم جيو نائوڪو ڪوم تون ايئا انيسمس ري وات ۾ ڪريه، او تون مجپوري تي نئين پڻ ڪشي تي ڪرته. ⑮ تي هيڪهه جي انيسمس ايئا هارو تون ڪن تي توڙيڪ وار ڳيو پرو، زم

زئيون پاسو آوئہ تون ايئا نئہ کُشي ٿي مڙئہ ان او تون پيڙو هميش ھوڏي رئہ. ①6 تون ھوئہ ايئا نئہ گُلمو مت ھزمي، پڻ گُلمو ٿي وڌيڪ ايئا نئہ پريمي پائي ھزمي. اي مون ھارو گھڻو پريمي سئہ، تو پستہ تون ھارو ڪتو پريمي ھوشي، ڪم تو او نہ رُوگو تارو آپرو منڪ سئہ پڻ پريو ايسو مانھ وشواس راکيا ٿي تارو پريمي وشواسي پائي پڻ ٿيوھ.

①7 تيام، جي تون مون نئہ آپرو پائي ھزمين ھپ راکھ، تو ايئا ٿي ام ملي، زم مون ٿي ملئت. ①8 ان جي ايئہ تارو ڪئين نقصون ڪريو ھوئہ ڪا تارو ايئا مانھ قرض ھوئہ، تو او مون مانھ لڪ. ①9 ھون پولوس آپرون ھاتون ٿي لڪونھ ريو، ”جئين ڪئين تارو حساب ايئا مانھ ٿئہ، او ھون پري ڏيھ.“ مارو تو ھومو تون مانھ قرض سئہ جي مئين ايسو را پارام شيڪاڙين تون نئہ تارڻ رو مارگ ڏيڪاڙيوھ. پڻ ھائي ٿيو. ②0 وات اي سئہ، پائي، پريو ايسو ٿي واسطو راکيا ري ڪري تون مون ھارو ڪئينڪ ڪر. آبي تو ايسو ڪريست ري ڪري پائي سون، تيام تون انيسمس ٿي نائوڪئہ نمونئہ وين مارئي ھيمت وڌاو.

②1 ھون تون نئہ ايئا ھارو لڪونھ ريو، ڪم تو مارو يقين سئہ جي تون مارئي وات مونيھ، ان مون نئہ ڪبر سئہ جي جئين مئين تون نئہ ڪيڏوھ، تون اوئا ٿي پڻ وڌيڪ ڪريھ. ②2 ان پيڙي وات اي سئہ جي تون آپري گھري مون ھارو ٽڪيا رئي جگا تيار ڪر، ڪم تو مارو پروسو سئہ جي تماريون پرائنائون ٿي ھون قيڏ ٿي سوئين تمون ڪن آويھ.

اڱري وانون

②3 ايفراس تون نئہ نمسڪار ڪئھ، جيو ايسو ڪريست رئي شيوا ڪريا ري ڪري مون پيڙو قيڏ ۾ سئہ. ②4 ان مرقس، ارسترخس، ديماس، ان لوقا پڻ، جيا مون پيڙا پڳوون رو ڪوم ڪرئھ، تون نئہ نمسڪار ڪئھ ريا. ②5 آپتو پريو ايسو ڪريست تمون ٻڌون مانھ ڪرپا ڪرئھ!

عبرانيون را نوم مانه لکل کت رئي هزموئي

کت لکيا واڙو

کيا نه کبر نئي جي اي کت ڪيٺه لکيو ڪم تو اينا کت ۾ لکيا واڙا رو نوم لکل نئي. وات ساوئي سٺه جي لکيا واڙو بهودي قوم رو وشواسي هتو جيمو شاستر ري واتون گهڻي زوٽو، ان اوت ايسو رون اصلي شيلون ئي ايسو را پارام شيڪيو تو (عبرانيون 3:2). تيامر گهڻا منک هزمتهه جي لکيا واڙو ڪا پولوس هتو (مک شيلون را ڪوم 3:22)، ڪا برنباس هتو (مک شيلون را ڪوم 36:4، 24-22:11، 3-1:13)، ڪا ايلوس هتو (مک شيلون را ڪوم 24:18). اي کت 70ع تي مور لکوٽو، اندازام 56ع ۾، ڪم تو 70ع ۾ رومي قوج پڳوون رو گهر پونگيو پرو ان بهودي ڌرم رو بدو پوزا رو نمونو ڪم ٿي گيو.

کت ڪيون منڪون هارو لکيو

اينا کت ۾ لکل نئي جي کت ڪيون منڪون هارو سٺه. پڻ لکل واتون ئي وات ساوئي سٺه جي اوٽون وشواسيون هارو لکل هتو جيا بهودي قوم را هتا ان اڳي بهودي ڌرم مانه وينا. بهودي قوم نه عبراني پڻ ڪهه. تيامر اينا کت نه عبرانيون را نوم مانه لکل کت ڪهه. اوٽا وکت ۾ بهودي قوم را منک گهڻون ملڪون موئين زائين ريتا ان وشواسي ڌرم گهڻون ملڪون موئين پکڙي گيو تو. تيامر ڪعين کبر نئي جي اي کت ڪيا شهر ڪا ملڪ رون وشواسيون هارو لکل هتو.

کت لکيا رو مطلب

اوٽا وکت ۾ گهڻون ملڪون مانه رومي حڪومت هئي. رومي منک مورتيون ان ڏيوٽونون نه پوزتا. رومي قانون پرموٽه بهودي ڌرم پڻ نيڪ هتو. وشواسي ڌرم هيڪ نوو ڌار ڌرم هتو، تيا ري ڪري گهڻا منک وشواسيون نه تنگ ڪرتا. ان ايوي حالت ري ڪري جيا وشواسي بهودي قوم را هتا ان اڳي بهودي ڌرم پاڙتا، اوٽون هارو وشواسي ربوو گهڻو ڏورو هتو. تيامر لکيا واڙه اي کت لکيو زم بهودي قوم رون وشواسيون نه ٽاپتي ٿه جي بهودي ڌرم پرموٽه پڳوون را نوم مانه مال ساڙيا ٿي نئين، پڻ ايسو مانه وشواس راڪيا ٿي مافتي ان تارڻ زڙهه. او اي پڻ شيڪاڙهه جي بهودي قوم را وشواسي آيرو جيو پچايا هارو پاسا اوٽون را اصلي بهودي ڌرم موئين نه زات، پڻ ڏورو ۾ وشواس نه ساڏين ايسو مانه پڪو وشواس راڪتا ره.

ايئا ڪتاب را شاستر تي پيزا حوالا:

عبرانيون 4:4	پيدائش 2:2
عبرانيون 5:4	زبور 95:11
عبرانيون 7:4	زبور 95:7-8
عبرانيون 8:4	يشوع 1:1-24:33
عبرانيون 14:4	ڪوم 1:9-9:11
عبرانيون 3:5	احبار 7:9
عبرانيون 4:5	خروج 1:28
عبرانيون 5:5	زبور 2:7
عبرانيون 6:5	زبور 110:4
عبرانيون 7:5	متي 26:36-44
عبرانيون 7:5	مرقس 14:32-39
عبرانيون 7:5	لوقا 22:22-39:44
عبرانيون 10:5	زبور 110:4
عبرانيون 13:6	پيدائش 22:16
عبرانيون 14:6	پيدائش 22:17
عبرانيون 15:6	پيدائش 12:1-4
عبرانيون 15:6	پيدائش 21:5
عبرانيون 19:6	احبار 16:2-3
عبرانيون 20:6	زبور 110:4
عبرانيون 3-1:7	پيدائش 14:18-20
عبرانيون 3-2:7	يسعياہ 9:6-7
عبرانيون 3-2:7	يرمياہ 23:5-6
عبرانيون 5:7	گنتي 18:21
عبرانيون 11:7	گنتي 18:1-7
عبرانيون 14:7	متي 1:3, 16
عبرانيون 14:7	لوقا 3:23, 33
عبرانيون 17:7	زبور 110:4
عبرانيون 21:7	زبور 110:4
عبرانيون 1:8	مرقس 16:19
عبرانيون 5:1	زبور 2:7
عبرانيون 5:1	2 سموئيل 14:7
عبرانيون 5:1	1 تواريخ 17:13
عبرانيون 6:1	زبور 97:7
عبرانيون 7:1	زبور 104:4
عبرانيون 8-1:9	زبور 45:6-7
عبرانيون 10-1:12	زبور 102:25-27
عبرانيون 13:1	زبور 110:1
عبرانيون 2:2	خروج 1:17-20
عبرانيون 2:2	استيشنا 33:2
عبرانيون 2:2	خروج 21:12
عبرانيون 2:2	خروج 21:15, 17
عبرانيون 2:2	خروج 22:1
عبرانيون 2:2	خروج 22:20
عبرانيون 4:2	ڪوم 3:10-1
عبرانيون 4:2	ڪوم 5:12-16
عبرانيون 4:2	ڪوم 19:11-12
عبرانيون 4:2	1 ڪرنتيون 12:4-11
عبرانيون 6:2:8	زبور 8:4-6
عبرانيون 12:2	زبور 22:22
عبرانيون 13:2	يسعياہ 8:17
عبرانيون 13:2	يسعياہ 8:18
عبرانيون 2:3	گنتي 12:7
عبرانيون 5:3	استيشنا 18:15-19
عبرانيون 7:3:11	زبور 95:7-11
عبرانيون 15:3	زبور 95:7-8
عبرانيون 16:3	خروج 12:1-15:35
عبرانيون 18-17:3	گنتي 14:21-35
عبرانيون 3:4	زبور 95:11

عبرانیون 20:10 متی 50:27-51	عبرانیون 1:8 کوم 10:11
عبرانیون 20:10 مرقس 15:37-38	عبرانیون 5:8 خُرُوج 25:40
عبرانیون 20:10 لُوقا 23:45-46	عبرانیون 8:8-12 یرمیاہ 31:34-34
عبرانیون 28:10 اِسْتِشْنا 17:2-7	عبرانیون 1:9 احبار 1:38-7
عبرانیون 30:10 اِسْتِشْنا 32:35	عبرانیون 1:9 خُرُوج 1:38-30
عبرانیون 30:10 اِسْتِشْنا 32:36	عبرانیون 2:9 خُرُوج 1:37-1
عبرانیون 30:10 زُبُور 135:14	عبرانیون 2:9 خُرُوج 25:40-31
عبرانیون 38-37:10 حَبْقُوق 2:3-4	عبرانیون 2:9 خُرُوج 25:30-23
عبرانیون 3:11 پیدایش 1:31-1	عبرانیون 4:9 خُرُوج 10:1-30
عبرانیون 4:11 پیدایش 2:4-12	عبرانیون 4:9-5 خُرُوج 22-10
عبرانیون 5:11 پیدایش 5:18-24	عبرانیون 4:9-5 خُرُوج 16:34-33
عبرانیون 7:11 پیدایش 5:28-29	عبرانیون 4:9-5 گِنْتِی 17:11-8
عبرانیون 8:11 پیدایش 12:4-1	عبرانیون 4:9-5 خُرُوج 27-28, 34-5
عبرانیون 9:11 پیدایش 13:3	عبرانیون 7:9 احبار 16:34-2
عبرانیون 11:11 پیدایش 18:10-11	عبرانیون 9:10 احبار 10:10-8
عبرانیون 11:11 پیدایش 21:1-2	عبرانیون 9:10 احبار 11:47-1
عبرانیون 12:11 پیدایش 22:17	عبرانیون 9:10 احبار 16:24
عبرانیون 19-17:11 پیدایش 22:18-1	عبرانیون 9:10 احبار 17:16-15
عبرانیون 18:11 پیدایش 21:12	عبرانیون 9:12 احبار 16:34-2
عبرانیون 20:11 پیدایش 27:40-27	عبرانیون 9:13 احبار 16:16-14
عبرانیون 21:11 پیدایش 47:31-29	عبرانیون 9:13 گِنْتِی 19:22-1
عبرانیون 21:11 پیدایش 48:8-20	عبرانیون 9:18-21 خُرُوج 24:8-3
عبرانیون 22:11 پیدایش 50:25-24	عبرانیون 9:20 خُرُوج 24:8
عبرانیون 23:11 خُرُوج 1:10-1	عبرانیون 9:22 احبار 8:15, 30
عبرانیون 28-24:11 خُرُوج 2:11-51	عبرانیون 9:22 احبار 17:11
عبرانیون 29:11 خُرُوج 14:31-1	عبرانیون 9:25 احبار 16:34-2
عبرانیون 30:11 یَشُوع 6:1-21	عبرانیون 10:5-7 زُبُور 40:8-6
عبرانیون 31:11 یَشُوع 2:1-24	عبرانیون 10:12 مرقس 16:19
عبرانیون 31:11 یَشُوع 6:25-22	عبرانیون 10:13 زُبُور 110:1
عبرانیون 32:11 قُضَات 6:11-8	عبرانیون 10:16 یرمیاہ 31:33
عبرانیون 32:11 قُضَات 4:31-5	عبرانیون 10:17 یرمیاہ 31:34

عبرانیون 24:12 پیدایش 4:8-10	عبرانیون 32:11 قُضات 13:24-16:31
عبرانیون 25:12 خُرُوج 32:1-35	عبرانیون 32:11 قُضات 11:1-7:12
عبرانیون 26:12 خُرُوج 19:18	عبرانیون 32:11 1 سموئیل 16:1-30:31
عبرانیون 26:12 حجی 2:6	عبرانیون 32:11 2 سموئیل 1:1-25:25
عبرانیون 29:12 اِسْتِشْنَا 4:24	عبرانیون 32:11 1 سلاطین 1:1-11:2
عبرانیون 2:13 پیدایش 18:1-19:3	عبرانیون 32:11 1 سموئیل 1:1-25:1
عبرانیون 5:13 اِسْتِشْنَا 31:6	عبرانیون 33:11 دانی ایل 6:1-28
عبرانیون 5:13 یشوع 1:5	عبرانیون 34:11 دانی ایل 3:1-30
عبرانیون 6:13 زُبُور 6:1-7	عبرانیون 35:11 1 سلاطین 17:17-24
عبرانیون 9:13 احبار 11:47	عبرانیون 35:11 2 سلاطین 4:8-37
عبرانیون 10:13 احبار 16:27	عبرانیون 37:11 2 تواریخ 24:20-22
عبرانیون 11:13 احبار 16:15	عبرانیون 6-5:12 امثال 11:12
عبرانیون 11:13 احبار 16:27	عبرانیون 13:12 امثال 4:26
عبرانیون 13-12:13 متی 27:31-50	عبرانیون 16:12 پیدایش 25:29-34
عبرانیون 13-12:13 مرقس 15:20-37	عبرانیون 17:12 پیدایش 27:30-40
عبرانیون 13-12:13 لُوقَا 23:32-46	عبرانیون 18:12 خُرُوج 19:16
عبرانیون 13-12:13 یوحنا 19:17-30	عبرانیون 19:12 خُرُوج 20:18
عبرانیون 20:13 متی 26:28	عبرانیون 20:12 خُرُوج 19:12-13
عبرانیون 20:13 مرقس 14:24	عبرانیون 21:12 اِسْتِشْنَا 9:19
عبرانیون 20:13 لُوقَا 22:20	عبرانیون 22:12 ڈرشن 21:2-4
عبرانیون 20:13 یوحنا 10:11	عبرانیون 24:12 متی 26:28

عبرانيون

را نوم مانھ لکل کت



پڳوونَ آپرا ڏيکرا ايسو ري هاڻي
آپري واتون آپون ڪن ساوي ڪريه

1 ① اڳلوڪا زمونا ۾ قرق قرق تونون مانھ ان قرق قرق ڍاڙھ پڳوونَ آپرو
نياپو ڏيڏا واڙون ھات آپتون ڏاڏون ڪن آپري واتون ساوي ڪري. ② پڻ
ھمئڻھ ڏنيا ري پڇاڙي رون ڏيئون ۾ پڳوونَ آپون ڪن آپرا ڏيکرا ھات آپري
واتون ساوي ڪريھ. پڳوونَ آپرا ڏيکرا ايسو رڻھ ھيلئھ ٻڌوئي ڪئين نايو، ان
اوثا نئھ اي حق ڏيڏو جي راکل توڻا مانھ جي ڪئين ناوڻ سئھ اوثا ٻڌا رو او ڏئي
تئھ. ③ زم پڳوونَ سوجھرو ئي سوجھرو سئھ تم ايسو موئين پڳوونَ رو زبکتو
سوجھرو ساوو ڏيڪاڻھ. ان زم نپا رو نيشون نپا جيوو سئھ، تم ايسو پڳوونَ جيوو
سئھ، ڪم تو جي واتون پڳوونَ موئين سئھ او هاڳي واتون ايسو موئين سئھ.
ايسو آپري ڪڙا پرموئڻھ آپرا ڪيڏا ٿي ٻڌوئي ڪئين ھمپاڙھ. آپرو جيوو پڳوونَ
را نوم مانھ ڏين اوئھ منڪون رون ڏوھون رئي ماڻھي ڪراوئي ان تيا ڪيڙ آڪاش
موئين ٻڌون را ڏئي پڳوونَ رڻھ زمئڻھ پاھڻھ مون ۾ بينوھ.

پڳوونَ رو ڏيڪرو هوبا ري ڪري ايسو رو آڪاشي ڏوتون ٿي وڌارڻ گهڻو مون سڻ

④ هيونئہ نمونئہ زم پڳوونَ ايسو نئہ آڪاشي ڏوتون ٿي الاهي گهڻو مون ڏين اوثا نئہ آڀرو ڏيڪرو ڪيڏو، تم پڳوونَ ايسو نئہ آڪاشي ڏوتون ٿي الاهي گهڻو مون ڏين آپ ڪن مون ۾ پڻ پيهاريو. ⑤ ڪم تو پڳوونَ ڪيڏي ڪيائي آڪاشي ڏوت نئہ ام نٿي ڪيڏو:

”تون مارو ڏيڪرو سڻ،

آز مئين وات ساوڻي ڪرين ڏيڪارڻيھ جي هون ٿارو ٻاپ سون.“

ان وڙي پڳوونَ ڪيڏي ڪيا ٿي آڪاشي ڏوت را پارام ام نٿي ڪيڏو:

”هون اوثا رو ٻاپ ٿيھ،

ان او مارو ڏيڪرو ٿيشي.“

⑥ پڻ شاستر ۾ پيزا ماڳ، زليون پڳوونَ آڀرا ڏيڪرا ايسو نئہ ڏنيا رون منڪون ان آڪاشي ڏوتون هومو ساوو ڪريو، جيو ڏنيا نھيا مور هتو ان پوڻيني را ڏيڪرا را زم اوئون ٻڌون ٿي موتو سڻ، اوئئہ ايسو را پارام ام لڪل سڻ:

”پڳوونَ را ٻڌائي آڪاشي ڏوت اوثا رئي پوزا ڪرئ.“

⑦ آڪاشي ڏوتون را پارام شاستر ۾ ام لڪل سڻ:

”پڳوونَ آڀرئي شيوا ڪريا وازون آڪاشي ڏوتون نئہ

آڀرا ڪوم هارو وائيرا ان ڏيوٽا را روپ ۾ ميلئھ.“

⑧ پڻ پڳوونَ را ڏيڪرا را پارام شاستر ۾ ام لڪل سڻ:

”او ٻڌون را ڏٿي، تمي گهاڏي مانھ پيھين هميش هودڙي راز ڪرشو،

ان پاڏشا رو گيڏيو لين انصاڻي ٿي راز ڪرشو.

⑨ تمي پورا من ٿي پڳوونَ ري وات مانھ ووداھ،

ان پونڌائي ٿي پاھو ڪريوھ،

تيام، او ٻڌون را ڌڻي، تمارئ پڳوون تمون نئه پاڌشا نايه
ان تمون نئه تمارون ساڻيون ٿي وڌارئ ڪشي ڏيڏيه.

⑩ ان پڳوون را ڏيڪرا را پارام شاستر ۾ ام پڻ لڪل سئ:

”او پڙيو، تمي شروع ۾ ڌرتي ناوئي

ان آڪاش تمارو ناوڻ سئ.

⑪ آڪاش ان ڌرتي تو ڪتم ٿيشي، پڻ تمي هميش هُوڌي ريشو.

او لوگهڙون را زم زونا تين ٻڳڙي زاشي،

⑫ ان تمي اوئون نئه توڻال را زم وينتوزشو،

ان زم منڪ زونا لوگهڙا اوتارين نوا لوگهڙا پيرئ

تم تمي ايئا جڳت ري جڳا ۾ نوو جڳت ناوشو.

پڻ تمي ڪيڏي نئين پڌلو ان هميش هُوڌي جيوتا ريشو.

⑬ پڻ پڳوون ڪيڏي ڪيا ئي آڪاشي ڏوت نئه ام نئي ڪيڏو:

”ئون مارئ زمئئ پاهئ مون ۾ پيه،

زئون هُوڌي هون ٿارون ڏشمئون نئه هراوين ٿاري ٻڳي نه لڳاڙون.“

⑭ ڪم تو آڪاشي ڏوت ٻڌائي پڳوون رئي شيوا ڪريا وڙا سئ، ان پڳوون

اؤون نئه ايون منڪون رئي شيوا ڪريا هارو ميلئ، جيون نئه پڳوون را وائڏا

پرموئئ تارڻ زڙشي.

پڳوون را ڏيڪرا ايسو ري ڪيڏل واتون پورا من ٿي مونتا ريوو

① تيام آڻئئ اوئون واتون مانھ وڌارئ ڏيون ڏيوو، جي واتون آبي ايسو را
2 پاها ٿي هومپڙيه، متون آبي هڻيون هڻيون ڪوڙيون واتون ٿي ٺيلائين هاس

ٿي شيتي ٿي زائون، ان تارڻ را ڪپ مانھ نه پوڳون. ② ڪم تو زئون پڳوون

آڪاشي ڏوتون هات آڻئون ڏاڏون نئه حڪم ڏيڏا، تنيون آڪاشي ڏوتون ري ڪري

ٿاڻي ٿي جي هائي حڪم پڳوون را پاها را سئ. تيا ري ڪري هايون حڪمون

مانه ويوو ضروري هتو، ان جي ڪيٺه ٿي ڪوڪ حڪم ٿوڙيو ان ڪيڏل وات نه مونڻي، تو اوتا ننه انصاف ڀرموئنه ڏوهه را ايوزا ڀر سزا زڙڙي. ③ تيام جي آبي ڀرڀو ايسو رو ڏيڏل تارڻ رو اوڙو موٽو نياپو نه مونون، تو آبي ڀڳوون ري سزا ٿي ڪم ڪرين ڀڄي زاشون؟ اي تارڻ رو نياپو پيرهين ڀرڀو ايسو آپ منڪون ننه همڀاڙيو تو، ان تيا ڪيڙ او منڪ جيڻي ڀرڀو ايسو ري واتون ڪوني هوڀڙي، اوئي آپون ننه اي نياپو پڪي ٿاڀي ٿي همڀاڙيوه. ④ ان ڀڳوون اوئون ايسو رڻي هاڪ ڀريا واڙون منڪون ري هاڻي نيشون، ڀرسا ان نمونا نمونا را موٽا ڪوم ڪريا، ان اوئه آپري مرضي ڀرموئنه منڪون ننه پويتر آتما ري ڪڙا ٿي قرق قرق ڪوم ڪريا رڻي هيٺ پڻ ڏيڏي، ان هيئه نموننه ڀڳوون آپ پڻ ٿاڀي ڏيڏي جي اي نياپو هاسو تارڻ رو سئه.

ايسو آپ منڪ ٿيو زم او منڪون ننه تارڻ ڏئه

⑤ هوئه او آيا واڙو نوو جڳت، جيا رڻي وات وئھ رڻي، ڀڳوون اوئا جڳت ننه آڪاشي ڏوتون را ڪيڏا هيٺ نڻي راڪيو. ⑥ ڪم تو ڪيڻڪ شاستر ڀر ڪيڻڪ اي هاسي وات ڪريه:

”او ڀڳوون، منڪ ڪي سئه،

جي تمي اوئا رو ڪيال راڪوه؟

ان منڪ ذات رو ڏيڪرو تمون ننه ڪتو ڀريمي سئه،

جي تمي اوئا رڻي همڀاڙ ڪروه؟

⑦ تمي اوئا ننه منڪ ناوين آڪاشي ڏوتون ٿي ٿوڙو گهٽ ڪريوه.

تمي اوئا ننه گهڻو مون ان عزت ڏيڏي،

⑧ ان تمي ڀڏوئي ڪئين اوئا را ڪيڏا هيٺ ڪريوه.

زئيون ڀڳوون ڀڏوئي ڪئين منڪ را ڪيڏا هيٺ ڪريو تو، تئيون اوئه ايوو ڪئين نتو ساڏيو، جي اوئا را ڪيڏا هيٺ نه ڪريو هوئه. همئنه تو آپون ننه هم ڏيڪيام

نٿي آتو جي ٻڌوئي ڪئين منڪ را ڪيڏا هيٺ سٺه. ⑨ پڻ آبي ايسو نٺه زوٺونه. پڳوون منڪون مانھ ڪرپا ڪرين ايسو نٺه منڪ ناوين آڪاشي ڏوتون ٿي توڙو گهٽ ڪريو تو، زم ايسو ٻڌون منڪون نٺه پڇايا هارو آڀرو جيو ڏٺه. پڻ هونٺ، ايسو رٺه ڏڪ وينين مريا ري ڪري، پڳوون اوٺا نٺه آڪاش ۾ مون ان عزت ڏيڏيھ. ⑩ پڳوون ٻڌوئي ڪئين آڀري ڪڙا ٿي آپ هارو نايوه. ان پڳوون رٺي مرضي هٿي جي او گهٺون منڪون نٺه آڀرا ٻار ناوين آڪاشي مون ۾ تپڙاوتھ. تيام صحيح هتو، جي ايسو پڳوون ري مرضي ڀرموتھ موت هوڏي ڏڪ وينين پڳوون رٺي مرضي پوري ڪرٺه. هيوتھ نمونٺه پڳوون ايسو نٺه ايوو ڪريو جي او منڪون هارو تارڻ را مارڳ رٺي آڳيونٺي ڪريا وازو تھ. ⑪ هيوتھ نمونٺه پڳوون رو ڏيڪرو ايسو، جيو منڪون نٺه ڏوهون ٿي پويتر ڪرٺه، او پڻ منڪ ٿيو، ان جيا منڪ ڏوهون ٿي پويتر تھ، او پڻ پڳوون را ٻار تھ. ان هونٺه بي ئي هيڪي اڪائي را پاتي سٺه. تيام ايسو هايون ري ڪري لزي نٿي مرتو پڻ اوٺون نٺه آڀرا پائي ان بينون ڪٺه. ⑫ زم شاستر ۾ لکل سٺه:

”او پڳوون، هون آڀرون پايون ڪن تمارا وڪوڻ ڪريھ،
ان هون منڏري وسا تمارا نوم را پزن گاويھ.“

⑬ ان ايسو را پارام اي وات پڻ شاستر ۾ لکل سٺه:

”هون پڳوون مانھ ڀروسو را ڪتور به.“

ان وڙي ايسو ان اوٺا مانھ وشواس راڪيا وازون را پارام اي پڻ لکل سٺه:

”زوٺو، هون سون ان او ٻار پڻ سٺه جيا پڳوون مون نٺه ڏيڏاھ.“

⑭ هونٺه هائي جيون نٺه شاستر ۾ ٻار ڪٺه، جيا پڳوون ايسو نٺه ڏيڏاھ، او تو منڪ سٺه ان لوئي ان مونھ را ناول سٺه. تيام ايسو آپ پڻ اوٺون را زم منڪ ٿيو، زم او آڀرا موت ٿي شيطون نٺه ڪتم ڪرٺه، جيو منڪون نٺه موت را قوضام راڪٺه، ⑮ ان اوٺون نٺه موت را قوضا ٿي سڏاوتھ، جيا پوري حياتي موت ري پيڪ ۾ شيطون ري گلومي ۾ ڦاٿل هتا. ⑯ وات تو ساوئي سٺه جي

ايسو آكاشي ڏوتون رڻي نئين، پڻ آپون منڪون رڻي مدت ڪرڻ، جيا ابراهيم را اولاد سون. (17) تيام ضروري هتو جي ايسو منڪ ٿين ٻڌيون واتون ۾ آپرون پايون جيوو ٿڻ، زم پڳوون رون سونڊل منڪون نٿه ڏوهون رڻي ماڻهي ڏيورايا هارو او ڏياڙو ان پڳوون ريون واتون ۾ ايموندار مڪ پوزاري ٿڻ، ان آپرو جيوو پڳوون را نوم مانه ڏڻ. (18) هيوڻه نمونڻه اوڻه آپ آزمتون ۾ پورو اوتريا هارو ڏڪ ويڻيا، تيام اوڻون رڻي مدت ڪري هيڪڻه، جيا آزمتا ۾ سڻ.

پڳوون رو ٺيڪرو هويا ري ڪري ايسو رو موسي ٿي وڌارڻ گهڻو مون سڻ

3 ① تيام، پريمي پايون ان پينون، تمي جيا پڳوون را سونڊل منڪ سو، جيون رو پڳوون آپ ٿي واسطو رکايوه زم تمي پڳوون رون ٻڌون سونڊل منڪون پيڙا آڪاش ۾ پڳوون ڪن ريو، ايسو مانه ڏيون ڏيو، جيو ٻڌون ٿي موڻو پڳوون رو ميلل آڳوون ان مڪ پوزاري سڻ، جيا نٿه آبي مونون. ② او پڳوون ري شيوا ۾ ايموندار ريو جيڻه اوڻا نٿه ميليو تو، زم موسي پڻ اسرائيلي قوم ري

همپاڙ ۾ ايموندار ريو، جڻي قوم پڳوون رون گهر رون پاتيون را زم هڻي. ③ زم گهر نايا واڙا رو مون گهر را مون ٿي گهڻو وڌارڻ سڻ، هيوڻه نمونڻه پڳوون ايسو رو مون موسي را مون ٿي گهڻو وڌارڻ راڪيوه: ④ ڪم توهر گهر ڪياڪ رو ناوڻ سڻ، پڻ پڳوون تو ٻڌوئي ڪئين نايوه. ⑤ موسي پڳوون رو شيواڌاري هتو، ان زم نوڪر ڌڻي را گهر ۾ شيوا ڪرڻ، تم او پڳوون ري سونڊل ٻڌي اسرائيلي قوم ري شيوا ۾ ايموندار هتو، ان اوڻه پڳوون را سونڊل پڇايا واڙا را پارام مور ٿي هاڪ پرڻي جي مارا زم پيزو آوين



پڳوونَ رو نياپو ڏيشي. ⑥ پڻ ايسو ڪريست پڳوونَ رو ڏيڪرو سٺ، ان زم ڌڻي رو ڏيڪرو ڌڻي را گهر ۾ راز ڪرڻ، تم او پڳوونَ رون سونڍل منڪون مانھ راز ڪريا ۾ ايمونڌار سٺ. ان آبي پڳوونَ را سونڍل پڳوونَ را گهر را پاتي سون، جي آبي هيٺ نه هارون ان پوري حياتي پڪو وشواس راڪين تارڻ رو ڀروسو راڪون، جيا تارڻ را پارام آبي ڪشي ٿي ڪونھ.

وشواس راڪتا ريوو نڪا پڳوونَ رو وائيندو ڪرل تارڻ نئين زڙڻ

⑦ تيام پڳوونَ ري واتون مونو، زم دائود پويتر آتاري ڪرا ٿي شاستر ۾ ڪيڏو:
 ”آز تم پڳوونَ ري واتون هومپڙو ان من ٿي مونو!

⑧ پڳوونَ ام ڪنھ:

تمي ناهڏا مت ٿيو زم تمارا ڏاڏا ناهڏا هتا،

زئيون او رڻ موئين مارڻه ڪلاڦ وويڏا

ان مارا صير رو آزمتو ليڏو.

⑨ اوڻه تماري ڏاڏي چاليهون سالون هوڏي

مارا ڪرل ڪوم پاڙيا،

توئي پڻ او وڙي وڙين مارا صير رو آزمتو ليتا ريا.

⑩ تيام مون ننه اوڻا توڻا ري پيڏي مانھ رينھ سڙڻي،

ان مئين زويو جي اوڻون را من ري واتون هميش اوڙي سٺ

ان او مارا ڪيڏا مانھ ماڳي نٿي وينا.

⑪ تيام مئين رينھ ۾ هون ڪائين ڪيڏو

جي مارو وائيدو ڪرل آروم ان هڪ هايون ننه ڪيڏي نئين زڙڻه.

⑫ تيام، پايون ان پينون، هوشيار ريا، متون تمون موئين ٿي ڪوئي من ۾

ڪراپ ڪيال راڪين وشواس ساڏهه ان جيوتا پڳوونَ رڻه ڪلاڦ وڻه. ⑬ زم مئين

شاستر رڻي وات همپڙاويھ جي آز پڳوونَ ري واتون مونو، تم تم ٿي روز روز

پڳوونَ ري واتون مونيا ۾ هيڪا پيڙا نئه حونصلو ڏيتا ريو، زم تمون موئين ٿي
 ڪوئي نه شيتراڻه ان ڏوه نه ڪرڻه ان پڳوونَ رڻه ڪِلافَ ناهدو نه ٿه. (14) ڪم
 تو آبي ايسو ڪريست ٿي واسطو راکيوه ان آڀون نئه اوتڻا پيڙو آڪاش ۾ هڪ
 زڙشي، جي آبي پوري حياتي پڪي ڪاتري ٿي او وشواس راکتا ريون جيو آبي
 شروع ۾ اوٿيو تو. (15) شاستر ري ايٿا وات مانھ وڙي ڏيون ڏيو:

”آز تمي پڳوونَ ري واتون هومپڙو ان من ٿي مونو!
 پڳوونَ ام ڪئھ:

تمي ناهدًا مت ٿيو زم تمارا ڏاڏا ناهدًا هتا،
 زئيون او رڻ موئين مارڻه ڪِلافَ وُودا.“

(16) هَوڻه هايا وات پرموڻه او منڪ ڪوڻ هتا جيا پڳوونَ ري واتون هومپڙين
 پڳوونَ رڻه ڪِلافَ وُودا؟ او تو او ٻڌائي منڪ هتا جيون نئه پڳوونَ ڳلومي ٿي
 سڏاوين موسي ري هاڻي مصر ملڪ ٿي ٻارا ڪاڍيا تا. (17) ان پڳوونَ نئه چاليھ
 سالون هُوڏي ڪيون منڪون مانھ رينھ سڙئي؟ اوٿون هاڳي منڪون مانھ رينھ
 سڙئي جيئي ڏوه ڪريا، ان تيام او رڻ موئين را موئين مري ڳيا. (18) ان پڳوونَ
 ڪيون منڪون را پارام هون ڪائين ڪيڏو جي مارو وائيدو ڪرل آروم ان هڪ
 هايون نئه ڪيڏي نئين زڙه؟ او تو او هاڳي منڪ هتا جيئي پڳوونَ مانھ وشواس
 نه راکيو. (19) آڀون نئه وات ساوئي ڏيڪيام اوئھ جي او منڪ پڳوونَ را وائيدا
 ڪرل ملڪ موئين زائي نه هيڪيا ڪم تو اوئي پڳوونَ مانھ وشواس نه راکيو،
 ان تيام وشواس نه راکيا ري ڪري اوٿون نئه پڳوونَ رو وائيدو ڪرل آروم ان
 هڪ نه زڙيو.

جيا پڳوونَ مانھ وشواس راکئھ اوٿون، نئه آروم ان هڪ زڙشي

(1) هَوڻه پڳوونَ رو وائيدو ڪرل سئھ جي جيا منڪ پڳوونَ مانھ وشواس
 راکئھ اوٿون منڪون نئه آروم ان هڪ زڙشي. تيام آڀنئھ پڳوونَ رئي پيڪ

راکينَ وِشواسِ راکوو، متونِ تمونِ موئينِ ٿي ڪوڪِ پڳوونَ رو وائيدو ڪرلِ آرومِ ان هڪ ليڏا جيوو نه هونء. ② ڪم تو آبي پڻ آپئون ڏاڏون را زم پڳوونَ را پاها ٿي ڪشي رٿي کبر هومپڙيهه. پڻ اوئي پڳوونَ رو نياپو روڳو هومپڙيو تو ان اوئا ٿي ڪئين قائيدو نتو ليدو، ڪم تو نياپو هومپڙينَ اوئي پڳوونَ مانه وِشواسِ نتو اوئيو. ③ ان هونءِ پڳوونَ رو وائيدو ڪرلِ آرومِ ان هڪ آپون ننه زڙشي، جيئي وِشواسِ اوئيوهه. ڪم تو پڳوونَ وِشواسِ نه راکيا وازون را پارام ام ڪيڏو:

”تيام مئين رينه ۾ هون ڪائين ڪيڏو

جي مارو وائيدو ڪرلِ آرومِ ان هڪ هايون ننه ڪيڏي نئين زڙنه.“
هونءِ جڳت نهيا را توئا ٿي لينَ منڪون ننه پڳوونَ را زم آرومِ ان هڪ ليڏا رو موقعو تو سئه، ڪم تو پڳوونَ جڳت نايا رو ڪوم پورو ڪرينَ آرومِ ڪريو تو.
④ ڪم تو شاستر ۾ هاتما ڏي را پارام ڪيٽڪ ام لڪل سئه:

”پڳوونَ آپرو جڳت نايا رو ڪوم پورو ڪرينَ

هاتمه ڏي آرومِ ڪريو.“

⑤ توئي پڻ شاستر ري هايا وات ۾ وِشواسِ نه راکيا وازون را پارام ام لڪل سئه:
”مارو وائيدو ڪرلِ آرومِ ان هڪ هايون ننه ڪيڏي نئين زڙنه.“


⑥ تيام پيزون منڪون هارو هزون هودِي موقعو سئه، جي اوئون ننه پڳوونَ رو وائيدو ڪرلِ آرومِ ان هڪ زڙنه. مور ۾ اي ڪشي رٿي کبر آپئون ڏاڏون ننه ڏيڏل هئي، پڻ اوئون ننه پڳوونَ رو وائيدو ڪرلِ آرومِ ان هڪ نتو زڙيو، ڪم تو اوئي پڳوونَ مانه وِشواسِ نتو راکيو. ⑦ تيا ري ڪري پڳوونَ آرومِ ان هڪ ليڏا رو وزي پيزو موقعو ڏيڏو، ان او موقعو آڙ سئه. ڪم تو آپئون ڏاڏون را توئا ٿي الاهي گهڻون سالون ڪيڙ دائود پڳوونَ را پاها ٿي اي وات ڪيڏي، زم ماتنه پڻ ڪيڏل سئه:

”آز تمِي پڳوونَ ري واتون هومپڙو ان من ٿي مونو!“

⑧ هونءِ جي پڳوونَ رو وائيدو ڪرلِ آرومِ ان هڪ تئين زڙيو هوئت، زئين

يشوع آپتون ڏاڏون ننه پڳوونَ را وائيدا ڪرل ملڪ موئين لي گيو تو، تو تيا ڪيڙ پڳوونَ پيڙا آروم ان هڪ ليڊا را موقعا را پارام نه ڪئت. ⑨ تيام هائي وائيدو ڪرل آروم ان هڪ پڳوونَ رون سونيدل منڪون ننه هزون هوئه زڙشي. ان هائي آروم ان هڪ هاتما ڏي را آروم را زم سئه، جيو پويتر ڏي سئه. ⑩ ڪم تو جيا منڪ ننه هائي پڳوونَ رو وائيدو ڪرل آروم ان هڪ آڪاش ۾ زڙهه، او پڳوونَ رو ڏيدل ڪوم پورو ڪرين آروم ڪرئه، زم پڳوونَ آپرو جڳت نايا رو ڪوم پورو ڪرين هاتمه ڏي آروم ڪريو.

⑪ تيام آبي پڳوونَ ري واتون موين پوري ڪوشش ڪرون جي آيون ننه



آڪاش ۾ هائي آروم ان هڪ زڙهه، متون آيون موئين ٿي ڪوڪ آپتون ڏاڏون را ڏيڪاڙل نمونا پرموئنه وشواس نه راکئه ان اوئا ننه پڳوونَ رو وائيدو ڪرل آروم ان هڪ نه زڙهه. ⑫ ڪم تو پڳوونَ رو وچن زوئنه جيو تو سئه، ان اوئا ٿي پڳوونَ ري ڪڙا رو اثر ٿهه. ٻي ڌار ٿي تروٺار تو گهڻي ٿي سئه، ان هيا ننه هئا ٿي ڏيل رو هوند ٿو هوند وڌائي زائھ ان هائي هاڏڪو پونگين پيڙا هوڏي پڻ پوگي زائھ. پڻ پڳوونَ رو وچن منڪ را جيو ان من هوڏي پوگي زائھ، ان اوئا ري ڪري من رون ڪيالون ان سوچ ربي جونچ ٿهه. ⑬ پڳوونَ ٿي ڪئين هتال نٿي، ان ٻڌوئي ڪئين پڳوونَ هومو هاو ساوو سئه، جيا ننه آپئه حساب ڏيوو پڙشي.

ايسو ٻڌون ٿي موتو مڪ پوزاري ٿين

منڪون نه تارن ڏيڏا هارو پڳوونَ را نوم مانھ آپرو جيو ڏيندو

⑭ تيام، زئون پڳوونَ رو ڏيڪرو ايسو آپتو موتو مڪ پوزاري سئه جيو پڳوونَ ڪن آڪاش ۾ گيوه، تو آبي ايسو مانھ وشواس راکتا ريون ان آپرا وشواس ۾ اڏڳ ريون. ⑮ ڪم تو آپتو مڪ پوزاري ايوو نٿي جيو آيون هيئون منڪون

مانه قياس نئين ڪرڻ، ڪم تو آڀنا زم اوڻا مانه پڻ هر نمونا را ڏوه ڪريا را آزمتا آيا. او آپون جيوو سڻه، رُوگو اوڻه ڪيڏي ڏوه نه ڪريو. ①6 تيام آبي هيومت راڪين زوڻه پڳوون ري گهاڏي ڪن زائون ان ڪرپا ڪريا وازا پڳوون ٿي پراڻا ڪرون، زم پڳوون آپون مانه ڏيئا ڪرڻه ان آپون مانه ڪرپا ڪرين آڀي ضرورت ۾ آڀيئي مدت ڪرڻه.



5 ① هوڻه، هر مُڪ پوزاري منڪون موئين ٿي سونڍاهه، ان منڪون را پاها ٿي پڳوون رڻي پوزا ڪريا هارو راڪل هوڻه، زم او ڏوهون ري ماڻي هارو پڳوون را نوم مانه ڏونپ ان مال ساڙهه. ② او اوڻون منڪون ٿي نرمي هون وي هيڪهه، جيا پولاڻي زاهه ان ڏوه ۾ پڙهه، ڪم تو او آپ بيزون را زم هيٺو هوڻه. ③ تيا ري ڪري مُڪ پوزاري رڻه نه رُوگو اسرائيلي قوم رون ڏوهون ري ماڻي هارو، پڻ آپون ڏوهون ري ماڻي هارو پڻ پڳوون را نوم مانه مال ساڙو

ڪپهه. ④ مُڪ پوزاري ٿيوو مون ان عزت رڻي وات سڻه، ان ڪوئي منڪ آپرا پاها ٿي هائي سون ان عزت نٿي لي هيڪتو. پڻ پڳوون اوڻا ننه هايا ڪوم هارو سونڍهه، زم پڳوون هارون نومي پيرهيان مُڪ پوزاري ننه سونڍيو تو.

⑤ هيوڻه نمونته ايسو ڪريست مُڪ پوزاري ٿيا رو مون آپرا پاها ٿي نه ليدو. پڻ پڳوون آپ اوڻا ننه هائي مون ڏيدو، زئيون اوڻه ايسو ننه ام ڪيدو: ”تون مارو ڏيڪرو سڻه،

آز مئين وات ساوڻي ڪرين ڏيڪارڻيهه جي هون ٿارو باپ سون.“

⑥ ان شاستر ۾ پيڙا ماڳ ايسو را پارام پڳوونَ رئي اي وات پڻ لڪل سئھ:

”تُونِ مَلِكِ صِدَقِ يَادَشا را نُمونا پرموئئھ

ھميش ھُوڏِي پُوڙاري سئھ.“

⑦ زئيون ايسو ڏنيا ۾ حياتي ھتو، تئيون اوئھ ڏک ۾ رڙيون ڪري ڪرين ان روئي

روئين پڳوونَ ٿي وينتي ان پرائنائون ڪري. ايسو نئھ ڪبر ھتئي جي پڳوونَ اوئا

نئھ موت ٿي پڇاوي ھيڪئھ، توئي اوئھ آپري مرضي نہ سونديئي پڻ پرائئا

ڪري جي پڳوونَ رئي مرضي پوري ٿئھ. ان پڳوونَ اوئا رئي پرائئا ھومپڙي،

ڪم تو او پورا من ٿي پڳوونَ ري مرضي مانھ ويتو. ⑧ ايسو پڳوونَ رو ڏيڪرو

ھتو، توئي پڻ اوئھ پڳوونَ ري مرضي پرموئئھ ڏک وينيا ان ھيوئھ نمونئھ شيڪيو

جي پڳوونَ رو ڪيڏو مونو ڪي سئھ. ⑨ ان او موت ھُوڏِي پڳوونَ رئي مرضي

پوري ڪرين اوئون ٻڌون منڪون نئھ ھميش رو تارڻ ڏيڏا واڙو ٿيو، جيا اوئا رو

ڪيڏو مونئھ، ⑩ ڪم تو پڳوونَ اوئا نئھ مَلِكِ صِدَقِ يَادَشا را نُمونا پرموئئھ

مُڪ پُوڙاري راڪيو تو.

ايسو مانھ پڪو وشواس راڪتا ريوو نڪا نارڻ نئين زڙئ

⑪ ھايا مَلِكِ صِدَقِ ري وات را پارام امارئھ تمون نئھ گھڻي واتون ڪيووھ، پڻ

ھيوي واتون تمون نئھ ھڙمايام ڏوري سئھ، ڪم تو تمي پوڙون را زم ٿي گياھ.

⑫ تمي اتا گھڻا وڪت ٿي وشواسي سو، تمارئھ تو شيڪاڙيا واڙا ھووو ڪپئت.

پڻ تمون نئھ ھزون ھُوڏِي پڳوونَ را وچن ري پُنيادي واتون شيڪيا رئي ضرورت

سئھ. تمي وشواس راڪيا ۾ ھزون ننڪون ٻاڙون را زم سو، جيا ڏوڏ پيئھ ان روئي

ڪائي نئي ھيڪتا. ⑬ ڏوڏ پيوو تو ننڪون ٻاڙون ھارو سئھ، جيون نئھ ڪبر نئي

ھوئيئي جي پڳوونَ ري وات مانھ ڪيوئھ نمونئھ ويو. ⑭ پڻ موتا منڪ جيا

آپرا تجريا ٿي شيڪل سئھ ان جونچ ڪري ھيڪئھ جي نائوڪو ڪي سئھ ان پُونڌو

ڪي سئھ، اوئون ھارو ٻاڙون رو کاڌو نئين پڻ موتون رو کاڌو ڪپئھ.

6 ① تيام آبي ايسو ڪريست را نياپا ريون شروعاتي واتون مانھ اُپيا نہ ريون، پڻ موتا تين آگڙ وڌون. زئيون پُنياڌ هيڪ وار نوڪل سئھ تو وڙي وڙي پُنياڌ نوڪيا رو ڪي ڪوم؟ هيوئھ نمونئھ آپئئھ ايئون شروعاتي واتون را پارام وڙي شيڪيا رئي ضرورت نٿي. آپون نئھ تو اڳي ڪبر سئھ جي ڪراب ڪوم ساڌين توپونھ ڪروو، جيون ڪومون ٿي هميش رو موت زڙئھ، ان پڳوون مانھ وشواس راکوو. ② پويتر سنون ليڏا را پارام، هاٿ ميلين پراٿنا ڪريا را پارام، مرلون رئھ جيوي اُونيا را پارام، ان نيا را ڏي را پارام زئيون پڳوون منڪون نئھ هميش رو موت ڪا هميش رو جيون ڏيشي، هايون ٻڌيون واتون را پارام آبي تو اڳي شيڪل سون. ③ تيام، پڳوون ڪرئھ، آبي آگڙ وڌين ايسو ريون ٻڌيون واتون مانھ پورئھ نمونئھ وون.

④ ڪم تو زئيون منڪون نئھ پڳوون را پاها ٿي اڳي سوجھرو زڙيوھ، زئيون اُوئون نئھ پڳوون را آشيرواڏ ري ڪري من ۾ هڪ زڙيوھ، زئيون اُوئون نئھ پويتر آتما زڙيوھ، ⑤ ان زئيون اُوئون نئھ ڪبر پڙئھ جي پڳوون ري واتون نائوڪي سئھ، ان اُوئون ڪن پڳوون رئي ڪڙا ساوئي ٿيھ جئي ڪڙا آيا وازا جڳت ۾ هميش ساوئي هوشي، ⑥ جي هيو منڪ توئي پڻ وشواس ساڌئھ، تو ڪم ڪرين اُوئون نئھ وڙي ڪراب ڪوم سڏاوو ان پڳوون ري وات مانھ ويوراووو؟ هيو منڪ ڪم ڪرين توپونھ ڪرشي؟ هائي تو ٿي نٿي هيڪتو. ڪم تو جي منڪ زوئي ڪرين ايسو مانھ وشواس ساڌئھ، تو اُو پڳوون را ڏيڪرا ايسو نئھ تارڻ ڏيڏا وازو نہ مونين ٻڌون رئھ روپرو اُوئا رئي پيعزئي ڪرئھ. ان هيوئھ نمونئھ اُو زوئھ ايسو نئھ پيڙي وارڪو هوڙي مانھ ساڙئھ.

⑦ مثال، ڪيتر ۾ گھڻو مي ورهئھ، ان زمئي مي رو پوئي پيئھ. هوئھ جي اُوئا زمي موئين ڏئي هارو گھڻو ڦصل ٿئھ، تو اُوئا زمي نئھ پڳوون رو آشيرواڏ زڙئھ. ⑧ پڻ جي اُوئا زمي موئين ٿي روگا ڪنديرا ان ڌيوي اوگئھ، تو ٿاڻيئي سئھ جي زمئي ڪيائي ڪوم رئي نٿي، نيٺ منڪ اُوئا نئھ پتشي ان ڏئي ڪرشي.



هيونئو نمونئو جيون منكون نئو پڳوون ٻڌوئي ڪئين ڏيڏوه، توئي پڻ او وشواس ساڏئو، تو اوئون نئو پڳوون هميش رئي سزا ڏيشي.

⑨ پريمي پايون ان بينون، پلئو امي هائي واتون ڪرونه، توئي پڻ امون نئو پڪئي ڪاتريي سئو جي تمارئي هيويي ڪراڀ حالت نئي. پڻ تمي تارڻ ليڏا وازون را زم نائوڪئو نمونئو ووه ريا. ⑩ هوئو پڳوون پي انصاف نئي. تمي پڳوون رون سونڍل منكون رئي شيوا ڪريهه ان همئو پڻ ڪروه ريا، ان هائي ڪوم ڪريا ٿي تمي وات ساوئي ڏيڪارئيي جي تمي پڳوون ٿي پريم راکوه، ان پڳوون تمارو هائي ڪوم ان پريم نئين ويهارئو. ⑪ امارئي انچا اي سئو جي تمون موئين ٿي هر هيڪ اوئا هاڳي شونق ٿي پڳوون ري وات مانه پچاڙي هوڏي ويتو رئو. هم ڪريا ٿي تمون نئو او ٻڌوئي ڪئين زڙشي جيا رو تمي پروسو راکيوه. ⑫ تمي سست مت ٿيو، پڻ اوئون منكون را ڏيڪارڻ نمونا مانه وو، جيئي وشواس راکيو تو ان ڏوروڻ صير ٿي سهئي ٿي، ان تيام هوئو اوئون نئو آڪاشي هڪ زڙيوه جيا را پارام پڳوون وائڏا ڪريا تا.

پڳوون آپرا وائڏا رو هاسو سئو

⑬ پڳوون زئيون ابراهيم ٿي وائڏو ڪريو تو، تئيون اوئو آپرو هون ڪائين وائڏو ڪريو تو، ڪم تو آپ ٿي موتو ايوو ڪوئي نتو جيا رو او هون ڪائي هيڪئو.

⑭ پڳوون ابراهيم ٿي اي وائڏو ڪريو: ”هون تون نئو ضرور گهئو آشيرواڏ ڏيه، ان تارئي ويل الاهي گهئي وڌشي.“ ⑮ ان هيونئو نمونئو ابراهيم وائڏا

مانه پروسو راكينَ ڏوروڻ صير ٿي سهڻي، ان اوثا نئه پڳوونَ رو وائڏو ڪرل ٻڌوئي ڪئين زڙيو.

①6 هُوَ زئيون منڪ هون ڪاهه، اُو آپ ٿي ڪياڪ موٽا رو هون ڪاهه. ان اُو هون تيام ڪاهه، زم ڪيڏل وات رئي ٿا پٽي ٿئه ان هايا را پارام منڪون ۾ شڪ نه رئه. ①7 هيوئه نمونئه پڳوونَ نه رُوڳو وائڏو ڪريو، پڻ هون پڻ ڪاڌو، ڪم تو جيون منڪون نئه وائڏو ڪرل ٻڌوئي ڪئين زڙيا وازو سئه، اُوئون منڪون نئه اُو پڪي ڪاتري ڏيوا ڪرتو تو جي پڳوونَ رئي مرضي نئين ٻڌلئه. ①8 پڳوونَ وائڏو ئي ڪريو ان هون ئي ڪاڌو، جيون ۾ پڳوونَ ڪوڙ ڪري نئي هيڪتو، زم ايئون بيئون پڪيون واتون ٿي آپون نئه گهڻو خونصلو زڙئه، جيئي وائڏو ڪرل تارڻ ليڏا هارُو پڳوونَ را وائڏا مانه پروسو را ڪيوه. ①9 پڳوونَ را وائڏا مانه پروسو را ڪيا ٿي آپنو وشواس اڏڳ رئه ان تيام آپون نئه ڪاتري ٿي تارڻ زڙشي. اڳي رُوڳو مُڪ پُوڙاري پڳوونَ را گهر ۾ آڏا لاڳل پڙڏا ٿي مٿين پويٽرون ۾ پويٽر جڳا موئين پڳوونَ ڪن زائي هيڪتو. پڻ هُوئه آبي پڳوونَ را وائڏا مانه پروسو را ڪيا ٿي تارڻ لين اُوئئه پڳوونَ ڪن زائي هيڪونه، ②0 جيئئه ايسو اڳي گيل سئه. اُو ملڪِ صِدقِ يادشا را نمونا پرموتئه هميش هُوڏي مُڪ پُوڙاري ٿين آپون مور آڪاش ۾ پڳوونَ ڪن گيوه، زم آپون نئه آپ پيڙا آڪاش موئين پڳوونَ ڪن تيراوئه.

ملڪِ صِدقِ يادشا پڳوونَ رو مُڪ پُوڙاري

7 ① هُوئه هائي ملڪِ صِدقِ نومي منڪ، سالم شهر رو يادشا هتو، ان پرپُو پرميشور رو پُوڙاري پڻ هتو. زئيون ابراهيم يادشائون مانه جيت ڪرين پاسو اوتوت ريو، ٿيون اُو ابراهيم نئه پيرو ٿيو، ان ابراهيم نئه اشيرواڏ ڏيڏو. ② ان ابراهيم اُوئون شينهنون موئين ٿي، جي يادشائي لوتي تي، ڏهمو حصو اوثا نئه ڏيڏو. هُوئه پيرهئين وات سئه جي اوثا رو نوم ملڪِ صِدقِ سئه،

جيا رو مطلب سٺه انصاف مانه وُودا واڙو پاڌشا. ان پڙي وات سٺه جي او سالم رو پاڌشا پڻ سٺه، جيا رو مطلب سٺه هڪ رو پاڌشا. ③ شاستر ۾ نڪو اوتاراپ، نڪو اوتاراپي مان، نڪو اوتاراپي پيڊي، نڪو اوتاراپي حياتي را شروع، ان نڪو اوتاراپي حياتي را ڌنگ را پارام لڪل سٺه. هيوتو نمونو ملڪِ صديق پگيون را ڏيڪرا ايسو رو مثال سٺه، جيو هميش هُودِي پگيون رو يوزاري سٺه.

④ زوتو، هائي ملڪِ صديق ڪيوو موتو منڪ هتو. او ايوو موتو هتو جي آڀتو موٽو ڏاڏو ابراهيم جنگ ۾ پاسي ليڊل شينهنون موٽين ٿي ڏهو حصو اوتاراپ نٺو ڏون ۾ ڏيڏو. ⑤ هوٺو ابراهيم را پوترا لاري ري ذات موٽين ٿي جيا منڪ پگيون ربي پوزا ڪريا را ڪوم مانه راکل سٺه، اوتون رو موسيٰ رون لڪل حڪمون پرموتو اي حق سٺه جي او اسرائيلي قوم رون منڪون ٿي ڏهو حصو ڏون ۾ لٺه. مطلب او اڀرون اسرائيلي پايون ٿي ڏون لٺه، جيا اوتون را زم ابراهيم ري پيڊي را سٺه. ⑥ پڻ ملڪِ صديق لاري ري پيڊي ٿي نٺو، توئي پڻ اوتو ابراهيم ٿي ڏهو حصو ڏون ۾ ليڏو. ان ابراهيم او رو او منڪ هتو جيا ٿي پگيون وائيدا ڪريا تا، توئي پڻ ملڪِ صديق ابراهيم نٺو آشيرواڏ پڻ ڏيڏو. ⑦ هوٺو ٻڌون نٺو ڪهر سٺه جي نونو موتا نٺو نٺين، پڻ موتو نونا نٺو آشيرواڏ ڏٺو. ⑧ هوٺو لاري ري ذات را پوزاري جيا ڏهو حصو ڏون ۾ لٺه، او روگا مريا وازا منڪ سٺه. پڻ ملڪِ صديق جيئو ڏهو حصو ڏون ۾ ليڏو، شاستر ۾ اوتاراپ ري موت را پارام لڪل نٺي پڻ روگو اوتاراپ رٺو جيوٽو ريا را پارام لڪل سٺه. ⑨ آبي ام پڻ ڪي هيڪونه جي لاري، جيا رو ڏهو حصو ڏون ۾ ليڏا رو حق هتو، زوتو او اڀرا ڏاڏا ابراهيم ري هائي ملڪِ صديق نٺو ڏهو حصو ڏيڏو. ⑩ ڪم تو زيون ملڪِ صديق ابراهيم نٺو پيڙو ٿيو، تيون لاري هزون زلميو ٿي نٺو، پڻ ابراهيم لاري رو ڏاڏو ٿين زوتو لاري را پاها ٿي ملڪِ صديق نٺو ڏون ڏيڏو.

ايسو پڳوونَ رو وائيدو كرل منڪ پوزاري سئ جيو هميش هُوڏي جيو تو ريشي



⑪ هُوڏو زئيون پڳوونَ مُوسي ري هاڻي اسرائيلِي قوم نئ
حُڪم ڏيڏا، تئ توهڻ پڳوونَ اي حُڪم پڻ ڏيڏو جي پوزا
رو ڪوم ڪريا واڙا لاوي ري ذات ٿي ان هارُون ري پيڊي
ٿي هونئ. پڻ جي لاوي ري ذات وازون پوزاريون ٿي پڳوونَ
رو مقصد پورو ٿي هيڪٽ، تو پيزا نمونا را پوزاري رئ
آيا رو ڪي ڪوم ٿئ، جيو ملڪِ صِدقِ يادشا را نمونا
پرموئئ سئ، ان هارُون پوزاري را نمونا پرموئئ نٿي.

⑫ وات اي سئ، زئيون پوزاري رو نمونو پڏلئ، تئيون ضروري سئ جي اُو
حُڪم پڻ پڏلئ جيون پرموئئ پوزاري اڳي سونڊاتا. ⑬ ڪم تو اي نوا نمونا
رو پوزاري ايسو، جيا را پارام شاستر ۾ لڪل سئ، اُو لاوي ري ذات رو نتو،
پڻ پيزي ذات رو هتو جيا ذات موئين ٿي ڪيئئ پوزاري ٿين پڳوونَ را نوم
مانه ڏونپ ان مال ڪيڏي نٿي ساڙيو. ⑭ ڪم تو وات ساوئي سئ جي آڻو
پريو ايسو پيڊي پرموئئ يهوداه ري ذات رو هتو، ان زئيون مُوسي پوزاريون را
پارام حُڪم ڏيڏا، تئيون اُوئ هيا ذات موئين ٿي پوزاري ٿيا را پارام ڪئين
نتو ڪيڏو.

⑮ ان هيڪ پيزي وات پڻ سئ جيا ٿي وات وڌارئ ساوئي تئ جي پڳوونَ
هُوڏو مُوسي را لڪل حُڪم پڏلياھ. اي پيزو پوزاري جيا را پارام شاستر ۾ لڪل
سئ، اُو ملڪِ صِدقِ جيو سئ. ⑯ مطلب ايسو مُوسي رون لڪل حُڪمون پرموئئ
پوزاري نه ٿيو، ڪم تو اُو لاوي ري ذات ان هارُون ري پيڊي رو نتو. پڻ اُو پوزاري
تيام ٿيو ڪم تو اُو پڳوونَ ري ڪڙا ٿي هميش هُوڏي جيو تو ريشي. ⑰ ڪم تو
پڳوونَ شاستر ۾ ايسو رئي هاڪ پرين ام ڪيڏو:

”تُون مَلِكِ صِدْقِ يَادَشَا رَا نَمُونَا پَر موئنه
هميش هُوْدَيِ پُوْزَارِي سَه.“

⑱ زئيون پڳوون هم ڪيڏو، تئيون اونه پُوْزَارِي ٿيا رو اڳلوڪو حُڪم ڪتم ڪريو، ڪم تو هيون پُوْزَارِيون ري پُوْزَا ٿي ڪئين قائيڏو نتو، ان اوثا ٿي منڪ پڳوون ٿي واسطو نتا راڪي هيڪتا. ⑲ ڪم تو مُوسِي رُون لڪل حُڪمون ٿي پڳوون رو مقصد ڪيا ئي وات ۾ پورو نه ٿيو. تيام پڳوون تارڻ ليڏا هارُو نوو وسن بونڊيو جيا مانه آبي پروسو راڪي هيڪونه. اي نوو وسن مُوسِي رُون لڪل حُڪمون ٿي وڌارنه نائوڪو سَه، ڪم تو ايئا وسن ري ڪري آبي پڳوون ٿي واسطو راڪي هيڪونه.

⑳ ان اي نوو وسن ايئا وات ري ڪري پڻ وڌارنه نائوڪو سَه، جي پڳوون هون ڪائين اي وسن بونڊيو. ڪم تو جيا پُوْزَارِي مُوسِي رُون لڪل حُڪمون پرموئنه ٿيا، پڳوون اوتون ننه پُوْزَارِي نايا هارُو هون نتو ڪاڏو. ㉑ پڻ اي نوا نَمُونَا رو پُوْزَارِي نايا هارُو پڳوون هون پڻ ڪاڏو، زم شاستر ۾ لڪل سَه:


”ايشور آڀرو قينصلو نئين پڌنه
ان اونه هون ڪائين ام ڪيڏوه:
تُون هميش هُوْدَيِ پُوْزَارِي سَه.“

㉒ هيوه نموننه ايسو ايئا نوا وسن رو زومن ٿيو، جيو وسن پڳوون را ڪاڏل هون ري ڪري مُوسِي ٿي بونڊل زونا وسن ٿي وڌارنه نائوڪو سَه.

㉓ ان زونا وسن رُون پُوْزَارِيون ان ايسو ۾ پيزو قرق اي سَه. زونا وسن پرموئنه گهڻا پُوْزَارِي ٿيا، ڪم تو موت ري ڪري او هميش هُوْدَيِ پُوْزَا رو ڪوم ڪري نٿي هيڪتا. ㉔ پڻ ايسو هميش هُوْدَيِ جيو تو ره، ان تيام او هميش هُوْدَيِ پُوْزَارِي سَه ان پيزو ڪوئي اوثا ري جگا ۾ پُوْزَارِي نئين ٿنه. ㉕ تيام جيا منڪ اوثا ري ڪري پڳوون هوما اوئه، ايسو پورنه نموننه اوتون ننه تارڻ ڏي هيڪنه، ڪم تو او هميش هُوْدَيِ جيو تو سَه زم اوتون هارُو پڳوون ٿي پراٿنا ڪرئ.

②6 ايسو هيوو مُك پوزاري سئه، ان آپون نئه هيوو مُك پوزاري رئي ضرورت هتئي. او پويتر سئه، اوتا م كئين پونڌائي نئي ان كئين ڏوه نئي. او ڏوهاريون ٿي هاو ڌار سئه، ان پڳوون اوتا نئه آڪاش مانه ٻڌون ٿي گهڻو مون ڏيڏوه.

②7 تيام پيزون پوزاريون را زم، ايسو نئه ام ڪريا رئي كئين ضرورت نئي جي او روز روز، مور ٿي آپون ڪرل ڏوهون ري ماڻي هارو، ان تيا ڪيڙ منڪون رون ڏوهون ري ماڻي هارو، پڳوون را نوم مانه مال ساڙئه. ڪم تو ايسو آپ پيڏوهي سئه ان اوئه هيڪئه وار پڳوون را نوم مانه آڀرو جيو ڏيڏو زم هميش هُوڏي منڪون رون ڪرل ڏوهون رئي ماڻي زڙئه. ②8 موسي رون لڪل حڪمون پرموئنه ڏوهاري ان هيٺا منڪ مُك پوزاري راڪل سئه. پڻ پڳوون هائي هون موسي رون لڪل حڪمون ڪيڙ کاڌو ان هون کائين ايسو نئه مُك پوزاري راڪيو، جيو پڳوون رو ڏيڪرو سئه ان هميش هُوڏي پڳوون رئي مرضي پوري ڪرئه.



ايسو نوا وسن پرموئنه پڳوون رو سونيل مُك پوزاري سئه


① هايون واتون رو ڪاس مطلب اي سئه. آڀو مُك پوزاري ايسو ايوو سئه، 8 جي او آڪاش موئين پرميشور ري گهاڏي مانه اوتا رئه زمئنه پاهنه مون م

٢) ان مُڪ پُوڙاري ٿين پُوَيتَر جڳا موئين شيوا ڪرڻه. هائي پُوَيتَر جڳا اُو تنبو نٿي جيا ننه منڪي پڳوون رڻه ريا هارُو ڪوڙيو تو، پڻ پڳوون رڻي هاسي ريا رڻي جڳا آڪاش سڻه جيا ننه ايشور پڳوون آپ نايوه.

٣) هونُه هر مُڪ پُوڙاري پڳوون را نوم مانه ڏونپ ان مال ساڙيا هارُو راڪل سڻه. تيام ايسو رڻه پڻ مُڪ پُوڙاري ٿين پڳوون را نوم مانه ڪئينڪ ساڙوو تو. ٤) جي ايسو ڌرتي مانه هوڻت، تو اُو موسي رون لڪل حڪمون پرموڻه پُوڙاري نه ٿئت، ڪم تو ڌرتي مانه پيزا منڪ اڳي راڪل سڻه جيا پُوڙاري ٿين موسي رون لڪل حڪمون پرموڻه پڳوون را نوم مانه ڏونپ ان مال ساڙه. ٥) ايڻا ڌرتي رڻي پُوَيتَر ۾ پُوَيتَر جڳا جيتنه پُوڙاري شيوا ڪرڻه، اُو آڪاش واڙي پُوَيتَر ۾ پُوَيتَر جڳا را نمونا پرموڻه ٺاول سڻه، ان آڪاش را نمونا رو زوڻه نقل ان سوئيو سڻه. هائي وات شاستر ۾ پڻ لڪل سڻه، ڪم تو زئيون موسي پڳوون را ڪيڏا پرموڻه پڳوون رو تنبو نورايا واڙو هتو، تئين پڳوون موسي ننه ام هزمايو:

”مارئي وات هومپڙ، تون ٻڌوئي ڪئين ايڻا نمونا پرموڻه نوراوي
جيا نمونا را پارام هون تون ننه همڻه ڏونگر مانه ڪونه ريو.“

٦) تيام جي شيوا پڳوون ايسو ننه ڪريا هارُو ڏيڏي، اُو ايت رون پُوڙاريون ري ڪرل شيوا ٿي گهڻي ٺاؤڪي سڻه. ان هيون نمونن جيو نوو وسن پڳوون ايسو



هاٽ منڪون ٿي ٻونڌيوه، اُو زونا وسن ٿي گهڻو ٺاٽوڪو سٺ، ان جيون وائيدون
 ٿي پڳوون نوو وسن ٻونڌيوه، اُو پڻ زونون وائيدون ٿي گهڻا ٺاٽوڪا سٺ.
 ⑦ ڪم تو جي پيرهيان وسن ٿي پڳوون رو مقصد پورو ٿت، تو پيزو وسن
 ٻونڌيا رٿي ضرورت ٿي نه پڙت. ⑧ پڻ پڳوون منڪون رو ڏوه ڪاڍين نوو وسن
 ٻونڌيا را پارام ڪيڏو، زم شاستر ۾ لڪل سٺ:
 ”ايشور ام ڪٺ:

زوتو، ايوا ڏي اوشي

زئيون هون اسرائيل ري پيڏي ٿي

ان يهوداه ري پيڏي ٿي نوو وسن ٻونڌيه.

⑨ اي نوو وسن اوٽا زونا وسن جيوو نئين هوٺ،

جي مئين اوئون رون ڏاڏون ٿي ٻونڌيو تو،

زئيون مئين اوئون رٿي آگيوونئي ڪرين

مصر ملڪ ري گلومي ٿي ٻارا ڪاڍيا تا.

ڪم تو او مارا اوٽا وسن مانه نه وڍا،

تيام مئين اوئون ننه ساڏيا پرا.

ايشور هم ڪٺ.

⑩ ان ايشور ام پڻ ڪٺ:

پڻ جيو وسن هون تيا ڪيڙ

اسرائيل ري پيڏي رون منڪون ٿي ٻونڌيه،

او مارو وسن ايوو سٺ.

هون آپرا حڪم اوئون را ڌيماڳ ۾ نوڪيه

ان زوتنه اوئون رون منون ۾ لڪيه.

ان هون اوئون رو پڳوون ٿيه

ان او مارا منڪ ٿيشي.

⑪ اُونَا وِڪت ۾ ڪوئي آپرا پاڙا واڙا نئه ام نئين شيڪاڙئه

نڪو ڪوئي آپرا پائي نئه ام ڪيشي

جي 'ايشور ٿي واسطو راکا!'

ڪم تو اُونون موئين ٿي نونا موتا ٻڌائي

اُڦوڪا پڳوون ٿي واسطو راکشي.

⑫ ڪم تو هُون اُونون مانھ ڏٺيا ڪرينَ

اُونون رون ڪراٻ ڪومون رڻي ماڦي ڏيه،



ان اُونون رون ڪرل ڏوهون نئه وڙي نئين همپارون."

⑬ زئيون پڳوون هايا وسن نئه نوو ڪيڏو، تئيون پيرهيون وسن زُونو ٿي گيوھ.


ان جئين ڪئين زُونو ٿي زائھ، اُو ڪتم ٿيا مانھ سئھ.

زُونَا وسن پرموئٽھ مال ساڙيا ٿي منڪون نئھ ماڦي نئي زرتي

9 ① هونھ پڳوون را پيرهيان وسن پرموئٽھ پُوزا ڪريا را پارام حُڪم هتا،
ان پويتر جڳا هتئي جي ڌرتي مانھ هتئي. ② هايا وسن پرموئٽھ هيڪ تنهُو
ڪوڙوٿو، جيا ري پيرهيون ڪوئي موئين ڏيووا ميليا رڻي شينھ هتئي، ان اُو ميز هتو
جيا مانھ پُوزاري پڳوون را نوم ري روتي ميلتا. هايا پيرهيون ڪوئي نئه پويتر
جڳا ڪيتا. ③ هايا ڪوئي رئه موئينليئھ وڙ هيڪ پيزو پڙڏو لاڳل هتو، ان تيا ڪيڙ



هڪ پيڙي ڪوٺي هٿي جيا نئه پويٽرون ۾ پويٽر جگا ڪيتا. ④ اوتنه ڏونپ ساڙيا هارو هيم رئي هڪ ويڙهي هٿي، ان وسن رئي پيٽي پڻ هٿي، جيا مانه



ٻڌيل هيم رو پترو ساڙل هتو. اونا پيٽي موئين هيم رو هڪ نونڀرو هتو جيا ۾ منا نومي روٽي راکل هٿي، هارون پوزاري رئي او لاکڙي هٿي جيا ٿي

ڪونڀر نيهر يا تا، ان وسن ري پاڻي هتي جي پوڻا ري هتي ان جيون مانه پگهون را حڪم لکل هتا. ⑤ اونا پيٽي را ڍڪ مانه پاهرو ڏيڏا واڙون آڪاشي ڏوتون را ٻي پوترا ناول هتا، جيون وسا پگهون زبڪتا سوجهرا را روپ ۾ ڏيڪاڙا ڏيتو. هايا وسليا ماڳ نئه منومئا رئي جگا ڪيتا، ان هائي آڪاشي ڏوت منومئا ري جگا مانه سونئيو ڪرتا. پڻ همئنه هايون موئين ٿي هر هڪ شينه را پارام ٻوليا رو توئون ٿي.

⑥ زئيون هائي ٻڌي شينهون هم تيار ٿي گي ٿي، تئيون پوزاري پگهون رئي شيوا ڪريا هارو پيرهين ڪوني ۾ هميش زاتا ريتا. ⑦ پڻ پيڙي ڪوني ۾ روڳو مک پوزاري سال ۾ هڪ وار زاتو. اوتنه زايا هارو اونا رئه پگهون را نوم مانه مال ساڙوو تو، ان پسئه اونا رو لوئي لين موئين زاتو ان آپري ماڳي هارو ان آپري اسرائيلي قوم رون منڪون رون ان زوٽيا ۾ ڪرل ڏوهون ري ماڳي هارو پگهون را نوم مانه او لوئي چنڊتو. ⑧ هايا ٿي پويٽر آتما وات ساوئي ڪرين ڏيڪاڙه جي جيونئه نمونئه پيرهيان وسن را تنبو ۾ پويٽرون ۾ پويٽر جگا موئين زايا رو رستو ڪلو نٿو، هيونئه نمونئه زئيون هوڏي پيرهيان وسن رو نمونو ويتو ريو، تئيون هوڏي پگهون ٿي واسطو راکيا رو ان تارڻ ليڏا رو رستو ڪلو نٿو. ⑨ هائي آپون هارو همٽوڪا زمونا ۾ هڪ مثال سئه، جي ام ٿي نٿي هيڪتو جي ڏونپ ان مال

ساڙيا ٿي پوزيا وڙون را من پويتر ٿه. ⑩ زونا وسن را پوزا ڪريا را حڪم کاڌا پيدا را پارام ان نمونا نمونا ري سونت ان سنون ليڌا را پارام سه، ان او ٻڌائي حڪم من نه پويتر ڪريا هارو نتا، پڻ روگا منڪون نه اڙايا ٿي پويتر ڪريا هارو هتا. ان هائي حڪم نوا وسن را وڪت هوڏي ڏيڌل هتا.

نوا وسن پرموٿه ايسو ره اڀرو جيو پڳوون را نوم مانه ڏيڌا ٿي منڪون نه ماڦئي زڙهه

⑪ پڻ همٿه ايسو ڪريست مڪ پوزاري ٿين آيوه، ان جيون نائوڪيون واتون را پارام پڳوون وائيدو ڪريو تو، او واتون ايسو ري ڪري همٿه زڙهه ري. ايسو مڪ پوزاري ٿين تيدوڪا هات ٿي ناول تنبو موئين نٿي گيو، پڻ اوئا ٿي موتي ان نائوڪي جگا موئين گيوه، جيئي اينا ڌرتي مانه نٿي. ⑫ ان ايسو پڳوون را نوم مانه ساڙل ٻاڪرون ان واسڙون رو لوئي لين نٿي گيو.



پڻ اڀرو جيو هيڪه وار پڳوون را نوم مانه ساڙين اڀرا لوئي ٿي هميش هارو منڪون نه ڏوهون را قوضا ٿي آڙا ڪريا، ان پسه پويترن ۾ پويتر جگا آڪاش موئين گيوه. ⑬ زئيون پڳوون را نوم مانه ساڙل ٻاڪرون ان آڪون رو لوئي منڪون مانه چنيدھ، ان زئيون منڪ پڳوون را نوم مانه ڏونپ ڪرل واسڙي ري شيلي را پوٿي ٿي سونت لھ، تئيون

اڙال منڪ اڙايا ٿي پويتر ٿه. ⑭ تيام وات ساوئي سه جي زئيون ايسو ڪريست امر پويتر آتما ري ڪڙا ٿي آپ نه پيدوهي راڪين اڀرو جيو پڳوون را نوم مانه ڏيڌوه، تو او ضرور هايا ٿي گهڻو وڌارنه ڪرشي، ان اڀرا لوئي ٿي

آپڻو من پوٽر ان صاف ڪرشي، زم آبي او ڪراپ ڪوم ساڏون جيون ٿي هميش رو موت زڙڻه، ان جيوتا پڳوون رڻي شيوا ڪرون.

15) تيام ايسو پڳوون ان منڪون وسا نوو وسن بونڊيا ۾ وسليو منڪ سڻه، زم او آپرا موت ٿي منڪون ننه ڏوهون را قوضا ٿي آزاد ڪراوڻه، جيا پڳوون را پيرهيان وسن رون حڪمون مانه نه وويڊا ري ڪري ڏوهون ۾ قاتل هتا. ان هيوڻه نموننه جيون منڪون ننه پڳوون آپ ٿي واسطو راڪيا هارو سوندياه، اوئون ننه وارئون را زم او ٻڌوئي ڪئين هميش هارو زڙشي، جيا را پارام پڳوون وائيدو ڪريو تو.

16) هوڻه زئيون منڪ مريا مور آپرون بازون ۾ مال ملڳت ورايا رو وسن بونڊنه، تئيون وائيدو ڪرل شينهنون تئيون هوڏي نئين زڙڻه، زئيون هوڏي وسن بونڊيا وازو نه مرڻه. 17) ڪم تو ايوو وسن موت ڪيڙ ڪوم رو ٿهه، ان زئيون هوڏي وسن بونڊيا وازو جيوتو سڻه، تئيون هوڏي اوئا بونڊل وسن ري ڪري ڪئين نئين ٿهه. 18) هيوڻه نموننه زئيون پڳوون حڪم ڏيڏا رڻه ٿوڻه پيرهيون وسن بونڊيو تو، تئيون پڻ موت ٿيو ان وسن لوئي ٿي ٻنڌوڻو. 19) ڪم تو زئيون موسي پڳوون رون ڏيڏل حڪمون پرموڻه ٻڌائي حڪم پوري اسرائيلي قوم ننه همپڙايا، تئيون اوڻه پڳوون را نوم مانه ساڙل واسڙون ان ٻاڪرون رو لوئي لين پوڻي موئين پيڙويو. ان پسڻه راتا رنگ ڪرل اون ان زوفا نومي وڻ ري ڏاڙڪي ٿي او لوئي اوئا ڪتاب مانه چنڊيو، جيا مانه پڳوون را حڪم لڪل هتا، ان ٻڌون منڪون مانه پڻ چنڊيو. 20) ان لوئي چنڊتون موسي ام ڪيتوت ريو: ”اي او لوئي سڻه جيا ٿي پڳوون تمون ٿي وسن بونڊيوه. تمارڻه ايئا وسن رون حڪمون مانه ويوو.“ 21) ان هاڳي نموننه موسي پڳوون را تنبو مانه ان پوزا ڪريا ريون ٻڌيون شينهنون مانه لوئي چنڊيو. 22) ان موسي رون لڪل حڪمون پرموڻه لوئي ٿي لڳ پڳ هر شينه اپڙايا ٿي پوٽر ٿهه، ان لوئي ويورايا وگر ماقئي نتي ٿيتي.

ايسو رڻ هڪڙو وار آڀرو جيو پڳوون را نوم مانه ڏيڏا ٿي منكون نڻ هميش هارو ٺوهون رڻي ماڦي زڙه

23) تيام ضروري هتو جي ايت ري پوزا ري شينهنون، جي آڪاش ۾ پوزا ڪريا را نمونا پرموئنه ناول سڻه، او هيوننه نموننه مال ساڙيا ٿي اڀڙايا هون پويتر ٿهه. ان اي پڻ ضروري هتو جي هايا ٿي پڻ وڌارنه نائوڪو ڪئينڪ پڳوون را نوم مانه سڙانه زم منڪ آڪاش ۾ پڳوون رڻي پوزا ڪريا جيوا ٿهه. 24) ڪم تو ايسو ڪريست ايت ري هاتون ري ناول پويتر جگا موئين نڻي گيو، جڻي پڳوون ري هاسي پويتر جگا رو هڪ نمونو سڻه. پڻ او سڌو هاسي پويتر جگا آڪاش موئين گيوه، ان همئنه آڀون هارو پڳوون رڻه روڀرو سڻه. 25) مڪ پوزاري سال



ٺو سال مال رو لوئي لين پويترون ۾ پويتر جگا موئين زانه. پڻ ايسو هم وڙي وڙين آڀ ننه پڳوون را نوم مانه ساڙيا هارو آڪاش موئين نڻي گيو. 26) جي وات هم هوٿت، تو ايسو رڻه

جڳت نهيا ٿي لين وڙي وڙين ڏڪ سهين مروو پڙت. پڻ هاسي وات اي سڻه جي ايسو همئنه هڪڙو وار ايٺا پڇاڙي واڙا زمونا ۾ ساوو ٿيوه زم او آڀرو جيو پڳوون را نوم مانه ڏهه، ان هيوننه نموننه هميش هارو منڪون رون ڏوهون رڻي ماڦي ٿهه. 27) زم پڳوون ري مرضي پرموئنه منڪ روگا هڪ وار مري زانه ان تيا ڪيڙ اوئون رو نيا ٿهه، 28) تم ايسو ڪريست هڪڙو وار آڀرو جيو پڳوون را نوم مانه ڏيڏو، زم منڪون رون ڏوهون رڻي سزا آڀ ڪائين الاهي گهڻون منڪون ننه ماڦي ڏيوڙاوهه. ان او وڙي پيڙي وار ڏنيا ۾ آوين ساوو ٿيشي. او ڏوهون رڻي ماڦي هارو نئين، پڻ اوئون ننه تارڻ ڏيڏا هارو آوشي، جيا اوئا را آيا رڻي وات زوتا هوشي.

10 ① مُوسِي را لڪل حُڪم آيا وازيون واتون رو زوئنه سونئيو هتا، جيا ٿي
ڪئينڪ ڪهر پڙئي جي پڳوونَ ري وائڻو ڪرل ٺاٺوڪي واتون ڪيوي
ٿيشي. پڻ هائي حُڪم آيا وازيون واتون جيوئا نٿا. تيام مُوسِي رون لڪل حُڪمون
پرموئنه پوزاريون رنه سال ٿو سال وڙي وڙين هاڳي نموننه پڳوونَ را نوم مانه
مال ساڙيا ٿي اوئون منڪون ننه پورئي ماقئي ڪيڏي زڙي نٿي هيڪئي، جيا
پڳوونَ رئي پوزا ڪريا هارو آئنه. ② ڪم تو جي مال ساڙيا ٿي مال ساڙيا
وازون منڪون ننه پورئي ماقئي زڙت، تو پسنه منڪ مال ساڙيا رو نمونو پنڌ
ڪرئ، ڪم تو هيڪنه وار ماقئي لينَ او هوننه هميش هارو پويتر هوئ، ان وڙي
ڏوهون رئي ماقئي مونگيا رئي ضرورت نه پڙت. ③ پڻ هاس ڀر وات ام سئه،
پڳوونَ را نوم مانه مال ساڙيا رئي وات منڪون ننه سال ٿو سال يادَ ڏيوراوئنه
جي اوئون رون ڪرل ڏوهون رئي ماقئي نٿي زڙي. ④ ڪم تو آڪون ان ڀاڪرون
را لوئي ٿي ڏوهون رئي ماقئي ٿي نٿي هيڪئي.

⑤ تيام ايسو رنه ڏنيا ڀر آيا رنه توئنه شاستر رئي اي وات ايسو مانه

پورئي ٿييه:

”او پڳوون، تماري مرضي اي نٿي

جي منڪ تمارا نوم مانه مال ان ڏونپ ساڙنه،

پڻ تمي مون هارو ڏيل تيار ڪريوه.

⑥ تمون ننه اي نٿو وٺو جي تمارا نوم مانه

منڪ مال ٻازين ڏونپ ڪرنه ان ماقئي هارو مال ساڙنه.


⑦ تئيون مئين ڪيڏو: زوئو، او پڳوون،

زم شاستر ڀر مارا پارام لڪل سئه،

تم هون تماري مرضي پورئي ڪروا آيوه.“

⑧ شاستر ري هايا وات ڀر پيرهن اي لڪل سئه جي پڳوونَ رئي مرضي اي

نٿي نڪو پڳوونَ ننه اي وٺو جي منڪ اوئا را نوم مانه مال ان ڏونپ



ساڙڻ، مال بازينَ ڏوٺپ ڪرڻه ان ماڻي هارو مال ساڙڻ، پلڻه هائي ٻڌوئي ڪئين منڪ موسي رون لڪل حڪمون پرموڻه ڪرڻه. ⑨ ان تيا ڪيڙ لڪل سڻه جي ايسو پڳوون رڻي مرضي پوري ڪروا آيوه. هيوڻه نمونڻه ايسو مال ساڙيا رڻي پيرهين وات ڪتم ڪرڻه، زم پڳوون رڻي مرضي پوري ڪريا رڻي پيڙي وات شروع ڪرڻه. ⑩ پڳوون ري مرضي پرموڻه ايسو ڪريست هيڪڻه وار آپرو جيو پڳوون را نوم مانه ڏيڌو، ان هيوڻه نمونڻه آيون نڻه هميش هارو ڏوهون رڻي ماڻي زڙيڻه ان آبي پڳوون رڻي شيوا ڪريا هارو پويتر ٿياھ.

⑪ هر پوزاري پڳوون را گهر موئين اوپو رين روز روز پڳوون رڻي شيوا ڪرڻه ان وڙي وڙين هاڳي نمونڻه پڳوون را نوم مانه مال ساڙڻ، جيا ٿي ڏوهون رڻي ماڻي ڪيڏي ٿي نڻي هيڪڻي. ⑫ پڻ ايسو پوزاري هوتون هيڪڻه وار آپرو جيو پڳوون را نوم مانه ڏيڌو، زم هميش هارو ڏوهون رڻي ماڻي زڙڻه، ان تيا ڪيڙ پڳوون رڻه زمڻه پاهڻه مون م زائين پينو. ⑬ اوتا توتا ٿي لين او وات زوڻه ريو، زڻيون هوڏي پڳوون اوتا رون ڏشمون نڻه هراوين اوتا ري پڳي نه لڳاڙڻه. ⑭ ڪم تو اوڻه هيڪڻه وار آپرو جيو پڳوون را نوم مانه ڏيڌا ٿي هميش هارو اوئون منڪون نڻه ڏوهون رڻي ماڻي ڏيوڙاويڻه، جيون نڻه پڳوون آپري شيوا ڪريا هارو پويتر ڪرڻه.

⑮ ان پويتر آتما پڻ هيا ماڻي را پارام آيون هارو شاستر م هاک پرڻه.

ڪم تو پويتر آتما ري ڪڙا ٿي شاستر م پيرهين اي وات لڪل سڻه:

①6 "ايشور ام كئھ:

جيو وسن هون تيا كيتر اوتون تي بونديھ،
او مارو وسن ايوس سئھ.

هون آپرا حڪم اوتون رون منون ۾ نوڪيھ
ان زوئنه اوتون را ڏيماڳ ۾ لڪيھ.

①7 ان تيا كيتر شاستر ۾ پڳوون رئي اي وات پڻ لڪل سئھ:

"هون اوتون رون ڏوهون رئي ماڻي ڏيھ،

ان مارا حڪم توڙيا رئي وات وڙي نئين همپارون.

①8 هون زيون ڏوهون رئي ماڻي ٿي گئيھ، تيون ڏوهون ري ماڻي هارو مال

ساڙيا رو ڪا پيزو ڪوئي جيو ڏيڏا رو ڪئين ڪوم ئي نٿي.

پوري هيئت ٿي ايسو مانھ وشواس راڪتا ريوو

①9 هون، پايون ان بينون، ايسو آرو جيو پڳوون را نوم مانھ ڏين آپرا لوئي

ٿي پڳوون ڪن زايا رو مارڳ ڪوليوھ. تيام آبي پوري هيئت ٿي زوئنه پويترون



۾ پويتر جگا ۾ زائين پڳوون ٿي

واسطو راڪي هيڪونه. ②0 اڳي

پويترون ۾ پويتر جگا ۾ زايا هارو

اڏا لاڳل پڙڏا ٿي متوو تو، پڻ

هون ايسو آرو جيو پڳوون را

نوم مانھ ڏين آيون هارو پڳوون

ڪن زايا رو نوو مارڳ ڪوليوھ. ان

او مارڳ ايسو آپ سئھ جيو هميش

هوڏي جيو تو سئھ. ②1 ان هون

آيون پڳوون رون سونڍل منڪون

هارو ايسو ٻڌون ٿي موٽو پوزاري سٺه. (22) تيام آبي هاسا من ٿي پوري کاتري ٿي وشواس راڪين پڳوون ڪن آون. ڪم تو ايسو رٿه پڳوون را نوم مانه آڀرو جيو ڏيڏا ري ڪري، زوئنه آڀنا من مانه آڀرو لوئي چنڊيا ٿي، آڀون ننه ڏوهون رٿي ماڻهي زڙيهه ان آڀنا من صاف سٺه، ان آڀنا ڏيل پويتر سنون را پوٿي ٿي ڌوئل سٺه. (23) آبي پڳوون را وائڏا ڪرل تارن مانه پروسو راڪين آڀنو وشواس اڏڳ راڪون، ڪم تو پڳوون هاسو سٺه جيئنه وائڏو ڪريوه. (24) ان آبي هيڪا پيزا رو ڪيال راڪون ان هيوهه نموننه پريم راڪيا رو ان ناٿوڪا ڪوم ڪريا رو هيڪا پيزا رو شونق وڌارون. (25) ان آبي وشواسي منڌري ۾ پيزا ٿيوو نه ساڏون، زم ڪئينڪ منڪون رو ڍوڻ سٺه جي او منڌري ۾ پيزا نٿي ٿيتا. پڻ آبي هيڪا پيزا ننه حوصلو ڏيڏا ريون. زم زم تمون ننه ڪهر پڙهه جي ايسو رٿه پاسا آيا رو ڏي ڍوڪڙو آوهه ريو، تم تم تم هيڪا پيزا رو حوصلو وڌارتا ريو.

(26) جي آبي زوٿي ڪرين ايسو مانه وشواس ساڏيا ٿي پڳوون رو ڏوهه ڪرون، زئون آڀون ننه پوري ڪهر سٺه جي هاس ڪي سٺه، تو پيزو ايوو ڪئين نٿي ريتو، جيا ننه پڳوون را نوم مانه ساڙيا ٿي آڀون ننه ڏوهون رٿي ماڻهي زڙي هيڪه. (27) هيوي حالت ۾ آڀنه روگي گهٽي پيڪ ۾ پڳوون را نيا رٿي وات زووو پڙشي، زئون گهٽي پاهي آڀون ننه پڳوون رون پيزون ڏشمٽون پيزا ٻاڙي نوڪشي. (28) موسي رون لڪل حڪمون پرموئنه جيو پڻ منڪ موسي رون لڪل حڪمون مانه نٿي ويتو، اوتا مانه ڏيڏا نٿي ٿيئي، پڻ بيئون ڪا ترئون منڪون ري پرل هاڪ ري ڪري اوتا منڪ ننه موت رٿي سزا زڙهه. (29) تو پسنه تمهي آپ سوچو، جيئنه منڪ ايسو مانه وشواس ساڏيوه، او منڪ هيا ٿي ڪٿي گهٽي موٽي سزا کاڌا جيوو سٺه؟ هم ڪريا ٿي اوهه پڳوون را ڏيڪرا ايسو ننه ڪئين نه هزميو. ان اوهه ايسو را لوئي ننه هاو گهت هزميو، جيا لوئي ٿي ايسو نوو وسن ٻونڌين اوتا ننه پويتر ڪريو تو. ان اوهه پويتر آتما رٿي پيعزتي

پڻ ڪرڻي، جيئنہ اونا مانہ ڪرپا ڪرڻي ٿئي. (30) آپون نئہ تو پڳوون رڻي کبر سئہ، جيئنہ ام ڪيڏو:

”يڏلو ليڏا واڙو هون سون،

هون آپ ڏوهون را ايوزام منڪون نئہ سزا ڏيہ.“

ان شاستر ۾ اي پڻ لڪل سئہ:

”ايشور آپرون سونيدل منڪون رو نيا ڪرشي.“

(31) جيوتا پڳوون ري سزا ٿي پيڻاوو ڪيئہ.

(32) تيدوڪا ڏي همپارو، زئيون تمون نئہ شروع ۾ پڳوون را پاها ٿي سوجهرو

زڙيو تو. تيڏي منڪي تمون نئہ ايسو مانہ وشواس سڏاوا ڪريو، پڻ تمي گهڻو مقابلو ڪرين آپرو وشواس اڏڳ راڪيو ان صير ٿي گهڻا ڏڪ وينيا.

(33) ڪيئڪ ٿوئہ ٻڌون رئہ روپرو تماري پيعزتي ٿيئي ان منڪون ري هاڻي تمون نئہ تڪيل ٿيئي، ان ڪيئڪ ٿوئہ تمي پائي ٿين پيزون وشواسيون نئہ

سات ڏيتا جيا هيوي حالت ۾ هئا. (34) زئيون تمارا وشواسي پائي جيل ۾ پوروٿا، تنيون تمي اوئون هارو ڏڪي ٿين اوئون رڻي مدت ڪرڻي. ان زئيون

تمارئہ وشواس راڪيا ري ڪري منڪي تماري شينهنون ڪوهي، تنيون تمي ڪشي ٿي اوئون نئہ ڪوهوا ڏيڏي، ڪم تو تمون نئہ کبر هتي جي تمون

نئہ پڳوون را اشيرواڏ ري ڪري من ۾ هڪ زڙيوه، ان آڪاش ۾ ايوو هڪ زڙشي، جيو ايت ريون شينهنون ٿي گهڻو نائوڪو هوشي ان جيو هميش

هوڏي ريشي.

(35) تيام، زم تمي اڳي هيمنت راڪين وشواس نتو ساڏيو، تم همئئہ پڻ هيمنت

مت هاريا، ڪم تو وشواس راڪيا رو گهڻو موتو ايوزو سئہ. (36) اي ضروري سئہ

جي تمي ڏورون صير ٿي سهو، زم پڳوون رڻي مرضي پوري ڪرين تمون نئہ

او ايوزو زڙئہ جيا را پارام پڳوون وائڏو ڪريوه. (37) پڳوون شاستر ۾ ايسو را

آيا را ٿوٿا را پارام ام ڪيڏو:

”رُوگيئي توڙيڪ وار هزون پياڻي سٺه.

جيو آيا وازو سٺه، او اوشي ان ڏير نئين ڪرڻه.

③8 جيو منڪ ماري وات مان ه وٺه،

اوتنا نٺه وشواس راکيا ري ڪري جيون زڙشي.

پڻ جي او وشواس ساڏشي،

تو اوتنا ٿي هون ڪش نئين ٿيون.

③9 پڻ آبي وشواس ساڏيا وازا نٿي، جيون نٺه هميش ربي سزا زڙشي. آبي تو

وشواس راکيا وازا سون، جيون نٺه تارڻ زڙشي.

زونا زمونا رون منڪون رو وشواس راکيا رو مثال

① وشواس راکيا رو مطلب سٺه يقين راکو جي او واتون پوري ٿيشي
11 جيون مان ه آبي پروسو راکونه، ان اوئون واتون ربي پڪي ڪاتري راکو
 جي آبي نٿي ڏيڪي. ② هيو وشواس راکيا ري ڪري زونا زمونا رون منڪون رو
 پگيون ري نظر م مون ٿيو.

③ وشواس راکيا ري ڪري آبي مونونه جي جگت مور ڪئين نٺو، ان
 جگت ري ٻڌي شينهنون جي آبي ڏيڪونه ربا، اوئون نٺه پگيون آبرا ڪيڏا
 ٿي ناويه.




④ وشواس راکيا ري ڪري
 هابل آبرا پائي قائن ٿي وڌارڻه
 نائوڪي شينهنون پگيون را نوم
 مان ه ڏيڏي. وشواس راکيا ري
 ڪري هابل رو مون ٿيو جي او
 پگيون ري وات مان ه وڍا وازو

سٺه، ڪم تو پگيون هابل ريون ڏيڏل شينهنون ري ڪري اوتنا نٺه مون ڏيڏو. ان

پلئہ هابل مرل سئہ، توئي پڻ وشواس راڪيا ري ڪري هزون اونا رئي مونگهڻي سئہ جي پگھون اونا رو انصاف ڪرئہ.

⑤ وشواس راڪيا ري ڪري حنوك مريا وگر دنيا تي اوپرائي گيو. ان او زڙيو ئي نئين، ڪم تو پگھون اونا نئہ آپ ڪن اوپاڙي ليدو. ڪم تو دنيا تي اوپرايا مور ايئا وات ري ڪري اونا رو مون تيو جي پگھون اونا تي ڪش سئہ. ⑥ ام تي نئي هيڪتو جي منڪ وشواس راڪيا وگر پگھون نئہ ڪش ڪرئہ. ڪم تو جيو پگھون ڪن آوا ڪرئہ، اونا رئہ پگھون را هويا را پارام وشواس راڪو ڪپئہ ان اي پڻ وشواس راڪو ڪپئہ جي پگھون اوئون نئہ ايوزو ڏئہ جيا اونا تي واسطو راڪو ڪرئہ.



⑦ وشواس راڪيا ري ڪري نوح پگھون رئي وات مونئي، زئون پگھون اونا نئہ آيا وازا مي ان بوڏ را پارام هوشيار ڪريو، پلئہ اوئہ توئئہ مي ان بوڏ ڏيڪيام نتا آوتا. پگھون ري مرضي مانھ وين اوئہ بيڙو نايو، جيا موئين او آپ ان اونا رئي اڪائي بوڏ تي پچي گيا. دنيا

رون پيزون منڪون نئہ، جيا وشواس نتا راڪتا، پگھون رئي سزا زڙي ان او ٻڌائي بوڏي گيا. پڻ وشواس راڪيا ري ڪري نوح تارڻ ليدا وازو تيو، ڪم تو وشواس راڪيا ري ڪري پگھون منڪون نئہ ماڻهي ڏين ڏوهون ري سزا تي آزاد ڪرئہ.

⑧ وشواس راڪيا ري ڪري ابراهيم پگھون رو ڪيڏو مونيو، زئون پگھون اونا نئہ اونا ملڪ ۾ زايا رو ڪيڏو جيو پگھون را وائيدا پرموئئہ اونا نئہ زڙيا وازو هتو. اونا نئہ تو ڪهر ئي نئي جي ڪيال زاووه، توئي پڻ پگھون رو ڪيڏو مونين ررونو تيو. ⑨ وشواس راڪيا ري ڪري او پگھون را وائيدو ڪرل ملڪ موئين زائين اوئہ پرڏيشي ٿين ريو. او لڏا پيڙو تنهون ۾ رين ايل اول لڏتو ريو. ان اونا رو ڏيڪرو احقاق ان اونا رو پوترو يعقوب، جيون نئہ پگھون را وائيدا پرموئئہ او ملڪ زڙيا وازو هتو، او پڻ همرا م تنهون ۾ ريتا ريا ان لڏتا



ريا. ⑩ ڪم تو ابراهيم اوثا شهر ۾ ريا رڻي وات زوتوت ريو جيو آڪاش ۾ سٺ، جيا رڻي زوڻه پڪڻي پڻياڌ نوڪل سٺ ان جڻي هميش هُوڏي ريشي، ان جيا نٺ پڳوون آب آڀرا ڪيال پرموڻه ٿايوه.

⑪ وشواس راڪيا ري ڪري ابراهيم ري ڏوشي ساره نٺ پڻ ٻاڙ پيدا ڪريا رڻي هيئت زڙڻي، پلٺه او وونزڻي هٽي ان ٻاڙ پيدا ڪريا ري عمر ٿي مٽي گڻي ٿي، ڪم تو اوڻه يقين ڪريو جي پڳوون هاسو سٺ، جيئنه ٻاڙ ٿيا را پارام وائيدو ڪريوه. ⑫ هيوڻه نموننه، پلٺه ابراهيم ايوو ڏوڪرو هتو جي مرل را زم هتو، توڻي هيا هيا ڪا زڻا رڻي ويل اٿي گهڻي وڏي جي اوثا را اولاد گڻيا ٿي ٻارا سٺ، زتا آڪاش ۾ تارا سٺ، ان زڻي سمونڊ را ڪپ مانه وارڻي سٺ.

⑬ هائي ٻڌائي منڪ وشواس راڪين مري گيا. اوڻون ري حياتي ۾ پڳوون را ڪرل وائيدا پورا نه ٿيا. پڻ وائيدا پورا ٿيا ٿي مور، او زوڻه شيتا ٿي زوڻن اوڙڪي گيا جي نيٺ او ڪرل وائيدا ضرور پورا ٿي شي، ان او هيا وات مانه ڪش ٿيا. ان اوڻي ام هزمين ڪيڏو جي او دنيا ۾ زوڻه پرڏيشي سٺ ان لڏيا وازا

سٺه. ⑭ هونءَ زئيون منڪ هم ڪنءَ، تو وات ساوئي سٺه جي او آٻرا ملڪ ري گوت ۾ سٺه. ⑮ جي او روگا اونا ملڪ رئي ياد ڪرنت جيا ٿي او نيهريا تا، تو اونون نئه پاسا زايا رو موقعو هتو. ⑯ پڻ او تو هايا ٿي وڌارءَ نائوڪا ملڪ هارو هڪتا تا، جيو ملڪ آڪاش ۾ سٺه. تيام پگهون اونون رو پگهون ڪيورايا ٿي لازي نئي مرتو، ڪم تو اونءَ آڪاش ۾ اونون هارو هيك شهر تيار ڪريوه.

⑰ وشواس راڪيا ري ڪري ابراهيم آٻرا ڏيڪرا اِضحاق نئه پگهون را نوم مانءَ ساڙيا هارو تيار ٿيو، زئيون پگهون اونا را وشواس رو آزمتو ليدتو. پگهون ابراهيم ٿي اونا رئي ويل وڌاريا را وائيدا ڪريا تا، ان اِضحاق ابراهيم رو پارٿي ڏوشي ٿي هيكه ڏيڪرو هتو، تويي پڻ ابراهيم اونا نئه پگهون را نوم مانءَ ساڙيا هارو تيار هتو. ⑱ پگهون اونا نئه ڪيڏو تو جي ”رُوگو او اولاد تارو اولاد ڪيوراشي، جيو تارا ڏيڪرا اِضحاق ٿي ٿيشي.“ ⑲ پڻ ابراهيم ام هزميو جي پگهون مرل نئه جيوتو ڪري هڪه. ان زئيون پگهون ابراهيم نئه اِضحاق نئه ماريا رو نا پاڙيو، تئيون مثال ڀرموئنه اِضحاق زوئنه موت ٿي جيوتو تين وڙي ابراهيم نئه پاسو زڙيو.


⑳ وشواس راڪيا ري ڪري اِضحاق آٻرون ڏيڪرون يعقوب ان عيسو مانءَ آيا وازا توثا را پارام پگهون ٿي آشيرواڌ مونگيو.

㉑ وشواس راڪيا ري ڪري يعقوب مريا رنه توثه آٻرا ڏيڪرا يوسف رون پئون ڏيڪرون مانءَ پگهون ٿي آشيرواڌ مونگيو، ان آٻرا گيڏيا مانءَ پار ڏين پگهون رئي پوزا ڪرئي.

㉒ وشواس راڪيا ري ڪري يوسف مريا رنه توثه اي وات ڪرئي جي پگهون اسرائيلي قوم نئه مصر ملڪ موئين ٿي ٻارئي ڪاڏشي، ان اي پڻ ڪيڏو جي اوت ٿي زايا رنه توثه اونا رو لاش پڻ پيڙو ليتا زانه.

㉓ وشواس راڪيا ري ڪري موسي رنه مان ٻاپ اونا نئه زلم ٿي لين ترٿيون مئينون هُوڏي هٽاڙين راڪيو، ڪم تو او اوڙڪي گيا تا جي اي سوڪرو ڪاس

سوڪرو سٺه. ان اُو مصر ملڪ را پاڌشا را حُڪم ٿي نه پيٺوٺا، جي اسرائيلي قوم رٿه نون زلمل ٻڌون سوڪرون نٿه نمو ماروو ڪپڻه.




②4 وشواس راڪيا ري ڪري موسيٰ موتو ٿين آپ نٿه مصر را پاڌشا رو ڏوئيترو ڪيورايا ٿي نا پاڙيو، پلٽه مصر ملڪ را پاڌشا ري ڏيڪري اوثا نٿه آپرڻه ڪوڙڻه لين موتو ڪريو تو. ②5 اُوڻه ٿوڙيڪ وار رو موج مزو پڳوون رو ڏوه هزمين ساڏيو، ان آپري پڳوون ري سونيل اسرائيلي قوم پيزو مصر رون منڪون ري هاڻي ظلم وينو سونديو. ②6 اُوڻه مصر ملڪ رڻي مال ملڳت گهٽ هزمڻي، ان پڳوون را سونيل پچايا واڙا ڪريست را پاها رو ٿين پيعزڻي سهوو وڌارڻه ٺاڻوڪو هزميو. ڪم تو اُوڻه اي وات ديون ۾ راڪڻي جي پڳوون اوثا نٿه ايوزو ڏيشي. ②7 وشواس راڪيا ري ڪري اُو مصر ملڪ ٿي گيو پرو. اُو مصر را پاڌشا ري رينه ٿي نه پيٺوٺو، ڪم تو اُو اڻ ڏيڪل پڳوون مانه ام يقين راکتو، زم پڳوون هوم هومو هوڻه، ان تيام هيٺ نه هارڻي. ②8 وشواس راڪيا ري ڪري اُوڻه آپري اسرائيلي قوم رون منڪون نٿه ڪيڏو جي اُو پاشڪا نومي پرڀ ڪروا مڏڻه ان پڳوون را نوم مانه گهيتا ساڙين گهيتون رو لوڻي آپرون

گهرون را دروازا مانه چنيئنه، زم پگهون رو ميلل آكاشي دوت اسرائيلي قوم
رون پوئيني رون ديكرون نئه دلا كرنه پڻ مصري قوم رون پوئيني رون ديكرون
نئه مارئه پرا.



29) وشواس را كيا ري كري اسرائيلي قوم را منك قلزم نومي سمونيد موئين
هُوكي زمي مانه تين متيا. پڻ زئيون مصر ملك را منك اوئون لرتيا ان همريم
متيا رئي كوشش كرئي، تيون پوئي اوئون مانه وزي آيو ان او بودين مري گيا.
30) وشواس را كيا ري كري اسرائيلي قوم ري منكي هات دي يريخو شهر
رئه بيورئيني چكر كريا، تو شهر را گهيد رئي پينت پزي گئي.



③۱ وشواس راڪيا ري ڪري پُونڌو ڪوم ڪريا واڙئي راحب نومي پاترن پريخو شهر رون پيزون منڪون پيڙئي نه مروڻي، جيا وشواس نتا راکتا، ڪم تو اُوڻه اسرائيلي قوم رون جونچوسون ننه آپري گهري ٽڪارين پچايا تا.

③۲ هون وڌارنه ڪي ڪون؟ مون ڪن اتو وڪت ئي نتي جي هون جِدعون، برق، سمسون، افتاه، دائود، سيموئيل، ان پگهون رو نياپو ڏيڏا واڙون را پارام همپڙااون. ③۳ وشواس راڪيا ري ڪري اُوڻي پاڌشائون ننه هراوين ملڪون مانھ قوضو ڪريو، اُوڻي انصاف ڪريو، اُوڻون هارو پگهون را وائيدا پورا ٿيا، اُوڻي شينهنون را مونڊا پنڌ ڪريا، ③۴ اُو پاهي ۾ پڙيا نئين، تروٿار را مون ٿي پچي ڳيا، اُو هيٺا هتا پڻ اُوڻون ننه هيٺ زڙي، اُو جنگ ۾ طاقت واڙا ٿيا ان ڌاريون ڏشمڻون ريون قوزون ننه هراوين پگڙاوي پري، ③۵ ان اُوڻي ڏوشيون ننه اُوڻون رون مرلون ننه جيوتا ڪرين پاسا ڏيڏا.

پڻ هاڳي وشواس راڪيا ري ڪري اُوڻون موئينليا پيڙا منڪ پُونڌي هاڙي ٿين مروٿا. اُو جي آپرو وشواس ساڌتت تو موت ٿي پچي زائت، پڻ اُوڻي آپرو وشواس ساڌيا رو نا پاڙيو، زما پگهون اُوڻون ننه موت ٿي جيوي اوناڙنه، ان اُو



هميش را موت ٿي پچي زائنه. ③۶ ڪيونڪ مانھ منڪي نٺولي ڪري، ان ڪيونڪ ننه هاڳڪون ٿي ماري، ان پيزون ننه هونڌين جيل موئين پوريا. ③۷ اُوڻون ننه پوٿا هئين ماري پرا، اُوڻون ننه ڪروٽ ٿي بيٺون ٽڪرون ۾ شيريا پرا، ان اُوڻون ننه تروٿار ٿي ماري پرا. اُو ريديون ان پاڪريون ري ڪلون پيرين ويتا ان هاو موٽاڳ

هتا. اُو گهڻي مُصِييت ۾ هتا ان منڪ اُوئون ننه تنگ ڪرتا. (38) ڏنيا ايوي لائيق نٿي جي هيو نائوڪا منڪ ايٿا ڏنيا ۾ رنه. اُو رئون ۾ ان ڏونگرون ۾ ايل اول رلتا ريا، ان پونثيرون موئين ان زمي ۾ ڪوڏل ڌرڙون موئين ريتا.

(39) هايون ٻڌون منڪون رو، وشواس راڪيا ري ڪري، پگهون ري نظر ۾ مون تيو، پڻ پگهون رو وائيدو ڪرل ايوزو اُوئون ننه نه زڙيو. (40) ڪم تو پگهون رو منصوپو اي نتو جي اُوئون ننه وشواس راڪيا رو ايوزو اُوئه توئه زڙه، پڻ پگهون آپو ڪيال راڪين هيا ٿي وڌارنه نائوڪو منصوپو نايو تو، جي آپون وگر نئين، پڻ آپون پيزو اُوئون ننه اُو ٻڌوئي هڪ زڙه جيا را پارام پگهون وائيدو ڪريو تو.

ٻڌئي نوروڻ پگهون رئي ڏيندل شيڪت هزمين صير ٿي سهو

12 ① هوه، هائي اتا گهڻا منڪ جيئي وشواس رئي هاڪ پريهه، آپون ننه حونصلو ڏيدا هارو آڀنه پيوڙيئي سئه. تيام آبي پڪو وشواس راڪون، ان زم مقابلا ۾ ڊوڙيا واڙا ٻڌو پار اوتارين آپ هارو راڪل مارگ مانه ڊوڙهه، تم آبي پڻ ٻڌائي ڏوه ساڏين، جيا ۾ منڪ ڦاڻي زانه، ڊوروڻ صير ٿي سهين آپون هارو راڪل پگهون را مارگ مانه وون. ② ان زم ڊوڙيا واڙا انصاب رو ڪيال راڪين ڊوڙ را ڌنگ هوما تاڪي رنه، تم آبي ايسو مانه ڏيون ڏيتا ريون، جيو وشواس راڪيا ۾ آگيوونئي ڪريا واڙو سئه، ان جيئنه پڪو وشواس راڪين پگهون رئي مرضي پوري ڪرين وشواس راڪيا رو انصاب ڪتيوه. ايٿا ڪشي رو ڪيال راڪين جي آڀرا موت ٿي منڪون ننه تارڻ زڙشي، ايسو آڀري پيعزتي ڪئين نه هزمين هوري مانه زهڙوئي زهڙوائين مريا رو ڏڪ صير ٿي سهيو، ان تيا ڪيڙ پگهون ري گهاڏي ڪن پگهون رنه زمئه پاهنه مون ۾ پينو هنو. ③ ڏوهاري منڪي اوتا رنه ڪلاق اتو گهڻو ڪئين ڪريو، توئي پڻ اُوئه ٻڌئي ڊوروڻ صير ٿي سهي. تيام تم ايسو را پارام وپچارو، متون تم هيتم هارو

ان وشواس مانه وُودا رو ساڏو.

④ ٽمي ڏوه نه ڪريا رڻي ڪوشش ڪرتون زوڻهه مُقابلا ۾ سو، ان ڏوهاري منڪ تماره ڪِلاڦ سئ. هزون هُودِي هايا مُقابلا ۾ تمون موئين ٿي ڪوئي نٿي مروڻو. ⑤ ان ٽمي شاستر رڻي اي حونصلو ڏيڏا واڙي وات ويهارِيهه پري، جي تمون پڳوون رون ٻاڙون هارو لڪل سئ:

”او مارا ڏيڪرا، زئيون ايشور تون نه شيڪت ڏئ، تو گهت مت هزم. ان زئيون او تون نه هزماوئ، تو هيمنت مت هار.

⑥ ڪم تو جيا ٿي ايشور پريم ڪرئ، اوئا نه شيڪت ڏئ،

ان جيا نه پڻ آڀرو ٻاڙ هزمئ، اوئا نه سزا ڏئ.“

⑦ تيام ام هزمين ڏورون صير ٿي سهو، جي پڳوون تمون نه شيڪت ڏئ ريو. پڳوون تمون نه آڀرا ٻاڙ هزمئ، تيام او تمون ٿي هم ورتئ. ڪم تو ايوو ڪيو ٻاڙ سئ، جيا رو ٻاپ اوئا نه شيڪت نٿي ڏيتو؟ ⑧ پڳوون آڀرون ٻڌون ٻاڙون نه شيڪت ڏئ، ان جي پڳوون تمون نه شيڪت نه ڏت، تو ٽمي پڳوون را هانسا ٻاڙ نه ٿيوت پڻ حروم را ٻاڙ ٿيوت. ⑨ آڀئا ايت را ٻاپ جيون رو آڀي پيز سون، اوئي آڀون نه شيڪت ڏيڏي، تو آڀي اوئون رو مون راڪيو. تو پسئ آڀئنه اوئون ٿي ڪتو گهڻو وڌارئ آڀئا ٻاپ پڳوون را ڪيڏام ريوو، جيئنه آڀون نه جيو ڏيڏوه؟ هم ڪريا ٿي آڀون نه هميش رو جيون زڙشي. ⑩ ڪم تو آڀئا ايت را ٻاپ توڙيڪ وار هُودِي آڀون نه آڀري هزم پرموئنه شيڪت ڏئ، پڻ پڳوون آڀون نه هميش آڀئا قائيڏا هارو شيڪت ڏئ، زم آڀي اوئا را زم پويتر ٿيون. ⑪ زئيون ڪوڪ آڀون نه شيڪت ڏئ، تو تئ توتئ هميش ڏورو لاڳئ. پڻ نيٺ اوئا رو نتيجو اي تئ جي جيا نه شيڪت زڙيئ او منڪ هڪي رئ ان صحيح نمونئ وئ.

⑫ تيام هيمنت راڪو. زم مُقابلا ۾ ڊوڙيا واڙون را هات پڳ ڪڙئ، توئي پڻ

او هيمنت راڪين ڊوڙتا رئ، تم ٽمي تڪليبون ۾ هيمنت مت هارو، پڻ پوري هيمنت

ٿي ايسو مانھ وِشواس راکتا ريو. ⑬ زم شاستر ۾ لکل سنھ ”تمي سِدا مارڳ مانھ وو.“ ھوئہ ڊوڙيام، جيون را پڳ مرڙائي زائھ، اُوئون رئہ کاڌرازا مارڳ مانھ نہ ويوو، متون اُو ھاوَ مڊا نہ ٿي زائھ، پڻ سِدا مارڳ مانھ ويوو زم اُو ھاذا ھورا ٿي زائھ. تيام ھيوئہ نمونئہ تمي سِدا مارڳ مانھ وو، زم تمي وِشواس نہ ساڏو پڻ وِشواس راکيا ۾ پڪا ٿي زائو.

پورا من ٿي پڳوونَ رو کيتو مونوو نڪا نارڻ نئين زڙئ

⑭ تمي پوري کوشش ڪرين ٻڌون منڪون ٿي ھپ راکو، ان پويتر نمونئہ وو، ڪم تو پويتر نمونئہ وُڊا وڳر ڪوئي منڪ ايشور نئہ نئين پاڙئہ. ⑮ کيال راکو متون تمون موئين ٿي ڪوڪ پڳوونَ رئي ڪرپا ساڏئہ ان اُوئا نئہ تارڻ نہ زڙئہ. ان اي کيال پڻ راکو جي تمون موئين ڪوئي ڪراپ وات شروع نہ ٿئہ، نڪا اُو جھيريلي ويل را زم پڪڙين ڪراپو ڪرشي، ان ھم گھڻون منڪون رو ٻڳاڙ ٿيشي. ⑯ ان اي پڻ کيال راکو جي تمون موئين ڪوئي پُونڌو ڪوم ڪريا واڙو نہ ھوئہ، نڪو ڪوئي ايوو منڪ ھوئہ جيو عيسو را زم پڳوونَ ري واتون گھت ھزمئہ. ڪم تو عيسو پڳوونَ ري واتون گھت ھزمين ھيڪا ٿوئا را کاڏا ھاٿئہ آپرو پُوڻيئي رو حق آپرا نونا پائي نئہ ڏيڌو پرو. ⑰ ان تيا ڪيڙ، زم تمون نئہ ڪٻر سنھ، زئيون اُوئہ پُوڻيئي رو ھويا را حق پرموئئہ آپرا ٻاپ ٿي پڳوونَ رو آشيرواڏ مونگيو، تئيون اُوئا رئہ ٻاپ اُوئا مانھ پُوڻيئي رو آشيرواڏ مونگيا رو نا پاڙيو. ڪم تو عيسو پلئہ آشيرواڏ ليڏا ھاڙو گھڻو ريو، توئي اُوئہ آپرا ڪرل ڏوھ ٿي توبونھ ڪريا رو ڪئين کيال نہ ڪريو.

⑱ تمون ھاڙو پڳوونَ را ٻوندل زونا وسن رئي وات نٿي. تمي تو ايوا ڏونگر ڪن نٿي آيا، جيو سڀيا ۾ اُوئہ، زم آپڻي اسرائيلي قوم را ڏاڏا پڳوونَ رئہ حُڪم ڏيڏا رئہ توئئہ سينا نومي ڏونگر ڪن آيا تا. تيڏي ڏونگر پاھي ٿي ٻڙتوت ريو، انڌارو گھش ھتو، ان گھڻي واوڙ ھٿي. ⑲ تيڏي رڻ شينگڙو ٻڙم ٻڙم



واڳتوت ريو، ان پڳوون رو آواز آيو تو. پڳوون ري ڪيڏل واتون هومپڙين منڪي موسي ننه پڳوون ٿي اي وينتي ڪريا ربي منت ڪري، جي اوئون ٿي وڌار نه نه ٻولنه. ②٠ ڪم تو او اي حڪم سهي

نتا هيڪيا جيو پڳوون اوئون ننه ڏيڏو تو، جي ”منڪ هوننه ڪا پلنه جهنگلي زناور هوننه، جي ڪوئي ايٿا ڏونگر مانه پڳ ميلنه، تو اوئا ننه پوٿا هٿين نمو ماروو.“ ②١ ٻڌوئي ڪئين ايوو پيئونڪڻو هتو، جي موسي آپ ڪيڏو: ”مون ننه اتئي گهٽي پيڪ لاڳهه ربي جي هون ڏڪونه ريو.“

②٢ پڻ تمون هارو زونا وسن ربي وات نئين، پڻ پڳوون را ٻونڌل نوا وسن ربي وات سئه. تمي تو صيهون نومي ڏونگر ڪن آيا، اوئا يروشلم شهر ڪن آيا، جيو آڪاش موئين سئه ان جيوتا پڳوون رو شهر سئه. تمي لاکي ڪروڙي آڪاشي ڏوتون ڪن آيا، جيا ڪشي ۾ پيڙا ٿيل سئه. ②٣ تمي اوئون منڪون ري منڌري ڪن آيا، جيون ننه پڳوون آڀرا ٻار ناوين آڀرا پوٽيني را ڏيڪرا ٿيا رو حق ڏيڏوه، ان جيون را نوم تارڻ ليڏا هارو آڪاش ۾ لڪل سئه. تمي پڳوون ڪن آيا، جيو ٻڌون رو نيا ڪريا واڙو سئه. تمي اوئون منڪون رون جيوون ڪن آيا، جيا پڳوون ري وات مانه وويڏا تا، ان جيا پڳوون ربي مرضي پوري ڪرين آڪاش ۾ سئه. ②٤ ان تمي ايسو ڪن آيا، جيو نوو وسن ٻونڌيا ۾ پڳوون ان منڪون وسا وسليو منڪ سئه. اوئه آڀرو جيو پڳوون را نوم مانه ڏين زوٽه آڀرو لوئي آڀون مانه چنڊيوه. هيوننه نموننه هابل را موت ري وات ٿي ايسو را موت ربي وات گهٽي وڌارنه نائوڪي سئه، ڪم تو هابل رو لوئي ڏوهون ربي سزا مونگهه، پڻ ايسو را لوئي ٿي ڏوهون ربي ماڻي زڙهه.

②٥ هوشيار ريو، متون تمي پڳوون ري واتون مونيا رو نا پاڙو. زيون پڳوون ڌرتي مانه موسي هات منڪون ننه حڪم ڏين هوشيار ڪريا تا، تيون جيئي

منڪي پڳوونَ ري واتون مونيا رو نا پاڙيو، اُو سزا ٿي نه پڇيا. پڻ هُوَ پڳوونَ آڪاش ٿي ايسُو هات نياپو ميليُو. تيام جي آبي ايتا نياپا مانه نٿي وِيتا، تو آبي ڪم ڪرين سزا ٿي پڇي هيڪشون؟ (26) تيڏي پڳوونَ را آواز ري ڪري زمئي ڏُهڻي ٿئي، پڻ هُوَ پڳوونَ اي وائڏو ڪريُوه:

”هُون هزون وڙي هيڪ وار

رُوگي ڌرتي نئه نئين، پڻ آڪاش نئه پڻ ڏڳاويُه.“

(27) زئيون پڳوونَ ام ڪئُه جي اُو هزون وڙي هيڪ وار ڏڳاوشي، تو هايا ٿي وات ساوئي سئُه جي ٻڌي ٺاول شينهنون وڙي هيڪ وار ڏڳين ڪتم ٿيشي، زم رُوگي اُو ري زائُه جي اڏڳ سئُه.

(28) تيام آبي پڳوونَ رو ٿورو مونون، جي آبي آڪاش ۾ پڳوونَ را راز موئين ريشون، جيو اڏڳ سئُه ان ڪيڏي ڪتم نئين ٿئُه. ان هم آبي پڳوونَ ري مرضي مانه وين، اُوئا رو مونَ راڪين، پڳوونَ رئي ايوي شيوا ڪرون جيا ٿي اُو ڪُش ٿئُه. (29) ڪم تو آڻو پڳوونَ پاهي را زم سئُه، ان زم پاهي ٻڏوئي ڪئين ٻاڙئُه پرو، تم پڳوونَ اُوئون نئه سزا ڏين ڪتم ڪشي پرا، جيا اُوئا رو ڪيڏو نٿي مونتا.

هميش پڳوونَ ريون واتون مانه وِيتا ريُوو

13 ① آڻت ۾ هيڪا پِزا نئه آڻرو پائي پينَ هزمينَ ايُوو پريم راکتا ريُو، جيوو هيڪا گهر را پاتي آڻت ۾ راکئُه. ② اُوئون رئي مزمونئي ڪريا رئي وات مت ويهارو، جيا اوڙڪيندا نٿي ان پنڌ ڪريا وازا سئُه. ڪم تو هيُوون رئي مزمونئي ڪريا ٿي ڪيڏيڪ ڪيڏيڪ منڪي زوٿيا وگر آڪاشي ڏوتون رئي مزمونئي ڪريُه. ③ جيا وشواس ري ڪري جيل موئين پورل سئُه، اُوئون رو ام ڪيال راڪين مدت ڪرو، زم تمي آڻ اُوئون پيڙا پورل هوئو. ان اُوئون رو ڪيال پڻ راڪو جيون ٿي منڪ پُونڌي هازي ورتئُه، ڪم تو تمي آڻ پڻ منڪ سو ان تمون نئه ڏڪون رئي ڪهر سئُه.

④ ٻڌون منڪون رڻه ام هڙموو جي پرڻيا رڻي وات مونَ رڻي وات سڻه. ان ڪوئي آڏمي ڪا ڏوشي پوندو ڪوم نه ڪرڻه. ڪم تو نيا رڻه ڏي پڳوون اوتون ٻڌون نڻه سزا ڏيشي، جيا پوندو ڪوم ڪرڻه، پلڻه پرڻل هوڻه ڪا اڻ پرڻل هوڻه.

⑤ ٽمي پڻيهون رڻي لالچ مت راکو، پڻ جي ڪڻين تمون ڪن سڻه، اوتما مانه

ڪش ريو. ڪم تو پڳوون ام ڪيڏوه:

”هون هميش تون پيڙو ريه،

ان تون نڻه ڪيڏي نڻين ساڏون.“

⑥ تيام آبي پورڻي هيمنت راکين شاستر رڻي اي وات ڪي هيڪونه:

”ايشور مارڻي مدت ڪريا وازو سڻه.


تيام هون نڻين پڻائون.

منڪ مون نڻه ڪي ڪري هيڪڻه؟“

⑦ تمارون آڳيوونون نڻه همپارو، جيڻي شروع ۾ تمون نڻه ايسو را پارام پڳوون رو وچن همپڙايو تو. ٽمي اي ويچارو جي اوتون ري حياتي را نمونا ٿي ڪيو نتيجو نيهريو، ان اوتون را نمونا پرموڻه ٽمي پڻ همرام ايسو مانه وشواس راکو. ⑧ ايسو ڪريست، جيوو اڳي هتو، هيوو رو هيوو همڻه پڻ سڻه، ان هميش هوڏي ريشي.

⑨ ٽمي قسم قسم ريون شيڪاڙل عجيب واتون ٿي پولاڻين هاس ٿي مت قرو! ڪم تو ڌرم پرموڻه ڪيڏل کاڌو کاڌا ٿي نڻين، پڻ پڳوون ري ڪرل ڪريا ٿي تمون نڻه من ۾ کاترڻي ٿئو. کاڌا را حڪم مونيا ٿي ڪيڏي ڪيا نڻه ڪڻين قائيڏو نه ٿيو. ⑩ هوڻه آپون وشواسيون رو هيڪ ايوو حق سڻه، جيوو يهوڏي ڌرم رون پوزاريون رو ئي نتو. آبي جيا ايسو مانه وشواس راکونه، جيڻه منڪون ري ماڻي هارو پڳوون را نوم مانه آپرو جيوو ڏيڏو، آپون نڻه ايسو ٿي ماڻي زڙه. پڻ جيا پوزاري پڳوون را تنبو ۾ شيوا ڪرتا، زئيون او منڪون ري ماڻي هارو مال ساڙيا ري جگا مانه پڳوون را نوم مانه مال ساڙتا، تڻيون اوتون نڻه ماڻي هارو

ساڙل مال رو مونھ ڪاڏا رو حق نتو، ان نڪو اُوئون ننه ماڻهي زرتئي. ⑪ ڪم تو مُڪ پوزاري ساڙل مال رو لوئي ماڻهي ليڏا هارو پويترون ۾ پويتر جگا ۾ لي زاتا، پڻ مال رو مونھ اونا پاڙا تي بارو لي زاتا، جيئنه اسرائيلي قوم را منڪ



تنهونون ۾ پيڙا ريتا، ان اوتنه بارو ٻارڙا پرو. ⑫ هيونھ نموننه ايسو پڻ يروشلم شهر تي بارو ڏڪ سهين مروٽو، زم او آپرو جيو پگيون را نوم مانھ ڏين آپرا لوئي تي پگيون رون سونيل منڪون ننه پويتر ڪرڻه.

⑬ تيام هوڻه آبي پڻ، زوننه آبي اسرائيلي قوم را تورا تي ٻارا نيهرين ايسو ڪن آون، ان آپنو موروڪو يهودي ڌرم ساڏين ايسو مانھ پڪو وشواس راکون. ان زم ايسو يروشلم شهر تي ٻارئي منڪون ري هاتي پيعزئي سهي، تم آبي پڻ ايسو مانھ وشواس راکيا ري ڪري پيعزئي سمون. ⑭ ڪم تو ايتنه ڏنيا ۾ آپون هارو ڪوئي ايوو شهر نتي جيو هميش ريشي، پڻ آبي اونا شهر ۾ زايا رئي ڪوشش ڪرونه ريا، جيو آپون ننه آڪاش ۾ زرتشي ان هميش هوڏي ريشي.

⑮ هوڻه پگيون را وڪون ۾ مال ساڙيا ري جگا ۾ آبي ايسو ري ڪري هميش پگيون را وڪون ڪرون. ڪم تو زيون آبي ايسو ننه آپنو پريو مونونھ، تو آبي ضرور پگيون را وڪون ڪرشون. ⑯ ان تمي نائوڪا ڪوم ڪريا رو، ان پاڻي تين هڪا پيڙا رئي مدت ڪريا رو مت ويهارو. ڪم تو پگيون ساڙل مال تي نين، پڻ هيون ڪومون تي ڪش ٿه.

⑰ تمارون وشواسي منڌري رون آگيونون رئي وات مونو ان اوتون را ڪيڏام ريو، ڪم تو اي زونين جي اوتون رنه پگيون ڪن حساب ڏيوو پرتشي، او ڏي رات تماري همپاڙ ڪرڻه. اوتون رو ڪيڏو مونو، زم او ڪشي تي هاتي ڪوم

ڪرڻ، ان هيا نٿه ڀار نه هڙمڻه. ڪم تو جي او آڀرا ڪوم نٿه آپ مانھ پار
هڙمڻي، تو تمارو ڪئين قائيدو نئين ٿڻه.

⑱ امون هارو پراٿنا ڪرو. امون نٿه تو ڪاترئي سٿه جي امارو من صاڦ سٿه
ان امي هر وات ڀر نائوڪڻه نمونڻه ويوا ڪرونه. ⑲ هون تمون ٿي گهٿام گهٿي
منٿ ڪرونه جي تمي مون هارو اي پراٿنا ڪرو، جي هون جلدِي ڀر تمون ڪن
وڙي آوي هيڪون.

آڪري واتون

⑳ ڀڳوون، جيو هڀ رکايا وازو سٿه، اوڻه ايسو را لويي ٿي ٻونڌل آڀرا هميش را
وسن پرموڻه آڀرا پريو ايسو نٿه مرلون موئين ٿي جيوي اوناڙيوه، جيو ٻڌون ٿي
موتو آڳيوون ٿين آڀرون منڪون رئي همپاڙ ڪرڻه، زم ڌراڙ آڀريون ريديون رئي



همپاڙ ڪرڻ. ②1 ايسو ڪريست ري ڪري پڳوونَ تمون ۾ ايو اڪوم ڪرڻ، جيا ٿي اُو ڪُش ٿئ. ان هيون نمونئو تمون نئو تيار ڪرڻ، زم تمي هر نائوڪو ڪوم ڪرين اُوئا ري مرضي مانھ وو. اُوئا را وڪوڻ هميش هُوڏي ٿيتا رڻ! آمين.

②2 پايون ان پينون، هون تمون ٿي منت ڪرونھ جي تمي ماري لڪل حونصلا واڙي واتون صير ٿي هومپرو، ڪم تو مئين تمون نئو گهڻو موتو ڪت نٿي لڪيو. ②3 هون تمون نئو ڪشي ٿي ڪهر ڏيونھ جي آڻو وشواسي پائي تيمٿيس جيل ٿي سوتي گيوھ. ان جي اُو مون ڪن جلدِي آيو، تو هون اُوئا پيرو ٿين تمون نئو مزوا آيوھ.

②4 تمي تمارون وشواسي منڏري رون آگيونون نئو ان پڳوون رون ٻڌون سونيل منڪون نئو نمسڪار ڪيا. جيا وشواسي اٿلي ملڪ را سئ، اُو تمون نئو نمسڪار ڪئھ.

②5 پڳوون تمون ٻڌون مانھ ڪرپا ڪرڻ! آمين.

يعقوب را لکل کت رئي هزموتئي

کت لکيا وازو

اي کت يعقوب لکيو (يعقوب 1:1). اي يعقوب ايسو رو يعقوب نومي مک شيلو نتو، کم تو هيروديس پادشا اوتا ننه 44ع م مرايوت پرو (مک شيلون را کومر 2:12). پڻ اي يعقوب ايسو رو پائي هتو (متي 55:13). شروع م او ايسو مانهه وشواس نتو راکتو (يوحنا 5:2-7). پڻ تيا کيڙ او وشواسي تيو (مک شيلون را کومر 14:1)، ان پسهه يروشلم شهر م وشواسي منڌري رو موتو اڳيوون تيو (مک شيلون را کومر 13:15، گلتيون 9:2). ان نيٽ او ايسو مانهه وشواس راکيا ري کري اندازام 62ع م مروثو. ام لاڳهه جي يعقوب اي کت 50ع تي مور لکيو.

کت کيون منگون هارو لکيو

يعقوب اي کت اوئون وشواسيون هارو لکيو، جيا يهودي قوم را هتا ان ڌاريون قومون رون ملڪون م ريتا (يعقوب 1:1). ام لاڳهه جي اي او را او وشواسي سهه جيا يروشلم شهر تي پاڳي گيا تا، زليون يهودي ڌرم ري منڪي استيفنس ننه ايسو مانهه وشواس راکيا ري کري ماريوت پرو ان پسهه وشواسيون ننه گهئا تنگ کروا مڌيا تا. او وشواسي ايل اول زائين پيزون ننه ايسو را پارام شيڪارٽا ريا (مک شيلون را کومر 4-1:8، 19-20).

کت لکيا رو مطلب

منک اوئون يهودي قوم رون وشواسيون ننه تنگ ڪرتات ريا، تيام يعقوب اوئون ننه ايتا کت م حوصلو ڏههه جي او ڏوروڻ م پڪو وشواس راکهه، ان ناٿوڪا کوم ڪريا تي ڏيکارهه جي او هاس م ايسو مانهه وشواس راکهه.


ايتا ڪتاب را شاستر تي پيزا حوالا:

يعقوب 1:1	متي 55:13
يعقوب 1:1	کومر 17:12
يعقوب 1:1	کومر 13:15
يعقوب 1:1	کومر 1، 8، 4
يعقوب 25:1	يوحنا 34:13
يعقوب 8:2	احبار 18:19
يعقوب 8:2	يوحنا 34:13
يعقوب 11:2	خروج 14:20
يعقوب 11:2	استيشنا 18:5
يعقوب 11:2	خروج 13:20
يعقوب 11:2	استيشنا 17:5
يعقوب 12:2	يوحنا 34:13

امثال 3:34	6:4	يعقوب	پيدائش 1:22-18	21:2	يعقوب
احبار 19:18	11:4	يعقوب	پيدائش 15:6	23:2	يعقوب
يوحنا 13:34	11:4	يعقوب	2 تواريخ 20:7	23:2	يعقوب
ايوب 1:1-10:2	11:5	يعقوب	يسعياه 41:8	23:2	يعقوب
ايوب 10:17-42	11:5	يعقوب	يشوع 20:21-1	25:2	يعقوب
متي 5:34-37	12:5	يعقوب	يشوع 6:25	25:2	يعقوب
1 سلاطين 1:17, 7	17:5	يعقوب	پيدائش 1:27	9:3	يعقوب
1 سلاطين 1:18, 41, 45	18:5	يعقوب	پيدائش 2:7	5:4	يعقوب
				خروج 20:5	5:4	يعقوب

يعقوب

رو لكل كت



1 ① هُون لکيا وازو يعقوب سون، جيو پڳوون ان پرپو ايسو کريست رو شيواداري سون.

پريمي وشواسي پايون ان بينون، تمی جيا اسرائيلي قوم ريون پارون ذاتون را سو، ان ڌاريون قومون ۾ پڪڙل سو، پڌون نئه نمسڪار.

نورون ڏيئون ۾ پڻ وشواس راڪتا ريوو

ان نوه ڪريا را آزمتا ۾ پورا اوتريا هارو پڳوون تي عقل مونڳوو

② مارون پريمي پايون ان بينون، زئيون قرق قرق ڏوروڻ ري ڪري تمارو وشواس راڪيا رو آزمتو ٿئو، تو هايا نئه گهڻي ڪشي رئي وات هزمو. ③ ڪم تو تمون نئه ڪهر سئه جي وشواس را آزمتا ۾ پورا اوتريا تي تماري هيئت وڌئو، زم تمی صپر تي ڏوروڻ سهو. ④ ڏوروڻ هميش صپر تي سهو زم تمی صپر ڪريا ۾ پڪا تي زائو ان ڪيا ئي پڻ ڏوروڻ ۾ پڳوون ري وات مانھ وودا رو نه ساڏو. هيوئه

نمونته تمي پڳوونَ ري مرضي مانه وُودا مِ پڪا تيشو ان هر وات مِ نائوڪا تيشو، ان تمون موئين ڪيا ئي نائوڪي وات رئي گهتتائي نئين هونءَ.

⑤ جي تمون موئين ٿي ڪوڪ ايوو هونءَ، جيا نءِ ڪهر نٿي پڙتئي جي ڪياڪ ڏوروڻ مِ ڪيونءِ نمونته پڳوونَ ري مرضي مانه ويوو، تو او پڳوونَ ٿي عقل مونگهءَ، ان پڳوونَ، جيو ٻڌون منڪون نءِ تونا ڏيڏا وڳر ڪشي ٿي ڏهءَ، اوئا نءِ عقل ڏيشي. ⑥ پڻ اوئا رءِ پڳوونَ مانه يقين راکين اوئا ٿي مونگهو، ان پڳوونَ مانه ڪئين شڪ نه ڪروو. ڪم تو جيو منڪ پڳوونَ مانه شڪ ڪرءِ،



او سموندي ري هيڪي چولي را زم سءِ،
جئي وائيرا ٿي ايل اول اول پاتل ٿهءَ.
⑦ هيوو منڪ ام نه هزمءه جي اوئا نءِ
ايشور ٿي ڪئينڪ زڙشي، ⑧ ڪم تو

ايوو منڪ پڳوونَ مانه شڪ ڪرين هيڪي وات مانه اوپتو نٿي، ان هر وات مِ ڦرتو رءِ.

لالچ نه راکوو

پڻ پڳوونَ مانه ڀروسو راکين ڳريبي ٿي ويوو

⑨ جيو وشواسي پائي ڳريب سءِ، اوئا رءِ ايئا وات مانه ڪش ٿيوو ڪپهءِ جي پلته ڳريب سءِ، توئي پڻ پڳوونَ ري نظر مِ اوئا رو گهڻو مون سءِ. ⑩ ان جيو وشواسي پائي شائوڪار سءِ، اوئا رءِ آڀري مال ملڳت مانه وڏائي نه ڪروو، پڻ ام هزموو جي پڳوونَ ري نظر مِ شائوڪار هووو ڪئين نٿي. ڪم تو نيٺ او مري زاشي، زم ويلڙي رو ڦولڙو ڪرمائين ڪتم ٿهءَ. ⑪ ڪم تو ڏي اوگهءَ، تڙڪو ٿي، ان لو لاگهءَ، تو ويلڙي هوڪائي زاهه ان اوئا را ڦولڙا ڪري زاهه، ان اوئا رئي ٻڌي ڪوپصورتئي ڪتم ٿهءَ. هيونءِ نمونته شائوڪار منڪ پڻ آڀرا ڪوم مِ ويتو ويتو ڪتم ٿي زاشي.

زئيون ڏوه ڪريا رو ڪيال آوڻه نتيون آزمتا ۾ پورا اوتروو

⑫ پاڳوازا اُو سڻه، جيا وشواس را آزمتا ۾ ڏوروڻ صير ٿي سڻهه. ڪم تو وشواس را آزمتا ۾ پورا اوتريا ٿي اُو پڳوون ري نظر ۾ هاسا وشواسي ٿيشي، ان زم مقابلا ۾ يوڙيا وازا نڻه انصاب ۾ جيت رو تاز زڙڻه، تم اوتون نڻه هميش رو جيون زڙشي، جيا رو پڳوون اوتون نڻه ڏيڏا رو وائڏو ڪريوه جيا اوتيا ٿي پريم ڪرڻه. ⑬ زئيون وشواس را آزمتا ۾ ڪياڪ نڻه ڏوه ڪريا رو ڪيال آوڻه، تو اوتيا رڻه ام نه سوچوو جي ”پڳوون مارو آزمتو ليڏا هارو مارا من ۾ ڏوه ڪريا رو ڪيال نوڪيوه.“ ڪم تو پڳوون را من ۾ ڪراپ ڪيال ڪيڏي نٿي اوتا، ان نڪو اُو ڪيا رو آزمتو ليڏا هارو ڪيا را من ۾ ڪراپ ڪيال نوڪڻه. ⑭ پڻ آزمتون ۾ ڏوه ڪريا رو ڪيال ايئا ري ڪري آوڻه، ڪم تو هر هڪ منڪ اپرون ڪراپ ڪيالون ۾ قاتي زائڻه، ان اپرون ڪراپ ڪيالون هوما تڻائي زائڻه. ⑮ تڻيون، جيوڻه نمونڻه ڏوشي ٿي ٻار پيڏا ٿڻه، ان اُو ٻار موتو ٿڻه، ان نيٺ اُو ٻار مري زائڻه، هيوڻه نمونڻه ڪراپ ڪيالون ٿي ڏوه پيڏا ٿڻه، ان اُو ڏوه وڌتو زائڻه، ان نيٺ هيا ڏوه ٿي هميش رو موت زڙڻه.

⑯ مارون پريمي پايون ان پڻون، تمي مت پولايا! ⑰ جيئن ڪئين نائوڪو سڻه ان جيئن پڻ پويتر سڻه، هائي ٻڌوئي اُو سڻه جي پڳوون را طرف ٿي ڏيڏل سڻه. اپڻو ٻاپ پڳوون، جيئڻه ڏي سنڌر ان تارا ناياه، اُو آپ سوجهرو ئي سوجهرو سڻه. ڏي ان رات تو پڏلتا رڻه، ان ڏي سنڌر ان تارون رڻه ڪريا ري ڪري سوجهرو ٿڻه ان اندارو پڻ ٿڻه. پڻ پڳوون ڪيڏي نٿي پڏلتو ان اوتيا ۾ ڪئين ڪراپ وات نٿي. ⑱ اوتڻه آپري مرضي پرمونڻه آپرا هاسا وچن ٿي آپون نڻه نوو جيون ڏين آپرا ٻار ناياه. هيوڻه نمونڻه، پڳوون ٻڌيون ناول شينهنون ان منڪون ٿي مور آپون نڻه سوندياه، زم آبي پيزون مور پڳوون را نوم مانه پويتر ٿيون.

نه رُوگُو ايسُو را پارام هاسو وچن هوميڙو پڻ اوتًا مانه پورئ نَمُونَه ويوو

19) مارون پريمي پايون ان بينون، ماري وات ڪون ڏين هوميڙو. هر منڪ رهه هميش پيزا رئي وات هوميڙيا هارُو تيار ريوو، مور ٿي سوچين ٻولوو ان جلدي ۾ رينھ ۾ نه آوو. 20) ڪم تو رينھ ۾ منڪ پگھون ري مرضي پرموئنه نئين وئ. 21) تيام زم منڪ گڏ ڪاڍين واول پيز نه وڌيا رو موقعو ڏئھ، تم تمي ٻڌي پونڌائي ان ٻڌي گهڻي ڪراپ واتون ساڏين گريبي ٿي پگھون رو وچن مونو، جيو زوئنه تمارون منون ۾ واول سئ. ڪم تو پگھون را وچن مانھ وُڍا ٿي تمي پگھون ري سزا ٿي پچي هيڪوه، ان تمون نه تارڻ زڙشي. 22) نه رُوگُو پگھون رو وچن هوميڙو، پڻ پگھون را وچن مانھ پڻ وو. جي تمي ام هزموه جي رُوگُو پگھون رو وچن هوميڙيا ٿي تمون نه تارڻ زڙشي، تو تمي پُولل سو. 23) ڪم تو جي ڪوڪ رُوگُو پگھون رو وچن هوميڙه، ان اوتًا مانھ ويتو نٿي، تو هايا رو ڪئين قائيدو نٿي. او ايوا منڪ جيوو سئ، جيو ٽڪ ۾ آپرو مونيڊو زوئھ، 24) ان پسئ آپرو مونيڊو زوئين زائھ پرو، ان جهت ۾ اوتًا نه وات ويھري زائھ جي او ڪيوو سئ. 25) پڻ جيو منڪ ايسو ريون واتون مانھ ڏيون ڏئھ، جيون ۾ پگھون را حڪم ٻڌائي آوي زائھ، ان جيون ٿي ڏوهون را قَوضا ٿي آزاد ٿي زڙھ، ان اوئون واتون مانھ ڏيون ڏيتو ره، ان هوميڙين نٿي ويھارتو پڻ اوئون واتون مانھ وئ، او منڪ پاگواڙو ٿيشي ڪم تو هم ڪريا ٿي اوتًا نه تارڻ زڙشي.

26) جي ڪوڪ ام هزمئھ جي او ڌرم مانھ صحيح نمونئ وئ، پڻ او آپري پوليي آپرا قَوضام نٿي راکتو ان ڪراپ نمونئ ٻولئھ، تو او پُولل سئ، ان اوتًا ره ڌرم پاڙيا رو ڪئين قائيدو نٿي. 27) پگھون ري نظر ۾ پويتر ان ڏوه وگر ڌرم پاڙيا رو نمونو اي سئ، جي سوريون ٻاڙون ان رنڌال ڏوشيون رئي مَصِيپت ۾ همپاڙ ڪروو، ان آپ نه ڏنيا ري هر پونڌائي ٿي پويتر راکوو.

شائوڪارون ان گريپون ۾ قرق ن راکو پن ٻڌون رو مون راکو

2 ① مارون پايون ان پينون، تمي اپنا پريو مون واڙا ايسو ڪريست مانھ وشواس راکوھ، تيام تمي منڪون ۾ قرق راکين ڪيا رو پاھو مت ليو.



② مثال، جي تمي وشواسي پيڙا ٿياھ، ان اوتھه هيڪ ايوو منڪ آوٽه جيا رٽه هيم رٽي مڏيئي نوڪل هوٽه، ان جيا رٽه نائوڪا لوگهڙا پيرل هوٽه، ان پيزو هيڪ گريپ منڪ آوٽه جيا رٽه قاتل ان ڪاٿاڙا لوگهڙا پيرل هوٽه، ③ جي تمي نائوڪا

لوگهڙا پيرل منڪ نٽه زوئين ام ڪو: ”تمي ايتھه نائوڪي جگا ۾ بيهو!“ پن گريپ نٽه ام ڪو: ”ئون ايتھه اوپو رٽه!“ ڪا ”ئون مارون پگھون ڪن نيسو بيه!“ ④ تو تمي وشواسي پايون ۾ قرق نٽي راکيو، ڪي؟ هم ڪريا ٿي تمي صاف من ٿي نئين، پن ڪراپ ڪيالون پرموٽه منڪون رو ڦينصلو ڪروھ.

⑤ مارون پريمي پايون ان پينون، تمي مارئي وات ڏيون ٿي هومپڙو. پگھون ايتا ڏنيا رون گريپ منڪون نٽه سوندياھ، زم او ايسو مانھ وشواس راکيا ٿي پاگواڙا ٿه ان پگھون را وائيدا پرموٽه تارن ليڏا هارو پگھون را راز موئين زائھ، ڪم تو پگھون وائيدو ڪريوھ جي جيو اوتا ٿي پريم راکشي او پگھون را راز موئين زاشي. ⑥ پن تمي شائوڪارون ان گريپون ۾ قرق راکين گريپون رٽي پيعزئي ڪريھ. او تو شائوڪار منڪ نٽي ڪي، جيا تمون مانھ ظلم ڪرھ، ان تمون مانھ ڪيس ڪرھ؟ ⑦ او شائوڪار منڪ نٽي ڪي، جيا ايسو را پارام پونڌو ٻولھھ، جيا را منڪ تمي ڪيورائوھ؟

⑧ جي تمي شاستر ۾ لڪل پگھون را راز را ڪاس حڪم مانھ ووھ، جي

”پيزون ٿي آپ را زم پريم را کوو،“ تو تمی نائو کو کروھ. ⑨ پڻ جي تمی منکون ۾ قرق را کين کياک رو پاھو ليوھ، تو تمی پڳوون رو ڏوھ کروھ ریا، ان موسی رون لکل پڳوون رون حُکمون پرموئنه تمی حُکم توڙیا ري کري ڏوھاري ٿياھ. ⑩ کم تو جي کوک پڳوون رون پيزون ٻڌون حُکمون مانھ وئھ، پڻ روگو پڳوون را هيڪا حُکم مانھ نٿي ويتو، تو پلئھ اوئھ روگو هيڪ حُکم توڙيوھ، توئي پڻ او پڳوون رون حُکمون پرموئنه ڏوھاري ٿيوھ. ⑪ کم تو پڳوون جيئنه کيڏوھ جي ”پونڌو کوم نه کروو“ اوئھ ام پڻ کيڏوھ جي ”گون نه کروو.“ تيام جي تمی پونڌو کوم نٿي کرتا، پڻ روگو گون کروھ، توئي پڻ تمی پڳوون رون حُکمون پرموئنه ڏوھاري ٿياھ.

⑫ پريم ٿي ٻولو ان پريم ٿي وو، کم تو پڳوون ايئا حُکم پرموئنه تمارو نيا کرشي، جي ”پيزون ٿي آپ را زم پريم را کوو.“ ايئا حُکم مانھ وُودا ٿي ڏوھون را قوضا ٿي آزادي زڙئھ. ⑬ کم تو جيو منک پيزون مانھ ڏيا نٿي کرتو، پڳوون اوئا مانھ ڏيا نئين کرئھ، پڻ ڏوھون رئي سزا ڏيشي. پڻ جيو پيزون مانھ ڏيا کرئھ، پڳوون اوئا مانھ پڻ ڏيا کرشي ان اوئا نئھ ماڦ کرين ڏوھون رئي سزا نئين ڏئھ.

جيو ايسو مانھ ھاسو وشواس را کئھ

او نائو کا کوم پڻ کرئھ

⑭ مارون پايون ان بينون، جي کوک ام کئھ جي ”ھون ايسو مانھ وشواس را کونھ“ پڻ او نائو کا کوم نٿي کرتو، تو ھم کيڏا ٿي کيوو قائيڏو سئھ؟ ھيوو وشواس را کيا ٿي او کم کرين پڳوون ري سزا ٿي پڇي هيڪشي؟ ⑮ مثال، جي تمارو کوئي وشواسي پاڻي کا پين ھوئھ، جيا کن پيريا را لوگھڙا نه ھوئھ، ان جيا کن روز روز کاڌو نه ھوئھ، ⑯ ان ھوئھ جي تمون موئين ٿي کوک اوئون نئھ ام کئھ: ”زائو ان ھڪي ريو. ٿاڊي ٿي پڇو ان کائين ڍاپو.“ پڻ

تامي اوتون نئه لوگهڙا ان کاڌو نٿي ڏيتا جيون رئي اوتون نئه ضرورت سئه، تو هم ڪيڏا ٿي ڪيوو ڦائيدو سئه؟ (17) هيوئه نمونئه وشواس پڻ سئه. جي ڪوڪ روگو وشواس راکهه، پڻ هيا پرمونئه ڪئين نائوڪو ڪوم نٿي ڪرتو، تو هيوو وشواس ڪيا ئي ڪوم رو نٿي ان هاس ۾ وشواس پڻ نٿي.

(18) پڻ ڪوڪ وشواسي هڪا پيڙا نئه ام ڪيشي: ”تون وشواس راکيا ٿي ايسو ري وات مانه وئه، ان هون نائوڪا ڪوم ڪريا ٿي ايسو ري وات مانه وونه.“ پڻ ڪي ٿاپٽي سئه جي تمي وشواس راکوه؟ جي تمي نائوڪا ڪوم نٿي ڪرتا، تو تمي ڪم ڪرين ٿاپٽي ڏي هيڪوه جي تمي وشواس راکوه؟ پڻ هون مارون نائوڪون ڪومون ٿي تمون نئه ٿاپٽي ڏيه جي هون وشواس راکونه. (19) تمي وشواس راکوه جي پگهون هڪ سئه، تو نيڪ سئه. پڻ شيطون را پاها را ڏوت ئي هيا وات مانه وشواس راکهه، ان او سزا ري پيڪ ۾ ڏڪهه.

(20) جي تمي ام هزموه جي روگو هيوو نالو وشواس راکوو گهڻو سئه، تو تمون ۾ ڪئين عقل نٿي. تمون نئه ايئا وات رئي ٿاپٽي ڪپهه ڪي، جي نائوڪا ڪوم ڪريا وگر وشواس ڪيا ئي ڪوم رو نٿي؟ (21) آڀا ڏاڏا ابراهيم نئه زوئو. زئون ابراهيم آڀرا ڏيڪرا اِضحاق نئه پگهون را نوم مانه ساڙيا ري جگا مانه راکيو، تيون ابراهيم رئه هيوا ڪوم ڪريا ري ڪري پگهون ابراهيم نئه آڀري وات مانه وودا واڙو ڪيڏو. (22) ايئا ٿي وات ساوئي سئه جي ابراهيم روگو وشواس نه راکيو، پڻ وشواس راکيا ري ڪري اوئه نائوڪا ڪوم پڻ ڪريا، ان نائوڪا ڪوم ڪريا ري ڪري اوئا رو وشواس پورو ٿيو. (23) هيوئه نمونئه شاستر ۾ لکل اي وات هاسئي ٿي:

”ابراهيم پگهون مانه پورا يقين ٿي وشواس راکيو،

ان تيام پگهون اوئا نئه آڀري وات مانه وودا واڙو ڪيڏو.“

تيام او پگهون رو ڏوست ڪيوروئو. (24) هوئه هيا ٿي وات ساوئي سئه جي منڪ روگو وشواس راکيا ٿي نئين، پڻ وشواس پرمونئه نائوڪا ڪوم ڪريا ٿي پگهون


ري وات مانھ وُودا واڙو ٿئھ.

②5 ھيوئہ نمونئہ پُوندو ڪوم ڪريا واڙئي راحب نومي پاترن پڻ ھٿي. اُوئہ اسرائيلي قوم رُون ميلل جونچوسون نئہ آپري گھري ٽڪاڙيا، ان اُوئون نئہ پچايا ھارو گوتيا واڙون نئہ ھيڪئہ پاھئہ رونا ڪريا ان جونچوسون نئہ پيزئہ شيرڙئہ رونا ڪريا پرا. تيام جونچوسون نئہ پچايا ري ڪري اُو پگھون ري وات مانھ وُودا واڙئي ٿئي. ②6 ڪم تو زم جيو وگر منڪ مرل ھوئھ، تم نائوڪون ڪومون وگر وشواس پڻ زوئئہ مرل سئہ ان ڪيا ئي ڪوم رو ٿئي.

ٻڌون وشواسيون رءُ ان ڪاس ڪرين شيڪاڙيا واڙون رءُ آپري پولي آپرا قوضام راکو

3 ① مارون پايون ان پينون، تمون موئين ٿي گھڻا منڪ وشواس ري واتون شيڪاڙيا واڙا نہ ٿئہ، ڪم تو تمون نئہ ڪر سئہ جي پگھون امون شيڪاڙيا واڙون رو پيزون ٿي وڌيڪ سڪتي ٿي نيا ڪرشي. ② ڪم تو آبي ٻڌائي گھڻيون واتون ۾ گلت وين ڏوھ ڪرونھ.

جي ڪوڪ منڪ ڪراپ وات ڪيڏي نہ ڪئت، تو اُو منڪ پورئہ نمونئہ پگھون ري وات مانھ وُودا واڙو ٿئت ان آپرا پورا ڏيل نئہ آپرا قوضام راکي



ھيڪئت. ③ ھوئہ زئون آبي گھوڙون نئہ آپرا قوضام راکيا ھارو اُوئون را ڪاها موئين لگوم نوڪونھ، تئيون آبي اُوئون را پورا ڏيل نئہ آپرا قوضام راکي ھيڪونھ. ④ ھيوئہ نمونئہ بيڙا پڻ سئہ. بيڙا الھي موتا سئہ، ان وائيرا را زور ٿي

نيلائي زائھ، توئي پڻ ھيڪي نوني لاکڙي ٿي بيڙو ھاڪليا واڙو جيل وئئھ اول بيڙا نئہ واڙئھ. ⑤ ان ھيوئہ نمونئہ جيپ پڻ سئہ. جيپ ڏيل رُون اُوڙيون موئين

ٿي هاو ننڪئي سٺه، پڻ الاهي گهڻو ڪئين ڪري هيڪڻه.

زوڻو، هڪا ننڪيا پٽينگا ٿي ڪوڙو موٽو پيلو پاهي ٿي ٻڙي زائھ. ⑥ ان هاس ۾ جيپ پاهي را زم سٺه. جيپ آڀا ڏيل رون اوزپون موئين ڪراپ ڏنيا را زم سٺه. جيپ ري پونڏي واتون پورا منڪ نٺه ڪراپ ڪرڻه پرو. ايٺا ريون ڪراپ واتون ٿي منڪ رئي پورئي حياتي زوڻه پاهي ۾ ٻڙين ڪراپ ٿي زائھ، ان او پاهي جيوي ڪراپ واتون شيطون را پاها ٿي سٺه. ⑦ ڪم تو منڪ هر نمونا را زناور، پڪي، هاپ ان مشي آڀرا قوضام راڪڻه ان اڳي پڻ راڪتا، ⑧ پڻ ڪوئي منڪ نٿي جيو آڀرئي جيپ آڀرا قوضام راڪي هيڪڻه. منڪون رئي جيپ ڪراپ سٺه ان ڪيا را قوضام نٿي ريتي. او زوڻه موت را جهير ٿي پرال سٺه. ⑨ ايٺا هاڳي جيپ ٿي آڀي ايشور ٻاپ را وڪوڻ ڪرونه، ان ايٺا هاڳي جيپ ٿي آڀي منڪون نٺه پڻ پٽونه، جيون نٺه پڳوون آڀ جيو نايه. ⑩ هاڳي موندا ٿي منڪ وڪوڻ ڪرڻه، ان وڙي هاڳي موندا ٿي پٽه. مارون پايون ان بينون، هم نه ٿيو ڪپه. ⑪ هيڪڻه ماڳ پتاڙ ٿي مينو ان ڪارو پوڻي ٻي ٿي نيهرڻه، ڪي؟ ⑫ مارون پايون ان بينون، جيو وڻ ٿيو ميوو. انجير را وڻ موئين زيتون را ميوا ٿي هيڪڻه، ڪي؟ ڪا ڌراڪون ري ويل موئين انجير را ميوا ٿي هيڪڻه، ڪي؟ ان هيون نمونن ڪارا پوڻي را پتاڙ ٿي مينو پوڻي نٿي نيهر ٿي هڪتو.

ٻڌون وشواسيون رڻ ان ڪاس ڪرين شيڪاڙيا واڙون رڻ

آڀ نٺه موندا نه هزموو

⑬ جي تمون موئين ٿي ڪوڪ عقل واڙو ان هزمو سٺه، تو او عقل ڀرموڻه ڳريبي ٿي نائوڪڻه نمونن وين آڀرون نائوڪون ڪومون ٿي هايا وات رئي ٿاڀي ڏه. ⑭ پڻ جي تمي هڪا ٻيڙا مانه ريشي ٻڙين رينه راڪوه، ان آڀرئي آڀرئي ڌار ڌار پالڻي ناوا ڪروه، تو ڪوڙ ڪرين وڏائي مت ڪرو جي ”هون عقل واڙو سون“ پڻ اي وات مونو جي تمي هاس ۾ پي عقل سو. ⑮ هيون وڏائي واڙي

سوچ پڳوونَ را پاها ٿي ڏيڏل عقل نٿي، پڻ ڪراپَ ڏنياَ رٿي سوچ سٺ، منڪون رٿي سوچ سٺ، ان شيطونَ را پاها ٿي آوئو. (16) ڪم تو جيئن منڪ هڪا پيزا مانه ريشي ٻڙين رينه رانڪه ان آڀرئي آڀرئي ڌار ڌار پالڻي ناووا ڪرئو، اوتئ هٻ نٿي، پڻ هر نمونا را ڪراپَ ڪوم ٿئو.

(17) پڻ جيا نئ پڳوونَ را پاها ٿي عقل زڙيئو، اُو پويتر سٺ، اُو هٻ رانڪو، نرمي ٿي وئو، هاسئي وات مونيا هارو تيار سٺ، هميش ڏيا ڪرئو، ان زم نائوڪا وڻ موئين نائوڪا ميوا ٿئو تم اُو هميش پيزون هارو نائوڪا ڪوم ڪرئو، اُو ڪيا رو پاهاو نٿي لیتو، ان صاف من راکين وئو. (18) زئيون منڪ نائوڪو پيز نائوڪو نمونئ وائو، تو نائوڪو فصل ٿيشي. هيونئ نمونئ جي هٻ رکايا وازا منڪ آڀت ۾ هٻ راکين وئو، تو پيزا منڪ پڳوونَ ري وات مانه ويشي.

ڪراپَ ڪيال ان ڪوم ساڻو

ان هاسا من ٿي ٺوهون ٿي نوبونھ ڪروو

4 (1) تمارو آڀت ۾ جهيڙو جهڳڙو ڪم ٿئو؟ اُو ايئا هارو نٿي ٿيتو، ڪي؟ جي تمارا آڀري مرضي مانه وودا را ڪيال تمارا آڀرا ڏيل موئين زوئئ پڳوونَ رٺ ڪلافَ ڦشرئي ڪرئو. (2) تم ڪياڪ وات هارو هڪوه، پڻ اُو تمون نئ نٿي زڙتئي. تم ڪون ڪروه ان لالچ راکوه، پڻ جيو تم ليوا ڪروه، اُو تم لي نٿي هيڪتا. تم واذ ڪروه ان جهيڙو جهڳڙو ڪروه، پڻ جيو تم ليوا ڪروه، اُو تمون نئ نٿي زڙتو، ڪم تو تم هائي پڳوونَ ٿي نٿي مونگتا. (3) تم هائي پڳوونَ ٿي مونگوه، پڻ توئي تمون نئ نٿي زڙتو، ڪم تو تم صاف من ٿي نٿي مونگتا، پڻ ايئا هارو مونگوه زم تم هايا ٿي آڀرون ڪراپَ ڪيالون پرموئئ عيش عشرت ڪري هيڪو.

(4) پونڏون منڪون! زم پونڏي ڏوشي آڀرو آڏمي ساڏين پيزا آڏمي ٿي پونڏو ڪوم ڪرئو، تم تم پڳوونَ را منڪ ٿين پڳوونَ نئ ساڏين ڏنياَ ري پونڏائي ۾

شونق راكين ووه. تمون نئه ايئا وات رئي كهر نئي، كي؟ كراب دُنيا تي دوستي پگهون تي دشمني سئه. تيام جيو كراب دُنيا رو دوست تينا كرئه، او پگهون رو دشمن تئه. ⑤ كا تمى ايئا شاستر ري وات نئه نالئي هزموه، كي؟ جي پگهون آپون نئه جيو ديتوه، ان آپون تي اتو گهڻو پريم راكئه جي زئون آبي اوتا ري وات مانه نئي وينا، تيون اوتا نئه گهڻو دورو لاگهه. ⑥ پڻ پگهون رينه تي وڌارنهنه منكون مانه گهڻي كرپا كرئه. تيام شاستر ام لکل سئه:

”پگهون وڌائو ڪريا وڌائون رئه ڪلاڦ سئه،
پڻ گريبي تي وڌا وڌائون مانه ڪرپا ڪرئه.“

⑦ تيام پگهون را ڪيڏام ريو. شيطون تي مقابلو ڪرو، ان او تمون تي پاڳي زاشي. ⑧ پگهون ڪن ڏوڪڙا آوو، ان او تمون ڏوڪڙو پڻ آوشي. ڏوهاري منڪون، زم هات صاف ڪريا هارو هات ڏووو ڪپئه، ته تمى ڪراب ڪوم ساڏو ان نائوڪا ڪوم ڪرو. تمى جيا ڪيڏيڪ دُنيا رئي ان ڪيڏيڪ پگهون رئي بيئون رئي سوچ راڪوه، تمى ڪراب ڪيال من تي ڪاڍو ان آڀرا من پويتر راڪو. ⑨ آپرون ڪرل ڏوهون تي توپونه ڪرو، ان اوئون ري ڪري ڏکي ٿين رئون. آپرون ڏوهون مانه هاهو مت پڻ رئون، هايون مانه ڪش مت ٿيو پڻ ڏکي ٿيو. ⑩ ايشور هوما گريپ ريو، تو او تمون نئه مون ڏيشي.

هڪا پيزا رئي ڳلا نه ڪرو

⑪ پايون ان بينون، تمى هڪا پيزا رئي ڳلا مت ڪرو. جيو آڀرا وشواسي پائي رئي ڳلا ڪرئه ڪا وشواسي پائي نئه ڏوهاري ڪرين اوتا رئه ڪلاڦ بولئه، او پريم ڪريا رو حڪم توڙين پگهون رون حڪمون رئي ڳلا ڪرئه ريو ان پگهون رون حڪمون رئه ڪلاڦ بولئه ريو. جي تمى پگهون رون حڪمون رئه ڪلاڦ بولو، تو تمى پگهون رون حڪمون مانه وڌا وڌا نئي، پڻ اوئون رو ڦينصلو ڪريا وڌا ٿيا. ⑫ روڳو هڪه پگهون سئه جيو حڪم ڏيڏا وڌو سئه ان

ڦينصلو ڪريا واڙو سئو. رُوڳو اُو منڪون نئو ڏوهون ري سزا ٿي پڇاوي هيڪئو
ان هميش را موت رئي سزا ڏي هيڪئو. تمي آپ نئو ڪي هزموه جي تمي هيڪا
پيزا رو ڏوه ڪاڍوه؟


مال ملڳت مانھ ڀروسو نہ راکوو پن ڀڳوون مانھ ڀروسو راکين نائوڪا ڪوم ڪروو

⑬ هُوئو مارئي وات هومپڙو، تمي جيا ام ڪوه: ”آز ڪا هوارِي امي ڦلوٽا شهر
ڀر زاشون، ان اوٽه هڪ سال ريشون، ان واپار ڪرين گهٽا پئيها ڪماشون.“



⑭ تمي تو هم ڪوه ريا، پن تمون نئو اتئي پن
ڪهر نئي جي هوارِي ڪي ٿيشي. تمارئي حياتئي
ڪتون ڏيئون رئي سئو؟ تمي تو نار را زم سو، جيو ٿورڙيڪ وار ڏيڪيام اوئو
ان پسئو ڪتم ٿي زائو. ⑮ هم ڪيڏا ري جگا ڀر، تمارئو ام ڪيوو ڪپئو:
”جي ايشور رئي مرضي ٿئي، تو امي جيوتا ريشون ان ڦلوٽو ڦلوٽو ڪوم
ڪرشون.“ ⑯ پن تمي تو آپ نئو موتا هزمين وڏائي ڪروه. هيوي ٻڏئي وڏائي
ڪراب سئو.

⑰ تيام، جي ڪيا نئو ڪهر سئو جي ام ڪروو نائوڪو سئو، پن هم نئي ڪرتو،
تو او نائوڪو ڪوم نه ڪريا ٿي ڏوه ڪرئو.



شاؤوڪارون رءُ هوشيار ريوو جي ڀڳوون منڪون نءُ ٺوهون رءِ سزا ڏيشي

5 ① هوءَ شاؤوڪار منڪون، تمڀي مارئي وات هومپڙو. روئو ان رڙيون ڪرو ڪم تو ڀڳوون تمون نءُ گهڻي تڪليلون ڏيشي. ② نيا رءُ ڏي تمارو مال ملڳت ڪيا ئي ڪوم رو نئين هوءَ. تمارو ٻڌوئي ڪئين ڪتم ٿي زاشي. تمارا لوگهڙا ڪونهاري ڪترشي پرا، ③ ان تمارا هيم ان چونڊي نءُ زوئڻه زنگ لاڳي زاشي. ان او زنگ تمارو ڏوه ڪاڏشي، ڪم تو اوئا ٿي ٿايتي ٿيشي جي تمڀي آپري ٻڌي مال ملڳت آپ هارو پيڙي ڪرين راکيئھ. ان جيوءَ نمونءَ زنگ شينھون نءُ ڪائي زائھ، هيوءَ نمونءَ او زنگ پاھي را زم تمون نءُ ڪتم ڪرشي، ڪم تو مال ملڳت پيڙي ڪرين راکيا ري ڪري تمڀي پاھي ۾ هميش رءِ سزا ڪاشو. ڏنيا ري پڇاڙي واڙو توئو آيوھ رو، ان تمڀي آپ هارو مال ملڳت پيڙي ڪرين راکيئھ. ④ زوئو، جيئي منڪي مزوري مانھ تماري ٻئي لئيئھ، اوئون نءُ تمڀي مزوري نئي ڏيئي ان آپ ڪن راکيئھ. ان هوءَ او مزوري را پئيھا زوئڻه زور ٿي پڌلو مونگھ ريا. لئيارا تمارا ظلم ري ڪري رڙيون ڪرھ ريا. پڻ پريو پرميشور اوئون رو هاڏ هومپڙيوھ ان تمون نءُ سزا ڏيشي. ⑤ ايتا حياتي ۾ تمڀي موج ۾ رياھ ان عيش عشرت ڪرئيھ. زم مال نءُ هلاليا هارو سونڊھ، تم تمڀي جيئن وئھ او ڪائي پين زوئڻه آپ نءُ سونڊوھ ريا، ان نيٺ نيا رءُ ڏي تمون

نٺه هميش رو موت زڙشي. ⑥ ٺمي پيڏوهي منكون نٺه ڏوهاري ڪرياه، ان اوئي پلٺه تمارٺه ڪلاڦ ڪئين نه ڪريو هوٺه، توئي پڻ ٺمي اوئون نٺه مراياھ پرا.

ڻڪ ان ڏورون صير ٿي سهو

⑦ تيام، پايون ان پينون، ٺمي پريو ايسو رٺه پاسا آيا رٺي وات صير ٿي زوئو. هاري نٺه زوئو. او پني را قيمتي قصل رٺي ڪٽي گهٽي وات زوئو! او قصل رٺي وات صير ٿي زوئو زيون هوڏي ورهاڙا رو ان اوناڙا رو مي نه ورهٺه. ⑧ ٺمي پڻ همريٺه صير ٿي وات زوئو، ان هيٺ راکو، ڪم تو پريو ايسو رٺه پاسو آيا رو توئو ڏوڪڙو سٺه. ⑨ پايون ان پينون، هڪا پيڙا رٺي پرفوت ڳلا مت ڪرو، متون پريو ايسو تمون نٺه سزا ڏيڏا رو قينصلو ڪرٺه. زوئو، تمارو نيا ڪريا واڙو پريو ايسو جلدي آيا واڙو سٺه، هاو زوئو ڏرواڙا مانھ اوپل سٺه.

⑩ پايون ان پينون، پڳوون رو نياپو ڏيڏا واڙون را ڏيڪاڙل نمونا مانھ وو. منڪ اوئون ٿي ڪراپ نمونٺه وڍا ڪم تو او ايشور را پاها ٿي ٻوليا، توئي پڻ اوئي صير ڪريو. ⑪ زوئو، آبي اوئو منڪون نٺه پاڳواڙا هڙمونھ، جيا ڏورون صير ٿي سهٺه. ٺمي تو هومپريوه جي ايوب ڪٽي ڏورون صير ٿي سهئي، ان تمون نٺه اي پڻ ڪهر سٺه جي پڇاڙي ۾ ايشور اوئا نٺه ڪتو گهٺو اشيرواڏ ڏيڏو، ڪم تو ايشور گهٺو ڏيڏو سٺه ان منڪون مانھ قياس ڪرٺه.

هميش هاس ٻولو

⑫ مارون پايون ان پينون، ٻڌون ٿي موٽي وات اي سٺه، ٺمي آپري وات هاسي ڏيڪاڙيا هارو هون مت ڪائو، پڻ هميش هاس ٻولو. ٺمي نڪو آڪاش رو، نڪو ڌرتي رو ان نڪو پيڙا ڪيا رو هون ڪائو، پڻ جي وات هاسي سٺه تو اوئا نٺه هاسي ڪو، ان جي وات ڪوڙي سٺه تو اوئا نٺه ڪوڙي ڪو، متون پڳوون تمون نٺه ڪوڙ ڪريا ري ڪري سزا ڏيڏا رو قينصلو ڪرٺه.

مونڊون ھارُو پراٽنا ڪرو ان ٺوھ ڪريا وازون نٺَ ھزماوَوو

⑬ جي تمون موئين ٿي ڪوڪ تڪليپ ۾ سٺ، تو او پڳوون ٿي پراٽنا ڪرڻ. جي ڪوڪ ڪُش سٺ، تو او پڳوون را وڪوڻ ۾ پزن ڳاوڻ. ⑭ جي تمون موئين ٿي ڪوڪ مونڊو سٺ، تو او وشواسي منڌڙي رون آڳيوونون نٺ تيرائوڻ، ان او مونڊا مانھ تيل ھٿين پريو ايسو را نوم ٿي اوڻا ھارُو پراٽنا ڪرڻ. ⑮ پڪا يقين ٿي پراٽنا ڪريا ري ڪري مونڊو ھازو ھورو ٿي زاشي، ان او پريو ري ڪڙا ٿي وڙي اوئين ويشي. ان جي مونڊئو ڏوھ ڪريا ھوشي، تو اوڻا نٺ ڏوھون رئي ماڻي زڙشي. ⑯ تيام ھيڪا پيزا ھوما آڀرا ڪرل ڏوھ مونو ان ھيڪا پيزا ھارُو پراٽنا ڪرو زم ٽمي ھازا ھورا ٿيو.

زئيون پڳوون ري وات مانھ وُودا وازو منڪ پراٽنا ڪرڻ، تئيون پڳوون آڀري ڪڙا ويوراوڻھ ان اوڻا پراٽنا رو گھڻو اثر ٿئھ. ⑰ مثال، ايلياھ آڀڻا زم منڪ ھتو، ان اوڻھ پورا من ٿي پڳوون ٿي پراٽنا ڪري جي مي نہ ورھئ، تو ھاڍون ترٿيون سالون ھوڏي مي نہ ورھيو. ⑱ ان تيا ڪيڙ اوڻھ وڙي مي ھارُو پراٽنا ڪري، تو مي ورھيو ان اوڻھ ڌرتي مانھ ڦصل ٿيو.

⑲ مارون پايون ان پينون، جي تمون موئين ٿي ڪوڪ وشواس ري ھاسي واتون ساڏين اوڙئ نمونئھ وئ، ان پيزو ڪوڪ اوڻا نٺ ھزماوين وڙي پڳوون ري وات مانھ ويوراوڻھ، ⑳ تو اوڻا نٺ ايٽا وات رئي ڪر ھووو ڪپئھ جي جيو منڪ ڏوھ ڪريا وازا نٺ اوڙا مارڳ مانھ وُودا ٿي ڦيروين ھاس مانھ ويوراوڻھ، تو اوڻا ري ڪري ڏوھاري منڪ پڳوون ري سزا ٿي پڇي زاشي ان ڏوھاري را ٻڌائي ڪرل ڏوھ ماڻ ٿي زاشي.

پطرس را لکل پيرهيان کت رئي هزموئي

کت لکيا واژو

اي کت پطرس لکيو (1 پطرس 1:1). پطرس رو اصلي نوم شمعون هتو ان تيا کيژ ايسو اوتا رو نوم پطرس راکيو. تيام اوتا ننه شمعون کا شمعون پطرس پڻ کئنه (متي 16:17-18). پطرس ان اوتا رو پائي اندرياس ايسو رون بارون سونديل شيلون موئين ٿي هئا، جيون ننه ايسو اپرا مک شيل پڻ کيڏا (لوقا 6:13-14، 1 پطرس 1:1). پطرس پڳوون رو آواز ام کيتون هومپزيو جي ايسو پڳوون رو سونديل سئ (لوقا 9:28-36، 1 پطرس 4:2)، ان اوتھ اونکيئي ڏيکيو جي ايسو پيدوهي ٿين ڏک سهيو ان کيوي نرمي ان صپر ٿي وڍو (يوحنا 4:11، لوقا 23:49، 1 پطرس 2:21-24). ايسو هوزي مانه مريا کيژ جيوي اونين پطرس ننه ان پيزون مک شيلون ننه ڏيکازا ڏيڏا ان پطرس ننه وشواسي منڌري مانه اگيوون راکيو (يوحنا 21:15-17، 1 پطرس 1:5).

پطرس اي کت سلوانس ري هائي لکايو (1 پطرس 5:12)، جيا رو پيزو نوم سيلاس هتو ان پولوس پيزو کوم ڪرتو (مک شيلون را کوم 15:40، 1 ٿسلنيڪيون 1:1، 2 ٿسلنيڪيون 1:1). پطرس اي کت اندازام 60-64ع ۾ لکيو.

ام لاکئھ جي پطرس روم شهر ۾ هتو زئين اي کت لکيو، پڻ اوتھ اي وات ساوتھ ڍاڙھ نھ لکئي، پڻ وات ڍونڪين لکئھه. تيام زئين ام لکل سئ ايت رئي وشواسي منڌري، جي ڏنيا ۾ پرڏيشي را زم زوتھ بابل شهر ۾ رتھ، ان تمارا زم پڳوون رئي سونديل سئ، هيا رو مطلب سئ روم شهر رئي وشواسي منڌري (1 پطرس 5:13).

يوحنا پڻ هاڳي نمونھ وشواسي منڌري ننه 'باڻي' ان 'بين' کين پڳوون رئي سونديل کئھ (2 يوحنا 1:1، 13)، ان روم شهر ننه بابل پڻ کئھ، ڪم تو بي ٿي شهر ڪراب کومون ري ڪري مشور هئا (ڌرشن 17:5، 9).

پطرس روم شهر ۾ ايسو مانه وشواس راکيا ري ڪري رومي پاڏشا نيرو را راز ۾، اندازام 68ع ۾، هوزي مانه مروٿو (يوحنا 21:18-19).

کت کيون منڪون هارو لکيو

پطرس اي کت گھڻون علاقون رون وشواسيون هارو لکيو جيا رومي حڪومت رون پٽس، گلتيه، ڪپڏڪيه، آسيه ان پٽونيه نومي صوبيون موئين ريتا (1 پطرس 1:1). هائي علاقا همٿھ ٽرڪي نومي ملڪ ۾ سئ. اوت را ڪئينڪ وشواسي يهودي قوم را هئا، پڻ گھڻا ڌاريون قومون را هئا.

ڪت لکيا رو مطلب

پطرس اي ڪت رومي حڪومت را نيرو نومي پادشا را راز م لکيو، جيئن 54ع ٿي لين 68ع هُوڏي راز ڪريو. نيٺ نيرو پادشا وشواسيون رٿ هَاوَ ڪلاٽ ٿيو ان پطرس نٺ ماريو، پڻ ڪت لکيا رٿ توتئ رومي حڪومت وشواسيون نٺ تنگ نٿئي ڪرتئي. توتئي پڻ اوتئا وڪت م گهٽا منڪ، جيا ڏيوتونا پوزتا، وشواسيون نٺ تنگ ڪرتا، اوتئون نٺ پوندا ڪيتا ان اوتئون ٿي ڪراپ نمونئ وينا.

تيام پطرس اي ڪت لکيو زم وشواسيون نٺ ياد ڪراوتئ جي زم پريو ايسو ڏڪ سهيا، تم وشواسيون رٿ پڻ ايسو مانه وشواس راڪيا ري ڪري ڏڪ سهو پڙشي. ان تيام پڻ لکيو زم اوتئون نٺ حوصلو ڏئ جي زم پڳيون ايسو نٺ آڪاش م مون ڏيڏوه، تم او ايسو مانه وشواس راڪيا واڙون نٺ پڻ تارڻ ڏين آڪاش م مون ڏيڏشي. تيام وشواسيون رٿ ڏورون ڏيئون م وشواس نه ساڏوو، پڻ هر وات م ناٿوڪئ نمونئ ويوو، زم پريو ايسو رٿي ان وشواسي ڌرم رٿي پڏنومئي نه ٿئ.

اينٽا ڪتاب را شاستر تي پيزا حوالا:

پطرس 1:1	متي 10:2	پطرس 24:2	متي 28:26
پطرس 1:1	مرقس 14:3-16	پطرس 24:2	لوقا 23:33
پطرس 1:1	لوقا 6:13-14	پطرس 24:2	يسعياہ 5:53
پطرس 1:2	خروج 7:24-8	پطرس 25:2	يسعياہ 6:53
پطرس 1:2	عبرانيون 9:11-11	پطرس 6:3	پيدائش 12:18
پطرس 1:16	احبار 11:44-45	پطرس 10:3-12	زبور 12:34-12
پطرس 1:16	احبار 19:2	پطرس 14:3	يسعياہ 8:12
پطرس 1:19	خروج 12:5	پطرس 19:3	2 پطرس 4:2
پطرس 1:19	يوحنا 1:29	پطرس 19:3	يهوداه 6:1
پطرس 1:24-25	يسعياہ 40:6-8	پطرس 20:3	پيدائش 5:6-8
پطرس 2:6	يسعياہ 28:16	پطرس 14:4	متي 5:11-12
پطرس 2:7	زبور 118:22	پطرس 17:4	يرمياہ 25:29
پطرس 2:8	يسعياہ 8:14	پطرس 17:4	عاموس 3:2
پطرس 2:10	هوسيع 1:9-10	پطرس 18:4	امثال 11:31
پطرس 2:10	هوسيع 2:23	پطرس 5:5	امثال 3:34
پطرس 2:22	يسعياہ 53:9	پطرس 12:5	ڪوم 15:22, 32
پطرس 2:23	متي 27:12-14	پطرس 12:5	ڪوم 15:40-17:15
پطرس 2:23	متي 27:39-44		

پطرس

رو لکل پيرهیون کت



1 ① هُون لکيا وازو پطرس سون، جيو ايسو کريست رو هيڪ مُک شيلو سون. پريمي وشواسي پايون ان پينون، تمی جيا پگهون را سونديل منک سو، جيا ايتا کراب دنيا ۾ پرڏيشيون را زم سو، ان پُنطس، گلتيه، کپدڪيه، آسيه ان بتونيه صوپون ۾ پکڙل سو، ② جيون نئه پگهون باپ جگت نايا تي مور آپ هارو سونديا تا، ان جيا پويتر آتما ري کڙا تي پويتر تياھ، زم تمی وشواس ري واتون مونو ان ايسو کريست مانھ وشواس راکو، جيئنه آپرو جيو پگهون را نوم مانھ دين زوئنه آپرو لوئي تمون مانھ چنديا تي تمون نئه ڏوهون رئي ماقتي ڏيوروايھ. پگهون تمون مانھ گهئي کڙيا کره ان تمون نئه گهئا هڪي راکه!

پطرس پگهون رو ٿورو مونئھ جي پگهون

ايسو مانھ وشواس راکيا وازون نئه ضرور تارن ڏيشي

③ پگهون را وکوڻ ٿه، جيو اپنا پريو ايسو کريست رو پگهون ان باپ سه!

اُوڻه آپري گهڻي ڪرپا ڀريو ٿو ايسو ڪريست رڻه مرلون موئين ٿي جيوي اُونيا ٿي آيون ننه آڀرا ٻارَ ناوينَ نوو جيونَ ڏيڏوه، ان آيون ننه پڪو پروسو ڏيڏوه جي اُو آڀرو وائڏو پورو ڪرشي. ④ ٿمي هونءِ پڳوونَ را ٻارَ ٿيا، ان پڳوونَ تمون ننه اُو ٻڌوئي ڪئين ڏيشي جيا را پارام اُوڻه وائڏو ڪريوه. اُو تمون ننه ايوو هڪ ڏيشي جيو ڪيڏي ڪٿم نئين ٿم، ڪيڏي ڪراڀ نئين ٿم، ان ڪيڏي گهٽ نئين ٿم. ان هائي هڪ تمون هارو آڪاش ۾ راکل سڻه. ⑤ پڳوونَ زوڻه تمون مانه پاهرو ڏينَ آڀري ڪڙا ٿي تماري همپاز ڪرڻه، زم تمون ننه ايسو مانه وشواس راکيا ري ڪري تارڻ زڙه. ان هائي تارڻ ڏنيا ري پڇاڙي را توڻا مانه ساوو ڪريا هارو پڳوونَ تيار راکيوه.

⑥ هايا وات ري ڪري ٿمي گهڻا ڪش ٿيئا ريوه، پلنه همڻه ٿوڙيڪ وار هُوڏي تماره نمونا نمونا ري تڪليهن ري ڪري ڏڪ سهوو پڙه. هايون ٿي تمارو آزمتو ٿهه. ⑦ هائي تڪليهن تيام ٿهه ري زم ٿاڀٽي ٿهه جي تمارو وشواس هاسو سڻه ان هيم ٿي پڻ قيمتي سڻه. ڪم تو هيم ڏمڻ ٿي ڏيوڻا ۾ گڙين هاسو ٿهه، توڻي پڻ نيٺ اُو ڪٿم ٿيشي. پڻ تماره هاسو وشواس راکيا ري ڪري، زيون ايسو ڪريست وڙي پاسو آوين ساوو ٿيشي، تيون پڳوونَ را پاها ٿي تمون ننه آڪاش ۾ هميش هُوڏي وڪوڻ، مون، ان عزت زڙشي. ⑧ ٿمي ايسو ننه ڪيڏي نٿي ڏيڪيو، توڻي پڻ ٿمي اُوڻا ٿي پريم ڪروه. ان ايسو همڻه تمارا ڏيڪيام نٿي اوتو، توڻي پڻ ٿمي اُوڻا مانه وشواس راکين اٿا گهڻا ڪش ٿيوه جي وات ڪيڏا ٿي ٻارڻي سڻه. ⑨ ڪم تو وشواس راکيا رو مقصد پورو ٿهه ريو، جي پڳوونَ ري سزا ٿي پڇين تمون ننه تارڻ زڙشي.

⑩ هايا تارڻ را پارام، پڳوونَ رو نياپو ڏيڏا وازي گهڻي ڪوشش ٿي ڪهر پاڙوا ڪرڻي. اُوڻي مور ٿي همپزياو جي پڳوونَ تمون مانه ڪرپا ڪرين تارڻ ڏيشي. ⑪ پڳوونَ را سونڍل پڇايا وازا ڪريست را پاها ٿي اُوڻون ننه پويتر آتما ري ڪڙا ٿي مور ٿي ڪهر پڙي، جي پڳوونَ رو سونڍل پڇايا وازو ڪريست ضرور

ڏک سھينَ مرشي، ان تيا ڪيڙَ اُٿا رو مونَ ساوو ٿيشي. ان او اي پڻ ڪهر پاڙوا ڪرتا جي هائي ٻڌوئي ڪئين ڪئين ان ڪيو وڪت ۾ ٿيشي. ⑫ پڳوونَ اُوئون مانھ اي وات ساوئي ڪرئي، جي هائي ٻڌي واتون جيون را پارام او همپڙاوتات ريا، او اُوئون را آڀرا زمونا ۾ پوري نئين ٿئ، پڻ آيا وازا زمونا ۾ پوري ٿيشي. هيوئہ نمونئہ پڳوونَ رو نياپو ڏيڏا وڙي تمارا ڦائڏا هارو هائي هاڳي واتون مور ٿي همپڙاوي تي، جي واتون تمي همئئہ اُوئون همٿوڪون منڪون ٿي هوپڙيھ، جيئي آڪاش ٿي ميلل پويتر آتما ري ڪرا ٿي تمون نئہ ايسو را پارام ڪشي رئي ڪهر همپڙاويھ. هائي واتون ايوي نائوڪي سئ، جي آڪاشي ڏوت پڻ هايون واتون نئہ زوٿيا هارو هڪئہ.

زم پڳوونَ پويتر سئ

نم آڀئئہ پڳوونَ را ٻارَ ٿينَ پويتر نمونئہ ويوو

⑬ تيام من ۾ تيار ٿينَ عقل ٿي ڪوم ڪرينَ تمي پورا من ٿي ايئا وات مانھ پروسو راڪو جي پڳوونَ تمون مانھ ڪيوئي گهٽي ڪريا ڪرشي، زئيون ايسو ڪريست وڙي پاسو آوينَ ساوو ٿيشي. ⑭ تمي پڳوونَ را ٻارَ ٿينَ اُٿا رو ڪيڏو مونتا ريو. تمي اوئہ ڍاڙئہ وڙي مت وو، جيوئہ ڍاڙئہ تمي اڳي آڀرون ڪراپ ڪيالون مانھ ویتا، زئيون تمي پڳوونَ نئہ نئا اوڙڪتا. ⑮ پڻ زم پڳوونَ پويتر سئ، جيئئہ تمارو آپ ٿي واسطو رکايوھ، تم تمي پڻ هر وات ۾ پويتر نمونئہ وو. ⑯ ڪم تو شاستر ۾ پڳوونَ رئي اي وات لڪل سئ:

”تمي پويتر ٿيو، ڪم تو هون پويتر سون.“

⑰ پڳوونَ، جيا نئہ تمي آڀرو ٻاپ ڪوھ، او ڪيا رو ٻاهو نٿي ليتو، پڻ هر هيڪ منڪ رو ڦينصلو اُٿا رون ڪرل ڪومون پرموئئہ ڪرئہ. تيام، زئيون تمي ايئا ڏنيا ۾ پرڏيشيون را زم توڙيڪ وار را سو، تئيون تمي پوري حياتي پڳوونَ رئي پيڪ راڪين اُٿا رو مونَ راڪتا ريو. ⑱ ڪم تو تمون نئہ ڪهر سئ جي زئيون

تمي آپرون ڏاڏون ريون شيڪاڙل ناليون واتون مانھ وُڍا را نمونا ٿي سوتيا، تئيون تمي سونڌي، ڪا هيم، ڪا پيڙي ايوي ڪتم ٿيا واڙي شينھ ڏيڏا ٿي نٿي سوتيا. (19) پڻ پيڏوهي ايسو ڪريست، جيو پڳوون را نوم مانھ ساڙيا هارو ڪراپا ووٽا ان عيپ ووٽا گهيتا رو مثال سٺ، اُوٺه آپرو جيو پڳوون را نوم مانھ ڏين آپرا قيمتي لويي ٿي تمون نٺه هليون ناليون واتون ٿي سڏايا. (20) پڳوون جڳت نيا ٿي مور ايسو نٺه هيا هارو سونڊيو تو، پڻ همئنه ڏنيا ري پڇاڙي ۾ اُوٺه ايسو نٺه تمون هارو جڳت ۾ ميلين ساوو ڪريوه. (21) ايسو ري ڪري تمي پڳوون مانھ وشواس راڪوه، جيئنه ايسو نٺه مرلون موئين ٿي جيوي اوناڙيوه ان آڪاش ۾ مون ڏيڏوه. ان تيام تمارو وشواس ان پروسو پڳوون مانھ سٺ.

(22) هُوٺه تمي پڳوون ري هاسي واتون مونين آپرا من پويتر ڪرياه زم تمي آپرون وشواسي پايون ان پينون ٿي هاسو پريم راڪو. تيام تمي صاف من ٿي ان پورا جيو ٿي هڪا پيڙا ٿي پريم راڪو. (23) ڪم تو تمون نٺه نوو جيون زڙيوه ان هُوٺه تمي روڳا منڪون را ٻاڙ نٿي، جيا ڪتم ٿيا واڙا سٺ، پڻ پڳوون را ٻاڙ پڻ ٿياھ، جيا ڪيڏي ڪتم نئين ٿم. هائي نوو جيون تمون نٺه پڳوون را وچن ٿي زڙيوه، جيا نٺه مونيا ٿي هميش رو جيون زڙه، ان جيو هميش هُوڏي هاسو ره.

(24) زم شاستر ۾ لکل سٺ:

”هر منڪ رئي حياتي ڪڙ را زم سٺ.

منڪ رو ٻڌو مون ان شون

اونا را ڦولڙا را زم سٺ.

ڪڙ تو هُوڪائي زائھ

ان ڦولڙو تو ڪري زائھ.



(25) پڻ ايشور رئي وات هميش هُوڏي ره.

ان هائي ايشور رئي وات ايسو را پارام او رئي او ڪشي رئي ڪهر سٺ، جئي منڪي تمون نٺه همپڙاويھ.

آپڻه پڳونَ را سُونِڊل منگ ٿين پَوِيتَر نمُونَه ويو

2 ① تيام، تمِي ڪيا ٿي وير مت راکو، ڪيا ٿي نڳهي مت ڪرو، مونڊا را مينا ان من را ڪارا مت ٿيو، هڪا پيڙا مانه ريشي مت ٻڙو، ان ڪيا رئي ڳلا مت ڪرو. تمِي هائي ٻڌي پُونڌائي ساڌو. ② زم ننڪون ٻاڙون رو جيو مان رو اصلي دُوڌ ڌايا هارُو ڪرئ، تم تمِي نوا وشواسي ٿين پورا جيو ٿي پڳونَ را هاسا وچن ري واتون زوٿيا رئي ڪوشش ڪرو، زم هيا ننه مونيا ٿي تمِي وشواس ۾ آڳڙ وڌو، ان نيٺ تمون ننه تارن زڙئه. ③ ڪم تو زم دُوڌ ساڪيا ٿي ٻاڙ ننه ڪهر پڙه جي دُوڌ ڪتو نائوڪو سئه، تم ايسو ٿي واسطو راکيا ري ڪري تمون ننه ڪهر پڙه جي پريو ايسو ڪتو نائوڪو سئه.

④ پريو ايسو مانه وشواس راکو. اُو جيو تو سئه ان اُو رو اُو پڳونَ رو سُونِڊل پڇايا وازو ڪريست سئه جيا ننه شاستر ۾ ”پتر“ ڪيڏوه. منڪي اُوئا ننه گهٽ هزميو، پڻ اُو پڳونَ رو سُونِڊل ان مونَ وازو هتو. ⑤ ايسو مانه وشواس راکيا ٿي تمِي پڻ زوٿنه جيو تا پتر ٿيوه، ان زم پترون ٿي گهر سٺاهه، تم تمِي پڻ ٻڌائي پيڙا ٿيا ٿي پڳونَ رو گهر ٿيوه جيا موئين پَوِيتَر آتما رئه. ان هم تمِي پَوِيتَر پُوڙاري ٿيوه، زم تمِي پَوِيتَر آتما ري ڪڙا ٿي پڳونَ رئي ايوئي



پُوزا ان شيوا ڪرو، جيا ٿي ايسو ڪريست ري ڪري پڳوون ڪُش ٿئ. ⑥ ڪم تو شاستر ۾ ايسو را پارام پڳوون رئي اي وات لکل سئ:

”زوئو، هون صيهون نومي يروشلم را ڏونگر مانھ
هيك پتر ميلونھ،

جيو مارو سونيل ان مون واڙو
پُنياڌ رو ڪاس صحيح ان هرڪو پتر سئ.
ان جيو ڪوئي اوئا مانھ وشواس راکھ،
او هيا ري ڪري ڪيڏي لاسار نئين ٿئ.

⑦ تيام تمي جيا ايسو مانھ وشواس راکوه، تمون نئھ مون زڙشي. پڻ جيا ايسو مانھ وشواس نئين راکھ، اوئون نئھ سزا زڙشي. ڪم تو شاستر ۾ ايسو نئھ
”پتر“ ڪين ام لکل سئ:

”جيا پتر نئھ رازي گھٽ هزمين ڦڳوڙيوت پرو،
او هاڳي پتر ٻڌون ٿي ضرورت واڙو ٿيوھ.“

⑧ ان ام پڻ لکل سئ:

”او آڪڙايا واڙو پتر سئ، جيا ٿي منڪ پڙي زاشي.“

تيام، جيا منڪ ايسو ري واتون نئين مونئھ، او زوئئھ هيا پتر مانھ آڪڙين پڙي زاشي ان اوئون نئھ هميش رئي سزا زڙشي، زم پڳوون اوئون هارو اڳي
ڦينصلو ڪريوھ.

⑨ پڻ تمي تو پڳوون را سونيل منڪ سو. تمي پڳوون را راز را پوزاري سو جيا اوئا رئي پُوزا ان شيوا ڪروھ. تمي زوئئھ هيڪي ڪاس پويتر قوم را منڪ سو جيون نئھ پڳوون آپرئي شيوا ڪريا هارو سوندين راکياھ. ان تمي هيڪي منڌري را منڪ سو جي پڳوون آپ هارو ناوئيھ. پڳوون تمون نئھ سوندياھ زم تمي منڪون نئھ پڳوون رون موئون ڪومون را پارام همپڙاوو، جيئئھ تمارو آپ ٿي واسطو رکايوھ، ان هم تمون نئھ اندارا موئين ٿي ڪاڊين آپرا الاهي نائوڪا

سوجھرا موئين لايوه. ⑩ اڳي تمې پڳوون ري سونيدل قوم را منک نتا، پڻ هوه تمې پڳوون را سونيدل منک تياھ. اڳي پڳوون تمون مانھ ڏيا نتي کري، پڻ هوه پڳوون تمون مانھ ڏيا کريھ.

پڳوون را شيواڌاري تين ٻڌون منکون ٿي نائوکا نمونہ ويو

⑪ پريمي پايون ان بينون، هون تماري منٿ کرونه، جي تمې آپ ننه ايٿا کراب ڏنيا ۾ پرڏيشيون را زم ان توڙيڪ وار را هزمين، ڏنيا رون منکون را زم آپرون کراب کيالون مانھ مت وو. کم تو هائي کيال تماري پلاڻي رنه کلاڦ سھ، ان هايون مانھ وودا ٿي تمارو نقصون ٿيشي. ⑫ تماره وشواس نه راکيا وازون منکون وسا رين ايوتھ نائوکا نمونہ ويو کپنه، جي پلنه او همٿه تمون ننه کراب هزمين تماري گلا کري، توڻي پڻ او تمارا نائوکا کوم زويا ري کري وشواس اوئين پڳوون رنه نيا رنه ڏي پڳوون را وکوڻ کريھ.

⑬ جيا پڻ منک تمون مانھ اڪتياڙي راکنه، تمې پريو ري کري اوئون ٻڌون رو کيدو مونو. پاڌشا رو کيدو مونو، جيو ٻڌون مانھ راز کريا وازو سھ. ⑭ ان آڳوونون رو کيدو پڻ مونو، جيون ننه پاڌشا راز کريا ربي اڪتياڙي ڏيڏيھ، زم او کراب کوم کريا وازون ننه سزا ڏنه، ان نائوکا کوم کريا وازون را وکوڻ کريھ. ⑮ کم تو پڳوون ربي مرضي سھ، جي تمې هيوتھ نمونہ نائوکا کوم کريا ٿي هايون پي عقل منکون ننه ماٿ کراوو، جيا زوڻيا وگر آپون وشواسيون مانھ کوڙا الزوم هئھ. ⑯ ايسو مانھ وشواس راکيا ري کري تمې آزاده تياھ. تيام تمې آپ ننه آزاده هزمين وو. توڻي اي پونهونو مت کرو جي ”امي آزاده سون، تيام کراب کوم کري هيکونه.“ پڻ آزادي ٿي پڳوون را شيواڌاري تين وو. ⑰ ٻڌون منکون رو مون راکو. وشواسي پايون ان بينون ٿي پريم راکو، پڳوون ٿي پيٿائو، ان پاڌشا رو مون راکو.

گُلومون رٺ ايسُو را نمونا مانه وين گريبي ٿي ويو

⑱ گُلومون، تمی آپرون ڏٺيون رو پورو مون راکين اوئون رو ڪيڏو مونو. تماره نه رُوگُو اوئون ڏٺيون رو ڪيڏو مونو جيا نائوڪا سٺه ان نرمي هون وٺه، پڻ اوئون رو ڪيڏو پڻ مونو جيا گولا سٺه. ⑲ ڪم تو جي تمی پگهون ري ڪري صاف من راکيا هارُو پي انصافي ٿي ڏک سهوه، تو اي ٿورا جيوي وات سٺه. ⑳ هُوئه جي تمی ڏوه ڪريا ري ڪري صير ٿي مار کائوه، تو تمی ٿورا جيوو ڪي ڪروه؟ پڻ جي تمی نائوڪا ڪوم ڪروه ان توڻي ڏک وينوه، تو پگهون ري نظر ۾ اي ٿورا جيوي وات سٺه. ㉑ هم وُڍا هارُو پگهون تمارو آپ ٿي واسطو رکايوه. ڪم تو ايسُو ڪريست تمون هارُو ڏک سهيا، ان هم ڪرين اوئه تمون نئه نمونو ڏيڪارُو، زم تمی پڻ اوئا را نمونا مانه وو. ㉒ زم شاستر ۾ لکل سٺه:

”اوئه ڪئين ئي ڏوه نه ڪريو،

نڪو اوئه ڪوئي نڳي رٺي وات ڪري.

㉓ ڏٺيون منڪي ايسُو رٺي پيعزتي ڪري، تئيون اوئه پڌلا ۾ پيعزتي نه ڪري. ڏٺيون اوئه ڏک سهيا، تئيون اوئه ڪيا نئه ڌمڪايو نئين، پڻ اوئه پگهون مانه پروسو راکيو جيو انصاف ٿي ڦينصلو ڪريا واڙو سٺه. ㉔ ايسُو منڪ تين آپتون ڪرل ڏوهون رٺي سزا آپ هُوڙي مانه ڪاڏي، زم آبي ڏوهون ٿي سوتين پوري حياتي هُوڙي پگهون ري وات مانه وون. اوئا رٺه مار ڪاڏا ٿي تمی پچي گياھ. ㉕ ڪم تو اڳي تمی مارگ ساڏين ريون را زم ايل اول وينڪاتا، پڻ هُوئه تمی ايسُو ڪن پاسا آياھ، جيو ڌراڙ را زم تمون نئه همپازيا واڙو سٺه.

آڏمي ان ڏوشي رٺ هڪا بيزا ٿي ڪيو نمونء ويو

3 ① ڏوشيون، تمی همريم اپرا آڏمي ري مرضي مانه وو، زم تمارون آڏميون موئين ٿي جي ڪوئي پگهون رو وچن نه مونتو هوه، تو او آپري ڏوشي رو

وُودا رو نمونو زوئينَ وشواس اوئنه. هيونَه نمونَه تمارنه آپرا آدميَ ٿي وشواس اوٿيا را پارام وات ڪريا رئي ضرورت نئين پڙهه، ② ڪم تو او آپ زوشي جي تمى پڳوونَ رو مونَ راڪينَ پويتر نمونَه ووه ري. ③ تمى آپرا مٿوٺاڙ شٽگارينَ، هيمن را گهٺا هونٺ پيرينَ، ان نائوڪام نائوڪا لوگهڙا پيرينَ آپ ننه منڪون هومي نائوڪي مت ڏيڪارو. ④ پڻ تمى آپريون من ريون واتون مانه ڏيون ڏيو جي او نائوڪي هونَه. هيوي واتون تو ڏيڪيام نٿي آوتي، پڻ او شٽگار ريون شينهنون را زم ڪتم نئين ٿهه. تيام تمى نرمي ٿي وو ان شونٽي ٿي ريو، ڪم تو هيوي واتون پڳوونَ ري نظر ۾ گهٽي نائوڪي سهه. ⑤ ڪم تو اڳلوڪا زموناري پويتر ڏوشي، جي پڳوونَ مانه پروسو راڪتي، اوئي هم وودا ٿي ٿاپٽي ڏيڏي جي او نائوڪي ڏوشي سهه. او آپرون آدميون ري مرضي مانه ويتي، ⑥ زم ساره آپرا آدميَ ابراهيم رو ڪيڏو مونٽي ان اوئا ننه آپرو ڏي ڪيٽي. هونَه جي تمى اوئا را زم نائوڪا ڪوم ڪروه ان ڪيا ئي پيڪ ۾ هيمنت نٿي هارتي، تو تمى زوئنه ساره ري ڏيڪري سو.

⑦ آدميون، تمى پڻ هيونَه نمونَه ياڏ راڪو جي ڏوشي رئي طاقت آدميَ ٿي گهٽ سهه، ان تيام تمى پيڙا رينَ هر وات ۾ آپري ڏوشي رو ڪيال راڪو. ان تمى آپري ڏوشي رو مونَ پڻ راڪو، ڪم تو پڳوونَ ري ڪرپا ري ڪري تمون پيئون موٽهون ننه پڳوونَ را وائيدا پرمونَه هميش رو جيونَ زڙشي. ان هم وودا ٿي تمون ننه پراٿنا ڪريا ۾ ڪئين ڏوروڻ نئين ٿهه.

ايسنو مانه وشواس راڪينَ بڙون منڪون ٿي نائوڪه نمونَه ويوو

⑧ مارو ڪيڏا رو مطلب اي سهه، تمى ٻڌائي هيڪ من ٿين ريو، هيڪا پيڙا را هڪ ڏڪ ۾ پيڙا ٿيو، وشواسيون ٿي پايون بينون جيوو پريم راڪو، قياس ڪرو، ان من را گريپ ٿين وو. ⑨ زئيون منڪ تمون ٿي ڪراپ نمونَه وهه، تو پڌلام تمى اوئون ٿي ڪراپ نمونَه مت وو. ان زئيون منڪ تمارئي پيِعزتي ڪرئ، تو

پڌلام تمي اُوئون رئي پيِعزَتِي مت ڪرو. پڻ پڌلو ليڌا ري جڳا ۾ تمي اُوئون مانھ پڳوون رو آشيرواڏ مونڳو. ڪم تو پڳوون تمارو آپ ٿي واسطو ايئا هارو رکايوھ، زم تمون نئھ پڳوون رو وائيدو ڪرل آشيرواڏ زڙئھ. (10) زم شاستر ۾ لڪل سئھ:

”جيا ڪيا نئھ جيو تو ريا رئي سيڪ سئھ

ان او هڪي ريو ڪرئھ،

تو او ڪراپ واتون ڪريا ٿي پاھو ڏئھ

ان ڏڳا وازي واتون ڪريا ٿي شيئي پاڳئھ.

(11) او ڪراپ ڪوم ساڏين نائوڪو ڪوم ڪرئھ،

ان پورا من ٿي هپ ۾ رين هپ رکايا رئي ڪوشش ڪرئھ.

(12) ڪم تو جيا منڪ ايشور ري وات مانھ وئھ

ايشور اُوئون رئي همپاڙ ڪرئھ ان اُوئون رو هاڏ هومپڙئھ.

پڻ جيا منڪ ڪراپ ڪوم ڪرئھ،

ايشور اُوئون رئھ ڪلاڦ سئھ.“

(13) تيام، جي تمي پورا جيو ٿي نائوڪا ڪوم ڪروھ، تو ڪوڻ تمارو ايوو

نقصون ڪري هيڪئھ، جيا ٿي پڳوون رو وائيدو ڪرل هڪ نئين زڙئھ؟ (14) پلئھ

تمارئھ پڳوون ري وات مانھ وُودا ري ڪري منڪ تمون نئھ ڏڪ ڏئھ، توئي پڻ

تمي پاڳواڙا سو. تمي اُوئون منڪون ٿي مت پيئايا، نڪو پيڪ ري ڪري گنتي

ڪريا. (15) پڻ تمي آپرا من ۾ پرپو ايسو ڪريست نئھ پويتر مونو. ان زئيون ڪئيون

منڪ تمون ٿي پڙا پونس ڪرئھ جي تمي ايسو مانھ ڪم پروسو راکوھ، تو تمي

هميش آپرا وشواس را پارام هر منڪ نئھ هڙمايا هارو تيار ريو، (16) پڻ نمڙت ٿي


پڳوون رو مون راکين وو. ان آپرو من صاڦ راکو، زم زئيون منڪ تمارئي ڳلا

ڪرئھ، تو او منڪ لازي مرئھ، ڪم تو تمي تو ايسو ڪريست ٿي واسطو راکيا

ري ڪري نائوڪئھ نمونئھ ووھ ريا، ان او تمارا وُودا را نمونا رئي ڳلا ڪرئھ

ريا. ⑰ ڪم تو ڪراپ ڪوم ڪريا ري ڪري ڏڪ سهيا ٿي نائوڪو اي سئو، جي آبي نائوڪا ڪوم ڪريا ري ڪري ڏڪ سهون، جي پڳوون رئي هيوي مرضي هونءُ، تو.

⑱ ڪم تو ايسو ڪريست پڻ پيڏوهي ٿين ڏوهاري منڪون هارو ڏڪ سهين مريو. اونه ڏوهون ري ماڻهي ڏيورايا هارو آڀرو جيو ڏيڏو، زم هيڪه وار مريا ٿي او هميش هوڏي پڳوون ٿي تمارو واسطو رکاوئو. او منڪ ٿين مروٿو، ان پويتر آتما ري ڪرا ٿي جيوي اونين اوئو زائين پڳوون ره ڪلاڦ ووي واڙون آڪاشي ڏوتون نئو همپزياو، جيا سزا ۾ زوئو جيل موئين راکل هتا، جي هونءُ تمارو وجه ڪتم ٿي گيوه. ⑳ هائي او را او آڪاشي ڏوت سئو، جيئي اڳلوڪا زمونا ۾ پڳوون رو ڪيڏو مونيا ٿي نا پاڙيو تو. تيڏي نوح رون ڏيئون ۾، پڳوون منڪون رون ڪرل ڏوهون ٿي صير ڪريو، ان زئون هوڏي نوح پيڙو ناوي نه ريو، تنيون هوڏي پڳوون منڪون نئو سزا نه ڏيڏي. ان پسئو اوئو بوڏ ميلين منڪون نئو ڪتم ڪريا پرا. پڻ پڳوون اوئا پيڙا



مٺين ڪئينڪ منڪون نٿه پوڻي ٿي پڇايا، ٻڌائي پيڙا ٽين مُوڙگا آڻ زڻا پڇي
 ڳيا. (21) زڻيون پڳوون هيون نمونن منڪون نٿه پوڻي ٿي پڇايا، تو اونه زوڻه
 پوٽر سنون رو نمونو مور ٿي ڏيکارڻو، ڪم تو همڻه پڳوون پوٽر سنون را
 پوڻي ٿي تمون نٿه ڏوهون ري سزا ٿي پڇاڻه. پوٽر سنون ڏيل رو ڪاڻ اوتاريا
 هارو نٿي. پڻ پوٽر سنون ليڏا رو مطلب اي سٺه، جي آبي وائڏو ڪريو جي
 آبي پڳوون هوما صاف من ٿي وون. ان هيون نمونن پڳوون ايسو ڪريست ره
 جيوي اونيا ري ڪري آيون نٿه پڇاڻه. (22) ڪم تو ايسو آڪاش ۾ زائين پڳوون
 ره زمڻه پاهڻه مون ۾ پيڻوه. ان آڪاشي ڏوت، ان جيا رڻي پڻ اڪتيرائي سٺه،
 ان جيا رڻي پڻ ڪڙا سٺه، پڳوون اوتون ٻڌون نٿه اوتاهيڻ راکيا.

آيون ڪراپ ڪيالون مانه نه ويو پڻ پڳوون ري مرضي مانه ويو

4 ① هون ايسو ڪريست منڪ ٽين ڏڪ سهين مريو. تيام، زم قوجي هٿيار
 لين مقابله هارو تيار ٿه، تم تم پڻ ايسو جيوي سوچ راکين ڏڪ وينا
 هارو تيار ٿيو. ڪم تو جيئ پڻ منڪ پڳوون ري مرضي مانه وودا ري ڪري
 ڏڪ وينا، اونه ڏوه ساڏيا پرا. ② تيام هيوي سوچ راکين تم آڀري پوري
 حياتي ۾ وڙي آيون ڪراپ ڪيالون مانه مت وو، پڻ پڳوون ري مرضي مانه وينا
 ريو. ③ ڪم تو اڳي وشواسي ٿيا مور، زڻيون تم پڳوون نٿه نتا مونتا، تيڏي
 تم گهڻا وڪت هوندي ام وودا زم پڳوون نٿه نه مونيا وزون نٿه وٺه. تيڏي تم
 لوڙائي ڪرتا، آيون ڪراپ ڪيالون مانه وينا، ڌارو پيتا، عيش عشرت ڪرتا،
 نشو پين مست ٿيتا، ان پڳوون را حڪم ره ڪلاڦ مورتيون ان ڏيو ڏيوٽونون
 رڻي پوزا ڪرتا. ④ ان هون تمارا اڳوڪا ساڻي حيرون سٺه جي تم وڙي هر
 نمونا رڻي پونڌائي ڪريا هارو اوتون پيڙا نٿي وينا، ان هيا وات ري ڪري او
 تماره ڪلاڦ ٻولڻه. ⑤ هائي منڪ پڳوون نٿه حساب ڏيشي، جيو همڻه پڻ
 جيوتون ان مرلون رو نيا ڪريا هارو تيار سٺه. ⑥ ڪم تو پڳوون رڻي ڏيڏل

ڪشي رڻي ڪهر ايتا هارو اوتون منڪون نئه همپڙاوي گهي تئي، جيئي وشواس اوڻيو پڻ همئنه مري گياھ، زم منڪ پلئه آپري سوچ پرموئنه ام هزمئه جي ”او تو مري گياھ، اوتون رو وشواس راکيا رو ڪئين قائيدو نئي ٿيو.“ توئي پڻ پڳوون آپري سوچ پرموئنه پويتر آتما ري ڪڙا ٿي اوتون نئه هميش رو جيون ڏيشي.


نيا رو ڏي ڏوڪڙو سئ، نيام پورا من ٿي پڳوون ري وات مانھ ويوو

⑦ پڻ دنيا ري پچاڙي رو توڻو هوئنه ڏوڪڙو سئ. تيام تمې عقل راکو، ان آپرو من آپرا ڪيڏام راکو زم تمې پرائنا ڪري هيڪو. ⑧ ڪاس ڪرين تمې هيڪا پيزا ٿي پورا من ٿي پريم راکو، ڪم تو پريم ري ڪري منڪون رون گهڻون ڏوهون رڻي ماڻي زڙهه. ⑨ هيڪا پيزا رڻي مزمونئي ڪرو، ان مزمونون را پارام مت پرڙو. ⑩ جيا ڪيا رڻي هيئت پڳوون تمون نئه ڏيڏيھ، تمې هر هيڪا هيا هيئت پرموئنه هيڪا پيزا رڻي شيوا ڪرو. ڪم تو پڳوون آپري ڪڙيا ٿي تمون نئه ڌار ڌار ڪوم ڪريا رڻي هيئت ڏيڏيھ، ان تمون مانھ اي قرض نوڪيوھ، جي تمې آپري آپري هيئت پرموئنه اوڻا رون منڪون رڻي شيوا ڪرو. ⑪ جي ڪياڪ نئه پڳوون را پاھا ٿي ٻوليا رڻي هيئت زڙيھ، تو او پڳوون ري واتون شيڪاڙهه. جي ڪياڪ نئه شيوا ڪريا رڻي هيئت زڙيھ، تو او پڳوون ري ڏيڏل پوري طاقت ٿي شيوا ڪرئ، زم هر وات ۾ ايسو ڪريست ري ڪري پڳوون را وڪوڻ ٿه. پڳوون را وڪوڻ ان ڪڙا هميش هوڏي هوئنه! آمين.

ايسو مانھ وشواس راکيا ري ڪري ڏڪ سهوو

ڪشي رڻي وات سئ

⑫ پريمي پايون ان بينون، ايتا وات مانھ حيرون مت ٿيو جي تمون مانھ ڏوروڻ ان ڏڪ سئ. اي تيام اوئھ زم آزمتو ٿه جي تمې هاسو وشواس راکوه ڪا نا. ايتا



۾ حيروني رڻي ڪئين وات نٿي. (13) پڻ تمي ڪش ٿيو جي تمي ايسو ڪريست را زم ڏڪ سهوھ ريا، زم تمي اونه ڏي پڻ الاهي گهڻا ڪش ٿيو زئيون ايسو ڪريست وڙي پاسو آوين زبڪتا سوجهرا ۾ ساوو ٿيشي. (14) جي منڪ ايئا وات ري ڪري تمارڻي پيعزتي ڪرھ،

جي تمي ايسو ڪريست مانھ وشواس راڪوھ، تو تمي يا گوازا سو، ڪم تو هائي ٿاپتي سڻه جي پگھون رو ڏيدل مون واڙو پويتر آتما تمون ۾ رھ. (15) ام نه ٿه جي تمون موئين ٿي ڪوئي تيام ڏڪ سهڻھ، جي او ڪوني، ڪا سور، ڪا ايوا پيزا نمونا رو ڏوهاري سڻه، ڪا وڙي واتون آگهي پاسي ڪريا واڙو سڻه. (16) پڻ جي تمي وشواسي هويا ري ڪري ڏڪ سهوھ، تو تمارڻه ام نه هزموو جي اي پيعزتي رڻي وات سڻه، پڻ تمارڻه پگھون زا وڪون ڪروو جي تمي ايسو ڪريست رڻي ڪري ڏڪ سهوھ ريا. (17) ڪم تو او توڻو آيوھ رو زئيون پگھون نيا ڪرين منڪون نٿه سزا ڏيشي. ان او هائي ڪوم آپرون منڪون ٿي شروع ڪرشي. تيام اي ڏڪ ڏوروڻ پگھون را پاها ٿي شيڪت سڻه. زئيون همڻه آپون وشواسيون نٿه ايوي شيڪت زڙه رڻي، تو پسڻه آڪر ۾ اوڻون منڪون نٿه ڪتي گهڻي سزا نئين زڙه، جيا پگھون رڻي ڏيدل ڪشي رڻي ڪبر نٿي مونتا؟ (18) ڪم تو شاستر ۾ ام لڪل سڻه:

”جي پگھون ري وات مانھ وويدا واڙا مس مس پچي زاشي،

تو پگھون رڻه ڪلاڦ وويدا واڙون ان ڏوهاري منڪون را ڪيوهاڙ ٿيشي؟“
 (19) تيام جيا منڪ پگھون ري مرضي پرموڻه ڏڪ ويڻه، اوڻون رڻه آپ نٿه پگھون ري همپاڙ ۾ راڪوو، جيو آپرا وائيڏا رو هاسو سڻه، ان جيڻه اوڻون نٿه نايه، ان هم ڪرين ناوڪا ڪوم ڪرتا ريوو.


وشواسي مندڙي رون اڳيونون رءُ ڳريبي ٿي ويو

5 ① تيام، تمون مويئن ٿي جيا منڪ وشواسي مندڙيون مانھ اڳيون سءُ، ماريي تمون ٿي وينتئي سءُ. هُون پڻ تمارا زم اڳيون سون، ان ايسو ڪريست رئي هاڪ پريا هارو ڏڪ وينونھ. ان مون نءُ پڻ تمون پيرو او آڪاشي مون زڙشي، جيو ايسو رءُ پاسو آيا رءُ ڏي ساوو ٿيا واڙو سءُ. ② هُون تماري منٽ ڪرونھ جي تمي پڳوون رون منڪون رئي همپاڙ ڪرو جيا تمارءُ حوالءُ سءُ، زم ڌراڙ آڀرا ڏئي ريون رڍيون رئي همپاڙ ڪرھ. تمي مجپوري ٿي نئين، پڻ پڳوون ري مرضي پرمونءُ ڪشي ٿي اوئون رئي همپاڙ ڪرو. تمي لالچ ٿي نئين، پڻ شونق ٿي هائي ڪوم ڪرو. ③ ان جيا منڪ تمارءُ حوالءُ ڪرل سءُ، اوئون مانھ موتون ساپون را زم آڀرا حڪم مت ويوراوو، پڻ وشواسي مندڙي رون منڪون نءُ نائوڪو نمونو ڏيڪاڙو. ④ هيوءُ نمونءُ زئون ايسو پاسو آوين ساوو ٿيشي، جيو وشواسي مندڙي رو موٽو اڳيون سءُ، تئين تمون نءُ انصاب ۾ هميش رو آڪاشي مون زڙشي، زوئءُ جيت رو تاج جيو ڪيڏي ڪتم نئين ٿم.

⑤ هيوءُ نمونءُ، تمي جيا جوڻ سو، تمي گهرڍيون رو ڪيڏو مونو. ان تمي ٻڌائي ڳريبي ٿي هڪا پيزا رئي شيوا ڪرو، ڪم تو شاستر ۾ ام لڪل سءُ:
 ”پڳوون وڏائو ڪريا واڙون رءُ ڪلاڦ سءُ،
 پڻ ڳريبي ٿي وڍا واڙون مانھ ڪريا ڪرھ.“

پڳوون هوما ڳريبي ٿي ويو ان شيطون ٿي هوشيار ريوو

⑥ تيام ڪڙا واڙا پڳوون هوما ڳريبي ٿي وو، زم او تمون نءُ دنيا ري پچاڙي را توٿا مانھ مون ڏم. ⑦ ان آڀري هر هڪ ڳتئي پڳوون مانھ ساڏو، ڪم تو او تمارو ڪيال ڪرھ. ⑧ عقل راکو، ان هوشيار ريوو. زم شينھ هونگر ڪرتون شڪار



ري ڳوت ۾ آهڻه پاهڻه ڦرتو رهڻ، تم تمارو ڏشمن شيطونَ تمون نڻه وِشواس سڏايا رو وجه ڳوتڻه ريو. ⑨ ٽمي پڪو وِشواس راڪين شيطونَ رو مقابلو ڪرو، ڪم تو تمون نڻه ڪبر سڻه جي پوري ڏنيا ۾ تمارا وِشواسي پائي تمارا زم هاڳي نمونڻه ڏڪ ويڻڻه ريا.

⑩ پڳونَ جيو هميش ڪرپا ڪرڻه، اونه تمارو آپ ٿي واسطو رکايوه، زم ٽمي اوتا پيڙا ايسو ڪريست ٿي واسطو راڪيا ري ڪري هميش هوڏي آڪاشي مون ۾ ريو. ان زئيون ٽمي توڙاڪ وڪت هارو ڏڪ سهيا، تئيون پڳونَ تمون نڻه هڪ ڏيشي، تمارو وِشواس پڪو ڪرشي، تماري هيمنت وڌارشي، ان تمون نڻه وِشواس ۾ اڏڳ راڪشي. ⑪ اوتا رئي ڪرا هميش هوڏي سڻه. آمين.

پطرس وِشواسيون نڻه اڪري واتون ڪڻه

⑫ مئين اي نونو ڪت سلوانس ري هاڻي لڪايوه، جيا نڻه هون ايمونڌار وِشواسي پائي هڙمونڻه، زم هون تمون نڻه حوصلو ڏيون ان هاڪ پرين ٿايتي ڏيون جي

پڳوونَ هاس ۾ تمون مانھ ڪُريا ڪرئيه ان تمون نئه تارڻ ڏيشي. ان تمی ھایا
وات مانھ پڪو وشواس راکتا ریو.

⑬ ایٽ رئي وشواسي منڌڙئي، جيئي ڏنيا ۾ پرڏيشي را زم زوئنه بابل شهر
۾ ره، ان تمارا زم پڳوونَ رئي سونڊل سئه، او تمون نئه نمسڪار ڪئه. ان مارو
پریمی مرقس، جیو مون هارو آپرا ڏيڪرا جیوو سئه، او پڻ تمون نئه نمسڪار
ڪئه. ⑭ تمی هیڪا بیزا هون پریم ٿی مڙو.

پڳوونَ تمون ٻڌون نئه هڪي راکئه، جیا ايسو ڪريست ٿي واسطو راکوه!

پطرس را لکل پيزا کت رڙي هزموڻي

کت لکيا وازو

اي کت پطرس لکيو (2 پطرس 1:1). پطرس رو اصلي نوم شمعون هتو ان تيا کيڙ ايسو اوتا رو نوم پطرس راکيو، تيام اوتا نٺ شمعون کا شمعون پطرس پڻ کٺه (متي 16:17-18). پطرس ان اوتا رو پائي اندرياس ايسو رون بارون سونڊل شيلون موئين ٿي هئا، جيون نٺ ايسو اپرا مک شيل پڻ کيڙا (لوقا 6:13-14، 2 پطرس 1:1). پطرس ايسو نٺ اونکيڙي ڏيکيو زئيون ايسو زبکتا سوجهرا جيوو ٿيو، ان اوت ٺوٺه پطرس پڳوون رو آواز ام کيتون هومپڙيو جي ايسو پڳوون رو ڏيکرو سٺ (متي 17:5، 2 پطرس 1:16-18). ايسو هوزي مانه مريا کيڙ جيوي اونين پطرس نٺ ان پزون مک شيلون نٺ ڏيکارا ڏيڏا، ان پطرس نٺ وشواسي منڌري مانه اڳيون راکيو (يوحنا 15:17-21). اوت ٺوٺه ايسو پطرس نٺ مور ٿي همپڙيو جي او وشواس راکيا ري ڪري مارشي (يوحنا 18:21-19، 2 پطرس 1:14).

پطرس اي کت روم شهر ٿي اندازام 65-68ع ۾ لکيو، زئيون ڏوڪرو هتو ان اوتا نٺ کبر هتئي جي اوتا رو موت رو ٺوٺو ڏوڪرو آيوه رو. پطرس روم شهر ۾ ايسو مانه وشواس راکيا ري ڪري، اندازام 68ع ۾، رومي پادشا نيرو را راز ۾ هوزي مانه مروٺو (يوحنا 18:21-19).

کت کيون منڪون هارو لکيو

ايڪا کت ۾ نٺي لکل جي پطرس کيا ملڪ کا شهر رون وشواسيون هارو اي کت لکٺه ريو، پڻ ام لکل سٺ جي همٺه اي پيزو کت سٺ جيو پطرس اوتون منڪون نٺ لکٺه ريو (2 پطرس 1:3). تيام اپون نٺ پطرس را پيرهيان کت ٿي کبر پڙٺه جي اوت اي کت گهٺون علاقون رون وشواسيون نٺ لکيو جيا رومي حڪومت رون پٽس، گلتيه، کيڙڪه، اسپه ان پٺونيه نومي صوبون موئين ريتا (1 پطرس 1:1). هاڻي علاقا همٺه ترڪي نومي ملڪ ۾ سٺ. اوت را ڪئينڪ وشواسي يهودي قوم را هئا، پڻ گهٺا ڌاريون قومون را هئا.

کت لکيا رو مطلب

پطرس ڏوڪرو ٿيو تو، ان پريو ايسو رون اصلي شيلون موئين ٿي گهٺا منڪ مري گيا تا. پطرس نٺ کبر هتئي جي ڪراب منڪ وشواسي منڌريون ۾ اوين ڪوڙي وانون شيڪارشي. اوتا وکت ۾ ڪئينڪ منڪ اي ڪوڙي وانون شيڪارشات ريا جي پريو ايسو منڪون رو نيا ڪرو پاسو نئين اوت، ان منڪ پلٺ پونڌا ڪوم ڪرٺ، تو اوتون نٺ پڳوون رڙي سزا نئين زڙٺ. تيام پطرس

مریا مور اي ڪت لکيو زم ايسو ربي هاڪ پرڻه ان وشواسيون ننه ٿاڀيئي ڏٺه جي ايسو هاس م
پڳوون رو ڏيڪرو سڻ، ان پڳوون را وائيدا پرموئنه نيا ڪروا ضرور اوشي. تيام وشواسيون
رڻه ڪراپ منڪون ري ڪوڙي وانون نه مونوو، پڻ پڪو وشواس راڪين پويتر نموننه پڳوون ري
مرضي مانهه وينا ريوو.

ايئا ڪتاب را شاستر تي بيضا حوالا:

2 پطرس 1:10 مٽي 2:10	2 پطرس 6:2 پيدائش 19:1-28
2 پطرس 1:1 مرقس 3:14-16	2 پطرس 7:2 پيدائش 19:12-26
2 پطرس 1:1 لوقا 6:13-14	2 پطرس 8:2 پيدائش 19:4-9
2 پطرس 14:1 يوحنا 21:18-19	2 پطرس 15:2 گيتي 22:4-22
2 پطرس 16:1-18 مٽي 17:1-8	2 پطرس 15:2 استيشنا 23:4-5
2 پطرس 16:1-18 مرقس 9:2-8	2 پطرس 15:2 گيتي 31:16
2 پطرس 16:1-18 لوقا 9:28-36	2 پطرس 16:2 گيتي 22:21-35
2 پطرس 17:1 مٽي 17:5	2 پطرس 22:2 امثال 26:11
2 پطرس 17:1 مرقس 9:7	2 پطرس 5:3 پيدائش 1:6-10
2 پطرس 17:1 لوقا 9:35	2 پطرس 6:3 پيدائش 7:6-23
2 پطرس 1:2 يرمياہ 14:14	2 پطرس 8:3 زبور 90:4
2 پطرس 4:2 1 پطرس 3:19	2 پطرس 12:3 يسعياہ 34:4
2 پطرس 4:2 يهوداه 1:6	2 پطرس 13:3 يسعياہ 65:17
2 پطرس 5:2 پيدائش 6:5-8	2 پطرس 15:3 روميون 2:4

پطرس

رو لکل پیزو کت

1 ① هُون لکيا واژو شمعون پطرس سون، جيو ايسو کريست رو شيواداري ان هيک مُک شيلو سون.

پريمي وشواسي پايون ان بينون، تمی جيون نئه آپئا پگوون ان پچايا واژا ايسو کريست ري انصاقي ري کري امارا زم هاگي وشواس راکيا رو موقعو زڙيوه، جيا رو کوئي مول نئي،

② پگوون نئه ان آپئا پريو ايسو نئه اوژکيا ري کري، تمون نئه گهئي کريا ان هک زڙئه.

ناٹوڪئ نمونئ ويوو زم وائيدو کرل تارن زڙئ

③ ايسو آپري حياتي ۾ آپرو زبکتو سوجهرو ڏيکاريا ٿي ان ناٹوڪا کوم کريا ٿي آپئو واسطو آپ ٿي رکايو. ان آپئنه ايسو نئه اوژکيا ٿي، پگوون آپري کڙا ٿي ايئا حياتي ۾ اوئا ري مرضي مانه وودا هارو ان هميش رو جيون ليذا هارو آپون نئه ٻڌوئي کئين ڏيدوه. ④ هيون نمونئ ايسو آپون ٿي قيمتي ان گهئا موتا وائيدا کرياه، زم هايون وائيدون پرموئنه تمی پگوون جيو ٿين ناٹوڪئ نمونئ وو ان هميش هوڏي پگوون را زبکتا سوجهرا ۾ جيوتا ريو، ان دنيا ري پوندائي ٿي ان پريادي ٿي پچي زائو، جي منكون رون کراب کيالون ري کري دنيا ۾ ٿيتي ره.

⑤ تيام تمی پُورئي ڪوشش ڪرو جي تمی وشواس راکين نائوڪا ڪوم پڻ ڪرو، ان نائوڪا ڪوم ڪرين عقل پڻ راکو، ⑥ ان عقل راکين آپرو من آپرا قَوَضام پڻ راکو، ان آپرو من آپرا قَوَضام راکين ڏوروڻ پڻ صير ٿي سهو، ان ڏوروڻ صير ٿي سهين پڳوون ري مرضي مانھ پڻ وو، ⑦ ان پڳوون ري مرضي مانھ وين آپرون وشواسي پايون ان پينون ٿي هپ پڻ راکو، ان آپرون وشواسي پايون ان پينون ٿي هپ راکين پريم پڻ راکو. ⑧ ڪم تو جي تمون ۾ هائي ٻڌي واتون هوئە ان وڌتي زائە، تو تمارئە آڀڻا پريو ايسو نئە اوڙڪوو نالو ان نڪومو نئين ٿئە، پڻ هيا ٿي نائوڪا ڪوم ان پيزون رو ڦائيدو ٿيشي. ⑨ پڻ جيا منڪ ۾ هائي واتون نٿي، او زوئئە اونڌو سئە ان گهٽ نظر واڙا را زم پُولل سئە، ڪم تو اوئە وات ويهارئيه پري جي پويتر سنون ليڏا ري ڪري اوئا نئە اڳلوڪون ڪرل ڏوهون ربي ماڻهي زڙئي ٿي.

⑩ پايون ان پينون، پڳوون تمارو آپ ٿي واسطورڪايوه ان تمون نئە سوندياه زم تمون نئە تارڻ زڙئە. تيام تمی نائوڪئە نمونئە ووڊا ربي وڌارئە گهڻي ڪوشش ڪرو، زم ٿايتي ٿئە جي تمی تارڻ ليڏا واڙا سو. ڪم تو جي تمی هيونئە نمونئە ويشو، تو تمی ڪيڏي نئين پڙو. ⑪ ڪم تو هيونئە نمونئە ووڊا ري ڪري پڳوون آپري ڪرپا ٿي تمون نئە آڪاش ۾ اوڪار ڏيشي، جيئئە تمی آڀڻا پريو ان پچايا واڙا ايسو ڪريست را راز ۾ هميش هُوڏي ريشو.


بطرس مريا مور ايسو ربي هاڪ پرين هاسي واتون ياڏ ڏيورائوئە

⑫ تيام هون اي ڪت لڪونھ ريو، زم تمون نئە هميش هُوڏي هايون واتون ربي ياڏ رئە. تمون نئە تو اڳي هايون واتون ربي ڪهر سئە، ان تمی همئئە هايون هاسيون واتون پرموئئە ايسو مانھ پڪو وشواس راکوه. ⑬ توئي پڻ مئين نائوڪو هزميوھ جي زئيون هُوڏي هون حياتي سون، تئيون هُوڏي هون تمون نئە ياڏ ڏيوراوون. ⑭ ڪم تو مون نئە ڪهر سئە جي مارو مريا رو توڻو ڏوڪڙو آيوھ رو، زم آڀئئە

پريو ايسو پڻ هائي وات ساوئي ڪرين مون نئه ڪيڏو تو. (15) ان هون اي پڻ
ڪوشش ڪريه جي مارا مريا ڪيڙ تمي هائي واتون هميش ياڌ راکو.

پطرس هاڪ پريه جي شاستر ۾ اڳي لکل واتون پرموئڻ ايسو ضرور زبڪتا سوجهرا ۾ وڙي پاسو اوشي

(16) زئيون امي تمون نئه ڪبر ڏيڏئي تمي جي آڀڻو پريو ايسو ڪريست آڀري
ڪڙا ساوئي ڪرين وڙي پاسو اوشي، تئيون امي منڪون ري عقل تي ٺاول ٺالي
وارتائون مونين هم نٿو ڪيڏو. پڻ امي تو اونڪيئي ڏيڪيو تو، جي ايسو ڪيوو



موتو ان مون وازو سئه. (17) ڪم تو پڳوون ٻاپ را پاها
ٿي اوثا نئه مون زڙيو ان او زبڪتا سوجهرا ۾ ڏيڪوئو.
اوتئ توتئ پڳوون را پاها ٿي، جيو ٻڌون ٿي موتو ان

مون وازو سئه، ايسو نئه ام آواز آيو: ”اي مارو ڏيڪرو سئه جيا ٿي هون پريم
ڪرونه، ان ايٺا ٿي هون گهڻو ڪش سون.“ (18) ان هائي آواز امي آڀري ڪوني
آڪاش ٿي آتون هومپڙيو، زئيون امي ايسو پيڙا پويتر ڏونگر مانه هتا.

(19) ان تيام امون نئه ايٺا رٿي پڪئي ڪاترئي سئه، جي پڳوون رو نياپو ڏيڏا
وازون ري شاستر ۾ اڳي لکل واتون پوري ٿيشي. ان تمي ٺاڻوڪو ڪرشو، جي
تمي هايون شاستر ريون واتون مانه ڏيون ڏيشو. هائي شاستر ري واتون ڏيوا را
زم سئه جيو انڌارا ۾ سوجهرو ڏئه، زئيون هوڏي تارڻ رو ڏي نه اوڳئه ان ايسو
پاسو آوين پروڙيا تارا را زم ساوو نه ٿئه. تيڏي تمارا من ۾ پڳوون رو پورو
سوجهرو ٿيشي ان تمي پورئه نمونئه پڳوون نئه اوڙڪشو. (20) تمارئه اي موٽئي
وات زوٿو ڪپئه، جي پڳوون رو نياپو ڏيڏا وازون ري ٻڌي ڪيڏل واتون جي
شاستر ۾ لکل سئه، او ٻڌي واتون منڪي آڀري سوچ ٿي نتي ڪيڏي. (21) ڪم تو
پڳوون رو نياپو منڪي آڀرا پاها ٿي ڪيڏي نٿي ڏيڏو، پڻ منڪي پويتر آتما ري
ڪڙا ٿي پڳوون را پاها ٿي واتون ڪريه.

ڪوڙي واتون شيڪاڙيا وازون نئه ڀڳوون سزا ڏيشي

2 ① تيدوڪا زمونا ۾ اسرائيلي قوم موئين ڪئينڪ ايو منڪ پڻ هتا جيا آپ نئه ڀڳوون رو نياپو ڏيدا وازا ڪين ڪوڙي واتون شيڪاڙتا. ان هيونئ نمونئ تمون موئين پڻ هيوا منڪ ٿيشي جيا ڪوڙي واتون شيڪاڙشي. هائي منڪ وشواسي منڌڙي ۾ ڪوڙي واتون پڪيڙشي، جيون نئه مونيا ٿي منڪون نئه هميش رئي سزا زڙشي. ان او ايسونئ آڀرو ڏئي نئين مونئ، جيئئ آڀرو جيو ڏيدا ٿي اوئون نئه زوئئ ويساناتا لين آڀرا منڪ نياها. هائي منڪ هميش ري سزا ۾ آپ نئه نوڪشي، ان او سزا هايون نئه جلدي زڙشي. ② ان گهئا منڪ اوئون لار وين اوئون را زم پوندائي ڪرشي، ان اوئون ري ڪري وشواسي ڌرم را هاسا مارگ رئي پيعرئي ٿيشي. ③ ان او ڪوڙي واتون شيڪاڙيا وازا لالچ راڪين آڀري ناوَل واتون شيڪاڙيا ٿي تمون ٿي نڳي ڪرين آڀرو قائيدو ڪاڏشي.

پڻ اوئون نئه سزا ڏيدا رو ڦينصلو ڀڳوون را پاها ٿي زونا وڪت ٿي ٿيل سئ، ان او ڦينصلو نالو نئي. ڀڳوون اوئون نئه هميش را موت رئي سزا ڏيشي، ان سزا ڏيدا ۾ ڌير نئين ڪرئ.

④ ڀڳوون آڪاشي ڏوتون نئه سزا ڏيدا ٿي پاھو نه ڪريو، زئيون اوئي ڏوه ڪريو، پڻ اوئون نئه سزا ري جگا رون پونٿيرون ۾ اندارا گهش ۾ راڪيا، زم نيا رئه ڏي اوئون نئه سزا ڏئ.

⑤ ان ڀڳوون اڳلوكي ڏنيا رون منڪون نئه سزا ڏيدا ٿي پاھو نه ڪريو، پڻ ڏنيا ۾ بوڏ ميلئي. ڀڳوون نوح نئه ڀچايو، جيو منڪون نئه ڀڳوون ري وات مانھ وودا رو همپڙاوتو، ان نوح پيڙا پيڙون هات منڪون نئه پڻ ڀچايا. پڻ جيا منڪ ڀڳوون رئه ڪلاڦ وودا وازا هتا، ڀڳوون اوئون نئه بوڏ ٿي ماريا پرا.

⑥ ان ڀڳوون سدوم ان عموره نومي شهرون نئه سزا ڏيڏي، ان اوئون مانھ آقت ميلين بازيا پرا، زم اوئون ٿي وات ساوئي ڏيڪائھ جي ڀڳوون رئه ڪلاڦ

وُودا وازون نئه سزا زڙشي. ⑦ پڻ اُوئه لُوط نئه پچايو، جيو پڳوون ري وات مانه وُودا وازو هتو، ان پڳوون رو ڪيڏو نه مونيا وازون ري پُونڌائي ان پُونڌا ڪوم ري ڪري گهڻو ڏکي هتو. ⑧ ڪم تو پڳوون ري وات مانه وُودا وازو لُوط اوت رون منڪون وسا ريتو، ان روز روز ڏيڪتو ان هومپڙتو جي او منڪ پڳوون رو ڪيڏو نه مونيَن ڪيوا ڪراپ ڪوم ڪرئ. ان اوتا نئه گهڻو ڏورو لاڳتو، ڪم تو او صاف من رو هتو.

⑨ تيام وات ساوئي سئه جي ايشور زوئنه جي جيا منڪ اوتا ري مرضي مانه وئ، اوتون نئه ڏوروڻ ٿي ڪم ڪرين پچاوو، ان جيا منڪ اوتا ري وات مانه نٿي وِيتا، اوتون نئه سزا ڏيتون نيا را ڏي ري سزا هارو ڪم ڪرين راکوو. ⑩ ان پڳوون ڪاس ڪرين اوتون منڪون نئه سزا ڏيشي، جيا اپرون ڪراپ ڪيالون مانه وين پُونڌو ڪوم ڪرتا رئ، ان پڙيو ايسو رو ڪيڏو نه مونيَن اوتا نئه ڪئين نٿي هڙمتا.

هائي ڪوڙي واتون شيڪاڙيا وازا اوپروٽ ٿين ڪيا ٿي نٿي پيڻاتا ان ڪيا رئي وات نٿي مونتا. او مون وازون آڪاشي ڏوتون رئه ڪلاڦ بوليا ٿي پڻ نٿي پيڻاتا، پڻ شيطون را پاها رون ڏوتون نئه آپ ٿي گهٽ هڙمين اوتون رئي پيعزتي ڪرئ. ⑪ پڻ پڳوون را پاها را آڪاشي ڏوت آپ، جيا اوتون شيطون را پاها رون ڏوتون ٿي طاقت وازا ان ڪڙا وازا سئه، او پڻ ايشور رئه روپرو هايون ڏوتون رئه ڪلاڦ بولين اوتون نئه سزا ڏيڏا رو ڦينصلو نٿي ڪرتا. ⑫ پڻ هائي منڪ پي عقل زناورون را زم سئه، جيا ڪئين نه هڙمين روڳا اپرون ڪيالون مانه وئ، ان روڳا زهلايا هارو ان ڪتم ٿيا هارو پيڏا ٿئ. ڪم تو هائي منڪ اوتون رئه ڪلاڦ بولئ، جيون را پارام هايون نئه ڪئين ڪبر نٿي، ان زم زناور شڪار ٿين ڪتم ٿئ، تم هائي منڪ پڻ هميش را موت رئي سزا ڪائين ڪتم ٿيشي. ⑬ او پيزون رو پُونڌو ڪرئ، ان هايا را ايوزام پڳوون اوتون نئه پُونڌي هازي سزا ڏيشي. ڪم تو اوتون رو شونق اي سئه جي او ڏي را ساوئ ڊاڙئه عيش عشرت ڪرئ.

زئيون تمي ٻڌائي پيڙا ٿين ڪاڻوھ، تو او تمون پيڙا ڪائين ڏڳو ڪرتون روڳا موج
 مزو ڪرڻ، ان تماري وشواسي منڌڙي ۾ او زوئنه ڪرايو ان عيپ سئ. (14) او
 روڳي پونڌي نظر راکڻھ ان ڏوھ ڪريا رو وجه هميش گوتتا رڻھ. او ايون
 منڪون نئھ چڪين ڦٽراوئھ، جيا پڪو وشواس نٿي راکتا. او من ۾ لالچ راڪي
 راکين لالچ راڪيا ۾ پڪا ٿياھ. او پڳوون را پئٺل سئ. (15) او سڌو مارڳ ساڌين
 اوڙئ پاهئھ ڳياھ، ان بعور را ڏيڪرا بلعام را زم لالچ را
 مارڳ مانھ وئھ ريا، جيئھ اتئي لالچ راڪي جي ڏوھ ڪريا
 را ايوزام پاسل پئھون ھارو ڪرين او پڳوون رڻھ ڪلاف
 وودا ھارو تيار ھتو. (16) پڻ ڪيڏو نہ مونيا ري ڪري پڳوون
 اوئا رو ڏوھ ڪايو. پڳوون پي زيون گڏيڙي نئھ منڪ را
 گھوڙ ٻوليا رئي ھيمت ڏيڏي، ان گڏيڙي ٻولين پڳوون رو
 نياپو ڏيڏا وازا بلعام نئھ آڀري گونڌائي ٿي روڪيو.



(17) ھائي منڪ ناليون ويرون را زم سئ، جيون ۾ پوئي سئ ٿي نئين. ان ڏنڌ
 را زم پي ڦاٽيڏا سئ، جيا نئھ واوڙ اوڏاڙي زائھ. تيام پڳوون ھايون نئھ سزا
 ڏين اندارا گھش ۾ راکشي. (18) ڪم تو او موتي موتي نالي واتون ڪرڻ، ان
 ھم منڪون نئھ اوئون رون ڪراپ ڪيالون ري ڪري پونڌائي ھوما توئھ. ھيوئھ
 نمونئھ او اوئون منڪون نئھ ڦٽراوئھ، جيا اڳي ڪوڙيون واتون مانھ وينا ان
 ھمئھ روڳا توڙيڪ وار ھارو ھم وودا ٿي پچي ڳياھ. (19) او منڪون نئھ آزادئي
 ٿورڻ، پڻ او آپ زوئنه ڳلوم ٿين پونڌائي ۾ قائل سئ، ان پڳوون ري سزا ٿي
 پرياد ٿيا وازا سئ. زم ڪيئتي سئ: ”جيا را قوضام ڦاٽيوھ، اوئا رو ڳلوم
 ٿيوھ.“ (20) ڪم تو زئيون او اپئا پڙو ان پچايا وازا ايسو ڪريست نئھ اوڙڪيا
 ٿي ڏنيا ري ٻڌي پونڌائي ٿي پچي ڳيا تا، پڻ وڙي ھايا پونڌائي ۾ ڦاٽين اوئا
 را قوضام آياھ، تئيون اوئون رئي ھمٽوڪئي حالت اڳلوڪي حالت ٿي گھٽي
 ڪراپ ٿي گئھ. (21) زئيون اوئون نئھ پڳوون ري وات مانھ وودا را مارڳ رئي

ڪبر هٿي، ان توڻي اُوڻي زوڻي ڪرين اُوڻا پَوِيتَر حُڪم مانھ وُوڍا رو ساڏيوھ پرو، جيو اُوڻون نئھ پيزون ٿي ڏيڏل هتو، تو نائوڪو ام ٿتت جي اُوڻون نئھ پگھون ري وات مانھ وُوڍا را مارڳ رڻي ڪبر ٿي نه پڙتت. (22) اي ڪيٿيئي اُوڻون مانھ هاسئي ٿيھ:

”ڪوترو اوگرزين وڙي پاسو او ڪاھ.
پونڏن جهيلين وڙي پاسي گپ ۾ آڙيئھ.“

پرپو ايسنو ضرور پاسو اوشي، نيام اُوڻا رو ڪيتو موننا ريوو

3 ① پريمي پايون ان بينون، اي مارو تمون نئھ لڪل پيزو ڪت سئھ، ان زم مئين پيرهيا ڪت ۾ لڪيو تو، تم ايٿا ڪت ۾ پڻ هون تمون نئھ ياد ڏيوروين تمارو شونق وڌارو ڪرونھ زم تمي صاف من ٿي سوچو. ② تمي پگھون رو نياپو ڏيڏا وڙون پَوِيتَر منڪون ري واتون ياد راکيا، جي واتون اُوڻي مور ٿي همپڙاوي تي، ان آڻا پرپو ان پچايا واڙا ايسو رو حُڪم ياد راکيا، جيو حُڪم اُوڻا ري تمون ڪن اول مڪ شيلي تمون نئھ همپڙايوھ.

③ تمارئھ اي موٽي وات زوڻو ڪيئھ، جي ڏنيا ري پچاڙي رون ڏيئون ۾ ايوو منڪ اوشي جيا آپرون ڪراپ ڪيالون مانھ وين هاسيون واتون مانھ رُوگي نئولي ڪرشي. ④ او تو ام ڪيشي: ”باپ ڏاڏون زا وڪت ۾ ايسو وائيدو ڪريو تو جي او وڙي پاسو اوشي، پڻ باپ ڏاڏا تو مري گياھ، ان ايسو پاسو ڪيھ آيوھ؟ جگت را شروع ٿي لين ٻڌوئي ڪئين امروم وئھ ريو، زم مور ۾ هتو.“ ⑤ هم ڪيتون، او منڪ اي وات زوڻي ڪرين ويهارئھ پري جي شروع ۾ پگھون آپرا ڪيڏا ٿي آڪاش ان ڌرتي پوڻي موئين ٿي ان پوڻي را هيل ٿي نايا تا. ⑥ ان پسئھ هاڳي نمونئھ پگھون آپرا ڪيڏا ٿي تيڏوڪي ڏنيا مانھ بوڏ ميلين ڏنيا رون منڪون نئھ پوڻي ٿي ڪتم ڪريا پرا. ⑦ ان همئھ پڻ پگھون هاڳي نمونئھ آپرا ڪيڏا ٿي آڪاش ان ڌرتي ايٿا هارو همرام ويتا راکئھ، زم نيا رئھ ڏي اُوڻون

نٺه پاهي ۾ ٻاڙهه پرا، ان جيا منڪ اُٺا رٺه ڪِلاڦ وٺه، اُٺون نٺه هميش رٺي سزا ڏين ڪتم ڪرڻه پرا.

⑧ پڻ ٽمي، پريمي پايون ان بينون، اي وات مت ويهارو، جي پڙيو ري نظر ۾ هيڪ ڏي هزار ورهون را زم سٺه، ان هزار ورهه هيڪا ڏي را زم سٺه. ⑨ پڙيو ايسو وائيدو تو ڪريوه جي اُو وڙي پاسو اوشي. ان پلٺه ڪئينڪ منڪ هڙمٺه جي اُو آڀرو وائيدو پورو ڪريا ۾ گهٽي ڏير ڪرڻه ريو، توئي هاس ۾ اُو ڏير نٺي ڪرتو. پڻ اُو تو تمون نٺه توپونه ڪريا رو موقعو ڏيڏا هارو صير ڪرڻه ريو. ڪم تو اُٺا رٺي مرضي اي نٺي جي ڪوئي پڻ هميش رٺي سزا ڪائين ڪتم ٿه. پڻ اُٺا رٺي مرضي اي سٺه جي ٻڌائي آڀرا ڪراڀ ڪوم ساڏين توپونه ڪرڻه ان پڳوون ري وات مانه وٺه.

⑩ پڻ پڙيو ايسو رٺه آيا رو ڏي سور را زم اوچتو اوشي. اُوٺه ڏي آڪاش ٻڙم ٻڙم آواز ۾ ڪتم ٿيشي، ڏي سنڌر ان تارا پاهي ۾ گڙين ڪتم ٿيشي، ان ڌرتي ان جئين ڪئين منڪي ڌرتي مانه نايوه، اُو ٻڌوئي ٻڙي زاشي.

⑪ زئيون ٻڌوئي ڪئين هيوٺه نمونٺه پڳوون ري سزا ٿي ڪتم ٿيشي، تئيون تماره هر وات ۾ پويتر نمونٺه ان پڳوون ري مرضي پرمونٺه وين ڪيو نائوڪا هووو ڪپٺه. ⑫ ان تماره اُٺا ڏي را آيا رٺي وات زووو، ان تماره پڳوون ري مرضي مانه وُڍا ٿي اُٺا ڏي نٺه جلدي آوا ڏيوو، جيئه ڏي پڳوون نيا ڪرشي. اُوٺه ڏي آڪاش تو پاهي ۾ ڪتم ٿيشي، ان ڏي سنڌر ان تارا تو ٻڙين گڙي زاشي. ⑬ پڻ آڀي پڳوون رو وائيدو مونين اُٺا توٺا رٺي وات ڪشي ٿي زوونھ ريا، زئيون پڳوون نوو آڪاش ان نوئي ڌرتي ناوشي، جيئنه ٻڌوئي ڪئين پڳوون ري وات مانه ويشي.

⑭ تيام، پريمي پايون ان بينون، زئيون ٽمي هيا نوا ٿيل جڳت رٺي وات زوٺوه ريا، تو ٽمي پوري ڪوشش ڪرو جي زئيون پڙيو ايسو وڙي پاسو اوشي، تئيون ٽمي اُٺا ري نظر ۾ ڏوهاري ان ڪراڀ نه هوٺو، پڻ تمارا پڳوون ٿي

منومئا ٿيل هوئو. ⑮ ان تمی ام هزمو جي آڀڻو ڀرڻو نيا ڪريا ۾ ايٿا هارو صير ڪرڻ، زم منڪون نٿو توبونھ ڪريا رو ان تارڻ ليڏا رو موقعو زڙئو. امارئو ڀريمي وشواسي ڀائي پولوس پڻ پڳوون ري ڏيڏل عقل ڀرموئوئو تمون نٿو همروم لڪيوھ. ⑯ ان او آڀرون ٻڌون ڪتون ۾ هايون واتون را پارام ٻولين همروم لڪئوھ. اوئا رون لڪل ڪتون ۾ ڪئينڪ واتون ايوي سئو جي هزميام ڏوري سئو. ان جيا منڪ وشواس را پارام هاوڙ نٿي شيڪيا ان پڪو وشواس نٿي راڪتا، او هايون لڪل واتون ٿي آڀرو اوڙو مطلب ڪاڏئو، زم او شاستر ريون پيزيون لڪل واتون ٿي اوڙو مطلب ڪاڏئو. هيوئو نمونئو او آپ مانھ هميش را موت رٿي سزا نوڪئوھ.

⑰ تيام تمی، ڀريمي ڀايون ان پينون، جيون نٿو هايون واتون را پارام مور ٿي ڪٻر پڙئيوھ، تمی هوشيار ريا، متون هائي منڪ جيا پڳوون رو ڪيڏو نٿي مونتا، تمون نٿو ڪوڙيون واتون ٿي شيتروئو، ان تمی وشواس ساڏو ان پڙي زائو، ان جيو تارڻ همئوئو تمون نٿو پڪو وشواس راڪيا ري ڪري زڙيا واڙو سئو، او تمون ٿي ڪوهرائي زائو. ⑱ پڻ تمی پڳوون ري ڪرڻا ري ڪري پڳوون ري مرضي مانھ وُڍيا ۾ آڳڙ وڌو، ان آڀڻا ڀرڻو ان پڇايا واڙا ايسو ڪريست ٿي وڌارئو گهڻو واسطو راڪتا ريو. اوئا را وڪوڻ همئوئو ان هميش هوڏي ٿيتا رئو! آمين!

يُوحنا را لکل پيرهيان کت ربي هزموئتي

کت لکيا واژو

ايئا کت م لکيا واژا رو نوم نٿي لکل، پڻ وات ساوئي سءَ جي لکيا واژو ايسُو رون اصلي شيلون موئين ٿي هيڪ سءَ (1 يوحنا 1:1-2). شروع ٿي لين منڪ هزمئنه جي اي کت يوحنا رو لکل سءَ. يوحنا پريُو ايسُو رون پيرهيون شيلون موئين ٿي هيڪ هتو. اُو زبدي رو ڏيڪرو ان يعقوب رو ڀائي هتو، ان ايسُو رو شيلو ٿيا مور مٿي ماريا واژو هتو (مرقس 1:19-20، لوقا 10:5). اُو ايسُو رو ماشياڻي ڀائي پڻ هتو، ڪم تو اوثا رٿي مان، جيا رو نوم سلومي هتو، پريُو ايسُو ري مان ماريون رٿي هڳئي بين هٿي (متي 27:56، مرقس 1:16، يوحنا 19:25). يوحنا ايسُو رو بڌون ٿي پريمي شيلو پڻ هتو (يوحنا 13:23). ايءُ يوحنا، شاستر را ترڻ کت، يوحنا نومي شاستر، ان ڏرشن نومي ڪتاب لکيا. ام لاڳهه جي يوحنا اي کت اندازا م 85-95ع م لکيو زئيون اُو ڏوڪرو هتو.

کت ڪيون منڪون هارُو لکيو

ايئا کت م نٿي لکل جي ڪيون منڪون هارُو سءَ، جيا ٿي وات ساوئي سءَ جي اي کت روڳي هيڪي وشواسي منڌري هارُو نتو. زئيون يوحنا ڏوڪرو هتو، اُو آسيه صويا را افسس شهر م ريتو، ان آسيه صويا ريون وشواسي منڌريون رٿي اڳيوئني ان همپاڙ ڪرتو. تيام ام لاڳهه جي اوتھ اي کت آسيه صويا رون بڌيون وشواسي منڌريون هارُو لکيو. اوتھ رون وشواسيون موئين يهودي قوم را ان ڌاري قومون را منڪ پڻ هتا. هايون قومون را زتا منڪ وشواسي نتا اُو هيڪا پيزا ٿي شيب ڪرتا.

اوتھ ڪئينڪ ايوا منڪ پڻ هتا جيا آپ نه وشواسي ڪيتا پڻ وشواس ريون اڳلوڪيون اصلي ان هاسيون واتون مانه نتا وينتا. اوتون ڪوڙون منڪون موئين بي نمونا را منڪ هتا. ڪئينڪ يهودي قوم را هتا، جيا اڳي يهودي ڌرم پاڙتا ان هيڪا پڳوون نه مونتتا. تيام اُو ايسُو نه روڳو نائوڪو منڪ هزمئا، ان نتا مونتتا جي ايسُو پڳوون رو ڏيڪرو ان پڳوون رو سونيدل پچايا واژو ڪريست پڻ سءَ. ان پيزا ڪئينڪ منڪ هتا جيا ڌاري قوم واژا هتا، ان اڳي مورتتي پوزا ان پرم واژو ڌرم پاڙتا. تيام اُو هايا ڌرم پرموئنه ام مونتتا، جي منڪ رو ڏيل ان جيو هاو ڌار سءَ، ڏيل ڪراب سءَ پڻ جيو پويتر سءَ. هاڻي اوڙو ڪيال راڪين اُو ڪيتا جي ايسُو پڳوون رو ڏيڪرو تو هتو، پڻ هاس م منڪ نتو ٿيو، ڪم تو ٿي نٿي هيڪتو جي ايسُو پويتر ٿين منڪ رو ڪراب ڏيل لء. ان اُو ام پڻ هزمئا: ڏوه روڳو ڏيل هون ٿهه، تيام پلڪ ڏوه ڪرتا ريون تو ڪئين وات نٿي، ڪم تو ڏوه ڪريا ٿي منڪ را جيو مانه ڪئين اثر نئين ٿهه.

ڪت لکيا رو مطلب


آسپ صُوبا ۾ گهڻا منڪ شپ راکتا ان ڪوڙي واتون شيڪاڙتا. تيامر يُوحنا وشواسيون ننه گهڻو گهڻو ڪيڏو جي اُو شپ ان وير نه راکنه پڻ هيڪا پيزا ٿي پريم ڪرڻ، اُو ڪوڙون منڪون ري واتون نه مونته پڻ هاسو وشواس راکتا رڻ، اُو مونته جي ايسو پڳوون رو ڏيڪرو سڻه اُن منڪ ٿين ڏنيا ۾ آيو تو، ان اُو ڏوهه ڪروو ساڏڻه ان جي توڻي اُوئون ٿي ڏوهه ٿه، تو اُو پڳوون ٿي ماڻهي مونگهه.

ايئا ڪتاب را شاستر ٿي پيزا حوالا:

1 يُوحنا 23:3	1 يُوحنا 1:1-2
1 يُوحنا 1:4	1 يُوحنا 8:1
1 يُوحنا 1:4	1 يُوحنا 2:2
1 يُوحنا 6:4	1 يُوحنا 2:2
1 يُوحنا 9:4	1 يُوحنا 6:2
1 يُوحنا 14:4	1 يُوحنا 7:2
1 يُوحنا 21:4	1 يُوحنا 8:2
1 يُوحنا 21:4	1 يُوحنا 15:2
1 يُوحنا 21:4	1 يُوحنا 18:2
1 يُوحنا 3:5	1 يُوحنا 20:2
1 يُوحنا 6:5	1 يُوحنا 23:2
1 يُوحنا 6:5	1 يُوحنا 24:2
1 يُوحنا 6:5	1 يُوحنا 25:2
1 يُوحنا 6:5	1 يُوحنا 27:2
1 يُوحنا 7:5	1 يُوحنا 1:3
1 يُوحنا 9:5	1 يُوحنا 8:3
1 يُوحنا 11:5	1 يُوحنا 8:3
1 يُوحنا 11:5	1 يُوحنا 11:3
1 يُوحنا 12:5	1 يُوحنا 11:3
1 يُوحنا 14:5	1 يُوحنا 12:3
1 يُوحنا 16:5	1 يُوحنا 13:3
1 يُوحنا 16:5	1 يُوحنا 14:3
1 يُوحنا 16:5	1 يُوحنا 23:3
1 يُوحنا 21:5	1 يُوحنا 23:3
		1 يُوحنا 23:3

يُوحنا

رو لکل پيرهیون کت




ايسنو پڳوونَ رو وچن سئُ ان هميش رو جيونَ ڏيڏا واڙو سئُ

1 ① امي تمون نئُه ايسنو را پارام لكونه ريا، جيو ڏنيا نھيا ٿي مور شروع ٿي لينَ جيو تو سئُه. امي اوئا ري واتون ڪوني هومپڙيه ان اوئا نئُه اونڪيئي پاڙيوه. امي اوئا نئُه زويوه ان اوئا نئُه آپرا هات سٻاڙياھ. او جيونَ ڏيڏا واڙو پڳوونَ رو وچن سئُه. ② او جيونَ ڏيڏا واڙو ٿينَ ساوو ٿيوھ، ان امي اوئا نئُه پاڙيوه ان اوئا رئي ھاڪ پرينَ تمون نئُه اوئا را پارام همپڙاوونھ، جي او هميش رو جيونَ ڏيڏا واڙو سئُه، جيو شروع ۾ پڳوونَ ٻاپ ڪن هتو، ان ڏنيا ۾ آوينَ امون ڪن ساوو ٿيوھ. ③ جي ڪئين امي پاڙيوه ان هومپڙيوھ، او امي تمون نئُه پڻ همپڙاوونھ، زم تمي پڻ امون پيڙا پائي ٿينَ هپ ۾ ريو، ان جيونَ ٿي امي واسطو راکونھ اوئون ٿي تمي پڻ واسطو راکو. امي نه روگو آيت ۾ واسطو راکونھ، پڻ امي کاس ڪرينَ پڳوونَ ٻاپ ٿي واسطو راکونھ ان اوئا را ڏيڪرا ايسنو ڪريست

ٽي پڻ واسطو راڪونه. ④ ان امي اي واتون تمون نئه تيام لڪونه ريا، زم آپون نئه پورئي ڪشي ٿئ.

پڳوون سوجھرو سئ

ان اڀئڻ پڳوون را سوجھرا ۾ وين نائوڪا ڪوم ڪروو



⑤ جيو نياپو امي ايسو ٿي هومپڙيوه ان تمون نئه همپڙاوونه، او اي سئ: پڳوون سوجھرو ئي سوجھرو سئ، ان اوئا موئين ماڳي انذارو نٿي. ⑥ جي آبي پيزون هوما ام ڪونه: ”امي پڳوون ٿي واسطو راڪونه،“ پڻ آبي انذارا ۾ وين ڪراپ ڪوم ڪرونه، تو آبي ڪوڙ ڪرونه ريا ان هاس مانھ نٿي وينا. ⑦ پڻ جي آبي سوجھرا ۾ وين نائوڪا ڪوم ڪرونه، جيونھ نمونھ پڳوون سوجھرو ٿين هميش نائوڪو ڪرئ، ۽ آبي هڪا پيزا ٿي هپ ان واسطو راڪونه، ان اوئا رو ڏيڪرو ايسو آپرو جيو پڳوون را نوم مانھ ڏين آپون نئه آڀتون ٻڌون ڏوهون ٿي ماقئي ڏيوراوئھ.

پڳوون را سوجھرا ۾ وُڍا هارو

اڀئڻ پونڌا ڪوم ساڌو ان ڏوه نه ڪروو

⑧ جي آبي ام ڪونه: ”امي پيڏوهي سون،“ تو آبي آپرا ڪوڙ ٿي آپ شيترائونھ، ان آبي هاسا نٿي. ⑨ پڻ جي آبي آپرا ڪرل ڏوه مونونھ، تو پڳوون آپرا وائيدا رو هاسو ان انصاف ٿي وُڍا وازو سئ، تيام او آپون نئه ڏوهون رئي ماقئي ڏيشي، ان هر پونڌائي ٿي پويتر ڪرشي. ⑩ جي آبي پيزون هوما ام ڪونه: ”امي ڪئين ئي ڏوه نٿي ڪريو،“ تو آبي پڳوون نئه ڪوڙو ڪرونه ان اوئا رو وچن مونتا نٿي.

① مارون پريمي ٻازون، هون تمون نئه هائي واتون ايئا هارو لڪونه ريو،
2 جي تمي ڏوه نه ڪرو. پڻ جي ڪياڪ ٿي ڏوه ٿئ، تو ايسو ڪريست، جيو

پيدوهي سئھ، او آڀڻي مدت ڪريا وازو سئھ ان ڀڳوون ٻاپ ڪن آڀڻي ڀارت ڪرئھ. ② ان اوئھ آڀڻون ڏوهون ري ماڻي ھارو آڀرو جيو ڀڳوون را نوم مانھ ڏيڏو. اوئھ آڀرو جيو نہ روڳو آڀڻون ڏوهون ري ماڻي ھارو، پڻ پوري دنيا رون منڪون رون ڏوهون ري ماڻي ھارو پڻ ڏيڏو.

ڀڳوون را سوجھرا ۾ وڍا ھارو آڀڻ ڀڳوون رو ڪيڏو مونو

③ جي آڀي ڀڳوون رون حڪمون مانھ وونھ، تو ايئا وات ٿي آڀون نہ ڪبر پڙھ جي آڀي ڀڳوون نہ اوڙڪونھ ان اوئا ٿي واسطو راکونھ. ④ جيو ام ڪئھ: ”ھون ڀڳوون نہ اوڙڪونھ،“ پڻ اوئا رون حڪمون مانھ نٿي ويتو، تو او ڪوڙو سئھ ان ھاس اوئا موئين نٿي. ⑤ پڻ جيو ڪوئي ڀڳوون را وچن مانھ وئھ، او ھاس ۾ پورا من ٿي ڀڳوون ٿي پريم ڪرئھ. ايئا ٿي آڀون نہ ڪبر پڙھ جي آڀي ڀڳوون ٿي واسطو راکونھ. ⑥ جيو ام ڪئھ: ”ھون ڀڳوون ٿي واسطو راکونھ،“ تو اوئا رو قرض سئھ، جي زم ايسو وڍو، تم او آپ پڻ وئھ.

⑦ پريمي پايون ان بينون، ھائي پريم را پارام جيو حڪم ھون تمون نہ لڪونھ ريو، ھائي نوو حڪم نٿي. ھائي تو موروڪو زونو حڪم سئھ، جيو شروع ٿي لين تمون نہ ڏيڏل سئھ. ھائي زونو حڪم او رو او وچن سئھ جي تمي ھومپڙيوھ. ⑧ توئي پڻ ھائي حڪم هيڪ نمونا رو نوو حڪم پڻ سئھ، جيو ايسو آڀري حياتي ۾ پورو ڪريو، ان ھمئئھ تمي پڻ پورو ڪروھ ريا، ڪم تو اندارو ڪتم ٿئھ ريو ان ڀڳوون رو ھاسو سوجھرو ھوئھ ساوو ٿئھ ريو.

⑨ جيو ام ڪئھ: ”ڀڳوون رو سوجھرو مون ۾ سئھ،“ پڻ او آڀرا پاڻي ٿي وير راکئھ، تو او ھزون ھوڏي اندارا ۾ سئھ. ⑩ جيو آڀرا پاڻي ٿي پريم ڪرئھ، او ڀڳوون را سوجھرا ۾ رئھ ان اوئا موئين ايوو ڪئين نٿي جيا ري ڪري او زوئھ نيڏو ڪائين ڏوھ ۾ پڙئھ. ⑪ پڻ جيو آڀرا پاڻي ٿي وير راکئھ، او اندارا ۾ سئھ ان او اندارا ۾ وئھ. اوئا نہ ڪبر نٿي پڙئھي جي او ڪيال زائھ ريو، ڪم تو اندارا

ري ڪري اُو زوئنه اونڌو ٿي ڳيوھ.

پڳوونَ را سوجھرا ۾ وُويا ھارُو آپئڻَ ھر ھيڪ ڪراپ وات ٿي پاھو ڪروو

⑫ مارون پريمي ٻارون، ھون تمون نئہ تيام لڪونھ ريو

ڪم تو تمارا ڏوھ ايسو ري ڪري ماڦ ٿي ڳياھ.

⑬ گھريون، ھون تمون نئہ تيام لڪونھ ريو

ڪم تو تمي ايسو نئہ اوڙڪوھ، جيو شروع ٿي لين جيو تو سئہ.

جوئون، ھون تمون نئہ تيام لڪونھ ريو

ڪم تو تمي ايسو را پاھا را ٿين پُونڌا شيطونَ مانھ جيت ڪريھ.

⑭ مارون پريمي ٻارون، مئين تمون نئہ تيام لڪيوھ

ڪم تو تمي پڳوونَ ٻاپ نئہ اوڙڪوھ.

گھريون، مئين تمون نئہ تيام لڪيوھ

ڪم تو تمي ايسو نئہ اوڙڪوھ جيو شروع ٿي لين جيو تو سئہ.

جوئون، مئين تمون نئہ تيام لڪيوھ

ڪم تو تمي طاقت واڙا سو، تمي پڳوونَ رو وچن من موئين راڪوھ،

ان تمي پُونڌا شيطونَ مانھ جيت ڪريھ.

⑮ ڏنيا ري پُونڌائي ھوما مت تٿائو، پڻ ڏنيا ري ڪراپ واتون ٿي شيتي پاڳو.

جي ڪوئي ڏنيا ري پُونڌائي ۾ ڪُش رئھ، تو اُو پڳوونَ ٻاپ ٿي پريم نٿي ڪرتو.

⑯ ڪم تو ڏنيا رئي ھر ڪراپ وات، منڪون را ڪراپ ڪيال، پُونڌي نظر ان لوپ

لالچ، ان ايٺا حياتي ريون واتون ۾ وڌائي، اُو ٻڌائي پڳوونَ ٻاپ را پاھا ٿي نٿي،

پڻ ڪراپ ڏنيا را پاھا ٿي ٿئھ. ⑰ ان اي ڪراپ ڏنيا ان ڏنيا رو ھر ڪراپ ڪيال

ڪتم ٿيتو زائھ، پڻ جيو منڪ پڳوونَ ري مرضي مانھ وئھ، اُو ھميش ھوڏي

جيو تو رئھ.

پڳوونَ را سوجھرا ۾ وُڍا ھارُو آڀئڻ ھاسو وشواس راکتا ريوو

⑱ مارون پريمي ٻارون، اي ڏنيا ري پڇاڙي رو توڻو سڻه، ان زم تمي ھومپڙيوھ جي اُو منڪ آوشي جيو ايسو ڪريست رڻه ڪلاڦ وُڍا واڙو سڻه، تم ھمڻه گھڻا ايوا منڪ ٿياھ جيا ايسو ڪريست رڻه ڪلاڦ وڻه. تيام آپون نڻه ڪبر سڻه جي اي ڏنيا ري پڇاڙي رو توڻو سڻه. ⑲ اُو منڪ آپون موئين ٿي گياھ پرا، پڻ ھاس ۾ اُو آپون موئينليا نٿا. جي اُو آپون موئينليا ھوٽ، تو آپون ڪن رڻت. پڻ اُو آپون نڻه ساڏين گياھ پرا زم وات ساوئي ٿنھ جي اُو ٻڌائي آپون موئينليا نٿا.

⑳ پڻ تمي پڳوونَ را سونڍل منڪ سو ڪم تو تمون نڻه پڳوونَ را پويتر شيواڌاري ايسو را پاھا ٿي پويتر آتما زڙيوھ، ان تمون ٻڌون نڻه ڪبر سڻه جي ھاس ڪي سڻه. ㉑ مئين تمون نڻه تيام نٿي لکيو، جي تمون نڻه ھاس رڻي ڪبر نٿي. پڻ مئين تيام لکيوھ، ڪم تو تمون نڻه ھاس رڻي ڪبر تو سڻه، ان تمي زوڻوھ جي ڪوئي ڪوڙ ھاس را پاھا ٿي نٿي آتو. ㉒ ٻڌون ٿي موٽو ڪوڙ ٻوليا واڙو ڪوڻ سڻه؟ اُو ايوو منڪ سڻه جيو ام ڪڻھ: ”ايسو پڳوونَ رو سونڍل پڇايا واڙو ڪريست نٿي.“ ايوو منڪ ايسو ڪريست رڻه ڪلاڦ سڻه، اُو پڳوونَ ٻاپ نڻه نٿي مونتو، ان پڳوونَ را ڏيڪرا ايسو نڻه پڻ نٿي مونتو. ㉓ جيو ڪوئي پڳوونَ را ڏيڪرا ايسو نڻه نٿي مونتو، اُو نہ رُوڳو ايسو ٿي ڌار سڻه پڻ پڳوونَ ٻاپ ٿي پڻ ڌار سڻه. ان جيو ڪوئي پڳوونَ را ڏيڪرا ايسو نڻه مونتھ، اُو نہ رُوڳو ايسو ٿي واسطو راکڻھ پڻ پڳوونَ ٻاپ ٿي پڻ واسطو راکڻھ.

㉔ جي واتون تمي شروع ۾ ھومپڙي، اُو تمي من موئين راکو، ان اوئون مانھ وو. جي تمي ھاڻي واتون من موئين راکشو، جي تمي شروع ۾ ھومپڙي، ان اوئون مانھ وينا ريشو، تو تمي نہ رُوڳو پڳوونَ را ڏيڪرا ايسو ٿي واسطو راکتا ريشو، پڻ پڳوونَ ٻاپ ٿي پڻ واسطو راکتا ريشو. ㉕ ان اي اُو وائڊو سڻه، جيو وائڊو ايسو آپون ٿي ڪريوھ، جي آپون نڻه ھميش رو جيون زڙشي.

②6 مٺين تمون نٺه هائي واتون لکيه زم تمي هايون منڪون ٿي هوشيار ريو، جيا ڪوڙي واتون شيڪاڙين تمون نٺه هاس ٿي ڦيروا ڪرڻه. ②7 پڻ تمي جي سو، تمون موئين ايسو رو ڏيڏل پويتر آتما رڻه. ان تمون نٺه ايٺا رڻي ڪئين ڪاڀي نٺي جي ڪوڪ منڪ تمون نٺه شيڪاڙڻه. پڻ زم ايسو رو ڏيڏل پويتر آتما تمون نٺه ٻڌيون واتون را پارام شيڪاڙڻه، ان او ڪوڙو نٺي پڻ هاسو سٺه، ان زم ايسو آپ تمون نٺه شيڪاڙيا، تم تمي ايسو ٿي واسطو راکتا ريو.

②8 هوه، مارون پريمي ٻازون، ايسو ٿي واسطو راکتا ريو. هم ڪريا ٿي زئيون ايسو پاسو آوين ساوو ٿيشي، تئيون آپون نٺه تارڻ ليڏا رڻي پڪي ڪاٿري هوشي ان آبي اوٺا هوما لاسار نئين ٿيون. ②9 تمون نٺه ڪهر سٺه جي ايسو پڳوون ري وات مانھ وڍا وڙو سٺه، تيام تمون نٺه ايٺا رڻي پڻ ڪهر سٺه جي هر منڪ جيو پڳوون ري وات مانھ وٺه، او ايسو را پاها ٿي پڳوون رو ٻاز ٿيوھ.

پڳوون آپڻو ٻاپ سٺ

ان آپڻڻ پڳوون را ٻاز ٿين نائوڪٺ نمونڻ ويوو

3 ① زوٺو، پڳوون ٻاپ آپون ٿي ڪتو گهڻو پريم ڪريوه، جي آبي پڳوون را ٻاز ڪيورائونھ. ان آبي نه روگو هم ڪيورائونھ، پڻ آبي پڳوون را ٻاز تو سون. ڏنيا را منڪ آپڻا پارام اي وات تيام نٺي اوڙڪتا، ڪم تو اوني پڳوون نٺه پڻ نه اوڙڪيو. ② پريمي پايون ان بينون، آبي همٺه پڳوون را ٻاز تو سون، پڻ نيٺ آپون نٺه ڪيوو ڪيوو هڪ ان مون زڙشي، او وات هزون هوي ساوئي نٺي ٿي. توئي پڻ آپون نٺه ڪهر سٺه جي زئيون ايسو پاسو آوين ساوو ٿيشي، تئيون او وات پڻ ساوئي ٿيشي، ان آبي پڳوون جيو تيشون، ڪم تو آبي اوٺا نٺه روپرو ساوٺه نمونڻه پاراشون. ③ ان جيو ڪوئي پڳوون مانھ هائي پروسو راکٺه، او آپ نٺه پويتر راکٺه، زم ايسو پويتر سٺه.

پڳوونَ را باز ٿينَ آڀڻُ ڏوه نہ ڪروو

④ جيو ڪوئي ڏوه ڪرڻ، اُو پڳوونَ رون حُڪمون رڻه ڪِلاَق وڻه، صم تو ڏوه ڪريا رو مطلب سڻه پڳوونَ رون حُڪمون رڻه ڪِلاَق ويوو. ⑤ ان تمون نڻه ڪڀر سڻه جي ايسُو اينا هارُو ڏنبا ڀر آوين ساوو ٿيو، زم اُوئا ري ڪري منڪون نڻه ڏوهون رڻي ماڻِي زڙڻه ان اُو وڙي ڏوه نہ ڪرڻ. ان تمون نڻه اي پڻ ڪڀر سڻه جي ايسُو موڻين ڪڻين ڏوه نٿي. ⑥ جي ڪوئي ايسُو ٿي واسطو راکڻه، تو ٿي نٿي هڪتو جي اُو ڏوه ڪرتو رڻه. جي ڪوئي ڏوه ڪرتو رڻه، تو اُو نڪو ايسُو را پارام ڪڻين هزميوه ان نڪو اُو ايسُو نڻه اوڙڪڻه. ⑦ پريمي ٻارون، ٻيڙون ري ڪوڙي واتون مت مونو. پڳوونَ ري نظر ڀر رُوڳو اُو منڪ پڳوونَ ري وات مانه وُوڊا وازو سڻه، جيو ڏوه ٿي پاھو ڪرين پڳوونَ ري وات مانه وڻه،



زم ايسُو پڳوونَ ري وات مانه وُوڊا وازو سڻه. ⑧ جيو ڏوه ڪريا وازو سڻه، اُو پڳوونَ را ڏشمڻ شيطونَ را پاها رو سڻه، ڪم تو شروع ٿي لينَ شيطونَ ڏوه ڪرتو آيوه. پڳوونَ رو ڏيڪرو ايسُو اينا هارُو ڏنبا ڀر آوين ساوو ٿيو، زم شيطونَ را

ڪوم ڪتم ڪرڻه پرا. ⑨ جيو ڪوئي پڳوونَ رو باز ٿيوه، اُو ڏوه نئين ڪرتو رڻه، ڪم تو پڳوونَ اُوئا موڻين آڀ جيو ٿيا رڻي هيمنت نوڪيڻه، ان تيام ٿي نٿي هڪتو جي اُو ڏوه ڪرتو رڻه، ڪم تو اُو پڳوونَ را پاها ٿي نُوڻي حياتي لينَ پڳوونَ رو باز ٿيوه.

پڳوونَ را باز ٿينَ آڀڻُ پڳوونَ رو ڪيندو مونوو

⑩ اينا ٿي وات ساوڻي تڻه جي ڪيا منڪ پڳوونَ را باز سڻه، ان ڪيا منڪ شيطونَ را باز سڻه. جيو ڪوئي پڳوونَ ري وات مانه نٿي ويتو ڪا آڀرا پائي ٿي

پریم نٿي ڪرتو، اُو پڳوونَ را پاها رو نٿي. ⑪ ڪم تو جيو نياپو تمي شروع ٿي
 لينَ هومپڙيوه، اُو اي سٺه: آڀڻه هڪا پبزا ٿي پریم را ڪوو. ⑫ آڀڻه قائن را
 زم نه ويوو. اُو پُونڌا شيطونَ را پاها رو هتو ان آڀرا پائي رو ڪُون ڪريو. اُوڻه
 آڀرا پائي رو ڪُون ڪم ڪريو؟ ڪم تو اُوڻا را آڀرا ڪوم پُونڌا هتا، ان اُوڻا را
 پائي را ڪوم نائوڪا هتا، تيام اُو ريشي ٻڙيو. ⑬ تيام، پايون ان پينون، جي
 دُنيا را منڪ تمون ٿي وير را ڪڻه، تو تمي حيرونَ مت ٿيو.

⑭ آڀون نٺه ڪهر سٺه جي آڀي هميش را موت ٿي پڇي گياھ ان آڀون نٺه
 هميش رو جيونَ زڙيوه، ڪم تو آڀي وشواسي پايون ان پينون ٿي پریم ڪرونه.
 جيو پریم نٿي ڪرتو، اُو هميش را موت را قَوَضام رٺه. ⑮ جيو ڪوئي آڀرا پائي
 ٿي وير را ڪڻه، اُو آڀرا من ڀر ڪُون ڪريا وازو سٺه، ان تمون نٺه ڪهر سٺه جي جيو
 ڪوئي ڪُون ڪريا وازو سٺه، اُو هميش رو جيونَ ليڌا جيوو نٿي. ⑯ آڀون نٺه ايئا
 ٿي ڪهر پڙيئيه جي پریم ڪي سٺه، ڪم تو ايسو آڀون هارو آڀرو جيو دِيڌوه.
 ان آڀو پڻ اي قرض سٺه جي آڀي آڀرون وشواسي پايون ان پينون هارو آڀرو
 جيو پڻ دِيڌا هارو تيار ريون. ⑰ جي ڪياڪ ڪن پيئيهو پنڄڙ، لُوگهڙو لتو، ان
 کاڌا پيڌا ري شينهنون سٺه، ان اُو زوئھ جي آڀرا پائي رئي ضرورت سٺه، پڻ اُو
 قياس نه ڪرين اُوڻا رئي مڌت نٿي ڪرتو، تو پڳوونَ رو پریم ڪم ڪرين اُوڻا
 موئين سٺه؟ ⑱ پریمی ٻاڙون، آڀي روڳا مونڊا ٿي پریم ري واتون نه ڪرون، پڻ
 پریم را ڪوم ڪرين هاس ڀر پریم ڪرون. ⑲ هم ڪريا ٿي آڀون نٺه ڪهر پڙشي
 جي آڀي هاس را پاها را سون، ان آڀون نٺه پڳوونَ هومو من ڀر حوصلو زڙشي،
 ⑳ ڪم تو پلئھ آڀو من آڀون مانھ ڏوه ڏئھ، توئي پڻ پڳوونَ آڀا من ٿي موتو
 سٺه، ان اُو ٻڌوئي ڪئين زوئھ.

㉑ پریمی پايون ان پينون، جي آڀو من صاڦ سٺه، تو آڀي پوري هيمنت ٿي
 پيڪ وڳر پڳوونَ ٿي واسطو را ڪي هڪونھ، ㉒ ان جيا ڪيا وات هارو آڀي پراٿنا
 ڪرون، اُو آڀون هارو پڳوونَ را پاها ٿي پوري ٿيشي، ڪم تو آڀي اُوڻا رون

حُڪمون مانھ وونھ، ان ايوا ڪوم ڪرونھ جيا ٿي اُو ڪُش سئھ. ②③ ان پڳوونَ رو ڏيڏل حُڪم اي سئھ، جي آبي اونا را ڏيڪرا ايسو ڪريست مانھ وشواس راکون، ان هيڪا پيڙا ٿي پريم راکون، زم ايسو آپون نئھ حُڪم ڏيڏوھ. ②④ ان جيو ڪوئي پڳوونَ رون حُڪمون مانھ وئھ، اُو پڳوونَ ٿي واسطو راکئھ، ان پڳوونَ اونا ٿي واسطو راکئھ. ان آپون نئھ ڪبر سئھ جي پڳوونَ آپون ٿي واسطو راکئھ، ڪم تو پڳوونَ را پاھا ٿي آپون نئھ پويتر آتما زڙيوھ.

پڳوونَ را ٻار ٿينَ آپئئھ ڏنيا ري هر ڪراپ ان ڪوڙي وات ٿي پاھو ڪرو

④ ① پريمي پايون ان بينون، زئيون منڪ ڪئھ جي اُو پويتر آتما ري ڪڙا ٿي ٻولئھ ريا، تو اُوئون ٻڌون ريون واتون مانھ تمي امزام يقين مت ڪرو. پڻ تمي اُوئون ري واتون آزماوينَ جونچ ڪرو، جي اُو پڳوونَ را پاھا ٿي پويتر آتما ري ڪڙا ٿي ٻولئھ ريا ڪا نا. ڪم تو ايوا گھڻا منڪ سئھ جيا ڪوڙ ھاڪلينَ آپ نئھ پڳوونَ رو نياپو ڏيڏا واڙا ڪئھ ان اُو آپون نئھ ساڏينَ ڏنيا رون ڪراپ منڪون موئين پڙي گياھ. ② تمي ايئا وات ٿي ڪبر پاڙي هڪوھ جي منڪ پڳوونَ را پاھا ٿي پويتر آتما ري ڪڙا ٿي ٻولئھ ريو، ڪا نا. جيو ڪوئي مونئھ جي ايسو پڳوونَ رو سونڍل پچايا واڙو ڪريست سئھ ان منڪ ٿينَ ڏنيا ۾ آيو تو، اُو پڳوونَ را پاھا ٿي پويتر آتما ري ڪڙا ٿي ٻولئھ ريو. ③ پڻ جيو ڪوئي ايسو نئھ ناڪارينَ ٻولئھ، تو اُو پڳوونَ را پاھا ٿي پويتر آتما ري ڪڙا ٿي نئي ٻولتو. پڻ اُو اونا ري ڪڙا ٿي ٻولئھ جيو ايسو ڪريست رئھ ڪلاڦ ووڊا واڙو سئھ. تمي تو هومپڙيوھ جي ايسو ڪريست رئھ ڪلاڦ ووڊا واڙو آوشي، ان اُو همئھ پڻ ڏنيا ۾ اول سئھ. ④ پڻ تمي جيا سو، مارون پريمي ٻارون، تمي تو پڳوونَ را پاھا را سو. ان تمارئي هايون منڪون مانھ جيت ٿيھ جيا ڪوڙو نياپو ڏيڏا واڙا سئھ، ڪم تو پڳوونَ جيو تمون موئين رئھ، اُو شيطونَ ٿي موتو سئھ، جيو ڏنيا رون

ڪراڻ منڪون موئين رھڻ. ⑤ ھاڻي منڪ ڏنيا ري پونڌاڻي را پاھا را سئھ. تيام اُو ڏنيا رون ڪراڻ منڪون ري سوچ پرموئھ ٻولئھ، ان ڏنيا را ڪراڻ منڪ اُوئون ري واتون مونئھ. ⑥ پڻ آبي تو پڳوون را پاھا را سون. جيو پڳوون نئھ اوڙڪئھ، اُو آڻي واتون مونئھ. پڻ جيو پڳوون را پاھا رو نئي، اُو آڻي واتون نئي مونئھ. ھايا ٿي آڻون نئھ ڪٻر پڙئھ جي منڪ پويتر آتما ري ڪڙا ٿي ھاس ٻولئھ ريو، ڪا شيطون را پاھا ٿي ڪوڙ ٻولئھ ريو.

پڳوون را باز ٿين آيئھ ھيڪا پيڙا ٿي پريم ڪرون

⑦ پريمي پايون ان پينون، آبي ھيڪا پيڙا ٿي پريم ڪرون، ڪم تو پريم پڳوون را پاھا ٿي سئھ، ان جيو ڪوئي پريم ڪرئھ، اُو پڳوون را پاھا ٿي نوئي حياتي لين پڳوون رو باز ٿيوھ ان اُو پڳوون نئھ اوڙڪئھ. ⑧ جيو پريم نئي ڪرتو، اُوئھ پڳوون نئھ نه اوڙڪيو، ڪم تو پڳوون آڻ پريم سئھ. ⑨ ايئا ٿي وات ساوئي ٿيئھ جي پڳوون آڻون ٿي پريم ڪرئھ، ڪم تو پڳوون آڻو ڏيڪرو ڏنيا ۾ ميليھ، جيو اُوئا رو ھيڪئھ ڏيڪرو ھتو، زم اُوئا ري ڪري آڻون نئھ ھميش رو جيون زڙئھ. ⑩ پريم ايئا ۾ نئي، جي آبي پڳوون ٿي پريم ڪريوھ. پڻ پريم اي سئھ، جي پڳوون آڻون ٿي پريم ڪريوھ ان آڻو ڏيڪرو ميليھ زم اُو آڻون ڏوھون ري ماڻي ھارو آڻو جيو پڳوون را نوم مانھ ڏئھ. ⑪ پريمي پايون ان پينون، زئون پڳوون آڻون ٿي اتو گھڻو پريم ڪريوھ، تو آڻو قرض سئھ جي آبي پڻ ھيڪا پيڙا ٿي پريم ڪرون. ⑫ پڳوون نئھ ڪيئھ ٿي ڪيڏي نئي ڏيڪيو. توئي جي آبي ھيڪا پيڙا ٿي پريم ڪرون، تو وات ساوئي سئھ جي پڳوون آڻون موئين رھڻ، ان پڳوون را پريم ري ڪري آبي پڳوون را زم ھاسو پريم ڪرونھ. ⑬ آڻون نئھ ايئا ٿي ڪٻر پڙئھ جي آبي پڳوون ٿي واسطو را ڪونھ ان پڳوون آڻون ٿي واسطو را ڪئھ، ڪم تو پڳوون آڻون موئين ٿي ھر ھيڪ نئھ آڻو پويتر آتما ڏيئوھ. ⑭ ان امي ڏيڪيوھ ان ھاڪ پرين ھمپڙاوونھ جي پڳوون ٻاڀ آڻو

ڏيکرو ڏنيا رُون منڪون نٿه ڀڄايا هارُو مِليوھ. (15) جيو ڪوئي مونھه جي ”ايسُو پڳوونَ رو ڏيکرو سٺه،“ تو پڳوونَ اُوئا ٿي واسطو راکڻه، ان اُو پڳوونَ ٿي واسطو راکڻه. (16) ان آيون نٿه تو کهر پڙڻيھ ان پڪڻي ڪاترڻي ٿيھ جي پڳوونَ آيون ٿي پريم ڪرڻه.

پڳوونَ آپ پريم سٺه، ان جيو ڪوئي پريم ڪرڻه، اُو پڳوونَ ٿي واسطو راکڻه، ان پڳوونَ اُوئا ٿي واسطو راکڻه. (17) هيوئھ نمونئھ پڳوونَ را پريم ري ڪري آبي پڳوونَ را زم هاسو پريم ڪرونھ، ان تيام آيون نٿه نيا رٿه ڏي ڪڻين پيڪ نئين لاڳئھ، پڻ آبي هيئت راکشون ڪم تو آبي ايئا ڏنيا ۾ ام پڳوونَ را پريم ۾ ٻنڌال سون، زم ايسُو آپ پڳوونَ را پريم ۾ ٻنڌال سٺه. (18) زئيون آڀت ۾ پريم سٺه، تو پيڪ نٿي هوئيتي. جي منڪ هاسا پريم ۾ ٻنڌال سٺه، تو هيڪا پيڙا رٿي پيڪ ڪم ڪرين هوشي؟ ڪم تو پيڪ تڻيون ٿئھ، زئيون سزا رو ڪيال اُوئھ. جيو منڪ پيڪ راکڻه، اُو هاسا پريم ۾ ٻنڌال نٿي.

(19) آبي تو تيام پريم ڪرونھ، ڪم تو پڳوونَ آپ پيرھين آيون ٿي پريم ڪريوھ. (20) جي ڪوئي ام ڪئھ: ”هُون پڳوونَ ٿي پريم ڪرونھ،“ ان اُو آپرا پائي ٿي وير راکتو هوئھ، تو اُو ڪوڙو سٺه. ڪم تو جي اُو آپرا پائي ٿي پريم نٿي ڪرتو، جيا نٿه اُوئھ ڏيڪيوھ، تو پسئھ اُو ڪم ڪرين پڳوونَ ٿي پريم ڪري هڪئھ، جيا نٿه اُوئھ ڏيڪيو پڻ نٿي؟ (21) ان آيون نٿه اي حُڪم پڳوونَ ٿي زڙل سٺه، جي جيو منڪ پڳوونَ ٿي پريم ڪرڻه، اُوئا رٿه آپرا پائي ٿي پڻ پريم ڪروو ڪپئھ.

5 (1) جيو ڪوئي وشواس راکڻه جي ايسُو پڳوونَ رو سُونيل ڀڄايا وازو ڪريست سٺه، اُو پڳوونَ را پاها ٿي نوئي حياتي لين پڳوونَ رو ٻار ٿيوھ. ان جيو ڪوئي ٻاپ ٿي پريم ڪرڻه، اُو اُوئا ٿي پڻ پريم ڪرڻه، جيو ٻاپ رو ٻار سٺه. (2) آيون نٿه ايئا ٿي کهر پڙڻھ جي آبي پڳوونَ رُون ٻازون ٿي پريم ڪرونھ، زئيون آبي پڳوونَ ٿي پريم ڪرونھ ان اُوئا رُون حُڪمون مانھ وونھ. (3) پڳوونَ

ٿي پريم ڪروو اي سئ، جي آبي اونا رن حڪمون مانھ وون. ان اونا را حڪم آڪرا نٿي ان آبي هورئ نمونئ ائون مانھ وي هڪونھ، ④ ڪم تو جيو ڪوئي پگيون را پاھا ٿي نويي حياتي لين پگيون رو ٻار ٿيوھ، اونا رئي دنيا ري هر پونڌائي مانھ جيت سئ. ان او طاقت جيا ٿي دنيا ري هر پونڌائي مانھ جيت ٿيوھ، او آٻو وشواس سئ.

پگيون را ٻار ٿين آٻئ ھاسو وشواس راڪو

⑤ او ڪون سئ، جيون رئي دنيا ري هر پونڌائي مانھ جيت سئ؟ او رُوگا ايوا منڪ سئ، جيا وشواس راڪھ جي ايسو پگيون رو ڏيڪرو سئ. ⑥ ايسو او رو او پگيون رو سونيل پچايا وازو ڪريست سئ جيئئ دنيا ۾ آوين پويتر سنون ليڏو ان منڪون نئ پچايا هارو آٻو جيو پگيون را نوم مانھ ڏيڏو. اوئ نه رُوگو پوٿي ٿي پويتر سنون ليڏو، پڻ آٻو لوٿي ويوراوين پگيون را نوم مانھ آٻو جيو ڏيڏو. ان پويتر آتما آٻ ھاڪ پريا وازو سئ جي هائي ٻڌي وات هاسي سئ، ڪم تو پويتر آتما آٻ ھاسو سئ ان هميش ھاس ٻولئ. ⑦ هيا وات رئي ترن ھاڪ پريا وازا سئ، جيون ٿي ٿاٻي ٿئھ جي هائي وات هاسي سئ. ⑧ پيرهيون ھاڪ پريا وازو سئ پويتر آتما، پيزو سئ ايسو را پويتر سنون رو پوٿي، ان ترئمو سئ ايسو را موت رو لوٿي. هائي ترن ٿي، ھاڪ پريا وازون را زم، هاگي وات رئي ٿاٻي ڏئ. ⑨ آٻي تو منڪون ري پرل ھاڪ مانھ يقين ڪرونھ، پڻ پگيون رئي پرل ھاڪ هيا ٿي گھڻي موٽي سئ. ان هائي پويتر آتما رئي، پوٿي رئي، ان لوٿي رئي پرل ھاڪ پگيون رئي پرل ھاڪ سئ، ڪم تو هيون نمونئ پگيون آٻ آٻا ڏيڪرا را پارام ھاڪ پريئ. ⑩ جيو ڪوئي پگيون را ڏيڪرا مانھ وشواس راڪھ، او پگيون ري پرل ھاڪ مانھ يقين ڪرئ. پڻ جيو ڪوئي پگيون ري وات مانھ يقين نٿي ڪرتو، اوئ پگيون نئ ڪوڙو ڪريوھ، ڪم تو اوئ پگيون ري پرل ھاڪ مانھ يقين نٿي ڪريو، جئي ھاڪ

پڳوونَ آپرا ڏيڪرا را پارام پريئه. ⑪ ان پڳوونَ رئي پرل ھاڪ اي سئہ: پڳوونَ آپون نئہ ہميش رو جيونَ ڏيڏوه، ان اي ہميش رو جيونَ اوتا را ڏيڪرا ايسو ٿي زڙئہ. ⑫ جيو ڪوئي پڳوونَ را ڏيڪرا ٿي واسطو راکئہ، اوتا نئہ ہميش رو جيونَ زڙئہ. پڻ جيو ڪوئي پڳوونَ را ڏيڪرا ٿي واسطو نٿي راکتو، اوتا نئہ ہميش رو جيونَ نٿي زڙتو. ⑬ تمي جيا پڳوونَ را ڏيڪرا مانہ وشواس راکوه، مئين تمون نئہ هائي ٻڌي واتون ايئا هارو لکيه، زم تمون نئہ کبر هوئہ جي تمون نئہ ہميش رو جيونَ زڙل سئہ.

پڳوونَ را باز ٿينَ آپئہ پڪئي ڪاترئي راکو جي پڳوونَ آپئي پرائنائون هومپڙشي

⑭ ان آبي پڳوونَ مانہ پروسو راکينَ پوري هيئت ٿي پڳوونَ ٿي پرائنا ڪري هڪونہ، ڪم تو آپون نئہ پڪئي ڪاترئي سئہ جي جيا پڻ وات را پارام آبي پڳوونَ ري مرضي پرموئنه اوتا ٿي پرائنا ڪرون، او آپئي وات هومپڙئہ. ⑮ ان زئيون آپون نئہ کبر سئہ جي ڪيا پڻ وات را پارام آبي پرائنا ڪرون، تو پڳوونَ آپئي وات هومپڙئہ، تئيون آپون نئہ اي پڻ کبر سئہ، جي جيا هارو آبي پرائنا ڪرئي هوشي، او پوري ٿيشي.

⑯ جي ڪوئي آپري وشواسي بينَ نئہ ڪا آپرا وشواسي پائي نئہ ڏوه ڪرتو پاڙئہ، تو او پڳوونَ ٿي اوتا ري ماقي هارو پرائنا ڪرئہ، ان پڳوونَ اوتا نئہ ماقي ڏين ہميش رو جيونَ ڏيشي. پيزون ٻڌون ڏوهون رئي ماقي ٿي هڪئہ، پڻ اي هيڪ ڏوه ايوو سئہ، زئيون منڪ زوئي ڪرينَ پڳوونَ رئہ ڪلاڦ ويوا ڪرئہ، جيا ري ڪري اوتون نئہ ہميش را موت رئي سزا ضرور زڙشي. هون هيو ڏوه را پارام نٿي ڪيتو جي تمي هيوو ڏوه ڪريا وازون ري ماقي هارو پڳوونَ ٿي پرائنا ڪرو. ⑰ هوئہ جي پڻ وات پڳوونَ رئہ ڪلاڦ سئہ، او ڏوه سئہ. توئي پڻ ٻڌائي ڏوه ايوا نٿي جيونَ ٿي ہميش رو موت ضرور زڙشي.

⑱ آپون نئه ڪهر سئه جي جيو ڪوئي پڳوون را پاها ٿي نوئي حياتي لين پڳوون رو پاڙ ٿيوه، اُو ڏوه نٿي ڪرتو ريتو. پڻ ايسو، جيو پڳوون رو ڏيڪرو سئه، اُو هايا نئه همپاڙين را ڪئه، ان پُونڌو شيطون هايا نئه سبتوئي نٿي. ⑲ آپون نئه ڪهر سئه جي آبي پڳوون را پاها را سون، ان ڏنبا را پيزا ٻڌائي منڪ پُونڌا شيطون را قوضام ڦاٿل سئه. ⑳ ان آپون نئه ايٿا رٿي ڪهر پڻ سئه، جي پڳوون رو ڏيڪرو ڏنبا ۾ آيوه ان آپون نئه ايوئي هزم ڏيڏيهه جيا ٿي آبي پڳوون نئه اوڙڪونه، جيو هاسو پڳوون سئه. ان آبي هاسا پڳوون ٿي واسطو راڪونه، ڪم تو آبي اوترا را ڏيڪرا ايسو ڪريست ٿي واسطو راڪونه. اُو هاسو پڳوون ان هميش رو جيون ڏيڏا وازو سئه.

㉑ مارون پريمي پاڙون، مورتئي پوزا ان جئي پڻ وات پڳوون ري هاسي شيوا پرموئنه نٿي، هايون ٻڌيون واتون ٿي تمي آپ نئه پچاوين راڪو.

يُوحنا را لکل پيزا کت رڻي هزمونڻي

کت لکيا واڙو

ايڻا کت ۾ لکيا واڙا رو نوم نٿي لکل، پڻ لکيا واڙو آپ نٿه منڌڙي رو آڳيون ڪنهن (2 يُوحنا 1:1). شروع ٿي لين منک هزمئھ جي اي کت يُوحنا رو لکل سٺه. يُوحنا پريو ايسو رون پيرهيون شيلون موٽين ٿي هيڪ هتو، ان ايسو رو پريمي شيلو هتو. زڻيون يُوحنا ڏوڪرو هتو، او آسيه صوپا را افسس شهر ۾ ريتو، ان آسيه صوپا ريون وشواسي منڌڙيون رڻي آڳيون ٿي ان همپاڙ ڪرتو. امر لاڳئھ جي يُوحنا اي کت اندازا ۾ 85-95ع ۾ لکيو زڻيون او ڏوڪرو هتو.

کت ڪيون منڪون هارو لکيو

ايڻا کت ۾ لکل سٺه جي اي کت پڳوون ري سونڊل بائي ان اوٽا رون بازون هارو سٺه (2 يُوحنا 1:1). هايا ٿي امر لاڳئھ جي اي کت آسيه صوپا ري هيڪي وشواسي ڏوشي ان اوٽا ري اڪائي هارو سٺه. پڻ گھڻا منک هزمئھ جي اي مثالي ٻولي سٺه، ان کت هيڪي وشواسي منڌڙي هارو ان اوٽا منڌڙي رون منڪون هارو سٺه. هيوتھ نمونھ 'ناري ٻين را باز' پيزي وشواسي منڌڙي را منک سٺه (2 يُوحنا 1:13). زويار يُوحنا تيار وات هتارڻ لکي، ڪم تو اوٽا وکت ۾ رومي حڪومت وشواسيون نٿه تنگ ڪرتي ان ٿي هيڪتو جي زھڙي ۾ اي کت روم رون ڦوجيون نٿه زڙتھ.

کت لکيا رو مطلب

يُوحنا اي کت هيڪي وشواسي منڌڙي رون منڪون نٿه لکيو، زم او هاسو وشواس راکنا رٿه ان هيڪا پيزا ٿي پريم ڪرتا رٿه، او ايون منڪون ري واتون نه مونٿه، جيا آپ نٿه وشواسي ڪين ايسو را پارام ڪوڙي واتون شيڪارٿھ، ان نڪو ايون ڪوڙون منڪون نٿه اڀري گھري اوڪار ڏتھ. يُوحنا ايڻا کت ۾ اوٽون ڪن آيا را پارام مور ٿي ڪبر پڻ ڏتھ.

ايڻا ڪتاب را شاستر ٿي پيزا حوالا:

2 يُوحنا 4:1-5 اچار 18:19	2 يُوحنا 6:1
2 يُوحنا 4:1-5 يُوحنا 34:13	2 يُوحنا 7:1
2 يُوحنا 5:1 1 يُوحنا 7:2	2 يُوحنا 7:1
2 يُوحنا 6:1 يُوحنا 23:14	2 يُوحنا 12:1
	1 يُوحنا 3:5
	2 يُوحنا 7:1 مٿي 11:24
	2 يُوحنا 7:1 1 يُوحنا 2:4-3
	1 يُوحنا 4:1

يُوحنا

رو لکل پيزو کت

1 ① هُون لکيا وازو منڌڙي رو آڳيوون سون.

پريمي پڳوون رڻي سُونڍل ٻائي ان ٻائي رون ٻازون، هُون تمون ٿي هاس ۾ پريم ڪرونه. ان نه رُوگو هُون تمون ٿي پريم ڪرونه، پڻ اُو ٻڌائي تمون ٿي پريم ڪرڻ، جيون نئه هاس رڻي ڪبر پڙيڻه. ② امي تمون ٿي تيام پريم ڪرونه، ڪم تو آڻتون منون موئين هاس سئه ان اي هاس آڻون پيڙو هميش هُوڏي ريشي. ③ پڳوون ٻاپ ان ايسو ڪريست جيو پڳوون ٻاپ رو ڏيڪرو سئه، آڻون مانه ڪرڻا ان ڏنيا ڪرشي، ان آڻون نئه هڪي راکشي، زم آڻي هاس مانه وون ان پريم ڪرتا ريون.

④ هُون الاهي گهڻو ڪش ٿيو، ڪم تو مُون نئه ڪبر پڙيڻه جي ٿارون ٻازون موئين ٿي ڪوڪ هاس مانه وئ ريا، زم پڳوون ٻاپ را پاها ٿي آڻون نئه حُڪم زڙيو تو. ⑤ ان هُوئه، پڳوون رڻي سُونڍل ٻائي، مارئي تُون ٿي وينتئي سئه. هُون تُون نئه پيزو ڪوئي نوو حُڪم نٿي لکتو، پڻ اُو هاڳي حُڪم لکونه ريو جيو شُرُوع ٿي لين آڻون نئه ڏيڏل سئه. مارئي وينتئي اي سئه جي آڻي هڪا پيزا ٿي پريم ڪرون. ⑥ ان پريم اي سئه، جي آڻي پڳوون رون حُڪمون مانه وون. هائي اُو حُڪم سئه، جيو تمي شُرُوع ٿي هومپڙوه ريا، جي تمي پريم مانه وو.

⑦ ڪم تو گهڻا شيتريا وازا منڪ آڻون نئه ساڏين. ڏنيا ۾ نيهرې پڙياھ، جيا ام نٿي مونتا جي ايسو پڳوون رو سُونڍل پچايا وازو ڪريست سئه ان منڪ

ٽين دنيا ۾ آيوه. جيو ڪوئي هيوو سئ، او شيتريا وازو ان ايسو ڪريست رٺ
 ڪلاڦ وويڏا وازو سئ. ⑧ ٽمي هوشيار ريو، متون وشواس راڪيا ۾ جيو پڻ ڦائيدو
 اماري مينت ٿي تمون نئ ٿيوه، او ڪٽم ٿي زائ، ان تمون نئ پڳوون را پاها ٿي
 پورو انصاب نه زڙئ. ⑨ جيو ڪوئي آپ نئ گهڻو زوئو هزمين ايسو ڪريست را
 پارام اڳلوڪي اصلي ان هاسي شيڪاڙل واتون نٿي مونٽو، او پڳوون ٿي واسطو
 نٿي راکتو. پڻ جيو ڪوئي اڳلوڪي اصلي ان هاسي شيڪاڙل واتون مونٽه، او
 پڳوون ٻاپ ٿي واسطو راکتھ، ان پڳوون را ڏيڪرا ايسو ٿي پڻ واسطو راکتھ.
 ⑩ جي ڪوئي تمون ڪن شيڪاڙوا آئ، ان او هائي اڳلوڪي اصلي ان هاسي
 شيڪاڙل واتون نٿي شيڪاڙتو، تو ٽمي اوئا نئ نڪو اوڪار ڏيو نڪو گهر موئين
 آوا ڏيو، پڻ اوئا نئ ٽمي هڪي ريا رو ڪيڏا وگر همروم پاسو روونو ڪرو
 پرو. ⑪ ڪم تو جيو هيوا منڪ نئ هڪي ريا رو ڪئھ، او زوئئ هيا رون ڪراپ
 ڪومون موئين حصو لئھ.

⑫ تمون نئ لڪيا هارو مون ڪن گهڻي پيڙي واتون سئ، پڻ مارئي مرضي
 نٿي جي هون هائي واتون ڪت ۾ لڪون. پڻ مارئي اميد سئ جي هون تمون ڪن
 آون ان تمون ٿي روپرو واتون ڪرون، زم آيون ٻڌون نئ پوري ڪشي ٿئ.
 ⑬ ٿاري پڳوون ري سونيل پين را ٻاڙئون نئ نمسڪار ڪئھ.

يُوحنا را لکل ترثما کت رئي هزمونئي

کت لکيا وازو

ايئا کت م لکيا وازا رو نوم نئي لکل، ین لکيا وازو آپ نئ منڌري رو اڳيون ڪهه (3 يُوحنا 1:1). شروع ٿي لين منک هزمتهه جي اي کت يُوحنا رو لکل سئ. يُوحنا پريو ايسو روون پيرهون شيلون موئين ٿي هيڪ هئو، ان ايسو رو پريمي شيلو هئو. زئينون يُوحنا ڏوڪرو هئو، او آسيه صويا را افسس شهر م ريتو، ان آسيه صويا ريون وشواسي منڌريون رئي اڳيونئي ان همپاڙ ڪرتو. ام لاڳهه جي يُوحنا اي کت اندازا م 85-95ع م لکيو زئينون او ڏوڪرو هئو.

کت کيا منک هارو لکيو

يُوحنا اي کت هيڪا گائس نومي وشواسي هارو لکيو (3 يُوحنا 1:1). گائس آسيه صويا ري هيڪي وشواسي منڌري رو منک هئو. زئينون يُوحنا اڀرون منکون نئ اوئا وشواسي منڌري م شيڪاڙيا هارو ميليا، تو اوت رئ هيڪه ڊيٽرفيس نومي وشواسي يُوحنا ٿي اوڀرو تين اوئون منکون نئ اووا نه ڏيڏا (3 يُوحنا 9:1-10). پڻ گائس يُوحنا روون ميلل منکون نئ اوڪار ڪريو ان اڀري گهري تڪاڙيا (3 يُوحنا 3:1-6). ام لاڳهه جي ڊيميتريس نومي منک جيا را وڪون يُوحنا ڪرئهه ريو (3 يُوحنا 12:1)، او منک سئ جيا ري هائي يُوحنا اي کت ڏي ميليو.

کت لکيا رو مطلب

يُوحنا اي کت لکيو زم او گائس نئ شاپاش ڏئ جي او نائوڪه نمونئ وشواس مانه وئه، ڪم تو اوئ يُوحنا روون ميلل منکون نئ اوڪار ڏيڏو تو، جيا وشواسيون نئ شيڪاڙيا هارو ميلل هئا، يُوحنا اي کت تيام پڻ لکيو زم او گائس نئ اڀرون ميلل منکون رئي وڙي ڀارت ڪرئ. ايئا کت م يُوحنا اي پڻ ڪهه جي او آپ اوين ڊيٽرفيس نومي منک نئ هزماوشي.

ايئا ڪتاب را شاستر ٿي پيزا حوالا:

3 يُوحنا 9:1	مرقس 14:3, 17
3 يُوحنا 9:1	لوقا 13:6-14
3 يُوحنا 9:1	متي 18:18
3 يُوحنا 12:1	يُوحنا 24:21
3 يُوحنا 5:1	رُوميون 13:12
3 يُوحنا 6:1	احبار 18:19
3 يُوحنا 6:1	يُوحنا 34:13
3 يُوحنا 9:1	متي 2:10

يُوحنا

رو لکل ترٽمو ڪٽ

- 1 ① هُون لکيا وازو منڌڙي رو آڳيوون سون.
 ② پريمي ڀائي، مارئي پرائنا سٺه جي زم تون وشواس راکيا ۾ نيڪ سٺه،
 تم تون هر وات ۾ نيڪ هونء ان هازو هورو ٻينو هونء. ③ ڪم تو هون ايئا وات
 مانه گهڻو ڪش تيو، زئون ڪئينڪ وشواسي ڀائي تون ڪن ٿي مون ڪن آيا، ان
 تارا پارام هاک پرين ڪيتات ريا جي تون هاس مانه ونه ريو، جيونء نمونء
 تون هميش هاس مانه ويتو رنه. ④ مون هارو هايا ٿي مونئي ڪشي رئي وات
 سٺه ئي نئين، جي هون هومپزونه جي مارا پاڙ هاس مانه ونه ريا.
 ⑤ پريمي ڀائي، جيا ڪوم تون وشواسي پايون ري شيوا هارو ڪرڻه، ڪاس
 ڪرين اوئون رئي مزمونئي ڪريام جيون ننه تون اوڙڪتو ئي نٿي، او ڪوم ڪريا
 ۾ تون ايمونڌاري ٿي ونه. ⑥ اوئي منڪي ايت ري وشواسي منڌڙي هومئي تارا
 پريم را پارام هاک پري. هونء تون اوئون رئي ڪاپئي پورئي ڪرين اوئون ننه
 ايونء ناوڪئ نمونء آڳڙ زايا هارو ميلي، جيونء نمونء پڳوون ري نظر ۾ هوو
 ڪپنه، تو تون ناوڪو ڪريه. ⑦ ڪم تو او ايسوري شيوا هارو ايت ٿي رونا
 ٿياھ، ان جيا منڪ وشواسي نٿي، اوئون ٿي او ڪئين نٿي لیتا. ⑧ تيام آڀون
 وشواسيون رو قرض سٺه جي آڀي هيون منڪون رئي مدت ڪرون، زم آڀي پڻ
 پڳوون ري هاسي واتون همپزيا ۾ اوئون پيزو حصو ليون.

⑨ مئين ٿارا پاها ري وشواسي منڌڙي نئه ڪئينڪ لڪيو تو ان پايون ري هاڻي ڏي ميليو تو. پڻ ڊيٽرفيس، جيو آپ منڪون مانه موتو ٿيوا ڪرئ، او اُوپروٽ تين امون ٿي واسطوراڪيا دونا پارئو ⑩ تيام، زئمن هون اوئنه آويه، تئيون هون اوئا نئه هايون واتون را پارام هزماويه سم تر او امون مانه نالا الزوم هئين گهڻي ڪراپ واتون ڪرئ. او روگو هم ڪريا ٿي ڪش نٿي ٿيتو، پڻ او وشواسي پايون نئه آپ آوڪار نٿي ڏيتو، ان جيا منڪ اوئون نئه آوڪار ڏيوا ڪرئ، اوئون منڪون نئه پڻ او روڪئ ان وشواسي منڌڙي ٿي ٻارا ڪاڏئ پرا. ⑪ پريمي پائي، تون هيو ڪراپ نمونا مانه مت وي، پڻ نائوڪا نمونا مانه ويتوري. جيو منڪ نائوڪا ڪوم ڪرئ، او پگوون را پاها رو سئ. جيو منڪ ڪراپ ڪوم ڪرئ، اوئ پگوون نئه اوڙڪيو ٿي نٿي.

⑫ هون ڊيميٽريس را پارام ٻڌي منڪي هاڪ پريئيه جي او نائوڪو منڪ سئ، ان اوئا رئه هاس مانه وودا ٿي پڻ هايا وات رئي ٿاڀٽي ٿيئيه. ان امي پڻ هايا را پارام هاڳي هاڪ پرونه، ان تون نئه ڪهر سئ جي اماري پرل هاڪ هاسي سئ.

⑬ مون ڪن گهڻي ايوي واتون سئ جيون را پارام تون نئه لڪوو تو، پڻ مارئي مرضي اي نٿي جي هاڻي واتون تون نئه ڪت ڀر لڪون. ⑭ پڻ مون نئه اميد سئ جي هون جلدتي تون ڪن آويه، ان تئيون آبي روپرز واتون ڪرشون. ⑮ تون هڪي رئه! ايت را پريمي وشواسي پائي ان پينون تون نئه نمسڪار ڪئ. اوٽ رون پريمي پايون ان پينون نئه مارا پاها ٿي هر هيڪ نئه نمسڪار ڪي پرو.

يهوداه را لکل کت رئي هزموتئي

کت لکيا واژو

اي کت يهو، دڪبو، جيو يعقوب رو پائي هتو (يهوداه 1:1). اي يهوداه ايسو رو مک شيلو نتو. بن ايسو رون پايون موئين ٿي هيڪ هتو (متي 13:55). يهوداه رو پائي يعقوب يروشلم شهر ري وشو. ي منڌري م هيڪ آگيوون هتو (مک شيلون را کوم 13:15). يهوداه اي کت اندازام 65ع م کا تيا کيڙ لکيو.

کت کيون منڪون هارو لکيو

ايٿا کت م کيا شهر کا صويا رو نوم نئي لکل جيا ٿي کبر پڙٿ جي يهوداه اي کت کيون منڪون هارو لکيو. آيون نه روگي انئي کبر سه جي او وشواسي هتا (يهوداه 1:1)، ان اوئون ري وشواسي منڌري م ڪئينڪ منک اول هتا جيا ايسو نه پريو نه مونتا ان پڳوون ره ڪلاڻ وين ڪوڙي واتون شيڪاڙتا ريا (يهوداه 4:1).

کت لکيا رو مطلب


يهوداه اي کت لکيو ڪم تو اوٿا نه کبر پڙٿي جي ڪراب منک وشواسي منڌري م اول سه جيا پوندو کوم ڪرته ان ايسو نه پريو نئي مونتا (يهوداه 4:1)، ان پييهون رئي لالچ ڪرين وشواسيون نه ڪوڙي واتون شيڪاڙته ريا (يهوداه 1:11). يهوداه وشواسيون نه ياد ڏيوراوٿه جي پڳوون ايون ڪراب منڪون نه سزا ڏيشي (يهوداه 1:15)، ان اوئون نه ڪهه جي او ايسو مانهه پڪو وشواس راکتا ره ان ڏوهه ڪريا واژون نه هزماوٿ (يهوداه 1:20-23).

ايٿا ڪتاب را شاسنر ٿي پيزا حوالا:

يهوداه 1:1	متي 55:13	يهوداه 11:1	استشنا 4:23-5
يهوداه 4:1	يسعياه 11:13	يهوداه 11:1	گنتي 16:31
يهوداه 5:1	خروج 12:1-14:30	يهوداه 11:1	گنتي 16-50
يهوداه 5:1	استشنا 20:1-36	يهوداه 14:1	پيدائش 5:18-24
يهوداه 5:1	استشنا 12:14-15	يهوداه 14:1	1 تواريخ 1:3
يهوداه 6:1	1 پطرس 3:19	يهوداه 17:1-18	متي 24:11
يهوداه 6:1	2 پطرس 2:4	يهوداه 17:1-18	30-29:20 کوم
يهوداه 7:1	پيدائش 19:1-28	يهوداه 17:1-18	2 تيمٿيس 3:1-5
يهوداه 11:1	پيدائش 3:4-8	يهوداه 17:1-18	2 پطرس 3:3
يهوداه 11:1	گنتي 22-4:22	يهوداه 17:1-18	1 يوحنا 4:1

يهوداه

رو لكل كت



1 ① هُون لکيا وازو يهوداه سون، جيو ايسُو کريست رو شيواڌاري سون، ان يعقوب رو پائي سون.
 پريمي وشواسي پايون ان پينون، تمی جيون رو پگوون آپ ٿي واسطو رکايوه، جيون ٿي پگوون باپ پريم راکنه، ان جيون رئي ايسُو کريست همپار کرئه،
 ② پگوون تمون مانه گهٿي ڏيا کرئه، تمون نئه گهٿا هڪي راکنه، ان تمارون منون ۾ گهٿو پريم ڏئه!

پگوون کوزي واتون شيڪازيا وازون نئه
 هميش رئي سزا ڏيشي

③ پريمي پايون ان پينون، مون نئه گهٿو شونق هتو جي هون تمون نئه اونا تارن را پارام لکون، جيو تارن آپون نئه پگوون ٿي زڙيوه. پڻ مئين اي ضروري هزميو

جي تمون نئه حونصلو ڏيڏا هارو لكون جي تمڻي آڀرا وويڏا ٿي ان ڪيڏا ٿي پوري ڪوشش ٿي ٿاڀيڻي ڏيو جي وشواس ري اصلي واتون هلاسي سئه، جي واتون آڀون پڳوون رون سونيل منڪون نئه هميش هارو ڏيڏل سئه. ④ هون ايٺا هارو لكونه ريو، ڪم تو ڪئينڪ ايوا منڪ آڀرا من ري واتون هٿاڙين وشواسي منڌڙي ۾ آياھ را، جيا پڳوون رئه ڪلاڦ وئھ. آڀو پڳوون اوئون مانھ ڪرپا ڪرئھ، پڻ هايا ٿي او ام هزمئھ جي ”امون نئه پونڌاڻي ڪريا رو موقعو زڙيوھ،“ ان او ايسو ڪريست نئه نئي مونتا جيو آڀنو هيڪئھ ڏئي ان پريو سئه. هيون منڪون را پارام اڳلوڪا زمونا ٿي شاستر ۾ لڪل سئه جي اوئون نئه پڳوون را طرف ٿي سزا زڙشي.

⑤ تمون نئه تو ايئون ٻڌيون واتون رئي اڳي ڪبر سئه، توئي پڻ هون تمون نئه ياد ڏيوراونھ جي ايشور اڳي آڀري سونيل قوم نئه مصر ملڪ ۾ ڳلومي ٿي سڏاوين پڇاوي ٿي، توئي پڻ تيا ڪيڙ اوئھ آڀري هاڳي سونيل قوم موئين ٿي اوئون منڪون نئه سزا ڏين ڪتمز ڪريا پرا جيا اوئا مانھ وشواس نه راکتا. ⑥ ان زتي آڪاشي ڏوتي پڳوون رئي ڏيڏل آڳيونئي ڪريا رئي زميواري ساڌين آڀري آڪاش ۾ ريا رئي جگا ساڌي پري، پڳوون اوئون نئه همريئم سزا ڏيڏيھ، ان هميش هارو زوئنه اندارا گھش ۾ هونڪڙون ٿي پونڌين آڀرا سوجھرا ٿي شيتي راکياھ، زم نيا رئه ڏي اوئون نئه سزا ڏئھ. ⑦ ان هاڳي نمونئھ سدوم، عموره، ان اوئون رئه آهئھ پاهئھ شهر، جيون را منڪ لوڦرائي ۾ لاڳيات پرا ان آڌمي آڌمي ٿي پونڌو ڪوم ڪرتا، پڳوون اوئون شهرون نئه همريئم سزا ڏين پاڙيا پرا، زم اوئون ٿي وات ساويي ڏيڪائھ جي ڪراپ ڪومون را پڌلا ۾ پڙتي پاهي ۾ هميش هوڏي سزا زڙشي.

⑧ هاڳي نمونئھ هائي ڪراپ منڪ جيا وشواسي منڌڙي ۾ آياھ را، او پڻ آڀرون شپنون ري ڪري آڀ نئه موتا هزمئھ، ان پونڌو ڪوم ڪريا ٿي آڀ نئه ڪراپ ڪرئھ پرا، او پريو ايسو ٿي اوڀرو ٿين اوئا رو ڪيڏو ڪئين نئي هزمتا،

ان مون واژون آكاشي دوتون ننه گهت هزمين اونون رنه كلاف بولنه. ⑨ مونون
 آكاشي دوت ميكائيل آپ، زيون او موسي رو لاش ليذا هارو شيطون تي تڪرار
 ڪرتوت ريو، تيون اونه آپ ننه ايون مونون نه هزميو جي او شيطون رنه كلاف
 بولين آپ سزا ديذا رو قينصلو ڪرئ. پڻ اونه روگو ام ڪيدو: "ايشور تارو دوه
 ڪاڏيه!" ⑩ پڻ هائي ڪراپ منڪ، جيون پڻ واتون رئي هايون ننه ڪبر نتي، هائي
 اونون رنه كلاف بولنه. ان جي پڻ واتون هائي پي عقل زناورون را زم هزمئ،
 اونون ڪراپ واتون تي آپ ننه ڪتم ڪرئ ريا.

⑪ ڏڪ سئ هايون هارو، ڪم تو هائي منڪ قائن را زم ڏشمئي راکيا را
 مارگ مانه وويده پرا، ان بلعام را زم لالچ هارو ڪوڙ ڪروا مڏيا، ان قورح
 را زم پڳوون رون آڳوونون رنه كلاف بولين پڳوون رئي سزا ڪاڏا واڙا تي
 ڳيا. ⑫ زيون تمي پريم تي ٻڌائي پيرا تين ڪاوه، تيون هائي منڪ پڳوون
 تي پڻايا وگر تمون پيرا ڪاه پيئ، ان هيون نمونئ وشواسي منڌري م نقصون
 ڪرئ، زم پوڻي م هتال پتر پيڙيون رو نقصون ڪرئ. هائي پيڙون رو نئين پڻ
 روگو آڀرو ڪيال راکئ، زم ايوا ڌراڙ جيا مال ننه نتي سارتا، پڻ روگو آڀرو پيت
 پرئ. هائي منڪ نالي واتون شيڪارين نالون واڏزون را زم نڪوما سئ، جيون
 م پوڻي نتي هوتو ان وائرو اوڏاڙي زائ. هائي هاو ڪتم ٿيل وٿون را زم سئ
 جيون موئين ميوات ري موسم م ڪئين ميوات نتي، ان جيا پاڙون تي اوڪڙل سئ،
 ڪم تو هائي منڪ ڪئين نائوڪا ڪوم نتي ڪرتا ان هميش رو موت ڪاڏا واڙا
 سئ. ⑬ هائي منڪ سمونڊ ريون چوليون را زم سئ. زم سمونڊ ري چولي ڪيا
 را قوضام نتي ان ڪپ مانه ڪسرا ڦڳوڙئ، تم هائي منڪ ڪيا رئي وات نتي
 مونتا ان ڪراپ ڪوم ڪرين آڀرئي پيعزتي ڪرئ. ان هائي منڪ ڪرل تارون
 را زم پڻ سئ. زم تارا ڪرين اونسا تي پڙئ ان انڌارو تي زائ، تم هايون
 منڪون ننه سوجهرو نه ديذا ري ڪري سزا زڙشي ان هميش هوڏي انڌارا گهش
 م راکل هوشي.

⑭ هيوون منكون را پارام حنوك پڻ، جيو هاتمي پيڊي مانه آدم رو پوترو هتو، پڳوون رو نياپو ڏين مور ٿي ڪيڏو تو:

”زئو، پرڻو آپرون هزارون پويتر ڏوتون پيڙو آوشي،
⑮ زم او ٻڌون منكون رو نيا ڪرئ،

ان ٻڌون پڳوون رڻه ڪلاڦ وُڍا واڙون منكون رو

هر ڪراپ ڪوم رو ڏوه ڪاڍئ

جيا اوئي پڳوون رڻه ڪلاڦ ڪرياه،

ان هر ڪراپ وات رو ڏوه ڪاڍئ

جي اوئي ڏوهاريئي پڳوون رڻه ڪلاڦ ڪريه.“

⑯ هائي منڪ هميش پڳوون رڻي ڳلا ڪرئ ان پيڙون رڻه ڪلاڦ ٻولئھ، آپرون ڪراپ ڪيالون مانھ وئھ، آپرئي وڏائي ڪرئ، ان آپرا ڦائڍا هارو منكون را نالا وڪوڻ ڪرئ ان اوئون ٿي نائوڪئ نمونئھ ٻولئھ.

آپئڻ وِشواس ريون هاسيون واتون مانھ وينا ريوو

⑰ پڻ تمي، پريمي پايون ان بينون، تمي اي واتون ياڌ راکيا، جي آپنا پرڻو ايسو ڪريست ري مُڪ شيلي مور ٿي همپڙاويھ. ⑱ ڪم تو او تمون نئھ ام ڪيتا ريا جي ڏنيا ري پڇاڙي ۾ ايوا منڪ آوشي جيا هاسيون واتون مانھ نئولي ڪرشي، ان آپرون ڪراپ ڪيالون مانھ وين پڳوون رڻه ڪلاڦ ويشي.
⑲ هائي منڪ او را او سئھ جيا آپرئي پالٽئي ناوين وِشواسيون نئھ هيڪا پيڙا ٿي ڌار ڪرئ، هائي روڳا آپرون ڪراپ ڪيالون مانھ وئھ، ان هايون ۾ پويتر آما نٿي.

⑳ پڻ تمي، پريمي پايون ان بينون، آپرا پويتر وِشواس مانھ وُڍا ٿي آپرئي وِشواس راکيا رڻي هيٺ وڌارو. پويتر آتما ري مرضي پرموئھ پراٿا ڪرو.

㉑ ان پڳوون را پريم نئھ مت ساڏيا پڻ پڳوون ٿي پريم راکتا ريو، ان اوئا توتا

رئي واٽ زوتا ريو زئيون آپٽو پريو ايسو كريست آپون مانھ ڏيا ڪرين آپون
نٺھ هميش رو جيون ڏيشي.

②2 جيا منڪ وشواس را پارام شڪ راکئھ، اوتون مانھ ڏيا ڪرين اوتون
نٺھ ھزماوو. ②3 جيا ڏوهون ري ڪري هميش رئي سزا کاڌا واڙا سئھ، اوتون نٺھ
ھزماوين هميش ري پاھي ٿي پچاوو. ان جيا آپرا ڪراپ ڪيالون پرموئٺھ پوندائي
ڪرئھ، اوتون مانھ ڏيا ڪرين اوتون نٺھ ھزماوو. پڻ جي ڪئين پڻ اوتون ري
پوندائي ري ڪري ڪراپ ٿيل سئھ اوتنا ٿي پاھو ڪرو، ان آپرا پارام پيئاتا ريو
متون تمي پڻ هاڳي ڪراپ ڪومون ۾ ڦاٿي نہ زائو.

يهوداه پڳوون رو ٿورو مونئھ

②4 پڳوون را وڪوڻ ٿئھ! او آپون نٺھ همپاڙين راڪي هيڪئھ، زم آبي ڏوھ ڪريا
را آزمتا ۾ نہ پڙون، ان نيا رٺھ ڏي مون واڙا پڳوون رٺھ روپرو آبي الزوم ووٽا
ڪشي ٿي اوپي هيڪون. ②5 او هيڪئھ پڳوون سئھ. او آپنا پريو ايسو كريست
رٺھ هيئھ آپون نٺھ پچايا واڙو سئھ. ان اوتنا رو مون، شون، طاقت ان اڪتياڙي
شروع ٿي لين هتئي، همئھ سئھ، ان هميش هوڏي ريشي. آمين.

ايسُو را يوحنا نڌ ڊيڪاڙل ڏرشن رڻي هزموتڻي

ڪتاب لکيا وازو

يوحنا اي ڪتاب لکيو (ڏرشن 1:1، 4، 9، 8:22). زونا وڪت ٿي لين منڪ هزمتهه جي لکيا وازو او هاڳي يوحنا سڌ، جيو ايسُو رو هيڪ مڪ شيلو هتو ان ايسُو رو پريمي شيلو هتو (لوقا 14:6). يوحنا اي ڪتاب لکيو زڻيون او ڏوڪرو هتو ان ايسُو را پارام هميڙايا ري ڪري پتمس نومي بيت مانهه باروتا م هتو (ڏرشن 9:1). اينا ڪتاب م وات ساوڻي سڌ جي اوتا وڪت م منڪ وشواسيون نڌ گهڻا تنگ ڪرتا تا (ڏرشن 13:2، 9:6). تيام گهڻا منڪ هزمتهه جي يوحنا رومي حڪومت را دويمتيا نومي پادشا را راز م، اندازام 95ع م، اي ڪتاب لکيو.

ڪتاب ڪيون منڪون هارو لکيو

يوحنا اي ڪتاب آسيه صويا ربون هات وشواسي منڌڙيون هارو لکيو (ڏرشن 11:1). آسيه صوپو رومي حڪومت هيڪ هيڪ صوپو هتو. اوتا وڪت م رومي حڪومت رو پادشا گهڻون ملڪون نڌ آيري حڪومت را صويا ڪرين اوئون مانهه راز ڪرتو، ان آپ نڌ ٻڌون رو ڌڻي ان پريو ڪيوراونو. آسيه صوپا م منڪ رومي پادشا رڻي پوزا پڻ ڪرتا، ان پرگمن شهر اوتا ري پوزا رو مرڪز هتو، تيام ايسُو ڪنھه جي هايا شهر م شيطون رڻي گهاڏي سڌ (ڏرشن 13:2). تيام رومي حڪومت ان پيزا منڪ آسيه صويا رون وشواسيون نڌ گهڻا تنگ ڪرتا، ڪم تو او ايسُو نڌ آپرو ڌڻي ان پريو مونين رومي پادشا رڻي پوزا ڪريا رو نا پاڙتا.

ڪتاب لکيا رو مطلب

يوحنا اي ڪتاب لکيو ڪم تو ايسُو اوتا نڌ لکيا رو ڪيڏو (ڏرشن 11:1، 19). ايسُو اي ڪتاب تيام لکايو، زم آسيه صويا رون وشواسيون نڌ هزماوڻ ان حوصلو ڏڻ جي او ڏورون ڏيئون م وشواس نڌ ساڌڻ نڪو ڪوڙيون وانون مانهه وڻ، پڻ پڪو وشواس راکتا رڻ، تو اوئون نڌ هميش رو جيون زڙشي (ڏرشن 1:2-22:3). اوتا وڪت م منڪ وشواسيون نڌ ابوا تنگ ڪرتا جي وشواسيون نڌ ام لاڳيو هوشي جي شيطون ڪنھه ريو ان پڳون هارڻهه ريو. تيام ايسُو ڏرشن ڏين ان نيشون ڊيڪاڙين اي پڻ شيڪاڙيو، جي ڪراب ڏنيا مانهه گهڻي آفتون اوشي، ان شيطون حڪومتون ٿي، ڌرمون ٿي ان منڪون ٿي وشواسيون رڻ ڪلاڻ گهڻو ڪين ڪراوشي، پڻ نيٺ پڳون هايون ٻڌون نڌ هميش رڻي سزا ڏيڻي. تيام وشواسيون رڻ مريا هارو پڻ تيار ريو ان موت ري پيڪ م وشواس نڌ ساڌو، ڪم تو پڳون اوئون نڌ تارڻ ڏيڏا هارو پڇاوين راکياه، ان پلڻ او مراڻي زان، توڻي پڻ آڪر م اوئون نڌ آڪاش م هميش هوڏي هڪ ٿي هڪ زڙشي.

اِيئا كِتابِ را شاسترِ تي پيزا حوالا:

دُرسن 17:2 خُروُج 16:1-31	دُرسن 1:1 مِتي 4:21-22
دُرسن 17:2 يُو حنا 6:49-51	دُرسن 1:1 مِتي 10:1-2
دُرسن 17:2 يِسعياه 62:2	دُرسن 4:1 دُرسن 1:1
دُرسن 18:2 كوم 16:14	دُرسن 7:1 داني ايل 7:13
دُرسن 18:2 دُرسن 14:1-15	دُرسن 7:1 يُو حنا 19:34, 37
دُرسن 20:2 1 سلاطين 16:31	دُرسن 7:1 زكرياه 12:10
دُرسن 20:2 1 سلاطين 18:1-19:2	دُرسن 11:1 دُرسن 4:1
دُرسن 20:2 1 سلاطين 21:1-26	دُرسن 12:1 دُرسن 20:1
دُرسن 20:2 2 سلاطين 9:6-37	دُرسن 13:1 داني ايل 7:13
دُرسن 27:2 زُبور 2:9	دُرسن 16:1 دُرسن 20:1
دُرسن 1:3 دُرسن 4:1	دُرسن 16:1 دُرسن 15:19, 21
دُرسن 1:3 دُرسن 16:1, 20	دُرسن 1:2 كوم 18:19-21
دُرسن 4:3 زكرياه 3:3-4	دُرسن 1:2 كوم 18:24-26
دُرسن 5:3 خُروُج 32:33	دُرسن 1:2 كوم 19:1-20:1
دُرسن 5:3 زُبور 69:27-28	دُرسن 1:2 اِفسيون 1:1
دُرسن 5:3 داني ايل 1:12	دُرسن 1:2 1 تيمثيئس 3:1
دُرسن 7:3 دُرسن 18:1	دُرسن 1:2 دُرسن 13:1, 16
دُرسن 14:3 كُلسيون 2:1	دُرسن 1:2 دُرسن 20:1
دُرسن 14:3 4-13:16	دُرسن 2:2 كوم 20:29-31
دُرسن 14:3 دُرسن 5:1	دُرسن 4:2 اِفسيون 1:15-16
دُرسن 18:3 1 بطرس 7:1	دُرسن 5:2 دُرسن 20:1
دُرسن 18:3 زكرياه 3:3-4	دُرسن 7:2 پيدايش 2:9
دُرسن 19:3 اِمثال 3:12	دُرسن 7:2 پيدايش 3:22-24
دُرسن 21:3 مِتي 19:28	دُرسن 7:2 دُرسن 2:2, 14
دُرسن 1:4 دُرسن 10:1	دُرسن 8:2 دُرسن 1:17-18
دُرسن 2:4 يِسعياه 6:1	دُرسن 11:2 دُرسن 20:14
دُرسن 3-2:4 حَزقي ايل 1:26-28	دُرسن 12:2 دُرسن 16:1
دُرسن 5:4 زكرياه 4:2	دُرسن 14:2 گنتي 25:1-3
دُرسن 8-6:4 يِسعياه 6:3-2	دُرسن 14:2 گنتي 31:16

دَرشَن 15:11	زُبُور 13:145	دَرشَن 5:5	پيدائش 10-9:49
دَرشَن 15:11	داني ايل 44:2	دَرشَن 5:5	يسعياه 10-1:11
دَرشَن 15:11	داني ايل 14-13:7	دَرشَن 5:5	متي 3:1, 6, 16
دَرشَن 18-17:11	زُبُور 6-1:2	دَرشَن 6:5	يسعياه 7:53
دَرشَن 19:11	خُرُوج 22-10:25	دَرشَن 6:5	يُوحنّا 29:1
دَرشَن 19:11	خُرُوج 9-1:37	دَرشَن 11:6	زكرياه 4-3:3
دَرشَن 3:12	دَرشَن 9:12	دَرشَن 17:6	صِفْتِيَاہ 18-14:1
دَرشَن 5:12	زُبُور 9, 7:2	دَرشَن 3:7	حزقي ايل 4:9
دَرشَن 5:12	لُوقَا 33-31:1	دَرشَن 8-5:7	1 تواريخ 2-1:2
دَرشَن 5:12	لُوقَا 51:24	دَرشَن 8-5:7	قُضَات 31-30:18
دَرشَن 7:12	داني ايل 1:12	دَرشَن 6:7	پيدائش 51:41
دَرشَن 9:12	پيدائش 15-1:3	دَرشَن 9:7	زكرياه 4-3:3
دَرشَن 14:12	خُرُوج 5-4:19	دَرشَن 14:7	مَتِي 14-9:24
دَرشَن 4-1:13	دَرشَن 7:11	دَرشَن 14:7	زكرياه 4-3:3
دَرشَن 4-1:13	دَرشَن 14-8, 3:17	دَرشَن 4:9	دَرشَن 3:7
دَرشَن 8:13	دَرشَن 5:3	دَرشَن 14:9	پيدائش 14:2
دَرشَن 11:13	مَتِي 15:7	دَرشَن 6:10	پيدائش 1:2-1:1
دَرشَن 11:13	مَتِي 24:24	دَرشَن 6:10	دَرشَن 11-9:6
دَرشَن 1:14	دَرشَن 9-4:7	دَرشَن 7:10	دَرشَن 18-15:11
دَرشَن 8:14	دَرشَن 10-8:11	دَرشَن 7:10	زُبُور 20:145
دَرشَن 8:14	يرمياہ 10-6:51	دَرشَن 7:10	داني ايل 44:2
دَرشَن 10:14	زُبُور 8-7:75	دَرشَن 7:10	داني ايل 14-13:7
دَرشَن 10:14	يرمياہ 31-15:25	دَرشَن 2:11	داني ايل 25:7
دَرشَن 14:14	دَرشَن 13:1	دَرشَن 2:11	لُوقَا 24:21
دَرشَن 14:14	داني ايل 14-13:7	دَرشَن 4-3:11	زكرياه 14-11, 3:4
دَرشَن 15:14	مَتِي 30-24:13	دَرشَن 7:11	دَرشَن 4-1:13
دَرشَن 15:14	مَتِي 43-36:13	دَرشَن 7:11	دَرشَن 14-8, 3:17
دَرشَن 15:14	مَتِي 12:3	دَرشَن 8:11	دَرشَن 4:19-19:16
دَرشَن 18:14	يُو ايل 13:3	دَرشَن 8:11	پيدائش 28-1:19
دَرشَن 3:15	خُرُوج 18-1:15	دَرشَن 8:11	خُرُوج 22-8:1
دَرشَن 5:15	خُرُوج 19:27-8:25	دَرشَن 8:11	لُوقَا 46-26:23

ڏرشن 6:20	ڏرشن 5:15	ڏرشن 31:38-8:36	ڏرشن 5:15
ڏرشن 8:20	ڏرشن 12:16	ڏرشن 14:9	ڏرشن 12:16
ڏرشن 12-11:20	ڏرشن 12:16	ڏرشن 14:2	ڏرشن 12:16
ڏرشن 15, 12:20	ڏرشن 12:16	ڏرشن 15:11	ڏرشن 12:16
ڏرشن 13-12:21	ڏرشن 19:16	ڏرشن 8:11	ڏرشن 19:16
ڏرشن 21-18:21	ڏرشن 19:16	ڏرشن 8-7:75	ڏرشن 19:16
ڏرشن 23:21	ڏرشن 19:16	ڏرشن 31-15:25	ڏرشن 19:16
ڏرشن 24:21	ڏرشن 2:17	ڏرشن 7:51	ڏرشن 2:17
ڏرشن 27:21	ڏرشن 3:17	ڏرشن 7:11	ڏرشن 3:17
ڏرشن 1:22	ڏرشن 3:17	ڏرشن 4-1:13	ڏرشن 3:17
ڏرشن 2-1:22	ڏرشن 8:17	ڏرشن 5:3	ڏرشن 8:17
ڏرشن 2:22	ڏرشن 2:18	ڏرشن 22-19:13	ڏرشن 2:18
ڏرشن 2:22	ڏرشن 3-2:18	ڏرشن 8-7:51	ڏرشن 3-2:18
ڏرشن 3:22	ڏرشن 8-4:18	ڏرشن 58-45:51	ڏرشن 8-4:18
ڏرشن 4:22	ڏرشن 13:19	ڏرشن 3-2:63	ڏرشن 13:19
ڏرشن 5:22	ڏرشن 13:19	ڏرشن 14	ڏرشن 13:19
ڏرشن 5:22	ڏرشن 15:19	ڏرشن 16:1	ڏرشن 15:19
ڏرشن 16:22	ڏرشن 15:19	ڏرشن 9:2	ڏرشن 15:19
ڏرشن 18:22	ڏرشن 17:19	ڏرشن 21-17:39	ڏرشن 17:19
ڏرشن 19:22	ڏرشن 2:20	ڏرشن 15-1:3	ڏرشن 2:20
	ڏرشن 4:20	ڏرشن 28:19	ڏرشن 4:20

ڏرشن را مڻال

زڻيون ڀرڀو ايسو يوحنا نه اي ڏرشن ڏيڏو، تعيون اوڻه يوحنا نه شينا جيوي واتون ان نيشون ڏيڪاڙيا، جيون رو مطلب اپون هارو ڪعنيڪ اونڌو سه. ڪيونڪ واتون رو مطلب اينا ڪتاب مر هزماول سه (ڏرشن 20:1, 5:4, 6:5, 8:5, 7:13-14, 9:17-18, 8:19, 2:20). پڙي ڪعنيڪ واتون سه، جي اينا ڪتاب مر هزماول نٿي، پڻ اوڻا وڪت مر اوڻ رون منڪون هارو هزميام هوري هتي، ڪم تو اڳي شاستر مر لڪل هتي ڪا هومر هومي هتي. گهڻي واتون زوڻي ڪرين ڍونڪل سه، ڪم تو گهڻي ايوي واتون لڪل سه جي رومي حڪومت ره ڪلاڪ ان رومي پادشا رڻي پوزا ڪريا ره ڪلاڪ سه. هيوي واتون ساوڻه ڀاڙه لڪل هوڻت، تو وشواسيون هارو گهڻو ڪنرو ٿعت.

نیشون

مطلب

شاسنتر را حوالا

منگون را نیشون

ډرشن 2:4، يسعياہ 1:6	پېگوون	گهاډي مانهه پينا واژو
ډرشن 13:1، 14:14، داني ايل 13:7-14، لوقا 24:5	يسو	منک ذات را ډيکرا جيوو کوک
ډرشن 11:19	يسو	دوزا گهوژا مانهه سڙيا واژو
ډرشن 16:22، متي 1:1، لوقا 31:1، 33-31	يسو	دائود پادشا ري پيدي رو وستار
ډرشن 2-1:12، يسعياہ 1:54، گلتيون 27-26:4	اسرائيلي قوم م و شواس راکيا واژون رڼي منډرڼي	پاري پگ ډوشي
ډرشن 5-4:12، پيدايش 15:3	يسو	ډوشي رو باژ
ډرشن 17:12، يسعياہ 1:54، گلتيون 27-26:4	بدائي وشوابي	ډوشي را پيزا باژ
ډرشن 14-13:7، زکرياہ 4-3:3	پکا وشواسي	دوزا لوگهژا پيرل منک
ډرشن 2:21، افسيون 27:5	پورڼي وشواسي منډرڼي	لاډڼي
ډرشن 1:17	کراپ ډنيا	پونډڼي ډوشي

زناورون را نیشون

ډرشن 6:5، يوحنا 1:29	يسو	پېگوون را نوم مانهه ساژل گهيتو
ډرشن 7:19، 9:19، 2:21، 9:21	وشواسيون ره تارن لين يسو پيژو ريوو	گهيتا ان لاډي رو وپوا
ډرشن 14:22، 14:7	يسو را موت ري کري ماڼځي لموو	گهيتا را لوڼي م گهنگها ډووو
ډرشن 8-6:4، جزقي ايل 14-5:1	بدون ټي موتا ډوت	چار جيو

ڏرشن 3:12، 9:12، 2:20، شيطونَ پورنگِ ناگ، زونا وڪت رو هاپ
پيدائش 1:3-15

ڏرشن 7:11، 1:13، 3:17، ڀڳوونَ رڻه ڪِلاڻ جهنگلي زناور
حڪومت

ڏرشن 11:13، 13:16، ڀڳوونَ رڻه ڪِلاڻ ڌرم گهيتا جيوو زناور،
جيو ڪوڙ هاڪلينَ آپ ننه
ڀڳوونَ رو نياپو ڏيڏا واڙو ڪڻهه

شينهنون را نيشونَ

ڏرشن 16:22، گيتي 17:24، ايسُو پروڙيو تارو

ڏرشن 20:1، هات آڪاشي ڏوت هات تارا

ڏرشن 5:4، لوقا 16:3، هات بڙتا ڏيوا
مڪ شيلون را ڪوم 3:2-4

ڏرشن 20:1، 5:2، هات وِشواسي منڌڙي ڏيوو ميليا ري
هات هيم ري شينهنون

ڏرشن 3:11-4، ايسُو رڻي هاڪ پريا واڙا، زيتونَ را وڻ،
زڪرياه 3:4، 11-14، وِشواسي ڌرم ان ڏيوو ميليا ري شينهنون
وِشواسي حڪومت

ڏرشن 2:10، پويتر شاستر، نڪو ڪتاب
ڀڳوونَ رو وچن

ڏرشن 1:11، 1 ڪرنتيون پورڻي وِشواسي منڌڙي ڀڳوونَ رو گهر
16:3، افسيون 21:2

ڏرشن 2:21، عبرانيون 22:12، آڪاش پويتر شهر، نوو ٿيل يروشلم شهر

ڏرشن 8:11، 18:17، ڪراپ ڏنيا موتو شهر

ڏرشن 8:11، ڪراپ ڏنيا سدوم شهر، مصر ملڪ

ڏرشن 5:17، ڪراپ ڏنيا بابل شهر

ڏرشن 9:17، روم شهر، ڪراپ ڏنيا هاتون ڏونگرون مانهه شهر

نمپرون را نيشون

ڏرشن 5:4, 2:8, 1:15, 1:16

پويتر نمپر

هات

بڏو

هات

ڏرشن 5:5

بڏوئي پنڌ ڪرل

هات نپون ٿي موهر پنڌ ڪرل

ڏرشن 5:6

بڏئي طاقت

هات شينگڙا

ڏرشن 5:6

بڏوئي ڪعين زوئھ

هات اونڪيون

ڏرشن 12:3

بڏيل راز ڪرئھ

هات ماٿا ان هات تاج

گھڻا

ڏھ

ڏرشن 2:10

گھڻا ڏي، پڻ هميش نئين

ڏھ ڏي

ڏرشن 12:3

گھڻي طاقت

ڏھ شينگڙا

ڏرشن 13:1

گھڻي طاقت ان گھڻو راز

ڏھ شينگڙا ان ڏھ تاج

ڏرشن 7:4-9

ڏنيا ري بڏي قومون

بارءِ اسرائيلي ذاتون

ڏرشن 7:5-9

ڀڳوون را بڏائي سونڍل

بارءِ هزار

منڪ

ڏرشن 7:4-9, 1:14

ڏنيا ربون بڏيون قومون

هڪ لڪ چوتاليھ هزار

رؤميون 9:6-8

موئين ٿي ڀڳوون را

بڏائي سونڍل منڪ

ڏرشن 4:4

موتا آڪاشي ڏوت

چوويهه آڳوون

ڏرشن 13:18

هاو پونڏو، پويتر نئين

سو هو چياھت، 666

(هات هو ستر، 777، رو مطلب سء ”پويترون م پويتر“ ڏرشن 4:8)

ڏرشن 11:3, 12:6

ڀڳوون رو راکل توڻو،

هڪ هزار بي هو هائيت ڏي،

ڏرشن 11:2

جيا توڻا هوڏي شيطون

پنتاليھ مئينا،

ڏرشن 12:14

ڀڳوون رون سونڍل


هادا ترڻ سال،

ڏاني ايل 7:12, 25:7

منڪون نء تنگ ڪرشي

هڪ زمونو، بي زمونا ان اڌ زمونو

ايسو رو يوحنا نئه ڏيڪاڙل ڏرشن



پتس نومي بيت

1 ① ايتا ڪتاب ۾ اُو واتون لڪل سئھ جي ايسو ڪريست ڏرشن ڏين ساوي ڏيڪاڙيھ. هائي واتون ايسو نئه پڳوون را پاها ٿي زڙي زم اُو آپرون شيواڌاريون نئه ساوي ڏيڪاڙئھ، جي ڪي ڪي واتون ضرور جلدي ۾ ٿيشي. هائي واتون ايسو آپرا آڪاشي ڏوت نئه ميلين مُون آپرا شيواڌاري يوحنا نئه نيشونون ٿي ساوي ڏيڪاڙي. ② ان پڳوون را وچن ان ايسو ڪريست را پارام زتي واتون مئين ڏيڪيھ، اوئون ٻڌيون واتون را پارام هُون هاڪ پرونھ.

③ پاڳواڙو اُو سئھ جي پڳوون را ايتا نياپا ري واتون پئين همپڙاوئھ، ان پاڳواڙا اُو سئھ جي اي واتون هومپڙئھ، ان ايتا نياپا ريون لڪل واتون مانھ وئھ. ڪم تو ايسو رئھ پاسا آيا رو توئو ڏوڪڙو سئھ.

يُوحنا وشواسيون ننه نمسكار كنه ان ايسو رو ثورو مونته

④ هون لكيا واژو يوحنا اپرا پاها ټي آسيه صويا ريون هات رشواسي مندزون روت منكون ننه نمسكار كونه.

پگوون، جيو جيو تو سته، جيو شروع پر هتو، ان جيو هميش هودې (يشي) او تمون مانه كړيا كره ان تمون ننه هكي راکه.

ان پويتر آتما، جيو پگوون رو كيدو پورو كريا هارو اوتا ري گهاډي هومو هوته، او تمون مانه كړيا كره ان تمون ننه هكي راکه.

⑤ ان ايسو كريست، جيو هاسو هاک پريا واژو سته، ان مرلون موئين ټي پيرهون جيوي اونيا واژو سته، ان دنيا روت پادشائون مانه پښ راز كريا واژو سته، او تمون مانه كړيا كره ان تمون ننه هكي راکه.

ايسو را وكون ته! او اپون ټي پريم كره ان اوسه پگوون را نوم مانه اپرو جيو دين اپرا لويي ټي اپون ننه اپتون دوهون ټي آزاد كرايه. ⑥ ان اپون ننه پگوون را راز را منك نايه ان اپرا باپ پگوون ربي شيوا كريا هارو پوزاري نايه. اوتا را وكون ان كزا هميش هودې ټيټي ره! آمين.

⑦ زوټو، او واډزون پيرو آيا واژو سته،

ان هر هيك منك اوتا ننه اونكيئي پاژشي.

او منك پښ پاژشي جيئي اوتا ننه ويندبو،

ان دنيا ريون بډيون قومون را منك

اوتا ري كري ډكي ټين روشي.


هم تيشي ان پلته هم ته! آمين.

⑧ پريو پرميشور ام كنه: "هون پيرهون ان آكري سون، هون جيو تو سون،

هون شروع پر هتو، ان هون هميش هودې ريه. هون ټون رو ډي سون."

ايسُو زبڪتا سوجھرا ۾ يوحنا نٺَ دُرشن دٺھ


⑨ ھون يوحنا، تمارو پائي، جيو ايسُو ٿي واسطو راکيا ري ڪري تمارا زم تڪپيل وينونھ، پڳوونَ را راز رو سون ان ڏوروڻ صير ٿي سھونھ، ھون پتمس نومي ٻيٽ مانھ ٻاروٽا ۾ ھتو، ڪم تو ھون پڳوونَ رو وچن ان ايسُو رٿي ڀرل ھاڪ مونونھ. ⑩ آچار رٺھ ڏي ڀرپورا ڏي مانھ، مارو پورو ڏيون پويتر آتما ري ڪڙا ٿي پڳوونَ ريون واتون ھومو تٽال ھتو. تٿيون مٿين آپ وونھڙ رڻ شينگڙا را آواز جيوو موٽو ھاڏ ھومپڙيو. ⑪ ھاڏ ام ھومپڙيام آيو: ”جي ڪئين تون زوئھ، او تون ھيڪا ڪاگڙ مانھ لکين ايئون ھاٽ وشواسي منڌڙيون نٺھ ميل. افسس شھر ري منڌڙي نٺھ، سمرنھ شھر ري منڌڙي نٺھ، پرگمن شھر ري منڌڙي نٺھ، ٿوٽا تيرھ شھر ري منڌڙي نٺھ، سرديس شھر ري منڌڙي نٺھ، فلڊلفيه شھر ري منڌڙي نٺھ، ان لوديڪيه شھر ري منڌڙي نٺھ ميل.“ ⑫ تٿيون ھون وونھڙ زويا ھارو پاسو ڦريو جي مون ٿي ٻوليا وارو ڪوڻ سٺھ. ان ڦرين مٿين ڏيوا ميليا ري ھاٽ ھيم ري شينھون پاڙي جيون مانھ ھيڪوڪو ھيڪوڪو ڏيوو ميلل ھتو. ⑬ ان ڏيوا ميليا ريون شينھون وسا مٿين ھيڪا زٽا نٺھ پاڙيو جيو منڪ ذات را ڏيڪرا جيوو ھتو. اوٽا رٺھ پڳون ھوڏي گھنگھو ڀيرل ھتو، ان اوٽا را ھيٺا مانھ



هيم رو لُوگهڙو ٻوندل هتو. ⑭ اُوئا را ماٿا را مٿوئاڙ ڌوڙا شيتتر هتا، ان اُوئا ري اونڪيون ڏيوئا ري زهراڙ جيوي هتي. ⑮ ان اُوئا را پڳ ڌمڻ ٿي تپاول پيتڙ را زم هتا. ان اُوئا رو هاڏ گهوگهات ڪرتا پوڻي را پور جيوو هتو. ⑯ اُوئا را زمئا هات ڀر هات تارا هتا. ان اُوئا را مونڊا موئين ٿي ٻي ڌارئي ٽڪئي تروئاڙ نيهرتئي ٿي. اُوئا رو مونڊو ايوو زبڪتو تو جيوو ڏي آڀري پوري تيجي زبڪتو هوئ.

⑰ اُوئا نئه زوئين هون مرل را زم اُوئا ري پڳي پڙيو هئو. تيون اُوئه آڀرو زمئا هات مون نئه سٻاڙيو ان ڪيڏو: ”پيئا مت، هون پيرهيون ان آڀري سون. ⑱ هون جيوتو سون. هون مري تو گيو تو، پڻ هون هون جيوتو سون ان هميش هوڏي جيوتو ريھ. موت ان مرلون را جڳت ري ڪونسي مون ڪن سئه ان مون نئه موت را قوضا ٿي ان مرلون را جڳت موئين ٿي منڪون نئه سڏايا رئي اڪتياڙي سئه.

⑲ تيام تون اي واتون لڪ جي تين زوئيه، همٿوڪي واتون ان



تيا ڪيڙ ٿيا واري واتون. ⑳ جيا هات تارا تين مارا زمئا هات ڀر ڏيڪياھ ان جي ڏيوئا ميليا ري هات هيم ري شينهن سئه، هايون رو اونڌو مطلب اي سئه: هات تارا، هات وشواسي منڌريون رئي همپاڙ ڪريا واڙا آڪاشي ڏوت سئه. ان ڏيوئا ميليا ري هات شينهن، هات وشواسي منڌري سئه.

ايسٽو افسس شهر ري وشواسي منڌڙي نئه نياپو ڏئه

2 ① ”ايسس ري وشواسي منڌڙي هارو، اوتا را نياپو ڏيڏا واڙا ڏوت هات، اي نياپو لڪي ميل:

جيا ري زمڻي هاڻي هات تارا سئه، جيو ڏيو ميليا ري هات هيم ري شينهنون وسا وئه، او ام ڪئه: ② مون نئه تو ڪهر سئه جي تمڻي ڪيو نائوڪا ڪوم ڪروه، ڪيوڻي مينت ڪروه ان ڪيو صير ٿي ڏوروڻ سهوه. ان مون نئه اي پڻ ڪهر سئه جي تمڻي ڪراپ منڪون نئه نٿي سهي هڪتا، ان جيا منڪ آپ نئه مڪ شيللا ڪئه ريا پڻ هاس ۾ او مڪ شيللا نٿي، اوئون را تمڻي آزمتا ليڏا ان تمڻي زويو جي او ڪوڙا سئه. ③ تمڻي ڏوروڻ صير ٿي سهوه ان ماري ڪري تمڻي ٻڌوڻي ڪئين وينيوه، ان تمڻي هيمنت نه هارئي.

④ توڻي پڻ مارئه تمارئه ڪلاڦ اي ڪيوهه: جيوو پريم تمڻي شروع ۾ راکتا، ايوو پريم تمڻي همئنه نٿي راکتا. ⑤ تيام همپارو، جي تمڻي اڳي ڪيوو گهڻو پريم راکتا ان همئنه تمڻي ڪتو گهٽ پريم راکوه. توپونه ڪرو ان ايوو ڪوم ڪرو جيوو تمڻي شروع ۾ ڪرتا. جي تمڻي توپونه نئين ڪرو، تو هون تمون ڪن آويه ان تمارڻي ڏيوو ميليا رئي شينهه آپرا ماڳ ٿي ڪاڍي ليهه ان تمارڻي وشواسي منڌڙي ڪتم ڪريه پري. ⑥ پڻ تمون ۾ اي وات نائوڪي سئه، جي جيا ڪوم نيڪلي ڌرم ري پالڻي را منڪ ڪئه، اوئون ڪومون نئه تمڻي ڪراپ هزموه، زم هون ڪراپ هزمونه.

⑦ هومپڙيا واڙون، تمڻي ايئا وات مانه ڏيون ڏيو جي پويتر آتما وشواسي منڌڙيون نئه ڪئي ڪئه.


جيو اڌڳ وشواس راکين پونڌائي مانه جيت ڪئه، اوتا نئه هون اي حق ڏيهه جي او هميش رو جيون ڏيڏا واڙا وڻ ٿي ميوا ڪانه، جيو وڻ پڳوون را آڪاشي باگه ۾ سئه.



ايسٽو سمرنه شهر ري وشواسي منڌري ننه نياپو ڏٺه

⑧ ”سمرنه ري وشواسي منڌري هارو، اوتا را نياپو ڏيڏا وازا ڏوت هات، اي نياپو لڪي ميل:

جيو پيرهون ان آڪري سته، جيو مريو تو ان همتته جيوتو ٿيوه، او ام ڪئه:
 ⑨ مون ننه تو ڪبر سه تمون مانه ڪتئي تڪليب تهه رئي ان تمې هاو گريپ سو. توي پڻ پگوون ريون ميرپونيون ري ڪري تمې ڪتا گهڻا پاگوازا سو. ان مون ننه اي پڻ ڪبر سهه جي يهودي قوم وازا تمارئي ڪيوي گلا ڪرئ ريا. او ذات پرموتته يهودي ٿين آپ ننه پگوون ري سونديل قوم را تو ڪئه ريا، پڻ او پگوون را سونديل منڪ نئي. او پگوون را مندر موئين پگتئي تو ڪرئ، پڻ شيوا شيطون رئي ڪرئ. ⑩ تمارنه تو الاهي گهڻو ڏک سهوو پڙشي، پڻ



ايئا ٿي تمې مت پئايا. زوئو، شيطون تمون موئين ٿي ڪيونڪ ننه جيل موئين پوراوشي زم تمارا وشواس رو آزمتو تهه، ان تمون مانه ڏهون ڏيئون هوڏي تڪليل ٿيئي ريشي. تمې موت هوڏي وشواس مانه اڏڳ ريو، تو هون تمون ننه انصاف ۾ هميش رو جيون ڏيه.


⑪ ھومپڙيا وازون، تمي ايٺا وات مانھ ڏيون ڏيو جي پويتر آتما وشواسي منڌڙيون نئھ ڪي ڪئھ.

جيو اڌڳ وشواس راڪين پُونڌائي مانھ جيت ڪرئھ، او هميش را موت ٿي ٻچي زاشي، ان اوٺا نئھ ڪئين نقصون نئين ٿئھ.

ايسنو پرگمن شهر ري وشواسي منڌڙي نئھ نياپو ڏئھ

⑫ ”پرگمن ري وشواسي منڌڙي ھارو، اوٺا را نياپو ڏيڏا وازا ڏوت ھات، اي نياپو لڪي ميل:

جيا ڪن ٻي ڌارئي ٽڪڙي تروٺار سئھ، او ام ڪئھ: ⑬ مون نئھ تو ڪٻر سئھ جي تمي ڪيئھ پيٺاھ. تمي اوٺئھ پيٺاھ جيئھ شيطون آڀري گھاڏي مانھ راز ڪرئھ. توئي پڻ تمي مارو نوم ليتا ريوھ ان تمي مون مانھ وشواس نھ ساڏيو. زئيون انتپاس، جيو پڪو وشواس راڪين مارئي ھاڪ ڀرتو، تمارا شهر موئين مروٺو جيئھ شيطون آڀري گھاڏي مانھ پيٺوھ، تئيون پڻ تمي مون مانھ وشواس نھ ساڏيو.



⑭ توئي پڻ مارئھ تمارئھ ڪلاڦ ڪئينڪ واتون ڪيووھ: تمون موئين ايوا منڪ سئھ جيا بلعام ريون شيڪاڙل جيويون واتون مانھ وئھ. اوئھ منڪ بلق پاڌشا نئھ ڏش ڏيڏو جي ڪم ڪرين

اسرائيلي قوم نئھ ڦيروين اوئون ٿي پڳوون رو ڏوھ ڪراوئھ. ان هيوئھ نمونئھ او ڏيوئونون ري پوزا ٻڌيوئونون را نوم مانھ ساڙل مونھ ڪاوا مڌيا ان پُونڌو ڪوم ڪروا مڌيا. ⑮ ان ھمرام تمون موئين ايوا منڪ سئھ، جيا نيڪلي ڌرم ري پالتي ريون شيڪاڙل ڪراپ واتون مانھ وئھ. ⑯ تيام تمي آڀرا ايٺا ڏوھ ٿي توپونھ ڪرو، نڪا ھون جلدتي تمون ڪن اوين مارا وچن ٿي ٽڪي تروٺار را زم اوئون منڪون رو مقابلو ڪريھ.

⑰ هومپڙيا وازون، تمي اينَا وات مانھ ڏيون ڏيو جي پڙيتر آتما وشواسي منڌڙيون ننه ڪئي ڪئھ.

جيو اڌڳ وشواس راکين پونڌائي مانھ جيت ڪرئھ، اوتا ننه هون ايويي منا نومي روڻي ڏيھ، جي آڪاش ۾ هتال سئھ ان جيا ٿي هميش رو جيون زڙئھ. ان اوتا ننه آڪاش ۾ زايا هارو ڌوڙو پوڻو پڻ ڏيھ جيا مانھ نوو نوم لکل هوشي، جيا نوم رڻي ڪبر، پوڻو ليڌا وازا منڪ شوا، پيزا ڪيا منڪ ننه ٿئي.

ايسنو ٿوئاڻيره شهر ري وشواسي منڌڙي ننه نياپو ڏئھ

⑱ ”ٿوئاڻيره ري وشواسي منڌڙي هارو، اوتا را نياپو ڏيڌا وازا ڏوت هات، اي نياپو لڪي ميل:

پڳوون رو ڏيڪرو جيا ري اونڪيون ڏيوتا ري زهراڙ جيوي سئھ ان جيا را پڳ ڌمڻ ٿي تپاول پيتر را زم سئھ، او ام ڪئھ: ⑲ مون ننه تو ڪبر سئھ جي تمي ڪيو نائوڪا ڪوم ڪروھ، ڪيو پريم راکوھ، ڪيو وشواس راکوھ، ڪيو شيوا ڪروھ، ان ڪيو صير ٿي ڏوروڻ سهوھ. ان مون ننه اي پڻ ڪبر سئھ جي تمي همئنه اڳي ٿي گهڻو ڪئين ڪروھ ريا.

⑳ توڻي پڻ مارئھ تمارئھ ڪلاڦ اي ڪيووھ: تمي اوتا ڏوشي ننه منڌڙي ٿي ٻارڻي ٿئي ڪاڍتا، جي آپ ننه پڳوون رو نياپو ڏيڌا وازي ڪئھ، پڻ او ايزبل روڻي جيوي ڪراپ سئھ. او اوزي واتون شيڪاڙين مارون شيواڌاريون ننه پولوئھ، زم او پونڌو ڪوم ڪرئھ ان ڏيوڻونون را نوم مانھ ساڙل مونھ ڪائھ، ان هيون نمونئھ ڏيوڻونون رڻي پوزا ڪرئھ. ㉑ مئين ڏيرج راکين اوتا ننه آڀري پونڌائي ٿي توپونھ ڪريا رو موقعو ڏيڌو، پڻ او آڀري پونڌائي ساڌيا ٿي نا پاڙئھ. ㉒ زوڻو، هوئھ هون اوتا ننه پيمار ڪريھ زم او ڪاٿلا مانھ پڙي هوئھ. ان جيا اوتا رڻي وات مونين اوتا ري پونڌائي ۾ اوتا پيزا سئھ، جي او اوتا ڏوشي را ڪيڌل ڪوم ساڌين توپونھ نئين ڪرئھ، تو اوڻون ننه هون گهڻي ٿڪليپ ڏيھ.

②3 ان جيا اُوئا ڏوشي را پاڙڪ سئڻ، اُوئون نئڻ هُون پيمار ڪرين نَمُو ماريه پرا. ان هيون نَمُونئڻ هُون ڏيون وِشواسِي مندڙيون نئڻ ڪپ پڙشي جي هُون اُو سون جيو منڪون را من ري هتال واتون زوئون، ان هُون تمون موئين ٿي هر هيڪ نئڻ آپرون ڪرل ڪومون پرموئڻه ايوزو ڏيه.

②4 پڻ تمي ٿوئا تيره ري مندڙي را پيزا منڪ، جيئي هائي شيڪاڙل واتون نئي موني، ان شيطون را پاها رو ڳپت ڳيون نئي شيڪيو، هُون تمون مانه وڌارڻه پار نئين نوڪون، ②5 پڻ هُون تمون نئڻ روڳو ام ڪونه: جيو وِشواس تمي را ڪوه، مارا پاسا آيا هُوڏي تمي اُوئا وِشواس مانه وِتا ريو.

②6 جيو اڏڳ وِشواس را ڪين پُونڌائي مانه جيت ڪرڻه، ان پڇاڙي هُوڏي مارا ڪيڏل ڪوم ڪرتو رڻه، اُوئا نئڻ هُون ڏنيا ريون قُومون مانه اِڪتباري ڏيه. ②7 اُو لو رو ڳيڏيو لين پوري طاقت ٿي اُوئون مانه راز ڪرشي، ان پڳوون نئڻ نه مونيا وازون نئڻ ام سزا ڏيشي زم ماتي را ٺونڀا نئڻ پونڳين اڙي اڙي ڪرڻه پرو.



②8 زم مارڻه پاپ پڳوون مُون نئڻ راز ڪريا رو حق ڏيڏوه، تم هُون اُوئا منڪ نئڻ پڻ راز ڪريا رو حق ڏيه. ان هُون اُوئا نئڻ پروڙيو تارو پڻ ڏيه جيو جيت ان راز رو نيشون سئڻ.

②9 هومپڙيا وازون، تمي ايئا وات مانه ڏيون ڏيو جي پويتر آتما وِشواسي مندڙيون نئڻ ڪئڻه.

ايسئو سرديس شهر ري وِشواسِي مندڙي نئڻ نياپو ڏئڻه

① ”سرديس ري وِشواسِي مندڙي هارو، اُوئا را نياپو ڏيڏا وازا ڏوت هات، اي نياپو لڪي ميل: 3

جيا ري هاتي پڳوون رو ڏيڏل پويتر آتما ان هات تارا سئڻ، اُو ام ڪئڻه: مُون

نٿه تو کهر سٺه جي تمڻي ڪيو ڪوم ڪروھ. تمارڻي اي نوموش وٺه رڻي جي تمڻي پڳوون ٿي واسطو راکين جيوٽا سو، پڻ هاس ۾ تمڻي تو مرل را زم سو ان پڳوون ٿي ڪئين واسطو نٿي راکتا. ② زاڳو! جي واتون تمون موئين هزون سٺه پڻ ڪتم ٿيا واري سٺه، آپرڻي وشيت پيڙي ڪرين هائي واتون وڙي جيوٽي ڪرو. ڪم تو مئين زويوه جي تمارا ڪرل ڪوم مارا پڳوون ري نظر ۾ پورا ڪرل نٿي. ③ تيام همپارو، جي تمڻي ڪيوٺه ڍاڙهه وشواس ري واتون هومپڙي تي ان موني ليڏي تي، ان هونءِ هايون واتون مانه وو ان توبونه ڪرو. جي تمڻي هم ڪرين نٿي زاڳتا، تو هون تمون نٿه سزا ڏيڏا هارو سور را زم اوچتو آويه، ان تمون نٿه ڪئين کهر نئين هونءِ جي هون ڪيون آويه.

④ توڻي پڻ تمون موئينليا سرديس شهر ۾ ڪئينگ ايوا منڪ سٺه جيئي ڏوه ڪرين آپرا لوگهڙا ڪراب نٿي ڪريا. ان او مون پيڙا ڏوڙا لوگهڙا پيرين ويشي، ڪم تو او هيا رٿه لائيق سٺه.

⑤ جيو اڏڳ وشواس راکين پونڌائي مانه جيت ڪرٺه، اوٿا نٿه هون هيونءِ نمونءِ ڏوڙا لوگهڙا پيراويه. ان اوٿا رو نوم جيون را ڪتاب موئين لڪل ريشي، جيا موئين هميش رو جيون ليڏا وازون را نوم لڪل سٺه، ان هون



اوٿا را نوم نٿه ڪيڏي نئين ڏوهزون. ان هون مارا ٻاپ هومو ان اوٿا رون آڪاشي ڏوتون هومو هاڪ پرين ڪيه جي اي مارو شيواڌاري سٺه.


⑥ هومپڙيا وازون، تمڻي ايٿا وات مانه ڏيون ڏيو جي پويتر آتما وشواسي منڌريون نٿه ڪي ڪه.

ايسنو فلڊلفيه شهر ري وشواسي منڌري نٿه نياپو ڏهه

⑦ ”فلڊلفيه ري وشواسي منڌري هارو، اوٿا را نياپو ڏيڏا وازا ڏوت هات، اي

نيا پو لڪي ميل:

جيو پو پيتر ان هاسو سئ، جيا ڪن آڪاشي پو پيتر شهر ۾ زايا هارو داؤدو پاڌشا رئي ڪونسئي سئ، ان زئيون او ڌروازو اوگهاڙئھ تو اوئا نئھ ڪوئي پنڌ نئي ڪري هڪتو، ان زئيون ڌروازو پنڌ ڪرئھ تو اوئا نئھ ڪوئي اوگهاڙي نئي هڪتو، او ام ڪئھ: ⑧ مُون نئھ تو ڪپر سئھ تمي ڪيوئا ناٿوڪا ڪوم ڪروھ. زوئو، مئين تمون هومو ڌروازو اوگهاڙل راکيوھ جيا نئھ ڪوئي پنڌ نئي ڪري هڪتو. تمارئي تو گهٽئي طاقت نئي، توئي پڻ تمي مارا وچن مانھ ویتا رياه، ان مُون مانھ وشواس نئي ساڏيو. ⑨ هَوَئھ زوئو، او يهودي قوم وازا جيا پگھون را مندر موئين پگھئي تو ڪرئھ، پڻ شيوا شيطون رئي ڪرئھ، جيا ذات پرموتئھ يهودي تين آپ نئھ پگھون را سونديل منڪ تو ڪئھ، پڻ او ڪوڙ هاکئھ ڪم تو او پگھون را سونديل منڪ نئي، هُون اوئون نئھ تمون ڪن لي آويه ان تماري پگھي پاڙيھ ان اوئون نئھ ڪپر پڙشي جي مئين تمون تي پريم راکيوھ. ⑩ تمي مارو ڪيڏو ڪرين ڌوروڻ صير تي سهئيھ، تيام هُون تمون نئھ اوئا آزمتا را وڪت تي پچاويه جيو پوري دنيا مانھ آيا وازو سئ، زم ايئا ڌرتي مانھ ريا وازون رو آزمتو تئھ.



⑪ هُون جلدِي آويه. جيو وشواس تمي راکوه، اوئا وشواس مانھ تمي ویتا ريو، زم ڪوئي تمون تي جيت رو تاج ڪوهي نه لئھ، پڻ تمون نئھ وشواس راکيا رو انصاب زڙئھ.

⑫ جيو اڏڳ وشواس راکين پونڌائي مانھ جيت ڪرئھ، هُون اوئا نئھ مارا ٻاپ پگھون را گھر موئين پيلپايا را زم راکيھ، ان او هميش اوئھ ريشي. ان اوئا مانھ هُون مارا ٻاپ پگھون رو نوم لکيھ، ان مارا ٻاپ پگھون را شهر رو نوم لکيھ، جيو شهر نوو يروشلم سئھ جيو آڪاش تي

مارا ٻاپ ڀڳوونَ را پاها ٿي اوتري. ان اونا مانه مارو آڀرو نوو نوم پڻ لکيه.


⑬ هومپڙيا واڙون، تمي ايئا وات مانه ڏيون ڏيو جي پويتر آتما وشواسي منڌريون نئه ڪي ڪه.

ايسو لوديڪي شهر ري وشواسي منڌري نئه نياپو ڏئه

⑭ ”لوديڪي ري وشواسي منڌري هارو، اونا را نياپو ڏيئا وازا ڏوت هات، اي نياپو لڪي ميل:

جيو آمين را زم هاس سئه، جيو ايمونڌار ان هاسو هاڪ پريا واڙو سئه، جيو ڀڳوون ري ٻڌيون ناول شينهنون مانه ڏئي سئه، او ام ڪه: ⑮ مون نئه تو ڪهر سئه تمي ڪيو ڪوم ڪروه، جي تمي نڪو ٿاڍا سو نڪو اونا. مون تمي ٿاڍا ٿين وشواس ماڳي نه راکوت، ڪا تمي اونا ٿين پورا من ٿي وشواس راکوت! ⑯ پڻ تمي نڪو اونا نڪو ٿاڍا پڻ روڳا ڪونا سو. تيام هون تمون نئه آڀرا مونيئا ٿي ٻارا ڦڳوڙيا مانه سون. ⑰ ڪم تو تمي ڪوه: ’هون شائوڪار سون، مئين گهڻي ملڳت پيڙي ڪريه ان مون نئه ڪيا شينهن رئي ڪاپي نئي. پڻ تمي هڙمتا نئي جي ڀڳوون ري نظر ۾ تمي هاو مسڪين، لاچار، گريپ، اونڌا ان ناڳا سو. ⑱ هون تمون نئه صلاح ڏيونه: تمي مون ٿي ايوو هيم ويساتو ليو، جيو ڏيوئا موئين ڳاڙل هاسو سئه، زم تمي هاس ۾ شائوڪار ٿي زائو. ان تمي مون ٿي ڌوڙا لوڳهڙا ليو، جيا ٿي تمارو اوگهاڙيئو ڍڪائڻ ان تمي لازي نه مرو. ان تمي مون ٿي اونڪيون موئين نوڪيا هارو ڏوائِي واڙو هوئيرو پڻ ليو، جيا ٿي تمي پاڙي هڪو.

⑲ هون زتون منڪون ٿي پريم راکونه، اوئون منڪون را ڏوه ڪاڍونه ان اوئون نئه هڙماوونه. تيام تمي اونا ٿين پورا من ٿي وشواس مانه وو، ان توپونه ڪرو. ⑳ زوئو، هون ٻارو اوپين ڌروازو وڳاڙونه ريو. جي ڪوئي مارو هاڏ هومپڙئه



ان ڌروازو اُوگهاڙئڻ، تو هُون اُوئا ڪن موئين آويه، ان هُون اُوئا پيڙو ان اُو مُون پيڙو روئي ڪاشي.

21) جيو اڌڳ وِشواس راڪين پُونڌائي مانھ جيت ڪرئھ، هُون اُوئا نئھ آپري گهاڌي مانھ آپ پيڙو پينا رو حق ڏيھ، زم مئين اڌڳ وِشواس راڪين پُونڌائي مانھ جيت ڪريھ، ان مارا ٻاپ پگھون ري گهاڌي مانھ اُوئا پيڙو پينوھ.

22) هومپڙيا واڙون، تمي ايئا وات

مانھ ڌيون ڌيو جي پويتر آتما وِشواسي منڌريون نئھ ڪي ڪئھ.

پگھون آڪاش ۾ آپري گهاڌي مانھ پينل يوحنا نئھ ڏرشن ڏئھ

4 ① تيا ڪيڙ مئين زيو، ان زوئو، آڪاش رو ڌروازو ڪل پڙيوھ. ان مئين اُو رڻ شينگڙا را آواز جيوو هاڏ هومپڙيو، جيا نئھ مئين اگهي آپ نئھ واتون ڪيتون هومپڙيو تو. اُو مُون نئھ ام ڪيتوت ريو: ”ايئھ سڙي آو! ان هُون تُون نئھ ڏيڪاڙيھ جي ايئا ڪيڙ ڪي ڪي ضرور ٿيشي.“ ② هتمارو، پويتر آتما ري ڪڙا ٿي مارو پورو ڌيون آڪاش ۾ تڻائي گيو. ان زوئو، آڪاش ۾ مُون هوم هومهي هيك گهاڌي سئھ، ان اُوئا گهاڌي مانھ ڪوڪ پينوھ. ③ ان جيو پينل هتو، اُو يشب نومي ان عقيق نومي هيرون جيوو ڏيڪاتوت ريو. ان گهاڌي رئھ پيوڙيئي زمرد نومي هيرا جيوو ميگھ ڌنوڙ تڻال هتو. ④ ان اُوئا گهاڌي رئھ چوڌاري پڙي چويھ گهاڌي هتي. اُوئون گهاڌيون مانھ چويھ آگيوون ڌوڙا لوگهڙا پيرين پينل هتا، ان اُوئون را ماتا مانھ هيم را تاج پيرل هتا. ⑤ اُوئا گهاڌي ٿي ويزڙي را زباڪا ان ٻزم ٻزم ڳاز ٿيتوت ريو. ان هات ڌيو



گهاډي رڼه روپړو پڙتات رڼا. هايون هاتون ډيوون رو مطلب پويتر آتما سڼه.
 ⑥ ان گهاډي هومو زوڼه كاوا رو سمونيد هتو، جيو كاس جيو هيرا را زم
 اوزرو هتو.

گهاډي كڼ وس م گهاډي ري چاري پاهي چار جيو هتا، جيون ري آگڙ
 وونهږ ټيل اونكيون ئي اونكيون هتي. ⑦ پيرهيوون جيو شينه جيوو هتو، پيزو جيوو
 آكا جيوو هتو، ترثما جيوو رو مونيون منك را مونيون جيوو هتو، ان چارمو جيوو اوډتا
 گږږ پكي جيوو هتو. ⑧ چارون جيوون ري هر هيك ري سو سو پونكون هتي، ان
 اوئون را ټا ډيل مانه آگږ وونهږ ان پونكون هيټ پڼ اونكيون ئي اونكيون هتي.
 او ډي رات ويهوما وگر ام كيتا رڼه:

”پويترون م پويتر

پريو پرميشور ټون رو ډي،

جيو جيوو سڼه،

جيو شروع م هتو،

ان جيو هميش هودې ريشي.“

⑨ زئيون زئيون او چار جيو اوئا را مون ان وكون كره ان اوئا رو ثورو مونڼه،
 جيو گهاډي مانه بينوه ان جيو هميش هودې جيوو سڼه، ⑩ تئيون تئيون چوويه
 آگيوون اوئا ري پگي پڙين اوئا رڼي پوزا كره، جيو گهاډي مانه بينوه ان
 هميش هودې جيوو سڼه. او اپرا تاج اوتارين گهاډي هوما ميلنه ان ام كڼه:

⑪ ”او امارا ايشور، او امارا پگوون،

تمي وكون، عزت، ان كڙا رڼه لائق سو،

ڪم تو ٽمي ٻڌوئي ڪئين نايوه،
ان تماڙي مرضي پرموٽه اُو نهيوه ان همٿه سه.

پڳوونَ را نوم مانه ساڙل گهيتا را رُوپ ۾ ايسنو نرشن ٺٽه

5 ① پسٺه گهاڌي مانه پينل را زمٿا هات ۾ مئين هيڪ وينٽوزل ڪاڳڙ پاڙيو،
جيا مانه ٻي پاھي لڪل هتو، ان جيو هات ٺپون ٿي موهر پند ڪرل هتو.
② ان مئين هيڪا طاقت واڙا آڪاشي ڏوت نٺه ڏيڪيو، جيو پڙو ڏين اوتومٿو ام
ڪيتوت ريو:

”ڪوڻ ايٺا رٺه لائيق سه

جي اُو موهرون توڙه ان ڪاڳڙ ڪولٺه؟“

③ پڻ ڪوئي ايوو نتو، نڪو آڪاش موئين، نڪو ڌرتي مانه، ان نڪو ڌرتي هيٺ،
جيو وينٽوزل ڪاڳڙ ڪولي هڪٺه ان لڪل واتون زوئي هڪٺه.

④ تيام هُون گهٽو رويو، ڪم تو ڪوئي ايٺا رٺه لائيق نه زڙيو جي اُو
وينٽوزل ڪاڳڙ ڪولٺه ان لڪل واتون زوئه. ⑤ تئيون آڳيوونون موئين ٿي هيڪٺه
زٽه مُون نٺه ڪيتو:


”رو مت!

اُو جيا نٺه يهوداه ري ذات رو ڪيهر شينھ ڪٺه
جيو دائود پاڌشا رو وستار سه
اُوٺه جيت ڪرئيه.

اُو ڪاڳڙ مانه هٿل هات موهرون توڙي هڪٺه
ان وينٽوزل ڪاڳڙ ڪولي هڪٺه.“

⑥ تئيون گهاڌي را وس ۾، چارون جيوون را وس ان آڳيوونون را وس ۾، مئين
هيڪا جوڻ گهيتا نٺه اُوپل ڏيڪيو. ام ڏيڪاتو تو جي اُو پڳوونَ را نوم مانه
سڙوٿو تو. اُوٺا را هات شينگڙا هتا. ان اُوٺا ري هات اونڪيون هتي، جيون رو

مطلب سٺه پڳوونَ رو ڏيڏل پوِتر آتما، جيو پوري دُنيا ۾ ميلل سٺه. ⑦ ان اُوته گهٽتہ آوِين گهاڏي مانھ پينل را زمنا هات ٿي وينتوزل ڪاڳڙ ليدو رو. ⑧ زئيون اُوته ڪاڳڙ ليدو، تئيون اُو چار جيو ان چوويه آڳيوون گهٽا ري پڳي پڙيا هئا. هر هيڪ ڪن هيڪ وينا هٽي ان لوپون را ڏونپ ٿي پرل هيم را پيٽالا هئا. هايا ڏونپ رو مطلب سٺه پڳوونَ رون سونيل منڪون ري پرائنائون. ⑨ ان اُو اي نوو پزن ڳاوتات ريا:



”تمي وينتوزل ڪاڳڙ ليدتا ره
ان اُوئا ري موهرون توڙيا ره لائيق سو،
ڪم تو تمي پڳوونَ را نوم مانھ سٽوٿاھ
ان آپرو جيو ڏين آپرا لويي ٿي
هر ذات، ٻولي، نات ان قوم موئين ٿي
پڳوونَ هارو منڪون نٺه ويساتا ليدتاھ.
⑩ ان اُوئون نٺه تمي امارا پڳوونَ را راز را منڪ ناياه
ان اُوئا رئي پوزا ڪريا واڙا ناياه،
ان اُو ڌرتي مانھ راز ڪشي.“

⑪ تئيون مئين زويو، ان مئين گهٽون آڪاشي ڏوتون رو آواز هومپڙيو. اُو گهاڏي ان جيوون ان آڳيوونون ره پيوڙيئي لاکي ڪروڙي هئا. ⑫ ان اُو اوتومئا ام ڳاوتات ريا:

”پڳوونَ را نوم مانھ ساڙل گهٽو
ڪڙا ان اڪتيار ان عقل ان طاقت
ان عزت ان مون ان وڪوڻ ره لائيق سٺه.“

⑬ ان جي ڪئين آڪاش موئين، ڌرتي مانھ، ڌرتي هيٺ ان سمنيد موئين سٺه، ٻڌوئي ڪئين جي اُوئون موئين سٺه، مئين اُوئون ٻڌون نٺه ام ڳاوتون هومپڙيا:
”گهاڏي مانھ پينل پڳوونَ را

ان اُوئا را نوم مانه ساژل گهيتا را

وڪوڻ ان عزت ان مون ان طاقت

هميش هُوڏي ٿيتي رئه!

⑭ ان چاري جيوِي ڪيڏو: ”آمين.“ ان آڳيونِي گهاڏِي هوما پڳي پڙين پُوڙا ڪڙِي.

ايسنو پڳوونَ را نوم مانه ساژل گهيتا را رُوپ ۾ موهرُون توڙينَ

دُنيا مانه ٿيا واڙي آفتون ري سزا را پارام نيشونَ ڏيڪاڙئَه

① ٽيون مئين پڳوونَ را نوم مانه ساژل گهيتا نئه هاتون موهرُون موئينَ 6 ٿي پيرهئين موهر توڙتون پاڙيو. ان مئين چارون جيوون موئين ٿي هڪا نئه ڳاز جيو هاءُ



ٿي ام ڪيتون هومپڙيو: ”آو!“ ② ٽيون مئين زويو، ان زوئو، هڪ ڏوڙو گهوڙو ڏيڪيام آيو. گهوڙا مانه ڪوڪ سڙل هتو، جيا ڪن هڪ ڏنوڙ هتو. ان پڳوونَ اُوئا نئه جيت رو تاج ڏيڏو ان اُو جيت ڪريا هارُو روونو ٿيو، ان جيتتوت ريو.

③ ان زئيون پڳوونَ را نوم مانه ساژل گهيتئه پيڙئي موهر توڙئي، ٽيون مئين پيڙا جيو نئه ام ڪيتون هومپڙيو: ”آو!“ ④ ان پيڙو گهوڙو نيهرِي آيو. اي گهوڙو راتا رنگ رو هتو. اُوئا مانه سڙل نئه پڳوونَ اي حق ڏيڏو جي اُو دُنيا موئين ٿي هڪ ڪوهي لئه، زم منڪ هڪا پيڙا نئه مارئه پرا. ان پڳوونَ اُوئا نئه موٽي تروٿار ڏيڏئي.



⑤ ان زئيون پڳوونَ را نوم مانه ساژل گهيتئه ترئمئي موهر توڙئي، ٽيون مئين ترئما جيو نئه ام ڪيتون هومپڙيو: ”آو!“ ان مئين زويو، ان زوئو، هڪ ڪاڙو گهوڙو ڏيڪيام آيو. گهوڙا مانه سڙل را هات ۾ هڪ تراڪڙي هئي.


⑥ ٽئين مٿين چارون جيوون را وس موئين ٿي زوئنه هاڏ هومپڙيو جيو ام ڪيتو تو: ”ڏڪار ۾ ڪٽڪ رو اگه اي راڪ، پنجاه رُوپيا هيڪ شير. ان زوون رو اگه پڻ اي راڪ، پنجاه رُوپيا ترڻ شير. ان تيل ان ڌراڪون ري ڦصلون رو نقصون مت ڪري، زم تيل ان ڌراڪ رس زڙتا رنه.“

⑦ ان زئيون پڳوون را نوم مانھ ساڙل گهٽيٽه چارمئي موهر توڙئي، ٽيون مٿين چارما جيو ننه ام ڪيتون هومپڙيو: ”او!“ ⑧ ان مٿين زويو، ان زوئو، هيڪ نيٺو گهوڙو ڏيڪيام آيو. گهوڙا مانھ سڙل رو نوم موت هتو، ان اوٽا وونهڙ وونهڙ مرلون رو جڳت هتو. پڳوون اوئون ننه ڌرتي رون منڪون را چارما حصا مانھ حق ڏيڏو جي او ترؤٿار ٿي، ڏڪار ٿي، پيماريون ٿي، ان جهنگلي زناوون ٿي اوئون ننه مراونه پرا.

⑨ ان زئيون پڳوون را نوم مانھ ساڙل گهٽيٽه پونسيمي موهر توڙئي، ٽيون مٿين ڏونپ ساڙيا ري ويڏي هيٺ اوئون منڪون را جيو ڏيڪيا، جيا پڳوون رو وچن ان ايسو رئي پرل هاڪ مونيا ري ڪري مروٽا تا. ⑩ ان اوئي اوٽومٿا هاڏ ٿي بڙ ۾ ڪيڏو: ”او پويتر ان هاسا ڌڻي، هزون ڪٽي وار هوڏي تم ڌرتي رون ڪراپ منڪون رو نيا نئين ڪرو، ان امارا ڪون را ايوزا ۾ اوئون ننه سزا نئين ڏيو؟“ ⑪ ٽيون پڳوون اوئون موئين ٿي هر هيڪ ننه هيڪ هيڪ ڌوڙو گهنگهو ڏيڏو، ان اوئون ننه ڪيڏو: ”هزون توڙيڪ وار هوڏي وات زوئو، زئيون هوڏي تمارون وشواسي پايون موئين ٿي جي تمارا زم مارا شيواداري سئه، زتا پيزا مرايا وازا سئه، او ٻڌائي نه مرائه.“

⑫ ان زئيون پڳوون را نوم مانھ ساڙل گهٽيٽه سمئي موهر توڙئي، ٽيون مٿين زويو جي زمئي گهٽي ڏيئي، ان ڏي ايوو ڪازو مش ٿي گيو، جيوو ٻاڪريون ري ذات رو ناول ڪازو ڪتو، ان ٻڌوئي انزوٿاريو لوئي جيوو راتو سوڙ ٿي گيو. ⑬ ان تارا ام آڪاش ٿي ڪرين ڌرتي مانھ پڙي گيا، زم زيتون را وڻ ٿي مڏ را آڪري ميوا واوز را لوڏا ڪائين پڙي زائه. ⑭ ان آپ وينٿوڙائي گيو زم منڪ ڪاڳڙ

نئھ وينتوزئھ، ان هر ڏونگر ان بيت آپرا ماڳ ٿي ڪهڪي ڳيا. ⑮ ان ڌرتي را پادشا، ان موتا منڪ، ان قوز را موتا ساپ، ان ملڳت وازا، ان طاقت وازا، ان هر ڳلوم، ان هر آزادا، او ٻڌائي منڪ پونئپرون موئين ان ڏونگرون ريون شپپرون وسا هتائي ڳيا. ⑯ او ڏونگرون ان شپپرون هوما اوپين زور ٿي ام ڪيتات ريا: ”ڏونگر ان شپپرون امون مانھ پڙي اوئھ ان امون نئھ هتائئھ تو ئيڪ، زم گهاڌي مانھ پينل پڳوون امون نئھ نه پاڙئھ، ان اوئا را نوم مانھ ساڙل گهيتو امون نئھ سزا نه ڏئھ! ⑰ ڪم تو اوئون رئھ سزا ڏيڌا رو موتو ڏي آيوھ رو، ان ڪوئي ايوو نٿي جي اوئون را نيا ۾ پيڏوهي ٿين سزا ٿي پڇي زائھ.“



ايسٽو يوحنا نٺ ڏيکارڻ جي دنيا ري هر قوم موئين ٿي پڳوون تارن ڏيڏا هارو آپرا منڪ سنونڊهه

7 ① تيا ڪيترن مٿين چارون آڪاشي ڏوتون نٺ پاڙيا، جي هيڪوڪو هيڪوڪو چارون ڏشون مانھ ڌرتي را ڌنگ مانھ اوپل هتا. او چارون ڏشون را وائيرا نٺ ٿونپين اوپا تا، زم وائيرو نڪو ڌرتي مانھ، نڪو سمونڊ مانھ ان نڪو وٿون مانھ وائو. ② ٿيون مٿين پيزا هڪا آڪاشي ڏوت نٺ اڳوٺليا پاها ٿي اونسو سرتون پاڙيو. اوٺا ڪن جيوتا پڳوون رو ٺپو هتو، ان اوٺ هليون چارون آڪاشي ڏوتون نٺ اوتومٺو هاڏ ڏيڏو، جيون نٺ پڳوون ڌرتي ان سمونڊ مانھ نقصون ڪريا رٿي اڪتيارٿي ڏيڏي ٿي. ③ ايٺه ڏوت اوٺون نٺ ام ڪيڏو: ”ڌرتي، سمونڊ ان وٿون رو ڪئين نقصون مت ڪريا، زئيون هوڏي امي اپتا پڳوون رون شيواڌاريون را نلاڙ مانھ ٺپو نه هتون.“ ④ ان مٿين هومپڙيو جي ڪتون منڪون مانھ پڳوون رو ٺپو هئوٺو. هڪ لاک چوتاليھ هزار منڪون مانھ پڳوون رو ٺپو هئوٺو، ان او اسرائيلي قوم ريون ٻڌيون ذاتون موئين ٿي هتا.

- ⑤ يهوداه ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
روپن ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
جد ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
⑥ آشر ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
نفتالي ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
منسي ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
⑦ شمعون ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
لاوي ري ذات موئين ٿي ٻارٺه هزار منڪون مانھ پڳوون رو ٺپو هئوٺو.
اشڪار ري ذات موئين ٿي ٻارٺه هزار منڪون مانھ پڳوون رو ٺپو هئوٺو.

⑧ زبُولُون رِي ذات مَوئين تِي ٻارَئُه هزار منڪون مانھ پڳوونَ رو ٺپو هئوئو.
يُوسف رِي ذات مَوئين تِي ٻارَئُه هزار منڪون مانھ پڳوونَ رو ٺپو هئوئو.
بنيامينَ رِي ذات مَوئين تِي ٻارَئُه هزار منڪون مانھ پڳوونَ رو ٺپو هئوئو.

ايسُو يُوحنَا نَنءُ آيا واڙو توئو مور تِي ڏيڪاڙئُه
جي پڳوونَ رو ٺپو هئل ٻڌون سُونيل منڪون نَنءُ تارن زڙشي

⑨ تيا ڪيڙ مئين زويو، ان زوئو، اڻا گهڻا منڪ ڏيڪيام آيا، جي گهڻيا تِي
ٻارا هئا. اُو هر قوم، ذات، نات ان ٻولي مَوئين تِي هئا. ان اُو ٻڌائي ڏوڙا
گهنگها پيرينَ ڪڙي رِي ڏاڙڪي هاڻون ۾ زهالينَ گهاڏي هوما ان پڳوونَ را
نوم مانھ ساڙل گهيتا هوما اُوپل هئا. ⑩ ان اُو اوتومئا هاڏ تِي ام جئي
ٻولوتات ريا:

”تارن ڏيڏا واڙا آڀنا پڳوونَ رِي جئي

جيو گهاڏي مانھ پيئوھ!

ان تارن ڏيڏا واڙا گهيتا رِي جئي

جيو پڳوونَ را نوم مانھ سڙوئوھ!”

⑪ ان ٻڌائي آڪاشي ڏوت گهاڏي ان آگيوونون ان چارون جيوون رءُه پيوڙيئي
اُوپا تا، ان اُوئي گهاڏي هوما پڳي پڙينَ پڳوونَ رِي پُوڙا ڪري. ⑫ اُو ام
ڪيتات ريا:

”آمين!”

وڪوڻ، ان مون، ان عقل، ان تورو،

ان عزت، ان ڪڙا، ان طاقت،

آڀنا پڳوونَ رِي هميش هُوڏي تيتي رءُه!

”آمين!”

⑬ تئيون آگيوونون مَوئين تِي هيڪئُه زئُه مون تِي پُونسيو: ”هائي جيا ڏوڙا

گهنگها پيرل منک سئه، هائي کون سئه ان کيٺ ٿي آياھ؟“ ⑭ تو مئين اوٺا
نئ ورندي ڏيڏي: ”تمي تو وڌارءَ زوٺوھ.“

پسئ اوٺه مون نئ ڪيڏو:

”هائي او منک سئه

جيا آيا وازي گهٺي تڪليپ وينين آياھ.

اوئي پگوون را نوم مانھ ساڙل گهيتا را لوئي ڇ

آپرا گهنگها ڏوئين ڏوڙا شيتو ڪرياھ.

⑮ تيام او پگوون ري گهاڏي هوما رٺ

ان ڏي رات اوٺا را مندر موئين اوٺا رٺي پوزا ڪرٺ.

ان گهاڏي مانھ پينل اوٺون نئ آپ پيڙا راکين

اوٺون رٺي همپاڙ ڪرشي.

⑯ هوءَ اوٺون نئ وڙي ڪيڏي پوک نئين لاڳئھ

ان ڪيڏي ترهئ نئين لاڳئھ.

اوٺون نئ ڪيڏي تڙڪو نئين لاڳئھ،

ان نڪو گرمي لاڳشي.

⑰ ڪم تو پگوون را نوم مانھ ساڙل گهيتو

جيو گهاڏي را وس ڇ سئه

او ڌراڙ را زم اوٺون رٺي همپاڙ ڪرشي

ان آگيوونئي ڪرين اوٺون نئ اوٺئ تيڙي زاشي

جيئئھ هميش را جيون رو پوٺي پتاڙ ٿي نيھرتو رٺ.

ان پگوون اوٺون ري اونڪيون ٿي

ٻڌائي هونھوڙا پونھشي پرا.“

ايسو پڳوونَ را نوم مانھ ساڙل گھيٽا را رُوپ ۾ ھاتمي ان آڪري موھر توڙينَ ڏنيا مانھ ٿيا واري آڪري آفتون ري سزا را پارام نيشونَ ڏيکارڻھ

8 ① ان زئيون پڳوونَ را نوم مانھ ساڙل گھيٽھ ھاتمي موھر توڙي، تئيون آڪاش ۾ اڌڪ ڪلاڪ ھوڏي مان ٿي مان ٿي گھي. ② ان مٿين اُو ھات آڪاشي ڏوت ڏيکيا جيا پڳوونَ ري شيوا ھارو اُوئا ھوما اُوپل ھوئھ، ان پڳوونَ اُوئون نئھ ھيڪ ھيڪ رڻ شينگڙو ڏيڏو. ③ تئيون ھيڪ پيزو آڪاشي ڏوت، جيا ڪن




ڏونپ ساڙيا رو ھيم رو نونپڙو ھتو، ويڏي ڪن آيو. اُوئا نئھ گھڻو لوپونَ ڏيوروڻو، زم اُو گھاڏي ھومي ڏونپ ساڙيا ري ھيم ري ويڏي مانھ، پڳوونَ رون ٻڌون سونڍل منڪون ري پرائنائون پيزو اُوئا رو ڏونپ ساڙئھ. ④ ان لوپونَ رو ڏونپ پڳوونَ رون

سونڍل منڪون ري پرائنائون پيزو آڪاشي ڏوت ري ھاتي پڳوونَ ھومو سڙوڻو. ⑤ ٿيا ڪيڙ آڪاشي ڏوت ڏونپ ساڙيا رو نونپڙو لين، ڏونپ ساڙيا ري ويڏي ٿي ڏيوٽا رو پرو پرين نيسو ڌرتي مانھ ڦڳوڙيو پرو. تئيون ٻڙم ٻڙم ڳاز ٿيو، ويڙي را زباڪا ٿيا، ان زمي ڏيئي.

ھات آڪاشي ڏوت رڻ شينگڙا وڳاڙئھ ان آيا واري تڪليبون ڏيڪيام اُوئھ

⑥ تئيون اُو ھات آڪاشي ڏوت جيون ڪن ھات رڻ شينگڙا ھتا، اُو وڳاڙيا ھارو تيار ٿيا.

⑦ پيرھين آڪاشي ڏوت رڻ شينگڙو وڳاڙيو، تئيون لوئي پيڙول ڪرا ان



دَيوتا ٿيو، ان هائي زمي مانھ هيٺ ڦڳوڙوٿا. ان زمي رو ترٿمو حصو ٻڙي ڳيو، ان وٿون رو ترٿمو حصو ٻڙي ڳيو، ان ٻڌوئي نيلو ڪڙ پڻ ٻڙي ڳيو.

⑧ پڙئھ آڪاشي دُوت رڻ شينڳڙو وڳاڙيو، تئيون هيڪ موتا دُونڳر جيوئي ٻڙئئي شينھ سُمونڊ موئين هيٺ ڦڳوڙوٿئي. ان سُمونڊ رو ترٿمو حصو لوئي ٿي ڳيو، ⑨ ان سُمونڊ موئين مشيون ان پڙيون جيوٽيون شينھون رو ترٿمو حصو مري ڳيو، ان پڙون رو ترٿمو حصو ڪتم ٿي ڳيو.

⑩ ترٿمئھ آڪاشي دُوت رڻ شينڳڙو وڳاڙيو، تئيون هيڪ موتو تارو، جيو مُتا را زم ٻڙتوت ريو، آڪاش ٿي ڪرين ذريائون را ترٿما حصا مانھ ان پٿاڙ ٿي نيھرل پوئي را ترٿما حصا مانھ ٻڙي ڳيو. ⑪ اُوٿا تارا رو نوم دُٿورو سئھ. ان پوئي رو ترٿمو حصو دُٿورا جيوو ڪارو ٿي ڳيو، ان گھڻا منڪ او پوئي پيدا ري ڪري مري ڳيا، ڪم تو پوئي هاو ڪارو جھير ٿي ڳيو تو.

⑫ چارمئھ آڪاشي دُوت رڻ شينڳڙو وڳاڙيو، تئيون ڏي را ترٿما حصا رو، ان انزُوٿاڙيا را ترٿما حصا رو، ان تارون را ترٿما حصا رو نقصون ٿيو، جيا ٿي اوئون را ترٿما حصا رو سوجهرو ڪتم ٿي ڳيو. ان تيام ڏي رئھ توئئھ سوجهرا رو ترٿمو حصو اندارو ٿي ڳيو، ان همروم رات رئھ توئئھ انزُوٿاڙيا ان تارون را سوجهرا رو ترٿمو حصو اندارو ٿي ڳيو. ⑬ تئيون مئين هيڪا ڳرڙ پڪي نئھ آپ ڀر اُونسو اُوڌتون پاڙيو، ان اُوٿا نئھ مئين ام اوتومئو ٻولتون هومپڙيو: ”آقت! آقت! آقت! پڙا ترڻ آڪاشي دُوت رڻ شينڳڙا وڳاڙيا مانھ سئھ، ان اوئون رئھ وڳاڙيا ٿي دُنيا رون ڪراپ منڪون مانھ ترڻ آقتون ٿيشي.“

9 ① پونسمنه آكاشي ڏوت رڻ شينگڙو وگاڙيو، تئين مئين هڪا تارا نئه ڏيکيو جيو آكاش تي ڌرتي مانھ پڙي گيو تو، ان پگھون اونا تارا نئه پوتون را اونڌا پونئيرا ربي کونسئي ڏيڏئي، جيئنه پگھون رنه ڪلاف ٿيل آكاشي ڏوت پوتون را روپ ۾ راکل سئ. ② تئين تارنه کونسئي لين پوتون را اونڌا پونئيرا رو مونيو کوليو، ان پونئيرا مئين تي موٽا کرا را جيوو ڏونهارو سڙي آيو. پونئيرا تي نيهرل ڏونهارو ري ڪري ڏي ڍڪائي گيو ان اندارو گهش تي گيو. ③ ان ڏونهارو مئين تي ٿيڏ ڌرتي مانھ نيھري آيا، ان پگھون اوتون نئه ايوي آگيا ڏيڏئي جيوي ڌرتي مانھ ويسئون نئه آگيا ڏيڏل سئ. ④ ان پگھون اوتون نئه ڪيڏو جي او ڌرتي مانھ نڪو ڪڙ رو، نڪو ڦصل رو، نڪو وٽون رو نقصون ڪرئ، پڻ او روگو ايون منڪون نئه پيڙا ڏنه جيون را نلاڙ مانھ پگھون رو ٺپو هٿل نه هئ. ⑤ ان پگھون اوتون نئه هيون منڪون نئه نمو ماريا ربي آگيا نه ڏيڏئي، پڻ اي آگيا ڏيڏئي جي پونسون مئينون هوڏي اوتون نئه پيڙا ڏيتا رنه. اوتون ٿيڏون رنه ڪرڙيا تي ايوي ڏورئي پيڙا تئھ، جيوي پيڙا ويسو را ڪرڙيا تي منڪون نئه تئھ. ⑥ اوتون ڏيئون مئين هڪ مريا هارو ڪرشي، پڻ اوتون نئه موت نئين زڙئ. او مريا هارو هڪشي، پڻ موت اوتون تي شيتي پاگشي.




⑦ اُوئون ٿيڏون رو روپ ايوو هتو، جيوا جنگ ۾ مقابلو ڪريا هارو تيار ڪرل گهوڙا. اُوئون را ماما مانه زوئنه هيم را تاج هتا، ان اُوئون رو مونديو منڪون را مونيا جيوو هتو. ⑧ اُوئون را مٿوئاڙ ڏوشي رون مٿوئاڙون جيوا هتا، ان اُوئون را ڏونت شينھ رون ڏونتون جيوا هتا. ⑨ اُوئون را ڏيل ايوو ڏاڍا هتا، زوئنه لو رو ٻگٽر پيرل هوئ، ان اُوئون ري پونڪون رو آواز ايوو هتو، زوئنه گهڻا گهوڙا رت توئين جنگ ۾ مقابلو ڪريا هارو ڊوڙتا هوئ. ⑩ اُوئون رو پونسٽو ان ڏنگ ويسو را جيوو هتو، ان اُوئون را پونسٽا ۾ ايوئي طاقت سئھ جي او پونسون مئينون هوڏي منڪون نئھ پيڙا ڏي هڪئھ. ⑪ اُوئون رو پاڌشا او پگوون رئھ ڪلاڦ ٿيل آڪاشي ڏوت سئھ جيو پوتون را پونئيرا مانھ مڪ سئھ. اوئا رو نوم عبراني ٻولي ۾ ابدون سئھ، ان يوناني ٻولي ۾ اڀليون سئھ، جيا رو مطلب سئھ ”پرياد ڪريا وازو.“ ⑫ هائي هيڪ آقت تو ٿي گهيھ، پيزي ٻي آقتون هزون ٿيا وازي سئھ.

⑬ سمئھ آڪاشي ڏوت رڻ شينگڙو وگاڙيو، تئين مئين هيڪ هاڏ هومپريو، جيو پگوون هومي ڏونپ ساڙيا ري هيم ري ويڏي رون ڪرُونگون ٿي اوتوت ريو. ⑭ اوئھ هاڏ سما آڪاشي ڏوت نئھ جيا ڪن رڻ شينگڙو هتو امر ڪيتو: ”جيا چار آڪاشي ڏوت فرات نومي موتا ڏريا ڪن ٻوندل سئھ، اُوئون نئھ سوڙ پرا.“

⑮ تئين اوئھ هايون چارون آڪاشي ڏوتون نئھ سوڙيا پرا، جيا ايئا سال را ايئا مئينا را ايئا ڏي را ايئا توئا هارو تيار ڪرين راکل هتا، زم او منڪون رو ترئمو حصو مارئھ پرو. ⑯ ان اُوئون پيڙا جيا ڦوزي گهوڙون مانھ سڙل هتا او ويھ ڪروڙ هتا. مئين هومپريو جي او اتا هتا. ⑰ او گهوڙا ان اُوئون مانھ سڙل ڦوزي جيون نئھ مئين ڏرشن ۾ ڏيڪيا، او ايوو هتا. ڦوزيون را هيئا را ٻگٽر رو رنگ ڏيوتا جيوو راتو سوڙ، ڏونهاڙا جيوو ڪاڙو ان گهنڌڪ جيوو پيڙو هڙڪ هتو. ان گهوڙون را ماما شينھون رون ماٿون جيوا هتا، ان اُوئون رون مونديون ٿي ڏيوتا، ڏونهاڙو ان گهنڌڪ نيهرتات ريا. ⑱ جيو ڏيوتا، ڏونهاڙو ان گهنڌڪ گهوڙون رون مونديون ٿي نيهرتوت ريو، هايون ترئين ڪتم ڪريا وازيون شينھون ٿي


منڪون رو ترٿمو حصو مري ڳيو. ①9 ڪم تو هايون گهوڙون رڻي طاقت اوتون را مونڊا ڀر سٺ، ان اوتون را پونسٽا ڀر پڻ سٺ. ڪم تو اوتون را پونسٽا هاپون جيو سٺ ان پونسٽون را ڌنڳ مانه هاپون را پوڌڪا سٺ، جيون ٿي ڪرڙين نقصون ڪرڻه.

②0 توتي پڻ پيڙا منڪ، جيا هايون ڪتم ڪريا وازيون شينهنون ٿي نتا مروٿا، اوتي آپرون هائون ٿي ناول مورتيون رڻي پوزا ڪريا ٿي توپونه نه ڪرڻي. اوتي ڏيوٿونون نه ان هيم، سونڊي، پيٽر، پوٿون، ان لاکڙي ري ناول مورتيون نه پوزو نه ساڏيو، جي نڪو پاڙي هڪڻه، نڪو هومپڙي هڪڻه، ان نڪو وي هڪڻه. ②1 ان اوتي نڪو ڪون ڪريا ٿي، نڪو جادو ان ڪارو علم ڪريا ٿي، نڪو پوندو ڪوم ڪريا ٿي، ان نڪو سورڻي ڪريا ٿي توپونه ڪرڻي، پڻ همرام آڀرا هائي ڪراپ ڪوم ڪرتا ريا.



ڀڳوون يوحنا نٺ شيڪاڙڻه جي ڀڳوون را وچن را فنڪا ڪتاب نٺ
ڪشي ٿي مونو ان ڌڪ وينين ٻڌون نٺ همپڙاوو

① تيون مٿين هڪا پيڙا طاقت واڙا آڪاشي ڏوت نه آڪاش ٿي اوترون 10 ڀاريو. اوتا را لوگهڙا واڙا را هتا، ان اوتا را ماتا رنه پيڙيئي ميگه ڏنوڙ هتو. اوتا رو مونيو ڏي را زم زبڪتوت ريو، ان اوتا را پڳ پتر را پيلپايا



جیوا ڏاڏا هتا، ان ڏیوتا ری زهراون جیوا
ڏیکاتا تا. ② اوتا را هات ۾ هیک ننکو
ڪتاب کُلل هتو. اوتہ آپرو زمٹو پڳ سُمونید
مانه میلیو هنو، ان آپرو ڏاوو پڳ زمی مانه
میلیو هنو. ③ ان اوتہ اوتومئا هاڏ ٿی شینه


را زم هونگر ڪری، ان زئیون اوتہ هونگر ڪری، تئیون هات ئی گَاز گَازیا.
④ زئیون هات ئی گَاز گَازتون ٻولیا، تو هون اوتون ری ڪیڏل واتون لکیا مانه
هتو. پڻ آکاش ٿی مئین هیک هاڏ هومپزیو جیو ڪیتوت ریو: ”جی واتون هاتی
گَازی ڪریه، او تو سونی راک ان مت لک.“ ⑤ تئیون آکاشی ڏوت، جیا
ننه مئین سُمونید مانه ان زمی مانه اویل ڏیکيو، اوتہ آپرو زمٹو هات آکاش
هومو اونسو ڪرین ⑥ پڳوون رو هون کادو، جیو همیش هودئی جیوتو ره، ان
جیئنه آکاش ان اوتا موئین ٻڌوئی ڪئین، ان زمی ان اوتا مانه ٻڌوئی ڪئین،
ان سُمونید ان اوتا موئین ٻڌوئی ڪئین نایوه. اوتہ هون کائین ام ڪیڏو: ”هوتہ
وڌارنه ڌیر نئین ٿنه. ⑦ پڻ زئیون هاتمو آکاشی ڏوت رڻ شینگرڙو وڳاڙشی،
تئیون اوتون ڏیئون موئین پڳوون رو مقصد، جیو اوتا ری اوندئی وات سئه، او
مقصد پورو ٿیسی، زم اوتہ اڳی آپرون شیواڌاریون آپرو نیاپو ڏیدا وازون ننه
همپزاوئی ٿی.“

⑧ تئیون جیو هاڏ مئین آکاش ٿی مورمه ٻولتون هومپزیو تو، او وڙی مون
ٿی ٻولیو ان ڪیڏو: ”زا، او ننکو ڪتاب لئه، جیو سُمونید ان زمی مانه اویل
آکاشی ڏوت را هات ۾ کُلل سئه.“ ⑨ تیام مئین آکاشی ڏوت ڪن زائین او
ننکو ڪتاب مونگیو. تو اوتہ مون ننه ڪیڏو: ”ای لئه ان ایئا ننه کائی زا!
ایئا ننه کاڌا ٿی ٿارو پیت تو ڪارو ٿیسی، پڻ ٿارا مونیا ۾ ای مد جیوو میئو
لاڳشی.“ ⑩ تئیون مئین او ننکو ڪتاب آکاشی ڏوت را هات ٿی لیڏو رو ان
اوتا ننه کائی گیو. او مارا مونیا ۾ مد جیوو میئو لاڳیو، پڻ زئیون هون کائی

گپو، تئيون مارو پيت كارو ٿي گپو. ⑪ تئيون مون نئه ام ڪيوروٿو: ”تارئه وڙي پڙي وار گهڻيون ناتون، قومون، بوليون ان پادشائون را پارام پڳوون رو نياپو ڏيووه.“

**پڳوون رون بيئون هاڪ پريا وازون منڪون رو مثال
ڪراپ دنيا وشواسي منڌڙي رون منڪون نئه ڪنم ڪروا ڪرشي
توئي پڳوون اوئون نئه هميش رو جيون ڏيشي**

① تئيون ڪيئنڪ مون نئه وال جيويي هيڪ سر رئي ڏونڪڙي ڏيڏي ان **11** هيڪ هاڏ هومپڙيام آيو جيئنه مون نئه ڪيڏو: ”زا، پڳوون را منڌر رو ان



ڏونپ ساڙيا ري ويڏي رو ماپ ڪر، ان منڌر موئين پڳوون رئي پوزا ڪريا وازون نئه گڻ! ② پڻ منڌر رو پارليو اونگڻو حساب ۾ مت اوڻ ان اوئا رو ماپ

مت لئه، ڪم تو او ڌاري قوم رون منڪون نئه ڏيڏل سئه جيا پڳوون نئه نئي موتا. او پويتر شهر نئه بيتاليه مئينون هوڏي لتاڙشي. ③ ان هون مارون بيئون هاڪ پريا وازون نئه ڪڙا ڏيه ان او منڪون هارو ڏڪي ٿين باڪريون ري زات ٿي ناوڻ لوگهڙا پيرين هيڪ هزار ٻي هو هائيٺ ڏي پڳوون رو نياپو ڏيشي.“

④ هايون بيئون هاڪ پريا وازون رو ارت سئه شاستر ۾ لڪل او ٻي زيتون را وڻ ان او ٻي ڏيوو ميليا ري شينهنون، جي جڳت را ڏئي هومي اوپل سئه. ⑤ ان جي ڪوئي منڪ هايون بيئون هاڪ پريا وازون رو نقصون ڪروا ڪرئه، تو اوئون را مونڊا ٿي ڏيوئا نيهرئه ان اوئون رون ڏشمئون نئه ٻاڙئه پرا. جيو اوئون رو نقصون ڪروا ڪرئه، او هم ضرور مراشي. ⑥ هايون نئه مي پنڌ را ڪيا

رئي اِڪٽيارئي سٺه، زم زتي وار او پڳوون رو نياپو ڏيتا رٺه، اتي وار هوڏي مي نه ورهه. ان هايون نٺه اي اِڪٽيارئي پڻ سٺه جي او پوڻي نٺه لوڻي ۾ پڌلاوٺه، ان ڌرتي مانھ هر نمونا ري آقتون زتي وار او ميلوا ڪرٺه، اتي وار او ميلي هڪه. ⑦ پڻ زئيون او پڳوون رئي هاڪ پريا رو ڪوم پورو ڪرشي، تئيون او جهنگلي زناور، جيو پوتون را پونئيرا ٿي نيهرشي، اوئون ٿي جنگ وڍشي ان اوئون مانھ جيت ڪرشي ان اوئون نٺه مارشي پرا. ⑧ اوئون را لاش موتا شهر را وسليا پڪا مانھ پڙيا ريشي. اوٺا شهر نٺه مثال پرموٺه ڪراپ ڪومون ري ڪري سدوم شهر ڪه، ان پڳوون رٺه ڪلاف هويا ري ڪري مصر ملڪ ڪه، ان هائي او شهر سٺه جيٺه اوئون رو پريو پڻ هوڙي مانھ مروٺو تو. ⑨ ان هر نات، هر ذات، هر ٻولي، ان هر قوم را منڪ هاڍون ترٿيون ڏيئون هوڏي اوئون را لاش امرام پڙل پاڙشي، ان اوئون را لاش پوريا رئي موڪل نئين زڙه. ⑩ تيام ڏنيا را منڪ اوئون مانھ ڪش ٿيشي ان ڪشي ڪرشي ان او هيك پيزا نٺه توقا پڻ ڏيشي، ڪم تو ڏنيا را منڪ اوئون بيئون پڳوون رو نياپو ڏيڏا واڙون ٿي ڪڪ هتا.

⑪ پڻ هاڍون ترٿيون ڏيئون ڪيڙ پڳوون اوئون نٺه وڙي جيوٺا ڪريا، اوئون رو هاه پاسو آيو رو، ان او اوئين اويا ٿيا. ان جيئي اوئون نٺه پاڙيا، او گهٺا پيٺائي ڳيا. ⑫ تئيون پيئي پڳوون رو نياپو ڏيڏا واڙي آڪاش موئين ٿي هيك موتو هاڏ هومپڙيو جيٺه اوئون نٺه ڪيڏو: ”ايتنه سڙي آوو.“ ان او واڙا موئين آڪاش مانھ سڙي ڳيا، ان اوئون را ڏشمڻ اوئون هوما زوتا ري ڳيا. ⑬ ان تته توٺه زمئي گهٺي ڏهي، ان شهر رو ڏهو حصو پوه ڏين پڙي ڳيو. ان زمئي ڏيا ري ڪري هات هزار منڪ مري ڳيا، ان پيزا ٻڌائي زتا پچي ڳيا او گهٺا پيٺائي ڳيا، ان اوئي آڪاش ۾ ريا واڙا پڳوون را وڪوڻ ڪريا. ⑭ هائي پيزي آقت تو ٿي گهي، ترٺي آقت هوٺه جلدي ۾ ٿيا واڙي سٺه.

هاتمو آكاشي نوت رن شينگڙو وگاڙه ان دنيا را اكر ري واتون ساوي كرڻه

⑮ هاتمه آكاشي دوت رن شينگڙو وگاڙيو، تيون آكاش مويين ٿي اوتومڻا
هاڏ ام هومپريام آيا:

”دنيا مانھ منڪون رو راز هونھ ڪتم ٿيوھ

ان آڀنا ايشور رو راز

ان اوتا را سونيل پڇايا واڙا ڪريست رو راز

هونھ منڪون مانھ شروع ٿيوھ

ان او هميش هودِي راز ڪرشي.

⑯ تيون چويھ آڳيون جيا پڳون هوما آريون گهاڏيون مانھ پينل هتا، او
پڳون ري پڳي پڙيا ان ام ڪيتون پڳون رِي پوزا ڪري:

⑰ ”او پريو پرميشور ٻڌون را ڏي،

جيا جيوتا سو ان شروع ۾ هتا،

امي تمارو ٿورو مونونھ

ڪم تو تمې آڀري گهڻي طاقت ڏيڪاڙيھ

ان آڀرو راز ڪروا مڏياھ.

⑱ دنيا ريون قومون را منڪ تمون مانھ ريشي ٻڙتا

پڻ همڻه تمې اوئون نه سزا ڏيشو.

همڻه او توتو آيوھ رو زئون تمې مرلون رو نيا ڪرشو.


تمارون شيواڌاريون نه،

تمارو نياپو ڏيڏا واڙون نه،

ان تمارون ٻڌون سونيل منڪون نه،

جيا پڻ تمارو مون راکڻه، يلنه نونا ڪا موتا،

اُوئون ٻڌون نئه اُوئون ري ڪرل شيوا رو ايوزو ڏيشو.
پڻ جيا ڏنيا نئه پريآء ڪرئ، اُوئون نئه تمِي پريآء ڪرشو.



19) تئيون پڳوونَ رو مندر جي آڪاش
موئين سئ، اُو ڪلي گيو. ان پڳوونَ را
مندر موئين اُو پيتئي ڏيڪيام اُوئي جيا
موئين پڳوونَ را منڪون ٿي ٻونڌل وسن
ري لڪل واتون راکل سئ. تئيون ويزڙي را
زباڪا ٿيا، ٻزم ٻزم ڳاز ٿيو، زمئي ڏٻئي،
ان گهاتا ڪرا پٿيا.

ڏوشي، ٻاز، ان پورنڱ ناڳ رو مثال

وشواس راڪيا وازون ري منڌڙي را، ايسو را، ان شيطون را پارام

12 ① تئيون هيڪ موتو نيشون آڪاش موئين ڏيڪيام آيو. هيڪ ڏوشي
ڏيڪيام اُوئي جيا رو پيرن زبڪتا ڏي جيوو هتو، ان اوئا رون پڳون هيٺ
سنڌر هتو، ان اوئا را ماتا مانه هيڪ جيت رو تاج هتو جيا موئين ٻارئ تارا لاڳل
هتا. ② اُو پارِي پڳ هتئي ان ٻاز زلميا را ڏوڪ ري پيٿا ۾ رڙيون ڪرتيٽ رئي.
③ تئيون هيڪ پيزو نيشون آڪاش ۾ ڏيڪيام آيو. ان زوئو، هيڪ موتو راتا رنگ
رو پورنڱ ناڳ، جيا را هات ماتا ان ڏه شينڱڙا هتا، ان هر هيڪ ماتا مانه هيڪ
هيڪ تاج هتو. ④ اُوئِه آپرا پونسٿا ٿي آڪاش رون تارون رو ترئمو حصو نيلين
ڌرتي مانه هيٺ ڦڳوڙيو پرو. تئيون پورنڱ ناڳ پارِي پڳ ڏوشي هومو زائين
اُوپو، جي ٻاز زلميا مانه هتئي. اُو ٻاز زلميا رئي وات زوتوت ريو، زم ٻاز نئه
ڪائي زائ. ⑤ تئيون ڏوشي سوڪرو زلميو، جيو لو رو گيڏيو لين پوري طاقت
ٿي ٻڌيون قومون مانه راز ڪرشي. ان ڏوشي رو ٻاز پڳوون ڪن ان اوئا ري
گهآڏي ڪن آڪاش ۾ اوپڙوئو. ⑥ تئيون ڏوشي رڻ ۾ پاڳي گئي جيئنه پڳوون

اُوئا هارُو ماڳ تيار ڪرين راکيو تو، زم هيڪ هزار ٻي هو هائيت ڏيئون هُوڏي
اُو اوتته اُوئا رئي همپار ڪرئ.

⑦ تئيون آڪاش ۾ جنگ لاڳئي پري. پڳوون رو ميڪائيل نومي موتو
آڪاشي ڏوت ان اُوئا را پاها را آڪاشي ڏوت، پورنگ ناڳ رٺ ڪلاڻ وڍيا. ان
پورنگ ناڳ ان اُوئا را پاها ري ڏوتي مقابلو ڪريو. ⑧ پڻ پورنگ ناڳ هاري
گيو، ان اُوئا هارُو ان اُوئا را پاها رن ڏوتون هارُو آڪاش ۾ ڪيٺه ئي ماڳ
نه ريو. ⑨ اُو موتو پورنگ ناڳ آڪاش ٿي ٻارو تڳڙوٺو. اُو هاڳي زونا وڪت
رو هاپ سٺه جيا نٺه ڏوه ڏيڏا وازو شيطون ڪئ، جيو پوري ڏنيا رن منڪون
نٺه شيتريه. اُوئا نٺه آڪاش ٿي ٻارو تڳڙين ڌرتي مانه ڦڳوڙيو پرو، ان اُوئا را
پاها رن ڏوتون نٺه پڻ اُوئا پيڙا ٻارا ڦڳوڙيا پرا. ⑩ تئيون مٿين آڪاش ۾ هيڪ
اوتومٿو هاڏ امر ڪيتون هومپريو:

”هوه اپئا پڳوون را پاها ٿي منڪون نٺه تارڻ زڙيوه،

اُوئا رئي ڪڙا پورته نمونته ساوئي ٿي،

ان اُوئا رو راز پورته نمونته آيوه.

ان پڳوون را سونيل پچايا وازا ڪريست رئي

پوري اڪتباري ٿي.

ڪم تو آڻتون وشواسي پايون مانه ڏوه ڏيڏا وازو

ٻارو تڳڙوٺوه،

جيو ڏي رات اپئا پڳوون هومو اوتون مانه ڏوه ڏيتو.

⑪ پڳوون را نوم مانه ساڙل گهيٽا را لوئي ري ڪري

ان اوتون رٺه ايسو رئي هاڪ پريا ري ڪري

اُو ڏوه ڏيڏا وازا شيطون مانه ڪتيا.

اوتئي آڀرو جيو والو نه راکيو

ان وشواس نه ساڏين مريا هارُو تيار هتا.

⑫ تيام تمي جيا آكاش ۾ سو، تمي كُشي ڪرو.
 پڻ ڌرتي ان سُمونڊ، تمون هارو ڏک سئ،
 ڪم تو شيطونَ تمون ڪن اوتري آيوه.
 او گهڻي رينھ ۾ سئ ڪم تو اوئا نئ ڪهر سئ
 جي هوئہ اوئا ڪن ٿوڙو توڻو سئ.

⑬ زئيون پورنگ ناڳ زويو جي او آڪاش ٿي ٻارو ڌرتي مانھ ڦڳوڙل سئ،
 تئيون او اوئا ڏوشي لار ٿيو جيئہ سوڪرو زلميو تو. ⑭ تئيون پڳوون ڏوشي نئ
 موٽا گڙڙ پڪي جيو ٻي پونڪون ڏيڏي، زم او رڻ ۾ آپرا ماڳ ۾ اوڏي زائہ،
 جيئہ پڳوون اوئا نئ هيڪ زمونا، ٻي زمونون ان اڌ زمونا هوڏي هاپ را قوضا
 ٿي پڇاوين اوئا رئي همپاز ڪرشي، مثال پرموئہ هاڏا ترڻ سال. ⑮ تئيون هاپ
 آپرا مونڊا ٿي پوڻي رو ڌريا ڏوشي لار ڦڳوڙيو، زم ڏوشي نئ پوڻي ۾ تيروئہ
 پرئي. ⑯ پڻ زمئي قاتي گڻي ان ڏوشي رئي مڌت ڪرئي، ان او ٻڌوئي ڌريا
 رو پوڻي ٻي گڻي جيو پوڻي پورنگ ناڳ آپرا مونڊا ٿي ڦڳوڙيو تو. ⑰ پسئہ
 پورنگ ناڳ ڏوشي مانھ ريشي ٻڙيو، ان ڏوشي رون پيزون ٻاڙون ٿي، او جيا
 پڳوون رون حڪمون مانھ وئہ ان ايسو رئي پرل هاڪ مونئہ، جنڳ ڪروا روونو
 ٿيو. ⑱ ان پورنگ ناڳ سُمونڊ را ڪپ مانھ زائين اوپو.

سُمونڊ ٿي نيهل جهنگلي زناور رو مثال پڳوون رڻ ڪلاڦ حڪومت را پارام

① تئيون مئين هيڪا جهنگلي زناور نئ سُمونڊ موئين ٿي نيهرتون ڏيڪيو.
 13 اوئا را ڏھ شينگڙا ان هات ماتا هتا. ان اوئا رون ڏهون شينگڙون مانھ
 هيڪ هيڪ تاج هتو، ان اوئا را هر هيڪ ماتا مانھ آپرا راڪل ايوا نوم لڪل هتا
 جيا ٿي پڳوون رئي پيعزتي ٿئہ. ② او جهنگلي زناور جيا نئ مئين ڏيڪيو، او
 شيترا جيوو هتو، ان اوئا را پڳ رچ رون پڳون جيوا هتا، ان اوئا رو ڪاٻو شينھ

را ڪاٻا جيوو هتو. تئين پورنڳ ناڳ اُونڻا جهنگلي زناور ننه اُپري ڪڙا، راز ان گهڻي اِڪتِياري ڏيڏي. ③ جهنگلي زناور را هڪا ماٿا مانه ايوو ڌڪ لاڳل هتو جيا ٿي پچيا رو ڪئين آسريو ٿي نتو، پڻ اُو ڌڪ رُوڙهائي گيوو تو. پوري ڏنيا را منڪ جهنگلي زناور مانه حيرون تين اُونڻا لار لار ويوا مڏيا. ④ ان منڪي پورنڳ ناڳ رئي پوزا ڪري ڪم تو اُوڻه جهنگلي زناور ننه اِڪتِياري ڏيڏي، ان جهنگلي زناور رئي پوزا پڻ ام ڪيتون ڪري: ”جهنگلي زناور جيوو ڪون سڻه؟ اُونڻا رو ڪون مَقابلو ڪري هڪه؟“

⑤ پورنڳ ناڳ اُونڻا جهنگلي زناور ننه وڏائي ڪريا رئي هيمنت ڏيڏي، ان ايوي واتون ڪريا رئي هيمنت ڏيڏي جيا ٿي پگيون رئي پيعزتي ٿه، ان اُپري اِڪتِياري واپرايا رئي هيمنت ڏيڏي. پڻ پگيون پيتاليه مئينون هُوڏي هم ڪريا رو ڌنڳ راڪيو. ⑥ جهنگلي زناور پگيون رنه ڪلاڦ ٻولوا مڏيو، ان ايوي واتون ڪروا مڏيو جيا ٿي پگيون رئي، آڪاش رئي، ان آڪاش موئين ريا وازون رئي پيعزتي ٿه. ⑦ ان پورنڳ ناڳ اُونڻا ننه پگيون رون سونيل منڪون ٿي جنڳ ڪريا رئي، ان اُوڻون مانه جيتيا رئي هيمنت ڏيڏي، ان اُونڻا ننه هر ذات، نات، ٻولي ان قوم مانه اِڪتِياري ڏيڏي. ⑧ ان ڌرتي را زتا منڪ پگيون را نتي جيون را نوم پگيون را نوم مانه ساڙل گهيتا را ڪتاب ۾ لڪل نتي، جيا جيون را ڪتاب ۾ ڏنيا ٺهيا ٿي مور هميش رو جيون ليڏا وازون را نوم لڪوڻا تا، اُو ٻڌائي جهنگلي زناور رئي پوزا ڪري.

⑨ هومپڙيا وازون، تمِي ڪون ڏين هومپڙو.

⑩ جي پگيون رئي مرضي هوڻه

جي وشواس راڪيا ري ڪري ڪوئي قيدي ٿه،

تو اُو ضرور قيدي ٿيشي.

ان جي پگيون رئي مرضي هوڻه

جي وشواس راڪيا ري ڪري ڪوئي تروڻار ٿي مراه،

تو اُو ضرور ترؤنار ٿي مِراشي.

تِيام پڳوونَ رون سُونِڊل منڪون رڻه ڏوروڻ صير ٿي سهوو ڪپڻه ان وشواس نه ساڏوو ڪپڻه.

گهيتا جيووا زناور رو مثال پڳوونَ رڻه ڪِلافِ ڌرم را پارام

⑪ تئيون مئين هيڪ پيزو زناور زمي موئين ٿي نيهرتون پاڙيو. اُوئا را گهيتا را زم ٻي شينگڙا هتا، پڻ اُو پورنگ ناگ را زم ٻولتو. ⑫ ان اي پيزو زناور پيرهيان جهنگلي زناور را ڪيڏا پرموڻه اُوئا رڻي اڪتيرڻي واپراوڻه، ان ڏنيا رون ٻڌون منڪون نڻه پيرهيان جهنگلي زناور رڻي پوزا ڪراوڻه، جيا نڻه ايوو ڌڪ لاڳل هتو جيا ٿي پچيا رو ڪئين آسريو ٿي نٿو، پڻ اُو ڌڪ رُوڙهائي گيوو تو. ⑬ ان اي پيزو زناور موتا موتا پرسا ڏيڪاڙڻه، جيا ٿي منڪون هومئي آڪاش ٿي ڌرتي مانه پاهي پڻ ڪيرڻه. ⑭ جيا پرسا اي پيزو زناور جهنگلي زناور ري ڏيڏل ڪڙا ٿي ان ڪيڏا ٿي ڪرڻه، اُوئون پرسون ٿي اي ڏنيا رون منڪون نڻه شيترڻه. اي ڏنيا رون منڪون نڻه حُڪم ڏڻه جي اُو جهنگلي زناور رڻي مورتِي ٿاوڻه، جيا نڻه ترؤنار رو ڌڪ لاڳيو تو توڻي پڻ اُو جيووتو ريو. ⑮ ان ايڻا پيزا زناور نڻه اي ڪڙا پڻ زڙي جي اي جهنگلي زناور ري مورتِي ٻر هاھ نوڪڻه، جيا ٿي جهنگلي زناور رڻي مورتِي ٻولي پڻ هڪٿي، ان جيا منڪ اُوئا ري پوزا رو نا پاڙتا اُوئون نڻه نمُو پڻ ماري هڪٿي. ⑯ ان اي پيزو زناور ٻڌون منڪون نڻه، نونون موتون نڻه، شائوڪارون ان گريپون نڻه، گُلمون ان آزادون نڻه، ٻڌون نڻه زمئا هات مانه ڪا نلاڙ مانه نيشون هئاوڻه. ⑰ ان جيا منڪ مانه اي نيشون نٿو هٿل، اُو نڪو شينهنون ويسِي هڪڻو، نڪو ويساتي لي هڪڻو. اي نيشون جهنگلي زناور رو نوم سڻه، مطلب ايوو نمپر سڻه جيا ٿي ڪبر پڙڻه جي جهنگلي زناور ڪيوو سڻه. ⑱ هايا وات را پارام عقل ٿي ويچارو. جيو هڙمو سڻه، اُو جهنگلي زناور را

نمير رو مطلب ڪاڍڻ، ڪم تو اوڻا رو نمير روڳا منڪ رو سڻ. ان نمير اي سڻ:
سو هو چياھڻ.

پڳوونَ را ٻڌائي سونيل منڪ ايسو پيڙا هميش ھوڏي پڳوونَ ڪن ريشي

14 ① تئيون مٿين زويو، ان زوئو، يروشلم شهر را صيهونَ نومي ڏونگر
مانھ پڳوونَ را نوم مانھ ساڙل گھيٽو اوپل سڻ. ان اوڻا پيڙا هيڪ لاک
چوتاليھ هزار منڪ سڻ، جيون را نلاڙ مانھ پڳوونَ را نوم مانھ ساڙل گھيٽا
رو نوم ان پڳوونَ را نوم مانھ ساڙل گھيٽا را ٻاپ پڳوونَ رو نوم لڪل سڻ.
② تئيون مٿين آڪاش موئين ٿي هيڪ آواز ھومپڙيو. او آواز پوڻي را گھوگھات،
ان گرا گاز جيوو اوٽومڻو ھتو، ان ايوو مينو ھتو جيوو گھڻا منڪ پيڙا تين وينا
وگاڙتا ھوئ. ③ او آواز هايون ٻڌون منڪون رو آواز ھتو. او پڳوونَ ري گھاڏي
ھوما، ان چارون جيوون ھوما، ان آگيوونون ھوما هيڪ نوو پزن گاتات ريا. ان
پيزو ڪوئي او پزن نتو شيڪي ھڪتو. روڳا او هيڪ لاک چوتاليھ هزار منڪ او
پزن گاوي ھڪھ، جيا ڏنيا موئين ٿي ايوزو پرين پچاؤل سڻ. ④ او ايوا منڪ
سڻ جيا پڳوونَ ري شيوا ۾ آپ نڻ پوٽر راڪھ، زم ڪونٿارا جيا پونڌو ڪوم
نہ ڪرين آپ نڻ پوٽر راڪھ. او پڳوونَ را نوم مانھ ساڙل گھيٽا وونھڙ وونھڙ
وئ. او منڪون موئين ٿي ايوزو پرين پچاؤل سڻ، زم او آپ نڻ پڳوونَ را ان
پڳوونَ را نوم مانھ ساڙل گھيٽا را نوم مانھ ڏين اوئون رئي شيوا ڪرئ. ⑤ ان
اوئي ڪوڙي وات ماڳي نٿي ڪري. اوئون موئين ڪئين پونڌائي نٿي.

بابل شهر رو مثال

پڳوونَ ڪراب ڏنيا رون منڪون نڻ سزا ڏئھ

⑥ تئيون مٿين هيڪا پيڙا آڪاشي ڏوت نڻ آپ ۾ اونسو اوڏتون ڏيڪيو، جيا رو

ڪوم اي هتو جي اُو ڪُشي رڻي ڪهر، جيئي هر زمونا رون منڪون هارو هميش
هُوڏي سئھ، ڌرتي رون منڪون نئھ، هر قوم، ذات، ٻولي، ان نات رون منڪون نئھ
همپڙاڻھ. ⑦ اُو اوتومئا هاڏ ٻر ام ڪيتوت ريو:

”پڳوون ٿي پيٿائو ان اونا رو مون راکو،
ڪم تو اونا رو سزا ڏيڏا رو توڻو آيوھ رو.

ان پڳوون رڻي پوزا ڪرو

جيئھ آڪاش ان ڌرتي، سمونڊ ان پتار پڻ ٺاياه.

⑧ ان هيڪ پيزو آڪاشي ڏوت اونا وونھڙ وونھڙ اُوڌتون ام ڪيتوت ريو:

”پڙي گيوھ، بابل نومي موتو شهر پڙي گيوھ!

اُوئھ پُونڌي ڏوشي را زم

ٻڌيون قومون رون منڪون نئھ ڌراڪون رو ڌارو پيٿارين

اُوئون نئھ آپرا پُونڌا ڪوم ٻر ڪٿريا،

ان آپ نئھ ان اُوئون نئھ پڻ پڳوون ري سزا هيٺ اوڻيا.

⑨ ان هيڪ ترئمو آڪاشي ڏوت اُوئون وونھڙ وونھڙ اُوڌتون اوتومئھ هاڏ ام

ڪيتوت ريو:

”جي ڪوئي منڪ جهنگلي زناور ان اونا رڻي مورتئي پوزئھ

ان آپرا نلاڙ ڪا هاٿ مانھ اونا رو نيشون هئاوئھ،

⑩ تو اُو پڻ ضرور پڳوون ري سزا را پيٿالا ٿي

پڳوون ري رينھ رو ڌراڪون رو ڌارو پيشي،

جيا موئين پيڙي ڪئين شينھ پيڙول نئي.

ان پويتر آڪاشي ڏوتون ان پڳوون را نوم مانھ ساڙل گهيٽا هومو

اُو پاھي ان گھنڌڪ ٻر پُونڌي هاڙي ڏڪ وينشي.

⑪ جيا پاھي ان گھنڌڪ ٻر اُو پُونڌي هاڙي سئھ

اونا رو ڏونھاڙو هميش سڙتو رئھ.

جيا جهنگلي زناور ان اوتا رڻي مُورتي پوزڻه
ان جهنگلي زناور را نوم رو نيشون آپ مانه هئاوڻه،
اوتون ننه ڏي رات ڪئين هڪ نتي هويٿو.

⑫ تيام پڳوون را سونيدل منڪ، جيا پڳوون رون حُڪمون مانه وڻه ان ايسو
مانه وشواس راکڻه، اوتون رڻه ڏوروڻ صير ٿي سهوو ڪيڻه.

⑬ تڻيون مڻين آڪاش موڻين ٿي هيڪ هاڏ هومپڙيو جيڻه مون ننه ڪيڏو:
”تون اي لڪ:

هونء ٿي لين او مرل منڪ يا گوازا سڻه،
جيا پڙيو ايسو مانه وشواس راکين مري گياھ.

پويترا تما ڪڻه:

”هوڻه، او هاس ڀر يا گوازا سڻه.

اوتي مينت ڪرڻي ان هونء اروم ڪرشي

ڪم تو اوتون رون ڪرل ڪومون رو ايوزو زڙشي.

تون را لبارا رو ان تراڪون ري پتائي رو مثال

وشواس راکيا وازون منڪون ننه ايسو ٿي نارڻ زڙشي

ان پڳوون رڻه ڪلاڻ وويا وازون منڪون ننه سزا زڙشي



⑭ تڻيون مڻين زويو، ان زوڻو، هيڪ ڌوڙو واڏرو

ڏيڪيام آيو. ان اوتا مانه ڪوڪ پينل هتو، جيو منڪ

ذات را ڏيڪرا جيوو هتو. اوتا را ماتا مانه جيت رو

هيڪ تاج هتو جيو هيم رو هتو، ان اوتا را هات ڀر هيڪ


تڪو ڌاترو هتو. ⑮ ان هيڪ پڙيو آڪاشي ڏوت مندر

موڻين ٿي زيهريو، ان واڏرا مانه پينا وازا ننه اوتومئا

هاڏ ڀر ڪيڏو: ”تمارو ڌاترو هاڪلو ان ڌون لڻو، ڪم


تو ڌرتي مانھ ڦصل پاڪيوھ پرو ان ھوئہ لہارا رو توڻو آيوھ رو.“ (16) تئينون جيو واڌڙا مانھ پينل ھتو، اُوئہ آپرو ڏاترو ڌرتي مانھ ھاڪليو ان ڌرتي مانھ لہارو ٿي گيو.

(17) تئينون ھيڪ پيزو آڪاشي ڏوت اُوئا منڊر ٿي نيھريو جيو آڪاش ۾ سئہ، ان اُوئا ڪن پڻ تڪو ڏاترو ھتو. (18) ان وڙي ھيڪ پيزو آڪاشي ڏوت، جيا را ڪيڏام ڏيوئا راکل ھتو، اُو ڏونپ ساڙيا ري ويڏي ٿي نيھريو. ان اوتومئا ھاڏ



ٿي اُوئا ڏوت نئہ ڪيڏو جيا ڪن تڪو ڏاترو ھتو: ”ٿارو تڪو ڏاترو ھاڪل، ان ڌرتي مانھ جئي ڌراڪون رئي ويل سئہ، اُوئا را زھوڙڪا واڍين پيڙا ڪر، ڪم تو اُوئا ري ڌراڪون پاڪيھ پري.“


(19) تئينون اُوئہ آڪاشي ڏوت آپرو ڏاترو ڌرتي مانھ ھاڪليو، ان ڌرتي مانھ ري ويل موئين ٿي ڌراڪون پيڙي ڪري، ان ڌراڪون ڦيھليا ري موٽي ھوڏي موئين ڦڳوڙي پري، جئي پڳوون رئہ منڪون نئہ سزا ڏيڏا رو مثال سئہ. (20) اُو ھوڏي شهر ٿي ٻارئي ھتئي، ان اُوئئہ ھوڏي موئين ڌراڪون لتاڙين ڦيھلي پري. ھوڏي موئين ٿي اتو گھڻو لوئي نيھريو جي ھو گائو شيتي پڻ لوئي اتو پرا ڪريو جي گھوڙون رون لڳومون ھوڏي اونسو پوگي آيو.



پڳوونَ آکري اَقت ري هات مُصَيپتون ترتي مانه ميلئه

15 ① تئيون مئين آکاش ۾ پيزو هيڪ موتو ان حيرونَ ڪريا وازو اي نيشونَ ڏيکيو. مئين هات آکاشي دُوت ڏيکيا، جيا آکري هات مُصَيپتون ميليا

وازا هتا. اي مُصَيپتون تيام آکري سئه، ڪم تو ايئون نئه ميليا ڪيڙ پڳوونَ رئي منڪون مانه سزا پُورئي ٿيشي. ② تئيون مئين زوئنه پاهي پيڙول ڪاوا رو سُمونيد ڏيکيو. ان جيئي منڪي جهنگلي زناور مانه، ان اوئا ري مُورتي مانه، ان اوئا را نوم را نمپر مانه جيت ڪريهه، مئين اوئون ٻڌون نئه ڪاوا را سُمونيد را ڪپ مانه اوپل ڏيکيا. اوئون ڪن پڳوونَ ري ڏيڌل وينائون هتي، ③ ان او پڳوونَ را نوم



مانه ساڙل تارنَ ڏيڌا وازا گهيتا ري ڪري پچايا وازا پڳوونَ را ٿورا ۾ ايوو پزن گاتات ريا، جيوو پڳوونَ رئه شيواڌاري مُوسي پچايا وازا پڳوونَ را ٿورا ۾ گايو تو. او ام گاتات ريا:
”او پريو پرميشور ٻڌون را ڌئي،

ڪيو موتا ان حيرونَ ڪريا وازا سئه تمارا ڪوم!

او ٻڌيون قُومون را پاڌشا،

تمي انصاف ٿي ان هاس مانه ووھ.

④ او ايشور، تمون ٿي ڪوڻ نئين پيئانه؟

ان تمارا نوم را وڪوڻ ڪوڻ نئين ڪرئه؟

ڪم تو تمي هيڪئھ پويتر سو،

ان ٻڌي قُومون تمون ڪن آوينَ

پڳي پڙينَ تماري پوزا ڪرشي،

ڪم تو تمارا انصاف ٿي ڪرل ڪوم

ٻڌون هوما ساوا ٿياھ.“

⑤ ان تيا ڪيتر مٿين زويو، ان آڪاش ۾ ڀڳوون رو مندر، اُو تنهُو جيا ٿي ڀڳوون ڀيڙا ريا رڻي هاڪ ڀرتو، اُو کلي گيو. ⑥ ان مندر موئين ٿي اُو هات آڪاشي دُوت نيهري آيا، جيا هات مُصَيپتون ميليا وازا سئ. اُوئون را لُوگهڙا سُوٽي ان صاف دُوڙا شيتو سوجهرا وازا هتا، ان اُوئون را هر هيڪ را هيئا مانه هيم رو لُوگهڙو ڀونڌل هتو. ⑦ تئيون چارون جيوون موئين ٿي هيڪئ زئنه اُوئون هات آڪاشي دُوتون نئه هات هيم را نونڀڙا ڏيڏا، جيا ڀڳوون ري سزا ٿي ڀرل هتا، جيو هميش هُوڏي جيوٽو رئه. ⑧ ان مندر موئين ڀڳوون را زبڪتا سوجهرا ري ڪري ان اُوئا ري ڪڙا ري ڪري اتو گهڻو دُونهاڙو ٿيتوت ريو جي مندر دُونهاڙا ٿي ڀرائي گيو، ان ڪوئي مندر موئين زائي نتو هڪتو، زئيون هُوڏي اُو هات مُصَيپتون پوري نه ٿي، جي هات آڪاشي دُوتون رئه ڏيوو تو.

هات آڪاشي نُوٽ ڏنيا مانه هات مُصَيپتون ميلئ

① تئيون مٿين هيڪ اُوٽومئو هاڏ هومڀڙيو، جيو ڀڳوون را مندر موئين 16 ٿي هات آڪاشي دُوتون نئه ام ڪيتو تو: ”زائو، ان آپرون هاتون نونڀڙون موئين ٿي ڏنيا مانه ڀڳوون رڻي سزا ايڙو ڀرئي.“



② تئيون پيرهيون آڪاشي دُوت گيو، ان آپرا نونڀڙا موئين ٿي ڀڳوون رڻي سزا ڌرتي مانه ايڙي ڀرئي. ان جيون منڪون مانه جهنگلي زناور رو نيشون هئل هتو ان جيا جهنگلي زناور رڻي مُورتي پُوڙتا، اُوئون رئه ڪراڀ ان پُونڌا گُونڀڙا ٿيا. ③ تئيون ڀيڙهه آڪاشي دُوت آپرا نونڀڙا موئين ٿي ڀڳوون رڻي سزا سُمونڊ مانه ايڙي ڀرئي. ان سُمونڊ مرل منڪ را لوئي جيوو لوئي ٿي گيو، ان زتي مشي ان ڀيڙي جيوٽي شينهنون سُمونڊ موئين ريتي، اُو ٻڌي مري گي.

④ تئيون ترئمئہ آکاشي دُوت آپرا نونہڙا موئين ٿي پڳوون رئي سزا دُريائون ان پتارَ را پوٿي مانہ ايڙي پري. ان او ٻڌوئي پوٿي لوئي ٿي گيو. ⑤ تئيون مئين اوئا آکاشي دُوت نئہ ام کيتون ھومپڙيو، جيا را کيڏام پوٿي راکل ھتو: ”او پويتر پڳوون، تمي جيا جيوتا سو ان شروع ۾ ھتا،

تمي انصاف ڪريا وازا سو

ڪم تو تمي ھائي ڦينصلا ڪريھ.

⑥ اوئي منڪي تمارون سُونيدل منڪون رو ڪُون

ان تمارو نياپو ڏيڏا وازون رو ڪُون ڪريوھ،

ان ھوئہ تمي اوئون نئہ پيڏا ھارُو لوئي ڏيڏوھ.

ان او ھايا سزا رئہ لائيق سئہ.

⑦ ان مئين دُونپ ساڙيا ري ويڏي ٿي اي ھاڏ ھومپڙيو:

”ھوئہ، پريو پرميشور ٻڌون را ڏئي،

تمارا ڦينصلا ھاسا ان انصاف وازا سئہ.”

⑧ تئيون چارئمئہ آکاشي دُوت آپرا نونہڙا موئين ٿي پڳوون رئي سزا ڏي

مانہ ايڙي پري. ان ڏي رئي طاقت وڌي گهي ان ڏي پاھي ٿي منڪون نئہ

شيكوا مڏيو. ⑨ ان منڪ ڏي را گھٽا تڙڪا ٿي ٻڙي گيا. توئي پڻ اوئي توپونھ

ڪريا رو نا پاڙيو، ان پڳوون رو مون نہ راکيو، ان پڳوون نئہ پُونڌو ٻوليا جيا را

ڪيڏام ھائي ٻڌي مَصيبتون ھتي.

⑩ تئيون پونسمئہ آکاشي دُوت آپرا نونہڙا موئين ٿي پڳوون رئي سزا

جھنگلي زناور ري گھاڏي مانہ ايڙي پري. ان جيئئہ جھنگلي زناور رو راز

ھتو، اوئئہ اندارو گھش ٿي گيو، ان اوئا را راز ري منڪي گھئي پيڙا ري ڪري

آپري جيپون سڳڙي پري. ⑪ توئي پڻ اوئي آپرون ڪراپ ڪومون ٿي توپونھ

ڪريا رو نا پاڙيو، ان آپرون ڏوڪون ان گُونهڙون ري ڪري پڳوون نئہ پُونڌو ٻوليا

جيو آڪاش ۾ رئہ.

⑫ تتيون سمئه آكاشيي دُوت آپرا نونبڙا موئين ٿي پڳوون رڻي سزا فرات نومي موتا ڌريا مانه ايتڙي پڙي. ان اوتئا رو پوڻي هُوكائي گيو، زم اڳوڻيا پاها رون يادشائون رئه حملو ڪريا هارو رستو ٿه. ⑬ تتيون پورنگ ناڳ را مونيا



موئين ٿي، ان جهنگلي زناور را مونيا موئين ٿي، ان اوتئا پيڙا زناور را مونيا موئين ٿي، جيو ڪوڙ هاكلين آپ نئه پڳوون رو نياپو ڏيڏا وازو ڪنه، مئين يادون جيو ترڻ ڪراپ پُوت نيهرتون پاڙيا. ⑭ هائي پُوت شيطون را پاها را دُوت سه. او پرسا ڏيڪاڙهه ان پوري

ڏنيا رون يادشائون ڪن زائه، زم ڏنيا ري آڪري جنڳ هارو، جيو ٻڌون را ڌڻي پڳوون را موتا ڏي مانه ٿيشي، اوتون نئه پڳوون رئه ڪلاف وڊيا هارو پيڙا ڪرئه.

⑮ تتيون ايسو رو آواز ام آيو:

”زوڻو، هون سور را زم اوچتو آونھ ريو.

يا گوازو او سه

جيو نائوڪا ڪوم ڪرين مارا آيا رڻي وات زوئه،

زم ڪوڪ منڪ سور را آيا رو ڪيال راڪين

لُوهڙا پيرين زاگتو رئه.

جيو مارا آيا هارو تيار نه هوئه

تو اوتئا را ڪراپ ڪوم ساوا ٿيشي ان او ٻڌون هومو لازي مرشي،

زم سور را آيا مانه ڪوڪ لُوهڙا پيريا وگر اوتين ويشي

ان ٻڌون هومو لازي مرشي.“

⑯ تتيون هائي پُوتي ڏنيا رون يادشائون نئه اوتئا ماڳ جنڳ هارو پيڙا ڪريا،

جيا نئه عبراني ٻولي ۾ هر مجدون ڪنه.

①7 تئيون هاتمنه آكاشي دُوت آپرا نونپڙا موئين ٿي پڳوون رُئي سزا آپ ۾ ايتري پري. ان مندر موئين ٿي گهاڙي را پاها ٿي اوتومثو هاڏ ام هومپريام آيو: ”سزا پوري ٿي.“ ①8 تئيون ويزري را زباڪا ٿيا، بزم بزم گاز ٿيو، ان زمي گهڻي ڏيئي. زمي ايوئي گهڻي ڏيئي، جيوي منڪون رنه ڌرتي مانه آيا ٿي لين ڪيڙي نه ڏيئي. ①9 تئيون موتو شهر ترڻ ٽڪرون ۾ قاتي گيو ان ٻڌوي دهي گيو، ان پوري دنيا ريون قومون را شهر ٻڌائي پڙي گيا. پڳوون بابل نومي موتا شهر رُئي پونڌائي نه ويهاري، ان آپري سزا ٿي پرل پيٽالا موئين ٿي ڌراڪون رو ڌارو پيٽارين اوتا ننه رينه ۾ سزا ڏيئي. ②0 ان هر بيت ٿري گيو، ان ڏونگر دهي گيا. ②1 ان هيڪ هيڪ مڻ زوڙا موتا موتا ڪرا آڪاش ٿي منڪون مانه پڙي آيا. ان ڪرون ري موصيت ري ڪري منڪ پڳوون ننه پونڌو ٻوليا، ڪم تو هائي موصيت ايوئي موئي هتي.

پونڌي ڏوشي رو ان جهنگلي زناور رو مثال ڪراب دنيا ان پڳوون رنه ڪلاڪ حڪومت را پارام


17 ① تئيون اوتون هاتون آڪاشي دُوتون موئين ٿي، جيون ڪن هات نونپڙا هتا، هيڪ زڻو مُون ڪن آيو ان مُون ننه ام ڪيڏو: ”هال! هُون تُون ننه ڏيڪاڙيه جي پڳوون اوتا گهڻي پونڌي ڏوشي ننه ڪيوي سزا ڏيشي، جي ڏوشي گهڻون ڌريائون را وس ۾ پيٽيه، ② ان جيا ڪن دنيا را پاڏشا آوئ، ان جيا را پونڌا ڪوم رو ڌراڪون رو ڌارو پين دنيا را منڪ مست ٿي گيا.“ ③ تئيون آڪاشي دُوت پويتر آتما ري ڪرا ٿي مُون ننه رڻ ۾ اُپاڙي گيو. ان مئين هيڪ ڏوشي ڏيڪي، جي راتا سوز جهنگلي زناور مانه سڙل هتي. جهنگلي زناور را پورا ڏيل مانه ايو نوم لڪل هتا جيا ٿي پڳوون رُئي پيعزتي ٿئ، ان اوتا را هات ماتا ان ڏه شينگڙا هتا. ④ ان ڏوشي رنه وونگڙائي ان ڪرمشي رنگ را مونگهام مونگها لوگهڙا پيرل هتا، ان اوتا رنه هيم، هيرون، ان

موتيون را هُونت پيرل هُوژئه شنگار كرل هتا. اوتا را هات ڀر هيم رو هيڪ پيئالو هتو، جيو مورتِي پوزا ري گهندگي ٿي ان آڀرا كرل پونڌا كوم ري پونڌائي ٿي پيرل هتو. ⑤ ان اوتا را نلاڙ مانھ اُونڌي وات ڀر اوتا رو نوم ام لڪل هتو:

” بابل نومي موتو شهر،

پونڌيون ڏوشيون رئي مان

ان ڏنيا ريون مورتيون رئي مان.“



⑥ ان مئين زويو جي هائي ڏوشي پڳوون رون سونيل منڪون رو ان ايسو رئي هاڪ پريا وازون رو لوئي پين مست هئي. هايا ننه ڏيڪين هون گهڻو حيروني پڙي گيو.

⑦ تئين آڪاشي ڏوت مون ننه ڪيڏو: ”تون ڪم حيرون ٿيوه؟ هون تون ننه هائي اُونڌي وات هڙماويه جي هايا ڏوشي رو مطلب ڪي سئ، ان هايا

جهنگلي زناور رو مطلب ڪي سئ، جيا مانھ اُو سڙل سئ، ان جيا را هات ماتا ان ڏھ شينگڙا سئ.

⑧ جيو جهنگلي زناور تئين ڏيڪيوھ، اُو اڳي هتو، ان همئنه نٿي، ان ايٺا ڪيڙ پوتون را پونئيرا موئين ٿي ٻارو نيهرين هميش را موت رئي سزا ڪاشي. ان دنيا را اُو ٻڌائي منڪ، جيون را نوم جيون را ڪتاب ۾ نٿي لڪل، جيا ۾ هميش رو جيون ليڏا واڙون را نوم دنيا نهيا ٿي مور لڪوٺا تا، اُو جهنگلي زناور ننه زوئين حيرون ٿيشي، ڪم تو اُو اڳي هتو، ان همئنه نٿي، ان وڙي آيا واڙو سئ.

⑨ هايا وات را پارام عقل ٿي ويچاروو ڪپنه. هات ماتون رو مطلب هات ڏونگر سئ، جيون مانھ ڏوشي پئيئيه. ⑩ ان اوئون رو مطلب هات پاڌشا پڻ سئ. پونس پاڌشا اڳي پڙي ڳياھ، هيڪ پاڌشا همئنه سئ، ان هاتمو پاڌشا هزون نٿي آيو. پڻ زئون اُو آوشي، تو اُو ضرور ٿوڙيڪ وار ريشي. ⑪ ان اُو جهنگلي زناور، جيو اڳي هتو ان همئنه نٿي، اُوٺا رو مطلب هيڪ ائمو پاڌشا سئ. اُو پيزون هاتون پاڌشائون را پاها رو سئ، ان اُو هميش را موت رئي سزا ڪاشي. ⑫ ان جيا ڏھ شينگڙا تئين ڏيڪياھ، اُوئون رو مطلب ڏھ پيزا پاڌشا سئ، جيا هزون پاڌشا نٿي ٿيا، پڻ اُوئون ننه اي اڪتيارئي زڙشي جي اُو ٿوڙيڪ وار هوڏي جهنگلي زناور پيزو راز ڪرشي. ⑬ اُوئون ٻڌون ڏهون پاڌشائون رئي سوچ هيڪ سئ. ان اُو آپرئي طاقت ان اڪتيارئي جهنگلي زناور را ڪيڏا پرموئنه واپراوئھ. ⑭ اُو پڳوون را نوم مانھ ساڙل گهيتا ٿي جنڳ ڪرشي. پڻ پڳوون را نوم مانھ ساڙل گهيتو اُوئون مانھ جيت ڪرشي، ڪم تو اُو ڏٿيون رو ڏٿي ان پاڌشائون رو پاڌشا سئ. ان اُوٺا پيزا اُوٺا را تيراوُل، سونيدل ان ايموندار منڪ هوشي.

⑮ تئين آڪاشي ڏوت مون ننه وڙي ڪيڏو: ”جيا ڌريا تئين ڏيڪياھ، جيون وسا پونڏئي ڏوشي پينل هتئي، اُوئون ڌريائون رو مطلب ڌار ڌار نات، منڪون را توڙا، قومون ان ٻولي سئ. ⑯ ان جيا ڏھ شينگڙا تئين ڏيڪياھ، جيون رو مطلب ڏھ پاڌشا سئ، اُو ڏھ پاڌشا ان جهنگلي زناور پونڏي ڏوشي ٿي وير ڪاشي. اُو

پُونډِي ڏوشي رو ٻڌوئي ڪئين ڪوهين اونا ننه اُوگهاڙي ڪرشي پري، اونا رو مونھ ڪائي زاشي، ان اونا ننه ڏيوتا ۾ ٻاڙشي پري. ⑰ ڪم تو پڳوون اوتون رون منون ۾ ايوا ڪوم ڪريا رو ڪيال نوڪيوھ، جيا تي اُو پڳوون رو مقصد پورو ڪرڻ. ان هيون نمونھ اُو هيڪ من تين آپرو راز جهنگلي زانور ري اڪتباري هيٺ ڏيشي، زيون هوڏي پڳوون ري ڪيڏل واتون پوري نه ٿن.

⑱ ان جي ڏوشي تين ڏيڪيھ، اونا رو مطلب اُو موتو شهر سڻ، جيو ڌرتي رون پاڌشائون مانھ راز ڪرڻ.

بابل نومي موتا شهر را ڪنم ٿيا رو مثال نيا رڻ ڏي پڳوون ڪراب ڏنيا نڻ سزا ڏيشي

① ٿيا ڪيڙ مئين هيڪ پيزو آڪاشي ڏوت آڪاش تي اوترتون ڏيڪيو.
اونا رڻي گهڻي اڪتباري هئي، ان اونا را زبڪتا سوچرا تي پوري ڏنيا مانھ روشنئي تي گهي. ② اونه موتا هاڻي اوتومو ڪيڏو:
”پڙي گيوھ،



بابل نومي موتو شهر پڙي گيوھ!
هوڻه هونو تين پوتون رو گهر ٿيوھ
ان ٻڌون ڪراب پوتون رو آستونو ٿيوھ
ان ٻڌون اڀڙال ان پونڌون پڪيون رو
آستونو ٿيوھ.

③ ڪم تو ٻڌيون قومون ري منڪي
اونا را پونڌا ڪوم رو ڌراڪون رو ڌارو پيڏوھ
ان آپ مانھ پڳوون رڻي سزا ليڏيھ.
ڌرتي ري پاڌشائي اونا رون پونڌون ڪومون ۾ حصو ليڏوھ،
ان اونا ري گهڻي عيش عشرت ري سڪ ري ڪري

ڌرتي را واپاري شائوڪار ٿيا.

④ ٽيون مٿين آڪاش ٿي هيڪ پيزو هاڏ ام ڪيتون هومپڙيو:
”نيهري آو، مارون منڪون، اوٽا شهر موئين ٿي نيهرِي آو!

متون تمِي پڻ اوٽا پيڙا ڏوه نه ڪرو
ان او مُصِيپتون تمون مانھ پڻ نه پڙئه،
جي اوٽا مانھ پڙشي.

⑤ ڪم تو اوئه اتا گهڻا ڏوه ڪرياه
جي اوٽا رون ڏوهون رو ڊِڳ آڪاش هُوڏي پُوگي گيوھ،
ان پِگُوون اوٽا را ڪراپ ڪوم همپارين اوٽا نئه سزا ڏيشي.

⑥ او سزا ڏيڏا وازون آڪاشي ڏوتون،
زم اوئه ڪراپ ڪوم ڪرياه، تم تمِي اوٽا نئه سزا ڏيو!
اوٽا رون ڪومون را ايوزا پر اوٽا نئه پيئي سزا ڏيو!
اوئه آپرا پيئالا موئين ٿي منڪون نئه نقصون پيئاريوھ
تمِي هاگي پيئالا موئين ٿي اوٽا نئه پين مانھ سزا پيئارو!
⑦ زتو اوئه آپرو مون وڌاريوھ ان عيش عِشرت ڪريھ،
اتو اوٽا نئه پُونڏي هاڙي ڪرو ان ڏڪ تڪليب ڏيو!
ڪم تو او آپرا من پر ام ويچارئھ:

’هُون تو روئي سون، هُون رونڏي رونڏ تو نئي،
ان مون نئه ڪيڏي پڻ ڪئين ڏڪ نئين ٿئھ.
⑧ تيام هيڪا ئي ڏي پر اوٽا مانھ اي مُصِيپتون آوشي،

پيماري ان موت، ڏڪ ان ڏڪاز،
ان او پاهي پر پڙين ڪتم ٿيشي،
ڪم تو پڙيو پرميشور اوٽا رو نيا ڪريا وازو سئھ،
ان او طاقت وازو سئھ.”

⑨ ډرتي را پاډشا، جيئي اوٽا رون پُونڌون ڪومون ۾ ان عيشِ عشرت ۾ حصو ليدو، زئين اوٽا را بزيا رو ڏونهارو زوشي، تئين او ڏڪي تين اوٽا را پار لين روشي. ⑩ اوٽا رئي پُونڌي حالت زوين او پيشاڻي ان پيڪ ۾ شيئي شيئي اويين ڪيشي:

”اڦسوس، اڦسوس، موٽا شهر مانھ اڦسوس!

طاقت واڙا بابل نومي شهر مانھ اڦسوس!

ڪم تو سزا پڙ ۾ اوٽا مانھ آوي پڙيھ.



⑪ ډرتي را واپاري ڏڪي تين اوٽا

را پار لين روٽھ، ڪم تو هوٽھ ڪوئي
اوتون رو شيمون ويساتو نئين لئھ.

⑫ او اڳي اي ويستا: هيٺ، چونڌي،

هيرا ان موتي، سوتي ان وونگنائي رنگ را لوگهڙا، ريشمي ان ڪرمشي رنگ را لوگهڙا، هر قسم رئي ڪشبو واڙي لاکڙي، هاڻي را ڏونت ري ٻڌي شينھون، قيمتي لاکڙي ري، پيتر ان لوري، ان سنگي مرمر ري ٻڌي شينھون، ⑬ ڌالجنئي ان وڪروونو، ڏونپ ساڙيا واڙو ڳونڌ، ملم ان لوپون، ڌراڪون رو رس ان زيتون رو تيل، ميدو ان ڪنڪ، ڳاٽو مال ان ريدو مال، گهوڙا ان ڳاڏي، ان منڪ پن، جيون نئھ ڳلوم ڪرين ويستا. ⑭ او واپاري شهر نئھ زوين ڪنھ:


”شهر ري منڪي زتي شينهنون لالچ راڪين ليڏي تي،
 او ٻڌي اوئون ٿي ڪوهرائي ڳيھ.
 شهر رئي مال ملڳت، مون ان شون،
 او ٻڌوئي ڪتم ٿي ڳيوھ.
 او هوئه وڙي ڪيڏي نئين زڙئه.“

15) جيا واپاري هائي شينهنون ويستا ان هيا شهر ري ڪري شائوڪار ٿيا تا،
 او شهر رئي پونڌي حالت زوئين پيئاشي ان پيڪ ۾ شيئي شيئي اُپيا ريشي. ان
 او ڏکي ٿين اوئا را پار لين روشي، 16) ان ام ڪيشي:
 ”اڦسوس، اڦسوس، موتا شهر مانھ اڦسوس!
 اوئا را لوگهڙا نائوڪام نائوڪا سوئي هتا،
 ان مونگهام مونگها وونگڻائي ان ڪرمشي رنگ را هتا،
 ان اوئا رو شنگار هيم، هيرون، ان موتيون رو هتو.
 17) پڻ اتي گهڻي مال ملڳت پڙ ۾ ڪتم ٿي ڳيھ.“

تئين هر پيڙو هاڪليا وازو، هر منڪ جيو پيڙا مانھ پنڌ ڪرئھ، ان پيڙا وازا،
 ان زتا منڪ سمونيد مانھ ڪوم ڪرئھ، او ٻڌائي شيئي اُپي ريا. 18) ان اوئي شهر
 را ٻڙيا رو ڏونهڙو زوئين ڪيڏو: ”ايئا موتا شهر جيوو پيزو ڪوئي نئي.“ 19) ان
 اوئي آپرا ماڻا مانھ ڏوڙ نوڪئي، ان ڏکي ٿين اوتومئا هاڏ ٿي ام پار لين رويا:
 ”اڦسوس، اڦسوس، موتا شهر مانھ اڦسوس!

زتون منڪون را پيڙا سمونيد مانھ وئھ،
 او ايئا شهر ري ملڳت ري ڪري شائوڪار ٿياھ.
 پڻ ٻڌوئي ڪئين پڙ ۾ ڪتم ٿي ڳيوھ.“

20) او آڪاش ۾ ريا وازون، ڪشي ڪرو! او پڳوون رون سونيدل منڪون، مڪ
 شيلون، ان پڳوون رو نياپو ڏيڏا وازون، ڪشي ڪرو! ڪم تو او شهر تمون ٿي
 پونڌه نمونئھ وُڊوھ، تيام پڳوون نيا ڪرين اوئا نئھ سزا ڏيڏيھ.



②1 تئيون هيڪنه طاقت واڙهه آڪاشي دُوت موتا گهٽ را پڙ زوڙو موتو پوٿو اُوپاڙين سمونيد موئين گهئا زور ٿي ڦڳوڙيو پرو ان ڪيڏو:
 ”بابل نومي موتو شهر

هيو زور ٿي ڊهاشي

ان اُوتا رو نوم نيشون نئين ره.

②2 وينا ان گايا وازا، وونهڙي ان هرثايون

وڙي اُوتا شهر ۾ ڪيڏي هومپڙيام نئين آه.

ان ڪيا ٿي پڻ ڌنڌا رو ڪوئي پڻ ڪاريگر

وڙي اُوتا شهر ۾ ڪيڏي نئين زڙه.

ان گهڙي رو آواز پڻ

وڙي اُوتا شهر ۾ ڪيڏي هومپڙيام نئين آه.

②3 ان ڏيوا رو سوجهرو پڻ

وڙي اُوتا شهر ۾ ڪيڏي نئين زهڪه.

ان لاڏا ان لاڏي ري ڪشي رو آواز پڻ

وڙي اُوتا شهر ۾ ڪيڏي هومپڙيام نئين آه.

ڪم تو اُوتا شهر را واپاري ڏنيا را موتا منڪ هتا،

ان اُوتا شهر ري ڪري ٻڌي قومون زوئنه جادو ٿي شيتراڻي گهي،

②۴ ان پڳوونَ رو نياپو ډيډا واژون رو
 ان پڳوونَ رون سُونيدل منكون رو
 ان پُوري ڏنيا ۾ زتون منكون رو کون ٿيوه،
 اوئون ٻڌون رو کون اوئا شهر ري منکي کريوه.

آکاش ۾ ريا واڙا ٻڌائي پڳوونَ را وکون کرئھ

19 ① تيا کيڙ مئين آکاش ۾ زوئنه الاهي گهئون منكون رو هيڪ موتو
 آواز ام کيتون هومپڙيو:

”هليلُويا! پڳوونَ را وکون ٿئھ!

تارن، مون ان کڙا اپئا پڳوونَ رئي سئھ،

② کم تو اوئا را قينصلا هاسا ان انصاف واڙا سئھ.

کم تو اوئھ هايا گهڻي پُونڌي ڏوشي نئھ سزا ڏيڏيھ

جيئھ پُونڌو کوم کري کرين ڌرتي نئھ کراپ کڙيٿ پڙي،

ان هايا نئھ سزا ڏين آپرون شيواڌاريون را کون رو پڌلو ليڏوھ.

③ ان اوئي گهڻي زئي وڙي کيڏو:

”هليلُويا! پڳوونَ را وکون ٿئھ!

هايا پُونڌا شهر را ٻڙيا رو ڏونھاڙو

هميش هُوڌي اونسو سڙتو ريشي.

④ ان آکاش ۾ چوويه اڳيوون ان چار جيو پڳوونَ ري پڳي پڙيا، جيو گهاڌي

مانھ پينل هتو، ان ام کيتون اوئا رئي پوزا کڙي:

”آمين! هائي وات هاسئي سئھ.

”هليلُويا! پڳوونَ را وکون ٿئھ!

⑤ ٿيون گهاڌي ٿي هيڪ آواز ام هومپڙيام آيو:

”آپئا پڳوونَ را وکون کرو،

تمي ٻڌائي جيا اُوٺا را شيواڌاري سو

ان جيا اُوٺا رو مونَ راکوه،

نونا موتا ٻڌائي اُوٺا را وڪوڻ ڪروا!

⑥ تتيون مئين ايوو آواز هومپڙيو، جيوو الاهي گهڻون منڪون رو آواز، ان

جيوو گهڻا پوٽي را گهڻوگهات ان گهڻا ڳرا ڳاز رو آواز. اُوٺه آواز امر ڪيڏو:

”هليلُويا! پڳوونَ را وڪوڻ تئہ!

ڪم تو آڀڻو پڙيو پرميشور ٻڌون رو ڌڻي

ياڌشا تينَ راز ڪرئہ.

⑦ آڀي ڪش تيون ان ڪشي ڪرون

ان اُوٺا را وڪوڻ ڪرون!

ڪم تو او توڻو آيوه رو

زئيون پڳوونَ را نوم مانه ساڙل گهيتو

وشواسي منڌڙي نئہ آپ پيڙي راڪشي،

ان وشواسي منڌڙي آپري تيارئي ڪريه،

زوئئہ لاڏا رو ويوا رو توڻو آيو هوئہ

ان لاڏي آپري تيارئي ڪري هوئہ.

⑧ پڳوونَ اُوٺا نئہ پيريا هارو نائوڪا نائوڪا

سوٽي، ڌوڙا شيترا ان صاق لوگهڙا ڏيڏاه.

هايون سوٽي لوگهڙون رو مطلب او نائوڪا ڪوم سئہ، جيا پڳوونَ ري سونيل

منڪي ڪرياه.

⑨ تتيون آڪاشي ڏوت مون نئہ ڪيڏو:

”امر لڪ!

پاڳواڙا او سئہ جيا ايٺا ڪشي ڀر تيزاول سئہ

زئيون پڳوونَ را نوم مانه ساڙل گهيتو

وِشواسِي مندڙي ننه آپ پيڙي راکشي،
 زوئنه او وِيوَا ري داوت ۾ تپڙاؤل هوئه.

ان پسئم اوتئ مون ننه وڙي ڪيڏو:

”هائي ٻڌي واتون پڳون ري هاسي واتون سئم.“


⑩ تئيون هون اوتئا آڪاشي دوت رئي پوزا ڪريا هارو اوتئا ري پڳي پڙيو.
 پڻ اوتئ مون ننه ڪيڏو: ”هم مت ڪر! هون پڻ ٿارا زم، ان ٿارون پايون را زم
 جيا ايسو رئي پرل هاڪ موننه، پڳون رو شيواڌاري سون. تون مارئي نئين، پڻ
 پڳون رئي پوزا ڪر! ڪم تو تمي منڪ جيا ايسو رئي پرل هاڪ مونوھ ريا،
 ان هون جيو پڳون رو نياپو ڏيونھ ريو، آبي ٻڌائي هيڪ جيوَا سون.“

توڙا گهوڙا مانھ سڙل منڪ رو مثال

ايسو جيت ڪرين

پڳون رءُ ڪلاڦ وُويا واڙون منڪون نئ سزا ڏيشي

⑪ تئيون مئين آڪاش ڪلل ڏيڪيو. ان زوئو، هيڪ دوزو گهوڙو ڏيڪيام آيو ان اوتئا
 مانھ ڪوڪ سڙل هتو، جيا ننه ”ايموندار“ ان ”هاسو“ ڪئھ. او اِنصاف پرموئنه
 ڦينصلا ڪرئھ ان جنڳ ويئھ. ⑫ اوتئا ري اونڪيون ڏيوَتا ري زھراڙ جيوي هتي، ان



اوتئا را ماتا مانھ گھڻا تاج هتا.
 اوتئا مانھ اوتئا رو آپرو هيڪ نوم
 لڪل هتو. اوتئا نوم رئي اوتئا آپ
 شوَا ڪيا ننه ڪبر نتي. ⑬ اوتئا رو
 پيرل گھنگھو لوئي ۾ ڪرڙل هتو،
 ان اوتئا رو راڪل نوم ”پڳون رو
 وچن“ سئم. ⑭ آڪاشي دوتون ري
 قوز را توڙا دوزون گهوڙون مانھ

سٽينَ نائوڪا سوتِي، ڌوڙا ان صاف لوگهڙا پيرينَ اوٽا وونهڙ وونهڙ ويتات ريا. (15) اوٽا را مونڊا ٿي هيڪ تڪئي ترؤٽار نيهرئھ، زم اوٽا ٿي پگھون رئي وات نہ مونڊا واڙي قومون رون منڪون نئھ مارئھ. او لو رو گيڏيو لين پوري طاقت ٿي اوئون مانھ راز ڪرشي. او ٻڌون را ڏٿي پگھون ري سزا ري موتي هوڏي موئين ڌراڪون نئھ لتاڙين ڦيھلئھ ان پگھون رئھ ڪلاڦ وويڊا واڙون منڪون نئھ سزا ڏئھ. (16) ان اوٽا را گھنگھا مانھ ان اوٽا ري ھاڙر مانھ اوٽا رو اي نوم لڪل سئھ:

”پادشائون رو پادشا ان ڏٿيون رو ڏٿي.“

(17) تئيون مئين هيڪ آڪاشي ڏوت ڏي موئين اوپل ڏيڪيو. اوئھ ٻڌون پڪيون نئھ، جيا اونسآپ پر اوڏتات ريا، موتا ھاڙ ٿي اوتومئو ڪيڏو: ”وو را! پگھون ري موتي ڏاوت مانھ پيڙا ٿيو، (18) زم تمي پادشائون رو مونھ، قوزون رون موتون ساڀون رو مونھ، طاقت واڙون رو مونھ، گھوڙون رو مونھ ان گھوڙون مانھ سٽل قوزيون رو مونھ، ان گلمون رو ان آزادون رو، نونون موتون ٻڌون رو مونھ ڪاٽو!“



(19) تئيون مئين جھنگلي زناور ان اوٽا پيڙا ڌرتي را پادشا ان اوئون ري قوزون ڏيڪي. او ٻڌائي پيڙا ٿيل ھتا، زم او گھوڙا مانھ سٽل منڪ ان اوٽا ري قوز ٿي جنڳ ڪرئھ. (20) پڻ جھنگلي زناور زھلائي گيو، ان او پيزو زناور پڻ زھلائي گيو

جيو ڪوڙ هاڪلينَ آپ ننه پڳوونَ رو نيا پو ڏيڏا وازو ڪئو، جيئنه جهنگلي زناور را ڪيڏا ٿي پرسا ڏيڪاريا تا، ان آپرون پرسون ٿي اوئون منڪون ننه شيتريا تا، جيئي جهنگلي زناور رو نيشونَ آپ مانه هٿايو تو، ان جيا جهنگلي زناور رئي مُورتي پوزتا. اوئون بيئون ننه اوئا ڍنڍ موئين جيو تا ڦڳوڙيا پرا جيئي گهندڪ ري پاهي ٿي ٻڙتي رنه. (21) ان اوئون را پاها را پيزا ٻڙائي اوئا ترُونار ٿي مروئا، جيئي گهوڙا مانه سڙل را مونيا ٿي نيهرتي ٿي. ان ٻڙائي پڪي اوئون رو مونھ ڪائي ڪائينَ ڌراپيا پرا.

پورنڱ ناڳ رنه قيتي ٿيا رو مثال شيطونَ پڳوونَ را راز هيٺ رڪائھ

20 ① تيون مئين هڪا آڪاشي دوت ننه آڪاش ٿي اوترتون ڏيڪيو. اوئا ڪن پوتون را پونئيرا رئي ڪونسئي هٿي ان اوئا را هات ٻر هڪ موٽي هونڪر هٿي. ② اوئه پورنڱ ناڳ ننه زهاليو، جيو هاڳي زونا وڪت رو هاپ، ڏوه ڏيڏا وازو شيطونَ سئه، ان اوئا ننه هزار سالون هُوڏي هونڏيو پرو. ③ ان پسئه اوئا ننه پوتون را پونئيرا موئين هيٺ ڦڳوڙيو پرو، ان ڌروازو تازا ٿي پنڌ ڪرين ڌروازو سيل موهر ڪريو ان پڳوونَ رو نپو هٿيو، زم او دنيا ريون قومون ننه نه شيتره، زئون هُوڏي هزار سال پورا نه ٿنه. تيا ڪيڙ ٿوڙيڪ وار هُوڏي اوئا ننه ضرور سوڙشي.


④ تيون مئين گهاڏي ڏيڪي، ان اوئون مانه منڪ پينا، ان پڳوونَ اوئون ننه قينصلو ڪريا رئي اڪتبارئي ڏيڏي. ان مئين هايون منڪون را جيو ڏيڪيا. اوئون رو ماتو ايسو رئي پرل هاڪ ان پڳوونَ رو وچن مونيا ري ڪري ويو تو، ڪم تو اوئي جهنگلي زناور رئي پوزا نٿي ڪري، نڪو اوئا ري مُورتي رئي پوزا ڪري ٿي، ان نڪو آپرا نلاڙ ان هات مانه اوئا رو نيشونَ هٿايو تو. ان او جيو تا ٿيا، ان ايسو ڪريست پيزا او هزار سالون هُوڏي راز ڪرتا ريا. ⑤ هايا ننه پيرهين وار

جیوی اُونوو کئھ. پڻ پیزا منک جیا مری گیا تا، پڳوون اُونون نئھ تئیون هُوڊي جیوتا نه کریا، زئیون هُوڊي هائي هزار سال پورا نه تیا. ⑥ یا گوازا ان پویتر او سئھ، جیا پیرهین وار جیوی اُونیا رئھ توئئھ جیوتا تئھ. اُونون رو پیزو موت ماگی نئین تئھ، پڻ او پڳوون ان ايسو کریست را پوزاري تیشی، ان او ايسو کریست پیزا هزار سالون هُوڊي راز کرشی.

نین شیطون ان اوتا را پاها را منک همیشه را موت رئی سزا کاشی

⑦ زئیون هزار سال پورا تیشی، تئیون پڳوون شیطون نئھ قید تئی سوژشی. ⑧ ان پسئھ شیطون دُنیا را دنګ هُوڊي پوري دُنیا ریون ٻڌیون قومون نئھ شیتریا هارو ٻڌیل زاشی، زم جوج نومی آگبیون نئھ ان اوتا ری ماجوج نومی قوم نئھ، جیا پڻ پڳوون رئھ کلاڦ سئھ، اُونون ٻڌون نئھ او جنګ هارو پیزا کرئھ. اتا گهئا منک پیزا تیشی، زتئی سمونید را کپ مانھ وارئی سئھ.

⑨ هائي ٻڌائي گهاتا منک پوري دُنیا تئی آیا ان اوتا شهر نئھ ڦری آیا، جیئئھ پڳوون را سونیدل منک پیزا رئھ، جیا شهر تئی پڳوون پریم کرئھ. پڻ پاھی آکاش تئی کرئی ان حملو کریا وازون نئھ کتم کریا پرا. ⑩ ان شیطون، جیئئھ اُونون ٻڌون نئھ شیتریا تا، او پاھی ان گهندک ری ڍنید موئین ڦڳوزوئو، جیئئھ



جهنگلي زناور ان او پیزو زناور پڻ اگي ڦڳوزوئو تو، جیو کوژ هاکلین آپ نئھ پڳوون رو نیاپو ڍیدا وازو کیتو. اوتئھ او ٻڌائي ڊي رات همیشه هُوڊي پونڊي هازي سزا کاشی.

پڳوونَ اوئون منكون رو نيا كرشني جيا مري گياھ

① تئين مئين هيڪ موٽي ڏوڙي گهاڏي ان اوئا مانھ پينا واڙو ڏيڪيو. اوئا ڪن ٿي آڪاش ان ڌرتي پاڳي گيا، ان اوئون هارو ڪيٽه ٿي ماڳ نه ريو. ② ان مئين اوئون منكون نٿه ڏيڪيا، جيا مري گيا تا. او نونا موتا ٻڌائي گهاڏي هوما اوپل هتا. ان او ڪتاب ڪولوئا، جيون ۾ منڪون را ڪرل ڪوم لڪل سٿه. ان هيڪ پيزو ڪتاب ڪولوئا، جيو جيون رو ڪتاب سٿه، جيا ۾ اوئون منڪون را نوم لڪل سٿه جيون نٿه هميش رو جيون زڙشي. ان مرل منڪون رو نيا اوئون رون ڪرل ڪومون پرموٽه ٿيو، زم هايون ڪتابون ۾ لڪل هتو. ③ زتا منڪ سمونڊ موئين ٻوڏي گيا تا، سمونڊ اوئون مرل منڪون نٿه آڀرا قوضا ٿي ساڏيا پرا ان پاسا ڏيڏا. ان زتا منڪ موت را قوضا ۾ مرلون را جگت موئين هتا، موت ان مرلون رٿه جگت پڻ اوئون مرل منڪون نٿه آڀرا قوضا ٿي ساڏيا پرا ان پاسا ڏيڏا. ان پسٿه هر هيڪ رو قينصلو اوئا رون آڀرون ڪرل ڪومون پرموٽه ٿيو. ④ تئين موت ان مرلون رو جگت پاهي ري ٻڙي ڍنڍ موئين ڦڳوڙوئا. پاهي رٿي ٻڙي ڍنڍ پيزو موت سٿه. ⑤ ان جيون پڻ منڪون را نوم جيون را ڪتاب ۾ لڪل نٿا، او منڪ پاهي ري ٻڙي ڍنڍ موئين ڦڳوڙوئا.

پڳوونَ نوو آڪاش ان نوئي ڌرتي ناوشي

21 ① تئين مئين نوو آڪاش ان نوئي ڌرتي ڏيڪي، ڪم تو پيرهون آڪاش ان پيرهين ڌرتي ڪم ٿي گيا تا، ان هيا ۾ سمونڊ هتو ٿي نئين. ② ان مئين يروشلم نومي ٻوٽر شهر نوو ٿيل ڏيڪيو. او پڳوون ڪن ٿي آڪاش موئين ٿي اوترتوت ريو، ان او ايوو تيار ڪرل هتو، جيوي لاڏي آڀرا لاڏا هارو شنگارل هوٿه. ③ ان مئين گهاڏي ٿي اوتومٿو هاڏ ام ڪيتون هومپريو: ”زوٿو، هوٿه پڳوون منڪون وسا رٿه،

ان اُوئون پيڙو هميش هُوڌي ريشي.
 ڌار ڌار قومون را منڪ اُوئا را سُونيل منڪ ٿيشي،
 ان پڳوون آب اُوئون پيڙو هوشي ان اُوئون رو پڳوون ٿيشي.
 ④ اُو منڪون ريون اونڪيون ٿي ٻڌائي هونهُوڙا پونهشي پرا،
 ان هُوئه موت نئين ٿئه،

ان نڪو ڌڪ، نڪو رُونڳو، نڪو ڌوڪ ريشي،
 ڪم تو پيرهيان جڳت ري واتون ڪتم ٿي گيه.

⑤ تنيون گهاڌي مانه بينا وائنه ڪيڌو:

”زوءُ، هُون ٻڌوئي ڪئين نوو ڪرونه ريو.“

ان پسئه وڙي مُون نئه ڪيڌو:

”اي لڪ، ڪم تو اي واتون مونيا جيوي ان هاسي سئه.“

⑥ تنيون اُوئه مُون نئه ڪيڌو: ”ٻڌي واتون پوري ٿي گيه. هُون پيرهئون ان
 آڪري سون، شروع وائو ان پڇاڙي وائو سون. جيو ترهو سئه، اُوئا نئه هُون آپ
 هميش را جيون ري ويرِي ٿي امهي پوڻي پيئاريه. ⑦ جيو اڏڳ وشواس راڪين
 پُونڌائي مانه جيت ڪرئه، اُوئا نئه هائي ٻڌوئي ڪئين زڙشي، ان هُون اُوئا رو
 پڳوون هويئه، ان اُو مارو ٻار هوشي. ⑧ پڻ هيمنت نه راڪيا وائو، وشواس ساڌيا
 وائو، پڳوون رئه ڪلاڦ ڌرم مانه وُوي وائو، کُون ڪريا وائو، پُونڌو ڪوم ڪريا
 وائو، جاڏو ڪريا وائو، مورتيون ان ڏيوئونون نئه پوزيا وائو، ان ٻڌائي ڪوڙ
 هاڪليا وائو، اُوئون رو پاڳ اي سئه جي اُو پاهي ان گهندڪ ٿي ٻڙتي ڍنڍ موئين
 ڦڳوڙاشي، جيو پيڙو موت سئه.“

نوا ٿيل يزوشلم شهر رو مثال


اڪر ۾ پڳوون را سُونيل منڪ پڳوون ڪن هڪ ۾ ريشي

⑨ تنيون اُو هات آڪاشي ڏوت، جيون ڪن اڳي آڪري موصيتون ٿي پرل هات

نُونِبَرَا هَتَا، اُوئونَ موئِنَ تِي هِيكَ زُتُو مُونَ كَنَ اِيُو اَنَ مُونَ نَنَهَ كِيَدُو: ”هَالَا! هُونُ تُونُ نَنَهَ اُو جِگَا ذِيكَارِيَه، جِيئَه وَشَواسِي مَنذَرِي هَمِيَش هُوَدِي پِگُوونَ رَا نُوْمَ مَانَه سَاژَل گَهِيَتَا پِيَرِي رِيَشِي، زَم لَادِي هَمِيَش هُوَدِي لَادَا پِيَرِي رَه.“ (10) اَن اُوئَه پَوِيَتَر اَتَمَا رِي كَرَا تِي مُونُ نَنَهَ هِيكَا مَوْتَا اَن اُونَسَا دُونِگَر مَانَه اُوپَاژِي لِيَدُو، اَن مُونُ نَنَهَ يِرُوشَلَمَ نُوْمِي پَوِيَتَر شَهَر پِگُوونَ كَنَ تِي اَكَاشَ موئِنَ تِي اُوَتَرَتُونِ ذِيكَارِيُو. (11) پِگُوونَ رُو زِبَكْتُو سُوَجَهَرُو اُوئَا شَهَر موئِنَ چَلَكْتوتَ رِيُو. شَهَر اِيُوو چَلَكْتوتَ رِيُو، جِيُوو مُونِگَهَامَ مُونِگَهُو كَاسَ جِيُوو اُوَزُوو يَشَبَ نُوْمِي هِيَرُو چَلَكْتَه. (12) شَهَر رَه چُوَدَارِي مَوْتِي اَن اُونَسِي پِيَنَتَ هَتِي. اَن شَهَر رَا بَارَه دَرَوَازَا هَتَا، اَن دَرَوَازُونِ مَانَه بَارَه اَكَاشِي دُوَتَ اُوپِلَ هَتَا. اَن دَرَوَازُونِ مَانَه اِسْرَائِيلِي قُوْمَ رُونِ بَارُونِ ذَاتُونِ رَا نُوْمَ پِنَ لَكَلِ هَتَا. (13) تَرَنَ دَرَوَازَا اَكُوْتَلِيَه پَاهَه هَتَا، تَرَنَ اوتَرَاذَلِيَه پَاهَه، تَرَنَ ذَكْنَاذَلِيَه پَاهَه، اَن تَرَنَ دَرَوَازَا اَكُوْتَلِيَه پَاهَه هَتَا. (14) شَهَر رِي پِيَنَتَ رِي پِيَاَدَا مَرِ بَارَه شِيپَرُونِ هَتِي، اَن اُوئونَ مَانَه پِگُوونَ رَا نُوْمَ مَانَه سَاژَل گَهِيَتَا رُونِ بَارُونِ مَكِ شِيلُونِ رَا نُوْمَ لَكَلِ هَتَا.

(15) جِيُو اَكَاشِي دُوَتَ مُونُ تِي بُولتوتَ رِيُو، اُوئَا كَنَ مَپِيَا هَارُو هِيَمَ رُو وَاَلِ هَتُو، زَم اُو شَهَر رُو، اُوئَا رُونِ دَرَوَازُونِ رُو، اَن اُوئَا رِي پِيَنَتَ رُو مَپَ كَرَه.

(16) شَهَر چُوَكُنْدِيُو هَتُو. زَتُو لُونِبُو هَتُو، اَتُو وِيكْرُو هَتُو. اَن اَكَاشِي دُوَتَ اَپْرَا وَاَلِ تِي شَهَر رُو مَپَ كَرِيُو، تُو شَهَر هَايَا هَاتَ هُو گَاثُو لُونِبُو هَتُو. اَن زَتُو لُونِبُو هَتُو، اَتُو وِيكْرُو هَتُو، اَن اَتُو اُونَسُو پِنَ هَتُو.



①7 تئيون اُوته شهر ري پينت رو ماپ ليدو ان اونا رئي ويكراي هيڪ هو چوتاليه نزي هتئي. هائي ماپ منكون ري نزي پرموئته هتو. ①8 پينت يشب نومي هيرا رئي ناوَل هتئي، ان شهر اوززا كاس جيوا هاسا هيم رو ناوَل هتو. ①9 پينت رئي پيادا قسم قسم رون هيرون ٿي ناوَل ان شنگارل هتئي. پيادا رئي پيرهئين شيبير يشب نومي هيرا رئي هتئي، پيزئي نيلم نومي هيرا رئي، ترئمئي شب چراغ نومي هيرا رئي، چارمئي زمرد نومي هيرا رئي، ②0 پونسمئي عقيق نومي هيرا رئي، سمئي لعل نومي هيرا رئي، هاتمئي پُڪراج نومي هيرا رئي، ائمئي فيروزه نومي هيرا رئي، نومئي زبرجد نومي هيرا رئي، دهمئي يمئي نومي هيرا رئي، اگيارمئي سنگي سنبلي نومي هيرا رئي، ان ٻارمئي ياقوت نومي هيرا رئي هتئي. ②1 ان ٻارنه دروازا ٻارنه موتي هتا، هر هيڪ دروازو هيڪوڪا موتي رو هتو. ان شهر رو وسليو موتو پڪو اوززا كاس جيوو هاسا هيم رو هتو.

②2 ان مئين شهر موئين پگوون رو ڪوئي مندر نه ڏيڪيو، ڪم تو ٻڌون رو ڌڻي پريو پرميشور ان پگوون را نوم مانه ساڙل گهيتو، او آپ اونا ماڳ سئ. ②3 ان شهر نئه نڪو ڏي را سوجهرا رئي نڪو انزوناڙيا را سوجهرا رئي ضرورت سئ، ڪم تو پگوون رو زبڪتو سوجهرو شهر نئه سوجهرو ڏئ، ان پگوون را نوم مانه ساڙل گهيتو اونا شهر هارو زوئنه ڏيوو سئ. ②4 ڏنيا ري ٻڌي قومون اونا شهر را سوجهرا ڀر ويشي، ان ڌرتي را پادشا آڀرو مال ملڳت اوئنه لي آوين پگوون را نوم مانه ڏيشي. ②5 اونا را دروازا ڪيڏي پنڌ نئين ٿئ، ڪم تو اوئنه رات ماڳي نئين پڙئ. ②6 ان ٻڌي قومون آڀرو مال ملڳت، مون ان شون اونا موئين لي آوشي ان پگوون را نوم مانه ڏيشي. ②7 ان اونا موئين ڪوئي پونڌي شينه ڪيڏي نئين اوئ، ان نڪو مورتيون ان ڏيوئونون نئه پوزيا وازو، ان نڪو ڪوڙو منڪ اونا موئين آوشي. پڻ روڳا او منڪ موئين آوشي، جيون را نوم هميش رو جيون ليڏا وازون را ڪتاب ڀر لڪل سئ، جيو جيون رو ڪتاب پگوون را نوم مانه ساڙل گهيتا ڪن سئ.

هميش را جيون را ذريا رو مثال آكاش ۾ ڀڳوون ڪن هميش هُوڌي هڪ ئي هڪ هوشي

22 ① تئيون آڪاشي دُوت مُون نئه هميش را جيون را پوڻي رو ذريا
ڏيڪارڙيو، جيو ڪاس جيو هيرا را زم اوزو هتو. ذريا اُوئا گهاڌي
ٿي نيهرتوت ريو، جئي ڀڳوون رئي ان اُوئا را نوم مانه ساڙل گهيتا رئي سئه،
② ان شهر را موتا پڪا را وس ۾ ويتوت ريو. ان ذريا رون ٻيئون ڪپون مانه
هميش را جيون را وڻ هتا. اُوئون وٽون مانه سال ۾ ٻارئه وار مئينئه مئينئه ميوا
تنه، ان اُوئون وٽون را پونڙا ٻڌيون قومون نئه هازي هوري راڪيا هارو سئه.
③ اُوئنه ڪوئي شينه پتل نئين هئنه. ان ڀڳوون رئي ان اُوئا را نوم مانه ساڙل
گهيتا رئي گهاڌي اُوئا شهر ۾ هوشي، ان ڀڳوون را شيواڌاري اُوئا رئي شيوا
ڪرشي. ④ ان اُو ڀڳوون نئه رُوپرو پاڙشي، ان اُوئا رو نوم اُوئون را نلاڙ مانه
لڪل هوشي. ⑤ اُوئنه رات نئين هئنه، ان اُوٽ رون منڪون نئه نڪو ڏيوا رئي
نڪو ڏي را سوجهرا رئي ضرورت هوشي، ڪم تو پريو پرميشور آپ اُوئون مانه
سوجهرو ڪرشي. ان اُو منڪ هميش هُوڌي پاڌشا ٿين راز ڪرشي.
⑥ تئيون آڪاشي دُوت مُون نئه ڪيڏو: ”هائي ٻڌي واتون مونيا جيوي ان
هاسي سئه. پريو پرميشور، جيو آپرو نياپو ڏيڏا واڙون نئه واتون همپراوئنه، اُوئه
مُون آپرا آڪاشي دُوت نئه آپرون شيواڌاريون نئه هائي واتون ڏيڪارڙيا هارو
ميليوه، جي واتون جلدتي ۾ ضرور ٿيشي.“

هيمنت راڪو ڪم نو ايسو جلدتي پاسو آيا واڙو سئه

⑦ تئيون ايسو ڪيڏو:

”زوئو، هُون جلدتي آوونھ ريو.

پاڳواڙو اُو سئه

جيو پڳوونَ را نياپا ري واتون مونڻه
جي ايٺا ڪتابَ موئين لڪل سئو.

⑧ مئين يوحنا هائي ٻڌي واتون هومپڙيه ان ڏيڪيه. ان زئين مئين هائي واتون هومپڙي ان ڏيڪي، تنيون هون اونا آڪاشي ڏوت رئي پوزا ڪريا هارو اونا ري پڳي پڙيو، جيئو مون ننه هائي واتون ڏيڪاري تي. ⑨ پڻ اونه مون ننه ڪيڏو: ”هم مت ڪر! هون پڻ ٿارا زم، ان ٿارون پايون را زم جيا پڳوون رو نياپو ڏيڏا وازا سئو، ان اوئون را زم جيا ايٺا ڪتابَ ۾ لڪل واتون مونڻه، پڳوون رو شيواڌاري سون. تون مارئي نئين، پڻ پڳوون رئي پوزا ڪر!“

⑩ تنيون اونه وزي مون ننه ڪيڏو: ”ايٺا ڪتابَ ۾ لڪل پڳوون را نياپا ري واتون تون ڪتابَ پنڌ ڪرين موهر مانه هئين هٿارين مت راکي. ڪم تو ايسو ره وزي پاسو آيا رو توڻو ڏوڪرو سئو.“

⑪ جيو منڪ پڳوون ره ڪلاڦ وه، او پلنه پڙيو پڳوون ره ڪلاڦ وه. ان جيو ڪراپ سئو، او پلنه پڙيو ڪراپ نموننه وه. پڻ جيو منڪ پڳوون ري وات مانه وه، او پڳوون ري وات مانه ويتو ره! ان جيو پويتر سئو، او پويتر نموننه ويتو ره!“

⑫ تنيون ايسو وزي ڪيڏو: ”زوڻو، هون جلدي آوننه ريو. ان مارا آيا ره توڻه هون منڪون ننه انصاب ڏيه، ان هر هيڪ ننه آپرون ڪرل ڪومون پرموننه ايوزو ڏيه. ⑬ هون پيرهيون ان آڪري سون، شروع وازو ان پڇاڙي وازو سون، هون هميش ٿي سون ان هميش هوڏي ريه.“

⑭ پاڳوازا او سئو جيا آپرا گهنگها ڏوئين آپ ننه پويتر راکه، زم اوئون ننه هميش را جيون را وڻ ٿي کاڌا رو حق زڙه، ان او دروازون ٿي شهر موئين زائو. ⑮ پڻ ڪوترا جيو ڪراپ منڪ،



جاڏو ڪريا واڙا، پُونڌو ڪوم ڪريا واڙا، ڪُون ڪريا واڙا، مورتيون ننه ان ڏيوئونون ننه پوزيا واڙا، ان او ٻڌائي منڪ جيون ننه ڪوڙي واتون وٺهه ان جيا ڪوڙ هاڪلهه، او ٻڌائي ٻارا ريشي.

①6 مٿين ايسو، آڀرو آڪاشي ڏوت ميليو، زم او تمون ننه وشواسي منڌڙيون هارو هايون واتون را پارام هاڪ پرين همپڙاوتنه. هون داڏو پاڌشا ري پيڊي رو وستار سون، ان هون چلڪيا واڙا پروڙيا تارا را زم جيت ان راز ڪريا واڙو سون.

①7 پويتر آتما ان وشواسي منڌڙي، جني لاڏي را زم آڀرا ڌڻي را آيا رئي وات زوئه رئي، ٻي ئي ڪئه: ”آوو!“ ان جيو اي واتون هومپڙهه، او پڻ ڪئه: ”آوو!“ ان جيو ڪوئي ترهو سئه، او آوتنه، ان جيا ننه وٺهه او هميش را جيون رو پوڻي امهي پيئه.

①8 هون اوئون ٻڌون منڪون ننه هوشيار ڪرونه، جيا ايتا ڪتاب ۾ لکل پڳوون را نياپا ري واتون هومپڙهه. جي ڪوئي ايتون واتون ننه وڌارنه، تو پڳوون اوئا منڪ مانه هائي مصيبتون ميلشي، جيون را پارام ايتا ڪتاب ۾ لکل سئه. ①9 ان جي ڪوئي ايتا ڪتاب ۾ لکل پڳوون را نياپا ري واتون گهت ڪرئه، تو پڳوون اوئا ٿي اوئا رو حق ڪوهي ليشي، زم او پيزون پيزو هميش را جيون را وڻ ٿي نه ڪائ، ان پويتر شهر موئين نه پيهئه، جيون را پارام ايتا ڪتاب ۾ لکل سئه.

②0 ايسو، جيئنه اي ٻڌي واتون هاڪ پرين همپڙاويهه، ام ڪئه: ”هوئه، هون جلدِي آوننه ريو.“

آمين! آوو، پرپو ايسو.

②1 پرپو ايسو تمون ٻڌون مانه ڪريا ڪرئه! آمين!

پوینتر انجیل را کاس وین

ابراہیم

ابراہیم هیک ایوو منک هتو جیا نئه پڳوون نَوئی قُوم نایا هارُو سُوندیو. زئیون او ان اوئا رئی ڈوشی ساره بی ئی ڈوگرا هتا، تئین پڳوون ابراهیم ئی وائیڈو کریو جی اوئا را اولاد ئی موتئی قُوم ئیشی، جیا قُوم ری کری پُوری دُنیا نئه آشیرواڈ زژشی (پیدایش 2:12-3).

هایا وائیڈا پرموتئه ابراهیم رو ڈیکرو اِضحاق تئو، ان اِضحاق رو ڈیکرو یعقوب تئو، جیا رو پیزو نوم پڳوون اسرائیل را کیو. اسرائیل رئی پیدیئو موتئی اسرائیلی قُوم ئی گئی. هایا قُوم موئین پرپُو اِسُو پیدئا تئو، ان او پُوری دُنیا رون منکون نئه ڈوهون رئی ماقتی دِیڈا هارُو ان شیطون را قَوضا ئی سڏایا هارُو آیو. ان هیوئه نمونئه پڳوون رو ابراهیم ئی کرل وائیڈو پورو تئو.

اسرائیلی

یهودی قُوم نئه اسرائیلی پڻ کئھ، کم تو پُوری یهودی قُوم هیکا اسرائیل نومی منک ری پیدیئو تئو سئ. اسرائیل رو نوم شروع یر یعقوب هتو، پڻ پڳوون اوئا رو پیزو نوم اسرائیل را کیو. اسرائیل را ٻارئه ڈیکرا هتا، جیون نئه اسرائیلی قُوم را ڈاڏا کئھ. ایئون ٻارون منکون تئو اسرائیلی قُوم ری ٻارئه ذاتون تئو.

ایلیاه

ایلیاه هیک پڳوون رو نیاپو دِیڈا واژو هتو، جیا ری هاتی پڳوون گهئا پرسا دیکارِیا، ان جیئئه گهئون منکون نئه پڳوون هوما واژیا. تیا کیژ پڳوون وائیڈو کریو جی او پُریو رئه آیا مور ایلیاه جیوو پیزو منک میلشی

جيو منڪون نٿه ڀڳوون هوما اوٽشي (ملاڪي 4:5-6). اي وائيدو يوحنا پوٽر سنون ڏيڏا واڙا مانھ پورو ٿيو (لوقا 1:17).

ڀڳوون را حڪم

ڀڳوون را حڪم او کاس حڪم سٺه جيا ڀڳوون اسرائيلي قوم واڙون نٿه ڏيڏا، زم او اوئون پرموٽه وٺه. اوئون نٿه موسي را لڪل حڪم پڻ ڪنھ، ڪم تو موسي ڀڳوون را ڪيڏا پرموٽه او حڪم لڪيا.

ڀڳوون رو راز

ڀڳوون رو راز ٿيون ٿنھ، زئيون منڪ ڀڳوون نٿه آڀرو يادشا مونيڻ اوٺا را ڪيڏا پرموٽه وٺه. ايسو آڀ اوين ڀڳوون ري مرضي مانھ پورٽه نمونٽه وين ڀڳوون رو راز ساوو ڪريو. زئيون منڪ ايسو مانھ وشواس اوٺنھ ان ڀڳوون ري وات مانھ ويوا مڏنھ، ٿيون او ڀڳوون را راز ڀر اوٺه. زئيون هيوا منڪ مري زانھ، ٿيون اوئون نٿه آڪاش ڀر ڀڳوون ڪن هميش رو جيون زڙشي، جيا نٿه تارڻ پڻ ڪنھ. هيا تارڻ نٿه ڀڳوون رو راز پڻ ڪنھ، ڪم تو اوٺه آڪاش ڀر ڀڳوون رو راز پورٽه نمونٽه وٺه.

ڀڳوون رو گهر

ڀڳوون رو گهر هيڪ موٽام موٽو مندر هتو، جيو يروشلم شهر موئين ناوٺ هتو. يهودي قوم را زاترو اوٺنھ زائين ڀڳوون را نوم مانھ مال سڙاوتا. تيام ڀڳوون را گهر نٿه ڌوم مندر پڻ ڪنھ. اوٺنھ پوزاري ڀڳوون رئي پوزا ڪرتا ان مال ان ڌونپ ڀڳوون را نوم مانھ ساڙتا.

70ع ڀر رومي قوج يروشلم شهر مانھ حملو ڪرين ڀڳوون را گهر نٿه ڪنھ ڪريو پرو. هيا وات را پارام ڀريو ايسو مور ٿي همپڙايو تو (لوقا 21:6). آڙ هوڏي ڀڳوون رو گهر وڙي نٿي ٺوروٺو.

پښتون را گهر را شيواداري

اي منک پښتون را گهر موئين پوزاريون ربي مدت کرتا ان پښتون را گهر ربي همپاژ کرتا. او بدائي لوي ري ذات تي هتا.

پښتون را مندر

پښتون را مندر گهڻا هتا. جيئن جيئن يهودي منک ريتا، اوئن او پښتون را مندر نوراوتا. پښتون رون مندرون موئين منک پښتي کرتا، پراڻا کرتا، شاستر هومپرتا ان پښتون ري واتون شيکتا. پڻ اوئن نکو پوزاري هتا، نکو مال سرتاوتا. پښتون رون مندرون ننه يهوديون را مندر پڻ کڻه، کم تو يهودي قوم را منک اوئن پښتي کرڻه.

پښتون رو نياپو ڏيڏا واڙا

پښتون رو نياپو ڏيڏا واڙا او منک سڻه جيون کن پښتون آپري وات ساوئي کرڻه، زم او پزون منکون ننه همپاڙوئن. پوټر شاستر را زونا قرار ڀر پښتون رو نياپو ڏيڏا واڙي ايسو را آيا را پارام گهڻو اڳي همپاڙيو تو. پښتون رو نياپو ڏيڏا واڙون ننه اڳم گيوني پڻ کڻه.

پوت

وشواسيون را شاستر پرموئن، جيا پوت منکون ننه سونتنه، او مرل منکون را جيو نتي، پڻ آکاشي ڏوت سڻه، جيا پښتون رڻه کلاف تيا، ان هوئن شيطون ري وات مانه وڻه. پوت منکون ننه تنگ کرڻه ان کوڙ کرين آپ ننه پيزا کياک رو جيو ڏيکارڻه.

پاشکا پرپ

پاشکا پرپ او پرپ سڻه، جيا ننه يهودي ايئا وات ري ياد ڀر مناوڻه،

جي پڳوون يهودي قوم ننه ڳلومي ٿي آزاد ڪراوين مصر ملڪ موئين ٿي ٻارئي ڪاڏيئي. پاشڪا پرڻ کاس ڪرين هڪا ڏي رئي پرڻ سئو، پڻ پورو هڪ هفتو هيا ننه مناوئو. پاشڪا پرڻ را هفتا ننه روٽيون رئي پرڻ پڻ ڪئو.

ايسو پاشڪا پرڻ رنه توڻه آڀرو جيو پڳوون را نوم مانه ڏين هوڙي مانه مريو، ان ترئمته ڏي وڙي جيوي اونيو. آڀرا هوڙي مانه مريا مور اوڻه پاشڪا پرڻ رو نوو مطلب راکيو جي او آڀرو جيو پڳوون را نوم مانه ڏيدا ٿي هر قوم موئين ٿي منڪون ننه شيطون را قوضا ٿي سڏاوين اوڻون ننه پچاوئو، زم او پڳوون ري وات مانه وئو ان اوڻون ننه هميش رو جيون زڙه. تيام وشواسي منڪ پاشڪا پرڻ مانه ايسو رنه جيوي اوني رو ڏي مناوئو.

پوزاري

شاستر موئين ايٺا ويڻ رو کاس مطلب سئو او منڪ جيا پڳوون را گهر موئين پوزا رو ڪوم ڪرتا، پڳوون را نوم مانه مال ان ڏونپ ساڙتا، ان پوري اسرائيلي قوم هارو پراتنا ڪرتا. ٻڌائي پوزاري لوي ري ذات ٿي هتا، ان او موسي را پائي هارون ري پيڏي را هتا.

پوٽر جگا

پوٽر جگا پڳوون را گهر موئين هڪ ڪوئي هتئي. اوڻا موئين پوزاري پڳوون را نوم مانه ڏونپ ساڙتا، ان اوڻا را اونگڻا مانه پوزاري پڳوون را نوم مانه مال ساڙتا.

پوٽرون م پوٽر جگا

پوٽرون م پوٽر جگا پڳوون را گهر رئي ٻڌون ٿي پوٽر جگا هتئي. او پوٽر جگا رو هاو موئينليو حصو هتو، جيا آڏو پڙڏو لاڳل هتو. پوٽرون م پوٽر جگا موئين او کاس پيٽي هتئي، جيا موئين او پتر راڪل هتا جيا مانه

پڳوون را ڏه حُڪم لڪل هئا. رُوڳو مُڪ پُوڙاري سال ۾ هيڪ وار اُوڻه زائي هيڪتو، زم اُو ٻڌي اِسرائيلي قوم رُون ڏوهون رِي ماقِيي مونڳهه.

پوٽر ڏي

يهوديون موئين پوٽر ڏي چنچر رو ڏي سئ. پوٽر شاستر پرموڻه پڳوون جڳت نايا رو کوم اچار را ڏي مانه شروع ڪريو، ان پسنه سوئون ڏيئون ۾ ٻڌوئي ڪئين ناوين هاتمه ڏي، مطلب چنچر ره ڏي آروم ڪريو. پڳوون اوئا هاتما ڏي نه پوٽر راڪيو، زم منڪ پڻ پوٽر ڏي را آروم ڪرئ ان پڳوون رِي پڳئي ڪرئ. تيام پوٽر ڏي نه ويهوما رو ڏي پڻ ڪئ. يهودي منڪ نه رُوڳو پڳوون رو اي حُڪم مونتا جي پوٽر ڏي رو آروم ڪروو، پڻ اوئي آروم رُوڙ پڻ نايو جي پوٽر ڏي رو ڪئين ئي پڻ کوم نه ڪروو. وشواسي همئه اچار را ڏي نه پوٽر ڏي راڪئ، کم تو اچار را ڏي رو پريو ايسو موت ٿي جيوي اوئيو تو.

پوٽر سنون

پوٽر سنون او ريت سئ جيا ٿي منڪ پاسئ جي او آڀرا ڪراپ کوم ساڏين پڳوون ري وات مانه ويشي. يوحنا پوٽر سنون ڏيڏا واڙه ڪيڏو جي منڪون ره آڀرا ڪراپ کوم ساڏين توبونه ڪروو ان پڳوون ري وات مانه ويو ان پوٽر سنون ليوو، تو پڳوون اوئون را ٻڌائي ڏوه ماق ڪرشي. ان اوئه منڪون نه پريو ايسو مانه وشواس راڪيا رو پڻ ڪيڏو. وشواسيون موئين، منڪ ايشور ٻاپ، ڏيڪرا ان پوٽر آتما را نوم ٿي پوٽر سنون لئ. ايتا ريت نه سنون سنسڪار پڻ ڪئ، ان گروڏارئا پڻ ڪئ، جيا ٿي منڪ پريو ايسو را شيل تئ، ان وشواسي منڌري موئين اوئه. شروع شروع ۾ پوٽر سنون ليڏا ري ريت ۾ منڪ پوٿي ۾ ٿئي هئا. همئه ڪوڪ هم ڪرئ ان ڪوڪ ماما مانه پوٿي نومين پوٽر سنون ڏئ.

پینتیکوست پرپ

یهودی پینتیکوست پرپ کئک رو قصل اوتريا مانه مناوئه. پینتیکوست یونانی ٻولي رو وین سئه جیا رو مطلب سئه پنجاه. یهودي منک پینتیکوست پرپ نئه پاشکا پرپ ٽي پنجاه ڏينون کيتر مناوئه. پرپو ايسو پاشکا پرپ رئه توئنه هوزي مانه مري گيو، ترئمئه ڏي وزي جيوي اونیو، چاليهون ڏينون هودی شيلون نئه ڏيکارا ڏيتوريو، ان آکاش مانه سڙي گيو. هیکا هقتا کيتر، پینتیکوست پرپ رئه توئنه، پوئتر آتما وشواسي منڌري رون منکون نئه زڙيو. پوئتر آتما رئه قصل اوتريا واري پرپ مانه آوو هیک نيشون سئه جي زم منک قصل لئين پيڙو کرئه، تم پوئتر آتما ري کري منک ايسو مانه وشواس را کين پگوون ري منڌري موئين پيڙا تيشي.

جيوي اونیو

جيوي اونیو پر ان جيوتو ٽيا پر قرق سئه. زئيون ايسو مرل منکون نئه جيوتا کريا، تئيون ٽيا کيتر او منک وزي پيڙون منکون را زم اپرا توئا مانه مري گيا. پڻ زئيون ايسو موت ٽي جيوي اونیو، تئيون اوتا رو ڏيل مريا وازو نتو. هيوته نمونئه زئيون نيا رئه ڏي پگوون مرل منکون نئه جيوي اوناڙشي، تئيون اوتون نئه ايئا ڏنيا وازو ماتي رو ڏيل نئين زڙئه، پڻ ايسو را زم ايوو ڏيل زڙشي جيو کيڏي نئين مرئه (1 کڙنتيون 15:35-55).

ڏوت

ڏوت پگوون را ڏوتل جيو سئه، جيون نئه پگوون اپري شيو کريا هارو نيا. او پگوون را کيڏا ٽي منکون نئه نياپا ڏئه، منکون رئي همپاڙ کرئه، ان کيڏيک کيڏيک کراب منکون نئه پگوون را طرف ٽي سزا پڻ ڏئه. ڏوت وائيرا را زم سئه، ان گهڻو کرين او ڏيکيام نٽي آوتا، پڻ زئيون او منکون نئه ڏيکارا ڏئه، تئيون گهڻو کرين او منکون جيو ڏيکائه.

شيطون پڳوون رو هيڪ دُوت هتو، پڻ او پڳوون ٿي اوپروت ٿين پڳوون رهه ڪلاڻ ٿيو ان پيڙا ڪئينڪ دُوت پڻ شيطون را پاها وازا ٿيا. شيطون ان اوٽا را پاها را دُوت منڪون رون منون ۾ گلت ڪيال نوڪين پوتون، زمرون، ان ديوتونون را رُوپ لين منڪون نئه نقصون ڏئه، پيوڙاوهه، اوئون نئه شيتريهه، ان منڪون ٿي هر قسم را پونڌا ان ڪراپ ڪوم ڪراوهه، زم او پڳوون رٿي شيوا ان پوزا نه ڪرئه پڻ ڏوه ڪرئه ان ڀرم ۾ پڙئه.

داڻود

داڻود يهودي قوم رو هيڪ سوڪرو هتو، جيا نئه پڳوون پاڌشا نايا هارو سونديو، ڪم تو او پڳوون ري مرضي مانه ويتو. او موٽو پاڌشا ٿيو ان پڳوون وائيدو ڪريو جي اوٽا ري پيڊي موئين ٿي هيڪ ايوو پاڌشا اوشي جيا رو راز ڪيڏي ڪتم نئين ٿئه (2 سموئيل 16:7، زبور 3:89-4).
ايٿا وائيدا پرموئنه پڳوون داڻود پاڌشا ري پيڊي ٿي پريو ايسو ميليو، جيا رو راز پوري دنيا مانه هميش ريشي (لوقا 1:33).

روتيون رٿي پرڀ

يهودي پاشڪا پرڀ را پورا هقتا نئه روتيون رٿي پرڀ ڪئه، ڪم تو اوٽا هقتا موئين اوئون نئه ڊيل روتئي کاڌا رو نا پاڙل سهه، ان روگي شيڪل روتي کاوو، جي جلدتي ۾ تيار ٿئه. هيوئه نمونئه يهودي منڪ ياد ڪرئه جي مصر ملڪ ري گلومي ٿي نيهر يا رهه توئنه اوئون نئه جلدتي ۾ پاڳوو پڙيو، ان جلدتي ۾ روتئي کاوئي پڙئي.

شاستر

شاستر او ڪتابون سهه جيون نئه پڳوون آپرون منڪون ٿي لڪاويهه. شاستر را ٻي حصا سهه. شاستر را پيرهيان حصا نئه زونو قرار ڪئه جيا رو مطلب سهه زونو وسن، ڪم تو اوٽا ۾ پڳوون را اڳلوڪا وسن را پارام لڪل سهه،

جيو پڳوونَ موسي را وکت ۾ اسرائيلي قوم ٿي ٻونڌيو تو (خروج 3:19-8، 17-1:20، 28:34). زُونو قرار زُونا زمونا موئين، پريو ايسو را آيا مور، لڪيام آيو. زونا قرار موئين موسي را لڪل حڪم، پڳوونَ رو نياپو ڏيڏا واڙون را ڪتاب، ان پزنون رو ڪتاب زبور پڻ سئ.

شاستر را پيزا حصا نئ نوو قرار ڪئھ جيا رو مطلب سئ نوو وسن، ڪم تو ايئا ۾ پڳوونَ را نوو وسن را پارام لڪل سئھ جيو پڳوونَ ايسو هات ٻڌون منڪون ٿي ٻونڌيوھ، جي جيو ڪوئي ايسو مانھ وشواس را ڪئھ، اوئا نئھ ڏوهون رئي ماقئي ان هميش رو جيون زڙشي (يرمياھ 31:31-34، متي 26:28). نوو قرار ايسو را آيا ڪيڙ لڪيام آيو. نوو قرار ايسو را پارام سئھ ان ايئا موئين ايسو ري حياتي، وشواسي منڌري ري شروعات ان وشواسي ڌرم را پارام لڪل سئھ. نوو قرار نئھ انجيل پڻ ڪئھ.

شاستر زوئيا واڙا

شاستر زوئيا واڙا او منڪ هتا جيا شاستر را زوئو هتا. او پيزون منڪون نئھ پڳوونَ را پارام شيڪاڙتا، ان ڪورئون موئين پڻ پڳوونَ رون حڪمون رو مطلب هزماوتا. اوئون نئھ شاستري پڻ ڪئھ.

شيطون

شيطون پڳوونَ رو دشمن سئھ، جيو هميش پڳوونَ رئھ ڪلاڪ ڪوم ڪرئھ. او پڳوونَ رو آڪاشي ڏوت هتو، پڻ آپ نئھ موتو هزمين پڳوونَ رئي مرضي ساڌين آپري مرضي مانھ ويوا مڏيو. او هميش ڪوڙ ڪرئھ، منڪون نئھ تنگ ڪرئھ ان اوئون ٿي ڏوه ڪراوا ڪرئھ. او پوتون رو مک پڻ سئھ، جيا نئھ يهودي منڪ بعلزبول، ايليس ان بليعال پڻ ڪيتا.

صدوقي

صدوقي يهودي ڌرم ري هيڪي پالتي رو نوم سئھ. صدوقي پالتي را منڪ

زونا قرار را رُوگا مُوسي را لکل شاستر نئه مونتا. اُو اينا وات مانه يقين راکتا جي مريا کيٽر منک وڙي جيوٽا نئين ٿئه. صدوقِي پالٽي را گهڻا منک پُوڙاري هتا، جيا پڳوون را گهر موئين پُوڙا رو کوم کرتا.

فريسي

فريسي يهودي ڌرم ري هيڪي پالٽي رو نوم سئه. فريسي پالٽي را منک زونا قرار را پورا شاستر نئه مونتا. اُو اينا وات مانه يقين راکتا جي مريا کيٽر منک وڙي جيوي اوئشي. فريسي پالٽي را منک سکتِي ٿي آپرا ڌرم مانه ویتا، ان پڳوون رون حُکمون ٿي وڌيڪ آپرا طرف ٿي حُکم ناوين اوئون مانه پڻ ویتا.

کريست

کريست اُو منک سئه جيا نئه پڳوون منکون نئه پچايا هارو سونديو. پڳوون اي وائيدو کريو تو جي اُو هيوو منک ميلشي، ان آپرا وائيدا پرموئنه ايسو نئه ميليو، زم آپون نئه ڏوهون رئي ماقئي زڙئه، ان آبي پڳوون ري سزا ٿي پچي زائون.

کريست يوناني ٻولي رو وين سئه، جيا رو مطلب سئه ”جيا مانه تيل نومل سئه.“ پڳوون را سونديل منک نئه کريست تيام کئو کم تو اوئون ڏيئون موئين زئيون منک يادشا سونديتا، تئيون اوئا را ماتا مانه تيل نومتا. کريست نئه مسيح پڻ کئو.

لاوي

لاوي يعقوب رو هيڪ ڏيڪرو هتو. پڳوون لاوي ري ذات نئه سونديئي، زم اُو پڳوون ري پُوڙا ان شيوا رو کوم کرئه. جيا لاوي ري ذات ٿي هارون ري پيڊي را هتا، اُو پُوڙاري هتا، ان جيا لاوي ري ذات ٿي پيزيون پيڊيون را هتا، اُو شيواڌاري هتا. اڳي زئيون يهودي قوم را منک رڻ موئين ريتا، تئيون

لاوي ري ذات را منک پڳوون را تنبو موئين پوزا ان شيوا کرتا. سليمان پادشا را وکت ٿي لين او يروشلم شهر م پڳوون را گهر موئين پوزا ان شيوا کروا مڌيا.

مسيح

مسيح او منک سٺه جيا نٺه پڳوون منکون نٺه پڄايا هارو سونديو. پڳوون اي وائيدو ڪريو تو جي او هيوو منک ميلشي، ان اپرا وائيدا پرموٺه ايسو نٺه ميليو، زم اپون نٺه ڏوهون رٿي ماڦٽي زڙه، ان آبي پڳوون ري سزا ٿي پڄي زائون.

مسيح عبراني ٻولي رو ويٺ سٺه، جيا رو مطلب سٺه ”جيا مانه تيل نومل سٺه.“ پڳوون را سونيل منک نٺه مسيح تيام ڪٺه ڪم تو اوئون ڏيون موئين زئون منک پادشا سونيدا، تيون اوئا را ماتا مانه تيل نومتا. مسيح نٺه ڪريست پڻ ڪٺه.

منک پوزاري

پوزاريون موئين ٿي هيڪ منک سونيل هتو، جيا نٺه منک پوزاري ڪيتا. او ڌرمي پنچائيت رو آڳيوون هتو، ان اوئا رو کاس ڪوم اي هتو، جي سال موئين هيڪ وار او پڳوون را گهر ري پويترون م پويتر جگا موئين زائين پوري اسرائيلي قوم رون ڏوهون رٿي ماڦٽي مونگتو.

منک شيلا

منک شيلا او شيلا سٺه جيون نٺه پريو ايسو سونيدا، زم او منکون نٺه ايسو را پارام شيڪاڙه. شروع م ايسو ٻارون زئون نٺه منک شيلا سونيدا. اوئي ايسو پيڙا رين اوئا ري واتون هومپڙي ان اوئا را ڪوم ڏيڪيا. زئون ايسو موت ٿي جيوي اوئيو، تيون اوئه منک شيلون نٺه ڏيڪاڙا ڏيدا ان اوئون نٺه اي حڪم ڏيدو جي او پريو ايسو را پارام هاڪ پرين منکون نٺه همپڙاوه.

پیزون کیونک کاس و شواسیون ننه پښ مځ شیللا کیتا، جیا ای هاگي کوم کرتا، مثال پولوس ان برنباس.

منک ذات رو ډیکرو

ایسو آپ ننه منک ذات رو ډیکرو کیتو. ایئا را بی مطلب سئه. هیک مطلب سئه روگو منک، کوټي پښ هوئه، جیا ټي ایسو رنه منک ټیا رټي وات ساوټي ډیکارل سئه. پیزو مطلب سئه، او کاس آکاشي منک جیو پگوون را طرف ټي ټدون منکون مانه راز کریا وازو سئه. ای مطلب دانې ایل را لکل شاستر را کتاب موټین ساوو ډیکارل سئه (دانې ایل 7: 13-14). ”رات رو پگوون مون ننه شپنو ډیکارو. مټین منک ذات را ډیکرا جیوو کیاک ننه ډیکيو. او آکاش رون واډزون پیرو اوتوت ریو. او پگوون کن آیو، جیو همیش ټي جیوتو سئه، ان اوئا ننه پگوون ډوکرو تیري گیو. پگوون اوئا ننه اکتیاری، مون ان راز ډیټو، زم هر قوم، ملک ان ټولي را منک اوئا رټي پوزا کرئه. اوئا رو راز همیش ریشي، ان کیډي کتم نټین ټئه.“

منک ذات را ډیکرا ننه منک ډیکرو پښ کئه.

موسې

موسې او منک هتو، جیا ننه پگوون سونډیو، زم اسرائیلی قوم ننه گلومي ټي آزاده کراوین مصر ملک ټي ټارټي کاډئه، ان اوئون رټي آگیوونټي کرئه. پگوون موسې ننه حکم ډیټا، زم او اسرائیلی قوم ننه پگوون را طرف ټي همپزاوئه.

موسې را لکل حکم

موسې را لکل حکم پگوون را حکم سئه، جیا پگوون موسې ننه منکون ننه همپزایا هارو ډیټا. موسې ای ټدائي حکم لکیا. موسې را لکل پونس کتاب سئه، جیا شاستر رو هیک حصو سئه. ایئون پونسون کتابون ننه موسې

را لکل حُکم کا مُوسِي رو لکل شاستر کئھ. ان ايئون نئھ نيئم شاستر پڻ کئھ.

ناکو ليذا وازا

يهُودي منک ناکو ليذا وازون نئھ گهت هزمتا، کم تو او ڌاري رومي حکومت هارو اپرون منکون ٿي ناکو ليتا، ان اپرون ڌاري قوم وازون ساپون ري گهري زيا ٿي اڀرائي زاتا. تيام پيزا يهُودي اوئون نئھ موتا ڏوهاري هزمتا، ان اوئون ٿي شپ راکتا.

وشواسِي

پريو ايسو نئھ مونيا وازون نئھ وشواسِي کئھ، کم تو او پريو ايسو مانھ وشواس راکئھ. وشواسيون نئھ مسيحي، عيسائي، ان کرسچن پڻ کئھ. وشواسيون ۾ کينڪ توڙا سئھ، مثال کيٿلڪ ان پروٽسٽنٽ، پڻ ٻڌون رو شاستر ان وشواس نومو هيڪ رو هيڪ سئھ.

هارون

هارون موسي رو هڳو پائي هتو. پڳوون هارون نئھ سونديو، زم او ان اوئا را اولاد پوزاري ٿين پڳوون رئي پوزا کرئھ ان اپري قوم ري ماڻي هارو پڳوون را نوم مانھ مال ان ڏونپ ساڙئھ. ٻڌائي پوزاري هارون ري پيڊي ٿي هتا.

هميش رو جيون

زنيون منک ايسو مانھ وشواس اوئئھ، تنيون اوئا رئي اڳلوڪي حياتي کتم ٿئھ، ان پريو ايسو ٿي واسطو راکين نوي حياتي شروع ٿئھ، ان مريا کيڙ اوئا نئھ تارڻ زڙئھ ان پڳوون کن آکاش ۾ رئھ. هايا نوي حياتي ان تارڻ نئھ هميش رو جيون کئھ.

يعقوب

يعقوب ابراهيم رو هڳو پوترو هتو جيا رو پيزو نوم پڳوون اسرائيل راكيو.
اسرائيلي قوم، جيا ننه يهودي پڻ ڪئھ، يعقوب ري پيڊي ٿي سئھ.

يهودي

يهودي هڪ قوم سئھ، جيا ننه اسرائيلی قوم پڻ ڪئھ. پڳوون اوتڻا قوم
ننه سونڊي، اوتڻا رئي همپاز ڪرئي، ان اوتڻا ننه آپرا حڪم ڏيڏا، زم او پڳوون
ري مرضي مانھ وئھ ان ڌاريون قومون ننه نمونو ڏيڪارڻين پڳوون هومي واڙئھ.
هايا يهودي قوم موئين پڳوون آپرو ڏيڪرو پريو ايسو پيڏا ڪريو.

پَوِيتَرِ اِنجِيلِ رَا كَاسِ مَزْمُونِ اِنِ حَوَالَا

آدَمِي اِنِ تَوْشِي رِيءِ اَبِتِ مِرِ كِيُوءِ نَمُونِءِ وَيُوو

مَتِي 19:4-6, 1 كُرنتِيون 7:1-16, اِفسِيون 5:21-33, كَلْسِيون 3:18-19, طِيطُس 2:3-5, عِبرانيون 4:13, 1 پِطرس 3:7-7

اَكَاشِي هِك

لُوقَا 12:32-34, يُوحنَا 14:1-3, 2 كُرنتِيون 5:8-8, فِليپِيون 1:23, كَلْسِيون 3:1, 1 پِطرس 4:5, 4:11, 1:21, 4:21, 5:22-22, 14:15-14

اِيسُو يِجُونِ رُو نِيكِرُو سِءِ

مَتِي 11:27-30, 16:13-17, لُوقَا 1:35, يُوحنَا 1:18, 5:19-29, 6:35-40, 8:58, 11:25-27, 14:5-11, 17:1-5, 20:26-31, مَك شِيلُونِ رَا كُومِ 3:13-16, 4:12-10, رُومِيون 1:3-4, 1 كُرنتِيون 3:11, 2 كُرنتِيون 4:4-6, 21:5, 2, 4:4-5, فِليپِيون 2:5-11, كَلْسِيون 1:15-20, 9:2-10, عِبرانيون 1:14, 7:28, 1 يُوحنَا 2:2-2, 5:20, 1:12-18, 19:11-16

اِيسُو رُو زَلَمِ

مَتِي 18:25, 23:1-2, لُوقَا 1:26-38, 20:1-2, يُوحنَا 1:14, 4:5-5, فِليپِيون 2:6-7, عِبرانيون 14:18

اِيسُو مَنكُونِ نِءِ شِيكَارِءِ اِنِ مُونَدُونِ نِءِ هَا زَا هُورَا كَرِءِ

مَتِي 4:23-25, 7:28-29, 9:36-36, 11:1-6, لُوقَا 4:14-44, مَك شِيلُونِ رَا كُومِ 10:36-38, يُوحنَا 20:30-31

اِيسُو گَهِنَا پِرَسَا نِيكَارِءِ

مَتِي 8:15, 8:33-28, 9:7-9, 9:33-18, 12:14, 12:22, 14:15-32, 15:28-22, 15:38-32, 17:14-18, 20:29-34, 21:18-22, مَرْقس 1:21-28, 7:32-37, 8:25-22, لُوقَا 4:8, 7:15-11, 13:10-13, 14:1-4, 17:12-14, 22:50-51, يُوحنَا 1:11, 4:54, 5:9, 9:7, 11:44, 6:4-6, مَك شِيلُونِ رَا كُومِ 2:22

ايسو زهلائه ان اوتانن موت رئي سزا ئيدا رو قينصلو تته

متي 68-47:26, 2-1:27, 31-11:27, مرقس 65-43:14, 20-1:15, لوقا 53-47:22, 71-63:22,
16-1:25, يوحنا 14-1:18, 24-19:18, 16-19:18

ايسو هوزي مانه مرانه

متي 56-32:27, مرقس 41-21:15, لوقا 49-26:23, يوحنا 37-17:19

ايسو مقوم موئين پورانه

متي 66-57:27, مرقس 47-42:15, لوقا 56-50:23, يوحنا 42-38:19

ايسو موت تي جيوي اونته ان ئيکارا تته

متي 20-1:28, مرقس 8-1:16, لوقا 49-1:24, يوحنا 14-21:1-20, مک شيلون را کوم 8-3:1,
32-24:2, 15:3, 10:4, 33:4, 43-39:10, 39-29:13, 3-2:17, 31-30:17, روميون 4:1, 25-24:4,
1 کُرنتيون 8-3:15, 21-12:15, 18:1

ايسو آکاش مانه سزي زانه

لوقا 51-50:24, مک شيلون را کوم 11-9:1, 36-32:2, 31-30:5, روميون 34:8, افسيون
23-20:1, فلپيون 11-9:2, عبرانيون 11-3:1, 9:2, 16-14:4, 26-25:7, 14-12:10, 1 پطرس 22:3

ايسو وزي دنيا یر پاسو اوشي

متي 44-29:24, يوحنا 3-1:14, مک شيلون را کوم 11-10:1, 21-19:3, فلپيون 21-20:3,
کلسيون 4:3, 1 اِسلنيکيون 10-9:1, 13:3, 11-5-13:4, 2 اِسلنيکيون 10-6:1, 4-1:2,
1 تيمثيس 15-13:6, 2 تيمثيس 8:4, عبرانيون 28:9, 2 پطرس 18-1:3, 1 يوحنا 3-1:3, 17-12:22, 7:1

پگون

مرقس 27:10, 30-29:12, لوقا 37:1, 36-35:6, يوحنا 24:4, مک شيلون را کوم 17-14:14,
31-22:17, روميون 23-18:1, 36-33:11, 1 کُرنتيون 6-4:8, 2 کُرنتيون 3:1, 1 تيمثيس 17:1,
16-15:6, عبرانيون 13:4, 31-30:10, يعقوب 17:1, 1 پطرس 17-14:1, 1 يوحنا 5:1, 12-7:4,
16:4, يهوداه 25-24:1, 11-8:4, 4-3:15

پِڳوون منگون مانه پلائی کرئه ان اوئون رئی همپاز کرئه

متی 6:25-34, 10:29-31, مُک شیلون را کوم 14:15-17, رومیون 8:28, 11:36, کلسیون 17:1, عبرانیون 3:1, یعقوب 4:13-16

پِڳوون را باز

یوحنا 12:13-17, رومیون 8:14-17, گلتيون 4:6-7, عبرانیون 12:5-11, 1 یوحنا 3:3-3

پِڳوون را نوم مانه مال سازیا رئی ضرورت نئی

متی 9:13, مرقس 12:33, رومیون 1:12, عبرانیون 9:6-10:18

پِڳوون ریون واتون مانه ویوو

یوحنا 14:15, 14:21, 14:23-24, 15:10-17, رومیون 13:8-10, 1 پطرس 1:14-16, 1 یوحنا 2:8-3, 3:22-24, 2 یوحنا 5:6-5

یونئو کوم نه کروو

متی 5:27-30, یوحنا 2:8-11, رومیون 13:8-10, 1 کُرتتیون 5:9-11, 6:9-20, گلتيون 5:9, افسیون 5:3, کلسیون 3:5-6, 1 تِسلنیکیون 4:1-8, عبرانیون 13:4, یهوداه 1:7

تارن

یوحنا 3:16-17, مُک شیلون را کوم 2:37-39, 4:12-12, رومیون 5:1-11, 10:9-13, افسیون 1:2-10, 1 تِیمتیس 1:15-16, 2:3-7, 1 پطرس 3:5-5

تنڱ - منک وشواسیون نئ تنڱ کرشي

متی 5:10-12, مرقس 9:13-13, لوقا 4:9-9, یوحنا 15:18-21, 1:16-4, مُک شیلون را کوم 5:41, رومیون 8:35-37, 12:14, 12:17-21, 1 کُرتتیون 4:13, 2 کُرتتیون 4:8-11, 10:12, فلیپون 1:28-29, 2 تِسلنیکیون 1:4-8, 2:3-4, 2 تِیمتیس 3:10-13, عبرانیون 10:32-39, 3:3-4, 1 پطرس 3:17, 4:19-12, 2:19

توبونه

متی 4:17, مرقس 6:12, لوقا 1:13-5, 1:15-31, 24:45-47, مُک شیلون را کوم 2:37-40, 3:19-20, 17:29-31, 20:19-20, 2 کُرتتیون 7:8-11, 2 پطرس 3:9, 9:21-20

ٲورو مونوو

لُوقا 17:11-19، یوحنا 6:11، رُومیون 1:21، افسیون 5:20، فلیپون 4:4-7، کلسیون 2:7، 3:17،
2:4، 1 تسلیونکیون 5:18، 1 تیمیٲس 1:2، 4:4-5

پراتنا کیوٲ نمونٲ کروو

مٲی 6:13-5، 7:7-11، 18:19-20، مرقس 11:24-25، لُوقا 11:13-1، 18:1-8، 21:36، یوحنا
14:13-14، 7:15، 16:23-26، رُومیون 8:26-27، 12:12، افسیون 2:18، 6:18، فلیپون 4:6-7،
کلسیون 2:4، 1 تسلیونکیون 5:17، 1 تیمیٲس 2:1-4، 8:2، 4:4-5، عبرانیون 4:16، 10:19-22،
یعقوب 1:5-8، 2:4-3، 18:13-5، 1 پطرس 4:7، 1 یوحنا 3:22-21، 5:14-15

پراتنا را نمونا

مٲی 11:26-5، 14:23، 19:13-15، مرقس 1:35، لُوقا 5:16، 6:12، 22:32، 22:39-46، یوحنا
11:42-41، 17:1-26، مُک شیلون را کوم 4:24-31، 16:25، 20:36، 21:5، رُومیون 1:9-10،
10:1-2، 15:30-33، 2 کُرتیون 12:7-10، افسیون 1:15-20، 3:21، 6:19-20، فلیپون 1:3-5،
1:9-11، کلسیون 1:9-12، 3:4-4، 1 تسلیونکیون 3:9-13، 2 تسلیونکیون 1:11-12، 3:1-5،
عبرانیون 5:7، 7:25

پریو یوزن

مٲی 26:26-30، مرقس 14:22-26، لُوقا 22:14-20، 1 کُرتیون 10:14-22، 11:17-34

پریم - یڳوون منکون تی پریم کرئھ

یوحنا 3:16، رُومیون 5:8، افسیون 2:4-5، 1 یوحنا 4:9-10

پریم - یڳوون تی پریم کروو

مٲی 22:37-38، مرقس 12:28-30، یوحنا 14:21، 1 پطرس 1:8، 1 یوحنا 5:3

پریم - بیزون تی پریم کروو

مٲی 5:43-48، 22:39، یوحنا 13:34-35، 15:12-17، رُومیون 9:10، 13:8-10، 1 کُرتیون
13:1-13، 16:14، گلتیون 5:13-14، 1 تسلیونکیون 4:9-10، 1 پطرس 4:8، 1 یوحنا 2:9-11،
3:21-11، 7:21

پَوتِر اَنما

مَتِي 19:28، مَرَقِس 1:9-11، 30-28:3، لُوقا 1:35، 16:3، 1:4، 13:11، 12:12، يُوَحنا 1:32-34، 8-5:3، 39-37:7، 17-15:14، 26:14، 26:15، 15-7:16، 23-19:20، مُك شيلون را كومر 1:4-5، 8:1، 18-1:2، 39-38:2، 31:4، 5-3:5، 17-14:8، 48-44:10، 4-2:13، 28:15، 10-7:16، 7-1:19، رُومِيون 5:5، 6:7، 16-9:8، 27-26:8، 1 كُرَتِيون 4:2، 16-9:2، 16:3، 11:6، 19:6، 13-1:12، 2 كُرَتِيون 22-21:1، 5:5، 14:13، 14:13، 5-2:3، 6:4، 18-16:5، 25-22:5، اِفسِيون 13-14، 17:1، 16:3، 4-3:4، 30:4، 20-18:5، 18-17:6، 1 تِسَلْنِيكِيون 1:5-6، 19:5، 2 تِسَلْنِيكِيون 13:2، طِيطَس 6-5:3، 14:9، 1 پِطرس 1:2، 11:1، 2 پِطرس 1:20-21، 1 يُوَحنا 2:20، 24:3، 8-6:5، 13:4

پَوتِر سَنونَ

مَتِي 20-18:28، يُوَحنا 3:22، 2-1:4، مُك شيلون را كومر 2:42-37، 8:12، 8-36:38، 10-44:48، 15-14:16، 33-31:16، 7-1:19، 16-12:22، رُومِيون 6:4-1، 4-1:6، 27-26:3، 12:2، 1 پِطرس 3:20-22

جِگَت رَو ناهوو

مَتِي 4:19، يُوَحنا 3:1، مُك شيلون را كومر 15:14، 26-24:17، 1 كُرَتِيون 8:6، 6:8، 16-15:1، 16-15:1، 2:1، 3:11، 3:11، 11:4

حَكومت

مَتِي 22-15:22، مُك شيلون را كومر 29-27:5، رُومِيون 13:7-1، 1 تِيْمَثِيئِس 2:4-1، طِيطَس 1:3، 1 پِطرس 13:17

نُك سَهوو

رُومِيون 8-18:25، 28:8، 2 كُرَتِيون 1:4، 18-16:4، 18-16:4، 4:1، 4-2:1، 9-6:1، 9-19:2، 10-8:5

نوه - نوه كِي سئ

رُومِيون 18-32، 8-5:8، 8-5:8، 21-19:5، 21-19:5، اِفسِيون 2:3-1، 5-3:5، 3-1:2، 10-5:3، 10-5:3، 17:4، 1 پِطرس 3:4، 1 يُوَحنا 3:4-5

ٺوه - ٻڌائي منک ٺوه ڪرڻه

يُوحنا 7:8-9, رُوميون 9:3-20, 23:3, 12:5, گلتيون 22:3, 1 يُوحنا 8:1-10

ٺوه - ٺوهون ري سزا ٿي ڪم ڪرين پڇو

مٽي 28:10, 42-41:13, يُوحنا 20-18:3, 36:3, مُک شيلون را ڪوم 31-30:17, رُوميون 19-18:1, 23:6, گلتيون 8-7:6, ڪُسيون 6-5:3, 2 ٿسَلِيڪيون 9-7:1, 9, ڪيرانيون 27:9, 31-26:10, 1 پطرس 17:1, 5-3:4, يهُوداه 7:1, ڏرشن 15-11:20

ٺوشي نءَ نه ساڻو

مٽي 32-31:5, 9-3:19, لُوقا 18:16, رُوميون 3-2:7, 1 ڪُرنتيون 10-7:16

رنڌال ٺوشي

مُک شيلون را ڪوم 1:6, رُوميون 3-2:7, 1 ڪُرنتيون 40-39:7, 1 ٿيمٿيس 16-3:5, يعقُوب 27:1

شاستر

مٽي 4-1:4, 20-17:5, 29:22, يُوحنا 32-31:8, 31:20, مُک شيلون را ڪوم 32:20, رُوميون 4:16, 26:16, ڪُسيون 16:3, 1 ٿسَلِيڪيون 13:2, 1 ٿيمٿيس 13:4, 2 ٿيمٿيس 17-14:3, ڪيرانيون 12:4, 1 پطرس 25-22:1, 2 پطرس 21-19:1, 2 يُوحنا 10-9:1, ڏرشن 3:1

شراپ نه پيو

رُوميون 13:13, 1 ڪُرنتيون 11:5, 11-9:6, گلتيون 21-19:5, اِفسيون 18:5, 1 ٿيمٿيس 3-1:3, طيٽس 7:1, 1 پطرس 5-3:4

شيطون

مٽي 19:13, 41:25, لُوقا 13-1:4, 4-3:22, يُوحنا 44-42:8, 2 ڪُرنتيون 11-10:2, 4:4, 15-13:11, اِفسيون 2:2, 1 ٿسَلِيڪيون 18:2, 2 ٿسَلِيڪيون 12-9:2, 1 پطرس 9-8:5, 1 يُوحنا 10-8:3, ڏرشن 12-7:12, 3-1:20, 10:20

شيطون مانھ جيتو ان ٺورون صير ٿي سهو

مٽي 11-1:4, 13:6, لُوقا 32-31:22, يُوحنا 19-14:17, رُوميون 39-31:8, 12:12, 20-19:16, 1 ڪُرنتيون 13-12:10, 13:16, 2 ڪُرنتيون 10-7:12, اِفسيون 21-20:3, 18-10:6, فليپون 13:4

1 تِسْلَانِيڪيون 3:5-8, 2 تِسْلَانِيڪيون 3:3, 2 تِيْمَثِيَس 1:7-8, عِبرانيون 2:18, 4:14-16, 12:1-2,
يعقوب 4:7, 1 پطرس 1:5, 5:8-11, 1 يوحنا 4:4, 5:3-5, ڏرشن 12:7-12

ڪيس - ٻيزون مانھ ڪيس نہ ڪرو

مٽي 26:25-5, 42:38-5, 17:15-18, رُوميون 12:14-21, 1 ڪرنٿيون 6:1-8

ڪُشي رئي ڪبر

مُڪ شيلون را ڪومر 24:20, رُوميون 1:2-4, 17:16-17, 1 ڪرنٿيون 1:17-25, 7:1-15, گلتيون
1:6-12, افسيون 1:13, فلپيون 1:27, ڪلسيون 1:5-6, 1 تِسْلَانِيڪيون 1:5, 2 تِسْلَانِيڪيون 2:14,
2 تِيْمَثِيَس 1:8-11, 2:8-10

گريبي ٿي ويو

مٽي 5:12-3, 18:1-5, لوقا 14:7-11, 14:9-18, افسيون 2:4, فلپيون 2:3-11, ڪلسيون
3:12-13, يعقوب 4:5-10, 1 پطرس 5:7-5

ماڻهي - پريو ايسو را موت ري ڪري ٺوهون رئي ماڻهي زڙه

مٽي 26:26-29, رُوميون 3:25, 9:10, افسيون 1:7, عِبرانيون 9:11-14, 1 يوحنا 1:6-7,
ڏرشن 7:14-17

ماڻهي - پڳون ماڻهي ڏيڏا هارو تيار سڏ

مٽي 26:28, مرقس 11:25-26, مُڪ شيلون را ڪومر 31:5, 10:43, 18:26, افسيون 1:7, ڪلسيون
1:13-14, 2:13-14, عِبرانيون 10:17-18, 1 يوحنا 1:8-2

ماڻهي - پڳون وشواس راڪيا وازون نڌ ماڻهي ڏين ٺوهون ري سزا ٿي آزاد ڪرڻه

مُڪ شيلون را ڪومر 13:38-39, رُوميون 1:16-17, 3:21-26, 1:5, 9:10, 5:18-19, گلتيون
2:16, 3:6-9, طيطس 3:7

ماڻهي - ٻيزون نڌ ماڻهي ڏيو

مٽي 6:12-15, 18:21-35, مرقس 11:25, لوقا 6:37, 17:3-4, 2 ڪرنٿيون 2:5-11, افسيون
4:31-32, ڪلسيون 3:13

مائيترون ان بازون رټ ايت یر کيوټ نمونټ ويوو

متي 6-3:15, لُوفا 51:2, افسيون 4-1:6, کلسيون 20-21:3, 1 تيمټيس 4:3-5, 4:5, 8:5,
عبرانيون 11-7:12

مدت - پيزون رټي مدت کروو

متي 4-1:6, 7:12, 25:31-46, لُوفا 10-11:11, 6:38, مڪ شيلو را کوم 11:27-30, 1 کُرتيون
24:10, 2 کُرتيون 8:15-15:9, 15:1-15, 6:9-10, فليپيون 4:14-19, عبرانيون 10:24, 1:3-3,
16:13, يعقوب 1:27, 2:15-16, 1 يوحنا 16:18-18

ملگت

متي 6:19-21, 6:24-34, لُوفا 12:13-21, 12:32-34, مڪ شيلون را کوم 20:35, 1 تيمټيس
10:6-10, 6:17-19, عبرانيون 13:5-6, يعقوب 2:9-1, 5:6

موت

يوحنا 6:39-40, 11:17-27, 14:4-4, روميون 8:10-11, 8:38-39, 9-7:9, 1 کُرتيون
12:58, 2 کُرتيون 5:10-10, فليپيون 1:24-20, 1 تيسلنيڪيون 4:13-18, عبرانيون 2:14-15,
13:14, 22:4-1, 22:1

مورتئي پوزا ان جاتو

متي 4:10, مڪ شيلون را کوم 13:4-12, 17:22-31, 19:11-20, 1 کُرتيون 5:11, 9:6-11,
8:13-13, 10:1-22, 2 کُرتيون 6:14-18, گلتيون 5:19-21, 1 تيسلنيڪيون 1:9-10, 1 يوحنا 5:21,
15:22, 2:8

نرگ رټي سزا

متي 10:28, 13:41-42, 13:47-50, 25:41, لُوفا 16:23-26, 2 تيسلنيڪيون 1:9, 10:20-15,
8:21

نيا - پڳون ايسو را هيلاتي منكون رو نيا کرشي

متي 7:21-23, 16:24-27, 25:31-46, يوحنا 3:18-21, 5:24-29, مڪ شيلون را کوم 17:30-31,
روميون 2:11-11, 14:10-12, 1 کُرتيون 3:10-15, 4:5, 2 کُرتيون 5:9-10, 2 تيسلنيڪيون
10:5-10, عبرانيون 9:27-28, 10:31, 1 پطرس 1:17, 4:5, 11:15-11

ورت کيوٺ نمونٺ را کوو

متي 6:16-18، مرقس 2:18-20، مک شيلون را کوو 13:1-3، 14:23

وشواس

رُوميون 5:1-2، 1 کُرنتيون 13:13، 2 کُرنتيون 5:6-7، گلتيون 5:6، عبرانيون 11:1-40، يعقوب 1:2-8، 2:14-16، 1 پطرس 1:3-9

وشواس را کيا ٿي تارن زڙه

يُوحنا 1:12، 3:15-18، 6:3، 7:47، 14:6، 20:31، مُک شيلون را کوو 4:12، 16:30-31، رُوميون 3:20-22، 10:9-10، گلتيون 2:16، افسيون 2:8-9

وشواسيون رٺ آيت ۾ هپ را کوو

متي 18:19-20، مُک شيلون را کوو 2:41-47، رُوميون 12:4-8، افسيون 1:22-23، 4:11-16، کُلسيون 3:15-17، 1 تيمٿيس 4:13، عبرانيون 10:24-25

وشواسيون رٺ کيا هووو کپٺ

يُوحنا 13:34-35، 14:27، رُوميون 12:9-13، گلتيون 5:22-26، کُلسيون 3:12-17، 1 تِسلونيڪيون 5:16-18

وشواسي منڌڙي

متي 16:13-20، مُک شيلون را کوو 2:41-42، رُوميون 12:4-8، 1 کُرنتيون 12:12-30، افسيون 1:22-23، 2:19-22، 4:1-16، کُلسيون 1:18، عبرانيون 10:24-25، 1 پطرس 2:4-10، ڏرشن 19:5-10

وشواسي منڌڙي هارو کيا اڳيون ان شيواندازي سُونيوو کپٺ

مُک شيلون را کوو 6:1-6، 14:23، 1 تيمٿيس 3:1-13، طيطس 1:5-9

وشواسي منڌڙي رون اڳيونون رٺ کي کروو ان کيوٺ نمونٺ ويوو

متي 28:18-20، لُوقا 22:24-27، مُک شيلون را کوو 20:35، 1 تِسلونيڪيون 2:1-12، 1 تيمٿيس 4:1-16، 2 تيمٿيس 2:1-26، 3:10-17، 4:1-5، طيطس 2:7-8، 1 پطرس 5:1-4

وَشِوَأَسِي مَنْدَرِي رُونِ اَڳِيُونُونِ رُو مَوْنِ رَاكُو

1 كُرَنْتِيُونِ 9:14، گَلْتِيُونِ 6:6، 1 تُسْلُنِيَكِيُونِ 5:12-13، 1 تِيْمُثِيُسُ 5:17-22، عِبْرَانِيُونِ 13:7،

17:13

هَمِيْشِ رُو جِيُوْنِ اِنِ نَوِي حَيَاتِي

مَتِي 19:16-30، لُوْقا 10:28، يُوْحَنَّا 3:16، 5:19-29، 10:10، 11:25-26، 14:6، 17:2-3،
20:31، رُوْمِيُونِ 5:21، 6:5-14، 8:10-17، 2 كُرَنْتِيُونِ 5:17، گَلْتِيُونِ 2:20، اِنْسِيُونِ 2:1-6،
كَلْسِيُونِ 2:13، 3:1-4، 2 تِيْمُثِيُسُ 1:10، طِيَطُسُ 3:4-7، 1 پَطْرُسُ 1:23، 1 يُوْحَنَّا 5:11-13

هَازَا هُوْرَا - اِيْسُو رَا نَوْمِ تِي مَنْكُونِ نَنْدُ هَازَا هُوْرَا كَرُو

مَتِي 4:23-25، 9:35، 11:2-5، مُكْ شِيْلُونِ رَا كَوْمِ 3:1-6، 8:4-8، 11:16-19، 28:8-9،
1 كُرَنْتِيُونِ 12:9، 12:29-30، 2 كُرَنْتِيُونِ 12:7-10، 1 تِيْمُثِيُسُ 5:23، 2 تِيْمُثِيُسُ 4:20، يَعْقُوْبُ

5:14-15

يَقِيْنِ

مَرْقَسُ 11:22-25، لُوْقا 17:5-6، يُوْحَنَّا 14:1، رُوْمِيُونِ 14:22-23

زونا قرار رون کتابون را نوم

English	پروتستنت	کیتاک	English	پروتستنت	کیتاک
Ecclesiastes	واعظ	جامع	Genesis	تکوین	پیدائش
Song of Songs	غزل الغزلات	نشد الاناشید	Exodus	خروج	خروج
Isaiah	یسعیاہ	اشعیا	Leviticus	اجبار	اجبار
Jeremiah	یرمیاہ	ارمیا	Numbers	عدد	گنتی
Lamentations	نوم	مرثیے	Deuteronomy	تشدیرء شرع	استشنا
Ezekiel	عزقی ایل	عزقیال	Joshua	یوشع	یشوع
Daniel	دانی ایل	دانیال	Judges	قضات	قضاة
Hosea	ہوسع	ہوشع	Ruth	راعوت	روت
Joel	یوئیل	یوئیل	1 Samuel	۱- سموئیل	۱- سموئیل
Amos	عاموس	عاموس	2 Samuel	۲- سموئیل	۲- سموئیل
Obadiah	عوبدیاہ	عوبدیاہ	1 Kings	۱- ملوک	۱- سلاطین
Jonah	یونہ	یونس	2 Kings	۲- ملوک	۲- سلاطین
Micah	میکاہ	میکا	1 Chronicles	۱- اخبار	۱- تواریخ
Nahum	ناحوم	نحوم	2 Chronicles	۲- اخبار	۲- تواریخ
Habakkuk	حبقوق	حبقوق	Ezra	عزرا	عزرا
Zephaniah	صفنیاہ	صفنیاہ	Nehemiah	نحمیاہ	نحمیاہ
Haggai	حجی	حجائی	Esther	استیر	آستر
Zechariah	زکریاہ	زکریا	Job	ایوب	ایوب
Malachi	ملاکی	ملاکی	Psalms	مزامیر	زبور
			Proverbs	امثال	امثال